

**L'URLAND FURIOS D
MSSIR ALDVIGH
ARIOST TRADUTT IN
BULGNES DA
ERACLIT MANFRED**

Ludovico Ariosto, Eraclito
Manfredi, Raffaello Buriani





L'URLAND FURIOS

D' MSSIR

ALDVIGH ARIOST

TRADUTT IN BULGNES

DA

ERACLIT MANFRED

BÜLOGNA

NEI TORRE DELLA STAMPARIA PUBBLICA

1865.



L'URLAND FURIOS

D' MSSIR

ALDVIGH ARIOST

TRADUTT IN BULGNES


DA

ERACLIT MANFRED



BULOGNA 1865.

PR'I TORCH DLA STAMPARI REAL.



L'Editore intende riserbarsi i diritti
di proprietà, accordati dalle vigenti leggi.

ALL' ILLUSTRISSIMO

SIGNOR CONTE

CARLO PEPOLI

SENATORE DEL REGNO D'ITALIA

E

R. SINDACO DI BOLOGNA

Non meglio che a Voi, chiarissimo sig. Conte, potrebbe essere intitolata la stampa, ch'io pensai mandare in luce, di un manoscritto autografo da me posseduto, che è la libera traduzione nel nostro bolognese dialetto di quell'immortale poema dell'**Ariosto: L'ORLANDO FURIOSO**, che compieva nel passato secolo **Eraclito Manfredi**, non degenerate fratello di quell'**Eustachio**, che lasciò di sè nome così bello non solo in questa sua Bologna, ma nell'intera Italia.

Quel faticoso lavoro è ora da me tolto alla immeritata obblivione: ed oso dedicarlo a Voi, illustre sig. Conte, siccome cosa che torna a vanto di questa Città, di cui curate il sempre maggior lustro in quella eccelsa carica municipale, che la Regia benignità si piaceva conferirvi in questi tempi dell'avventuroso Italico risorgimento.

Piacciavi dunque tenerlo sotto i benevoli vostri auspicj, ed in pari tempo siavi sempre raccomandato chi, con profondo ossequio, ha l'onore di rassegnarsi

Di V. S. Illustrissima

Bologna, 30 ottobre 1865.

Umilissimo e Devotissimo Scrittore
FERDINANDO GUIDICINI.

L'URLAND FURIÒUS

IN BULGNEIS



SUNÈTT

Quèll missir Aldvig, ch' sâv rënders qusé famous,
Sparguiand al so nom in t l'univers
Per l'immaginativa e pr' i bi vers
Cun i qual a-l cantò d'Urland Furiòus,

L'accattava a Bulògna un tom curiòus,
Che, in t' a-l secol passà, cun un stil ters,
Vlënd pulid impiegar i muméint pers,
A-l le vultò in Ptrunian in mod graziòus.

A-l fù Eraclit Manfrèid ch' fé st lavurir,
Seinza curar fadig, difficultà:
Ch' Dio sà lù se 'l l'aràn fatt arrabbir!

E st lavurir, ch fa unòur alla zittà,
E-s gradirà ai bulgnis e ai furastir,
Lettur zentil, l'è quèll ch v'è presentà.

RAFFÈLL BURIAN.

1871

AL LETTORE

Il Malvasia, autore della *Felsina Pittrice*, disse con istrana similitudine che dalla scuola de' Caracci uscivano artefici in buon dato, come i greci eroi dal Cavallo di Troia. E fu osservato dipoi che in Bologna non tanto da una scuola artistica uscirono uomini segnalati, ma da una sola famiglia. Infatti, nel secolo scorso rifulse la famiglia degli Zanotti nelle scienze, nelle lettere e nelle arti. non pur ne' maschi, ma nelle femmine, e maggiormente quella de' Manfredi, dove quattro fratelli e due sorelle si segnarono nelle matematiche, nella filosofia, nella morale, nella medicina e nelle lettere: Eustachio, Emilio, Gabriele, Eraclito, Maddalena e Teresa. Nessuno di loro fece professione esplicita di letterato; pur tuttavia eran tutti poeti. Poeta rimatore il grande matematico Eustachio; poeta sacro il predicatore Emilio; poeta il filosofo Gabriele; poetesse le sorelle, favoleggiatrici; poeta Eraclito, medico e geometra. Il quale ultimo, frequentando le scuole di belle lettere, innamorò sì fattamente del fantastico poema dell'*Ariosto*, che si fu determinato di tradurlo in dialetto bolognese, e vi diede opera in età giovanile. E per vero il P. Pellegrino Orlandi, che stampava il suo Libro degli *Scrittori bolognesi* volgendo l'anno 1714, recava a pagina 191 questa precisa notizia: „ Il Poema dell'*Orlando Furioso* lo va traducendo in „ idioma bolognese Eraclito Manfredi, Dottore in Filosofia ed in Medicina, e „ fratello di Eustachio e Gabriele, letterati distinti „.

Or bene: del 1714 Eraclito Manfredi aveva trentun'anno, poichè era nato nel 1683, e già era nota questa sua fatica, che (a quanto puossi arguire) non condusse innanzi tutta d'un fiato; imperciocchè laureatosi egli il 3 gennaio del 1708, insegnava poi quasi tosto nel pubblico Studio la Medicina, e poscia ancora la Geometria. Anche l'espressione del Padre Orlandi *lo va traducendo* accenna a lavoro tratto tratto ripreso. Oltre di che, scorrendo siffatta versione libera, leggonsi alla stanza seconda del Canto XX questi quattro versi, che hanno che far coll'*Ariosto* come gli Zanni nelle tragedie:

- „ La Bassa Lavra Mari Catarina
- „ Ai nustr di an la vista addutturar,
- „ Sustintar cunclusion d Filusufi,
- „ E an l'ho udi rasunar d'Anatumi? „

Questi versi, sostituiti ai famosi di Messer Lodovico:

„ Le donne son venute in eccellenza

„ Di ciascun' arte ov'hanno posto cura „, ecc. ecc., fanno aperto che del 1732 (anno in cui la celebre donna veniva laureata) la versione del nostro Eraclito non era stata condotta per avventura oltre il Canto XX, sicchè nel tratto di diciotto anni, quanti ne scorsero dalla notizia del P. Orlandi alla laurea della Bassi, l'ardua fatica di lui non era giunta ancora a mezzo.

Eppure Eraclito Manfredi, benchè lettore pubblico, e benchè, come disse il Fantuzzi, consumasse la vita nelle cure d'infermi, dove fu valentissimo, non dimise giammai il pensiero della sua vagheggiata versione, la quale condusse a fine circa del 1752; essendochè, come narra il detto Fantuzzi, pervenuto esso alla vecchiaia, perdette mano mano la virtù visiva, sicchè alla fine morì cieco nella tarda età di 77 anni (1759). Le cose da lui messe a stampa sono inserite negli *Atti dell'Accademia delle Scienze*; fra le quali cose è notevole la relazione di una furiosa Meteora, che nel 1729 devastò il territorio ferrarese ed altri luoghi circonvicini. Nulladimeno, benchè poco lasciasse di scritti suoi pubblicato, era tenuto in altissima estimazione dai più famosi concittadini; e infatti Francesco Maria Zanotti, di nome imperituro, nel suo *Dialogo delle Forze vive*, lo introdusse a disputar seco nell'ardua materia.

Poco o nulla pubblicò dunque Eraclito Manfredi; ma lasciò, morendo, la traduzione del *Furioso* in dialetto bolognese, Codice cartaceo in foglio comune, del quale ha fatto cenno l'studito nostro Libraio sig. Ulisse Guidi negli *Annali delle edizioni e delle versioni dell'Orlando Furioso*, stampati nel 1861, dove, alla pagina 171, dice che questo interessante Codice „ è ora posseduto dal sig. Ferdinando Guidicini „. Nè volendo il possessore che un tal volume interessante resti più a lungo inedito e desiderato, sia per la fama del gran Cigno Ferrarese, sia pel merito singolare della traduzione, che ne fece il dott. Manfredi, lo ha dato alle stampe come qui si vede, assistito efficacemente dal sig. Raffaello Buriani, felice verseggiatore in idioma bolognese, che ne assunse la correzione tipografica, tanto più malagevole, dovendo conservare la ortografia usata a quei tempi. Quest'egregio ha dettato inoltre il *Sonetto bolognese* col quale l'Editore dedica la nuova pubblicazione a' suoi benevoli Concittadini.

Ecco pertanto la storia del presente volume, che il sottoscritto mette in luce, reputando di far cosa grata agli amatori della buona poesia tanto in lingua quanto in dialetto; e ciò tanto più, perchè, avendosi versioni assai dell'Ariosto, non si conosce che un breve saggio di traduzione in vernacolo bolognese, cioè *Il lamento di Bradamante*, voltato dal poeta artigiano Giulio Cesare Croce, e stampato dal Cocchi nel 1617. — Dando pertanto tutto intero il *Furioso*, si è riempita una lacuna, e soddisfatto al desiderio degli amatori di studi comparati: nel che fare si è cercato che l'edizione risponda al merito dell'opera che è resa di pubblica ragione.

Bologna, 30 Ottobre 1865.

FERDINANDO GUIDICINI
Editore.

L' URLAND FURIOS

CANT PRIM

ARGUMENT

*Angelica vi scappa da per ti,
Da Rinald al cavall scappa anca lù,
Al qual trova in quel menter ch' ai corr dri
Uccasion d' litigur con Ferrau.
Al Spagnol fa per l' elmu d' l' Argali
Un surament ch del prim l' usserva più.
Alligher Sacripant trova la diva
Mo a romprì al filatui Rinald arriva.*

1.

I Cavalir el Dam, gli arm e i amur,
El valuros impreis, la curtsi a cant
Ch suzzessen da qui di quand passò i Mur
Al mar d' Africa, e in Franza i nusin tant
Per seguitar el rabbi, odi e furur
D' Agramant al so re, ch s' era dà vant
D vleur vendicar la mort del re Truian
Sovra al re Carl imperator Ruman.

2.

D' Urland a cantarò medesamaint
Del coes ch n' in mai stà ditti in prosa o in rima,
D' un om ch' era quasi savi e quasi prudent,
E pur al tign pr' amor andar zò d' schrima;
Ch' al dvintò matt, e s' pers l' intendiment.
Basta ch' al mi zervell a sta sublima
Idea possa riuscir, e ch la pitruiana
Musa al piston n' m tigna alla luntana.

3.

Am vui un po' pruvàr ancora mi:
Cascarà 'l mond per quèst, cosa in po vgnir?
Se qui am faz minchiunar an son sol mi
Ch' ai criticà daga uccasion da dir.
Al salta fora pur a di per di
Di nuv pucta, spzial, ost, e barbir.
E nssun za i pagn addoss a quisti taia;
A mi sol dónca a s' ha da far la baia?

4.

An vui miga cumpeter con l' Ariost,
Nè cun qui ch scrissen ben anc in bulgneis;
Al virtù d quisti a so ch' a son più discost
D quel ch' è al parlar toscan dall' albaneis.
L' è un pur caprizzi che in testa em s' è post,
E, d divertim sol ai ho preteis,
Nè za pr' acquistar fama e rptuazion,
Nè immurtalarm, ch' a cgnuss d' n' esser bou.

5.

Donca a dirò ch' Urland innamurà
Era a qui di d' Angelica, e per li
L' aveva in India e in Tartari lassà
Più sign del so valor, dla zò curtsi:
Con li d' Urient in Franza era turnà,
Dov sotta ai mant altissim Pirini
Al re Carl con tutt i su suldà,
E tudisch e franzis, era accampà.

6.

Per far front a Marsili e al re Agramant
Ch' ern uni insem con di suldà magari,
Al re African n' aveva condutt quant
Psevn lanza purtar e scimitara:
Qu' alter ha tutta la Spagna e tant e tant
In d' ultim con sta zent i dinn in zara.
Donca Urland, emod a daeva, arrivò qui,
Mo d' essri vgnù ben prest al s' in pinti.

7.

Perchè Angelica tolta quai quai i fù,
Guardà cosa vol dir i cas uman!
Dal Levant al Puent questa da lù
Fu dfeisa con gran stent, fadigh da can:
Addess ch tra i su parint è smigh l'è vgnù
Senza contrast, al fin lassarla in man
Al re Carl, dal qual l'ai fù livà
Pr' ammuttar un gran fugh ch' s'era appizzà.

8.

Urland più d poch aveva gattaia
Quattr di inanz con so cusin Rinald
Al qual del blezz d' Angelica tuccà
Per sta sgnoura d'amor l'aveva al cald:
Mo a Carl ch' i permieva purassà
L'aiut d sti du, ch sicura era 'l più sald,
Tols la sgnurina causa d tutta l'ira,
Es la di in cura a Nam, duca d Bavira.

9.

A quell al la promiss in premi d lor
Ch' in t' al di dila battaia, ch'era avsin,
Contra di nmigh s' fuss fatt più bell'unor,
E ch' aviss ammazzà più Sarasin:
Mo in avn la furtuna in so favor,
Ch' anzi dsotta arstò Carl e i Paladin,
Del duca abbandonà fu al padiglion,
Pr' essr anca lù con tant armas person.

10.

Mo la putta, ch per manza era promissa
A quell di du ch s' fuss mei purtà quel di,
N' i siand chi l'ava in cura e custodissa,
Forsi indvina dl' avgnir, la s la batti:
Quand la zuffa era più viva e più fissa,
Dop aver tolt al mior cavall per si,
Scappand pr' un bosch, l' incuntrò per quai vi
Un cavalir armà, ch' andava a pi.

11.

Quest ha curazza addoss, e l' elm in testa,
Con la spada in zintura e al scud al braz:
Al curreva tant fort per la furesta
Ch' ai grundava al sudor zo pr al mustazz;
Quand Angelica al vist la fu ben presta
A vultars per la pora d' qualche impazz:
Al pars ch la vliss la bourda o un qualche bisson
O i sbirr ch la vliss condur in person.

12.

Rinald quest era, al Paladin gaiard,
Al fiol d' Amon, e prenzip d' Montalban;
Al qual era, poch fa, al cavall Baiard;
Senza saveir in ch mod, scappà dal man;
Angelica solament al prim guard
L' accgnuss, sebben ch l'era da luntan;
Rinald ancora lù prest l' accgnussì
Per quai che lù ha in mezz al cor sculpi.

13.

Più prest che d frezza Angelica di indri
Ficcanda pr' al fiss del bosch a spron battù;
Senza zercar qual s' fuss la miora vi,
Ch' ai bastava d n' andar in man a quai;
Perch la saveva aveiri troppa arli;
E tant andò girand e d sotto e in sù
Trasportà dal cavall, e tant viazò
Ch' alla sponda d'un fium la s'attruvò.

14.

Ferraù in t l' istess lugh era arrivà
Poch prima, tutt pulvros, e mui d sudor,
Dal camp d battaia al s' era alluntanà,
Per bevr, e pr' arsurars del gran calor:
Al s' era po per forza li affermà,
Ch' in t' al chinars, per vleur bever, ste sgnor,
L' elm i cascò d'in testa e andò a cascar
In t l' acqua, e s' en l' aveva pessù cttar.

15.

Qui donca vign, quant più la pss scappand
Angelica, e zigò com' è un inspirtà;
A quai vos salta in pi quai caminand
D Ferraù, e da quai part al di un' uccià;
E chi la fuss al la cgnussì currand,
Sebben ch' l'era quai smorta e scanzertà,
E ch l'era un pezz ch' an n' ha sintù parlar,
Ch la sippa quella al n' in po dubitar.

16.

E tra perchè l'era curteis, e pò
Quant i altr forsi ai n' era innamorà,
In tutt quell mai ch' al pseva al l'aiutò
Francament quant s' al fuss del tutt armà;
Al miss man alla spada, e prest andò,
Bravand, dov za Rinald era arrivà,
Sti du degli altr volt s' eru cgnussù
D vista non sol, mo al man anch i ern vgnù.

17.

A pi, cmod i ern, un gran cumbattiment
Cun la spada as cminzò tra sti du grugn,
Cun di culp ch' aren fatt a tutt spavent,
Mo nò a sti du ch san star ben sald e frugn:
In tant ch lor s' tirn addoss quai malament
La zovna mena del sprunà tamugn
Al cavall perchè al batta i su calcagn,
E s' al ficca per bosch e per campagn.

18.

Dop aver cumbattù un bon pezz in van
Sti du pr' esser l'un dl alter vinzitor,
Perchè per dirla con la spada in man
An sarè qual tra d lor s' chiamass al mior,
D Ferraù prima, al prenzip d Montalban,
Siccom quel ch' è sinteva un gran brusor,
E dal gran fug più al n' i pseva durar,
Vers al Spagnol al cmenza acqui a parlar

19.

Quand in gula zounna, ch'è passà per d quì,
Avissi vù qualch sorta d' pretension,
Anzi s' ai vliasi ben, emod ai vui mi,
Perch' al sol piar a tutt al bell e al bon:
Cosa aviv pò, s' arrest anch mort o fri?
L' è questa cert trista suddisfazion,
S la bella donna, ch' oltra vù an ari,
In st mentr ch' a tarden, li s' in vù vù.

20.

Donca al srà mei, s' ai vli ben anca vù,
Cecar, s' as pò, d' en la lassar scappar,
E po quand a l' arèn quasi qui tra d nù,
In manira ch la n z possa minciunar,
Turnar alla question: e vder chi è più
Degn d' aveirla in t' el man: mi n so trovar
Un partì più sicur e più expedient,
Che perder quasi qui al temp inutilment.

21.

Al Sarasin quel ch dis Rinald i pias,
Es differin d' accord sta so question;
E s' è tant veir, ch tra lor i fin la pas,
E ch' i dseven davvero in st' occasion,
Ch siand Ferraù a cavall, e senza armas,
Pr' esser scappà Baiard, al fiol d' Amon
Al prufers e pregò, e s' al tols in groppa,
E pò pr' el pedgh d' Angelica galoppa.

22.

Oh! gran buntà di Cavalir antigh,
Ch' adess an s truvare cert la cumpagna:
I en d religion diversa, e pr amor nmigh,
E per la guerra, e pur un s' accompagna
Cun qu' altr, com si fussen vir amigh,
E s van in cumpagni per gula campagna.
E al bon cavall, da quatr sprun tuccà,
Arriva dov in dou s partiss la strà.

23.

Mo quì in saveven po precisament
Per qual la bella donna aviss tirà:
Perchè dal pdà as vdeva chiarament
Ch' ai era per tutt don qualedun passà:
Lor s' accurdonn d cercar distintament,
Rinald per questa, e quell per qu' altra strà,
E per quel bosch tant al Spagnol zirò
Ch' al fium, dov l' era prima, al s' attruvò.

24.

Quand al s vist arrivà in t l' istessa sponda,
Dov in t l' acqua al zimir i andò a cascar
E dlla zounna al pinsir bisò ch l' arponda,
L' elm s' al pol al cerca d' attruvar:
Andand in t l' istess dritt, dov dentr in t l' onda
I era cascà al bertoch, al s miss a pescar;
Mo quell' era quasi fort piantà in t la lezza,
Ch' a pens, ch' al n' al prà aver cun tanta frezza.

25.

Con la brocca d' un albr armonda e lunga
Al fi una perdga pr' arriv in fond,
E questa al mett in t l' acqua, e zo l' aslunga,
E pesca e tasta instizzi e furibond:
Intant ch' al tira sta fazzenda in lunga
Con una rabbia più granda del mond,
In mezz al fium fora dall' acqua uscir
Al ved a mezza vita un Cavalir.

26.

For che in t la testa, l' era tutt armà,
E un bell' elm l' aveva stricc in man;
Qu' istessism ch' aveva tant zercà
In t l' acqua Ferraù, mo sempre in van:
Qulù diss a quistù quì mustrand cruzzà:
Traditor senza feid, e brutt maran,
T' aggriva forsi a lassarm al zimir
Ch' è tant za ch t em l' avev da retituir?

27.

Arcordet ben, furtan, quand t' ammazzass
D' Angelica el fradell, e a son quell mi,
In cumpagni degli altr arm, t' zuras
D' ficcar anch l' elm dentr in t' al ri:
E s la fortuna address t' ha arduitt a st pass
D' farm aver quell ch t n m vlev forsi dar ti,
D sta cosa n t metter affian, e st rest disgustà.
Av disgust d' aver al ton promess mancià.

28.

Mo pur st ha vuia d' un bell elm e fin,
Attrova un altr, e attrovel con to unor:
Un, emod a digh, al l' ha Urland Paladin.
Un alter n' ha Rinald, e forsi mior:
Quel fu d' Almont, e quest' era d' Mambrin.
Cerca d' avern un d quì, con to valor,
E quest ch' è quì ch d lassarm t em prumttiss,
T farà ben a lassarm, e d più al n' in diss.

29.

A vedr all' improvvis qu' ombra vgnir fora
D' in t l' acqua, a Ferraù tutt s' addressò
Al peil, es diventò smort dalla gran pora,
E la voss, ch vleva uscir, in gola arstò:
Mo quell anch più ch' al Sarasin accora,
Fu al sintir l' Argali (ch' acqui s chiamò
D' Angelica al fradell, da lù ammazzà)
In t al mustazz dari sta sbarbuzà.

30.

E n' avend temp da pinsar a una scusa,
Cgnussend ch l' aveva ditt la verità,
L' armas una bell' oca, a bocca chiusa,
Tutt l' erz, e brutt, dulent e svergugna:
Dop al zurò per l' anima dlla Lanfusa
Ch' altr elm al n' arè più ai su di purtà
Sn quel finisem ch tols in Aspromont
Al paladin Urland d' in testa a Almont.

31.

Un po' mei l'usservò st nov zurament
Ch'al n'avea fatt al prim pr al temp passà;
E da st fium al parti tant mal content,
Che la chizza i durò per punassà:
D' truvà al Paladin era 'l so intent,
E s'al zercò un gran pezz per tutt i là.
Intant al bon Rinald suzess evell altr
La strà battend differenta da quì altr.

32.

An camina gran fatt 'l Paladin,
Ch'al ved al so Baiard, dinanz i arriva,
Ferma, aspetta, Rinald dis, cavallin,
Ch'essar a pi senza ti fort a m'aggriva:
Mo an s'afferma al cavall gnanc a st latin,
Anzi più fort al va zo pr'una riva;
Rinald tutt instizzi i currevà dri;
Mo d' Angelica dsen ch scappava vi.

33.

La scappa per del mach e del buscai,
Per di dsert, per del riv, per di burrùn;
E a sentr muovr el frasc da un po d rvaì,
E 'l fui del fiopp, di ulm, e di querezùn,
La mostra aver timor, e gran travai
Finna a veder vular i galavrin;
E un po d'ombra, ch la veda, i fa vgnir cald,
Per pora d n'esser arzunta da Rinald.

34.

Cinod s'un tusett cuiss in t'un bel prà,
Per so divertiment, d'ogn fatta d fiur,
E al vdis una gran bisca amagnanà,
E neigra e zalla, e d cent altr culur,
Per la pora ch l'arè d n'esser murgà,
Al scappà zìgand, e agn po' d pladur,
Agn po' d cuslina ch l'udiss fustigar
La bisca al pinsarè ch'al vliss magnar.

35.

Quel di, e quà nòtt, e d quì altr la metà
L'andò zirand, e dov la n'al saveva;
Quand in fin la 's trovò d'esser arrivà
In t'un bel sit da star al fresc s la vleva;
Una bell'ombra ai era in tutt i là,
E zò per du riulin l'acqua currevà
Chiara quant'è un cristall, e un mot alzir
Da far vgnir vuia, a chi n l'aviss, d durmir.

36.

Quasi qui ai pareva a li d'esser sicura,
E da Rinald luntana più d mill mia;
Stracca dal viaz, arsaldà dall'arsura,
D vlers arpuassar in st mentr l'as cunssia:
La dsmona donca, es lassa alla pastura
Andar al brav cavall, senza la briia;
Al qual avend un gran bisogn d magnar,
Per qu'erba fresca 'l prinzipiò a pasquar.

37.

Li usservò poc luntan, in t'un macobion,
Fra di znevr, di brill, e spin bulzùn,
Per stari all'ora fatt un bel cason,
D cavrossen, d busel, e d clar, ma non d qui bün.
Interzà con tant studi e applicazion
Ch'al sol n' i possa intrar per bus nssùn,
Fatt a posta per stari al fresch e all'ora:
E quell ch'è dentr n'è vist da qui d fora.

38.

La bella sgnoura là s'andò a ritirar
Con pinsir d'arpussars, e vler durmir,
Za ch l'era stufà pr al gran cavalcür,
E da una banda mettr i su pinsir;
Mo poc la possù durmir, ch al la fi dsdar
Un armor ch la sinti vers l'acqua vgnir;
Queida queida la guarda, es ved in riva
Un Cavalir armà a cavall ch'arriva.

39.

Una gross'ora al stì con i uech bass,
Senza movers per nünt, senza parlar;
Dop al eminzò, cun ton dulent e bass,
A lamintars in mod, e a suspirar,
Ch l'arè per compassion fatt spzzar i sass,
E i cucudrill pietas sren possù dvintar;
I uech paren 'lou funtan, e pri suspir
La bocca e al pett la furnas dai biechir.

40.

S'al sippa amigh o nmigh li n'accapiss;
Da speranza e timor l'è travaia;
La vol pur vedr dov sta quà finiss,
E in mezz a st dubbj arrisgh la tira 'l fià;
Quel dsmona dov al ved al bosch più fiss;
E pò s trà in terra lung dsteis azacà,
E a pinsar ai fatt sù l'è tant attent
Ch'al par un sass, o un zocc propriament.

41.

Pinsir, al dseva, ch'em dà tant dutor,
Ch'em fa brusar in t'istess temp, e zlar,
Cos' oia da far più? s l'è sunà gli or,
E al frutt, ch' a vleva, a un altr è andà a tuccar?
A mi la bocca è sta missa in savor,
E a qualedun altr ai è tuccà d sgnazzar,
Mo quand an ho da aver cunsolazion
An serv ch'am metta gnanch tanta afflizion.

42.

La putta è em'una rosa in t'al zardin
Dov nssun possa andar a mettr el man,
Circundà dalla guardia di su spin,
E tutt la lodn, fin ch' i en d luntan:
La rusà, l'ora, i prim raz mattutin,
L'acqua, la terra, tutt unor i fan;
I zuvn innamurà, 'l donn, e i ragazz
Per fars la part in vron aver di mazz.

43.

Mo quand l'è despica, e ch la cmenza a impassir,
La perd el blezz, e sigh tutt al so unor,
In t'istessa manira, anch as po dir,
Fazza una putta ch cmenza a far l'amor;
S la n'è ben svelta a saver custodir
Dla so verginità al più nobil fior,
Quand l'ha pers quest, l'ha pers tutta la stima
Ch'in t'al cor di su mrus l'aveva in prima.

44.

Oh furtuna perversa, oh mi disgrazià!
A srò auca mi tra qui ch'arrestn al bur.
S' i altr trianfaran, mi abbandunà
Srò da quella, ch'em dà guai e d'ulur:
Cmod faroia, s'al l'ha un altr tucchè?
Ah ch'an pro dir d'Angelica an m'in cur!
Ah possia pur adess püntost cherpar,
Quand sta cucchina en m'ava più da amar!

45.

Chi sippa quest, s'un qualedun al dmandass,
Ch sgnola, ch suspira, e ch'es lamenta tant,
Ai arspundrò digand ch l'è al re Circass,
E travaia da amor, messir Sacripant.
Anch a dirò ch la causa di su pass,
L'urigin di su guai e di su piant
L'è ch'Angelica i pias ancora a lù;
E allora ben al fu da cegnüss.

46.

In Franza lù era vgnù sol per so amor,
Dai pais luntaniss di urient:
Ch'al sav in India, con so gran d'ulor,
Ch li aveva seguità Urland in punent.
L'aveva po auch savù ch l'imperator
L'aveva sequestrà dall'altra zent;
E po ch'l'aveva ditt ch li srè la manza
Per chi in t la guerra più aiutass la Franza.

47.

In camp al fu anca lù quand s cumbatteva,
E s vist la rotta d Carl e di Franzis;
D'Angelica zercà per tutt l'aveva
Senza ch l'in peiss aver da nssun avvis:
Quest era 'l gran perchè ch lù s'afflieva,
Di su travai questa era la radis:
D'Angelica l'amor è quell ch fa diri
Del parol e del cos ch paren mattiri.

48.

Adess, chi dsiss a quest, ch fa tant lament,
E dis del quà ch'al fan parer zo d ton
Pr'Angelica, ch li stessa è li present,
Ch la ved e s sent tutt quanti el sou deprazion,
Lu n'al cherdrev, e pur s dà st'azzident,
E la furtuna al serv in st'ocasion;
As ved ver quel pruverbi, ch dis ch'al vin
In t'un punt quell ch in zènt ann n'intravin.

49.

Sta bella zouvna, dla qual a dscurrèrn
El parol e i suspir d quel re l'ndi,
D quell, ch quant Rinald e Urland i vleva ben,
Ch li zà al saveva, e an è quest al prim di;
Mo dura più di saas ch'en zo per Ren
A compassion per lù brisa s muvi:
Perchè tutt quisti i fan vgnir nua e sdegn,
Pinsand ch an in fuss'un d spusarla degn.

50.

Mo l'attruvars sola in quel dsert lugh
I fa piisar d tor Sacripant per guida;
Perchè as sol dir, che chi ha bisogn del fugh
Bsò iuanz ch'al fazza al più ch'al pol el dida;
S'adess l'an chiappa st'ocasion, al zugh
Dla sort ni darà più campagnì fida
Quant è questa, tant più che pr al lugh us
La sà ch l'è al più mudest tra i altr mrus.

51.

Mo an i vin, cun tutt quest, in fantasì
D'esri curteisa con un po d'amor;
Anzi la vol cun del chiacchr e busi
Ingalluzzirl, e dari un po d savor,
Taut, fin ch'in India ai fazza campagnì,
E ch'ai sippa dla vita prutettor,
Ch'al l'aiuta ai bisugn, e ch'al la serva,
E quand l'è a cà turnar dura e pruterva.

52.

E fora dal cason, all'impravis,
Tutta bella l'as fa vedr all' amant
Con aria alligra, e cun un tal surris
Da far iuanmurar un cor d diamant;
Accustands al Circass: Addio, l'ai dis,
Al zil sempr v'assista, o Sacripant;
An poss cumpurtar d sicur, contra rason,
Ch'avadi d mi què cattiva upinion.

53.

Con tanta algrezza 'l mi cagnol en vin
A farm fest em'a torn a cà, e saltar,
Quant fu quella, ch'allora al Sarasin
Pravò, ch del zert al fu sguas per cherpar:
Al n'arè mai pinsà ch la i fuss què vain
Ne in t'un sit acqui fatt pserla attravar;
Sicura altr che lù, nssun pre mai dir
L'algrezza ch l'av a vderla cumparir.

54.

Tutt i dsurb al s dscurdò avù pr al pass
E, spint da amor, e per l'algrezza matt,
Ai cors avsin, es fu da li abbrazzà:
(S la fuss a cà l'an farè forsi st'att)
Vler turnar a cà so, e alla so città,
In campagnì so d lù la pinsò a un tratt,
Accugnssend ch far l'an psseva mior guadagn
Quant aver st marcantoni per campagn.

55.

La l'infurmò d tutt quell ch'era passà,
Cuntand cosa per cosa, d man in man;
In fin dal di, ch lù fù da li mandà
Pr aver aiut dal re di Serican:
E emod la fu dai dsastr tutt guardà,
E insin da mort, dal Senator Ruman;
E ch l'era putta netta, l'ai diss anch,
Iust emod quand la nassi, ne più ne manch.

56.

Ch'al fuss vera, al pol esser, mo an al cred,
E s'ai cred Sacripant l'è un bell minchion;
In t'un cas d sta natura, quel ch'a ved
A vui credr, e non zà agl'infurmazion;
Ch'è innamorà, a s sol dir, ch veì e ch n'i ved;
Ai ved con i uech, mo non qui dla rason;
E per se stessa la donna è ubbligà
In st cas purtar la part dla so onestà.

57.

S l'è stà quai bon Fī cavalir d'Anglant
D'en saver godr un beon acqui prezios,
Dop averl avù in man, e liber tant,
Mi sicura an vui essr acqui scrupol,
So dann, s l'è stà lù un matt, dis Sacripant,
Al srà per mi più dolz, e più gustos:
An vui miga ch'am scappa, perchè an sò
S'un uccasion quai fatta mai più arò.

58.

Mi mi a curiò sta rosa fresca e rara
D'in quel zardin dov l'è nada e chersù:
Zà ch'an i è fossa ne zèda ch la rpara,
E più bel comd chi sà s'al ho mai più.
S'ai farò un pò d viulenza, la i sra cara,
L'è un' usanza dal donn sempr mantgnù,
D far un pò el simitonì, e d fars pergar
Per darv quell, ch lor han più vuia d dar.

59.

Acquis al dis lù, es s'accosta pr abbrazzar
La ragazzina, e in st punt un gran armor
Lì poc luntan dal bosch s sent arrivar,
E s'al dsturba da psser sfugar l'amor;
Allora l'elm prest s torna a affiubar,
In tutt al rest l'è bell e armà ste signor,
Al s'accosta al cavall, in sella l' slanza,
Mittendi la breia prima, es tol la lanza.

60.

Dal bosch al ved un Cavalir ussir,
Ch'alla vista as accugnuss al guerr avià,
Al qual era vstù d bianc e in t'al zimir
Una spmaccira bianca era accundà:
Sacripant tutt dsgustà 'n psevea padir
Cho questù ch'arriva i deign i ava gnastà:
Per sta cosa d travers ai guarda fosc
Con un occh d basalich, ch'al par fin losch.

61.

Ai corr avsin, es al sfida a battaia,
La sella cun pinsir d furi vudar,
Mo qu'altr in fa iust cont quant d'una paia,
E s dis, pan pr i tu dint t vin a trovar,
E l'argui e l'bravur a mezz ai tsia,
Sprona al cavall e s mett' in att d giustar;
Sacripant chiappa lugh e cun timpesta
Is corn incontra, mirands alla testa.

62.

An s vò du gallitt contra quai inspirtà,
A dars di beutt, per causa dla gallina,
Cmod fa sti Cavalir, ch s'in za passà
Al seud in t'al prim scontr con arvina;
I mont s scoesen intorn, al boach, al prà,
E l'acqua del funtan dvintò clumbina;
E s'el n'ern el curazz bon e perfett
Is passavn da banda a banda al pett.

63.

I cavall anca lor en corsn in van
Is cuzzunon insem, cmod fa i muntun:
Quel d Sacripant armas dtes mort al pian
Cun tutt ch'al fuss per cert d qui brav e bun;
Qu'l'altr anca lù casò, mo cun la man
Fì tant al Cavalir, e cun i sprun,
Ch'al turnò in pi in t'un salt, mo qu'altr n s moss
Cun tutt al pes a Sacripant addoss.

64.

Al Cavalir vstì d bianc, ch'era a cavall,
Quand al vist qu'l'altr andà a tersacc per terra,
Al fi i su cunt d'avern assà d quel ball;
E an sti a badar s l'era finì la guerra:
Mo pr'al sintir, ch'andava vers la vall,
D'un bon gallopp in frezza in frezza s serra:
Quand del cavall as fu dsbruià al Circass,
Al bianc cavallan ben più d mill pass.

65.

Cinod alla prima arstava i Messican
Instramurti all'armor del canunnà
Per n'aver mai d qui urdign avù pr l man,
E n saver ch'a i aviss l'art inventà:
In t l'istessa manira al re pagan
Arstò confus, dulent e svergugnà:
Ai brusà l'esser a pi, mo l'è più trist
Ch'al so cascar Angelica ava vist.

66.

Li i aiutò a tors al cavall d'addoss,
Ch'an psevea da per lù brisa livar,
E se ben ch'al n ha rott la pell ne gli oss.
Al fa un gran lamintars e suspirar.
Al n'ha mai ai su di avù d quel percoss,
E per vergogna an s'attenta a parlar;
E cm'è una statva li innuò l'arstava,
S li n' i feva anm, e acqui la n' i parlava:

67.

Và d sta cosa n'ev sta a mettr passion;
L'è un accident, ch' a tutt pol intravgnir.
Del cavall la deblezza è sta occasion
Ch' al v'ava avversà quì in mezz al sintir.
Ch tanta forza d' sieur n'ha quel tamplon,
Da mandarev per terra a batter al msir.
D'aver pers as ved ch'ar ch' l'ha za mustrà,
Quand l'è sta al prim a abbandunar al stecà.

68.

In tant ch li fa bon ann al Sarasin,
Un con un corn e la saccozza al fianc
Vin truttand a cavall d'nn sumarin,
Ch'era negr e sverlà d'bis dal la manc.
Qustà, quand al re Circass l'arrivò avsin,
Ai dmandò s'cun al seud, e 'l zimir bianc,
Bianc al cavall, bianca la sopravesta,
Fuss passà un Cavalir per quela foresta.

69.

Ai arspos Sacripant: Qui cmod t em vi
In terra al m'ha mandà a ciappar pussess.
Ma perchè a sava chi m'ha miss a pì,
Caro ti, st'al sà, dimm al nom espress.
Qu'altr i arspod: Quell ch vù saver a vli,
A son per suddisfarv iust addess,
E in poc parol av digh ch' l'è una zuvnetta
Quella ch v' ha dà una qusi matta stretta.

70.

Quant l'è gaiarda, l'è bella altertant;
E anch av dirò al so nom s' a in si curios:
L'è sta la brava e bella Bradamant
Quella ch ha fatt un tratt quì valuros;
Dop, quand l'av ditt acqui, al fi a Sacripant
Un bas la man, lassandl verggnos:
Al qual n sà cosa s'far, ne cosa s' dir
Grattands, con bon rispett, per rabbia al masir.

71.

Dop aver appinsà a quell ch' i è intravgnù,
E ch' a gli av appinsà in van, finalment
Tant e tant da una donna l'è abbattù,
E quant ai pensa più, più duia al sent:
In t' al cavall d'la sgnoura al salto sù,
Senza dir altr, e po garbatament
La liva, e mett in groppa, es diffieri
Quell ch l'aveva in pinsir a un alter di.

72.

In aveven gnanch fatt dou milla pass
Ch i udinn d'intorn un armor strampalà,
Al pareva ch' al bosch propri cascass,
E s'arumbava al mont per tutt i là,
Poc dop i vedn uscir un cavall grass
Con breia, sella, e valtrappa arcamà,
Ch saltava i fuss e 'l mach a tutt sbalanz,
Ee fiacca, e romp tutt quell ch' i vin dinanz.

73.

Quand Angelica al vist, la diss: Mi a cred
Ch' al sia Baiard oh fizza si gran arvina,
Mo l'è Baiard sicura, addess ch' a ved,
Ch l'è iust al nostr cas, s' a nù al s' avcina:
Perchè st nostr cavall, per quant a ved,
A purtar dou person al se scudrina;
Siechè a temp vin Baiard, s' al psen chiappar.
Arèn po un cavall pron da cavalcar.

74.

Lest dsmona Sacripant, e po l' s' accosta
A quel cavall, ch' i vultò prest la groppa,
E cun creanza da cavall pr' arsposta
Al t mi presenta d' bun calz una chioppa:
Dov l'aveva mirà 'l ni chiappò d' posta:
Guai al Circass s' al buscava quela toppa:
Ch' in t' i calz quel cavall ha tanta spinta
Da sfundar una panza d' azzar cinta.

75.

Dop al s' in v' a da savi e ben creà
Dov Angelica al ved, e a li al s' i attacca,
Cmod farò un cagnulin, s' ai fuss sta inagnà,
E ai lecca el man, e ai nasa la bisacca,
Perchè al s' arorda ch' in t' al temp passà
L' ai purtava la biava li in Albracca,
Quand la vleva tant ben al so patron,
Ch' addess l' ha in odi, e schiva cm' è un zaltron.

76.

La breia l' ai chiappò cun una man,
E po con qu' altra l' al eminzò a sferrar;
Al bon cavall ch' aveva inzezn uman
Mustrava gust, e s la lassava far:
In st mentr tols al temp al re pagan,
Ai saltò in sella, ch in n' s' al passi schivar;
E lib' v'end Angelica la bella
Al so cavall, la turnò dentr in sella.

77.

I nech la girò intorn, e pr' accident
La vist armà pr' al bosch vgnir un campion,
Al qual la l' accgnussi subitament
Per quell, ch li tant ha in odi, al fiol d' Amon;
S lù è tutt amor per li, propriament
Li sent al so cor dur quant è un giaron;
L' è qualch temp, ch li a lù i curruva dri,
Addess l' al scappa, e lù i vol ben a li.

78.

Dou funtan causa funn d' sta mudazion
Ch produsev fra d' lor contrari effett,
Ch' ern d' la selva Ardenna in t' un burron
Luntan l' una dall' altra un tir d' muschett:
L' acqua d' una purtava al cor passion,
Qu' altra mandava vi l' amor dal pett:
Rinaki, ch' a bvù alla prima, amor al destruzz,
La zouvna, ch' ha bvù d' qu' altra, al scappa e fazz.

79.

Per virtù d'l'acqua cun la qual udiava
Angelica quasi fort al Paladin,
Fu causa, quand la vist ch'al s' i accostava,
Ch'inspuri l'as vultass al Sarasin,
Pregandl, per l'amor grand ch'ai purtava,
A 'n si dscustar, mo stari sempr avsin
E ch'al sbignass vi sigh pr' una qualch strà
Innanz ch' ai arzunziss qu' unazz armà.

80.

Al Sarasin arspous digand: Quasi poch
A son in credit donca appressa d'vù
Che quasi pr' un inguangul am tgnì, e un dapoch,
Ch' an v' possa nil difendur contra questù?
An v' arcurdà in Albracca s' a di agli oeh,
O veramente s per vostr amor a fù
Mi sol, e d mezza nott, nud, e dsarmà,
Contra Agrican, e contra i su saldà?

81.

Li 'n sa cosa s' arsepondr, o ch parti piar
Perchè alla pell ai è Rinald gaiard,
Al qual cun Sacripant eminzò a bravar
Vdendel saltà a cavall del sò Baiard;
Se lù l'acgnussiss li 'n l'è da cuntar,
Ch' ai la fi ognussar amor in t' al prim guard,
Quel ch' intravgniss a sti du Cavalir
Al dirò po, ch pr' addess a vui finir.

FIN DEL PRIM CANT.

CANT SECOND



ARGUMENT

*Un Sterion, fnt Ramitt, partiss al zugh
Dla lit, ch' è fra Rinald e Sacripant;
Và Rinald dov d' amor al guida 'l fugh
Mo pr' ordn d' Carl al tol prest sù al purtant.
Pr' altrucar al so mros, in più d' un lugh
Armà con arm bianc vā Bradamant,
Es trova in scambi un Magantes baron
Ch la fa cascar in t' un gran sfundrion.*

1.

Amor, ch lez è la to? mi al vrè saver,
Perhè tutt disn ch' in la san capir:
L'an par esser fundà brisa in t' al dver,
Anzi ch la sippa ingiusta al bisogna dir.
T' en fa che di travai ai mrus aver:
Mo quell più d tutt el cos ch' en s pò padir,
L'è al far ch' un sippa fort appassiuà
Pr' una persona dalla qual l'è udià.

2.

Rinald, e la regina del Catai
En in t' al cas del qual propri a dscurren:
Za li per lù pruvò turnint e guai
Senza ch lù vliss a li una cieca d ben.
Addess d' amor per li al sent i travai,
E Angelica n' hà niint d' amor in sen:
Anzi, per dirla, la l'odia quasi fort,
Ch piuttost che vedrl la turè la mort.

3.

Rinald zigò al Circass cun gran argui:
Ladron, d' in qual cavall emenza a dsmuntar,
Perchè mi mai cunpurtarò ch t m' al tui,
E più ch t n eri mi t' al farò custar:
Guidar anch vi sta bella putta a vui,
Ch' a farè propri mal vleria lassar:
Che donna si garbà e cavall quasi bon
N' en da lassar in t' el man d' un ladron.

4.

Per la gularzza t ment, al Sarasin
Arspous, a dirn addess qu del ladron:
Mo chi t' al dssas a ti, per quant am vin
Cantà, l'arè più d dou milla rason:
E, al sangu d mi lola, a vdren al mi fandsin,
Chi ha più in t la donna e in t' al cavall rason.
Se ben, che in quant a li, cun ti a dirò,
Ch più bella cosa al mond trovar au s pò.

5.

Cmod fa du gatt, quand la gatta è in amor.
Ch' un poez i signauln, e pò con gran flazell
Is salta addoss, fagand quasi gran armor
Ch' al par ch' al casca i trav con el tassell:
O cmo i farè du can cun gran furor,
Ch' es mursgassu arrabbì 'l grugn e la pell,
Cun tanta rabbia e furia al Sarasin
Passò dal ditt al fatt, e al Paladin.

6.

Sacripant è a cavall, Rinald a pì,
Mo, cun tutt quest, al n' ha mazor vantaz;
Perhè Baiard cgnuss la superchiari,
E an vol ch' i zova a Sacripant i laz,
Ne gnanch contra 'l patron usar dscurtsi,
Al capiss ch lù i ha tropp al gran svantaz,
Per quest al n' ubidiss al re Circass,
Ch a so mod n' al pol far movr d' un pass.

7.

S' al vol mandarl innanz, allora al resta
Com s' l'aviss in t el zamp 'l cord o 'l balz,
Cm al vol fermarl al trotta, e po la testa
Ficca tra 'l gamb, e all'aria 'l trà di calz;
Vdend Sacripant tirar innanz sta festa
In t' al pè stanch s' appunza, e chiappa un sbalz.
Saltand in terra, e lest al torna a front
Per battrs cun al prenzip d Chiaramont.

8.

Quì cmenza una question dalla chiavetta,
Perchè i en du mustazz ch'en n'han scador;
I san ben tgnir in man la spada stretta
E bon mestr in t la schermia è ognun d lor;
An i è dubbi ch'in fall al pè nessun metta
Perche al sò nmigh n'arresta superior:
I han ben rason s'is guardin, e s'is abbadn
Contra a di spad ch taen, sfondn e lèdn.

9.

Un colp n'aspetta quì'altr, tant dsprament
Ani la furia a mnars addoss del bott;
Del spad al fisti pr'aria l'par al vent
Allora ch'al vin fora dal sou grott;
Arparars e culpir ognun stà attent
Per pora d'en n'aver la mala nott;
Ora i s'alzn, is artirn, ora i s'arniechn,
Quand i fan vista, e quand davvero i piochn.

10.

Cun la spada Rinald s'astricca addoss
A Sacripant, e sovra l' si abbandona;
E quest con al so scud d'azzarr e d'oss
Al cerca d cruver tutta la persona;
Mo la Frusberta al taia anch ch al sia gross,
E per l'armor al bosch fa eco e s sona:
Un pezz d scud saltò vi com s'al fuss d iazz
E s sintì l' Sarasin intuntì i brazz.

11.

Angelica, per dirla, armas stupi
A vedr a un colp d Rinald quasi gran arvina,
Al solit so culor bell la smarri,
E squas la fu per far nona santina.
Ai pars ch'an fuss più temp da staran lì,
Perchè a Rinald s la fortuna s'i inchina
La i vè in t l' man d sicura, e li l'udiava
Tant quant ste povr galantom l'amava.

12.

La fi prest a vultars per la buccazza,
Ficcand pr al prim sintir al so cavall,
Agn poch, agn bris vultand indri la fazza,
Parendi sempr aver Rinald al spall.
Mo quand l'av caminà poc più d cent brazza
Un Rumitt l'incuntrò zò pr'una vall,
Ch pareva un Cappuzzin propriament
Tant avevel la barba lunga al ment.

13.

Dalla vchiaia indebli, o fors dai stint,
L'andava vi a cavall d'un sumariu,
Tirand al sù per forza cun i dint,
E s pareva scrupolos quant un Tiatin;
Quand al vist arrivar quì uechin lusint
D'Angelica, e ch'al l'av lumà d'avsin,
Cun tutt ch'al fuss quasi debli al s'arvivi,
Al sangu s'i moes, e tutt s'ingalluzzi.

14.

La Sgnora al Fratazzain dmandò la vi
Sicura, ch la guidass a un port del mar;
D'in Franza in tutt i mod l'as vol tor d vi,
Rinald mai più pr en senter numinar
Mo l' bon l'umitt, ch'era mestr d steriori,
Cminzò la bella donna a confurtar,
Cun fari anm, digand ch'ai pruvdrè lù,
E d'in bisacca un liber al tirò sù.

15.

Una mezza fazzà squas l'in lizè
E s fi dila so virtù vedr esperienza,
Ch al cumpar un diavlett vsti da lachè
E di su dsign al di a quest l'incumbenza,
Cun la lizenda andar al l'astrinzè
Dov qui du la question aveven cmenza,
E gnanch allora in stevn brisa all'ora;
Mo in mezz al si ficcò senz'aver pora.

16.

Mo dsim in grazia vostra, al s miss a dir,
Per cosa mai quist mattament av dà?
S'un d'vù du resta mort in t'al sintir
Al vinzitor cos' al po guadagnà?
La bella causa del vostr chimir
In man del cont Urland l'è capità,
Al qual senza cuntrast e senza intrigh
Vers la città d Parigi la mena sigh.

17.

Un mii luntan ai ho mì vist Urland
Andar vers la città in so campagni,
Del vostr mnary addoss tra d'lor ridend,
E dsend ch a fà una grand capucchiari.
Mi per la mii av cunsiarè che, quand
I en anch avsin, a vdiess d tgniri dri:
Ch s' Urland la pol dentr in l'arig cunzur,
Mai più l'vìa lassarà vedr d sigur.

18.

Qui du mustazz, a udìr st'infurmazion,
Guardands arstonn cunfus, e con tant d' nas,
E po in t'un atn dinn in t'el dsprazion
Cherdend pur ch al fuss ver d' Urland al cas.
Subitament Rinald saltò all'arzon,
Ch'in corp l'aveva propri una furnas
D fugh, per la rabbia, e s'al pò arzunzr al cont,
D cavari al cor al zura per st'affront.

19.

Senza gnanch dir addì al re Sacripant,
Ne invidarl o pregarl a andar in groppa,
Pr al bosch al s'in va vi d'un bon purtant,
E cun i spron al fa ch Baiard galloppa.
Al cavall va cm'è un vent, es n'è bastant
Nient a fermarl, es romp tutt quell ch l'intoppa;
Nè l'alta nè la bassa n'al trattin,
Mo al salta el zed, i fuss, al macch, e i spin.

20.

An vre ch'av maraviassi, uditur mi,
S Baiard quasi fasilment s lassa chiappar
Da Rinald, che da più di i cnreva dri,
Senza aveiri la breia pssn tuccar.
Al cavall usò lù sta furbari
Non perchè an vlliss al so patron purtar,
Mo per guidarl dov l'aveva vista
Quella andar, per la qual Rinald s'attrista.

21.

Quand li scappò dal tend del Bavares
Al bon cavall la vist, e s la nutò,
Stant ch'in sella al n'aveva brisa pes,
Perchè alla prima al so patron dsuntò,
E con un gran Baron al vins al pres;
S' al vinziss an' al digh, perchè an al sò.
Baiard seguitò sempr da lontan
La zonyna, perch Rinald l'aviss in man.

22.

E per guidarl dov l'era andà li,
Currend, l'andò sempr al patron innanz,
Nè mai aspttarl al vols ferm in t'i pi
Per pora ch lu al so viaz tirass innanz.
Per causa d quest Rinald attraversò questi
Dou volt, e tutt e dou s'i miss dinanz
Di impediment; al prim fu Ferrià,
Dop Sacripant, emod avi za sintù.

23.

Ora Baiard, ch'aveva udi cuntrar
Dal Diavel quia sturiella, lu i cherdi;
E per quest al lassò Rinald muntar
Senz'allora scappar, anzi an s muvi;
Rinald pr' al gran amor l'è in pè d brusar,
E una gran fuga vers Parigi ai di,
E se ben ch'al va fort quant s fazza al vent
Ai par ch'al vada pian, ch'al sippa lent.

24.

La nott an s dava temp da durmir squas,
Per vuia d'esser al so cusin astricc,
Tant erel fort in testa persuas
Da quia sfrappà ch'i aptò quel tal Berlicc.
Nè di nè nòtt dal cavalear l'armas
Per fin ch'an vist d'esser a Parigi un cice,
Dov al re Carl rott, e mal condutt,
Cnn i avanz del so esercit s'era arduitt.

25.

E perchè zà al s'aspttava ch'Agramant
I vlliss mettr l'assedi, cun gran cura
Del zent, dila roba l'arcuevia intant,
Per dfender la città, arparar el mura:
E, cgnussend anch tutt quest n'esser bastant
Contra di nmigh a dfendrel, al procura
Cercar dl'aint, e pensa d vler mandar
Chi in Inghilterra zent vada a livar.

26.

S' al pssiss, an vrev essr assedià in t la terra.
Mo uscir fora e tacar nova baruffa:
E prest mandò Rinald in Inghilterra;
In Parigi, al pnyrazz, an fa la nuiffa.
Rinald cminzò a biasmar al re e la guerra,
Perchè sta cosa i vin ben ben in stufia,
An pssì gnanch i stival cavarai dal pi,
Ch'allora allora ai bisognò andar vi.

27.

Mai ai su di Rinald più mal vltutira
Ubbidi al re so zio, quant allora:
Fermars an pssè in Parigi gnanch una sira,
Nè dir: Andarò vi dman a bunora.
Dentr da lu al s'afflizz, pianz, e sospira,
Ch'al bisogna lassar d' cercar la signora,
Mo a Calè alla presta e dlung s' n'andò,
E li per l'Inghilterra ai s'imbarcò

28.

Contra la vultutà di marinar,
Per turnar al più prest indri ch'al pssèva,
Cun tutt ch sudorva fuss e turbà al mar,
E ch di brutt sign anch da burasca avev;
Al vent s'instizza a vders quai poch stimar,
E cun una tempesta, ch za l'aveva
Ammanvā, al miss in sgumbi la barchetta
Tutta bagnandla dal fond alla vetta.

29.

I marinar, prest del so dann accort,
Sbasson el vel per vler turnar indri,
E arenvrars dentri in quel medesm port
D'in dov i ern' andà in malora vi;
Mo al vent agn volta più tirava fort,
Es manda la barchina alla strappi;
Gli ond cavallunavn con armor:
Eh! bizzarri an accad a far cun lor.

30.

Al vent va sempr più e più fort suppiand.
Da poppa a prora al fa la nav prillar,
Lor caln tutt el vel, es van cercand,
Per quant i ponn, almanch d'en s'arbaltar.
Mo perchè vari cos in vari band
Suzzessi, a v'ho da dir, a vui lassar
In quel battbui Rinald, e cun al Cant
Turnar da so surella Bradamant.

31.

Qua zuvnetta a vui dir gaiarla e bella.
Ch'in terra Sacripant poch fa butti,
Del prenzip d'Montalban cara surella,
Ch dal duca Amon e da Beatrix nsci.
Al so valor, e al saver star in sella
A tutt, e prima a Carl istess, piassi:
Perchè a più d'una prova za as saveva
Che in t'al valor gnanch a Rinald l'an zleva.

32.

L'era sta zovna amà da un Cavalir,
D' in Affrica passà cun Agramant,
Per quant conta l'istoria, siol d Ruggir,
Ch' i al fi quà d'sprà fiola d' Agulant.
E Bradamant, ch' n' aveva i su pinsir
Tant cuntrari all' amor, l'azzò pr'amant.
Mo la s'furtuna so i ha sol cunzess
Pessers nna vultarina vders d' appress.

33.

E per quest Bradamant zirava vi
Per vedr al mros, ch' aveva al nom del padr,
Senza nssun sigh, sicura da per li,
Quant s' la fuses circondà da più d mill squadr.
E quand l'avi mandà al re d Circassi
A batr al cul sovra l'antiga madr,
Quel gran bosch, e un mont alt la traversò,
In fin ch' a una fontana l'arrivò.

34.

La fontana currava zò pr'un prà
Pin d'albr antigh, e ch' fevn una bell'ora,
Dalla qual i viandant ern' invidà
A bever, e a fermars un poch all'ora.
Un bel mont cun di pin, ch' i era da un là,
Sempr i mantgniva al fresc cun fari d'ora,
E quand la bella zovna arrivò lì,
Ch' ai era un Cavalir l'as accurzì.

35.

Un Cavalir all'ombra del buschett
A sedr in riva alla fontana, e l' spall
Appunzà a un rivalin, e sol sulett
Guardand in qu'acqua chiara cm' è un cristall:
Al scud è poch lontan, cun al zucchett
A un albr attacc, dov' è liga l' cavall:
Là cun la testa bassa, e i uoch piangulint
Al barbutlava qualch cosa tra i dint.

36.

Mo quia vuia, in t'el donn tant natural,
D cercar per quant el poln i fatt dila zent,
Fi ch Bradamant dmmandass a quel tal
Per cosa l'era quesi mest e dulent:
Lu, cun pinsir d'alzir al so mal,
Tutt i fatt su i cuntò liberament,
Ch' all'aria, al purtament, alla creanza,
Pr' un suggett al la tols d'alta puseanza.

37.

Al mi Signor car, quel zovn diss, savà,
Ch fant e cavall del re Carl a guidava:
E Marsili impedir m'era sta urdnà,
In quel mentr ch zò del mont al calava.
Migh una bella zovna aveva mnà,
La qual sicura più d mi stess amava,
E s l'am anch; quand un cert Cavalir
Cun un cavall dagli ali a nu a vist vgnir.

38.

Subit ch' al vist la zovna quel ladrone
(An poss mai credr ch' al possa essr un estian,
Mo un spirt piuttost vgnù su del balatron,
Forsi per castigar al genr uman),
Al eminzò sovra a nu a far al rudon,
E po in t' un tratt vin zo, e aslunga el man,
La zovna vi purtandm, e s' n' em n' addi,
Sn quand strillar in aria a la sinti.

39.

Aqusi quel ladr del falchett fa prest
A aggramplar un pullastr, e vular vi;
Al qual sott' alla chiozza al n' è sta lest
Arpiattars, e li indarn i schiozzla dri:
Pr arzunzr mi an poss torr degli ali imprest,
E senz ali an i è cas a tgniri dri
Tra del briquil, di balz, e per di sass,
Es ho l' cavall ch' en pol più movr un pass.

40.

S' armas disgustà an al digh, vu al pss pinsar;
A perdr al cor arè avù manch d'olor:
Qui ch a guidava migh, ai lassò andar
Pr' al so viazz libr, senza conduttur:
E per di munt am miss a caminar
Per quia vi ch' em mustrava al gran amor,
E vers dov am pareva ch fuses andà
Quel ladr, ch' al mi ben m' avea rubà.

41.

A asiò cuntinvement si bun di intir,
Per sit selvagg, senza rpussar la nott,
Per stra cattivi, e per di stritt sintir,
Ch' a pss pinsar s' aveva del pancott.
In t' una derta vall andò a riuscir
Cinta da di calanch e da del grott:
Dov in mezz, dcò d' un sass, ai è un Castell
Fort, ben fatt, e quant dir s' possa bell.

42.

Dalla luntana al manda un gran splendor,
D marin an par, nè d pred cotti, nè d masegna:
Là accustandm, tant più chersè al stupor
Pr al lavnir ben fatt, nobil e degu:
A sav po ch' al fu al Diav! al murador,
Al qual fu da un Sterion miss all' impugn
D fabbricar, e perchè al durass etern
Fudrarli al fi d'azzarr timprà in t l' infern.

43.

L'azzarr è tant lused, quai ben furbi,
Ch l'acqua n l'amacchia, nè la ruzn, o al vent.
Quà vola pr' al paes la nott e l' di,
E po s' arpond là dentr in t' un mument.
Ch' an tuga quell ch' al vol ripar an i è,
Indarn dri a si brava salument:
Quel Sterion donca assà dentr in quia stanza
Tin quella, ch più d' arredr an ho speranza.

44.

Mi 'n ved, ch' ai sia cirott bon pr al mi mal,
E an poss far altr, an guardar in sù.
All' usanza a farò di pungh di spzial,
Ch' annasn al vas per d fora, e s' en 'n han d più.
Am vrev la gran virtù d' quel mestr tal
Ch feva degli ali, per vular la sù;
Perchè, sicuramente, chi n' è un usell
Po andar là sù, tant alt el quell Castell.

45.

Mentr ch' a stava quì, quasi lunariand,
Senza concludr d' fermarm, o d' andar,
Du Cavalir arrivonn seguitand
Un brutt Nain, es m dinn camp da sperar.
I ern di miur, ch' address sippn in sti band,
E tant volt ai ari udi numinar:
Un è Gradass, al re di Serican,
Qul' altr Ruggir, stimà tel a Affrican.

46.

Apostà per pruvà al so valor,
Diss al Nain, è vgnù quì sti cavalir,
Cun quell, ch' è del Castell d' azzarr al signor,
E ch' l' ha un cavall vulant i han sintù dir.
I mi signori, ai diss mi accustandm a lor,
Muviv a compassion di mi suspir,
E (cmòd ai ho speranza) s' a vinzi,
Av pregh a rendrm la mi signora indri.

47.

Tutt al cas ai cuntò bell e spianà,
Cun di piant fagand ognuss al mi travai;
Lor, per so grazia, is prufirinn purassà,
Po i calonn zò in t' al pian con i cavai.
Dalla luntana i funn da mi usservà,
Pregand al cil ch' al ladr aviss i guai.
Sotta al Castell attorn a quel gran sass
Ai srà d lugh pian in circa uttanta pass.

48.

Quand i arrivonn a pè d quel bell Castell
Ugnun vleva cumbattr d qu' altr in prima:
I'r accurdars i zuggonn al zanfanel,
E al re Gradass ai tuccò al lugh in prima.
Quest eminzò cun al corn un gran flazell,
Ch feva al sass arbunbar d' in fond in cima:
Finalment dal Castell as vist uscir
Cun al cavall dagli ali al Cavalir.

49.

Dop esser uscì, al eminzò intorn a girar,
E po l'addrizzò gli ali, e s' andò in sù,
E mi ch' i stava dri intent a guardar,
Al pers d' ochh, ch' an al pssava vedr più.
Forsi a strolgar el strell al diss andar,
E a tor cunsù da qui Pianid la sù;
Qni Cavalir, pinsand ch' al n' i badass,
Alzonn la vos, es finn cresser al fracass.

50.

Finch' a n i pars a lù an al vietn vgnir,
Al cavall aserrò gli ali, es vign zò a piomb,
Cmòd vin d' in alt a bass al Sparavir
Per buttars a una anadra, a un' oca, o a un clomb.
Con la so lanza in resta al Cavalir
Per l'aria cala zò cun un gran romb,
E al fu tant prest addoss al Serican
Ch lù n s n' addì s n' a sintiri mmar el man.

51.

Addoss al re la lanza in briel andò,
E Gradass con un colp fri l'aria vana;
Per quest al vulador en s' affermò
Mo gli ali avers, es andò alla luntana:
Per quel gran colp del magh as arbaltò
Per l'erba verda la gaiarda Alfana;
Gradass avea un' Alfana la più bella,
E la miora, ch purtass mai breia o sella.

52.

As turnò a alzar al magh quant ai pari,
E po dop vari vul al vign a bass,
E l' innò un colp a Ruggir, ch s' in steva li
La battaia a guardar del re Gradass;
Al colp fu quasi tamugn, ch Ruggir s sturzi
E al so cavall di indri più d' un bon pass.
Quand po Ruggir s vultò per vleri mmar,
Al le vist pr' aria vers al cil vular.

53.

Ora l' mena a Gradass, ora a Ruggir
In t la panza e in t la schina cun gran lens
Del bott, av assicir, ch es fan sintir,
E lor per fri in ponn trovar la vena;
Lù i va vulant dattorn, es fa mill gir,
E, quand al zegna a quest, a qu' altr al mena.
Insomma tant in st mod agl' ingarbuia
Ch' in capissn da ch là assaltar ai vnaia.

54.

Tra i du campien per terra e in aria qu' altr
Sta sinfuni durò fin alla sira,
E forsi la srev pur anch durà d' altr,
S' an arpundera al Sol la so lumira:
Senza cavarion nè azuntarien d' altr,
La cosa, cmòd a digh, fu a sta manira;
E mi squas am vergogn a dir sti quà
Ch' han più fazza d busi che d verità.

55.

Cun un bell tapdin d seda al porta cvert.
Al Cavalir ch va pr' aria, un scud luserit,
E cmòd al pssiss star tant, mi n' al sò cern
A dsruverl, cmòd al fi finalment:
Quand al liva al taped, al scud avert
Fa imbarbaiar, e instramurtir la zent:
As casca là sudsovr lugh e datsis,
E da quì a sta manira as resta preis.

56.

Più d'un carbonel al scud arsplend e lus,
E d'un splendor, ch'an i è ch' lusa più fort,
E quand a dscrivrl in fin al magh s'ardus,
In terra as cescan iust cmod farè un mort.
Allora mi a perdì dla vista l'us,
Un bon pezz a sti acquai; dop essr arsort,
Gradas an vist, nè al Nain, nè Ruggir,
Mo vud el camp, e 'l strell in cil uscir.

57.

Per sta cosa a pinsò ch' al negrumant
Tutt insem ai tirass alla taicola,
A lor la libertà al livass pr' incant,
E la speranza a mi d'aver quia fiola
Da quel Castell, pr' al qual a pianzrò tant.
Ai diss addi, ch' la fu l'ultima parola;
Es m'in vign da sti bandi; pinsà mo vù
S'ai pol essr in amor un dsgrazià più!

58.

Quai ditt, al fi turnar mui el massell
Del pianzr, quand al cas l'av fatt pales.
D' Anselm d' Altariva, Pinabell,
Era quistù fiol, es è cont Maganzes;
I disn ch' al fuss aueh un zaltrunzell,
Ch' an vols esser da ben mai e curtes:
Anzi pr' en vleur guastar al parintà
Ch' al fuss tra e la razza al più dscastrà.

59.

La bella donna stà queda a sintir
Tutta st' instoria, ch' i cuntò ste cont:
E quand l'udi ch' al numinò Ruggir
La fi un cor tant e fatt, e l'ann pront.
Quand po ch' l'era person la sintì dir
L'astriccò i dint, e s'aggrinzò la front,
E forsi ben pinsand ch' al s'aradgass
Don o trei volt la vols ch' ai la cuntass.

60.

Quand finalment la sav la cosa chiara,
La diss al Cavalir: Sta pur alligr,
La cumpagni mi d' mi forsi v' era cara,
E an sgnari al di d'ancù cun carben nigr.
Guidam pur dov del Magh i è quia purcara,
Saltà a cavall, nè sta più a far al pigr.
A sper ch' inutl an srà la mi fadiga
Quand la fortuna n m'vuia essr nmiga.

61.

L'arpos al Cavalir: S'an m'aghevaas,
A vressi donca ch'av insegnass la vi?
Anden pur: mi an m'importa a perdr i pass
Dop aver persa la mi cumpagni.
Mo vu per balz, pr' arvin, e per di sass
Cercà d'andar person, fa quell ch' a vil.
An ari occasion d' m'pseerv lamintar,
Ch' mi za v l'ho ditt, e vù i vli pur andar.

62.

A cavall al muntò, dsend sta rason,
E innanz a Bradamant al fa la vi.
La qual, per liberar Ruggir d' person,
Va a risgh ch' al Magh l'attrapla ancora li.
In st' mentr arriva quell cun el trumbon
Dal qual al re Circaas sav chi era qusti;
Ciòè quell a cavall del smarlin,
Ch' cercava Bradamant per qui confin.

63.

Quistù d' in Pruvenza fin vgneva mandà
A sta sgnora, e cattiva nova ai porta:
Ch' Narbona e Montpellier s' en ribellà,
E s'igh la spiazza tutta d' Aquamorta.
E Marsilia da li retta e gvernà,
Quand la n i è li present, l'an starà forta:
E per st' ambassador succors l'ai dimanda,
Cunsii, aiut, e fort a li s'arcmanda.

64.

Marsilia, cun s'igh tutta la Pruvenza,
Era gvernà dalla fiola d' Amon,
Perchè al re Carl, ch' aveva esperienza
Del so valor, s' fidava, e cun rason,
Del sou nobil virtù, dila so prudenza,
E del cmand a gli aveva dà al baston.
Quai, cmod a dseva, per dimandar succors
Fina dila da Marsilia era quìù cors.

65.

Bradamant sti un pzuett tra 'l si e tra 'l nò
Senza saver cosa s' arspindr e far.
Da una part ai permeva l'umor sò,
Da qu' altra amor en la lassava andar.
In fin d' seguitar al so viaz la pinsò,
E vder s' Ruggir la psseva liberar.
E quand la n' avis psù cundurl vi,
Almarch in person fari cumpagni.

66.

La piantò una buai tal e si fatta
A quell dall' Asn, ch' l'armas sudisfatt,
Es turnò per la stra ch' l'aveva fatta.
Mo Pinabell, al cont, n i av gust gran fatt
Quand al sav e cgnussì ch' l'era d' quia schiatta
Ch' l'ha tant in odi in public e d' arpiatt:
E po anch la n' avis psù cundurl vi,
Se pr' un dila cà d' Maganza li al cgnusseva.

67.

Sti dou famei d' Maganza e d' Chiaramont
Za da gran temp insem s'avev in stufia,
E i s' ern nuna più volt zò per la front,
E cavà sangu in più d' una baruffa;
Sicchè dentr da lù strulgava st cont
S' l'avis psù a Bradamant cavar la mufia,
Ficcandla a tradiment zò pr' una fossa,
O abbandunarla, quand far altr an possa.

68.

L'odi e la pora al tolsn tant zò d ment
Ch' al n' abbadò s' l'aradgava la strà:
Al pers la bona vi innavertement,
E in t'un gran bosch al s'atruvò avluppà.
Bradamant i tigneu dri cun l'occh attent
Appinsand d' esser per la bona mnà,
E fin' allora an s' n' era accort al Cont,
Mo al s' n' addi, quand al s' vist a pè d' un mont.

69.

Quell pars al Maganzes un lugh sicur
Da pssers cavar la zovna dai garriti;
S' ai diss: Innanz ch' al cil vigna più bur,
S' a diss: d cercar d'aloz, al arà ben ditt:
Dià da st muntsell a pens ch' az pren ardur,
Ch' a cred ch' i sia un Castell propri qui indritt.
S' an v' aggriva, asptam qui, ch' mi vad là su
A vder s' l'è vera, es torn zò da vu.

70.

Quand l'avi ditt acqui, l'andò alla vetta
Del mont, es principiò intorn a guardar
S' al vdeva al mod d scappar da quela zuvnetta,
E ch' li n' al pssiss più arzunzr nè trovar.
La d co una fossa al vist ben fonda e stretta,
Mo non tant, ch' an i pssiss un dentr intrar,
Tutta a forza d scarpell cavà in t' al sass,
E un ussulin s' i vdeva zò da bassa.

71.

Dentr in t'un'altra stanza l'uss guidava,
Più granda, ch' n' è la fossa purassà.
E qu'uss si gran lusor fora l' mandava,
Ch' ai pareva del torz là dentr impià.
In quel mentr ch' al cont tintinagava,
Bradamant, ch' da luntan l'ha seguità,
Perchè l'aveva pora d n' al smarrir,
L' arrivò souvra, ch' l'era in st gran pinsir.

72.

Quand al briccon s'accors d n' i psser riniscir,
Cun la zovna, al prim dsegn, studià d' arpiatt
Per distorla d li, o ver sia farla murir,
Un'altra furbari invintò in t' un tratt.
Al la cunduss, cun al saver ben dir,
Deò del mont, dov temp fa i era sta fatt
Quela busa, es diess d' averi vist in fond
Al più bell mustazzin ch' s' pssiss vedr al mond

73.

D' una fulina ben fatta, e mii vesti,
Ch' la pareva d' esser d' un bon parintà:
Mo altrtant la mostrava essr instizzi,
E ch' a star in quel sit la fuss sfurzà:
E per saver chi l'era, e cmod l'è li,
Andar là dentr l'aveva pinsà;
Mo, dis, fora l'è uscì da una grotta un
Ch' l'ha guidà vi per forza con di urtun.

74.

A Bradamant, nient furba, e spiritosa
Purassà, qustù subit i la piantò.
E, siand quela zovna d' aiutar bramosa,
La pinsò al mod da psser andar la zò.
Per fortuna l' alzò i uech a un' umbrosa
Querza, ch' aveva del brocc, es in taìò
Cun la spada una lunga, es vols pruvà
S' pr' andar la zò quela brocca i pò zuvar.

75.

Al co più gross a Pinabell l'arcmanda,
Digand: Tgni pur sod quest, sangue de bacch!
E po dentr in t la busa i pi e l' gamb manda,
E cun el braz al rain l'arresta attaech.
Pinabell, dentr d lu ridend, ai dmda
S la sava ben o mal saltar, e, tacch,
Al lassa andar la brocca, es dis acqui:
Magara tutt i tu fassni tigh li!

76.

Mo in fall sta volta andonn i su bi dsgu,
Ch' i innuzint han al cil per protettor:
Senza ttecar del pozz la brocca i sign
La s'andò a rompr in fond cun gran armor;
E Bradamant ben forte e soda s' tign
Ch' l'an mors, cmod s' appinsava al traditor.
Cosa po' a li suzzliss, in st' altr Cant
Av al dirò, ch' arpusarm a vui intant.

FIN DEL CANT SECOND.

CANT TERZ

ARGUMENT

Turnà in se, zò in t la grotta Bradamant
Trova Melissa, ch la guida a Merlin;
E la dentr la mostra con incant
Qui ch' han da vgnir su fin, arud, e nevudin.
E po i insegna d liberar da Atlant,
Quell ch' in person asrà al mrons i fin,
E la manira d' ammazzar Brunell,
Al qual contra i incant ha in duc l' anell.

1:

Ptruniana Togna, at pregh, n m' abbandonar,
Ai ho bisogn ch t m' aiut mo purassà,
Massin in st Cant, dov s' ha da numinar
I antigh d la Casa d' Est tant unura.
At pregh, al Calieson vinn' a accurdar,
Ch' an vrè sta volta mo andar zò d carzià!
S' a i andass, al sre quest un sbali tal,
Ch' as n' arè forsi più person permal;

2.

E cun rason, siand questa una Casa
Del più gloriosi e nobil, ch sippn in terra:
Dal mond sempr ognassà, sempr ludà
In t'i negozi d pas e in qui dla guerra.
Dapertutt la so gloria è sparguà,
Nè munt, nè mar la so gran fama serra,
E vuia al cil ch l'an vada mai al fond,
Mo ch la dura, pr' esempi e unor del mond.

3.

Quasi qui tutt el son lod an starò a dir,
Perchè st peis el mi spall n'al pon portar:
Am vrò la virtù d quell al qual s fi udir
In Roma la pietà d'Enea a cantar;
O verament d quell ch fi el luzzl vgnir
Ai nech dal gran Macedn, e suspirar
Per l'invidia d'Achill, tant numinà,
Dalla musa d'Omer tant decantà.

4.

A quisti an m'insoni gnanch d'andar avvin
Per cavarmi alla mei bretta e cappell.
Ai vol mior Calisson, altr cantin,
O per dir mei ai vol altr zervell.
Ma intant a vui turnar al mi camin,
Per seguitar a dirv d Pinabell,
Al qual, cmod av ho ditt in qu' altr Cant,
Pinsò in quila grotta supplir Bradamant.

5.

St ladr assassin al pensa ch la zuvnetta
In t'al cascar in fond al sfundrion
Arresta morta spanta dalla stretta;
Al so cavall al chiappa pr'al cavzxon,
Muntaud in sella, e po dis; Alla fetta!
Am par ch st'altr cavall sia bell e bon.
Al pre' andar adamal s'al lassass quì,
Al srà mi donca ch'al guida cun mi.

6.

Acquisi al fi, mo pian pur, lassènel far,
Ch'agli ha po da pagar anch tutti un di.
In st mentr a Bradamant a vui turnar,
Ch'innanz d murir pinsava esser suppli.
Con qualche fadiga l'as pssì in pi livar,
Dalla cascà tant erla imbazzurli;
Pur a tastnu la zò la trovò un uss,
Ch dentr da un'altra grotta la cunduss.

7.

Una cisa sta grotta iust la par
In quadr fatta, su in t el pilastar:
Tutt'è alabastr fin e marm rar,
Cun el sou bas e i capiz indurà,
An s vdeva in t'al mezz un bell altar,
Con dinanz una lampda d'or impià,
Ch'imbarbaiva cun al so splendor,
Mandand al nas un preziosissm odor.

8.

A vders in st lugh, ch par sant, a sta ragazza
I vign in ment d vlers arcmandar a Di
Ch'a st mond feliz e furtunà la fazza,
Es eminzò a biassar cvell quì da per li.
Tutt in t'un temp la sent un uss ch scadnazza,
E s ved arrivarr dascalz per dedri
Cun i cavi sgramià una vecchia grima,
Ch per nom la salutò alla bella prima.

9.

Oh! bella Bradamant, l'ai eminzò a dir,
Per vulentà del cil quasi qui arrivà,
In dov Merlin m'ha fatta anch mi trattgnir,
E dla vostra venuta al m'ha avvisà.
I st pfond an son vgnù nè anèu ne aiir,
Mo pr una massa d di quasi qui ai ho aspttà:
Merlin vol ch'av avvisa da ra a ron
D tutta quanta la vostra succession.

10.

Qula famosa spelonca è questa quì
Ch Merlin al savi Magh za fabbricò.
Forsi ai n'ar sintù decorrer più d mi,
Dov la Donna del Lagh i l'acchiappò.
In qu'arca ch'è là in mezz lu stà suppli.
Perchè d far a so mòd al s'accordò:
Cun del belli parol li l'persuas
D'andari dentr viv, e mort l'armas.

11.

Ai è cun al corp mort al spirit viv,
E ch'ai starà finna 'l giudizzi as dis;
Ch'allora pò, per quant al librer scriv,
L'arà l'infern, o vera 'l paradisi.
Second al srà vivà bon o cattiv.
Vù address a l'udir, s'aspttari un bris:
Tutt quant l'avgnir, e tutt quant el passà,
Sempr l'ha ditt, a qui ch i l'an dmandà.

12.

Pr'un fatt e du servizzi, cmod as dis,
In sta spelonca mi am attrov address:
Dov a son vgnù dai mi luntan pais,
Per dmandar a Merlin un mi interess.
E ch vu arrivassi an m'era mai d'avvis
Per vedrv e pr'accagnussrv più da press.
E finn'a anèu an m'ha aggrvò d'aspttar,
Savend ch'an pesevi d più prest arrivarr.

13.

D'Amon la fiola, a sentr st parlament,
As po pinsar s l'armas brisa inuèu;
Tra mesta e alligra, i uech modestament
Tgneva chin, com quella ch'è al creanz avia:
A quila Maga la guarda finalment,
E per sta cosa tutta maravià,
La i dis: Ch merit è 'l mi, chi sonia mai,
Ch es più cura d mi un Merlin Cuccai?

14.

Dop, tutta alligra d sta nova vintura,
A seguitar qula donna subit s moss:
La qual la guidò là a qula sepultura
Dov a i era d Merlin e l'anma e gli oss;
Incavà tutta in t la masegna dura,
E quant la tralusiss descrivr an poss:
Al splendor era tant, ch chiar a si vdeva
Sebben ch là dentr el sol brisa 'n luseva.

15.

Intorn intorn a st lugh quasi bell e sant,
In t'al sass intaià part, e purt dpint,
Ai era di figur, ch'an sò s l'incant
O l'art gli aviss a qula maniera fint,
O se a quel sass s'ava da dar el vant
Ch'aviss naturalment qui dsign distinct,
Fussl mo incant, natura, art mi n'al sò,
Ch'an s psevea vedr d mii sol av dirò.

16.

A mala pena dentr in t la stanziuna
La surella d Rinald i pi l'av miss,
Per man condutta da qula savia indvina,
Ch Merlin alzò la vos, e quasi li diass:
Sià la ben arrivà, la mi fiulina,
Al zil e la fortuna v favuriss:
Vù sri al principi d qula nobil fameia
Ch sra dl Italia e del Mond la maraveia.

17.

Al sangu di re Truian, ch'è za parti
In t'el casà d Mungrana e d Chiaramont,
Quand ari tolt Ruggir vù per mari,
Insem arduitt, as furinarà un sol font,
Dov dal settentrion finn'al mezzdi,
Dal levant al pument, la fama è in pront
A dir, ch'ai n'uscirà, dign d tutt i unur,
Re, Marchis, Duca, Cant, e Imperatur.

18.

Di Capitani ai srà, di Cavalir,
Prudint in t al condurr, a emandar giust,
Ch'in t'al so stat antigh, av poss mi dir,
I turnaran l'Italia, es i arà gust,
In t'el decider pò lit e chimir,
All'impar i andaran d Numa, e d August,
Es gvernaran i suddit d si bon cor
Ch'ai parrà d'esser nad in t l'età dl'or.

19.

Perchè in tutt e per tutt s'ava a cumpir
Sovra d vu, quell ch'in cil è destinà,
Mi v'assieur del cert ch vù sri d Ruggir
La cara sposa, emod tant a bramà.
Intant vù seguità 'l vostr sintir,
Nò per qua s vuia cosa n'ev destarà:
Basta subitament ch quell mal ladron
A destruzadi, ch'ev tin Ruggir person.

20.

Quand l'av ditt tutt sti sanz tami Merlin,
Perchè la Maga passiss far al fatt sò;
Ch la vleva a Bradamant mustar d'avain
I fiù di fiù, cun qui, ch sreven sta pò.
L'avea una massa arcolt d diavli e diavlin
Con altr spirit cavà dond mi n'al sò.
Cun di mustazz divers, vsti d più culur,
Perchè i mustassan più fatta d figur.

21.

Per vgnir al cupiment d tutta sta impresa,
In cisa Bradamant tornò a cundur,
Dov l'aveva fatt un cerch, ch li lunga dtesa
I passiss ben star, cun un smess d più d secur.
E perchè 'n fuss per nient la zovna uffesa
Da qui spirit, la i tri un putent scunzur.
E a li po dis: Ossù, stam a guardar,
Po avr'un libr, e cun qulor s mitt a parlar.

22.

Per l'uss dla prima grotta, ecco, s ved vgnir
Del figur, ch vvin al cerch emenz a far calca,
I vrevn dentr andar, mo an i è 'l sintir,
E cun tutt ch'an i è arpar, pur an s'calca.
Vers el stanziol d Merlin, dov l'è a durmir,
A poc a poc as eminzò a ardar la calca;
Mo dentr dall'ussol in ern arcolt
Fin ch d'intorn in avèn girà treì volt.

23.

In quell figur ch'a vdi, stand incantà,
La vecchia eminzò a dir a Bradamant;
I yustr fiù e car nvud in figurà,
Ch'a numinari an sre sta nott bastant,
Mo vu ch'avì bisogn d'esser spicchià,
I più distinct av adlizzò fra tant,
Second l'ordin del temp ch'i aràn da vgnir:
Vù n'ev muvi, sta zitta, e stam a udìr.

24.

Vdiv là quel prim, ch'a vù quasi ben s'avvisa
Ai gest, ai uoch, al profil del mustazz?
L'è vostr fiol, e d più bsò ch'av avvisa,
Che in Italia al srà 'l prim del so lignazz.
La fameia d'Puntir da lù s ved sbriass,
E person e al castell mandar in strazz
Per vendicar al l'a, ch'a tradiment
Sra stà ammazà da qula sì mala zent.

25.

A ved anch ch'al farà star a patron
Desideri re di Lungbard signor:
Per quest i Casti d'Est e d Calacon
In premi i dunarà l'Imperator
Al vostr nvod Ubert l'ha dri a gallon,
Degli arm, e anch dl'Italia ver splendor:
Più d'una volta quest turà la d'fesa
Dla Santa Cisa dai barbar uffesa.

26.

Vdiv Albert? quell ch'è lì, cun el sou man,
Quant bandir tolti ai nmigh mtrai in t' l' cis!
Veh! so fiol è cun lu, ch s farà d Milan
Patron per forza, e d qui altr bi pais.
Azz i è da qu' altra banda, e a quest i sran,
Dop al fradell, suggett i Milanis.
Guardà Albertazz; quest con el sou parol
Dscazza d' Italia Berengari e al fiol.

27.

Pr el sou virtù, in muier da Cesr Utton
Alda, bella so fiola, i srà appunzà.
Guardà al fiol Ugh, mo ch bella succession,
Cmod al s' arvisa mai qui ben al pà!
Per causa so i Ruman, e cun rason,
Tutt quant l'argui i mandaran da un là,
Lu i dscavarà dal man al bell aquist
Del terz Utton, e del Vicari d Crist.

28.

Usservà Folch, vintira al vdrì lassar
L' eredità d' Italia a so fradell,
E in scambi d quella in Germania passar,
Per dviatar Sgnor d' un gran Ducat e bell:
E alla ca d Sansogna, ch vol cascar
Da tutt el band, lu i servirà d puntell;
Del zepp siand l' ultim, la so sgnera madr
Da lu srà 'rmissa in pi, e turnà in squadr.

29.

Quest mo, ch' arriva addess, l' è al second Azz,
Ch l' è dila curtù, più che dila guerra nmigh,
L' ha sigh du fñ, Bertold cun Albertazz;
St' ultim in guerra vinzrà l' second Enrigh;
E del sangu di tudisc farà un gran sguazz,
Ch' i Parmisan n' han mai vist più gran intrigh:
Cun la Metilda al prim sra maridà,
Ch la cumpagna ai su di n' i srà in buntà.

30.

D ste spusalizzi la virtù al fa degn,
E da qui di esser bon puch ben a in stim;
D squas mezza Italia l' arà in dota al regn,
In t' al spasar la nvoda d' Enrigh prim.
D' un tal bell matrimoni vdi là l' segn,
Rinald, ch' as farà d lu quei belli rim:
La cisa al salvarà dall' oppression
D Fedrigh diit Barbarossa, al brutt guidon.

31.

Vdiv là un altr Azz; quell lì mo arà d Verona
Tutt el dumini con el territori:
Es srà intitula marcheis d' Ancona
Dal quart Utton, e dal second Unori.
Mo si arè ch far, s' a vliss quì d' ogn persona
Cantarv i fatt, a s' in farè del stori,
Dila Cisa l' Cunfalon i purtaran,
E tant e tant battai per li i vinzran.

32.

Guardà Ubizz, guardà Folch, e di Ugh, e di Azz;
Tutt du i Enrigh, al fiol ch' è al padr avin:
Du Guelf; un d quisti d' Umbria sgnurazz,
Es gveruarà al ducat anch Spuletin.
Quest ch vin, d' Italia turrà vi l' schiamazz,
Es turnarà l' algrezza in qui cunfin:
Azz da tutt srà chiamà, d st tal nom al quint,
E l' srà dumà Ezzelin da quest, e vint.

33.

D qu' Ezzelin a m' intend acusi famos,
Da tutt el zent cherdà fiol del Demoni:
Più crud d qui ch' al Sguor finn mettr in cros,
E n' ev pinsassi ch' av vindiss fandoni.
Appress a lu as pre dir ch fuss stà pietos,
Mari, Silla, Neron, e Cai, e Antoni:
E po l' imperator Fedrigh second
Da st Azz istess al srà mandà a pianfond.

34.

Quest quì, d quel bell paes al srà patron
Ch' è dri a quel fium, in dov as dis ch Apol
Calò smergulent sunand el calison,
Per vder s' al psseva arussusitar so fiol,
Ch mal cundusend del Sol al carratton,
Giov in t' l' acqua fi fari un scramazzol;
E dalla Cisa quest i srà dumà
Per benemerit del fadigh passà.

35.

Mo dov lassia al fradel Aldubrandin?
Quest pr' aiutar al pover Papa daprà
Contra del quart Utton, e Camp ziblin,
Al qual fin sotto a Roma srà arrivà:
Dop aver pres qui lugh oltra li vsin,
E l' Umbria e Lured tutt quant despiantà,
Dov n' al psend aiutar senza quattrin
Al s' in farà imperstar dai Fiurintin.

36.

E n' avend zoi, o cvell da dari in pegn,
Ai darà so fradell per sigurtà:
E al bell svulazzament del sou insegn
I Tudisch s' trovaran tutt imbruià.
In testa al Papa al turnarà l' triregno,
E i cunt d' Zlan da lù sran castigà:
Mo puvrin! d' età so siand in t' el fior
Al srà in Roma suppli con gran unor.

37.

L' eredità tuccarà a Azz, so fradell,
Del Pesares, e dila sgnuri d' Ancona:
E d quel paes, ch' al Tront, e al Pissadell,
Al mont intorn d' Apenuin enroua;
E dila grandezza d' anim, ch fa l' om bell
Cun la virtù, ch più adorna una persona,
Ch n' è i taor istess, a averi anch dalla cuna,
Qui ch' en despina dal man e dila fortuna.

38.

Guardà un altr Rinald n'esser d manch vant,
Mo comod ai su antenà ben al tin dri:
Al basta sol ch'al n'ava contra intant
L'invidia lova, ch'i apprezza i pi.
Fin d qui da Napl as ha da sentr i piant,
Dov sigurtà d so padr am par ch'al si.
L'arriva address Ubizz: quest da zuvnett
Al srà, dop al nunin, prencip elett.

39.

Del Patrimoni quest n'm par content;
Mo Rezz e Modna cert ai vol unir:
E tant al srà ben viù, ch aquas tutt el zent
I vrevn esser suggett, psserl servir.
Guardà po là so fiol, Azz sest, valent
Dla santa Cros vin fatt Cunfalunir;
Dal re Carl segond d' Sizilia al srà
Zener, e d Adria 'l Ducat in dota arà.

40.

Guardà là s'a vli voler tutt in t' un gropp
Dla vostra bella razza l'ecellenza;
Ubizz, Aldubrandin, Nicolò zopp,
E Albert, tutt pin d'amor, tutt pin d clemenza.
Quasi qui a tassrè, per n'ev trattgnir de tropp,
Comod al so regn l'azuntarà Faienza;
E cun più stabil Adria, ch'ha dà
D' Adriatic al nom al mar d' quel là.

41.

Cun la bella città e nobil d' Ravigh,
Perchè ai furiss el ros numinà acqui,
E, piantà in mezz all'acqua, Cumacch sigh,
Tra mezz al dou current del Pò parti,
Dov i è del zent ch se s'gumbia al mar amigh,
L'ù allora è per la pesca favuri:
A tas d' Arzenta, e d Lugh, e d'altr mill
Terr, e casti, pais, e cmun, e vill.

42.

Vdiv Niculò, ch'arrisgh sà movr al pass:
Pur quasi tusetè al vin chiamà patron.
Quest al pinsir d Tìlè al manda a Patrass,
Ch'i vleva movr contra ribellion.
Sudar sotta degli arm al srà al so spass
Da zuvnett, e cercar guerr e question:
E, cun st bell esercizi, av so dir mi
Ch'al dventa 'l mior suldà, ch sia da qui di.

43.

Di su rivì, lu farà andar in van
I disgu, e a lor farà turnari in dann:
Tutt quant el furbari lu arà pr'el man,
E nssun s'ha da vantare d fari d'ingann:
D Parma e d Rezz Utton terz, al brutt tiran
Al s n'addarà un po' tard, ch l'arà 'l malann
E sigh la mala pasqua, comod s sol dir
Da lu: ch'al dsuiarà e farà murir.

44.

E da quel punt sempr al so regn chersarà,
Senza vultar i pi dal camin dritt.
A nssun sicurament lu mai nurà;
Mo s'i altr al punzn prima, i sran cert fritt;
E per quest nostr Signor s cuntintarà
Ch'an i sia termu a st principat prescritt,
Mo ch l'ava da durar la so casà,
Fin ch'el mond srà dal Sol illuminà.

45.

Guardà Liunell, e dop un po più sù,
Bors al bon Duca, unor d quila bella età;
Lù stand a sedr iu pas srà unurà più
D quant i altr sippn sta pr el guerr passà.
La guerra srà dal mond bandi da lù;
Dedri al furor purtarà 'l man ligà;
Ch'i su pinsir in quest en tutt intint
Ch' i suddit senza dsturbi vivn cuntint.

46.

Erquel s'accosta, ch'al so vsin rinfazza,
Cun i su pastin curt, e 'l man brusà,
Ch' a Budri cun la panza e cun la fazza
Ai fermò 'l camp, dsprement a scappar dà:
Non perchè in premi po' la guerra ai fanna
Nè per dcazzarli al voga alla Palà;
An ev poss dir, d' un Signor si fatt, ben chiar
S più in pas, che in guerra 'l s'ava da ludar.

47.

Qui d Puglia, i Calabris, con i Lucan
Av mantign, ch'i aran d la lunga memoria;
E al sra là, dov dal re di Catalan
Pr' una question privà la prima gloria
L'arà; e i Capitani i prima man
Cercarà unor con più d' una vittoria:
E la sgnuri d qui stat in fin l'arà
Ch l'arev d' aver avu za trent' ann fa.

48.

A st bon Prenzip ai srà sempr ubligà,
Più che a nssun al so stat: non za perchè
E' l vall, e i acquastrin i arà sugà,
Cun di bun camp, e pradarì arricchè:
Nè pr' aver slargà el mura dla città,
E a sta manira d più ztadin furni:
O pr aver fabricà cis e palazz,
Torr, teatr, funtan, stra larghi, e piazz;

49.

Ne gnanch pr' aver difeis dai mal sgranfignut
Ch' i minazzarà 'l gran Lion di venezian,
O averl assicurà contra di astut
Franzie, ch tutta l'Italia sgumbiaran,
Senza nssuna gravezza e nssun tribut
Impost addoss ai suddit su paisan,
Sebben per questi, e pr'altr tant favor,
I Fraris i sran sempr debitor.

50.

L'è sovra al tutt, perchè al nasrà da lù
Alfons al giust, e Ippolit al benign,
F'amos cert all'impar ch' in Grecia fù
I du gemi fiù d' Giov, quand al s' fi un cign.
S' alternativament avèn savù
L' un per l' altr del Sol s' privn di sign;
Anch d' qui du, qui ch' i sran, sintiran dir
Un pr' amor dl' altr d' aver vlu murir.

51.

Al gran amor d' sti du quasi bun fradi
Farà vivr i su car suddit sicur,
Più che si avissen quattr volt o sì
Intorn ai su pussess dila China 'l mur.
L' è pin d' prudenza Alfons, d' virtù, d' curtai;
Ch' i nvud s' maraviaran mi v' assicur
E 'l zent, ch' sippa turnà d' in zil cherdran
La fiola d' Giov, cun el balanz in man.

52.

Al cont i turnarà l'esser prudent,
E l'arvisars al padr in t' al valor;
Ch' da una part vdendit arduitt pocca zent
I venezian i faran vgnir l'umor:
E po da quì altra part medesament
Quella cm' a fiol i arè a purtar amor;
Mo tutta d' rabbia siand e d' stizza pregna
L' an s' mustrarà so madr, mo madreigna.

53.

E quant volt l' uscirà d' in t' al frases,
Ch' al sippa o d' di o d' nott, cun i su sigh,
Altr tant triumfant turnarà, al spes
D' chi vrà per terra o pr' acqua esser so nmigh.
I Rumagnù al vdran lor, s' al so paies
Ai destruzrà, e anch i furarà 'l buttrigh:
E d' sangu e d' mort ai srà un accord etern
Tra mezz al Pò, al Zaniol, e tra 'l Santern.

54.

Al s' n' accurrà ben anch in t' l' istess lugh
Al Spagnol, dal rumen Pastor pagà;
Ch' per spicciars prest, e per furnir al zugh,
La Basti tolta al vdrà, e 'l castlan sgnarà:
E siands ben ben dila rabbia impres al fugh,
I fant e i cavalir sran ammazzà,
D' manira, ch' an i è dubbì ch' un s' n' attrova
Ch' possea a Roma purtar la mala nova.

55.

Quest quì cun al so inzegn, e cun la lanza
Srà causa ch' in t' i camp là dila Rumagna
L' unor arputarà l' esercit d' Franza
D' aver vint Papa Giuli cun la Spagna;
I cavall andaran fin alla panza
Pr al sangu d' qui ch' muriran in quila campagna;
Ai vrev altr a supplir qui puvr sbris,
Tudisch, spagnu, italian, grech, e franzis.

56.

Quell ch' a vdi là, tutt vsti in puntifical,
Cun l' abit, e al cappell ross abbrassà,
L' è Ippolit d' Santa Cisa cardinal,
Pr' el sou virtù da tutt cgnussù e stimà:
E pr' esser tant curtes e liberal,
L' è ben de dver ch' al sippa da un ludà,
Mandà a posta dal cìp, perchè al sia giust
Cmod fu Virgili al temp antigh d' August.

57.

Dila casa d' Est al srà l' unor più bell,
Cmod al Sol è del cil al prim splendor;
Tant quant al s' liva lu as arpiatta el strell,
Del di lassindel e dila lus l' arzdor.
Intant cun puch a pi, manch in t' el sell
Ippolit s' in va vi mustrand d' ulor:
Mo prest al torna allighr, guidand schiav
Treds galè, cun mill altr e lign e nav.

58.

Guardà po la ch' a vdrì un Sismond, e quì altr:
Guardà Alfons cundur sigh in fin cinqu fiù:
Dila so gran fama an ev starò a dir altr,
Ch' l' ha passar i munt, i mar, e i riù.
Quel di cinqu, ch' a vdi andar innanz ai altr,
Al s' chiama Erquel second, al qual ai stù
Dì è zener del re d' Franza; es ha da un là
Ippolit so fradell, ch' è al zio epudà.

59.

Quel ch' i va dri Francesch ha d' aver nom.
Qui altr du Alfons. E, cmod za a dis,
S' a vliss d' ognun cuntarv al che e al com
Più d' una volta al di bagnarè ch' al vgniss.
Al sra mii donca se in somma del somm
Quì a fazz virgola e punt, e s' a finiss:
Ch' am par ora ch' sia temp, s' av cuntintà,
D' taser, e a tutt sti spirit dar cummià.

60.

Cun el cunsens quasi donca d' Bradamant
Tasi la vecchia Maga, e asrò al librazz,
E tutt quì spirit, furni ch' fu l' incant,
In t' la cella s' ficcon senza schiamazz.
La surella d' Rinald, ch' aveva tant
Tastù, la dias: Qui du, ch' in t' al mustazz
Quasi malinconich am avi mustrà
Tra Ippolit e Alfons, cos' el ch' i tin desturbà?

61.

I vgnevn suspirand, e cun i uech bass,
Smarri in fazz, e d' scurrand pian fra lor dū:
Ch' i i zgnassn al pareva a star lontan
I fradi, e più n' i cgnussr per di sù?
Al pars ch' a sta tal dmanda s' tramudass
La savia indvina, e di uech la fi du riù:
E po diss: Dov v' cundus, puvr degraizià,
I mal cunsil del cheriatu decastrà!

62.

E vu, su bun fradi, stam ascoltar:
Pr'amor del cil, av pregh, tgni 'l man a vù:
L'uffesa fatta avi da perdunar,
Cherdim a mi, ch'a in ari gloria più.
Cunsiderà ch a st mond tutt ponn fallar,
Quand an z'aiuta quell per dsovra a nù.
E s dis po a Bradamant: An vui, in fin,
S'avi magnà 'l candel, ch'a fà i stuppìn.

63.

Subit ch'in cil a vdren l'alba despuntar
Andaren fora, es v'insgnarò la vi
Ch'al bell Castell d azzarr v ha da guidar,
Dov al vostr Ruggir sta in persuni;
E tant in là mi v vui accumpagnar,
Fin ch'el mal bosch avadi lassà indri:
Es v'insgnarò quand a sen vsin al mar
In manira la strà da n v'arradgar.

64.

Quì donca la garbata zovna arstò
Tutta la nott a decorrer cun Merlin,
Al qual, dop vari dscurs, al la cunsìo
A mustars a Ruggir curtesa in fin:
Quand fu vgnu di la grotta la lassò,
E s miss a caminar pr' un sintirìn,
Dov la srev inzauplā in più d' un intrigh
S la n'aveva la vecchia indvina sigh.

65.

St sintir in t' un perfond andò a arrivar
Tra di munt, dov n' i srev el cavr andà:
Mo lor dou tutt quel di senza arpuassar
El traversonn camp, munt, busch, fium e prà.
Intant per psser el viaz mii supputtar
D più vari cos fra d lor fu chiaccerà,
D quelli ch permevn più, e turnava al cont,
Mandand el grillari e 'l fandoni a mont

66.

Di su tant dscurs però la mazor part
Ern, ch Melissa insgnava a Bradamant
Al temp, al lugh, cun la manira e l'art
Per cavar, s' ai prein tant, Ruggir d' incant.
S' a fussi, l' ai dseva, anch Pallad o Mart,
E s' avissi dila zent più d' altr tant
D quella ch ha 'l re Agramant cun al re Carl,
A nient l' av servirò per liberarl.

67.

L' ha d azzarr un Castell fatt alla cima
D' un mont, in dov arrigh ai va 'l falchett;
L' ha gli ali al so cavall; la terra an stima,
Mo pr' aria svulazzand al fa el curvett:
L' ha anch un scud d' azzar: cm' al vdi, alla prima,
Imbazzurli per terra d lugh av mett:
Anch quest siand fatt cun un incant quasi fort,
Ch s' ai guardà l' s' imbarbaia, e restà cm' è mort.

68.

Mo s' a pinsassi ch' aviss da valer
Tgnir i uccch aserà, quand a sri sigh al man,
Mo dsim un poch a mi, cmòd vliv saver
Quand srà temp d' arpararv, o frir? dsim, ahn?
Bisogna ch' av insegna al mod da psser
Far ch l' incant, e 'l splendor sia in tutt van:
L' unic remedi è quest, in quant al rest
A si sicura po d spicchiarv prest.

69.

Agramant, al re d' Africa, ha un anell,
Temp fa za tolt d' in India a una regina,
Es l' ha dà a un so curtsan, ch s chiama Brunell.
Ch' ott o dis miia innanz a nu camina;
Quest, oltra l' esser ricch, ben fatt, e bell,
Contra i incant l' è una bona medcina,
Mo tant st Brunell è pront al furbari,
Quant qulù, ch' ha aserà Ruggir, pr el steriari.

70.

Quest, ch' av descriv quasi furb e impertinent,
Da Agramant so patron è sta mandà
Per veder s' as po mai, cun al putent
Aiut dl' anell, tant e tant volt pruva,
Fora cavar d person Ruggir valent:
E d far sta cosa a s' è Brunell vanta,
Prumtenda d cert al re, del qual s po dir
Ch' ai prema, sovra a tutt el cos, Ruggir.

71.

E perchè a vu e non brisa al re Agramant
Ruggir ava da aver st ubbligazion,
D' esser cavà là dentr d' in qu' incant,
Adess mi v' insgnarò al remedi bon:
Avi subit d' andar e d bon purtant
E av mustarò la stra cm' avsin ai son.
Dcò d trei giornat, la sira a un ustari
Quell dall' anell e vù v' attruvari.

72.

S' al vli cgnussr, quest è la so figura:
L' ha i cavi gross, es è scur d carnason,
Si smiss in circa grand al srà d statura,
L' ha l' mustazz smort, e cvert da un gran barbon.
L' ha larghi el spall, ch' al par una spatura,
Al nas asquizz, e 'l zii da can barbon:
Al guarda losch, l' ha i uccch gross, e s' è vstè
D' abit curt, e un bertocch cmòd ha un lacchè.

73.

A trovaru cun lu da chiaccecar
Magara, e massament del magh Atlant;
Vu, cmòd è vera, avi ben da mustar
Gran vuia d' esser al man cun quel furfant;
Mo sigh ch' an stiesi brisa a mutivar
D' esser infurmà dl' anell contra i incant,
Brunell s' esibirà d' insgnarv la vi
Ch va vers qula Rocca, e farv campagni.

74.

Andà pur s'igh, e quand av accustà
A quel Castell, ch'al vdi ben da luntan,
Ammazzal senza nessuna carità,
E al mi cunsei guardà ch'an sippa in van;
Mo sovra tutt el cos questa nuta,
D chiapparl fina ch l'ha l'anell in man,
Ch s mai al s n'intia ch quest a vli da lù
L'anell al s mitt in bocca, e an al vdi più.

75.

Gli arrivonn cun sti chiacier in riva al mar,
In dov vsin a Bordò Garonna sbocca,
Prima d lassars, el volan un po smergular,
El s'abbrazzonn, e po s basonn la bocca;
Bradamant, per gran via d liberar
Al so mros d'in person, camina e tocca;
Siechè la terza sira l'arrivò
A quì ustari dov Brunell l'attruvò.

76.

D posta la l'accegnessi cm la l'avì vist,
Tant ben l'avevel figurà in t la ment.
Più cos l'ai va dmandand, e lu, pruvist,
I attacca del busi garbatament,
E anca li la insfilza su del list,
Nom e cugnou l'as muda, e l'occh attent
In st mentr la i ha al man, per vder l'anell,
E per la pora ch'al n'i roba evell.

77.

D tutt i dfett d questà ben infurmà,
La s'andava d'intorn ben guardand;
La 'n s'al lassa accustar gran fatt da i là
E in tutt i mod d'avain l'al va schivand;
Pr'andar a tavla is ern za ammanvè,
Mo in t l'istess temp s'inti un armor ben grand;
Cosa 'l fuss al dirò, mo bisogna aspettar
Ch' ai ava un pistunzin finì d aguzzlar.

FIN DEL CANT TERZ.



CANT QUART



ARGUMENT

*Bradamant cun l'anell vins al Sterion
E dal sou man la cava 'l bon Ruggir;
Mo quest, saltà d'l'Ipugriff in t'al slon,
La 'l ved tra nuel e sren pr'aria sparir.
Rinald, mal travaivà dalla passion
D'amor, emandà da Carl, dev partir;
L'arrieva in Scozia, dov ai intravin
D salvar da mort la surella d Zerbìn.*

1.

Al finz mai da mi s'è pssè ludar:
L'è l'istess che mostrar neigr per bianch:
Pur in cert volt del cos bisogna usservar
Ch del piz la nott an s po insuniarsn gnanch:
E la finzion as è sfurzà d' ludar,
Perchè la torna 'l cont, niunt d manch,
In t'al teatr d st mond, dov replicar
S'ascolta: Chi 'n sa finz en sa campar.

2.

A so mi quant fadigh ai ho durà
Per vedr d'attruvar un ver amigh:
Mo pr'acattarl invan ai ho cercà
Chi psseri cuofidar tutt i mi intrigh;
Cosa farà d Ruggir l'innamurà,
Aver Brunell quai furb e scaltir sig?
E pur s quia Maga 'n l'avise avvisà,
L'al arè tolt pr un avmarin insfilzà.

3.

Che quell ch pratica 'l zopp tigna zupgar,
Qui d Bulogna st pruverbi tutt al san:
Acquis li tgneva cun Brunell trattar
Stand all'erta, e guardandi spess al man.
Intant, tutt in t'un temp, as sent alzar
Dentr dall'ustari ai gran baccan,
Ch Bradamant av a dir: Mo cos'è quest,
Madr del cil? es core a veder prest.

4.

La ved l'ost, la muier, el serv, e i fiù,
Chi in t l'usc e chi alla finestra, guardar d fiss
Vers al cil, ch'i parevn iust tant chiù,
O ch'as vdiiss la cumetta, o pur l'eclissi;
Lì donca con Brunell, anca lor dū,
Cosa pr al cert da 'n credr s la 'n s saviss,
I vedn pr aria vular un cavall
Ch s' in porta un Cavalir armà in t el spall.

5.

L'aveva gli ali grand, culor d castagn,
E in mezz si vdeva sedr al Cavalir,
Tutt armà, quant un Aliessandr magn;
E vers sira tirava al so sintir,
Poch dop arpiattars po tra del montagn;
Vvend l'ost ch'as era arduitt i furastir,
Cmod era al ver, al principiò a cuntir:
L'è un sterion, ch ben e spess d qui a vden passar.

6.

Or alt, or al va bass, cmod al vol lù,
E sol del belli donn al va alla cazza;
Quand l'in ved una, prest al la tol sù,
Dentr in t el cà an digh sol, in mezz d la piazza;
D manira tal, ch'addeas an i n'è più
Una, ch' s'astima bella, ch gnanch s'affazza
Alla finestra, per pora ch'an i si
Al Burdon, oltra li, a portarla vi.

7.

Tra gli alp di Pirinì l'ha un cert Castell,
Ch'altr ch'al diavol l'ha passù fabbricar,
Lavurà d'azzarr fin, lussent e bell;
Al mond l'ugual an cred ch s possa trovar.
Di Cavalir in là ai n'è andà un flazzell,
Mo gnanch'un ai n'ho vist indri a turnar,
Ch a dir liberament al mi pinsir
L'è, ch quand i en là, ch'ai fiazza tutt murir.

8.

In st mentr ch'al mssir ost quèl chiaccarava,
La brava zovna feva 'l balanzon
Per psser sicuramente, cmod la sperava,
Cun l'anlin, al Castell dstruzzr, e al patron.
La diss all'ost: Dam migh un qualchedun ch sava,
Pr'arrivar al Castell, al sintir bon;
Dalla gran vuia a sent ch'an poss più star
Ai sign, ch'a vrè cun quèl question taccar.

9.

An mancarà chi v guida, diss Brunell,
E mi sro quell, quand vu siadi cuntent;
Ai ho l'viaz acquesi qui d'pint cun el nell,
Cun altr cos ch ponn essr d zuvament;
Al finì qui, senza parlar d quel anell
Ch' in did l'aveva, e spiegars chiarament:
Ben vluntira a sro in vostra cumpagnì,
Li diss fort, e po pian: L'anell è mi.

10.

La diss quell ch' i zuvava, es tasi pò
Cun quel furbazz quell ch dann i pssava dar.
Qu' ost avea un cavall, e li al cumpurò,
Ch l'era bon da battaia e da marchiar:
Fatt sti affar, a durmir ognun s n'andò,
E la mattina prest s missn a viazzar
Pr' una certa valletta, d cumpagnì,
Cuntand fra d lor vari minchiunari.

11.

Acquisi parland, d'in quest in qu' altr mont,
Per più d'un bosch, a i bisognò passar
Degli Alp, s' i volsn all'altissima front,
Dov i ern incaminà, pur arrivar;
Quand l'aria è chiara, e a s ha la vista in pront,
Franza e Spagna dila su s ved, e du mar:
Per calar po da qu' alta cima a bass
An i era che di stirp, di spin, di sassa.

12.

In fond s ved una vall, ch n'è gran fatt granda,
Cun in mezz un gran saas, alt purassà,
Ch' in t la china mustrava essr d'ogn banda
Cun la mura d'azzarr furtificà:
Pr' andari dcò, la vi an i è nssun ch la dmanda,
Perchè altr ch' i usi ponn far quia strà.
La su deo, diss Brunell, tin perunir
Quel vecch sterion tant Dam e Cavalir.

13.

Al fu, aquas in quel dsegn, dall'architett
Fatta quella ch'a dsen nu Torr di Asni,
Ch' in squadr al la tirò cun al filett,
A forza d brazz, e non za d steriari.
Ai è d svari ch sta Torr finiss in strett,
E quell è largh a un mod da co e da pi.
Ch l'era temp d'ammazzar Bruell, cgnassì
Quì Bradamant, e d tor l'anell per si.

14.

Ammazzar quel puvrett senz'arm, ai pars
A li vergogna, e un altr mod pinò,
S la pssava, senza l' man insanguinar,
Far in manira ch l'anell dvintass sò;
Brunell steva a zanzar, senza guardars,
E li svelta pr el brazz la l'acchiappò,
E s'al ligò a un abed fort e pulid:
Prima però l'ai tols l'anell d'in did.

15.

L'av l'asi d'arcmandars: an i fu mod,
La l lassò là ligà, es vultò el spall:
Zo pr' el mont la cercò d batter ben sod
Pr'en cascar, e anch i pi d'en metr in fall;
Al corn, quand l'è in fond, sunar la s'od,
Chiamand el Negrumant dila giostra al ball;
E, n' al v'ndend cumparir, quand l'av sunà,
L'al principiò a chiamar quant l'avè fià.

16.

Al Magh an vol però gran fatt ch la crida,
Mo prest fora dila torr s vist cumparir:
Al so cavall dagli ali pr'aria al guida,
Dinanz a Bradamant, ch par un on fir.
L'an s mada v'ndend vgnir, anzi s confida,
Perchè al s mostra senz'arm da psser frir,
Stant ch'an purtava spala, mazza o lunza,
Nè nssuna altr arma da sfundar la panza.

17.

In t la man stanca sol un scud l'aveva,
Cun un taped tutt culor d'rosa cvert,
In t la man dritta un bel librin al tgnueva,
Es giustrava cun quell quand l'era avert;
Ch'al cumbattias, a lezer quell, pareva,
E poch da maraviars al n'era cert
A parer cun la spada dar matiana
A un tal, ch si o sett pass i è alla luntana.

18.

Ai è ch dis ch'al cavall fuss natural,
Ch la madr fuss un'Aena, al padr un Griff;
Al pareva d sicur al padr uqual
Agli ali, in testa, e per dinanz al griff;
Pr'al rest po cmod è un asu tal e qual
As vdeva, es al chiamavn l'ippugriff.
Ch'in vigna qualedun, s dis, dila dal mar zlà,
Mo mi n'ev l'assicur in verità.

19.

A so ch'al l'av qulà a forza d steriari,
E s' l'allivò a so mod senza cuntraest;
Al l'avviò a poch a poch, mo ai sti ben dri
Ch'ai miss la breia al beech, e addoss al bast;
Pr'andar or alt, or bass, innanz e indri,
Al s'in serveva po dop a tutt past.
Perch'en n'oià un quei fatt ancora mi
Ch'am vrè pur divertir, e d nott, e d di?

20.

Turnand al Magh, ogn cosa era finzion,
Eccettuà 'l cavall, cmod aven diit:
Mo sta volta an i serv essr un sterion,
Ch l'anell mostra a qula Sgnora al stort e 'l dritt.
La finz un poch però cun quel minchion,
Tirand quand un arvers, quand un mandritt:
L'as travaia, la s sbatt, e incalurias,
Ch' i insignò la Maga iust ch'acquist la fissa.

21.

Dop essr sta a cavall quasi un bon pzulett,
Per dari garb la vols smuntar a pi,
Cun al far vista d vier più vgnir al strett,
E cercar dila question cavar i pi.
Al Magh, ancora là, dop un puchett,
Dscruv al scud, per finirla, e andarsn vi;
Pinsand sicuramente, al pover matt,
Ch l'instramurtiss, cmod qui altr aveven fatt.

22.

Dscruvrel al psseva quasi alla bella prima
E'n tgnir a bada tant i Cavalir;
Mo di bi tir al vleva vedr d scrima,
E servirs del murion e del brucbir;
Acquist s' ved a del volt al gatt, ch'en stima
Al pondgh, es par ch'al bada a altr chimir:
Mo, quand al spass i cemenza vgnir a nuia,
Al t m'al chiappa in t'un tratt, es al stranguia.

23.

Mo al'è sta i altr al pondgh, e'l Magh al unin,
Address ha da finir la cicciurlia
Sta zovna i cavarà ben li al murbin,
Perchè l'anell la dfend, ch'la 'n s'imbarbaia.
L'occh la vultava a quel scud ogn tantin,
Guardand sempre per dscruvrel s'al s travaia,
Quand la vist ch'al taped l'av tirà vi,
E li toppa, s lassò andar all'indri.

24.

Sta cosa l'an la fi perchè al splendor
I fiss l'effett a li, ch'al feva ai altr:
Mo perchè 'l Magh dsuntass dal vulalor,
Per fari a li qu'istess, ch al feva ai altr.
Subit al Magh babbion cors all'armor,
Pinsand d'aver furni, ch'an i fusa altr.
Intorn al principiò a fari el rudon,
E in terra finalment miss el tacon.

25.

Alla sella al lassò 'l scud attaccà
Arcvert cun el taplin, e po s'accosta
Alla donna, la qual è preparà,
All'us del cazzador quand l'è alla posta.
L'aspetta ch'al si si ben accustà,
Po s'alta in pi, es t m'i dà una gran battosta:
E lù n'ha fia da dfenders, perchè in terra
I era cascà 'l librin, ch feva la guerra.

26.

Una catena in man sol al portava
E al n'era altr arm s'gh a purtar us;
Cun quella fort i Cavalir ligava;
In t'l'acqua mo sta volta al fora un bus.
In terra l'al ficcò quila donna brava,
E s lu n'fi nssuna dfeisa cert al scus:
Am i par tra d lor du del svari assà,
Là zovna rhuata, e lu vecch senza fia.

27.

La pinsò a un tratt d smuquari vi la testa,
E alzò la man per farla al prim colp netta;
Mo a vder quila figurina la s'arresta,
Es en sa quell ch la s fizza sta zuvnetta;
Là n'i par cert cosa tropp nuesta,
A un vechiett senz arm dar quai l'ultima stretta,
Ch'alla front, alla barba, ai cavi bianch
Al mustava d'aver sett eros almanch.

28.

Al vecch, ch la l'ammazzass s miss a pregar,
E fin pr'amor del cil la scenzurava;
Mo li tant disposta l'è sta cosa a'n far
Quant lu d'aver a car al dimustrava,
In scambi d quell, l'al vols interrugar
D ch razza ch'al fuss, e li cosa l cercava:
Cosa vliss dir quila torr, e finalment
Perchè l'andass dsugustand tutta la zent?

29.

Sintend sta dmanda, al vecch s miss a sgular:
An ho, diss, miza avù mala intenzion:
Quand deo d quel sass la torr ai ho fatt far,
Ne, pr'avarizia, gnanch un ladr a son;
Tutt sti cos agli ho fatt, per vder d salvar
Da mort nn Cavalir zintil e bon,
Al qual fra poch al cil dis chiarament
Ch'i estian l'han da ammazzar a tradiment.

30.

An cred ch'ai sippa al mond più bel zavnnett,
Nè al cumpagn ari vist ai vustr di:
Mi l'ho sempr arlivà fin da tuset;
Lu ha nom Ruggir, e Atlant in chiamen mi.
Desideri d'unor, destin maledett,
Sulda del re Agramant, l'han guidà qui
E mi, ch n'i vre d più ben s mi fiol al fuss,
A cerch d fari scappar al mal influess.

31.

La Rocca sol per quest da mi è sta fatta,
Perchè ai staga Ruggir dentr sicur:
Mi l' miss là dentr, e s l'am vgneva fatta
Dentr in so cumpagnì av vlea cundur;
Del Dam, di Cavalir, del zent d'ogn fatta,
Cmod a vdri, mi pinsir l'è sta d'ardur,
Perchè al star da per lù n'i vgniss a nuia,
Ch am bastava ch d scappara n'i vgniss la vuia.

32.

Ch'al dmda quel ch'al vol, s n d'uscir fora,
E d cuntintarì mi son risolut,
Mai ngotta i mancarà, ch'al n'ava pora,
Fin ch'Atlant i prà dar un qualch aiut;
S'al vol cantar, sunar, e zezr all'ora,
Zugar, vstir, e magnar bocca mi ch vut;
A st mod el cos aveva arduitt in pas
S'a n'm vgnevi qui addesa a dar del nas.

33.

S'al vostr intern s'arvisa al mustazz,
Pr'amor del cil, lassam far i fatt mi!
Tuli al scud, ch'av al don, e mittiv al brazz,
Tuli al cavall, e pr'aria andavn vi.
Basta sol del Castell ch'an ev più impazz:
O pur s d qui ch'en là dentr un qualedun vli,
Tulil pur; e s'av par tulii anch tutt,
Basta sol ch'am lassadi al mi bell putt.

34.

Mo s' anch Ruggir a vlissi vi guidar
In Franza, senza nssua compaasion,
Av pregh, s d'una sol cosa av poss pregar,
A mandarm mi prima in pavaiion.
Lì arpos, es diss: Iust là a vui d là cavar,
An bad a zanz, baia pur ti, cagnon.
Al scud cun el cavall d rason en mi:
E cun quisti t'em vriss vinz in curtei?

35.

E po an em par ch al cambi gnanch i andass,
Sebben anch t tnt l'nn quant l'altr fuss.
Ti t di donca ch Ruggir là dentr t srass -
Pr'infìn ch passass del mal pianel l'infuss?
S'al cil ha urdnà ch Ruggir vada a Patrass
T n'al pu salvar: mo a dir al ver t n' al cgnuss;
Perch' st n' accugnussiss al mal, ch t era quasi vain,
Tant manch d Ruggir t'indvinarà l' destin.

36.

N'em pergar ch'at ammazza, ch'in t'ogn mod
T pregh indarn; e st ha vuia d murir,
E mustar d'essr nn om d aver del sod,
A to comod da st mond t'in pu po nscir;
Intant am prem a mi d batter in t'el chiod,
St vu ch'at lassà, aver prima al persunir.
E, avendel ben ligù, n'al far sti zanz,
Fin al sass la s'in va mandandl innanz.

37.

Cun qui ietessa cadena, ch l'adruvava
Pr i altr, fu ligà sta volta Atlant,
Nè quia Sgnora per quest gnanch s'in fidava,
Savend quant l'era mai un mal furlant.
In fond i era una scala, ch'arrivava
Fin alla cima, es era larga quant
Bisngnava, perch'un i passiss capir,
E intorn al sass l'andava fatt in gir.

38.

Quand al Magh arrivò all'ultm scalin,
Un sass tutt scrit in zifra al cava vi,
E sotto a quell buieven di pgnattin
D più fatta, d bubl pin e d grillari,
Al Magh, rompend quel sass, fi ch'aviss fin
La torr d'azzarr, e gl' altr steriari:
Andand ogn cosa in fum, armas un bell
Desert, quel sit, senza segn d Rocca o d Castell.

39.

Quand l'av el Negrumant ogn cosa defatt,
Un bandi al pars, ch ha pora d'esser pres:
Dinanz da Bradamant spari in t'nn tratt,
Lassand in libertà tutt quel paes.
I Cavalir e l' Dam parsn tant matt
N'avend tutt al negozi ben intes,
E ai dsipiati d'attruvars fora d un lugh
Dov i era tutt i spass e tutt i zugh.

40.

Quì ai è i du re, Gradass e Sacripant,
E Prasild anch, quel nobil Cavalir
Ch'accumpagnò Rinald sin d'in levant.
E Irold so car amigh, a digh d qui vir
S'as in trova qualedun: e Bradamant
Attruvò finalment al so Ruggir,
Al qual, querim verament al l'accugnussì,
Pinsà, del cerimoni s'agl'in fi.

41.

Ch'ai vuia ben, l'è cosa da'n cuntar;
Za questa tant quant mi vu la savi
La causa ch'i fi insem innamurar,
Senza turnar a far un pass indri:
Quand lu la pregò tant a vlers cavar
D'in co l'elmett, e li i fi sta curtsi,
Allora is persn, e per quant is cercassn
An i fu mod, s n'adess, ch'is attruassn.

42.

Adess ch per li al l'acognuss in t'al più bell,
E ch l'è sta li la so liberatritz,
Dall'algrezza an po star dentr in t la pell,
E beat al s chiama, fortunà e feliz;
Zo dal sass al calò con li bell bell,
Dov la zovna d Atlant fu vincitritz;
I trovonn l'Ippugriff, ch s'era fermà,
E alla sella l'bell scud era attaccà.

43.

Bradamant per la breia al vre chiappar,
Quell l'aspetta, es i dà temp ch la s'i accosta;
E po in t'un tratt al s mett pr aria a vular,
Mo an va lontan gran fatt, es en se discosta;
Li tira pur innanz, es s vrè accustar,
Lu va scappand, ch'al par ch'al fizza a posta,
Cmod a vden a del volt far di zughlin,
Quand i han la panza pina, i cagnulin.

44.

Tutt qui altr Cavalir ancora lor
Usci d person, e ch'ern pur vgnù zò,
Is missen per chiappar! a far dl armor,
Currend chi qui chi li, mo nient zuvò;
Al fi pr un bon pzulett al bell umor
L'Ippugriff, finalment po al s'affermò
Avsin a una funtana, tra di sass,
Lontan forsi a Ruggir tri o quattr pass.

45.

Dal vecch Atlant la fu questa farina,
Al qual an i era gnanch scappà la vuia
D salvar Ruggir, s'al pseava, dall'arvina;
A quest al pensa sol, e d quest l'ha duia.
Per quest a lu al fa ch l'Ippugriff s'avvina,
Perchè ai salta a cavall, e a st mod al s tuia
D'Europa; intant Ruggir l'assai ha d tirar
Acqui a man l'Ippugriff, ch an vol andar.

46.

A vder sta cosa, al demonta d'in Fruntin,
Acqui chiamava al so cavall Ruggir;
Al l'Ippugriff s'accosta un po più avsin,
E in sella con un salt al mitt al messir,
Tuccandl con al spron un tantinin;
Allora ai tol la man, e s n'al po tgnir;
Ch'al tigna pur em al vol la breia stretta,
L'Ippugriff vola vi em'è una saietta.

47.

La mrosa, a passi pinsar, a vder sta cutà,
E al so Ruggir per l'aria andarn a spass,
S'l'i vign al nas, e s l'armas insinà
Cmod è una statua scarplinà da un sass;
L'as acurdò ch'ai era sta cuntà
Ch Giov rubò Ganimed, perchè ai purtass
Da bevr, e quei a li ai vign iu pinsir,
Ch'al so bel mros battiss l'istess sintir.

48.

Infina mai ch l'al vist, l'ai guardò dri,
E, quand cun l'occh la n'i psei più arrivar,
Cun la ment e al pinsir l'ai vola dri,
Nè mai cun quell l'al vol abbandunar;
Dop la suspira es pianz, stiancia i cavi,
La s morsga i labr, e lugh l'an sa truvà.
La l chiama, amania, sbuffa, e s fa dl armor.
Ne assuna pas sa dar al so dolor.

49.

La pensa finalment ch'invan la ziga,
E s tol Fruntin, ch la n'i pinsava in prima.
Almanch guidar sigh quell la s tol la briga
Per rendrel al patron, ch d'arveder stima:
Intant Ruggir, con tutta la faciga,
An po rezz al cavall, es ved ogn cima
Di munt arstari sotta, e s n'accognuss più
Al mont dal pian, tant el volò all'in sù.

50.

Un bon vascell, quand l'ava dl'aria troppa.
Al spariess d sotta ai uech, pr'el vi del mar:
Fa iust cont ch l'Ippugriff acquì galoppa,
E ch'al sia al vent, ch'al fizza pr'aria andar;
Finalment vers levant vultò la groppa,
E gli ali vers punent vols addressar;
Bon viaz! lassenl andar; a mi in cunvin
Turnar a decorrer d Rinald paladin.

51.

Rinald in mezz al mar andò a furtuna,
Cundutt dal vent du di, senza mai pesser
S l'andava dov usciess al Sol d'in cuna,
O pur dov al va a lett, brisa saver;
In fin la terza nott, a lum dla luna,
Una punta dla Scozia s lassò vder,
Dla Scozia, dov ai è tra l' quèr e i fazz,
Dla zent, ch'in guerra s chiamen brav mustazz.

52.

I Cavalir errant van pr al paies,
E massm chi s tin d'ess valuros:
Sippel d Franza, o tudesch, o sippel ingles,
Quasi qui i è al mod d dvintar un om famos;
Al par ch'el bon vintur sien qui cumpreis,
Mo n s'metta in prova quell ch'en n'è animos;
I Cavalir dla Tavla vecchia e nova
As dis ch'a vinar i fissen insem a prova.

53.

S' un qualchdun i vol mettr a zugh un zechin
(S d'averel pur aviss la dignità),
S' ai arrivava un di Guerin Meschin,
Tutt i altr Cavalir eren dertà;
D'in nav in st menter usciss al Paladin,
E, dop aver al so Baiard montà,
A quel paron, ch l'ha qui cundutt, al cmanda
Ch al vada a starl aspettàr da quel altra banda.

54.

Senza scudir, e senza campagnì,
Per dla buscheida al s miss a caminar,
Ora per questa, ora per quel altra vi,
Dov al pinsava più briga truvà;
La sira l'arrivò a una cert Badi,
D bun fra, ch'era l' so solit d'alluzar
El Dam e i Cavalir senza interes;
Mo l'è furni quell bon usanz addess.

55.

I fra cun al perior, pin d bon creanz,
L'aztonn vluntira, es i finn accoglienza;
A tavla i al cundussn, e del piantanz
D più fatta i finn purtar d'in t la cherdenza;
Dop la ceuna, i eminzonn a far del zanz,
E, tra l' chiacchr, Rinald a dmandar emenza
S' ai è degli avventur, e qual sia quelli
Ch sien pr'un Cavalir più degni e belli.

56.

I arspoon tutt d'accord: l'ù d mill ai n' è,
E, per sti bosch andand, s'in trova spess:
Una a mal stent n' ha un Cavalir cumpi
Ch' ai n' attrova altr don, ch' i en lì d'appress:
Al Signor sa lu quant ai n' è sta furni,
Ch nu n' al saven, e nssun in fa l' process.
E vu andà in lugh, s' a vli acquistàr dla gloria,
Dov in possa la fama far memoria.

57.

S per farv unor a fussi in Scozia vgnù,
An pssevi iust truvàr miora occasiun;
Ch l'ugual al temp antigh la 'n s' è savù,
E cert a rissì quell dalla rason;
Al sra dagnora un mes, ch' accusà fà
Del nostr re la fiola da un Baron
Di prim, al qual Lurcani s chiama,
Ch' a sta zovna è drci a tor e vita e fama.

58.

In t l'accusa lu dis a sta manira?
D'averla vista a mezza nott tirar,
Su pr una scala d corda, a una ringhira,
Al mros, e dentr da una stanza andar:
Tutt pens ch la sia questa una chimira;
Mo intant nssun s' è vist vlerla aiutar,
E addess addess al mes è za passà,
Scadù l' qual, s la n' ha aiut, la srà brusà.

59.

In st isola ai è un us, sempr usservà,
S' una donna, sia mo d qual fatta s vuia,
D'esser sta vista mai fuss accusà
Cun un, ch en sia l' so spos, a far la truia,
Publiccament sippa in piazza brusà:
S'an i è, dentr da un mes, un qualchdun ch tuia
Sovra d sè l'ieuenblenza d verament
Alla spia pruvàr ch la sia innucent.

60.

Al re, dulent, ha fatt mandar la crida:
S' ai fuss un Cavalir, da qual s sia banda,
Ch vliss contra d' Lurcani tor la sfida
Per la Zuevra, ch'acquistà la fiola s dmanda,
E a tutt far vder ch l'è questa una mintida,
E n' uffesa al so onor un po trop granda,
La fiola ai dà, cun dota cumpetent,
Pur ch' anca lu nad sippa nobilment.

61.

Ma se nssun, dentr a st mes, s ved cumparir
O, vgnend pur anch, s'al perd, l'è suna gli or.
Un occasiun più bella n' sv po uffir
Per farv in sti pais grandissm unor;
Senza ch' andadi pr i bosch a ammattir,
D tutt i scuzzis vu v guadagnà l'amor;
Es guadagnà una sposa mo in si fiocchi,
Ch del belli emod l'è li as in catta pochi.

62.

E sigh di bun quattrin, e del passion,
Ch' al re per vu del cert al farà d tutt,
Avenl a vu sta gran ubbligaziun
D'averi conservà l' unor aquas destrutt;
E po s da Cavalir a purtà l' spron
A si ubbligà in cunsanzia a dfeindr el putt,
Fra gli altr tutt po questa massament
Ch n' ha l' ugual in t'al vivr unestament.

63.

Rinald appinsò un poch, e po l' arspoon:
L' ha donca da murir una ragazza,
Pr esser galant un poch vers al so mros,
Ch per n' al vedr murir strett la l' abbrazza?
Sia pur maldett chi usserva un us quasi udios
E chi al miss su posel esser squartà in piazza;
Piutost am par a mi ch sia da brusar
Quella ch en vol al so mros cuntintar.

64.

Ch' al diga ben o mal quel signor Baron,
Ch la principessa sia culpovla o nò,
S la l' ha fatta ai darò sempr rason,
Purch' in secret la l' ava fatt però;
Quest addess a n' al cerch, mi so campion
Contra Lurcani, e chi s vuia, am farò.
Dam un ch m guida là dov s' ha da andar
Per salvarla, ch' a vdrì quell ch' a so far.

65.

An vui miga dir mi ch l'an l'ava fatt;
Ch'a prè, quand an al so, dir la busi;
Mo a vui ben sustintar ch'an s ha per st fatt
Da murir brisa, e ch l'è una barbari;
E quell ch ha fatt sta lezz l'è sta nn gran matt,
Es è un statnt ch s ha da lassar indri,
Anzi una briccunata da scanzlar,
Nè ch pr el donn più la s'ava da addruvar.

66.

Mo, d grazia, dsim a mi un poch, i mi frà,
E dscurrenla fra nu quasi qui in s du pi,
Fra l virtù, ch en dai savi tant ludà,
Una del primi la n'è la curtai?
S' l'è donca insem curtis da innamurà:
Per quest s i ha mo da far la baia dri?
E po alla donna sol? l'om an importa
Ch'al fazza quant al vol, la razza storta.

67.

Am par ch'ai sippa d'ingiustizia fort,
E pr el donn l'è una cosa molt dsugual;
E vni mustrar ch'ai è fatt un gran tort
Es han rason s'el biascen questa mal.
I antigh a far sta lezz funn mal accort,
I fra arspen a Rinald in general,
E ch'al re fava mal, perchè lu psseva
La lezz currezr, eppnr an la eurzeva.

68.

Qui finì el zanz, e ognun a lett andò,
E quand el Sol turnò ai nnsr pais,
Lassand Rinald al lett, subit s'armò,
E s fi mettr al cavall tnt quant i arnis.
Al perior un garzon sigh i mandò,
Ch'aveva fatt gula strà del volt più d dis:
Quant miia is fissen mi 'n v al sò cuntur,
A so ch i avn un bel pezz da caminar.

69.

Pr avanzar temp, i andonn zo d strà a travers
Per di sentir più curt dala vi battù;
Tutt in t'nn temp ai pars d sentir di vers,
E allora l bisti is missen a tteccar sù,
Pinsand forsi ch'al fuss un pelgrin pers
Caminand per qui gran bosch da per lù.
Quand is accorsn ch l'era una zuvnetta
Tra dn zaltrun, mo d qui dalla chivavetta.

70.

Deprament l'urlava cun quant fià l'aveva.
Es pianzeva dirottissimament,
Puvretta! e cun rason, perchè l'as vdeva
Arduetta all'ultima stretta cun gran stent.
Alla gola un pugnol ognun i aveva;
E Rinald, ch'arrivava in quel mment,
A vder sti scherz, fi un url a qui briccun,
Ch i scapponn vi fagandala in t i bragun.

71.

Oh! vut mii ch la zuvnetta i lasson star,
Quand da luntan i vistn al Cavalir?
E in t'un macchion s'andon a cazzunar;
Mo d lor Rinald an s vol mettr pinsir,
Mo vers la donna al s miss a galnppar,
E cosa sia st negozi al vol udir.
E pr en perdr più temp a far del zanz,
In gropa al la fi torr a què ch'è innanz.

72.

Se ben ch li era dal prigul anch inspurè
Dia burrasca tamngna za passà,
Ch la s psseva dir anch bella al la scurzè,
Andand sigh all'impar po dri alla strà.
A poch a poch sta donna turnò in sè;
E quand dal Cavalir i fi dmanda
Cos'era mai st imbroi, la i fi sintir
Tutt quell ch'in st'altr Cant av son per dir.

FIN DEL CANT QUART.

CANT QUINT

ARGUMENT

*Pinsand Lurcani ch so fradell in mar,
Pr amor dta Principessa, s fuss angà,
Cherdend ch fuss Pulinca al so mros car,
E ch la l'ava lu sempr minchiunà;
Al l'accusa per donna d' mal affar.
Mo Ariudant d'armadura e d vest mudà
Cumbatt cun el fradell: po Rinald vin
Es manda Pulinca ai pilastrin.*

1.

Rinald pr al cant passà parlò a passion,
Quand cun qui fra lu s miss a sustintar
Ch'an saveva capir per qual rason
Una donna s'aviss da castigar,
La qual, mossa da tendra compassion,
D'arpiatt al mros aviss vlu cuntintar;
Perchè ai piaseva Angelica anca lù,
E sigh l'are vlu far al bech curnù.

2.

El n'han una rason, ch el n'han più d cent.
El donn, cun i omen, s'el stan in t la so:
E quand el sentn più far del lament,
Allora el fan benissim a diri d no.
S'el s fermn un tantin a dari ment,
Siand d carn anca lor, prest el van deo.
La donna è un fugh, l'om una massa d stoppia,
Al diavol è furb, e a pssai pinsar s'al soppia.

3.

Cun tutt st gran ben però quasi strampalà
(E emod s vada al negozi mi n'al so),
Cert umazz usn al donn del crudeltà
Contra i principi ch la natura urdnò;
Chi ammazza la muier, fiola, o cugnà,
E di altr da aguzzin i tirn zo;
Qui però ch fin del cos a sta manira
Diavli is ponn dir, ch han sol d'omn la cira.

4.

Qui ch Rinald santanò, du mal briccon
D sta fatta istessa, in quant a mi, ai arvis;
Forsi i guidonn gula donn in qui burrun,
Perchè an s'in s'iviss rama nè radis;
Al Cant passà a fin quand a qui bun
Cumpagn li s'ammannò per dari avvis
Del che e del com e emod per li l'andò,
E a sta manira a digh ch la principciò:

5.

Una gran crudeltà mi v son per dir,
Ch'al temp avgnir la n sra forsi cherdù:
E am pens ch'an s possa la cumpagna udir,
Nè in t'i temp ch'en passà mi n l'ho sintù,
Fatta da omn ch s dighn tiran vir;
E s'an s'accosta el Sol qui vsin a nù,
L'ha tutta la rason, se d vedr al schiva
Dla zent acquai perversa e acquai cattiva.

6.

Ch'am ava da guardar da chi an m fid
Cun i su pi questa la i va sicura:
Mo ch'qu'istess ch'ai vui ben, e d lu più m fid,
M'ava po da tradir, l'è pur anch dura!
Per vlieri ben e credri, in sti malid
Qulù m'incatrama e la fortuna scura,
Per farm po murir contra rason,
Seuz'aver d'una donna cumpassion.

7.

A pssi donca saver, al mi car signor,
Che in cort del re fin da tusetta andò,
E li, d servir so fiola ai av l'unor,
E la so confidnt prest a dvinò;
Mi, n savend cosa s fuss al far l'amor,
Pur tropp, ancora mi m'innamurò:
E tra qui pugg d cort, e altr bi putt,
Al duca d'Albani m piassi più d tutt.

8.

Più di altr a mi m pareva ch'am vliis ben,
E per quest anca mi ai ciappò di affett:
Quel ch'è la zent per d fora a stent a vden,
Tant manch as cgnoss quell ch'è dent in t'al pett.
Pr al duca am sinti impiar tant fugh in sen,
Ch'arrivò sin a tort migh a lett,
Senza badar ch'è durmeva in qu'istessa
Stanza secreta più dla Principessa,

9.

Dov l'aveva el sou zoi, e el cos più car,
E dov tant volt anca li la durmeva:
D corda una scala am era fatta far,
E la nott al mi mroe a la spinzeva,
Standl a una certa ringhirola a aspttar
Che d posta alla mi stanzaia cunduseva.
E quand la nott mi vleva aver el spass,
A tgneva sod la scala, ch'an cascass.

10.

Tant volt, d'far sta cosa, m fu cuncess
Quant an fu dalla Principessa impgnà,
La qual al lett suleva mudar spess,
Massim s'al cald o el freld era inultrà.
Tra nu du riuissi semp st'interest,
E mai da nssun el duca fu osservà,
Perch da gula part ai è del cà in arvina
Dov nssun passa gnanch a far l'urina.

11.

Di mis assà andonn dri fagand st bel zugh,
Qui di mi ai era morta ch'an al vdeva:
Pr al gran amor an attraversava lugh
E destruzzm poch a poch propri m sinteva;
Mo se del ben per lu mi ai era un fugh,
Altrtant al guidon migh al finzeva,
E s'l'amor m'aviss fatta star a segn
Am n'aveva da accorcz a più d'un segn.

12.

Dop esser passà acquai un cert timparell,
Am dis ch l'ama la Zneva chiar e franch:
S prima d mi la piass a st zaltrunzell,
O dop, d sicura an v'al dirò po gnanch;
E s'cu cmenza a pregar acquai bell bell
(Guardà s migh l'era impertinent po anch)
D'assistrl, e fari tutt quant i servizi
Tant ch'al possa arrivà al spusalià.

13.

Qul'amor, al eminzò a dir, ch a li al purtava,
Al n'era ugual al ben, ch'am vleva a mi;
Mo ch'al finzeva acquai, perchè al sperava
Dvintar a sta manira so mari;
Al so consentimnt d li sol mancava,
E facilment arè l re cunsenti,
Dop al re n s'attravand in tutt el regn,
Per nubiltà e per roba, d lu l'più degn.

14.

Al seguitò cuntandm altr rason:
S per causa mi lo feva st parintà,
Sebben ch'a l'aviss vist dal re a gallon,
Dla mi persona mai as srev dscurdà,
Mo semp arè avù migh st ubbligazion;
E s'al m'aveva vlu ben pr al passà,
Per l'avgnir a sre sta semp l'istessa
Cun tutt ch'al fuss mari dla Principessa.

15.

Udi questa, e po dai s'ai era cotta
E s'avea pers al mi giudizi d'fatti:
A sintir st parlament, arstò in s la botta:
In scambi d diri s l'era d'vintà matt,
Armas li, ch'a pareva una marmotta,
Anzi d più a diss ch'all'arè soddisfatt.
E perchè i fuss la Principessa amiga
An arè perdunà a nssuna fadiga.

16.

Dop quest, al cil sa lu s'a pruvò tutt
El manir, e s'a fi quell ch es pseva far,
Mo indarn, ch an in psei cavar custrutt;
Ai avi beu l'asi d dir, l'asi d zanzar.
Al cor dlla Principessa s'era arduitt
In pett a un altr a li più gradi e car.
Quest era un Cavalir bell e curtes,
Temp fa vgnù in Scozia da luntan paies.

17.

In sta cort al passò dalla Rumagna
Cun sigh un so fradell, ch'era un ragazz,
Au i è un ugal a lu in tutta Bertagna
Per destrezza in t gli arm, e forza d brazz.
Cun sti virtù, l'amor del re guadagna,
Ch dagnora al l'ha za fatt un gran sgnurazz.
Di titol agli ha dà, cun degl'impres,
Ch'al va all'impar d qual s'a gran sgnor scuzzes.

18.

S quant l'era lungn al nostr re n'al vdeva,
Propriament so fiola la spasimava,
E tant vlntrira più, quant la savea,
Ch lu dl istessa muneda la pagava.
In t'i ucc massimament accegnusseva
Quell ch'un per l'altr in t'al so cor pruvava.
Per nom l'era chiamà Ariadunt
St bell cavalir dlla sgnora Zneva amant.

19.

Al ben donca ch la vleva a st Cavalir,
Al qual, cmod av ho ditt, era quasi grand.
Fu la causa perch mi n'pessiss ariussir
In quell ch'al duca m'andava dmandand.
Per quant a la pregass a vler gradir
L'amor del duca, e ch'am andass inzgnand,
Ne cas, ne mod i fu, an i fu eccezion,
La fadiga a tri vi cun al savon.

20.

An ho tant cavi in co, quant volt ai diss
A lu, ch'an i era cas, ch'al n'i pinsass:
Digand ch la Principessa ha in ment tropp fiss
Quel bell Cavalirin, nè ch la l'lassass;
Finalment bisognù po ch'am cherdiss,
Dop aver buttà all'aria tutt i pass.
In fin am diss sti parol tal e qual:
An vui pistar più l'acqua in t'al murtal.

21.

An v'ho gnanc ditt, e adess sol am suvin.
Cmod es chiamass al duca d'Albanì;
Puliness i i missu num da pzinin,
E Puliness i i disn tuttavì;
Cmod av dseva poch fa, vndend donca in fin
Ch'al zess e la calzina al trava vi;
Non sol d'amar la Sgnora al luavò star,
Mo d più al pinsò d farla svergugnar.

22.

E d farla svergugnar in tal manira
Ch la u'aviss più mustazz da lassars vder.
E far nassar tra i mrus odi, e tant ira,
Ch'insem mai più la p.s i pssissn aver;
Sovra d quest appinsand mattina e sira,
An vol a nssun dmandar al so parer:
E sol mi stessa dop m'in so an addà,
Quand ai ho vist la cosa cmod l'è andà.

23.

Fatt al pinsir, al vins da mi es m diss:
Dalinda (e quest è al num propri mi d mi),
A sent propriament ch'in t el radis
Del cor la mi speranza en n'è svani;
Sebben ch'ai ho pruvà del volt più d dis
A far ch la Zneva 'm vuia ben a mi,
Par deutr d mi una vos am par d sintir,
Ch bon annm em fa, e n m lassa sgumintir.

24.

D'pruar un'altra stra m'è vgnù l caprizzi:
A vui tintar anch questa per dilett;
Basta ch vu a secundarm avà giudizi
A sper ch la sia pr'aver questa l so effett;
Quand a vgnarò da vu per quel servizzi
(Za am intindi scezza parlar più stietti),
Subit ch la Principessa è andà a durmir
Vu cun i pagn su d li av avi ca vstir.

25.

Fav el tupo, arrizzav el pircocchin,
Tolì l so patunier, i girandò,
Serviv in st cas del so bell cinturin;
E quand all'ora solita a vgnarò,
Cmod li sol far, andà pianin pianin,
E al solit po mandà la scala zò.
Mi intant a ingannarò la fantasi,
E, siand cun vu, a cherdrò d'essr con li.

26.

Mi n'era bona gnanch da dir niclizia
Tant trattavia cun lu là alla carlona;
An cherdeva ch l'aviss tanta malizia,
Mo lu saveva far tropp ben la mona;
Dop po a capi ch questa era una spurchizia,
E che quelù era una razza rozza rona;
Basta, turnand a mi, a digh ch puntual
A fi cmod al m'ingnò, iust tal e qual.

27.

Prima d'irv altr, a fazz un pass indri,
Es digh ch' Ariudant e Puliness,
Innanz ch' nassiss tra d' lor sta gelusi,
I orn amigh, e is trattavn ben e spess;
Address, emod dop am è sta ditt, al mi
Duca cun qul altr, s' al n' l' d'iss sti istess
Parol, almanch am par ch' in st sentiment
D' appress a poch ai f'iss al decora seguent:

28.

A savì ch, stagand poch, m'ha da tuccar
La Principessa in sposa; es seguità
Cun un cattiv prucedr, e mal trattar,
A far sigh al galant, l' innamorurà?
Ch a son mi da più d' vu av prissi arcudar,
E s' v' assicur da amigh, in verità,
S mi fuss emod a si vu, e vu fussi mi,
Brisa e po brisa an trattare acqui.

29.

Ariudant arspos: chi ha un bel taser
Address per piazza al sent andar cantand:
Ch mi i v'iss ben prima d' vu za al dsi saver,
E a posta a posta a vign quasi quì in sti band.
Li fa l' istess cun mi, e a sre un matt a vler
Credr ch' a vu la v' viaa un ben quasi grand,
Quand anzi a so ch' l' an v' in vol una cieca,
E s' v' agura ch' al boia un d' v' impieca.

30.

A dsi ch' av manch in quest d' rispett a vù,
E ch' a fazz contra alla nostra amicizia;
Qul' unor, ch' s' ev dev, av l' ho sempr rindù.
A so ben anca mi el part dla giustizia;
Ch prest a sri per spusarla anch am dsi d' più,
E che d' roba più d' mi vu avi duvizia,
Quest av al zed; mo s' al re a vu v' vol ben,
Migh an burla: dia signora un v' in scurren.

31.

Al duca arspos: Oh! a si fort in error;
As ved ch' per poch av la lassà p'ntar;
Vu cherdi d' esser innanz a mi in t' l' amor:
Av digh mi ch' an m' si gnanch a l' impar.
Cuntam s' l' av ha mai fatt un qualch favor,
E ancora mi l' istess v' promett d' far.
Quell ch' ha cattiv, ch' al ceda el sou rason
A qul' altr, quand al egnuss ch' l' ava più bon.

32.

S' a v' l'issi d' più, da cavalir av zur
D' en cuntar mai a ussun quel ch' am diri:
Mo a v' ben po anca mi esser sicur
Ch' vu d' quel ch' av dirò mi mai parlari.
Acquis tutt du d' accord s' trinn un sennzur
Ch' al prim ch' parlass al diavol al purtass vi:
Magara! adess a son squas sta per dir;
Oh basta! al prim fu qul' altr Cavalir.

33.

Emod in fatti era vera, l' cuntò
Ch la Principessa i aveva imprumess
D' spuarli in tutt i mod, es i al zurò:
Ai era mi present quand la i al d'iss;
E quand so padr deiss ben anch un d' nò,
An i era dubbi nssun ch' l' anell i m' t'iss.
Ch la sposa un altr indarn i al diran:
Più tost murir cun al mazzol in man.

34.

Al seguitò po a dir Ariudant,
Ch s' el forz currispndevn ai su pinsir
Al sperava pr al legn e al re far tant
Da psser la Principessa in sposa uttg'nir,
Senza ch' s' ava da dir ch' l' è un arrugant,
Mo ben si in premi del so bon servir;
E in quest al cuntidava po tant più,
Quant li dseva d' en vler altr che lù.

35.

Quest (dis) è al stat present d' tutt el mi coss
E nssun am pens ch' in quest 'un staga appress.
E 'n san desiderar d' più sti quattr oss,
Quand ai ho del so amor un segn quasi espress;
Da li mi 'n v'ui cercar più d' quel ch' a poss,
Nè d' quel ch' lecitament n' m' sre cuncess.
Fora del spusalizi an v'ui cercar
Me a, ne a, ne quel ch' en s' po sperar.

36.

Dop ch' Ariudant av ditt sti quà
Cun grazia, cun bel garb, e cun manira,
Al duca d' Albani, ch' s' era intestà
Sta gavetta sgumbiar, e a quest sol mira,
Oh (al ceminzò a dir) av son mi innanz asè,
E s' v'ui ch' am al cunfsadi vu innanz sira,
Quand a sari la cosa emod la v'ia,
Chi sippa più d' nu du innanz es egnussrà.

37.

Cherdim ch' la n' ev vol ben, e ch' la v' incanta,
Es dis acqui perchè av in tgnadi d' bona.
E d' fari star cun mi tant volt la s' vanta,
Digand che a credri a si pur d' pasta bona!
Mo migh av assicur ch' l' an sta a far tanta
Sparzara d' chiacchir, es n' fa migh la mona.
In cunfidenza ogn cosa av v'ui contar,
Sebben ch' a farè mii an v' in parlar.

38.

An passa mes, ch' del volt trei, quattr e si,
E anch dis, ch' an m' attrova sigh a lett,
Da li invidà, per fari cumpagni;
Quest quì s' chiama vler ben, purtar affett:
Da sta cosa, ch' av cont, v' cert capi
A chi la vuia ben, e d' chi l' ha d' spett.
Zdim donec l' lugh, senz' altra pretension,
E al vostr amor trovà miora occasion.

39.

Mo qu' altr, ch n' era gonz, subit arspos:
Sicurament vu address dai una busi;
Da per vu av si invità sti cos udios,
Per farmi star, e ch'am in tuga d i;
Di' unor so d li mi sro sempr gelos,
Vu cun la spada in man am mantgniri
D n' essr busadr, e d n' esser traditor,
S' a si quell ch'av vantà, duca d' unor.

40.

Ai arspos Puliness: Andà un po pian:
A ngotta serv, address piantar question;
Mi v vui far vedr, e far tuocar cun man,
Ch'an son, cmud av pinsà, na sbaiafon.
Mi v lass pinsar cmud arstass l'italian,
E al dular ch'al pruvò a sintir st briccon
Parlar a sta maniera, e s'al cherdeva
Ch'al disse al ver, allora lu mureva.

41.

Ai cascò l' cor in terra, es dvinò smort,
Tant erl dalla duia attavanà;
Mo, pr' en parer del tutt essr un om stort,
An cherdrà mai, l' arspos, quell ch' am cuntà,
Infina ch' an m sro cun i uoch accort,
Ch' a siadi tant innanz cun li arrivà:
E, s l' è vera sta cosa, sta sicur
Ch l' è tutta vostra, e d li più m' n' in cur.

42.

Quand al era temp mi v' in darò l'avvis,
Arspos al duca, e i decurs funn finì qui.
An cred ch passass del nott più d' ott o dis,
Ch a fun d' accord ch al duca vgniss da mi;
Al brutt zaltron, ch' an i era mai d' avvis
D cumpir st ingann con tanta astuzia urdi,
Al diss a qu' altr, ch la nott al s' arpiatta
Tra quel cà rott, dov mai nssun s' accatta.

43.

E d posta un lugh i insegnò ch' era rimpett
Alla ringhira ditta pr al passà:
Ariadant però ciappa un po d sospett
D en n' essr in qualch maniera minchiunà
A vedr un sit què solitari adlett,
Perch' al vdiss quell ch' al n' arà mai stimà
Dla Principessa: e i vgn in t' al pinsir
Ch' an vliès tradirl, o far qualch altr tir.

44.

Al pinsò de n' i andar del tutt dspruvist,
Sol da per lu, e parer un burattin;
E peser, s' ai fuss success qualch cosa d trist,
In qualch maniera far al so fruntin.
L' aveva un so fradell d' aam provist,
Ch' an i era d lu al più brav in sti confin,
Chiamà Lurcani: e quand quest era sigh
Pora al n' aveva d qual sippa so nmigh.

45.

Quest donca al chiamò sigh, dsend ch' al tuliss
Par gli arm, e s' fi la nott accompagnar;
Cosa s' fuss per rivira lu n' i diss,
Perchè zurà l' aveva d' n' parlar.
Quant è un tir d' sass luntan da lu al s' al missa,
Cun dir ch' an s' mova, s' al n' al sent stuffilar.
Mo s' am udi chiamar, dis, saltà fora
S' am vli ben da fradell, s' an vli ch' a mora.

46.

Lurcani s' fermò, es diss, n' ev dubità:
Innanz andò Ariudant pianin pianin
Es s' arpiattò dentr in quel cà arvinà,
Second l' accord, inlritt al curlurin;
Gran fatt en ste a arivar pr' un altra strà
Al duca d' Albani, quell bou fuilin,
E a mi, ch n' era infurnà del so mal dsegn,
Al fi degli altr volt al solit segu.

47.

Mi cun al patanler tutt d rigadon
Al peruechin, el zoi, e i girandò,
Cun un bel cinturin d' or a gallon,
Ch' in Scozia sol lu l' principiessa usò,
Pr' udir el segu a steva in atenzion,
E a saltò fora subit ch l' arrivò
In s la ringhira, in tal mod fabbricà
Da pesser da tutt el band essr usservà.

48.

Lurcani in st mentr, o sia ch al dubitass
Ch senza saverli al passè succedr cvell,
In dov la so persona bisognass,
Oppur ch' al fuss curios, acquì bell bell
Al s' fi innanz anca lu, dop a cert sass
Arpiattands, poch luntan da so fradell,
Tra del rusch e perdizz, stand a usservar
In dov st negozi aveva da parar.

49.

Guardà ben cosa vol dir la furtuna:
Mi, ch' en saveva nient d sta trattimessa,
Alla ringhira a ussì per mi dsfurtuna,
Cun i abit ch' ai ho ditt dlla l' principiessa;
Al purtò al cas ch al lusera la luna,
E i du fradi pinsonn ch mi fuss quila dessa;
Anch d' più azzuntandi ch' n' poc am i arvis,
E quest al digh za ch l' altra sent al dis.

50.

Da lor, per quest, mi fu tolta in error;
Es ern d sovra più un po luntanott,
In dov dlla luna an i deva l' splendor,
Es arstonn in t la red cmud fa un merlott;
Quest era quell ch cercava al traditor,
D far a Ariudant aver la mala nott:
Al qual sicurament av a murir,
A vder su per la scala al duca vgnir.

51.

An fu su a mala pena, ch mi i tri l' brazz
Al coll, quest'era semp la mi usanza,
Es al basò più volt in t al mustazz,
Se ben, ch a dir sti cos, la n'è creanza;
Più che mai lu m fi fest, al brutt furbazz,
Per mettr un bon sciopp dentr in t la panza
D'Ariudant, e pinsà, pover stuppai,
A vder sta scena, s'al sgranava l'ai!

52.

Ai vign sn i chiù si malandrinent
Ch'allora allora l' decretò d murir:
E la spada dsfudrò subitament
Per vler cun quella tutt i guai furnir;
So fradell, ch'usservava ogn cosa attent,
E aveva Pulinosè viat da mi vgnir,
Senza cgnussrì però, a vder so fradell
Far st att, in t'un sbalanz ai fu alla pell,

53.

Es el trattens a temp cun el sou man,
Ch'an s trapassass al cor tutt in t'un tratt:
S l'era più pigr un poch, o più luntan,
Quand l'arrivava, al colp era za fatt;
Oh! povr mi fradell, povr fulsan,
Ai cunzò a dir, siv forsi dvintà matt?
Pr nna femna si fatta av vli ammazzar?
Ch'al diavli tutt el donn posse putrar!

54.

Li merita d murir, ch l'è una carogna:
Mo vu cercà d mantgnir la vita sana;
L'è address a vleri ben marza vergogna,
Za ch'a vdi dal so dver quant l'è luntana
Andà, più ch'an sen nu da qui a Bologna;
Bella cosa murir pr una puttana!
Dscurdavla pur; o s'av in vli arcuardar,
Fal sol per dir al padr el sou purcar.

55.

Quand al s vist al fradell sovra arrivar
Ariudant, e ch l'udi tutt st parlament,
Allora d'ammazzars al lassò star,
E s pars arstar a quel parol content;
An i accorda però d vler accusar
La Principessa, mo in t'al cor al sent
Un cert tiech toech, ch'i porta una gran nuia,
Mo pur al finz ch'i sia passà la duia.

56.

Al di vgnend, an stè a far altr baccan,
E an cercò d'accumdar i su bagai,
Mo al s'n andò, senza tor gauch sigh un can,
E nssun da ch part l'andass pssì dar raguai.
For d so fradell, e al duca, i altr en san
Sta nuvità da cosa s vigna mai;
D sta cosa as in fi nn dir grand pnrassà
In cor dal re, e per tutta la città.

57.

An passa ott o dis di, ch'in cort s'attrova
Dmandar dlla Principessa un cert viandant,
Ch senz'altr cirimoni i dà la uova,
Essers angà in t'al mar Ariudant;
Non, dis, perchè al timpesta, o ver ch'al piova,
Oppur ch tirass al vent Grec o Levant,
Mo per caprizzi sol d vler far un salt
In mar, d'in cima a un sass, ch'era ben alt.

58.

A cas al m'incurntò mi per la strà
Innanz ch'al fiss sta gran capucchiari:
Vin migh, am diss, ch address address te vdrà
Cosa sra per la Znevrà di fatt mi;
E, quand arò cumpi quell ch'ai ho dagnà,
Va alla cort a drittura, e trovla lì,
E diù ch per vedri tropp am son arduitt
A st pass, fussia pur sta senz'ucch del tutt.

59.

Per furtuna arrivonn sovra a Caphass,
Ch'avanza, contra Irlanda, sovra al mar,
An ved sn ch'al camina dcò d'un sass,
Al despica un slanz, e in t l'acqua l's v' a buttar.
Mi, ch n' i pssava far altr, a vultò l'pass,
E camminand sta nova ai son vgnn a dar;
Av zur, ch a ndir sta nuvità, alla fetta,
La Principessa equas mors dalla stretta.

60.

Quand la fu sola, la di in t' l' smari,
An' v poss dir tutt quell ch la diss, ch la fi:
La s mursgò i labr, la s stiancò i cavi,
Al mustazz l'as sgranfignò, di pugn la s di;
E ben e spessa la dseva da per li
Tutt quell ch' l'aveva dal viandant ndi,
E massm, cmod al dseva, ch pr aver vist
Tropp Ariudant al feva un fin quasi trist.

61.

Tutt savinn prest ch'al s'era angà d dular,
E tutt per lu dinn in t'un piant dirott,
Al re e i curtsan, ch tutt i purtavn amor;
Dal disgust i missn infina su al croott;
So fradell sovra l' tutt fi un gran armor,
E più di altr d sienra l'era rott:
E poc a s'in mancò ch'al n' andass dri
A quì altr mond, per fari cumpagnì.

62.

Al principiò dentr da lu a pinsar
Ch la mrosa era sta causa dlla so mort;
Avend vist qu'altr per la scala andar,
Per quest al s'era arduitt acquisi a mal port;
L'appinsò subit vlersen vendicar,
Senza pinsar nè alla rason, nè al tort;
Ne perdr allora allora la curtesa
Grazia del re e dlla nobiltà scnzessa.

63.

L'aspttò ch dinanz al re ai fuss ben dla zent
Purassà, e po s'fi innanz, es cminzò a dir:
L'è sta la Znevrà causa verament
Ch'al povr mi fradell è andà a murir,
Sia pur cert ch l'è sta li sicuramente,
E n'ev pinsassai ch'av cuntass chimir:
Pr aver d li vist un att vituperos,
L'ha pinttost vlu murir, ch'esser al so mros.

64.

Vierla dmandar per sposa l'era dpost,
E pr altr an i ha viu ben, cherdiml a mi,
Utgirila po al cherdeva d'esser in post,
Pr aver al Regn e vu quasi ben servi;
Mo l'ha vist, al puvrett, ch i altr han l'arrost,
E l'odor sulament era per si.
Lu stava a aspttar ch al madurass i figh,
Quand i altr za zappavn da Fedrigh.

65.

A una ringhira lu la vist, d'arpiatt,
Tirar cun una scala d corda l mros,
Ch la steva a aspttar in terra za a patt fatt,
E cun lu dentr a un camarin s'arpos,
Chi al s fuss an v'al dirò, perchè an fu matt
An i andar qulà travsti, nè alzar la vos.
Mo cun gli arm alla man av farò vder
Esser, quell ch'ai ho ditt fin'ora, al ver.

66.

A psei pinsar al re s' l'armas degustà
A sentir dir ch so fiola fa la truaia,
La qual cosa an l'arè za mai pinsà,
E ch a saverla adess la i vin a nuia;
Al dseva da per lu: Questa è una quità!
S'an s'attrova qualchdun ch la dfesa tuia
Dla fiola, e per la gola gustù fazza mintir,
Cunform al lezz a l'ho da far murir. -

67.

A vu v'arrivarà sta cosa nova
D'aver una lezz nu ch cundanna a mort
Qua donna o qua ragazza qual s'attrova
All'unor, o al mari ch l'ava fatt tort,
Quand li dentr dai trenta di n'attrova
Un Cavalir quasi brav, valent e fort,
Da pruvà alla spia ch verament
La donna è accusà a tort, e ch l'è innoent.

68.

Al ro, per liberarla, ha fatt bandir
(Sebben ch'al cred ch sta quità sia una busi)
A chi s'farà dila fiola cavalir
Ch' ai darà di quattrin del mass vi vi,
E per sposa la fiola anch a sent dir,
Cun patt ch lu sippa nad in gran sguiri;
Mo gnanch per quest al n'è nssun saltà fora
Tant ai tutt d Lurcani una gran pora.

69.

Al porta iust al cas ch'an i è Zerbìn,
Fradell dila Principessa, in t'el paies;
Al qual per fars in arm un paladin
Lassò, e s'è un timparell, al zil scuzzes.
A pens d' sicur ch s'al fuss oltra qui voin,
Quand l'aviss tutt al content intes,
An perdrè temp, mo subit el vgnèrè:
E unor, padr, e surella al salvarè.

70.

Intant ch' al passà l' mes, al re per pesser,
Fora anch dila dsfida, vgnir in cugnizion
S' al ditt d Lurcani sippa fals o ver,
Cert camariri ha fatt mettr person,
Ch'aren cmod è la cosa da saver;
E mi'm son tolta d sotto in st occasion,
Perchè, s'as dscriv la quaià, al duca e mi,
Senza accattar remedi, a sen spedi.

71.

La sira fora d cort i mi prim pass
Ai fi pr'andar dal Duca, e là am cundues:
A cercò d fari vder quant impurtass,
S mai per dsgrazia ligà dai sbirr a fuss.
Lu 'm fi bon annu, es diss ch'an dubitass,
E tant al sav parlar ben, ch al m'arduss
D cundurm in t nn castell, ch l'ha qui d appress.
Cun qui du, ch avi fatt scappar address.

72.

In quant manir a vdi vn, al mi signor car,
A Puliness ai ho mostrà al mi ben,
E s' per giustizia al m'aveva da amar,
Se d'om al cor al purtass dentr in sen:
Mo, s'anch pr un poch am lassari parlar,
Cun ch mmeda d pagarm al cerca, a vdrèn.
E s'el donn posm in t i omni mai sperar,
Un amor, cmod è al so, fid d'attruvar.

73.

St om infam, bso ch'al diga, e scellerat.
Ha avn suspett ch'an'al vada a accnsar
Al re, cuntandi el sou gran barunat,
S non iust adess, almanch in lung andar.
Cun la finzion d mandarm fora d Stat,
Ch al barissel n m passio o l' spii trovar,
Intant ch s'appasa al re, adess furibond,
Mandarm intant al vleva a qul altr mond.

74.

L'era daccord con qulor, ch aveva migh,
Ch' i fissn ben al fatt secret e evert,
Senza badar a piant, scunzur, o prigh,
Quand i fussn arrivà qui in st lugh si desert.
S'an arrivavi vn, a udri i mi zigh,
Adess andà a patress a ore del cert.
Acquis Dalinda diass al Paladin
Tutta l'istoria, andand pr al so camin.

75.

Rinald av sovra 'l tutt gust purassà
D'aver allora atruvà la ragazella,
Ch l'infirmass da co a pi cmod l'era andà
L'instoria d fatt dla signora Znevra bella.
E s d'aiutarla l'aveva pinsà
Cun tutt el forz, da star a pi o in t la stella,
Quand la cosa an saveva chiarament,
Tant più al faral, savend ch l'era inucent.

76.

In Santandrè, città, Dalinda dseva
Ch al re cun la so cort tutta abitava,
E la battaia là da far s'aveva,
E là succors la Principessa aspiitava.
Rinald andò tant fort quant mai al pseva,
E d sprunar al cavall al n'asparmiava;
Arvin alla città quand l'arrivò
Del nov più freschi un Cavalir cuntò:

77.

Ch l'era arrivà un incognit Cavalir
Per tor la Principessa d tutt i impazz;
Mo agli arm an s'pseva cgnusar, nè al cimir,
E cvert al scud sempr al purtava al brazz.
Nè, da dop ch l'era vgnù, nssun pseva dir
D'averl gnanch psu vedr in t al mustazz.
L'istess so servitor zurand al dseva
Ch l' s'pessiss esser che brisa al n'al saveva.

78.

I arrivonn cun sti chiacchr a vder la mura,
E in quattr pass i funn vein alla porta;
Dalinda andar d più innanz la 'n s'assicura,
Mo Rinald la vol sigh, es la cunforta,
Al purton trov n aserà, e a quell ch l'ha in cura
Al dis acquisi Rinald: Mo cosa importa
A tguirl addess aserà? e quèl i fa saver,
Ch tutt ern andà la gran battaia a vder.

79.

La gran battaia, ch'era za cminzà
Tra mssir Lurcani e qui alr cavalir,
Fora d'un'altra porta, in t un bel prà:
Intant fi al Pala'in la porta avrir,
E, appena ch'i funn dentr in t la città,
A so lugh al cadnazz turnò 'l chiavir;
Rinald n'abbada a quest, mo innanz al passa,
E alla prima ustari Dalin la lassa.

80.

Ai dis: Vu n'avà pora, e stan aspiitar:
S' a poss, a cercarò d turnar ben prest.
E po s miss vers al camp a galluppar
Dov i du Cavalir s picchiu in t el test,
Cercand l'un l'altr in valor superar;
Lurcani, ch'era om fiero, fort e lest,
Al so cuntrari ben ben tambussava,
E qui alr a far la part so 'n minchiunava.

81.

Si Cavalir con l'arc e cun la frizza,
Tutt a pi, stevn armà dentr in t'al srai;
E al Duca d'Alhani po, in cap dla lizza,
Al s vdeva cavalcar un caval bai.
Gran cuntestabil, lu al duell indrizza,
E tutt fa star luntan, e tocca e dai,
Agli aveva un gust matt a vder quasi li
L'unor dla Principessa a mal partì.

82.

Rinald tra la gran calca spinz innanz,
E s fa far lugh al bon cavall Baiard;
E chi 'l s'inteva andar a tutt sbalanz,
Agn poch ch'al stias, al s'artirava tard.
Rinald seguita 'l viaz, e an bada al zanz
D chi, a vedrì sol, al tol pr un om gaiard:
Dinanz al re al s'afferma, e qui d agn banda
S'accosta ognun per sentr cosa al dimanda.

83.

L'alza la vos, es dis: O re potent,
Iust addess la battaia fa partir;
Mì v'assicur ch ognun d lor è innuzent,
E quand al sia innuzent an dev murir;
A so ch Lurcani pensa verament
D'aver rason, mo al pregh a cumpatir
Quand a digh ch al s'inganna, e ch s'ingannò
So fradell, ch l'altr di in t 'l mar s'angò.

84.

Quì alr en sa s l'ava la rason o 'l tort,
Mo sol per so buntà, per so curtsi,
In t el prigul al s'è miss d'armagor mort
Perchè la Principessa 'n mora li;
Mì a son qui addess per dar a tutt confort,
E a far vder chi è quell ch dis la busi:
Mo innanz ch a conta qui la mi rason
Dapartì, pr amor del cil, sta gran question.

85.

Ch l'era quest un om d garb al re cgnussì
A vedrì sol, e a udirl chiacciar
In bon cunzett mazorment ai chersi,
E al cmanda ch s'fazza i Cavalir fermar;
Rinald, al re, e a qui signori ch'ern li,
E a tutta l'altra zent, ch steva a ascultar,
Cuntò cmod fuss la cosa verament,
E d Puliness al dsevers al tradiment.

86.

Quand l'av finì, al diss po ch'al provare
Cun gli arm in man la verità d sti cos.
Vin chiamà 'l Duca, e lu quant è un ebrè
An fa 'l francon, ne gnaneh el braganoss;
La cosa an la vol dir chiara cmod l'è,
E al s sent termar al cor, la pell, e gli oss,
Mo Rinald dis: Al man: e, tutt pin d stizza,
Fa 'l Duca andar in piazza, e s mitt in lizza.

87.

Oh! quant al popol ha a car, e al re i ha gust,
S la Principessa s po dscrivv innucent;
I spern ch Domendi mustrarà 'l giust;
S l'accusa era sta fatta ingiustament;
Pulness i al stimavn un om ingiust,
Iniqu, avar, e superb, e insultent:
Sicchè an i arriva nova ch questa sì,
Senz'altr, d lu una fina furbari.

88.

Al Duca sta argutti, tin bass la testa,
Es s'accognuss ch al n'ha address argui ch i avanza.
Quand al sent l'ultim segn al s mitt in resta,
Mo al n'ha tant fà da sustintar la lanza;
Al Paladin vol prest finir la festa,
E per furar al mira in mezz dia panza;
E 'l so pinsir agli arüssiss d pnell
Ficcandi mezz la lanza in t 'l budell.

89.

Al le liva d'in sella, e, cmod s fa nn strazz,
Più d si brazza luntan in terra al manda:
Allora 'l smonta, e s'al ciappa pr el brazz,
Ai cava l'elm, mettend da una banda;
Al s ferma po, senz più dari impazz
Quand l'od ch in carità la vita al dmanda;
Mo a tutt, Rinald address, vol ch'al confessa
La cosa tutta, e cmod la sia successa.

90.

An pesi cumpir l'instoria, ch la parola
I mancò cun la vita in t'nna volta.
El re armas cunsulà a veder la fiola
Salva, e al so unor si gran macchiazza tolta;
Sicura al po cuntarla pr una fola,
Pr un bus d grattusa al l'ha scappà sta volta,
Tant ben l'avevl urdi quel brntt tampon,
E s l'unora Rinald, l'ha ben rason.

91.

Quest s cava l'elm, e 'l re 'l cgnussì del tutt,
Perchè altr volt i s'ern praticà:
Ben d cor al ringraziò 'l Patron del tutt
Ch in succors st valent om i aviss mandà;
Quil altr bon Cavalir, ch s'era cundutt
Da Principessa a difendr l'unestà,
E ch steva da una part sti cos a vder,
Al re ch al s fiss innanz i fi saver.

92.

Cun bel mod ai dmandò per grazia d vler
Dscrivers, e diri a lu cmod al s chiamava,
Per pesserl trattar ben, com era d dver,
E premiarl second al meritava;
Al s fa pregar un ciech, mo, pr en parer
Un malcreà, la buffa in ultim al s cava
Fagands accognusser quell ch'av son per dir,
Vndà ch'ai ava una cioppa d bicchir.

FIN DEL CANT QUINT.

CANT SEST

ARGUMENT

*La Principessa sposa 'l so Ariudant,
Ch in dota busca 'l ducat d' Albani.
A cavall d'l Ippugriff Ruggir intant
Arriva dov Alcina ha la sgnuri;
Quì, infermà da un sambugh di brutt incant
D qula striia, al fa i su cunt d' andarsn vè;
Mo 'l dà in t'un gran intopp, e chi i dà man
D salvars da quell, l'inzampla in t'un più stran.*

1.

L'è furb, mo non za avèa, s'ai è chi s fida
D pesser far del mal, e farl quasi d'arpiatt;
Quand i tasiessin tutt, an sa ch al crida
Qu'aria istessa, e quel lugh dov l'è sta fatt?
Ben e spess al Sgnor vol ch'al mal far guida
Al malfattor a fars cgnussr pr un matt;
Oh! quisti d st mond in n'en proverbi nuv:
— S la s fa sotta alla nev, un di la s dscriv. —

2.

Per vder s l'è vera, usservà Pulness:
Al pensa ch tutt el cos sippn apparzà
Tant quant Dalinda el s'è livà d'appress,
Ch'era di su andamint sola infermà.
S quest azuntà al n'aviss ai prim eccess,
El dsgrazi ch'i suzzidinn l'arè scappà.
Più al sre campà, al sre mort in t'al so lett,
S'al n'abbadava a un mal fundà sospett.

3.

Mo address lassenl andar, da za ch l'ha pers
Cun la vita, l'unor, roba e parint:
So dann s' l'è stà cattiv: turnen in vers
Al re d Scozia, e a qui sgnori tutt attint
Per vder quel Cavalir, e quand al s davers
Fi tutt arstar d stuppìn, mut e cuntint,
Fagands accognusser per quel Ariudant,
Ch per mort in Scozia tutt aveven piant.

4.

Piant l'avea 'l re, e piant ogni baron,
E anch la Principessa quant s po dir;
Al l'avea piant al pagg, con al patron,
Mercant, ztadin, e dam, e cavalir:
Tutt dsevn ch al viandant era un birbon
Ch'avea cuntà del bubl, e del chimir;
E pur la verità è ch lu al vist in mar,
D'in cima a un sass a scramazzol andar.

5.

Del volt, quand a sinten qualedun biastmar,
E dir ch'al diavol al possa portar vi,
S' a un tratt dinanz al s'al vdiass arrivar,
Al s pintirev, e 'l s tirarev indri;
Acquist fi Ariudant, quand al fu in mar:
La vuia del murir i scappò vi;
E, pratic a nudar, al fi in manira
Ch'a poch a poch s'arduss alla rivira.

6.

Al dseva da per lu: Mo gnanch s'a fuss
Senza inzegh a murir, cuspett del diavol!
E, siand mui spolt, alla cella 'l s'arduss
D'un bon Rumitt, vecch quant al prim san Pavl.
Al sti quai li arpiattà dentr dall'ussa,
Pr udir s la Principessa innava el tavi;
A vui dir s'at depiaseva, o s l'as allgrava
Per la so mort, e cmod la cosa andava.

7.

Alla prima al Rumitt i vign cuntand
Ch l'avea dà bella ancora li a murir,
Tant pruvolla un dutor massiex e grand
Da quell cos, ch pr'al viandant ai mandò dir;
E sparguà, cmod s'era, in tutt el band
La so mort, tutt in fan cert un gran dir.
D Lurcani al conta, ch la bella sgnurina
Aveva accusà al re per birichina.

8.

Al n'av manch dsgust a udir quest d so fradell
D quell ch'alla sgnora prima ben al vleva:
La i pars questa un'azion da turch ribell,
Se ben che per so amor fatta al l'aveva;
L'av anch dsgust a saver ch gnanch un stafell
A pro dla Principessa cumpareva,
Perchè Lurcani tant fort era tmù,
Ch'an s'arrisgava nasun d'torla con lù.

9.

E chi al cgnusseva, tant bon al pinsava,
Savi, prudent, discret, e tant accort,
Ch s'an fuss sta vera quel tant ch'al cuntava
All'azzard an s srev miss d'armagn mort;
Quest fu causa ch la più part dubitava
La Principessa dfender cun al tort:
Dop aver appinà sti cos ben tant,
La dfesa tor lu arsols Ariudant.

10.

Cmod previa mai, al dseva, puvrett mi,
Vder sta sgnora murir per causa mi?
A sent ch'an arè ben ne nott ne di,
S'innanz a mi a saviss ch l'è morta li;
E, cun tutt al saver ch la m'ha tradi,
Ai vui anch ben, es suspir anch per li.
Qui dfenderla bisogna in conclusion,
O tort o 'n tort, e andarsu in pavaion.

11.

Ze a capiss, pur tropp, ch'an ho rason,
E s murirò: mo quest n'm dà travai;
Am dsipias ch quand a srò andà in t'al balatron
Anca li tgnarà andar ai buriccai;
Per mi an 'm resta altra cunsolazion
Sn ch la vdrà chiar, quand l'an paties d barbai,
Che Puliness, con tutt ch la i porta amor,
An s'è moss pr ombra a fars so difensor.

12.

E mi, ch la m'ha ingannà quasi sporcament,
Per salvarla la vdrà ch'a murirò;
E d quell matt d mi fradell medesamament,
Ch ha miss tant fugh in pi, am vendicarò;
Ch l'arstarà li om'è un chiù, dsgustà, e dulent,
Quand l'arà cumpi l'ovra, e ch'al vdrà pò
Ch'in scambi d'aver fatt el mi vendett
Pr el sou man al m'ha fatt trar l'ultim pett.

13.

Quest è l'ultim pinsir, e quasi al conclud.
Degli arm novi al compra e un nov cavall
Ogn cosa neghr, curazza, elm, e 'l scud
Urlà con un spaghett tesu neigr e zali;
Al s trova un scudirett tra 'l popol mnud,
Es i dunò una sedaa per regal.
Senz'esser cgnussù, donca, al va, es s'uffries
Contra 'l fradell, e brisa an s'agumintiss.

14.

Av ho za ditt al fatt cmod al suzliex,
E cmod Ariudant fuss arcognussà;
E quanta cuntintezza al re i aviss
A vder ch'an s arè brusà so fiola più;
Al pinsò da per lu ch trovar en s passies
Un mros più fid, cmod quest fin'ora fà.
Al qual, dop tanta ingiuria e tanta uffesa,
Contra al propri fradell so fiola ha dfesa.

15.

Per far la fola curta, an sti più a aspttar,
Mo, alla presenxa li del Paladin,
E d qui altr sgnori d cort, ai fi spusar,
Dunandi un bell anell cun un rubin.
Al Ducat d'Albani 'n psseva arrivar
Mii a temp, ch'agli al di in dota, e di quettrin.
I finn del nozz, es finn del belli cosa,
E a mi sotta alla tavla am tuccò gli osa.

16.

Per Dalinda Rinald impetrò grazia,
Ch l'aveva d'n murir una gran pora;
La qual, del cos del mond siand stuff e sazia,
Subitament d'in Scozia l'andò fora,
L'andò pelegrinand fin in Dalmazia,
E là in t'l Cunverti la s fi po sora.
Mo al bisogna turnar un po a Ruggir,
Ch va vi vuland, e d lu qualch cosa dir!

17.

Spiritos sia Ruggir, pur quant al s vaia,
A pens ch al so valor s'ra in part smarri;
Quant ann l'ha e curagg con tutt ch l'arcunia,
Al n m farà con tutt quest credr a mi
Ch'al cor n'i trema dentr em è una fuia
A vders in fin fora dl'Europa usci;
E aver passà del mia al cil sa quant
I cunfin ch Erquel miss ai navigant.

18.

Qul'animalazz per l'aria 'l vola tropp,
Al par propri ch'al diavl al porta vi,
An s'è vist balber correr quì d gallopp,
Nè rundanin vular nè palpastri.
An cred ch'al l'arzunzies el ball da stiopp,
Ne quelli da balestra, o d' l'arilari;
E a stagh per dir, chi sa gnanch, alla fetta,
S'arzunz forsi al pessis una saietta.

19.

Dop aver quant al voles vulà e vulà
Sempr a dritt fil, e senza mai vultars,
Fori sintend ch ai amancava al fià,
Al mustrò d'aver vuia d arpassars;
E, siand sovra a una bell'isola arrivà,
Al diss far i su cunt d vier qui fermars
Da quel gran viaz in st sit, che anch ai par
Ch' in grandezza a Sicilia s' po arvisar.

20.

Forsi anch al pars al più bell lugh del mond
A qul' animal, e ben cert al l'intes,
Ch s' l'aviss al mond vulà quant l'era tend,
Al n'arev attruvà 'l più bel paies.
Qui donca 'l principiò a accustars al fond;
L'assrò gli aliazzi, pr'alzirirs dal pes
D Ruggir, al qual an i era mai d'avvis
D lassar la sella, e tuocar terra un bris.

21.

I bosch in st bel paies paren zardin,
Pin d fiur e d frutt, ch fan sintir mill udur,
Ai è di mil granar, di milaranzin,
Ch han d'estad o d'ivern sempr i fiur;
I zris han sempr i frutt, zidr, e gherspin,
Es arparn dl'estad i gran calur
Del Sol, e tra quel ram i canarin
Canten cun i frangui, l'ugnù, e gardlin.

22.

Qui ai è la bella rosa, e al nobil zii,
As po dir anzi ch'ai fiuriss ogn'erba;
Qui i stan in totta quiet livr e cunù,
Sieur al cerv alza la front superba;
Qui al cazzador n'i mitt mai in sgumbii,
E la mort al n'i fa parer aserba;
I caviù quì s vedn andar a branch
Cmod fa 'l pigur tra nu, ne più ne manch.

23.

Quand l'Ippugriff a terra s'accostò,
Ch forsi cinqu brazza ai dæva esser lontan,
I scarpin d'in t'l staff Ruggir cavò,
Fagand un salt murtal, mo d qui supran;
Ne la breia per quest l'abbandunò,
Anzi sempr al la tign ben stricca in man,
An vol ch'al cavall nov i scappu vi,
E al le liga a un sambugh oltra lì dri.

24.

Al s miss po a sedr in riva a una fontana,
All'ombra fresca d'un gran bell castagn;
E, per passars un poc la gran scalmana,
Gli arm al s cavò, ch l'aveva sovra i pagu;
S'cava anch la camisola, e la gabbana,
E 'l tign sol un curpett, ch'era d fustagn;
In quell mentr ch'a st mod al s'arsurava,
Intorn intorn quel paies guardava.

25.

D'in quand in quand al va vrend dl acqua fresca,
E cun al fazzulett s suga al sudor;
In t la fontana cun el man al pesca
Perchè ni passa più prest al gran calor;
L'ha ben rason, puvrazz, s'al s'arrinfresca,
Ch'al n'è nuiga sta a sintir un sunador,
Mo, senza mai pusars, degli arm vati,
Del mia più d trei milla ha fatt quell di.

26.

In st mentr ch'al s'arsora e s suga al muì,
L'Ippugriff, ch'al sambugh era ligà,
In quel buschett diss vedr un qualch garbui,
E s di un strappon quasi fort e smanganà,
Ch'in terra spessi al fi erudar d quel fui:
Mo cun tutt quest al n'av la libertà
D'andarsn vi, perchè Ruggir l'aveva
Ligà, da 'n pesser scappar, quand an rumpeva.

27.

Del volt, s'un cuntadin attrova un zocch,
E ch'al porta a brusar in t'al so fugh,
S'as da 'l cas ch'al sia bus, dov'era un brocch.
Marziss, e ch'ai sia andà dentr del sugh,
Al cmenza a gurguiar e a buir un poeh
Ch'al par un caldaron, quasi fi al sambugh:
A sintirs savamar cun tanta forza,
Al buiò un poeh, e po i cherpò la scorza.

28.

Da qula scorza cherpò vin una vos,
Ch'umanament a st mod a parlar cmenza:
Al mi signor car, s'a si brisa amuros,
Cmod a mustrà pur d'esser alla presenza,
Deligà dall'albr mi st cavall nuos:
Ai ho d'avanz del mal mi propri, senza
Nova pena, e d'olor nov azuntar,
Ch m'ava per d fora più da travaia.

29.

Al vultò l'occ Ruggir, subit ch' l'udi
La vos, e nssun d'intorn al n'attruvò;
Mo ch parlava st sambugh al s'accurzì:
A psei pinsar, fiù mi, s'al s maraviò;
E per quell ch'ai dimandava lu al servi
E d' l'ppugriff ben prest al le sbrigò,
Dsend: Per grazia, scusam s'av ho disgustà,
Fada, o spirit uman, quì dentr assrà!

30.

Mi 'n saveva ch' i albr in sti pais
Da un uman spirit fussen abità,
E quest è sta 'l perchè, in st mentr ch'un bris
Am arsurava, la bistia ai ho ligà;
Mo, in grazia, av pregh d spiegarm, e darm avvis
In ch manira a si sta li dentr assrà,
Cmod a campà, es dscurri: quì n'ev mulesta
Al cil cun del saiet e dla timpesta!

31.

Av zur po anch d più pr'al bell mustazz
D quella ch sculpi dentr in t'al cor a port,
Ch s'av ho, senza saveri, dà dl'impazz,
Pur ch' in evell altr av possa dar cunfort,
D'n guardar a parol, fadigh, o viazz
Per cumpinsar l'involuntari tort.
A st mod quand av Ruggir finì d parlar,
Altra volta al sambugh turnò a ternar.

32.

E po cminzò a sudar su per la scorza:
Al dseva iust parer propri quel Crist,
Ch'una volta sudar feva, per forza
D'sust, un birbon, quand i era papa Sist.
L'arspos donca l' sambugh: Adess am sforza
Al vostr bell trattar a darv un pist
D zanz ben lung, per cuntarr chi a son mi
E chi in t'un albr m'ava cunvertì.

33.

Mi 'm chiam Astolf, es son un Paladin
D quì d Franza, numinà, e tant tnuì in battaia,
E d'Urland, e d Rinald a son cusin,
Di qual la fama as sa quant la baccaia;
In t'el blezz a pareva un latt e un vin,
E questi en sta la causa ch'm travaia;
Ai era fiol del re di Inglis Utton,
E, dop lu, dla carona mi 'l patron.

34.

A psei saver, al mi car signor, che quand
Mi cun Rinald, e di altr purassà,
Dalla forza e virtù del cont Urland
A funn d'in t'una grotta liberà;
Dagli Indi nov az in vgnevn dscurrand
Tra d nù dla gran burrasca za passà.
Andavn per la strà dri alla marina
D settentrion, vers dov al sol s'inchina.

35.

Al purtò 'l cas ch'un dì prest, a bon'ora,
Dri alla marina andavn acquist da matt
Vers dov'era un castell d'una cert signora
Che s' chiama Alzina, e ch'è una striia d fatt,
Mo d' quell fin; basta: all'attruvon allora
Da per li, vsin al mar, cun el zavatt:
E per divertiment la s vdeva pescar
Mo ne red, am, o bcon la s vdea drubar.

36.

Arrivava di branch d luzz e d dulfìn,
E a bocca averta a gala dl'acqua un ton;
Guizzar per l'acqua un bell videll marin,
Una mulla, un stramaz, e un gran salmon;
I civr, e i goff paren salta-martin;
E dop la testa alzava un bel sturion;
El cepp, astiz, rain, e i calamar,
Eren in numer tal ch'en s'passen cuntar.

37.

Una balena a vdinn, ch' forsi mazor
Chi sa s'un'altra s trova in mezz al mar;
Per sicur l'era, dceverta, al mi car signor,
Trenta e più brazza a vlerla misurar:
Sicchè nu tutt a la tolsin in error,
Stant ch' l'era ferma, ognun s're pssù ingannar,
Ch' un isola a cherdinn ch' la fuss senz' altr,
Tant erla lunga e larga da un co a qu'altr.

38.

Alzina pescava, cmod avì za udì,
Senza adruvar usvì, ma a forza d zanz:
Cun la fada Murgana queti nassì,
An so se in t' l'istess part, o dop, o innanz.
Alzina 'm guardò, e subit ai piassì
La mi persona, e s'al mostrò d'avanz.
La pinsò cun astuzia, e cun inzegn,
Dai altr detorm, es arrinsai in t' l'impegn.

39.

Incontra a mi s'affi cun bella raa
E la bocca rident, cun di bi inchin,
Digand: Signori, ch'is servin in t' la mi casa,
Vluntira ai arcuroi senza quattrin:
Ai imprumett d mustarì, pur ch'ai piassa,
Tutt el sort ch'es po dir mai d piss marin;
Dì plus, di liss, e d quì ch' han la so scaia
I in vdran, d più d quell ch'ha fui una buscaia.

40.

S'i avissn gust a vedr una Sirena,
Ch afferma fin al vent cun al cantar,
A spass ai guidarò là d là in qu'arena.
Dov da st'ora la sol sempr turnar;
Intant ch' la fa sti zanz, qua gran balena
Ch'av ho cuntà poch fa, z vighn a mustar,
E mi, al solit curios, sovra d quel pees
Vluntira andò, mo addeas am arrincreas.

41.

Rinald cun i cumpagn xgnonn ch'a n'i andass,
Mo al fu tutt un, ch'a vole far a mi mod:
Cun sta sgnurina a vols andar a spass,
E li'm fa del finezz, e d qnest a god;
Quand avn in t l'isuletta fatt du pass,
Am n'addi allora ch'al tren n'era sod,
E ch'ai era tradi, mo tutt fu invan:
In t la balena ai eren za d luntan.

42.

As trè in t l'acqua Rinald subitament,
Pr'aiutarm, mo squas al s'affugg:
As livò allora allora un quasi gran vent,
Al qual evers d nuvi al zil, e 'l mar sgumbiò,
Quell po ch fuss d lor, an v'al dirò al present;
Cun del belli parol li'm consulò,
E in t la balena, mi, pover merlott,
La m fi star tutt quell di, e tutta nott,

43.

Fin ch'arrivonn quasi quì a st isola bella
In dov Alzina munarchessa sed.
Mo ai ho sintù cuntar un insturiella,
Ch'ingiustament quel ch l'ha, dis, ch la pussed,
Arendi tolt per forza a una surella,
Da so padr lassà d'ogn cosa ered.
Pr'esser legitima quella, mo l'Alzina
E Murgana nassian da una egualdrina.

44.

E quant sti dou vivn dsunestament,
In t i vizi ingulfa fin alla gola,
Altertant qu'altra viv mdestament,
E d'esser virtuosa la s consola.
Gli han degli armad in pi cuntinament
Per tori al rest, e perch l'armagna sola.
E dagnora gli han tolt più d cent casti,
Di più grand, di più ricche, e di più bi.

45.

E gnanch più la n'arè una spanna d terra
Qu'altra, ch'è Lugistilla numinà,
S'an i fuss un gran golf, ch al pass asserra,
E una muntagna granda desabità,
Cmod a vden iust la Scozia, e l'Inghilterra
Da un fium e una muntagna separà;
Mo, con tutt quest, en fan finì la festa
Mo 'l voln tori anch quell pectin ch'i arreata.

46.

Trop ben el van d'accord in t al mal far,
E per quest qu'altra bona en ponn suffrir;
Mo an serv ch'av staga adess sti quà a cuntar,
Quand la mi degnazia avadi a car d sintir.
Mi cun Alzina a fava un gran sguaazzar;
Quant amor l'am mustraes an v'al poss dir.
A vderla quel cortesa e tant cumpi,
Una gran cotta a ciappò ancora mi.

47.

Mi i steva sempr al fianch, e d nott e d di,
Senza invidiar chi sta in t'i camp Elis;
Tutt i gust a cherdeva d godri mi;
Pr'i altr ch an i in fuss m'era d'avvis;
I altr mi pinsir ern smarri,
D mi padr an m'arcordava, o di franzi;
E tutt quant i mi daign avern fin,
A cuntimplar d'Alzina 'l mustazzain.

48.

Li feva altertant d'mi l'innamurà;
Li'n s'in curava, e s'en cercava d'altr;
L'aveva tutt i mros d prima lassà;
Innanz a mi za la i n'avè d'i altr.
Mi cunsair, mi patron era d'vintà,
E mi sol era quell ch emandava si altr.
Tutt quell ch a feva mi l'era ben fatt,
I altr la i cunsidrava cm'è tant matt.

49.

Per cosa adess valia arnuvand sta piaga,
Senza speranza d'attruvar rimedi?
La ment adress del cos passà 'n s'appaga,
Pr'esser sfrzà a purtar trop al gran tedi;
Alzina, ch'è d natura varia e vaga,
Usà a mudar al mros, emod s fa el cmedì,
Finalment auca mi, senza rason,
Al so solit, la'm fi 'l ball del pianton.

50.

Mi ch la cherderdeva al mior Anzl del mond
Del Sol più bella, più bianca dla Luna;
Strella, ch fies la Sapietta andar in fond
D ca del Diavì, e ch la Mort quì n fies fortuna;
Traditor n'è quel Vecch, ch mostra, in t al tond
Dla Roda, quant la Forza ava fortuna.
S la Giusta 'n Tempra in t'al so Carr l'Amor,
Al Mor da Bagattin, Matt senza tuor.

51.

Al mi gvern durò du mis in punt,
Cmod al Cunfalanir dura a Bologna:
E perchè an possa nessun d nu rendr i cunt
Del so vivr quai infam, senza vergogna,
La z va tutt tramudand, quì per sti munt.
In quenza, in olm, in radia, in scalogna,
In funtana, in livrott, in cavriol,
Cmod più par alla stria, e cmod la vol.

52.

Vu mo, signor, ch si arrivà quì pr'una vi
Tant nova, perchè forsi un altr mros
In legn, o in sass, sra sta mudà da quì,
Oppur in qualch cos'altr d più curios,
Ari l'amor d sta diavla, e la sgnuri,
A ari content cmod s'a fussi al so spos;
Mo altrant sià sicur d'arrivar anch
A esser prest un purzell, o un pondgh almanch.

53.

Mi 'n so s'al v zuvarà; mo pur vintura
D'avisarv av ho fatt la carità:
L'è sempr mii, s la vostra disgrazia v tira
A un tant prigel, esser sta prima infurmà:
Al pol esser ch vu avadi più manira,
O più d'altr ch'a siadi affurtunà.
E, quell ch più d mill n'han psù far in tant ann,
Ch'a savadi schivar al mal e al dann.

54.

Ruggir saveva za ch la Bradamant
E Astolf eren purint, anzi cusin;
A vderl adess dvintà un sambugh, oh quant
Al s moss a compassion del Paladin!
Mi cred ch al s'rev sicuramente infrant
Per trovar mod d zuvar a quel puvrin.
E quand in altr an po servirli, al vol
Cunsularl alla mii cun del parol.

55.

Ai disa quell ch al sav dir, e po i dmandò
S' ai era un'altra strà, la qual guidass
D' Lugistilla al paes, d' in su, d' in zo,
Senza pr al regn d' Alzina far un pass;
D' in t' al sambugh Astolf i replicò
Ch' la i era, mo ch l'era tutta pina d sass:
Andà, dis, su pr al mont un po più innanz.
E po vultà a man dritta, e tirà innanz.

56.

Sinti ben: n'ev pinsassi, per quest, pesser
Cumpir al vostr viaz senza travai;
Vgnriv incontra dia zent avi da vder
Part a pi, part a sedr in t i cavai.
Alzina i tin per guardia, e s fa valer;
Qulor i servn per fossa e per murai.
L'arringrazia al sambugh Ruggir, e po
Al pensà d far la vi ch l'albr i insgnò.

57.

Dov era l'Ippugriff al va, es al deliga,
E l' pensa d vieri un po cundur a man;
Più tost al vol adess far sta fadiga,
Che saltandi a cavall perder la man:
Al pinsava d passarsla senza briga,
E al paes d' Lugistilla andarsen sen;
Depost assolutamente d far d man e d pi
Pr en dar d' Alzina sotto alla sguuri.

58.

D'armuntar a cavall l'arè pinsir,
E a qula manira prest andarsen deost;
Mo an vol al mors l'Ippugriff ubbidir,
E, pr'en far piz, al s'in va a pi più tost;
In ultm po per forza a sper d' uscir,
Da per lu al dia, mo l' fa i cunt senza l'ost.
An fu dou mia andà dri alla marina
Ch el s' trovò avsin alla città d' Alzina.

59.

Al ved dalla luntana un muraion
E largh e lung, e più alt dle torr di Asmi,
Ch' un gran paes sinzeva, tutt d'or bon,
O almanch a vderl al par che d'or al si;
Perchè ai n'è tant e tant ch'en d'upinion
Ch'al fass d'alchimia; e mi una steriari
La chiam, salv al parer d chi ha mior intendr:
Ch'al n'è sempr tutt'or quell ch s ved arsplendr.

60.

Quand al fu vsin a qula si bella mura,
Dla qual al mond an s ved cert la cumpagna,
Al lassò l' bell stradon e la pianura
Ch' alla città guidavn altira e magna.
A man dritta l' vultò in t la vi sicura
Ch' andava su per l'alta dla montagna:
Quand l' incuntrò tutta qula mala zni
Ch'al tols in mezz, e i impedi la vi.

61.

An s'è mai vist al mond del zent ai fatt,
Di mustr più curius, più brutt mustazz:
Chi ha l' coll da gru, chi la testa da gatt,
Quel d' ora la panza, e quest da simia el braz,
Un'altr ha d' cavra i pi, senza zavatt,
E chi d' Mida all' usanza un par d' urechiazz,
Zuvn decavestrà, brutt vice impertinint,
Chi per vetina ha una pell, chi un strazz, chi niint.

62.

Chi a cavall d' un castron el gamb i picchia
Sotta la panza, e chi sta su in t' un bò,
Quest ha un cavall cmod era quel d' Scarniechia.
E quel del Scaia ha un'altr un po più in zò,
Chi ha sotta una granzella, e una caviocchia,
Da carr in man, ch a un cuntadin rubbò.
Chi ha del cord, chi di anzin, e chi di pal,
Del manar, di piccun, del forch, del scal.

63.

Al cap era a cavall d' una galana,
Grass e insulzi ch al pareva propri un Bacc.
L'era imbergiagh madur, e una gabbana
L'aveva d' tela d' lin, mo fatta a scacc;
Al s' dundlava quasi fort sta carampana
Ch' ogn poch, ogn bris, al sre anda là a tersacc.
S du 'n l' avissa tgnu sod cuntinivament,
Di'altr al sagavn, e di'altr i foven vent.

64.

D' sti mustr un i era tra sta gran canaia
Cun la testa d' cagnina, e al rest uman;
Quest va contra a Ruggir, e fort l' abbaia,
Zgnand ch al vada in città cun la so man.
Ruggir arspand: No ch' an i vad, fin ch tain
Sta spuda, ch ai ho qui, al mi razza d' can
Beech e vi: e quasi digand al la sfudrò
E la punta alla panza d' quai al vultò.

65.

Qulù mustrò cun la lanza d vlerl frir,
Mo più d lu prest Ruggir s i stricò addoss,
E la spada ai ficcò sovra 'l braghir
Ch'an pesi farla mai più da braganoss.
Al scud intant imbrazza 'l bon Ruggir,
Senz'aver pora d un squadron quasi gross.
Contra 'l si mitt sebben ch'al ved ch'en qulor
In tant, e lu sulett tra tant armor.

66.

Un fin al pett partiss, qu'altr al svintron,
E ben e spessa al fa del test vular,
Ch'al par ch al zuga in t'al mercà al ballon,
Sebben ch Battetin n'i fa da ballunar.
Mo cmod al s vuia far an al so d bon:
Avern contra tant, an s prà arparar;
S l'aviss cent brazz e man an bastarè,
Cmod s dis ch'aveva al gran zigant Briarè;

67.

S'ai suvgnava del scud del negrumant,
Decruvendi, al pssava prest finir l'armor;
Mi cred ch'al s l'arcurdass, mo tant e tant
D'adruvarl an i vgniss brisa l'umor;
La rason è ch'a un cavalir errant,
A far sta quà, la i sre rissai a desunor:
Lu feva cont d'unor a mod e vi
Pinsà s'al s vols servir d'superchiari!

68.

Suzzeda cosa s vuia, al vol murir
Più tost, che arstar person d quela sorta d zent.
Intant don belli zovni s vedn vgnir
Fora dla mura, fatta d'or lulent.
A vedrel sol, al bisognava dir
Ch'el fussn tutt dou nadi nobilment:
Gli avern aria da dam, es eren vsti
Cun di abit all'eroica, d'or guerni.

69.

Su in t'un Lioncorn pron gli ern a cavall
Più bianch d'un armellin d tutta bianchezza;
Un vel bianch i cascava d dri dal spall,
Attacà da un rubin su in t'una trezza;
Anzi, per dirla chiara e senza fall,
Chi vliss al natural dpinz la blezza,
Una d sti dou zuvnetti prev artrar
Senza pora d'avers nient a arradgar.

70.

Gli andonn, senza dir altr, d compagni
Dov Ruggir era al man cun quei villan;
Qustor, a veder quel sgiori, s finn indri,
E lor al Cavalir purzinn la man,
Al qual gli arringraziò cun gran curtei
D'aver quei brutt sfusgnun decazzà luntan;
E s cuntintò, per far a mod so d lor,
A quela porta turnar, ch ha tant splendor.

71.

Sta bella porta ha tutt l'adurnament,
Pedstall, curnis, e capitì indurà:
I guerz, i ucchitt, al pian en pariment,
Cadnazz e chiud, ogn cosa è d'or zetà;
Ai è quattr culon principalmènt
D' diamant e d'altr zoi tutt incastrà,
L'è una blezza a guardarli, mo an so intant
S l'è roba bona, o fatt pr'opra d'incant.

72.

Per la porta, tra 'l clon, e da per tutt
Ai era del zuvnetti in campagui,
Ch'a dir la verità lor n'ern brutt,
Guardandi dalla testa finna ai pi;
Mo a pens, da un'altra part, ch'en fussn putt,
Perchè 'n cantava che del purcari.
Questi d'cundur Ruggir el s'esiun,.
E in quel magnific sit l'introdusiun.

73.

Un paradis terrestr as po chiamar
St bell lugh, in dov a cred ch nassias Amor;
Altr che alligrament quì quì an s po star,
E as god conversazion da tutt gli or:
Tedi e malineuni quì n'i han a ch far,
Quì as è semp d'un geni e d'un umor.
An s sent mai numinar la caresti
Mo l'abbundanza as ha semp tra i pi.

74.

Mi cred ch al sia al paes quest dla cuccagna,
Perchè 'n vin d lavurar mai al pinsir;
As bulla, as sona, as canta, as dorm, as magna,
Omn, donn, e ragaz quest è 'l so instir;
L'algrezza va cun tutt, tutt l'accompagna,
Senza pinsar a quell ch possa intravgnir,
E la più gran faccenda, ch s'ava qustor,
L'è quella d star insem a far l'amor.

75.

I amurin solament in in faccend
Svulazzand su pr'i cidr e su pr i mlor;
Tra d lor van sburdelzand, es van ridend,
D'aver so tributari fatt più cor:
Chi una red ben suttila dspiga e dstend;
Chi carga una balestra cun l'arc d'or;
In t'un riulin chi va 'l frizz a timprar;
Chi 'l sfrega in t'una preda da aguzzar.

76.

Quì fu dunà a Ruggir un bell cavall
Fort e gaiard, es era d plam murell,
Cun un bell finiment tutt bianch e zall,
Arcamà la valdrappa d'un dsegn bell;
In st mentr consegnà fu a un garzon del stall
L'Ippugriff, ch'era za d quel vecch stuffell;
Al qual garzon l'aveva po pian pian
Da guidar d'ari a Ruggir, e tgniri a man.

77.

Quel dou zuvnetti, el qual cm'av ho cuntà
Avern cun si gran curtei Ruggir
Dal man d qula canaiazza liberà
Quand l'era dla man dritta in t'al sintir,
Gli dissan: Sgnor, la vostra gran buntà,
Dla qual s'in fa da per tutt un gran dir,
E in t l'istess temp al vostr gran valor,
Z fan anm, per dimandar a vu un favor.

78.

Per la stra a truvaren press a un fiumett,
Al qual partiss per mezz sta gran pianura,
Una dunlazza dfendr al pont, ch'è strett,
La qual ha d zìgantessa la statura:
Erifila l'ha nom, es v'imprumett
Ch an s'prà mai veder più brutta figura;
L'ha gli ung fatti a rampin, es è una ladra,
La morsa piz d'un can, es è busadra.

79.

Oltra ch la z'impediss cuntinivament
Ch'innanz e indri an andamn, quand az par,
Tutt al paies la scorr liberament,
E arvina da per tutt dov la va a dar.
Sovra d più, savà mo che tra qula zent
Ch'adess ch'è poch ve vleva assassinar
Ai n'è 'n so quant ch'en su fin natural,
Tutt emod l'è li cattiv, iust tal e qual.

80.

Ruggir arpos: Non sol una question
Per vu, signori, a turò, mo a in turò cent:
Cmandam pur quant a vli, dov a son bon,
Ch'a vdrì s'a srò sempr a serviv intent;
S'mi a vagh armà, ai vagh sol per sta rason;
Non za per far guadagn d'or nè d'arzent,
Mo pr'ajutar chi in bsgna, e po tant più
Per dl belli sgnurin, emod a si vù.

81.

Quel sgnori al ringrazionn emod era l dver,
E emod al Cavalir anch meritava.
Dop i arrivonn insem, zanzand, a vder
Dov al fiumett sotto del pont passava;
In t'al Cant a quest dri av farò saver
S cun Ruggir qula dunlazza fiss da brava.
Intant am fermarò, perchè an par ora:
Vgni dman, ch'a sari 'l rest; mo vgni a bunora.

FIN DEL CANT SEST.



CANT SETTIM

ARGUMENT

*Dop ch l'ha la zìgantessa Ruggir cint,
A petizion d quel dou, ch l'han la guidà,
Cun lor l'entra là dent in quell rezint
Dov Alzina ha più d'un pres e attraplà;
Melissa i va a parlar fora di dint:
E cun l'anell ch l'ha a Bralamant dmandà
L'ai fa cgnussr al so stat, e lu, vermii
Per vergogna, d scappar al batt cunsii.*

1.

Del volt, andar lontan da i su pais,
As ved, es succed anch di cas curins,
Ch a certa zent, a udiri, ai è d'avvis
Ch'el sien fol da cuntar la sira ai tus:
E s d qui ch'andom arrisgh fora d san Flis.
O al più i han vista d Casalech la chins,
Sti cos, ch a son per dir, forsi liran,
A son cert e sienr ch i 'n m cherdran.

2.

S cert ignorant n'm credn mi n'ho a ch far:
An corch cun al mi cant credit da lor;
A vrev ch'alm passii i virtuns ludar,
Appress a quisti am vre psser far unor;
Lor san cosa vol dir pr al mond andar,
E s'a digh vera a vre ch i al dssiss lor.
A torn intant in dov ai ho lassà
Al fium e al pont, dov è Erifila armà.

3.

Li era d'azzarr armà lusent e fin,
Forsi in fusina da Vulcan timprà;
D smirald, tupazz, diamant, perl, e rubin,
Cun un bel dsegn l'aveva arcamà;
Cavall l'an adruvava o sumarin,
Mo a cavall d'un luvazz l'era muntà,
Ch l'aveva avià a lassars mettr la sella,
E qui la stava a far la sintonella.

4.

L'era piz assà più d quell ch puc ann fa
Zirava per Bulogna, Lup manaia;
E, d quant in po mander la Puglia in zà,
Un altr n'in vgnarò, ch sippa d qula taia.
D za l'al vultava senza breia, e d là,
Qula brutta striia, ch'aveva po d saia
La sovravesta, del calor d qui zechin
Ch mi 'n poss avern mai in t'al burslin.

5.

Pr'impresa l'ha in t'al seud e in t'al zimir
Un Rosp, o vlenia dir Botta attugà:
L'an vol ch passa per d li nssun Cavalir,
Tant ela un'insulenta e mal creà.
Quel zorni la mustronn al bon Ruggir
D za del pont, per giuscar bella e amantà.
Ch'al torna indrì, li ziga quant la po:
Mo la tol una lanza, es fa al fatt so.

6.

Tutta instizzi, qul volta al so lavazz,
La ziganessa, e incontra i va d carrira:
La pensa d spicciar prest e tors d impazz,
E cun i murt mandar a znar la sira.
Ruggir, ch'aveva più forza in t'l brazz,
D posta chiappò in t'al bligl a sta braghira,
E per bon tratt la fi cascar luntan
Per terra, e batter el chiapp d Fabrian.

7.

Ruggir dafodra la spada, ch l'ha a gallon,
Per far la testa zo a qula razza storta,
Ch l'aveva mandà arversa in t'al sabbion,
Es paseva fari, ch la pareva morta.
Pr amor d quel Signori po 'l mudò upinion:
Ch'affadigadi d più, 'l dissu, an importa;
La spada arpunè pur, ch'an torna 'l cont:
Anden pr al nostr viaz, passen al pont.

8.

Dià del pont, quant è du tir d carabin
Pr al bosch andonn, su pr'una vi del bretta,
Ch ai è iust la cumpagna in t'l Apennin,
Daconda quant as po dir, sassosa, e stretta,
Pr al viaz ch s tin far andand a san Pelgrin:
E, quand i funn d sta stra cattiva in vetta,
I s truvonn in t'un lugh largh, pian e bell,
Cun in mezz un palazz, ch pareva un castell.

9.

La sguora Alzina s vist subitament
Vgnir incontra a Ruggir fora dla porta,
Cun una bella cort, vsti nobilment,
In manira sguorill galanta, e accorta:
D primis la t mi fi un bel compliment,
Ch adess an stagh a dir, perchè an importa;
Basta: tutt a Ruggir finn tant unor
Ch i n'in faren de più all'imperator.

10.

S'al palazz è quasi bell, fatt pr eccellenza.
Senz'aver al cumpagn in t la ricchezza,
Altrtant chi i sta dentr ha l'incumbenza.
D'en aver i cumpagn in t l'amurvezza.
I s'arvisin, ch'an i è gran differenza,
Tutt in t'al fior d l'età, in t'al fior d la bellezza:
Mo d'Alzina al mustazz è d tutt più bell,
Cmod è più bell al Sol tra gli altr strell.

11.

L'aveva tant ben fatt al mustazzin
Ch'an l'arev un pittor quasi ben furnà;
Un bel tupè l'aveva e un pircuchin
Cun la manteca e tutt inzuprià;
Du barr calavn zo d dri dai urchein,
Cun al fugh e 'l muiett ben arrizzà;
Pr'essr la front ben fatta ngotta i manca,
Alta, spaziosa, ugual, alligra e bianca.

12.

Du nigr e suttil arch parn el son zii,
Cun sotta du bi uccin nigr ammurà:
Questi, a guardari, al cor mettn in sgumbii,
Anzi a un guard bisogna arstarn innamorà.
Al nas è fatt quasi ben, ch'an s po dir d mii;
Al n'è gross, ne scavezz, lugh o squaccià:
Mom, insomma, i arè ben passà guardar,
Mo ngotta arev truvà da passer dsudar.

13.

Fra dou valtìn la bocca i è d'un tai
Ch'en s po chiamar trop grand, nè gnanch trop pzin:
Cun du labrin quasi ross, ch'an cherdò mai
Ch al zinabr sia acquasi, gnanch i rubin;
Dent' dai labr as ved, cmod sre in t'un srai,
Dou sfilz d perl accumà in t'un scattlin;
D quì ai usciss quel parol quasi dolzi e accort,
Da dar la vista a un orb, e andar un mort.

14.

Tond è 'l bel coll, e cm'è la nev scandà,
E un po più bass i è du salvadin;
Mi n'ev starò a descriver tutt sti quità,
Perchè in qui lugh an son andà a guardar.
Aspttà ch Ruggir in za sippa turnà,
E allora po da lu favel cuntar,
Lu forsi v sarà dir l'è qulà, l'è quai,
Ch'a pescar sotta del bust n'è lugh da mi.

15.

El brazz parn turli, ch'an s po dir d più,
Cun el man stretti e lunghi a purpurazion;
An si ved nerv o ven dar all'in sù,
E i nud del dida 'n fan fari l'arcon.
Al bel pò, curta e tond ancora là,
Tiu sod d sti maravei tutta l'union.
D sti blezz la cara massa insem uni
Propriament del zil la par uscì.

16.

D'ogn co sta fada un lazz aveva tes,
Ch la parla, tasa, rida, staga o s mova;
Al n'è da maraviarsi s Ruggir è pres,
Quand quasi galanta in vers d lù al l'attrova;
E quell, ch l'ha d li da quell Sambugh intes
Al pensa ch la sia invidia, ch'acquasi l mova
A dcorrer, perchè a lu cert an i par
Ch sta bella cocca l'ava da ingannar.

17.

Ch la fuss malignità donca al pinad
Tatta d'Astolf, ch acquai parlar al fiss:
E, se in Sambugh Alzina al tramudò,
Al so pruceder mal i al condusiss.
Ch'al diga quel ch'al vol, mi n'al cherdò,
E ch la possa tradir an al capiss,
Dseva Ruggir tra d là; la sra l'invidia
Ch'acquai 'l farà parlar, sol per perfidia.

18.

La fada Alzina, in st mentr, cun dl'incant
La i vultò 'l cor, e insem la fantasi;
Cun i gest e 'l parol l'imbruiò tant
Ch lu 'n passi star sod contra sti steriari.
Fora dla ment la i fi andar Bradamant,
E in scambi scaltrament la i intrò lì.
E s'al mancò sta volta d fed Ruggir,
Per quant as ved, al fu da cumpatir.

19.

Is missa a cenna, e quì s' miss a sunar
La so chitarra al famos orb Gattón;
Al l'andò al gran Paliott a accompagnar,
Ch aveva un cantin nov al calisson.
D Paris e Vienna po is missa a cantar
I guai, i dagust, l'amor, e la passion,
E da 'n so quant, as fi, ch s' livonno po sù,
Pr'intermedi la Flippa cumbattà.

20.

Tutt el cenn d Cleopatra, e dla rigina
Semiramid, o ver d Lucell Roman
Tutt i passi del gran Turch, del re dla China,
O del gran Sufi d Persia, o dal Prit Ian,
N'in da mittir cun quella, ch madò Alzina
Fi al so bel furastir, vgnù quasi d luntan.
Tant manch a pens ch l'as arvisass al mi,
Ch'en grass ch el coln s'ai è du turli.

21.

Dop cenna tutt andonn a sedr in gir:
Di d'proposit al zugh fu d far propos,
Dov tutt dmanda al so voin al so pinsir,
Al qual i arspond a ton, semp sott vos;
Quand i in deò ciaschedun po s mett a dir
Quell ch a lu i han dmandà, quell ch i è sta arpos.
Cun sta bella uccasion, i nustr rurus
S'accardonnn d star insem quia nòtt da spus.

22.

Quand finì al zugh, in stinn a far più zanz:
I cavalir, e 'l signori in pi s livonn,
E, per far vder ch'i savev el creanz,
Ruggir fin alla stanzaia accompagnonn.
I pagg andavn cun el torz innanz,
E, quand i funn all'uss, dentr i intronn
D'una ben ammobilià camarina
Adletta per la più bella da Alzina.

23.

Qui cun del past d Genva e del signor vin
Di brinde a s turnò a far alligment:
Quand fu vudà 'l butilli, cun d inchin
Al sou stanzi s n'andò tutta quia zent;
Ruggir, ch'era annuà d sti zicucuchin,
A l s ficcò sotto al cvert immanent,
Stagand zitt, cun gli urecch tes, a ascoltar
S la bella fada al sinteva arrivar.

24.

Agn tuss, agn mot, i armur ch'al sinteva,
Pinsand vderla arrivar, la testa alzava:
D'udir la vgnir del volt anch ai pareva,
Mo, vident ch al n'era vera, al suspirava;
L'andava so del lett, e l'uss l'avreva,
Ne attruvand fora nasun, tra d lu 'l bruntlava:
Dalla deprazion al s miss fin a biastmar
Quel po d temp, ch stava tant a trapassar.

25.

Tra d lu 'l dseva del volt: Forsi ch'adess
La s tol d'in gabinet, es vin in zà;
Cuntand i pass, ch'i possevn esser a un di press
A tors dalla so stanzaia in finna là:
Sicchè 'l fa di lunari, es dà in t' i eccess,
E cun del sunari s mesda d zà e d là:
E spess l'aveva pora ch n' i suazziss
Qualch cosa, ch' i su spass n'interampiss.

26.

Alzina pr'esser ben puli e attillà
La ste un gran pezz attorn ai so parfum:
Quand la pinò ch tutt fassn indurmintà,
La vins fora dalla stanzaia cun la lum;
E, pr un curdur secret, dov l'era aspià
La s n'andò da Ruggir senz'altr dnum:
Lu, ch l'aveva aspià tant, an s pre mai dir
L'algrezza ch'al sinti, a vederla vgnir.

27.

Quand al vist arrivar sta trilla d blezza,
Cun quì du uccin ch parevn iust doo strell,
Al sinti dentr d lu tal cuntintezza
Ch al pareva ch'an passiss star in t la pell.
Al nudava in t'un mar d gust e d'algrezza,
E a lett al la purtò cm'è un farfarell;
Avenida chiappà in braz, senza aspettar brias
Ch la s cavass gnanch in frezza la camisa.

28.

Sebben ch l'an ha camisa, ne stanlin,
Ne bust, ch sippa affiubbà alla vita strett,
L'è senza patanier, senza spallin,
Nè d calancà la n'ha gnanch al curpett,
Mo sol un vel, ch'è chiar cm'è un filadin,
Ch lassa per dsotta vedr el belli tett:
Quest senza cerimoni andò da un là,
Quand la s vist da Ruggir esser abbrazzà.

29.

Quell ch i s fissen, la mi musa bulgnessa,
In quel stanzin tra d lor la nott al bur,
S t en m'al di, mi 'n te mtrò gnanch alla spesa,
Perchè d savor sti quà m' n'm n' incur;
E po, s'el s daissen, al prev arstar uffesa:
L'arecchia d'un qualchdun di mi uditor;
Lasseni donca far sti guazzabui
Quant i par, senza rompi al filatui.

30.

Sti cos, o gli en secret fors tra d lor,
O, s' el dunzell el san e i camarir,
I cerchn d' far l'istess ancora lor,
Ne a quest o a qu' altr ngotta i stan a dir;
Tutt a Ruggir i cerchn d far unor,
E ch l'arresta agustà in tutt al manir;
Ugnun al riveries, ugnun l'inchina
Perch emanda acqui la segnara fada Alzina.

31.

An i è divertiment d qual sorta s voia,
Ch pr al so bel Cavalir, l'innamurà
Fada, là dentr in quell castell n' arcuia,
Es vol ch in tutt al sia ben cuntintà;
Se d magnar, bevr, vstirs, cantar l'ha voia,
D' andar ai burattin, o immascherà;
E s' altr in han da far, i stan un pzol
Passand al temp cun al cuntar del fol.

32.

Cun i lazz, cun al visti, e la ragnola
I passen un pezz al temp pr' el pradari;
E stan aspttar d' ardur alla taiola
Lusgnù, lodl, gardlin, spipl, e frangui;
Un altr pezz i van cun la cagnola
A far saltar el volp e 'l livr in pi;
Cun la red e cun l'am i deturben spess
Senza dscherzion la quiet al pover pess.

33.

Intant ch Ruggir s' in sta qui alligrement,
Al re Carl ha dà far, e al re Agramant:
Per lu mi 'n vre lassar da un là sta zent,
E gnanch an vrè dscurdarm Bradamant;
L'è travaia, puvrina, malament,
E pr' aver pers al mros l'ha fatt gran piant:
L'ha maldett qu' animal ch al purtò vi
Pr aria quasi prest, ch la 'n pess gnanch diri addi.

34.

Prima di altr d sta fiola a vui parlar:
La cerè tant, ch la fa squas pr' ammatir,
Per bosch, per camp, per fium, e su dri al giar,
Per città, per casti, per stra e sintir,
Mo indarn, ch la n' al pss mai incucchiari,
Tant el andà luntan da qui quartir.
In t' al camp african del volt l'andava,
Mo chi i in diss ragguai l' an accattava.

35.

La in dmandava a più d cent cent volt al di,
Ne un can l'attravò mai ch' i in diss avvis;
Pr' i padigliun s ficcava e qui e li,
Senza pssern saver rama o radia.
L'anell tolt a Brunell za l' altr di
Era quel ch l'arpiattava agn poch, agn bris:
Cun quell l'andava senza nssun intrigh
Fra 'l tend e fra 'l baracch anch di su nniigh.

36.

Ch al fuss mort an i intrò mai in sospett;
Un qualchdun, s' al fuss vera, i al dirè:
E s' al mancaas dal mond quai gran suggett
Da per tutt el gazzett stampà al s' lizirè.
L'ha ben tanta passion dentr in t' al pett,
E sta cosa capir l' un po emod l'è.
La dscurr e s brontla quand la va pr el vi
Cun i su guai, ch l'ha sigh in compagni.

37.

L' ultim pinsir ch la fi, fu d vier turnar
Alla grotta dov sta suppli Merlin:
E dinanz a quegli oes d cor tant pregar
Ch al s' mova a compassion di su strassin;
Nova d Ruggir lu fors i sarà dar,
S' l'è più tra i viv, o a l'è andà ai pilastriu.
E allora far, senza pinsari sù,
Second al bon cunsai ch' ai darè lù.

38.

St bon pinsir un qualch poch la sullivò,
E al cor l' an sinti più tant affannà:
Un po d bona speranza la chiappò,
Sicchè 'l lagrim pr' allora andonn da là.
Vers donca 'l bosch d l'untir la s'addrizzò.
Dov la grotta d Merlin era incavà:
Senza saver ch tgniss d li quila bona cura
Qu' indvina, ch la trovò in t la sepultura.

39.

Am immazzn ch vu za v'arcurdari
Quel ch la mustrò a sta zovna puch di fa,
Digandi ch' i sren sta Ruggir e li
Al prim principi d quila famosa cà.
Sta donna, per virtù dia so magi,
Ruggir la tin da cont, e agn cosa sà.
E, ch dop la mrosa averd liberà,
In India fin l' ha l' Ippugriff purta.

40.

A pel e segn la sa quell ch' i è intravgnù,
In ch mod quell magh al fi andar in Levant,
In ch manira da Alzina 'l fuss arzrù,
E al cor i aviss mudà per vi d' incant:
Quila striia è causa ch' an s' arcorda più
Del prumission za fatti al re Agramant.
Agn cosa al s' è dscurdà, ne al sent più al spron
D' amor al cor per la fiola d' Amon.

41.

A sta manira uziosa, brutta e infama
Al fior cunsunna dla so zuventù
St bon Cavalir, ch'aveva tanta brama
Ch al so valor al mond fass accegnussù;
Al perd reputazion, al perd la fama,
Es va a prigul d'andar anch a cà d què,
Ch'è quell ch importa sovra a tutt el coss,
E d supplir al so unor prima degli oss.

42.

Mo qula savia, zintil, curtesa indvina,
Ch'i vol ben, e in tin cura quant d'un fiol.
Dal castell e dal man dla fada Alzina
A so marz despett cavarel cert la 'l vol;
Qusi fa un duttur, cun'an zova la medicina,
Del volt al ferr e al fugh passar al sol,
E s'al nus prima al zova finalment,
E al s'arringrazia dop al pagament.

43.

Acquis per poch la n'i la perdunava:
Cmod fa qula mamma, ch vol tropp ben ai tus;
All'nsanza d'Atlant, sol l'an cercava
Ch al pessiss goder pr un pezz del sol la lus:
Mo unor ch al s fies a st mond li procurava
Perchè 'l so nom andass tra i più famus;
S' al viv poch, l'an n' ha ch far quand al s fa unor,
Mo al magh Atlant era d cuntrari unor.

44.

Tutt i pinsir, ch'avea st vecch baraban,
Eren ch'un pezz al mond l'uggir campasse:
Per quest al fi ch l'andass tant da lontan,
E a st mod la Franza vedr ch'al s decurdaas;
Al calzò d più in t'el steriori la man,
Cun far ch Alzina d lu s'innamurass
In manira da 'n pseron più deligar,
S l'aviss passù più d Matusalem campar.

45.

Per tornar a qula maga, ch za saveva
Tutt al passà e l'avgnir: l'andò a incuntrar
Bradament per qu' istessa stra ch li feva
S' alla grotta d Merlin vleva arrivar;
A vder qula savia donna, ch vers li vgneva,
Sta signora s sinti tutta cunsular:
E, dopp al prim salut, la vecchia indvina
l conta cmod Ruggir è andà da Alzina.

46.

Dal gran dutor, quand l'av sta nova intesa,
Dentr in t al pett al fu per sparsari al cor;
L'instramurti, e cascò la lunga destesa,
Ch a vderla an s pseva dir s n'adess la mor.
L'indvina 'n l'abbandona, mo curtesa
La la dsarma, e fa piar un po' d arsor.
La la cunsola, la i prumitt, e dis
Ch Ruggir fra poch turnarà in sti pais.

47.

N' ev dubità, la i deeva, fiola mi,
Aquietà la passion, ch si fort v'accora,
N'aviv l'anell, ch'è contra al steriori?
Quand avi quest, d ngotta n'avà pora;
Imperstaml pr un poch a mi, ch'a vdrì
S' al mros dal man d'Alzina a turò fora:
Sta sira andarò vi in t'al sunar dl ora,
E in India arrivarò al desputar dl aurora.

48.

Seguitand a parlar sod e pulid,
La i conta cun ch manira l'ha pinsà
D cavar quell bel zuvnett fora d quell nid,
Dentr del qual la fada l'ha imbussa;
Bradament s cavò prest l'anell d in did:
As po pinsar, al cor la i arè dà,
Al fighet, el budell, e ch soia mi,
Per far liber al so bell e car mari.

49.

L'ni dà l'anell, e caldament si aremanda,
E in t l'istess temp i aremanda al so Ruggir.
Più d mill salut per la so part la i manda,
Po vers l'ruenza la ciappò 'l sentir;
La vecchia amiga andò da un'altra banda.
E, pr arrivar al fin di su pinsir,
Un cavall la fi vgnir, mi 'n sò da ch là,
Cun un pè bianch, e ch rest negr ammurà.

50.

Chi al dia un diavol, e chi un spirt aiarin,
O ch'in t'al fond dl infern l'al cavasse:
Dscalza, am par, senza breia e senza elin
Cun i cavi sgumbià l'al cavalcasse;
l'prima d'in did però la s tols l'anlin
Perch 'l rigir ch la feva al n'i guastass;
In tanta furia tutta nott camina
Ch'all'alba l'arrivò al castell d'Alzina.

51.

Quand l'as vist arrivà in quel lugh sicura,
Cun bella manirina l'as mndò:
Alta la s fi un bon smessa e più d statura,
E 'l corp a purpuzion tutt l'ingrussò,
In fina ch la s vist granda a qula misura
Ch'appress' a poch Atlant esser pinò;
Nascer la s fi la barba in t'el mascell,
E d'vintar da per tutt grinza la pell.

52.

Tutta giust la pareva in t'al mustazz
All'andar, in t la vos al neग्रmant;
Acquis travati la s ficò in t'al palazz
D'Alzina cun bel mod; e s'aspiò tant,
Ch' l'ocasion capitass d pser senza impazz
Parlar secreta al bel mros d Bradament.
Per furtuna, fra un pzol ai ariussi
Senza Alzina, atruvarli da per si.

53.

L'al travò da per lu deo d'un muntsell
A piar al fresch suppià da tramantana
Press a un riulin, ch'andava in zo bell bell
Vsin a un laghett furmà da una funtana;
Pr al cald al s feva vent cum al capell,
E un zibunzin l'aveva d tela indiana:
Alzina istessa po l'aveva ptnà,
Cum la manteca, e tutt inciprià.

54.

Al coll l'aveva una gulana, d più
Fatta d zoi, ch'i arrivava in fin al pett;
Dall'isola d'Ormuas gl'i ugud n'in vgnù,
E per brazzal du cireh tutt fatt d'or stiett,
Cum di diamant grussissm incastrà sù,
L'aveva du arcin d'or pur d quell perfett;
A questi attacch, si vdeva sbindlar zò
Dou perl, gross cum è l nus, per girandò.

55.

Al mnava cent udur da tutt i cù,
Anch più del nostr parigin d Bulogna,
Perchè as in ved zirar al di d'anchù
D quelli ch puzzn d civolla, si, e scalogna:
Mo s'a savissin nu tutt i fatt sù,
D lor bona part s'attrovn alla bisogna;
Assà s' in pre euntar; mo a torn intant
A Ruggir. Quasi mudà pr'opra d'incant

56.

In t la forma d'Atlant, za cmod a dseva,
Qula donna, ch ha in t la testa tant saver,
Cum qula fazza, ch Ruggir tant rivereva
Quant propri s'al fuss sta so padr ver;
Cum l'occh torbd e instizzi po la pareva,
E la t mi cminzò a dir: A vre saver,
In t l'allivart cum tant sudor e cura,
T' oia insegnà d'vivr acquesi, la mi figura?

57.

Donca per quest, cum mrolla d'urs e liun,
Da tos i prin guazzitt a tavla al miss,
In scambi d bona torta, e d grass cappun,
O crevll altr, ch'un mior savor aviss?
E st ho arlivà tra i balz, e i sfundriun,
Avià a strangular i mgarass e l biss,
Per fart, a sti fadigh dop, arriussir
D sta bella ninfà dl'alba al cavalir?

58.

At fi pur anch strulgar dai zinghr un di,
Digandi dov t nassiss, l'ora e l mument:
Dop avert guardà al man, i dissn acquesi:
Un gran om riusserà quest finalment:
Cum sta speranza at ho sempr nu'ri,
Pinsand vedert dvintar un om valent,
Più del re Artur, e più d Guerin Meschin,
O Amadis d Gaula, ovverà d Palmirin.

59.

Oh quest è un bel princip, am in dichiar!
Oh address as in po aptar un bon custrutt!
Quest è al ver mod da fars un om preclar
Cum st viver scelerat, infam e brutt!
Mi'n l'arè critt, s'im fussen vgnù a cuntar,
Ch'a un stat quasi miserabil t fuses arduitt;
E, per vantart d'esser un schiav o un servitor,
T'ha l manett e l caden da tutt gli or.

60.

Mo, s'an t mov al to unor, al mi tamplon,
A quel belli opr, al qual t chiama l to destin:
Vut anch arstar senza qula successiun,
Ch'at ho mi ditt tant volt, e qui nvudin?
Su prest, scappa vi d qui, n far al pultron:
Ch'al possa da ti nassar qui omni fin,
Qula si nobil fameia, e singular,
Ch'altra nssuna del mond i prà arrivar.

61.

Ah! n'esser causa ti, ch qui bi embrinn,
Ch ha furmà la natura per tu nvud,
Da nasser in successiun quasi savi e bun,
Perdend adess al temp, ch'in vadn a vud!
I sran (at l'ho pur ditt) si brav campian
Da fur cum la virtù, la lanza e l scud
Turnar l'Italia in t'al so bel decor
Cmod l'era al temp antigh, in t l'età dl'or.

62.

E tant princip glurius per tutt i cunt,
Savi, dott, e prudent, e infina sant,
A tutt el cos d'unor magnanm, e prant,
I qual fra i altr purtaran al vant,
D'aver sta gloria: n t'han pssu mettr al punt?
Alfons e Impolit accordet fra tant,
Qui du fradi si d garb, prudint, e magn,
Di qual al mond n'arà mai più i cumpagn.

63.

T sa pur quant volt d sti du mi t ho parlà
Più ch an ho fatt d tant altr tra mi e ti;
Non za perchè da lor srà superà
In t la virtù i antigh (credend a mi),
Quand am pareva t'algrass purassà
Quant at cuntava: lor faran acquesi;
T mustrov pur un gran gust d'aver sti dū
In t la to stirpa, fiù di fiù di fiù.

64.

Mo quest, dla qual quasi fort t'i imbertunà,
Più degli altr cos'ala, diml un poeh?
T'al sa pur quant i mrus l'ha tramudà
In albr, in acqua, in sass, in bistia, in zoch?
Mo pr'en parer d start a cuntar del qntà,
E t'en pinsass ch'el fussen filastroch,
Mittet st'anell in did, e vala attrova,
E torna po, ch t'em sarà dir che nova.

65.

A pessi pinsar, a udìr sta rumanzina,
Ruggir, e l'ai vgnè ai garet, e s'la i tuffò:
Mest e pindull al steva, a testa china;
La maga intant d'in did l'anell s'cavò,
Mttend l'a lu in t'al did pzin d'la man manzina,
Che in se stess fi turnarl, e al a vergugnò
Quasi fort, pr al gran dutor, ch'al n'arev viù
Da persona del mond essr accugnussù.

66.

Melissa era la maga numinà,
S più prest an ev l'ho ditt, an al saveva:
Quand l'as vist la so carta ben zugà,
E che in t'al dsegn za fatt la i arriusseva,
Subitament s'fi vedr smascarà,
In t'la figura solita ch'aveva;
Chi l'era la i cuntò, cun ch'fin e effett
La fuss andà fin là, la i spiegò schiett.

67.

La diss ch' l'era mandà da Bradamant,
La qual più 'n pseava vivr, e d'lu star senza,
Per liberarl da quel mal incant
In dov l'era trattgnù cun gran violenza;
Per quest l'aveva pres forma d'Atlant,
Per truvr press a lu fed e cherdenza,
E, dop averl al stat so d'prima arduitt,
Fari cgnussr la volp, e diri al tutt.

68.

Qua zuvnetta, la deeva, ch'v'ama tant,
E ch'merita cun li ch' a dsadi d'bon:
Quella, s'av arcurdà, ch'ai av d'bon
D'la libertà e d'la vita ubbligazion:
V' manda st anell cuntrari a tutt i incant,
E 'l cor mandà v'arev anch in bel don,
S l'aviss pinsà ch' mandandvi a dunar,
Cmod fa st anell, al v'aviss pesù zuvar.

69.

La seguitò, cuntandi po l'amor
Ch'i ha purtà Bradamant, e anch l'ai porta,
Ludandla pr'una zovna d'gran valor,
Quant l'è bella, modesta, e quant l'è forta;
In sti coss l'era un brav ambassador,
Siand donna antiga, e cun i mrus accorta;
Tant mal po i diss d'Alzina, e tant mmo al tavi,
Ch'in odi la i la miss quant al gran diav.

70.

La i la miss tant in odi e abburrimnt,
Quant al l'aveva fin' allora amà;
E d' quest n'ev maraviassi, bona zent,
Perchè, s'a vleri ben l'era sfurzà
Dalla mali, l'anell fi chiarament
Cgnussr d'Alzina la blezza incantà:
Ch' a vederla in t'la so solita figura
An s'è mai vist più brutta cagadura.

71.

Cmod sol far un taset, s'ai è donà
Un bel frutt, e cercà l'ha d'arpiattarl,
E ch'al s'al sippa dop del tutt dscurdà,
S'al l'accatta per cas, senza cercarl,
Da quell ch' l'era al l'attrova tutt mudà,
E an s'attenta, a mod d' dir, aquas a tucclarl,
E, dov prima al l'aveva tant a car,
Adess al va a ficcarl in t' l'aldamar:

72.

Quasi fa Ruggir, quand l'ha avù da Melissa
L'anell, e ch' l'è turnà da vder la fada:
L'anell fa lu ch'al veda e ch'al capissa
Quant lu sippa una brutta saguradà;
La pareva un spracch, tant erla dsmissa,
D' qui ch' alla canva s' metto quand l'è nada:
S' la i pareva alla prima una gran blezza,
Adess al n'ha mai vist più gran schivezza.

73.

Smorta quant è la zendr, zala, e brutta,
I cavi chiar e bianch quant è l'arcotta,
L'ha sol la pell e gli oss, tant' ela destrutta,
Pzinna, dedintà, la par una marmotta,
L'è più vecchia del cucch sta bella putta,
E grinza quant es sia una mela cotta:
Tutt al temp d'la so vita, al mstr d'Alzina
Fu d'far la striia, e far la birichina.

74.

A forza d' steriari, l'ha finna address
Fatt la galanta, e fatt da zuventina:
Mo adess ch' Ruggir ha 'l bon anell appress,
El veri blezz al ved d' sta parigina;
Donca gran cosa en' n' è, s' senza pruces
Al la manda più in là ch' n'è alla berlina,
S più al n'i vol ben, e s'al la manda al boia,
Dop averla cgnussù si brutta ancroia.

75.

Ruggir, per far tutt quell ch' l'indvina i diss,
Al sti dsainvolt e frugn, senza mudars:
Per fin ch' d' bel nov el solit arm al s' vestiss,
Quegli arm, ch' l'era sta sfurzà a dsuarsi;
E, perchè Alzina brisa s'inaspttiss,
Al fi la vista d' vler un po pruvass
S' al saveva più andar cun gli arm addoss,
E, s'a'n far ngotta, l'era dvintà gross.

76.

La fina Balisarda al s' cins al fianch:
Balisarda la spada è numinà;
E al scud, che a vedri dscevert al fa vgnir manch
I ann più curaggios e d' bun suldà;
Cun al so bel taped l'era cvert anch,
Ch'a battri dentr al nas nessun i è stà:
Cmod al l'aveva arpos al l'attruvù
E al coll alla so usanza al s' l'attaccò.

77.

In t la stalla al fa mettr sella e breia
A un cavall, ch'è più neghr d'una fuga;
Melissa l'instruiss, es al cunseia
I altr a lassar da un la, e quest sol ch'al tuga;
La sa ben li cun quant maraveia
Quest camina, se ben ch'an tol la fuga:
Rabican l'è chiamà per tutt i lug,
E s'è d quel Cavalir mudà in sambugh.

78.

Anchor l'Ippugriff allora l'peseva tor,
Ch'avsin a Rabican l'era ligà,
S'an i avise ditt la maga: Avai al cor,
Anzi arcurdav ch'l'è un animal dscavstrà;
Lassà pur far a mi, s'al fuss un tor
Salvadgh, dentr da dman av arà cunegnà:
In t'un lugh fora d qui av al guidarò
E l mod anch d dumari av insegnarò.

79.

Aqusi an darà suspett, s sigh al n'al tol,
E vler senza dir niunt batters la vi;
Ruggir fa tutt quel cos ch l'indrina vol,
Che invisibil sempr i stà de dri;
Cun sta bella manira uscì quel fiol
D'in cà d'Alzina, e dal son steriari:
Vers gula porta al s'avviò, ch'l'aveva intes
Che d Lugistilla guidava al paies.

80.

L'assaltò all'impruvvis el sintinell,
Ficcanda tra qulor cun la so spada in man,
E, taiand brazz e test, furand budell,
Al passa 'l pont a dspett d qui baraban;
Quand Alzina av la nova d quel burdell,
Del perdgh più d cent era Ruggir luntan:
Av dirò in st'altr Cant per dov l'andò.
E cmod da Lugistilla l'arrivò.

FIN DEL CANT SETTM.



CANT UTTAV



ARGUMENT

*Ruggir scappa, e Melissa al fiol d'Uton
Torna in gargam, e qui altr ancora lor;
In Inghilterra in st mentr al fiol d'Amon
Dla zent arcui pr aiut dl Imperator.
Angelica, trovà esin al barbon,
In past all'Orca, è al sass ligà da qulor.
Urland, ch' s'insunia al mal dlu so muclona,
Franza, al barba, e la guerra l'abbandona.*

1.

O quant i n'è, sebben ch'en fan el strii,
Es n'han cumerzi nesun cun al demoni,
Che al cor a quest e a quell mettn in sgumbii
Cun al cuntar del loffi e del fandoni;
Basta ch el possan un bris alzar al baai,
El fan l'ucchett, es fan del zerimoni,
E cun mill furbari, trapl e finzion
D'ingamurdìr el cerchn un qualch minchion.

2.

Al n'è l'anell d Ruggir per questi bon:
Bisogna aver inzezn, e n s' in fidar;
E, quand el mustren più d'aver passion,
L'è allora ch'el v'han più da far suspitar;
Stai pur luntan, perchè, alla fetta, d bon,
L'è un mal negozi lassars attraplar.
Mi a parl pr'esperianza, es ho imparà
A mi spes tutti sti zirr, e tutt sti quità.

3.

Ruggir s po ben chiamar affortunà
Quand l'anell i fi vder l'arvers dlu mdaia
Cun la Facla, e za d lu mi v'ho cuntà
Cmod al fi gran tunnina d'qula canaia,
E fora del Castèll l'era passà,
Lassand indri al Castèll e la muraia:
Mo poch in là per la so stra l'andò
Ch'un servitor d'Alzina l'incontrò.

4.

Un cazzador pareva a vderl ai pagu;
In t'un pugn a gli aveva un sparavir,
Cun al so can da ferma sigh cumpagn,
Ch'a gli aveva qulu insignà d'far ben al mstir:
Al s diverteva là per quel campagn,
A cavall d'una mulla, e, vdennd Ruggir
Cun tanta furia correr e galappar,
Quell ch'era vera al s vign a imaxinar.

7

5.

Al s n'addì ch'al scappava, al s'i fi innanz,
Dmandandì arrugantment in dov l'andava;
Mo Ruggir, seguitand senz' altr zanz,
Spessa cun al spron al bon cavall toccava;
Qulù però, viend fermari d prim sbalanz,
Dstes la man al cavall, e quasi parlava:
Cosa diriv, s per forza av fugh fermar?
Contra st usell e st can an pri durar.

6.

Al lassa andar l'usell, e quest cun frezza,
Vuland, al tigneva d pista Rabican,
Qulù dsmonda dalla mulla cun prestezza,
Per cor-ri dri anca lu, st cucciud villan;
Al cava alla so mulla la cavezza
Ficcandla zo pr' un foss, mo da luntan.
La mulla dri al cavall va cmod fa un vent;
E qulù una losna par propriament.

7.

Al sparavir, al can, al cazzador,
La mulla senza breia e senza sella,
Tutt corren dri a Ruggir cun gran furor,
Pinsand ch'al sippa d gnauch una scudella.
Ruggir pinsava ch' ai sre sta dsunor
An star aspttar qulor ch vgnevn a tirundella,
Tant più ch'i ern dsarmà, se n' quell villan,
Ch' aveva sol una bacchetta in man.

8.

Qulù i cemenza a mmar addoss cun la bacchetta;
Al can i attacca i dint al garet stanc,
E s'al tin stricche quant s' faccia una manetta:
La mulla cun i calz i nizza nn fianc,
L'usell d' intorn i fa la girumetta,
In t'al mustazz a granfignand cun el branc,
E i inspurissn al cavall cun tant i vers
Ch'al n' ubbidiss più al mors, es va d travers.

9.

Par sti pittm Ruggir s v're tor d' intorn
E dscaarsi dall' ort, ch' i andassn al boia:
La spada al dsfodra, es tra di culp d' intorn
D' arvers e d dritt, e d punta, e d tai, e ch esia
Mi in quant mod e manir al s dà d' attorn:
Mo qula maldetta zni la stra più imbrois;
Cun tutt ciò al ved al prigel st cavalir,
Ch' a intardar anch nn poch i po intravgnir.

10.

S'al s' afferma gran fatt, an serv ch'al s fida,
D' n' aver Alzina dri e al puplazzin:
Al sent za da per tutt dar a sterimida,
E sunar la marciada i tamburin;
Amazza amazza, l' od alzar la crida:
Qui donec perdr al temp an i cunvin,
E, s'al vol al dsegn d qulor mandar a vud,
Bisugnàr ch'al dscurva in ultim al scud.

11.

Dov al n' arriva cun la forza, al vol
Cun l' inzegn arriarvi: al tira vi
Al vol, e as ved al scud far quell ch'al sol,
E qula canaia andar tutt' all' indri;
La mulla, in trar d calz, fu un scramazzol.
Al can s' arbalta, e l' om en sta più in pi,
L' usell casca per terra, e l' bon Ruggir
S' la batt alligr, e i lassa li a durmir.

12.

Intant Alzina aveva avù l' avvis
D Ruggir scappà, cun al sfurzar la porta,
Una bona munà d qulor avend fatt sbris;
Dalla dnia la fu per cascar morta:
Oh, deni mo del nas address, la dis!
Cherdinzona ch' a son, e poch accorta:
Ma t'en t' salv, s' a poss subitament
Dar all' arma, e chiamar tutta la zent.

13.

Prest i s' arduen quand la Signora emanda:
Li in fa don part; la prima s' incamina
Per la stra ch fa Ruggir, e s' i l' arcmanda;
Cun qui altr li va vers la marina,
Ch la 'n vol ch'al scappa vi da nssnna banda;
Al mar s' arpiatta sotto 'l nav d' Alzina,
Ch partiss qui in furia ch la n' appensa gnanc
Una guardia in Castell lassar almanec.

14.

L'è al cas d Melissa ch tutt s la battù vi
E nssn i arresta a dari sudizion;
Lassen pur mo ch la faccia address qui queti;
Cercand pr i tanabns, e pr ogn canton,
La va su e zo pr el scal innanz e indri,
E a tutt i incunt la trova al so gallon;
Sotta del pred la cava e tra i pirù
Sigill, ampoll, bambuzz, e pinazzù.

15.

La romp, la brusa, la manda in scunquass
Tutt quel zirr, e po volta pr el campagn
Dor' era i mrus d' Alzina mudà in sass,
O in font, o in zoech, o in albr, o in barbazagn;
La fi in manira ch' ognun d lor turnass
Cmod l' era prima, e uscì cun i su pagn;
Ruggir da Lugistilla i seguitonn
Tutt quisti, e ai su pais dop i s n' andonn.

16.

Ai su pais i andonn pr opera d Melissa
Con una eterna e stretta ubbligazion;
Al prim ch turnò in t la so forma dsmissa
Al fu al duca di Inglis, fiol del re Utton.
Ben in testa l' indvina aveva fissa
La parintella cun l' arcmandazion
D Ruggir, ch' aveva za per lu pregà,
E a tutt i cas l' anell i aveva dà.

17.

Al paladin Astolf fu donca arfatt,
Es turnò quel bell zovn ch' l'era zà;
A sta donna an i par niint aver fatt
Se gli arm, ch' al purtava, la n' i dà;
Quia lanza d'or, tra gli altr, ch' al prim tratt
Quant la in tocca altrtant la in manda in là;
Prima fu di Argali, e po dop sta lanza
D' Astolf, e tutt du a finn unor in Franza.

18.

Av poss dir ch' un gran pezz la li cered:
Tutt al palazz al bisognò ch' l'asiass:
In t'al granar finalment l'accattò
La lanza e gli arm asrè dentr in tel cass;
Fatt sti cvi, l'ippugriff po la muntò,
Es vols ch' in groppa s'igh Astolf andass;
Es funn da Lugistilla innanz d' Ruggir,
Ch' nna gross'oura sti dop auch a vgnir.

19.

Per del montagn, tra i sass, e tra i perdun,
Per di daert, dov an i era sn d' urtiga,
Per di bosch, per di balz, e sfundriun,
Vers Lugistilla al va cun gran fadiga;
L'asci po finalment da qui burrun,
All' averta trovands dop tanta briga,
Da una part ai è al mont, da qu'altra al mar,
Mo d'ora gnanch un bris da pssera fermar.

20.

L'era d'estad, e s'era in t'al mezz di;
Al mond propriament dal cald brusava;
Al pareva ch' al fuss l'aria infughì,
Ne da là nseun un fià d'aria tirava;
Ogn cosa era brusà, cotta, arusti,
Tutt i neltt arpiattà, ne nseun cantava,
Sol el zigal a s' sineva a strillar,
Mo questi sol dila nuia sonn purtar.

21.

Al gran cald, la gran sed, ch' al tin soffrir,
La vi tutta dsngual, sassosa, e stretta,
Metta in gran briga al pover cavalir,
Oltra ch' au i è una cumpagni del bretta.
Mo al n' è d' ver cantar sempr d' Ruggir,
E da una part laasar i altr; alla fetta,
Lassen un poc andar, ch' al s' goda al cald:
Turnen in Scozia un po a trovar Rinald.

22.

Rinald era ben viat dal re scuzzes,
Dalla fiola, e da tutt generalment;
E anch de più, quand av qui signori intes
Cmod l'era dal re d' Franza strett parent.
Al perchè del so viaz al fi pales,
Digandi ch' l'era vgnù a cercar dila zent
Da mandar in aiut al bon re Carl,
E da part so ai pregava d' aiutarl,

23.

Al re i aspos d' sì, e molt ben vlantira:
Per sudisfar al so giust desideri,
D' man e d' pi l'arè fatt, ch' in agn manira
S' aiutass al re Carl, e s'igh l' imperi:
E d' cavalir e d' fant una gran schira
L'arev arduat fra trei o quattr ferì:
E ch' lu i sre andà in persona, a la so età
I aviss permiss de psseri andar armà.

24.

E quand st perchè 'n pariss un perchè degn
Da starn a cà, l'aveva sempr al fiol,
Dutà d' valor, d' intendr, e d' tant inzegn
Da cundur un esercit cmod al vol.
E s' al n'era al present dentr in t'al regn.
In st mentr ch' tutt s' arduun al bandirol,
E ch' i s'ulda s' ammanva alla marcia,
Al sperava ch' al fuss a ca turnà.

25.

Acquai al mandò per tutta la so terra
Urdn e quattrin per mettr insem dila zent:
L' ammanvò 'l barc, e 'l munizion da guerra,
E agn cosa 'l vols pravedr abbondantment;
Intant al dis Rinald ch' in Inghilterra
Beo ch' al vada a far altr pruvdiment;
Al re istess vols un pezz accompagnarl,
E 'l luzz al ucc al s' sinti in t'al lassarl.

26.

Bon usanz d' una volta, o temp antigh,
Dov siv andà? pur tropp avì avu fin!
Adess an s' trova più d' qui bun amigh:
Tutt cerchn d' tirar l'acqua al so mulin.
Mo an serv a niint qui adess a dir sti vssigh;
L'è mii donca turnar al Paladin,
Al qual cun un bon vent al s' imbarcò,
Ch' in fin a Londra sienr al guidò.

27.

Rinald aveva un ordn del re Utton
Dirett al gvernator, da lu lassà,
In dov ai deva un' ampla camission
D' mettr dila roba insem e di s'ulda.
Tutt qui ch' pssevn purtar spada a gallon,
Cavall e fant, i s'ippn tutt livà;
D' Calès al port tutt s' arv da imbarcar,
E in succors del re Carl in Franza andar.

28.

Al princip d' Galles, ch' era 'l vicerè,
Arzvi Rinald cun una tal accoglienza
Che d' più al n' arè psù far all' istess rè,
Perchè al saveva i tratt dila convenienza.
Pr i urdn po ch' ha 'l Paladin del re,
Tntta Inghilterra l' arma in diligenza,
Cun gl' isol ch' i ien dattorn, e s' i destina
Al di in t' al qual tutt s' trov nla marina.

29.

Quand al so dsegn ha fatt un brav pittor,
Mttends a sedr, al principia a lavrar;
Al muda ben e spess pnell e culor
Segond ch porta 'l bisogn, e lu vol far.
A farò acqui anca mi, lassand quel signor,
Ch'in st punt am vign d'Angelica a arcurdar,
La qual, scappand del man del Paladin,
Un Rumitt l'atravò per quel camin.

30.

Bisogna un poc address quì d li parlar,
E seguitar l'instoria za cminà;
A la lassonn là cun quel fra a dmandar
Per passar dila del mar la bona strà.
In Europa a nssun putt più l'an vol star,
Per n'esser più d Rinald attraplà;
Mo a veder qusti al Rumitt s'ingaluzzi,
E cun del ciacchr al la trattgneva li.

31.

A vder quel bel musin, d'cald al s'acces
E al s' sinti movr i spirit natural;
Mo quand al vist da li ch'al n'era intes,
Anzi ch l'andava vi, al s' l'avi per mal.
L'asn al sprunò; mo l'asn brisa s' dtes,
Fussla pigrizia, o ch al tmias al straccal;
E cun tutt ch al Rumitt fort al stumblasa
Pr ngotta movr an s vols dal solit pass.

32.

D'Angelica 'l cavall galoppa e trotta,
Ch'as durava fadiga a tgnirla d pista;
Al fratazell arcors alla so grotta,
E d diavl al fa saltar fora una lista;
Ai n' adlizi fra qulor un ch n'è marmotta,
Ai conta i su bisugn, i affar ch l'ha in vista,
E po ai emandò ch l'andass dentr in t gli oss
Del cavall ch porta vi Angelica addosa.

33.

Cmod sol al can da cazza del volt far
S'al ved d'n psser corr'r alla livra dri:
Al scavezza 'l sentir, e s' va arrivar
In t'un'averta, e li po ai sta alla vi;
Quand po l'arriva, e lu la va a gramplar,
E dop ch'al l'ha ammazà al s la tira dri,
Qusi fa 'l Rumitt. Ch'Angelica s la cuia
Pur, ch' lu l'arzunrà, andand dov la s vuia.

34.

Dent d lu mi so cosa l'ha pinsà
Es v'al dirò anch a vu, mo a temp e lugh;
Angelica, ch n'appensa niint al fra,
A so mod la s'in va da lugh a lugh;
In t'al cavall al diavl sta arpiattà
Cmod sta sotto una mina arpos al fugh,
Ch s'impia po in t'un tratt, con tant burdell
Da n' psser gnanch purtar vi salva la pell.

35.

Angelica dri andava alla marina
Ch la bella spiasa dila Guascogna lava,
All'acqua sempr stand avšina avšina,
In dov trovar miora la stra pinsava;
Mo all'impruvvis al diavl s'intruvlina
Dent al cavall, e in t l'acqua al la mandava:
La ragazza insapuri 'n sa cosa s far
Sn tgnirs soda alla sella pr'n cascar.

36.

La tira fort la breia, mo vultar
An s vol brisa 'l cavall, e al va più innanz:
L'arcui la vstina in gremb, pr' n la bagnar,
L'alza 'l gamb in s la sella per dinanz;
In sti smani el trezz s'vinen a dsligar;
A pesi pinsar s l'ha di travai d'avanz:
Al mar era in bunazza, e tutt i vent
Eren forsi a guardar sta blezza intent.

37.

L'as volta spess indri a guardar, mo invan,
Ch da terra sempr più la s'alluntana:
Indarna la s'arcmanda, e s batt el man,
E bagna cun al piant sin la suttana.
Quant pars al fra, al cavall andò luntan,
E 'l diavol po al vultò vers tramuntana;
In t'un disert l'andò a terra tra cert grott,
E sass tant fatt, in t l'imbrunir dila nött.

38.

Quand l'as vist da per li in st lugh dsastros,
Ch'al feva vgnir scurritz sol a guardari,
In qu' ora, ch s'era 'l Sol za in mar arpos,
E 'l strell in zil impiavn al luminari,
La s fermò in att quasi vagh e quasi curios,
Cun una man grattands al taffanari,
Da far suspittar s l'era una donna finta,
O una figura d zess a culur dpinta.

39.

L'armas li in t'al sabbion tutta insapuri
E cun i cavi all'aria tutt sgumbià,
Senza vos, senza mot, e 'l man uni
D'in quand in quand al zil la tgnava alzà,
Dandi la colpa a lu d'esser li li
E a st mal destin ai l'ava lu guida.
La tasi un bon puchett, mo finalment,
Pianzend e suspirand, la fi st lament:

40.

Per ziaziart contra d mi cosa 'm put far,
La dseva singiuzzand, destin infam!
T'n m pu an sta po d vita più livar,
Mo questa, a quel ch'a ved, ti t'n la bram.
Perchè t'm pseev lassar per l'acqua andar,
E là dila vita mi taiar al stam;
Mi da sta cosa a vign chiar a capir
Ch'anch dl'altr cert t'm vu far arrabir.

41.

Cosa più, da qui innanz, aroia d mal,
Ch'an n'ava da ti avu piz pr al passà?
Per causa to an ho più al scett real,
E an sper d'arvedr più la mi cuntrà;
Per te ai ho pers l'unor in general,
Sebben ch sicuramente an ho fatt pecà:
Andand però pr'al mond acquai a matton,
In mod ch la zent 'm stima una poc d bon.

42.

D più la 'n po perder a st mond una ragazza
Quand l'ava pers l'unor al dir dia zent:
Am dapias ch'a son zuvnetta, es son anch blazza,
Per quant i disn tutt comunement;
S'am vin dal blezz i guai, n'asptar ch at fazzo,
O zil, per quest un bell ringraziament:
L'Argali mi fradell fu za ammazzà
Per questi, es n'i zuvò d'arm incantà.

43.

Per questi al re dila Tartari Agrican
Dstruss mi padr, ch'avea nom Galavron,
Am in India del Cattai era Gran Can,
E mi son arrivà a tal condizion,
Ch'a mud sta sira allozz, e s'al mud dman:
St m'ha donca tolt tutt quell ch'aveva d bon,
Unor, roba, quattrin, cosa 'm pnt far,
Furtuna, d piz? e a ch'ois da arrivar?

44.

S'assà 'm spaamava angà murir in mar,
Past di mustur marin o di sturion,
D st servizzi sol at poss arringraziar
St 'm mandarà di luv, di urs, di liun,
Ch'in t'nn atm 'm corn a squinternar,
E ch' m stragualzn tutta in quattr bocun!
Quai suspirand la dseva, e s lamintava,
Quand la vist al Rumitt ch'al si accustava.

45.

St bon cavadin, l'ha za usservà, d'in zinna
Un sass, tutta la cosa emod l'è andà,
Emod Angelica pianz, s despera e s lima
Tra qui sass, tutta affitta e decunsulà;
In quell lugh l'era vgnu si di lu prima
A cavalluzz da un diavol trasportà:
Al s'i accustò cun una divuzion
Ch'al pareva in cumedia don Pilon.

46.

Quand li s vist al Rumitt vsin arrivar
Cun tant d barba e con al so coll stort,
La s fi un po d'ann, e s sinti consular,
Sperand da st bon cumpagn un qualch cunfort.
Padrin, la i diss, al preghi d vler aiutar
Mi, povra dserta, arduita a quai mal port.
Senza cgnussrl, o arcuardars d averl mai
Vist, la i cuntò l'istoria di su guai.

47.

Lu eminzò da vulpon a cunfortarla
Can del belli parol e dvot, s'a vien:
Mo 'l man da impertinent, mentr ch'al parla,
I sfrega pr al mustazz, e i mettr in sen;
Cun sta po'd stra, da franch, cerca attraplarla.
Mo li, emod al dev far 'l donn da ben,
Cun un pugn in t'al pett indrì l'al spinz,
E per vergogna al mustazzin si tins.

48.

Quà allora tira fora un'impullina
Da una sbolza ch l'avea ai fianch attaccà,
Fatta d cristall d Venezia, es era pina
D'un cert bagnol, ch'lu stess ha fabbricà,
A in spruzzò d'quest in t'i uce a qula sgnurina,
Dov aveva al so regn Amor piantà;
Li armas insuppi d lugh, es surmacchiava,
E 'l vecch i steva sovra a far la bava.

49.

Dov arriva i su design za ari cgnussù:
Manch mal ch'an po dar past alla passion;
Quand as è vecch, an sta 'l culzett più sù,
El gamb vinen suttili, e an s'è più bon;
Dirindina, dis i tus, curruccu.
Appropriar a lu s po sta canzon,
Ch in tutt i mod al s sforza, mo an i arriva,
Ch'al n'ha tant fà da passer alzar la piva.

50.

Quand l'av provà, e provà in tutt el manir
Per bevr a qula caraffa ch'al bramava,
Al vist ch'an i era cas pesser arriuscir,
Ch'an tgneva dritt, em ai labr al s l'accustava,
Stuff e stracc, anca lu s miss a durmir.
Qui la dsfurlata sta zuvnetta asptava:
E guai a quell, ch la i cmenza a correr dri,
L'al fa puzzar d'agn co em' è i sulfani.

51.

Innanz ch av diga emod andass al cas,
Al bisogna ch'a vada un po zo d strà;
In t'al mar d tramuntana vers l'uccas
Savà mo ch'ai è un'isola, chiamà
Ebuda, dov i è i abitant armas,
Dov prima i ern fiss, chiar purassà;
E a in fu la causa Proteo, dio marin,
Ch mandò i mostr del mar in qui cunfin.

52.

Dis ch'ai era una volta un re putent,
Patron d qu'isola, 'l qual avea una fiola,
Ch per la gran blezza propri era un putent.
E la pareo del Grazi o d Vener fiola:
D questa s'innamurò Proteo talment,
E d manira, per quant conta la fola,
Ch'un di sola dri al mar al l'attruvò,
E dal gran ben ch'ai vleva al l'impergnò.

53.

An passi star cvert al fatt; e cugnizion
N'avi so padr, al qual s degustò all' eccess;
E, d cor più cür d' azzarr, o d' un giaron,
A mort la cundannò senza process;
An vals impegn, an vals arcmandazion,
Cun tutt ch' ai passiss aver al so interess
A aquistar per so zent un dio marin,
E prima d nassar l' amazzò 'l nvudin.

54.

Proteo, al qual d Nettun è al gran pastor,
D' Nettun, cmod a savi, gran dio del mar,
Savend sta cosa, l' av sù gran dulo;
Ch' al s murgò 'l did, per segn d vlers vindicar;
Dalla gran rabbia spint e dal brusor,
Tutt quant i mustir in quì isola fi andar,
Per destruz non sol camp e pradari,
Mo la zent, cun el cà, burgh, e casti.

55.

I s' accustavn spess anch al citià,
Mttendi, all' usanza di suldà, l' assedi;
La zent di e nott su per la mura armà
Stava, cun gran timor, e cun gran tedi,
E i su camp tutt avren abbandunà,
Finalment, pr' attivar un qualch remedi,
I andonn a consular l' Uraqul un di
Sovra a sta cosa, e lu i arposo aqusi:

56.

S' a vli che d castigarv Proteo dametta,
E ch al daga un scanzlott alla quarella,
Av bisogna trnvar una zuvnetta
Quant la fiola del re garbata e bella;
Una in riva del mar agn di s' in metta,
In fin a tant ch' arriva una dunzella
Ch' i vada pr al fasol, e ch sippa tant
Quant era qu' altra bella. Qnest è quant.

57.

A s cminzò allora in t l' isola d' Ebuda
A ligar agn mattina una ragazza
In riva al mar per Proteo, dspnià unda,
Adlizendla tra quelli d miora fazza;
E là 'l murevn aqusi, ch' un Orca cruda
A terra andava agn di, cun tant d buceazza,
E sgufandli in t' un becon, dop ch visità
Proteo glì aveva, e po dop rifiutà.

58.

La cosa d Proteo, an so s la sia una zanza,
O pur s' al daiss al ver al prim ch la scriss;
In quel paies i era la brutta usanza
D far in quell mod in punt ch l' Uraqul diss.
Mala usanza pr' el donn, d far far la panza
A quell brutt pess, ch del belli donn s nutries.
S l' è mal esser una donna in tutt el band,
In qui paìs an psseva esser d più grand!

59.

Ch' el stissen alligri 'l brutti am è d' avvis
In t l' isola d' Ebuda al temp d' allora,
Perchè gli ern sicur d n' aver l' avvis
D' esser cundutti all' Orca ch' el divora.
S' a in capitava l' d' altr pais,
Fussla mo una pnvretta, o fussla ognora,
Tutti a usservar sta lezz eren sfurzà,
Altr tant del paisan siand asparmià.

60.

Da tutt el part per mar in van cercand
I cursar cun el fust, e di altr lign;
Dri a sta sponda, dri a st' altra i van sbarcand,
D' avsin e da luntan per tutt i rign,
Aqusi del son la duia sullivan,
Cumprand cun promess, d' or, e di pigo,
Pr el torr e pr el person del furastiri
N' han za arduitt un meedott, senza mattiri.

61.

Una d sti son barchett, ch van dri a terra.
A cas vins a passar li dri a quila riva
In dov la povra Angelica per terra
Durmeva tant d fiss da 'n parer viva,
Una mnà d qui cursar smuntonn a terra
Per pruvedr dla legna e di acqua viva,
E al fior del belli donn truvonn in brazz,
Per so disgrazia, d quell bon cap d ramitazz.

62.

Oh preda bella d tropp, preda ben rara,
Indegna verament d zent quisi villana!
Chi pre mai credr ch la furtuna amara
Qusi malament trattass la vita umana,
Mandand sta blezza quisi famosa e cara
In past a nn' Orca cruda! oh cosa strana!
E pnr per li Agrican av tant intrigh,
E s mors, cun tutt ch l' aviss tant suldà sigh.

63.

Quila gran blezza, ch fu causa ch Sacripant,
N' abbadand all' unor, laessas al regn;
Quila blezza ch fi a Urand prenzp d' Anglant
La gran fama inturbid, perd l' inzeagn;
Quila blezza finalment che tutt levant
La fi mittir sudsovra, e 'n star più a segn;
Addess, in st gran bisogn, l' è sola diffatt,
Senza aver pr' aiutarla gnanch al gatt.

64.

I s' attrinn qulor cmod fa 'l cavell al beon
A quila bella fiulina indurmintà,
E senz' averi nessuna compassion
I l' incednonn in cmpagni del frà.
A cà i andonn alligr, e cun rason,
Ch del belli la regina i han travà;
In t' una torr la missn asarà ben stretta
Fin al di ch' ai tucò a li la bnschetta.

65.

La so blezza i zuvò, s' n' in tutt in tutt,
Almanch in part, ch' i la finn star indrì
Insin ch' i avina in riva al mar cundutt
Quanti i in pessinn aver innanz a li;
A i in saveva propri d' mla a tutt,
E truvà in areven vlu la vi
D cundurà all' Orca, mo un di finalment
I i la guidonn, cun dagust d' tutta la zent.

66.

Chi arev un cor quasi dur da psser cuntar
Quant fuas al popl tutt dagustà e dulent,
Quant i la cumpatissan a vder andar
Qula gran blezza a la mort, e d più innucent;
Quand po i la vistu al solit sass ligar,
In finna al zil alzonna un gran lament.
Am maravei, allora, ch' an cherpass
Dalla gran compassion i munt, e i sass.

67.

Mi cert vai mudar discors, per sullivar
Al cor: a sent ch' a l' ho propri affannà;
El bisti più maligni ch' s' ponn truvà,
I dragh, i basalich più avvelenà,
Serpint e cuedrill in preven star
Senza sintirs commovr, a vder ligà
Angelica a quel sass: mi cert poss dir
Ch' el luzzi ai uech am sent per pietà vgnir.

68.

Oh s' Urland al saviss, ch' l' è ardudda a st pass!
Urland, ch' dentr in Parig fa un gran cercarla;
Se Sacripant, o al saviss al re Gradass,
O Rinald, ch' tant asiò sol per attruvarla:
Cosa n' i are, ch' ognun d' questi 'n lassass,
E a gara fur de tutt per liberarla;
Mo anch ch' i al savissn, i al saren in van,
Da andari a temp: perchè l' è trop luntan.

69.

Intant cun i soldà, ch' aveva uni
Sotta Parig al fiol del re Truian,
Addoss al s' i stricò tant fort un di,
Ch' an i mancò un quattrin d' averi in man.
E s' al n' era ch' al Sgnor d' in zil udi
I vud e gli nrazion di puvr estian,
Ch' ai fi allagar i camp cun gran squaes,
L' imperi e tutta Franza andavn a spass.

70.

D' in zil al nostr Sgnor i uech arbassò
Sovra Parig, e s' usservò 'l re Carl
In prigul per la fed, e l' unor sò,
E cun quell gran pival vols aiutarli;
Bisogna d' cor a Dio arcmandars, e pò
Ferma speranza aver, e lassar farl.
Aqui in quell gran bisogn fi al fiol d Pipin,
E l' agnussai 'l valor di aiut divin.

71.

In st mentr Urland la nott la passa mal,
Dai gran pinsir ch' i girn per la gruoca:
La testa an po tgnir ferma in t' al cavzal,
Al volta e s' prilla, e gli ung del dida al s' pluoca.
St pinsir ne qu' altr a sullivari al val,
Che, in causa ch' al s' lambicca tant la zucca,
Al par iust quel fullett, ch' moss da un fandain
Fa al sol uscir dall' acqua d' un cadin.

72.

La bella mroea, ch' spess i torna in ment,
O, per dir mii, ch' 'n si è za mai partì,
Al cor i infiamma, e i fa cressar al turment,
Sebben ch' al par ch' al s' la sia dsamenga al di.
Dal Cattai li vign s'igh finna in l' anent,
Quand al fu al so paies al la perdi;
Dal di ch' Carl fu rott sotta a Burdella
Al n' ha avù nova d' sta ragazza bella.

73.

Questa brusava al pover Urland, e s'igh
In van d' esser sta trop dolz al s' duleva:
Oh bell al mi curin, al d'avea, migh
Am son pur purtù mal quand at aveva!
La nott e al di arè passù star sempr tigh,
Perchè la to buntà 'n m' al cuntradeva;
Per 'n vlerm d' un ingiuria vendicar,
In man del duca Nam at lassò andar.

74.

Forsi an aveva mii rason d' scusarm,
Tant mii ch' an son del re in cattiv cunzett?
S' lu 'n m' cherdeva, ch' arè pssn sfurzarm?
E chi t' arè cundutta vi a mi d' spett?
An 'm are forsi passù servir degli arm,
O lassarm strappar al cor dal pett?
Mo ne Carl, ne tutta la so zni
Senza 'l cunsens mi d' mi t' arè mnà vi.

75.

S' a un galantom almanch al l' avias dà
Dentr in Parig o in altr lugh sicur;
Am dapias ch' al duca Nam al l' ha cunsugnà,
Perchè d' li arresta a sta manira al bur.
Pr avern cura, al mior d' mi n' i sre stà:
All' aveva da far; star sod e dur;
All' aveva da fur a tutt i patt;
A n' al far, a son sta pur al gran matt.

76.

Ah! senza d' mi, dov it, dov it, cor bell,
La mi sprucca, cun quei bel mustazzin?
Ah! ch' at ho persa, emod s' perd un agnell
Luntan dal so pastor, tra i stirp e i spin;
Al po blar quant al vol, ch' in t' al più bell
Al l' od al lov, ch' è del pastor più vain;
E al pover so pastor al pianz invan,
A vder al lov ch' al magna da luntan.

77.

Dov it, speranza cara e bel cunfort?
Chi sa ch t'en vad pr 'l mond vi malzipand,
Chi sa ch dai urs te t'n'av arzà la mort,
Senza la guardia del to fid Urland.
La rosa più suav del to bell'ort,
Ch per mi a cherdeva d'andar cunservand,
Chi sa ch per forza l'an sippa sta guasta;
Forsi più an t truvàrø vergen nè casta.

78.

Oh mi, pòv disgrazià! a son pers del tutt;
S l'è mai sta cosa vera, a mor d d'olor;
Oh zill! da mi st in vu cavar custrutt,
Salva, ch'at pregh, d'Angelica l'onor;
S'altriment a sarò ch'al sippa destrutt,
Al sona dla mi vita al veutquatt or,
Perchè un crep a trarò. Quasi suspirand
Da per lu s lamentava 'l pòv Urland.

79.

Al n'era gnanc turnà la zvetta al nid,
E l'tamburin n'avea sunà la diana,
L'era anch in mar al prenz di pianid,
E l'aurora n'avea gnanc la suttana,
L'alba pr'impiai al di s battea in t 'l did
A batter fugh, tant bura era la tana,
Quand as apisulò un briedin Urland,
Nè gnanch arpos al po truvàr durmand.

80.

Al s'insunia sta cosa, ch'ai pareva
D'ess, cind srev a dir, vers al Mlunzell,
In t'una bella riva, ch'al cuieva
Del ros, di tulipan, del viol bell bell.
Mo d st'insuni al più bell era, ch'al vdeva
Qua porpora, qu' avoli, quel dou strell
Ch l'avev ingarbuà in t la red d'amor,
E pr el qual l'era sotta a tant brusor.

81.

A gli aveva un gust matt, propriament
Al tettava d sta cosa, e s feva festa;
Quand as liva in t'un tratt un quasi gran vent,
In compagn di acqui grossa timpesta,
Che gli erb e i bi fiurin in t'un mument
In terra arbalta, e fà una strag funesta;
Ai pareva d cercar d'andar a cvert,
Mo 'l n'attruvava dov: semp era al dascert.

82.

Tra la timpesta e 'l vent, mezz insturni,
Senza saver al mod, la mrosa 'l pers;
In quell fiazell del temp la si amari,
Ne pseria più truvàr an i fu vers;
Allora sì, ch'al dseva: Ah puvrett mi!
Tutt' el mi algrezz poln più andàr d travers?
Mo pur ai par d sintirla da una banda
Ch la chiama Urland per num, e ch la s' i arcmanda.

83.

Al s volta dov i par d'udir la vos,
Al la cerca guardand con gran travai:
Oh! quant, l'affann è grand e d'uluros,
A n'pser cattar la causa di su guai!
D' zunta, da un altr la 'l sent una vos
Ch' i dis: Tut zo d pinsir d'godria mai.
Allora a st brutt avis prest al s dsdò,
E tutt piangulent e mui al s'attruvò.

84.

Senza pinsar ch' i insuni gl'ia mattiri,
Diss un, guasti del di, ch s' vedn alla nott:
In t l'arcurdars d'Angelica, e s'vgniri
Ch l'ha avù per causa so quasi mal sfergott,
Dal lett al sbalza, e s mitt i su strafiri;
L'amanva Breiador senza far mott
A nssun; al s'arma tutt da Paladin;
E, n savend per qual stra, l s mitt in camin.

85.

Per psser andar sicur d n'essr cgnussà,
Sigh an chiama ne pagg ne nssun scendir;
Dl'armadura d'Almont an s'arma più,
E s lassa zo l'insegna del quartir;
Mo un'armadura neigra al chiappa sù,
Pr'accompagnar del cor i gran martir,
Ch'al tols in t'una guerra a un colonell,
Da lu propriament mandà in bardell.

86.

Qued qued, al bon Urland innanz di part,
Senza licenza torr dal re so zio;
Basta dir ch'al so anigh ver, Brandimart,
Ch ai vleva pur tant ben, a n' diss addio.
Quand l'aurora ominzò a mandar da part
El strell, li fora uscend cun al so brio,
E quand al Sol i munt av indurà
Al re s n'addi ch'Urland s l'era sbignà.

87.

S l'aviss degust al re Carl al n'è da dir,
Ch al fuss anda so nvod aqusi alla mutta
In t'al mazor bisogn: pssersn servir
Al pinsava, es arresta aqusi alla sutta:
E, sfurzà dalla stizza, an s pssì trattgnir
D'n dir ch l'era un'azion villana e brutta;
E, ch quand prest an turnava, certament.
A so temp, agli arè da un tintament.

88.

Mo Brandimart, o ch'al s l'aviss per mal
Del Paladin, a andar vi senza parlar,
O verament ch'l'niiss un qualch rival
D'Urland dinanz al lle d la murmurar,
Innanz ch fuss sira, al s mise i su stival,
Es s'armò, cun pinsir d vleri cercar:
Alla so Fiordilis ngotta lu diss,
Per pora ch'al so dsegn la n' i impedias.

89.

Fiordilis una signora era chiamata,
Unesta zovna, acorta, e d gran prudenza,
Bella altrtant, da Brandimart anà
In manira ch'an pseva d li star senza.
S' allora nient ai diss, l'avea pinsà
Turnar la sira a fari riverenza:
Mo un accident l'istess d i intravgni
Ch'a dar effett ai su dsign al trattgni.

90.

Cun impazinzia l'al stè aspttar un mes,
E quand st zovna la 'n vist turnar indri,
Per vuia d vodri la s miss in arnes,
Andand vi sola, senza cumpagni;
L'asiò, e cercò un bon pezz per gran paes,
Cmod a so lugh dall'istoria a udiri.
Ch la s'in vada a bon viaz: lassena andar:
A Urland, ch'importa più, mi vui turnar.

91.

Lassà ch ha 'l Paladin gli arm d'Almont,
E sigh la bella insegna del quartir:
Al va alla porta, es dis: A son al cont:
E al capitani fa 'l rastell avrir;
La sintinella prest arbassa 'l pont,
Lu passa innanz, e an conta i su pinsir:
Per la più curta 'l va al camp d'Agramant:
Mo pr' arpusarin un po a finiss al Cant.

PIN DEL CANT UTTAV.

CANT NON



ARGUMENT

*Urland camina, e va tant, ch finalment
La fola d Proteo l' arriva a sentir;
Mo, moss a cumpassion del gran lament
D' Ulimpia, ch tutt i conta i su martir,
E emod i tin Cimosch malignament
Al mros person, al dis d' vlerla servir:
Cimosch l' amazza, es part. Ulimpia vi
Va cun al mros, ch' a nova sposa è dri.*

1.

Mo ch passion malandrina è mai l'amor,
Anzi as dovrè piuttoost furor chiamar.
Urland, ch'era quasi fort e savi signor,
St' amor in t'un quattrin n'al fill ballar?
Lu n'ha più nessun riguard al propri unor,
Ne quel rispett ch'al barba al dev purtar;
Meir Domendi poch al s'accorda, e brisa
D'esser al Cuofalunir dila santa Cisa.

2.

Am arcord d'esser sta anca mi in qui pagn,
Ch m'an i fuss anch adess, es cumpatiss
L'anvod d Carl, e s l'azzett per bon cumpagn,
Ch aqusi la mi vergogna s sminuiss;
Quel s'in va tutt dulent per quel cumpagn,
E ben e spees al so destin maldiss:
Al passa dov ai è d' Affrica e d Spagna
Tutt el zent sparguà per la campagna.

3.

I nmigh l'attruvò tutt indurmintà
Chi in za chi in là pr al camp, senz'ordin nssun,
Perchè quel tempural quasi strampalà,
Accumpagnà da losn, vint e trun,
Aveva el schir e gli urdinanz sgumbià,
Mandand al tend per terra e i padigliun.
S'al vleva, al n'arè puss amazzar magari;
Mo an vols brisa dsfudar la scimitara.

4.

Magnanm e generos tant era Urland,
Ch la zent indurmintà 'n vols amazzar;
D'in tenda in tenda sol al va cercand,
Per vder s'al po la so mrosa trovar:
S'al trova un qualche un dedà, qui suspirand
Ai descriv tutt el blezz, l'abit, l'andar,
E po 'l prega, per grazia e per curtei,
La donna insignari s'al sa dov l'as ai.

5.

Quand as fu livà 'l Sol chiar e lusent
Al cercò da un co all'altr al camp muresch;
Al pseva farl ben liberament,
Perchè l'aveva indoss l'abit turchesch:
E s' i fu più d'un poch anch d zuvament
A saver ben al linguaz arabesch,
L'affrican, al latin, spagnuol natural,
Ch'al pareva iust un d lor, tal e qual.

6.

Tri di dentr del camp al consuinò,
E de paserla trovar an i fu cas;
Sol in t'isola d Franza an s'affermò:
Per l'Alvernia e Guascogna al battì al nas;
Qui burgh, e quel città tutt quant l'asiò.
Non sol el stra, mo dentr anch in t'el cas,
Al cercò da Pruvenza alla Bertagna
E dalla Picardi fin alla Spagna.

7.

Da quila muia stason, ch s'ascurta i di,
Perchè 'l Sol va da nu sempr più deost:
Del mes ch'i albr s'cavn al so bel vsti,
E vsin al fugh ognun cerca 'l so post:
Per tutt al temp ch'as zuga a gratta-mi,
E per rinfresch s magna i marun arroast,
E d primavera i prin di, sempr Urland
L'Angelica cercò per vari band.

8

8.

Un di, ch l'andava vi pr' una campagna,
Alla sponda arrivò d'un fumett gross,
Ch partias la Nurmandi dalla Bertagna,
E vers al mar curreva a più non poss;
La pina aveva vi purtà la pdagna,
Per la nev dfatta, più del solit gross,
Perchè 'l tirava iust allora 'l vent,
Ch la feva dsfar precipitosament.

9.

Al va cercand un lugh da psser passar,
E dsovra e dsotta, al nostr Paladin;
Mo, quand al n'è un usell da psser vular,
A qu' altra riva an porta i zuccarin;
Quand un battell vers lu ved arrivar
Guidà da una zuvnetta, e a lu va vsin:
La s'accosta bell bell, mo dri alla riva
Del tutt l'an vol ch'al so battell arriva.

10.

L'an s'accosta gran fatt, perchè quel signor,
Contra a quell ch la vol li, n' entra in t la barca.
Urland la prega a vlerel per favor
Cun al cavall passar, e 'l brazz l'inarca;
Lì aspond ch l'al passerà, mo del so unor
La vol ch'agl' imprumetta su in t la marca.
D cumbattr a tutta so requisizion,
Cun la ginstizia sempr e la rason.

11.

La i dis: Per mezz mi d mi, signor cavalir,
A vli passar del fium a qu'alter là?
Esser sicura a vui ch'innanz d finir
Al mes, ch'è a quell ch'a sen dentr attaccà,
Al re d'Ibernia vu av andadi a nnir,
Ch'è intorn a mettr insem di bun suldà,
Pr andar a destruzz l'isola d'Ebnda,
Degli altr isol la più barbara e eruda.

12.

A pssì saver ch'a i è dlà dall'Irlanda
Un' isola ch' Ebnda s fa chiamar,
Ch'el sou nav e la zent atorn manda
Del belli donn e zovni pr' agranplar,
El qual po serven per bona vivanda,
E delicata, a un brutt mostr del mar,
Ch'a di per di senza mai far vacanza
Una i in dan, da psser impir la panza.

13.

A cuntarn una al di, prest as po far
Quant i in voia in t'nn ann al cont ben giust;
I mercant i in pruvèdn, uni ai cursar,
E più ch' i el troven belli, i han più gust;
S'avi mai fatt l'amor, al mi signor car,
S'av pias el donn, s'a si pietos e giust,
Cercà d'esser anca vu in t'al numer d qui
Ch van per destruzz sta gran zaltrunari.

14.

Al n'av si prest Urland intes al tutt,
Ch'al zurò andar ancora lu a qu'impresa;
Tropp ai depiaseva el cos cattivi e brutt,
Dov resta 'l dver e la rason uffesa;
Subitament al fu a pinar indutt,
Ch'Angelica da quor sippa eta presa,
Avendla lu cercà per tant paies,
Senza da nssun avèrn rebosa intes.

15.

Da s'tupinion al fu talment cunfus,
Ch'ai scappò vi d'in testa agn'altr dsegn,
Agli appinò in t'un tratt, e prest conclus
D'andar allora allora vers quel regn;
Quand qu'altra sira 'l Sol fu in t'al so bus,
Appress'a san Malò l'attruvò un legn;
Dentr a quell'imbarcà, ai fi dar la vi,
Lassand al mont ditt san Michel indri.

16.

Al lassa la spndira da man manca
E s va dri alla marina dla Bertagna,
E po s'addrizza vers l'arena bianca
Ch dà 'l num d'Albion all'isola d Bretagna;
Mo al vent, ch'era al so cas, a mezz di manca,
E un sirocc quasi putent s ficcò in campagna
Cun tanta furia, ch' l'albr al fiaccò zo,
E lu dla nav al gvernator arstò.

17.

La nav, ch'era un gran pezz all'in zo vgnù,
Sol in t'un di all'indri la fi 'l viaz d quattr;
E sempr fu dal bon pilot trattgnù
Ch'la n'andass in t'un scni o in terra battir;
Quand av al vent suppià quant al vols lu,
Al mudò, deo di quattr di, caratt,
Ea lassò cun gran quiet la nav intrar
In quel sbocc dov la Schelda s scola in mar.

18.

Da i strassin vgneva sqnas al pilot manc
E per quest alla riva d quel paies
Prest s'accostò, sbarcand, e dal la manc
Incontra i s visten vgnir un vecch curtes;
Canada l'ha la zazzra e al pel tutt bianc,
E al dis cros al mustrava d'esser attes;
Dop i salut, al cont quest s'indirizzò
Perchè 'l mazor d tutt i altr ai le stimò:

19.

E s l'invidò da part d'una sguarina,
S'an i fuss aghervà, ch l'andass da li,
Sicur d'attruvar una, oltra esser blina,
Galant, zintil, e anch pina d' curtes;
E s lu 'n vleva a quela terra andar li vsina.
La sre in persona vgnù a trovarli li:
Ne più salvadgh al vliss esser lu d quant
Lì capitavn cavalir errant.

20.

E po 'l dseva: An i è nssun cavalir, ch'arriva
Da qual s'vuia paies quèi qui in sti band,
Al qual parlar cun sta sgnurina schiva
Per cunsiarla in t'un so bisogn, mo grand;
Quand al sinti a quel veech cuntar sta piva,
Senza dir altr, uscì d'in barca Urland,
E ben pront al s'uffers d'andari dri,
Dsendi ch l'andass innanz a far la vi.

21.

In t'un castell fu al paladin cndutt
Dentr d'nn bel palazz, su per del scal:
Al vist ch l'era addubbà da mort per tntt,
El loz, la galari, el camr, e 'l sal
Es vist po anch quia sguora, sovra 'l tutt,
Dulenta e pina d'lassm star, la qual
Quant s'possa dir a Urland fi bona zira.
L'al fi sedr, e po i diass a sta manira:

22.

Per dirv la mi istoria, ch n'è una fola,
I dsgust e i guai, ch ai ho pur tropp passà,
Del cont d'Ulanda mi son nada fiola,
Cun du fradi, non tutt d'nnna prntà;
Am vleva al pa tant ben, ch'una parola
Mai ha ditt contra a quell ch'ai ho dmandà;
Tutta cuntenta am in vivra, quand
A cus un dnea capitò in sti band.

23.

L'era duca d Zelanda, e cun furor
Guerra al purtava ai mori in t la Biscacia;
Dia zoventù e del blezz l'era in t'al fior;
Mi, ch'en saveva quant amor travaia,
D vleri ben a cradd prest all'armor,
D quel furbastrazz arstend in t la tanaia;
Mi cred, cherdeva, e credr an cred gnanc mal
Ch lu 'm vliass a mi e ch'am vuia un ben egual.

24.

Al vent al fi formar quaranta di;
Sebben ch'im parsn a mi sol nu mument;
Per chi sta ben, al temp sol far aquai,
Per chi sta mal, al par ch'al vaga lent:
In st mentr a dscorsn insem tra lu e mi
Più volt, e po s'arsolsn finalment,
Quand al fnss dalla guerra indri turnà,
Ch'aren al spusalizzi celebrà.

25.

Subit da mi ch al fu andà vi Biren
(Biren è al nom del mi bel duca amant),
D Frisa al re, cun al qual a cunfinen
Per mezz del fium, ch'è dalla part d'levant,
A mi e a mi padr al manda a dir, s'a vien,
Ch'am darè per mari so fiol Arbant.
E per sta gran ambassari in Ulanda
I principal en cavalir al manda.

26.

Mi, ch'aveva Biren d spusar promiss,
E a quel ch'ai ho promiss an vui mancar,
E po an pre gnanch mancar, quand anch a vliass,
Quand an vliass al mi geni contra far,
Andò da franca da mi padr, es diass:
Mi cun Arbant n'm vui cert maridar;
Più prest a murirò, mo brisa brisa
Del prencip d'vintarò sposa mi d Frisa.

27.

Mi padr fi tutt quel ch'a vleva mi,
Per n'm dsgustar, tant eria al so dritt och,
Al trattat ch'era in t'al taped rumpi
E i sgnori ambassadur i finn capocch.
Quand al re sav sta cosa al s'instizzi,
E s'zurò d'vindicars finna d'un fnoech.
In Ulanda l'entrò portando la guerra,
E i mi d cà l'ha mandà tutt quant sott terra.

28.

Oltr'essar arbnt, ch'al po star alla prova
Tra i cavalir più fort e più valint,
D lu un più malign e più furb en s'attrova,
E tant superb, ch'i altr al n'stima un niint:
Al porta sigh po una cert arma nova,
Mai vista dai antigh ne dai presint:
Un ferr bus, lugh dou brazza, s'an'm fall.
E ai mitt dentr una polvr e dri del ball.

29.

Al fugh i accosta in fond pr'un altr bus
Ch es ved arrisgh, e s'impia 'l carbon,
Al qual manda in t'un tratt fora alla lus
La balla ch'è arpiattà dentr al caunon;
Qu'armor, prestezza, e lum cun al qual lus.
Quand tira la saietta e bntia 'l tron,
Ch'in dov la tocca brusa, avr, e fracassa,
Sta balla fa l'istess in dov la passa.

30.

Don volt al miss in rotta 'l nostr camp:
E agn volta un l'ammazzò di mi fradi:
La prima volta al prim n'attrnò scamp,
Ch la balla andandi al cor, bon di sgnuri;
Qu'altra volta 'l second, ch druvava el zamp
Scappand cun di altr, agli arrivò dedri,
E s'al fri, da luntan, in t'una spalla,
Dinanz pr'al pett uscend fora la balla.

31.

Un di, ch da lu s'dfindeva po mi padr.
In t'un castell, ch s'n quell a i era arnas
(Tntt al rest al z'avea usurpà quel ladr),
Al l'ammazzò, ch al l'ava al zil in pas;
Mentr ch l'andava innanz e indri pr el squadr
Per pveder ai bisugn, e a tntt i cas,
Tra un och e qnl altr al fu colt da quel can,
Ch'i aveva tolt la mira da luntan.

32.

Quand è andà i mi parint in pavaion,
E son mi arstà l'nica cred d'Ulanda,
Al nostr nmigh, per fars del tutt patron,
E qui cmandar cmod a ca so la cmanda,
Al vins ai patt, es fi prupusizion
Cun al mi popl, e a mi fi far la dmanda:
S'a vui spusar so fiol, d'agn cosa ered,
Pas, amicitia e rpos, tutt am cunced.

33.

Mi, per l'odi non tant si grand ch'ai port,
Non sol a lu, mo a tutta la so schiatta,
Pr' averm al pa e i fradi mandà alla mort,
E po, dop quest, anch la mi patria defatta;
Quant anch perchè a Biren an vui far tort,
Al qual ai ho za la prumessa fatta
Che nssun n'i sre mai dubbi ch'a spusass
Fina ch'indri d'in Spagna lu'n turnass;

34.

Za ch'un mal a putiss, a in vui anch cent
Patir, e far ch'i vada tutt al rest:
A vui piuttosto ch'im brusu, e 'l cendr al vent
Se sparguien, ch far st patt poch anest.
A torn zo d pinsir s provò la zent,
E pregandm e mnazzandm, s'an fagh prest,
Vler dar al Stat in man del re Frison,
Ne murir tutt per la mi ustinazion.

35.

Quand i vistn ch'a sti sempre in t la dura,
E ch'in pregavn e scunzavn invan,
Cun al re i s'accurdonn: e mi e la mura,
Cmod im avevn ditt, i i dinn in man.
Quest al dirò: lu m trattò ben sicura,
E signora, am diss, ch'a sre sta di mi paisan,
Pur ch'am pigass, e an sties quasi ustinà,
E fuss so fiol Arbant da mi spusà.

36.

Mo mi, ch'a sta manira am ved sfurzar,
A risulvi d scappar, oppur d murir:
Mo prima d venticarm am vui provar
D' quant al m ha fatt ingiustament soffrir.
Dop aver apinsà e tornà a pinsar,
A vist ch'em pssaa sol la finzion servir:
A finz donca d aver una gran pora
Ch lu n 'm perdonà, e più 'm vuia per nora.

37.

Fra tanta zent, d mi padr stà al servizi
Quand l'era in t'al più bell dia so fortuna,
Addizi dn fradi d'un bon giudizi,
Ch'ern allivà sta migh sin dalla cuna,
E insem avevn fatt del puerizi,
Ne abbandunà i m'avevn in t la dsfortunata:
A questi la mi vita tant permeva
Ch poch al murir, per causa mi, ai pareva.

38.

A lor ai cunfidò tutt al mi daegn,
E pruntiss is mustronn d vlerm aintar:
Un andò in Fiandra pr'ammanvar un legn,
Qu'altr migh in Ulanda a fi fermar;
Intant ch'i furastir e qui del regn
S'invidn a nozz, as cmenza a sursurar
Ch'in Bisciaia Biren era amanvà
Per vgnirm a liberar con tant suldà.

39.

Perchè, dop fatta la prima battaia,
Dov un di mi fradell s n'andò tra i più,
Mi subit un currir spedi in Bisciaia,
A dari avvis d tutt quell ch'era snazzù.
In quel mentr ch Biren s'arma e travaia,
Al Frison fi del rest e s tuccò sù;
E quell mo, ch'en saveva l'nima botta,
S'in vgneva in za per mar cun la so flotta.

40.

Al fu infurmà d sta cosa al re Frison;
Del nozz da far la cura a Arbant al lassà;
Cun i suldà al s'imbarca, e alla fe d bon
Al dà in t al mi bel duca, es al fracassa;
E 'l diavol vols ch'al fiss Biren person,
Senza ch la mala nova a nn trapassa.
Arbant in st meutr en sposa, e anch 'in fa dir
Ch'al vol cun mi l'istessa nott dnmir.

41.

Mi fi arpiattar dedri dalla partira
Quell servitor fidà, ch'an s muviss brisa,
Al qual, vdend al spos vgnir da mi la sira,
Al n' aspittò ch al s mittiss in bust d camisa,
Mo al t mi di un colp quasi grand e in tal manira
Ch la testa 'l spazzò in don part al princip d Frisa.
E em al le vist cascar cmod fa un bambozz
Dlungh al saltò a taiari al garganozz.

42.

Cmol in beari s fa a un bò, ch ha smazzulà
Tablin, e i altri i saltu attorn a un tratt,
Aqnsi fi 'l fiol d Cimosch (l'è aqnsi chiamà
Al mi nmigh), l'andò a far terra da pgnatt.
Dop averm mandà a papuzi al pà,
Cun dn fradi, lu vleva a tutt i patt
Fars patron del mi Stat, e ch mi dvintass
So nora, pr'amnazzarm, s 'l ai saltass.

43.

Prima ch s dscriviss la quai, un bel fardell
A finn del miori zoi, e d bun quattrin:
E po zo da una finestra aqusi bell bell
A calonn cun dia corda e del sfurzin;
Dsotta ai era amanvà qu'altr fradell,
Al qual tutt du z cundnas in t'un barchin,
Ch l'aveva tolt in Fiandra, e vi az n'andonn,
E cun l'aint del zil aqusi az salvonn.

44.

An so s'al re mi umigh fuss più dulent
Per so fiol ammazà, o arrabi migh.
Quand l'arrivò la mattina segnent,
Truvand tant badanai e tant intrigh.
Gonfi al turnava indri, cun la so zent,
Dla vittoria, e d Biren, ch l'aveva sigh;
Lu s'pinsava d'andar a nozz e in spasse,
Mo l' trovò al filatui andà in scunquass.

45.

L'amor del fiol, e l'odi ch'am portava
N'al lassavn ue d di ne d nott pusar;
Mo perchè pianzà al mort niint i zuvava,
E per l'odi ch l'ha migh s vrè vindicar,
Quia part di su pinsar, ch al fiol tuccava,
E quel temp ch l'arè pers a suspirar,
Tutt l'impiegò a pinsar al mod d truvarm,
E averm in t'el sou man per castigarm.

46.

Tutt i mi amigh, e qui ch'al s'insuspetti
Ch m'avissen da d'aiut a far al fatt,
Qui ch'al n'i pesà ammazzar, tutt ai bandi,
O culpevi o innuciat l'andò adaffatt.
Anch Biren ammazzar vols, mo al s pinti
(D piz an m'arè pesù far s'al l'aviss fatt)
Pinsand questa ch la fuss, pover fulsan,
La vi sicura pr'averm in t' l man.

47.

La vita ai perdunò cun cundizion
D far in manira tal, ch dentr da un ann.
In t' l sou forz a fuisse cunegnà person,
O pr amor, o per forza, o cun ingann;
E s'an suzdeva quest, in conclusion,
Al l'arè fatt murir cun duia e affaun;
Lu stabiliss acquai, e l'unica vi
D salvar Biren è quella dla mort mai.

48.

Per salvarl ai ho fatt quel ch'ai ho pesù:
Fora dla vita, tutt al rest i è andà;
Si Casti aveva in Fiandra, e s'i ho vindù,
E qui quattrin, ch'a vendri ai ho cavà,
L'art ho spes per tintar quel becch curiù
Ch l'ha in guardia, e tutt i pass ai ho pruvà:
E i altr per far vgnir in sti pais,
Contra Cimosch, cun i tudisch, i inglis.

49.

I mezz, o ch'in i sippa pesù arriussir,
Oppur ch'in aven vlu far al so dver,
I m'han tegnù a bada tutt cun del chimir,
Es m'han piantà, quand d più in n'han pesù aver.
Intant az accusten agli ultim fir,
Dop el qual, or ne forza ponn valer
Per liberar al mi pover cunsort,
Ch'an sippa cundannà da què alla mort.

50.

Per causa so mi son qui sola arstà
Ch'an ho più padr, ne fradi, ne regni;
Per lu, tutt quel puctin ch m'era avanzà,
E ch, per vivr, an aveva altr sustegn,
Per cavari d person, al l'ho strussia;
An so più cosa 'm far, e l'ultim deegn
E quell d costituir mi person;
E lu decavar dal man d quel brutt zaltron.

51.

S'altra stra che la mort donca an accatt,
La mort mi d mi per psser lu salvar,
Vluntira andarò in man a st mal bigatt
Per truvà al so vivr un qualch ripar;
Sol am dspias che, in tal far cun al re i patt,
An parlarò què ben, pulid, e chiar,
Ch'un qualch rampin n'i arresta, dov al possa
Attaccare, e ingannarm anch in t la fossa.

52.

Al mi suspett l'è, quand l'ava fatt d mi,
E dla mi vita fass e fassulin,
E dop esser arrivà mi all'ultim di
A forza d patimint guai e strassin,
Al mi bell duca dop sippa tradi.
Sotta la bona fed, da s'assassin.
E, cun un tradiment sporch e villan,
In t'al so sangu s'vuia lavar el man.

53.

La rason md ch'av cont a vu sti coss,
E ch ai ho ditt a quant m'in capità,
L'è d cattarn, fra tant, un sol, s'a poss,
Ch m'insegna la manira, e bona strà,
Acciò, quand am darò a quel braganoss,
Al fazzo cun un patt chiar e spianà
In mod ch'en possa aretari nessuna scusa
D'ingannarm, e tradim anch in t la busa.

54.

A in ho pregà ben tant di cavalir,
Quand andarò dal re, ch'i vignen migh:
Ch im imprumetta e ch im vuin mantgnir
Ch'al s'ra fatt al daccord da ver amigh,
In t' l istess temp ch mi m'andarò a profir,
Biren ava da uscir da tutt i intrigh;
Vluntira a murirò, pur ch la mi mort
Possa salvar la vita al mi cunsort.

55.

Infinn'addeas an n'ho trovà chi tua
Sovra al so unor a vlerm assicurar
Che, quand am cunegnà, e ch'al re 'm vuia
In t'el man, ne Biren lassar andar,
Mai al permetrà, gnanc per qual cosa s'vuia,
Ch'am manca d fed. Ugnun fa tant susptar
Qu'arnes nov, contra l'qual an val ngotta,
Gnanc l'armadura doppia d sovra e d sotto.

56.

S'avi donca per d dentr la virtù,
Cmod fora dmostra al nobil vostr aspett,
E s'a cgnussì ch'av basta l'aum a vù
D far in manira ch'al re vada rett,
Av pregh d vliem accompagnar da questù.
Cmod i altr ai ho pregà, es n'arò suspett,
Siand vu migh, ch n'ava el cos andar a ben
E, murend mi, ch'an murirà Biren.

57.

Dopp sta tirà quasi lunga la s' aqudò,
Fagand suspir e squas per dlà del tropp;
Urland, quand al canal sta signora asrò,
Urland, ch'a far del ben an fu mai zopp.
An sti a dir: mi a farò, mi a brigarò,
Pr en perder al temp, a liberarv d st intopp;
Mo, sovra all'unor so, agli arspos aquei,
Ch più d quel ch la vleva lu l'arè servì.

58.

Ch li vada in man del re Cimosch an vol,
Mo tant e tant ai salvarà 'l mari:
Po 'l dis: An starò a far zanz e parol:
Sta pur sicura, e sta pur sovra d mi;
Se la mi spada taia cmod la sol,
Tutt tri a z'imbarcaren in st istess di.
Lu fa dla frezza, e prest al vo spicciar,
Ch'all'isola crudel al vol andar.

59.

I s'imbarconn daccord, e ora a sta banda
Ora a qnl'altra s'in va 'l pilot attent:
Tutt quanti i dscruvn gl'isol dla Zelanda,
E tutt indri el lassonn con un bon vent:
Urland in t'al mezz di dsmona in Ulanda,
Mo an dsmona sigh la signora dal lament.
Al cont i dis ch' l'an staga a dsmentar brisa
S l'an od prima la mort del re dla Frisa.

60.

Appenna ch l'è dsmonù fora dla barca,
Salta a cavall al bon patron d Anglant
D'un cert cavall, al qual è d'una marca
Tra negra e bisa, mo 'l n'ha bon purtant;
L'è chersù in Fiandra, e nad in Danimarca;
Urland aveva Breiador intant
Lassà in Bertagna, Breiador quasi bon
Ch n'ha s'n Baiard, ch'i staga al paragon.

61.

L'arriva 'l cont alla città e s attrova
Dla zent magari armà, tutta in t la porta,
Non tant perchè, quand i è nna signor nova,
Aa viv cun del suspett, e as tin dla scorta,
Quant anch perchè l'è sta cuntà una nova.
Ch dalla Zelanda, cun armada forte
E d nav e d zent, vin contra l re Frison,
Pin d curagg, un cusin d quel signor person.

62.

Urland al manda a dir al re, ch l'è vgnù
D luntan pais un cavalir errant,
A lanza e spada per pruvars cun là
A cundizion d vantazz, patt important.
S'al re in terra al batrà svulità all'in sù,
D qula signora l'erà padron ch'ammazzò Arbant,
Quel cavalir avendla poc luntan
Da psser in tutt'i cas darila in man.

63.

E, pr al contrari, al vol che 'l re imprumetta,
S'a cas l'arstass per dsotta in t la question,
Subitament ordin al darà ch'as mitta
Biren in libertà, fora d person.
Qnlù corr dal re più svelto d'nna staffetta
A fari l'imbassà; mo quel ladron,
Ch n'ha in se nssuna virtù, nssuna cntesi,
Pensa attraplar Urland cun furbari.

64.

Al pensa ch s'al po aver al cavalir,
La donna anch al prà aver, ch l'ha tant nffes,
Pnrch'al sia vera quell ch'a gli ha fatt dir,
E quell ch fa l'imbassà n'ava straintes:
Da un'altra porta al fa trent'omn uscir
Armà, e ben pratic del stra, e del paes,
I qual, andand quacch quacch pr' un cert stradlin,
I arrivonn per dedit dal Paladin.

65.

Per trattignrli, ai fi in st mentr dar del zanz,
Finna a tant ch'al vist quor spuntar dedit;
Allora al re fi 'l brav, e s'es fi innanz
Cun dla zent altrtanta in cumpagnì,
Pinsand d'intorn aver aserà davanz
Al cavalir, ch'an possa scappar vi,
Cmod assera in t'al bosch al cazzador
La volp, e al pess in t l'acqua 'l brav pecador.

66.

Cimosch pensa d'avern fatt assà
Perchè n'i possa 'l Paladin scappar:
D sicur averi in gabbia al s'è pineà,
E alla red facilment psserl chiappar;
D sta cosa l'è tant franch, ch l'ha indri lassà
La canna d ferr, e s'en s la fa pntar;
Perchè address an fa 'l cont d vler far murir,
Mo viv d'aver al cerca al cavalir.

67.

Dis ch'ai era una volta un ditt Benvgnù,
Al qual andò per vler un tal tunflar,
Mo, in t'al tirar del stropp, l'arcels sol lù,
Per n'aver i su cunt savù ben far.
Quasi bisugnò sta volta purtar sù
A Cimosch i enpp, al qual n'ha savù far
In mod al cont, ch'al torna po alla prova.
E al Paladin ha za capì la nova.

68.

Donca, dov l'usservò ch i ern più fiss
I suldà contra, agli arbassò la lanza,
E infinna cinqu un dri all'altr l'in miss
In t'una resta infilzà per la panza.
Forsi al pinsava ch'anch al sest i stiss,
Mo per l'ultim an i fu lugh abbastanza;
An i ha baza però s'al resta fora,
Tant e tant per quel colp bisò ch'al mora.

69.

Cmod fa un ragazz, ch'in riva a un masnadur
Cun una canna in man ben aguzzà,
Quand as od i ranucch far tant pladur,
Fora e dentr saltand da tutt i là,
Tant al n'insilza, quant l'in po tgnir dur
La canna agrezza, e po la trà da un là.
Acquisi fa Urland, la lanza al trà lontan,
E tra quor s ficca cun la spada in man.

70.

Al s miss a mnar per dritt e per travers
Cun gula spada, ch n'andò za mai in fall:
Quand la in tuccava, tant andavn arvers,
Fussni mo suldà a pi o suldà a cavall.
Del sangu al feva uscir per tutt i vers,
Tinzend in ross al verd, al bianch e al zall;
Al re d n'aver address sigh al s vergogna
La canna e al fugh, in dov più la i bisogna.

71.

Al cridava ch'ai fuss l'urdegn purtà,
Mo nssun in quel pladur al vleva udir;
I s'ern dentr del rastell salvà,
Nà i s'attintava più fora d'uscir;
Vdend Cimosch ch'i su tutt ern scappà,
Lapp lapp, cun bon rispet, ai feva l' mssir.
Al va alla porta, es vol alzar al pont
Per salvar; mo tropp prest fu arzunt dal cont.

72.

Prest al re volta l' spall, e patron lassa
Del pont Urland, e d tutt e da i rasti:
Lu scappa innanz, e i altr tutt trapassa
Per causa del cavall, ch sa mnar i pi.
Urland n'abbada alla canaia bassa,
Ch'al vol far fredd quel razza d beoch e vi:
Mo al so cavall danes tant en po andar
Ch'al possa, cmod al vrè, qu'altr arrivar.

73.

Cun gran furia scappava l're Frison,
Per pora d quel massar ch l'aveva dri:
Mo, quand i è purtà l' fugh cun al cannon,
Allora tutt gaioz al torna indri,
E s ferma aspttar Urland in t'un canton,
Dop un mur arpiattà stagand in pi,
Cun al fugh ammanvè e la canna bassa
Per cuir al Paladin, segond ch'al passa.

74.

Aqui fa un cazzador, dop a di sass
Asptand al porc zingial, ch vin zo del mont,
Tutt arrabbì, fagand un gran fracas,
Cun la bava alla bocca, e alta la front,
Mustrand agn cosa vler mettr in scunquass:
Tal e qual stà Cimosch a aspttar al cont,
E, cun'al le ved spuntar, in accosta al fugh
Al bus dla canna, es fa furi al so zugh.

75.

Propri una losna par la sfiammarà,
E l'armor ch l'accumpagna iust al tron,
Al par ch'al sippa l' terremot tirà,
Al zil arbomba al gran armor d quel son:
La balla passa tutta infughintà,
Contra la qual an serv scud o murion;
Mo an culpiiss in t'al segn ch l'aveva critt
Al re, perchè sta volta an diass tgnir dritt.

76.

O ch l'è la frezza, o ch l'è la troppa vuia
D'ammazzar quel baron, ch'al fa arradgar,
O ch'al cor i termass cmod fa una fuia,
E auch al brazz e la man i fissi temar.
O nostr Sgnor, ch'al sippa, perchè an vuia
La vita al cavalir quasi prest livar,
O in altr mod, al cas è ch l'andò in fall
Al colp, e s cols la panza del cavall.

77.

Al cavall cascò in terra, e l' cavalir:
Quel n s liva più in pi, quest salta su
Da Paladin par so, tutt svelt e alzir,
Ch'al pareva ch la forza i fuss chersù.
Cmod d'un cert ziganton a sintenn dir
Ch tuccand terra acquistava forza d più,
In t l'istessa manira, allora quand
Terra l' tuccò, chersi la forza a Urland.

78.

Chi ha vist andar all'aria un qualch puistrin
Pr una falistra sola, ch'i sia arstà,
Forsi per mala cura del spulvrin,
O per qualch accident, ch'en s'è pinsà,
An i è chi allora vlliss trovarsi avsin,
Per pora d'n buscar la ben anda,
A vedr andar in su fin vers el strell
I cupp, i sass, al pred cun tant burdell.

79.

As po iust figurar un simil aqusi,
Ch'al brav amigh del nobil Brandinuart
D'in terra al s livò su tant arrabbì
Da far pora d sicur in cila a Mart.
A vder in pi al re d Frisa s'inspurì,
E s vultò per scappar da un'altra part,
Mo svelt Urland a corriv d'ri s'aldestra
Più prest ch'en va una balla da balestra.

80.

Quell ch' a cavall al n' ha pussè far in prima,
Adress al cumpirà, sebben ch' l'è a pi;
Più prest al l'arzunrà d' quell ch' al s' astinaa;
E d' fatti in quattr salt al fa alla vi;
L' alza la spada, es i la mitt in zima
All' elm d' ferr, e s' passa in t' i cavi,
Partendl dalla testa infin al coll,
In terra dari al fi l' ultim traccoll.

81.

In t' istess temp, un nov armor as sent
Per la città, d' una battaia nova:
Perchè l' cusin d' Biren, cun la so zent,
Allora arriva, e senza saver nova
Del suzzess, d'entr i van liberament,
Perchè la porta spalancà s' attrova;
La città da co a pi ponn scorrer tutta,
In confusio dal Paladin arduetta.

82.

Qui dila città tutt scappn, perchè in scorzen
Cosa sippa sta zent, ne chi la s' dmanda;
Mo dop, a' poch a poch po ch' is accorzen.
All' abit e al parlar, chi in qui d' Zelanda,
La pas i i dmandn, e carta bianca i porzen,
Digand al Capitani, tutt, ch' ai emanda,
Ch' i i daran aiut contra l' Frison,
Ch' al so duca tant temp i ha tgnu person.

83.

D' Ulanda l' popol sempr era sta nmigh
Del re Frison e d' tutt i su suldà:
Non sol pr averi mort al signor antigh.
Mo ingiustament anca lor maltrattà.
Urland, al qual è d' sti du popol amigh,
In mezz al s' mitt, es tin da tutt du i là;
Ai mitt in bona pas; mo per prim patt
Ch' la person dov è l' duca s' avra d' fatt.

84.

La porta dila person s' ficca zo prest,
Senza star a dmandar dov è la chiav:
Biren cun un parlar grav e mudest
Ringrazia Urland es s' i diolhiara schiav.
E d' cumpagn, cun dri po tutt al rest,
I s' in van dov aspetta Ulmpia in nav.
Ulmpia aveva num qula bella signora
Ch' era d' Ulanda arstà patrona allora;

85.

Quella ch' aveva qui fatt vgnir Urland,
Mo non za cun pinsir ch' tanta l' in fiss:
Ch' l' n' aviss fatt assà al pareva quand
Li andass person, e Biren fora usciss.
Dal popol li è acclamà per tutt el band
Suvrana; e ay tediare s' address av deiss
I simitun ch' i s' fan Biren e li,
S' i ringraziin Urland, e cun ch' curtsi.

86.

Al popol mitt qula signora in t' al patern
Dumini, e fedeltà da sedit zara.
Li, ch' è ligà a Biren d' un lazz etern,
Ch' Amor fi propri lu la ligadura;
E del Stat, e d' se stessa i dona l' gvern;
La vol ch' al emanda lu finna ch' al dura.
Biren in st' mentr dà l' furtezz in man
A so cusin, es al fa lu guardian.

87.

D' andar a cà l' aveva fatt al deegn,
E guidar sigh la so fedel cnsort.
Al dseva po ch' al vleva, d' là, in t' al regn
Andar d' Cimosch, e là tintar la sort.
D' esser sicur l' aveva in man un pegn
D' un gran valor, e ch' al stimava fort:
L' è la fiola d' Cimosch, av al vui dir,
Ch' era anca li tra i altr persunir.

88.

Al dis che a questa al vol dari mari,
Es vol ch' al sippa un so fradell più pzin,
Urland parti d' Ulanda qu' istess di
Ch' al fi a Biren cavar i manizzin;
E fra tant e tant cos guadagnà li
N' ev pinsassi ch' al tuga un sol quattrin;
An vol altr che qula canna maldetta,
Ch' s' arvisa al loen, al tron e alla saietta.

89.

L' intenzion ch' l' av, perchè sigh al la tola,
La n' è za pr' adruvarla a far uffesa;
Ch' al stimò sempr un att indegn, quel fiol,
Cun d' qni vantaz andar a qualch impresa;
Mo per ficcarla in mar: d' in dond an vol
Ch' la sippa da nssun altr mai più presa;
La polvr e l' ball al tola, e tutt al rest
Ch' a st' arma s' appartin, e fa far prest.

90.

Quand al fu cun sti cos in barca intrà,
L' aspttò ben d' attruvars prima in alt mar,
E ch' an s' schiusiss la terra da nssun là
Per quant intorn al pseva i uec' girar:
La canna al tola, e, quand agli av guardà,
Al diss: Perchè mai più n' ava da star
Per ti nssun cavalir d' far quell ch' al pò.
Ne l' pultion vinza l' brav, vatten la zò,

91.

Maldetta armazza, per nian d' Belzebù
Fabbrià d' zert la zo in t' al so perfond
Dl' infern, e da lu stess purtà qui sù,
Per mandar in arvina i omn e l' mond:
Vattin all' infern, ne turnar mai più.
Digand aqusi, al la tri del mar in fond.
Al vent prupizi intant gnfuava el vel
Guidand la nav all' isola crudel.

92.

Tant al permeva al Ruman Senator
D saver s'in quel paes as attruvava
La bella sgnoura, alla qual tant amor,
Più d tutt el cos e più d se stess, portava:
S'al fuisse andà a trovar d'Ibèrnia al sgnor,
Ch' ai pssiss suzeder cveall al dubitava:
D'aversn po a pintir, e aver da dir
A psaveva pur a Ebuda dlugh vgnir.

93.

An s ferma in Inghilterra nò in Irlanda,
E manch s' afferma alla cuntraria sponda.
Lassenl andar in dov amor al manda,
Amor, ch' i dà d martell, e s' al perfonda.
Adess d lu an parl più, a torn in Ulanda,
Ch' in dov am sent chiamar bisò ch' arsponda;
A mi am despiarev, e forài ancora a vù,
S' i fissen el nozz, e ch' an i fussen nu.

94.

I finn el belli nozz e 'l belli coas:
In Zelanda più belli anch i el faran
Mo s' andass là, an 'm pre tuccar sn gli oes,
E po nasrà del quità ch' al dsturbaran;
Mi intant mo, ch' ho bisogn d' un po' d' arpos,
Al calisson am vui cavar d' in man:
S' a vli saver al tutt, turnam a udìr:
Pr addess a vagh a' bevr, e po a durmir.

FIN DEL CANT NON.

CANT DECIM

ARGUMENT

*Pr' un nov amor intrà in t' al cor d Biren,
In t' un' isola dserta Ulimpia 'l lassa:
Ruggir, ch pr Alzima n' ha più amor in sen,
Dla savia Lugistilla al regn al passa;
L' Ippugriff li i insegna d tgnir a fren,
E lu, pr aria vuland, a terra bassa
La zent d Rinnald al ved; e, al sass ligà.
Angelica da lu l' è liberà.*

1.

Del volt as trova anch in t' al temp d' addess
Del donn mudesti, el qual' v chiappn a vler ben,
Cmod i contn ch' amava antigament
La cuntessa d Ulanda al so Biren;
Chi dà in d quelli, bon pro, perchè content
Tutt i su sunn ai po durmir in sen
Cun carità, cun quiet, cun santa pas;
Mo gli en tropp sumnà chiari, e quest è 'l cas.

2.

Quand davvero una donna è innamorà,
Cun una codga l' as cundus per tutt;
Am intend sempr salva l' uncetà,
Ch' an i esser qula virtù l' è un amor brutt:
Sta pur sicur pr al rest, n' ev dubità
Ch per vostr amor auch la farà del destrutt,
Perchè ai vustr bisugn sippa pruvist:
E in Ulimpia l' esempi avi za vist.

3.

Per Biren ai è andà agn cosa d travers,
Del padr e di fradi an s' n' attrova nssun,
D' Ulanda tutt el cos en andà arvers,
E i suddit en d'vità cm' è tant strazzun;
Quel re la vols per nora, an i fu vers:
Li fa accuppar Arbant, cm' al s cava i scfun;
Quel poch ch' i è arstà la 'l vend, dona, e strascina;
Pr amor d Biren agn cosa va in arvina.

4.

S quant aven vist ch' Ulimpia amò Biren.
E s' i fu sempr in tant su guai fedel,
Anca lu gli aviss vlu altrtant ben
E in t' al gran mar d amor vultass el vel,
Cmod al s purtass addess addess a vdren,
E s l' impiass ai sant viech sempr el candel:
A quell ch' av cuntarò av maraviari,
E un par d' uechiun tant fatt cert avriri.

5.

E quand tutta l' instoria arì sintù
E cun ch bona inunedà al la pagass,
Zuvnetti, fa a mi mod, n' abbadà più
A nssun zoven, sebben mort al cascass;
Perchè pr' aver quel becon, ch' al vol da vù,
Agn cosa s' apparezza, es va d so pass:
Prumess e zuramint, magari di,
Che in ultm l' aria e 'l vent i porta vi.

6.

Stà pur sicuri ch subit ch' i han uttgñù
Quel cveall, ch' i han cun tant suspir dimandà.
E ch' al buccal del vostr blezz i han bvù,
O ch' alla vostra tavla i s' en sazià,
Ai vustr prigul lor n' appenssen più;
E per quest fa a mi mod, e 'n v' in fidà:
Spechiav in Ulimpia; ch mi ai ho sempr intes
Ch felix è quell ch' impara di altr al spes.

7.

Mo, sovra 'l tutt, guardav dai parigin,
In t' al principi del so far l' amor;
Quand i han sbarbà 'l mustazz, liss e mulsin
E ch' i en dla zuventù in t' al prim bullor,
I fan i cascamort cun al so fin,
Pratesten, preghen, tenten cun calor.
Prest as sazia però sta ragazzaina,
Perch' al so fugh è cmod è 'l fugh dla paia.

9

8.

I fan iust all'usanza del muscon,
Ch'in salvarobba sent l'odor da carn,
Al va vuland intorn al lanternon,
E da per tutt al cerca s'al po andarn
A tor per lu, cmod al desidera, un becon;
Mo finalment, s'as dà ch'an vola indarn,
Dop averla pziga quant al vol lu,
Degli nvadell schivosi ai caga su.

9.

La vera srev e-d vivr in libertà,
Senza parzialità d Semproni o d Tizi:
Basta del prossm aver la carità,
Perchè an vler ben a nasun al srev un vizi.
Mo, s far l'amor avi pur destinà,
N'abbadassi ai ragazz, avà giundizi:
Anch i viech perfumà lassai andar;
Mo all'istoria cmenza a vui turnar.

10.

S mal an m'arcord, in t'al Cant dsovrà a diss
Ch'una fiola d Cimosch s'era attraversà,
Ch'era un sol d blezz, e ch Biren i promiss
Ch da un so fradell da manch la sre spusà;
Mo, a dirla chiara, a cred ch per lu al la vliss,
Ch'al s n'era mattament innamorà;
E l pinsò ch curtsi l'era da minchion
Tors dalla bocca e a un altr dar quel becon.

11.

L'aveva quattorde ann o quinds sta sgnora,
Del culor del scarlatt e dlla zusta:
La pareva una rosa ch' s' avra allora
E ch al so odor spargua in tutt i là;
La s'arvisava a un bell spuntar dl'aurora,
Quand l'urizzont è ben chiar e spazzà.
In somma, in tutt i cu l'era cumpi,
Ch'in poch parol a la vui far furni.

12.

In t'un attm Biren s n'innamurò,
Ch'al fugh d'amor al cusì incuntuent;
E pur, quand alla prima al l'attruvò,
La feva sovra l' padr un grau lament:
L'amor d'Ulimpia subit vi l' valò.
S l'acqua calda s'arsora quand la sent
L'acqua fredda, l'amor d Biren fi a st mod,
Cmod d'in t'un assa as cava chiod cun chiod.

13.

Non sol al n'ama Ulimpia, mo al l'ha a nuia,
E an la po vedr gnanch dpinta ne scritta:
D sta nova sgnora sol l'ha tanta vuia,
Ch's'al sta gran fatt ai mancarà la vitta;
Mo pur, pr'infìn ch'arriva l di ch l'arcaia
Quel frutt, ch' i ha da in t'al cor tanta scunfitta,
An s lassa accgussar, e cun gran gaiuità
Cun la cuntessa al finz d'esser spasmà.

14.

E s'a qu'altra l fa fest, al fa cun art,
E d più an s'aslargà ch porta al dver o l dritt:
Sta cosa nssun la chiappa in mala part,
Anzi a buotà e curtsi vin quest ascritt;
Suvgnir un ch la furtuna i volta l cart,
Mandandl a fond, e cunsular i affiitt,
Sempr gloria la fu, massimament
Una sguora, una zovna, un innuzent.

15.

Quant è mai facil cosa l'ingauñar!
Cun quant poch un cattiv s fa stimar bon!
Biren più malament psevel trattar?
Pur tutt l'han in cunzett d'un Ilarion.
Al vent aslargò el vel ai marinar
Dall'Ulanda partends in conclusion,
Vers Zelanda i ciappon subit la vi,
Al daga, e qui ch van sigh in cumpagni.

16.

A poch a poch is dscosten dal cunfio,
Ne più gnane da luntan decruv l'Ulanda;
E, perchè a Frisa in vonn passar avsin,
Vers Scozia i van dalla manzina bauda.
Quand, vers mezzdi, dà su un gran vent garbin,
Ch'a mattuu per tri di in alt mar i manda.
La sira di tri di s vedu arrià
A un'isola, ch'in cgnassun, e dsabità.

17.

Quand ie vista arrivà in t un lugh sicur,
Ulimpia demonta a terra alligrement,
Cun intenzion ch Biren sippa sicur
Per li, e a cenna la va cun cor content.
Insem i andonu a lett quand al fu bur,
Dov'era un padigliou tes nobilment,
Alzà dai servitor, i qual turnonn
In barca, e su pr i banch s'indurmintonn.

18.

Ulimpia, stracca pr i travai del mar,
Ch l'an n'aveva pruvà mai ai su di,
Per la pora d'avars agn poch da angar,
E per n'aver trei nott d fila durmì,
In t'un lugh attruvands, ch'an i è ch esapttar.
Avend in cumpagni al so car mari,
Sti cos funn causa ch l'as indurmintass
D'un sonn què dur, ch si fort en dorm un tass.

19.

Mo Biren, ch'aveva altr per la testa,
Cm al s'in fu addà che li durmiva d fiss,
Pian pian vin zo del lett, es tol la vesta
E l rest di pagu in t'un fagott, mo an s vestias.
Pr aver la vita svelta e a correr lesta:
Intorn al par ch al s sippa gli ali miss,
Al corr dai an, es i dscedà; in t'un mument
Lor salta su, e po dan la vela al vent.

20.

Gran crudeltà d'un om, oh gran fiera,zza,
 D'un cor, ch' davea essr dur quant è un giron!
 Cosa zova a sta signora aver la trezza
 Quant è l'or bionda e i uech cmol è un carbon,
 Quand st asen ver da bast e da cavezza,
 Cun tutt ch' agli ava tant ubbligazion,
 Dop ch' agli ha tolt al sceitr e la corona,
 Fora d' cà 'l la cundus, e s' l'abbandona?

21.

Da qu' ora in circa ch' mezza nott avaina,
 In qu' isola quai dserta, al lassa sola,
 Sotta a quel padiglion dri alla marina,
 La signora Olimpia, ch' n' ha chi la consola;
 La s' in durmi dila grossa sta sgnurina,
 Squas finna a di, 'n pinsand mai d'esser sola;
 Mezza insunià l'aslunga in là una man
 Pr' abbrazzar so mari, e s' l'aslunga in van.

22.

La 'n trova ngotta, e indrì la man la tira,
 Torna a tastar, e qui la 'n trova nssun;
 Da tutt i là la s' volta, prilla e gira,
 E s' ha per tutt el spond purtà i gallun;
 La s' maraviò attruvras a sta manira,
 Del lett la saltò zo quasi in lumbergun,
 E, dop aver cercà dentr agn canton,
 Fora la va a cercar del padiglion.

23.

Indvina allora dila so gran dsfortuna,
 La corr al mar sbattend insem el man,
 La s' sgranfigna 'l mustazz, s' dà alla fortuna,
 La guarda s' la 'l po dscrurv da luntan,
 Tant più ch' luseva ben in zil la luna;
 E po cmenza a chiamar Biren in van,
 Ch' an i era nssun ch' l'ndias, e Biren sol
 Per pietà i arspundeve l'eco d' vol.

24.

Sovra 'l mar, in t' la spiazza, ai era un saas,
 Dov a sbattir mandava gli ond al vent;
 A chi guardava d' là su d' co zo bass
 Vgneva la ternari dal gran spavent,
 E pur là su l'Ulimpia purtò i paes,
 Ch' al gran biogno la fi d'vintar valent,
 E da luntan la viet andar quel legn
 Dov' era 'l so Biren, qu' omni ei indegn.

25.

Fra qui ch' i in dentr, Biren d' vedr ai par,
 Ch' al n' era gnanch del tutt l'aria aschiari;
 Dulenta fort, allora s' lassa andar
 In terra senza forza e instramurti,
 Dop mezz' ora la duia diss calar,
 E da quel sveniment la s' arriari;
 E, scussand al grimal, la vols dar segn
 Perchè i la vgnissen a tor cun un qualch legn.

26.

Quant fià l'aveva l'alzava la vos,
 Perchè turnass indrì qualch' un d' qula zent:
 Mo nssun d' qulor i badava, e manch al spos,
 E i zigh se sparguiavn all'aria e al vent;
 Dsprà, per trei volt pinsò cun un curios
 Salt in t' l'acqua affugars, mo saviament
 Allora altrtant volt s' fi indrì e s' pinti,
 Turnand in dov la nott l'avea durmì.

27.

La s' tri in t' al lett, e po la cminzò a dir,
 Smerguland e suspirand sovra ai cas su:
 Irsira ai ern pur quì in du a durmir,
 Per cosa sta mattina 'n senia in du?
 Biren indegn e perfid cavalir,
 A st mod piantarm, e andarsu pr i fatt su?
 Cos' oia da far quì sola soletta,
 Senza aver chi m' assista in tanta stretta?

28.

Quì an s' ved anima nada, e an i è nessun segn
 Da psser trovar qualch' d' un oltra quì dri:
 D' accattar una nav quì an val inzeign
 Pr' andar a salvament vers la ca mi.
 Quì d' fam a murirò, za ch' an i è d' segn
 Per campar. 'l uech chi m' asstrarà, e po chi
 M' supplirà in st paies? quand n' em suppliss
 In t' la so panza i luv, i urs, o 'l biss?

29.

An stagh s' n' aspttar d' sentir ch' em salta adoss
 Un dragh, un lion, o una qualch' altra bstiazza,
 Ch' m' squinteria a travers, m' asfrittia gli oss,
 E ch' em supplissa mentr ch' l' am ammazza.
 L' iù cruda d' ti pinsar però an la poss;
 S' anch' finalment una d' sti bisti 'm strazza,
 Una mort sola la 'm farà suffir
 Che ti mill volt, guidon, t' em fa murir.

30.

Fen pur anch cont ch' una qualch' nav arriva,
 E la m' cundusa vi per carità,
 E a sta manira i luv e i urs a schiva,
 E ch' an fazzo una mort aquei degrazia:
 Prala in Ulanda po metterm a riva,
 S' 'l piazz e i port in pr' ordin to guardà?
 E pur l'è 'l mi paies, ch' t' ha rubà ti,
 Cun la prunessa d' esser mi mari.

31.

Cun un inganch quai fatt, e cun st pretest,
 Tutta la roba, brutt ladr, t' m' ha tolt.
 A mettri la to zent, oh quant t' fiss prest!
 Forsi t' avev d' piantarm allora arsalt;
 O andaroia in Fiandra a far del rest?
 S' ai ho agn cosa vindù, e per tì l'arcolt
 Tutt ai ho spes, per cavart d' in person:
 Dov andaroia mi, dserta ch' a son?

32.

O andaròia in Frisa, dov arè psuè,
Mo, per to amor, an vols esser rìgina?
Padr e fradi per causa to an ho più,
Del mi Stat t'i sta ti tutta l'arvina;
Quest'è mo 'l pagament, oh! tu mo sù,
Quest'è mo 'l gradiment, al sangu 'd dina!
Ch'at traga in t la fazzazza in fin al bisogna
Quel ch'ai ho fatt per ti, la mi carogna.

33.

Almanch, innanz ch'arriva un quale cursar
Ch'in Tripl'm guida schiava o in Tingitana,
Possa una tìgra o un lion quei qui arrivar
E ch strassina al mi corp alla so tana!
Tutt el bisti malign'm vign'n a sbranan,
S'an basta mi, ch el magn'n anch la sutтана.
Qusi dsend, la s mett 'l man in t'i cavi,
E a pugn a pugn la i strappa e ficca vi.

34.

Tra la rabbia, tra 'l dgust, e la passion,
A veders fatt un quasi gran tradiment,
Tra 'l travai, e la pora, e l'apprension,
Tra 'l pianzr, e l'auspirar e far st lament,
Al n'è da maraviars s la dà in deprazion,
S la par una inspietà propriament,
S la corr es en sa dov, dal d'olor dsfatta,
S la 'n dà ne in buss ne in buss quant è una matta.

35.

Ch la fazza quel ch la vol in fin ch'a torn,
An vui lassar indri Ruggir po gnanch:
S'av arcorda, l'arstò là cm'è in t'un forn,
Senza saver dov arpassar un fianch.
Gli ov as i sre cotti in quel cuntorn,
Tant brusava quel tren pulvros e bianch;
Poch i mancava, per cumpir al zugh,
Ch l'armadura ch l'ha addoss en ciappass fugh.

36.

S'ai aggriva quel cald al bon Ruggir
L'ha ben rason, ch'ai ho pruva anca mi
In qua stason girar cosa 'l vol dir,
Massm quand tocca l'ora del mezz di;
In tant l'attrova vsin a quel sintir
Trei donn, ch'in fora d'una torr uscì,
Ch'ern tutt trei dila cort dila fada Alzina,
E al li cgnussi dall'aria biriechina.

37.

All'ombra li d gular torr, al mar avain,
Tutt trei el stevn a sedr in diapid
Avend li vsin al fresch del bozzi d vin
Cun di bscuttin su in t'un tvaìol pulid;
Ai era poch lontan un bel barchin
D tutt punt in ordn, in t l'acqua vsin al lid,
Pr andar per l'acqua a so divertiment,
Mo gli aspttavu ch tirass propizi al vent.

38.

Sti sgnurin, vdend ch al cavalir s n'andava,
Senza formars, pr al viaz determinà,
Cgnussend ch l'aveva tanta sed, ch'al s plava,
E ch l'era tutt sudlent e scalmanà,
Gli al chiamonn cun dir: Quel sgnor, ch'al n'ava
Tanta furia d'andar per la so strà:
Ch'al favorissa d vgnir alla nostr'ora,
Ch'al s'arposa un puctin, e ch'al s'arsora.

39.

Una d lor trei s'accosta al cavalir
Per tgnir la staffa, s'al vol pur dsuntar:
Qul altra una bozzia tol cun un bicchir,
Perchè 'l beva, s'al s'vol arrinferscar.
St'invìd n'accetta brisa 'l bon Ruggir,
E an s sent nssuna vui d vlers affermar,
Pr al timor ch'an i arriva addoss Alzina,
Ch'a spron battù i corr dri, e l'ai è za vsina.

40.

A vder sta cosa, l'ultima s'instizzi,
Per rabbia la d'vintò negra amurà;
Ch'andass Ruggir quasi dlungh toi ai dspiasi.
Gnanc s'al fuss sta da boia strapazzà.
La s'itò su, emod fa un can arrabbì,
Cun una vos strillenta da inspietà,
Pinsand cert ch del sou blezz an s n'incurass
(Ch'al s'astimavu belli), e al li scfnass.

41.

T'en sa brisa 'l creanz, la s miss a dir,
Oppur t'i nad fiol d'un villan cucciud,
T'n i sa degn d'andar vsti da cavalir
Quand t'i d'curtsi e d civiltà tutt vud,
O forsi far al ladr srà 'l to metir,
T'arà gli arm rubà, 'l cavall, e 'l send;
Da un boia principiant sipt impiccà,
Sumar, ingrat, superb, e mal creà.

42.

Tutt trei daccord insem gli al strappazzonn,
Es i dissn d agn fatta villani,
E quella ch'al n' i dissn el s la dscurdonn;
Mo lu qued pr al fatt so s'n'andava vi.
Sti donn, ben prest, dentr in t la barca andonn,
Ch'in riva al mar per lor era alla vi;
La barca dri alla spiza in furia andava;
Ruggir pazient e qued in là truttava.

43.

Quel trei donn i aguravun ch'al cherpass,
Cun tant altr agurazz ch'an so cuntar;
Intant al cavalir arrivò al pass
Dov dalla miora fada as po passar;
E là un vecch barcarol, emod s'al l'aspttass,
Da qu altr la una barca al vist daligar,
Una barca furni d tutt quell ch'i vol
Dalla fada mandà per livar st fiol.

44.

D'esser un bon om quel barcarol mustrava,
Benign, curtes, affabl, e mansuet,
S'al per d dentr al per d fora s'arvisava,
Cun un parlar mudest, civil, discret.
Ruggir, quand al fu in nav, al ringraziava
Quel vechin, e intant s' n'andava pr al mar quiet,
Dscurrend insem Ruggir cun al pilot,
Cmod ai ho ditt, savi, prudent e dott.

45.

Al ludava Ruggir, ch'avies savù
Scappar da Alzina innanz d bevr al siropp,
Ch tant altr cavalir avevn bvu,
Mudà in sasse, in funtan, in bisti, in fiopp:
E po ch l'andass da Lugistilla d più,
In dov al truvarev (es n' in falopp)
Cun blezza eterna, una infinita grazia,
Ch pasqua e nudrias al cor, ne mai al sazia.

46.

Sta fada inspira stima e riverenza,
Dseva l' bon vech, a vederla alla prima;
Guardai po d fiss cm'a si alla so presenza,
Nünt altr a pinsari ch merita stima.
Dall'amor d'altr al so i è differenza:
S l'amor di grand al par ch timor imprima,
Sudizion, o un affett simil, cm'a vdri
Questa, cuotent e consula arstari.

47.

La v' insegnarà questa altr che d ballar,
O d perdr al temp a far di cicocuchin:
Al mod la v' insegnarà d ben appinsar,
E d contemprar tutt i attribut divin,
E cmod a star a tt mond s possa provar
Dla gloria di beat nn qualch pectin.
Quasi parland cun bel mod, e cun misura,
I ern anch luntan dalla riva sicura.

48.

Mo allor s vist arrivar per la marina
D nav una massa, ch vgnevn alla so volta:
In questi ai era li in persona Alzina,
Dop aver tutta la so zent arcolta.
Una del don: o ch tutt vada in arvina,
La disse, o aver qula zoia ch m'è sta tolta.
Cun sta rason la stabilies aqusi
Pr al bel mros pers, e anch pr al smacch ch l'arzwi.

49.

Mai ai su di pruò si gran dular,
E propri dentr la rabbia la magna;
La fa armar i galiutt cun gran furor,
La stiuma di acqua e poppa e prora bagna.
La terra e l' mar arbombn al gran armor,
E l'eco aspond d luntan dalla campagna
Ruggir, chiamà da Alzina. In st cas bisogna
O dscrivr al send, o cedr cun vergogna.

50.

Aqusi diss quel bon vech, ch Ruggir guidava,
Quand al vist qula gran zent andari in vers;
Cun el sou propri man intud al cava
Al bel taped dinanz al scud, e al dsevera.
Al gran splendor, l'anmigh, ch za s'accestava,
Armas instramurti, e la vista pers;
E cascand all'innanz, all'indri, e d stort,
Al pareva un esercit cascà mort.

51.

Quell ch'era deo dla torr in sintonella,
Subit ch'al s fu del nav d'Alzina accort,
Al tocca la campana, e fort martella,
Perchè in saldà corn in aiut al port,
Tant ch'es salva Ruggir, e qula stufoella
N'al possa arzuner, e farì un qualche brutt tort:
E tant aiut i cors da tutt i là
Che la vita i salvò e la libertà.

52.

L'arrivò quattr donn in riva al mar,
Mandà incontra a Ruggir da Lugistilla:
La valurosa Andronica, all'impar
D Furnesia savia, e dl onesta Dicilla.
E Sufusina casta, ch' i ha più ch far,
Ch tutta d'amor divin brusa, e sfavilla:
E qu' esercit, ch'en n'ha al più fort e bell.
Se dstdend dri al mar, uscend d'in t'al castell.

53.

Sotta d st Castell, in lugh al più sieur,
Aneh in t'el nav ai è di bun suldà,
Ch'in sempr, quand è chiar e quand è bur,
In ordn d dar battaia bi e ammanvā.
Qui una battaia cun del gran pladur,
E per terra, e per mar, s'è za attaccà:
E sudsovr a vultò tutt al paes
Ch alla surella Alzina aveva pres.

54.

In ultim, la battaia andò a furnir
Tutt al centrari d quell ch pinsava Alzina.
Perchè, non sol l'an pesi chiappar Ruggir,
Cmod la pinsava, senza tanta arvina,
Mo l'av d grazia a pesser li salvar al messir,
Scappand in t un battell, o nav ben pzmina:
Perchè gli altr, ch l'aveva insem ardati,
Andonn a fugh e fiamma brusa e destrutti.

55.

Scappà vi Alzina, tutta la so zent ..
Fu brusa, rotta, dispersa, e persunira:
Del mros ch l'ha pers ai depias principalment,
E sovra agli altr cos d quest la suspiria;
D quest, sovra a tutt el cos, l'è dsprà e dulent.
E sovra a quest la pianz mattina e sera:
E per sta cosa ai depias d'n pesser murir.
E in sta maniera tutt i guai finir.

56.

La fola dis che 'l fad en ponn murir:
An so s'al sippa vera, o pur busi;
Quel ch'a so l'è ch chi naas ha da murir,
E l'istess al sudeva anch temp indri;
L'è cert, ch s' Alzina aviss da st mond pesù uscir,
Al ferr o al fugh i arè fatta la vi;
E cun un tai del forbe, ch'ha in man la Parea,
D Caront la srev audà a trovar la barca.

57.

Lassen mo andar Alzina dov la vol,
Ch la fazza el sou dspraziou e i su lament;
Turnen un poch a decorrer d' quel bel fiol,
D' unor e gloria degu eternament.
Quand a terra l'arriva, prima 'l vol
Arringraziar al cil, ch' a salvament
L'ava cundutt, e po prest al camina
Vers la Rocca, ch'è al mar li tant avsina.

58.

An s'è mai vist una cosa què fatta,
Ne per l'avgnir as vdrà mai tanta blezza;
Ne d smirald ne d diamant la n'è sta fatta,
Ch'i sreven niint in fazza a qula ricchezza.
D qula sorta d zoi in Ormus an s n'accutta.
E i tsor del mond tutt sreven una schivezza
Rispett a qula materia quzi zintil,
Ch la cumpagna n'i vrà an forsi in cil.

59.

Dentr a s'i inspechia, e là s ved chier e dscevert
Al corp e l'anma stessa in t' un istant:
Ognun la so virtù e i su vizi dscevert
Accegnuss, e 'l son passion predominant:
L'amor propri al'inganna là as ved cert:
S'as viv da savi o ver si da ignurant:
E chi ben s guarda in quel bel speech lusent,
Cgnussend se stess, al po d'vintar prudent.

60.

Oltra all'inspechiarsi dentr, al bso saver
Ch l'ussias auch dalla Rocca un gran splendor:
Più grand al Sol mi 'n cred ch'a in possa aver,
E qui l'è sempr di da tutt gli or.
Bisugnarev, dop quest, ancora psser
Descrivr l'artifizii del lavor;
Per dir l'an bastarè tutta una feria
S'l'è più bella la forma o la materia.

61.

I arch sustintà da del culonn altissim,
Quant sre se al cil el fussen tant punti,
I han sovra di zardin grand e bellissim,
Ch'i nustr paren dsert rispett a qui;
I mandn po un udor quzi suavissim,
Ch'i nustr udur d manteca, o sia d spziari,
Paragunà cun quell, senza fallar,
Puzza più tost che udur is ponn chiamar.

62.

La primavera è eterna in sti zardin,
E etern in t l'istess temp ai è l'autun;
Ai è sempr furi ros, viol, zemmin,
E sempr cun i fiur dan fora i btun,
Al gran calor del Sol n' i fa star chiu,
Mo d'agn'ora ai vdi sempr esser tutt'un,
E i albr en d'una fatta in quel calor
Ch'i han sempr al frutt madur e sempr al fior.

63.

Mo s'un qualoduu cherdisa qui che sta verdura,
E sti frutt, e sti fur, ch s ponn dir etern.
I fussen regalà dalla natura,
Pr esser d'un cil timprà sotta 'l bon gvern,
Ch al sava, ch questa d Lungistilla è cura,
La qual fa star luntau da li l'invern:
E cun la forza d'un saver ben grand
Mautin sti bon stason in t'el sou band.

64.

D'aver a car la dsmonstrò purassà
Ch'al fuss andà a trovarla st garbat sgnor;
E la cmandò ch da tutt al fuss stimà,
E ch'i cercassn adaffatt ben d fari unor;
Gran pezz innanz, Astolf era arrivà,
E Ruggir l'abbrazzò con gran amor;
L'arrivò anch fra poch qui altr tutt,
In t l'esser d prima da Melissa arduut.

65.

Quand is funn arpusà qui un di o du
Iu cumpagni d'Astolf, Ruggir andò
Dalla fada, e Melissa per tutt du
Di favur cumparti la ringraziò;
Es disse ch'i vlevn andar vi pr i fatt su:
In t l'istess temp, cun garb, la la pregò,
S l'as cuntintava, d vleri anch aiutar,
D'in dond i s'eren tolt a psser turnar.

66.

La fada arspoe: Lassam a mè al pinsir.
E d co d du di senz'altr av sbrigarò;
Astolf e al so cumpagn la vol servir,
Mo quell ch'era da far prima pinsò;
La vols dar l'ippugriff al bon Ruggir;
Turnar cun quell in Franza l'al cunsio.
Prima però una breia la i vols far,
Da psseri, cmod al vol, ben ben smanzar.

67.

La i insegna in ch mod al s'ava da cuntgnir
Per farl andar in su e turnar in zò,
Cmod l'ha da andar pr al dritt, pr al stort, in gir,
E d star cun gli al pari anch la i insignò.
Per pssersn agli occasion sior servir,
E per terra e per l'aria, da par so.
Lu gli abbadò plid, cun atenzion
Sì granda, ch l'imparò alla prima lezion.

68.

Quand agn cosa fu all'ordn, al s tols cumià
Da Lugistilla, e tant l'arringraziò,
Dsendi ch per sempr ai sre sta ubbligà
Di benefizi arzù; e in ultim al s n'andò.
In st meutr quest da nu sre accompagnà:
D' Astolf in altr luoh al sa farl andar,
S'al parti, dov l'andass, e cun ch fadiga
L'arvdiss el barba, e la zo zent amiga.

69.

Ruggir intant, in t'al turnar indri,
Qula stra, ch al fi alla prima, an torna far:
Perchè quand l'Ippugriff al purtò vi
Squas sempr sovra l'acqua al vols vular.
Address mo lu, ch s'al rezz a mod e vi,
E emod i par a lu al sa farl andar,
Al pinsò d'fari far un'altra strà
Per vedr altr pais, regn, e città.

70.

Pr andar in India l'era tolt d'in Spagna,
E vers Levant l'era andà sempr dritt:
Address, al vol mo vder d'altra campagna,
E al cavall ha da andar pr un'altr dritt;
Al vol andar per dov la bagna
Al mar fredd, quand i vint fan tant cunflitt,
E da settentrion girar in tond
Intorn intorn, emod fa l' sol, al mond.

71.

Al vist tutt i pais ch bagna la Tana:
Sovra la China dop l'andò vland:
Al vist la Tartari, al regn d' Sericana,
E po dalla man stanca al s vign vland:
Sovra a Sithia al passò, e la selva Ircana,
E dov Uvidi fu in esili, e, quand
In t'i cunfin dl'Europa l'arrivò,
La Muscovia e la Prussia al sberlumò.

72.

Ruggir desiderava d' turnar prest
A rvedr la so cara Bradamant:
Mo, a vedr al mond, ai par un spass quasi unost,
Ch' al vol pur toral, e s' en s'infuria tant:
Al vol vedr i pulaceh e i unghr e al rest
Del paes di tudisch; e po tutt quant
Del fredd settentrion l'orrida terra,
Arrivand finalment in Inghilterra.

73.

A n' bisogna pinsar ch sempr al vulass,
Fagand senza dsmentar tutta sta vi;
La sira l' vleva ch l'Ippugriff s' pusass,
Fermads, quand i era l' comò, agli ustari:
Ch' ai piaseva d' magnar a dou ganass,
E d' bev del sanzves e d'la graspi;
La biava al so cavall al feva dar,
E a Londra, emod a diss, l'andò a arrivar.

74.

Là l' vist fora del mura, in t'un gran prà,
Un esercit ben grand d' fant e d' cavall,
Sotta di su stendar, tutt ben armà,
Movers a son d' tambar, d' tromb e d' timball;
Quasi qui i era Rinald, ch s'av arcurdà
Sta zent aveva fatta mettr in ball;
Dal re Carl mandà, qui l'era vgnù,
Per cercar un succors da part so d' là.

75.

Ruggir arrivò iust quel di, ch' as feva
La mostra general fora d' città:
Cosa fass qui suldà lu n' al saveva;
E al le dmandò li a un Sgnor em' al fu demantà.
Quel Sgnor, ch' era curtes, i diss ch, s' al vdeva
Sotta l' bandir tanta zent ammanvà,
I ern qui d' Inghilterra, Scozia e Irlanda,
E d' quegli altr isol dov re Utton i cmanda.

76.

E quand la mostra sre finì, ch' i fevn,
Alla marina tutt s' incaminavn,
Dov in t' al port i su vasci i avevn,
Finì d' tutt quell ch bisogna, e là i i asptavn,
Perchè i franzia con gran premura i stevn
Asptar, e la salut da lor speravn,
E, dis, perchè ai cugnussadi chiarament,
Address av descrivò tutta sta zent.

77.

A dsi za vedr quel stindard più grand,
In dov i è dpint al fiordilis e un pard:
L' è d' d' quell ch ha sovra i altr tutt al cmand,
E dri da quell vin tutt i altr stindard;
Al so num è famos per tutt el band,
Liunett al s chiama, al fior d' tutt i gaiard,
Brav per cunsai, e in guerra un ver alion,
Duca d' Lancastr, e n'vod del re Utton.

78.

La prima insegna, dop al Cunsfalon
Real, e dalla banda vers al mont,
E ch' in camp verda ha trei ali d' falcon,
Al la porta Riccard d' Varvezia cont;
Del bon duca d' Gulzestra è quel munton,
Ch' ha quel dou belli corn deo d' la front;
Qulà lum impià al la porta un'altr duca,
Ch' l' è Chiarenza, e s' è lungn cm' è una filuca.

79.

Quell ch' a vdi ch' in tri pizz dpint ha una lanza
L' è la bandira del duca d' Norfolzia:
E quel dalla saietta è al cont d' Canza,
E qu' altr d' la Griffon è l' cont d' Pembrozia:
Un'altr duca ha dpint là qula balanza
In t' la bandira, e l' s chiama quel d' Sufolzia;
Dou biss ha l' cont d' Etimia, e la grilanda
In camp azzurr è l' segn d' la Numberlanda.

80.

L'è d Arindelia al cont quel là, ch ha dagnà
Una barchetta in mar, ch par ch la s'affonda:
Guardà 'l marches d Barchiei, e li da là
Al cont d Marchia, eumpagn del cont d Rismoonda;
Al prim in camp al porta un mont stiappà,
Al terz un più, qu'altr una trezza bionda.
Vin po d Dusertia 'l cont, qu'altr alter d'Atona:
Quell'ha un carr dpint, e s'altr una curona.

81.

Quel falcon ch sovra al nid e-gli ali arbassa
L'è l'insegna d Raimond cont 'd Devonia;
D Vigurina la zalla e negra passa;
Quel d'Erbia ha un can, e un ors ha quel d Vesonia;
Gula cros qnsi chiara, ch a vdi là ch trapassa,
L'è l'insegna del ricch Vesce d Battonia:
Qua scrauna rotta un po più da luntan
L'è 'l duca d Surmoesidia, ditt Arman.

82.

Quaranta dou milla en i suldà a cavall
Ch' i en qui ch' avì za vist, ch' av i ho mostrà;
Qoi altr dila fantari, quand un 'm full,
Pr uttanta quatr milla en sta cuntà.
Guardà qui sign: un bis, un verd, e un zall,
E quel pann negr e azzurr tutt quant listà,
D' i capitani i en i bi standard
Gufred, Enrigh, Ermand, con Eduard.

83.

Gufred, al prim, d Bochinganna è patron,
E d Sarisberia è cont Enrigh giard,
D Burgenia ha la sguuri Ermand, quel vechion,
E d Gunisberia è 'l quart cont, Eduard.
Quisti i en tutt inglis, suddit d' Utton.
Vultà mo address da st altra banda al guard,
S' a vli vder trenta milla e più scuzzis,
Cuu Zerbin, fiol del re d qui bun pais.

84.

Dov i è tra du lioncorn quel gran lion
Cun gula spada d'arzent stricca in t' la zampa,
Quell'è del re dila Scozia al Cunfalon,
E li 'l prencip Zerbin, so fiol, s'accampa:
Nesun i sta per blezza al paragon,
Ch la natura 'l fi lu e po spozò la stampa:
L'è duca d Roscia, e an i è l'ugnal a lù
In t' la curtsi, in t' la blezza e in t' la virtù.

85.

In camp azzurr, tutta indurà, una sbarra
Porta 'l cont Uttimeli in t'al stindard;
Qu'altra bandira l'è del cont d Marra
In t' la qual ai è dpint un leopard.
A più culur po, dpinta alla bizzarra,
Guardà l'insegna d' Alcabrun giard.
Al n'è miga quest cont, duca o marches;
L'è però quell ch fa 'l cart al so pais.

86.

Dov a vdi stampà un'aquila in qu' insegna,
L'è del duca d Trafordia, suldà franc.
Vdi là Lurcani, che in Angosta regna,
Ch'ha un tor salvadgh cun du cagnun ai fianc:
Al duca d' Albani, so fradell, segna
La so bandira d'un turchin e bianc.
Un dragon ammazza da un sparavir
Al cont d Buccania porta in t'el bandir.

87.

Ariman fort, al qual è al signor d Furbess,
Al fa l'arma d' i Pepl in t' la bandira:
A man dritta, ai è 'l cont d'Erelia appress,
Ch' in camp verd porta dpinta una lumira.
I ibernis en mo qui ch' av mostr address,
Sotta a du capitani; e al cont d Childira
Guida la prima, e dop al cont d Desmonda,
Cun tutt i muntanar, ha la seconda.

88.

Al prim, dpinzr al s'è fatt un pin ardent,
E qu'altr un nastr ross, o dei una banda.
Pr aiutar Carl, sol, en vin sta zent
D'Inghilterra, d' in Scozia e dall'Irlanda;
Mo d' Nurvegia, d' in Svezia, e similment
Dalla Finnia l' in vin, l' in vin d' Islanda;
E da tutt qui pais fridd ispirat,
Ch han più a nuia la pas, ch' i n' han al peccà.

89.

Al numr, a cred ch' s' a seds milla s' avcina
D quila zent, ch' è saltà fora dal cavern;
I han plos la panza, al mustazz e la schina,
Ch' a velri i paren tant diavli d' infern;
I en senza nessuna lezz, no disciplina,
E Muratt s chiama quell, ch' i ha sotta al gvern:
L'ha 'l stindard bianch, e senza nessun rabesch,
Ch' al pensa d dpinzr cun al sangu muresch.

90.

In quel mentr ch Ruggir era quasi instrutt
Dalla buntà e curtsi d quel cavalir,
D' accognsser i num di capitani tutt,
Al numr di suldà, e i sign del bandir,
Un gran rognott as i era intorn arduitt
A causa d aver vist per l'aria vgnir
Un animal quasi nov; e a st gran spetiaqu
Chi davea l'è un mal segn, chi l'è un miraqu!

91.

Per fari cresser la curiosità,
E per tors un po d spass ancora lù,
All' Ippogriff l' appunza dou sprunà,
Tra ch' an s vleva po gnanc affermar d più;
Quel s' alza in aria, e lor tutt inuaccà.
A bocca averta, stan guardand in sù:
E quand Ruggir av vist i Inglis d' aga banda,
Tirand al mors, al s vultò vers Irlanda.

92.

Ibèrna 'l vist, dov la zent per caprizzi
Dia (e an so quand sia sta fola cmenza)
Ch'as i trova al famos pozz d san Patrizzi,
E a andari dentr a s' aquista indulgenza,
Purgands da tutt i pecc, da tutt i vizzi.
Per Franza d là Ruggir fi po partenza,
E in t'al passar al mar, guardand a bass,
Angelica 'l vist nuda ligà al sass.

93.

Sovra al passava all' Isola del Piant,
Quand al vist ligà al sass la donna nuda.
Questa è quella, ch' av diss in t l'altr cant,
Ch' i i deavn prima l'isola d Ebuda,
E po s' cminzò a chiamar quella del Piant
Quand la so zent, d pietà e d vergogna vuda,
S miss all' Orca a condur el belli donn
E i su cursar in robn dov i ponn.

94.

Ai era sta ligà Angelica allora,
Ch per la pora la 'n sa s l'è morta o viva:
Al mostr compariiss, ch' el donn divora,
Cun tant d bucaazza, a stragnalzarla viva;
S' a v' arcurdà, a cuntò quand, in malora,
La fu trovà a durmir al mar in riva
In brazz a quel Rumitt, ch' in conclusion,
A dirla schietta, l'era nn gran sterion.

95.

Qulor, senz' amor e senza carità,
E ch' han la compassion mandà a patrass,
Angelica, del tutt nuda e despuia,
Avevn, cmod a diss, ligà a quel sass;
La camisa, puvrina, gnanch i è arstà,
E ngotta la n' aveva ch' i arpiattass
Quel part, ch' en più secreti, e ch' l' unestà
Insegna a portar cverti in tutt i là.

96.

Ruggir, a vder sta donna, l'arè critt
Ch la fuss quela statua dla madr d Cupid
La qual, antigament, s' attrova scritt
Ch' al brav scultor la fiss acquisi pulid,
Ch' un re s' n' innamorò, per quant fu ditt,
E per li ch l' ammatteis al perfinid.
Mo, a vedr el lagrm spissimar in zò,
E i cavi biund svintlars, al s dsingannò.

97.

E, guardandi po d fiss in t' al mustazz,
La bella Bradamant i vign in ment,
E, tra ch l' era d so fatta un bon ragaz',
Al s sintì 'l luzzl ai uech a st cas dulent.
Gli ali 'l fi arcuiar a quel so animalazz
E, accustandsi, ai dmandò cortesement:
O zovna degna sol d quel ligadur
Cun el qual liga amor i mras al bnr,

98.

Chi è quel zaltron, quel pore, quel bell'umor
Ch' ha avù un cor quasi pervers, nn cor d Neron,
Da ligar acquisi stricch a st sass al fior
Del belli donn? e po con che rason?
Angelica a st parlar s mudò d culor
Es dviutò rossa per la sudizion.
A pei pinsar s la s vergugnava brisa
Easer vista da quel om senza camisa!

99.

S la n' aviss avà 'l man ligà quai ben,
Cun questi al mustazz cruvs la s sfurzava;
Per quant la psei la s miss la testa in sen
E cun al piant al rest del corp lavava.
Quand i suspir lassavn un poch al fren
Alla voe, e d cuntar la s' ammanava
A Ruggir i su gnai, la fi affermar
L' amor ben grand, ch' udìr s feva per mar.

100.

Questa senz' altr l' è l' Orca, ch s' avaina
Per dar ova al ganass, e sbattì al dent,
E per l' acqua la vin cun tanta arvina,
Ch nebbia fissa la par dinanz al vent;
La corr a bocca averta, cun la schina
Sovr' acqua, al rest è cvert da st' element.
La donna, per la pora, è mezza morta,
Ne, per quant Ruggir a diga, la s cunforta.

101.

Sovra all' Orca vular lu fi 'l cavall,
E cun la lanza ben stricca in t' el man,
Procurand d' en tirar di culp in fall:
Mo per furar quela pell al mena in van;
S' al pssiss sfundarla, al la furev nn vall,
Mo l' è più dura ch n' è l' azzarr bersan.
Cm' è una masegna l' è 'l curpazz 'd st' Orca
Cun i uech in fora e i dint quant' è una porca.

102.

All' ombra del cavall ste passazz va dri,
La zuvnetta lassand adess da un là,
Perchè a sta bistia ai intravign a li
Cmod suzzess a quel can, ch' avea rubà
La carn, e passand l' acqua, in t l' andar vi,
Al vist l' ombra più granda purassà
Ch n' era 'l pezz, ch' l' avea in bocca, es lassò 'l cert
Per la gulosità d' aver l' incert.

103.

Cun la lanza Ruggir i dà in t la front,
Abbadand al fatt so, pr' n far di gnuech;
Cmod sol far al falchett, ch d' in cima al mont
Ved la bissa andar d sliss tra i sass e i zuech:
Ai stà alla docchia, e s la tin ben per cont,
E, quand l' as ficca tra 'l fui e tra i spruech,
Al l' aggrampla, e, per pora ch l' an l' attosga,
Gli ali in co i va sbatteud; perch la n' al mœga.

10

104.

Quasi Ruggir cun la spada e cun la lanza
Qula brutta betiazza 'l va cercand d culpir
In t la schina, e in quel part, dov l'ha speranza
E-d peseri fur d'adoss al sangu uscir;
Però a mnari in t'al grugn tant an s'avanza,
Ch'i su cunt an i attrova st cavalir;
Mo tant e tant ai mena sempr indarn,
Perchè più del diamant dura è qula carn.

105.

Aqui fa migh el puls, da sant Ubald
Andar fin pass la festa d san Martin,
Massm l'estad, quand è qui si gran cald,
Ch'arrisgh ai ho la testa in t'al cuscin
An poss dai gran pziguit star ferm e sald,
Mo am prill, cmod fa una masna da mulin;
S'am in dà po una quale una tra 'l mau,
S mai più l'am pziga 'n possia esser ptunian.

106.

Quel brutt mostr, a sintirs quasi fort picchiar,
Cun tanta furia in mar la co sbatteva,
E l'acqua tant in su feva saltar,
Ch Ruggir s trovò imbruià, e più an saveva
In aria s l'era, o s'al nudava in mar:
Anzi, s'acquisti la seguitava, al tneva
Ch'an s bagnass tant gli ali all'Ippogriff,
Da agurars po in van la barca o 'l schiff.

107.

Al fi un altr pinsir: e per la mior
Da mandar la qulazion d qula betina a vud,
S'an zova gli arm, al zuvarà 'l splendor
Ch'al porta sempr cvert in t'al so send.
Al vola a terra, pr eu far un error,
E'l s'accosta a qula zovna ch'ha 'l corp nud,
E qu'anell acquesi fatt, quand ai fa avsin,
I insilza d'una man in t'al did pznin.

108.

Qul'anell, ch per tutti i incant è gran medsina,
Ch'aveva za a Brunell tolt Bradamant,
E po in t'el man consegnà dla savia Indvina,
Cmod ai ho ditt indri, in t'un altr cant,
Per liberar Ruggir dal man d'Alzina,
E ch Melissa adruvò in ben d tant e d tant.
Ch'in ultm po a Ruggir l'aveva dà,
E lu l'aveva in did semper purtà,

109.

Per dou rason s'al tol d'in man addess:
Prima, perchè 'l splendor n'impediss
Del acad, e la seconda pr'interess
D'amor, ch l'ha adess pr Angelica, e ch li 'n tmsi
Al sfavillar d qui raz: in st mentr appress
S'accosta l'Orca al becon, ch i han za miss:
Mo al bon Ruggir, ch'i sta attent alla posta,
Al scud al descruv, perchè d più l'an s'accosta.

110.

Al scud, ch'è ben più ch'ien n'è un cristall,
Fì vder l'effett mostrà più d'una volta:
E l'Orca, ch s'accustava za al cavall,
S'arbaltò in mezz al mar, e s di la volta,
Cmod fa la foglia, ch va vuland pr el vall,
S dal colp del cazador l'arresta colta.
Ruggir per frirla s tol una gran briga
Mo al perd al temp, e s tra vi la fadiga.

111.

Angelica pr'amor del cil al priga
Ch'an s'affadiga d più, ch'al lassa acquai,
Mo là da li ch'al vada, e ch'al la daliga,
Innanz che quel brutt mostr artorna in si;
Ch'al la guida vi sigh, o ch'al l'anniga,
Pur ch l'an arresta past d qula diavla li.
E Ruggir, accognessend ch l'avea rason,
Al la dslogò pr amor e cumpassion.

112.

Ai di la man perchè la passias muntar
In groppa, es fi al cavall sintir al spron:
E quell, sebben ch'al doppi al s sent cargar,
In aria s'alza cmod farè un falcon.
Quasi l'Orca ingorda tutt quel di tins star
A dzun senza la solita qulazion.
D'in quand in quand indri s volta 'l zuvnett
Basand alla ragazza i labr o 'l tett.

113.

Adess al n'ha pinsir d camminar molt,
E più n'cura d mirar tutta la Spagna,
L'ha un'altra vuia adess, ch'l'ha sigh quel volt,
E al va a calar, in sla pznina Bertagna,
Dentr a un buschett, ch'è fresch umbros e folt,
Ch'ai pars per lu ch'al fuss una cuccagna;
Essend una valletta fra du munt,
D n'essr vist in quel lugh al feva i cunt.

114.

Ai era in mezz a st bosch un pradsin bell,
Cun un riulin, ch'i fiur e gli erb bagnava;
Quasi quì al fi gli ali assrar a quel so usell,
Ch pr'aria vular d più allora 'n pinsava.
Prima al la miss in terra li bell bell:
E cun un salt d'in sella anca lu s cava,
Po, cun qula frezza, ch'ugnuun s po pinsar,
D'in doss al s principiò gli arm a cavar.

115.

Al cmenza cun gran furia a vlers dsarmar,
Mo in scambi d dsfar un lazz du grupp l'affiubba;
La frezza 'l fa cunfondr e al fa arradgar,
Ch'insem al s vre cavar gli arm e la giubba.
Mo am par ch'al sia tropp lung al mi cantar,
Pr adess a furnirò d far più dla tubba.
S'a vli saver cmod è la cosa andà,
Quand avi magnà, bvù, e durmi, turnà.

FIN DEL CANT DECIM.

CANT UNDECIM

ARGUMENT

*Angelica l'anell contra i incant
Accegnuss, e s' i spariss incuninent.
Ruggir la cerca: e po ved Bradamant
In brazz d'un brutt zigrant impertinent;
Lu subit i corr dri. Al prencip d' Anglant
Al' Isola Crudel va prestament;
L' ammazza l' Orca; e l' Ulimpia liberà,
Cun gust d' Urland, è dal re Ubert spusà.*

1.

Quand as uniss al psser cun l' occasion,
E al vier, po sigh la cunvidità in aiut,
An i è più dver, cunvinzia, ne rason
La qual possa trattgnir un risolut,
Ch' en s' vaia tor quel suddisfazion
Ch la carn, al mond e l' diav, nmigh astut,
Mettn in t la ment, cun tanta e tal violenza
Dia qual pur tropp acquas tutt fenn l' esperienza.

2.

Quand la cosa sia acquai, chi prà impedir,
Ch' an s' vaia adess Ruggir cavar l'umor
D' Angelica in t' el blezz? chi al prà trattgnir
Ch' a sta regina an liva l' bell' unor?
D' Amon la fiola adess n' i po savgnir,
Sebben ch' pr' altr al s' n' arcorda in tutt gli or:
O, s' al s' n' arcorda, poch ai po valer,
Ch in stima nn matt chi n' tol quell ch' al po aver.

3.

Forsì an sre sta d' Angelica alla blezza
Al filosof Zenocrat cuntinent.
Ruggir la lanza e l' scudt za d' or la lanza,
Ch l' arè vlu pssers depuier in t' un nument.
La bella donna, pins d' amarezza,
Arbassa i uech; e fortunatament
L' as vist aver in did quel bon anell
Che temp indrì i avea livà Brunell.

4.

La fu za li ch portò qu' anell in Franza,
La prima volta ch la vist qu' pais
Cun so fradell, ch' avea za d' or la lanza,
La qual era tuecà al prencip di Inglis.
La mandò d Malagig i incant in zanza
Cun quell, senza adruvar altra radis;
E una mattina tols (quest adruvand)
Da servir Draguntina, di altr, e Urland.

5.

E cun quest la scappò senz' esser vista
D' in gula torr, dov al vecch l' avea aserà.
Mo qui an importa metter tutti in lista
El prov d qu' anell, per tutt za sparguà.
Pr' averl, al re Agramant la fi gnir d pista
Da Brunell, es i fu da qu' rabià:
D' allora in za l' ha sempr avù la dsditta,
Dalla fortuna siand sta derolitta.

6.

Adess ch la s torna a vedr in did l' anell,
Pr al qual l' avea fatt un cor da tigna
Contra quel ch' i al rudiò, cioè Brunell,
Prima la s maraveia, e po s' alligra.
La s l' accosta alla bocca acquai bell bell,
E in t' nn tratt a sparir la n' s mostrò pigra:
Ai uech d Ruggir al pars ch l' andass in fum
Cmod sre s la nott a s' i amntass la lum.

7.

D' intorn intorn pur Ruggir guardava
Ch' un insinà l' pareva, o pur mezz matt:
Mo, quand po dop dl' anell al s' arcordava.
Al zuglin al capi tutt in t' un tratt.
A pss pinsar s l' uchisia so al biastmava;
Al dsava ch li i avea usà un brutt tratt:
Ch pr averla lu aiut e salvà la vita
La i dava in ricompensa s' acqua d vita.

8.

Ah! ingrata donna, l' dsava, t' vu lassar
Quell ch t' ha salvà la vita iust anch?
Tint pur l' anell, ch' a t' al vleva dunar,
Mo n' andar acquai prest vi pr i fatt tu.
Ah! torna, torna indrì; at vui regalar
Mi, al cavall, cun al scud, e fann quel ch t' vu:
Am basta ch' al tou blezz t' em lass guardar,
E, sben t' n' arspond, a so ch t' em sta a ascoltar.

9.

Dsend acquai, ben e spess l' avrev l' man,
E s' abbranzolava intorn alla fontana,
Pinsand pur d' abbrazzar, mo sempr in van,
Qua blezza nuda, e sempr sovrmmana.
Mo quella, ch' era za andà vi luntan,
Tant caminò, fin ch l' arrivò a una tana
Ben granda, e s' attruvò un dsnar amanvà,
Second al so bisogn, ch l' era affanià.

10.

Un pastor da cavalli steva lì,
E al s servava d sta grotta per cascina;
L' avea l' stall da i la ben cunparti,
E nna stanza per lu, cun la cucina.
Quand la zovna arrivò, an i era, e li sti
Là dentr fin da qu' ora ch' a s' inchina
Al gran splendor del sol dop all' Atlant,
Senza che nessun la vdiss ne poch ne tant.

11.

Un poch la s'arriavi dai gran strapazz,
Ch l'aveva per tant temp tgnu supportar,
E po la s miss attorn 'n so quant strazz,
Ch di quasi fatt la n'è solita a putar;
Fatt i parevn d tela da paiazza,
Tutt rutt, ch'an i era cas a pseeri arpazzar.
Mo ch'al bust sia pur rotti e la stanela,
L'è sta, e s srà sempr una zuvnetta bella.

12.

Virgili metta pur in t'un canton
Lavinia, la muier ultma d'Enea,
Ch la n'è da star cun questa al paragon,
E don Chisciott arponda Dulcinea.
Pr'uscir sta bella zovna dal macchion
La tols tra quel cavalli una chinea:
E l'prim pinsir, ch la s sent despuntar in ment
Allora, 'l fu d'andar d lungn in Urient.

13.

Ruggir in st mentr sti a guardar s la s vdeva
Da nessun là, mo la 'n s vist mai cumparir:
Finalment al egnussì po ch l'aveva,
Da ver amigh, scfunà, cmod as sol dir.
Cosa stars a far qui lu più 'n saveva:
E, pr aria vlend al so viaz prosequir,
Al torna dov l'ha l'Ippugriff ligà,
Mo qustù s l'è colta, ch'al s'è 'l mors cavà.

14.

Questa tuffa davvero al bon Ruggir,
E s'è una mala zunta ai altr dann:
Qui l'Ippugriff va pr aria a fars bendir,
Qua zovna s'i tol d sotto cun ingann;
Mo, sovra gli altr cos, an po padir
Ch l'ai porta vi l'anell, e d quest l'ha affann:
Ai prem non sol pr el sou virtù, mo al l'ha car
Più, ch'ai l'ha Bradamant mandà a dunar.

15.

Dagustà fora d misura, e tutt dulent,
Gli arm al s'armitt, e tol al scud in spalla,
E, tutt a slontanars dal mar attent,
Zo pr al buschett vers una vall al calla.
Qui ai bisogna ben star cun l'occh attent,
Ch'al sintir poch s'accegness, e spess as falla.
E in t'andar a man dritta, dov più folta
Era la macchia, un gran armor l'ascolta.

16.

Al s'afferma a asculatar prima un puchtin,
E ai par ch'al sia l'armor d'una baruffa;
Al s ficca innanz pr al bosch, tra i albr e i spin,
E al ved du Cavalir insem a zuffa,
Armà quant s possa dir da paladin,
Mo al perchè an sa ch'is menen zo all'arbuffa.
Un pareva un zìgant ben grand, e qu'altr
Più bass, ma cavalir ardit e scaltir;

17.

Al qual è cun la spada e cun al scud,
Andagandi ora sotto, ora luntan,
Al cercava d mandar i culp a vud
Del zìgant, ch'una mazza aveva in man;
E un cavall era mort in t'al tren nud.
Ruggir s'afferma, e dentr d lu pian pian
Al s sent nassar in t'al cor un cert pinsir
Ch vincitor fa bramari al cavalir.

18.

Pr aiutarl però innanz an s'affazza,
E n'al pesser far pr'unor ai vin la stizza.
Al zìgant mena un colp cun la so mazza,
Ch l'è nn miraquì sta volta s'an l'asquizza.
In terra 'l pover cavalir stramazza,
E 'l nmigh astut n'i dà temp ch'al s'adizza,
Ch'agli è alla vita, e d'el'm ai dsfiubba i lazz,
E s fa ch Ruggir al veda in t'al mustazz.

19.

Subit ch Ruggir al vist, al l'arvisò
Per la so cara e bella Bradamant,
Ch dentr sculpi l'aveva in t'al cor sò,
Dia vita in prigul sotto a quel furfant.
Da cosa nessuna allora più an s guardò,
Mo cun la spada in man dsfidò al zìgant,
Al qual, 'n cercand altra battaia allora,
Senza dir altr, al chiappa in brazz la signora.

20.

Al s la trà in spalla, e po scappa vi subit
All'esanza d'un lov ch roba nn agnell:
Ch al bon Ruggir al possa arzunzar a dubit,
Quand mai an fuss più svelto d'un palpastrell.
L'è in t'un atm luntan quà più d cent enbit,
E al par ch al porta in spalla un sulfanell.
Ruggir, per quant al po, spiega di pi,
Mo sol cun l'occh appenna ai po tgnir dri.

21.

Al cnrreva 'l zìgant; e dri ai cnrreva
Pr'arzuwerl, quant al pseava, 'l brav Ruggir
Zo pr'un sintir, ch più largh semper s'avreva,
E in ultm andava in t'un gran pra a rinscir.
Mo sta: ch s'ades d'Urand a n'm sugneva,
Chi sa quand am turnava in t'al pinsir.
Al lassonn quand al tri qu'nrdegn in mar,
Perchè al n'aviss al mond più da turnar.

22.

Poch zuvò al trarl in mar, perchè al maldett
Demoni, ch fu sol d qu'arma l'inventor,
Tulend d'in cil l'esempi del saiett,
Quand pur al vin l'estad cun tant armor,
Per far adoss d'umanità 'l vendett
Dl'odi quasi grand, ch'al porta a nostr Sgnor,
Al fi ch'un gran sterion l'andass a arpecar
Al temp di nustr antigh, d qu'altr masear.

23.

Quant la fuss sotta l'acqua an v' al dirò,
Perchè an ho mai che al mi pozz misurà.
Quand Urland la tri in mar, mi za v cuntò
Ch l'era lontan da terra purassè,
E da quest a cunclud ch la fuss in zò.
Da quel sterion la fu ai tudisch purtà,
I qual finn vari prov, mo in ultm pò
Al diavli, a dann del mond, l'us ai mustrò.

24.

L'Asia, l'Europa, e tutt el part del mond
S' art iniqua imparonn tutt in t'un tratt;
Chi fa del form apposta, e dentr i fond
Al metall, ch'in t'al fugh i han prima dsfatt.
Chi sbusa l' ferr, e i dà po al nom segond
L'è lungn o curt, chi stiopp, chi mazzaggatt
Al chiama, e murtalett, e columbrina,
Falcon, spingarda, e d Modna la rigina.

25.

Al bon suldà la spada più n'importa;
S' al fuss anch per valor un paladin,
Quand un stioppett in spalla adess an porta,
L'è sieur d'eu tuccar gnanch un quattrin.
E l' stà in pett a un vigliacch, a un razza storta,
L'è s'è tant bon un vecch, quant un faudain,
D mandar a qu' altr mond cun al fusill
Un Ettor, nn Erqul, un l'irr, un altr Achill.

26.

Oh verament maledetta invenzion,
La più maligna d'intellett uman,
Attruvà da un cor dur più d quell d Neron,
D'un Silla, d'un Diunis, d'un Dinclezian!
E pur tra l' zent l'ha avù tanta avvinzon,
Massm tra l' popol ch s' fa chiamar di ostian:
Contra la qual la forza 'n po valer,
Curagg, prudenza, destrezza, o saver.

27.

Quant in manda di brav st arma per terra
Ch la so virtù i farev famus e chiar?
E quant a di per di morn alla guerra
Esempi e specc del valor militar?
Ah! ch'a pinsari sol al cor'm s'asserra
A vedr al mond per sta cosa arvinar.
An i è forsi in t'l'inferr equivalent,
Per castigh d'inventor, pena e turment.

28.

As po ben credr ch' a qu' anima maledetta
La cà del diavli i ava fatt l'arzvuda;
E ch nostr Sgnor, per farn una vendetta
Eterna e giusta, al mtiss d' sotta da Giuda.
Mo a Urland turnen, ch'è dentr in t'la barchetta
Cun la gran frezza d'arrivar a Ebuda,
Ebuda, scellerata isola e trista,
Dov quel brutt mostr el belli donn cuntrista.

29.

Quant ha frezza d'andar più l' paladin
Tant in demostra d'avern munch al vent;
Ch' al suppia dal la dritt o dal manzin,
Da poppa o prora, l'è sempr acquisi lent,
Ch' en po la nav audar pr al so camin:
Del volt an suppia brisa, o finalment
Ai suppia contra, s' al suppia qualch poch,
E al le fa rstar in ass, e dar agli och.

30.

Prvidenza la fu ch' Urland en passiss
Innanz al re d Ibernia là arrivar,
Perchè cun più facilità suzdis
La cosa, ch' a son dri quì a cuntar.
Quand al fu vsin all' isola, Urland diss
Al capitani d' nav: Av possi affermar,
Senza passar innanz; cun al battell
Mi da per mè am n' andarò in là bell bell.

31.

A vui ch' av maraviadi, pur ch' a possa,
E ch' a vdadi un cert zugh, ch daver srà bell:
A vui ch' am dadi la corda più grossa,
E l' ancora più granda dal vascell.
Acquis, quand l' av l' cont ammanvè agn cosa,
Subit in t' l' acqua al fi trar al battell;
Al tois la spada, e gli altr arm al lassò,
E vers al sass, fatal pr' el donn, l' andò.

32.

Al va all' arversa, cun vultar agli ond
Del mar al pett, e vers la terra l' spall,
Al va tirand al rem vers lu, segond
Ch' al vol andar, es guarda d' en far fall.
L' era l' ora ch' usciss l' Alba d' in fond
Dalla marina, urnà d' fiur biond e zall,
E in furia sovra l' zil la s' in camina
Mezza depuà, cmod are alla birichina.

33.

L' era lontan quel tratt ch' un bon braaz manda
Una brava sassà da quel brutt scui,
E ai par d' sintir una cert vos ch' s' arcmanda,
Mo arrisgh i arriva agli urecch al garbui:
Lu prest al s volta alla manzina banda
E s ved al sass, in dov i è avsin al mui,
Ch nuda nada una donna era ligà,
All' Orca in cib da tutt abbandunà.

34.

An l' accognussi, ch' a gli era da lontan,
Tant più ch li steva cun la testa china;
Per pserla cgnassar, al Senator Ruman
Seguita a mnar al rem, e più s' avaina:
Intant al sent alzar da qu' altra man
Un armor, ch mett su d' sovra la marina,
Mo cos el, cosa n' el? al sta a guardar,
L' è l' gran mostr marin, ch vin a magnar.

35.

Quand qu'ora manda in su d'in t'al frases,
Vers Bulogna, una nebbia fissa e scura,
Ch'in t'n tratt a ingumbrar vin al paies,
Crudev al Sol, e arresta l'aria bura,
Acquisi quel mostr vin pr'al mar tutt d'ates,
Ch'al par ch'al s'eruva tutt cun quela figura:
Urland senza timor i guarda d'fies,
E s'en s'muda d'color, ne l's'inspuries.

36.

Dentr in t'al so pinsir al batt cunsei:
Vinr l'Orca, e salvar la donna l'brama.
Pr'uscirn cun unor, al ognuss ch'l'è mei
Metters in mezz tra l'mostr e tra la dama.
In ordn prest al mitt tutt i su usvei
E l'spiz al legn dov al bisogn al chiama;
La corda ligà all'ancora l'tin stricca,
Ne d'qula diavlaZZa l'sent pora una cicca.

37.

Subit ch la s'accostò l'Orca, e ch la dscvera
Urland, ch la stava aspttar in t'al burcell,
Pr' stragnalzarli tant d'becazza avers,
Dla gulazza mustrand tutt i canal,
Allora Urland s' tri innanz, e brisa 'n s' pers,
E, andandi con al legn vsin al massell,
Cun gran prestezza l'ancora l' cavò,
Tra la lengua e l' palat ai la piantò.

38.

Al savi Urland idè d' far st prim pass
Cmod fa chi in t' el minir va a lavurar:
Perchè an i casca adoss la terra e i sass,
Al cerca in tutt i là d'appuntalar.
Intant qula bstiaZZa en po sbatt' el ganass,
Per quel sbudacch, ch n'i lassa bocca asrrar.
Tra i du rampun ai era tanta vi
Che d' un cunvent la par la purtari.

39.

Ln, quand al s'è dlla bocca assicurà,
Ai salta dentr, e l'cala in t'al svintron,
E cun la spada tanta mena da i là
Ch'agn colp in t'el budell ai fa un stiancon.
Cmod as po d'fendr una porra città
Quand al nmigh è intrà dentr pr'al purton,
Acquisi qula cara bestiina s' difendeva
Dal Paladin, ch dentr in t'al corp l'aveva.

40.

Pr al gran dolor, la cmenza a sbalanzar
D'zà e dià, cun un armor più grand del mond;
Adess al par ch'in alt la vuia andar,
E dop del mar la va a trovar al fond.
Al cavalir, ch là dentr en vol prigrular,
Vin fora d' sliss, e s'nouva vers el spond,
Mo, l'ancora lassand in bocca a quli,
Sol la corda ch'è attacc' al s' tira dri.

41.

Prest al s'accosta al sass, e su al s'arrappa.
E, quand i pi l'ha in terra assicurà,
Quel gross caverstr cun l'man l'acchiappa,
Tirand l'ancora, ch'è ben attaccà
In bocca al mostr, e an i è dubbi ch' al scappa.
Mo bso ch'al vada dov al s' sent tirà:
Massm po dalla forza d' qu' umaron,
Ugual, quand la n'è più, d' quella d' Milon.

42.

Ch la mena pur al mssir, ch la scossa i fianch,
Ch la sbatta pur la co, ch la salta in sù,
Ch la s' volta dal la dritt o pur dal stanch,
El belli donn l'an biassa quel'Orca più.
La corda an lassa andar quel' sgnor, mo franch
I dà di gran tirutt in vers d' là;
D'andari dri l'Orca 'n po far a manch
Per l'ancora ch la tin cun i su branch.

43.

Tant sangu sta bstiaZZa dalla bocca arversa,
Ch' anch quest al s' pò chiamar Mar Ross anch;
Con tant furor la manda l'acqua d'spersa,
Ch' al fond del mar fa vedr in tutt i cù;
Del volt al par ch la lus del sol sia persa,
Tant l'acqua vola in su e fa in aria i riù.
E per l'armor, ch fa l'Orca in mar, sì grand
L'arbomba l' pian e l' mont da tutt el band.

44.

A udir st flazzel tremend, al vecch pastor
D' Nettun fora dlla grotta al s' fi a guardar,
E, v'nd in t' l'Orca intrar e uscir quel' sgnor,
E cmod sigh al la tira in riva al mar,
Gnanca lu v'dends sieur da quel valor
Al scappa, es lassa tutt i mustar andar.
Nettun on stomba i dulfìn,
E s' va tutt inspurì vers i Abissin.

45.

Tutt el divinità del mar, sintend
Ste gran fracas, cun i cavi sgumbià,
La causa d' sorta affatta n' in savend,
Vreven scappar, mo l' n' san trovar un là.
In st' mentr Urland tira quel mostr urrend
In terra, l' qual è za del tutt sbriga
Pr el bott e l' piagh ch'in t'al svintron l'ha avù:
Qui puch, dis al pruverbi, al tira sù.

46.

Intant a s'era arduù dlla gran marmaisa
D' Ebuda, vgnu per veder la battaia:
Mo in scambi ch l'as alligra, quela canaia,
A vder ch' Urland a pizz quel mostr taia,
E l' sou donu per l'avgnir star d' ghirigaia,
Pin d' un timor, ch val iust quant una paia,
L' n' cun l' altr per quest d' d' baccaina
Ch novament Proteo torna, e ch' ai travaia:

47.

E ch'al srà mei adess cercar d'placar,
Innanz più del passà ch'an s'intizzissa,
Chiappand quel furastir, e in mar ficcarl,
E Proteo contra d'lu se sbizzarrissa.
Tutt, st bell pinsir cercaad d'effettuarl,
Cminzonn intorn a Urland far calca fissa,
Cherdend e-d far bell'ovra e meritoria,
E ch'a chiapparl al fuss curta l'istoria.

48.

Chi ha una sfrombla, chi un'astla e chi un furcà,
Chi una ronca e chi un seguel porta in man,
E per dedri e dinanz e in tutt i là,
Chi n'i po mnar da vsin, i trà d' luntan.
Urland, a sta manira vldens pagàn,
Nov i arriva 'l prucedr d' qui villan,
Ch'in scambi d' ringraziar d' quel servizi,
D' ingratitudn paghn al benefizi.

49.

Mo al feva tant lu cas d' qui barbazagn
Quant fa un cavall avià a guerr e battai
S'al passa vsin a un lagh, o press' a un stagn,
E i ranuech l'od a far del balanai:
Al tira innanz a mnar i su calcagn,
E per qu' armur an s' mett brisa travai:
Aquis fa 'l Paladin, ch' basta ch'al soppia
Per destruzi, cmod al fugh sol far la stoppia.

50.

E ch'al sia vera, al defudrò Durlindana
E, sol cun al vultars, al s' fi gran piazza;
I cherdevn ch'al fuss forsi un'anguana
Da lassars acchiappar cm'è un martuff d' piazza,
Perchè i al vdevn sol cun la gabbana,
Senz' elm, senza scud, senza curazza,
Mo in savevn ch' l'avise la pell sì dura,
E più dl' azzarr e del diamant sicura.

51.

S lu i fora lor, al n'ha pora ch' i al forn,
Sebben ch' tutt i en adoss cun tanta arvina:
Dis o dods volt ch' al mnò la spada intorn
Urland al n'ammazzò una cinquantina.
Av so ben dir ch'al s' i dscavò d' attorn:
E, quand al ved ch' i han vultà la schina,
Al s' volta pr' andar la donna a dsligar
Mo un altr armor al sent per l'aria alzar.

52.

In quel mentr ch' lu aveva da gula banda
Tgnu a bada qulor, in t' l' isola dsmuntà
Era da un' altra part al re d' Irlanda,
Es l' ha senza cuntrast tutta chiappà.
D' qui paisan i irlandis finn stragg ben granda,
Senza badar ai sess, o alla età,
Es ponn ben dir ch' i n' al fan per malizia,
Ch' l' è vendetta del cil, e ch' l' è giustizia.

53.

Prima perch' i en in puch, e po perchè
An i è chi sava ne chi s' possa d'fender,
Tant, per l'esser vgnu qulor, eni insuprè,
An i vol pr' ammazzari un graf intender.
An i è chi ava pietà d' qulor, ch' in quai lì,
Agn' cosa è missa a sacch, e tutt va in zender.
Quel ch' s' vol dir un n' i fu, ch' la mort scampass:
El cà e l' aver andonn tutt in scunquass.

54.

Al Paladin n'abbada a i Irlandis,
Ch' a i impurtava poch, e 'l volta in là
Dov è ligà quia donna, es i è d' avis
D' arvisarla qualch poch, sebben ch' la stà
Mesta e dulentà, es ha bianch el bais.
Quand a gli è vsin, allora po al s' n' addà
Del tutt ch' l' è Ulimpia, e l' era lì del cert,
Za da Biren abbandunà in quel dsert.

55.

L' era la povra Ulimpia dsfortunà,
Dal spos abbandunà quai ingratament,
E dai cursar in qu' istess di chiappà,
Ch' l' aveven po cunlutta là a quia zent.
E anca lu da li fu po arrivà;
Mo perchè l' era nuda presentment
La tin la testa bassa e i uech zo chin,
Ch' la 'n s' attenta a guardar al Paladin.

56.

Lu i principiò a dmandar cun gran curtis
Per che disgrazia la fuss allora lì,
Avendla, puch di fa, lassà in algrì
Pr' averi res al regn e so mari.
Mi 'n so s' av aringrazi, l' urspos lì
Cun un suspir, perch' am dscavadi d' quì,
Oppur s' am ho da lamintar, perchè,
Per causa vostra, an ho i mi guai furnè.

57.

Av aringrazi ben del favor vostr,
Perchè am avi d' in bocca al mostr toltà,
Al qual viva suppli 'n m' ha in t' al so chiostr,
Es srà finì sta quità pur una volta;
S' a vli po ch' av ringrazia d' mior inchiostr,
Da sti guai cavam tutta in t' una volta;
E s' da i guai sol la mort po' liberarm,
Fam al servizi, adess, la mort d' darm.

58.

Aquis la diss amarament pianzend,
E d' so mari la seguitò a cuntar
Ch' al l' aveva lassà in quel dsert durmend,
Dov l' era po sta presa dai cursar.
L' as andava, in t' al dir, aquis sterzend,
El blezz nudi cercand pur d' arpiattar;
Forsi aquis dseva far Diana in t' al font,
Spruzzand al cazzador l' acqua in t' la front.

59.

Urland la deliga più morta che viva,
Ch la dventa per vergogna rossa e smorta,
Ln vre pur ch'al so legn vgniss alla riva,
Per psseri mettr atorn un vsti d qualch sorta.
In quel mentr ch l'aspetta, Ubert arriva,
Ch'ai era sta cuntà d'Orca ch'è morta,
Ubert, al re d'Irlanda, vgnù per vder
Al mostr spigazzà, e 'l rest saver.

60.

Ai era sta cuntà ch'un Cavalir
I aveva missa l'arma dlla speranza
In bocca, e ch'al l'aveva fatta vgnir
A tutt, tirand la corda, ch fora avanza.
Ubert, per vlers dlla verità chiarir,
E chi l'ha diti n'ava dentà una zanza,
Arriva qui, e in quel mentr la so zent
Tutt arvina al paes liberament.

61.

Sebben ch' l'era tutt lerz, al fiol d Milon,
E dall'acqua e dal sangu tutt mui e tint,
Tant s'eri inspurcà dentr in quel svintron
Del brutt mostr, e in t' nscir fora dai dint,
Ubert l'acgnussì ben pr l' nvod d'Amon,
Tant più ch'al s'era dentà una d'pint,
Quand un valor si fatt l'udi cuntar,
Ch'altr che Urland psseva sta cosa far.

62.

Al l'acgnusseva Ubert, perch l'era stà
Tra i pagg d'unor in t la cort del re Carl:
E, pr'esser l'ann innanz so padr andà
A qu'altr mond, fu astrett d'abbandunarli
Per tor al regn: sicchè is cgnussen ch l'è assà.
Quel re cun gran algrezza andò a abbrazzarli:
Prima però, cavands l'elm cun frezza,
Al le basa, ai fa festa, e s l'accarezza.

63.

Al Paladin dsmustrò altr tant content
Ch fuss arrivà quel car amigh allora;
La basonn e abbrazzonn del volt più decent.
E i cunsumonn in sti carezz un'ora.
Al signor d'Angiant cuntò po al tradiment
Pr intir tutt, ch'era sta fatt a quila signora;
E ch'a gli era sta fatt da un brutt zaltron,
Ch i avea, s po dir, un mond d'ubbligazion.

64.

A nn pr un ai cennò tutt i accidint,
L dsgrazi tutti ch'i ern a li intravguò,
E cmod, pr amor d Biren, roba e parint
La pers, e s vleva murir anch per lù;
Lu stess essr tatimon di su stint.
In quel mentr ch Urland quì dseva sù
I guai dlla bella Ulimpia, li taseva,
Cunfirmand cun al piant quell ch'al Cont dseva.

65.

D'Ulimpia l'bel mustazz par l'arch celest,
Cm'al s fa veder la sira dop un squass,
Dpint d'un ross trasparent bell e mudest
Dai razz del sol, ch'è di arch nn po più bass.
Quel furbastrell d'amor fu pront e leste
A timprar tutt el frizz del so carcass
In t'al bel piant d'Ulimpia dscunsulà,
Dov tutt el grazi e 'l blezz ern dstimprà.

66.

Quella, ch pr al so servizzi i par più destra,
L'addliz, per far un colp da mestr adess,
In ti uech d'Ulimpia l's'arpiatta e l's'addestra.
E, in quel mentr ch'Ubert si fa più appress,
Contra d nascost ai dscarga la balestra,
E al pass liberament i fu cuncess.
Ubert guar'ava Ulimpia, e s'en s n'addi
Del colp, sn quand al cor al s sinti frì.

67.

El n'ern el blezz d'Ulimpia duzzinal,
Mo del più cari e del più maravios,
Es eren tutti da per tutt ugnal,
Ch la po star a l'impar del più famos.
Guardai pur, s'a savi, mtiv anch i uechial,
An truvai nssun dfett, tant più ch'arpos
Sotta ai pagu an s po dir ch'la i ava cvell,
Perchè a savi ch'addoss l'an n'ha sbrindell.

68.

L'esser aqusi nuda i fa cressr la blezza.
Ch la vergogna i fa li da sbianchizin,
E s dà, sovra d quel carn, alla bianchezza
Una man aqusi bella d travertin,
Per la qual sempr più cress la vaghezza
D qui membr aqusi ben fatt e alabastrin.
E ch li turev a patt ch fussn più brutt,
Pur ch'i fussn cmod va ben cvert del tutt.

69.

L'andar nud da qui di l'era vergogna,
Massm a quelli ch d'onesti ambirn al titl.
Mo adess l'è vgnù nn'usanza per Bulogna
Ch a mandar el donn nudi a s'i fa l'ghittl,
Perch la Checra, la Rosa, Aldviga e Togna
Voln mustar el tett infin ai titl,
E tant s'è fatt innanz un us quasi stramb.
Ch la stanella 'n i arriva a mezz del gamb.

70.

El mustarèn ben anch al taffanari,
Senz'aver, second lor, mala intenzion:
Mi pens però ch el fazzn pr acchiappari
E tirar alla red un qualch minchion.
Un pover gnagn, quand el cmenzn a mustarai
Qui du salvadin, e un simiton
Che gli accompagnen dri, mo n'el sbriga,
Quand l'è, cm'è i omn tutt, d carn impatà?

71.

Lasseen andar sti cos, turnen in vena,
E fazza ognun conform i dà l'umor.
Parid s'al vdeva Ulimpia, madò Lena
In Asia n're sta causa d'tant armor,
E dal mont Ida là in t'la vall amena
Forsi Vener n'arè purtà l'umor;
O s'Zeusi aviss avù Ulimpia a Croton
L'arè miss tutt quegli altr in t'un canton.

72.

Bisogna cert ch Biren 'n la vdiss mai nuda
Cmod adess i la vedn Urland e Uberty,
Perchè al n'arev avù un'anma aquil cruda
D'abbandunarla, cmod al fi, in quel dsert;
Ch'Uberty s'n'innamurò, bès ch'a cuncluda,
E d'manira ch'an pssai l'amor tgnir evert:
Al cminzò a cunsularla, e l's miss a dir
Ch' tutt i su guai in ben s' ponn convertir.

73.

Ai prumitt ch l'andarà sigh in Ulanda,
E ch'an la lassarà, fin ch'al n'ha fatt
Contra Biren una vendetta granda
Per farl esser pinti d'un quasi brutt fatt.
A gli andarà cun tutt el forz d'Irlanda,
E ch'al procurarà d'farl in t'un tratt.
Intant in tutt i bus al fava allora
Far ricerca d'un abit per quela signora.

74.

Per trovar del stanel e bust, s'a in vliss,
Fora d'Ebuda an i è bisogn d' cercar,
Ch'as n'arduseva agn di, a in era un subiss
D' quel pover donn, ch'ha avù l'Orca da demar.
Sicchè ben prest dinanz a in fu miss
Un fagott, anzi un mont, da un sulfanar,
Ch' suleva arcuir agn cosa, e s'addizi
L'abit più bell, e d' quell l'Ulimpia al vsti.

75.

Sebben ch'vesta an i srè d' seda nè d'or,
Nè s' Minerva i aviss fatt li i arcam,
Nè valor d' qual s' sia rich e più gran tsor,
Nè lavor d' urdidura d' lana o d' stam
Ch' i pssais far creser a li un bris d' decor,
Anzi ch' appress a li 'n füss degn d' archiam,
Tant en grandi el sou blezz, el qual sculpi
Uberty purtarà in pett la nòtt e 'l di.

76.

Per più mutiv Urland s' mostrò cuntent
Del nov amor d' Uberty cun la contessa,
Ch'al farà lu 'l vendett del tradiment
Dal mal Biren usà a sta principessa.
Intant lu n'arè nssun impediment
Ch'al trattigniss dal cercar quela dama istessa,
Per la qual in Ebuda 'l vols andar,
Non cun anm d' Ulimpia là attruvar.

77.

Lu za capi che in qu'isola la n'era;
Mo però an pssai saver s' la i era stà,
Ch' un ebudes allora viv an i era,
Dal furor d' i irlandis tutt massacrà:
Sicchè allora per lu la miora l'era
Ch'al chiappass, pr attruvarla, un'altra strà.
Qu' altr di cun Ulimpia al Paladin
S' imbarcò, e s' andò sigh fin a Dublin.

78.

Al s' fermò malament un di in Irlanda,
E per fermarl an i fu pregh ch' valiss;
Angelica, alla qual dri Amor al manda,
Fu causa dla so frezza, e ch'al n' i stiss.
Innanz però ch'al vada vi, l' arcmanda
Ulimpia al re, pregandl ch'al mantigniss
La parola, quant sre s' la füss un scritt,
Al qual in fi più d' quell ch' l'aveva ditt.

79.

In quattr di l' arcòls tutta la zent
E cun al re di inglis al s' accordò,
E cun al re dla Scozia pariment:
La Frisia tutta, e Ulanda l'acchiappò,
E po' l' s' purtò in Zelanda, e, gnanch cuntent,
D' Biren i suddit tutt al sullivò:
E cun la mort al castigò quel griz,
Che ben cent volt al meritava piz.

80.

L' Ulimpia prima al tols per so cunsort
E d' cuntessa al la fi d'vintar regina.
Nu seguiten Urland, ch' usciss dal port,
E per mar va vers la Bertagna pzuina.
Quasi 'l turnò dal so viaz a qu' istess port,
Dov al s'era imbarcà per la marina.
Del so bon Breiador turnò a cavall,
Lassand al mar e i vint dedri del spall.

81.

Quell ch'al s' fiss in quell' invern, an s' po' saver,
Perchè an s' attruva nient scritt in t' l' instoria.
Mi però a pens ch'al s' fiss sempr valer,
E ch' l'uperass del cos degn d' somma gloria.
Lu era solit al sou cos a taser;
E s' an avèn d' qualch d' una la memoria,
All' avèn, perchè az l'ha lassè dla zent
Ch' en sta testimoni a quel tal cos present.

82.

Quand in t'al segn del brieche al sol tornò,
E ch'al vign alla lus qu' altra stason;
Quand la campagna cun i fur s' algrò,
E ch'al villan da un la miss al plizzon,
Al nom d' Urland in bocca a tutt turnò,
E glurios più che mai, e cun rason,
Perchè l' s' vist far del cos quai strampalà,
Ch' in fin ch' durarà 'l mond el sran cuntà.

83.

D'in mont in coll, e d'in rivira in pian
Cun i su guai l'andava d cumpagni:
Quand, all'intrar d'nn bosc, l'udi pian pian
Una vos lamintevla oltra li dri.
Al cavall sprona, e, cun la spada in man,
Vers dov l'od al lament al s mitt in vi.
Mo quì al cantar bisogna ch'a daga fin,
Ch la serva m'è vgnu a rompr al chittarin.

FIN DEL CANT UNDECIM.

CANT DODS

ARGUMENT

*Instizè Urland al corr dri a un Cavalir,
Ch' Angelica per forza porta vè,
E l'è va a arricar dov pr' arpiattar Ruggir
Atlant ha urdi una nova strevià.
Poc dop arriva po anca lu Ruggir.
Urand, pinsand a Angelica andar dri,
Cumbatt con Ferrai: e prova più bella
Contra i pagan al fa; s' trova Isabella.*

1.

E pur l'è vera: quel ch'è più pruibl
Cun più passion l'è iust quel ch'è desirad:
A quest a si corr dri la nott e l' di,
Sol a quest a s'appensa e a s' i cunsidera.
Difficultà da spavintars an i è,
E a tutt i prigul a s trova la sgalmidra.
Per la muier Urfè, d arcord etern,
Senza spavent, n'andoll fin in t l'infern?

2.

Per far ch sippa una cosa ben bramà,
Basta inibirla, e a si subit servi.
Mi an ho mai vist del donn più innamorà
D quelli ch'en cun più cura custadi.
Pruserpina quai a Cerer fu rubà,
Cun tutta la custodia, ch l'an s' n'addi,
E, dop aver girà d intorn al mond,
Anch la l'andò a cercar in t'al perfond.

3.

Se Urand avisa quel carr e qui serpint
Ch'l'aveva lì, e i du pin per torz da vent,
L'arè cercà per tutt cun i uccch attint,
Dal nord al sud, dal levant al punent,
Per città, per casti, busc, fium, turrint,
I camp elis, l'infern pariment,
L' Angelica; e, sti cos za ch' al n'aveva,
Al l'andava cercand al mei ch' al posseva.

4.

Tutta Franza l'ha cors, e adess al s prova
Per cercar da un co all'altr l' Allemagna,
E la vecchia Castiglia, e anch la nova,
Dop l' Africa, passand pr' al mar dla Spagna.
In quel mientr ch l'appensa aqui, as i arnova
Quel po d'armor dla vos, ch s' arcmanda e lagna;
E lu sprona l cavall, e al s ved dinanz
Un a cavall andar a tutt abalanz.

5.

Quà a cavall curreva cun gran frezza,
Purtand per forza nna zuvnetta ch crida,
Ch' a sti affrunt la mostrava d n'esser avvezza,
E s'en sà dov quel so ladron s la guida.
La s principiò a arcmandar cou gran caldezza
A vedr Urand, e dal so aiut l'as fida:
E, quand al Cont la vist in t' al mustazz,
L' ai pars quella ch' al cor i ha miss al lazz.

6.

An digh miga ch la foss, a digh ch la par
Angelica zintil, ch l'ha tant cercà.
Al vol tutt quel ch al po, d sicura, far
Adess, perchè la torna in libertà.
Dalla gran stizza spint, s miss a vular,
Chiamand al ladr, ch vè em' è una stiuprà;
Ch' al chiama quant al vol, què n torna indri,
E al Cont a tutta breia i tigneva dri.

7.

Quì va em' un vent, e dri i va l Cont d Brava,
E Breiador fa correr d gran galopp.
Dalla stizza, ch l'ha adoss, al fa la bava,
E s'en dà ment a spruoch ne a sasse ne a stropp.
Quel bosc del gran armor tutt arbumbava,
Tutt'el quèr se scussavn e l' rovr e l' fiopp.
Quasi currend, i arrivonn in t' un pra bell,
E in mezz i era piantà là un gran Castell.

8.

La fabrica era fatta con decor
Cun marm d Cipri, e d qui d Carrara e Massa,
Dia porta i rndign tutt fatt ern d' or,
Dov cun qula zovna quel ladron trapassa.
Gran fatt an sta a arrivarr anch Breiador,
Purtand in furia Urand, e dentr al passa:
Quand l'è intrà l' guarda, es prilla i uccch in gir,
Mo la dama an ved pin n'è cavalir.

9.

Al dsmona da cavall, e, tutt pin d'ira,
L'entra in t el lozz, es va in t i appartamint,
D' in t' una stanza in tutt'altra al volta e s gira,
E s guarda infina dop ai paravint.
Per quant al s cerca, an i è mod ne manira
D'attrnvari, ch' an s ved al segn per niint.
E, dop aver cercà per tutt zo d sotto,
Al cerca d sovra, e anch qui an ved nigotta.

10.

An m'intend za ch là dentr an i fuss ngotta
Pr el stanzi, gabinett, sal, gallari:
I lett i en da per tutt e dsorra e d sotto,
Caes, pittur, cantaran e tapzari;
Mo qui pr i qual Urland è tant in rotta,
Ne la zovna ne qulu ch la porta vi,
Per quant al pesies in tutt i bus cercar,
An i fu vers, al n' i pesi mai trovar.

11.

In quel mentr ch'indarn al spessa i pass
Affannà, e per sta cosa in gran pinsir;
Ferraù, Brandimart e al re Gradass,
Sacripant, e tant altr cavalir,
Anca lor l'attruvò asiar alt e bass,
Ch'a correr s'adannavn, andar e vgnir.
Quasi tutt s'lamintavn d' quel ladron,
Ch'era del bel palazz forsi al patron.

12.

A chi una cosa, a chi al n'ha un'altra arposa,
Pr attraplari là dentr a far quel ball,
Chi dis ch'a gli ha guidà li la so mrosa,
Chi s lamenta ch'a gli ha rubà 'l cavall.
Sta roba i n'san dov diavol al s' l'ava ascosa;
E, pinsand d'attruvarla, i cercchn in fall.
Chi conta, ch l'è una stamna, e qu' altr dis
Sicurament al cerca ch l'è di mis.

13.

Quand av Urland per quattr volt o si
Tutt quel palazz cercà d'in man in man,
Al temp, da per lu 'l diss, forsi a tragh vi,
E s fazz quì dentr sta fadiga in van;
E st ladr prev aver cundutta questi
Fora pr un'altra porta, e esser luntan.
Cun st pinsir in t la ment, l'uscì in t al pra
Ch circundava 'l Castell per tutt i la.

14.

In quel mentr ch'al gira 'l casament
D'intorn, e 'l guarda dop al cantunà,
Cun la testa so china, e l'occh attent,
Per vder s'el pedgh vultassn da qualch là,
Da una finestra per nom chiamar al s sent,
Al guarda in su, per vder chi l'ha chiamà,
E ai pars d'vedr al mustazz, la vos d'udir
D quella, ch l'ha cercà tant, ch'al fa ammattir.

15.

Sempre più la i par li, ch vada zigand,
E, suspirand, chiamar: Aiut aiut!
Amigh, la mi virginità at arcmand,
Più ch'an fazz la mi vita; e chi mai vut
Ch'al sava, ch'in presenza del mi Urland
Rubà m'ava st laddrazz al più bel frutt?
Al murir pr el tou man em sarà un favor,
Più tost che vivr al mond senza 'l mi unor.

16.

Più d'una volta 'l sent sta cantilena
Urland, e allora in frezza 'l torna in cà
Per veder d'far finir la filomena,
Es cerca novament per d za e per d là:
Mo chi s lamenta an ved uscir iu scena:
S lu cerca qui, la vos al sent per d là.
Qula vos, la qual più sempr quella i pur
D'Angelica, ch'al camp, e an po attruvar.

17.

Per turnar a Ruggir, ch'a lassonn quand
Al seguitava quel maldett zigrant,
Ch'andò a riuscir in mezz a un pra ben grand
Purtand in spalla sempr Bradamant,
A digh ch l'arrivò quì, dov era Urland
Arrivà poch innanz, e quel furlant
Dentr dila porta cun gran furia passa
Ne Ruggir d'corr-ri dri per quest al lassa.

18.

Subit ch l'ha miss dentr dall'uss i pi
Al guarda per la loza e la cort granda,
Più nessun an ved di du, ch'a gli era dri,
Cun tutt ch l'usserva questa e qu'altra banda.
E dsorra e dsotta al cerca, es torna indri
Ne quella al po trovar ch la vuia i dmda:
E cgnusser an sa dov s possa esser ficcà
Quì ch la so donna dentr ha za purtà.

19.

Dop aver cercà tutt i camarin
Da quattr volt o cinqu, el lozz e 'l sal,
E guardà dop ai uss, sott' ai tavlin,
Per tutt i terbadì, e fin i sottescal.
Cun pinsir d'attruvar i in t al bosch vsin.
Al vin fora; mo qui una vos ugal
A quella, ch chiamò Urland, l'od anca lu.
Ch'al chiama indri, e lu dentr, es torna su.

20.

Qula vos istessa, e qu' istessa persona,
Ch pars Angelica bella al fiol d' Milan,
L'è qu' istessa ch Ruggir anch quì minchiona.
Ch'la i par la Bradamant, fiola d'Amon.
E s d quì tant cavalir nessun abbandona
Al palazz, l'è chi en tutt d'un opinion
Ch' ai sia là dentr quell ch' i van cercand,
Ingannà tutt cmod è Ruggir e Urland.

21.

Quest era un intrigh nov del magh Atlant,
Per liberar al so Ruggir da mort,
Dop ch'al vist en durar quell d'azzarr tant
Che st zurnett pssiss scappar la mala sort;
Non sol Ruggir trà in trappia, mo sigh quant
In Franza han cavalir nom d'essar fort,
Pinsand, cun al trattgnir quì a cercar,
Ch'intant al mal infuss passeva passar.

22.

Al ved ch l'amor d'Alzina è za andà a mont,
E per quest al s'attrà a st'altr parti.
A tratgnirl in st'ingann, al fa 'l so cont
Ch'al passarà d quel mal destin al di.
Tutt quel ch po bisugnar quasi quì l'è in pront,
Ai basta al Magh ch'an vada fora d li:
Dal rest, ai è d'agn cosa, s'an m'arradgh,
Lett e sgett, pan e vin, e cumpanadgh.

23.

Mo, per turnar a Angelica, ch'aveva
Qul anell in t'cl sou man, ch'a tgnirl in bocca
Alla zent invisibil la rindeva,
E nssuu incant, avendl in did, la tocca,
In t la grotta za a diss ch truvà l'aveva
Cavall e viziari, e munizion da bocca:
E s diss ch l'aveva fatt anch al pinsir
D'turnar in India, a vedr i su quartir.

24.

Vluntira l'arè Urland o Sacripant,
Per la stra, sigh condutt in campagnì,
Non perchè la i vliss ben ne tant ne quant,
Ch per niunt i i paesn per la fantasi;
Mo per causa ch'andar finna in Levant
Tant città bso passar e tant casti,
L'avea bsoagn d'una forta e fedel guida,
E for d sti du a cercarn altra la 'n s fida.

25.

Dop aver ben cercà donca e cercà
Da per tutt Sacripant, e al fiol d Milon,
Per campagn, per casti, terr e città,
Senza avern avù nssuna infurmazion,
Dalla fortuna finalment guida
La fu dov'era in tanta confusion
Ruggir, Ferrau, Urland, e Sacripant,
Gradass e tant, tutt intrigà da Atlant.

26.

Cun la scorta dl'anell, in cà la s'fica,
Ch'an la po vedr al Magh, gnanch impedir:
La ved ch'Urland e Sacripant s lambicca
In t al cercar, e ognun d qui cavalir:
La sent ch'al Magh, finzende li stessa, gnieca,
Ingannandi cun l'occh anch al pinsir;
Là in st mentr appensa, es'n sa arsolver chi
La s'ava da tor sigh in campagnì.

27.

La 'n sa distinguer ben chi sippa mior,
Al cont, o verament al re Circass.
La cgnass ch'Urland al prev con più valor
Da quel disgrazi salvarla ch l'incontrass:
Mo po l'appensa che, s la s'al fa sgnor,
E po che s'diss al cas ch la s'in stuflass,
La 'n truvarev al mod, per vgniri a dir
Ch'al s'i dscava, e ch'al s vada a far bendir.

28.

Mo s Sacripant in fin al cil l'alzass,
Stuffa ch la fuss, la l'prev prest arbassar.
Quest campagn la vol donca di su pass,
E d fidars sol in lu la vol mustrar.
La s'mitt l'anell in did, perchè al Circass
La possa cgnass, e an staga più a cercar.
Mo, cherdend solament ch'al la vdisse là,
La fu vista dal Cont e da Ferrau.

29.

E d posta i corren là tutt du gridand
Ch l'è un gran pezz ch'in fan altr che cercarla,
Fora e dentr da quel Castell asiand,
Senz'aver, in tant temp, mai pesù trovarla.
Donca in t'un punt s truvonn da li li quand
I la vists, es funn squas pr abbrazzarla,
Perchè l'anell, ch li aveva stricch in man,
Tutt i rigir del Magh rindeva van.

30.

Urland e Sacripant en tutt armà,
La testa, el brazz, la schina, el gamb, e l'ventr:
Ch in s'ern mai ne d di ne d nott despuà
Gli arm, da dop ch tutt du andonn là dentr.
E po a purtarli i s'ern tant avià,
Ch pr gli arm in pseevn nssun fastidi sentr.
Ferrau, l'terz, anca lu è armà, sn che
L'era senz'elm, finna da quel di,

31.

Da quel di, ch'al psicò l'elm d'Argali,
S'av acurdà, in quel fium, e s'al psicò in van,
Perchè l'prencip d'Anglant, cmod a savi,
Prima l' tols al fradell del re Truian,
Ferrau diss ch al diavol al purtass vi,
S mai altr elm al purtava, innanz ch'el man
Al dstindiss, per cavar quell d'in t la front,
Per forza, l' qual purtava d Brava l cont.

32.

S'in s'attacconn là dentr, in s'acgnussevn,
Ch l'incant i aveva stravultà l cervell.
Gli arm continnament attorn i tgnevn
Per la mali ch'è dentr in quel Castell.
I cavall anca lor sti di gudevvn
Ugnun cun el sou brei attaccà al sell.
E tutt al di i magnavn a crepa panza
E fen e orz e biava in abbondanza.

33.

Atlant en sà, e s'n po gnanch arparar
Ch'in sella in montn sti tri cavalir
Per correr dri, si ponn, e pr'arrivar
A qula biezza, ch' i fa trar d gran suspir.
Angelica la mulla fa truttar
Pr al bosch, perchè l'an ved vluntira vgnir
Qui tri massar insem, benchè dsinvolta
Fors tutt tri l'ai turè, un alla volta.

34.

Prima l'ai fi pr al bosch un pezz asiar,
Fin ch'i funn dal palazz sluntanà tant,
In lugh, dov press a poch la psei pinsar
Ch'a n'i pessiis arrivar del Magh l'incant.
Un'altra volta la s turnò a cavar
L'anell d'in did, siccandal in t'un istant
In bocca, e la spari tutta in t'un tratt,
Lassand qui cavalir li cun'è tri matt.

35.

Sebben ch l'aveva alla prima pinsà
Torr sigh al Cont, o ver sia Sacripant,
Per bona cumpagni a cumpir la strà,
Ch'è d'in Franza pr andar finna in Levant;
Adess, all'us del donn, la s'è mudà,
Tulendi a nuia; e s pensa ch l'è bastant
Per salvarla, l'anell, dagli occasiom,
Senza aver a nssun d lor dl ubbligazion.

36.

A psei pinsar cm' i arstonn sti cavalir
A sta maniera veders minchiunar:
I armaan d strazz, senza saver capir
Cmod in t'un punt la s fues andà a rpiattar.
Aqusi del volt arresta 'l can livrir,
Quand ai scappa la volp, ch l'era per piar.
Angelica invisibil intant rideva
Ch'i fussen armas cm'è stlun, e s la gudeva.

37.

Ai era li in quel sit una stra sola,
E, sperand ch batta Angelica quàl vù,
D'arzunzerla per questa ognun s cunsola;
E Breiador Urland tuceva vù.
Ferraù 'n stà a guardar, mo 'l va ch'al vola,
Ne Sacripant as ved ch l'arresta indri.
Mo Angelica, tirand più la cavezza,
I arstò dedri, ch l'an i ha più tanta frezza.

38.

I tri campiun, currend sempr, arrivonn
In t'un crusad, dov i era più sintir:
Per la polvr e per l'erba lor guardonn
S'a se vdeva del pedgh andar o vgnir.
Ferraù, ch'era matt spasimà pr el donn,
E pin d superbia quant mai s possa dir,
S vultò ai altr, e cun mustazz brunzin
Ai dmandò: Dov andav, i mi segnurin?

39.

O turnà indri, o ch'a fadi un'altra strà,
Quand an vli armagur murt tutt du quai qui;
N'ev pinsassi ch'a fuss un incantà,
S'a vli a qu'istessa ben, ch'a in vui mi,
A vlevr per cumpagn. A udir sta cutà,
Urland diss al Circass: Aviv udi?
Mo pssèvl parlar d piz, qustù quì, s'anchù
Al s'aviss attruvà in t'al camp di bù?

40.

Po 'l s volta a Ferraù: Matton (ai diss).
S'an guardass ch'in t la testa t'i dsarmà,
Senza tant ciacchr, a pre far ch t et pintiss
D'aver a sta manira migh parlà.
Cosa t'importa a ti, 'l Spagnol i diss,
S'a vad sena' elm, e in tutt al rest armà?
Contra a tutt du, mi sol, e cmod a son,
Per far quell ch'a i ho ditt, a son anch bon.

41.

Urland al Circass diss: Fem al favor
E la curtisà d'imperstar l'elm a qu'ù,
Tant ch' ai cava d'adoss un po l'umor,
Ch'an ho mai vist un matt ugal a lù.
E Sacripant aspos: Car al mi sgnor,
Mo 'n srevia più matt mi? imperstail vù,
S'av par ben fatt: ch per mi, av assicur,
Quant vu, a son bon d'arvedri un po 'l cusedur.

42.

Uh! soggiuns al Spagnol, ai n'avi un pr'on:
Mo s d'aver l'elm adess mi avias a car,
Per livar l a tutt du mi sol son bon,
Senza brisa ch'al pssissi cuntrastrar;
Mo, per cuntary tutt el mi rason,
A sta maniera ai ho fatt vod d'andar,
E s i andarò sicuramente in fin
Ch an ho quell ch porta in co Urland paladin.

43.

Donca, i aspos al senator Ruman,
T pinsariss, da per ti, d'esser bastant
A vinz Urland, e mettri adoss el man,
E d fari quell ch' al fi lu d'Agulant?
Più tost mi cred ch s't al vdiass anch da luntan
T'impiriss per la pora i braghin d dant,
E, in scambi d tori l'elm, t' i dariass
A patt tutt el tou arm, e quell ch' al vliass.

44.

Ferraù da spaecon diss: Oh! quant volt
Oia cundutt al Cont al brutt del sacch;
E s'an i ho cun la vita l'elm tolt,
L'è sta ch'an ho vlu fari un quai gran smacch:
E po an s fa sempr quell ch s'è d far arsoit,
Ne sempr as sta all'istess pinsir attacch.
Adess mo ch' ai n'ho vuia, ai ho pinsir
Ch'am prà vgnir fatt più facilment al tir.

45.

An psei più star alla pazinzia Urland,
Es diss: Al mi busadr, sbiaffon,
In dov t'it mai truvà contra d mi, e quand
At pssù più d mi degli arm al paragon?
Quel paladin, del qual t' i t va vantand,
A son mi: guarda mo s'adess t' i bon
D psserm l'elm d'in testa cavar,
O s mi t poss ti degli arm tou dspuir.

46.

Mo sovra te an vui n'ssun vantazz.
In t'al dir sti parol, l'elm al s cavò,
Poch luntan attaccendì a un broch d'un fazz,
E Durlindana in t l'istess temp dsfudrò.
Ferraù 'n s pers, e, per darien un sazz,
Tirò la spada, e pront al s'accumdò
In manira da p'sser con quella e 'l scud
Riparar al zucchett, ch l'aveva nud.

47.

Aquì sti du bravazz s'eminzon a mnar
Di bun culp, tirand zo alla capuzzina,
Cercand s'is ponn da doss gli arm dschiudar,
L'un e l'altr, dov più l'armadura è fina.
Per tutt al mond an i era un'altr par,
Da p'sser cun qui du li mettr in duzzina.
I ern d'ardir ugal, d forza e d valor,
Mo, quel ch'è bell, in s p'ssev frir tra d lor.

48.

Bso saver ch Ferraù era affadà
Per tutt quant al so corp, fora del bligul:
Sol in quila part al p'seva esser furà
Per cavari la red, la milza e i strigul;
E quel po d sit, dov al n'era zermà,
Per scappar tutt i daun e tutt i prigul,
In finna ch'ì arrivò dila mort al soppi,
Al purtò sempr cvert d'lastr a sett doppi.

49.

L'era l'istess del fiol d madonna Berta,
Ch'era affadà pur tutt, non sotto ai pi;
Mo d n'esser fri in quel lugh sempr al sti all'erta,
Ea s'ì abbadava cun gran gelusi.
S d'arm i purtavn la persona cverta
Sti du (e la fama 'n conta una busi),
I andavn aquì pr aver d'arm l'insegna,
Chi han la pell dura più d'una masegna.

50.

Qui i umur s'inasprissn agn volta più,
E un contra l'altr sbuffa e s'attanaia:
La spada frolla intorn Ferraù,
E, dov l'arriva, 'l fora, stianca e taia:
In ozi 'l Paladin 'n sta gnanca lù;
Al dschioda gli arm a qu'altr e s'al travaia.
E Angelica, ch'in bocca tin l'anell,
Sta lì a guardar cmod finirà 'l duell.

51.

In st mentr Sacripant, forsi pinsand
Ch'andass innanz la Signora del Catai,
Quand Ferraù s'attaccò cun Urland,
Pistands insem, cmod s fa 'l suffritt cun l'ai,
Pr' un d qui sintir al s miss a andar cercand
Quella, ch'era dspari, causa d sti guai;
Lì sola armas a far testimonianza
E del Spagnol e del Paladin d Franza.

52.

Quand la vist ch la battaia andava innanz
E l'appassari era cosa improbabil,
Curiosa d vder del novità d'avanz,
E siccom l'era in t la so ment instabil,
La pinsò d purtar vi, senz'altr zanz,
D'attacch all'albr l'elm furmidabil,
E veder po cosa qui du san far
Quand la causa dila lit i è vgnù a mancar.

53.

Cun anm la n'al tols d fari un affront,
Appressa d li la n'al vol brisa tgnir,
Anzi l'appensa d vlerl rendr al Cont,
Mo adess tors un po d spass, e, cmod are dir,
Ridr al spall d sti du gunz la fa 'l so cont,
Un po la s ferma, e po vi pr'un sintir,
Senza dir altr; e s'era un pezz luntan,
Quand lor, ch'ì ammanca 'l bell elm, s n'addan.

54.

Ferraù s n'addì 'l prim del rabament,
E da Urland al s dspiccò, sparand un quattr;
Digand: Guardà un po qui 'l bel trattament
Ch z'ha fatt quel Cavalir, degn d'un bon mattr!
S'al z'ha purtà vi quì l'elm lusernt,
Cosa importa ch a stann più a cumbatt?
In t l'istess temp Urland alza la front,
E ai chersi la rabbia per l'affront.

55.

Al fu d'istess parer ancora lù
Ch'ai l'aviss purtà vi quel Cavalir;
E sprunand Breiador quant al po più
Al s miss a corr-ri dri cmod fa un currir.
A vedr andar in là al Cont, Ferraù
Vols seguitari, e i andonn a riuscir
Dov as vdeva i sign del pdà in t l'erbetta
Del cavall d Sacripant e dila muletta.

56.

Per la stra da man stanca ai andò 'l Cont
Vers una vall, dov al Circass andava;
Al Spagnol tign la stra più vers al mont,
Per dov la bella putta cavalcava,
La qual, in st mentr, era arrivà, a bon cont,
A una bella funtana es s'arposava,
Ch'ai era 'l più bon fresch, ch s possa mai dir,
Ch'invidava a rpusars i Cavalir.

57.

Angelica, ch fidava, e cun rason,
El sou speranz in t la virtù d'anell,
La guardò s l'accattava un qualch rungion
Dov l'ai passiss attaccar quel elm sì bell:
E po cercò s'ai era ngotta d bon
Da p'sser ligar la mulla attacc a cvell.
In t'un lugh dov ai fuss bona pastura,
Ch la s passiss cavar la faun con la verdura.

58.

La s' mias po a seder alla fontana in riva
Cun bon pinsir d' pssers arpassar un pzol:
Mo, appena ch' l'è azaccà in terra, l'arriva
Currend a precipizi quel Spagnol.
A vedrli, l'arstò più morta che viva,
D'in did l'anell in bocca dlung la tol.
Quand l'erraù la vist, con gran algrezza,
Pr abbrazzarla, vers li caminò in frezza.

59.

Mo dai uech in t'un attm la i dèpari,
Cmod fa i insuni in t'al dèspuntar dl'aurora.
La lassò per la frezza l'elm li,
Che torl e purtar vi la 'n arriva ora.
Lu la cercò dattorn, quant al pesti,
E, 'n la trovand, l'andò in tant malora
Dov al vist cascà in terra 'l bon elmett.
Blastmand dalla gran rabbia Macumett.

60.

Pr el litt ch' l'ha dintorn, esser d'Urland
L'elm al cgnussì, tant quant al l'avi vist;
Ch'el cuntavn in ch' manira, dov, e quand
Al Cont, e contra d'chi, l'in fi l'aquist.
Cun quest in part al s'andò consuland,
E po turnò a cercar s'al vdeva 'l pist
D' quella ch' era scappà; ch' al sre sta un matt
L'elm a sort attruvà 'n tgnir adacatt.

61.

Al girò per quel bosch con un gran stent
Cun la speranza pur d' psserla attruvar:
S'al la trovava l'era tutt content,
E s'en saveva cosa d' più s'bramar.
Quand al fu stuff d' cercarla, finalment
Al vist ch' an i era cas cun zirundlar,
Turnar al camp al fi risoluzion,
Sotta a Parigi, a vedr al so patron.

62.

Al s' consulava po dentr da lù,
S'an s'era cun Angelica sfugà,
Cun al guadagn d'aver pur l'elm avù,
Ch'era d'Urland, cmod l'aveva zurà.
Quand av al Cont la verità savà,
Al Spagnol fu da lu un gran temp cercà:
E d' più prest al n'i psei far rendr i cont
Sn quand ai tols la vita tra du pont.

63.

Senz'esser vieta, Angelica s' n'andava
Per la stra, da per li, mesta e dulenta;
D'aver pers l'elm fort a i aghevava,
E d' n' l'aver tgnù in gremb al par ch' l'as penta.
E, avend vlu battir al nas dov n'impurtava,
La bruntlava sott vos, e squas piangulenta:
Per quant obligh ai ho al Cont, verament,
A dirlo, quest è un gran trist pagament.

64.

Al cil al sa s'aveva mi intenzion
Cattiva, e d' st brutt imbroi fort am in despias.
Mi vleva dar la roba al so patron,
E l'elm a tols per mettri tutt du in pas,
Non za perchè al l'avis quel brutt tamplon!
Quel l'as duleva, sola, di su cas
Angelica, dsgustà d'aver st affront,
Involutariament fatt al bon Cont.

65.

La s' miss po pr una stra tutta dsastrosa;
Ch' la condusiss vers al Catai pinsava;
Dseverta del volt, del volt l'andava ascosa,
Second al so bisogn, e 'l cas purtava.
Dop aver caminà un bon temp, sta tosa
In t'un bosch l'arrivò, dov s'attruava
Tra du ammazzà, un zuvnett instramurti,
Puvrin, in mezz al pett anca lu fri.

66.

Lassèn mo star quì Angelica tra tant,
Ch' ai ho degli altr cos da dir in prima;
Ferraù lassèn anch, e Sacripant,
Ch' sn da quì a un pezz in turnaran in rima.
Mo an vui miga lassar al signor d'Anglant,
Al qual s' sinteva al cor una cert lima,
Ch' i dava affann, e i fi far di strassin,
Pr uttgnir quell, ch' an psei mai aver in fin.

67.

Alla prima città dov l'arrivò,
Perchè d'andar d'arpiatt l'aveva cura,
Al tols un elm nov, e s' n'abbadò
Brisa alla tempra, s' l'era tendra o dura.
A lu an i importa nünt, perchè in t'al s'ò
Esar affiadà, più d' tutt, al s'assicura.
E 'l torna deo a cercar, cun gran lament,
E d' nott e d' di, per sol, pr acqua e per vent.

68.

Ch'as arpundias la nott l'era inst ora
In t'la so negra tana, umbrosa e secura;
Da lett s'era livà la bella Aurora,
Per sparguiar la guazza in t'la verdura;
Al sol, per seguitar sta bella signora,
Era muntà in cassetta cun premura;
Quand, avsin a Parigi per cas passand,
Un segn del so valor fi vedr Urland.

69.

Al s' incuntrò in dou squadr, e Manilard
D'una era 'l capitani, om ben prudent,
Re d'la Nurizia, al qual fort e gaiard
Fu in t'la so zuventù e suldà valent.
In t'la seconda, sotta al so stindard,
Al re Alzird conduseva la so zent;
Alzird, re d' Tremisen, che sempr fù
Brav cavalir, fin ch' l'avè fià, cgnussù.

70.

Sti dou, e di pagan ogn altra schira,
Ch'in t' l' vsuauz d' Parigi han za svernà,
Alla 'rsegna purtavn la bandira,
Per quest apposta da Agramant chiamà.
L'aveva tintà più ben d' una manira
Pr' impadrunir, quel re, d' sta gran città:
Mo, vend ch per parlar a i era altr remedi,
Al vol tintar s' al la po aver pr assedi.

71.

Per far sta cosa, l' ha di suldà arduu
Magara, senza qui ch passonn al mar
Sigh, e ch' al re Marsili i ha cundutt;
Dimundi in Franza al n' ha fatt arular;
A in paseva anch ben arcuier da per tutt,
Ch la forza 'l feva in quel pais emandar.
Da Parigi a Orleans e Lengnadoeca
L' occupa agn cosa, ecettuà quila Rocca.

72.

Gaiosa s vdeva za, e in abit galant,
Cunza all' usanza, e un par d scarpini d mora,
Incurunà cm' un Cesar triufant,
La bella Primavera saltar fora,
Quand intimò la mostra 'l re Agramant
E ch s' arcuiss la zent Spagnola e Mora
Al sou bandir, e tutt qui signori ch s' ern
Stuntanà dai quartir, in temp d' invern.

73.

Manilard per sta cosa donca vgueva
In cumpagni d' Alzird, tra d lor dseurand,
Pr andar tutt in quel lugh, dov as aveva
D' ardur l' esercit, a tenor del band;
I s' incuntronn a cas, emod poch fa a dseva,
Cun 'l sou cumpagni, sti signori e Urland,
Al qual, cunform al so solit cercava
La causa per la qual al suspirava.

74.

Quand al re d Termisen usservò 'l Cont
Andar da franch a visira calà,
In aria d bon suldà, cun alta front,
In bruyca guardadura, e ben armà,
Squadrandi ben cun i uech dai pi alla front,
Per Mart al le tuli ch fuss li arrivà,
O un uffizial d purtà e valuros,
Mo in t' al pravarli al fu un po tropp ferzozos.

75.

Pinsà, l' era zurnett, l' era arrugant:
L' aveva dl' anm, e dia forza in t gli oss:
Al s miss subit in aria da giustrant;
Mo al sre sta mei s dal so post an s fuss moss,
Ch in t' l' incuntrar ch' al fi 'l Prencip d' Anglant,
L' andò in terra avversà a travers d' un foss,
In mezz al cor propriament culpi,
E al cavall scappò vi tutt insupuri.

76.

A st fatt, as alza un url ch fa spavent,
Ch' insurdi la montagna attorn e 'l pian
A vedr al lte murir in quel mument,
Ch n' aveva ammazà tant cun el sou man:
Contra 'l Cont as moss tutt la so zent,
Cun gli arm pronti e arrabi cm' è i can:
E, chi 'n si po accustar, i sol la mira,
E, da luntan, cun l' arch, del frizz i tira.

77.

Quel ch' in piazza farev i biricchiin
Ai ventquatt d' Agost, per la puradina,
S' a si ficcass tra d lor un cuntadin,
E chi al vdisan purtar vi una gallina;
Tutt i andarevn adoss, e grand e pzin,
Cun di calz in t al cul, pugn in t la schina,
Fa i vustr cunt, ch l' istess era l' armor
Cun al qual, contra Urland, s mossen tutt qulor.

78.

Più d cent dard e d cent spad e più d cent lanz
In t' una volta andonn adoss al Cont:
Chi i mena per dedri, chi per dinanz,
Chi i accui in t' un fianch, e chi in t la front:
Mo quell, ch n' avì mai pora, en sti a far zanz,
Ch' al feva d quila canaia inst quel cont
Ch sol far del blar di agni un lov affamà
Dentr in t la mandra, dov sta 'l pigur, intrà.

79.

Durlindana, l' aveva striccia in pugn,
Bella, luseuta, e forsi aguzza d fresch,
E ch l' ha servì in tant altr au bisugn,
Contra 'l Spagnol e contra 'l Barbaresch:
Tant volt al s' è trovà cun questa a grugn,
E cun so unor, cun l' esercit muresch:
E tant al n' ha ammazà, ch' in t' una lista
An cred ch' ai passies arcuir un computista.

80.

Qui curazza ne scud, elm o zucchett,
Cappell, turbant dai cul ponn arparar:
Perchè ai staga tant murt al sit è strett,
E pr aria braz e test s veden vular.
La mort intorn gira, es fa un ghignett,
E da per li la dis: Am poss fermar,
Che quest cun la so Durlindana tronca
Più vit, ch' an sui far mi cun la mi ronca.

81.

Al mena zo a dou mau cun gran prestezza,
E fora, taia e stianca dov al cui.
In fan più per saltari adoss dila frezza,
Anzi ch' ognun s' artira, ognun s la cui.
Chi va a travers d' un pra, chi un camp scavezza,
E s n' abbadn al sintir s l' è tutt o mui.
Senza star a dmandar s l' è in bona vi,
Ugnun s la batt per dov al portu i pi.

82.

Per quel camp la virtù, cun un bel spech,
Ch mostrava d'anma 'l macch, girava in st mentr:
Mo an i fu chi i vultass l'occh, zoven ne vecch,
Tant prem a tutt d salvar pr i figh al ventr.
Intant al re d Nurizia sol, om vecch,
Dall'unor al s sinti sprunar per d dentr,
E, per murir cun gloria, al vols far front,
Per quant al pseva, alla forza del Cont.

83.

L'arbassa l'asta, e an cui dov l'ha mirà;
D sfuzz al chiappò in t'al scud, ne 'l Prencip s moss.
Quest, ch ha la spada in man bell'e ammanvà,
In t al passar, al tirò al vecch adoss.
Al fu dalla fortuna al re aiutà,
Ch in t al culpirl in man s prillò 'l paloss
D'Urland, sebben ch'in tutt al n'andò in fall,
Ch al vchieitt tins cascav zo del so cavall.

84.

Al re insturni zo del cavall stramazza,
E Urland senz'abbaduri tira innanz;
I altr al taia a travers, astrupia e ammazza,
Bustava ch'ai chiappasse, ch l'era davanz.
Aqusi 'l falchett, s'al dà ai sturni la cazza,
Tutt ai sparguis, e tutt ai manda innanz:
Tel e qual feva Urland, e as pseca chiamar
Felz quàn ch'ha bon gamb da psser scappar.

85.

Fin tant ch'a in vist di viv, a in fi tunnina;
Dop Durlindana in t'al fodr l'arpos;
E, cun l'idea d cercar la so fandsina,
D'intorn al volta l'occh, es stà suspttos.
An sa s'al va alla dritta o alla mauzina,
E d'arradgar la stra l'è tant spuros,
Ch s'al s mitt a caminar pr'un qualch sintir
E ch li vada pr un altr l'ha in pinsir.

86.

Per tutt el stra a in fa dmdanda ben e spess,
Cercandia pr el campaign, pr i bosch nmbros:
E, siccom l'era aqwas fora d se stess,
An s n'accorz ch l'è zo d stra, e vsin s'ardus
La sira, a pè d'un mont, dov da un sass fess
Al ved dalla lontana un'n so che ch lus:
E lu alla lum s'accosta, pr indagar
S l'Angelica s fuss mai là andà a intanar

87.

Cmod fa un bon can livrir, quand al patron
L'ha condutt fin al bosch con al sfurzìn,
E po ch la molla i dà, zo pr'al macchion
Al nasa tutt i cuzz e tutt i spin,
In t l'istessa manira 'l fiol d Milon
Cercava da per tutt quel bel nnsin,
Pr al qual l'ha furà l'cor da un mias d'puntur,
E cun la lum del di, e la nott al bur.

88.

Dov è più largh al bosch al Paladin
Arrivò, seguitand quel po d berlum,
E'l vist ch'al vgneva fora da un fenestrin
Ch a una grotta ben granda dava 'l lum.
Una zeda d'zanevr e d spin servin,
Per dfenderla dal rusch e dal pattum,
Serveva per mnrell e per purton
A qula salvadga e rozza abitazion.

89.

L'an s pseva vedr d di, mo la nott bura
La lum se vdeva per qula finestra averta;
Quell ch poss'esser Urland pensa sicura,
Mo pur al vol saver la cosa certa.
Al liga Breiador, es l'assienra,
E po quacch quacch al va alla grotta cverta,
E, siccom in t la forza so l'confida,
L'entra dentr, sebben ch'an i è ch l'invida.

90.

Pr una scaletta in st sit al va zo bass,
Ch al par dov fu suppli d Marta 'l fradell:
L'è incavà dentr per bon spazi al sass,
E tutt in volta a forza del scarpell:
Per dov andari dentr è incert al pass,
Ch al Sol i fava lum de di bell bell,
Mo una finestra incavà dalla man stanca
I dona tutt al rest dila lum ch'i ammanca.

91.

In mezz a sta spelonca, avsin al fugh,
Ai era una zurnetta, ch pseva aver
Quinds o seds ann; mo sovra d quest an tugh
Un zurement, perchè l'va salvà 'l ver;
L'era tant blina, ch la feva quel lugh,
Cun el son blezz, un paradis parer.
As vdeva però ch l'era mal contenta
Dai nech amergulent, e dalla vos dulenta.

92.

Sigh ai era una vecchia, es litigavn,
Chè questa l'è del donn antiga usanza:
Mo, quand el vistin Urland, in pi 'l s livavn.
E lu i fi un bel salut in lengua d Franza.
Lor, ch'el franzes speditament parlavn,
Gli arrindinn al salut cun gran creanza:
Mo gnanch per quest un po gli arstonn smarri
A vedr st furastir arrivar li.

93.

A pssè pinsar, a vedr intrar la zò,
Da qul'ora, qul'om armà, quai fier in vista.
Ch'in quila tanoccia all'impravis s muotrò,
Che gli arstonn d strazz, cun un po d pora miata;
Per fari d'anm, allora lu i dmandò
Chi fuss mai sta quel can, qul'anma si trista.
Quel cor si dnr e barbar ch'igness suppli
Una bellezza si fitta in quel sit li?

94.

Dal gran sunsir ch la feva, e dal magon,
Dal suspirar, dal lunghe esser in travai,
Più volt cminzò la zovna el sou rason,
Per cuntari l'istoria di su guai;
Infin ch la n'av sfugà un po la passion,
La 'n psei prufir parola intira mai:
La disse po finalment... Mo a vui finir,
Perchè am par ora d'andar a durmir.

VIN DEL CANT DODE.

CANT TREDICESM

ARGUMENT

*I dsastr ascolta dla mrosa d Zerbìn
Al Cont Urland, e comod l'è sta tradi;
Dop l'ammazza tutt quant i malandrin,
Ch per forza l'han ficcà in gula grotta lì.
Per Ruggir, Bradamant s mett in camin,
Mo in t'al tugh incantà l'è inganurdi
Dal vecch Atlant, con tutt i altr ingannà.
L'arvista fa Agramant di su sùddà.*

1.

Feliz s psevern chiamar i Cavalir
Errant, quand i accattavn, in t al viazar,
Dentr in t el grott, per bosch e brutt sintir,
Sol per fortuna, quell ch 'n s po attruvà
Adess d città e d palazz in t'i quartir,
Una zovna da pser bella chiamar,
Ma bella propri d bon, alla sentenza
D giudiz, sovra a sta cosa, d'esperienza.

2.

In quì altr Cant av disse ch'in gula spelonca
Urland a gli attruvò una bella putta:
Adess, tirand innanz, a dirò donca
Ch'ai dmandò chi l'aveva lì cundutta?
E li cun vos da smergul e auspir tronca
La s preparò a cuntar l'istoria tutta
Di su cas e del dsgrazi al Cont Urland.
Al mèi ch la po, cun mod grazios parlant.

3.

La cminzò a dir: Se ben ch mi son sicura
Ch'al mi parlar n em fizza benefizi,
Perch d'quì ch m'ha asrà qui dentr, sta figura
D sta vecchia i in darà subit indizi,
Gnanch per quest am tgnèrò la mi svintura
D'n dir tutta, e l rest vada in precipizi.
In t'agn mod, mi per mi n 'm stagh s n'asptar
D torn da st mond, e quasi ben prest sgablar.

4.

Isabella mi m chiam, ch prima za a fu
Fiola mal fortunà del re d Galizia:
A digh ch a fu, ch'adess an son za più
Sn fiola del dulor e dla mestizia,
Sol per colpa d'amor, al qual fu lù
Di mi mal causa, es fu la so malizia:
Ch'appressa d lu tutt i prinzipi en ban,
Dop l'inganna, e la red ev tend d sguitun.

5.

Mi m'in viveva del mi stat contenta,
E zovna e ricca e bella e ben avià;
Adess a son dvintà povra e randlenta,
Es poss star all'impar del più dsgrazia;
Mo, per cuntarev tutta la dulenta
Istoria, e cosa m'ha percipità,
S'an m vliasi succorrev, tuttavì
Qualch sulliv arò, s'am cumpatirì.

6.

In Baiona mi padr fi cert giostr,
Ch al srà d'allora in za passà dods mis,
E, per l'armor dla fama, in t el terr nostr
Al vign di cavalir d luntan pais,
Tutt dign d'esser luda cun bon inchiostri;
Mo sovra a tutt Zerbìn, am fu d'avvis,
Fiol del re d Scozia, ch al n'avise egual,
Ch la so blezza e l'amor m' d'pinzin tal.

7.

Al vist, in ordn alla cavallari,
Far del cos, ch'an so comod el s possen far;
E st valor quì 'm scaldò la fantasi,
Ch a poch a poch am sinti innamurar:
E, sebben ch'am accorz ch'an son più mi,
An cred per quest d averm a vergagnar
D'esser innamurà d'un decalzacan,
Mo del più bell e brav ch sippa tra i cetian.

8.

Per la blezza Zerbìn, e pr al valor,
Sovra ai altr par su al purtava 'l vant:
Lu mustro, es cred ch'am purtaes anch amor,
E ch'in t al ben, quant mi, 'l fuses avvampant.
An mancava chi z fies l'ambassador
Anch dop ch'al fu andà vi tutt i giustrant,
E ch fu lu istess da Baiona partì:
E quasi 'l nostr ann arstonn per sempr uni.

9.

Quand al fu finì 'l giostr, al mi Zerbìn
In Scozia da so padr al vols turnar,
E mi arstò cm'è una lum senza stuppìn,
E s vu avi fatt l'amor al psei pinsar.
A son ben però certa ch'l'azzarrin
E la lesca cun lu dseva adruvar
Amor, e cun al fugh tuocarel sù,
E, n'pessend star, al cerò ch mi andaes da lù.

10.

L'esser mi saracina e lu battà
Funn causa ch' a mi padr al n' m dmandò,
Per pora ch' an i fuss da lu dengà,
E un altr mod pr averm al s' appinò.
Mi aveva un bel zardin fora d città,
In vetta a una collina, in dov a sò
Ch a stari d co, e d' intorn ben guardar,
Dalla luntana as ved i mont e 'l mar.

11.

St lugh i pars a proposit per psser far
Quel ch z' è pruibi dalla lezz turca e estiana.
Agn cosa 'l miss all' ordn, e 'm fi avvisar
Ch a fuss in pront in t' al tal di dila stmana;
Dop a un' isola vsina al fa arpiattar,
Cun dila zent armà tutta, una tartana
In guardia a Udurigh d Biscaia, in terra.
E pariment in mar, gran mestir di guerra.

12.

E ch' an pssava in persona far st affar,
Perchè so padr i ha addussà l' intrigh,
Pr aiutar Carl, tant suldà 'rdunar,
E per quest al mandava st Udurigh,
Assicurandm ch l' è perfett e rar
Tra tutt qui ch' al pinsava esser su amigh,
E s' duveva esser tal, s' i benefizi
Han forza d' aquistar degli amicizi.

13.

Che quest' are vgnu cun la tartana armà,
In quel giorn ch' am diess, per torm d li.
L' arrivò finalment qu' ora bramà
Ch' in quel zardin am lassò attruvar mi.
Udurigh, dal sou zent accumpagnà,
Intant s' accosta: in t al calar del di
Dri a un fium dsmuntò alla città nostra avsin,
E s' arrivò qued qued al mi zardin.

14.

In t al vascell za pront mi a fu cundutta,
Innanz ch andass la nova alla città;
Gran part dila mi fameia la fu destrutta,
Di altr scappoon mix nud e tutt daarmà.
In schiavitù fu n' altra part ardudda;
Aqusi dal mi paes am tola cumia
Cun quanta algrezza mi n' v' al pre cuntar,
Sperand al mi Zerbin preest d abbrazzar.

15.

Ai ern sovra Monza vultà arrisgh,
Quand as livò un gran vent dalla man stanca:
Dalla gran pora a funn per d'vintar tiagh
A vedr ch la burasca più s rinfranca;
Al vent grech anca lu z manda a un gran risgh,
Ch s' è livà per travers, e la nav s' anca;
E tant al cress, e tant al s' arinforza,
Ch' an zova nient eundur la barca a orza.

16.

Al zova poch tintar tutt al pussibil
Pr en s' arbaltar, e andar po in t l' acqua a mui;
Ma, a nostr dspett, a vden ch' al vent terribil
Vsin a Ruzzella vre fars dar in seui.
S' an aiuta quel dsotra, l' è impussibil
Ch' in salv a psamm' nscir da st guazzabai:
E del vent, ch suppia sempr, era custrretta
La nostra barca andar cun' è una saietta.

17.

Udurigh, per pruvèr a st gran flazell,
Prova un remedi, che spess sol zuvar,
Al cala prima lu zo in t' al battell,
E po 'm dà man, ch' ai possa anch mi dsmuntar:
Du omn al tola, e a in sre tgnu dri un drapell
S' i du damuntà i avissm lassà far;
Mo cun egli arm i finn star indri qulor:
E, 'l cord taiand, az sluntanon da lor.

18.

Nu quattr, ch z' ern in t al battell piantà,
In terra a funn cundatt a salvament:
Mo qui puvritt, in t la tartana arstà,
Is andgonn tutt, per causa del gran vent.
Mi, quand am vist sicura, la buntà
A ringraziò del cil, cun cor content
D' essrm salvà dal gran foror marin,
Cun speranza pur d' vedr al mi Zerbin.

19.

In gula barca ai aveva 'l zoi, e 'l vest,
Cun altr cos più cari e più prezios:
Pazinzia s' a li pers, d quest am pruteat,
Basta ch' a passias aver Zerbin per spos.
Dov a dsmuntonn, ai era un mont, che s vest
D buscheid, bagnà dal mar, d' intorn ombros,
Dov an s vdeva nssun sign d sintir ne d vi,
Ne d capanna, ne d cà, ne d ustari.

20.

Quasi qui m' aspttava Amor cun al bicchir
In man di guai, perchè a in bviss un surchiott,
E ch a pruvass un poch cosa vol dir
A seguitar un orb, un furbacchiott;
Un tradiment ben grand av farò udir
In pergiudizi urdi del princip Scott:
Quel car amigh d Zerbin intrò in tla red,
Es d'vintò un fugh pr amor, un griazz pr fed.

21.

O ch al fuss anch d mi prima innamorà.
E ch' a dirla 'n fuss sta quasi impertinent;
O ch' allora ai saltass quila vultà,
Basta: cm' al s vist in st sit, ch' an i era zent,
E senza star aspttar cumudità,
L' appensa d far al so pinsir content.
Mo prima al vol mandar luntan da lù
Un d qui du, ch' en scampà in burchiell cun nù.

22.

L'era un scuzzes, ch'aveva nom Almoni,
E fedel quanto mai al so patron;
Zerbin istess in feva bon testimoni
In t'al darl cumpagn a quel zaltron:
Al qual dias: An sta ben, sangu del demoni,
A far andar a pi, senza decherzion,
Sta signora alla kuzzella; a prissi andar
A tor sedia o cavall, e qui turnar.

23.

Senza sospett Almoni in là s'aviia,
Perchè, cmod av ho ditt, l'era un bon estian,
Vers la città, la qual cinqu o si miia
Al lugh in dov ai ern era luntan;
A quì altr po Udurigh descruvr s cunsia
Al po pinsir, e l' dsegn ch l'avea pr l' man:
Non tant perchè an sa l' mod d toral da là,
Quant perchè al s'in fidava purassà.

24.

Cureb d Bilbao l'era quest chiamà,
Ch'av ho za ditt ch l'era armas li cun nù.
Infinna da tuset pzin arlivà
In t'una cà medesima cun quì.
Cun la speranza d'essr secunda,
Al conta donca i su pinsir a quistù,
Pinsand ch'al n'al vlliss brisa dscumpiasser,
E per l'amigh ch'l'abbandunass al dver.

25.

Mo Cureb, om unest, prob e curtes,
An pss sta cosa sentr senza sdegn:
Ai diss ch l'era un bricon, e s'i cuntes
Cun parol e cun fatt al so brutt dsegn.
Tra l'un e l'altr la rabbia s'impres
E cun gli arm alla man i in dinn al segn.
Mi, dalla pora, quand ai vist dsfudrar
El spad, am niss per quel bosch a scappar.

26.

Udurigh, ch sà tgnir ben in man la spada,
Per mi dsfurtana, prest av al vantazz;
In terra al lassò dtes al camarada
Squas mort, es m'arzunai in t'al mi curt viazz;
Mi cred, perch l'arrivass a mi, mal nada,
Gli ai amor imperstass al baruuazz.
Ch'a gl'ingnass d'lusingarm, e ben pergar,
Perchè am dvlutass a vlerl cuntintar.

27.

Mo i pregh andonn al vent, ch'am era r'solta
Più tost murir, che cuntintar in st fatt:
Ma, po cm'al m'av pergà più d una volta,
Al minazzi al passò tutt in t'un tratt.
Nünt vals al diri d'in cà d chi al m'ha tolta
Per cundurm a Zerbin, ch'an fiss al matt.
D Zerbin an vols ne d'nor arcurdars,
Mo al provò d far de tutt per scaprizi rs.

28.

Tntt quell ch'a pseva in quel mument a fi,
Dl'unuratezza mi per dfendr al frutt:
I en senza numr i calz e i pugn ch'ai di,
E s'i sfisò l' mustazz cun di sgranfignutt.
Lu 'm s'attrava cmod fa un can arrabi,
E mi al mnrsgava, e ai deva di cazzutt,
Ai strappava la barba dal massell,
Cun di vers e di zigh, ch andavn al strell.

29.

An so s'al fuss cun al mi gran strillar,
Ch del miia am fiss sintir in luntananza,
O verament, ch'a corr-r in riva al mar,
S' qualch un fuss per prigrular, i aviam usanza,
'N so quant omn s'visten arrivar
In vetta al mont, e ognun vers nu s'avanza.
Quand Udurigh ai vist, am lassò star,
E quant al pseva al emncipiò a scappar.

30.

Perchè al mi unor allora n'andass abris,
Causa Udurigh, qulor propri funn al cas;
Mo ben ver a cegnuss l' pruverbi ch dis:
Chi scappa la padella va in t' l bras;
Ch'im cndussn qui dentr, qui anm bis,
E qui, benchè in person, a viv in pas;
In han la mi persona nessun tuccà
Non za perch'i avn in lor tanta buntà;

31.

Mo perchè i pensn sovra d mi cavar
Più quattrin purass s'im lassn aqusi;
Dagnora l'è nov mis, al mi sgnor car,
Ch a son sta viva in sta grotta suppli.
An serv ch a vuia più a Zerbin pinsar
Perchè, per quant em par d'aver udi,
I han avù la caparra da un mercant,
Ch'em vol cundur al Gran Turch in Levant.

32.

Sti cos cuntand, la povra ragazzella
Più volt bugnò dal pianch ch l'as aquadass;
E l' vgneva fora da qula bocca bella
Di suspir ch fevn cumpassion ai sass.
Del piant l'avea bagnà fin la stanella:
Mo, quand Urdan vols dir ch la s cunsulass,
Da vint omn intronn dentr in t la spelonca
Armà tutt, chi d'un spect, chi d'una ronca.

33.

Quell ch'era principal tra sti assensin,
An s po dir quant al s fuss brutta figura:
Dall'occh dritt l'era guerz, e dal mausin
Losch, al gnardava cun un'aria bura.
Quest, quand al vist a sedr al Paladin
Cun Isabella, e dscurr-r alla sicura,
Vultà ai cumpagn, al diss: Uhi, fiù, guardà
Un usell, ch'an i ho tes, ch s'è qui intramplià!

34.

E, volt al Cont, ai diss: Ben arrivà!
T'i iust al cas, per quell ch'a vad cercand.
Qualchedun t l'al ditt, o l'at forsi indvinà,
Ch t'i vgnn a cercarm a posta da sti band?
Un'armadura a vleva, e ti adoss t l'hà;
T pn eminar donca a vgnirita zo cavand.
T'i verament a temp iust arrivà
Pr arparar a sta mi necessità.

35.

Urland, ridend, es livò su in t'un tratt,
E al ladr a sta manira arspes da pront:
Mi t vindrò gli arm, e s faren al cuntratt
Senza ch'un cumputista i fizza l' cont.
Acquisi digand, più prest ch n'è al lard al gatt
Chiappò un rustizz impres, e vers la front
A gli al tirò cun forza, e l chiappò a cas
In dov cunfina cun el zii al nas.

36.

Mo perch l'è un pezz d legna ben impià,
El zii e anch i pulpird i mandò in fum,
E, d sovra più, ai sfundò qu'altra impanà,
Per dov quel mascalzista i vleva lum.
E an s cuntintò pr infin ch'an l'av mandà
Tra i più a cercar a qu'altr mond al fium
In dov Caront, sebben ch fort ai aggriva,
Va gli anm cundusend a qu'altra riva.

37.

In qula spelonca ai era d nus un quadr,
Ch era, da press e poch, ott dida gross,
Dov feva el sou magnazzi tutt qui ladr,
Ferm in t'un pè mal fatt, stabbia all'ingross.
Cun la so forza, Urland al tols zo d squadr,
Es al ficcò, dov più fies i ern, addoss
Cun qula facilità, ch qui del Pradell
Fan per l'aria vular sasse e piastrell.

38.

L'asfrittla a chi la panza, a chi l mustazz,
A un altr al fa del cusc un fracassà,
A quest scavezza l gamb, a qu'altr un brazz,
A quell la testa i dventa una frittà.
Oh vut mi, ch'in daran più a nessun impazz.
Ne i assassin i faran più da strà!
Al zil, ch'en paga agn sabot, i ha qui arzuont,
E Urland è quell ch a tutt fa rendr i cunt.

39.

S'un altr avies vlu far un colp quai grand,
Al s erev sicura miss a un gran azzard:
Mo al n'è da maraviar s'al le fa Urland,
Perchè a savèn quant l'era mai gaiard.
Puch di fa a l'avèn vist li per quel band
Destruzz i suldà d'Alzird e d Manilard:
E po, magari i ladr tutt del mond
Allora fussen sta dentr in quel fond.

40.

Qui ch n'asquizzò l tavlazz, vlevn scappar,
Mo pr attruvà la porta in funn si prest,
Ch'essend accort Urland d quell ch'i vonn far,
Dinanz a lor ai saltò lu più lest.
Quisti ern in sett, e tutt ai vols ligar,
E pr attruvà dla corda al n'andò imprest.
Ch là dentr ai n'era bona provision,
E qula volta l fi lu da Montilion.

41.

In manira ligà, ch in s possien sbattr,
Ai strassinò da qula tanoccia fora,
E, in t al guardar d'atorn, al s'vign abbattèr
A vedr un sorbl, ch feva una bell'ora,
Cun la spada l taiò trei brocc ch quattr,
E, cun risoluzion che ognun d quor mora,
Ai taccò per la busela a qui rungion
Perchè i serviss d past ai galavrun.

42.

Intant al cul d qula vecchia fea lapp lapp
A veder quel mazell e qula beari;
An i arev un gran d mii passà pr el stiapp
Per la pora d n'arstari li anca lì
La marchid prest, senza pinsar al tapp,
Ch l'an s di gnanch temp d dir: Messir, teum dri,
E, scappand, l'arzunzi un cert Cavalir
Vain a un fium, mo chi l s fuss an v'al vui dir,

43.

Ch'an poss addoss abbandonar qula sgnora,
Ch s'aremanda al cont Urland a brazz avert;
E s dis: Av tgnarò dri per tutt d'agn'ora
Par ch'am guidadi fora da ste desert.
Lu la cunforta, e quand la bella aurora
Av l'uss del Sol, dal la d levant, avert
I vgnion fora d là dentr, cavalcand,
E s n' andonn, d vari cos fra d lor dcurrand.

44.

In bona cumpagni tri di i andonn
Senza niint attruvàr degn d relazion:
A mezz di quattr di po i attravonn
Un Cavalir, ch'era cundutt person;
A dirò in altr lugh s'i al liberonn.
Adess a torn alla fiola d'Amon,
Ch'a lassonn za, es v'al dā ben arcuardar,
Tutta dulentà, e pina d lassm star.

45.

L'era la gvernatriz li dla Pruvenza,
E tutt al di a cavall d'intorn andava
Cercand, cun gran valor e diligenza,
Qualch'un di nunnigh, ch'intorn spess rubava.
Li tgneva in st mod a stecch d qustor l'insulenza,
Dandi la cazza quand la in accattava:
Quasi l part la feva d'un bon gvernotar,
D suddit fedel, e ver suldà d'nnor.

46.

L'aspttava, ch'era un pezz, cun gran premura
Al so quasi fatt, mo la n'al vdeva vgnir:
E quasi passava 'l temp, e quila figura
Da nseuna banda s vdeva cumparir.
A psei pensar s la pianz, sta cheriatura,
S la s lamenta e s la butta di sospir.
In scambi ch l'arrivass lu, una mattina
La ved Melissa vgnir, la savia indvina,

47.

Quand la vist arrivar sola suletta,
Senza 'l so car Ruggir, sta tal dunnina,
Ai vins squas un smalvin dalla gran stretta.
E 'l gamb i fevn sotta dirindina.
La maga, ch'acgnussai 'l mal d sta zuvnetta,
La s'i fi innanz alligra, e s fi zrisina,
E, cun aria ridenta, la fa cont
D'aver, per daniel, del bon nov in pront.

48.

N'avà pora d Ruggir, ch l'è viv e san
E più che mai av vol anch ben, la diss:
Mo al n'è d so libertà, ch' quel baraban
Del Negrumant in altr bgull l'ha miss.
An serv staran qui a cnvars el man,
Bao muntar a cavall, chi vedr al vliss.
Mi v'insgnarò, basta ch'am tgnadi dri,
Per liberar Ruggir, la vera vi.

49.

La tirò innanz cuntandi del palazz,
E d st altr incantament urdi da Atlant,
E emod, parend tutt li in t'al mustazz,
Al par ch la sia purtà vi da un zigrant.
Ruggir per liberarla è arstà in t'al lazz;
Mo cosa? an ved più niint, emod al fa a tant
E dam e cavalir, ch'in la arrivà,
Trattgnendi tutt in quì intrigh avluppà.

50.

Al mostra a tutt, quel brutt vecch traditor,
Quell ch'ognun cerca cun al so pinsir:
La mrosa, al mros, l'amigh, al servitor,
Quand una sgnoza e quaud un cavalir.
Là dentri i cerchn tutt cun gran dutor
Quel che più i prem, e s vren dl'affann uscir,
Tant ani pur speranza d'acccatar
Quell, ch'in pran ai su di mai attravar.

51.

Quand vu là arrivari, dis, da quila banda
Dov ha quel Magh al so palazz piantà,
Av vdri li cumparir, cosa ammiranda!
La figura d Ruggir propri spudà,
Ch par in gran prigul, e vultà a vu 'l s'aremanda,
Cmod are s'al fuss in gran necessità,
Perchè a succorri vu 'v muvadi intant,
E a st mod a si tirà dentri in t'l'incant.

52.

Perchè an dadi in t la red, dov tant e tant
En cascà. mi d sti cos v' fazz avverti:
Sebben ch a pinsari d vedr l'amant
Ardutt al stretti, av digh ch l'è qulà traveti:
Vu n'i sta a badar brisa, mo, tant quant
Av vin dinanz, cun gli arm fal sbasi.
N'ev dubità, quel ch crepa al n'è Ruggir,
Mo al srà quel vecch sterion mi v torn a dir

53.

A capies ch la 'v srà dura l'ammazzar
Un ch'a cherdri Ruggir propriament;
Mo all'occh sta volta an avi da badar,
Chè stravedr ev farà l'incantament.
Mi d sta cosa av ho vlu prima infurmar.
E tgnivl ben, quell ch'av ho ditt, a ment:
Perchè l'è cert ch Ruggir an vdri mai più.
S'an 'v dà l'ann d tor la vita a qulà.

54.

Cun al pinsir d'arvedr al magh al pel.
Bradamant s'arma tutta da co a pi;
E, savend quant Melissa i è fedel,
Senza timor d ngotta la i va dri.
L'indvina, ch tutt al stra savera a pel
E segn, sempr va innanz a far la vi,
Guidandla, quand s'i ved e quand è bor,
Per munt, per vall, per bosch e per pianur.

55.

E perchè Bradamant alligrement
Passa la lunga, e, a dirla, mala vi,
Melissa intona d nov al parlament
Ch l'ava da nasser da Ruggir e li
Quila sì nobil famcia e eroica zent,
Unor d Italia e madr dla curtai.
Gran mestra in guerra, e d pas vera nutriz.
Ardutt dla gloria, e d virtù protettriz.

56.

La snrella d Rinald diss: Cara vù,
Za ch'avì d tant e tant princip cuntà
All'ultm segn dign d gloria per virtù.
I srà mo anch del donn ch sien celebrà?
La vecchia indvina allora saltò sù:
S'a in srà? a in srà un profluvi, una squassà:
Magara d tutti adess ev passiaa dir:
Mo a ved ch, s'a cmenz, an arò temp d finir.

57.

S'avissi vlu saver sta cosa, donca,
M l'avissi a temp e lugh almanc dmandà!
E, cm'ai ern là dentri in quila splonca,
Av arè anch el son figur mustrà.
Perchè Merlin, suppli dentri in quila conca,
Anch d questi m'ha agn oosa chiar cuntà:
Tra gli altr donn gli aran la preminenza
Per valor, per buntà, per cuntinenza.

58.

Madr d'imperatur, d princip e d rè,
Urnament di pais dov gli andaran,
Cuntintezza di popl e di marè,
Sustegn del cà dov el s maridaran.
Mo, perchè an poss cuntar agn cosa què,
Ne dirv d'una pr una, d man in man,
Per n'ev trattguir a chiaccarar de tropp,
Ai n'addizirò in t ja massa una o dou ciopp.

59.

Una tra gli altr prima s m'affà innanz,
Ch'an so s la sippa più mudesta o bella,
Amiga dila virtù, nùiga del zanz,
Chiara quant è 'l splendor dila diana stella.
Questa, tra gli altr, donca a mtrò innanz,
La qual per nom chiamà la srà Isabella,
Maridà in t'al patron d'qula gran città
Dalla madr d'Bianor ch'è numinà.

60.

La bella gara tra mari e muier
A far l'un d'altr chi è più virtuos
Farà una bella union, av decorr sincer,
Ch tra i princip ognun d lor srà ben glorios.
S'lu vinzrà in guerra, mi d sigur a sper
Per curtai ch li andarà tra 'l più famos.
E s lu srà quant fu Achill un brav suldà,
Li una Penelop srà per castità.

61.

A vre dir el gran cos in poch parol!
Qualch d'una a in digh, mo una gran part a in lass:
S tutti a li deiss, a gli areesi per fol,
Per quest a lass al rest tutt in t'un fass.
Merlin, dscurrend d questa, andò dri un pzol,
Mi n'ev pose dir agn cosa, e innanz a pass
Sol digand ch tutt al ben ch'li cil po dar
Da li 'l vgnarà per don particular.

62.

La Beatriz srà sigh, ch'è so surella,
Ch'ai sta quel nom propriament a pnell;
Questa, per quant a sò, srà ricca e bella
E affurtunà, per bon influss del stell.
In fin ch li purtarà bust e stanella,
So mari del furtun n'arà nn flazzell:
Mo, pr al cuntar, quand li 'n srà più al mond,
L'andarà del miseri in t'al perfond.

63.

E 'l Mor, e Sforza, e la casa Viscont,
Li viva, dai nemigh s faran stimar,
E sran famus dall'India finna al mont
Atlant, e da sti nustr a qui altr mar:
Morta li, la sort vultarà front,
La Lumbardi a tersach la tgnarà andar;
E, quand al mond d sta gran donna srà senza,
A s stimarà furtuna aver prudenza.

64.

Cun st'istess nom degli altr sran chiamà,
E s'in nassrà parecchi innanz a li;
Una d questi, fra gli altr, srà adurnà
Cun la corona regia d'Ungari.
Un'altra, pr'el virtù, pr'el sou buntà,
Quand, uscì d st mond, l'arà po apparzà i pi,
La srà in t'al numr del santi arralà
E in t'i altar cun del lun la srà adurà.

65.

A tasrò d tanti e tanti, avend za ditt
Ch'am manca 'l temp d pesser d tutti rasunar:
Sebben ch'agn'una merita ch sia scritt
In più cart, da più penn e calamar.
D'Italia a tutt el cas lor sran suffitt,
Sustegn di povr, e madr el s pran chiamar:
Ne d tutti a starò a dirv d punt in bianch,
Ch del Giuli e del Custanzi an parl gnanch.

66.

Ma non sol quelli sran chiari e famosi
Ch da tutt i vustr 'nvud fioli nassran;
Mo quegli'istessi el qual s faran el sposi,
E da un'altra in t la vostra cà 'l vgnaran.
Merlin questi 'n m'ha miga tgnu nascosi,
Mo 'l m'ha cuntà 'l belli cos ch'el faran,
Forsi perchè un qualch di av al deiss a vù,
E 'd questi una gran vuia a i ho d dir sù.

67.

Mo a srò curta, perchè l'ora s fa tarda,
D furtezza a vdri un esempi e d'anestà,
Armagnr vedva e zovna una Rizzarda,
Dal disgrazi (cmòd suzzed ai bun) sbacià.
Cun gran rassegnazion questa i fiù guarda,
Anch fandsin, dai su nmigh, pr al mond guidà
In esili, lontan, per vari part;
Mo la furtuna i mudarà po 'l cart.

68.

Dalla fameia d'Aragona antiga
A ved vgnir fora una savia rigina,
Che d tutt i vizi srà capital nmiga,
Anzi el virtù staran sigh a duzzina.
La furtuna srà so curdial amiga,
Da Providenza adlita alta e divina
Per madr d du mastiun, d'una zitella,
Sgneri Impolit e Alfons, e li Isabella.

69.

Qula sgnora srà per nom chiamà Liunora,
La qual srà in di in t'un ram dila vostra cà.
Mo cosa oia da dir d'una so nora,
Ch, dop a li, del Stat sgnora dvintarà?
Questa è Lucrezia Borgia, ch'n'arà pora
D'ensuna per virtù, e sempr chersrà
In furtuna, cmòd cress un fior piantà
In t'un zardin cun studi cultivà.

70.

A vler parangunar al donn passà,
Ludà per belli e bon cun sta Lucrezia,
Al srè l'istess che far la parità
D'una bella urazion cun una inezia,
O cun Bulogna vler mettr al Vergà,
O san Marin cun la sguar di Venezia;
Qusti srà dagli altr donn tant different
Quant l'or dal piomb, e quant dal ram l'arzent.

71.

Questa donca, cm'avì da mi sintù,
Srà sguora degna d'una eterna gloria:
Non sol pr essr li stessa un fior di virtù
Da merit in lod puem e in storia,
Mo, sovra agli altr cos, al srà d li d più
Fatta, tra gli altr donn, bella memoria.
Pr aver tutt i su fiù ben arlivà,
Valurus, religios, da tutt ludà.

72.

Tra gli altr, an vù Renata lassar fora,
Fiola del re Luig dezm segond,
D qua tal sguera Lucrezia degna nora,
Ch sarà pscar ben d virtù auch li in t'al fond.
E, dai pais d' ond vin la più fredd' ora
Andar in finna a qu' altr co del mond,
D tutt quanti l' donn passà, l' virtù e l' saver
In mod, l' as vdrà, superlativ aver.

73.

Arè da far a dir d'Alda d Sansogna,
O dia bella cuntessa del Fort Zlan,
O pur dia Mari-Bianca d Catalogna,
O dia fiola del gran re Sicilian,
O anch dia bella Lipa da Bulogna,
O d quelli ch' i van dri d' in man in man:
A cuntar d' tutti in t' un mar senza fond
A intrarev, senza fin e senza spond.

74.

Aqsi cun sti bi deurs gli arrivn avsin
A quel sit dov Melissa vlea cundur
La Bradamant, perchè da qu' assassin
Un'altra volta l' iuros mtiss in sicur.
La vecchia allora dià: An vù st confin
Passar, perch què m'arvisarè d sicur.
E novament l' torna predicar
Ch la s'ava l'occh, ch l'an s'lassa insulfanar.

75.

Melissa resta, e Bradamant s'avvià
Pr al so viaz, appinsand al cos udi;
E, quand l'av cavalcà circa dou mià,
Un cert armor tra li dri la sinti;
La guarda: mo la ved un ch s'assumia
Al so Ruggir, arduat a mal partì
Da du zigant, ch si van striccand addoss,
E, mezz astruppi, al casca zo in t'un foss.

76.

A vedr ste spettagli, Bradamant
A psi pinsar s l'avias a car o nò:
Cald e fredd la s sint vgnir in t'un istant,
E tutti i su bi daign la s' i deurdò.
Dl'indvina ai bun cunsi la 'n cred più tant,
Anzi, in quel tratt, dentr d li la pinsò,
Ch per tirar l'un e l'altr alla taiola
Melissa al dida la s'è fatt qua fola.

77.

S'al n'è Ruggir ch a ved cun i uoch adess,
La dseva, chi cherdroia po ch'al si?
Mi 'n l'ho da cgnusser, ch' i ho tant interess,
E sempr a l'ho sculpi in t la fantasi?
L'è lu Ruggir, ch'al cgnuss luntan o press,
L'è lu, e i mi uoch n'en guast da una mali:
D qua vecchia al chiacchir mi an vù più dar ment,
Mo a cred ai uech, ch m'al fan vedr present.

78.

In st mentr ch da per li in ste mod la deccor,
All'impruvìs la sent una gran vos:
La guarda, e da luntan la ved ch'al corr
A spron battù chi la cred al so mros.
E qui zigant, ch'en alt quant è una torr,
I corren dri a lu ch seappa tutt spuros.
Allora la i corr dri anch Bradamant,
E quist tirà la fu al palazz d'Atlant.

79.

Subit ch'l'av miss i pi dentr da qu'uss,
Ecco l' solit travèr l'incant produs.
D truar Ruggir la via la canduss
A cercar tutt el stanzi e i tanabus.
Cherdv ch la striari ben fatta fuss?
S'is trov n s cgnuss insem più sti du mros,
E quest nass, a cercars, cuntinuant,
I s credn furastir, cm' i s'en present.

80.

Mo lassen Bradamant, ch staga là dentr
In qu'ingann, dov tant altr i en armas:
L'è in lugh sicur pr infin ch'a torn; in st mentr,
S'a mud al deors, av pregh 'd darv pas.
Quand srà arrivà l' so temp, av farò sentr
Cmod li cun qui altr uccin d là dentr a cas,
Cmod l'acgnuss Ruggir, e pariment
Cmod lu l'acgnuss li cun gran content.

81.

S'a vù tirar innanz al lavur,
Al bsd ch'a volta da altra part al cant:
Vu v stuffarissi cert, sempr d Ruggir
Sentr deccorr-à alla lunga e d Bradamant.
Anden donca a usservar dov l' landir
Chiama alla mostra al zovn re Agramant,
Per saver quant suldà l'ha sotto d là,
E, dop, al bon re Carl toccar sù.

82.

In t el battai ai n'era arstà un flazell
D'affrican e d' spagnù e d'altr suldà:
Mi 'n cred ch savess cuntar al Figadell
Al numr d qui puvrìt armas sbudà,
Senza mettri tutt quant i uffizial,
E tutt qui ch per salvars eren desertà.
An s vdeva che del squadr andar a spass
Per n'aver chi i instruiss e chi i gvernass.

83.

D capitani Agramant pruvèd da pront,
Es cerca cun manira d'esar i vlupp.
Marelli era sta in Spagna, e Rudumont
In Affrica a livar del novi trupp.
Adess al re vol far qui d tutt al cont,
E s' i fa tutt vgnir fora d sotto ai cupp.
Mi v descrivrev la mostra; mo 'l sou gnacchr,
La musa adess arpond, stoffa dal ciacchr.

FIN DEL CANT TREDICESM.

CANT QUATTORDS

ARGUMENT

*Agramant in t la mostra al s ved mancar
Dou squadr, ch'en za sta destrutti dal Cont;
Mandricard sta braveura sent cuntar,
E ei pr' invidia 'l va a cercari pront;
Mo al s va cun Duraliz a trastullar,
Ch' al s l'è aquistà cun al sudor dlla front.
Sotta a Parig', dal bon Anzèl guidà,
Rinald arriva quand l'assalt i han dà.*

1.

Dop essert arpuessà, Musa dapoca,
Al n'è mai ora d'turnar a capìl?
An basta forsi d'ovra faren poca,
Ch d'in quand in quand t' i vriss mettr del fittl?
Eh! salta su, cuspètt ch' an digh d'un'oca,
Innanz cun al staffil ch'at fazza 'l ghittl!
La buttiglia è za in ordn: fa una bruda,
Sburgh, soppiet al nas, tussiss e spuda.

2.

Al bsogna ch'a turnamn al re Agramant,
Ch a un'avista ha 'l son trupp tutt quant chiamà:
L'è vera che qualch poeh l'ha vint, mo intant,
L'insem d'esercit s trova mal andà.
E chi vliss far i cunt a tant per tant,
Sebben ch'al bon re Carl è dsotta arstà,
Dai du là d murt e fant e cavalir,
An s pre chi ha la battosta brisa dir.

3.

S'a vlissn far al cont ai uffizial
Ch'en arstà in t' i conflitt da tutt 'l band,
Pr i spagnù e i affrican l'andarè mal,
Perchè d quisti ai n'è armas un numer grand.
E, siand la cosa quasi, l'è un gran brutt signal,
Perchè s' i han dlla campagaa lor al cmand,
Quand an i arresta chi possa cmandar,
Trista vittoria quella s pol chiamar.

4.

S'as po arvisar el cos suzess, ch'è tant,
A quelli ch da sti di pur tropp en stà,
Mi m figur ch la vittoria d'Agramant
Sia campagna iust d quella ch' i ann passà
As daeva ch' i spagnù avissn a Campsant,
Dov ern quisti all'impruvvis andà
Cun pinsir d'attruvar i savuiard
E i tudisch, per tridari emod s fa 'l lard.

5.

Fin d qui as udeva i tunf del cannonà
Arbubar pr el forest, scussar i munt,
E per la relazion d qui ch i ern stà
Per servizzi del trupp, o pr altr cunt.
Tutt i diavli 'l pareva esser dscadnà.
I dsinn ch' l'era un ritratt d infern in punt!
Quasi tremend fu 'l flazell, grand al fracass,
Ch al pars che tutt al mond se scunquassass.

6.

Al battr di tambur, al son del tromb
Fevn una sinfoni trista e mulesta;
I url di fri, del cannonà l'arbomb
Insturnevn 'l cervell dentr in t la testa;
I pizz'd ferr, i sass, cun el ball d piomb
Fuccavu a fuzza d'una gran timpesta;
E, dov tra d lor più fiss era i suldà,
El spad e 'l baiunett fevn la strà.

7.

La battaia durò più d ventquattr or,
E quant s po dir la fu dura e murtal;
I spagnù d'aver vint vlevn l'unor,
E quisi scriss al re d Spagna 'l general.
Tudisch e savuiard po anca lor
Cantaven la vittoria tal e qual,
E as dseva d gran *Te Deum* da tutt du i là,
E pr i Gazztir ai fu del chiacchr assà.

8.

Quest è d fatt, che i spagnù arpassonn al fum.
E indri turnonn cun tutt i su bagai;
S'in avn la vittoria, i avn al fum,
Mo in t al cuntar i murt ai fu di guai.
I tudisch avn al camp, e quisi as persum
Ch tutt al vantaz i avissn, e an s dirà mai,
In rason d bona guerrà (diss qualchdon),
Ch'al perda qui ch del camp resta padrun.

13

9.

Aqui vinzeva i mor contr i franzi,
Cun tutta la so zent d'Africa e d Spagna,
Sebben ch'i ern padrun d tutt qui pais
Ch la Senna e 'l Rodn e la Durenza bagna;
Mo tant di principal ch'ern andà sbris,
E tant puvritt ch'ingraassn la campagna,
A littra d scattla i mostren chiarament
Ch'an i è gran fatt da star alligament.

10.

Però Agramant spera d cavar di intrigh,
E d nov mustrar i dint e alzar la front
Cun i soldà cundutt dal bon amigh,
D'in Biserta e d'in Spagna, Rudumont;
Tant murt n'i han pesù cavar l'argui antigh,
Mo, ustina in t'i sn disgn, più dur d un mont,
Al vol tirar innanz, es ha speranza
D psser far el sou vendett sovra la Franza.

11.

D Marsili prima, e dop del re affrican
Fi passar tutt el sent, schira per schira;
Durifeb cundus tutt i catalan,
E prim fra i altr al vin cun la bandira.
Fulvirant, re d Navarra, za per man
D Rinald andò a truar l'eterna sirà;
E ai navaris Marsili ha dà Isulir,
Al fradell d Ferrau, per cunduttir.

12.

Balugant di liunis ha 'l cunfalon,
E Grandoni ha i elgarv tutt guerni d sniglia,
E dri 'l fradell d Marsili, Falsiron,
Cundus in arm la nova Castiglia.
Nadarass cundus sotta al so baston
Arcos, Medina, Cordova e Siviglia,
E tutt quegli altr terr, città e casti
Ch s lavn in t al fium Gualdaquivir i pi.

13.

Sturdilan, cun Teetivra, e Baricond,
Un dop qui altr, guidavn la so zent:
Granata al prim, Portugallia al second,
E Maiorica al terz era ubidient;
Larbin, re d Portugall, sgrabò dal mond,
E li ai suzess Teetivra so parent;
Dop a quisti d Galizia al popl vin,
Ch Maricond più 'n cundus, mo Serpintin.

14.

Tutt qui d Toled, e di ordn d Calatrava,
E qui ch stan dia Guadiana in t la rivira,
Ai qual al povr Sinagon cmandava,
E tutt al seguitavn tant vltutira,
Dop quel fulsan d Mattalista guidava.
Dri ai vgneva Blanzardin cun la so schira,
Dov la vecchia Castiglia 'l mena a spass,
D Valenza 'l regn, cun al pais d Gilbrass.

15.

La cort del re Marsili, Ferrau,
E d Aragona 'l trupp, l'aveva in gvern,
Armà a rason, e pronti a saltar sù;
Malgarin è tra quisti e Balivern,
Malazria e Murgant: za ugnun d lor fu
Al so paes un re; mo, perchè i s'ern
Purtà mal cun i suddit, ai fu tolt
Al regn; Marsili qui i aveva arcolt.

16.

Fulgon d'Almeria, ch era un fiol bastard
Del re Marsili, ai era e Duricoat.
L'argaliffa Bavart, cun Analar,
E po Archidant, e al titul d Sagont
Cun l'Armiral e Langhiran gaiard,
E a tutt el furbari Malagur pront,
Cun tant altr, che diri quì an m n'in cur.
Mo a sari a temp e lugh 'l sou bravur.

17.

Dop ch'è passà tutt i soldà dia Spagna
Cun bell'ordn dinanz al re Agramant,
Cun la so squadra arriva per campagna
Al re d'Uran, e 'l par iust un zigan.
La squadra ch passa a qui d Uran cumpagna,
Cun rason l'è instizzi vers Bradamant,
Ch, pr el sou man, Martasin, al capitani
Di Garamant, sia mort, a i in sà d strani.

18.

La terza squadra seguita d Marmonda,
Ch ai fu 'l so cap Argost sbasi in Guascogna:
Ai vol un cap a questa e alla seconda,
E per la quarta un altr a i in bisogna;
Cun tutt ch'al re d bun uffizial an sfinda,
E in t'al strulgarn al s va grattand la roгна,
Mo pur Barald, Urmid, Argani al tol,
E ai va mtend qui e lì, dov a i in vol.

19.

Al cunsagnò a Argani qui dia Libicana,
Ch pianzevn mort al negr Dadrinas;
Brunell guidava i su, re d Tingitana,
Mo 'l vgneva d mala vuia, cun i uoch bass.
Perchè, da dop ch'ai fu tolt a st anquana
Da Bradamant l'anell, avsin al sass
In dov era 'l castell del magh Atlant,
L'aveva pers la grazia d Agramant.

20.

E s'Isulir, fradell ch'è d Ferrau,
Ch l'aveva za dall'albr lu deligà,
N'aviss cuntà la cosa cmod la fù,
Senz altr cuncun i l'aren impieca.
Al re fu tant pregà ch'l'assulvi qntà,
Al qual za deo dia scala era mntà;
Mo al zurò che, s'allora ai perduvna,
Alla prima d sieur al l'impiecava.

21.

Sicchè Brunell l'avea rason s l'andava,
Pin d mala vuia, cun la testa china:
Dop a lu Favurant po seguitava
Cun i cavall e i fant vgnù d Telesina;
Libani appress a Favurant marchiava,
Al qual, dop ch l'pinador andò in arvina,
Aveva avù dal re la padrunanza
Dla Numidia, dov' è Cirta e Custanza.

22.

D' Esperia cun la zent viù Suridan,
E Durilon cun qui d Fessa a tutt salt:
Cun i nasamunis passa Pulian,
E i ammunis fa corr-r al re Agricalt:
Malabufers cundus tutt qui d Fizan,
E Finadur, cun la bandira in alt,
Qui del Canari al guida e qui d Maroch:
E Balastr ha qui ch funn del re Tardoch.

23.

Dop questa, arriva la squadra d' Arxilla,
La qual n' ha avù bisogn d mudar patron;
Mo quella d Mulga pr en l' aver la strilla,
E al re Curinè ai mett, un so amigh bon.
E pariment in quella d Almansilla
Caioch al mett in lugh d Tanfirion,
Qui d Gerulia ai cunsegna a Rimedont,
E passa cun qui d Cosca Balliufont.

24.

In qu'altra squadra vsina ai è qui d Bolza,
E Clarind è suzess re a Mirabald:
Balverz passa, ch pr andar alla risbolza
Par fatt a posta, e an i è l' più gran ribald.
In qu' insegna, dov un sona una sbolza,
Di capitani tutt ai è al più sald,
Al più prudent tra tutt i sarazin,
E al più bon da cunsi, el re Subrin.

25.

Qui ch' aveva Gualzott sotto 'l so cmand
Adess a Rudumont devn ubbidir,
Al qual s' i tira dri cun argui grand,
Senza riguard ne a fant ne a cavalir:
L' è sol tri di che questù arrivò in sti band,
Perchè l' invern l' era andà a far vgnir
D' in Africa, per cmand del prim patron,
Dla zent, degli arm, e anch del provision.

26.

Quest era per biastmar un Ciceron,
Impertinent assà più dla berlina:
Per strapazzar al n' aveva parangon,
Amigh di zugador e dla cantina.
Tra i nmigh di cistian quest era l' più bricon;
E lu sol, contra d lor, feva più arvina
D' tutt quanti l' squadr ch' avén vist passar:
E tutt termavn a sentri minuar.

27.

Al vin Prussion, al re degli Alvaracch,
E po quel dla Tumara, Dardinell.
A qustor an so s' i alucch dentr in t' l macch,
Oppur el zvelt, o anch i chiù bell bell,
O qula zni malandrina del munacch,
I avv cant del pozz su in t' al murell,
Ch' l' è za atticà per lor al zedulon,
Perchè i i arstonn in t la prima question.

28.

Alla mostra an i aveva più da vgnir
Che i suldà d Tremisenna e qui d Nurizia;
E da nssun là se vdevn a cumparir,
E an i era nssun ch in savias dar nutizia;
Agramant en saveva cosa s dir,
Ne gnanch cosa s pinsar d la gran pigrizia;
Al fu po in ultim un servitor guida
D' Alzird, al qual cuntò quell ch' era stà.

29.

Al diss donca ch' Alzird e Manilard
Ern stà taià a pizz cun i suldà,
E al dseva: Sgnor, quel Cavalir gaiard,
Dop a qui, tutt i vustr arè ammazà:
S' a fuss stà mi a scappar un po più tard,
Adess an cuntare più quì sta quà;
A lu ai fa tanta pora un battaion
Quant a un lov affamà fazza un castron.

30.

Puch di prima era al camp capità nn sgnor,
Mo d prima busella, e d qui ch portn al cullar;
Un altr par so n' i era in t' al valor
E l' feva armagnr tutt tant baccalar.
Al re Agramant i feva un gran unor,
E spess al l' invidava sigh a dsnar:
Al famos Agrican, re tatr, fu
So padr, e Mandricard s' chiamava lu.

31.

In purassà occasion, om valuros
Al s' era fatt acgnussr in più d' un là:
E là in Suri, tra gli altr, a quel prigulos
Castell dla Fada, dov l' aveva acquistà
Quel belli arm d' azzarr, ch un gran unor,
Ettor truian mill ann innanz purtà.
A un gran azzard al s miss per guadagnarli,
Mo l' cos ch al fi mi n' ev starò a cuntarli.

32.

Questà ch' udì l' servitor dir quel rason,
Al i alzò i nech un poch in t' al mustazz,
E s fi dentr da lu risoluzion
D' andar dri a quell, ch' aveva quasi bon brazzi;
An vols miga a nssun dir la so intenzion,
Perchè an s' attraversass un qualch impazz,
O ch' un qualche dun s' i amttias innanz a lù,
E an i tuccass l' unor d qu' impresa più.

33.

Al fi dmandar a quìù qual è 'l culor
Ch avea d quel cavalir la sopravesta?
Ch'l'era negra i arpos quel servitor,
E, d più, al n'aveva nssun cimir in testa.
Av dsi ben arcurdar ch quel pover agnor
D'Urland, quand al partì cun l'anima mesta,
Per mustrar la so duia, al so quartir
Lassò da part, e tutt d neghr al s vols vstir.

34.

Quand l'av savù quel ch'al vleva saver,
Mandricard fi ammanvar un bel cavall,
Ch'ai l'aveva Marsili fatt aver,
Anzi ch'i contin ch'agl'in fi un regall:
E, senza dir a nssun al so parer,
Cun più pinsir in co, 'l saltò a cavall,
Agurands ch, s'al turnava, i vgniss la pesta
Prima d'truvar quell dalla negra vesta.

35.

An caminò gran fatt, ch'al vist quela zent
Da vari part scappar a rotta d coll:
Al pssì fermar qualchdun cun un gran stent,
Perchè cmod sta la cosa sentr al vol;
Quor i arposon alla presta, in t'un mument,
Perchè i n'an temp d stars a fermar un pzol:
Mo alla vos ch i terminava, al culor smort
Dpinta a si vdeva la pora dila mort.

36.

Al tira innanz, l'arriva alla pianura
In dov as ved del Senator Ruman
I sign quasi manifest dila so bravura;
Qui 'l vol dsuntar al fiol del re Agrican;
Al guarda, usserva 'l bott, e po misura
El più tamugn cun 'l sou propri man,
E, per dular d'en s'esser trovà a st fatt,
Al s moraga i labr, e 'l smanìa cmod fa un matt.

37.

A lu ai suzzess cmod em suzzed a mi,
Quand la mattina a son sta vi luntan,
E s torn a cà un gran pezz dop al mezz di,
E a trov ch'an i è più mnestr ne più pan;
A guard in t la cherdenza, anch qui a n'è;
E qui, dái e n'i dar, bso aspttar a dman.
Pr un degust si fatt biasimava Mandricard,
E 'l s magna 'l man pr esser arrivà tropp tard.

38.

Tutt un di d mal umor al caminò
Ne quell dagli arm negri al pssì trovar;
E qu'altr di, quand al sol arrivò
Iust in punt contra l'ora del magnar,
In mezz a un pra tutt verd al s attruvò
Dov s vdeva un canalin, e a vler andar
Alla fontana, ch'era a una bell'ombra,
Più d'un albr al sentir traversa e ingombra.

39.

Appressa alla fontana era indirizzà
Una tenda d lustrin, guerni d curdella:
D'or e d'arzent sta tenda era arcamà
In mod squisit, per man dila Ze Rudella:
Purassà cavalir d tutt punt armà
Stavn d'intorn a far la sintonella,
E a quell ch pareva d'i altr al cap s vultò
Mandricard tutt curios, e s'i dmandò

40.

Chi i ern, es vols saver la cosa tutta.
Al capitani arpos, civil e pront:
Dentr in quela tenda adess dorm una putta
Ch'all'avén nu in custodia, es in fen cont,
Perchè da nu la dev esser cundutta
Al camp muresch per sposa a Rudumont,
Ch'al re d Granata, al qual d sta signora è padr,
I la manda scurtà da sti mi squadr.

41.

Quasi diss quel cavalir a Mandricard:
Mo questù, superb, e ch'en stimava nssun,
Senza creanza, e senza nssun riguard:
Guidàla fora, e 'n sta a far simitun,
L'arspos; mo mi ch ho frezza, e s vin za tard,
Da li l'è mii ch'a vada, za ch più d'un
Ch la sia una bella zovna m'ha cuntà,
E quai a vdrò s'i m'han dett la verità.

42.

Al granatin ripres: An si za matt,
A dscorr-r a sta manira? e d più al n'i diss.
Mo Mandricard arbassa l'asta, e a un tratt
Quant l'era lunga in t la panza a i la miss:
La curazza 'n trattign un colp quasi fatt,
E s bisugnò, puvrett, li ch al muriss
Senza gnanch dir niclizia, e al superbion
Dl'asta i armas in man sol un muzzon.

43.

Altra arma an porta a dfendr al panziron,
Perchè, in t'al vstir quelli del re Truian,
Al zurò per la lezz del so Macon,
E 'l zurament da lu 'n fu fatt in van,
Ch'altra spada an s mittrev mai più a gallou.
Quand an tleva al Senator Ruman
Durlindana, la qual sola mancava
Gli arm a cumpir ch'quel tartr portava.

44.

L'ha un curagg grand a andar cun tant svantazz.
Mandricard, contra quor tutt quant armà:
Mo 'l diss: Chi 'm po impedir adess al viazz?
Ficcands tra lor e cun in man quel quà.
Chi l'asta arbassa, chi dsodra al curtlaaz,
E 'l re tarir fu intorn circondà
Mo lu cun quel stanghett ch'i è armas in man
Fa vedr che accustarsi l'è mal san.

45.

La Fama chiaciarira, ch'al mont Pind
Andò a conversazion del Mus quia nott,
Diss ch'al mnaava a dou man di cnp urrind
E a chi 'l enieva an zuvava zirott.
Sovra a quegli arm al fa di chiuoch tremind
E al par ch'al tira 'l tron, o 'l terremott.
Al spazzava i scud e s' squizzava i cimir,
Battend a mort cavall e cavalir.

46.

Qui ch restn corn tutt per pù sintir,
E contra a Mandricard ognun s' avanza;
Cmod al risista sol in san capir
Contra tant, e n' aver spada ne lanza.
As po ben dir ch' i fan tutt a murir,
Perchè d salvar an i è co ne speranza;
Mo la stizza più granda e 'l gran inagon
L'è d' andar a murir sotta a un baston.

47.

Quand i in vista di murt, e quattr e si
Quinds, vint, e ch ai n'è armas più dla metà,
In fan più calca al re dla Tartari,
Mo i cerchn per scappar la miora strà.
Mandricard en n'è pigr a tegniri dri
Tant quant i avisen evell del so rubà,
E in t la testa ai è intrà un umor sì stramb
Ch'an vol ch qulor possen purtar vi 'l gamb.

48.

I armasn in qula campagna sparguià,
Es n' i fu cas ch nessen la cavass netta.
Cmod resta i murtalitt d' una sparà,
Dop ch' al spulvrin attent cun la bacchetta
I ha dà fugh, e chi saltin in tutt i là,
Dunand a quest e quì altr una qualch stretta,
Aqui sotta alla furia d quel rabin
Bisugnò ch s' spigazzass i granatin.

49.

Quand l'av a sta manira antà i sintir,
Qnel mangh ch l'aveva in man luntan ficcò.
E, za ch'an i è più nssun ch possa impedir
La strà, lu vol adess vedr al fatt sò;
Più d' una volta l'aveva udi dir,
In dov, quand e da chi po mi n'al sò,
Ch la pssava star sta signora all'impar d quant
Purtavn da qui di d gran blezza al vant.

50.

Adess al s vol chiarir dla verità,
E s volta dov al ved ch' el dunzell stan,
E i servitur, dai qual accompagnà
Era la fiola del re Sturdilan,
Ch'oltra ai tant cavalir, ch l'avea ammazà,
Di servint purassà i è d bassa man,
Cmod srev a dir dunzell, palafrinir,
Cugh, sguattr e lacchè, pagg e staffir.

51.

L'attrova Duraliz (eh' aquai s chiamava
Qula signora) poch luntan, fora d sintir,
Ch la tgneva abbrazzà un albr, e fort signolava
Pinsand a quell ch' i aveva da intravgnir.
Mo quand i vistin quì, ch più s i acostava
Tint e insapurchà dal sangu d qui cavalir,
La signora, i servitur, donn e dunzell
Ficconn di url ch' andonn finna al strell.

52.

Quand al re vist quel tocch d bel mustazzin.
Ch n'aveva in tutta Spagna 'l parangon:
Cosa di essr (al diss) quel mus, sì blin
Cm' al pianz, quand l'è content e d' umor bon?
Amor l' intrampla dentr da qui uechin
Ch'an sà s' l'è in st mond o in qu' altr in conclusioni,
Cun tutt al so gran vinz, an sè in ch manira
Person l' arresta dla so persunira.

53.

A li però an i al dmostra più che tant
E al fà in mod ch la 'n l'ava da dsprezzar:
Perchè an vol alla prima dari st vant
D' averl d posta fatt innamorar;
Mo cun bel garb al diss, es zanzò tant,
Ch' al pars ch l'as principiass a cunsular.
Lu, quand al vist acquai, senz' altr prigh
Al la miss a cavall, e cunduss sigh.

54.

Al sou dunzell, e a tutta qu' altra zent,
Ch la signora fin qui avevn accompagnà,
Al diss: Andavn pur liberament,
Ch sta zovna srà servì, n' ev dubità.
In tutt i su bisugn mi i srò assistent:
Av salut tutt, sta svel, addio brigà!
E lor, ch' a st cas en san cmod rimediari,
I s missn in viaz, al so paies pr' andar.

55.

E s' andavn fra d lor digand aquai:
Per cosa adess quì 'n s' è trovà so padr?
Più tost, un altr dseva, so mari
Cun la so spada, ch sol taiar e radr;
Mo al pol auch essr ch' al l'arzunza un di,
E ch al fazzo 'l mal tolt rendr a quel ladr.
E un altr: Almanch quel di fussel pur dman,
Innanz ch' al la cunduga più luntan.

56.

Mandricard, tutt content pr 'l gran guadagn
Ch' l'ha fatt per so valor e so fortuna,
An batt cun tanta frezza più i calcagn
Per trovar quell ch porta la vesta bruna.
Adess al va più adasi pr el campagn,
Anzi, vndend ch dà l sol lugh alla luna,
Al cerca d'attravar un comod lugh
Da svapurar un po d' amor al fugh.

57.

Al s' mitt po a enffurtar la Duraliz,
Ch'era pr al pianz tutta muia in sen;
E ai cmenza a dir: Mi srev l'om più feliz
Del mond, s'av vliasi movr a vlerm ben.
Mo, s'an fa quai, mi sro seimpr infeliz,
Cun tutt ch a sippa un signor, senza ste ben.
Basta dir ch'am son tolt d'in Tartari,
Per cuntimplarv sol, e an digh busi.

58.

S'un ch vnìa ben l'è degn d'esser riamà,
A vdi s'av am, per vu vgnend quai d luntan;
S' a vliessn decorrer po dala nubilà,
Basta dir ch a son fiol del re Agrican;
S' a cercassi dlla roba purassà,
I mi Stat en più grand d qui del Prit Jan;
S' a vliasi aver un brav per voetr mros,
Av ho fatt vedr s' a son valuros.

59.

Cun sti parol, e degli altr in st'andar,
Ch'i suggeriss al so adess nad amor,
Duraliz s principiò un poch a appasar,
E mustrar ch s'alzireva l' so dular.
L'as stallintì dal quai fort sospirar,
Turnandi in t'al grugnin al so culor.
E cun un po più d flemma la sta a udir
I bi ziricuechin del cavalir.

60.

L'as principiò a lassar veder dsinvolta,
E a mustrars manch afflitta e più curesa,
E dari qualch arsposta a volta a volta,
Tant ch Mandricard, ch'aveva l'anima impresa
Avò dal fugh d' Amor qualch altra volta,
A vedr ch la s'è pur qualch poch arresa,
Al fi prest i su cunt che quai 'n sre stà
Sempr contraria alla so valentia.

61.

D sta bella cumpagni content e alligr,
Mandricard s perd a ridr e a chiaccarar,
Mo intant la nott, amiga d qui ch'in pigr,
E d qui ch'han poca via d lavorar.
I munt e l' vall aveva fatt vgnir nigr;
E lor, n'avend cercà dov alluzar,
I sprunonn i cavall tant, ch' i attruvonn
Un la piva snnar, cantar del donn.

62.

Gli ern capann e cà d sempliz guardian
Da pigur, e grazia s' i voln alluzar;
Qui i van incontra, es i tocchin la man,
E pr'unurari i fan quell ch' i ponn far.
Lor aggradinn i bnn tratt d qui paisan,
Ch' forsi tanta curtai 'n s' prev attruvar
Tra i signori ch suppien, e tra tant ztadin,
Cmod s' attirova del volt tra i cuntadin.

63.

Bisogna ch Mandricard a qula signurina
La nott per cert fiss bona cumpagni,
Perchè quand la s livò, più aguradina
L'era, e s n'aveva più malincuni;
L'arzdor po i ringrazianna, e qula zintina,
Dl'allozz avò mii d quell d'un'ustari;
E, per mustrarsi più grat e curdial,
Un bel regall i i trinn in t'al grimbai.

64.

Dop i ringraziament e l' cirimoni,
Is n'andonn a cavall vi pr i fatt sh,
Più d Cleopatra alligr e d Marcantoni,
Innanz ch Uttavi i fiss saltar su i chiù,
Cuntand fra d lor del zirr e del fandoni,
Infin ch'i arrivonn in dov tra dà
Munt corr un fium, e all'ombra d'un bel pin
Sdeva una signora e sigh d milnrudin.

65.

Ch'i staghn qui pr infin ch a torn; intant,
Pr arriuscir ben, s' a poss, in st gran impegn.
A vultarò a tutt' altr cos al cant,
S' a vui d sta tela l' fila urdir a un segn:
A turnarò dai Mor, dov Agramant
E a cunsi cun Marsali e Subrin degn,
E tra tant, al re d Sarza ai od ch es vanta
D spianar Parig e destruz Roma santa.

66.

Dal spii era Agramant za sta avvisà
Ch'i inglis e i scott avev passà l' mar:
Per quest l' ha i capitani tutt chiamà,
Per sentr cosa i al cunsiin a far.
E da tutt fu concordement ludà
Veder s'as pesavea Parig snperar
Innanz ch Rinald cun al succors arriva,
E quai cun quel fasol stupar la piva.

67.

Qui subit s'ammanvò del cord, del scal,
Cun degli ass da far pont, di lign, di trav,
Di badil, di piccun, del zapp, del pal,
Del macchin d vari fatta, e anch del nav.
Quel ch'è più necessari e principal
Agramant ordina, e l' schir d tutt i più brav.
E dri quelli del popl; e s vols andar
Lu istess cun qui ch Parig van a assaltar.

68.

Al di innanz all'assalt, Carl avvisà,
In Parig al fi far l'espuzizion,
Cun ordu a tutt i prit e a tutt i frà
D cantar del mess e far degli nrazion.
Al vols anch ch' es cunfissas tutt i suldà,
E ch' i fissn la santa comunion,
Ammanvands alla mort in tal maniera,
Cmod sre s' i fussen al mond per l'ultima sira.

69.

E lu, tra i prim minist' e i Paladin,
Cun tant altr' sgnuron, al s porta al tempi
Pr' ascoltar messa e i uffizi divin,
E s cerca d dar a tutt al bon esempi.
A man cutes, in znocch in t'un cuscin:
Sgnor, al dæva, 'n guardà ch mi sippa un empi,
Mo alla vostra buntà guardà sol, Sgnor,
E 'n fa patir al giust pr al peccator.

70.

Quand az vli castigar, vu avi rason:
Pur tropp al meritèn pr i nustr pecà;
Mo muvì, Sgnor, adess a compassion
E 'n z da 'l castig per man d sta dent dsgrazià;
S' l'ai vin fatta d mandaz in pavaion,
Cosa z diran a nu, ch sen pur chiamà
Vustr amigh? i diran ch adess o an vli
In st bisogn aiutarz, o ver ch'an pessi.

71.

An meritèn, l'è vera, nessun favor,
Mo pur, s' in st gran bisogn an z vli aiutar,
Chi dfindrà più la fed e al vostr unor,
E chi la Chisa santa e i vustr altar?
Avà pietà del vostr popl, o Sgnor,
Daz forza contra a quolor, ch z vren subissar.
Per la vostra buntà, salvaz dal man
D sti nustr amigh, non omn, mo vir can.

72.

Fa ch'a pesam anca nu, emod pessè 'l pastor
Ch'a fissi re del vostr popl adlett,
Cuntar ai nvud al vostr gran favor
Cun cor devot e cun pur intellett.
Emod a dunassi a lu forza e vigor
Per vinz quel zigan; aqusi perfett
Cun nn sia l'aint vostr, perchè a pesam
Ringraziarv, e che sempr az l'arcudamm!

73.

Quai, stand in znocch in t'al cuscin d bel vlud,
Al bon imperator fi st urazion;
E po i attaccò dri cinqu o sì vud
Perch beu aviss effett la so intenzion.
Mo al so pregar d bon cor n'andò za a vud,
Perchè al bon Anzl, ch l'aveva a gallon,
In t'un tratt vulò in zil, es s' inznucchiò
Dinauz al Sgnor, e gli urazion mustrò.

74.

I Sant del Paradis anca lor s'ern
Moss, pr intercedr al bon Carl la grazia;
E, uni cun i Anzl, innanz al sempitern
Amor, i 'l preghn d'cesandir in grazia.
Da tant urazion moss al Sgnor Etern
La preghiera dal re 'l vols ch la fuss sazia;
Perch la dmanda era giusta; e lu pietos
Al s vols mustrar al re, emod l'è, amuros. //

75.

Eh! che chi prega d cor, en prega in van
Al nostr bon patron, Padr Divin.
Allora 'l volta l'occh, e cun la man
Al zgnò all'Anzl Michel ch' i andass avsin,
E po i diss: Va a trovar l'esercit estian,
Ch ha cundutt dalla Scozia 'l Paladin,
E, senza ch'es n'accorza i nmigh, dri al mur
D Parigi segretament t l'ha da cundur.

76.

Trova 'l Silenzi in prima, e da mi part
T i dirà ch'a st impresa 'l vigna tigh;
Ch lu per provedr arà ben tutta l'art
Ch' i vol agli occurrenz, e a tutt' i intrigh.
Quand t ha fatt quest, po, cerca d abbuccart
Cun la Discordia, madr d riss e d brigh,
E dii ch la tuga sigh al so battfugh
E che in t'al camp di Mor l'attacca 'l fugh:

77.

Ch' l'uzza po tutt insem qui ch'en più furt,
Ch la spargua del zanz, del diavlarì,
Tant ch' i trova da dir, sicchè in temp cart,
Tra la rabbia, l'invidia, e 'l gelusi,
Is men-n adoss, e ch a in resta di murt:
Qui altr po lassn al camp, e vadr vi.
Michel, senza dir altr, fa un inchin,
Es liva un vol, e vers la terra 'l vin.

78.

Dov l'Anzl dspiga 'l sou ali indurà
I mal influss e 'l temp cattiv dpariss.
Da nn bel splendor tutt l'era circundà,
Ch' appress a quell al sol par in ecliss.
Al bon Michel cunsidra intant da ch l'è
S possa trovar quel prim, ch' al Sgnor i diss,
Nmigh capital del cincchr, e l'imbassà
Prima 'l vol far, ch' i ha prima 'l Sgnor emandà.

79.

L'è un poch imbruiaduz dov l'ha da andar
Pr attruvarl più prest, e certament.
Tra i fra e tra 'l sor al risuldi d cercar,
Pinsand ch l'aviss la stanza in qualch convent,
Perchè in t' i sit d sta fatta an s po parlar,
E in gran litroni as ved scritt chiaramente:
Silenzi, sovra 'l cor, sovra 'l reffori,
Sovra 'l capitol, e sovra al durmitori.

80.

Cun ann donca d'accattarl, andò
In frezza Michel Anzl a ch di frà,
E d'attruvrar là dentr anch al pinsò
La Pas, la Quiet, e sigh la Carità.
Mo, sebben ch l'era un Anzl, al s' i acchiappò:
Perchè, quand al fu dentr ai claustr intrà,
Brisa an trovò al Silenzi; anzi ai fu ditt
Ch'an i abitava più, fora che in scritt.

81.

Ne la Pas ne la Quiet ne l'Umiltà
Là dentr an pssì trovar, ne l'Amicizia;
Sti virtù i stevn za pr al temp passà,
Mo l'Invidia l'Invidia cun l'Avarizia,
L'Accidia, la Superbia e Crudeltà.
L'Anz s maraviò a vder sta spurchizia;
E, guardand tra quela lezza campagnì,
Al vist la Discordia ch'era tra quela zni.

82.

Quella ch i aveva ditt al Padr Etern,
Dop al Silenzi, ch'al cercass 'd pscar,
Ln pinsava ch la fuss la zo in t l'Avern
A far tra d lor i dannà litigar.
A st mond al l'attruvò in t'un nov infern,
E chi mai al cherdre? a sentir cantar
I sant uffizzi, l' mess, e l'Anz bon
Far gran viaz, pr attravarla, al n'ha occasione.

83.

Al l'acgnussì al fraiol d culur più d cent
Ch'ern pzu d roba insem tutt attaccà;
Fraiol ch gnanch la cruceva, ch l'ora e l vent
Pr i bus i intrav da tutt quant i là;
I cavi part culor d'or e part d'arzent,
E nighr e bianch, insem tutt ingattà,
Ch l'an s'era pttà d sicura da quell di
Ch scappò la bella Greca dal mari.

84.

El man l'aveva pini d citazion
E d sequestr e d precett tolt in civil,
D bigliett 'd mozzurech, d'inibizion
E d process, ligà insem tutt cun un fil;
Ai steva attorn qulor dal collaron,
Dutturazz e avvucat, ch'infìn al zil
La vos alzand cun i nudar bravavn,
Mo d'accord i client, in st mentr, i plavn.

85.

Quand al la vist quì l'Anz la chiamò,
Desendi: Va un poch al camp di nmigh di estian,
E là spargua l lit, tutt al fel to,
Fa ch' i più brav tra d lor i vign-n al man.
E, dop, dov al Silenzi era, ai dmandò,
S la saveva ch al fuss vsin o lontan?
Che li, ch batteva l nas in tutt i bus,
Pseca saver s l'era in sit avvert o chius.

86.

La Discordia arspes all'Anz: L'an m suvin
D'avèr vist in dov am son truvà;
Ai ho ben sintà dir ch l'è un bon fanlìn,
Anzi ch'al sippa un gràn furcon dvintà.
Mo pur l'Ipucrisi, ch'è oltra quì vsin,
E cun la qual a so ch l'ha praticà
V' in prà dar qualch cuntezza, 'e, desend aqusi,
L'alzò la man, es diss: L'è quella lì.

87.

All'aria la pareva una Michlina,
Cun un parlar mudest, grat e suav:
La portava l coll stort, la testa china,
Ch la pareva d be moll propri la chiv;
L'era brutta cm'è l' pocà, cun una vstia
Fatta a fuza d'un mant, e l'andar grav,
Mo, sotto a quel sou vest, sempr ammanv
Un curtell la portava deo attusgà.

88.

L'Anz bendett s'accosta, e dmanda a qusti,
Pr attruvar al Silenzi, ch strà al po far?
Eh, qustù, i arspes pianin l'Ipucrisi!
Tra i studi, e i virtuos suleva star,
E anch ben e spess l'andava in cumpagnì
Di prit, di fra, del sor e di scular,
Massm in t'al temp antigh, quand la virtù
Era stimà da tutt, da tutt cgnussù.

89.

Adess, ch'an i è Perior qust rigurus,
E ch es viv cun un po più d libertà,
E l bon usanz en tutti andà zo d'us,
Dalla part di briccon lu s'è vultà.
La nott l'ha cminzipià andar cun i mras,
E cun i ladr e i assassìn da strà.
Al va del volt a spass cun i sicari,
Es s'è zurà fradell di munetari.

90.

D'andar anch enn i guitt l'ha tolt l'usanza,
E cun altra zintaia da n s fidar.
Quì l muda spess amigh, cumpagn e stanza,
Sicchè difficilmnt al s po attruvar.
Mo pur d'insagnarv an son fora d speranza
Quand alla cà dlla Sonn a vliadi andar,
E cercar d'arrivari a mezza nott,
Ch tant volt al sol durnir dentr in quel grott.

91.

Sebben ch'al natural dl'Ipucrisi
Sippa d'esser più doppia ch n'è l' gavett,
Pur al cgnussì ch l'an dseva la busi,
E l vins fora de là Michel bendett,
E, vuland, in t un tratt al fi la vi
Ch'era da quel cunvent fin a nn buschett,
Vsin allà cà dlla Sonn, ch'al la saveva,
Dov al Silenzi d'attruvar l'aveva.

92.

In t l'Arabia, ch an so mo qual l'as si,
La Dserta, la Feliz, o la Perdosa,
Lontan da terr, città, burgh e easti,
Tra dou muntagn ai è un vall arposa,
Ch n'è cgnussù dai autur d geograf:
E sta vall l'è tant fresca e tant umbrosa,
Ch'al sol, ch scaldia quì ben cun i su razz,
An po arrivat, tant fissi è l flopp e i fazz.

93.

Deutr in sta vall, alla radis d'un mont,
Una grotta ben larga entra in t'al sass:
Pr audari denta an i è bisogn del pont;
D ledra la porta è cinta d'alt in bass.
Questa è la cà dla Sonn, ch adess av cont:
Ai è l'Ozi da un la, ch par Bastian Bass,
La Pigrizia da qu'altr, ch su in t'l pred,
Pr en psser andar ne star in pi, la sed.

94.

La Demindganza sta in t'l'uss cun fazza tosta,
E in t'la grotta la 'n vol ch ai entra nssun;
L'an vol tor imbassà, ne dar arsposta,
Mo tutt la manda vi cun di spintun.
Li dri al Silenzi, cun del scarp a posta
Sulà d bumbas, spasseggia, e quand qualchedun
Al ved, ch s vol accustar, lu cun la man
Ai fa un zegn, perchè i sta, gh da luntan.

95.

L'Anz s' i accosta, e po pian pian ai dis
In t'un'urechia: At emand, da part del Signor,
Ch t vad a cundur Rinald cun i scuzzis,
E qui ch van in aiut dl'Imperator,
Mo tant segretament, ch en n'ava avvis
Al camp di nmigh, e ch'an s n'oda l'armor:
Sicchè, prima i s'al vedu arrivà adoss
D quell ch i savn ch es sia st esercit moss.

96.

Ngotta 'l Silenzi a st imbassà l'arspos,
Mo cun la testa al zgnò d'andari dri:
Al s i miss a gallon tutt pinsiros,
E in t'un attin es truovon in Piccardi.
La mossa al squadr dé Michel glurios,
E in t'un di sol ai fi far tant vi
Quanta i n'era a Parigi sotto pr andar,
Ne nssun st purtent s passè guanch imazinar.

97.

Al Silenzi anca lu fa quel ch'al pò
Per psser alla surdina 'l trupp cundur.
Cun una nebbia folta al li fassò
Tant, quant el fussen sta dentr da un mur;
Sta nebbia anch i armur tutt quant aquodò,
Perchè an s'udi sunar tromba o tambur;
E, pr insurdir e urbir i nmigh, cunduss
Un, soia mi, ch'an so dir cosa 'l s fuss.

98.

In quel mentr ch Rinald, dall'Anz salt
Guidà, s'in va in aiut dl'Imperator,
Senza ch's'oda un cavall ne ch s'veda un fant,
Senza ch'i mor in sintu gnanch l'udor,
Attorn ai burgh d Parigi al re Agramant
I suldà aveva datis, per fars unor,
E zint 'l mura; perchè 'l vleva far
L'ultim sforz, e quel di Parigi smantlar.

99.

Chi prà cuntar l'esercit, eh moss quel di
Al re Agramant a dann del fiol d Pipin,
Cuntarà gli ond del mar, quand l'è instizzis,
E quant albr s'attrovn in t'l'Appenin,
Al cuntarà quant erb ha un pra fiuri,
E quant sass s' trovn in t' al fium del Lavin,
Quant strell è in cil, e quant en i suspir
Ch manda du mrus, ch 'n s ponn l'anim so dir.

100.

La campana a martell sona 'l turrazz,
E pr i quartir arbomba l'istess son;
Senza saver dov, corr al pupulazz
E da per tutt i è dsordn e confusio.
I inguanguil, i vicch, el donn cun i ragazz,
Tutt corn al chis per far degli urazio;
E, s là su in zil is fussen curà dl or,
I mtevn quel di insem cert un gran teor.

101.

As lamintava i vicch d'ess campà
Tant da vedr un'arvina e un vituperi,
E s'invidiavn quì ch'ern passà
A qu'altr mond, lassand d'quest el miseri;
La zuventù più arbusta la città
Sol pensa a dfendr, Carl e 'l sant imperi;
Senz ordn, senza regola, ne misura
Ai baluard la corr, a dfendr el mura,

102.

Dov ai era i Barun e i Paladin;
Re, Duca, Cavalir, Marchis e Cont.
I suldà furastir cuu i ztadin
Per Crist, e pr al so unor d murir en pront.
Questi pr andar adoss ai Sarazin
I preghin al re ch fazza arbassar i pont:
Lu god a vnedri dispost e preparà,
Mo intant al vol ch staga el port asrà.

103.

Lu i disponn, e s i fa tutt star ai sign:
Puch, segond al bisogn, o purassà,
Una part bada al macchin e ai urdign,
Di altr han in cura i fugh artifizia;
Chi ha da putar di sass e chi di lign,
Quisti han da dfendr un pass, e qui una strà.
Carlun va innanz e indri, ne mai s'arposa,
Al proved da per tutt, es guarda agn cosa.

104.

Parig, ch è fabbricà in t una pianura,
Detta l'isola d Franza, cun bell'art,
La n'è dintorn tutta cinta d mura,
Mo cun un ram la Senna la cumpart
Cmod srev in dou città, e po l'assicnra
Cun al cors in t al mezz, e qu'altra part,
Ch abbrazza quella d dentr, è circunda
Dalla fossa e dal mur furtificà.

105.

Pr assaltar st cittadon, al re Agramant,
Cun tutt ch l'ava un eserit aqusi grand,
Al cguuss però ch'al n'è assà, ne l' srà bastant
Da circondarl da per tutt el band;
Mo, per n'arstar po dootta, al fa tra tant
Al fiam passar dal sou zent caminand,
Dalla part d pument, dov fin a Spagna
Sotta al so cmand l'ha tutta la campagna.

106.

Intorn al mura Carl aveva arduitt,
Per pruvedr ai bisugn, dla munizion,
I arzn furtificà, ben cvert i arduitt,
La strà cverta aslargà, muni al bastion.
Cun del cadèn ben grossi l'assrò tutt
Al cors del fiam, perchè an i era purton.
Mo, sovra l' tutt, al brav imperator
Pruvist in dov l'aveva più timor.

107.

Cuu gran prudenza, aveva 'l fiol d Pipin
Cgnusù da ch part mirava al re Agramant:
Tutt i lunari e i design di sarazin
L'ha per cgnusari e pruvedri ment bastant.
Cun Ferrau, Isulir e Serpintin,
Grandoni, Falsiron e Balugant,
E qui altr tutt, ch l'ha sigh d'in Spagna mnà,
Arstò Marsili alla campagna armà.

108.

In riva al fiam, dal là stanch, cun Pulian,
Subrin ai era, e Dardinell d'Almont;
E, grand quant è un zigant, al re d'Uran.
Sì brazza lungh dai pi sin alla front.
Quasi svelta avissia mi la penna in man,
Quant a cumbattr lor han l'anm pront.
Rudumont, impazient d'aver da aspttar,
Urla e biastemma, ch al vre pur andar.

109.

Parecch volt ai ho vist vari mi amigh
Da qualch bon galantom, o mi patron,
Cun gran frezza supplir in t'el buttrigh,
E mi fra quisti, cott un bel castron.
Cun tanta furia andonn d'Parig i nmigh.
Ugual a questa, pr assaltar al bon
Re Carl, cun sì gran zigament
Ch'al par ch'al casca 'l mond propriament.

110.

In t la mura a s i vdeva i suldà estian
Cun lanz, spad e manar, e fugh e sass
Fars contra bravament a qui pagan,
Perchè in s'avrisen, pr andar dentr, al pass.
I mnavn tutt, av l'assicur, el man,
E i mor cascavn zo cun gran fracasa,
Dagli arm di ztadin indri arversà,
Dalla forza di urtun e del stangà.

111.

S'al mureva un suldà estian, a in intrava
In t'al so post un altr incuntinent,
Dai qual non sulumant as adruvava
E spad e lanz e sass; mo gli acqu buient
Ern causa più d tutt ch'as arrivava
Al nmigh, perchè 'l sinteva in t un mument
Pr al gran calor la pell tutta arrustir
Dall'acqua, ch dentr intrava pr el visir.

112.

Più del spad, questa i mor dannzava squas;
Cosa cherdrenia po ch fissa la calzina?
Cosa direnia po ch fias altr vas
Pin d zistr, d peigula, d solfo e terminina?
Cert fugh artifizà indri n'ern armas,
Ch'a usanza del granà fan gran arvina;
E da luntan 'l mettu al fugh adoss
Al nmigh, ch'i fa brusar la pell e gli oes.

113.

Sotta alla mura in st mentr Rudumont
Fi andar per forza la schira seconda,
Da Murald e da Urnid ardit e pront
Mnà, quel di Garamant re, e quest d'Marmonda.
Clarind e Suridan, ch di unor fan cont,
Ne Durilon bisogna ch'al s'arponda,
Mo al vin cun Finador e 'l re d Marocch
Per cumbattr, e mustrar ch'in dan agli oech.

114.

In t la bandira, ch'è d culor d scarlatt,
Rudumont, al re d Sarza, un lion purtava
Ch aveva la buccazza averta dfatt
E una zouvna una breia i accustava.
In quel lion l'ha vlu far al so ritratt,
E in gula donna la mrosa 'l figurava,
Quella ch'adess d spusar al spera in van.
La bella fiola del re Sturdilan:

115.

Qul' istessa Duraliz, ch'av ho cuntà,
Ch Mandricard s'era beca, e cundutta vi.
Per questa Rudumont è cott brusà,
E tutt al so valor mostra per li.
An i era gnach la nova stà cuntà
Ch al s la gudeva 'l re dla Tartari;
Ch' s'al l'avies mai savù, l'arev allora
Fatt tutt quell ch'al fi po, da li a qualch ora.

116.

In t'un mument cent scal funn apponza.
E s n'in muntava manch d du per scalin:
Di albr van spinzend qui ch'ern andà
Innanz, e quasi a lor feva chi era avsin.
Chi pr anm i va chi contra vuluntà,
Mo ai fa muntar per forza 'l Sarazin,
Perchè chi arrestava indri, senza pietà,
Buscava di bun pugn e del calzà.

117.

Is sfurzava d'ustrar franchezza e ardir,
E tra gli arvin van prunt e 'l fugh d'la mura,
E i sberlocchn qui e lì, si vedn avrir
Un qualch pass in t'al mur, qualch cherpadura.
Animow cerca sempr al re d'Alzir
Andar per dov la strà 'l ved manch sicura,
E, dov i altr s'arcmandn in tant armor,
Lu tira zo di moccul, e in quest l'è un fior.

118.

Al n'era armà d'azzarr lulent e bell;
Mo da Nembrot l'aveva eredità
Per curazza d'un dragh tutta la pell,
Ch'era sta al temp antigh da quèl purtà,
Quand al fi fabbricar, pr andar al strell,
Qua torr ch fu d Babilonia numinà;
Al s l'era fatta far a tal effett,
Cun una spada e un scud ch'ern perfett.

119.

Al n'era Rudumont za manch d Nembrot
Impertinent, superb e furibond:
Ch pr andar in cil al n'arè aspià la nott,
Quand al cgnusseiss la strà d andari a st mond.
Lu 'n guarda s'el mura han qualch sbruzzott,
Se bass o ver alt sippa d'acqua 'l foud,
Mo per la fossa 'l corr, e anzi al vola,
E in t'al pacchiugh al va fina alla gola.

120.

Per la gran lezza sporch, per l'acqua mui,
Tra l fugh al passa, i sass, arch e balestr;
E 'l fa cont di su nmigh, e d quel gran sui
Quant qui fussen pundghin, o quest un mnestr.
Cun al scud alt al passa pin d'argui.
A us d un porch signal di più silvestr,
Al qual tutt quell ch l'incontra avr e fracassa
E agu cosa arversa e stianca dov al passa.

121.

Tant quant arriva in lugh tutt Rudumont,
Al s ved arrivà finna in t' l baltreesch,
Ch dentr alla mura servev per pont
Capaz e largh pr el bon squadr francesch.
Qui 'l cminzò a taiar brazza, a spartir front,
S' i mandava tutt in t' l'acqua al fresch:
E, n'attruvand mustazz ch' resistr i possa,
Al sangu a riù dal mur corr in t' la fossa.

122.

Al trà vi 'l send, e po a dou man l'acchiappa
La spada Rudumont, es cui al Duca
Arnolf; al vgneva st precinp, d là dov scappa
Ren grand in mar, es i parti la zucca:
Dal corp a sta manira l'anma 'l strappa;
E qui an s'afferma st colp dà zo a quia gruocca,
Mo più d'un smess al passò sotta al coll,
Tant ch zo dal mur al di l'ultim tracoll.

123.

D'un man arversa l'ammazzò in t'una volta
Uldrad, Anselm, e sigh Spinlozz e Brand:
Purassà zent in lugh strett era arcolta,
E per quest al fu un colp tamugn e grand.
La mità prima fu alla Fiandra tolta,
Brand e Spinlozz ern tutt du Nurmmand;
E, dop a quisti, in t' l'istess sit fi un d nett
Avrend la panza al Maganzes Urgnett.

124.

Dai merl al fa sbalzar zo 'l Sarazin
Andopn, sacerdot del Giov etern;
E a fari campagni 'l mandò Muschin
Ch'arè bvù l'Arn e 'l Po, 'l Tur, e 'l Santern,
Tant erl ingord a bev del bon vin.
E, in t' l'andar ch' i fa l'anma vers l'infern,
In t' l'istess temp al s sint trar un suspir
Pr al disgust d'aver in t' l'acqua da murir.

125.

In dou part al spaccò Luig d Pravenza,
Al passò 'l stomgh al Tolosan Arnald,
E Ugh, Ubert, Dinnis, Claudi finn partenza
Da st mond, fora mandand tutt al sangu cald.
E, dop quisti, Parig armas anch senza
Sti quattr: Od, e Guid, Stallon, Ambald,
Cun altr tant e tant, ch'arè un gran ch far
Se i num e i su pais a vllas cuntar.

126.

La squadra d Rudumont, pr andar su presta,
L'appunza el scal e in più d'un lugh la monta.
Qui i puvr parigin più 'n ponn far testa,
E as po dir ch poch la prima difesa conta.
I san ben ch dop a quella una i arresta
Innanz ch'a qu' altr mur al so nmigh monta,
Perchè tra 'l mur e tra l'arnz segond
I avevn fatt un foss largh e perfond.

127.

Qui ch han la dfesa d'la seconda mura
D mustrar al so valor i en in impegn;
Cun sass e dard i fan l'aria vgnir bura.
Aduvand tutta l'art e tutt l'inegn.
Mo, temerari, al re d Sarza 'n s n'incura
S' i fussen più ch en n'ha d Pluton al regn,
E in sren d sicur innanz tant arrivà
S'an i avies lu condutt i su soldà.

128.

Al fa anm a quest, e a qu' altr un bon arbuff;
O vler o 'n vler, bisogna innanz andar:
Mal guai s'agli udiss dir ch i en za stuff,
Perchè l'ammazza quant l' in ved scappar.
L'acchiappa chi pr al coll, e chi pr al zuff,
E chi pr el brazz, e in aria ai fa vular;
E sudsova in quia busa tant a in manda.
Ch' i n' i ponn più star tutt, se ben ch l'è granda.

129.

Intant ch'ugnum d qui puvr diav! s sforza.
Usci dlla fossa, dov i ern stà spint,
D superar auch al second mur per forza,
Cmod i avevn al prim za bell e vint:
Al re d Sarza, con tutta qula gran scorza
D dragon, d la qual intorn al s'era ciut,
Cun si gran corp, e cun tant arm adoss,
Dspicca un tal salt, ch'al passa dlla dal fossa.

130.

Ben trenta pi una sponda era loutana
Da qu'altra, es la passò cmod fa un usell;
Al pars ch'al diss in t'una massa d lana,
Tant erel prout e svelti cm'è uu furfarell.
Po 'l cmenza a trinzar gli arm e la gabbana
A qui franzis, e ai n fa del taiadell.
E 'l par ch al taia dlla zuncà o del lard,
Taut la spada ela bona e 'l brazz gaiard.

131.

In st mentr i nustr, ch'avevu za tes
Cun di catram gl'insidi zo in t al foss.
Dov di fass e dlla legna i avevn dtes,
E po agn cosa impegnà ben all'ingross,
Perchè 'l fugh brusass mii quand l'era impres,
Cun vari barill d'oli e d'altr coss,
E tutt arpiattà in mod, cun tant inzegn,
Che d sorta affatt gnanch a s'in vdeva 'l segn:

132.

I nustr, a torn a dir, ch'ern ammanvà
Per mandar d qula canna i dsign a mal,
Perch fuss da tutt 'l part al fugh impià,
I ern daccord insem cun uu cert signal:
Quand fu dai Sarazin tutt preparà,
E ch su i andavn pr i più del scal,
I dinn al segn, e toppa, in tutti i lugh
S'vist in t un punt alzars la fiamma e 'l fugh.

133.

Al fugh s'uniss, e s fa una fiamma sola,
Ch rimpiss al foss da uua a qu'altra riva,
E tant in alt al fum per l'aria vola,
Ch'an i è nulia tant alta più ch' i arriva.
'l sol dlla so gran lus al mond dscunsola,
Perchè 'l fum di su raz del tutt al priva;
E la fiamma una romba fa e un cert son.
Ch'al par quand all'estad tira un gran tron.

134.

Un s lamenta, quest pianz, e quel altr crida,
E una musica i fan d gran confusion;
Chi maldiss i franzis, chi la so guida,
Ch'è causa d tgnir murir in quel sfundon.
Mo la musa en pol più, e d cantar la 'n s fida,
Perchè dagnora l'è sguzlà 'l piston,
E l'è un gran pezz ch la i dà dentr a cantar:
Donca 'l sra mii ch la s vada un po a rpussar.

FIN DEL CANT QUATTORDÈ.

CANT QUINDS

ARGUMENT

*L'è battù 'l gran Parigi da tutt i là
Dall'esercit d Marsili e d Agramant.
Astolf da Lugistilla s tol cumià,
E s chiappa in t la s; red Caligurant.
La testa 'l taia a Urill, ch'era affudà,
Incontra 'l qual Griffon con Aquilant
S'en smanzà in van, e s trova Sansunett.
Per la mrosa Griffon ha un dsyust maldett.*

1.

Al vinz in guerra fu sempr ludà
Al temp antigh, e in quel di nustr di,
Ch'as vinza mo per forza d bon suldà,
O per virtù d'un general cumpi;
O pur ch'un qualch ingann as sia attraversà,
Al qual in dann di nmigh sippa riuscì;
Sempr e po sempr quel ch'è vincitor
Al torna a cà glurios e pin d'unor.

2.

L'è ben altr tant vera ch la vittoria
Ch costa un gran saugn la n'è po quei gloriosa;
In dov srà degna d più nobil memoria
Qula vinzita ch n'è sta tant sanguinosa;
E 'l capitani srà degn d mazor gloria
S cun al saver e l'art industriosa
Al sa dar ai cuntrari e bott e affann,
Senza ch'ava l'esercit so gran dann.

3.

Tropp allora 'l re d Sarza temerari,
Cun i sn an guardò tant alla munda,
Mo, a forza d buss, al fi in t'al foss andari.
Dov i arstonn dalla fiamma ingorda e cruda
Tutt adaffatt brusà; e in areu psù stari,
Ch per tanta zent la fossa en n'era vuda,
Quand al fugh, cun l'arduri in poca zendr,
Dl altr lugh n'aviss fatt, ch'ai n'è da vendr.

4.

Unds milla, e dou volt quattr sovra a vint.
Numr ch a dir! al par squas impossibil,
In quel brutt sfundunazz armasu estint,
Arduitt in zendr dalla fiamma urribil.
E Rudumont, ch'in furia i ha la spint,
Cun un trattar da barbr al più insuffribil.
Ln, digh, causa ch'è morta tauta zent,
Da un supplizi quasi fatt al s'in va esent.

5.

Ai ho za ditt ch l'aveva 'l foss passà
Cun al più svelto e 'l più strampulà salt,
E, in quel mod s'al n'avies l' pell salvà,
Al n'aveva più temp da dar l'assalt.
Quand al fu dlà, al s'vultò e di indri un ucchià,
E a vedr andar quela larga fiamma in alt
E i su suldà d'vintar polvr e carbon,
Allora al tri un biastmott contra a Macon.

6.

In st mentr eh resta qui tanta zent morta,
Cunsumà dalla fiamma in t'un mument.
La so zent pr assaltar un'altra porta
Cun un gran empit moss al re Agrament.
Dentr da lu pinsand ch l'an fuss quei forta,
Ne per dfesa l'avies suldà bastant;
L'aveva al re d'Arzella Bambiragh
Sigh, e Balverz in t'i vizi imberigh.

7.

E Carinè, re d Mulga, l'ha a gallon,
Quel ch puch di fa a gli aveva 'l scettir di;
Al re Malabufers, al re Prusion,
Quel d Fessa, e quest degl'Isol Furtunà,
E tant altr gran signori, in conclusion,
Tutt in t la guerra espert, e ben armà:
E po dri dila zintia, e popul mnud,
Ch'al ferr d Bressa 'n are bon per fari scud.

8.

Al cuntrari al trovù d quell ch'al pinsava
Qui da sta banda al re di Sarazin:
Perchè 'l re Carl in persona i emandava,
E sigh l'aveva tant d qui Paladin
E d qui dai baffi, e tutt zintona brava:
Ai è Uggir, i du Guid, tutt du i Anzlin.
E Berlinzir, e Avoli, e Avin, e Utton,
Gan d Maganza, e d Bavira 'l duca bon.

9.

E di suldà d più bassa cundizion
Ai n'è vi vi, Franzia, Tndisch, Lombard,
Preparà per mustrar al so patron
Quant al cumbattr i sien prunt e gaiard.
Mo questi a vui lassar, e mudar ton,
E a vui a un Duca aver un po d riguard.
Perchè am prev accusar d mala creanza
S'a m'al d'curdass in tanta luntananza.

10.

Mi pens ch' a Astolf an i sia mai d'avvis
Parint e amigh turnar a vedr in Franza,
Pr esser da lor sta tant ann, tant mis,
Tra tant guai e tant stint, in luntananza.
Ch'al possa andar a vedr i su pais
Lugistilla i ha dà ferma speranza:
E sovra d li l'aveva tolt la cura
D mandar per la vi miura e sicura.

11.

Una bella galè prest l'ha ammanvà,
La miura ch navigass mai la marina;
E, per pora ch'an fuss in viaz deturbà
Da quela sfundradunazza maga Alzina,
Cun una bona squadra accumpagnà
Da Andronica l'al vol e Suprasina,
In fin ch da press a poch secur al fuss
In t al mar d Persia, e all'isola d'Ormues.

12.

Più tost la vol ch'al vada alla luntana
Navigand, pr el custir d Scizia e di Indian,
E ch'al spenda in t al viaz più d una stmana.
Par ch al vada secur e libr e san
Che a far la strà più curta d Tramuntana,
In dov del sol qualche mes d'ann priv i stan,
E dov è mal secur al navigar
Tra i giaz, tra i viut, e tra 'l timpest del mar.

13.

Quand av la fada miss in ordn al tutt,
La di licenza a Astolf ch'al pssias partir,
Dop averl ben ten d più cos instrutt,
Ch'an importa s'adess a n 'l so dir.
Pr assicurarl ben dai incant brutt,
Ch'an s' i intramplass, senza più pssern uscir,
Un bel librin, cun st patt, l'ai regalò,
D sempr averl in bisacca pr amor sò.

14.

Quest era un cert librett, al qual insegnava
Al mod per rimediari a tutt i incant:
Cun un indiz cupios, ch subit mustrava
La tal cosa e la tal, missa a cart tant.
La i fi anch un altr don, al qual passava
La part, in t'al valor, di altr tutt quant:
E quest fu un Corn, ch'a sintril sunar,
Alla luntana 'l feva tutt scappar.

15.

A digh ch quel Corn aveva un son quasi urribil,
Ch'al feva scappar vi tutta la zent,
Ne a cred ch al mond i fuss cor quasi terribil
Da star ferm, quand quell sunar al sent:
L'armor del terremot, quest è infallibil,
Appressa a quell, l'è ngotta, al tron, al vent.
L'arringraziò la fada tutt curtes,
Tulende licenzia, e s'andò vi l'Ingles.

16.

Al lassa 'l port, e gli ond quedi e tranquill
Van segond un vintuin, ch a poppa spira;
Al ved del belli spiaz, burgh, terr e vill
D'India udurosa, 'l Duca, intant ch al gira
Da qu'altra banda degl'isol più d mill
Sparguià a cas pr al mar, in ultm al mira
Quella, ch al nom ai è stà dà d san Tmas;
E qui volta 'l navilli vers l'uccas.

17.

Cun un vent favurevèl, al Paladin
Passu innanz, assevrand quel spiazzi attent,
E dov finiss al Gang'al so camin,
E Taprobana e Caor similitent.
Al passa 'l strett Zimen, e l regn d Cucchin
Al ved, e qui l'acgnuss ch l'è finalment
Usci dall'India, dop quasi tuncar mai terra,
Senza ch'al viazz fin'ora i sia dsturba.

18.

Ai vign curiosità d saver intant,
Es al dinandò alla so Andronica un di,
S'ai era nssuna strà, ch pessiss in Levant
Per mar cundur 'l nav d pument uscì.
O pur, s'a tors d'in India e d'in Levant
Fuss pr al Mediterani nssun riuksi;
S'as paseva andar senza tuncar mai terra
Da Calicut in Franza, o in Inghilterra?

19.

A pssì saver, l' Andronica i arspos,
Ch la terra intorn l'è abbrazzà dal mar,
E insem gli ond d st element salà e stiumos.
Da un co all'altr del mond s van a incalzar.
Cmod srev un mur, as cred ch' i sia interpos
L' Etiopia negra, e d là 'n s possa passar,
A vederla quasi lunga, 'l cred la zent
Ch la sia attaccà cun qu'altr continent.

20.

E quest è quel ch trattin tant nostr nav,
Ch en san la strà, la qual guida in Europa:
E pariment n'arriva nssuna nav
In India, dspecca dalla vostra Europa;
Qu'opinion, ch'av ho ditt, ch trattin 'l nav
Vostr d passar in India, e nu in Europa,
Nass da 'n saver la strà; s la s saviss far
Ai vustr nu vgnaren, vu ai nustr mar.

21.

Mo cun l'andar del temp a ved uscir
Dalla fertil Europa, vers pument,
Più d'un nov Argonauta, e in mar avrir
Del novi strà, ch n'en noti al temp present.
Chi d Affrica circonda 'l gran custir,
Tutt abità da negra e mala zent:
In fin chi passa dlà da quel mastlon,
Dov entra 'l Sol, cm'al dsmonda dal Cavour.

22.

E di altr a in ved, cun gran curagg andar
Dla dal culonn altissm d Zibilterra,
Cunfin ch miss Erqu al viaz di marinar,
E purtar in pais nuv nova guerra.
E di sterminà regn e rioch truvàr,
Ch'adess a mi l'orba ignoranza assera.
E, del sol imitant al camin tond,
Purtar avvis d aver vist un nov mond.

23.

A ved la santa Cros, es ved i sign
Dl'Imperi là in t la verda riva alzá;
A ved chi arresta a far la guardia ai lign;
Chi va per far acquist d riga e d città;
A in ved dis contra mill; e qui bi rign
Ch'in d là dall'India alla Spagna acquistà;
In somma da per tutt a ved za vint
Dov arriva i mandà da Carl quint.

24.

L'è vuluntà del zil ch sippa sta strà
In finna adess nascosta ai navigant,
E per l'avgnir ch la i staga purassà,
An ev so dir i ann, ne av poss dir quant.
Allora sol al vrà ch la sia attraversà
Quand al mond per munarea arà e gvernart
Un bon Imperator più savi e giust
Ch sia mai stà, o ch sia pr essr dop August.

25.

Da padr austriach, e madr aragnessa,
A ved in Fiandra nssu un princip grand.
Bon da cumpir qual s sia più alta impresa,
E ai successur sempr essr memurand.
La giustizia da lu a ved ch la srà dffesa,
E tutt quanti el virtù, ch ern za in band.
Da lu sran archiamà cun gran unor,
A dspecc del malizios mond traditor.

26.

Allora as vdrà turnar la carità,
E la realtà incontrars in t un bon punt:
As vdrà la pas, l'unor, e l'equità
In amicizia insem stritt e cangiunt.
E per premi d sti belli opr ludà,
E d'altr fatt, di qual an rend i cunt,
Sotta a quei bon e degn Imperator
Sol un re, un regn sol vol ch i sia 'l Sgnor.

27.

E perchè sia cmod vè propri cumpi
Quel ch'è sta in cil ab etern prescritt.
E per terra e per mar al srà servi
Da capitani valurus pr al dritt.
Fernand Cortes, tra i altr, a ved, ch ha uni
Un nov imperi sotta a un giust editt
D Carl quint in Urient, e quasi d luntan.
Ch nu n'al saven, es i sen più alla man.

28.

A ved Prosper Culonna, a ved d Pescara
Un marches molt garbat, e in t l'istess cor.
Un zovn i è del Vast, i qual fan cara
Custar l'Italia a qui ch portn i zii d'or.
Anzi d più st'ultim, ch'ai ho ditt, s prepara
Innanz ai altr d guadagnàr al mlor:
Cmod fa un bon balbr, ch'è l'ultim a scappar
Dal moss, e al prim alla ferma arrivàr.

29.

Alfons, l'è quest al num propri d quel sgnor,
In età d ventis ann, srà quasi prudent,
Ch ai stimarà ben dà, l'Imperator,
Sovra l'esercit tutt al cmadament,
Perchè con la destrezza e 'l so valor
Al possa andar sicur a salvament,
Ne sol quel trupp al srà capaz d salvar,
Mo un mezz mond al srà lu ben d'aquistar.

30.

S cun al valor d'Alfons quasi singular
L'Imperator chersrà l'imperi e 'l reign,
Per quant in terra ferma al s possa andar,
Se ben ch l'è d quest e d'altr imperi degn.
Aquis dlà dall' Europa e dlà dai mar
Vittoriosi andaran al sou insegn,
E un nov imperi azuntarà all'antigh
Dop essers fatt Andrè d Doria amigh.

31.

Quest'è quel Doria, ch srà dann e terror
Di cursar ai su di: più degu d Pumpè
D'essr da tutt stimà pr al so valor,
Cun gran rason, es ev dirò 'l perchè.
Qu'antigh ruman aveva in so favor
Qu' imperi, ch'al più grand mai vist an s'è:
Mo Doria da per lu farà termar
Dalla Spagna all' Egitto ladr e cursar.

32.

Quand in Italia Carl vrà passar,
D lassars cundur da lu 'l arà vergogna,
Pr andar dal Papa a fars incurunar
Cun al diadema d'Imperi a Bologna:
Vu n'm cherdri quel ch av son per cuntar.
Mo ch staga a som la verità bisogna:
In premi l'utignarà la libertà
Doria da Carl per la so città.

33.

Quest è ben altr vant, che ai su ztadin
Movr del gnerr da can per fars patron:
Ai vrè i Pepl, i Bentvui, e i Guzzadin,
E sigh tant altra di temp del fazon,
Quand cuzzaran insem Gueff e Ghiblin,
Ch andassen a tor da Doria un po d lezion.
Cmod a s'ha da trattar e prtars beu
Da qui ch'ann al paies dov nad a sen.

34.

L'istess Imperator srà maravià
A vodr in qu'om tanta muderazion,
E mostrars tant amigh dla libertà,
E depuà dfatt dal spirit d'ambizion;
E, avezz a nsar la liberalità,
Al farà 'l Doria d un bel feud patron,
Oltra a quell ch'al gudrà comunement
Tra i su cumpatriut e la so zent.

35.

Non sol al Doria 'l s mostrerà curtes
E liberal al bon Imperator,
Mo 'l srà tal a tutt qui ch faran pales
A pro dl' imperi al saver, e 'l valor,
D'aver dumà un castell o un qualch paies;
Al mostrerà più gust cent volt, quel sgnor,
A qui ch al meritavn, e ch n'ern dign,
Che d'aquistar di imperi e di nuv rign.

36.

A sta manira Andronica dscurrava,
Per far passar la lurnia al Paladin,
Del cos ch'ern per vgnir; mo lu an saveva
S'al temp d sti cos fuss da luntan o vsin;
Qu' altra dunnina intant, ch l'incargh aveva
D cundur la nav in salv al so destin,
I vint ch'en più a proposit fea tirar
E segond al bisogn cresser o calar.

37.

Dop aver vist città, spiazz, terr divers
Da una part e da qu'altra per più di,
Senza pora d burasch, o d dar d travers.
O essr dall' Alzina ingamurdi:
Dla Persia finalment el riv as daversa,
E qui l'andar in barca fu fini.
Dop ringrazià quel donn, l'uscì dal golf,
E pr i fatt su, per terra, s n'andò Astolf.

38.

Al passa più d'un mont, d'una pianura,
Per più d'un bosch, e per più d'una vall,
E spess, all'aria chiara e all'aria bura,
Tra i ladr, ch'i eu dinanz o pur al spall,
Di serpint attusgà ch han la pell dura,
Del bstiazz tramacchià d ross e d negr e d zall.
Ch vlevn impediri al viaz per quel furest,
Mo cun al corn al s'in spiciava prest.

39.

Per l'Arabia 'l passò detta Felix,
Dov nass la mirra e d'in dov vin l'incens,
Dov sol i diis ch nassa la Feniz,
Sebben ch'al mond sia largh e tant immens,
Fin ch l'arrivò a quegli ond vendicatriz
Del popl Ebrè quand, per divin cunsens,
Arstò con la so zent angà Faraon:
E d qui l' passò in Egitto al fiol d'Utton.

40.

Dri alla sponda d'un fium al s miss a andar
Cun quel cavall, ch n'aveva 'l mond l'ugual,
Ch'era alzir tant, e tant svelto in t l'andar,
Ch'in t la polvr di pi n lassava 'l signal.
Per l'acqua e per la nev al peseva andar
Cun i pi tutt, ch al n'i feva nessun mal;
E s'al s metteva a corr-r, a n'ev cont-zanz,
Al vent e anch al saiet saltava innanz.

41.

Quest è 'l cavall ch za l' Argali adruvava,
Fiol dla fiamma e del vent, per quant as dseva,
Biava e fen (credda st pu) 'l dis ch' an magnava,
Mo d' aria e d rusi sola lu viveva;
Per propri num Itabean al s chiamava.
Innanz ch' Astolf arrivasse dov fineva
Quel fium, in mar, vers lu, sola suletta,
Al vist correr per l' acqua una barchetta.

42.

L'era questa guidà da un Eremita,
Ch lunga la barba aveva e i cavi bianchi,
Al qual al Paladin, cun la man dritta,
Invidò in t la barchetta, e s i diss anch:
Quand an ev vigna in stufia adess la vita,
O ch' an cercà ch' i vustr di sien d manch
D qui ch v' en prescritt, n' andà da qu' altr là,
Perchè a una brutta mort v mena qua strà.

43.

Luntan trei miia e più, cun altr tant,
As attrova una certa abitazion
Adlitta per so stauzia da un zigrant,
Più alt ch' en n' è d Bulogna l' Cunfalon.
An i è nssun cavalir, suldà, o viandant
Ch possa scappar dal man d quel brutt ladron:
A in scordga part, e part a in squarta o scanna,
La carn al magna, e 'l sangu bev e tracanna.

44.

Tra i altr spasse, dov l' ha più gust e a car,
L' è una cert red d azzarr benisam fatta,
Missa avsin alla cà dov al sol star;
Sotta alla polvr in manira al l' adatta
Ch anch un ch al sava l' ha l' asi d guardar
Mo an i è dubbi d sicura ch' al l' accatta;
E po attrapla qui ch passa in tal manira,
Ch lor, ch' n' s' abbadn, in t la so red ai tira.

45.

Quand i en dentr in sta red tutt avluppà
Al si strassina alla so cà ridand,
E, senza aver riguard a sessa o a età,
Ne a povr o cavalir ne a pzin o grand,
Dop ch l' ha magnà la carn, e gli oss pluccà,
Intorn al li spargua per quel band;
E cun quel pell, cmod sre si fussen arazz,
Dentr e fora l' adobba al so palazz.

46.

A pssi donea cercar la più sicura,
E andar per st altra strà, ch' a farl mi.
Mo al Paladin, ch d' agn cosa s' assienra:
Av son, padr, ubbligà, diss, del cunsii;
Mo intant mi a vui prubar la mi vintura
Za ch' am avi cuntà d qu' umazz l' usvii:
E l' è temp pers decunsiam, ch per mi ünor
Adess a vui cercar d quel traditor.

47.

Scappand, am poss, cun mi dsunor, salvar:
Mo, più ch vivr a st cost, mi a vui murir.
S' ai vad, la cosa piz ch' em po incuntrar
Srà cun tant altr trar l' ultim sospir;
Mo quand misir Domendi 'm vuia aiutar
E a riuscissa quel diavl d far sbasir,
E antar aqusi sta strà, 'l frutt è mazor
Ch n' è 'l dann propri, s' a rest mi perditor.

48.

Considerand a quant al pol zuvar
Ch' es mitta un sol a un risgh si grand, cos' el?
Andavn in pav fiol mi, quand a vli andar,
Arspes al bon Rumitt, ch en n' ha gnane fel;
A pregh al Signor ch dal cil v vuia mandar
In vostr aiut l' Arcanzel san Michel.
E intant ch Astolf per la so strà s' n' andava,
Più che in t egli arm, in t al corn al s fidava.

49.

Tra la palud e 'l fium, d co dal sentir,
Al palazz del zigrant s vel in prusptiva.
In dov chi arriva va d cert a murir,
Tant al l' anima d' amor, d carità priva.
Intorn ai merl, al finestr e pr al balstrir.
Segond ch' al Paladin a vedr arriva,
Da per tutt ai è dats di in fond in cima
La pell e gli oss d qua zent magnà za in prima.

50.

Cmod fa un artista, s' al s vol far unor,
In mostra 'l mitt el più belli fattur,
E massm quelli dov l' ha più sudor
Pati, s' a perfezion agli ha vlu ardur.
Aqusi al zigrant gli oss e la pell d qulor,
Al mteva al finestr e s' attaccava ai mur,
Ch i ern al man capità di più valint;
E s trà vi quelli d qui ch' an stima niunt.

51.

Caligurant allora era in t la porta,
E vers lu al vist andar al Paladin;
Aqusi s chiamava quèl ch magna dla morta
Zent la carn, e 'l sangu bev a brama d vin:
Quand al l' av vist, pr' algrezza l' razza storta
An vols aspttar ch' agli arrivasse avsin;
L' andava pr i si mis ch' n' era passa
Nssun cavalir ne viandant per qua strà.

52.

Vers al lamizz, ch' era ben folt d' arell
E d pavirazz, cun gran furia l' andò,
Cun intenzion d' arrivar alla pell
Per dedri dalla schiua, e allora pò
Fari pora, e mandarl in t' al zampell
Dla red, a sta manira lu sperò,
Cmod ai n' aveva tant e tant arduet,
Ch forsi dal peccà eren sta là cunduet.

53.

Quand al bon duca l'usservò ch al vgneva,
Al cavall l'affermò cun gran suspett,
Perchè dentr in t la red cascar au vleva,
Ch'i ha cuntà quel Rumitt cun tant affett;
Mo con al corn, ch za ammanv l'aveva,
Mittenda a sunar, al fi l' solit effett;
Perchè 'l zigrant, udì ch l'av quel pullar,
Dalla scagazza 'l s miss d lugh a scappar.

54.

Al sona Astolf, e 'l sta cun l'occh attent.
Ch' ai par sempr d' sicut la red scruecar;
E 'l zigrant corr precipitosament,
Ne dov al s metta i pi lu 'n sta a guardar.
Alla strà an bada niint, tant è 'l spaveut,
E in t i su propri lazz al s va a intrampiar;
Al dà in t la red, e quella appenna 'l tocca
Scrocca, es al liga, e lu in terra trabocca.

55.

Astolf in terra udì cascar al pes:
Per sù stess za sicur, là 'l cors in furia
Per liberar da qula pesta 'l paice
E la vendetta far d'agn fatta ingiuria.
Mo dop l'appensa ch picchiar a un ch'è pres,
E ch'è cascà in t'i lazz per propria incuria,
Al sre un fars poch unor: tant più ch pr al brazz
E pr i pi l'è ligà quel brutt umazz.

56.

Sta red fu fatta za dal zopp Vulcan,
D'azzarr suttil e fort, mo cun tant art,
Ch all'ariss limà cent ann in van
Senza psser rompern anch ben poca part.
Cun questa lu ligò pi, gamb e man
A Vener so muier, ch era cun Mart:
E al l'aveva urdi iust per st'effett,
Tant ch' ai chiappò una nott insem a lett.

57.

Mercuri po sta red al frab rubò,
Vlend cun questa la Clorid acchiappar,
Clorid, ninfa ch va dri all'Aurora, e zò
E viol e ros l'ha cura d sparguiar.
Mercuri i stì alla docchia, e tant aspttò,
Ch' una mattina, in t al calars in mar,
N' appinsand all'ingann, la di in t la red,
E Mercuri s diss po cavar la sed.

58.

Am par ch' ai fias, dop quest, chi la red mttass
In t'al tempi d' un Idol, mo luntan:
Es dis l'instoria ch trei mill'ann la i stiss,
Senza ch pr' averla ussun dstitinss el man;
Ch'al la rubass po st tal zigrant as diss,
Es n'abbadò al bravar del sagherstan:
L'era anzi tant bricon e tant disgrazià,
Ch'al tri zo 'l tempi, es brusò la città.

59.

Qui in mod al l'arpiattava in t'al sabbion,
Ch' tutt qui ch' ai fava pora, in t'al scappar,
I cascavn in t la ragna d quel bricon,
E in t'un atm is sintevn tutt ligar:
Da questa una cadena al fiol d'Uton
Cun gran fadiga appenna 'l pesi dspicar,
E al s'in servi a ligari 'l man dedri
Perchè an scappass, e po al fi star in pi.

60.

Dal vlupp dila red dabruiads, a tutta prima
La gattia morta 'l fi quant s po pinsar;
Mo Astolf d cundurì e farl vedr al stima
In tutt qui sit in dov al vol passar.
Qula red, ch' l' ugal 'n fu fatta da lina,
Ai carga adoss, cmod as farè a un sumar,
E, dandes dl'aria, per de dri al s'al mena,
All'usanza d'un schiav, per la cadena.

61.

Al scud e l'elm anch da purtar ai di,
E po 'l seguitò innanz al so cammin,
E tutt s'algravn d quell ch'era segui,
E ch fuss la strà sicura pr i pelgrin.
Tant Astolf andò innanz, ch' l'arrivò un di
Dl'antiga Menfi alla città, e lì vsin
El piramid al vist ingumbrar l'air;
E po cun un bon viazz l'arrivò al Cair.

62.

Al popl maravià tutt dri i curreva
Per guardar a un zigrant quasi strampalà:
Cmod è possibil, l'un cun l'altr dseva,
Ch'ava quel pzin quasi gran culoss ligà?
Astolf andar innanz a pena 'l pseva
Tant erl dalla calca circondà;
Tutt s maraviavn, e tutt i fevn unor.
Tutt al stimavn un cavalir d valor.

63.

An i era tanta zeut al Cair allora
Quant i disn ch' i in in sippa al temp d'adess:
Forsi dl' Egit la n'era gnauc la signora
E n' i aveva i mercant tant interess.
Intant ognun, ch Astolf ved, al l'unora.
E bravo zighn tutt d luntan e appress,
E s mostrn tutt a did Caligurant,
Lendand chi l'ha ciappà, e dandi al vant.

64.

Astolf, ch' aveva a car d vedr e d saver,
D'infarmars di pais e degli usanz,
Dov sbocca 'l Nil al vols andar a vder
Sotta a Damiatà, es tirò al viazz innanz;
E po tant più ch l'era arrivà a saver,
E mi 'n so chi s' i aviss cuntà stì zanz,
Ch sotta a Damiatà ai era un pass d tal sort.
Ch chi i arrivava era person o mort.

65.

In t'una torr s i arnicchiava un assassìn,
Propri del fium in t l'ultima estrema riva,
E a qui ch passavn, viandant o pelgrin,
Ai feva sintr al son d quila brutta piva.
Contra d lu an i è ch vala a far fruntin,
Che spada o lanza an i è ch dla vita 'l priva;
Al srà stà fri cent milla volt e più,
Ma pur tori la vita nssun ha psù.

66.

Cun al pinsir d far trari l'ultim strill
E ch' i taia la Parca d' vita al stam,
Al Paladin s porta a cercar d Urill,
Ch' aqusi s chiamava qu' assassìn infam:
Damiata 'l passa, e po va dov al Nill
In t al mar va a sbuccar cun un so rain:
Al ved la torr dov ha nid quel maldett,
Ch' era fiol d' una fada e d' un fullett.

67.

L'arrivò ch'era in pi una gran question,
E contra Urill i cumbattevn in dō:
E pur lu sol per stari contra d' urill:
E, savi, qustor ern d' Ulivir i fiù.
Aquilant neghr e qu' altr al bianch Griffon,
Brav in battaia e anch più d' altr par sù:
E pur, cun tutt ch' i sien famus e chiar,
Da per lu Urill al zuff i fa sudar.

68.

L'è però vera ch Urill era vgnù
A taccar lit cun un vantazz ben grand;
Guidà l'aveva un animal cun lù,
Ch nass e s trova sol là da quel band;
Quest i omn ammazza, e po i sta a pianzr sù,
Al viv in terra e in t l'acqua, e 'l son vivand
Più gustosi in i corp d qui dsurtuna
Ch i dan tra 'l grinf, e d zent pr acqua acchiappà.

69.

Sta batiazza era za morta vsin al port,
E i fradi l'avevn arversà in t'un foss;
Mo al negrumant per quest gnanc in fan tort
S tutt du in t'un temp i i men-n 'l man adoss;
I l'han ben taià a pizz, mo in l'han mai mort,
Perchè an mnreva anch a triduri gli oss.
Lor s'instizzevn a vider sparguà in van
Tant sudor, e 'n zuvar al mnar del man.

70.

S' Aquilant al spaccava in fin al pett,
Lu torna insem, e dlungn tutt al s'nuiss:
In t l'istessa manira senza effett
Griffon la testa in fin ai dint partiss.
Quà an zova l'esser un cavalir perfett,
Perch qulà è un demoni ch l'è temp pers s'al s'friss.
Qui, d'ài e picchia, ai è 'l mod d'ammattir,
Ch' an s trova 'l dritt o 'l co d' farl murir.

71.

S'un i taia la testa, e qulà sod sod
Fa vedr ch st cumpliment an stima un' aoca,
Ch' al l'accata a tastun, e senza chiod
Un'altra volta, dov l'era, al l'attacca.
S qu' altr i la tronca etra in t'al fium, gnanc st mod
Zova, perch' Urill en n'ha pora una patacca;
Al salta in fond, es nonda da pivir,
E lest e svelt s torna tutt intri.

72.

Don belli zovni, e vsti nudestament
Una d pann neigr, e qu' altra d bianch scandà,
Ch' ern stà causa d ste cumbattiment,
Stevn a guardar sta lotta desperustà.
Questi ern quel dou fad, s'avi in t la ment,
Ch avevn d Ulivir i fiù arlivà,
Da dop chi i fann rubà fin da tosùtt
Alla mamma, dal grinf 'd du falchitt.

73.

A so madr i falchitt i avevn tolt,
E purtà vi luntan dal so paies;
Mo sta cosa 'v srà sta ditte altr volt,
E an serv s'an v la cont tutta per dstes.
Sebben ch i disn ch' l'autor n' i ara accolt,
Ch' in scambi d quisti al s sia d du altr intes.
Basta, sti du alla zuffa ern attacca,
Pr amor del fad, ch i avevn d quest pregà.

74.

Za 'l Sol aveva 'l solit viazz cumpì,
E, pr arpusars, in mar s'era artirà;
Gli ombr han za cvert tutta la lus del di,
La Luna aveva 'l so vel bianch dspigà,
Quand fu al cumbattiment dal fad d'sparti,
E cun Urill i s ern adaccurdà
Qu' altra mattina ch' i sren vgnù a bunora:
E ugnun s' n'andò a cà so pr' asptar l'aurora.

75.

Astolf aven Griffon e Aquilant
Cgnussù, al cumbattr da furt e gaiard,
Più che agl' insegn e al culor di mant,
E a salutarì au fu superò ne tard.
Quand i fradi cgnussinn quell ch' al zigan
Conduseva ligà per quell del Pard,
Ch aqusi s chiamava Astolf in t la cort d Carl,
I corsn cun gran gust tutt du a abbrazzarl.

76.

Quel fad volsn cundur i cavalir,
Pr arpusars, a un palazz, ch' era lì vsin,
Ai vign incontra serv e camarir,
Ch avevn in man impià di lanternin.
I cunsgnonn i cavall al stalladghir,
Gli arm is cavonn, e, dentr a un bel zardin,
Quel ch era al cas e ch feva per lor bon,
I truonn una cenna da Epulon.

77.

I ligonn al zigant tra la verdura
Cun un'altra cadena, mo ben grossa,
Al pè d'una gran palma antica e dura,
Ch'en psea cavar, per quant al l'aviss scossa:
E d'badari a dis omni e dinn la cura
Perchè disligars la nòtt da qu'albr an possa,
E purtari un qualch dann o tradiment
Quand i dormn i su soun tranquillament.

78.

Alla cennauntuosa e abbondant
In dov quel ch' dea manch gust era 'l magnar,
Un gran pezz as dscurri del negrumant,
E cmod al pssiss insem sempr turnar.
Un insugni al par squas, d'azz Aquilant,
A vedr in terra e testa e brazz andar,
E qu'ù turnarli a arcuir, e insem unir,
E cun più forza alla battaia vgnir.

79.

Astolf in t'al librett aveva lett.
L'unich remedi per qula steriari,
E l'è ch'an s'i trarrè l'anma d' in pett
Fin ch'in testa l'aviss, tra tant cavi,
Un sol, ch'era la causa d' tutt sti effett.
Mo s'a s' tirava qu' unich caveil vi
L'arstava spigazzà. Quasi 'l libir deava;
Mo al mod po d' passerì agnussar an dscrueva.

80.

Dla vittoria sicur, al Paladin
L'andava d'entr d' lu in sbroda d' fass;
Es diss: Mi am basta l'anm a qu' assassìn.
Ch' alla barba v' ha tgnù 'l bazil ancù.
D' cavi innanz a dman d' sira 'l murbin,
Basta ch'an v'ladì intrari più vu d'ù,
E ch'am dadi a mi adess la permission,
D' sbriuar sol da per mi la gran question.

81.

Più che vluntira lor i zlinn l'impresa,
Cert ch' a cavarin l'arà un bell da far.
La lun in cil avea za l'alba scossa,
Quand as vist dalla torr Urill calar.
La mazza quistù, la spada Astolf ha presa.
E senza cumplimint s' cminzonn a mnar.
Astolf, in t'al cumbatt, aspetta 'l tir
D' passer in t'un punt dal laberent surtir.

82.

Ai taia quand un brazz, quand una man,
E Urill svelto va a tor agn cosa sù:
La testa cun un colp ai batt luntan,
E qu'ù l'acconda dov prima la fù:
S' ai dà un tai per travers, auch quest è van,
Ch' al s' dà un' accumdadina es torna sù;
Insomma s' al l'aviss trid, fatt in bonn,
Urill turnava insem, l'era tutt un.

83.

Finalment, dop d' sicur dou milla bott,
Una 'l t' m' in applicò d' sotto del ment,
Ch' la testa andò per terra, es fi un ruzlott,
E Astolf en fu a dsuntar pigr ne lent,
Pr i cavi al tols la testa in t'un sgumbiott,
E po armunto a cavall in t'un mument,
E, perchè an possa più trovarla Urill.
Al va currend vers la sponda del Nill.

84.

An s'era 'l negrumant del fatt accort,
E per la polvr al cercava la testa;
Quand al s' n' addi ch' andava 'l cavall fort
Del nmigh, al tmi ch' fuss per fin' r la festa.
Mo gnanch per quest an s' tins del tutt per mort:
Salta a cavall, e d' seguitarl an resta;
Anzi al vleva zigar: Aspetta, volta!
Mo la bocca l' Ingles i aveva tolta.

85.

Pur al s' cunsola ch' a i arresta i pi
Da passerì seguitar a spron battù;
Mo Rabican s' al lassa tropp indri,
E ai ho pora ch'an sia pr' arzunzrì più.
Intant al Duca cerca tra i cavi,
S' al po trovar quel ch' tin in vita qu'ù,
E pr' attruvarl ai mitt tutt al so inzegn,
Mo al n' al po cgnussar, perchè 'l n' ha assun segn.

86.

Fra tant e tant cavi, ch'en tutt ugual,
D' una lunghezza tutt, tutt d' un culor,
Per dar la mort a Urill qu' à tairar
Per arputar la vittoria, e aver l'unor?
L'è mii ch' ai taia tutt, za ch' i n' han segnal;
E, n' avend ne rasur ne forbs, quel signor
Al drova la so spada, siand sicur
Ch' l' ha un tai fin e sutil quant ha un rasur.

87.

Per tgnir la testa, al la chiappò pr al nas
Es la radi dintorn da per tutt:
E quand l' accols in quel caveil a cas,
I labr i dvintonn smurt, e 'l mustazz brutt;
Al vultò i nech, e quist Astolf s' pervesas
Ch' a far terra da pignatt l'era condutt.
E 'l bust, ch' aveva fatta tanta arvina,
Zo da cavall al fi Nona, sandlina.

88.

Al turnò al Duca cun la testa in man
Dov' era armas el donn e i cavalir;
Ai mostrò 'l corp d' Urill dtes da luntan.
Es diss che qu'ù mai più turnava intir.
Lor al ludonn per cavalir supran,
S' i al d'issian po d' bon cor an v' al so dir:
Forsi chi sa ch' l' invidia in st' occasion
Stumblas al pett d' Aquilant e d' Griffon.

89.

D sicur, el fad tutt don arstonn degustà
Ch st gazzabui finì s fuss aqsi prest;
Gli avevn lor za i du fradi strulgà,
E vist ch nad i ern sotto a un segn mulest,
S' i andavn in Franza allora; e qui guidà
A cumbattr cun qu'ou aqsi rubest
El fad avevn, perfina ch' al fuss
Passà del strell quel sì cattiv influss.

90.

Quand al Castlan d Damiatà s' in fu adà
Ch Urill per cosa certa era sbasi,
Un clomb al lassò andar in libertà
Cun la littra tra gli ali a un fil uni.
Quest andò al Cair; e un altr in fu lassà
Pr andar in altr lugh; ch l' usava aqsi.
E, dentr da poch or, per l' Egitto tutt
As sav ch' al mal ladron era sta destrutt.

91.

Al Duca, dop aver cumpi 'l sou part,
Al cunsio i fradi Aquilant e Griffon
Lassar ogni altra impresa adessa da part,
E d santa Chisa d vier dfendr el rason.
Pr uttgir al cunsens di quisti an i vols art,
Perchè in avevn za mezza intenzion.
Astolf i dsava: I mi signori, lassà Urient,
E andezen a far unor tra 'l nostr zent.

92.

Aqsi i fradi daecord, ugnun s n' andò
Dalla so fada a tors bona hienza;
A lor la i tuffò un poch, mo 'n psinn dir d nò,
Ne senza gli avn d fari resistenza.
Astolf in cumpagni d lor du s n' andò
Vers Palestina per far riverenza,
Innanz d' andar in Franza, a qui lugh sant,
Dov nostr Sgnor per nu suppartò tant.

93.

S' i avissen vlu per la più lunga andar,
L' era gustosa più la strà e più piana.
Ne mai i srevn sluttanà dal mar,
Mo d più in t al viazz ai arè vlu una stmana.
Però i s' arsolu pr el muntagn d viazzar,
Ch Gerusalem per dlà l' è manch lontana.
Dl' acqua e dl' erba as n' attrova per qua vi,
Mo d' altr cos ai n' è gran caresti.

94.

Prima d' andar, pinsou, per so vantazz,
D far tutt el necessari provizion,
E d' tutt cargin al zigrant, fin di furazz,
Ch' a portar una torr anch ere sta bon.
Quand i funn alla fin squas del so viazz,
I vistin cun so gran consulation
Gerusalem, e 'l mont dov Gesù Crist
Muri, per far a nu del cil l' acquist.

95.

E, quand i funn pr intrar dentr in città,
Un garbat sgnor i vistin so cgnussent,
Per num ditt Sansunett, zora d' età,
Mo pr altr virtuos, savi e prudent.
L' era un brav cavalir, e più d buntà.
Mo al vleva ch' i purtass rispett la zent.
Urland alla fed nostra 'l converti,
E cun el propri man battemm ai di.

96.

I l' attruvonn affacindà in t al dsgnar
Contra 'l Califf d' Egitto una furtezza,
Es vleva 'l mont Calvari circondar
D' una muria dou mia d lunghezza.
Quand ai cgnussi tutt tri, ai cors a abbrazzar
Cun gust ben grand, e cun gran amurvezza.
Dent in città lu stess i accompagnò,
E in t al propri palazz agli alluzò.

97.

L' era lu gvernator in tempural
Per Carl imperator in t i lugh sant;
Per dari un segn, Astolf, d' amigh curdial,
Ai vols far un regal d Caligurant,
Ch l' era al cas iust per fari da mauval,
E purtar per cinquanta era bastant;
Es i dunò la red po d sovra più
Ch' era sta causa ch al l' aviss avà.

98.

Sansunett, per cumpens, dunò all' ingles
Du sprun, ch' avevn d' or la subba e 'l strell:
E, per purtar la spada, d punt franzes
Arcamà, un bel pindon antigh e bell.
Sti cos agli av fin quand al Zaff al pres;
Anzi al cuntava un vecch ch da ragazzell
Ai era sta cuntà ch san Zorà aveva
Adruvù la sti cos, quand al viveva.

99.

I s' andonn po a confesar tutt a un convent,
Dov abitava di fra sant e bun,
Perchè i ern tutt tal antigament,
Mo i disn adess ch' a i in sia di briccun;
Finn visita ai lugh sant, cun pintiment,
Ch' in in t 'l man adess d qui: brutt cagnun.
Cun gran vergogna di Princip cristian
Ch' hau sol per lor, per Dio no, gli arm in t el man.

100.

In st mentr ch tutt insem, cun divuzion,
Badavn agl' indulgenzi e al perdunanz,
Un pelgrin grech, ch' agnusseva Griffon,
E a un bon bisogn en saveva 'l creanz;
Una nova ai cuntò, ch al tols zo d ton
(Ch possa arrabbiar tutt qui ch portn del zanz);
Nova ch fi che Griffon dlungh se degustasse,
E la vuia d far ben mandass a spasse.

101.

Perchè a savadi ben la cosa tutta,
Av digh ch'era Griffon innamorà
D'una, ch'an v so mo dir se vedva o putta,
E per num Urigill l'era chiamà.
S' ai ho da dir al ver, la n'era brutta,
Pochi anzi del cumpagni a s sre trovà;
Mo, all' usanza d cert donn, l'era altrtant
Finta, busadra, maligna, incustant.

102.

Quand l'andò vi da li, al l'avea lassà
Cun la firva maligna e 'l pteech a lett,
Alla turnada sperauda arsanà,
E passerla godr in pas senza sospett;
Mo quel birbon i diss ch la s n'era andà
In Antiochia, an so mo s per fari dspett,
Cun un altr, o perchè la n passiss suffrir,
Zovna cmod l'era, da per li durmir.

103.

D'allora in zà ch intes Griffon sta nova,
Mai altr an feva che fort suspirar;
Cosa ch' i possa dar gust al n'attrova,
E s' i nus quel ch' ai altr sol zuvar.
An sent ben al so mal s' n quel ch' al prova:
E quel furfant d' Amor, ch' al fa spasmar,
Sovra agli altr cos tutti al turmintava,
Perchè dir al so mal an s' attintava.

104.

E po tant più, ch Aquilant, so fradell,
Più volt i aveva ditt ch al n'abbadass
A quli, ch la i arè fatt perdr al cervell,
E che in tutt el manir al s la scurdass,
Ch' al so decor sre andà tutt in burdell,
E ch al fiss a so mod, ch al la lassass.
A Griffon mo, ch aveva 'l ticch e tocch,
Tutt sti rason parevn filastrocch:

105.

Perchè in t al so per d dentr dseà Griffon:
Cosa s sippa l' amor an sà Aquilant,
E l'è per quest ch' am batt tutt sti rason
Per farm al protoquannam e 'l pedant;
Mo mi m vui tor venletta in st occason.
S' al fi sta cosa al dirò in st altr Cant:
Adess a dirò sol ch, senza parlar
Cun al fradell, a Antiochia al vols andar.

FIN DEL CANT QUINDS.



CANT ZEDS



ARGUMENT

*Griffon alla città d Damasch avsin
Attrova cun Martan la so Urigill;
In st mentr i sùddà estian e i sarazin
S men-n da dsprò, es morn a mill a mill.
S' i mori en sagatà dal Paladin
Rinald per d fora, d dentr alza 'l favill
Al fugh impià in Parigi da Rudumont
Ch' a strà per strà di murt a in lassa un mont.*

1.

Amor, Amor, e s torn a dir Amor,
Amor mulazz, fiol d'una biricchina,
Nad senza padr, e pur fiol del deunor,
Infam più ch n'è la forza e la berlina,
Amigh in t l'istess temp e traditor,
Pesta dla zuventù, del mond arvina,
Pillola cverta cun del zucchr in vetta,
Mo più amara del tosch e piz dl' aquetta:

2.

Ingann, ch prumett tutt el suddisfazion,
E in t l' ultim sol al v lassa pen e guai,
Sfurzin immà, ch squass tutt guida person,
Trapla ch' z i acchiappa, carga d bon furmai,
Visti, ch' al diavl in forma un gran palmon,
Ladr dla quiet, e despinsir di travai,
Dla vitta umana scui in mezz al mar,
Ch ben puch, fin ora, i han savà schivar!

3.

Gran dann è d quell ch perd la so libertà,
Mo disgrazia, a stagh per dir, irremediabil
L' è un ch sippa d' una donna innamorà,
Ch sippa, cmod 'l soln esser tutti, instabil.
Da rabbia e gelusi l' è quasi sbacetà,
E sti passion al fan quasi miserabil,
Ch' al vrev dir al so mal, e po s vergogna,
E an vrev truvà al recip chi bisogna.

4.

Griffon al bianch è giust in st nostr cas:
Al cgnuss al mal, e s schiva la medsina;
Ch incustant sia Urigill l' è persuas,
E ch' in t 'l furbari l' è scaltra e fina;
Mo quel baron d' Amor, ch al tin pr al nas,
Al cazza la rason in t la cucina;
E Urigill, ch la sia pur perversa e indegna,
D truvàla in tutt i mod beo ch al s' inzegna.

5.

Senza altr dir, en' a dias in qu' altr Cant,
Griffon s' n'era andà vi segretament
D Gersusalem, pr en sintir Aquilant
Bravar, emod agli ha fatt del volt più d'cent.
Da man stanca, vers Rama, l'andò tant
Per la strà ch'è più piana e più current,
Ch'a Damasch l'arrivò d co di si di,
E pr andar in Antiochia dià 'l parti.

6.

Vsin a Damasch l'incuntrò al cavalir
Ch'andava in cumpagnì dià so zuvnetta;
Per dir al ver, tra lor an i era ch dir,
Ch'al chiù s' n'andava in cumpagnì dià zvetta.
Tant l'un quant l'altr mudn spess pinsir;
Lu è tant d'unor, quant li è una putta netta:
L'un e l'altr però la so viltà
D bella apparenza i tgnevn mascarà.

7.

St cavalir, emod a digh, s' n'andava vi.
Sovra d'un bell cavall, cun pompa armà;
Es aveva Urigill in cumpagnì
Tutta vsti d' nov d'un bel abit d' bruccò:
L'aveva du scudir ch'i andavn dri,
Al scud e l'elm agli ha da purtar dri;
Ch'al s' vleva in bella mostra presentar
In Damasch, a una giostra ch' s' ha da far.

8.

Al re d Damasch aveva fatt bandir
Una gran giostra per tutt al paes,
E per la qual as vleva comparir
Di cavalir dimundi in bell'arnes;
Quand Urigill vers li vist Griffon vgnir,
Siccom la sa ch al s' po chiamar uffes,
Per li e pr al so cumpagn sinti passion,
Ch la sa ben ch an po star contra Griffon.

9.

Dalla pora la fu per farsela sotto;
Mo siccom l'era astuta e impertinenta,
Cun vos suttila, e dal piant interrotta,
La s' mostrò cun finzion tutta dolenta;
Accurdà cun al mros ch' an diga ngotta,
Currend la va, mustrand mestia e piangulenta,
Vers Griffou, e s' l'abbrazza strettament.
Quant s' al fusc so mari propriameut.

10.

E po la i cminzò a dir: Bell'al mi ben,
Zoa cara, speranza, unich cunfort,
Di su, el quest un segn del to gran ben,
Abbandunarm aqusi vsina alla mort?
L'è un ann, e s' va pr i du ch nu vist an z sen:
Mo cmod at fatt a farm quei gran tort?
Perchè t' turnass, s' at avise mai vlu aspttar,
Chi sa s' a vdeva mai quel di arrivar.

11.

Mi arè sempr cherdù ch t' turnass indri
Subit che quel to viazz t'avev cumpi,
Per vgnirm a veder, s' dalla malatti
Granda, ch' aveva, ai era gnanc guarì;
Mo in cambi a sintò dir ch t' er in Suri;
Sta nova, a dirla, talment m' affizzì,
Che, senza d ti sintend d en pesser campar,
Ai mancò poch ch' an m' andass a impiccar.

12.

Mo adess al doppi am poss dir fortunà.
E bisogna dir ch' Amor ava d mi cura,
Ch al m' ha per cumpagn al fradell mandà.
Ch m' ha custudi, e a son stà d' unor sicura.
Adess, pr' ultima fortuna, a t' ho trovà
Ti, ch' a stum sovra ogni altra cheriatura,
Ti, la mi zoia, ch s' t' stov de più arrivar
Dalla passion am sinteva cherpar.

13.

La in dias assà d sti chiacchr e d sti busi
Quil, ch' era astuta e furba più dià volp;
E, quand la traditiz l'era sta lì,
La fa vedr a Griffon ch' lu ha tutt el colp.
Cun quatragr lagrm ch la i ammulò dri
In t' l'ann la fi d' st zorn quai gran colp,
Ch lu arè pinsà d fari un affront ben grand,
A n' creder quel ch adess la i va cuntand.

14.

Sicchè ai passò la vna d vindicare,
Cmod al pinsava forsi dentr d lu;
Anzi, in scambi d bravari o d lamintars,
Al fu per dir ch la i perdunass a lu....
Un gran da far l'avi cert a scansars
Ch la n' i yudass la broda adoes a lu,
E quant, quò ch' era sigh, fusc so cugnà.
Da Griffon fu ben vist e accarezà.

15.

Aqusi l'andò cun lor vers la città,
E so cugnà pustizz i dias per vi
Ch là dentr una gran festa aveva urdnà,
Per star alligrament, al re d Suri,
E ch tutt d' andari aveva libertà,
D lezz, o d paes, o d cundizion ch' a vli,
E tutt' al temp ch la festa ha da durar
Tutt en sieur, s' i voln andar o star.

16.

Mo an son po gnanch a seguitar quasi intent
La fola d' Urigill perfida e trista,
Ch sempr fi ai mros del burl tecchi e plent
Ai su di, ch s' in farev una gran lista.
Ch turnar an possa a veder da duseut
Milla person, ch' in dan una tal pista
Sovra alla mura al fiol del re Pipin,
Da dar un gran da far ai Parigin.

17.

A cuntò za ch'al re Agramant aveva
Dà l'assalt a una porta dia città,
E d'attruvarla abbandunà 'l s'cherdeva,
Mo al s'ingannò quela volta purassà,
Perchè Carl in persona la dfendeva,
E s'era dai più brav accompagnà:
Quisti ern i Anzlin, i Gnid, e 'l bon Anzlin,
Avin, Avoli, Utton e Berlingir.

18.

Dinanz a Carl e dinanz a Agramant
E estian e mori cerchn d'fars valer;
Cun la speranza d'un premi abundant,
I mustravn ai padrun d'far al so dver.
I sarazin però 'n psevun far tant,
Ch'al dann en pessiss all'util prevaler,
Perchè alla prima tant di su in muré,
Ch'i altr s'guardn in t'l ungia, e i badn a sé.

19.

El frizz parevn una folta timpesta
Ch'zo puviss dalla mura adoss ai nmigh:
Al gran cridar feva insturnir la testa,
E infin al cil andava i url, e i zigh;
Mo qui 'l re Carl e 'l re Agramant arresta:
A dir d'nu altr adess al Cant a pigh.
Quest è quèl d' Rudumont, ch'va vi currend
Per mezz alla città, brutt, anzi urrend.

20.

An so, i mi signori, più s'av arcurdà
D'quell za ch'av diess d'st umazz, ch's'in va sicur,
Ch'aveva la so zent indri lassà
Tra 'l segond terrapin e tra 'l prim mur,
Puvritt, dalla gran fiamma consumà
Per far a mod d'un matt, ch'ha un cor quasi dur;
Ben: quèl cun un gran salt era calà,
D'sovra alla fossa, dentr in t'la città.

21.

Quand i al ognussinn per qu'om quasi spavintos
All'armadura, ch'è d'un dragh la pell,
El donn, i vicch, e 'l popl timuros,
Ch'stevn 'l nov a ascoltar del gran flazell.
Tutt cminzonn a cridar cun alta vos
Di vers, e del dsprazion ch'andavn al strell.
D'mettir in sicur la vitta per pruvà,
In t'l chis e in t'l cà s'andonn a srar.

22.

Tutt n'avn sta fortuna, ch' Rudumont
N'i lassò, cun la spada, pruvàr st gust:
Di pi, del gamb al taia, e brazz e front,
E s'fa vular 'l test dspicca dai bust;
Quest al taia a travers, e qu'altr pront
In du pizz al partiss ugual e giust.
E, per quant al n'astruppià, sbraga e ammazza,
Nssun s'attenta a mustrarli la fazza.

23.

Aqusi fa in maz e in zugn la cuntadiua
Quand l'è a far d'erba cun al so segulon,
E mi ai n'ho vist più d'cent e una duzzina,
La taia tutti gli erb senza descherzion:
Tal e qual Rudumont fa tanta arvina
Sovra a quel popl, ch'n'è per dfenders bon:
E i inguanguil, i bun da cvell, e anch i giginli
Ai stima cmod se stimarev un frull.

24.

Sia pur maldett al prim ch'al ved in front
Fra tant ch'al friss, stauzza, e tol dal mond:
Per la strà ch'guida d' sau Michel al pont
Mena dattorn la so spada in tond,
E, senza distinziun d' marches o d' cont,
O vicch o zuvn, 'l picchia zo a pianfond;
L'accoppa quasi 'l patron che 'l servitor,
E 'l giust patisse, quant s'fazza 'l peccator.

25.

An zova l'esser prit ne l'esser frà,
Ne l'innuzenza ai puvr tussit pzinin,
Ne du bi ucciu ne dou massin sverzlà
Per trattgnir al furor del sarazin.
Al n'ha rispet ne ai putt ne ai maridà,
Ne ai vedv ne ai duttur ne ai biricchin:
Seuza a ricchez, o a sess, o a età guardar,
Pr al fil dila spada 'l vol tutt far passar.

26.

Ne d'tant ammazzament del tutt cuntent
Questù, ch' di più scelerat s'po dir prior,
Al va a attaccar al fugh barbarament
Al cà, ai palazz, al chis cà d'nostr Signor.
Sti fabbrich e fevn d'legn antigament,
Senza ch' ai stiss dri tant al murador;
Anzi i disn ch'adess ai nustr di
In sippa una gran part del fatti aquei.

27.

Cun tutt ch'agn cosa a fugh e fiamma andava,
Al re d' Sarza per quest n'era gnauch stracch.
In dov al pssiss taccar el man cercava,
Murai e evert tirava zo a terasach;
A passi pinsar s'quela povra zent termava,
Ch' nssun s' srev insunià mai quasi gran smacch,
A vedr un arbaltar 'l torr e 'l cà
Cmod adess un cannon a pena 'l fa.

28.

S' in t' l'istess temp ch'al sarazin maldett
Feva per d' dentr a ferr e fugh la guerra
Al re Agramant per d' fora l'aviss strett,
Sicurament Parig andava a terra;
Mo al n' i avì l'asi, perchè 'l fu custrett
D'abbadar a qui d' Scozia e d'Inghilterra,
Perchè 'l Silenzi e l' Anzi acqui què
L'aveven cundutt in t'un tererè.

29.

In quel mument ch in Parig Rudumont
Aveva attaccà 'l fugh a san Dinnis,
L'arrivò al mura 'l prencip d Chiaramont
Cun l'aiut d Inghilterra e di Scuzzia.
Si milia d sovra tratt l'aveva 'l pont,
E, siccom l'era pratich d qui pais,
Perch' an l'aviss la Senna da impedir,
Dal là manzin al vols al nemigh tgnir.

30.

Mandà l'aveva da si milla arzir
Sotta l'insegna del cont Uduard,
Cun sigh don milla e più d' cavall alzir
Fidà alla cura d'Aramon gaiard;
E s i aveva mandà per qui sentir
Ch viu-n e ch van indritt al mar Piccard,
Ch per porta san Diunis e san Martin
Intrassn a dar succors ai parigin.

31.

Tntt i carriaz, cun l'altr impediment,
Al vols ch i andassn per qu' istessa strà;
E cun al rest, al bon Rinald, d quà zent
Andò girand per d sovra la cuntrà;
Da psser passar al fium sicurament
Al bisugnevl tutt era ammanvà;
Quand i funn passà tutt, i stionn i pont,
E po in ordn d battaia ai fi star pront.

32.

Però qui signori, e in spezia i principal,
Intorn a In, Rinald avends arduet,
Pr'esser più in alt, l'andò d co d'un rival
In manira ch' i al vdiassn e ndiassn tutt.
E po 'l cminziop a dir: Signori nfizial,
Arringrazien al Sgnor, ch z ha qui cundutt
Per dunarz, dop un curt e poch sudor,
Sovra agli altr nazon etern unor.

33.

Du gran princip da vu sran pur salvà,
S' a mandaren sta zent a fars squartar,
E prima al vostr re, ch' ai si ubbligà
A dfendri da tutt quel ch' i po incuntrar;
E po un imperator di più ludà,
E degn d memoria eterna e singular,
E cun lor altr re, duca e marchis,
Cun signori e cavalir d' altr pais.

34.

Sicchè, salvand Parig, nbbilgazion
Non sol i su ztadin aran a vù,
Ch' eu per la pora afflitt e in confusion
Non sol pr 'l propri sou person, mo più
Pr 'l sou muier e fù, ch' in st' accasion
En maltrattà da sti can biech curnù,
E pr 'l son putti e sor tra i claustr assrà,
Ch' an i sia tolta la virginità.

35.

Donca a ripet ch salvand vu sta città
Av srà ubbligà non sol i parigin,
Mo d'attorn tutt quanti en el cuntrà;
An v parl miga sol di popl avsin,
Perchè an i è terra nesuna d cstanità
Ch' n'ava dentr in Parig un so ztadin;
Sicchè, vinzend, non sol ari i franzis
A vu ubbligà, mo i cstan d tutt i pais.

36.

S' una corona s deva antigament
A chi sol un ztadin aviss salvà,
Mo ch premi n'ariv vu meritament
A salvarn una tanta quantità?
Mo se pr invidia o pr altr a zldri vilment.
E st' ovra santa armagna abbandunà,
Quand srà chiappà Parig, d sicur cherdì
Ch' an srà sicur Germania, o Lumbardi,

37.

Ne nssun altr paes, in dor s'adora
La santa Cros, ch' è la speranza nostra:
Vu stess an ari sicur dalla zent mora,
Ne 'l mar assà dfindrà la terra vostra,
Perchè degli altr volt i en saltà fora
Da Zibilterra, e s cun arvina vostra
I han fatt bnttin d' i inglis in lontananza.
Cosa farani po patrun dla Francia?

38.

Mo quand ne l'ntil ne 'l stamol d'unor
V diass curagg per far st' impresa brisa.
S' an i fuss alter, del prossim l'amor
Z'al cmanda, e l'esser tutt d santa Chisa.
Ch' st nmigh en sippa rott n'avà timor,
Ch l' è tutta zent ch' en val nn anma d zrisa.
Mal pratica in t gli arm, e tant vigliacca
Ch' av in prissi arrimpir anch la bisacca.

39.

Aquì cun questi e cun altr rason,
Ditti in bel mod, e cun la vos ben chiara,
Tntt qui cap s sintinn vgnir un cor da lion,
E contra al nmigh ai vign al trentapara.
Dop st bel rasunament, al fiol d'Amon
Diss: A cumbattr adess ugnun s prepara.
E, quand i funn turnà tutt al bandir.
Adasi adasi al vols ch s muviss el schir.

40.

Quasi cun bel mod, e senza far armor,
Parti in tri corp l'esercit, al fa andar
Zerbin dri al fium, e quasi a gli ha dà l'unor
D essr al prim ch la so lanza vada a spzzar.
I irlandis po, per cmandament d quel sgnor.
Per di sentir più in alt ordn han d' andar.
I cavalir inglis e i fant ai mett
In mezz agli altr squadr cun Liunett.

41.

Quand a gli ha indirizzà tutt pr al so destin ,
Al brav Rinald s n'andò su dri alla riva;
Al passò innanz a tutt, anch a Zerbìn,
Perchè l'aver d'aspttar piuttosto l'aggriva.
Tant al camina, ch dov era Subrìn,
Al re d'Uran , e i su cumpagn, l'arriva ,
E quisti avevn avù la commission
D far la guardia ai bagai e al provision.

42.

L'esercit estian, ch aveva per so guida
L'Anz sant e 'l Silenzi, era za vgnù.
Sotta a una scorta quasi sicura e fida,
An passè taser, ne star ferm del più;
Mo, quand l'udi i nemigh, l'alzò d burida
Cun 'l tromb un armor, ch'andò tant sù,
Ch l'arrivò squas al cil, e ai sarazin
An i armas dalla pora un sol quatrin.

43.

Baiard innanz ai altr Rinald sprona
E prest al mitt la bona lanza in resta,
Indri i scuzzis un tratt d'arch l'abbandona,
Ch a muar 'l man agli ha propri la pesta.
Al par l'armor d'un vent luntan ch'arsona,
Al qual s'cunduga dri una gran timpesta:
Es cred ch' i mor la fed i gran per far,
Perchè a so cost i l'han da esprimerar.

44.

Al cumparir del prencip fiol d' Amon
Agn sarazin armas per pora d strazz;
Ai termava la man, es n'era bon
D star a cavall, anzi ai cascava el brazz.
Pulian sol, ch n'acgnusseva 'l brav campion,
Senza pinsar, fi Pirin bon mustazz,
E, 'n cherdend d'attruvar un dur intopp.
Ai mov contra 'l cavall d'un bon galopp.

45.

Al mitt la lanza in resta, e po s'astricca
Tutt in t'un gropp, in sella preparà,
E cun una sprunà 'l cavall al spiecca
E s' i lassa la breia in libertà.
Al bon Rinald, ch d timor n'avi mai cieca,
Cun gula forza ch dal Sgnor l'è sta dutà,
Al s'ammauva anca lu, e sol cun st att
Un giustrador emod va al s mostra d fatt.

46.

A tor la mira al colp tutt du funn par,
Perchè i s'accolsen l'un e l'altr in testa:
Mo in t'al far un bel colp i armasn dispar,
Ch'un passa innanz, e qu'altr mort arresta.
Ai vol di sign d valor un po più chiar,
Che mettr cun bel garb la lanza in resta.
Vera forza e virtù 'l voln' essr, e po
Aiutn sort, ch d'inzegn at n'instò!

47.

L'aquista la so lanza 'l Paladin,
E po se dspiecca contra 'l re d'Uran,
Grand e gross dla persona, d cor meeschin,
Pront cun la lengua, e pigr cun el man.
L'è un bel segn s'an fuss altr; e al Paladin
Tols la mira in t'al bliguel da luntan:
E s mai av par ch'al la tuliss tropp zò,
Vriass ch al la tuliss più in su, s'an pò?

48.

Al scud n'al dfend, ch la lanza 'n vaga dentr,
Cun tutt ch'al sia d azzarr, d palma fudrà.
Per quel fenstrin uscì fora d quel ventr
Cun al sangu e 'l caldum l'anma abguia.
Al so cavall, ch s'cherdeva d purtar mentr
Durass al di gula soma, 'l fu sgravà,
Dent d lo forsi al ringraziò Rinald
Ch'al liberò dal gran pes e dal cald.

49.

Rott ch' l'av la lanza, prest al turnò indri,
E dov la calca 'l vod più stretta e folta
Al salta alzir, e s vol avrirs la vi;
E qui ne arcmandazion ne pregh l'ascolta.
Mo cun la spada 'l fa un gran beari
D gula zent, ch al lassa in terra del sangu spolta:
Perchè Fusberta d bon dis dov l'arriva,
E sempr vol taiar la carn viva:

50.

Sebben ch pochi armadur la po trovar
E rar volt in curazz 'd ferr l'incappa;
D curam o d legn i soln i scud purtar,
Ma questa è roba ch fazilment l'affrappa.
Cun rason Rinald donca i po ammazzar,
E 'l fora e 'l stianca chi ben prest n'i scappa
D sotto, e gamb e brazz, cun gula prestezza
Ch' taia un med-dor 'l furment e la vezza.

51.

La prima schira era za in rotta tutta,
Quand arrivò cun i su prim Zerbìn,
Ch'aveva la so lanza a bass ardudda,
E innanz ai altr anch avanzà camin.
La zent, ch'è sotto al sou bandir cundutta,
Spesgava i pi, ch la i vleva star avsin
I parevn tant luv affamà o liun
Ch'andassn contra un branch d pigur o castrun.

52.

I dinn la corsa a tutt i su cavall
In t'una volta; e s'attacconn qula zent
Cun usservar ch'un colp n'andass in fall,
E ch la man diss dov avea dagnà la ment.
Più an s'acgnusseva 'l bianch, 'l negr o 'l zall,
Ch'agn cosa drintò rossa in t'un mument:
I scuzzis badn sol a mmar el man,
E qui ch s'arbaltn i en sol i pagan.

53.

Propri parevn i mor più fridd del iazz,
E più d'una gran fiamma i scuzzis cald,
E qulor pinsavn ch' questi avissen el brazz
Rubusti quant Zerbin e quant Rinald.
Mo 'l re Subrin, schivà ch 'l ha 'l so puplazz,
Senza l'invid aspttir d tromba o d'arald,
Agli andò contra cun i su suldà,
Ch'en forsi i miur fra tutt, e i mi armà.

54.

Tra tutt i nmigh l'è la manch trista zent,
Sebben ch'anch questa 'n val gran fatt quattrin.
I su moss Dardinell in quel mument,
Zent mal andà, e ch ai fa pora i mussin,
Cun tutt ch 'l ha gli armadur sgrà e lusenit,
E ch al sippa lu armà d'azzarr d quel fin;
Mi ered ch la quarta sia, s' a 'l ho da dir,
La miora, ch'è cundutta da Isulir.

55.

Instant al duca d Marra, 'l bon Trason,
Ch'attruvar a st'impresa ha un gran a car
Al dà la libertà al so brav squadron,
Perchè 'l s possa anca lu gloria aquistar.
Da za ch di Navarris al battaion
Al ved cun Isulir lugh avanzar.
E dop a quest es moss Ariudant,
Del qual l'istoria a diss in t'al quint Cant.

56.

Al gran armor del tromb e di tambur,
Di timpn, di timball e altr instrument,
Di arch e del sfrombl, azuntai al pladur
Del rod, del macechin d fugh e altr turmint,
E, quel ch'è più, l'armor del cheriatur,
Zigh, url, strill, maldizion, piant e lamint,
Tutt sti cos uni insem fevn un cert son
Piz ch n'è l' gran romb del vent, e quel del tron.

57.

La lus chiara del Sol s fa negra e bura
Dal frizz tirà da l'un a l'altr camp:
Pr'aria a s'alza una nebbia folta e scura
Dalla gran polvr alzà dal mnar del zamp:
Una squadra vè innanz, qu'altra n'ì dura,
E tant s'revn scappà, ch n'attruvonn scamp,
E ben e spess as ved quel ch ha ammazà
Murir adoss al nmigh, o pur da un là.

58.

Dov per stracchisia una del squadr è 'rmossa,
Un'altra subit in so lugh s fa andar.
Da tutt i là la battaia s'ingrossa,
Là i cavalir, e qui i fant han da star.
As ved za pina d sangu più d'una fossa,
E 'l verd in ross la terra s ved mudar,
E dov era i fiur ross, turchin e zall
Una semna s ved d murt onn e cavall.

59.

Mo Zerbin sovra 'l tutt al fa d gran prov.
E al par del temp antigh Cees o Scipion;
L'esercit di murisch ch d'intorn piov
L'avrà, 'l acunquassa, e manda in gran struzion.
Ariudant, del sou zent fatt princip nov,
Dia so virtù fa bona demustrazion,
E per pora d'vntar fa smurt e bis
Castiglian, Biscain e Navarris.

60.

Chelind e Mosch ern du fù bastard
D Calabrun, ch fu ai su di re d' Aragona:
E un altr, ch'era tmù pr om ben gaiard,
Chiamà Calamidor da Barzellona,
Sti tri avevn lassà indri i stindard,
Cun pinsir d' aquistars gloria e euraona
E tor al bon Zerbin dla vita 'l us,
Mo 'l cavall prima mnò 'l loch alla chius.

61.

Fri da trei lanz, in terra 'l casò mort
Al cavall, e Zerbin fu prest in pi,
Cun ann d vindicars d qui ch'ì han fatt tort,
E dov ai ved andar al s'ì mitt dri:
E prima a Mosch, zurnett ch'è poch accort,
Ch' appinsava d chiapparl, e mnarl vi,
Cun la punta dla spada ai passò i fianch,
E s'al fì andar in terra fredd e bianch.

62.

Chelind, ch vist so fradell zo mort cascar,
Ai saltò adoss una maldetta stizza;
Al s tri a Zerbin, cherdend d pserl asfrittllar,
Mo qustà al nmigh e al cavall tal colp l'addrizza
Ch'in terra andò Chelind dtes a pi par,
Ne più 'l cavall andò a cavallarizza,
Perchè cun un sol colp al cavalir
E 'l cavall d cumpagnù funn vist sbasir.

63.

Calamidor, mirà sta zizla, 'l diss:
Mo busca! e per tors d li prest al s vultò.
Zerbin alzò la man, e dri al s'ì miss,
Cridand: Aspetta, traditor, tò tò!
S'al colp n'andò dov al guardava d fiss,
Al n'aceniè gran fatt luntan però:
S'an po Calamidor cavar dal mond,
In t la groppa al cavall al fì un gran sfond.

64.

Quèl lassa lì 'l cavall per psers salvar,
E s va in gattun, mustrand d'esser sta fri;
A cas Trason i andò sovra a passar,
E cun al pes al l'amustò e furni.
Ariudant e Lureani en all'impar,
D'accord i s'ern ai fianch d Zerbin uni,
Cun altr cunt, marchis, signori e uffizial,
Per turnar a cavall al principal.

65.

Ariudant zo piechiava e an feva zirz;
Attalich in po far fed e Margan,
E più d tutt Etearch, ch ha un grugn da sbirr,
Perch' i assazonn la forza del sou man:
I prim du, fri, scapponn cmod fa du ghirr,
Mo l'ultim al damittì d magnar del pan.
Lurcani anch lu fa vedr quant l'è fort,
L'arta, arversa, fracassa e dà la mort.

66.

N'ev pinsassi però ch più dentr terra
Manch as cumbatta d quell ch s fa dri alla Senna;
Perchè anca lu Lionett, amant dla guerra,
Vedr i nmigh da luntan l'aspetta appena
Ch adosse, cun i su dri, prest al s'i asserra,
E s fa ai spagnù prvar una gran penna;
Però l'cos van del par, perchè i suldà,
E i cap ben mnavn el man da tutt i là.

67.

Innanz s'avanza Uldrad, e Fieramont
Un duca d Eburaz, qu'altr d Gulzestra,
In cumpagni d Ricard d Varvezza cont,
E Enrigh d Chiarenza armà d una balestra;
Questi han Fulgon e Mattalista a front,
E Baricond, e chi cun lor s'addestra:
Re Fulgon è d'Almeria, e re l'second
D Granata, e d Maiorca Baricond.

68.

Un pezz andò l'cumbattiment del par,
Ch'an s'acognusseva da nseun là al vantazz;
Innanz e indri i squadrin s vdevn turnar,
Cmod fa l'furment spighi per l'òra d mazz,
O cmod fa gli ond in t la sponda del mar,
Ch van es torn-n, mo 'n fan sempr quel viazz.
Quand la fortuna fu sta un pezz neutral,
L'as dsligò a dann di mori al barbuzzal.

69.

D Gulzestra l'duca tri zo da cavall
Mattalista l' spagnol cun un spinton:
E in t l'istess temp cun un colp in t l' spall
Fieramont arversò in terra Fulgon.
Allora per qui du fu furnì l'ball,
Ch'i arstonn cm'è du quaiutt di inglis person,
E quai l' re Baricond armagnè senza
Vitta, ch al l'ammazzò l'duca d Chiarenza.

70.

Allora i mor eminzonn a spavintars,
E i cistian d posta chiapponn bona speranza:
Qui 'n fevn più altr che artirars,
Abbandonar al camp, uscir d'urdinanza.
A poch a poch i cistian s vdevn avanzars,
E in so favor pindeva la balanza.
S'al n'arrivava chi dl'aiut i di
Al corp spagnol allora era spedi.

71.

Fin a qui an s'era gnanc moss Ferrab,
Mo l'era sempr sta a Marsili avsin;
Cm'al vist scappar i su, an pssi star più
D'en s movr a dar succors ai sarazin.
Al dà d spron al cavall, e dov è più
Grand al prigul l' s'indirizza, e in quel ch al vin,
Al ved zo da cavall andar per terra,
Cun al zuech fess, Ulimpi dalla Serra.

72.

Quest era un zovn, ch'in t l'art del cantar
L'impattava a Bernacch e a Farinell:
Bastava un instrument ch l'udiss sunar,
Fussl po una chitarra o un violunzell.
Al sre stà mii per lu al cant abbudar,
E la guerra mandar tutta in burdell;
S'in lugh del not al n'aviss tolt la lanza,
Da zuvnett an sre andà a murir in Franza.

73.

A st zovn Ferrab vleva ben fort,
E ai dspiasi purassà sicuramente
Quand al vist da cavall cascarl mort
Più ch s'al fuss mort Marsili e la so zent.
E a quell ch l'avea ammazzà l' di un colp qnei fost
Ch la testa armas averta sinna al ment,
E andò zo fin al pett, mandandl in terra,
E per qui du in quel mout fui la guerra.

74.

D quest an fu sazi, mo cun gran flazzell
I elm al fracassa, i scud spezza, e l'curazz
A chi l'taia la front, a chi l'massell,
E l' dspicca a quest la testa, a quell un brazz.
Per la fadiga al suda cm'è un purzell,
E d sangu uman l' fa in terra un bon sguaazz;
A sta manira l'armitt del so là
I su, ch scappon cm'è passer santanà.

75.

In t la battaia intrò l' zovn Agramant,
Cun gran via d taiar a pizz la zent,
Cun Frusion, Suridan e Favuriant,
Balverz, e Bambiragh impertinent:
Gli altr zent d bassa lega ern po tant,
Ch'as sre fatt del so sangu un bon turrent;
Tutta canaia ch' n'è s' n bona d far
Del numr, ne pr al rest la po zuvar.

76.

Al re Agramant aveva una gran banda
Tolta d suldà, d qui ch'ern dri alla mura,
E questa, cun al re d Fessa, al la manda
Perchè di padiglion la tigna cura,
E ch la vada a dar contra a qui d'Irlanda,
Perchè a gli aveva vist, alla sicura,
Dop aver da luntan fatt di gran gir,
A spron battà avanzars sovra ai quartir.

77.

Al re d Fessa ubbidient andò vi lest,
Perchè agn poeh ch' al tardass l'era un gran dann.
Al re Agramant in st mentr arcola al rest,
E 'l squadr a cumpartir s mitt in affann.
Dri 'l fum al va per quant al po più prest,
Perchè da st là l'è più grand al malaan,
Stant ch'i scuzzis qui fevn i su gran sforz,
E 'l re Subrin dmandà l'avea rinforz.

78.

Mezz l'esercit guidava 'l re Agramant
In t la so squadra, cun un gran armor;
I scuzzis arstonn d stuech, a veders tant
Suldà contra, e s lassonn l'ordn e l'unor.
Sol Lurcani, Zerbin, e Ariudant
Armasn per far dl' arzn a quel furor,
E Zerbin, ch'era a pi, forsi mureva
Se Rinald in quel punt n'al succurreva.

79.

L'aveva fatt scappar ben cent bandir.
E adess ch'i arriva la nova d'Zerbin,
Ch è al brutt dal sacch, a pi, vsin a murir.
Cunturnà da gran massa d sarazin,
E ch dari aiut i su en ponn riuscir,
Ste cas fa dsturbar fort al Paladin:
La volta 'l dà al cavall, es corr là vers
Dov i scuzzis scappar dal camp al dacers.

80.

In dov ai vdeva andar saltò quel signor,
Es cminzò a dir: Uhi, fiù, me dov andav?
An stimà più reputazion ne unor?
Perchè mo a sta manira 'l camp lassav?
A dfindi agusi la causa d nostr Signor?
Am in dichiar! sta volta ain riusci brav!
Bella cosa, lassar da per lu e a pi
Al fiol del vostr re, e vu andar vi!

81.

Da un so scudir una gran lanza al tol,
E s mira 'l re Prusion, ch'i è poch luntan.
El acchiappò du smiss d sotto dal coll,
Mtendel zo da cavall mort in t'al pian.
Anch Agricolt l'insilza, e dop an vol
Ch la scappa Bampiragh, e Suridan
Al mitt in terra, e, s la lanza 'n s rumpeva,
Per man del Paladin anch quel mureva.

82.

Al tol Fusberta, dop ch s'è rott la lanza.
E s tocca Serpintin, quel dalla stella;
D purtar gli arm affadà quest ha l'usanza,
Mo pur sta volta al stramazò d' in sella.
Aqui Rinald dov è Zerbin s'avanza,
Intorn al fa far largh, e tant martella,
Ch Zerbin d'in terra fi a cavall la muda
D'un d qui cavall, ch'andavu a sella vuda.

83.

Mo grazia ch al s trovò muntà su a temp!
Ch forsi al n'al feva, a tardar un tantin;
Perchè Agramant, e Dardinell a un temp
I arrivonn cun Balastr e 'l re Subrin.
Mo Zerbin, armuntà a cavall a temp,
Fi un gran mazzell d qui puvr sarazin,
Mandand or quest, or qul'altr zo in t l'infern
A dari nova degli usanz mudern.

84.

Al fradell d Bradamant avevn intant
D mandar in terra i miur attent al guard;
E per quest al s vultò contra Agramant,
Perchè 'l mostrava d'esser tropp gaiard;
Quant l'in fa lu, 'l n'in fa mill altrtant;
Donca 'l s'i ficca addoss pront cun Baiard,
E in t l'istess temp ai mmo, e s'i di un urton,
Ch'al re e 'l cavall dinn un gran stramazzon.

85.

Mentr ch per d fora, cun quasi gran battaia,
Pr odi, rabbia e furor l'un l'altr uffend:
In Parig Rudumont al popl taia,
Al brusa 'l chis e 'l cà, e s fa d sti fazzend:
In altra part al bon Carl s travaia,
E, quel ch suzzed in piazza lu 'n savend,
Uduard al s'arcui dri in t la città,
E quel d'i inglis, ch porta la scranna spezzà.

86.

In st mentr un mess arriva tutt smarri,
Ch'arriagh arrisgh pseeva tirar al fià;
Al dis più volt: Aiut, ch'a sen finì!
E po 'l seguita dop: Sacra maestà,
Ancu 'l Ruman imperi è d fatt spedi:
Mssir Domendi ha 'l so popl abbandonà.
Perchè vada Parig tutt in scunquass,
A i è intrà dentr a destruzi Satanass.

87.

Satanass, ch'an pol essr altr che lù,
Manda in arvina 'l cà, 'l person e 'l chis:
Vultav indri, per grazia, e guardà in sà,
Ch'a vdri la fiamma, e 'l fum d'un culor bia:
I lamint ascoltà, i piant ch'a fen nù,
Ch'a vdri s l'è ver quel tant, ch sta longa v dia:
L'è un sol da per lù, ch la città detroz
E ugnun da lù, per la gran pora, fuzz.

88.

Cmod arresta un ch senta sunar da fugh,
E s ved un gran splendor da tutt i lù,
Al cgnuss ch brusa, mo an sà ne 'l dritt ne 'l lagh.
Mo in t l'ultim al ved ch l'è la so cà ch'è impià,
Aqui arstò Carl a vedr quel brutt zugh;
E, pur tropp, acgnussend ch l'è verità,
Dia zent ch l'aveva dri l'adiz al fior,
E s volta dov al prigul al ved mazor.

89.

Di Paladin e di sùddà più dign
Carl s' n'ardus d'intorn bona massa
E vers la piazza, cun gran frezza, 'l vign.
E 'l ved tutt cunsunà per dov al passa.
Mo s'an vni del mi Cant passar i sign,
E Carl e Rudumont bsogna ch' a lassa:
E in t' l'istess temp, pr adess, a dsmitt d cantar,
Perchè ai ho aptit, e s vni andar a dsnar.

FIN DEL CANT SEDS.

CANT DERSETT

ARGUMENT

*L' Imperator va contra a Rudumont.
D Nuranin alla giostra va Griffon,
E Martan, ch' è andà sigh, volta la front
Fagand acgnussr in st mod un bel pultron.
Dop, per far a Griffon ingiuria e affront,
Ai roba gli arm. E, pinsandl coell d bon,
Nuranin i fa unor e i su curtsan,
E s maltratta Griffon tolt per Martan.*

1.

Mssir Domendi pr i nustr malditt peà
An paga agu sabt, cmòd usa i butigar;
Mo quand l'ha aspttà ch' az cunvertaun, e aspttà,
E ch' al ved ch' è vgnù colm al nostr star,
La so misericordia 'l mitt da un là,
E 'l z vol cun la giustizia castigar
Per mezz dla carestì, del guerr, dla fam,
E tant volt cun del zent cattiv e infam.

2.

L'ha anch tutti el malatti pronti al so emand,
E a chi 'l manla una fivra, a chi la gozza,
Quest è astrett per la strà andar malzipand,
Quell' è astruppià, al n' i ved qu' altr una gozza,
Un altr perd al so, st' altr va in band,
Chi s' anniga in t' un fium, chi in t' una pozza,
Chi fa la mort asquiza in pr al nòtt,
Chi pr' al cattarr va là, o pr al cagarott.

3.

Quisti e tant altr mal, ch' adess an cont,
Traversi, dsgrazi, guai, persecuzion,
En tutt castigh, ch' ha nostr Sgnor in pront
Per punir del far mal l' ustinazion.
Mo nu, pnr tropp, d sti cos an in fen cont,
Es fen cmòd fa 'l sumar sotta 'l baston,
Ch' al fa dn pass, e po torna andar pian,
E s fen ch la so buntà s' un nom van.

4.

Sovra 'l tutt, quand un popl è degn d castigh
Ai dà un prencip crudel, ingiust, tiran,
Cmòd ai n' aven 'l esempi d tant antigh,
Silla, Neron, Massenzi e Diucezian,
Caligula, Eliogabi, Attila, e sigh
Un più modern, Ezelin da Ruman,
E tant altr inuman, d' un cor più dur
Ch en n' ha 'l gran diavol, prencip del regn seur.

5.

Del suldatesch cosa direnia po,
Ch' en la vera dstruzion d pais e d sit,
Ch' en badn a amigh o nmigh, mo 'l tira zo,
E s portn a tutt un dann squas infinit?
An i è dubbi cun qustor vgnir in t' al so,
Perchè an i è tribunall da movri lit.
Nn dsen ch' i en lor ch' en mal disciplinà,
Mo an dsen ch' ai manda al Sgnor pr i nustr peà.

6.

Forsi chi sa ch' al temp del re Agramant
I peà d cistian fussen arrivà all' eccess,
E ch' Domendi 'l mandass fin d' in Levant,
Per castigar in Franza l' interess,
Furt, adulteri, ammazzaunt, e tant
Altr briccuari! Mo a vni adess
Seguitar del re Carl al mi raceont
Ch corr per trovar in piazza Rudumont.

7.

L'attrova la so zent morta o sbranchà,
Brusà i palazz, el chis mandà in arvina,
Una gran part è dstrutta dla città
E fatta d ztadin carnificina;
Al dseva: Dov andav quesi spavintà?
Al vostr dann dà sol un' ucciadina;
Pinsà s' in altr lugh a truvà rstor,
Quand avi zdu vilment Paris al mor.

8.

E po, sol un è quell ch fa tanta pora?
Un ch' è qui dentr aserà, ch' n' po scappar?
E al lassari a so comod turnar fora
Quand l' è stracch, e ch' al n' in vrà più ammazzar?
An po dir d più, ch la gran stizza l' accora,
E an sa tanta vergogna suppartar:
L' arriva in piazza in fin, dov Rudumont
Avea d morta zent fatt un gran mont.

9.

Una gran part d zintaia e del puplazz,
Cun la speranza d' essr più sicur,
S' ern artirà dentr del gran palazz,
Ch' era prnvist, e gross aveva 'l mur.
Rudumont, ch' è murell in t' al mustazz,
Da per lu 'l vol agn cosa in zendr ardur.
Al porta un trav impres in t' una man,
La spada in qu' altra, ch tin tutt da luntan.

10.

Del bel palazz 'l steva su in t la porta,
E dal gran battir al la feva scussar;
La povra zent per d dentr s tigneva morta,
E asnar e sass adoss i i fan cascar.
D guastar qualch cosa d bon anch an i importa:
Statv, culonn, curnis i fan vular,
Senza badar s' i en d marm o s' i en durà,
Cun tanta spesa dai antigh cumprà.

11.

Al re d Sarza arrugat stà in t'al purton
Senza timor d quel cutà ch i i ficchn adoss,
Armà dia pèll lasenta d quel dragon,
Ch l'arpura e dfend da tutt quant al percoss.
Al par dia primavera un gran hisson,
Quand l'ha ruivà la pell e mudà 'l doss,
Ch in bocca 'l mostra 'l toagh, in t' i uech al fugh,
E dov al passa 'l bistì i fan del lugh.

12.

Ne sass, ne merl' o trav, ne culp d balestra,
Ne una masegna, s' adoss là i cascass.
Rudumont d' in quel post s tol o s sequestra,
Mo al savannna la porta, ch'è in scunquass.
Za, dal gran sbattir, agli ha fatt una finestra,
E per questa 'l sberlocchia d'alt in bass
Ch'el curtìl, ch ern tutt pin d quel puplazz,
Ch'è culor d pappà fredda in t al mustazz.

13.

Per qui atri, quel lozz, e belli sal
El donn alzonn un zigh e nn gran lament,
Sgumbiands i rizz, stiancand bust e grimal,
Tutt pini d gran passion e d smirrimet.
Gli abbrazzan al lett da sposa, e al car cavzzal,
Ch'el stan per abbandunar a strana zent.
In sti termn ern el cos, quand arrivò
Al re Carl, e tutt qui ch' i fevn cò.

14.

Carl, fidands in t el sou man robust,
Ch'altr volt l'han servi in più d'una riva:
A si pur quegli istessi (al dseva) iust
Ch'ammazzassi Agulant cun tant evviva:
El vostr forz adess 'l n' in za frust;
S Truian e Almont per vu andonn d Stig in riva,
Cun tant altr, adess tmiv d'un bardasson
D quel sangu istess, e d qula generazion?

15.

E volt a qui ch' l'avevn accunpnagnà:
Vu stias (al disa) si stà migh in sti occasion.
E contra d qui am avi tant aiutà;
Seguitam anch adess contra st cagnon.
Da un cor ben fatt la mort en n'è stimà,
Ch' o prest o tard bso andar in pavaion;
D'en vinzr po qui adess mi an ho timor,
Ch sempr am avi fatt essr vinzitor.

16.

Al di d spron al cavall, finì ch' l'av d dir,
E s cors cun furia a Rudumont adoss;
In t l'istess temp al paladin Uggr
E Nam al seguitonn; e Olivir s moss,
Avin, Avoli, Utton e Berlingir,
Ch'un senza l'altr vedr mai an poss:
Contra 'l re d Sarza tutt calonn la lanza;
Chi al culpies in t la front, e chi in t la panza.

17.

Laessen mo un po sti cos andar da un là;
La guerra è un decors nuios, e piz dla mort:
Pr adess a fugh pinsir d'avern assà
D Rudumont a cantar, superb e fort.
Am par ora d turnar là, dov è arstà
Griffon al bianch avsin avsin al port
D Damasch, con Urigill, e quel babbion
Ch se spazia so fradell, e s'è 'l berton.

18.

Dia gran Asia tra 'l più belli città,
Per popl, per ricchezza e pulizi,
A seutr chi per qui pais è stà,
Una è Damasch, la capital d Suri.
In t'un fruttifr pian l'è fabbrica.
Dov d'estad o d'invern as stà in algrì;
Dalla part d mattina, un mont avsin
I tol del Sol i prim razz mattutin.

19.

Per la città du fium, em'è un ambr, chiar
Van a dar l'acqua ai ort e anch ai zardin,
Ch'ai n'è un numr quasi grand, ch an s pocuntar,
E sempr i fluriss ros, viol e zesmin.
Gli aogu nduros en tant, da far masnar.
S'el fussen tutti insem, un bon mulin
Pr el strà, fora donn ben ptnà e ben sent
Udur d più vari sort cuntinvaient.

20.

La gran strà mestra tutta era accundà
Cun tluu, damasch, e zindalin e vil;
Al pareva ch'l'addobb ai fuss tucà;
Da per tutt l'era everta, e an s vdeva 'l cil.
El port, el finestr tutti ern addubba
Anea lor d bi tapid gruss e suttil,
E pini d belli donn ben ptnà e ben vsti
All'ultma usanza, e tutti ingalluzzi.

21.

L'era un gran gust dentr dal port a vder
Qelur attint a sunar e a far di ball;
E per la strà qui più ch'avevn al psser
Di bi smanzavn e ben guerni cavall.
Al più bell l'era po la cort a vder
Pina d signori tutt vsti d bianch, ross e zall,
E una massa d servint vsti in tant decor
Ch el livrè i han urlà d'arzent e d'or.

22.

Griffon intant cun la so cumpagni
Guardavn cun so cond a tutt sti cos;
Un sgnor garbat i affermò per la vi,
Es vols ch' in casa so i talisan arpos;
Quest era un zintilom tutt pin d' curtei;
L' amadura ai fi prest cavar d' adoss,
E per lavars ai fi d' acqua purtar,
E dop alligr i andonn a tavia a znar.

23.

Al cuntò a zenna ch' al re Nurandin,
Padron d' Damasch e d' tutt la Suri,
Aveva fatt invid luntan e vsin
Ai Cavalir, ch' vgnissn da so sgnuri
Pr una gran giostra; e ai prim razz mattutin
Cun bella urdanza, dis, in piazza ai vdri.
E, s' la forza s' arvisa alla presenza
Vostra, dimattina a in fari l' esperienza.

24.

Sebben ch' per quest là n' era andà Griffon,
L' invid galant al vols azztar d' quel sgnor;
E l' è cosa ben fatta in t' l' uccasion
La so virtù mustar e l' so valor.
Al dimandò po d' qula festa la rason,
Perchè i la fissan cun quai gran splendor:
S' l' era un usanza antiga, o s' al re vleva
Vedr a prova di su chi più valeva?

25.

Al zintilom arpos: La bella festa
S' farà sempr nna volta ogn quattr mis,
E, perchè av sia la cosa manifesta,
Questa è la prima ch' s' fazzo in sti pais,
L' as fa in memoria ch' al salvò la testa
Al re da un prigul grand, dop quattr mis
Passà in gran stint e guai, vsin a murir:
Per quest la giostra al vol instituir.

26.

Per cuntarv la cosa alla spianà,
Al nostr re, ch' ha nom sgnor Nurandin,
Parich ann e pariech fu innamurà
Del mustazzin, a sre per dir, divin
D la fiola del re d' Cipri; e s' fu spusà
Da lu, e s' finn l' so nozz, cun un bel fstin.
E po dop, cun tant sgnori in cumpagni,
Al s' miss in viazz per cndurla in Suri.

27.

Muntà in barca ch' a funn, in mezz al mar,
Gli ond prinziopion a far di cavallun;
E una timpesta z' vgn a decunzertar
Tant granda, ch' la fi pora anch a Nettun.
Tri di e trei nott dvanand bisegnò andar,
Senza saver da ch' part, acquai a mattun.
Stracch, stuff e mui, finalment a truvonn
Terra, e quì alligrement tutt a dsmuntonn.

28.

As piantò un padiglion per la rìgina.
E pr' i altr. del tend magari di;
A s' impiò 'l fugh, a s' eminzò a far d' cusina,
E 'l tavl s' apparchionn d' arzintari;
In st' mient al re pr nna selva li veina
Andò a cazza cun du servitor dri,
Pinsand pesser ammazzar qualch' animal,
Cmod srev a dir un zerv o un porch' zingial.

29.

In quel iacentr ch' a stev a sedr, a aspttar
Ch' al turnass dalla cazza, acqui d'currund.
A vistin l' Orch dalla banda dal mar
Vgnir alla nostra volta, mo currend.
Al zil v' dfenda da vedrl, sgnor mi car,
Perchè an avì mai vist mostr più urrend.
L' e mui per relazion credr e saver,
Che aver la volutà d' andarl a vder.

30.

La so lunghezza an psènn brisa capir
Tant el smanganament e tond e grosse;
Propri in quel lugh dov i nech l' arè da avrir,
Sotta alla front, al porta do pizz d' oss.
Vers nu, cmod av cuntava, al vistin vgnir,
E al s' arvisava d' Rodi al gran colosse,
Al mostra du gran dint, cmod puli i purzi,
E un nas ben lung, e senza palizi.

31.

Al vign currend, e al gragn porta all' usanza
D' un brach, quand l' ha trovà bona pastura;
An z' arstò, quand al vistin, fìa in t' la panza,
Ugnun scappò dov più l' s' la vist sicura.
Sebben ch' l' era orb, a nu' n' z' arnua speranza,
Perchè l' bon udurat tant l' assicura,
Ch' ai basta pr attruvarz; e per scappar,
Allora, ai vleva gli ali da vular.

32.

Chi d' zà, chi d' là in frezza mov i pass,
Pr en dar tra gli nng a quì, lest quant è l' vent;
Quaranta ai ero, e a cred ch' a s' in salvass
Dis in t' la barca, mo cun un gran stent.
D' en so quant, sotta l' brazz, fi l' Orch un fass;
Di altr al s' in miss in sen, e finalment
Un bascozz l' arrimpi quant i in pssatar,
Bascozz ch' ligà a travers al sol purtar.

33.

Alla so tana l' z porta l' mostr donta,
Ch' era incavà dri al mar dentr in t' un scui;
L' era d' un marm quai bianch qula spelonca,
Quant, s' al n' è scritt, sol essr d' carta un fui.
Una sgnurona i era là in qula conca,
Ch' mustrava d' essr pina d' guai e d' dui,
In cumpagni d' più donn, e vecchi e putti,
D' agn sorta e condizion, e belli e brutti.

31.

Vain a qula grotta, dov l'Orch abitava,
Un'altra, ch fu za fatta in t l'istess sass,
Nünt più pzinna dla prima, s'attruvava,
Dov a gli aserava 'l pigur e i castrun grass.
Quant i s fussen an se sa, ch' lù n' i cuntava.
Tant era grand al numr, e, per so spass,
L'era lu ch' i guidava alla pastura;
L'avreva e srava lu la paradura.

35.

Tra gli altr carn, l'umana i piaseva
Purassà, es al mustò in t l'andar a cà,
Ch' in finna tri, d qui ch sotta 'l brazz l'aveva,
Al stragualzò per spass andand in là.
Alla mandra arrivà, 'l gran sass l'avreva,
Al fi vgnir fora 'l bisti, e nu 'l z mitt là;
E pigur al guida po a pasquar un pzol,
Sunand per divertirs un gran subiol.

36.

Quand Nuran'in indri fu po turnà
Dalla cazza, in quel lugh an trovò nssun,
Dop aver da per tutt ben ben cercà
Pr el tend e pr 'l baracch e pr i casun.
A psai ben credr s' l'arstò maravià,
D tant, ch ern sigh, an n'attruvar gnanch un.
Pr avon nova 'l cala vers al mar,
Qui ch'ern in barca 'l trova ch vlevn andar.

37.

Quand lor al vistu alla so volta vgnir,
Al battell i mandonn a torl sù;
Quand po la verità i i finn ndir,
Ch a rubar quel maldett Orch era vgnù;
Senza star a pinsar, o star a dir,
Al vols anlar dov 'l ol ch'era andà qulù,
Perchè dla sposa ai depias, es stabiliss
D liberarla, o d murir s'al n' i arississ.

38.

Pr al sintir, dov al ved el pedgh stampà
In t la sabbia, 'l camina vi alla dritta,
Ch'al fugh dla rabbia amor aveva impià,
E s' arrivò alla tena za descritta,
Dov nu, cun tanta pora, stavn aserà,
Sempr pinsand ch az arrivass la dsditta
D'esser magnà dall'Orch, e, agn puetin d tuss,
Per magnaraz a pinsavn ch l'avriss l'uss.

39.

Al re qui per fortuna arrivò in temp
Ch i era la muier dl'Orch, senza 'l mari;
Quand l'al vist: Scappia, diss, fin ch a si a temp
Mal guai a vu s' l'Orch v'attruvass quei qui!
S'al m'attrova so dann! in t l'istess temp
Arspos al re; in t'agn mod a son apedi;
A posta, propri qui mi son vlù vgnir
Per salvar mi muier, o qui murir.

40.

E po seguitò al discors, dmandand nova
D qui ch aveva chiappa l'Orch dri alla riva,
E prima d' i altr dmanda dov s'attrova
La so Luzina; s' l'è morta, o s' l'è viva?
La muier dl'Orch i di una bona nova,
E s' i diss ch la so spousa anch l'era viva
E ch dubbi an i era nssun ch muriss qula sguora.
Perch la carn del donn l'Orch en divora.

41.

D sta cosa mi v poss far la sigurtà,
E tutt sti donn, ch' a vdì ch ai ho qui migh,
Ne mi ne lor mai l'Orch ha mulestà,
Pur ch'en se dacostu da st so bus antigh.
Mo chi cerca d scappar l'è mal cunsià,
Perchè la pas an vol mai più far sigh,
Ch' a gl'incadena, o vivi al li suplis,
O nudi all'occh del Sol a gli arrustiss.

42.

Quand l'ha purtà qui ancù la vostra zent
Al n'ha i masti dal fema separà,
Mo tutt, emod a gli ha colt, confusament
A gli ha là dentr in qula spelonca aserà.
I omni dal donn a nas al ognuss es sent;
E ch al maltratta 'l donn n'ev dubità:
Mo di omni, sià sicur ch al s'vrà saziar
A mrenda, a cenna, a far qulazion e a denar.

43.

D cavar la spousa d qui mi 'n so la vi,
E sià cuntent, senza pretendr di più,
Quand ch l'an srà li magna d cert a savi,
E al ben e al mal la starà ch' a staren nù.
Mo, per l'amor del cill andavn vi,
Ch'an v'accatta quì l'Orch, e 'n v becca sù:
Tant quant l'arriva, al tira d nas, es ognuss
Fin un pundghin, s qui dentr arduitt al s fuss.

44.

L'arspos al re ch'an vleva d li partir
S la so bella Luzina an ved in prima:
Più tost avsin a li al vleva murir,
Che starn senza, e aver al cor sta lima.
Quand quì vist ch l'an al po cunvertir,
E ch l'ha dl'ustinzion tuccà la zima,
Pr aiutarli, la pensa a nn altr dsegn,
E s'aguzza la ment, sforza l'inzoegn.

45.

In cà l'aveva sempr a di per di
Più d'un castron scannà, più d'un agnell.
Per far la sposa a quel donn ch'ern li,
E a divers cavicch i è attacch el pell.
La muier dl'Orch fi in mod ch'al re s'unzi
Cun quel grassum, ch ha i bioch in t 'l budell:
E al s'unzà dalla testa infin ai pi.
In fin ch l'odor d in prima fu andà vi.

46.

E quand ai pars a li ch tant al puzass
Quant fa l'estad un becch, mo ben puzlent,
La tols una gran pell, es vols ch l'intrass
Dentr in quella, ch'ai steva condament:
A qula manira vsti, l'al guidò al sass,
O per dir mii l'al strassinò cun stent;
In dov, dentr in qula grotta, aveva arposaa,
Quel mostr, d Nurandin la bella sposa.

47.

Nurandin in fin donca agli andò dri
E alla bocca dla grotta 'l s fermò a aspttar,
Ch l'arrivass cun el pigur al mostr d vi,
E fin a sira al n'al vist mai turnar.
Finalment, da luntan l'od blar i agni,
E s ved ch'is cmeenz alla mandra a accustar.
Al bel pastor i andava dri pian pian
Sunand al so subiol, ch' l' aveva in man.

48.

A pasi pinsar s'al cor dentr i termava
Quand accustars al sinti l'Orch al mont;
E quand agli andò vsin, pr'avrir la cava,
Un sudor fredd i vguiss zo dalla front.
Da quest as cgnuss s la so sposa l'amava
E s quest era un mari da farn cont.
L'Orch vin innanz, al tol vi un sass, es avr,
E 'l re va dentr in cumpagnì del cavr.

49.

Dentr ch'è 'l pigur e 'l cavr, l'Orch vine zò,
Mo 'l uss l'asserra ben prima per d dentr;
Tutt al z'arnass; e po du al n'acchiappò,
Ch al vols cun qui decazzar la fam dal ventr.
Quand am accord d'averl vist, an po
Far a manch ch an s m mova, in fin al centr
Dl'intern, tutt al sangu, e per la stizza
Tutt i pil ch'ai ho adoss ognun s m'addrizza.

50.

Al re s'cavò la pell, quand l'Orch fu andà,
E s'abbrazzò la bella sposa e cara:
Mo li, in scambi d mustrarsi consulà,
L'avi dsgust, e sta cosa i sav amara:
Pr al mal suzzess a mi, diss, consulà
Armas, quand z'acchiappò quel trentapara,
E un gran grust a sinti ch'an i eri vù,
Quand l'arrivò là zo e ch al z purtò sù.

51.

S'a mureva sol mi, cmod am aspett,
Per mi am aveva mi sol da lamintar;
Sola a pruava st natural affett
D'abburrir l'ultim pass, ch s' ha pur da far;
Mo adess ch a si aueva va a st prigul suggett,
Più d vu che d mi am sent propri attavanar.
E s seguitò mustrand assà più affann
Dal mal del spos, che del so propri dann.

52.

La speranza (al re diss) m'ha fatt quì vgnir
D'salvarv vu cun st'altra cumpagnì:
E s'an 'v poss salvar, mi a vui murir,
Pinttost che star senza la sposa mi.
In t'al mod ch'a son vgnù, d qui a poss uscir;
E fora d qui migh tutt vu altr uscir;
Pur ch'en schivadi, per mi imitazion,
Vstirv anca vu cun una pell d cavour.

53.

La gran vuia d vgnir fora d qula person
Z fi l'astuzia appruvar, ch aveva insignà
La muier dl'Orch al re nostr patron
Perchè da so mari an fuss arvià;
Aquis, perchè in t l'uscir da quel sfundon
An z'acgnussiss, s'al z'avies arnasà,
Cun quant ai ern aserà tra omn e donn
Altrtant bicch di più viche a scurdognon.

54.

Cun quel sii az unzinn tutt e quel grass
Ch'attruvonn in t la red e in t 'l budell.
E an i fu chi dentr in t la pell n'intrass.
Intant la lum del Sol di band al strell,
E l'Orch pastor, per turnar al so spass,
Vign alla grotta e s spalancò 'l spurtell;
E, subuland al solit cun la canna,
Al chiama 'l pigur, ch s livn dalla nanna.

55.

Al tgea una man sovra dal bus dla tana,
Perchè an passassn nu tra 'l pigur e i bicch:
In t l'uscir fora al tastava la lana,
Lassand passar chi aveva 'l pel più ricch.
Omu e donn a vgninn tutt per vi quei strane.
Perchè 'l sinteva 'l pel d cavour e d bricch:
Ne nessun d nu altr fu dall'Orch trattgnù,
In fin ch Luzina al bus arrivò sù.

56.

In t al passar, la fu dall'Orch cgnussè:
O ch al fuss mo perchè l'andass più pian,
O pur perchè la n s fuss untà quant nù.
Ch'ai dspiasava quì l'odor anch da luntan:
O pur ch'in t l'istess temp ch la vgneva sù
L'Orch i tuccass la testa cun la man,
Ch'a si dligass 'l trezz, o ch soia mi,
Basta ch'in t'al passar l'Orch l'agnussì.

57.

Ognun quasi diligent era al fatt sù,
Ch'al cumpagn n'abbadava nè al fradell:
A un zigh ch fi la rigina, mi 'm vultò.
E a vist che quì l' aveva tolt la pell;
Pr al bus dla tana al fi turnarla zò;
In st mentr nu però z n'andonn bell bell
In cumpagnì del pigur alla verdura,
Dov 'l guidava l'Orch alla pastura.

58.

A stinn aspttar all'ombra fin a tant
Ch'in t'un buschett es miss l'Orch a durmir:
E po chi al mont, chi al pian drizzò l' purtant;
Sol al nostr patron cun nu 'n vols vgnir.
Dla so Luzina innamurà l'è tant,
Ch al vol turnar in qula grotta a padir,
E o star là dentr aserà fiu alla mort,
O guidar vi la so cara cunsort.

59.

Perchè alla prima, quand al vist ch li sola,
Pr essr dsverta, è sfurzà in t la grotta a star,
Spuntaneament al fu pr'andar in gola
Del mostr urrend, e quasi fars divurar;
Ai cors attes al grugn; dop po al s cunsola.
Ch' anch una volta est cas es sre passù dar
D cavarla d là cun altra furbari,
E sta speranza fi ch al turnò indri.

60.

Quand alla grotta l'Orch turnò la sira,
E ch al s n'addi ch'ai ern tutt scappà,
La rigina d là dentr fora 'l tira,
E po la cundannò a star ineadnà
Su in t la muntagna al Sol e alla bufira,
E dal sou man la fu propri ligà.
Al re, ch la ved per causa so patir,
Dal gran dulor al fu aquas per murir.

61.

Sira e mattina, al spos vgnir e andar
Al la vdeva piangulenta e dcunsula:
In t l'uscir dalla grotta, e in t al turnar
Sempr al la vdeva dcò del sass ligà.
Cun i nech e cun la man li ha l'asi d zgnar
Ch'al scappa, innanz d'esser dall'Orch magnà;
Perchè, cun al so star continuament
In quei gran prigul, a li an i è d'zuvament.

62.

La bona muier dl'Orch anca li 'l priga
Ch'al vada pr i fatt su, mo tant e tant
D'andar vi senza la so spousa al niga,
Anzi ch'al s mostra sempr più custant.
Aqusi in sta schiavitù, dov pietà 'l liga
E dla muier l'amor, al durò tant
Finna ch'al capito vsin a quel sass
Mandricard, per furtuna, e 'l re Gradass.

63.

Qui tant is dinn d'attorn, e tant i finn,
Ch'i liberonn finalment la rigina;
Se ben, ch per dirla, furtuna i avinn,
E s la purtonn, currend, alla marina;
E qui a so padr, ch l'aspttava i la dinn;
E quest fu propri in t l'ora mattutina,
Quand Nurandin, aserà in qula mala cava,
Attent la nova lus del di l'aspttava.

64.

Mo quand alla mattina l'uss fu avert,
E 'l re ch la spousa era andà vi savi,
Ch'ai al cuntò la muier dl'Orch per cert,
E emod tutta la cosa era seguit,
Al cil al ringraziò a brazz avert,
Ch'el dsgrazi d la rigina ern finì:
E s prega anch ch la s'ardusa in lugh sicur
Dov al la possa po al so regn cundur.

65.

D sta nova alligr, al va, segond l'usanza,
Cun i castrun e 'l pigur alla campagna,
E qui l'aspetta ch l'Orch dstenda la panza
All'ora, e ch'in t 'l sonn suppli l'armagna.
Tutta la nott po, cun al di ch'i avanza,
Al camina, sicur ch più l'Orch n'al magna,
E po s'imbarca in t'al port d Satall,
E 'l srà tri mis da ch l'è turnà in Suri.

66.

In Civr, in Rod, e per città e casti
L'ha fatt cercar s la so Luzina s trova,
Per l'Africa, pr'Egitt e per Turchi:
L'altr di sol al n'ha pssù saver nova.
So mssir i mandò a dir ch'in Nicusi,
Sana e salva, Luzina s'igh s'attrova,
Dop una gran burasca aver passà,
Ch'i aveva per qualch di in mar sagatà.

67.

Pr algrezza donca d sta quasi bona nova
Al nostr re fa far sta festa ricca;
E per l'avgnir agn quarta luna nova
Al la vol far, pr infin ch'al scettar al stricca.
E s la vol far, perchè l'arcord s'arnova
D qui mis ch'al purtò adoss qula pell'astricca;
E un di, emod srà mo iust al di de dman,
Per furtuna 'l scappò dl'Urcazz d'in man.

68.

Sti cos, ch'av ho cuntà, mi i fu present
A una part, e quegli altr agli ho ndi dir:
Al re sicura sti continuament
Vsti cun qula pell, emod av ho fatt sintir.
S'un altr v la cuntass diversament,
Dai da part mi ch l'è un matt. Al cavalir
A sta manira cuntò al bianch Griffon
Al mutiv d sta gran giostra, da re a ron.

69.

Un gran pezz i passonn dla nott zanzand
Sovra sti cos, in t la conversazion,
E s conclusu ch'al re d'un amor grand
Fias da qui di una bella dsnustrazion.
Is andonn po da tavla su livand,
E ai lett, ch'ern ammanvà, i guidò 'l patron.
Cm' è tant tass lor durmian fin a di chiar,
Ch' l'armor dla bella giostra i fi dsuniar.

70.

Tambur, timpn, timball, corn e curnett
Ardun in piazza tutta la città;
All'andar di cavall e del carrett
As od di evviva da per tutt 'l strà:
Gli arm ludenti attorn (Griffon s mett,
Arm impenetrabl, anzi incautà,
Ch la fada Bianca li propri 'l timprò
Cun el sou mau, e a Griffon regalò.

71.

In t 'l istess temp s'armò d'elm e d'curazza
Qulù ch'era in cumpagnì dila birichina;
E quell dov i ern allozz fì una gran spazza
Regalandi d bon lanz una duzzina;
Po i vols accompagnar in fin in piazza,
Cun, tra parint e amigh, una vintina.
E pr i bisugn ai di a cavall e a pi
Di servitur, ch'i andassu sempr dri.

72.

Arrivà in piazza, i s'artironn da un là
Ch'in volsn per la lizza a spass andar,
Per vedr mi i cavalir armà
O sul o accompagnà in piazza arrivar.
La sopravesta chi porta arcamà,
Chi un sol culor o un nastr vol purtar:
E chi porta in t'al scud dipint a caprizzi
Amor, segond ch'agli è crud o prupizzi.

73.

In quel temp i Surian avevn usanza
D'armars alla manira di franzi;
Ai n'era forsi causa la vsinanza
Ch'i avevn d sta nazon in qui pais;
Perchè la terra Santa era dila Franza,
Dov Gesù Crist z'avers al Paradis,
Ch'adess, pnr tropp l'è vera, i princip ctian,
Cun gran vergogna, lassn ai turch in man.

74.

Cun quisti sì ch bisugnarè far guerra,
E ch tutt i ctian i andassen insem uni;
E d Macumett la lezz cazzassn a terra,
E ch en n' i avias più pè qui su Mufti.
Forsi bisugnarè cavar d sott terra
La rason d far sta cosa? A di per di
Avènn memoria e esempi d essr stà
Dai turch ai ctian sti pais usurpà.

75.

Quell ch'era so s po pur turnar a tor,
Quand al sippa sta tolt ingiustament;
Per quest, turnarè al cont apendr di tsor,
E mettr in volta di suldà più d cent;
I in pur ricch qui pais anca lor d'or,
D balsm, d spziari, d'odur, pan, vin e arzent,
Più ch n'è la povra Italia, deserta e destrutta,
E dal guerr furastiri all' ultim arduetta.

76.

Mo as fa più cont d'un po d terra italiana
Ch'an s fa d'un regn ben grand in t la Turchi;
Per chiappar questa agn duttrina se spiana
A dann di amigh istess, barba, e fradi.
E pur tutt quell ch hn la luna uttimana,
E ch fa d'vntar riech qui Tnrch becch e v, l
L'era pur tutt di ctian. Gerasalem,
Al Liban, al Carmel, Cana, e Betleum.

77.

Mo questa è pur marza vergogna, a dirla,
Ch'i ctian tra d'lor s'usurpu stat e rign;
E s han anch tant mustazz da psser suffirla,
E s ponn truvà chi loda sti sn daign?
Oh santa Fed! I voln cert bandirla;
Per Gesù Crist in voln tor impigu.
In scambi d stendr più la Fed del Sgnor.
Più tost i toln a patt d destruzzs fra d lor.

78.

Mo sovra 'l tutt la povra Italia è li
Pr i esercit e pr el guerr al gran teatr.
Spagnù, indisch, francis i viniu d vi,
E tutt s'accordin per vgnir qui a cumbattr.
An s'è mai vist la più gran frenesi:
Tutt qui, ch'ai su pais n'han niint da sbattr,
Tutt in Italia voln i pi fermar,
E tutt, al nostr spall, godr e sguazzar.

79.

Al n'è però 'l mal tant di furastir
Quant l'è, per dir al vera, di italian;
Lor stiss en causa ch vin dai su quartir
In sti pais quel zent quai da luntan.
Lor i chiamn, i arcuin, e in cent manir
Cun al cunsii e gli ovr aiut i i dan,
Da nn mal geni purtā particular,
Ch'a cred ch vera mattiria s passiss ehiamar.

80.

Mo, da una cosa in altra, a son andà
Un pezz zo d strà, luntan da quel ch'a dseva:
An cred d'essrm però tant arradgà
Da 'n passer truvà la strà ch'in prima a feva.
A dseva ch' in Suri i andavn armà
Cmod s fava qui da nu, e in Damasach as vdeva
Cun un gran gust pr 'l strà, e spaezzar per piazza
I cavalir armà d'elm e d curazza.

81.

'L belli donn in cumparsa sn pr i pont
Sovra ai giustrant sparguiavn di fiur,
In quel mentr ch lor stavn destr e pront
Pr'armeggiar a son d tromb d piffr e tambur.
Ugnun d star a cavall ha fatt i cont.
O ben o mal an serv, basta star dur.
Qui ch stan pulid, da tutt s sentn ludar.
E qui ch stan mal s sentn dri stufilar.

82.

L'era premi dla giostra un'armadura
A Nurandin puch di innanz regalà;
Per stra trovà al l'aveva alla vintura
Un mercant, ch'era d'Armenia turnà.
Al re, perchè la fissa anch più figura,
La sovra vesta agli azutò arcamà
Cun tant perì, tant zoi, e cun tant or,
Ch'as po ben dir ch la valiss un gran teor.

83.

Mo Nurandin, s quegli arm aviss cgnussù,
Agli arev anch stimà più d quel ch al feva;
Premi dla giostra al ne gli arev miss sù,
Sebben ch'altr par su in curtai l vinzeva.
A sre tropp lungn s'av cuntass cmod la fù,
Al so patron chi l'era, o chi gli aveva,
O cun ch perchè, lassà in mezz alla vi,
In libertà d chi andava innanz e indri.

84.

Av cuntarò st'istoria nn poeh più innanz;
Adess a digh d Griffon. Quand al fu lì,
Al trovò ch s'era rotti 'n so quant lanz,
E più d'un era armas avversà e fri.
Perchè la giostra andass cun ordn innanz,
Ott s'ern unì insem, d qui favuri
Dal re, zuvn garbat, i prim del regn
Per nubiltà, valor, ricchezza e inzogn.

85.

Quisti mantgnevn pr'un di pron la piazza
Contra tutt i altr, ch fussen vgnù a giustrar.
Prima la lanza, e po la spada o mazza
S druvava, fin ch'al re i feva fermar.
Ben e spess is furavn la curazza
Per spass. Car al mi spass al s po chiamar!
In somma, da ver nmigh ognun s trattava
Fin a tant ch' i dsmittissen al re emandava.

86.

Al cmpagn d'Urigill, om d'ambizion,
Ch'era chiamà per propri num Martan,
Pinsands in t'al valor par a Griffon,
Per aver insem magnà quel di del pan;
In lizza l vols intrar; e in t'un canton
Al s'affermò, per vedr mmar el man,
In fin all'ultim, a du, ch s'ern sfida,
E s'avevn una gran question eminzà.

87.

D Seleuzia al signor am par d qui du fuss un
E d qui ch la giostra avevn da mantgnir;
Allora l cumbatteva contra a Ombrun,
E d punta in t al mustazz l'andò a culpir
In mod ch'al l'anunazzò: e per dirla ognun
D'Ombrun av dsgust, siand un bon cavalir,
Liberal e galant, tant po curtes
Ch un cumpagn en s trovava in quel paes.

88.

Vdend sta cosa, Martan s la fi squas sotto
Per pora a lu ch l'istess an i intravgniss;
Al cunsidrava l mod da pesera tor d sotto,
E da per lu, bruntland tra i dint, al diss:
Al brav Griffon, ch n'al lassaré, pr ngotta,
Al spinzi innanz, al fi tant e tant diss,
Ch l'andò pur contra a un nobil cavalir
Ch'in aria s'era miss d vleri culpir.

89.

Mo agli andò, all'usanza d Traccagnin
In t la cummedia, contra voluntà,
Ch'al stà a guarlar, es en vre andar avvin
Al commediant, ch ha la spada defudrà;
Dov ai era present signori e ztadin,
Dam, cavalir e scielta nubiltà,
Martan, per pora, l'incontra scansòz,
E da man stanca l so cavall sterò.

90.

Pur la colpa s sre psù dar al cavall
Per chi d scusarl aviss vlu tor l'impegn;
Mo cun la spada l fi po quasi gran fall
Ch'au l'arè d Ciceron dfes tutt l'inzevn.
Al pensa d'esser armà d veidr o d cristall,
Tant àl pora, e d spavent el pin e pregn,
Ch finalment al s la cui, e s scappa vi,
E l popl uquland s'i miss a corr-r dri.

91.

Chi i feva dri la baia, chi rideva:
A saven za l'usanza del puplazz.
Martan, cuntent ch salvà la pell l'aveva,
D quell ch'i di allozz al s'in turnò al palazz.
Ste amacch a pss ben credr s'al dspiasava
Brisa a Griffon, ch'era arstà lì, al puvrazz.
Tutt vergugnos, e più tost l'arè vlù
Essr in t al fugh, ch aver cundutt lì quid.

92.

As i sre impià in t'al volt i sulfani,
Tant quant tutta stà so fuss la vergogna;
Ch al puplazz ingnurant an sà chi as si,
E s al tol anea in pr una carogna.
Sicchè, s'an vol ch la zent i rida dri,
Gran curag e valor mustar bisogna;
Un did sol, un tantin d'error ch'al fizza,
Per la mala upinion, parrà dis brazza.

93.

La lanza aveva za toita Griffon,
Ch'in sti fazzend l'è cert d'n dar in zara:
Al di al cavall la mossa cun al spron,
E l bada ben che la so lanza n sgara.
D Sidonia, l'in pss far fed, al patron,
Ch dla so virtù av la prima capara;
Al cascò da cavall dstes all'indri,
E ugnun per maraveia s livò in pi.

94.

Cun qula lanza turnò 'l fiol d'Ulivir,
Ch'un'altra volta l'aveva indrizà;
E s la rumpì in tri pizz in t'al zimir
Del duca di Laodicea, ch s'è appressà;
Quest fu per batir in terra aquas al mssir
Tant erl armas dal gran colp savanà;
Pur al s'armiss, e cun la spada in man
Al s'arvultò a Griffon, ch n'era lontan.

95.

Griffon, ch al ved in sella, cgnus ch'an basta
Quel prim incontr per finir la festa;
Pazienza! 'l diss tra i dint: s la lanza è guasta,
Al pruvaren cun la spada ch' m' arresta;
Digand aquai, cun un colp al la testa,
Ch'al par ch vigna dal cil, sovra la testa,
E po dri un altr e un altr, aquai lest,
Ch s'furzà fu 'l duca andar in terra prest.

96.

Quai ai era du Apamis, ch'ern fradi,
In tutt 'l giostr solit a restar d sovra,
Chiamà Tirs e Curimb. Pur tuttavia
Griffon i fi sta volta andar sudsovera.
Al prim incontr all'aria cun i pi
Andò Tirs; mo Curimb n'audò sudsovera
Alla prima, però poch ai zuvò,
Ch prest cun la spada Griffon s'in sbrigò.

97.

Dop questi, in t al steocat vin Salintern,
Gran maresciall e viniscalch del regn,
Ch'aveva dal Stat tutt in man al gvern
E s'era, a dir al ver, un sultà degn.
Questù s'instizzi, ch'un cavalir estern
Aviss da purtar vi dila giostra 'l pegn,
Al tol una gran lanza, e Griffon sfida,
E contra ai spinz al so cavall d burida.

98.

Cun altra lanza quest i di l'arsposta
Ch per la miora tra dis l'aveva adlett;
E, per far un bel colp, al t m'i l'apposta
Al scud, es passa la curazza e 'l pett.
Tra custa e custa ai di una gran battosta,
Ch'al ferr i uscì in t la schina, e tutt, eccett
Al re, d'un colp quasi fatt avuin a car,
Perch tutt udiavn Salintern avar.

99.

Griffon po in terra, vein al marescial,
Ermofil mandò in prima, e po Carmond;
Del milizi al prim era 'l general,
Gran almirant del mar era 'l second.
Perchè a Griffon i n'ern d forza nqual,
Al prim vudò la sella, es lassò al mond:
Qu'altr andò rvers cun al cavall adoss
Pr en pesser d Griffon star sald al gran percoess.

100.

Quai più s' n' al signor d Seleuzia za i arstava,
Mo! l'era mior sultà d tutt qui altr sett.
La so tremenda forza accumpagnava
Cun del bon arm, e un bell cavall perfett;
Tant l'un quant l'altr al punt dov as guardava
Fora dall'elm i han d culpir adlett.
Mo quel signor fu culpi da Griffon bianch
D'un colp, ch i tols la staffa dal pè manch.

101.

Senza lanza i s turnonn a corr- adoss
A gran furia tutt du cun i brand nud;
Griffon prima al pagan artuccò 'l doss
E chiar ern qui culp ch'andass a vud;
Cun un, tra i altr, ai taibò 'l ferr e l'oss
D'un, ch l'aveva tra mill tolt per un bon scud;
E s l'arnes n'era doppi, e d tempra fin
Ai taiava anch a veder al gabbanin.

102.

Anca in 'l Seleuzian chiappò Griffon
In t l'elm, cun un colp quasi sterminà,
Ch l'ar bastà a mandarl al balatron,
S'al n'era, emod a saven za, affadà
Per frir al bianch al temp perd quell baron,
Ch an po furar quegli arm da nssun là.
Mo Griffon da per tutt al punz es friss,
E da più band as ved ch al sangu usciss.

103.

Ugnnn za vdeva quant fuss qu'altr deotta
E ch'al vantazz era dal là d Griffon;
E, s la cosa dal re n'era interrota,
Quel signor d sieur sballava in pavaion.
Nurandin zgnò a una guardia, ch' i era sotta,
Ch'andass a far dar fin alla question.
E l'un e l'altr funn da què dsemzà,
E 'l re fu per sta cosa molt ludà.

104.

Qui ott, ch sovra d lor avevu tolt l'impresa
Cun tutt al mond, en pessinn star contra d'un;
E, avend quasi malament la so part d'fesa,
Qui ch pessinn lassonn la lizza a un a un.
Tutt i altr, ch'ern andà per far cuntesa,
Armasn, senza aver contrast da nssun.
Lu sol Griffon sav si ben lavorar,
Ch'al fi, contra ott, quel ch' i altr aren vlu far.

105.

Cavà in qula festa i avenn ben poch sngh,
Ch'in manch d'un'ora la s'era furni;
Mo Nurandin, per far più lung al sngh,
E ch'es tirass innanz per tutt quel di,
Zo al vin dal palch, es fa dsgrumbrar al lugh.
E po in don part i cavalir aparti,
Second al so valor e cundizion,
E ai fi far a du a du nova question.

106.

Griffon in st mentr indri s n'era turnà
Tutt instizzi e d vergogna anch cvert e tint;
E s'era più d Martan armass dagustà
D quel ch'al fuss suddissfatt d'aver lu vint.
Mo quel vigliacch, per n'arstar svergugnà,
An s tin la lengua aserà dentr dai dint,
E gula spiola so mrossa, bona fiola!
A so favor la mena la masola.

107.

Se Griffon po i cherdiss, quest an al sò:
L'azzitt lu scusa, per n'i psser far altr;
E, per far mii, d'andarsn al s'avvisò,
Senza, sovra a sta cosa, più dir altr.
Ma perchè, s la zent vleva 'l cumpagn sò,
L'aveva pora ch'ai suzzdiss cvell altr,
Aqusi, cun tutta la so cumpagni,
Pr'una porta segreta al s n'andò vi.

108.

O ch lu, o 'l cavall più 'n passissn star in pi
Pr esser stracch: o ch l'aviss sonn purassà.
Al s vols fermar alla prima ustari,
Dou miia e cvell d più fora dla città.
Qui 'l s cavò l'elm, e gli altr arm al trì vi.
Urdnaud ch'i cavall fussu ben gvernà.
In t la stanza al s'assò senza sospett,
E, per durmir, nud nad al s n'andò a lett.

109.

Al n'av si prest la testa in t al cavzzal
Ch la stracchisia al fi a un tratt indormintar,
E s cminzò, emod sol far un cert signor tal
Mi amigh, anca lu, fort a runfar.
Urigill e Martan, vud ch fu al buccal,
In t'al zardin i andonn nn po a spaszar.
E s'urllun qui una furbari, la più
Galiutesca che s sippa mai sintu.

110.

Martan fi dsegn d rubar al paladin
Cavall e arm, ch'al s'era despuia;
E vsti con questi andar da Nuraudin,
Finzeuds per quell ch'aveva ben giustà.
Fatt st bell pinsir, alla stalla al s'in vin,
Es chiappa su 'l cavall, ch'è bianch scanda.
Al tol gli arm, al zimir, scud e murion.
La roba tutta in somma ch'è d Griffon.

111.

Cun Urigill, servitur e staffir,
Al torna dov era anch al popl in piazza,
E in t l'ora l'arrivò ch i cavalir
Furnevn d'adruvar e spada e mazza
Al ro pr'unurar quell ch porta 'l cimir
Bianch e bianca ha la vosta e la curazza,
E al cavall anch ha bianch, al fa cercar,
Ch'an sa cun ch nom al s l'ava da chiamar.

112.

Qulà ch'era vsti cun l'abit ch n'era sò,
Cuod l'asn aveva adpess la pell del lion,
Quand al s'udì cercar, subit l'andò
Dinanz al re d Suri in scambi d Griffon.
In pi, pr andari incontra, al re s livò,
Al l'abbrazzò e s s' al fi sedr a gallon,
E a lu sol an i basta d fari unor,
E al vol ch tutt odn e esaltò al so valor.

113.

Dla giostra vincitor fatt in quel di
Al vols ch al fuss da tutt cgnussù e chiamà;
E per tal la zent tutta al riveri,
E 'l so num da per tutt fu sparguià.
Al re, a cavall, dai fianch an s'i parti
Quand pr andar a palazz i s funn invia.
E tant unor al cumpartiss a qulà
Ch'anch s'al fuss Mart an pre unurar d più.

114.

Ai fi assignar un bellissm appartamento
In p-lazz, addubbà d seida e d pittura;
Es i fi in seguit anch un assignament,
Perchè Urigill possiss far la so figura.
Mo turnen a Griffon, ch'un poch s'arsent
Inuauz ch dal tutt la sira sippa brra,
Che pr esser stracch madur era andà a lett,
Senza aver di cumpagn nssun sospett.

115.

Quand al fu dsdà, al vist ch l'ora era tarda,
L'uscì cun 'l calzett zo pr i calcagn;
Al va dov era arstà quila so infingarda,
Cun i servint, e sigh quel bon cumpagn:
Mo, quant al fruga da per tutt, e al guarda,
An ved ne lor, ne gli arm, ne i su pagn.
Dal tradiment allora 'l s'insusptti
Quand al trovò d Martan gli arm sol li.

116.

L'arriva l'ost, es vin cuntand d qulà
Ch, un pezz fa, tutt vsti d bianch vi 'l s n'era andà.
Ch la donna e i servitur partinn cun lù
E tutt insem avvianda vers la città.
Griffon chiari allora dal tutt fù
Del tradiment, e ch l'era stà ingannà;
E allora al s'accarzi ch quel mal sturnell
Era mros d'Urigill, e non fradell.

117.

In van adess ai despia d'esser sta un sciocch
A credr al bubl d quì, ch mai diss al ver.
E lu s'era lassà infunnechiar per poch
Da chi 'l neghr tant volt bianch i ha fatt vder.
Al pensa d tors vendetta d quel dappoch,
E 'l smania adess, ch tra 'l man al n'al po aver.
E ai bisogna anzi adess s'al s'vol armar
Gli arm e 'l cavall d Martan pur adruvar.

118.

Al sre stà mii per lu d'andar dsarmà,
 Che metters qu'arnadura vergognosa,
 E tor quel scud, ch quei mal è stà addravà,
 E l'elm cun qu' insegna ubbrubriosa.
 Mo, pr andar dri a qula zaqla e al fint cugnà,
 La rason era dal gran dspett nascosa:
 Vers la città ben prest al marchia vi,
 Ch' ai era squas un'ora all' amari.

119.

Vsìn alla porta dov vgneva Griffon,
A man manzina, a si vdeva un castell,
Fatt più per blezza che pr'altra occasion:
L'er d'entér l'era d'pint, ben guernì, e bell.
Cun tutt i sgnori, dla Suri 'l patron
Quì s'era arduet, e d' dain un gran mesdell;
E allora, dop essr finì 'l ballar,
A tavla i s'ern miss, per vler mrindar.

120.

Sovra alla mura una loza arisusseva
Dov i ern, ch guarda antra fora dla città.
Dalla luntana un gran pezz as descriveva
El vill, i camp, i bosch, sintir e strà.
Allora vers quela porta Griffon vigneva
Cun quel tal arm e si fatti, armà,
E per so disgrazia al fu, pur tropp per lù,
Dalla cort e dal re mal accagnussù.

121.

Cioè, i pinsson ch al fuss quel ch'al pareva;
E is missa a ridr tutt dai grand ai pzinin;
Martan allora, del re in grazia, i steva
A sedr a tavla, alla man dritta, avvin.
Appressa a lu la ninfra dl'alba s'vdeva:
Vultands a lor ai dmandò Nurandin
S quel ch'era con lor fuss un qualch babbion
O un cap d' qui fin senza reputazion.

122.

Dop aver fatt nna quasi trista prova,
L'ha tant mustazz d'urnar alla città?
Questa è ben, desva 'l re, una cosa nova!
Un om quisi bray, cmod pur ay si dsnustrà.
Tor can vu per campagn un ch' an s'attrova
Per tutt Levant 'l'egual in t la viltà;
Forsi ch' al fà per far cegnuss mazor
Per contrappost al vostr gran valor.

123.

In cunsinzia, mi v zur sicuramente,
S'an fuss perchè mi v port amor a vù,
Al vrè far svergagnar pubblicamente,
Cmod ai ho fatt a di altr ugual a lù:
E s vrè dari pr un pezz un tintament
Dia bell'ovra, ch l'ha fatt ancù tra d nù.
Mo, s'an al tratt cmod al s'è merità,
Al fazz per vù, ch l'avi in sti band guida.

124.

Martan, ch'era d sett cott e una buida,
L'arso: Ch la sava, sacra maestà,
Questù n'è da mettr cun la mi partida,
Anzi a cherdeva ch'al s'in fuss andà.
Mi per la stra ch d' Antiochia a Damasch guida
Al trovò a cas; e a dir la verità
Al pinsava cvell d bon, per n'aver vista
Altra prova s n'ancù, ch'è stà quì trista.

125.

Squas dal disgust a son stà per dvintar matt,
A vder sta cosa, e poch ai è mancà
Ch'an i ava allora allora un brutt scherz fatt,
E insegnari cun ch'curaggi al va giusta.
Mo, s per sta volta mi n' i ho usa un brutt tratt.
Ai n' ha l' obbligh a vostra maestà,
Ch' al rispett u ha trattegnù; mo un gran guadagn
Al n' arà, per esser sta un dì mi campagn.

126.

Am par d'aver adoss anch del russor,
E d'averm in etern a vergugnàr;
Anch più an depiassè s, per farm un gran favor,
Per causa mi l'aviss lib l'andar.
Sicchè, s' l'am vol dar gust, car al mi signor.
Cun una corda ch' l'al fizza impicar,
Ch' la farà verament un att glorios,
Per dar esempi a chi è vil e spuros.

127.

A cunfirmar al ditt d ste brav legal
La pegluzazza zanzira fu ben presta;
Mo 'l re: Sebben ch' al s'è, diss, purtà mal,
A pens però ch' i ava da andar la testa,
Mo, per castigh d'un error qnsi badial,
A vui ch l'arnova al popl un po la festa.
Ditt quest, al barissel al fa chiamar.
Cmandandi quell, ch'al vol ch'al vada a far.

128.

Al barissell chiamò sigh al Fratett,
Ch'aveva avù d sott-barissell l'assont:
E dentra dalla porta sigh al mett
Arpiatà, fin ch Griffon passa 'l prim pont:
Quand al fu per passar qu'altr rastlett,
Adoss ugnun s'i attri ben lest e pront:
I al muonn prest in guardiola, dov al stù
Pr inf'in ch al desputò l'alba d qu'altr di.

129.

L'aurora appena aveva dà cumià
Al strell, perchè l' turnassn al su quartir.
E la zima di munt era indurà
Dai razz dal sol, ch dal mar eminzava a uscir.
Quand Martan, dop aver ben ben pinsà
Ch la so rason Griffon arè psù dir,
Descruvè 'l sou bugà e quelli da signora,
Al s tols licenzia, es andò v i a buuora.

130.

Al s'uscò cun al re, ch' pregà l'aveva
D' star a vedr d' Griffon i avvenimint,
Di bellissim re, all' fatt agli aveva,
Oltra 'l premi d'la giostra ch'al n'ha vint,
E sovra 'l tutt un privileg, ch'al p'sseva
Andar pr al Stat senza aver p'ora d' niint.
Laasent pur andar, s'ai zubarà,
Ch' prest prest pan pr i su diint l'attruvarà.

131.

Griffon fu la mattina guidà in piazza
Ch'era pina d' zintaia e d' biricchin:
I avevn tolt d'adoss scud e curazza,
E lassà quasi d'spuia in camisulin:
E cum s' l'aviss cundanna d' squarta o d' mazza
Su in t'un carr i lig, nu al paladin,
Ch'era tirà da dou vacch debli e destrutti,
E per la lunga fam ben magri e brutti.

132.

L' arrivò, quand al carr fu per partir,
Un branch d' donn da stra e d' vecchi ruffian
Ch' si missa a far, un pezz prun, da cucchi
D'send parolazzi el più strambi e villan.
Oltra a questi, al vign po i filatuir,
E i ragazz del scol più a caravan,
Ch'aren Griffon cun i sass subissà,
S'al canzilir n'al d'findeva e 'l sou lanz spazzà.

133.

Quegli arm, ch'ern stà causa del mal,
Ch' l'avevn quell ch'al n'era fatt parer,
Ligà dedri dal carr intorn a un pal
Han la penna pr'al sui ch'gli han d'aver.
Al carr s' fermò dinanz a un tribunal,
Dov a quel povr zovn i finn saver
La causa, pr' un mazzir, del so dsanor,
Sebben ch'al n'era stà lu al malfattor.

134.

Is tolsn d' li, mustrandl da per tutt,
Dinanz ai su palazz, buttegh, e cà
Ne nssun numazz i fu dsunest e brutt
Ch'al n'i fuss ditt, e daila, e va pur là.
In fin, fora d'la porta 'l fu condutt,
Dov al popl, ch'al fin del cos en sà,
E s' n'acgnusseva ch' brav mustazz al s' fuss,
Pinsò d' dari l'esilli a forza d' buss.

135.

Subit ch' i l'avn miss in libertà,
E ch'a so mod al p'si l' man adruvar,
Al chiappò 'l scud, ch'al carr era attaccà.
E la spada, ch'al n'ha briga d' dsufdrar;
Tra qulor al principio a mmar alla dsprà,
Ch'ern dsarmà, e ch' n' p'ssevn contrastar.
Mo, per sta volta, ai ho via d' far festa,
Ch' dal grau carat ai ho insturni la testa.

FIN DEL CANT DERSETT.

CANT DSDOTT

ARGUMENT

*Griffon fa 'l sou vendett. Va Mandricard
In cerca d' Rudumont. Al fol d' Pipin
Vinz. Castigà Martan è per cudard.
Marfisa 'l sent arversa d' Nurandin.
Per Franza cun Griffon e qui gaiard
La s'imbarca, mo al vent zo del cammin
I manda. Clurinda, e 'l bell Medor
S'accorda, a 'l so re mort i van a tor.*

1.

A sentr una campana e n'udir qu'altra,
An s' po saver qual d' lor ava miur son:
Aqusi una lengua ch' sippa ardità e scaltra,
Quand la parla li sola, l'ha rason;
Mo 'l bisogna lassar ch' ancora qu'altra
Part, anca li, daga l' informazion;
Altriment farà 'l giadiz gran error,
S' l' ascolta quell sol ch' fa da accusador.

2.

Quant volt a sinton dir al tal ha fatt,
O verament l'ha ditt, o l'ha brigà,
Subit a dsen: Mo quest par un gran matt;
Quest è un bricon, l'è un porch, l'è un gran dsgrazia.
Mo, s' prima a cunsiderai al fin del fatt,
Al perchè e al percom l'ha in st mod uprà,
Allora a vdren ch'al n'è tant ver al mal,
Oppur quell ch' chiaccerò l'è nmigh d' quel tal.

3.

S' a sta manira aviss fatt Nurandin,
Al n'arev a Griffon fatt quell ch'al fi;
Mo in t' l' ultim l' av la gloria 'l Paladin.
E purassè d' anor al re perdi:
Per causa so muri tant su ztadin,
Perchè Griffon, quand la spada l'avì,
In vint culp ch'al tirò, instizzi e bizarr.
Al n'ammazzò da trenta vain al carr.

4.

A sta fazzenda, i altr dian indri,
Chi qui, chi là scappand per camp e strà,
Chi pr intrar in Damasch en s' tigneva i pi,
E dalla calca ai fu chi arstò asfritlà;
Griffon, senza parlar, tra qui d' Suri,
Avend la cumpassion missa da un là,
Mena la spada intorn, e ai tocca sù,
E a st mod vendetta 'l fa di affrunt arzù.

5.

Tutt chi eh pœsinn arrivâr prim alla porta;
E ch'avinn miura gamba indrî a scappar,
Dalla necessità part fatta accorta,
Diss ch' al bisognava prest al pont livar;
Smegulenta un'altra part, confusa e smorta,
La 'u sti a vultars indrî brisa a guardar,
Mo la s ficcò in città, pr esser in secur,
E as livò per Damasch un gran pladur.

6.

In quell ch'al pont è alzà, arriva al rastell
Griffon, ch n'abbrauquò un par per so devintura:
A un ai sparpaiò tutt al cervell,
A battî fort in t'una preda dura:
E qu'altr, quant s'al fuss un randanell,
Al fi pr'aria vular sovra alla mura:
Per la pora as drizzò a qui d dentr i pil,
Vdend in città zo un om piovâr dal cil.

7.

Una gran part pinsò ch'al fuss Griffon
Ch aviss dispicà sovra alla mura un salt;
E dentr an i sre stà più confusion
S' o un Cesar o un Alessandr i diss l' assalt.
Pin d scagazza en el zent d'agn cundizion,
E: All' arma, all' arma! tutt eridn e fan alt,
E un flazzel d tambur, un armor d tromb,
S fan sentr da per tutt, cun gran arbomb.

8.

Mo innanz a tirarò po un'altra volta,
E tutt al rest av farò allora udîr.
In Parig dal re Carl a vui dar d volta,
Ch va contra a Rudumont tutt pin d'ardir.
Questù aveva za dal mond tanta zent toltà
Quanta av ho ditt; quand s vist a cumparir
Cun al Danes, Nam, e Olivir, Carlon,
Avin, Avoli, Berlinzir e Utton.

9.

Ott culp in t'una volta l'arzvi d'ilanza,
Ch'arevn avù da battî a terra un mont,
Dà da sti paladin, e dal re d Franza,
Ch'era di prim a fari ben al cont;
E pur gula scia d dragh salvò la panza
E la vita in st'incontr a Rudumont.
Mo quell arstò un mument imbazzurli,
Al quarabi più che mai al piovâr in si.

10.

Guid e Rinir, Riccard e Salamon
Gan traditor, al bon vescv Turpin,
Anzlr, Ughett, Anzlin, al zovn Utton,
Marc e Matti, tutt fior di paladin,
E qui altr ditt d sovra han fatt union
Insem pr andar adoss al sarazin,
Cun Ariman e Uduard, ch'ern za intrà,
Cun al succors d'i inglis, dentr in città.

11.

L'an stà quai soda alla furia del vent,
Quand al sbuffa ben fort con gran armor,
E ch l'è per purtar vi squasi la zent,
Scavand el quere e i fax cun tant furor,
Una torr fabbricà in lugh eminent,
Quant pin d'argui stà sod ai culp quel signor,
Che, più svelt ch en n'è 'l tron o una saietta,
Tutt infurià, 'l vol far la so vendetta.

12.

Al picchia un colp a quell ch' i era più vsin,
E in testa al chiappa al povr Ughett d Durdona.
Spaccandla a mezz infin ai dint, e chin
In terra mort al pagan l'abbandona.
In st mentr a lu ben mconn i paladin,
Mo senza psserl uffendr in t la persona:
An s darà cas, per quant i fan, ch i al destraza
Perch quel scai più duri en d'un'ancuza.

13.

El mura ch'en d'intorn alla città,
E i ripar funn abbandunà del tutt,
Perchè alla piazza, dov più al cas è dsprà.
Aveva al bon re Carl i suldà arduitt.
E tutt currevn in piazza da più strà,
Za ch'a scappar i avevn poch eustrutt.
Dia persona del re tant cont i fan,
Ch'un spinz qu'altr, e ognun tol gli arm in man.

14.

Cmod s' nna gatta aviss i su gattin,
Quand i cmenzn a girar fora del nid,
Asrà però dentr in t'un canarin
Astappà da per tutt e chius pulid.
S' i vedn un pondgh d qui gaud, tutt, i puvrin.
I scappn, perchè in in gnanch tant ardid
D'chiapparli, ch' anzi a vedr primament
Gula co e quel barbuzzal i han spavent.

15.

Mo s'a si atrà la gatta cun destrezza,
E ch l'al aggrampla, ch'an possa scappar.
Qui gatt pzinitt allora con cun algrezza
Corrn, e po tutt s'al mittà a sgranfgnar:
Quest contra Rudumont mustrò prudezza
Agn paladin, ch vleva Carl imitar,
E dal finestr e dai cupp un gran schervent
E d sass e d pred i fa piovâr la zent.

16.

D suldà, part a cavall e part a pi,
Ben grand al numr alla piazza s'ardus;
E s'in piov tant da tutt el strà e stradi,
Ch' i fan la calca più che gli àv al bus.
S' i fussen ligà tutt a cinqu o a si,
E ch' i s passien asquizar cmod s fa i balus,
E ch Rudumont i vless tutt ammazzar,
Una stmana en sre assà, senz'altr far.

18

17.

Sta cosa mo al re d Sarza i vins a nnia,
E l' cgnussì ch da per lu 'n peveva riussir;
Anch a far d sangu d'un miar la terra muia,
An i è remedi a vedri un po aschiarir.
S'al tira innanz, al fià più s'ingarbnia;
Al pensa ch s da st zampell al vol uscir
Bso ch'al zerca d covarsn fin ch l'è san,
Ch s l'aspetta un poch, al scappa dinananan.

18.

Al volta l'occh dintorn brusch e ardent
E da per tutt al ved l'pass asrà;
Mo cun al so spadon mnia tra la zent
Al capiss ch' i srà ben la vi dsgumbrà.
Dov i en più fiss al salta, e prestament
Al s fa innanz, e tutt s tiren da un là;
Contra ai inglis al vè per vgnir al man,
Ch dentr guidò Udnard e Ariman.

19.

Chi ha vist in temp d'estad pr' una gran pina
Un turrent gonfi d'acqua purassa
Cura precipizi zo alla china,
Portand sigh quell ch l'attrova dri alla strà,
S'as romp un arzn l'è più grand l'arvina,
L'arversa i albr dal radis cavà;
Quest è l'più viv esempi ch dar a poss
Dia furia del re d Sarza quand al vol.

20.

Pr' una vintina l'in taiò a travers
E dlla gnucca altrant arman munch,
Tutt d'un man dritt, o pur d'un man arvers:
Al par ch al seiga dri a un canal di zunch.
E d brazz e d gamb agn cosa prest al evers,
D qualch membr, qui ch 'n morsn armagnen trunch.
Finalment, più inspurcà d'un spurturol
D qui del piadur, d'in piazza nscir al vol.

21.

Al s ved nscir però in t'una manira
Ch nessun po dir ch la pora l'manda vi:
Al molina tra d lu, pensa, e rigira
D'attruvar pr'artirars la miora vi.
L'arriva finalment alla rivira,
Dov la Senna fa l'isola, es ha dri
Dia bassa zent magari, e di suldà,
Ch'a vedri andar vi dli'ann han chiappà.

22.

Cmod fa una volp, ch s'artira vers al mont.
Perseguità dai can impertinint:
D'in quand in quand la và vultand la front,
E s' i fa star luntan mustrandi i dint:
In qu'occasione quasi feva Rndumont,
Sebben ch tant milla l'han d'intorn zint
Cun del spad e del lanz e del lambard:
Al s'in vè vers al fium a pass ben tard.

23.

Trei volt o quattr, per rabbia avvampant,
Dop essr uscì, al turnò in mezz a quia zent,
Cun la spada turnand rossa e fumant,
Perchè d'attorn al s'in cavò più d cent.
Mo, dl'ira arstà la rason dminant,
La i fi pinsar d'ardurs a salvament,
E per passar del fium a qu'altra sponda,
Armà cmod l'era, al saltò in mezz all'onda.

24.

Al mndava per l'acqua cmod fa i piss,
A gala sustintà dall'armadura
Ch'era d'un dragh la pell, za cmod av diss.
E enn questa d'passar al s'assicura.
Passà da qu'altra banda, al guardò d'fiss,
Al sinti un gran d'olor, e la i sav dura
D'aver trascorsa tutta la città,
E n l'aver tutta quanta subissà.

25.

Dalla rabbia al s sinti tant infiammar,
Ch mezza vuia l' s sinti d'turnar indri
E preda sovra preda n' i lassar,
E l' sti un pazzol ferm in sta so fantasi.
Mo in riva al fium al vist vers lu arrivà
Chi la stizza e la rabbia i fi andar vi.
Chi al s fuss address address av farò ndir,
Mo un'altra cosa av ho prima da dir.

26.

Dia Dcordia av vui cantar qui, pr un mument.
Ch aveva l'ordin arzuvà dall'Anzi sant
D far attaccar del lit, e malavent
Uzzar i cap dl' esercit d'Agramant.
Questi qui vins snbit fora del convent,
E, pr' en lassar al post del tutt vacant,
La miss l'Astuzia, in st mentr, in t al so lugh,
Fin ch la turnava, e ch vi la tgniss al fugh.

27.

Pr aver più forza, la pinsò ben fatt
A tor sigh la Superbia, so cnsina,
Nè pr attruvarla l'av da asiar gran fatt,
Ch la sà ch'in t' i convint l'ha una stanzina.
La Superbia vlnntira astò un tal patt,
Mo in so lugh la i vols mittir una so rsina,
Ch fiss l' sou part, fin ch la turnava indri.
E a st'uffizi la sceles l'Ipucrisi.

28.

Acquis provist ai su interess privà,
D là dentr uscì qui d'n bon cavadin,
E s'attruvonn, andand vi per la strà
Ch andava vers al camp di saraain,
La Gelusi suptosa e dscunsulà,
Accompagnà cun un brutt nain e pzinin,
Mandà da Duraliz a Rndumont,
Perchè ai cuntass del lit al brutt affront.

29.

Quand Mandricard, per vderla, fi quela prova
Ch'av ho za emod e quand più indri cuntà,
Per far saver a Rudumont la nova
St nain d arpiatt i fu da li mandà,
Cun la speranza ch'al re d Sarza s mova,
Lassand agn cosa andar, per li, da un là,
Per la vendetta far e d lu e d li
Contra 'l ladrone, ch l'aveva guidà vi.

30.

Vist donca al nain dalla Gelusi,
La causa del so viazz anch l'indvinò,
E per la strà la s miss a andari dri,
Cognussend ch'andar cun lu l'era in t al so.
La Discordia av molt a car d sta cumpagni,
E più quand al mutiv l'intindi pò;
Sta cosa i pssava purassà zuvar
Per psser riuscir in quell ch la vleva far.

31.

Per dsgustar Rudumont e Mandricard,
Tra 'l man ai par d'aver un perché bon.
Per mettr i altr in lit, al n'è tant tard
Ch'an possa capitar bon occasion.
Cun al nain l'andò dov quel testard
D Rudumont vol Parig mettr in destruzion.
E, in qu' istess punt ch'alla Senna l'arriva,
Rudumont passa a noud a qu'altra riva.

32.

Quand questù avi imparà ch'ambassador
Da Duraliz al nain era mandà,
A si smurzò un puetin quel gran furor.
E la rabbia anca li i andò da un là.
An cherdi però d seutr un nov dolor,
Ne ulir ch la sposa i era sta rubà.
Al s volta al nain, e tutt alligr ai dmanda
Cosa fa la so signora, e dov l'al manda?

33.

Al nain aspos: Ne più vostra ne mi
Signora a dirò chi è d'altr in servitù;
Un cavalir air z vins alla vi,
Per forza al la livò, e guidò cun lù.
A sta nova s fi innanz la Gelusi
Quant un iazz fredda, es s' abbrazzò cun qulù;
In tant ch al nain diss la cosa tutta
Ch'un sol l'ha tolta, e la so zent ha destrutta.

34.

La Discordia qui miss man all'azzarrin
E alla preda, per far più bell al zugh;
Soda la lesca la Superbia tin,
E la prima falista attaccò 'l fugh,
Sicchè l'anma avvampò del sarazin,
Ch'al n'attruvava per la amania lugh:
Al strilla d rabbia, al fa sgrinzlir i dint,
Al batt i pi, e s fa più d mill mnavimint.

35.

Quell ch fa la tigna ch torna alla so tana
Più volt, es trova ch'an i è più i su fiù,
Ch'i en sta livà quand li era luntana,
Dalla rabbia ben ben ai vin su i chiù:
Agità da una stizza urrenda e strana
L'an bada ai bosch, ai munt, ai sass, ai riù,
Ne strà, ne aqua, ne fangh la ponn fermar,
Ch la n vuia 'l ladr udià perseguitar:

36.

Aqusi, spint dalla tigna, 'l sarazin
Al s volta al nain dsendi: Fam la vi.
E senza aspttar cavall, ne sumarin,
An dis più altr, al s mett a mnar i pi
Cun frezza tal ch'al par un assassain
Perseguità da grossa sbirrari.
S'al n'ha 'l cavall, al fa però pinsir
In t'al prim ch'al s'abbatt vlers d quell servir.

37.

La Discordia, ch cognuss'd questù ben l'intenzion.
Guardò ridend alla Superbia, es diss
Ch l'arè procurà li d cattar un bon,
Ch fuss causa d mettr in pi degli altr riss;
E ch l'arè tolt d'in mezz 'gli occasion
Perchè in man d Rudumont quell sol pervgniss:
L'aveva za fatt dsegn dov attruvarli.
Mo lassèn sti viziazz, turnen da Carl.

38.

Quand fu andà vi d'in piazza 'l re d'Alzir,
Carl d'intorn fa smurzar al fugh,
In ordn tutti al fi turnar el schir,
Lassand al bisugnevi a lugh a lugh;
E cun al rest fatti 'l gran port avrir.
Per dar adoss ai nmigh, e vinzr al zugh.
Da porta san Vittor a san German
Al dà la molla a tutt i suldà estian,

39.

Urdnandi ch'alla porta d san Marcell,
Dov ai era una bella pradarì,
I s'aspttassn l'un l'altr, e 'n far burdell
Pr infin ch'in fussn tutt miss alla vi.
Allora agli esortò d far gran mazzell
Sovra di nemigh tutt, maldetta zni.
Ch in etern i s n'avisen da arcuardar:
E dop al segn fi la battaglia dar.

40.

A depett di inglis, al re di sarazin
In quel mentr armuntà l'era a cavall,
E s feva una gran guerra cun Zerbin,
Arvndendi ben la testa, 'l eust, e 'l spall.
Contra Lurcani era attaccà Subrin:
Rinald, ch'era in t'al ceutr d ste brutt ball,
Contra una schira, sol, al mena 'l man.
Ch l'ammazza, al struppia, o l fa scappar lontan.

41.

El cos ern in t'al stat ch'av ho cuntà,
Quand s' attaccò alla co l'imperator,
In dov Marsili aveva tutt fermà
Intorn al sou bandir dlla Spagna 'l fior.
Mo, da cavall e fant ben circondà,
Carl innanz spinzi i sn cun tant armor
D' timpn, piff e tromb, corn e tambur
Ch'al par ch'al mond s' scuquassa dal pladur.

42.

I suldà mor, pr'en psser più star a ton,
I s' eminzonn a artirar, e a dar agli och,
In pè za d' dsperders steva quel squadron,
Ne insem turnar mai più ne assà ne poch.
Mo l' arrivò Grandoni e Falsiron,
Ch'ern alla guerra e al sangu avvià non d' poch;
E Balugant cun lor, e Serpentin,
E Ferrau, ch'in arm è 'l più ladin.

43.

Uhi, amigun, quest dseva: uhi uhi, cumpagn,
Mo dov andav? Stà a post, i mi fradi,
En v' inspurà a vder sta tela d' ragn;
Smanzar bisogna 'l man, non batter i pi;
Avà un ocell all' unor, qu'altr al guadagn
Ch'aven fatt fin adess: mo, s'andà vi,
Guardà nn poch la vergogna e 'l gran dsunor,
E al dann ch'aven, s' al nmigh è vinzitor.

44.

In st' mentr una gran lanza tolt l'aveva,
E contra Berlingir l'andò d' bon trot,
Ch'a cavall d'l Argaliffa cumbatteva,
E cun la punta in t' l'elm ai fi un sfrisott.
Quest andò in terra; e quel, ch' la spada aveva
Za in man, avsin i in fi cascar fin ott.
Agn botta ch' mena 'l fradell c' l'ulir,
Manda arversà per terra un cavalir.

45.

Dall'altra part aveva 'l brav Rinald
Tant i suldà ammazzà, ch' eu s' ponn cuntar;
Dinanz a lu an i è ch' possa star sald,
Mo d' l'averta e dal lugh tutt tinin far.
Manch n' è Zerbin, ne manch Lurcani cald
Che s' mostrò dign d' gran lod in t' al so uprar.
Dal man d' Lurcani armus Balastr fri,
E l' elm a Finadur Zerbin sparti.

46.

Za per l'arsegna a diss ch' Balastr aveva
Avà 'l capitaniat ch'era d' Tarlocch:
E prima a diss ch' Finadur cunduseva
Qui del Canari, cun al regn d' Marocch;
Mo, tra tant sarazin, forsì en saveva
Nasun la lanza addrubar, smanzar al stocch?
Prè dir qualchdun: ma quel ch' da mi v' è ditt,
Al n' è d' mi testa, mo all' ho trovà scritt.

47.

Del re d' Zumara mort anch qui s'arcorda
Al nobil Dardinell, ch' è fiol d' Almont;
E cun la lanza so Ubert 'd Mirforda,
Claudi dal Bosch, Eli, e Dulfan dal Mont;
E cun la spad Anselm da Stanforda,
Brav inglis, e Raimond, e l' Pinamont
Al manda in terra, e tutt ern pur fort:
Da instramurti, un mal miss, e quattr mort.

48.

Cun tutt ch' al mostra la so gran virtù,
An po trattgnir ch' la 'n scappa la so zent
Inspurà da qu' esercit ch' vin in sù,
Manch in numr d' sieur, mo più valent,
Ch' sà la spada e la lanza addrubar d' più,
E ch' stà a timon in t' al cumbattiment.
Mo i mor, senza dar ment al so parlar,
S' dan dattora daceord in t' al scappar.

49.

Però più d' i altr la so zent scappava,
Alla qual s' miss dinnanz et nobil suggestt,
E cun belli rason la scuinzurava
A fars anm, mustrand curagg e pett.
Al dseva: Da vu, s' Almont niint meritava,
S' av n' arcordà, a in vre vedr adess l' effect,
Ch' an lussassi aqusi in ass adess so fiol,
Ch' pre arstar di nustr nmigh tra 'l bandirol.

50.

Pr' amor del cil, per la mi fresca età.
In t' la qual a mostrà d' aver speranza,
Stà firm al post, se no vu sri ammazzà,
E a cà an in andarà quand n' in avanza.
Assrà dai nmigh en da per tutt el strà,
E bso andar tutt insem stritt in urdnanza.
Tropp alt è 'l mur e largh al foss pr' andar
A cà vostra, e passar al mont e al mar.

51.

L' è mi murir qui adess, e uscir d' l' intrigh,
Che armagnr schiav alla dscherzion d' estian.
Stavn donec tutt furt, e stà quì migh,
Ch' altr cusiù del cert ev srà dà in van.
E po considrà ben ch' sti nustr nmigh
Un' anima sol i han, i han sol don man.
Mentr ch' aqusi parlava Dardinell
Cun un colp l' ammazzò 'l cont d' Uttuniell.

52.

La memoria d' Almont enragg accoes
In t' la squadra di su, ch' scappavn prima;
E, mttends in post per vier far el sou dfe.
I disu che 'l murir dà unor e stima.
Gnielm da Burnich era un ingles
D' i altr più grand, mo Dardinell al cima
Fagandl ugual ai altr, e similment
Aramon d' Curnuvaglia al cava d' stent.

53.

Quand fu Aramon in terra stramazà,
Per dari aiut al cors un so fradell:
Mo, perchè l'anma uscies, ai fi la strà
Dal spall finna in t la panza Dardinell.
Dop a quisti, furand Bozz dal Vergà
La mattiria ai cavò d'in t'al cervell
D'aver prumiss, fra quattr mis o si,
Alla mrosa un regall, cin' al torna indri.

54.

A lu accustars al vist, st zovn gaiard,
Lurcani, ch za mandò per terra estint
Durchin, passà in t la gola, e mestr Gard,
Sparti in mezz dalla testa in fin ai dint,
E vler Altè scappar, mo l'era tard
(Altè ch l'amava più di su parint):
Lurcani propri al chiappa in t la calotia,
In mod, ch al di per terra l'ultima botta.

55.

Per vendarcs tol Dardinell la lanza,
E dentr d lu a Macon al s'avudias,
S'ai dà grazia a st nmigh d sfundar la panza,
In t al so tempi gli arm l'avev miss:
Aqusi pinsand, vers Lurcani al s'avanza,
E d poeta in t'al fianch dritt la lanza ai miss
Cun tant impit, ch l'andò da banda a banda,
E po chi al dspuen ai su servint al cinanda.

56.

S' Ariudant so fradell avies gran stretta,
L'è una cosa ch'en n'è gnanch da dmandar;
E gnanch s'al cerca d lugh farn vendetta,
E cun so padr Dardinell mandar.
Mo tanta la zent fu, e la calca stretta
E dl'una e dl'altra lezz, ch'an s'pessè dsbruiar.
Mo al vol pur vendarcs, e al s'và fagand
Largh cun la spada, e qusi la strà spianand.

57.

L'urta, l' spinz, ficca in terra, avr, e fracassa
Chi l'impediss, e chi i vol far contrast.
E Dardinell, ch' agnuss ch mal al la biasa,
Al ver pur anca lu tuccar quel tast;
Mo la gran calca insem cuzzar n' i lassa,
E i dsign fa pr'aria andas dpers, rott e guast.
S' Ariudant destruzz i mor, an iu fa manc
Dardinell cun i inglis, souzais e franc.

58.

La sort i intraverò sempre la strà
E in tutt quel di in s' passinn brisa incuntrar.
Pr' una man più famosa era destina
Murir quel zovn, e an s' po 'l destin scappar;
Da gula banda Rinald s'era volta,
Perchè alla vita d' quell n' i sippa rpar:
Rinald vin donca, e la fortuna l' guida
Perchè d' Almont al fiol l' ammazza e s' trida.

59.

Mo per sta volta aven chiaccherà assà
Del re Carl, e dla guerra ch s' fa in Punent.
A vui turnar dov è Griffon arstà,
Al qual è in bestia, e l' sangu tutt buir al s sent.
Dalla so gran bravura spavintà,
As trovò in gran sgumbii tutta gula zent:
E cors era all' armor re Nrandin
Pr intendr al tutt, cun i suldà d Manin.

60.

Al re cun tutta la so cort armà,
Vdend al popl cunfus quì e lì scappar,
L'andò alla porta a cumbattr ammanvà:
Quant l'era larga al la fi spalancar.
Griffon intant, ch d'intorn s'è dscavà
La turba, bona sol da schiamazzar,
Qul'armadura, cmod l'è, dsunurà e dmissa,
Per d'fesa so d'intorn l'è s'era missa.

61.

In t'un timpiaz antigh e diruccà,
Al s' rifugiò, ch ha intorn una gran fossa;
E dila del pont ch arrivava in t la strà
Al s' miss, perchè torl in mezz la turba 'n possa.
Fora dla porta in st mentr tutt armà,
Cridand, usciss una squadra ben grossa.
Per questa Griffon brisa s'inspuriss,
E an mada lugh, chè anzi ai guarda d fiss.

62.

E, quand al vist ch la s'accustava a lù,
A gli andò contra finna d co del pont,
E qui prim ch'ern innanz ai tuccò sù,
Mnandi a dou man pr' i uoch e per la front.
Quand l'era stuff, e lu turnava in sù
Per l'assa, che d' quel lugh al feva cont:
E ditt e fatt indri prest al turnava,
E d gran valor, agn volta, un segn lassava.

63.

Cun di man dritt e rvers, o mmand d piatt,
Sempr fant e cavall mandava in terra.
Al popl contra d lu pareva matt,
E sempr s'inaspriss, e s'cross la guerra.
Griffon, in ultim, egnuss ch l'armagnà d'fett,
Tant è la zent ch d'intorn al zinz e serra.
Al s' sent za fri in t la spalla dal là stanc,
Al fià i vin gross, e i vin al vigor manc.

64.

Mo la virtù, ch' i su mai n' abbandona.
Al mitt in grazia del re Nrandin,
Al qual cors tra gula bulma lu in persona
Vdend una massa murt di su ztadin.
Cun tutt ch' al ved gula strag, pur ai perdona:
Anzi per quest in gran sospett al vin
D n' aver fatt svergugnar indegnament
Un cavalir tra i altr al più valent.

65.

Quand al s fu fatt più avsin, e 'l guardò in front
A chi quia zent aveva a mort condutta,
Ch' al s' n' era fatt dinanz, s po dir, un mont.
E d sangu era la fossa sporca e brutta,
Propriament ai pars d vedr in t al pont
Urazi sol contra Toscana tutta.
Per so unor, e a Griffon livar la briga,
Far artirar i su an durò dagia.

66.

Senz' arma alzand la man, cun al pinsir
D dar a Griffon nn segn o d tregua o d pas.
Al principiò: Cos' oia mai da dir
Sn ch' ai ho tort, e purassà am in dspias?
Mo la mi frezza, e i mi cattiv consiir
M' aveva fatt saltar la mosca al nas:
E ai ho al mior cavalir fatt un gran smacch.
Quand a pinsava d farl al più vigliacch.

67.

Sebben ch' al gran affront, e 'l gran daunor,
Ch' ancù v' è stà qui fatt sol pr' ignuranza.
Scuntà av al si cun alter tant unor,
O per dir mi, adess l' unor v' avanza.
Per suddisfar, mi da tutt gli or,
Per quant a poss, e so, cun abbondanza,
A son pront, dov a ognessa d pseri far.
E adess al tocca a vus sol a cmandar.

68.

La mità dmandà pur, s' av par, del regn
Che in st istess punt av in fazz pussessor;
D quest ben av rend la virtù vostra degn,
E d mi stess anch, e s' ai ho cvell d mazor;
In st mentr dàm la vostra man in pegu
D bona amicitia, e d' un etern amor.
Ausi digand, al dsmona zo d' arzon,
E la man dritta l' aslunga a Griffon.

69.

Griffon, a vedr al re vgnir quasi benign
Fars innanz pr abbrazzarl, al s' appasò:
Al lassa gli arm, e tutt l' anm malign,
E 'l znocch cun un bel mod a gli abbrazzò.
Al re, ch vist ch' l' era fri, e in t' l' vest sanguignu,
Dia Gambacurta prest l' unt adruvò,
Curandl, e po a Damasch al fi purtar,
Dentr del so palazz propri a rpussar.

70.

Al bisugnò ch al stias a lett qualch di
Per guarir ben, innanz ch' al s' pssiss armar.
A vui mo un poch, pr adess, lassarl qui,
Ch' a so fradell e a Astolf a vui turnar;
Da dop ch Griffon alla mutta partì,
Fin adess da per tutt l' han fatt cercar
Per tutta terra santa, e pr i cunfin,
Per città, per cunvint, burgh e casin.

71.

Ne l' un, ne l' altr d lor ern quasi indvin
Da pssers immazinanz dov al s' fuss ficch.
Mo a lor as accustò quel grech pelgrin,
E in t' al decorr-r agl' in di nutizia nn ciech,
Cun dir dla mrosa, a d quel so biricchin,
Ch' inssem aveva amor purlazz astricchin.
Sicchè al pinsava cert ch vers la Suri,
Per la città d Damasch, i fussen in vi.

72.

Quand quest sintì Aquilant, al dmandò prest
S l' aveva ditt sta cosa cun Griffon:
Lu d si i arspò, e Aquilant capì al rest
E qual fuss dla partenza l' occasione.
Ch' al fuss andà dri a quili l' è manifest
In Antiochia e in Suri, cun intenzion
D cavarla d' in t' l' man d quel so rival,
E, s' al fuss accadù, far anch del mal.

73.

L' amor frateru del negr Aquilant
En supportò ch sol so fradell andass,
Mo 'l s' armò a seguitarl, e 'l pregò intant
Ch, dentr in Gersusalem, Astolf l' aspttass,
E per fin ch lu 'n turnava in t' i lugh sant
In Franza o in Inghilterra ch' an passass.
Al cala al Zaff, e qui 'l s' vol imbarcar,
Perchè più curta l' ognuss la vi per mar.

74.

L' av in manira favurevl al vent,
E tant propizia la navigazion,
Ch' al vist Tir prima, e po Sur al di seguent,
E dop Saffett, antigament Sidon.
Baruti al passa, e Zibelett, es sent
Ch Cipro a man manca arresta in t' un canton.
Tortosa e Tripi al passa, e po la Lizza,
E vers al golf d Laiazz al cammin drizza.

75.

Al pilota fi d là vultar la front
Del so navilli vers la part d Levant,
E s' arrivò a far scala al fium Uront,
E a terra dsmentur qui vols Aquilant.
Al barcarol fu prest a dsndr al pont
Per dsengar al cavall e gli arm tutt quant.
Dri alla riva 'l cavalir s' n' andò,
Tant ch' in Antiochia un di pur l' arrivò.

76.

Qui d quel Martan al tols infurmazion.
E s' i fu ditt ch l' era a Damasch andà
Cun quia bambozza, dov un gran giustron.
Per emandament del re, s' era ammanvà.
L' arsolò d' andar là dri a quel zaltron,
Sicur ch tra li 'l fradell l' arè trovà.
L' usciss d' Antiochia quel di istess: e far
Per terra al viazz al vol, non più per mar.

77.

Lidia e Larissa 'l passa, e da man stanca
Alepp al ved, città ch'è ricca e antiga.
Mo al zil, ch prutez la giustizia 'n manca
E al premia tutt cunform alla fadiga,
La cumpagni d Martan, ch s'in vi da franca
Cun al premi aquista senza gran briga,
Fa ch'incontra Aquilant, ben poch luntan
Da Mamuga, castell del re Surian.

78.

A tutta prima, vdeand cumparir,
Al le cherdi 'l fradell, ch al va cercand,
Perchè vdeand al cavall bianch, quel vstir
Degli arm più dlla nev istessa cund,
Al s'ingannò. E cun qu' Oh! ch tutt soln dir,
Per salutarl al fu. Mo al s mudò quand
L'asservò mii, dop essri andà più vain,
Ch so fradell d sicur n'era st parigin.

79.

Di lung al susptò ch per causa d qula simona
Al n'aviss ammazà forsi Griffon;
Dimm, ai diss, al mi razza sfundradona,
Ch'all'aria t ha la cira d'un ladron,
Chi sti arm t ha dà? e la to persona
Cmod ala st cavall bianch? di su, guidon:
Questi ern d mi fradell. L'at accupà?
Di su prest: cmod sti cos at tutt rubà?

80.

Urigill l'acgnusà alla vos, e prest
La vultò indri 'l cavall, per vler scappar;
Mo, per dirla, Aquilant fu d li più lest,
E, vler o 'n vler, al la fi li fermar.
Cgnusseand Martan che qui an valrà i pretest,
L'ammutiss, es n'ha tant fià da parlar;
Al trema tutt cmod fa una fuia, o al mssir
S'i mitt a far lapp lapp, cmod as sol dir.

81.

Più che mai Aquilant dvintò susptos,
E la spada alla gola a gli appunzò.
Ch la testa d' Urigill, e d quel so mros,
Allora li ch'al tairà al zurò,
S'in i avessn al fatt tutt ben chiar espos.
Inspurì più che mai Martan arstò:
Cercand al mod d salvars da qula gran ira,
A gli arspos finalment a sta namira:

82.

Mo ch'an brava, quell signor. L'è mi surella
Questa ch'è qui; es è nada d bona zent.
E s Griffon i ha psà sotto alla stanella,
Vivend insem un temp dsonestament;
Mi 'n vui più cumpurtarl, oh questa è bella!
Mo perchè an son persona tant valent,
Da psserla tor per forza, ai ho fatt dsegn
D cundurla vi pr astuzia e cun inzegn.

83.

Am accurdò cun li, perchè la vleva,
Cun rason, lassar d far la bona lana,
Ch' in quel mentr ch Griffon a lett durmeva
Az in sren andà vi quasi alla ramana.
Aqusi avèn fatt; e perchè po l'an vleva,
Ch fuss, per causa d Griffon, sta scappà vana.
Cun al vgnirz dri: dearmà al lassonn e a pi,
E s' arriren qui adess da vugneri.

84.

Al sre pur sta 'l gran gonz, s l'avess pinsà
Ch' Aquilant subit sties a sta panzana!
E cun tutt ch' al l'aviss quai ben urdnà,
Al s' n' addà ch' al n'è un oca nè un anquana.
S parer al vleva d dir la verità,
Al n'aveva da far tanta scalmiana
Per fars credr e passar fradell dlla donna:
Dal rest, ogni altra scusa era po bona.

85.

Mo in Antiochia Aquilant aveva intes
Ch' l'era so cuncubina qusti qui sola:
Sicchè adess, a sintir st ingann pales,
Ai diss: Cau becch curnò, t ment per la gola!
Aqusi digand, al t mi di un pugn quai pes,
Ch' ai mandò quattr dint zo per la gola.
E, senz' altr cuntrast, ai ligò 'l brazz
Per furbat cun di grupp e cun di lazz.

86.

Al fi l' istess a qula cara Urigill,
Cun tutt ch' l'aviss cent scus belli e ammanvià.
Per forza ai fi andar sigh per terr e vill,
In fin ch' i funn a Damasch arrivà.
Del miia ai cundurev ben anch più d mill.
Senza dari un tantin gnanch d libertà,
Fin ch' l'attruvas al car fradell Griffon,
Ch diss l'arpegg a so mod a qu' imbruion.

87.

Tutt i servint e i pagg vultò Aquilant,
E indri a Damasch ai fi turnar cun là.
Qui i attruvonn famos per tutt i cant
Al num d Griffon, da tutt stima e cgnussù;
Tra grand e pzin nesun i era ignorant
Ch dlla giostra 'l vant fu tutt purtà da là.
E ch' ai era stà tolt quel bel guadagn
Per furbari dlla donna e d quel so zagu.

88.

Tutt al popl, ch' adess contra è d Martan,
S' al mostra a did in t'al passar pr 'l strà;
N'el quest, i dsevn insem, quel bel fulsan,
Ch vol essr al spall di su cumpagn lndà?
Quel ch cruv la so viltà cun al gabban
D'un om valent, s' al trova un insunià?
N'ela questa qula donna scaltra e astuta.
Nmiga di bun, e ch' i cattiv l'aiuta?

89.

E di altr dsevn: I stan pur ben insem
Tutt du; d sicur, i sran di istessa razza!
Chi i agura la scova, e chi un bon rem,
Chi ziga: Impicca, brusa, squarta, ammazza!
Per vedri, una gran calca s spinz insem,
Chi corr innanz pr el strà, chi va alla piazza.
Intant al re av la nova; al qual fi segn
D'averl a car più ch si arduppiass al regn.

90.

Senza aspttar la carrozza ne i lacchè,
Tal e qual al s truvava, al s livò in pi.
Es cors dov Aquilant dalla livrè
Negra ha fatt i du mrus turnar indri.
Un'ora intira a dir n'm bastarè
Quant al s'i füss unor, cira, e curtsi:
Al l'invidò a andar sigh, e, d cummission
D' Aquilant, al fi qulor mettr person.

91.

Al re 'l chiappò per man, es al guidò
Là dal lett d Griffon, ch' n'è gnanc guari.
Quest, a vedr 'l fradell, al s vergugnò,
Es pinsò ben ch l'aviss agn cosa udi.
Prima un po d burla i di Aquilant, e pò,
Quand fu sta cara visita furni,
I pinsonn al castigh d qui barbazagn
Ch'in cm'è dou mosch cascà in t la tela d ragn.

92.

Al re e Aquilant i vlevn far stintar
Cun dari più turmint, mo al fu Griffon,
N'attintands a dir d no, ch sol vols pregar
Pr Urigill, s'as füss psù dari al perdon.
Più rason l'addusi cun bel parlar;
Mo l'ultima arsposta fu ch'in conclusion
In man del boia Martan füss cunsagnà,
E per tutt al paies ben ben scuvà.

93.

Al fu ligà a cavall d'un sumarin
Ch'i tols a un carbnar d qui dà piazzola,
E s'al guidava attorn un biricchin,
Ch feva l'amor cun una piazzarola.
Madò Urigill, fin ch la rigina n vin,
N'ha nessun castigh, perchè i s'en dà parola.
In st'uccasion, ch'al giudiz la füss li,
Per punirla del sou barattari.

94.

Qui sti Aquilant gaies, e tutt content,
Fin ch' l fradell füss san da psser armar;
E Nurandin, ch'era dvintà prudent,
Per quant al po, tutt du al vol unurar.
D'aver uffes al brav Griffon al s pent;
E di e nott an fa alre che strugar
Al mod più propri che, in parol e in fatt,
Da lu 'l s parta content e suddisfatt.

95.

Al stabili in presenza del senat
D'i culegg e di anzian e di massar.
Per far unor a st cavalir garbat
Cun qula pompa da re, ch' al peseva far,
Ristituiri quell, ch' al scellerat
Rubà i aveva cun ingann quasi chiar.
E s fi mandar la crida pr al paies
Ch'as farè un'altra giostra da li a un mes.

96.

Al fi far un ammanv suntuos,
Una cosa da re, che d più an s po dir:
E da per tutt a s spargiù la vos
D' invid, ch'era stà fatt ai cavalir.
Sta cosa al la sav anch al valuros
Astolf in t'i lugh sant; e 'l fi pinsir,
Cun Sansunett, d'andars a far unor:
E ch'in fissn qula giostra senza d lor.

97.

Per suldà e cavalir degn d'alta gloria
Sansunett era tgnu là da quel band,
E s'avi forsi ben anch in memoria
Quand av diss ch al l'aveva battzà Urland:
Ora qui, per turnar donec all'instoria
D qula giostra, avend sintù un armor quasi grand,
Al vols andar d Astolf in campagni,
E tutt i su bagai is tolsn dri.

98.

I s n'andonn a bell asì per la strà
E i fan poch miia al di pr 'n se straccar;
E al punt ch la giostra era sta destinà,
A Damasch, fresch cm'è ros, vlevn arrivar.
Un di, passand pr al crusal d'una strà,
I trovn una persona singular,
Ch pareva un om, siand d'arm cverta tutta:
Mo l'era donna, e in guerra ben instrutta.

99.

Questa purtava 'l num d' madam Marfisa,
La qual n'aveva, cun la spada in man,
Del cont Urland istess pora gnanch brisa,
E manch del so cusin da Muntalban.
Gli arm la porta, cmòd s fa la camisa,
E d nott e d di, cercand pr i munt e i pian
D qui cavalir ch'han nom distint e grand,
Aqusi contra a chi è niur gloria aquistand.

100.

Quand la vist Sansunett e 'l fiol d Utton
Armà quant sre s'i andasen in guerra giust,
La fi i su cunt ch i fussen ognun d lor bon,
Ch i ern molt ben piantà, grand, e d bon fust.
D pruvàri l'as arsols, senza uccasion,
Mo sol perchè 'l cumbattr era 'l so gust.
Mo in t'al vultars cun al cavall ch la fi,
Guardand al duca Astolf, l'a l'acgnussi.

101.

La s'arcurdò ch'insem alligrament
Al Catai i ern stà, in t'el part d Levant;
L'al salutò per nom, e in quel mument
La buffa la s'alzò, la s cavò i guant,
E s'al cors a abbrazzar ben carament,
Sebben ch la n'era solita dgnars tant.
L'istess fi l'paladin po dal so là
Quand la cavaliressa av arvisà.

102.

L'un l'altr s dmandu dov i vliass andar?
E quand Astolf, ch'innanz a qu'altr arspes,
Av spiegà l' contunent patent e chiar
Del bel torneo, ch s prepara e suntuos
In Damasch, dov al re ha fatt invidiar
Agn cavalir più chiar e più famos:
Marfisa, ch sempr tira a fars unor,
La diess ch vliutira la sre andà cun lor.

103.

Astolf e Sansunett s mustronn cuntint
D'aver 'na cumpagni d gula qualità.
E al di innanz alla giostra, in t gli or vint,
I arrivonn a Damasch. E qui alluzza
Fora d città, del borgh in t' i recint,
I funn comodament; perch prepara
Era i albergh, e li i stinn fin all'ora
Ch dispuotò dagli ond del mar la belli: aurora.

104.

I s livonn, es mandonn i servitur
Dentr, a saver quand era ora d andar
In lizza, intant ch'is mettn gli armadur;
I scudir i stinn poch indri a turnar,
I qual cuntonn ch'ugnu s cminzava a rdur
Dov la gran giostra s'aveva da far:
Ch'in t'un gran palch al re era: za prout,
E ch la cminzass ben prest i fevu cont.

105.

Senz aspttar altr, i van dentr in città,
Tgnend la strà ch'è più curta vers la piazza.
Dov s'aspetta ch'al segn dal re sia dà.
Perch cmenza a lavurar chi ha miore brazza.
Al premi, ch'è per quel di destinà
A chi vinzrà, l'è un spadon, cun una mazza
D pred preziosi incastrà, d'or ben guerni,
Cun un cavall, e tutt l'arnes cumpi.

106.

Norandin dentr d lu aveva pinsà
Che, s'al vinzi la prima Griffon bianc.
Per la seconda giostra an sre mancià
Ch'an vinziss pariment, ne più e manc.
Per dari quell ch'a un cavalir va dà,
Ch'al sia cumpi d tutt quell ch'au po far d mane,
Cun l'armadura vinta qu'altra volta,
Mazza, stocch e cavall ai mitt sta volta.

107.

Gli arm za vinti in t la festa passà,
Ch'ern a tutt rason propri d Griffon,
Sebben ch Martan so gli aveva cucà,
E cun turnari in dann la so finzion,
A una colona al re vols attaccà,
Cun al stocch sustintà da un bel pindon.
E la mazza a sbindlon era del slon
Del cavall, perch'agn cosa aviss Griffon.

108.

Mo la cosa n'andò emod al s pinsava,
Ch'un fasol i intrò 'n viend dentr in t la piva,
E causa in fu qula tal madama brava,
Ch'in cumpagni d'Astolf in piazza arriva.
A vedr sti arm, pr el qual as giustrava,
La memoria in t'un atin in li s'ravviva
D'averli visti, e po s vin a arcurdar
Che gli en quelli, ch li aveva, e t'gneva car.

109.

Quegl'istessi, ch la s'era tgnù cavar,
E alla sbaraià in mezz lassar dla strà,
Pr essr più svelta e lesta a caminar
Dri a quel ladr d Brunell, ch'i aveva alzà
La spada da gallon, e qui an 'm par
Bisogn ch l'istoria tutta v sia cuntà:
Basta sol ch'a savadi in ch mod adesa
L'attruvò gli arm quì tutti in cumpless.

110.

Appenna ch la li avì visti e egnussù,
Siccon d nssun l'aveva sudizion,
E senza l' sal ne l'oli mettri sù,
Da per li la s vols far la so rason:
Perchè ussun possa dir d'averli avù
Per forza, o senza la so permission,
Niint appinsaud s la fizza ben o mal,
La man l'aslunga, es chiappa su un brazzal.

111.

La 'n chiappò per la frezza tutt l'arnes;
Part i arstò in man, e part andò per terra.
Al re d sta brutta azion s'in figu uffes,
E sol cun una uccchià a gl'intimò guerra.
Al popl, vndend st'ultragg aqusi pales,
Per vindicarl in furia adoss s'i asserra,
Senza arcurdars ch'a nusr a un cavalir,
Puch di fa, pariech d lor s n'avn a pintir.

112.

Aqusi vliutira un zovn cun la mrosa
En stà sotto alla finestra a chiaccarar,
Ne cun tant gust ved quella ch'è za sposa
Quel zoi, ch'al so spusin i è andà a cmprar,
Ne tant accar com quand s dis a una tosa
Ch'in maschr o su pr al cors l'ava da andar,
Quant è d Marfisa la suddisfazion
D'attruvars tra del riss e del question.

113.

La di d' spron al cavall tra qula xintaia,
E cun la lanza bassa l'andò a urtar:
La insfilzò quattr o cinqu d' qula marmaja,
E altr tant cun di nrtun la fi cascar.
Dop, cnn la spada quest e quell la taia,
E test e brazz e man la fa vular.
La passa a quest al pett, a qu' altr al fianc,
E, chi 'n mor, astruppià l'arresta almanco.

114.

Al duca Astolf, e Sansunett perfett,
Ch l'avevn sinna in piazza accompagnà,
Sebben ch'in ern sigh per st tal effett,
Vdend però ch la baruffa li ha attaccà,
I arbassn la visira, es mettn al pett
Dia zent la lanza, e quand questa fu spzà,
Cun la spada alla man per tutt i vers
I s fan far largh, e al popl mandu dspera.

115.

I cavalir d' divers generazion
Vgnù per la giostra, e non cun altr fin,
A vederla mudà in t' un' altra azion,
Cun la mort d' una part 'd tant meschin,
Perchè in savevn qual s' fuss l'ocasion
D quel nov armesd, ne ch fuss re Nurandin
Pubblicament armas aqusi affruntà.
In s du pi i arstonn curt e maravià.

116.

Una part (es funn qui ch più avevn inzevn)
Steva a guardar dov l'andava a riuscir;
Di altr tolsn la part per qui dal regn,
Mo prest d sta cosa is n avn da pintir;
Chi, pinsand ch' a i fuss nad un qualch impegn,
S ficcò innanz, e s provò d vleri dsparitir:
Aquilant e Griffon in pusitura
S missn tra qui ch dfindevn l'armadura,

117.

Lor vistn al re smanians tutt instizai,
Ch stervlava i uech a mod d' un ispirtà,
E la causa d' imbroi avend udi
Pr' al qual al sgumbii era eminzipià,
Al bon Griffon, in qu' l'ocasion ch' è lì,
Ai pars d' armagnr più che 'l re affruntà:
In frezza i s finn tutt du la lanza dar.
E contra qui altr i s vlevn vindicar.

118.

Mo Astolf, ch' aveva sotta Rubican,
E s l'andava sprumand d' in tant in tant.
Cun la lanza incantà ch l'aveva in man
In terra agn colp al manda un d qui giustrant.
Da quella fu Griffon arbaltà al pian,
E adoss a lu so fradell Aquilant:
Appenna Astolf i tuccò cun la lanza,
Ch' un sovra a qu' altr vultò in su la panza.

119.

I cavalir d gran nom e d gran valor
Vudn la sella contra Sansunett.
Pr' uscir d' in piazza, 'l popl fa d' armor.
Perchè a star lì tropp capital i armett.
Al re è attugà dall' ira e dal furor.
Marfisa intant quegli arm attorn s mett;
E cun dou armadur la vultò vi,
Ch' nssun i al contrastò, vers l' ustari.

120.

I su cumpagn n' armasn indri a guardar,
E in st' nccasion in volsn abbandunarla;
Mo vers la porta i s missn a camminar,
Ne lor ne li nasnn cerca d' affermarla.
A vders i du fradi d' un colp andar
In terra, per vergogna nssun d lor parla.
E cun la testa bassa e i uech zo chin
I temn andar dinanz a Nurandin.

121.

Quand i funn armutà in t' i su cavai,
Vers i nmigh i sprunonn in frezza e in furia.
Al re, cun un bon numer d' sparagnai,
I seguita, pr' arfars dia gran ingiuria.
La marmaja d luntan crida: Dai, dai!
Ch' abbonda d vos, mo d' ann l' ha penuria.
Griffon arriva al caser, dov al pont
Qui tri avend pres, vultavn indri la front.

122.

Quì 'l duca Astolf 'd poeta l'arvisò,
Pr' esser armà giust in t' l' istessa manira,
Cun quell cavall medesm, ch' l' adruvò
Quand Urill l' ammazzò dri alla rivira.
Poch fa, quand i ern in piazza, al n' i abbadò:
Ne gnunch quand al nasci qula gran chimira.
Quì si ch' al l' accagnessi, e s' al salutò,
E di cumpagn dopp al l' interrugò:

123.

Perchè i avissn tratt quegli arm in terra.
Senza purtar rispett al re patron?
A sta tal dmanda al duca d' Inghilterra,
Dop aver salutà prima Griffon,
Al diss ch' degli arm causa dia gran guerra
Brisa brisa an n' aveva cugnizion.
Mo perchè cun Marfisa l' era vgnù,
I l' aiutavn Sansunett e lù.

124.

Intant ch parla Griffon al Paladin.
So fradell vin, es l' acagnuss anca lù
A sentri dscorrer, e s' i và più avvin,
E quì 'l mnda 'l pinsir d' tucclar sù.
In st mentr và arrivand qui d Nurandin:
Mo in s' accostn gran fatt, e po tant più
A vedri far insen di parlament:
I stan tutt firm e pr ascoltarì attent.

125.

Qualch d'un ch'intes ch'ai era li Marfisa,
Quasi brava predicà per tutt al mond,
Volta prest al cavall, e 'l so re avvisa,
S'an vol mandar Damasch tutt a pianfond,
E ch'as ardua agn cosa in t'una znisa,
Che d tant sre capaz quel brazz furibond,
E po ch l'è stà Marfisa verament
Ch'ha fatt in piazza qu'att aqusi insulent.

126.

Quand intes quel gran nom al re d Suri,
Ch'è tmù da tutt, da tutt tant rispettà,
Ch'a ndirl sol drizzar feva i cavi
S'anch cent mila luntan as i fusa stà,
L'è cert ch'andarà agn cosa alla strappi,
S prima an proved, emod l'è da qu' avvisà:
Indri l'archiama i su, ch' in fazzn armor.
Ch'han za la stizza ch' si è mudà in timor.

127.

Dall'altra part, Griffon cun Aquilant
E Sansunett e 'l duca fiol d' Utton
Marfisa i strufiononn e pregonn tant
Ch l'abbandunò 'l cattivi intenzion.
I la guidonn dal re: mo li arrangaut
La i diss: A vre saver cun che rason
A vli dunar al vincitor dla giostra
St'armadura ch'è qui, quand la n'è vostra?

128.

S' a n'al savissi, questa è roba mi,
Ch d'Armenia un di a lassò in mezz alla strà.
Perchè aveva bisogn d' psser corr-r dri
A un tal ch la spada m'aveva rubà.
E una prova l'è ch'an v' digh busi
L'insegna ch'i è sculpi; vgni qui, guardà:
E la i musturò in t'al scud fatta cun art
Una curona ch'era spèzzà in trei part.

129.

L'è vera ch sti arm, diss al re, 'm funn di
L'altri di per regal da un cert monsù:
Mo s'vu, signora, am gli avissi dmandà,
O vostr o n vostr, vu gli arissi avà;
E sebben ch' a Griffon agli ho dunà,
Ai ho però tanta fidanza in là,
Perchè av 'l pssiss arrendr; quai dscortes
An sre stà, ch'an m'aviss al don arres.

130.

Perchè av creda an pretend un zurement,
La vostra insegna an importa musturar;
Quand al dsi vu, la prova è sufficient,
Altr tstimoni an serv esaminar.
Ch'el sien vostri a cherden tutt fermament;
La virtù ch v'orna n'z a lassa dubitar;
Tuli pur su, e la pas fen nu qusi qui,
Ch Griffon un altr premi arà da mi.

131.

Più che gli arm, a Griffon i dà in t l'umor
Ch' a sddisfar Marfisa s batta 'l chiod:
E al diss d più: Al srà ben assà al favor,
S migh a battri dla vostra grazia sod.
Marfisa diss tra i dint: In t'al mi unor
Am par d' esser d' avanz; e cou bel mod
Dunar la vleva quegli arm a Griffon,
Mo in fin da lu po la li tols in don.

132.

In Damasch tutt in pas e in carità
I turnonn; e la festa s'fi arduppiar.
A s'fi la giostra, e 'l premi fu aquistà
Da Sansunett, e nssun i al pesi livar.
Astolf, e i dn fradi s'ern artira
Cun Marfisa, e in t la giostra in volen andar,
Cercand, da bun amich e bun compagn,
Ch' allora Sansunett fiss quel guadagn.

133.

I stinn ott o dis di cun Nurandin,
Sempr in conversazion, sempr in algrì:
E po pr' andar a vedr al fiol d Pipin,
Bona licenzia is tolsn, e s' andonn vi.
Marfisa, ch vleva anch cgnussr i Paladin
D Franza, ch'è tant, andò in so compagni.
Per pruvà s' i ern mo tant valurus,
Cmod as dseva pr al mond, chiar e famus.

134.

Sansunett lassò un altr gvernator
In t' i lugh sant per lu, fin ch' al turnava.
Pr andar a vedr nn poch l'imperator,
E qui signori, ch luntan anch l'unurava.
Insem sti cinq mustazz, ch' in t' al valor,
Da qui di, puch ugal a s' in cantava,
Damasch i lassn, e s' van a arrivar
A Tripl, cun pinsir d vlers imbarcar.

135.

I attruvonn in t' al port un bastiment,
Per la Franza cargar del mercanz;
I finn al so daccord pr' al pagament
Tant pr' i cavall, quant per la compagnia.
Al tirava per lor propizi al vent,
Ch' i prumtteva pr un pezz bona la vi,
Sicchè cun quest, e cun un sren ben chiar.
I alzonn la vela, es s' aslargonn in mar.

136.

A qu' isola, ch' i antigh za dediconn
A madò Vener, quasi ricca e giuliva.
D Famagosta in t' al port prima i sbarconn.
Dov l'aria è quasi pestifera e cattiva.
Poch però da quila part i s' affermonn.
Ch l'aria maligna d' affruntar i agriva.
Cert ch la natura all' isola fi un tort.
A mettri quila laguna avvin al port.

137.

Pr en chiappar cun qula puzza la mamona,
Prest prest in barca i fi al paron turnar;
A un levant greech al vascell l'abbandona,
E d'l'isola a man dritta al fa vultar.
A l'af al s'affermò, dov agn pular.
Pr uscir d'in barca fu presta a dsmentar,
Chi a vendr el mercanz, chi a far del spes,
E chi pr andar a spass per quel paes.

138.

Cinquo o si miia in circa dacost dal mar
As alza un mont, mo facil da salir,
Tutt pin d' mlaranz e d cidr singular
E d'altr albr pin d frutt, ch' an sarè dir.
I tulipan, el ros, e i fiur più rar
Mandn un odor, ch' an s pre 'l più grat sentir:
Propri al cunfortia, e tant allora d più,
S' el piant en da un po d vent mossi e sbattù.

139.

Dall' aqua chiara ch sorz da una fontana
St bell sit quai delizios resta adunà;
E an i è da dir s' a qula tal dea anquana
Un lugh quai lussorios fu dedicà;
Qui as fa l' amor quattr e tri di dla stmana,
E chi 'n la fiss par-rev nn mal creà:
Ma zuvn e vicch e anch el ragazzi e i putt
Addaffatt fan l' amor, e s godn tutt.

140.

Quegl' istess cos dl' Orch e d Luzina qui
I sentu dir, ch' i en sta cuntà in Suri.
E ch per turnar a cà da so mari
La fava un aov amman in Nicusi.
D là 'l capitani, dop essers spedi,
Za ch' al vent era prospir alla so vi,
Cun diligenza al fa gli ancor salpar,
E vers l' unent la nav al fa vultar.

141.

La nav, furni d tutt punt, ben accundia,
Da un bon vent mestr fu cundutta in alt.
Mo al mar dseva esser stà in bunazza assà.
E a poch a poch Garbin av lu l' appalt.
E, quand più tard al sol fu tramuntà,
Contra a sta povra nav al di l' assalt
Cun tant armor d saiet e d losn e d tron,
Ch' al zil e 'l mar van tutt in confusion.

142.

Più dla calizn 'l zil vin neigr e seur,
La luna è everta, 'l strell en arpiattà.
L' aria ruggiss, al mar fa un gran pladur,
Al vent suppia, e s timpesta zo alla dsprà:
El ball en cmòd 'l boec, quant un sass dur,
E guai a qui ch' i tocca d quel ballà!
Sempr più grand s fa 'l bur, e sempr cress
Al vent, e più 'l saiet fulminen spess.

143.

I marinar attint badn al fatt sò
Aduvand al saver, la forza e l' art:
Da prora a poppa vè 'l pilot su e zò,
E in più manir quel ch s' ha da far cumpart:
Chi ammanva gli ancor, chi 'l vel tira zò,
Chi fa la scorta, e chi arrudella 'l sart,
Quesl al timon, e quell 'l albr assicura,
E chi l' acqua vadar con 'l tromb ha cura.

144.

Al temp cattiv chersì tutta la nott,
Più negra e bura d' una nott d' invern;
In alt mar cerca d star al brav pilot,
Dov al cred alla nav d psser far mi r gvern.
Al cerca, quant più 'l pò, d scansers el bott
Dla timpesta e di scui, mo tant in s' ern
Dsprà dal tutt, ch' in avissn in t' al pinsir
Ch' al di vgneud, al mal temp s passiss stallintir.

145.

Mo al meschin l' andò busa, ch più furor
Al mostra qu' altr di, s di al s po chiamar,
Perchè an s' agnusa, s n' in t' al guardar agli or,
Non za ch la lus del Sol al fizza chiar.
Allora si ch d bon ai chersì 'l timor
Al capocchia ch' en sà più cosu s far.
La nav al lassa andar po finalment
In dov la ficca la dscherzion del vent.

146.

S quisti in mar la fortuna quai travaia,
Manc' l' an lassa star quiet quai ch' in per terra,
E massament in Frauza, dov zo as taia
A pizz i mor e 'l popol d' Inghilterra.
Dov arriva Rinald, l' avr e sbarraia
Suldà e squadr, e 'l bandir sbraga e s' atterra.
Av diss za ch' a cavall del so Baiard
L' andava contra a l'ardinell gaiard.

147.

In t' l' accustars, l' insegna 'l vins a vder
Ch' aveva del quartir al fiol d' Almont;
Ch' al fuss un brav mustazz al fu d' parer
Cun quel segn a competer cun al Cont.
Quant più 'l ei accosta, ai par sempr più ver.
Avend d' attorn d' omni murt un mont.
Al diss tra d lù: L' è miù ch' adess a dsplanta,
Innauz ch la cressa d più, sta mala pianta.

148.

Da per tutt in dov passa 'l brav Rinald
Tutt i fan lugh, e tutt i dan la vi.
An s ferma i estian, ne guanch i mor stan sald,
Che qula spada ognussù i fa dar indri.
Sol Dardinell, d valor e d' ira cald,
Tra tanta zent stà frugn, e an scappa vi.
Rinald diss: Al mi fiol, st' eredità
La v srà indigesta: chi v l' ha mai lassà?

149.

Mi a vui pruvà un poeh, s' am asptari,
Cmod a dfindri al quartir sgà d' ross e d' bianch:
E s' adess contra d' mi mal al dfindri
Contra 'l prencip d' Anglant al dfindri manch.
Al zovn arspos: Adess adess a vdrì
Ch' a son capaz, s' al port, d' custodirl' anch;
E' guadagnà, s' a possa, più unor che briga,
Dfëndend d'la casa mi l' insegna antiga.

150.

Sebben ch' au vdi un ragazz, brisa 'v pinsassi
Ch' mi scappar vna, oppur zedr al quartir.
Vu 'n m' al tari, quand prima an m' ammazzassi:
Mo ch' suzzeda 'l cuntrari ai ho 'l pinsir.
E po, den auch al cas ch' am accuppassi,
A st mod an poss an da par mi murir.
Aqusi digand, e enn la spada in man,
Và d' spinta contra 'l prencip d' Montalban.

151.

Al sangn s' aiazò adoss ai affrican,
Ch' per la pora ai d'vintò smorta la pell,
Quand i vistu Rinald cun l' arma in man
Andar què d' frezza adoss a Dardinell
Cnn quanta rabbia andà adoss un can
Da becar a un altr, ch' i purtaas vi evell.
Prima tirò a Rinald al fiol d' Almont,
Mo ai fi vent, ch' al pars ch' al diss su in t' nn mont.

152.

E Rinald saltò su: Av vui far sintir
S per cavar sang a trov mii mi la vena.
In t' l' istess temp contra a quel cavalir
Spinz al cavall, e d' una punta ai mena.
Dal pett al spall la spada andò a riuscir,
Ch' i cavò tutt l' argui, tutta la lena.
Quand la spada Rinald a sè tirò,
Mort, e zo da cavall quel fiol cascò.

153.

Cmod s' arversa d' estad, in mezz a un prà,
Sgà dal villan, un bel malgaritin:
Oppur, per dar più bella parità,
Cmod arresta al garof d' nn zardin,
Dal zardinir cun cura cultivà,
Strappà per spass dal man d' un parigin:
Aqusi al zovn mancò, e s' mancò cun lù
Ai su suldà la forza e la virtù.

154.

Cmod fa l' aqua tra 'f arzu arcolta e ardudda,
Ch' ha da star lì per forza, senza uscir,
S' la dà a furar un bus, la scappa tutta,
E a n' i è mustazz ch' la possa più trattguir,
Aqusi qula zent da Dardinell cundutta,
Quand l' al vist longh d' stes su pr al sintir.
La pers tutt l' anm, es andò sparguà,
Scappand la mort per camp, bosch e fussa.

155.

Rinald lassa scappar chi vol scappar,
E qui ch' stan firm al bada a dari sù.
Dov passa auch Ariudant b'ogna cascar.
Ch' nn paladin al par propri anca lù.
Nè Liunett, nè Zerbin stan a guardar,
Mo i fan a gara a chi in massacra d' più:
Al so dver fa 'l re Carl, al fa Ulivir,
Turpin e Guid e Salamon e Uggir.

156.

I mor i faun quel di in priguel d' sicura
In Affrica la testa nasun d' purtar;
Mo al re Marsili s' in tol lu la cura,
E s' ardu ai quartir qula zent ch' i arresta.
S' al perd, pazinzia, l' è mii ch' l' assicra
Qui ch' i armagnen, che andar a manifesta
Uccasion d' perdr agn cosa, per vler star
A front cun chi al n' ha forza d' cuntrastar.

157.

L' addrizzò vers i su quartir i pass,
Ch' in circundà dai arzu e dalla fossa,
Cun al re Sturdilan, e Nadarase,
E al Portoghes in t' una squadra grossa.
Al fi dir a Agramant ch' al s' artirass,
Procurand d' farl prest, e al mii ch' al possa.
S' a passers salvar in t' i quartir al passa,
L' r' adess a in fa magari, es è ben grassa.

158.

Al re Agramant, ch' se vdeva za spedi,
E d' arvedr an cherdeva Affrica più,
Perchè 'l n' avea trovà mai ai su di
La fortuna quasi brutta contra d' lù,
Un poeh al s' eunfurtò, quand al savì
Ch' Marsili aveva arduitt e Ferrau
Part dal camp a quartir; e lu di d' volta
Pr ardur al rest, e s' fi sunar l' arcolta.

159.

Mo la più part d'la zent tromba o tambur
N' ascolta, pr' esser quasi rotta e sbandà.
Tanta fu la viltà, tant i timur,
Ch' in t' la Senna gran part n' arstò di angà.
Al re Agramant vre pnr 'l squadr ardur,
E cun Subrin al corr da tutt i là;
E qui cap ch' en più dign, e d' prima riga,
Pr arcuir i suldà al camp fan gran fidaga.

160.

Mo nè Agramant nè l' uffizialità,
Per stumblari, pregari, o far o dir,
In ponn d' nn terz arcuir la mità
A seguitari, e star sotto 'l bandir.
Tra i mort e scappà vi, pr' un ch' sippa arstà
Du i in manca, e quest anch poeh po servir.
Chi è struppà, chi è frì dinanz e chi dedri:
E chi è san l' è tant stracch, ch' an stà più in pi.

161.

Al re Carl, ch'al temp saveva tor
Quand la fortuna i devea un tantin,
Perseguitar al vols fin in t'al cor
Di alluzament al popl sarazin.
S'an dava fora 'l strell culuri d'or,
Ch'al gran mazzell el finn ch' 's intiss un fin,
Forsi gnanch i quartir i aren salvà,
Perch' i ern debl, e mal furtificà.

162.

A fari i cunt a penna e calamar,
Uttanta milla funn quel di ammazzà;
E tant al sangu spargià, ch al pessa allagar,
Non ch' arimpir, i fuss, i camp e 'l strà.
S'al fuss sta tutt inseem, l'arè passù far
Un fium, ch' in fin al mar srev arrivà.
Villan e lur uscinn dal cà e dal grott,
Qui pr al dspni, qustor per taffiar qula nott.

163.

L'imperator più 'n vè dentr in t la terra,
Mo contra 'l nmigh al pianta i padigliun,
E cun assedi i quartir nmigh l'asserra
D'intorn, alzand al cil di gran fiammun.
Pr assicurars, i mor cavn la terra,
I fan di fuss, di ripar, i alzn bastiun;
Pr esser svelti e ben prunt, e per star dadà,
Gli arm in lassonn qula nott tutta i sudià.

164.

Fra i altri, a s'i attravava du zuvmitt,
Nad da puvr parint in Tulmitta;
I qual s po dir ch d'amor dinn nn segn dritt,
E la cosa in t l'istoria s trova scritta.
Un Cluridan, Medor qu'altr era ditt:
Sti du, avissni fortuna, oppur la deditta.
Sempr al re Dardinell stavn attaccà,
E in Franza su cumpagn ern passà.

165.

Tutta qula nott s sinti in t'i alluzament
D qui mal arduitt e disgrazià sarazin
Di suspir, cun di piant e di lamint,
Mo quant i psevern più piavin pianin:
Chi pianzeva i amigh e chi i parint,
Chi per sè, pr'aver tant i nmigh avsin,
Fri, cun poch da magnar, e 'n pesser dormir.
Mo più i appensn a quell ch'i po intravgnir.

166.

Cluridan cazzalor era a qui di
Robust, e svelti, e destr e pin di vigor.
Bianch e russin qu'altr era culuri,
Dia cara zuventù in t al più bel fior.
E fra tant, ch'ern contra a Franza uscì,
L'era 'l più bell, propri al pareva Amor:
I nech nigr l'avea, 'l caveil rizz e biond,
E 'l volt ch'era langhett, più tost che tond.

167.

La so part i toccò dila sintinella
Per custodir inseem di camp i arpar
Iust in qu'l'ora in t la qual qua s vuia strella
Più chiar al so splendor sol tramandar.
Medor addnlurà pianz e s deszervella
Pinsand a Dardinell, ch'era tgnù arstar,
Dop esser stà da Rinald ammazzà,
Senz' unor, e tra i murt abbandunà.

168.

Al s voltò al so cumpagn, e: e Cluridan,
Al diè, an pre mai dir quanta affizion
A prov, quand am arcord ch'è arstà in t'al pian.
In past ai luv, al pover mi patron.
L'è sempr stà cun mi quei dolz e uman,
Ch'am par, s'a muriss anch in st' occasione
Pr' aiutarl dop mort, an srev pagà
La curtei, cun la qual al m'ha trattà.

169.

Perchè an resta deupli, mi vni andar
Là tra meza a tant murt, es vni cercarl.
E chi sà! forsi am prà 'l cil aiutar
Ch'an sippa vist da nessun di sudià di Carl.
In st mentr vn quei qui am avi da aspttar
Tant, s'a muriss, ch a pesadi almanch cuntarl,
E, s la fortuna 'm tol d far st'ovra santa,
I arresta chi la mi amizizia canta.

170.

Cluridan s maraveia ch tant amor
E tanta fed s'attrova in t'un ragaz,
E a cerca, perchè ai porta un ver amor.
D fari passar d'in ment se pinsirazz;
Mo l'è inutil, ch d Medor al gran dulor
En po arzevr confort, ne nessun saluzz,
Siand ustinà o anca lu d murir,
O par in t'l'arca 'l so patron supplir.

171.

Donca, vdend ch'al so dir brisa n'al mov,
A gli arspos: A vgnard tigh donca anca mi.
La n'è la prima za del nostr prov
D'unor questa; e anca mi azzett al parti.
Da qui innanz, più cunfort dal cert an trov.
Medor mi car, s'arstass mai senza d ti.
Sicchè l'è mii ch'a mora tigh armà,
Che armagnr per la to mort discunsulà.

172.

D'accord aqusi, i s'affernn in t'i su lugh
Fin ch'è muda la guardia, e po s'in van
Fora di arpar a pesser cumpir al zugh.
E avsin i arrivn dov'è 'l camp di estian.
Quisti s'in dormn, e s'han tutt avli i fugh,
Perchè di sarazin pora più i n'han.
E, tra l'esser imberbiagh e l'esser stracch,
I s'ern indurmintà tutt a tersacch.

173.

Cluridan s'affer mò un pñchtin, es diss:
An bisogna lassar mai gli uocasion;
Mo d'gustor, ch'è mort al mi patron han miss,
A vui, s'è poss, far d'la massacrazion.
In st'mentr ti, per tutt quel mai ch' suzzdiss,
T' starà alla badarella dco d' st' fitton.
D' mi fidet pur pr al rest, e lassm far,
Ch' am vui tra gustor una gran strà aslargar.

174.

Al tasi d'itt sta cosa, e 'n parland più
L' intrò in t' al camp, e 'l prim ch' i di tra i pi
Fu un cert Alfeo, ch' un ann prima era vgnù
Medgh del re Carl, om più d' astrulugi.
Mo sta volta al so fin l' ha mal cgnussù,
Ch' i pianid i han fatt vedr la busi:
Ln s' era fatt la natività, es dseva
Ch' in cà so da murir vecch croi l' aveva;

175.

Mo adess per man d' st' ragazzell sarazin,
Al mor, puvrett, cuu uu pugnal scanuà.
Quattr altr Cluridan, dri al trist indvin,
Quai fort l' indurmintò, ch' mai più s' en dsdà.
Scritt an s' attrova 'l so uom in Turpin,
O ch' al l' ha pers la lunga antighità.
Dop a lor, Pulidor da Mumpilir
Fu mort, ch' tra du cavall l' era a durmir.

176.

L' arriva dop in dov a s' era miss
Per cavzal sotta alla testa un barill
Ch' l' aveva sin sgnzzà, prima ch' al s' mttisse
I su sunn a durmir, al mestr Grill;
Al s' era indurmintà, st' puvrin, quai d' fiss
Cun un cor quai cuntent e quai tranquill,
Ch' al s' insuniava d' bev'r al dou Turret,
Quand Cluridan la testa i taiò d' nett.

177.

Avsìn a Grill, un grec cun un tudesch,
Cusad e Andiope, funn tutt du ammazza.
I avev'n d' muscatell impi 'l vintresch
E un pezz ai dà i avev'n insem zugà;
Mo al s're sta mi per lor, dsdà, star al fresch,
E seguitar, fin ch' fuss al sol livà.
Mo cosa s' ha da far? dis, famm indvin.
Al proverbi, e at darò roba e quattrin!

178.

Cmod fa la doudla dentr in t' un pullar
Pin d' bun pullastr, gallin e cappn,
In t' la testa l' ai va tutt a succhiar,
Del sangu ingorda, e tutt i ammazza a un pr' un:
Quai Cluridan i manda tutt dal par,
E s' ammazza al trant cstan tra i padigliun.
Medor, per far la so, n' armas indri,
Mo al vols sol mettr el man iu t' la sgnnri.

179.

L' era arrivà dov al duca d' Labrett
Durmeva cun la so mrossa abbrazzà,
E l' un cun l' altr mni stava aqusi strett
Ch' an i s're gnanch tra d' lor l' aria passà.
Medor taiò a tutt du la testa d' nett,
Brutta burla, ch' in s' aren mai insunià.
Aqusi v' l' cos del mond; an s' ha nn po d' gust,
Ch' au i vada attaccà sigh un gran dagust.

180.

Malind e Argalich, dn fiù del cont
D' Fiandra, arimss anca lor in quel sgumbii;
Ugnun d' lor cavalir nov, e al di pront
A cumbattr ern stà, e per quest i zii
I dunò al re e ai prumti anch mettri in front
La corona d' marches, v' dendi vernii
Turnar dal sangu d' nmigh, e ai l' arè dà
S' Medor n' i aviss i su bi dsign guastà.

181.

Cun la spada alla man, i du campagn
Ern arrivà za ai padigliun avsin
Ch' zinzern la gran tenda d' Carlmagn,
Dov ai feva la guardiù i Paladin,
Quand i piusonn d' vultar tutt du i calcagn
E dsmettr d' ammazzar quai da assassin,
Perchè ai pars impossibil certament
Ch' a n' i fuss quai d' un dsdà, tra tanta zent.

182.

Sebben ch' un bou bnttin i aren pess far,
Ch' is salvn pur s' i ponn, ch' i in fau assà.
E quai dov più sicn al cred d' scappar
Và Cluridan, dall' amigh seguità.
Tra i murt i s' ficchn a Dardinell cercar
Dov arm, scud, e vest en d' sangu bagnà,
Dov puvr e riech, servitur e patrùn
Tra i cavall stan su d' sovra, e là a vaiun.

183.

Pr' i corp di murt datis là miserament,
Pr' al sangn, pr' al fangh, pr' al mui e pr' al pattum,
Arèv cercà i campagn cun un gran stent
Dardinell, ch' era d' sangu in mezz a un fium,
S' Medor, pr' en perdr temp, cunfidiment
N' aviss pregà la luna a fari lum.
Al vultò i uech al cil, e guardand d' fiss
Contra alla luna, sti parol al diss:

184.

Dea triform ditta, e cun rason,
Prima pr' esser del cil segond splendor,
E per cmandar la zo in t' al regn d' Pluton,
Dop pr' esser protetrix del cazzador,
Tant ch' a pessann trovar tutt du al patron,
Quell ch' ai purtò da viv quai gran amor,
O, cara ti, fazz lum, e fa vgnir sren,
Tant ch' a pessann trovar quell ch' a cerchen.

185.

Mi 'n so se sta tirà la psiss valer
Perchè Medor la fi cun sentiment;
O s quel ch suzdi s'ava da ascriv a un ver
Del nuvl naturalissm accident;
Al fatt è ch la luna chiara 's fi vder,
Mustrand al so mustazz bianch e lusent,
Illuminand da vsin e da luntan
La riva, al bosch, la vall, al mont e al pian.

186.

Mo di su razz al più splendent e chiar
La mandò sovra 'l corp d Dardiuell,
Perchè Medor al psiss prest attruvar;
E al le cgnussi pr al segn del quartir bell.
Al fu quel corp dal pient squas per lavar,
Ch'i ucch i eru dvintà don funtanell,
Cun del parol quasi tendri, e nn tal laument,
Da far per compassion ferimar al vent.

187.

Al dseva però pian, p-r n' essr udi,
Non za perchè 'l badass an s far sentir,
O per pora d'armagnr anca lu li,
Ch' anzi al so desideri era d murir;
Mo pr'al timor ch'an i fuss impedi
D psser purtar al so car mort a supplir.
I al chiapponn un pr 'l brazz, qu'altr pr'i pi,
E d' accord i al livonn pr andarsn vi.

188.

S'atta a gula carga, a lor què dolza e cara,
Al più ch'i ponu, in furia i spesghn i pass:
E l'alba za eminzava a lusr chiara:
Urdnand al strell ch'ugnuuna s'arpiattass,
Quand Zerbis, ch s sent stumbà da virtù rura,
Ch'al fi tutta la nott andar a spass,
Dop aver seguità i nmigh in finna a qu'l'ora,
Ai padigliun turnava vers l'aurora;

189.

E sigh l'aveva 'n so quant cavalir
Ch vistin andar da luntan i du facchin.
I cerconn d'accestarsi, cun pinsir
D cattar al mod da far un bon buttin.
Car fradell, Cluridan principiò a dir,
Ficchèn un po sta carga tra sti spin,
E cerchèn per nu mod da psser scappar,
Ch l'è mior cunsii da viv, che un mort salvar.

190.

Al tri zo 'l pes, perchè cert al pinsava
Ch'anch Medor s'accurdass a far aquì;
Mo quest, puvrin, ch al so patron amava,
Sovra el sou spall tutt al gran pes l'arzvi.
Qu'l'altr curreva, ch'al diavol al purtava,
Dal so Medor cherlend d' essr segui.
S'al s fuss immazinà ch al n' i tgniss dri,
Più tost mill volt sre mort, che scappar vi.

191.

I cavalir scenzis, ch'avevn in testa
Che quìu s'aviss da arrendr o da murir.
I circondonn dattorn quila foresta,
Pr' assrar i pass in mod ch'au psiss uscìr;
Zerbis ancora lu ferm n'arresta
E più di altr al fu lu ch vols far e dir:
Perchè, a vedrn scappar un spavintà,
Esser del camp muresch a gli ha pinsà.

192.

Là da qui di i era nna macchia antiga,
Ch'an i era su di cuzz, e di spinar;
Tramezz a si passava cun fadiga,
Anzi ch'el bisti sol i pssavn andar.
Cluridan e Medor, pinsand amiga
Aver la selva, e là pssera arpiattar. . . .
Mo l'è un gran pezz ch'a decorr, am ferm intant,
E a sintiri po al rest in qu'altr Cant.

FIN DEL CANT DSDOTT.

CANT DSNOV

ARGUMENT

*Angelica, ch'attrova Medor fri,
L'al medga, sposa, e sigh mena al Cattai.
Marfisa e i su campagn, mizz inspurì,
Al Golf d Laiaz arren cun travai.
Guidon Salvadgh, ch' allora da qui di
Era schiav da quel donn, del tananai
Fa cun Marfisa; e quand l'aria s fu bura
In casa so a gl' inida, e s' i assicura.*

1.

I vir amigh l'è diffizil trovarì,
Massamant da chi ha roba e quattrin:
Perchè dai vir ai fals an i par svàri,
Tant ben ev liess i fint e v fan blin blin.
Mo s la fortuna volta al taffianari,
I fals amigh an vi vdi più d'avsin:
Quell però ch'è amigh ver, e ch'ama d'cor.
An perd l'amor, sebben ch l'amigh anch mor.

2.

S quant al mustazz, a s vldiss del cor l'amor,
In t'el cort, ch tant e tant en favuri.
E tant del prencip n'accuin in t l'umor.
In t'un punt mudareu fortuna, e quasi
Quest sre patron e qu'altr servitor,
Quest sre premià e po qu'altr gnunch udi.
Mo turnen a Medor, ch'è amigh d bon.
E s'ama, anch dop ch l'è mort, al so patron.

3.

Povr Medor! al cercava s'al peseva
Truvar una qualch strà da pesser scappar;
Mo al pes del mort, ch tutt in t'l spall l'aveva,
N' i lassava un parti sicur cattar;
E, anch d più, 'l paies brisa an ognusseva
E sempr s'inzampava in t' i razzar:
Gira d'za, gira d'là, per dritt o stort,
Dagnora 'l sent ch'an po più tgnir quel mort.

4.

In lugh sicur s'era rdutt Cluridan,
Dov an sinteva più l'armor d'la zent:
Mo, quand al s'vist dal so Medor luntan,
Ai di su un batticor in t'un mument.
Al dæva: Cmod sonia mai sta babban,
E quasi zuccon, e cmod n'òia d' ment
S'andava senza d ti, e s'en n'ho badà
S t m'ir per dedri, o dov a t'ho lassà?

5.

Dop sti parol, al torna a dar la volta,
E in t'al bosch novament s torna a ficcar;
Dond al s'era partì 'l torna a dar d volta,
E la so mort in ultim al v' a cercar.
I cavall ch sbriin, en tra li per volta,
L'ascolta i zigh e s sint i nmigh bravar;
Al s'accorç finalment ch Medor è a pi
Tra una massa d cavall, e an po andar vi.

6.

I ern in t'un cintunar dattorn tutt,
E, in tutt i mod, Zerbin, dis, ch'al sia pres.
Lu, puvrett, s va prilland, mo pur cun tutt
Quest an pol, cmod al vrè, far el sou dfes.
In ultim dop a un albr al s'era arduitt,
Avend in terra miss al nobil pes;
Perchè, sintend d'n pesserli più purtar,
Al vre dal man di nmigh pesserli salvar;

7.

Cmod fa una vacca in t'la stalla dsligà,
Per far la guardia al so videll, ch'è pzin,
La i va dinanz, perchè 'l staga arpiattà,
E s guarda cun oçch bur chi v' a e chi vin,
L'amor la fa guardar da tutt i là,
E la 'n lassa che nasun s' i accosta avsin,
Cun el corn la mena, sbuffa e gira,
L'alza la vos, e di bun calz la tira.

8.

Mo Cluridan, ch'en sa cmod s l'aintar,
Pur s la v' mal al vol anch morir sigh,
Prima 'l cerca però d vler vindicar
Contra quor la so mort, e del so amigh.
Una del frizz più aguzzi al fi vular,
Essend prima arpiattà dop a un gran figh,
Ch chiappò d posta in t la testa d'un scuzzes,
Ch'in terra da cavall cascò lung'h dtes.

9.

Ben prest i altr s vultonn da quila banda
Dond era vgnù la frizza traditora;
Intant un'altra Cluridan in manda,
La qual in t' l'istess temp la gola fora
D'un altr, in t' l'istess punt ch cun frezza 'l dmda
Chi sippa quòl ch'adrova l'arch da qu' ora.
Mo del tutt la parola an pesi finir,
Ch' l'anima in so cumpagni fu sfurzà a uscir.

10.

Zerbin, al capitani e signor scuzzes,
A st'instoria, ai saltò ben ben l'umor,
E a Medor al s vultò d gran stizza impres.
Dsendi: T l'ha da pagar ti, traditor.
In t'al dir sti parol quel zovn al pres,
Tirandl avsin a lu cun gran furor:
Mo quand d'appressa el sou blezz l'usservò
Al s moss a compassion, e an l'ammazzò.

11.

Medor, puvrin, al s principiò a aremandar
Digand: Signor cavalir, pr amor del cil,
Sol una grazia, av pregh a n'm dengar:
Lassà ch a possa andar st mi re a supplir,
E dop d'la vita mi fa quel ch'av par.
Mo n'ev pinsassi ch'am dspiasas d murir.
Ch d'la mi persona ai ho sol tanta cura
Ch'a possa al mi patron dar sepultura.

12.

E quand d mi a vladì pur i luv saziar,
Ch'avadi al cor più dur d Silla o d Neron,
Av pregh ch'ai dadi al mi corp da magnar
Sol dop ch'arò suppli al mi bon patron.
Medor, dop sti parol, s miss a smergular,
Ch mossu in t'al cor d Zerbin tal compassion,
A vedel quasi fedel vers al so signor,
Ch'ai perdunava, e s'i chiappava amor.

13.

Mo in st mentr un cavalir d'un cor villan,
Senza rispett al prencip capitani,
Cun la so lanza al di un colp soverman
In t'al pett a Medor, ch feva quel smai.
A Zerbin dspiasi fort st'att inuman,
E tant più 'l s l'av per mal, e ai savì strani
Vedr arstar senza vos st ragazz, e smort
Cascar in terra, ch'al pareva mort.

14.

E ch'al sia vera ch la cosa i dspiasè,
Al zurò d vlern lu far la vendetta,
E, per farla ben prest, a quòl al s'attrè
Ch'aveva dà a Medor quasi matta stretta;
Mo quell, chiappà un bon punt, al s la cuie,
Cnrrend fort, ch'al pareva una saietta.
Cluridan, ch vist Medor andar per terra,
Saltò fora all'averta a far la guerra.

15.

Al trà vi l'arch, e, tutt pin d' rabbia ed stizza,
Tra i nmigh al s' frega cun la spada in man,
E a quest e a quell in t' la panza al l' indrizza,
Per vendicar qu' azion ch' en fu da cstian.
Mo la calca è za tanta ch' la l'asquizza,
E pr'al so sangu s' cminzò a far ross al pian;
Ea bisognò, cun tutt al so bravar,
Vsin a Medor ch' l' andass mort a cascar.

16.

Quand in terra fu andà i du sarazin,
Un mort del tutt, qu' altr cun poca lena,
I scenzis tolsen al pali dri a Zerbin
Andà pr al bosch in dov la stizza al mona.
Un bon pzulett sti li Medor, puvrin,
Mandand al sangu da una quai larga vena.
Ch' al sre arrivà alla fin d' tutt i su guai
S' al n' arrivava chi l' fi uscir d' travai.

17.

A cas, una zuvnetta là arrivò
D mezza lana in cusest, da cuntulina.
La qual quant la fuss d' garb cmtar an sò,
Mudesta, accorta in t' l' istess temp e blina.
L' è tant ch' an ho dscors d' li, ch' adess an sò
S' al l' agnussri sebben ch' l' è tant avsiua:
Questa, s' al vli saver, l' Angelica era,
Del gran Can del Catai la fiola altera.

18.

Quand al so anell Angelica av indri,
Qu' anell ch' i aveva za Brunell livà,
La chiappò tant argui, tanta albasi
Quant sre s' l' aviss al mond tutt acquistà.
Adess la vè sicura da per li,
E da nessun la vol essr accompagnà,
Anzi tra d' li la buttia, cm' è l' so us,
Ch' Urland e Sacripant sien sta su mens.

19.

E sovra tutt el cos l' era pinti
Dal gran ben ch' a Rinald l' aveva vliù:
Tropp ai pareva d' essrs avvili
A vleri ben, e dal so unor dscazù.
Tanta arruganza avend Amor udi,
An vols asptar, ne cumpurtarla d' più:
Mo dov più mort che viv era Medor
Ai sti alla posta cun la frizza d' or.

20.

Quand Angelica vist st zovn innuzent
A gula mania fri, vsin a murir,
Al qual, più che d' sè stess, era dulent
Del so car re, ch' al n' avea psù supplir:
Dentr d' li la sinti un cert muviment,
Ch' l' an sav dir gnanca li cosa al s' vliiss dir.
La s' moss a compassion del pover fri,
E più quand quell ch' i era success l' udi.

21.

Qui i su pinsir funo a cunsi chiamà.
E in nod particular d' medeina l' art,
La qual in India l' aveva imparà
Senza vultar d' Castor Durant el cart:
Perchè al bisò saver ch' pr' eredità
D' in padr in fiol v' sta virtù in quel part.
Quasi l' arselv in t' un atn d' vler prubar
S' la po cun al sugh d' erb al sangu stagnar.

22.

La s' areurdò ch' li poch lontan l' avea
Una cert erba vista, dri a un maeccion;
Fussla mo urtiga, o salvia, o centaurea,
O qualch d' un' altra bona in st' occasion;
La vols andarn a tor, per vder s' la pasea
Stagnar quila botta, ch' trava cm' n' cannon.
La l' attruvò, e, tant quant la l' avi colta,
Dov era l' muribond la di la volta.

23.

In quel mentr ch' indri d' lunghe la turnava,
Per bona sort, in t' un pastor la di,
Ch' era a cavall, e pr' al bosch al cercava
Una so vacca, persa da tri di.
L' al pregò tant, ch' l' al guidò dov aspitava
Medor meschin, ch' è mezz instramurti,
Ch' aveva tant al sangu dal pett mandà
Ch' al tren d' intorn tutt era allagà.

24.

Zo da cavall Angelica demuntò,
E sig' anch al pastor la fi demontar:
Qu' l' erba tra du sass viv ben la pistò,
Cun diligenza, l' sugh cercand d' cavar.
Quest po dentr in t' la piaga la vudò,
Per la panza e pr' el cust l' al fi cular:
E tanta e tal fu la virtù d' st' estratt
Ch' lu pres vigor, e l' sangu s' fermò in t' un tratt.

25.

Anch tanta forza ai di da peser muntar
In t' al cavall, ch' aveva quel pastor.
Medor però d' là n' s' vols alluntanar
Fina ch' an vist suppli l' corp del so signor;
A Cluridan l' istess anch al fi far,
E po l' s' lassò cundir in dov l' amor
D' Angelica l' guidò; e per carità
Da quel pastor i funn tutt du alluzà.

26.

Pr' infin ch' an fu perfettamente guari
L' an vols lassarl, tant in fevla stima,
E tant per compassion s' erla intindri.
Avend vist quasi mal cundutt in prima.
In st temp, a praticar sigh, l' as sinti
Rusgar al cor da una segreta lima
Dal blezz d' quai aguzzà, e in fin del zugh
La cgnussì ch' dentr Amor feva un gran fugh.

27.

Tra don muntagn era stà fabriccà
La cà d quel pasturin, ch n'era gran fatt.
Dov la muier e 'l rest dla so brigà
Cun lu s'in stevn in pas, e aquas d'arpiatt.
Quì fu Medor da Angelica medgà
Per fin ch'an fu guarì la piaga d fatt.
Mo innanz ch'al fuss del tutt gnari Medor,
Piaga più granda li s' sintì in t'al cor.

28.

Una piaga più granda, e ben più fonda
I avers Amor in cor senza pgnal:
Ch'al colp uscì dai uech, e dalla bionda
Zazzara d Medor, sebben ch l'aveva mal.
La s' sint dentr abbrustlir, quasi 'l cald abbonda,
E s'i prem pur d guarir chi i fa tant mal.
D li la 'n s n'incura, e s'ha sol attenzion
Ch' s' arsana quell ch' i dà affann e passion.

29.

Più la so piaga cress e s'inaspries
Quant più quella d Medor s'arsana e s' salda.
Al zovn dventa rossa, e li sbasies
Cun una fivra nova fredda e calda.
In lu la blezza a di per di furiss,
Li vìa cmod fa la nev quand al l'arscalda
Al sol in t'una larga nuda e averta,
Ch'ava in t'al mes d Avril la terra everta.

30.

S l'an vol murir dalla gran duia, 'l bsogna
Ch la dmanda aiut a chi la po guarir.
La s vìa grattand, sebben ch la n'ha la rognà,
E s'en s'attenta esser la prima a dir.
Mo, mettend in t'un canton po la vergogna,
La s fi aum, es i desvers i su pinsir,
E s'i dmanda succors d'un mal, ch'l'aveva
Lu fatt, e forsi ben anch al saveva.

31.

O cont Urland, o vu re d Circassi.
Cosa v zova, dsì nn po, tanta virtù?
Guardà del vostr amor ch stima fa quesi,
Guardà del ben servir ch paga avi avù?
Mustram sol un favor ben pzinì, s'a psi.
Ch avadi da nessun temp da questa arzù
In pagament d'averla tant servi,
Cun tant affann e tant travai suffri?

32.

Oh! s pr'impussibil a psiesi turnar viv.
Cosa dirissi mai vu, re Agrican,
Ch la mustrava d'averv quasi fort a schiv,
E s v'abburreva piz ch'en s farè un can?
Oh! Ferrau, cun mill altr, ch'an scriv,
Ch'avi fatt tant cos grandi per li in van,
Cosa dirissi, esser cun vu quai cruda,
E in brazz d Medor adess a vederla nuda?

33.

Dal bel Medor fu Angelica spnsa
Senz'altr zirimoni o dmandador.
An fu al cuntratt dla dota stipulà,
Mo agn cosa s'accumodò per man d'Amor.
Tstimoni al spusalizzi fu chiamà,
Pr en far sti cos al bur, quel bon pastor:
So muier fi da Flippa: e li in t'nn tratt
Fu al matrimoni e al spusalizzi fatt.

34.

Al pastor s tols l'impegn 'd far al dsnar
Cun la so torta grossa e i zuccarin;
E più d'un mes i s stinn a deliziar,
Senza pinsar a niint, i du spuslin.
Medor senza la sposa en saveva star,
E li, cun tutt ch sempr la i fuss avsin,
E ch la passas a so mod godr e basarl,
La n'era mai contenta d'abbrazzarl.

35.

S la steva dentr in cà, s l'andava fora,
L'aveva sempr al so spos a gallon.
S' in riva d'un quales foss i stevn all'ora,
I sfugavu l'un l'altr el sou passion.
S'al calor del mezzdi i aviss fatt pora,
I s'ardusevn sotta a un quales cason,
O pur in t'un i grotta, cmod as dis
Ch fiss Didon cun al fiol del vecch Anchias.

36.

Tra sti divertiment, in dov i vdevn
Un bell'albr far d'ombra in riva a un ri,
Cun un curtell in t la scorza i scrivevn,
Ch'Angelica e Medor ern sta li;
E scritt cun di carban in mur avevn,
E in tutt i sass a s'i vdeva sculpi
In cent manir, e in zifra era nutà:
Angelica e Medor insem ligà.

37.

Quand a li i pars d'esser stà li abbastanza
E forsi anch per tropp temp, la furmò 'l desegn
D vler in India turnar alla so stanza,
E curunar Medor re del so regn.
L'aveva un bel bruzzal lavorà in Franza,
Incastrà d pred preziosi, e quest in segn
I aveva del so amor Urland dunà,
E sempr la l'aveva al brazz partà.

38.

Fada Murgana za al dunò a Ziliant,
Quand la l'aveva in t'al so lagh arpos.
E lu, quand da so padr Minndant
Turnò, per la virtù d'Urland famos,
A in fi nn regall al cont. Quest, ch'era amant,
L'aztò vltuntra, e dunarl al propos
Alla so dama, cmod appunt al fi,
Che, cmod av ho cuntà, l'era quesi qui.

39.

Affiubbà al brazz dop sempr l'al purtò,
Non zà pr aver al paladin amor,
Mo sulament perchè l'al cunsidrò,
Cmod l'era verament, d'un gran valor.
Cmod l'as fiss a salvarl an v'al dirò,
Perchè sta cosa an la dis gnauch l'Autor,
Quand quel zintazzi in t'l'isola d'Ebuda
Per cib al mostr a un scui la ligonn uuda.

40.

Qui, n'avend altra cosa più alla man
Da psser qula bona zent rimunerar,
Pr al scomod, ch' in tutt quel temp dà d cert i i han
Dal di ch' in qula so cà andonn a alluzzar,
La s'al cavò, e s'al di a qula donna in man,
Pregandla a vierl per so amor portar.
E po s' andonn in su per qula muntagna
Ch partiss al regn dla Franza dalla Spagna.

41.

La zovna da li innanz, pr' aver mari,
La pinsò d' essr fora d tutt i guai;
Ch tutt l' degnazi per li fussen fini,
E da li innanz n' aver più nsson travai.
D passar al mar l' aveva stabili
Per turnar al so regn del gran Catai;
E tant i asionn, ch' un di, quand vespr sona,
Finalment i arrivonn a Barcellona.

42.

I trovonn prima per la strà un mattazz,
A zerr in terra, suppli in t'al sabbion,
Ch' era tutt inspurcà più d' un purzazz
La testa, 'l brazz, el gamb, schina e svintron.
Questu s' i attri dlungh, ch' al pars propri un cagnazz:
Mo guai a lor s' l' aviss avù un baston!
Ch' anch senza ngotta in man ai di da fur.
Mo da Marfisa a vui adess turnar.

43.

D Marfisa, Astolf, Aquilant e Griffon,
E di altr su cumpagn, a torn a dir,
Ch' in tutt in tanta e tal costernazion,
Ch' i s' aspettn d' aver angà a murir:
Semp più cress al vent, l' armor del tron,
E una tempesta grossa s' fa sentir:
D st bell gust l' andava dri ch' era tri di,
Nè segn la dava d' esser gnanch fini.

44.

Dla nav la part più alta avr e fracassa
La furia dl' aqua e del vent, ch' suppia fort:
Oppur, s' intira una qualch vela l' lassa,
La taia, e frecca vi l' pilot accort.
Chi a testa china stà sovra a una cassa
Guardand s' al viazz ch' es fa sia dritt o stort
Su in t' la carta con una lumizina,
E chi cun la lanterna v' in sentina.

45.

Un sotta a poppa, un altr sotta a prora,
Guarda all' arlui da polivr, ch' l' ha dinanz,
E agn poch, agn bris al mitt la testa fora
A veder s' indri v' la barca o innanz.
Al paron, ch' ha, per dirla, una gran pora,
Tutt chiama i su a cunsii. Qui cun del zanz.
Segond al so parer, tutt dan cunsii,
Mo an a po saver tra d' lor chi s' diga mii.

46.

Chi: Sovra Limissò, dis, a sen nù,
Ch' a siann tropp avsin al secch am par.
Un altr: A Tripi a sen, dis, o più in sù,
Dov in t' i scui s' è solit scapuzzar.
Cun gran suspir un altr saltò sù
Digand: Tra qui a s' anden a sfraccassar,
Ch' a Satali a sen vsin. Quasi ognun s' lamenta,
Perchè 'l timor d' murir tutt i spaventa.

47.

Più cress in t' al terz di l' argui del mar,
Ch' sempr s' infuria più, più l' s' fa bizzarr.
Al trinchett e al timon s' ved fracassar
In tant pizz, ch' in staren tutt in t' un carr.
Forza, bravura, niint i po zuvar,
E an n' aver pora bagnatè essr d' azzarr.
Marfisa, ch' n' av timor mai ai su di,
Allora la cunsif d' essr inspuri.

48.

Chi fi vod d' visitar, vsti da pelgrin,
Terra santa, o Gallizia, o Mont Varall,
Chi Padva, chi Lured, chi Tulintin,
Chi Roma, chi San Luca, o Chiaravall;
Mo gnanch per quest dsmitt al furor marin.
Nè la tempesta o 'l vent i voltm el spall.
E al povr legn, sbattù, tin sbalanzar
Quand finn' al cil e quand in fond al mar.

49.

E case, e ball, e l' altra roba d' pes
Al capitani in aqua fa ficcar;
Ch' la sia d' valor, ch' la costa mo d' gran spes.
Agn cosa s' butta per la pell salvar.
Chi v' a guardar s' al legu s' fess mai arres,
E tutt' el fess al cerca d' astuppar.
E di altr, tutt affaccindà, in quel mentr
Cun el tromb van vudand l' aqua ch' vin dentr.

50.

Quattr di intir, cun el sou nott attaacch.
I stinn cuntinivament in apprension
D murir tra poch o allora; es crn stracch.
Pin d' fiam e d' sed, e più d' agitazion.
Quand, a armettri in gargam, dop quei gran fiacch,
I vistu, cun so gran cunsulazion,
In nav la lus d' sant Erm sfavillar,
Segn che 'l mal temp s' aveva da formar.

51.

Al cumparir d quel segn, ch'è tant bramà,
Tutt in t'un temp, daccord è misan in znoceh,
Pregand ch'al temp drintass quiet e placà
Ben dvotament, e cun al piant all'oech.
Allora qula timpesta quasi ustinà,
Grossa, e anch forsi più dal buoch del boech,
In cumpagni del vent s'eminò a fermar,
E in ultim arstò Garl'in patron del mar.

52.

L'arstò patron del mar, e quasi putent
Cun la buocazza tant fort al suppiava,
E a mittri d più degli ond al sbattiment,
E la furia, ch'a poch a poch calava,
I favn andar la povra nav dsprament;
E a dirla schietta al pilot dubitava
D'eu n'andar a riuscir al fin del moud,
O d'urtar in t'un secul, e andar a fond.

53.

Per rimediari a quest, prest al cmandò
D far al pussibil per n'andar a mal,
E d trattgnir qula gran furia quant as pò,
S pur contra a quel furor qualch cosa val.
Sti provist an fi in van, mo più zuvò
Dia lum cumparsa al più veridich signal.
Quest salvò 'l legn, ch'era per perfundar,
Quest fu ch'al fi sicur correr per mar.

54.

In t'al golf ditt d Laiazz, vers la Suri,
Sovra una gran città l'andò a arrivar;
E tant avsin, ch'as vdeva i du casti
Ch'en la guardia del port, dov s'ha da intrar.
Quand al pilot s vist arrivà a qula vi,
Al dvintò smort, es cminzò a suspirar.
Perchè sbarcar d sicur in st port an vleva,
Mo ne star ferm ne scappar al pssava.

55.

An pssava ne star ferm ne scappar
Pr' esser senza timon, albr e perdgn.
La nav, pr' el gran sbattucchiament del mar,
L'aveva sfracassà i trav e i assun.
In t'al port al patron au vleva intrar,
Per pora d n'arstar schiav, es fa i cuncun;
Ch'al bisogna servir, o armagur mort,
Chi arriva accidentalment in quel port.

56.

A star ferm, l'era d' sicur probabil
Ch'al vgniss dla zent dal port, dalla città,
Per cumbattr al so legn, ch'è d fatt inabil
A dfendrs brisa, tant el mal andà.
Iu tant ch'entr da lu l'era quasi instabil,
Dal duca d'Inghilterra ai fu dmandà
Per cosa 'l stà suspes, e s'è agui smort;
Cosa al stà a far ch'al n'entra dentr in port?

57.

Al capitani i cuntò d' tutta qula terra
Aver del donn unicial al cmaud,
Ch s'en fatt una cert lezz, ch manda sott terra,
O tutt fa i omn schiav, ch van in quel band:
E an po scappar sta dsgrazia, se n chi in guerra
Manda dis omn da sta vita in band;
E dop a lett, fini 'l contrast del di,
Cun dis donn ha la ntotr far da mari.

58.

Mo se in t la prima prova a gli ariusceva,
E la seconda al u'aviss pasù furnir,
L'era sicur senz'altr ch'al mureva,
E i su cumpagn l'avevu da servir.
Mo s tutt du sti interess ben far al pssava,
Duvev i su cumpagn tutt lib' uscir.
Mo nou za lu, ch' l'aveva da star lì,
E d dis donn a so scielta esser mari.

59.

Senza ridr an psei udir al fiol d' Utton
L'usauza d quel paies, la lezz d quell doun:
L'arrivò Sansunett e dri Griffon,
Aquilant e Marfisa, e s' i cuntonn
Anch a lor tutt quell ch cuntò 'l paron,
E per cosa in t'al port deutr in intronn.
Allora 'l pilot diss: Più tost murir
In mar, ch' esser sfurzà in st mod a servir.

60.

I marinar l'istess dissen anch lor,
E tutt qui ch' in qula nav ern imbarcà.
Marfisa e i su cumpagn in d'altr umor,
Ch' àmeu la terra più del mar assà.
D' una burrasca is sentin più timor,
Ch' in arén, s' is truvasse circundà
Da più d dis milla spad, e passer in terra
Servirs degli arm e di' esperienza d guerra.

61.

Sti cinqu mustazz desideravn al port.
Mo cun più argui baccaiava l'ingles,
Al qual cun al sunar al corn fort
Sperava d far dsgrumbrar tutt al paies.
Una part è d' parer ch' s'entra in t'al port,
Qu' altra no; e qui s' cminzò a vgnir al contes;
Bisugnò finalment ai più caiar,
Ch la forza fi a so mod al pilot far.

62.

Quand alla prima i arrivonn in vista
Alla città, da qui d deutr i funn dsvert;
Incontr a lor una galè proviata
Subit mandonn, d galiut pratic e espert.
Questi, quand i arrivonn alla dspruvista
Nav, e confusa tra i cunasi incoert,
Cun di ansin e del cord i l'arranconn,
E sigh dentr dal port i la guidonn.

63.

L'è ben vera ch'i avinn un bell da pscar
A psserla cundur dentr in lugh secur,
Perchè 'l gran vent, e 'l gran furor del mar
L'avev arlutta a n psser più squas tgnir dur.
Intant i cavalir, senza tardar,
Addoss turnonn a metters gli armadur;
Cunsuland al paron, ch'è d mala via,
E i altri, ch s mettn per sta quità dla duin.

64.

Cmod sre un gran cerch al port era furmà,
E in gir per quattr miia l'era dtes;
L'ha d bocca sient pass, e dai du là
Da una rocca per banda l'era dfes;
E, dal timpest del mur assicurà,
Sol dalla part d mezzdi al pol essr uffes.
Là indritt, qualch poch luntan, s ved la città
La t la salida del mont fabbricà.

65.

Subit che dentr in port al legn intrò,
La città, za avvisà, tutta a gran pass
Vers al port la cuncors, dov s'attruvò
Si milla donn armà d'arch e d tucass.
Per tori tutta la speranza pò,
Ne ch'al pilot a scappar appinsass,
Da nav e da cadèn al port fu assrà,
Ch'i n' han del pronti a st fiu za preparà.

66.

Una, ch pareva la balia del fiol
D' Anchis, tant erla grinzà, vecchia e dstrutta,
Fì chiamar al pilot, e in poch parol
La i cuntò del paes l'usanza tutta.
E in ultm ch'al s'addizà quel ch'al vol:
O tutt murir, segond la so lezz brutta,
O pur, s lu vol, cun i altri ch l'ha in t la nav,
Salvar la vita, cun armagnr schiav.

67.

L'è ver, la dseva, ch se tra d'v u as trovass
Un om, ch'aviss tant ann, e ch fuss quì fort,
Che chi n vliiss andar vi, mo vliiss arstar.
Cun mandari a un pr'un tutt alla mort,
E ch l'avias tanta lena ch l'arrivass
A far sta nött cun dis donn da cunsort,
Quell'arstarev quì quì, es sre prencip nostr,
E vu e i altri andar vi tutt pr al fatt vostr.

68.

In somma, al starè in vu l'andar o star
O tutt o part, mo cun sta lezz ch'è quì,
Che chi n vliiss andar vi, mo vliiss arstar.
Ai tocca cun dis donn d far da mari.
E quand al campion vostr o n possa star
Contra, e vinzr quì dis, ch'av ho ditt mè,
O cun quel donn ch'an possa ben riuscir,
I altri sran schiav, e quell la da murir.

69.

Cun sti ciechcr, a qui altr la i fi vent
Sta vecchiazza, ch pinsò d rendri un gran timor:
E ognun d lor 's cherdeva quai valent.
D'ariuscir in t'el doz cos cun unor.
E Marfisa, sebben ch'in t'al ciment
Segond l'an psseva aver che del dsunor,
S fida in t la spada, e, dov manca natura,
In st' uccasion la dis, arte procura.

70.

I volsn ch'al pilot i diess pr'arsposta,
Dop essers ben tutt cinqu insem cunsiià,
Ch'ai era li chi aztava la proposta,
All'una e all'altra giostra preparà.
Fatt al daccord, a riva al legn s'accosta.
E al pont, cunform al solit, fu abbassà.
Siechè qui cavalir mettn i pi in terra.
Cun i cavall armà per far la guerra.

71.

I passn d'in t al port in t la città.
E da per tutt i vdeven cavalcar
Donn e ragazzi, cun'è sicari armà;
I van in piazza, e ai n'era là a giustrar.
Qui ne stioip, ne pistoll, ne spada a là.
Ne nasuna altra arma i omn ponn purtar.
Su quì dis cumbattint, cmod av ho ditt,
Segond l'ordinazion di su antigh scritt.

72.

Tutt i altri, chi alla ròcca o al dvanadur,
Chi a tessar o cusr, e chi a ptnar la bavella,
A far da donna insomma is tiniu ardur
Cun al grimbàl, la scuffia e la stanella.
Di altr per so incumbenza han da cundur
Figur e vacch a pasqual, e la purzella:
Di altr stan incadnà pr altr servizzi,
Segond l'umor d quel femm o 'l caprizzi.

73.

Marfisa e qui altri tironn la buschetta,
Per veder chi l'impegn ava d'aver
D dar a qui dis in piazza l'ultima stretta,
E po in t'al lett cun el dis donn valer.
Però Marfisa i dissen ch la n si metta,
Perchè in t'agn mod la n'è capàz da psser.
S l'arputass anch dla prima giostra unor.
In t l'ultima aver la sort in so favor.

74.

Mo a tutt i patt la vols la so anca li.
E iust a li i tuccò la ben'andada.
Allor la dis: N' ev dubità, fradi,
Perchè st' impresa mi la stèm un vada.
N'apparzaroià mi più prest i pi,
Innanz ch vu arstadi schiav? n'hoia sta spada y
Cun questa av dsbruiarà da tutt i intrigh,
Cmod fì Alissandr al gropp gurdian antigh.

75.

Nessun furastir s'ha più da lamintar
D sti donn, av al mantign, fin ch' al mond dura;
La diss aquai, e i campagn 'n la pessinn d'vutar
Ch l'an s'antiss a pruvà sta so vintura.
L'èr d o vinz, biagnò lassarla far;
L'ha li la libertà so d lor in cura:
E za d tutt punt armà l'arriva in piazza,
lu dov è al solit ch la gran giostra s fazza.

76.

In t la città ai è un lugh fatt a teatr
Dov s feva tutt el giostr e 'l battai,
Cmod era d Roma i gran anfitiatr;
Là as zugava al ballon, al bocch, e al mai.
D'bronz l'aveva del port infuina a quattr
Pr'el qual s'intrava dentr da quel srài;
Qui 'l donn s'ardusinn tutti, es finn in st mentr
Dir a Marfisa ch'anca li andass dentr.

77.

Marfisa armà arrivò in t'un cavall liard
Ch'al pareva ammacchià propri d tant strell.
La testa è pzinna, i spiritos al guard,
Animos in t l'andar, in somma bell,
Pr'al mii fatt, più galant, e più gaiard
Tra mill ch'in scudari attach al castell
Avea adlitt Nurandin, d tutt ben urnà,
E a Marfisa in regal l'aveva dà.

78.

Per la porta d levant Marfisa intrò,
E, quand la s fu là dentr fermà un bris,
Tutt in t'un punt al teatr intruò
Un son d tambur e d tromb, ch devn l'avvis
Dl'arriv di su contrari. La vist po
Per la porta d puent intrar quì dis;
E quell ch'avea quì altr nov condutt,
Mustrava d valer lu quant i altr tutt.

79.

Quest addoss a un cavall era muntà,
Ch, tolt la testa, e per dedri al pè stanch,
L'era dl'inchiostr più negr ammurà,
Fora dov ai ho ditt, ch l'ha nn qualch pel bianch.
Dl'istess culor al cavalir urnà
S mustrava, e s vleva dir, ne più ne manch
Quant più del bianch, al negr era altrtant,
Poch'era in lu l'algrì, purassà 'l piant.

80.

Quand al fu dà del battaiar al segn,
Sol nov di dis missn la lanza in resta,
Ch'al so cap al vantazz avend a sdegn,
S'in sti da un là, ne intrar vols in t la festa.
Piuttost al vol far contra 'l lezz del regn,
Che una cosa, ch' i par ben poch onesta.
Al vol in prima star a vedr el prov
Ch farà una lanza sola contra a nov.

81.

Marfisa, gonfia del so gran valor,
Attenta steva al segn del giustrament.
Quand la l'udi, la s moss cun gran furor,
E s'arbassò la lanza in t'un mument.
Mo cosa dighia, lanza? a fazz error:
Un'albr da nav la par propriament;
E alla gran furia con la qual la s moss,
Una gran part d quel donn s la finn adoss.

82.

Al pett, al prim ch la cols, la spalancò
Cmod sre s'an fu stà armà, mo al fuss stà nud;
La curazza, e gli altr arm la passò
Dop aver sbragà prima un ben gross scud;
In tla schina la lanza trapassò
Più d'un brazz, tant al colp full fort e crud;
Quell per terra insfilzà in t la lanza lassa,
E adoss ai altr a tutta breia passa.

83.

La di un urton a quell ch'era second.
E un colp al terz quì grand e quì putent
Ch l'al fi andar a cunbattr a qu'al mond.
Cascand zo da cavall incuntinent.
La s batt cun tanta forza, ch'al perfond
Par ch'as ava da avrir in colp mument.
S'avi mai vist l'effett ch fa una bumbarda,
Quì avers qula squadra Marfisa gaiarda.

84.

Del lanz, per sett o ott d cert e d sicur
Funn rotti addoss a li; mo iust la s moss
In t l'istessa manira ch s mov un mur
Quand nn ballon i dà del sou percoss.
Al scnd e l'armadura ern quì dur
Da n' s'arrendr, per quant si mnass addoss;
E pr'incant timprà dentr in t l'acqua gli ern
E in t'al fugh del fusin la zo dl'infern

85.

D co del camp la s fermò; la s vultò indri.
La guardò intern, e po 'l cavall spinzi
Contra quì altr, e s' i arduss a mala vi,
E la spada in t'al sangu d lor la tinzi.
A chi la testa o 'l brazz la taia vi
E cun la spada un'altr la zinzi
In manira, ch l'arstò mezz a cavall,
In terra 'l pett andand, la testa e 'l spall.

86.

S'avi mai vist un qualch vod attaccò
Dinanz a una Madonna star pendent,
Ch' ai sippa mezz al bust sol figurà,
O dpint, o d cira, o vera sia d'arzent.
Ch per sola divuzion sia stà purtà,
O ver pr'una qualch grazia dalla zent,
Fà pur i vustr cunt ch al fuss aquai
Dal man d Marfisa quel dsgrazià parti.

87.

La cors anch lesta dri a un altr, ch scappava,
E in mezz 'd piazza iust la l'arrivò;
E l'al spaccò quasi ben sta donna brava
Che nessun cerusich mai più l'artaccò.
Tutt i altr in ultim, s'un o du i n'arstava,
S malament la n'i fri, la i ammazzò.
D sicur d'in terra in s livonn sul più brisa,
Ne contra a nessun s pran mettr arma o divisa.

88.

Quel cavalir, ch'in piazza i nov cunduss,
In fiun'allora al s n'era sta da un là,
Perchè ai pareva a lu ch mal fatt al fuss
Andar contra d'un sol tanta brigà.
Mo quand ai vist buscar quasi matt tambuss,
E ch'i ern armas per piazza trucidà,
Per far cgnusser ch'an s moss sul per curtsi,
Non per timor, per battra s mitt in vi.

89.

Innanz 'd vgnir ai fatt, cun man al zgnò
Ch'al vleva prima far un parlament
Al so nemigh, ch donna al n'arè cherdò
Mai d attruvar, mo un cavalir valent.
E cun bella manira aqusi al eminzò:
Forsi a sri straceh per tant ammazzament:
S' av vless straccar anch d più d quell ch'a sri adess,
A cgnuss ch dalla creanza an sre cuncess.

90.

Ch'av arpuassadi in fin all'alba nova
Av al cunzed, e turnar po all'attachei,
Perchè an vol al mi unor ch'adess am prova
Cun vu, ch sri stuff, e d forza vud e fiacch.
Al travaia la 'n m'è una cosa nova
Ne gnanch per quasi poca fadiga am straceh,
Araos Marfisa, es ho pinsir ch'a vdri
Cun vostr dann ch'an dign nna busi.

91.

Per la vostra curtsi mi av arringrazi,
Mo d'arpuassar an'm par ch'am bisogna,
E innanz ch vada zo l' Sol ai è tant spazi,
Ch'al star uzios par-rè una gran vergogna.
Qu'al'altr arpos: l'ussia pur quasi pin e sazi
D quell ch a desidri più, ch an fazz la roгна,
Cmod av poss saziar vu: mo guardà pur
Ch'al n'arriva per vu, innanz sira, bur.

92.

Aqusi lu diss; e, cun un att bizzarr,
Dou lanz, anzi du trav, al fi purtar,
E s vols ch Marfisa, ch feva tant da sgarr,
Una in tulise, e qu'altra lu adruvar.
I s'artironn tutt du dai cò del sbarr,
Cun impazinzia aspttand d'ndir sunar
Al segn del tromb, e s dan ai fatta mossa
A quell, ch'al par ch la terra tutta s scossa.

93.

Arfiadar, sbattr i uceh, avrir la bocca,
An s vist, tra tanta zent ferma a guardar.
Tant stavni in atenzion d vedr a chi tocca
La vittoria, e chi d sotto ava da arstar.
Marfisa al so pinsir è ch dlugh trabocca
Al so nmigh, e ch an s possa più arlivar.
La i drizza l' colp al pett, e al so cuntrari
Anch a li l'ultima stretta cerca d dari.

94.

En parsn d faza l' lanz, o d cerr ben dur,
Mo anzi d debi canvazz propriament.
Al colp termend li fi in tant stequil ardur,
Ch saltonn da tutt i là adoss alla zent.
Insem cuzzò i cavall cun tant pladur,
Ch' in terra i casconn murt in quel mument.
Cmod as po credr, anch i ginstrant casconn.
Mo dla sella e del staff prest is sbrignon.

95.

Marfisa ch la sella aveva ai su di
A più d'mill cavalir fatta vudar
Al prim incontr, e li mai n'era uscì,
La i pars dura a li in terra tgnir cascar.
L'arstò d sta nvitai molt sbigutti,
E in quel mument la 'n sav cosa s pinsar.
Anch qu'altr armas d strazz, e ai vign su i chiù.
Perch st cas an i è success altr che ancù.

96.

Prest i saltonn in pi tubcand al pian,
E adoss is principionn subit a mnar
D pnta e d tai, cun furor propri da can,
E a schivar i culp spiss i han un gran ch far.
Vada la botta vuda o d pina man,
As sent d'intorn l'aria stuffilar.
Agli arm, av so dir mi, i i carn la ruza,
Mo en s forn, essend più duri d'un'ancuza.

97.

S'al brazz d Marfisa pessa purassà,
An monda nespl quell del cavalir;
Pan pr i su dint ba ugnnn d lor attruvà;
Dall'un all'altr an cred ch'ai sippa ch dir.
Du brav mustazz quant quisti as sre imbruia
Di cunpagn attruvarn in sti quartir;
Per destrezza, per forza e per virtù,
D sicar a cred ch'an s possa andar più in su.

98.

Quel donn, dop essr sta un pezz a guardar
Qui du durar un contra all'altr tant,
Ne vdendi nessun dar segn d vlers affermar,
Gnanch mustar d'essr straceh, i i devn al vant
Di du miur cavalir, ch s pussiun trovar
A chi girass dal Pnnent al Levant.
Ai par a lor, si fussen anch più che furt.
Ch'i aren per la fadiga da essr murt.

99.

Tra d li Marfisa andava barbutland:
Zil, at ringrazi ch'an s' muvissa qustù;
Dla mi vita d' sicur a andava in band,
S' alla prima cun qui altr a gli era lù;
A dur fadiga a stari contra quand
L'è sol, cosa 'm suzzadrè s' i fussen in più?
La dseva agusi, mo in tant la steva arcolta,
Badand a far girar la spada in volta.

100.

Qul'altr dseva anca lu: Mo bon per mè
Alla fetta! ch'an s' è qustù qui arpnesà;
S' a dur fadiga adess a dfendrn, ch' l'è
Per la prima battaia mezz sfidà;
S' l'azztava d'arpussars in finna a dè,
Dla mi persona cosa sre mai stà?
Ai av fortuna, quant s' in possa aver,
Ch'an s' vliss d' l'offerta pervaler.

101.

Fin alla negra sira i battinn dur
Senza cgnussr tra d' lor ch' i fuss ch' vinziàs:
S' al mond era dvintà quasi brun e scnr
Ch' ne l' un ne l' altr vdeva quell ch' al s' fias.
Quand vist quel cavalir un quasi gran bur,
Tutt cartes al s' vultò a Marfisa, e ai diass:
Adess mo, d' grazia, cosa venia far,
S' la nòtt, in t' al più bell, z' è vgnù a daturbar?

102.

Tutt al servizi ch' av poss far al srà
Anch sta nòtt ch' a vivadi per favor;
Perchè d' sicura da sta nòtt in là
Am pens ch' an udiri più sunar or.
S' a muriri quasi prest, ch' an stiasi za
A darin a me la colpa, al mi car signor!
Alla lezz del paes biogna darla
E a sti donn malandrin, ch' fan usservarla.

103.

S' infin all' anima d' vu e di vustr amigh
M' in sava mal, al zil al sà mo lù.
Intant da mi a star allozz av prigh
Sta nòtt, cun i cumpagn ch' avì cun vù.
In altr lugh an sri sicur, sn migh,
Pr' aver nunanta donn tutt contra d' vù,
Perchè qui nov ch' avì ammazà ancà qui
Ciaschedun a dis donn era mari.

104.

Del dann che gli han avù 'l decorrn tra d' lor,
E a pesi credr ch' cun vu 'l s' vran vindicar;
As sa del donn quant è grand al furor,
E massm po tneccà in st particular.
Marfisa arspoe: Vlutira, al mi car signor,
Cun i cumpagn da vu a vgnarò alluzzar,
Cun speranza ch' a siadi tant cumpi,
Quant valuros a si sta contra d' mi.

105.

Ch' av ava po dla mi mort da despiaser,
Cmod am vli far cun un bel mod intendr,
Anca vu ai prissi armagnr, e an s' po saver:
E fin adess an avì pan da vendr.
In vostr arbitri è d' lassar star, o vler
Tirar innanz a arcuir el bott, o arrendr;
Mi a son sempr ammanvè, e s' n' m' tir indri,
E quand e cmod e dov e quant a vli.

106.

Agusi daccord, i partinn la question
Finna ch' al Sol a far lum fuss turnà,
Senza però paser dir in conclusion,
Qual di du fuss più degn d' esser ludà.
Quel signor andò da Aquilant e Griffon,
Dal duca ingles e dall' altra brigà,
Tutt invidandi, cun bella manira,
Andar a star allozz da lu la sira.

107.

I atzonn l' invid senza fars tant pregar
(Oh bella usanza, oh vera civiltà!):
Cun torz arrivò i schiav, ch' i possien andar
In dov i appartamint eru ammanvè.
Quand l' elu al s' fu cavà, tutt maraviar
Fi i furastir quel signor ben purassè,
Perch, per quel tant ch' in fazza lu 'l mustrava,
Deicura d' poch i dadott ann al passava.

108.

Marfisa s' maraveia da per li
Dla forza ch' l' ha in principi d' zuventù;
Quel zovn armagn d' stuppin, ch' ai bi cavi.
Cun una donna al cgnuss ch' l' ha cumbattà.
L' un l' altr s' dmandn al num cun gran cariai,
E suddisfatt prest alla dmanda fu.
Dmattina vgni, e al so nom av dirò:
E intant a vad a lett, ch' gran sonn ai hò.

FIN DEL CANT DENOV.



CANT VÌNT

ARGUMENT

*Guidon e i altr uscissn d'in quel lugh;
Cun al so corn Astolf tutt fu scappur;
A tutta la città l'attacca fugh,
E al mond cun l'Ipugriff al va a girar.
Gabriua in Franzu è causa d'un po d'zugh
A Marfisa, e Zerbìn fa sospirar;
Quella in cunsegna i dà la vecchia grima,
Ch'a dari nova d'Isabella è prima.*

1.

S'el donn vliissn abbadar al cor ben fatt,
Lassand da banda tutt el grillari,
Cmod sre i amur, gli usanz, e anch cert att,
Ch li fan tutt cgnussr pini d viziari,
El s faren un unor tal e quasi fatt,
Ch nssun arè occasiun d eridari dri.
Saff e Curinna funn dou puetessi;
Camilla e Semiramid sudadessi;

2.

D'Orleans la pizella, la Zannina,
D'in Franza la 'n fi i Inglis tutt quant marchiar?
A Bologna, Bittisia Guzzadina
N'insguavla lezz a del miara d seclar?
La Bassa Lavra Mari Cattarina
Ai nustr di an la vistin addutturar,
Sustintar cunclusiun d Filasufi,
E an l'ho ndi rasunar d'Anatumi?

3.

Di omn s lamenta 'l donn, ch'i in diu mal:
Mo che gli àren pr al dritt, ch'el fazzn a mod,
Ch'el batten i sintir ch calconn sti tal,
Ch'en s perdu in badanaì ch'en valn un chiod.
Se quelli numinà funn inmuttal,
E gli en perchè 'l n'en stà a bevr del brod
D'oca, mo cun la spada e cun l'inzegn
Pueta e istorich 'gli han miss in impegn.

4.

Mo per turnar a Marfisa, a dirò
Ch, tutta zintil a chi l'avea invidià,
La diss ch vluutira la i dirò 'l nom sò,
Purch' ai fuss anch da lu 'l so nom dschiarà.
Lì fu la prima, e in t'un tratt la s sbrigò,
Tunt aveva una gran curiosità
D'acgnussr lu; la i diss sol sta parola:
A son Marfisa; e al fu finì la fola.

5.

Qul'altr cun più parol, quand toccò a lù
A dir chi l'era, al fi st chiaccerament:
Signori, mi a cred d sicura ch'ognun d vù
Acgnussrà la mi razza, e la mi zent;
Za ch questa è tant stimà, tant acgnessù
Per Franza, Spagna, Levant e Punent:
Sind la fameia nobil d Chiaramont,
D'ond uscì 'l cavalir ch'ammazzò Almont.

6.

E quell ch mandò Chiarell e al re Mambrin
A qul'altr mond, e i rign miss in destruziun.
Ora in t'al mi paes, vsti da pelgrin,
Capitò per fortuna al duca Amon.
Mi stagh dov al Danubi va in t l'Eusin.
E a son nal anca mi da st umaron.
E nn ann l'è, s'quas, ch'abbandonò mi madr
Pr'andar in Frauza, e pr'attruvar mi padr.

7.

Ch'a capitass quasi quì 'l fu pr'un arradgh.
Ch'al vent e la tempesta mi spinzi.
L'è dis mis ch'a sou quì a piar al rumadgh
E a not finna i mumint, pinsa po i di.
A son chiamà per nom Guidon Salvadgh;
Fin'ora numinar an m'avi ndi.
Arzlon da Melibè quì a mandò in terra
E i altr cavalir a vinzi in guerra.

8.

Cun el dis donn la nott anch a rivesci.
E questi per mnier tutt dis agli hò,
E degli altr el più bell ch parsn a mi,
Perchè tra tutt al mazz a li dsfiorò.
Questi e gli altr stan tutti sotto d mi,
E per l'avgnir al gvern mi a in tgnarò
Sin ch vgnarà un altr ch sia più brav e fort.
Ch'a mi e ai altr nov daga la mort.

9.

Marfisa e i cavalir dmandn a Guidon
Cmod ai è quasi puch omn in qula città:
Se 'l femn dan ai omn sudizion,
O s' i omn emandn, cmod s'è sempr usà?
Più d'una volta, allora arspos Guidon,
Al fatt, dop ch'a son quì, m'è stà cuntà:
S'avvisi a car d saveri, av al dirò,
E in t'al mod ch'a l'ho udi av al cuntarò.

10.

Sin da quì di che i grech turnonn a cà
Dop aver assedià Troia dis ann.
E altrant essr andà smarri in za e in là
Trabattà dal timpest e dai malann.
Quand al sou cà po i arrivonn as cà
Ch'i truovonn el mnier, ch contra i affann
Dla lontananza di su car consort,
Cun di bi zuvn 'l s'ern tolt confort.

11.

Pini 'l sou cà di fiù d quisti i travonn,
E per sta cosa i finn tra d lor cunsi:
D perdunar al muier i s'accudonn
Per schivar tutt i guai, tutt i sgumbii.
Mo qui rugazz tutt fora d cà i dscazzonn.
E da Grecia 'l bsgnù pigar i usvi,
Cun rason digand qui, ch'in vlevn più
Ch'i fiù d'altr a sou spes fussen mantguù.

12.

Qui ch n'arpiattò 'l sou madr, avn da uscir
Dal paies; ne savend da ch là s prillar,
D lor una part s'accumpagnonn in schir;
Chi andò alla guerra, chi s miss a studiar;
Di altr in fu ch'a imparar andonn un instir;
Chi s fi cantant, e chi i piasì 'l rubar,
Chi s di alla trussia, e chi a far al facchin
Segond ch'i ern chiamà dal sou destin.

13.

Fra i altr, ch'andonn vi, ai fu un zuventiu
Fiol d Clitnestra, donna quasi arruganta,
Ch'avea dsdott ann, e ch'parea un latt e un vin.
Quant è una rosa bell fiuri in t la pianta:
Quest qui, cun altr cent d qui bastardin,
Di quattrin purtonu vi, e dla roba tanta,
Ch i pssinn del barch e di vasci cumprar,
E s principion a far l'art del cursar.

14.

I bun Candiutt avevn da qui di
Idumeneo pr'el sou purcar dcaazz:
E, spurus ch'an turnass per forza li,
Degli arm i arcuievn e di sùdda
I ingangionn anch Falant, ch s chiamava aqusi
Quel zovu, e i su cumpagn, cun sigurtà
D pagari ben, e i dinn a lor la cura
Dla città principal, dal port, del mura.

15.

Da qui di as psseva in quel paies campar,
Ch'ni era dl'abbundanza e di quattrin,
E del donn el più belli e singular
Arlivà in t'i sulazz e in t'al murbìn:
E siccom i Candiutt sulevn far
Da tutt i temp finezz ai partsanin,
I trattonn anch tant ben sta zuventù
Ch'in arèu ai su di pssù farn d più.

16.

I ern tutt zuvn, e tutt ern ben fatt,
Perchè i più bi Falant l'aveva adlett:
Quel donn armasn innamurà in t'un tratt,
E d prim sbalz 'gli pionn un gran affett,
E più quand gli avenn la prova fatt
Ch'i ern in guerra gaiard, gaiard a lett,
E 'l s sintinn aqusi cotti e amamarà,
Ch'Artemisia d cert po star arpiattà.

17.

Quand per la pas finì d guerra 'l spavent,
E al fin pr'al qual era assoldà Falant,
E al fin la pagnotta e al pagament,
Ne pr 'l ganass ai era più 'l purtant
I volsu abbandunar qu'l'appartament.
Mo quand 'l donn al savu, 'l finu un piant
Ch'el parevn tant tosi sculazzà
Cm el n'han finì la prova, ch'i è stà dà.

18.

Ugnun d lor dalla mrosa fu pregà,
In tutt i mod, armagnr li da li.
Mo, quand el vdiinn ch d'andar i ern ustina,
Gli andonn sigh, es lassonn padr e fradi,
Dop prima aver però la cà dspuà
D quattrin e d zoi, d'or e d'arzintari.
E la nott i andonn vi tant alla mutta
Ch'an s n'addi gnauch un sol dl'isola tutta.

19.

Al vent i favuri, e s' i di la man
La furtuna da psser d'arpiatt andar:
Ch'i ern del mia e mia za luntan,
Quand i parint s n'addinn d quel so scappar.
E quasi qui, dov n'li steva gnanch i can.
I fi trascorr-r una burrasca d mar.
Qui i s arpussonn e qui, quiet e scior,
Di furt gudinn al frutt e di su saur

20.

Qui per dis di qulor finn vita giuliva,
Ch'i steyn ben d magnar, d bevr e d durmir;
Mo, cmol suzzed, ch spess l'abbundanza priva.
Massm i zuvn, d star sempr in t'un pinsir,
La cumpagnì cminz a riuscir molt griva
Ai grech, es s'a'curdonn insem d partir:
Perchè an i è soma ch daga più gran dña
Quant è star cun dla zent ch'avadi a nuia.

21.

I ern avvià cun al sou ladr fadigh
A vivr libr, e sbatt ben i dint.
I egussinn ch tutt sti donn i ern un intrigh.
Ne, a mantgnirli, l'amor zuvava niint;
Is la coln, es n' 'l volsu brisa sigh,
Partandi vi tutt i or e tutt i arzint.
Dla l'uglia in riva al mar i s'arironn.
Dov la città d Tarant i fabriconn.

22.

Quel donn, a vders quasi iuquament tradi,
Massm da qui ch mai più el n l'avevn critt.
Gli arstonn aqusi cunfusi e sbigutti
Ch' 'l parevn dri al mar inst tant pal fitt.
Mo, vden ch' al pianz per di di e di di
In ultim n' i portava nessun profitt,
El pionson ch an s trattava d una prugna.
Mo un ripar mittè a una disgrazia tamugna

23.

Ugnuna al so parer eminzò a cantar.
Questa dseva: Al srà mii turnar a cà
Di nustr, e suffrir s'iz vran piechiar.
Ch'la rason i han da vendr, ognun al sà.
In sti dsert cosa vlenia star a aspttar,
Sen murir dalla fam? Mo n'al fen zà.
Un'altra disse, e, za che qui an i è puz,
Fiechenz in mar tra 'l trilli e tra i merluzz.

24.

E un'altra: Lassèn l'acqua e 'l bastonà,
E anden più tost pr'al mond alla vintura;
Padroni aqusi dila nostra libertà,
A pren trovar qualch bona sort d sicura.
Quasi parland, attruvar qualch bona strà
Per so salut ognuna d lor procura.
Quand Urantè in tl'ultim saltò sù,
Ch del re Minos provoda za la fù.

25.

Questa era la più zovna e spiritosa,
La più bella, e dsen anch la più innucent,
Ch'aveva seguità Falant com sposa,
Ne pr'altr la l'amava certament.
In fatt e in ditt mustrand questa animosa,
Per vindicar eun i omn al tradiment.
Arzù, la disse quell ch l'aveva pinsà,
E al so parer da tutti fu approvà.

26.

D'in st lugh quasi qui n'i par ben andar vi;
Grass l'acgnussì 'l paes, e l'aria sana,
Cun del funtan, di bosch, del pradari,
E post per la mazor part alla piana;
Comda la spiazza per nav e vasci
Da metters in sieur la zent pagana,
Da purtar dila pruvanda innanz e indri,
Comda pr' al trafficar la mercanz.

27.

Qui la s vols affermar, per far vendetta
Contra i omn, ch' si fort l'an minchiunà,
E ogni nav ch'a vgnir quì sippa cusetta,
Dal timpest e dal vent turabattà,
Subit a sacch e fugh e fiamma s metta,
E tutt quant i omn ch i sippn ammazà:
Quell Senat in stanella aqusi cunclus;
Quasi la lezz principio, e fu missa in us.

28.

Appenna l' vdeven l'aria cunturbà,
Ch'armà da sbirr currevn alla marina
Dall'implacabil Cruntè guida,
Ch s'era za d tutt sti donn fatta regina.
Per la burrasca 'l nav quasi qui purtò,
Dop aver tolt al bon, mettevn in arvina,
Gnanch un om lassand viv, ch pessin dop andar
Al so paes, e ai altr l'us cantar.

29.

A st mod qualch ann 'l vivinn sulitari.
Fatt d'esser nmighi ai omn surament.
Mo po egnussend, quand 'l s missa a pinsari.
Ch'i su statut sren andà prest al vent,
S dop lor an i era chi fias usservari,
S 'l vlevn ch'i durassn eternament.
Bisognava trovar un'altra vi
Per mantgnir la so lezz e la sgnuri.

30.

L'odi 'l mudonn un poch aqusi implacabil
Contra i omn alla prima cuneepti:
Cun quisti 'l s volen far qualch po' trattabil;
E tra tant, ch' in quattr ann arrivonn quì,
Sul dis 'l n'adlizinn, ch più 'l stimonn abil
Ognun d lor a dis donn d'esser mari.
Questi ern cent, dis omn ern impiegà
A tgnir dis donn suggetti, e ben gvernà.

31.

In principi 'l taionn del test assà,
Ch alla prova i riuscavn barbazagn.
In ultm, quand i dis gli avn trovà
Da lett, da guerra, i i tolsen per campagn.
Zurari 'l finn che, s'al fuss capità
Di altr omn per cas al sou campagn,
Senza pietà a nssun pregh, a nssun lament,
I i arevn ammazà immediatament.

32.

Ingrussars eminzoun, e a far di fià.
Mo po ai turnò a dar su una gran pora
Ch'al temp avgnir, quand fuss chersù sti chiù.
Forsi dal gvern 'l sren sta scazzà fora;
Ch'i omn arèn viu lor far i fatt su,
E la lezz srev andà tra 'l vent e l'ora:
Sicchè, fin ch'i ern pzin, 'l finn un band
Pr'assicurars da lor, em i fussen grand.

33.

Perchè i su fià n'i tughn la sgnuri,
Al band dis ch 'l n'alliva sol on pron;
E quì ch' i affughn o ch' i traghin vi
O barattin in evell, ch per lor sia bon.
Qui ch'en voln allivar i i fandin vi,
Cunsignaudi a di mercant, cun cundizion
Ch'in altr tant ragazzi i i baratin
O in qualch cos'altra miora, s'at l'accattin.

34.

Sià pur sieur ch'anch 'l farevn senza
D'allivar quisti, s 'l s pessin mantgnir.
E questa è la più gran pietà e clemenza
Ch po i fià dal madr in sti pais uttgnir.
Anzi as mudò qualch poch anch la sentenza
Za fatta contra i puvr furastir.
As dsmis l'usanza ch'aqusi infamament
El donn fissn quel gran ammazament.

35.

Se in t'un colp dis o quinds ai n'arrivava,
Tutt era asirà in t'una person ben stretta,
E a di per di sol un a s'in cavava,
Segond a chi tucava la buschetta,
E in t'un tempi dal donn fatt al s guidava,
Dov ai era un altar alla Vendetta:
Dop, un segond d qui omn cavà vgneva,
Ch da boia in st sagrifizi far al tgneva.

36.

Dop di ann e di aun paricch, forsi smarri,
Un bel zuvnett quì vign a capitar,
Ch'es deava dalla razza d Erqui uscì,
Ch a chiamava Elbani, in arm singular.
Quest fu chiappa, puvrin, ch squas an s n'addì,
Ch'al n'arè criss d sti tiranni d truar.
In t el furbar al fu miss anca lù,
F'in ch'el so nom in t'al bigliett vgniss sù.

37.

L'era nobil, e s feva cont dl'unor,
Bell e grazios, allivà in civiltà,
D bon garb, es era un quì brav parlador,
Ch 'l biss e i liun l'arè, e 'l tigr damesdgà.
E siccom 'l cos rar sempr han favor,
Ch st'om singular in fu prest avisà
La Sandrina, un bel tocch d zovna, ch'aveva
Uruntè parturi, ch'ancha la viveva.

38.

Uruntè sola era viva tra tant
Candiotti, ch'ern quì alla prima vgnù;
Mo nadi ai n'era dis volt altr tant,
E anch in riputazion gli ern chersù.
Pur s'usservava quant un statut sant
Un om sol a dis donn, e niunt d più;
E dis bun cavalir a spada e lanza
Avevn da mantgnir la brutta usanza.

39.

Al saltò vnià alla Sandrina d vder
Quel zovn, ch tant l'aveva udi ludar;
E tant sfèrgò la mamma, ch'al piasev
La i fi cun stent d lassariel visitar.
La 'l vist, la chiaccharò sigh, e in t'al vler
Turnar indri la s sinti al cor strappar
Fora del pett, e s cgnuss in conclusion
Ch l'era cotta per quell ch'era in person.

40.

Elbani parlò, es diss: S'in sta città
Avissn el donn un qualch po d compassion.
Cmod in t'i altr pais ai ho pruvà,
Ch 'l n han, em è quì, un cor dur cmod è un giaron,
Av pregarè, per la vostra buntà,
E per la blezza, la qual n'ha parangon,
A dunarm la vita, e stà ricura,
Ch'a la mtrò per vu sempr alla vintura.

41.

Mo za ch 'l donn, contra 'l so natural,
In sti pais al cor n'han briasa d carn,
An ev darò per quest un memorial,
Siaud ben sicur ch'av al darev indarn;
Mo sol av pregh, s'al mi pregar pur val,
D murir armà contra qualch un da farn
D fort la prova, e 'n murir cmod fa i agni
Scannà per la so pasqua dai zudi.

42.

La principessa, za d'amor cummosa,
A sta manira arspos: An v posa negar
Ch pur tropp del mi paes la zent 'n s possa,
Massm el donn, senza pietà chiamar;
Mo la m par anch una busi ben grossa
A 'n vlerà nssuna nssuna eccezzuar.
E quand pur anch 'l fussen tutt aqsi,
Tra tutti a vui ch'am i cavadi mi.

43.

E quand anca mi a fuss stà pr'al passà
Cmod è gli altr crudel, prterva e indegna.
Per dirv al ver, an ho mai attruvà,
A mi parer, persona d'amor degna:
Mo a sre ben piz d'una bisca attusgà,
E al cor arè più dur d'una masegna,
S'an 'm dmudass adess, ch'ai ho cgnussù
Al merit vostr, es ho parlà cun vù.

44.

Aqsi dura 'n fnsa za la lezz prescritta
Pr'i furastir quì quì in t la terra nostra,
Cmod a sre pronta mi, cun la mi vitta
E al mi sangu, a tintar la salut vostra.
Mo quì an i è cas da psser schivar sta dedita:
E sebben ch'al dmandar d murir in giostra,
Cmod a fa vu, la n'è cosa tant granda,
An 'v so dir s'av srà accurdà la dmanda.

45.

Mo pur a cercarò d far quell ch'a poss
Per cuntintar la vostra vultutà.
Mo am siat un gran timor corr-r pr gli oss.
Ch'an siadi per stintar, s più a l'aslungà.
Elbani arspos: Quand si ho gli arm adoss.
S'affazza contra d mi par dis armà,
Ch'a sper sicura tant e tant d salvarm,
E vinzi lor, s'i fussen anch tutt d marm.

46.

La Sandrina a sta cosa di pr arsposta
Un strenzrs in t 'l spall e suspirar;
La pruvò in t l'andar vi una gran battosta,
La s' sinti 'l cor d'in t 'l radis cavar.
Da so madr la cors, la i cuntò d posta
Tutt quell ch lu diss, es la sav tant sdundlar.
Ch la i fi vgnir vnià d' n'al lassar murir,
Quand l'aviss quell ch'al deava pssè mantgnir.

47.

La vecchia fi chiamar subit cunsii,
Es diss a sta manira: A nu z stà ben
Sempr tra i omi ter quell, ch possa mii
La città dfendr, e tutt 'l cos ch' avèn.
Adess, per far pulid, senza sgumbii,
Per l' avgnir una strà miora a tgnaren;
Perchè d sicura 'l srev error massizz
Tgnirz i pultrun, e i miur mandar in squizz.

48.

A mi am par-rè ben fatt al stabilir,
Da qui innanz, chi qui vgnarà a dar d cozz,
O per fortuna, o pr' altr so pineir,
Innauz d fari taiar al garganozz,
S' al vol, ch' al possa contra a dis uscir,
E mustrar s' l' è valent o s' l' è un bambozz.
E, quand l' arresta d' i altr vinzitor,
Lu sippa nostra guida e gvernator.

49.

A digh aqnsi, perchè avèn un person,
Ch s' è vantà d' essr bon d vinzr qui dis:
Mi a digh ch', quand a sta prova al sippa bon,
Al bisogna, alla fèi far cmod al dis.
Mo s' an riusciss, cuspett d dina baccon,
Taicini par seuzza pietà 'l baiis.
Uruntè a sta manira 'l dacos fini,
E del più auziun una i aspos aqusi:

50.

La causa principal, ch fi farz al dsegu
D tor un qualch om in nostra cumpagni
L' an fu za perchè a dfendr al nostr regn
Avissu d lor bisogn, patrona mi;
Ch' aven tanta virtù, cun tant inzegn
Da farl anch senza d lor, magari di.
Aqusi pssissnia pur, senza i su schirz,
Multiplicar, e senz d lor mantgnirz.

51.

Mo za ch sta cosa da per nu an pssen far,
A sen dla vita stà a qualch' un curtesi,
Mo non a un branch quasi grand, da dubitar
D psser essr da lor sottmessi e uffesi.
Ai avèn tolt tra d nu sol pr' ingravdar,
E non perchè da lor a siann dfesi.
Sol pr' al nostr bisogn ch' i sippn bun.
Pr' al rest an serv s' i en trist e minchiun.

52.

Aver un om tra d nu, ch sippa d qula taia
L' è contra ai nnstr dsign, quest en fa bon;
S' un sol è bon per vinzr qula canaia,
Mo quant donn en faral star a patron?
I nnstr dis, s' i fussen tutt d qula scaia,
Al prim di in z' arèn miss in sudizion?
Al mod d emandar n' è quest, dsenla tra d uè,
A mettr gli arm in man a chi po più.

53.

Bisogna un' altra cosa anch appinsar:
Quand contra i dis arestass quest vinzitor,
D cent povr donn, a vedrs vedli arstar,
Chi prà 'l lament soffrir e 'l gran armor?
Ch' al fazza di altr putt, s' al vol canpar,
Patt, ch cunserven al nostr antigh vigor.
S' ai basta l' ann a in d far contra a cent
Quel ch cun dis al farè, s' ch' an cuntent.

54.

Questi d' Artemia funn gli ultui parol;
Quasi aveva num sta vecchia malandrina,
Che, s' l' affar fuss sta in li, l' arè d quel fiol.
Cmod i avevn d tant altr, fatt tunnina.
Mo Uruntè, ch cumpiaser so fiola vol,
Chiacchera tant, tant batt la serpentina
Cun del belli rason, detti in t' al sol.
Ch' al gran Cunsèi la fa far a so mod.

55.

L' essr Elbani in t' al fior dla zuventù,
E per la blezza stand ai altr in zima,
Fi ch' el zovni pregass tutt per lù
Contra del baccarai d qula vecchia grima.
Anzi ch' un' altra cosa ai ho stiùt,
Ciòè, ch s' al zovna fuss tuccà alla prima,
Senza tant cunziliabl o tant parol
Gli arevn dà la libertà a quel fiol.

56.

In somma, d perdnari al fu conelus,
Dop aver però i dis prima ammazzà:
E d dis donn, com mari, al pssiss far us,
E non za d cent, cmod quli avea cunsia.
Qul' altr di gli al cavonn fora dal bus,
E, quand arm e cavall lor i avevn dà,
L' andò in piazza a pruvars contra di dis.
Mandandi l' un dri all' altr in terra detis.

57.

Alla segunda prova anch al fu miss
Cun nov zuvnetù e la bella Sandrina;
E anch in questa ai rinsci, ch' ognuna al diss
Cm' el funn esamina dalla rigina,
La qual i chiappò a vler un ben quai fiss,
Ch la 'l tols in cà senza pagar duzzina:
La vols per sposa appunzari la fiola,
Cun quel nov, ch' eru sta sigh alla banzola.

58.

Quand la fu per murir, za vecchia aneroia,
Tutt du la i lassò eredi in t' al testament.
Mo cun al patt devis ch sta lezz del boia
I duviss mantgnir perpetuament,
E custudirla cmod s' farè una zoia,
O una gran perla vgnù fin d' in Urient:
O, cmod s' farè ai castrun, lassars scaunar.
O contra i dis armà in t' la piazza andar.

59.

Chi in t la prima arriusciss, in t la seconda
 Bagna d necessità ch'al s mitta in prova,
 E s'in questa anch la fortuna i arsponda,
 In tal maniera, ch vittorios al s trova,
 Ch'a tutt quel d nu al serva d'arzn e d sponda.
 Quelli, pr'l dis ch'i parn a lu, al s'attrova:
 E quasi ch'al sipa la patron del zugh
 Fin ch'al capita un altr a tori al lugh.

60.

L'è dou mill'ann, ch'è in pi sta barunata
 E ch'es mantin st' usanza maledetta.
 A poss anch dir ch'an passa squas giurnata
 Ch'an s fazzia sagrifizi alla vendetta.
 A s'in dà d qui ch vonn far la so scappata,
 E pruvars, mo per dirla stietta e netta,
 S eun i dis oim la prima i cumpissn,
 Cun el donn bso ch'anch qu'altra i la finissn.

61.

Pur pur qualch d'un la vinz, mo i in quasi ch'iar,
 Ch'a si pre far al cont anch d co del dida.
 Un tra quisti in Arzlou, mo an poss emandar
 'iran fatt, ne aver sovra del donn la guida;
 Ch' mi, spint in st lugh da una tempesta d mar,
 Al pass d Caront al fi andar in t la sfida.
 Allora fussia mort pur anca nù,
 Che vivr in sta vergogna, ch'è aqusi quì!

62.

Ch'i gust d'amor, e al star alligrament,
 Ch'ai zuvn sòn piuser quasi purass,
 Al magnar ben, l'andar vsti nobilment,
 E l'aver libr al cuand 'd sta città,
 Au cred ch'i possan far vivr cuntent
 Un oim, ch sia senza la so libertà,
 Ne psser aver speranza d scappar vi:
 A m' m par d'esser schiav piz ch' n'è in Turchi.

63.

A vedrm cunsumar al più bel fior, l'ann
 Dia zuventù in sta vitta, da paltron, b
 A pesi cunsiderar s'am vùn l'amor, a
 E s'atrov in nessun mod, soddisfazion, a
 De pur tutt qui d cà mi s' fan gran unoz
 E mi, puvrett, a rest qui, in bel minchion.
 Quand a pssiss esser cun i mi, tradia, a
 Forsi in t l'unor an arstarev indria, a

64.

Ch tort en fazzia l destin an par d sieur
 Averm cunfinà qui in sta cagnara,
 Cmod s'ardus una carta al cagador,
 Cun tutt ch la sia custà alla prima cara;
 Mo qui n zova i lamint o al far pladur:
 La pillola bso tor, sebben ch l'è amara;
 E, za ch' en pol la mort sol liberar,
 Cherdim, ch'ai ho una grau vuia d cherpar.

65.

Qui al so chiaccarament Guidon furni,
 Dalla rabbia biastmand l'ora e l'mument
 Ch' in piazza i dis cavalir al vinzi,
 E quand cun el dis donn tant full valent.
 Astolf al sti a ascultar, e s en zitti
 Iufin ch al n'av ognussù perfettamente,
 A più d'un segn, ch'al cavalir Guidon,
 Verament era fiol d so barba Amon.

66.

Allora al diss: Mi son al duca ingles
 Astolf, vostr cusin, e s l'abbrazzò,
 E, cun trattar civil e mod curtes,
 Pianzend d algrezza, in front al le basò.
 Un segn più ch'iar al coll, e più pales
 Vostra madr n'v pssess mettr no,
 Perché a fussi ognussù dlla razza nostra,
 Quant al valor, ch'avi mustrà in t la giostra.

67.

Guidon in altr lugh l'arèv demustrà
 L'r attruvar st nov parent d'aver a car.
 Ai fi accuglienza, mo l'arstò dsturbi
 Perché in quel lugh an l'arè vlu trovar.
 S'al campu lu, s po dir ch' Astolf è andà,
 E d qu'altr di più in lunga la n po andar;
 Ne Astolf po vivr, senza lu murir,
 Sicchè l' ben dl'un, mal dl'altr v a rinscir.

68.

E d qui altr cavalir anch al s'accora,
 Ch'i arrestn schiav per semp, a vinzr lù:
 E quand, per disgrazia, in t'al contrast al mora.
 An po salvarli dalla schiavitù.
 Chè s Marfisa la porta netta fora
 Dalla giostra, ai è po da far al più:
 E perché l'è impossibil ch la riuscissa,
 Lor pur sran schiav e li alla mort srà missa.

69.

Dall'altra part, l'età fresca d Guidon,
 La blezza, la virtù, al so bel trattar,
 Mossn Marfisa a tanta compassion,
 Cun i cumpagn, ch'i faun squas per schiuppar.
 Massn piusand ch la mort sol d quel baron
 l'nteva in libertà, in n'avevn ch far.
 Marfisa, quand l'an possa far a mane
 D'ammazzar, la vol murir al fianc.

70.

La i diss a sta mania: Vgnin cun nù,
 Ch'a un mod o a un alter a s'escavaren ben d qui.
 L'arpos Guidon: N'al cherdissi, cara vù,
 Ch' anzi an vui battir in regola tra vu e mi.
 Li turnò a dir: Mi an ho mai pora avù,
 È el cos ch'ai ho eminzà a gli ho anch furi.
 Mi n trov più strigativa e vera strà
 D quella ch'am fazz cun la spada dsfidria.

71.

Tant brav e valuros av ho trovà,
Ch'in vostra cumpagni tutt a vui far;
E quand in piazza dianu sren turnà,
E ch' l' z staran quel donn tutti a guardar,
A vui ch' agli amazzann zò alla disprà,
Ch' el staghn fermi, o ch' el cerchn d scappar;
Al luv, ai sparavir, ai can d sti lugh
I corp a lassaren, la città al fugh.

72.

Guidon al replicò: D tgnirv dri pront
Mi da per tutt a sro dov v par e pias.
Mo d' nscir viva? oibò, n' i fissi al cont.
Perchè mi av assicur ch' an i srà cas.
Più d dis milla, del volt, in piazza a in cont
D sti femnazzi del bretta, e po ai n' è armas
Degli altr a cà: ai è po quelli ch' han cura
Dal port e dla città, e del torr del mura.

73.

S' el fussen anch più dla zent, ch' aveva sigh
Al re Sers, diss Marfisa, mi 'n n' ho ch far.
S' el fussen anch più di diavel nustr nmigh,
A son bona in t' un d' tutti d svultar.
Basta ch' an sià cun lor, s' an si gnanch migh.
Mo Guidon disse: Lassavla pur passar,
Che d sbignarsla d qui dent d cert an sò
Altra strà, su iust questa ch' av dirò.

74.

Al bisogna, a chi ha vuia d liberars
Da st zampegul qui, veder d attruvar
Una donna tra gli altr da fidars,
Ch' altr che lor s ponn accustar al mar,
Una del mi, ch s po dir, seopr m' ha pars
Ch l' am vuia ben, a vui vedr d tirar
Dalla mi, ch' altr volt a l' ho pruvà,
E segreta e fedel a l' ho trovà.

75.

Una gran vuia s sent questa anca li
D andar lugh, e trovar miora vintura,
Sperand aqusi, senza altra cumpagni
D quegli altr nov, cun mi vivr sicura:
Questa per mi riguard la metrà alla vi
Un qualche vascell, fin anch ch' è l' aria brna:
E i vustr marinar l' attruvaran
Pront a far vela, quand i i andaràn.

76.

E vu altr tutt, eminzand dai cavalir,
Po mercant e galiutt e marinar,
Ch sta vira av si lassà da mi servir,
Ben uni inseem m' avi da seguitar.
S' contra d nu una qualch d' una a vdran uscir,
El man farà d bisogn allora d mnar.
A sta manira a sper ch' a scapparen,
E cun l' aiut del spad az salvaren.

77.

Fa pur vu cmod a vli, Marfisa i dias:
In quant a mi, d' cavarin si ho speranza,
Che l' anm am bstarà d farn un subiss,
In manira ch d quel zaquli an in avanza.
Ch' a son scappà an vre mai sintir ch' as dises,
E ch pora avè d' en pesser salvar la panza.
A vui andar vi d qui senza timor,
Ch' in altr mod a me 'm par-rè un dsunor.

78.

A pens ch s' a fuss per una donna accognsù,
Dal donu qui del paies a sre stimà,
E viontira da lor a sre trattgnù,
E la prima em vren forsi dla città.
Mo, za che insem a sti altr qui a son vgnù,
An vui mi sola esser privilegià.
Al sre vergogna s da per mi am salvass,
E i cumpagn in t' el pist dop a lassass.

79.

Cun degli altr rason, ch la i asuntò,
La i fi capir che, s' an fuss sta per lor,
La baruffa l' arè attaccà za mò,
E, s la n' al fava, l' era per so amor.
Cun sta cosa, la cura la lassò
Tutta a Guidon d pruver senza armor,
Cun tutta diligenza e cun premura,
Pr' andar vi d li la fozza più sicura.

80.

Cun Aleria la nott parlò Guidon
(La so più cara donna aqusi s chiamava);
E li aztò viontira l' occasion,
Perch' iust appunt l' era quell ch la bramava.
La fi d' un bon navsell preparazion
E s' al pruvdi d quell tant più ch' impurtava,
Cun al far vista d vler in t' l'alba andar
Cun el cumpagni a divertirs per mar.

81.

Prima l' aveva fatt in cà purtar
Del lanz, del spad, di scud e altr armamint,
Perch as pesiss i mercant e i marinar
Dfend, sebben ch' i ern poch bun da niint.
I durminn una part, l'altra sti a far
La sintinella, stand cun i uech attint
Per vedr in t' l'urizzont l'alba apparir,
L'alba dla lus del sol solit furir.

82.

Tant quant as principiò a arpiattar el strell
Pr en passer sufrir del sol al bell splendor,
E in t la rama eminzò a cantar l' usell
Sfugand cun la campagna aqusi l' so amor:
D quell dunalazz al cumpars un gran meedell
Per vder di du campiun qual s feva nnor;
Tutt el fnestr s' impinn, i pont, el scal,
Cmod s fa per la purzina tal e qual.

83.

Al son di corn e di tambur, del tromb,
Ch' intorn fevn la città assurdì,
Invidavn al patron, cun al so arbomb,
Ch' andass l'impresa za ceminà a finir.
Ugnun al pes degli arm prest succomb;
Guidon, Marfisa e i du fiu d'Ulivir
E Astolf e Sansunett, cun qui altr tutt,
D quell ch' i aveva da far ben prima instrutt.

84.

Pr' uscir d' in t' al palazz e andar al port
Bisugnava la piazza traversar:
An i era altr stradell, ne dritt ne stort,
Da psser sicuramente fora passar.
Guidon i diss ch' ugnun stess sald e fort,
E dall' uss fora al s miss a galuppar;
E in piazza, dov arlutta era la zent,
Campars armà cun di omni sigh più d cent.

85.

Al dseva ai su campagn ch' i fissn prest,
S fora da qu'altra porta i vlevn uscir.
Mo tutt quel donn, ch' n' avevn i uech imprest,
Vdend alla testa d tutt i cavalir,
El s n' addinn subit ch senza altr pretest
Al vleva dal paies purtar vi al mssir.
Tutti in t'un punt, za ch l'è cosa ch' importa,
Chi s' attri all' arch, e chi cois alla porta.

86.

I du fradi, Guidon e Sansunett,
L'ingles, e sovra tutt Marfisa forta,
El man druvavn più prest d' un fullett,
E s fevn al diavol per sfurzar la porta.
Mo tanta era la furia del saiett,
Ch del son person qualch d' una i arstò morta;
E i principion a temer anca lor
D n' arriuscir in t' l'impresa cun uor.

87.

Furtuna ch lor tutt ern ben armà,
Che pr' al rest ai sre sta da suspir ar.
Al cavall d Sansunett i fu ammazzà,
E quel d Marfisa ai fu anca lu pr' arstar.
Astolf, sta cosa vdeud, diss: Sangu d' un frà!
A cosa vuia po 'l corn adruvar?
Am vui pruvà, s' a poss, cun al so son
Decavar d' attorn tanta confusion.

88.

E quesi, em' al s' è aiutà in t' i cas più grand,
Al chiappa 'l corn, es s' al mett alla bocca.
La terra trema e 'l mond da tutt el band
Quand l' aria è dal sunar del corn tocca.
La zent, sorpresa da spavent ben grand,
Per scappar s' urta insem, s calca, e trabocca
Zo dal finestr e dai pont, termant e smorta,
Lassand in libertà rastell e porta.

89.

Cmod sol scappar dai sbirr i zugadur,
Quand in i aspetten, ch' i arrivn adoss,
I van, sippa mo d di, o ch' al sippa bur,
Cm' è tant losn, saltand e zed e foss,
In t' istess mod fi là quel cheriatùr,
Sfurzà dal gran spavent, ch' i han in t' 'gli oss:
Quel femn scappn tutti, e cerchn andar
In lugh, da 'n psser al corn udir sunar.

90.

El finn po tanta calca fissa e stretta,
Ch' ai n' armagn del morti o magagnà:
E quanti avevn la c missa netta
Altrant la purtonn indri insuprèa,
Oh! vut altr? ch l' arstò la piazza netta,
E 'l port arstonn averti e in libertà!
Ne merletta gli asbrava, ne calinazz,
E innanz e indri s' andava senza impazz.

91.

Al piant, i zigh e i url van al strell,
An s ved s' n' un garbni, cun gran fracass:
Tutt scappn, e sn' i è nssenn ch vada bell bell,
Ch' al son d quel corn fa astudiar i pass.
Ch' al scappa la zintaia zo a flazell,
An i è da maraviara; perchè 'l zent bass
Dla livra en sempr stà stretti parent,
Ch sol scappar anch quand sol tira un po d vent.

92.

Mo cosa s' ha d Marfisa mai da dir,
Ch' era animosa tant? cosa d Guidon?
Cosa direnna di fiù d' Ulivir,
Ch netta la purtonn vi da tant fazion?
Sansunett anca lu, ch par un currir,
E pur sempr ha mustrà un anm da lion?
Contra a un esercit quostor s sren cimità,
Mo adess quel son i fa correr da deprà.

93.

Amigh e nmigh en pssevn supportar
L' incant d quel corn, tant erl potent,
Marfisa prima d tutt al fi scappar,
E po dri i du fradi e Guidon valent.
An i par tant luntan psser arrivar
D n' aver in t' gli urecch qu' insturment.
Astolf corr pr' i stradì tutt dila città
Suppiand sempr in t' al corn cun più fià.

94.

D quel donn chi cors al mar, chi su pr' al mont,
E chi in t' i bosch più fiss s' andò a arpiantar.
Chi, senza mai vultar indri la front,
Di di scappò senza mai psers fermar.
A mui andò qualch altra zo dal pont,
E po la 'n s vist mai più vgnirs a sugar:
E a st mod arstò quasi desombra la città,
Ch' anima nada an s' i vdeva da nesun là.

95.

Marfisa, Sansunett, i du fradi
E Guidon, tutt termand, i corsu al mar.
A quisti, a pssì pinsar s'ai tgnèva d'ri
I mercant, i galiott e i marinari.
Aleri: là i aveva tra i casti
Un legn d tutt punt pruvist fatt ammanvar:
In quell, dop essers tutt in frezza uni,
All'acqua i rim, la vela al vent as di.

96.

Da per tutt, dentr e fora dla città,
Al duca era stracors cun quel pladur,
L'aveva 'l piazz, el strà, 'l cà tutt vudà
Cercand quel donn d'andar in bus sicur.
E tanti, as savi dop, e s'ern ficcà
In t'i chiavgutt, e zo pr' i cagadur:
E a in fu ch, pr' eu saver dov s'cazzunar,
Saltonn, emod fa i ranucch, in fond al mar.

97.

Astolf, fatt st'ovra, cerca i cumpagnun
Ch' al n'ha bisogn più d tgnir al corn in man.
Al sberlocchia d za e d'la, mo an trova n'sun,
Ne amigh, ne nnigh, ne donn, ne gatt, ne can.
Al guarda al mar, e s' mitt i bernardun,
E ai schiussì arrisigh, tant erni za luntan.
Sicchè 'l capies ch' ai tocca aspettar un pezz,
S' an capita d partir qualch altr mezz.

98.

Lassenl pur andar con tutt so comd,
Ch' an z'importa s' l'arresta da per lù.
Anch ch' al viazz sippa lugh, e sippa scomd,
Per di pais ch' en n' in gran fatt ognussù,
Lu s' sarà liberar da tutt i incomd,
Cmod altr volt aven vist ch' l' ha savù.
Ai su cumpagn bisogna correr d'ri,
Ch', anch iuspurì, per mar s' in scappn vi,

99.

A vela averta 'l vent lontan i spinz
Dalla città dov'è qu' usanza tecchia:
Mo quand al moviment d'aria n'arspinz
Al son d quel corn, ch fa insturnir l'urecchia,
Al mustazz d'ognun d lor d rissor s' i tinz.
E is ficarèn dal dsgust in t'una secchia;
Sicchè senza parlar tin-n i uoch bass,
Ch' i parn tant marmott o statv d sass.

100.

Innanz passa 'l pilot, al viazz attent,
E Cipr e Rodi lassa per dedri,
Cun quegli altr isuletti, ch' en più d cent,
Po da mau dritta arresta Natali.
E sempr seguitand con un bon vent,
D vista perdend la Grecia ancora li,
Sicilia 'l schiva; e po pr' al mar Tuscan
Alla terra al s' accosta, e s' en v' pian.

101.

D Luna in t'al port, per tor arpos, al v'è,
Dov l'aveva lassà la so fameia,
Dio ringraziand ch' l'ava cundutt a cà,
Senza ch' più niint i ava sgumbià l'arveia.
Per Franza ai era un legn ammanv' là,
E quel paron d'andar sigh i cunseia.
Tant ch' al distess in quela nav i muntonn.
E preest preest a Marsiglia i arrivonn.

102.

An i era Bradamant allora li,
Ch'aveva del paicis al gvern li;
S' l'a i era, an i s're sta patt ne parti,
I ern custritt andar a alloz da li.
Subit ch' i funn d' in barca a terra uscì,
Marfisa, amand al viazz da per li,
Dai quattr cavalir la s' tols licenza
E da Aleria suletta fi partenza.

103.

Tant cumbattent insem (dsend) in stan ben.
Perchè al star uni in tant al s're vergogna.
I sturni andar a branch e 'l pass a vden,
Ch' agli altr biati n' ponn gratar la rognà.
Mo gli aquil soli van, perchè 'l san ben
Ch' aver sigh di cumpagn a n' i bisogna.
I lion, el tigr, i urs van da per lor,
Ch' n' han pora brisa, e n'sun i fa scador.

104.

Mo qui altr quattr n'ern d quel pinsir,
Ch' insem avevn l'amizicia stretta.
Per mezz a un bosch, e per vari sintir,
La Marfisa s' avviò vers una vetta;
E Sansunett, cun i fiù d' Ulivir
E al bon Guidon, chiapponn la strà più netta,
E s' arrivonn a un bel castell la mira,
Dov i funn alluzà cun bona cira.

105.

Cun bona cira, a diss, mo in apparenza,
Perchè ben prest i pruvonn al contrari;
E qu' ch' i usò una quisi bona accoglienza,
Parend che mar e magna al v'iss dunari,
Alla nott ai trattò cun differenza,
Perchè quand i durmèvn al fi ligari,
Ne prima dar ai vols la libertà
S' una brutta cuslazz a n' han zurà.

106.

Mo intant dalla Marfisa a vai turnar,
E s' lassaren pr' adess sti cavalir;
Druenza, Senna, e Rodn andò a passar.
E a pè d'una montagna po a riascir.
Su d'ri a un fumett la vist vers li arrivar
Una vecchia, mo brutta quant s' po dir,
Vsti d negr, e stracca per la lunga vi.
E travaia da gran malincuni.

107.

Questa è qula vecchia, s'al vliasi saver,
Ch serveva in t la spelonca i assassin,
Quand al zil giust, per castigari a dver,
I fi capitar li Urland paladin.
Dalla pora termand li d'en n'aver
L'ultima stretta, avend sporch al pulizzin
Pr'altr cos, la scappava a testa bassa
Per n'esser aquisi arvisà dalla zent ch passa.

108.

Quand la vist a cavall armà Marfisa
Pr'un cavalir l'al tols d'alta impurtanza,
Sicchè per quest da li l'an scappò brisa
Cmod'd sfnzr i paisan l'aveva usanza.
Quest en sà ch l'ava merda la camisa,
Per quest la l'incurtrò cun dila filanza.
Al pass del fium in dov la attruvò,
La s i fi innanz, e po l'al salutò.

109.

L'as al miss po a pergar per carità
D passarla in groppa dila da qu'altra banda.
Marfisa, tutta pins d'civiltà,
I fa viuntira al servizi ch la d'manda,
La la purtò anch in là un pezz dila strà,
Per torla fora da una fanga granda;
E, quand 'l fuon all'ultm del sintir,
Incontra 'l vista vgnirs un cavalir,

110.

Ch'andava vers al fium, e in cumpagni
Una donna l'aveva e un servitor;
Ben vsti ern i patron, cun pulizi,
In abit guerni d'or, ch fan gran splendor.
L'an mustrava d'aver brisa curtsi
La signora, mo anzi d'esser un bell'umor,
Tutta superbia e argui, tutta ambizion,
Degna d'quel bon captin ch'i era a gallon.

111.

Quest era Pinnabell, quel Maganzes
Ch fi andar la Bradamant dentr in qula lusa,
Ch aveva dentr in t'al corp al fugh impres
Dal belli qualità d'sta signora signa.
Quel chiacchr, cun el qual al fi pales
Allora 'l fugh ch'internament al brusa,
Ern per questa, i su lamint e i piant,
Perchè ai l'aveva tolta al magh Atlant.

112.

Mo quand, pr'ovra e virtù dila Bradamant,
Deco del mont andò in fum al bel castell.
E qui ch là aveva arduitt al negrument
Turnonn a cà di su fradi e surell,
Qula signora, ch n'era dura cm'è nn diamant.
Turnò a far cumpagni cun Pinnabell;
Allora, cun di dnuon su e zo spaszand,
Da nn lugh a qu'altr andavn cavalcand.

113.

Li, ch'era bella e ptegula purassà,
Marfisa a vedr andarsu cun qula vecchiaia,
La 'a pasi star dura, es di in t'un ris smaccà,
E ai scappò ditt qualch brutta paruletta.
Marfisa, ch'a sti scherz en n'era avvìa,
A sintirs punzr fort da qula zuvnetta,
Tutta instizzi l'arpos a sta decurti
Ch l'era più bella la so vecchia d li;

114.

E ch la l'arè provà al so cavalir,
Cun patt d'cavari a li bust e stanella,
E po tori al cavall, s'in quel sintir
Al so brav fuss andà zo dalla sella.
Pinnabell en pasi più star a sintir,
E, per mantgnir ch la zovna era più bella,
L'imbrazza scud e lanza, e tol del camp
Pr'andari contra lest al par d'un lamp.

115.

Svelta Marfisa la so asta chiappò
E s la miss contra al Maganzes in resta,
Ch'andò d'posta per terra a panza in sù,
E pr'un'ora al s'inti insturnir la testa;
E la sguurina in ultm bisugnò
Ch la s'espuias d' bust, d' stanella e d' vesta,
E anch di altr ornament d'or e d'arzent,
Di qual se vesti la vecchia incontinent.

116.

La vols anch ch la tuliss al cavallin,
Ch la bella signora aveva li cundutta;
E po seguitò innanz pr'al so cammin,
Lassand quì du cumpagn aquisi in t la sutta.
Cun qula vesta aquisi bella, e l' suttanin
E cun quel zoi la vecchia era più brutta.
Tri di gli andoun per vari strà e sintir
Senza cosa incurtrar ch' sia degna d' dir.

117.

Vlend pr'una certa strà al quart di passar,
Gl'incuntroun un andar d'galopp e in frezza;
D saver chi sippa quest s'avviasi a car,
A dirò ch l'è Zerbin ch n'ha ugnal in blezza,
Fiol del re d' Scozia, cmò av pasi arcurdar,
Al qual è dentr d' lu pin d' amarezza
E d' rabbia, per n'aver pseu arzunzr qulà
Ch'aveva fri Medor dinanz a lù.

118.

E 'l fu inutil ch pr'al bosch al s' i mttiss dri
Ch' an pasi arrivarli, e vindicars del tort,
Tant eri quà stà lest a scappar vi
E tant sprunavl al cavall a corr-r fort.
Una nebbietta po, ch s' i livò dri
In t'al livars del sol, tols al cunfort
D' arzunzr più a Zerbin, e a sta manira
Ai scappò d' sotto, e intent ai passò l'ira.

119.

Cun tutt ch Zerbin fuisse anch fort instizzi,
An pssì trattguirs, es di in t' un gran schiamazz
D ridr, a vedr qula vecchia aqusi ben vsti,
E po quasi arghgna e grinza in t' al mustazz.
E, vultands vers Marfisa, al diss aqusi:
Signor cavalir, vu a si un gran furbazz
A cundur voseh una quasi fatta amiga,
Ch' a pssì star cert d' n accattar mai briga.

120.

Sta vecchia, ch pr' ott buse cros cert la gli aveva,
Anch per quell ch' in tutt i là la demustrava,
Aqusi ben vsti, una simia la pareva;
Mo li, pinsand d' star ben, la s la buffava;
Mo quand la vist Zerbin ch si fort rideva
Dalla rabbia du uechiaz brutt la stervlava,
Ch' al femu più gran dsgust an si po dar
Quant vecchi e brutti sentrs minzunar.

121.

A quel parol Marfisa s musturò uffesa,
E per tors, emod la fi, suddisfaziou,
Un' arsposta a Zerbin da li fu arresa,
Dsand: Cuspett anch ch' a digh d' Diana Baccon!
Mi ai ho la vostra infingardisia intesa,
E quasi a dscurri per n' attruvar question.
Dal rest, a dir al ver e a nesun far tort,
Quest' è più bella d' quell ch vu siadi fort.

122.

Chi sre quel cavalir quasi tarlurù,
Ch per cas sta bella donna l' attruvass,
D man e d pi tutt 'l fiss pr' averla lù
E n' i star mai luntan gnanch sol du pass?
La stà tant ben, arspos Zerbin, cun vù
Ch' agnuss ch' a farò mal s' av dscumpagnass,
E mi per mi an ero mai qu' impertinent
D torv st captin: stà pur alligament.

123.

S' a vlissi po scambiar migh quattr b tt,
Av mustarò quel poch ch' a son bon d far.
Mo per sta vecchia n' m cherdi un merlott.
Ch a vuia contra d vu ne ussun giustar.
Se la v sà bella a vu, e ch' a in siadi cott,
Tanta vostra amiezia an vui disturbar;
Aqusi a stà ben insiem, e al pinsir mi
L' è ch brav vu a siadi, quant l' è bella li.

124.

E Marfisa i arspos: A vostr dspett,
D tormila a pretend qui ch' a pruvadi.
An srà mai ditt ch' avadi vist st suggett.
Senza d far ch la sia vostra an prucuradi.
Zerbin saltò su d nov: An so a ch' effett
A battem voseh adess am inviadì,
Trattands d' un cataplasm, ch srà d dulo
A chi vinz, e ch srà d gust al perditor.

125.

Marfisa tornò a dir: Sgnurin mi car,
S quest n' ev pias, av farò un altr partì
Ch' ev piasrà: nu a st mod aven da far:
S' a perd, la donna am la tgnarò cun mi;
Mo s' a vinz, av la vui a vu dunar.
E po d zunta, chi l' ha d' aver cun si,
Sta dunmina a gallon sempre s tgnarà
Cun obbligh d' andar dov a li i par-rà.

126.

Quest va ben, diss Zerbin; e prest vultò
Al cavall per tor camp in mod bizzarr:
Al s sicurò del staff, es s' accumò
In t la sella, cercand d farla da sgarr.
In mezz al scud dla dunzella al chiappò,
Al par s' ch' al battiss contra a un mont d' azzarr.
Li appena ch l' al tuccò, l' andò per terra.
E a sta manira fini prest la guerra.

127.

Sta cosa la dspiaa a Zerbin ben pò,
Perchè la n s' i era mai mai incuntrà;
Al n' aveva del miara mandà zò,
E l' armas d mala vuia e svergugnà.
Al sti un gran pezz in terra ch' an parlò,
Anch pr' al pinsir d vedrs ubbligà,
Cmod l' aveva prumiss, d far cumpagni
A qula vecchia del boia e andar cun li.

128.

Marfisa tornò indri salda in t' al slon,
E s diss ridend: Gradi donca st present,
Che, quant l' è d garb sta vecchina, tant più a son
Che l' av sippa tuccà a vu propri cuntent.
Vu a sri l' so prutettor agli occasione,
Quand el vostr prumessa n' andass al vent.
Per tutt i lugh a sri va la so guida:
Arcurdav d farn cont, che d vu la s fida.

129.

Senz' altra arsposta aspttar, senz' altr dir,
Sprunò l' cavall, e pr' al bosch la s arpos.
Zerbin, ch l' aveva critta un cavalir,
Pregò la vecchiazza an tgniri al num ascos.
Mo sta diavla, per farl più arrabbir,
Vdend, pr' averla sigh, si attnagà e deptos.
La i diss: Una garbata zovna è stà,
Ch' a battr al cul in terra v' ha mandà.

130.

Pr' al so valor, sta putta, giustament
La tol ai cavalir l' unor dla lanza.
E s' è vgnu da luntan, dal part d' Urient.
A pruvars contra i prim paladin d Franza.
Quand al povr Zerbin sta gnixa sent,
Pr' al rissor s senti crescer al mal dla panza:
L' arè tolt più vluntira una stiltà,
Che da qula stria udìr cuntar sti quità.

131.

Salta a cavall da per lu barbutland
D n' aver in sella tgnu ben strett al msir.
La vecchia sottascon rid, appinsand
Quell ch la pre far per dari più martir:
Quasi la i arcorda d star sempre ai su emand,
Chè, dal so unor sfurzà, l' dev ubbidir.
Lu arbassa i ucc, e s tin la testa mucchia
Cmod fa l' mi can, em'ai digh: Marcia alla cucchia!

132.

Al dseva suspirand: Furtuna ladra,
Am in dichiar, ch t m' ha un bell serviz fatt
Quella ch' an s pseva al blezz dari la quadra
Livandm, e dop st cucchin darm in baratt!
A quella, t par d' avvis ch questa s' aquadra?
Ah una lezion massizza ai è in cuntratt!
Star senza cumpagni l' era manch mal,
Che mandarm una a qu' altra quasi dsugual.

133.

Quella, quella ch per blezza e per virtù
An s' è mai la cumpagna psu attruvar,
Dal timpest e tra gli ond rotta e sbattù
T l' ha regulà per past ai piss del mar;
E qusti, ch qula donna donca dar m' ha vlù.
T n' ha tanta carità d farla cherpar.
Anzi, per darm a mi nuia e malann,
T' em la farà campar chi sa quant ann!

134.

Zerbin dscurreva agnsi dulent e trist
Per d' dentr, e fora più dsgustà l' pareva
D' aver per so dsfurtaa fatt st' acquist,
Che dla mrosa, la qual persa l' aveva.
Sta vecchia, con tutt ciò ch la n' aviss vist
Mai più Zerbin, a quell ch' allora l' dseva,
L' acgnussì per quell ch' i in di nutizia,
Dentr in t la grotta, la signora d Galizia.

135.

S' av arcurdà del cos ditt pr' al passà,
Sta vecchia da qula grotta la scappava
Dov la bella d Zerbin innamurà
Per qualch temp era stà d qui ladr schiava.
Più vult sta povra fiola aveva cuntà
A sta spirta al so amor cmod al passava,
Cmod la scappò da cà, e po cmod al mar
La travaiò, e ch' arrisg la s pssì salvar.

136.

La i aveva tant vult descritt d' Zerbin
El fattezz, al mustazz e la statura,
Che adess, a udirl dscurr e essri quasi vsin,
L' alza i ucc, e s l' usserva in t la figura,
E cert ch l' è quest in cugnizion la vin,
Perchè an pol esser altr che lu d sicura,
Quell che per n' al psser vedr, s lamintava
La zovna, più ch dsfur' esser di ladr schiava.

137.

Sta vecchiazza donca, vden ch Zerbin s' addanna,
E an fa altr che pianz e suspirar,
La sa ch' al pianz indarn e ch' al s' affanna
Per la mrosa, ch lu stima persa in mar.
Assicurands più sempre ch la 'n s' inganna,
Sta brutta lova, per n' al far algrar,
Quell ch' al prov cunsular d posta la tas,
Mo a mezza bocca i dis sol quell ch' i pias.

138.

O vu, l' as miss a dir, ch fà tant schiamazz,
E s mostrà d' aggrvarev di fatt mi,
S' a savissi che nova a i ho d st mustazz
Ch' a cherdi morta, am farissi curtsi.
Mo, in scambi d dir, la lengua in gola am cazz,
Es tui a patt d' arstar morta in t la vi.
Dov, s' ai eri cun mi manch dsperputà,
Forsi a srissei da mi arnas cunsulà.

139.

S' avì mai vist un can dvintar mulain,
Sebben ch' al ladr a tutta prima al s butta,
Quand lu i dà un pezz d furmai o un qualch grustin,
O evell d n' aver da star a bocca sutta,
In t l' istessa manira fi Zerbin,
Vuos d sentir pur nova dila so putta,
E dalla vecchia saver a puntin
I cas d qula fiola dal principi al fin.

140.

Al s volta alligr, a po cun bella rasa
Al la scunzura, e prega in carità,
Pr' amor del cil, tutt quell ch la sa ch la 'n tasa,
Cosa i n' è stà, dov l' è, dov la sia andà.
Vu 'n sintiri cuntar cosa ch' ev piasa,
La vecchia arspos, più dura e più ustina:
Isabella en n' è morta, a vgnir pr' el curt.
Mo viva in mod d' aver invidia ai murt.

141.

In sti di, ch' an n' avì psen saver nova,
In man d più vint person l' è capità;
Siechè s' un di cun vu pur la s' attrova,
A pssì mo credr cmod i v l' han cunzà.
Ah vecchia! pust aver la lengua in giova!
Arspos Zerbin: Cmod dit sti falsità?
Cun tutt ch la sippa sta tra tanta zent,
Cmod l' era d garb, l' ha da esser anch innucent.

142.

Dov la l' aveva vista po ni dmandò,
E quand, e chi era sigh? Mo an i fu cas.
Ch sta vecchia pr' en parlar i dint striccò.
Anzi la rid, per fari rabbia, e s tas.
Al la pregò un gran pezz Zerbin e pò
Mnazza d cavari i ucc, d taiari al nas.
Mo al ficca i preghi all' aria, indarn al ruia,
La bocca en vols più avrir la vecchia trua.

143.

In ultm, vđend qu' nstinazion, Zerbin,
Tasi, za ch' al parlar n' i feva zugh;
Mo d' quell ch' l' aveva intes l' era quai arpin,
Ch' per la gran smania al n' attruvava lugh.
Al stabiliss d' cercar quel bel musin,
Per vedr al qual al srev andà in t' l' fugh.
Mo, per l' ubbligazion fatta a Marisa,
Più d' quel ch' la vecchia vol lu 'n po far brisa.

144.

Per di travers e di sentir zo d' strà
Fu 'l bon Zerbin dalla vecchia cundutt.
Mo tutt du, pr' essr tant attavanà
Gnanch d' sgalimbr is guardavn, e s' stevn mutt.
Un di, dop l' ora del mezz di passà,
Un cavalir i fi dar in t' i rutt,
Ch' e fi d' posta incontra a lor per la furesta.
Mo qui a finiss, perchè ai ho tant 'd testa.

FIN DEL CANT VINT.

CANT VINTIUN

ARGUMENT

*Dal promèss ubbligà a dfendr Gabrina,
Ch' è piz d' un magarass, cumbatt Zerbin,
E, per causa d' quela vecchia sfurdadina,
In terra frì casca 'l Fiamengh in fin.
Quest, ch' è infurnà di fatt, d' sta biricchina
Conta i traquai, i ingann e i mal zaffin.
A Zerbin, contra a qusti, cress al furor,
Ch' camina d' al sent un gran armor.*

1.

Al mantgnir la parola ai nustr di
Al n' è pur tropp in us più tra la zeut,
Perchè sta sira s' un v' prumitt un d' sì.
Andai dimattina, al n' è più d' st sentiment.
E pur al temp antigh n' usava aqusi:
Quand un prumitteva, l' era un instrument;
E d' la promessa tant s' pseva fidar
Quant s' fa d' un rogit, fatt per man d' nudar.

2.

Al mond è pin d' rigrir, d' busi, d' ingann:
Tutt fan del chiacch' a us di zarlatan;
Tra 'l dida, e sotto ai noch iv mudn al pann,
E quel ch' i zurn aucù i v' al neghn dman;
Nasun vol che la so lengua i porta dann;
Qui istess al disn ch' han la lezz in man.
Mo i turlurù cos' ani po da far,
S' a sta manira fan quì ch' i han da insegnar?

3.

A sta manira 'n fi miga Zerbin,
Mo al vol mantgnir la so parola dā,
E s' lassò d' seguitar al so cammin.
Tant fal gran stima d' qu' essers ubbligā.
L' è ben vera ch' ai dspias d' aver quì vsin
Più che s' l' avies la fivra o al fuss appstā;
Mo ai permeva dimuodi a tutt i patt
Qula promessa usservar ch' l' aveva fatt.

4.

A diss ch' l' aveva tanta rabbia adoss
D' tgnir star sotta a quela vecchia, pr' al so unor.
Ch' ai bui la mrolla fin dentr in t' gli oss.
Mo tutt du stan quacch quacch e mutt tra d' lor.
Ne d' lor nssun a chiaccarar a sre moss,
S' in t' l' ora emol sre a dir più del vint or
Un cavalir, ch' i truovon per la strā,
N' i aviss al so taser rott e guastā.

5.

Al cavalir da quì prest fu arvisā,
Ch' da tutt Ermonid d' Ulanda al s' chiamava:
L' al cgnussì perchè pr' arma, intraversā
In t' al scud neghr, un segn ross al purtava.
Quand l' al vist, tutt l' argui i andò da un là,
E, aruzzanda dri a Zerbin, la s' aremandava,
Arcurdandi tutt quell ch' Marisa i diss,
Ch' da tutt i mal incontr al d' dfindiss.

6.

Perchè quel cavalir, ch' i han attruvā,
Era a li nmigh e a tutta la so zeut:
Un so fradell a gli aveva aminazza,
E auch so padr, es n' era gnauc cuntent;
Ch' za ch' altr che li d' cà so i è arstā
Al cerca d' ammazzarla pariment.
Infìn ch' a son mi tigh, arspos Zerbin,
T' n' ha brisa d' aver pora d' qu' assassin.

7.

Quand d' avsin sberlucchiò dentr in quela fazza
Ch' l' aveva tant quel cavalir a strina,
O ammanvā per cumbattr, e ch' av ammazza,
Al diss, cun vos rüganta e d' ira pina;
O la dfesa lassā d' quela brutta vecchiazza,
Ch' a mi mod, emod è al dver, a la strassina;
Perchè, s' a cumbattri, vu a rstari mort
Ch' aqusi 'l suzzed a quì ch' attran al tort.

8.

Zerbin arspos a quell, tutt pin d' curtsi,
Ch' la n' era un' ovra generosa e forta,
E contra i urdn d' la cavallari,
A vler per forza vder quela vecchia morta;
Ma pur, s' al vol cumbattr, an s' tira indri:
Però ch' al pensa innanz ben cosa importa
A un cavalir ch' s' astima pin d' unor
Mustrar contra a una vecchia tant furor.

9.

Sti cos al diss, e dri degli altr in van;
Eisugnò dal parol passar ai fatt.
E quant basta em'i s fuin andà luntan,
I s turnom a ineuntrar tutt in t'un tratt.
In volen ch'i cavall andassen piau,
Mo ch'i curriess fort, a tutt i patt;
Per secundar l'umor di su patrun,
S'andonn incontra emod fa du muutan.

10.

Al cavalir d'Ulanda s tins tropp bass
Pr arvedr al cust a quel bon signor scuzzes;
Mo la so lanza debba andò a fracass,
E squas brisa Zerbin u'arnas uffes.
Al colp d' quest al n'andò miga a spass,
Mo al rumpl al seud, e una spalla s'arres,
Perchè al la trapassò da qu'altr là,
E Ermonid andò dlungh dstes in t la strà.

11.

Prest al prencip dsmuntò per compassion,
Pinsand sicura d'averl ammazà.
Ai cavò l'elm, e quel povv baron
Arvign, quand l'av un po d'aria aspirà.
Al tasi un poch, e in lamintevl ton
Diss po a Zerbin: An son spalla s'agustà
D murir pr'el vostr man, perchè am parì
Un di prim mistr dla cavallari.

12.

Mo purassà am in dspias, perchè per cansa
Sta disgrazia m'intravìn d'una briconca,
Dla qual, e mi capir an poss la causa,
Iugustament a dñdi la persona.
Mo a son sicur ch, s' a savissi la cansa
Ch m'attizza a vindicarm d'qula simona.
A srissi da quì innanz sempr pinti
D'averla salvà li e maltrattà mi.

13.

E s l'anma mi m' starà tant in t la pell
Ch'a possa cuntarv tutt (s'ai pro rinscir),
Vedr av farò più chiar dla lus del strell
Ch l'è più cattiva d' quell ch'av possa dir.
A pssì saver ch'aveva un mi fradell,
Al qual in cort da zovn andò a servir
L'imperator Eracli, e da una banda
Al lassò l' so paies; nù sen d'Ulanda.

14.

Al dvintò amigh intrinsich là d'un bell,
Nobil e ricch curtsan dl'imperator,
Ch aveva là in t la Servia un bon castell
Cun del delizi e del ricchezz da sgour.
Argè s chiamava l'amigh d mi fradell,
Ch'amava, quant s po dir, cun gran amor,
E forsi più del dver, qula stria li,
Dla qual per so gran disgrazia era mari.

15.

Mo qusti quì, più volubil d una fuia,
La quid, in t l'accustars d'invern al fredd,
Quand quel vent quì ispirtò tutt i albr dspuia.
Vular innanz all'istess vent la s ved,
Del so mari ai scappò ben prest la vuia,
O ch la n' i vliss mai ben piuttost a cred;
E emod s' la 'n fuss d'Argè brisa la sposa,
L'arè vlù d mi fradell essr la mrosa.

16.

Mo quai 'n sta sod alla furia del vent
Al gran Cimon, di munt ditt i Appennin,
Ne quai stà fort in mar al fundament
D'un seui all'impit del furor marin,
Ne aquis al martlar dal frab cuntinivament
Resist l'ancuzn d bon metall e fin,
Cmod feva mi fradell, contra l' spurchizzi,
Al smorfi, ai simitun d qusti pina d vizzi.

17.

E quai, emod a savì ch i cavalir
Attrovn ben e spess da cuntrarstar,
Ai fu un di ch mi fradell cattò da dir,
E, siand fri, a quel castell al s fi portar,
Perchè l'era là vsin a qui quartir,
E ai psseva sempr a so talent andar
Sebben ch n'i fuss l'amigh: e al s fermò qui
Cun ann d stari infin ch'al fuss guari.

18.

Al purtò l cas, intant ch l'era ammalà,
Ch l'amigh iu t'un cert lugh al tins andar;
E pronta s fi innanz subit sta sfazzà.
E mi fradell turnò d nov a tudnar.
Mo lu, ch'en vleva far st' iniquità,
Ne suffrir tutt al di d sintirs tintar,
Pr'assicurar l'umor d'amigh, al mezz,
Ch al stima ch sippa al cas, al cerca e addezz.

19.

Più tost che suddisfar al vui d sta truia,
Allora l'arsulvi d'andarsn vi,
Perchè, fagand a st mod, d'in co la s tuia
Al pinsir d zunzr al fin d quel purcari.
E bench' al vada vi pin d mala vuia,
Usar più tost all'amigh sta decursi
Al vol, che decurv dila muier sti quà,
Ch'era da so mari quant mai amà.

20.

Sebben ch'al n'era gnanch del tutt guari,
Tant e tant al vè vi, quand l'è in arnes,
Cun dentr d lu un proposit stabili
D'eu s lassar mai più vedr in quel paies.
Mo ngotta i turnò l cont trars a st parti.
Ch la so dsfurtuna un altr lazz i tes.
Intant al so castell torna al patron,
Ch'attrova la muier tutta in dsprazion.

21.

Sgramià, piangulenta vdendla, e incunsulabil,
Lu i dmanda maravios cosa l'ha mai?
Mo li, prima d' mustrars un po parlabil,
La fa cont d' essr tutta pina d' gnaì.
Alla fin po, degli oud del mar più instabil,
Dop aver replica più volt: Ah! ah!
Per vindicars, emod l'è pina d' furor,
La muda in altrtant odi l'amor.

22.

E po la diss: Chi m'ha da far tasèr
Quell ch' m'è success, luntan vu, mari car,
Che quand al n'al pssiss gnanch l'aria savèr
An pre dentr da mi pas attruvar.
L'anima mi, ch' si gran pes la s sent avèr,
Dentr la 'm fa quasi gran d'olor pravar.
Ch l'avanza i turmint tutt ch'em fussen dà
Per penitenza a mi d'un quasi gran peccà,

23.

S'as po pur peccà chiamar quell ch s fa per forza.
Mo av al vui dir, ch la vada emod la s vuia;
E po quand av l'ho ditt, fora d' sta scorza
Cavàm l'anima e tridàm emod s fa una spuia.
Per mi l'è mii ch la lum del Sol s'asmorza,
Che vivr in mezz a tant affann e duia,
E sempr aver a terra e bass e fiss
I uech, per memoria del brutt fall cummiss.

24.

Quell vostr amigh, ch'al s possa perfundar,
Al m'ha dl'unor (al dirò pur) despuia,
E perchè 'l sà ch'agn cosa av vrò cuntar,
Al s'è parti, senza tor gnauch cumia.
Cun sti chiacchr la fi al mari dvultar,
Perch, bon emod l'era, di fed a sti cutà:
E, per far del so unor aspra vendetta,
Al corr dri a mi fradell em'è una staffetta.

25.

Za ch tutt el strà 'l saveva a mena did,
L'arzunzi mi fradell non tant luntan,
Al qual, per quel sou fri poch azzarrid,
Senza susptlar, s n'andava vi pian pian.
Argè alla curta i fi d' batters l'invid,
Ch brusava d'vuia d' mettri adoss el man;
E an i fu cas d' tratgnir, an i fu ch sbattr,
In tutt i mod Argè vols pur cumbattr.

26.

Un era san, e d stizza incaluri,
Qul'altr ammalà, mo amigh pur tuttavi:
Sicchè Filandr, ch'al s chiamava agusi
Mi fradell, andò lung'h dtes in t la vi.
E al n'è da maraviars, ch a so po mi
Ch, s' al fuss sta san, oh! an s'arversava indri.
Basta: al puvrin armas là in mezz squas mort
Per man dl'amigh, ch' i dava tutt i tort.

27.

Al cil m'in guarda, diess Argè, ch at fazza
Pravar tutt i turmint ch t'ha merità.
An s dirà mai, credul pur, ch'at ammazza,
Per l'amor, ch per l'indri t m'ha tant dmustra.
E, se ben ch l'ultima prova è stà bruttazza,
Pur a vui ch tutt al mond sippa infurmà
Che, emod a son sta tigh-al temp d'amor,
Anch in quell dl'odi d' t a vui essr mior.

28.

At sarò in altr mod ben castigar
Senza ammazart adess, propri in st mument.
E in st mentr ch'al dscurreva agusi, 'l fi far
Una barella, ch' ai stiss comdament,
E s'al fi in t al cavall ben accumdar,
Guidandl al so castell, cun qualch po d' stent.
E là, per castigar al suppost peccà,
Al fu da Argè dentr in person aserà.

29.

Person l'era però ch s pssava suffrir:
L'andava a spass agn volta ch' ai pareva,
An steva mai ligà, 'l s feva ubbidir,
E tutt quell ch'al dmandava lu l'aveva.
Mo a sta zaltrona a s i afrancò i pinsir
D'aver da lu quell, ch'è za tant ch la vleva,
E ben e spess d' sgouant l'entra in person,
Che tutt 'l chiav l'avea sempr a gallon.

30.

E sempr andava Filandr stumbland,
Più impertinenta, cun qu'istessa storia:
Sià pur fedel, la i andava digand,
Ch a i n'arputià pr'al cert una gran gloria!
Am n'alligr, ch'av fa un unor ben grand!
Oh ch bel triouf davvero! oh ch gran vittoria!
Al guadagn ch a fari a star d' st' umor
Al srà ch tutt ev tgnaran pr' un traditor!

31.

A vu, quant sre stà mii per tutt i cunt
S'avissi ditt sol una volta d' si!
Mo cun al vostr star ferm in quel punt,
Quest è 'l bell frntt ch' avi cavià, tuli!
Adess a i in person, nè fissi i cunt
D' vgnir fora prima d' cuntintarm mè.
S' a vli far a mi mod, mi quella srò
Ch la libertà e la fama av arrindrò.

32.

Filandr arpos: No no, n' dsi sti parol,
Ch'av assicr ch'an mudarò opinion,
Ne an vultarò a us del bandirol,
Cun tutt ch a sippa quì senza rason.
La zent d' mi creda pur tutt quell ch la vol:
A mi 'm basta ch dinanz al gran patron
La mi innuenza e fed sippa accagnussà,
E a sper d' avera al prenì un di da là.

33.

S' Argè d farm star quì n'è gnanch content,
Ch'al m'ammazza pur anch, ch'am fa servizi.
E quì a sper in cil d vivr eternament
In premi d div d no, al mi poch giudizi.
Forsi, quand a sro mort, lu chiarament
Incapaz am cgnussrà d far sti nequizi,
E ch' al so unor an pinsò gnanch d far tort:
E del mal ch al m'ha fatt al pianzrà fort.

34.

Quasi cercava attraplar sta vecchia infama,
Mo sempr invan, Filandr a ste fatt brutt:
Mo li, ispirà, pr'aver pur quel ch la brama,
E dal so amor cavar un qualche custrutt,
La pensa es strolga, e urdias, medita e trama,
E i mal pinsir la chiama a cunsi tutt;
L'ha mill garbui in testa e mill rigir,
E s'eu sà a qual pr'al mior la s possa atgnir.

35.

La sti si mis, sicura, ch la n'andò,
Cmod pr'al passà la feva, alla person;
E per sta cosa Filandr pinsò
Ch una volta la s fuss pur tratta al bon.
Mo la disgrazia, guardà quand as dis pò,
Di a sta guidoua pronta un'uccasion
Per mezz d'una ben grossa iniquità
D saziar, in ultim, la so voluntà.

36.

L'aveva inimicizia antighament
So mari cou un sgnor chiamà Murand,
E quest, em' a n i era Argè, da impertinent
Andava dentr dal castell currend;
Mo, quand a gli era, cun un gran spavent,
Luntan del miia al steva da quel band;
Mo Argè, ch'al vleva pur un di agguantar,
Al diss ch'in Terra Santa al vleva andar.

37.

E d fatt l'andò, ch' i al vistin tutt partir,
E d sta partenza as spargiò la vos.
Sol la muier saveva i su pinsir,
Ch'al s' in fidava, e d li l' n'era suspitos.
Mo agn sira lu turnava ai su quartir,
E sigh tutta la nott s' in steva arpos;
E la mattina, in t al spuntar del di,
Senz' essr vist, l' andava vi travsti.

38.

Da sta part e da qu'altra andava asiand,
Cmod fa un saltar, ch abbada a una bandi,
S' al nmigh s'accustass mai sempr usservand,
Pr agambararl, cmod l'ha stabili.
Al steva fora tutt al di, e po, quand
Al sol aveva la so ovra cumpi,
Pr' arpusars al calava vers al mar,
Intrand in cà pr un uss secret a znar.

39.

Tutt luntan al pinsavn pià d null miia,
Fora che so muier, d tutt infurmà.
A siutri adess quell ch fi sta brutta striia:
Da mi fradell la corr, cun gainità,
Mustrauds dulenta tra smorta e vermiia,
Chè 'l doun han sempr el lagria li ammanvà;
La cmiuzò a dir: Cmod oia mai da far,
Tant ch'an perda l'unor? Chi 'm prà aiutar?

40.

Au vre, s' a poss, a mi mari far tort:
Mo a savi quant Murand è un insulent.
Quand an i è lu, al vin fin dentr dal port;
Siandi lu, al n'è però tant arrisghent.
Mo adess, ch d la so partenza al s n'è accort,
Am stà alla pell s po dir cuntinivament,
Al prega, al brava, e s'ha la servitù
Dalla so, e au sper pssemr salvar da là.

41.

Dunzell, servint, e pagg e camarir
Al di aver tutt cun di regal cumprà,
Ch'al s'è fatt tant innanz cun al so ardir,
Ch'in t'el mi stanzi l'è sin dentr intrà.
Mo, s'ai fuss mi mari, ai ho in t'al pinsir
Ch sicuramente tant oltra an sre arrivà,
Anzi ch'al s guardarè, e starè luitan,
Ne tant argui l'arè, sangue d'un can!

42.

Quell ch l'ha dmandà per litt e per ruffian
Tant altr volt, ancù am l'ha ditt a bocca,
E ai ho avù un bel da psar ch al tigna 'l man
Dal so là, per sta volta, e ch'al n 'm tocca.
Cun el mulsiu ai son andà pian pian
In quell mentr ch'aveva a là la rocca:
Ai ho dà bou parol d rendrl content,
Cun patt ch' n sippa per l'avguir violent.

43.

Quell ch ai ho ditt an al vui miga far,
Ch brisa la forza n'obbliga a un cuintratt.
La mi intenzion d'allora è stà d schivar
Ch an fazza quell ch per forza l'arè fatt;
Quest è 'l cas, e sol vu i pssi rimediar,
Altr che vu a si bon d tgnir addaceatt
L'unor mi d mè, ch l'è quel del vostr amigh;
E quì an è temp d cuntar bubi ne vsigh.

44.

S'am disì d no in st'uccasion a cgnussrò chiar
Ch'an si quel ver amigh, ch'av si vanta.
E s da qui indri an m'avi viu cuntintar,
L'è stà vostra durezza e crudeltà,
Non za quel gran rispet, ch'a disì d purtar
All'amicizia tra vu du zurà;
E l'è un secret tra d nu: mo al cas present
L'uur em rubarè pubblicament.

23

45.

Filandr arspos: Finen pur tutt el zanz;
A far d'agn cosa a son per l'amigh pront.
Cosa vrisi ch' a fissa, dsì, anden innanz,
Perchè temp pers è tutt quest a bon cont.
A murirò cent volt, s'al n'è d'avanz
Sol una, per schivar dl'amigh l'affront,
Sebben ch' a in son po mal armerità:
Mo so farina an cred ch' la sippa stà.

46.

Sta diavla arspos: A vui ch'am ammazzadi
Què ch cerca al mi dsuor, e ch'al procura.
Stà sicur ch an i è dubbi ch a incuntradi
Nssun mal, ch'av insignarò la vi sicura.
E, perchè tutt al fatt ben a savadi,
L'ha da turnar quand la nött è più scura,
E s farà un segn, ch avèn urdi tra d nà,
E mi in cà al tugh, ch da nssun an srà sintù.

47.

Vu d'asptarm ari ben tanta pazinzia
In t la mi stanza, senza lum e al bur.
S'an v'al guid nud, ch am vigna la scurinzia,
O almanch a vui ch'al n'ava gli armadur.
E sta muier d'aqui bona eusinzia
Fì murir al mari cun st'urdidura,
S'as po chiamar muier chi fì tant mal,
O una furia arrabbià d' quegl' infernal.

48.

Quand fu arrivà qula nött scumunicà,
La cavò mi fradell fora d person;
La 'l miss in t la so stanza ben armà,
Infina ch' arrivò dentr al patron.
La cosa andò cmod la l'aveva urdnà,
Che 'l cos cattivi han sempr avù avvinzon.
Quì Filandr ammazzò l'amigh, pinsand
Ch' al fuss sicuramente al nmigh Murand.

49.

La testa e 'l coll in t'un colp ai dspari,
Ch'al n'aveva arm, ch'al psaisin arparar.
Al povr Argè furnir fu sfurzà aqusi
La vita so in t'un mod crudel e amar.
E quell i di la mort, ch dop s'in pinti:
Ne un cas quasi fatt ari udi mai cuntar.
D'un ch', appinsand d far ben al car amigh,
Quel mal i fì, ch' piz n'i pre far un nmigh.

50.

Quand quel puvrett in terra stramazò
L'amigh assasinà rindi a Gabrina,
Perchè d st' infam Gabrina l'è 'l nom sò,
Nada sol 'd chi i dà in t'l man pr' arvina;
Lì fin d'allora 'l ver sempr occultò.
Subit mort so mari, sta malandrina
Cun la lum vols ch Filandr vdisse ben chiar
Ch la i aveva l'amigh fatt ammazzar.

51.

E po la i diss 'd zunta in quel mument
Ch' s'an cuntintava tutt i su pinsir
L'arev li spargià tra la so zent
Al gran delitt, ch'en s pseva cuntradir.
Ch la l'arè fatt ligar incuntenant,
E da assassin e traditor murir.
La i arcorda ch'al fizza cont dà fama,
Sebben ch pr'altr la vita poch al brama.

52.

Insbalurdi l'armas e addolurà
A veders mi fradell in quel spettaquil.
Al s sinti dalla rabbia tant tinta,
Ch'an n'accuppar sta vecchia al fu un miraquil.
S'an i savgueva i guai ch l'arè incuntrà,
Per sta bricoona ai era cert del taquil:
E, n' trovands in t 'l man spada o curtell,
Cun i diut l'arè a qusti strappà la pell.

53.

Cmod fa un vascell del volt in mezz al mar,
Urtà e spint da du cuntrari vint.
Ora da quell innanz l'è fatt andar,
Ora da qu'altr all'indri l'è arspint.
E, quand i l'hau pr'un pezz ben fatt prillar,
In ultim l'è condutt da quell ch'ha vint,
Aqusi Filandr, in sta so agitazion
D pinsir, al s'attrà a quell ch'è manc baron.

54.

D' murir i cava la rason la via,
D murir quasi prest, d murir infamament.
Quand l'omicidi pr'al castell s spargiua,
Al bisogna ch al s risolvea incuntenant;
O vler o 'n vler, l'è forza in fin ch'al tuia
A bevr quel siropp aqusi murdent.
E, dentr d lu, contra l'ustinzion
Vinzi al timor dila so riputazion.

55.

La pora d'n murir forsi squartà
I fì prumett cun più d mill scunzur
Ch l'arev in tutt st'iniqua cantintà:
Al bastava ch'i ucisess d là sicur.
Aqusi, a forza sol d'infamità,
Al povr mi fradell s'avì da ardur
D lu a lassar cattiv nom alla zent grega.
E a cà di su al turnò cun sigh sta bega.

56.

Sempr dentr da lu l'avea present
L'amigh assassinà alla bazzuriona,
Per far un bel guadagn po veramente
E pr 'l vui suddisfar d'una zaltrona.
S'a stecch n'al feva star al zurement.
L'arev tridà d sicura sta simona;
Mo, s'al n'al fì, la i fu un suggest quasi udios
Più che pr'al diav n'è la santa cros.

57.

D'allora in zà mai più ridr al fu vist;
I daccurs e 'l parol ern appassionà.
L'andava sol sulett, dulent e trist,
Per del strà morti e mai accompagna.
In ultim dalla doia al fu tant pist
Ch'al dvintò enich, balord, e em' è insusà.
Sta cosa fualment tant s miss a pett,
Ch la gran passion al cunfinò in t'un lett.

58.

Allora qusti si scellerata e indegna,
Ch saveva essr da lu tant abburri.
La vultò co anca li prest all'insegna
E l'amor tramudò in odi arrabbì.
Per l'ira la dvintò tant gonfia e pregna,
Quant l'era stà contra al so prim mari.
E, siccom la fi quell cavar dal mond,
L'appensa al mod d livari anch al second.

59.

La s'accordò cun un duttor d medsina,
Amigh ai beccamurt e ai campanar,
E ch'era d qui da trede alla duzzina,
Ch'un ammala 'l n'avea mai pasù salvar:
La i prumtè d dobl novi una trintina,
E anch tutt quell ch l'arèv savù dmandar,
S'un bon siropp d'arsenich preparà
Al povr mi fradell l'aviss urdinà.

60.

La stess, pront, purtò 'l recipe al duttor,
Ch'ai era di altr li, e anch mi present.
E 'l prumiss ch l'ammala sre uscì d dutor,
Perchè 'l remedi uprava in t'al mument.
Mo Gabrina, attizzà da un nov furor,
Forsi ben per n'i dar al pagament.
O 'l daccord fatt per pora ch'an cuntass,
La vols che prima un poch a in assazzass.

61.

In t' l'att d'dari al siropp, Gabrina arriva.
E chiappa su la scudella ammanvò.
Digand: An cherdò mai, signor, ch' av aggriva
S'ai ho timor pr un om da mi quasi amà.
Pr esser certa ch'la n'è roba cattiva
La bvanda ch'è in sta tazza preparà,
E perch sti signori quì v'avn cherdenza,
Bvin adess quì un po in nostra presenza.

62.

S'al duttor arstò d strazz, a pesi pinsar,
Quand a st mod l'udi discorrer quela furbazza:
Senz'aver temp da psער cunsiderar,
In st'uccasion, cosa l'è mii ch al fazzà;
Mo pr'en dar causa ai li present d'suspttar,
Al di un surchiott al sugh ch'era in t la tazza;
E l'ammala, za ch'ai è fatt el pedgh,
Tracannò al rest, aovra alla fed del medgh.

63.

Cosa fa l'interess al genr uman:
Sia maldett l'ingurdisia d guadagnar,
S'un galantom la fa dvintar un cau,
E s cruv cun al num d'ecomm un avar!
I interessà per cuiri, i han dou man,
Mo in han ne brazz ne man s'as tratta d dar.
Quel medgh, pinsand d'impir ben al bursell,
Da se stess s'arvinò cun mi fradell.

64.

Mo quì an furni dal tutt sta scena vaga;
Al duttor vleva andar subit a cà
Per tor del lattuari o dlla teriagna,
E salvars, per n'andar cun i più d là.
Gabrina, in t'al mal far sempre imbergiaga,
An i fu cas, la 'n vols ch'al s'uliss d là:
Perchè, la diss, a vui ch'a sià present
A vedr dlla medsina al zuvament.

65.

Al scunzurò, al pregò per carità,
An i fu cas; la 'n vols lassarl andar;
Mo quand al vist la cosa fatta dsprà,
E ch'in t'agn mod l'aveva da cherpar,
Al cuntò quell ch tra d lor era tramà,
Ne scusa nsuuna qusti sav attrvar.
A sta maniera quel duttor da ben
Per l'ammala e per sè l'ammanvò 'l vien.

66.

Tutt al guadagn andò in trar l'ultim pett,
Seguitand mi fradell, ch'era sbasi.
Nu tutt, ch'ern stà a udìr al dutturètt,
E ch fed del ver l'esperienza fi,
Sta donna, ch davea aver cert succhià 'l tett
D'orsa o d'una tигра più arrabbì,
Alla missen in person, per farn pò,
Cmod iust la s meritava, un gran falò.

67.

Tutta l'instoria Ermonid cuntò aqusi,
E s'arè ditt emod la scappò d person:
Mo tant al l'aggravò al dutor dlla frì,
Che d posta i arrivò un chiarabacchion.
Du servitur intant, ch l'avea li,
Avevn preparà a mod d provision
Un scranell d brocch, per paserl a st mod purtar,
Ch'in altra fuza an psavea cert andar.

68.

El sou scus fi Zerbin cun l'ulandes,
Mastrandì ch dal so mal fort i in despiaseva;
E tant più ch'al l'aveva a tort uffes,
E per quest purassà al le cumpianzeva:
Ch',a so dspett, l'era sta in parola pres
A cundur quela dunlazza dov la vleva:
E prumessa sulenn l'aveva fatta
D guardarla dai insult a spada tratta.

69.

S' in altr cos al l'aviss pssu servir,
Sicurament al l'arè fatt vluntira.
A sti espression i arspos quel cavalir
Ch' al guardass d liberars prest da qula tsetira,
Prima ch la i fazza un qualch mal intravgnir,
O che in qualch brutt imbroi la n' al rigira.
Grabina, imuttriè, 'n s' sinti parlar.
Perchè la verità la 'n psseva ngar.

70.

Zerbin cun la so vecchia andò vi d li
Fin in t' al stomgh d l' ndi lunga canzon,
E as po credr che cent volt al la maldi,
Affitt del bott dà a qulù senza rason.
Adess po ch l' ha tant barunat udi
Da chi i in psseva dar infurmazion,
S' a una man al l' udiava d bona tinta,
An la po vedr più scritta nè dpinta.

71.

Li ch s' immazina st'odi d punt in bianch
La sint de 'n cedri in mala voluntà;
Un onza d'odi la n' i porta d manch
D' una d quel vipr ch' en tra 'l più attusgà:
La inustrava per d fora un mustazz franch,
Mo dentr l' era d rabbia avvelenà,
E, cun sta bella pas, là per quel band
Sti du cumpagn andavn insem girand.

72.

Vers la so tana al sol za s' accustava,
Quand i arrivò agli ureech un cert armor,
Ch d' una baruffa granda indizi dava
In t' un sit poch luntan dov i ern lor.
Prest Zerbin cors per veder cmod l' andava
E la vecchia andò pronta dri a ste signor.
Mo, za ch l' è sira, adess a finirò:
Vgni dmattina ch' al rest av cuntarò.

FIN DEL CANT VINTIUN.



CANT VINTDU

ARGUMENT

*Astolf arriva dov al dsfà d' Atlant
L' incant e libertà dà ai persunir.
Ruggir s' attrova cun la Bradamant,
E lu dscavalca quattr cavalir
Per viazz, ch l' andava un cavalir errant
A liberar, ch' i n' al fissn murir.
Cun Pinnabell s' era qui prim impignà,
E quest da Bradamant resta ammazà.*

1.

Oh donn, ch m' avi sintù in t' al Cant passà
A qula vecchina taiar i pagn addoss,
N' ev l' aviss per mal, perch i' è stà
La so malizia, ch' a parlar m' ha moss!
D' in t' una pezza tutti an si taià,
E dila buntà non tutti saltu al foss.
Quell ch' ai ho ditt, a l' ho ditt sol per li.
Non per tutti, e per quest eu v u' ufindi.

2.

Per dir mal d' una, an s parla in general.
Ch' a mettrl tutti insem al srev error;
Perchè s' ai n' è qualch d' una ch fazza mal.
Ai n' è del miara ch san ben fars unor.
Sià pur mudesti, savi e liberal,
A st mod ai srà ch scrivir in vostr favor.
La rigina Zenobia e altr cent
Dinn ai scrittur d lodarli aquei argument.

3.

La verità dl' instoria m' ha fatt dir
Quell ch' ai ho ditt contra a qula vecchia grima:
Mo s' a vui ch vada innanz al lavurir.
E cuntintar chi l' aggradiss e stima,
Bisugnarà ch' a torna al cavalir
Zerbin, del qual av ho za ditt in prima
Ch', avend sintù oltra li del gran fracass,
Per vedr cosa l' era al galuppass.

4.

Tra dou muntagn l' intrò in t' una vi stretta
Dond usceva l' armor, e un poch s' avanza,
Ch' al s' attruvò in t' al mezz d' una valletta,
E l' s' imbattè in t' un mort furà in t la panza.
Chi fuss quest al dirò po, ch', a la fetta,
Lassar a vui Puent, lassar la Franza,
Per turnar a trovar al duca ingles,
Ch camina per turnar al so paies.

5.

L'è tant ch' al lassonn dentr in qula città
D' in dov, cun al sunar del so curnett,
Quel mesdell d' fenn l' aveva sbrancà,
E da quel prigul grand tutt era nett.
L' è vera ch' i su amigh ern scappà,
Lassandl da per lu là sol sulett:
Turnand adess da lu, donca a dirò
Ch' al partì dlungh, e in t' l' Armenia l' intrò.

6.

L' arrivò fra puch di in t' la Natuli;
Arvin alla città d' Bursia l' andò,
La qual fu principal za dla Turchi,
Dov d' za dal mar in Rumani l' passò.
Dri al Danubi l' andò per l' Ungari;
La Moravia e Boemia al trapassò;
An s' affermò a Francfort, mo vi l' s' n' andava
Cun Rabican, ch' as po dir ch' al volava.

7.

Passand la selva Ardenna, in Aquisgrana
L' arriva, e d' in t' la Flandra al s' imbarcò:
Cun al favor dla fredda tramuntana,
Per qula strà, ch' al vlea far, tant ben l' andò,
Ch' la so Inghilterra al vist n' essr luntana.
Alla banda d' mezz di dopp s' addrizzò;
Al sbarca, e po, a cavall d' tutta carrira,
A Londra l' arrivò qu' istessa sita.

8.

Quand al fu là, l' àv prest infurmazion
Ch' a Parigi da gran temp andò so padr;
Anzi che per succurrer al re Carlon
Ai era passà d' nov degli altr squadr.
D' andar in Franza ai nasci l' intenzion
Per cumbattr anca lu contra i mor ladr,
Sicchè l' s' torna a imbarcar in furia, e vi,
Cun al pinsir d' passar in Piccardia.

9.

Alla prima un vintsein dolz e galant
Lusingò i mariuar ch' ai vlias servir;
Mo a poch' a poch' al cminzò a cresser tant.
Ch' al bon pilot al legn en passè più tgnir.
Bisognò in fin lassar al vent emandant,
S' an vleva lu cun i altr in mar finir.
Per mezz a l' aqua in furia andava al legn,
Pr' una strà tutta contra l' so prim dsegn.

10.

Ora a la dritta, ora da qu' altra man
Va la nav dov la spinz quel vent baron:
A terra in ultim i andonn press' a Ruan,
E qui sbarcò a la presta al fiol d' Utton.
Sella e breia al mitt dlungh a Rabican,
Al s' arma, mttend la so spada a gallon,
E s' va al so viaz. cun quel tal corn sigh,
Ch' i val più ch' s' l' aviss sigh un miar d' amigh.

11.

Attraversand un bosch, l' andò a riuscir
A pè d' un mont dov i era una funtana,
Iust in t' l' ora ch' s' ardu ai su quartir,
Dop aver pasculà l' bisti, la villana.
Lu, ch' en psevera la sed e l' cald suffrir,
Al dsmuntò da cavall zo a terra piana,
All' ombra Rabican d' un albr al tazca,
E per bevr pulid lungh dstes s' azacca.

12.

In quel mentr ch' per quest al s' mitt zo chin,
Un campagnol, ch' tra li era poch d'fumat,
Salta fora furios da un cozz d' spin,
Monta a cavall, e vi cun Rabican.
L' alza all' armor la testa al paladin,
E, vndend la brutta azion ch' fa quel baggian,
An vol gnanch bevr più, mo per st' inguria
Al s' mitt a corr-i dri cun tutta furia.

13.

Qulù 'n camminava za a tutta carrira,
Perchè in t' un attm al s' la srev d'fumat;
Mo l' andava truttand, in tal manira
Da n' essr arzunt, mo da essr seguità.
Fora del bosch i uscinn in t' la rivira,
E s' arrivonn là dov, in mezz a un prà,
Sta l' palazz incantà del magh Atlant,
Dov di soggett d' riguard ai n' ha ardu tant tant.

14.

Al cuntadin corr dentr in t' al palazz
Cun quel cavall quai brav da camminar.
Astolf, ch' avea degli arm adoss l' impazz,
Dalla luntana al pssì sol seguitar.
Agl' intrò po anca lu, mo ste puvrazz
Nè Rabican nè l' ladr al po attruvar,
Che, in t' l' intrar dentr del palazz ch' al fi,
L' un e l' altr an ved più, ch' i en za spari.

15.

Pr' el loz al vā, in t' el stanzi, e in t' i sottocal,
Granar, cantin, finna in bugadari;
Mo an trova d' quel villan pedga nè sgnal,
Nè d' Rabican an sa cosa s' in si.
L' ha un gran dspiaser d' aver pers st' animal,
Perchè ai spicchiava prest la lunga vi.
Al cerca sin ch' vin sira, e sempr in van
Dai da bass tutt in fin ai ultim pian.

16.

Cunfus e strach per tal e tant girar,
Ai vign in ment, ch' pessiss st' sit essr incantà.
D' quel bel librin, ch' al n' ha mai dsmis d' purtar,
Ch' Lugistilla i aveva za dnnà,
Perchè l' pesside da i incant tutt liberar,
Per fortuna ai survign, dov era sgnà
In t' l' indiz al remedi: al le cercò,
E descritt a cart vint al attruvò.

17.

Ai era tutt l'incant descritt a puell,
E, dop a quell, l'insguava po la vi
D far armagnr al sterion un bel stuffell,
E liberar qui sgnori d persuni.
Sotta alla porta ai era un farfarell,
Ch feva lu tutt sti lagann, sti diavleri:
Mo tolt vi al prim pirol, dov l'è suppli,
Tutt al palazz sre d posta vi spari.

18.

Per dsbruiar st laberent, al paladin
E far andar i incant in Calicent,
Au stà a dir altr, e vers la porta al vin,
Per pruvà s'al po al sass cavar dal tutt.
Quand Atlant s n'accurzì, ch quest'era avsin
A defar i imbroi, e ch'al palazz sre destrutt,
Perchè al n'aviss d sta cosa a dars al vant,
Agli andò incontra cun un nov incant.

19.

Cun altr steriari al le fi apparir,
Tutt divers da quell ch l'era verament:
A chi un zìgant, a un altr un cavalir,
A chi un villan, a chi un ladr insultent;
Qui in somma a tutt al le fi cumparir
Per quel suggott, sotta al qual fintament
A quest e a quell l'aveva cvell rubà;
E tutt pr'averl indrì s'ì attrinn da dsprà.

20.

Bradamant cun Ruggir, Prasild, Gradass,
Brandimart cun cent altr cavalir,
Tutt i calonn addoss cun gran fracass,
E tutt, s'ì psevern, i l'aren vlu finir.
Quand Astolf s vist arduitt a quai mal pass,
Vdend ch'an s trattava d chiacchr o d chimir,
Al s'arcmandò al so corn, e s'en stì a aspttar,
Se no, ai sre stà pr' al cert del mal andar.

21.

Mo quand al s'accusò al corn alla boeca
E l' fi sintir s'al saveva sunar,
Av so dir m' ch' ognun fora s la tocca,
E la vuia i scappò d vleri picchiar.
Al magh corr vi auca lu, e s'en trabocca,
E cun tutt i altr al s la tins sbignar.
I corn tutt a squass, termend com'è fui,
In lugh, in dov al son dal corn en cù.

22.

In somma, i persunir cun al guardian
Scappoun, e d'in stalla anch tutt i cavai,
Ch la cavezza i ligava tutt in van,
E d qui i in fu ch'en s'attruvonn più mai.
Av so dir ch'an i arstò ne gatt ne can;
Al sou del corn, par ch diga: Dai dui!
Al sre scappà cun i altr anch Rabican,
Mo, in t l'uscir, dal patron al di in t'el man.

23.

Quand Astolf av al magh santanà vi,
D'in t la porta al cavò quel pirol d sass,
E agli attruvò suppli mill diavleri,
Ch'adess an v stagh a dir; mo innanz a pass.
E s digh ch, per destruzzir tutta sta mali,
Pignatin e altr traquai mandò in seunquass:
Che d tutt quel tal librin i dava i lum,
E quasi palazz e incant andonn in fum.

24.

Qui l'attruvò al cavall d Ruggir, ligà
Cun una corda d'or alla rastlira;
Quell dagli ali, ch' Atlant i avea mandà,
Quand in India ai fi far quai gran carrira,
E Lugistilla a lu po avea insegnà
D mettri al mors, e cundurì la manira;
Ch l'aveva po adruvà a turnar indri,
Quand Angelica nuda al purtò vi.

25.

Av suvgnrà ch'al mors anch al lassò
Attacch a qu' albr, dov al fu ligà
Dal bon Ruggir, quand in Franza al turnò
Cun sta zovna dall' Orca liberà,
Ch'in benemerit dal man la i scappò:
E l' Ippugriff era da Atlant turnà,
Al qual n' av sempr cura, fin a tant
Ch' i fu da Astolf sudeovra miss l'incant.

26.

An pseva mai trovar miura occasion
Al bon princip di inglis, che la present:
Ne l' Ippugriff più pseva vgnir a ton,
Perchè Astolf cunsulà fuss e content,
Da pssers cun comod tor suddisfazion
D vedr del mond al rest e prestament.
S quell al pseva purtar l'era infurmià,
Perchè in India al l'aveva za pruvà.

27.

La prova al fi quel di quand dall'indvina
I fu turnà la bella forma umana,
Ch' i era stà toltà dalla maga Alzina,
Quand l' al mudò in sambugh dri a quai fontana.
Al vist cmod Lugistilla, d virtù pina,
Inagnò a Ruggir d'andar per l'aria vana,
E la manira per farl ubbidir
Al mors, e del sou furi 'n s'inspurir.

28.

Tors per lu l' Ippugriff l'ha destinà:
Ai miss la sella, e s' i affiubbò al ptural,
E dal brei d qui cavall ch'ern scappà,
Ch'ern armas attaccà dila stalla ai pal,
Più cos per so servizi avend cavà,
Al trovò un mors a quel dila fada ugual:
E allora allora al sre vulà luntan,
S'al n'al trattgneva l'amor d Rabican.

29.

An vleva mo lassarl alla vintura,
Sicchè al prim ch'al truvasse s'al cuccass sù:
Dla so bravura prova al n'ha d sicura,
S'in fin d'in India in Franza l'era vgnù
Senza addruvar altra cavaleadura,
In puch di, senza gnanch toccarl sù.
L'arè vlu un qualch amigh da pesser cunsegnarl,
E. quand an pessiss far altr, almanc dunarl.

30.

Al guardava s l'aviss vest arrivar
Un qualch pastor, o pur un qualch villan,
O pur qualch d'un da farsel dri guidar
Al prim lugh abità, cun tgnirl a man.
Tutt quel di, em'al durò, al sti a guardar,
E anch tutta la nòtt, attent in van;
E, in t'al principi dl'alba, ai pars d sentir
Vers lu, pr'al bosch, l'armor d'un cavalir.

31.

Prima d dirv chi al fuss, a torn indri,
Per scorrer un po d Ruggir e d Bradamant,
Ch dop ch del corn finì la mèludi
Per cas i s'attruvonn ben poch distant.
Subit ch' i alzò Ruggir al guard a li,
Per quella al l'acguassì ch l'ama quì tant:
Perchè, in t'al temp ch' i stinn in t'al palazz,
Mai vols ch' i acguassissu al steriunazz.

32.

Ruggir guardava a Bradamant, e li
Cun maraveia la i guardava a lù
D'essr stà tutt qui di insem d campagni
In quel palazz, e n s'essr mai cgnussù.
Lu l'abbrazza e pinsà cun ch' energi,
Li dvintò rossa, e bella sempr più:
Mo an fu Ruggir cuntent sol d'abbrazzarla,
Ch' al s' i accussò al mustazz, es vols basarla.

33.

I s turnonn a abbrazzar del volt più d cent,
E più d mill, tant i avevni un gran piaser.
Ognun d' lor s' attruvava quì cuntent,
Ch' allora d più in savevni cosa s vler.
Del temp passà, ch' i han pers pr' incantament
In quel palazz, i avevni sol d'piaser.
S' in quel temp acguassù i s fussen tra d lor,
I aren cun più cuntent impiegà gli or.

34.

Bradamant, ch'era dsposta d cuntintar
In tutt quel mai ch la pesava al cavalir,
Salvand sempr però quel ch s dev salvar,
E ch l'unor en fuss tocch gnanch in pinsir,
La i diss ch per sposa ai su la fiss dmandar,
S' al vlea da li tutt quel ch' al brama uttgnir,
Mo, innanz agli altr cos, fort la i aremanda
Prima battzars, e po tntar la dmanda.

35.

Al bon Ruggir, ch'arè non sulament
Tolt a patt d fars cristian pr amor so d li.
Cmod era stà so padr antigament,
E so nonn, e po tutta la so zni,
Mo al s srev ben anch lassà subitament
Dalla testa scurdgar in finna ai pi:
Non sol, al diss, per vu in t l'acqua a andarò,
Mo anch in t'al fugh, e poch al stimarò.

36.

Per fars donca battzar, e po per sposa
Aver la bella dama, al s miss in vi,
Da Bradamant cundutt, per Vallumbrosa,
Ch'era un: ricca e gran bella Badi,
Pina d'una fameia numerosa
D bun frà, curtis a chi và innanz e indri.
Mo, in t l'uscir d'in t'al bosch, ai di tra i pi
Una signora pina 'd malincuni.

37.

Ruggir, sempr benign e d bon manir.
Mo cun el donn l'era po purassà,
A vederla piangulenta e in gran pinsir,
Cun la stanella in fin dal piant bagnà,
Tanta pietà in t l'intern al s sinti vgnir,
Ch, per saver al motiv ch' l'è dscunsulà,
Dop fatt un bell salut, cmod as cunvgnava,
Ai dmandò perchè tant la s'afflizeva.

38.

Li i guardò d fiss in volt, mesta e dolenta.
E li i arpeso cun tutta civiltà,
E dla causa d sintirs aqusi dscuntenta.
Digand a st mod, l'al fi ben infurmà:
A pssì saver, signor car, ch' aqusi viulenta
È la passion ch' a sent, ch' a gir pr' el strà
Squas fora d mi, pr'al dsgust ch' pr' un zovn a port,
Che in t' un castell quì vsin ancù strà mort,

39.

St zuvnin, vlend ben a una sguarina bella,
Fiola d Marsili, al nostr re dla Spagna,
Vstì cun al bust, la scuffia e la stanella,
Cun i ucch mudest, e cun la vos cumpagna,
Sigh l'è stà un timparell in gabanella,
Senza pinsar ch' al sre pur dà in t la ragna.
Ma sti cos en s fan tant segretament,
Ch' in t l' ultim an n'ava cugnizion la zent.

40.

Un s' n' accurzì, quest in parlò cun dù,
E qustor cun tri, ch' andonn al re a avvisar,
Al qual mandò, ch' è poch, quì un di sù
Uffizial, e s fi i mrus a lett chiappar.
In t la rocca a gli ha miss person tutt dù,
Mo separà tra d lor, ch' in s ponu parlar:
E al di d'ancù mi n' cred ch' i lassaran
Passar, ch' al zovn viv i brusaran.

41.

Mi a son scappà pr' en vedr tant rigor;
E au par ch la sippa troppa crudeltà.
D sicur an prev aver più gran dutor
A veder un quasi bel zovn esser brusà.
Sempr arò, per l'avgnir, da tutt gli or
Dinanz ai uech st castigh quasi desperustà;
E, in mezz al più gran gust ch' au possa aver,
Arcurdandmì, arò sempr un gran dspiaser.

42.

La bella Bradamant, n' udi cun flemma
Sta nova, e la s sintì dentr da lì
Un cert seunzubi, ch fa ch st puvrì in prema
Tant, quant s' al fuss propri nn di su fradi.
E cun rason d sicur l' ha un po d pustema,
Cmod, s' ari un po d pazinzia a sintiri;
La s vultò al so Ruggir, dsend: A mi 'm par
Ch' al srà ben fatt, s' anden st zovn a aiutar.

43.

E a quella, ch' ai crudava al piant in sen,
La diss: Guidaz pur là a dirittura;
Perchè, s quel zovn viv a truvaren,
Senz' altr au murirà, stà pur sicura.
Ruggir, a vedr quella ch' ai vol ben
Metters per quel zvnnett tanta premura,
Al s sintì anca l' tutt infiammar
D' andar quel pover zovn a liberar.

44.

E a quella ch' ai guzzava i uech e 'l nas,
Al diss: Anden pur donca, cosa fenia?
An serv adess qui star a far di squas,
Insgnaz la strà alla presta: dov andenia?
Tra mill spad e mill lanz, in mezz al bras,
Pur ch' arrivam a temp, n' al cavarenia?
Basta ch' andamn d lugh: andà là innanz,
Perchè an i è temp da perdr a far del zanz.

45.

A sintr dscorrer cun quasi gran franchezza
Qui da massar, avè propriament
Gran forza per turnar un po d'algrezza
In qua donna, ch' avea fatt quasi gran lament.
E perchè l' arè vù andàr là cun frezza
Senza aver dri la strà un incamplament;
E perchè cosa i fuss d nor la saveva,
Dubbia, per quest, tintinagand la steva.

46.

E po la diss: S' a psienar la strà
Più curta pr' arrivar a quel castell,
Mi cred, ch' arrivaren innanz ch' impià
Fuss al fugh e d quel zovn fatt macell.
Mo a nu a z bisogna andar da un altr là,
E s n' i pren arrivar s n' a lum del strell
A quel castell, e, quand a arrivaren,
Chì sa s quel bagai viv a accattaren.

47.

Mo per cosa n' andenia, diss Ruggir
Per la più spiccia? e quella a st mod aspos:
Perchè un castell, ch' è di cunt da Pantir,
Dri la strà s trova, dov un us udios,
Ch' ha miss su contra 'l dam e i cavalir,
Pinnabell cont: al più indegn e 'l più dspttos
On, al qual forsi in t' età nostra viva,
E fiol del cont Anselm d' Altariva.

48.

Ne cavalir ne dama po passar
Senza soffrir gran dann e villani.
Al fa degli arm i cavalir dspuar,
Del vstin el sgnori, e tutt andar vi a pi.
Quattr miur cavalir, 'n s pren attruvar,
Ne gnanch i in fu di ugual gran temp indri.
D qui ch han znrà d mantgnir in t' al castell
St usanza missa su da Pinnabell.

49.

Av vui cuntar in ch mod la cosa è emenza
Sol tri di fa, 'n pinsassi, ch la fuss ranza;
E, quand a l'ari udi, a dari sentenza
S cun rason i zuron d mantgnir l' usanza.
Pinnabell ha una mrosa, ch s po dir senza
Nssuna sorta d virtù, priva d creanza,
Ch' al di innanz, siand andà a spass a cundurla.
L' incuntrò un cavalir, ch' i fi una burla.

50.

Quel cavalir, perchè quì 'l minchiunò
Pr' una vecchia, ch' l' aveva su in t la groppa,
Cun Pinnabell per vindicars giustrò
Ch' ha poca forza, mo superbia troppa.
Pinnabell andò dtes; es vols anch pò
Ch dsamntaas la sgnora, e veder s l' era zoppa,
E po i tols al cavall, vstina e stanelia
E tutt sti cos al di alla so vecchiarella.

51.

Mo quì ch' armas a pi, a so s la s' imptti,
E, d far veudetta sitibonda e ingorda,
Cun al so Pinnabell stretta s' uni,
Ch' in t' al mal far fa sempr a mod d sta lorda.
La diss ch la n' arè ben ne nòtt ne di,
E sempr la sre stà in t l' amor sorda,
S la n' vleva andar mill dam, mill cavalir
A pi, senz' arm, e del so vstiari alzir.

52.

Quia sira (udi s' al diavì i unzè al pan)
I dinn alloz a quattr furastir,
Arrivà allora da pais lontan,
Mo ch' ern quant s po dir furt cavalir.
As dis ch quattr altr adess in s truvaren
Da pesser stari all' impar, brav in ste mstrir.
Un ha nom Aquilant, qu' altr Griffon,
Un Sansunett, cun al Salvadgh Guidon.

53.

Pinnabell cun bel garb, e tutt cortes.
Cmod av ho ditt, la sira i alluzò.
Mo, indurmintà ch'i funn, tutt quattr ai pres
Da traditor, e brisa al n'i deligò
Fin ch' in avn zurà ch pr'un ann e un mes
Tutt quattr srevn stà pront al emaud sò;
Ch'i arèn battù e despuia in quell lugh tutt quant
Là capitavn cavalir errant;

54.

E tutt el donn ch'i avisen avù cun lor
Del belli vest e d zoi srèn sta despuia.
I funn aquai custritt, contra al so unor,
Zurar ch'i aren mantegnù sta brutta quà.
E qui ch fin ora han cumbattù cun lor
En s ponn vantar d'averi decavalcà.
Za mo ai n'è capità magari da,
Mo a pi e senz'arm tutt en turnà indri.

55.

E d più i han fatt insem sta convenzion
Ch, alla prima, sol un vaga a cumbattr,
E s d'arversar l'amigh an fuss stà bon,
Anzi ai tuccass al messir in terra d' battir,
Qui altr tri subit han l'ubbligazion
D'unirs a lu, per star insem tutt quattr.
Guardà mo vu, s tant volt un vinz da sò.
Cosa srà po quand i en tutt quattr unè?

56.

E po al n'è al nostr cas, in st' uccasion,
Perchè del temp an i è da strascinar,
Ne d metter all'azzard d'una question,
La qual, anch ch'a vinzadi, a vui sperar,
Ch'al vostr esser 'm conferma in st'upinion.
La 'n n'è cosa da passer quasi prest sbrigar:
E forsi forsi, un po più ch'az fermamn,
Quel zovn as po anch dar ch'mort a trovamn.

57.

Ruggir i arspes aquai: Nu an i abbaden:
Per la spicia a faren quell ch'a pren far,
E la cura del rest al cil lassen;
Forsi ben la fortuna z pre aiutar!
Sia pur sicura ch nu tutt a faren:
L'usanza matta a cercaren d' livar:
E libr srà l' savnett, ch'avi cuntà
Ch pr'una bublata al fugh è cundannà.

58.

Senz' arspendr altr, quia dunnina bella
Per la strà ch'è più curta la s'avviò,
E, in manch d'un' ora, dov quia furfantella
Fì quia tal lezz, ugnun d' lor arrivò
Dov s' lassa l' vest, arm, cavall e sella,
E anch tant volt la vita casca zò.
La sintinella, ch stà deo del turrazz,
Vdendi arrivar, la sunò al campanazz.

59.

Fora dla porta uscì un vecch stralanà,
A cavall d'un asmett, d qui di zsarù:
Qustù qui a miss a zigar: Fermav, aspià,
Ch as paga la gabella qui, i mi fù;
S l'usanza d' ste castell in v' han cuntà,
Av la farò mi tutta intendr anch.
E qui la cosa tutta al cmenza a dir
D l'usanza d Pinnabell, ch s'ha da mantgnir.

60.

Quand l'av finì, ai vols dari un bon cunsai,
Cmod al feva cun i altr cavalir,
Dsendi: Despuia la donna, e a farì mii,
Arm e cavall dām vu senza chimir.
Aqui a sri fora d tutt quant i sgumbii,
E di prigul, ch'ev pren forsi intravgnir:
D sta roba ai n'accattà quant mai a vli,
Mo s la vita s'in vā, bon di sgneri.

61.

Ruggir arspes: Fen pur finì l' ptegular,
Ch' ai ho d'agn cosa bona infurmazion;
Mi apposta son vgnù qui, ch'am vui pruvir
S'in fatt a son, cmod a pens d'essar, bon.
Arm, cavall e vstiari a n sui dunar,
Ch'a mi l' chiacchir n' m fan gran impression:
E s son sicur ch'al mi cumpagn en vol
Dunar la roba so per del parol.

62.

Fà pur ch'a vdamn donca quel ch'è pront
Per torz arm e cavall, e vlierz despuiar:
Perchè aven da passar d là da quel mont,
E s n'aven temp da perdr a chiaccarar.
Quel vecch arspes: Vdìl là, ch'al vin pr'al pont
Quell ch'al'alzira ev farà vi marchiari.
E la busi an diss za, ch'un cavalir,
Guerni d'un bel arcam, s vist fora uscir.

63.

Allora Bradamant pregò Ruggir,
Per grazia, d n'essar a favorirla dur,
Lassandla andar li contra al cavalir,
Ch arcamà l' vest aveva a frutt e fiur.
Mo sta volta la grazia la 'n psei utgnir,
Ch'a fin l'impresa al vleva lu cundur:
An i fu cas, an la vols suddisfar,
E al bisugnò ch la stiss indri a guardar.

64.

Da Ruggir fu quel vecch interrugh
Chi fuss quell brav, ch la lanza aveva in resta.
L'è Sansunett, l'arspos, ch'porta arcamà
D'arzent d' quel bon la rossa sopravesta.
Quand abbastanza lugh i avinn chiappà,
Senza parlar, senza chinar la testa,
I s'andonn a incuntrar cun el lanz bass,
E s finn ai su cavall stricar al pass.

65.

In st mentr ern vgnù fora dal castell,
Cmod anch i avevn fatt pr' al temp passà,
Una gran squadra d sbirr, cun Pinnabell,
Per dsarmar quell ch' in terra fuss andà.
I cavalir cminzonn al so duell,
Ch' avevn i su bun scud ben imbrazzà;
I s corsn contra cun una lanza pron
Grossa d sieur quant possa essr un timon.

66.

Del lanz quai fatti, più d' una vintina
N' aveva Sansunett fatt ammanvar;
Là pressa ai n' era una muntagna pina,
Pr' averli sempr pronti da addruvar.
Ai vol degli arm d bona tempra e fina
A chi s' vol contra a quel stangà salvar.
Sansunett a Ruggir dou in mandò,
Quella ch Ruggir en vols per ln addruvò.

67.

Questi, ch' avevn in punta un ferr acut,
Ch' arev anch nn' ancuzn strafurà,
L' un cun l' altr i gli addrizzn contra ai scud,
E d posta i s' incuntronn a mezza strà.
Quel d Ruggir, ch' fi sudar i diavli nud,
In t' el fusin dl' infern lavorà,
Quel scud a digh, ch' era del magh Atlant,
S' av l' arcurdà, descritt al segond Cant;

68.

Ste scud av ho za ditt ch' l' era incantà,
E ch' a dscurvrl mandava tant splendor
Da far armagnr el zent imbarbaia,
Non sol, mo instramartir pr' al gran lusor.
Quest in t' i gran bisugn l' avea adruvà,
Mo sempr al tgneva cvert pr' en s far dsunor.
As pensa ch' al fuss anch impenetrabil,
Perchè an s moss a quel colp quai furmidabil.

69.

Qul' altr, ch' n' aveva avù un meistr quai bon,
An pssì star fort contra a quel gran culpazz:
Al pars propri ch' al fuss un scud d carton,
E ch' la lanza cuiss a un bambozz d strazz,
La i fi propri in t' al mezz un gran stiancon,
E al pover Sansunett fu fri in t' un brazz,
D manira ch' an pssì in sella star tant strett,
Ch' sta volta andar in terra an fuss cnstrett.

70.

Al prim fu Sansunett tra i su campugn,
Ch' avevn al surament d stngntr l' nsaanza,
Ch' an pssì sovra al cntrari far guadagn,
Anzi al mostrò sta volta al cil la panza.
Del volt ai è del mosch ch rompn el tel d ragn,
Mo sempr tanta baza n' han per manza.
Dop quest, deo del tarrazz la sintinella
Un' altra volta al campanazz martella.

71.

In st mentr Pinnabell s' era accostà
A Bradamant, perche ai vleva dmandar
Chi era quel signor ch' aveva decavalcà
Quel cavalir, quai poch us a cascàr.
La pera za ch deava essr madurà,
O pur al cil, ch' al vleva castigar,
Permiss che allora, quand al s' i accustò,
L' aviss sigh al cavall, ch' a li ai rubbò.

72.

L' era a la fin in circa dl' uttav mes,
Dop ch la s' era abbattù cun st zanenin,
Al più briceon, al più iniqu maganzes,
Quand in t la grotta al la ficcò d Merlin.
Qua brocca d'albr dalla mort la dfe,
Ch' i fi attruvar al so propri destin;
Lu, pinsand ch la fuss morta senza fall,
Allora av diess ch' al guidò vi al cavall.

73.

Bradamant accgnussì al so cavallin,
E enn quest l' arriavò quel ladr cont.
Più po a sintri parlar, essri quai vsin,
E, guardandi ben ben d fise in t la front,
La dias: Senz' altr qustù l' è qul' assassin
Ch' in qula busa 'm ficcò per farm affront:
Adess al l' ha cundutt quai quai l' so peà
Pr' essr, cunforma al merita, premià.

74.

Bravar, dsfudrar la spada, trarsi adoss,
Tutt in t' un temp la fi sti trei azion:
Mo pr' asserai la strà prima la s moss,
Perch' turnar dentr an pssiss del so purton.
Allora Pinnabell s sintè pr' egli oes
La pora d' en scappar qualeh brutta lizon.
E, zigand, senza mai vltars indri,
Per mezz al bosch al s miss a correr vi.

75.

Pin d scagazza, al cavall al dava d spron,
E l' mteva el sou speranz in t' al scappar;
Mo l' ha za al cnst la gran fiola d' Amon,
Ch' n' i lassa gnanch un bris da respirar,
E la i è squas attacc, squas a gallon,
Cun tant armor, ch' al bosch tutt fa arbumber;
Mo in t' al castell d sta cosa nssun sà niint,
Ch' a la battaia tutt quant stevn attint.

76.

In st mentr uscì qui tri altr cavalir
Fora dla porta, ch' en d tutt punt armà:
E quia bambozza sigh era anch viu uscir.
Quella ch' aveva miss in pi sta qntà.
Sti tri d' accord turèn a patt d murir.
Che vivr qui in sta vita dsunurà:
Dalla rabbia i battèrn finna i pi
Pr' aver d' andar contra d' un sol in tri.

77.

Sta squinzia, cmod a diss, ch' aveva fatt
Mettr st' usanza su, e ch feva usservarla.
Al zuraient la i va arcundand, e al patt,
Cun la promessa fatta d vendicarla.
Mo s cun sta lanza qu' mi in terra a batt,
Per cosa agli altr oia da accompagnarla?
Dseva Guidon: e s' an ev digh al ver,
Fam subit impiccar a un sorbl o a un per.

78.

L' istess dseva Griffon cun Aquilant,
Ch' arèn pnr vlu da sol a sol giustrar,
E più tost in t' al camp arstar infrant,
Che insem contra d' un sol aver da andar.
Qu' dseva: Adess n' è al temp ch' av dadi st vant,
Nè ch' av perdadi a star a sbiaffar.
Mi av cundus qui perchè qu' lor a depuiadi,
E non perchè nov lezz, nur patt am fadi.

79.

Innanz d promettir bisognava far
Sti discurs, e la promessa beo mantgnarla:
L' ordn za cmenz a si ubbligà usservar,
E sti parol en tratti al vent, per dirla.
Ruggir eridava: Cosa stava a far?
Sta fola è lunga, e mi a vui prest finirla.
Arm e cavall ai ho, valdrappa e sella,
E sta donna ha un bust nov, cun la stanella.

80.

Stumblà qui tri da qui tal puntirù
Da un là, e da qu' altr dal parol d Ruggir,
Funn in ultim sfurz a mantgnir i su
Patt, sebben ch la vergogna in ponn suffrir.
Inseu accompagnà, v' innanz i fiù
Dl' unratissim marches Ulivir;
Guidon, ch' ha 'l so cavall ch n' è tant gaiard,
Arrivò dop, un tantinù più tard.

81.

Qu' istessa lanza, ch' addruv' l' aveva
Pr' arbaltar Sansonett, Ruggir portava,
E quel bell scud, ch' aver Atlant suleva
Quand in t' i Pirini la zent rubava:
Quel bell scud incantà, ch tant arsplendeava,
E ch feva cascar dtes quell ch' i guardava,
E ch Ruggir sulament poch vòl pruvò,
Quand in t' un strett bisogn a s' attruvò.

82.

Sol per trei volt al s' n' era za servì,
E certament in gran necessità:
El don primi cu' al fu da Alzina uscì,
E ch' al s' arduss a vita più ludà.
La terza fu quand l' Orca al stramurtì,
Lassandla in t la marina là azzacà,
Per liberar Angelica, la qual
Al piantò po, quant la fusc stà un stival.

83.

Fora d sti volt, semp al l' aveva tgnù,
Pr' al rest del temp, sotto una cverta arpos:
Da passerli descruvr prest, s' ai par a là,
Quand al s truvass del so aiut beugnos.
Avendl donea in st' neccasion cun lù,
Cmod av ho ditt, al stava quai animos,
Dla so forza fidands, ch qui tri mustazz
I fevn pora iust quant tri ragazz.

84.

A la forza d Ruggir, pover Griffon,
A procurassi d far testa, mo in van,
Ch' in terra av mandò arvera cun un nrtion.
Dal vostr bon cavall dscost e luntan.
Vu con la lanza sol fissi un stiancon
In t' al taped guerni d' un passaman:
Quel tal taped, ch cruveva 'l scud fatal,
Ch' al mond an i è mai stà, ne ai srà l' ugual.

85.

Aquì fu, perchè 'l scud an pssè furar
E in t' al taped al colp d sfuzz al striscio:
Es fi a l' avversa d quell ch' al vleva far,
Cun degust ben grand, in terra quand l' andò.
Aquilant so fradell, ch' i era a l' impar,
Qu' altra part del taped tutta strazzò.
Al splendor battì in t' i uech ai du fradì,
E a Guidon, ch' era d lor un po più indri.

86.

In terra tutt cascon, chi qui, chi lì,
Perchè non sol al scud i uech i imbarbaia,
Mo al fa armagur la zent instramurba.
Ruggir, per seguitar la so battaia
Al s volta, perchè an sa ch la sia finì:
A la spada 'l mitt man ch ben fora e taia,
Nè al trova nasun ch' adoss ai possa mnar,
Ch' al gran lusor i ha fatt tutt quant cascar.

87.

I cavalir, el donn, sbirr e suldà,
Cun i altr tutt, ch' ai combattint guardavn,
E i cavall anca lor, ch' ern sveltà,
Al vist, ch' arrigh arrigh i arfadavn.
E perchè là an l' attrova, al va pinsand
Ch la sia d quel zorn in st' mentr andà alla dfeva.
Perchè, in t' al perdr al temp quai qui a giustrar.
Intant i l' arèn pssè forsi brasar.

88.

Al s volta prest, la so miosa cercand,
E an la ved a cavall, nè in terra dtesa.
Al torna là dov l' era armassa quand
L' aveva cun al prim cminzà l' impresa.
E perchè là an l' attrova, al va pinsand
Ch la sia d quel zorn in st' mentr andà alla dfeva.
Perchè, in t' al perdr al temp quai qui a giustrar.
Intant i l' arèn pssè forsi brasar.

89.

Tra i altr lunghe e desis al vist qula tal
Sgnora afflitta, ch' i aveva là cundett.
Al s la tirò in t la sella tal e qual,
E po vultò 'l cavall pulvros e brutt.
A sta zovna al dsfiubbò e cavò al grimbai,
E evers al scud, ch st' effett avea produitt:
Quand fu cvert al splendor, in t' un mument
La bella zovna turnò in sientiment.

90.

Ruggir s' n' andava dulent e cunfus,
E an s' attintava gnanch d'alzar la testa
Dalla pora ch' ai fiss la baia i tus
Per la vittoria forsi poch unesta.
Cosa faràl? dov trovaràl del scus
Per far la so innuzenza manifesta?
Tra d lu 'l dseva: Al dirà d sicur la zent,
Ch mi 'n ho vint, mo ch l'è stà l' incantament.

91.

In quel mentr ch tra d lu sti cos al dis,
Per furtuna, al trovò un pozz fora d san Flis.
Forsi campagn del pozz fora d san Flis,
Dov dai Mudnis la Secchia fu rubà.
Mo quest è propri al mi panett, al dis,
E quell ch a vleva ai ho iust attruvà.
Per st scud del diav! qui propri am bisogna
Far in maniera d più 'n n' aver vergogna.

92.

An t portarò za più, e qui a supplirò
Quanta vergogna ai ho, per ti, avù al mond;
Digand aquì, zo dal cavall sblistò,
E po tols un gran sass asquizz e tond,
Ben ligandl e striccandl al scud, e po
Insem ai fi trovar del pozz al fond;
E 'l diss: Vatin la zo, purtand anch tigh
Tutt al dsunor avà per purtart migh.

93.

Fond era al pozz, e d'acqua l'era pin,
Pes era 'l scud, e 'l sass pes anca lù;
E sol dal fond i s' affermonn al fin,
Ne nova d lor an s n' è savù mai più.
L' att generos qui fatti da st parigin
Dalla vos pupular sparguà fi;
Sta cosa la s sav prest per Franza e Spagna,
Pr' Italia, pr' Inghilterra e pr' Alemagna;

94.

Quand sta cosa pr' al mond la s fu imparà,
E ch' al la sav i vein e i da luntan,
Da più d' un brav mustazz al fu cercà
Quel pozz, e sempr i al cerconn in van.
Perchè dov l' era, e dov al fuss cavà
In al savn, i n' al san, e s n' al saran:
Che qula dunnina, ch fi st bell' att pales,
La dscors d' un pozz, mo la 'n diss al paes.

95.

Quand al castell Ruggir vultò i calcagn,
Dov l' aveva quasi prest vint la battaia
Contra a Griffon, e ai altr su campagn,
Arversà in terra quant s' i fuesn d paia;
Purtand vi 'l scud, causa di su guadagn,
Anch la gran lus parti ch' i ucch imbarbaia.
Tutt qui, ch per quell in terra era cascà,
I s livonn su, ch' i parevn insunià.

96.

In quel castell an s fi altr dalla zent,
Pr' una man d di, che dscorrer sovra a st cas,
Cos' era quel splendor ch feva st purtent
Che vndel ognun fora d sè stess armas.
Mo, in st mentr ch' i ern attint a st parlament.
Arriva nova ch Pinnabell è armas,
Per ch oas an s sà, poch luntan d li spigazzà,
Mo al malfattor an s sà chi 'l sippa stà.

97.

L' ardidia Bradamant aveva in st mentr
Arzunt qual cont so nmigh a un cert pass strett.
E s' i aveva cent volt piantà in t' al ventr
La spada, e tridà 'l oor e al figadett.
Quand la vist ch per l' avgnir an s farè sentr
La puzza d un zaltron quasi maledett,
Per turnar da Ruggir la vultò strà
Cun quel cavall, ch' i aveva quèl rubà.

98.

Mo la puvrina s' arradgò la vi
E s' en pesi più dal so bel mros turnar;
Per mont, per vall l' andava innanz e indri,
L' avi l' asi d cercar e d arcercar,
Ch mai la furtuna vols ch l' ai diss tra i pì:
E a passi credr s la dseva suspirar.
Mo ch la suspira quant la vol, ch' mi intant
A vad a lett, e qui finiss al Cant.

FIN DEL CANT VINTDU.



CANT VINTRI

ARGUMENT

*Vì pr'aria vola Astolf, e al bon Zerbìn
È pr'al sicari d Pinnabell ligà;
Mo Urland al salva. Su a cavall d Fruntin
Và Rudumont, ch' a Ippalca l' ha rubà.
Cun Mundricard cumbatt al paladin
Urland, al qual po, vdrnds abbandunà
Da Angelica, dà in tanta frenesi,
Ch nud nad al s despuia, e matt al corr pr'el vi.*

1.

Cercà, fñ mi, d far ben sempr alla zent,
Sià liberal, usà buntà e cortesi,
Perch s qualch d'un s porta anch ingratement
E l' v paga cun straniezz e purcari,
Prest o tard vin al temp del pagament,
Mo del ben fatt vu mai n' ev pintiri.
La bocca istessa al di dlla verità
Ch' as srà, cmod as misura, misurà...

2.

Guardà quell ch' è success a Pinnabell
Pr' aver uperà sempr da guidon:
In ultim, l' è arrivà po al zaltrunzell
D' aver merced del son cattiv azion.
E Domendi, ch' en vol brisa al fiazell
Dl' om giust, e l' innucent l' ha in protezion,
Bradamant al salvò, es salvarà tutt
Ch staran luntan dai fatt cattiv e brutt.

3.

Ch Bradamant al s pinsò, qu' infam e ladr,
Muriss, quand al la fi in quel fond cascar;
E an s sre za mai cherdù d' andar zo d squadr
Pr' el man d qu' istessa, ch lu tirò a ammazzar.
Ne l' attruvars in t la sgnuri d so padr
E in mezz ai su casti l' han pesù salvar.
El muntagn d' Altariva ern da un là,
E da qu' altr d Puntir i era al cuntà.

4.

Anselm d' Altariva l' era cont,
E Pinnabell da Anselm l' era nad;
Mo quest' n fu per scappar ben lest e pront,
Ne di amigh in aiut pesi aver el spad.
La brava zorna, alla radis d' un mont,
L' sbasi senza decurs questù quisi mal nad,
Ch' altra dfesa en trovò, nè altr arpar
Sn' a gran vos aremandare, piauz e cridar.

5.

Quand l' av cavà dal mond st mal cavalir,
Ch' aveva prima viu ammazzarla li,
Turnar la vleva dov' arstò Ruggir,
Mo per dsgrazia la n pesi trovar la vi.
Anzi l' s' arradgò per cert sintir
Tant zo d strà, ch la pars propri una mali.
E quand s cminziò a far l' aria più bara
La s trovò in mezz a una buscheida scura.

6.

La s ferma, e po zo da cavall la sbrozza,
Pr' en s perdr asiand pr' al bosch tutta la nött,
E po sotto a una frasca la s' arcozza,
Dop essers cavà d ferr prima l' scuffiott;
La contempra l' trei strell, al carr, la chiozza,
E s và guardand s l' è gnanc livà l' sterlott;
Mo dentr d li tutt quant i su pinsir
Adoss al so car mros van a finir.

7.

La suspirava fort d' essers lassà
Dalla stizza in maniera trasportar
Da andar, per vindicare, fora dlla strà:
Ne al mi Ruggir, la dseva, a pro trovar!
Gran sciocca mi, un n' aver ben abbadà
La strà fatta, cm' a vleva qu'li tunfari;
A dseva aver ben i uech fudrà d persutt,
L' inzeugn e la memoria pers del tutt!

8.

Sti cos, e sigh degli altr l' an tasi,
E più la in disè assà dentr in t la ment.
Al pianz e al suspirar qu'la nött ch la fi,
Al pareva ch piuviss, tirass al vent.
E quisi, dop lung' aspttar, pur al nesci
La bella aurora nova finalment.
La tols i su cavall, ch' ern a pasquilar,
Andand vers dov al sol la vist dsputar.

9.

L' an camminò gran cosa, ch' l' arrivò
Dov era za l' palazz del magh Atlant.
E dov, pr' n so quant temp tant la cercò
Anca li in tutt i bus al car amant.
Qui l' duca d' Inghilterra l' attruvò,
Ch za s' in sre vulà vi, ch' al sre pur tant,
S' l' aviss avù a chi psser cunsagnar in man,
Com persona sicura, Rabican.

10.

Furtuna ch' al n' aveva l' elm in testa,
Ch' an s l' era affiubbà gnanch al paladin:
Sicchè subit ch li uscì dalla furesta
La l' ognossi, ch l' era al duca so cusin.
La l' salutò d luntan, e cun gran festa
La cors, e s l' abbrazzò, quand la i fu avsin.
Dsnd al so nom, la s' alzò la visira,
E la i mustrò all' averta la so cira.

11.

An psseva Astolf trovar un cumpagnon
 L'ù sicur, perchè al cavall ai lassass,
 E ch' i al saviss mantguir ben grass e in ton,
 E ch' ai l'arstitoiss po cun'al turnass,
 Quant' iust sta fiola del so barba Amon:
 Lu s pinsò cert ch' al cil i la mandass,
 Semp'al la vdeva quant s po dir vltutina,
 Mo in ste moment ch' è qui pinsà in ch manira!

12.

I s'abbrazzonn astricch quant du fradi,
 Pr' al gran piaser ch' ognun d lor sint in sen,
 L' un cun l' altr dmandands cun gran curtsi
 Cosa i era success, s' i stavn ben?
 Arspos ch' i s'avn, Astolf disse: S' a vad vi,
 E cun sta bistia andar tra nuvi e aren,
 Al n' è più temp d aspttar; e aqusi digand
 L'ippugriff alla donna al vign mustrand.

13.

Li d sorta affatt 'n s' av da maraviar
 A vedr dstendr gli ali a qu' animal.
 Degli altr volt la l'avea vist vular
 In mod ch la s'era finna ai uech fatt mal,
 Tant i stilla quel di d fies a guardar
 Quand l'andò contra al magh; quel di fatal,
 Ch' al so Ruggir per l'aria volò vi,
 E li la fu pr' urbir, guardandi dri.

14.

Astolf a Bradamant po 'l diss ch' al vleva
 Cunsognari al so cavall, ditt Rabican,
 Ch' in t' al correr ben fort tant al valeva,
 Ch barba d cavall n' i psseva torr la man:
 E dari gli arm cun quanti al n'aveva,
 Perchè la li mandass a Montalban
 In deposit, pr' in finna ch' al turnava,
 Perchè sta roba adess n' i bisognava.

15.

Perchè, s' al vol per l'aria vular vi
 Al più ch' al po, ben fatt pensa esser alzir.
 Sol al corn e la spada al a vols tor dri
 Che da tutt quant i intrigh bastn pr' uscir.
 La lanza ai cunsognò auch ch fu d' Argali,
 Qula bella lanza d' or, ch' i cavalir
 Fà tutt uscir d' in sella quand l' ai tocca.
 Perch l' è affadà in t' un mod, ch' ognun trabocca.

16.

Dop sti cos, a cavall fu Astolf d' un salt,
 Fagandl andar alla prima lent lent;
 Cun al spron po ai fi in aria far cert salt,
 Ch Bradamant al pers d vista in t' un mument:
 Aqusi 'l pilot guida la nav in alt,
 Ch' al par ch' al tema i scui, ch' al tema 'l vent,
 Mo, quand l' è uscì dal port, al dà la vi
 A tutt el vel, lassand la spiazza indri.

17.

Parti Astolf, Bradamant armas al bur,
 Senza peser accattar prinziipi o fin,
 Pr' en saver cmod a Muntalban cundur
 Quel cavall e quel tattr d so cusin.
 Dentr d li po s' i arnova i gran dular
 Pr' amor, ch' i pista al cor cun un martin,
 D' arvedr quell ch la i vrev essr la sposa,
 E s pensa d' attruvarl a Vallumbrosa.

18.

Tra sti pinsir suspesa, a gran vintura
 Alla so volta capitò un villan;
 Da quest la fi accumdar ben l'armadura,
 Cargandla su in t la schina d Rabican:
 Po, quand agli av dà l'ultima ligadura,
 D qu' altr cavall la i miss el brei in man,
 Urdnandi ch' ai tgniss dri a li bell bell,
 A li, ch ha 'l so za tolt a Pinnabell.

19.

A Vallumbrosa la pinsò d' andar
 Cun la speranza d trovar là Ruggir.
 Mo per la miora strà la 'n sà quà s far
 Pratica ben poch siand 'd qui sintir;
 Gnanch quel villan saveva dov s prillar,
 Sicchè 'l cil sà dov i andaran a uscir.
 La tols in ultm per la più sicura
 Andar dov i par miù alla vintura.

20.

I andonn pr' un pezz senza attruvar persona
 La qual i passiss la strà sicura insignar:
 In t l'ultn i s'attruvonn, tra sesta e nona,
 Dov Bradamant allora 'n vleva andar.
 Perchè, vdend un castell ch feva curona
 A un mont, la l'arvisò senza tardar
 Essr quest Muntalban, castell d so padr,
 Dov la i aveva di fradi e la madr.

21.

Quand Bradamant al sit l'avi cgnussù,
 D' algrars iu scambi, l' av malincuni,
 Per pora d n' essr decverta s la stà d più,
 Ne peser cmod par a li turnarsn vi.
 S la s ferma, amor la sint ch la tocca sù,
 E s la turmenta, mo alla vera vi.
 Più alla Badi la 'n arè 'l mros trovà,
 E s n' arèn fatt più quell ch i avevn urdnà.

22.

La stì un pzuett guardand, e po pinsò
 Vultar d: un' altra banda, e turnar vi;
 D Vallumbrosa alla volta al pass drizzò
 Allora, avend trovà la bona vi.
 Mo, per so disgrazia, a cas la s' incontrò.
 Dop quatr pass, in t' un di su fradi
 Ch' aveva num Alard, e s' en pasi far
 In manira l' incontr d pesser schivar.

23.

Al vgneva, ch l'era stà a mettr a quartir
Di suldà d nova liva pr'ordn d Carl:
Gli accuglienz e i salut an stagh qui a dir,
Ch a pinsari tra d lor s'i volen farl.
Per creanza al fradell la s vins a nnir,
Za ch la n'aveva avù temp da scansarl.
E, parland d vari cos tra d lor, pian pian,
In cumpagni, i andonn a Muntalban.

24.

Bradamantr intrò dentr in t al castell,
Dov so madr, cun pianz e suspirar,
Aspttandla indarn, l'ha dentr nn martell,
E per gran temp la l'ha fatta cercar.
Di bas, del striccà d man an ev favell
Dla madr, di fradi, del serv, del cmar,
Ch'i i feven rabbia tutt, quand la pinsava
Ch far la 'n paseva i su cvi s d più la tardava.

25.

Donca, pr' en psser andar, la fi pinsir
Che per li un altr a Vallumbrosa andass
A far avvisà in temp al so Ruggir
Di: causa perchè li voel en s lassass;
Pregandl in t l'istess temp d en far chimir,
Mo, emod i ern daocord, là ch' al s battass,
E po ch al vgniss da li per quel servizi,
Ciòè pr'effettuar al spualizi.

26.

La pinsò per l'istess imbassador
D vleri pur anch al so cavall mandar,
Perchè la sà quant l'in fa cont quel sgnor,
Ch'aveva ben rason d tgnirsl aqusi car;
Perchè d tutt i cavall tra l' più bel fior
A s'arev ben avù l'asi d cercar,
Mo an s srev trovà l' più bell, ne al più gaiard,
Fora che Breiador sol e Baiard.

27.

Da quel di ch'a cavall Ruggir muntò
Di l'ippugriff, e ch l'andò vi quasi lontan,
Al lassò la Fruntin, ch'aqusi s chiamò
Quel bray cavall, e li la l' tols a man,
E pr'nn ch la s'in fidava l'al mandò
A star cun qni d so padr a Muntalban.
Sicchè donca, siand sta poch adruvà,
L'era luser e tond, grass abbragà.

28.

Per fari un bell'arcam, prima s cunsiia
Cun el sou camariri, e s fan al dsegn:
Ognna d lor al giudizi assuttia
Es mettn in ovra quant el n'han d'inzegn.
La valdrappa gli arcamn, sella e briia;
E, quand la ved ch la i è riuaci in t l'impegn,
La fiola chiama dla belia da un là,
Ch'era di sn zattin ben infurmà.

29.

La i aveva cuntà d Ruggir l'amor
Del miara d volt a sta so cunfident;
La so blezza, el virtù, al garb, al valor,
E s l'aveva lodà strumpalament.
Ora, la diss, più bell'imbassador
Mi 'n so trovar, in t al bisogn present,
Ch ti, ch t sà tutt, e chiarament t pu dir
Tutt quell ch'ai ho in t al cor e in t'al pinsir.

30.

Ippalca sta ragazza era chiamà,
E la i insegna e dis dov l'ha da andar;
E quand la l'av del cos ben infurmà,
E emod l'aveva da dir, e emod da far,
E scusarla s la n'era allora andà
A Vallumbrosa, e ch l'aveva da dar
La colpa alla fortuna traditora,
Ch l'aveva guidà a cà in tanta malora.

31.

La la miss a cavall d'un bell asnin,
E po i di l' redo del cavall in man,
Dsendi in ultim: Va vi, e s mai pr'al cammin
T'incontrass un bricoon, o un tocch d villan,
Ch'et vliss per forza purtar vi Fruntin,
Dii ch l'è d Ruggir, ch'al scappà lontan.
La i insegnò d zent aqusi, cun al pinsir
Che tutta la zent termass al nom d Ruggir.

32.

Cent milla coss la i diss, cent imbassà.
E mill salut da fari da so part.
Tutti sti coss quand Ippalca av imparà,
Senz'aspttar più, da Muntalban la part.
La traversò di bosch, di camp, di prà,
L'andò per mont, per pian da vari part.
E quant miia la s fess al cil al sà
Senza trovar chi i diss gnanch: Ari là!

33.

A mezz di, in t al calar zo da un alt mont.
In t'una malandrina e stretta vi,
Al diav! vols ch l'incontrass Rudumont,
Ch'al nain d Duraliz andava dri.
Al sarazin alzò subit la front
E s biastmò Macumett del volt più d si,
Perchè un quasi bel cavall, ben addubbà,
Al n'ava in man d'nn brav mustazz trovà.

34.

Dent d sè zurament l'aveva fatt
D cuccars su al prim cavall ch l'aviss trovà.
E quest è al prim ch dinanz al cas i ha tratt,
Più bell e bon d quell ch l'aviss mai pinsà.
Mo torl a nna ragazza ai par brutt att;
Ln al vrev senza parer un malcreà;
Al guarda e arguarda, e s dis: Al sangu d din don!
Per cosa n'el in man del so padron?

35.

Ippalca arspos: Magara i fussi pur,
Perchè 'l t farè beu prest mudar pinsir.
A so ch l'è d ti più brav cert e sicur,
Ch'an i è 'l cumpagn tra tutt i cavalir.
Mo ch' i è mai quest, pr' al qual t fa tant pladur?
Diss Rudumont, e li diss: L'è Ruggir.
Iust per quest, Rudumont arspos, al vui,
Za ch'a Ruggir, quasi gran campion, al tui.

36.

E s l'è vera, ch la 'n sia una cargadura,
Ch'al cavall sippa so, e lu quasi valent,
Ai l'arrindrò, e s'i pagarò la vittura;
Ch'al fazza pur lu 'l prezi ch am content.
Dii ch mi son Rudumont propri in figura:
E, s d'attruvarm ai vgniss mai in t la ment,
An cercarà gran fatt, perchè 'l mi azion
Da per tutti fan saver iu dov a son.

37.

Cmod fa 'l saiett ch l'estad vinen d'in alt,
In qualunqu sit ch'am trov ai lass al segn.
Ditt sti parol, monta 'l cavall d'un salt,
Sbutfunzand cun un ris pin d'ira e sdegn,
E po seguita 'l viazz su pr'al mout alt.
Qula zovna, lassà in secch, strilla, e 'l fa segn
D gran strapazzutt, d'ingiuri e villani,
Mo la an i abbada es vè per la so vi.

38.

Al uaiu d Duraliz i andava dri,
Maudricard e sta signora per truvà;
Ippalca al seguitava, e, an digh busi,
La i agnava ch mort al pesias cascar.
Al rest po un'altra volta a sintiri,
Ch'a un'altra cosa ai ho adess da abbadar.
Am bisogna d turnar in quel paes
Dov fu ammazà Piuuabell maganzes.

39.

Appena Bradamant av quetà enuzà,
A tutta furia e in frezza marcia vi.
Là ai arrivò Zerbin pr' un'altra strà.
Cnu la vecchia Gabria in cumpagni.
Al vist quel cavalir tutt sfuracchià,
Za spant del tutt, senza saver chi al s si.
E al vedri quasi trattà ai fi compassion,
Ch'a diria l'era po un bon cumpagnon.

40.

Pinnabell era in terra cun el spall,
Con la panza e 'l mustazz volt all'in sù:
E la so pell pareva propri un vall,
Taut bott avevi da qula zovna arzù.
Freschi Zerbin vdeud 'l pedgh di cavall,
Ai vols tgnir dri per vedr d'chiappar qulù
Ch'aveva al cavalir assassinà,
O pnr nutizia avern da qualch là.

41.

Al dis alla so vecchia ch la l'aspetta
Propri li, ch a mumint l'era d'artorn.
Vain al cadavr prest questa s'arsetta,
Cminzandl a esaminar tutt ben d'intorn:
La pensa ch'al po aver cvell ch la diletta,
E a un ch si mort an po star ben attorn;
E, perchè l'era avara quant s po dir,
Tutt quell ch po far per li la i vol scarpir.

42.

S l'aviss pessù tor agn cosa aqusi d muragott,
E ch l'aviss avù 'l mod d farl d'arpiatt,
D tutt al vestiari l'arè fatt un fagott,
Con tutt gli arm e s l'arè depuà dfatt.
Mo, perchè tor tant cos an i è cirott,
La roba mnuda la i cavò in t'un tratt,
E ai pias fra gli altr un cinturin molt bell,
Ch la s'arpos a travers tra 'l dou stauell.

43.

Poch dop turnò Zerbin, che za 'l cgnusseva
D'aver inutilment usservà i pass,
Perchè 'l trovò la strà ch iu dou s sparteva,
Una andava su in alt, qu'al'altra zo bass;
E perchè 'l Sol d'agn'ora s'arpundeva,
E an vleva d nott fermars li tra qui sass,
Pr'attruvar quicquilloz, o un'ustari,
Al s miss in viazz cun la vecchia dedri.

44.

Luntan squasi dou miia, i attruvonn
Un gran castell, ch'Altariva s chiamava;
Per stari li qula nort i s'affermonn,
Ch dintorn al bur agn cosa za ingumbrava.
Intant ch' i s'arpussavn, i ascoltonn
Alzars un gran armor, e ognun cridava,
Ugnun pienzeva, ugnun feva 'l deprazion,
E an s'era vist la più gran confusion.

45.

Zerbin dmandò 'l perchè: e un cert umarett
Diss ch'era al cont Anselm sta avvisà,
Che, tra dou montagnoli, a un cert pass strett.
Mort Pinnabell so fiol s'era attruvà.
Zerbin capi l'affar, mo, in sè ristrett,
Al fi vista d'armagnr maravia;
Mo dentr d lu al capi ch cert e sicur
L'era quel mort travà tra lum e secur.

46.

Poch dop al vist arriyar al candlett
Accompagnà da torz e da candlatt,
E dri la zent dulenta, ch s batt al pett.
Tant erni pr' i gran stiasm rotti e cutti.
Per vedr al mort, senza putars rispet,
Tra d lor s davn di cuchi e di paignt;
Mo, sovra a tutt po, l'era parassà
So padr al cont Anselm dscunsertà.

47.

Intant ch'al funeral s va preparand,
Gli arm da mort, in Cisa, e al catafalch,
Segond ch'era l'usanza da quel band,
E s'ammanvava pr'i musich al palch,
Da part del cont Anselm l'uscì un band,
In t'la ringhiera lett da un siniscaleh:
Cun quest s prumitteva un bon pugn d cinquantin
A chi descruviss d Pinnabell l'assassin.

48.

D'in vos in vos la cosa s spargniò,
E pr'al castell da tutt prest la s savi;
E a nutizia d Gabrina l'arrivò,
Più di serpint e del tigr arrabbi.
D dar dann a Zerbin subit la pinsò,
O perchè s'igh la fuss fors instizii,
O par ch l'aviss un cor del pred più dur,
Senz'amor ne pietà del cheriatur,

49.

O pur ch la vliss la taia guadagnar:
L'andò a trovar quel signor d lagm quasi pin,
E cun del sfrapp, ditt bel parlar,
La colpa dl'omicidi di a Zerbin.
E perchè l'veda ch la 'n è dri a ingannar
La i mostrò per tal segu al zinturin,
E quest, cun dri la so testimonianza,
Appress'al vecch servi d prova abbastanza.

50.

Al cont, alzand al cil curtesi el man,
Quel fiol, al diss, d vendetta en starà senza.
E circondar l'allozz fatt dai puisan,
E: Chiappl, chiappl! ognun a cridar emenza.
Zerbin, cherdend i nmigh aver luntan,
Fatta a lu brisa aspttava st' insulenza:
Perchè, n'avend a nssun fatt tort o ingiuria,
D'esser ligà an pinsò cun tanta furia.

51.

E subit al fu asrà in t'una person,
Cun i zipp e 'l manett fort incadnà.
E s n'era uscì del sol al carratton,
Ch'alla mort l'era stà za cundannà.
Ch'al sia squartà vign ordn dal patron
Dov propri Pinnabell s'era attruvà,
Senza process o esam, ne nssuna dmanda:
Basta sol ch'al patron quasi vol e emanda.

52.

Quel'altr di, quand l'Aurora saltò fora
A preparar la strà al nov sol nascent,
La zent eminzò a zigur: Quel'assassin mora!
Contra 'l povr Zerbin, ch'era innucent.
Al boia e i sbirr l'andonn a tirar fora,
Accompagnà dalla più bassa zent,
Per vedr st zovn, al qual, a testa china,
Miss fu a cavall ligà su in t'una aschina.

53.

Mo al Signor, ch'en perd mai l'innocenza d vista,
E s n'abbandona chi confida in lù,
Aveva bona dfoza za pruvista,
E dfoza tal da far ch'an mora più.
Qui arrivò Urland, a consular la trista
Disgrazia d Zerbin, e la so salva fu.
D'in t'al mont vist Urland al buss la zent,
Ch'a mort guidava al cavalir dulent.

54.

L'aveva s'igh qula principessa bella,
Ch là in t la spelonca l'aveva attruvà
Del re d Gallizia la fiola, Isabella,
Ch dai assassin l'aveva liberà.
Quella ch'in mar pati quasi gran pruccella
E dop fu da Udurigh in van tintà,
La burrasca dal mar avend sfuzi,
Quella ch'appenza più a Zerbin, che a si,

55.

Del paladin l'andava in campagni
Dop ch fora dalla grotta al la conduss;
Quand l'asservò qula zent e sbirrari,
La dinandò al cont Urland quell cosa 'l fuss?
Mi n' al so, arspos Urland: arstà qui indri,
Ch'andarò mi la zo a vedr s'ai cgnuss.
L'andò al pian, e a Zerbin guardand in prima,
Un zovn ai pars d bona presenza e d stima.

56.

Al s'i accustò più avsin, e s'i dmandò
Dov e perchè i al guidavn ligà:
La testa al cavalir allora alzò
Guardand a quell ch l'aveva interruga.
Cmod l'era, tal e qual, al fatt cuntò;
E quand Urland agn cosa av ascoltà,
Al s moss a compassion, e certamente
Al s miss in testa ch' al fuss innucent.

57.

Più al s cunfirmò in st pinsir, quand l'av intes
Chi era quell ch al mandava a far squartar.
Al cgnussì ch l'era quest un tort pales
Ch'altr ch da un poch d bon an s pseva aspttar;
E d più, ch tra d lor a i era del cuntes,
Siand un gran pezz ch'insem i han da gracciar,
Perchè tra 'l cà d Maganza e d Chiaramont
Ai era del sangu gross, più d quell ch'av cont.

58.

Deligà prest st cavalir, brutta canaia,
Diss Urland, o tutt qui av ammaz in st lugh!
Chi è mai st bravazz, ch'a sta maniera taia?
Diss un, ch'en vleva mo parer d sambugh:
S'a fussn tant spuracch insbulzi d paia
An farè tant burdell, ne gnanch tant fugh.
E incontra al cont al vā, digand sta zanza,
E Urland indritt a lu sbassò la lanza.

25

59.

Quel'armadura, ch'aveva al maganzes,
Al l'aveva la nott tolta a Zerbin,
Mttendesla attorn; mo quella n'al d'fes
Contra alla forza, e al colp del Paladin,
Ch'la l'accoll in t la testa, mo an s'arres
L'elm, pr'esser d'azzarr ben dur e fin.
Per st colp al di però quei gran tracoll,
Ch'al cascò da cavall, e s scavzò 'l coll.

60.

Cun l'istess colp, avend la lanza in resta,
Al segond l'insilzò cmod s fa un uslett.
Fatt quest, a Durlindana la man presta
Al mitt, spinzends innanz in t al bgui strett;
A chi 'l taiaa el brazz, a chi la testa,
A chi l'avra la panza, e quasi 'l fa un d nett;
Tronca quest, spacca quell, cmod s fa un purzell,
E addoss a quolor al mena zo a flazell.

61.

A gli aveva fatt fridd più d'la mità,
Mo tant e tant al sbraga, al taia e s tronea.
Allora i s la vedn brutta, e s tran da un là
Tutt quel ch' i intriga, e spada e sped e ronca;
Chi scappa vi da quest, chi da quel là,
Chi v' in t al bosch, e chi in t'una spelonca.
Mo, senza aver pietà, a tutt bada Urland,
Ch tutt quant ai vol mandar d'la vita in band.

62.

Da cent vint ern qui ch'Urland tuffava,
E a in mors untanta, ch' ai fi i cunt Turpin:
Quistor santanà, turnò Urland dov aspttava
Tra speranza e timor al bon Zerbin.
E v'ndel turnar san, d cor al s'algrava,
Sieur d n'esser squartà cm'è un assassinn.
Per fari unor al s srev anch innucchià,
S'an fuss sta strice in t l'asmina ligà.

63.

Intant ch'Urland al deliga, e po bell bell
L'aiuta intorn a metters l'armadura
Ch' i aveva za rubà quel barisell,
Ch s' in buffava con tutt, per so dsvintura,
Zerbin s vultò a guardar vers quel muntseil
Dov era armasa Isabella sicura;
E questa, d'la baruffa v'nd al fin,
Cun el sou blezz s'accustava a Zerbin.

64.

St zovn scuzzes, quand al v'ist cumparir
Quela zoia, per la qual l'ha tant smergulà,
Perchè purassà volt al sinti dir
Ch'armasa in mezz al mar l'era affugà,
Al sangu al s sinti dentr sgumintir,
E in t'un punt al s sinti dentr al cor zlà;
Mo poch durò d ste fredd al gran rigor,
Ch'in so lugh i intrò prest al fugh d'Amor.

65.

Al are cors a abbrazzarla, mo ai suvign
Ch'l'arè mustrà pr'Urland ben poch rispett;
Anzi dentr da lu, per dirla, ai vign
Ch al cont fiss sigh l'amor un gran suspett.
Amor e gelusi al fan star ai sign,
Dagandi gran martlà dentr in t'al pett;
E a vedria ai despias più in t'al man d lu li,
Ch'en fu cm'al sinti dir ch'l'era sbasi.

66.

S la fuss stà cun un altr, l'arè fatt
Un qualch desperpust per tors enddisfazio;
Mo cun Urland bisò ch'an fuga al matt,
Perchè 'l cgnuss ch'a gli ha troppi ubbligazio;
E 'l s ved custrett a star a tutt i patt,
E aver pazinzia a mandar zo ste becon,
Quand al n' i v'iss per la so gran curtsi
Ingratitudn usar e villani.

67.

Senza parlar, e senza alzar la front,
A una funtana i s'andonn a affermar:
Qui demuntò prima e s cavò l'elm al cont,
E a Zerbin liberà l'istess fi far.
Quand Isabella vist al mros li d front,
Dall'algrezza la fu squas per schiuppar,
La s fi smorta pr'al gust, mo prest in si
La turnò tutta alligra e culuri.

68.

Senza dir altr, e senz'altr appinsar,
La cors dal mros, e striche l'abbrazzò,
E perch l'an p'aveva dal piaser parlar,
La s lassa d pes cascar addoss a là.
A tutta prima, an sav cosa s pinsar
Urland, a veder ch' l'accarezza quistò:
Mo dentr d lu po 'l dis che st parigin
Discura an pol esser altr che Zerbin.

69.

Quand Isabella pssi po aver al fià,
E ch la parlava senza pianzr più,
Dal Paladin la conta l'onestà,
Cun el curtsi, ch' l'aveva arzà da là.
Zerbin, ch'aveva pora purassà
Ch'in t l'unor qualch ultragg l'aviss avù,
Sti cos sintend, al s'i innucchiò dinanz,
E, cm'è un sant, d'adnrrarla al fi l'sembianz.

70.

Al eminzò po a parlar cun un tenor
Da mettr in camp un bel ringraziament;
Mo pr'al bosch i sintinn dar su un armor.
Ch'a mezz i fi interrompr al cumpliment.
In testa l'elm prest s miss ognun d lor,
E i saltonn a cavall incuentinelt,
Pr'esser ammanvà a tutt quell ch'p'aveva intravgnir,
Quand là arrivò una dama e un cavalir.

71.

St cavalir nov l'è propri Mandricard,
Ch'al senator rumän ha tant cercä
Per vendicar Alzird e Manilard,
Cun el sou schir dal Paladin sbandä.
Sebben ch'andari dri l'era un po tard,
Sianda affermà quel po d temp per la strä,
Quand, sol cun un pezz d legn, ch l'aveva in man,
Al cavö Duräliz tra cent guardian;

72.

Perö an saveva brisa al sarazin
Ch quell ch al cercava fuss al cont Urländ.
Al cherdeva ch'el fuss un Paladin
D bona dogä però, e d valor ben grand.
In t l'occh ai di più lu, ch'en fi Zerbün;
Da co e da pi ai guardö prest camminand,
E po' l' diss: A tutt i cuntrassign avü,
Mi cred ch'a siadi quell ch'a cerch, iust vü.

73.

L'è sicura dis di che peandv av vad
E da per tutt a dmand s'a si passä.
S'al perchè a vli saver, av persnad
Ch l'è la grau fama ch'è d vu spargüä,
Perch'un cuntö a Agramant, che d re ha l grad,
Ch'avevi tanta zent sol vu ammazzä
Quand Alzird e Manilard a incuntrassi,
E lor con el sou squadr a seunquassassi.

74.

Quand al savi, an fu pigr a seguitarv,
Per vederv e pruvavv un po d mi gust,
I cuntrassign an fi dar pr'attruvarv,
Quand vera i fussen qui, vu a si quell giust.
Ne sti sign s'an avissi, e pr'arpiattarv
Tra un miar d person a fussi, al vostr fust,
L'aria, la guassa, al far, la simetri
Fan autentica fed ch quell deess vu a si.

75.

Urländ arspos: An s pol d sicur negar
Ch'an siadi un cavalir d gran cundizion;
Perchè sta vulentä d'vguirm a cercar
Mai pol eess una cosa da pultron.
E, perchè av passadi in tutt ben suddisfar,
Am cavarö d'in testa anch al murion,
E quasi pr'intir a vdrü tutt al fatt vostr.
Trattandv da galantom e'd bon inchiostro.

76.

Quand eberlucchiä am'ari in t al mustazz,
In qu'altra cosa av vui anch cumpiaser;
Perchè ch'avadi camminä, puvrazz,
Sti dis giornat indarn, al n'è de dver.
E dop averm vist, e provä l' brazz,
A cgnusari s'av è sta d mi ditt al ver.
Su pur, diss Mandricard, anden innanz,
Ch dal là del vedr a son cuntent d'avanz.

77.

Da co a pi al Paladin d fiss i guardava,
E, vrend ch sigh al n'aveva d'al mustecch,
For che la lanza, dentr d lu al pinsava
Aver da far al cuzzä, cmod farè un becch.
Al dmandö al tatr ch'arma l'adruvava,
S l'aviss per cas dä cun la lanza in seecch?
A i arspos Mandricard: N'ev tuli impazz,
Ch'aquisi ai ho fatt sudar di bun mustazz.

78.

A i ho in vod altra spada d'en purtar
Sn Durlindana, ch'a vui tor a Urländ.
Questü n'ha cun mi più d'una da scuntar,
E per quest l'è un gran pezz ch'al vad cercand,
Quand a vliasi saver agn cosa chiar,
St gran vod fu da mi fatt allora quand
Am miss attorn tutt sti arm ch'a port,
Ch'ern d'Ettor, ch'è più d mill ann ch l'è mort.

79.

La spada sola manca agli altr tattr,
Ne cmod la fuss rubä an l'ho mai pessü intendr.
Urländ, perchè al l'ha lu, fa tant da quattr,
Avend d'argui d'avanz, ch'al n'ha da vendr.
Mo, s'am poss una volta cun lu abbatir,
Tutt al mal tolt d sicura l'm ha da rendr.
E po anch l'ha da scuntar ste tocch d ladr
La mort del re Agrican, ch'era mi padr.

80.

Urländ l'ammazzö cert a tradiment,
Perchè in altra maniera an l'arè fatt.
Al cont, sintend aquis, n'pess star pazient,
E l' diss: T ment per la gola, al mi bel matt;
Mi a fu ch l'ammazzö in guerra giustament,
E mi a sou quell che t cerch, ch brisa an m'arpiatt.
Questa è la spada, ch t bram cun tanta cura,
Ch srä to, st la cumprarä a bona misura.

81.

A so ben ch'in cennsinzia n la poss tgnir,
Mo an fa niint, litighenla in campagui.
In st mentr nssun d nu du s n'ha da servir.
Mo mtenla attacch a un albr oltra qui dri.
S'arrest mi d sotto, e ch t'em fagh murir.
Tutla liberament, e portia vi.
La spada aquis digand dal fianch al s tol,
E per la guardia al l'attacca a un querezol.

82.

Dal camp is tolsn po quant bisognava
Per far la corsa ognun a purpuzion.
Al cavall cun i sprun ognun tuccava
Lassandi in coll la breia a so dscherzion.
Alla visira ognun d lor du mirava,
E is cuiun dov i avev l'intenzion.
Mo l' länz andonn in stequl spargüä,
Ch'al pars ch i avissn un mont d legna stlä.

83.

Lor però 'n s' mosen brisa del bastin,
Tant quant i avien dà d' cozz in t' n' mont:
E qui muzzun, ch' in man ngaun d' lor tin,
I i drovn per picchiars zo per la front.
S' avì mai vist stangars insem di urbin,
Quand i en ben instizii, fà 'l vostr cont
'D veidr sti mustazz mmar a dou man,
Ch' as sinteva l' armor un miì luntan.

84.

Dop pue culp qui du pizz andonn in brisì,
E i armaan senz' arma da adruvar:
Mo gnaneh per quest i stan guardand al zizi,
Ch' is nisen cun el man a lavarur.
Ben prest el sopravest andonn in tridì,
'Gli armadur cercand al mod d' dschindar.
Quand ung e dida in cvell i avevn ficch,
I al tignevn quant una tanaia strich.

85.

Mandricard, ch' era intrà cun quei gran fast
In t' la question, cminziop a suspirar,
Cgnussend per prova ch' quest era un cuntraist
Da perdr tropp, e poch da guadagnar.
Ma pur, per viuzr, al tocca tutt i tast,
Procurand quant al po per d' sovra star,
Al chiappò per la testa al fiol d' Milon,
Pinsand d' tirari al coll, emod s' fa a un cappon.

86.

Vdend ch' an zuvava, al le chiappò a travers,
E s' al sgavagna, stricca, spinz e tira;
E in tanta la gran furia l' era immers,
Ch' an badava alla breia, nè a la tstira.
Urland, bada al fatt so per tutt i vers,
In dov i è 'l so vantazz l' usserva e s' mira.
Cun destrezza l' aslunga in là una man
E s' cava 'l mors al cavall del pagan.

87.

Mandricard fa 'l pussibil, dal so là,
O pr' affugarl o farl zo cascar;
Mo al paladin el znooch tin astricà,
Perchè qu' altr n' al possa dscavalcar.
Mo, dai gran sforz, armai el zing strappà,
An i fu cas, bisognù in terra andar,
Sebben ch' sta cosa al cont brisa 'n cherdeva,
Stand fort in sella, e i pi in t' el staff l' aveva.

88.

Quand in terra cascò 'l gran paladin,
Al pars propri ch' un fass d' tramunt cascass.
Intant al cavallazz del sarazin,
Ch' era za in libertà d' andar a spass,
Senza star a abbadar nè a sprucch nè a spin,
Mezz insupuri a sentir quel gran fracass,
Pr' al bosch al s' miss a corr-r a la strapi,
E, 'n vlegd, al so patron al porta vi.

89.

Duraliz, vdend al cavall andar,
Dop ch' a st mod la question era stà spicchia,
Dubitant senza d' lu forsi d' arstar,
La s' miss a corr-rì dri a tutta cavicchia.
Mandricard, ch' al cavall vrev affermar,
Da dsprà cun man e pi adoss ai picchia,
L' urla, al biastemma, al brava, e s' fa di vers.
E 'l cavall, ch' en n' ha inzeugn, v' più d' travers.

90.

Al cavall, ch' era, a dirla, spurusott,
Sempr più fort curveva d' gran scappà.
Al cors trei miia, e al n' arè cors anch ott,
S' a n' i era intraversà da nn foss la strà.
Al cavall e al patron in t' un fagott
Dentr i cascoon, a l' aria i pi vultà.
Mo questù, sebben ch' l' andò zo a rompicoll,
N' av la fortuna d' aslungars al coll.

91.

Quì al correr del cavall andò a finir,
Mo senza breia an s' po lassar andar;
Pr' el cren al le tin fort al cavalir,
E, pin d' stizza, an saveva cosa s' far.
Mttù la mi, Duraliz s' i miss a dir,
Ch' al mi cavall en s' sint via d' saltar.
E po l' è avvià d' andar in cumpagni,
Sicchè d' sicur al vostr al tgnarà dri.

92.

Una decurtai la pars al sarazin
Azztar l' offerta ch' fava Duraliz;
Mo un'altra breia i mandarà 'l destin,
Ch' anch per sta volta ai vols esser feliz.
Quì Gabrina arrivò, ch' avea Zerbin
Ardutt, emod avì udi, a un stat infeliz:
E, dalla pora d' n' essr seguità,
L' andava ch' la pareva un can scutà.

93.

Intorn l' istess abit la portava,
Cun el curdell, i pizz e 'l grillari
Tolti a la signora, ch' Pinnabell amava,
Quand i incuntronn Marisa per la vi.
Anzi l' istess cavall anch l' adruvava,
Ch' era di bun per spicchiar prest la vi.
La vecchia i arrivò adoss, ch' la 'n s' n' addi,
E 'n n' avend usservà ch' quor, fussen li.

94.

Sta vecchia a vedr cun i manizzin
E 'l mangh alla dncal attaccch al bust,
Cun la veta d' bruccà, d' perl i urchin,
I su brazzal d' curai e d' or el sust,
Fì tant ridr la dama e 'l sarazin,
Ch' i funn per murir propri dal gran gust.
Mandricard tols la breia dal cavall,
E po la fuga ai di zo per la vall.

95.

St cavall in libertà va truttand vi,
Purtand la vecchia sugh tutta insupri,
Traversa i bosch, i camp, el pradari,
Al s ficca zo pr' i fuss, e su pr' i ri.
Ch' al vada dov' al vol e lassèn qusti,
Turnand al cont, ch, puvrett, per quant al pssì,
Cunzò a la sella e al rest, senza contrast,
A tutt so comd, quell ch' i era stà guast.

96.

L' armontò po a cavall, e s sti a guardar
Pr' un pezz s' indri turnava al sarazin;
Quand al n' al vist da nssuna part turnar,
D cercarl lu vign vuia al paladin.
Pr' en far però un brutt sgarb innanz d' andar,
Cun la zovna d Gallizia e cun Zerbin,
Ai fi un bel compliment, e s diss aqusi,
Ch' i i cmaudassn, ch' a gli arè servi.

97.

D sta partenza del cont Zerbin mustrò
Un dsgrust ben grand, e Isabella pianzeva.
I arevn viu andar sugh, mo 'l cont ohibò,
Ch' ai ringraziava, al disse, ch' al n' occurreva.
E una bella rason ai spiffarò,
Digand ch' a un cavalir par so an cunvegneva,
Quand l' andava a cercar un qualch nemigh,
A tor di cavalir, s'quas pr' aiut, sugh.

98.

Ai pregò po ch s' i avissin al sarazin
Da nna qualch banda, innanz a lu, trovà.
A diri ben ch' Urland l' aveva avsin,
E 'l girava tri di quell cuntrà.
E, dop, ch' al srev andà dal fiol d Pipin,
Dov' al l' arèv, senza nssun fall, trovà.
Perchè lu vleva andar dal so re Carl,
E, pront a batrs sugh, là al stava a asptarl.

99.

Vluntira, arspom, ch' i l' arèn servi
In quella e in altra cosa, s' ai cmandass.
E dop sti cirimoni ognun s' parti
Chi vultand da una part, chi a qu' altra i pass.
Al cont però, prima d' andar vi d li,
Durlindana an i è dubbi ch' al s' securdass:
Mo al s la turnò a galon, e po s' avviò
Vers dov truvà Mandricard al pinsò.

100.

Mo el vari cors senz' ordn del cavall
Del tartr, ch' era stà semp zo d strà,
Purtonn ch' Urland du di cercass in fall,
Senza ch da nssun ai pssiss mai essar insignià.
L' arrivò a una surzri, ch' pareva d cristall,
Ch' aveva attorn pin d' fiur un bel prà
Cun di gran albr, ch' fevn una bell' ora,
E dov tira un freschin ch' propri v' arstora.

101.

L' era vers al mezz di, l' era caldazz,
E pr' arpassars st bell sit par fatt a posta.
Urland, ch' allora niint i dava impazz,
Al dsmona, e tutt armà a qui albr s' accosta.
Mo al fu un mal arpassars per lu, puvrazz,
Perchè in quell lugh l' avi una gran battosta.
St' arpos i cusetò car, mo purassà,
E quell di fu per lu un di dsfortunà.

102.

Guardand attorn, al vist in t' i albr scritt
Vari lizzend su per la scorza dura,
E, quand al s' i acenstò a guardar pr' al dritt,
D' Angelica al cgnussì ch' l' era scrittura:
Quest' era un d qui lugh topich, ch' av ho ditt,
Dov cun Medor l' andava a la frescura,
Per sullivars dai su passà travai,
Qula bella zovna, sgnoira del Catai.

103.

Angelica e Medor in cent manir,
In cent lugh, ligà in zifra, insem al ved
Quant litt al guarda, al s sent com' è tant gumir
Ch' i sbraghin al cor, e al sangu i fan vgnir fredd.
Ai dà su in ment un nuvl fias d pinsir,
Quel ch' al ved an vrè vedr, e an sà s' a i cred,
E, un' altra, ch' forsi arà quel nom istess,
Al vren pinsar ch' scrivess quel quà quai spess.

104.

E po diss fort: A son pur anch minchion:
Forsi an l' agnuss? questa è cert la so man!
Al n' m d Medor prev esser una finzion,
E ch la m' aviss dà a mi st num da pagan.
Quai 'l vè ingannand se stess cun st' opinion.
E dalla verità al vre star luntan.
Tra se medesm, al più ch' al po e ch' al sà,
Cun sta speranza lusingands al vè.

105.

Quant più, pr' en credr al ver, al cont s' addoppa,
Tant al sent crescer in lu la gelusi:
Cmod fa un pulsìn, ch' sippa intrigh in t la stoppa,
Quant più 'l meessa, più stritt al s liga i pi.
Cun una man grattands zo per la coppa,
Pr' en lezzr quel scrittur, al volta vi,
E arrivand dov al mont feva una conca,
Per sfugar al dspiaser, va in t la spelonca.

106.

La ledra e la vidalpa l' avevn asrà,
Ch' arrisgh ai pseva intrar del di la lus.
In t l' ora del mezz di, quai qui abbrazzà,
Luntan da tutt, s' trattgnev n pezz i spns.
In st sit i avevn per so spass nutà
I su nom, più che mai, in tutt i bus,
O cun zess o carbon, per n' aver pnell,
O cun la punta aguzza d' un curtell.

107.

Addulurà quèi qui s'artirò Urland,
E li pur al truvò qula littra scritta;
Angelica e Medor da tutt el band
Era sgnà, finna d sovra in t la suffitta.
Mo un scritt tra i altr era in caratt grand,
Fatt d man propri dal zovn d Tulumitta,
E l'era una canzon, ch per quant a pens,
In t'al nostr linguagg aveva st sens:

108.

» Erb e fiur, belli piant, aqua gradi,
Grotta cara, ombra fresca purassà,
In dov la bella Angelica, ch nasci
Da Galavron, da tant indarn amà,
In brazz a mi qui spess nuda zazi,
Perchè am è stà da vu qui st comod dà,
Za che in cos'altra an ev poss cumpinsar,
Povr Medor, almanch av viu ludar; »

109.

» E pregar tutt i mrus ricch e puvritt,
E dam graziosi e nobil cavalir,
Paisan cun furastir, vicch e zuvnitt,
Ch'apposta o a cas qui s'abbattran a vgnir,
All'ombra, al piant, agli erb, ai bi furitt,
Ch'avn fortuna, e l cil vuia bendir,
E d st sit el belli ninf e n'avn cura
Ch n'i vigna bricch o carr alla pastura. »

110.

Quest era scritt in arabesch, ch'al cont
L'intiudeva tant ben quant al latin.
Tra gli altr leugn ch l'aveva sempr in pront
Questa pur en mancava al Paladin.
A saverla più volt ai turnò al cont,
Massm trovande per cas tra i sarazin.
Però ch'an s vanta s'a in ha avù custrutt.
Ch'al dann d'adess val più che l'util tutt.

111.

Più d dis volt al lizi quell ch'era scritt
Al povr cont, pinsand, mo sempr in van,
Ch'al s prev essr arradgà, ne lett pr'al dritt,
Mo l' sens riucevea sempr chiar e pian.
Agn volta al cor dentr dal pett affitt
Al s sinteva astricar da freda man.
L'arstò in ultim cun i uech e cun la ment
Fiss in t'al sass, dal sass poch different.

112.

Allora al s sint la testa equas dar volta,
Tant l'aveva cunvint al gran dular
(Cherdil a chi l'provò più d'una volta,
Che fra tutt i dular quest è al mazor).
La testa a pigò al bass mezza stravolta:
La front n'aveva più l solit culor;
E in t'al rammarich tant al s'era immers,
Ch'al passer parlar e l piant l'aveva pera.

113.

Dentr in t'al pett la duia s'i era aserà,
Ch la n passè tutta sfugars in t'una volta.
Aqusi suzzed a una zucca destappà,
Sebben ch l'è cun al fond all'in su volta,
Al vre vgnir fora al vin tutt in t'un fia,
Mo al s'ingarbuia d più e s dà la volta,
E per quel coll quasi strett tant al s'intriga,
Ch l'uscias a gozza a gozza, e cun fadiga.

114.

Al stè quasi un pezz, e po turnò a pinsar
Ch'al paseva esser un ingann dla fantasi:
O pur ch l'ava un qualch d'un vlu svergagnar
L'unor d qula zovna cun sti frascari;
O anch ch'i ava qualch d'un a lu viu dar
Turment a sta manira e gelusi.
Pur, sia chi s vuia, ch'ava scritt quel cutà,
Al so caratter d li ben è imità.

115.

Cun st puctin d speranza, al Paladin,
Fagande ann, en s dà tant alla fortuna;
Salta a cavall, e s vè pr'al so cammin
In t l'ora ch deva al sol lugh alla luna.
Al vist del fum, segn ch'i era del cà avsin,
A nulia a nulia alzare per l'aria bruna,
L'od abbaia di can, del pigur bilar,
Al cà al s'accosta e l dmanda da alluzzar.

116.

Al dsmonda d mala vuia, e Breiador
Al lassa in man d'un zovn, ch n'ava cura.
Chi i aiuta a cavars i bi sprun d'or,
E del donn sgurn e lustrn l'armadura.
Questa era quila cà istessa dov Medor
Truvò la sanità, e la so vintura.
Urland, quasi mezz dsurbà, dmanda d pusar,
Digand ch'al n'ha bisogn quila sira d znar.

117.

Quant più al cerca d trovar arpos e pas,
Tant più al trova occasion d pen e d travai.
D'Angelica e Medor al ved al cas
Scritt in t'l fnestr, in t'i ues, in t'el murai.
Al vre dmandurn a qulor, mo pur al tas,
Pr'en far saver la causa di su guai:
O, per dir mii, an s'attenda d cercar
Quel tant ch'l'affanna, e ch'an vre za trovar.

118.

Mo poch importa s'adess al n'in dmanda,
Perchè d so grazia ai srà ch la dirà chiara.
Al pastor, ch sint i suspiron ch'al manda,
Cun pinsir d sullivar quila duia amara,
E ch l'ava un po da mettr i guai da banda,
Qul'istoria, ch forsi ben a tant fu cara,
E a chi la n'impurtava al feva udìr,
Ai vins in ment d cuntarla a st cavalir.

119.

Cmod l'aveva, da Angelica pregà,
 Miss a cavall Medor, e guidà li,
 Ch'in t'al pett malament era impiagà,
 Dov in poch temp al fu da li guarì.
 Li s'era po' del zorn innamorà,
 Dal gran stari a gallon sempr ch la fi:
 Ch'Amor i aveva impres un quasi gran fugh,
 Ch la n'accattava requia in t'ussun lugh.

120.

E, senza aver riguard d'esser la fiola
 Del più gran re ch'aviss i levantin,
 Sforzà da quel gran fugh, la di parola
 D'esser muier d'un pover fantazzin.
 E, perchè l'accongiussiss ch la n'è una fola,
 Al pastor fi la mostra al Paladin
 D quel bel brazza ch la i aveva donnà
 Per bonaman d'averli li alluzza.

121.

St cap di tutta la spinta alla dsprazion
 Del cont, e fi colm al star del dutor.
 In t' l'ultim ai di da stragualzar ste becon,
 Dop esser sagatà tant ben da Amor.
 Urland vre far pur forza alla passion,
 Nè dar l'onda alla rabbia e al gran furor:
 Mo dai uech ch pianzin e dai suspir d'ala bocca
 Beò per forza ch l'uscissa, e ch'al trabocca.

122.

Quand in fin da per là s'attrova Urland
 E ch sfugars al po senza sudizion,
 Dai uech al manda da canal quasi grand
 Ch'al passa al tamarazz cun al paion.
 Al suspira, al sunsiss, al s v'è prilland,
 E au po star ferm in schina ne in gallon,
 E, cun tutt ch sia ben fatt al lett, ai par
 D'esser in mezz all'artiga, o in t'un spuar.

123.

In mezz a st gran travai, ai vin in ment
 Ch'in qu'istess lett, dov adess lu zaveva;
 Quli, ch l'aveva trattà quasi ingratament,
 Cun quel so car spulsin, forsi durmèra.
 Per quest tant ai saltò in abbruriment,
 Ch'al s ficcò zo più prest d quell ch'al cherdeva.
 Al pars un cuntadin ch zaza in t'un prà,
 E ch veda un grau bisson movers da un là.

124.

Quel lett, cun al pastor, e la cà tutta,
 Al chiappa in urta a nn tratt, piz d'la dsfurluna.
 E, sebben ch'era l'aria anch negra e brutta,
 An stà asptar ch s liva l sol, o almane la luna;
 Mo al tol arm e cavall, e aqusi alla mutta
 Per mezz al bosch al s ficca alla furluna:
 E, em'al pensa ch nssun al possa udir,
 Al dà la molla ai lament e ai suspir.

125.

D lamintars, d suspirar, ne d pianzar al resta:
 Mo al fa l'istess al di, la nott al bur.
 Luntan dal cà, mo in mezz a una furesta
 Al stà al sol, alla gnazza, in t'al tren dur.
 Da per lu al s maraveia, ch l'ava in testa
 Una fontana ch tant possa tgnir dur,
 E aria e vent da suspirar quasi tant;
 E s dseva da per lu, in mezz al gran piant:

126.

El n'en più lagrm questi certament,
 Ch dai uech em caschn cun tanta abbondanza:
 Quelli furninn a mezz del mi turment,
 E s en funn pr'al d'olor guanch abbastanza.
 L'è umor vital, ch m'uscissa sicurament,
 Perchè am sent za calar al fìa in t la panza.
 E finalment, quand anch quest arà furnì,
 D vivr in st turment a finirà anca mi.

127.

Quisti, ch'a mand in mezz ai mi turmint,
 N'in suspir, ch'i suspir i n'iu quasi fatt:
 I suspir s'van fermend in cert mumint,
 Mo mi pr'al inspirar pas an accatt.
 Mi a cred più tost ch'i sien d'Amor i vint
 Fatt quand gli ali intorn al cor al sbatt.
 Quest è un miraqul: Amor, cmod al put far,
 Ch'in t'al fugh staga un cor, e n s cunsunar?

128.

Mi an son più quel ch'a par, d sicur an son.
 Quell ch'era Urland l'è za mort e suppli.
 L'è stà quì, ch l'ha mandà là al balatron,
 Tant mai ingratament la l'ha tradi.
 Mi a son l'anma ch da lu fi division,
 Cundannà a suppartar l'inferu qui,
 Per dar esempi ai mrus, ch possn imparar
 Quant in t l'amor del donn s possa fidar.

129.

Tutta la nott l'andò a testa balzana:
 Mo in t'al spuntar del sol cun al carr d'or
 La so disgrazia al cunduss alla fontana,
 Dov scritta aveva la canzon Medor.
 A vedr al scritt, ch tutt i su mal i spiana,
 Tant al gran pes al s sintì andar al cor,
 Ch al fi avvampar d furor, rabbia, odi e stizza,
 Tal, ch cun la spada al sass un colp l'indirizza.

130.

Al taiò l' scritt, e l sase in piz mandò.
 Ch'andonn luntan più d'una turnadura:
 Guai al grott, e a qui albr in dov al pò
 Angelica e Medor lezzr in scrittura:
 Dentr da quelli nssun mai più alluzò,
 Ne pigur all'ombra d quisti avu pastura:
 E quia fontana cristallina e chiara
 L'ardus in t'un malipè e in t'un mucch d giara.

131.

Di sasa, di sgluazz, di zucch, di pizz 'd scòi
In t la bella funtana an s stuffò d trar,
In fin a tant ch'an vist l'acqua in garbài
E ch per funtana nssun la psiss battzar.
In ultim, stuff e stracch, e d sudor mui,
Za ch la forza n'i basta a secundar
Al gran furor, la tigna, al sdegn e l'ira,
Al casca in t l'erba, e vers al cil suspira.

132.

Al s lassò andar, perchè an s peseva più tgnir,
Guardand al cil, senza far altr segn.
Senza magnar al sti, senza durmir,
Pr al temp ch purtò trei volt l'Aurora al segn.
Tant po i chersi al dulor, e al gran martir,
Che in t l'ultim al perdi tutt quant l'inzeugn;
Al quart di, da furor e rabbia moss,
L'armadura al cminzò a strappare d'adoss.

133.

Qui arresta l'elm, e un poch più in là v'è l'scud,
El mai da un là, da qu'altre la curazza;
In somma, d tutt i arnis mi quì v cunclud
Ch an s'in trovava insem gnanch una strazza.
Al stiancò po i pagu d sotto, e s mostrò nud
El brazz, el gamb, la schina e la panzazza:
E qui i cminzò quila gran mattiria urrenda,
Ch la cumpagna an i è mai dubbì ch s'intenda.

134.

E tanta smania e furia i di po sù,
Ch'i sentiment arseonn tutt ufuscà:
Tor Durlindana in man an s'arcurdò,
Ch'al cil sà, a torla, cosa fuss passà.
Mo ne questa ne altre arma i bisugnò
Allora, tant avev un tremend fià:
E s'al mostrò alla prima, ch'un querson
Al cavò, cmod farè un altre un navon.

135.

A in cavò po dop quell di altre assà
Cmod sre s'i fussen sta finuch o prassù.
E di altre al strappò grand purassà,
Ch'an i arè cundatt vi vint para d bù.
Quel ch farè l'aslador, ch fissa la spazzà
Per tendr el red al quai, lodl e luegnù,
Ch cava stuppiun, bunaggh, gramegn e urtigh,
Lu l'feva al fiopp, al quere e ai ulm antigh.

136.

I pastur, ch cmenza a sintir st gran fracass,
Lassn el pigur, st malann pr'andar a vder:
Chi da un là, chi da qu'altre astudia i pass,
E del pladur la causa i vren saver.
Mo adess Urland e qui pastur qui a lass,
Che un cert mi amigh m'ha fatt in st punt saver
Ch l'ha una buttisina pina d bon terbian,
Ch'ai vada ancù, ch'al la vol mettr a man.

FIN DEL CANT VINTIRI.

CANT VINTQUATTR

ARGUMENT

*Zerbin perdona d'Udurigh l'affront;
Per castigh ai cunsegna Gabrinazza.
A dfeud po al n'è bon gli arm del cont;
E Mandricard cun el sou man l'ammazza.
Isabella ha un gran dgust. Con Rudumont
Cumbatt al Tartr. Mo ch la tregua s'fassa
Vol Duraliz, ch'incontra ai estian la i guida,
Ch'ai sarazin han dà una gran stampida.*

1.

Sia pur bendett al vin, e chi l'ha fatt,
Chi piantò el vid, e chi gl'insgnò d pudar!
Quest i travai e l'nui fa dseurdar d fatt,
E alligrement i amigh insem fa star.
An srev Urland d sicura dvintà un matt,
S'l'aviss lassà madò Angelica andar:
Badand a mandar zo dila malvasi,
An srev dà, a torn a dir, in frenei.

2.

Chi mett i pi dentr in t la red d Amor,
Ch'al cerca d tori vi, e ch'an sia lent,
Perchè cert sta passion n'è s'n un furor,
Ch'imbroya l'intellet, e tol zo d ment;
E sebben ch'in fan tutt quel gran armor
Ch feva Urland, uscì fora d sentiment,
Al n'è ch' in sippn matt tutt da ligar;
L'è ch la mattiria in tutt la n'v all'impar.

3.

Forsi em dirà qualche d'un: Fradell mi car,
An serv ch t'addann a inagnar sta to duttrina,
Ne ch t'affadigh a vier Amor daludar,
Za ch stà passion t'in dà una bona mina.
Mi aspond: Quest fu; mo adess a lass andar
Scuffia e stanella, es bad alla cantina;
Perchè ai trov i mi cunt in tutt i mod,
E da qui innanz sol al bon vin a lod.

4.

S'av arcurdà, mi av diss in qu'altre Cant,
Ch'Urland era dvintà un bel matt pattoch,
Ch'al s'era despuà gli arm e l'vest tutt quant,
E intern an vleva più quel filastroch;
Ch'al despiantò del radis di albr ben grand,
Cun un armor, pinsà, ch'al n'era poch,
Quand i pastur fi correr da quel là
Un qualche malign influv, o i su gran poca.

5.

Quisti, vënd quai gran cos far da quel matt,
E più d'avvin vënd qu'aria quasi rubesta,
I pinson ch'a scappar sre stà ben fatt,
E i s'anguron d'aver la gamba lesta:
Ch'Urland si ficcò dri currend, e a un tratt,
A in chiappò un, e s'i smuquò la testa
Cun qula facilità ch'un cava un btton
Cusi per man del sart in t al zibon.

6.

Pr' una gamba del mort al corp al pres',
E addoss ai altr al s'in servi d baston:
E un par indurmintà in terra l'in dtes,
Ch'al tirar del saiet più 'n dedò, ne al tron.
I altr in t' un tratt dsgumbronn paies,
Ch funn a battir più svelt ben al tacon,
E forsi Urland s'a gli aviss seguità
A gli arè arzuunt, mo al s miss da un altr là.

7.

Inspuri, i cuntadin a trupp a trupp
Lassan in t'i camp i piò, badil, manar;
Chi salta deo del torr, chi vā in t'i cupp,
Perchè su in t i altr an i era da sperar.
D la su deo i stevn po guardand i vlupp
D quel matt, ch'agn cosa vleva subissar:
A mursagutt, calz e pugn e urtun lavora,
Usvii, cavall e bu manda in malora.

8.

Subit s'alzò pr' el emunità l'armor,
E i campanar van a suonar stermida.
Al patron s'arma, a s'arma al servitor,
E chi n s po armar, ch'a s'arma i altr, crida.
Sfrombl, balestr e spid cun gran furor
Chiappa la zent, e tutt van dov i guida
La vuia d dar a st povr matt l'assalt,
Ognun corr, chi dal bass e chi dall'alt.

9.

Cmod s ved del volt a far a gli ond del mar
Quand a battir in t la spiaz al vent li manda,
Ch'una succed all'altra, e s vā a incalzar,
E quella ch vin po dop sempr è più granda,
La zent (per vieri forsi ben fermar)
Quasi contra Urland chersava più d'agn banda,
Perchè a in currava da per tutt i là;
Mo si fu chi s'augurò d'en i esser andà.

10.

Una vintua in circa a in sfragellò
D qui ch'alla prima i capiton tra 'l mar.
Mo d sti disgrazià l'esempi ai altr insgnò
Ch l'era ben mii cent volt stari luntan.
Tant più, ch'a lu la pell furar an s po.
Perchè chi i mena, i mena adoss in van.
Ch'al cil, per mettrli dila so fed in dfesa.
An vols ch la pell d'Urland pssiss esser uffesa.

11.

E dila speranza an n'arè avù una grana
D scapparla, quand la pell s fuss pssù furar;
L'arè imparà d trar vi la Durlindana,
E d far al bell'umor senz'arm a star.
La zent s cuinzò a artirar alla luntana,
Vdend ch s feva brutt e ben prigulos st'affar.
Urland in ultim, zà ch più nssun l'attizza,
Vers una massa d cà i su pass l'indrizza.

12.

Là dentr an i attruvò ne pzinu ne grand,
Perchè tutt dalla pora ern scappà:
Ben i era preparà vari vivand,
All'us di cuntadin, senza pussà.
Mo lu senza distingur al pan dal jand,
Spint dalla fum, al s fi una gran spanzà
Dla roba ch'i di al man, o cruda o cotta,
Pan e furmai, puleut, zivolla e arcotta.

13.

Sfamà un poch, torna a correr cun fracass,
Dand la carria ai omu e ai animal.
Al spessgava del volt tutt fort i pass,
Ch'al livr e ai cavriù l'audava ugual;
Del volt a in acchiappava anch per so spass,
E l'abbranquò anch di urs e di zingial;
Parecch volt, quand la fum al travaiaa,
La carn cruda cun al pel maguava.

14.

Tutta Franza al girò, qui e li trascorr,
E pr'accident a un pont un di l'arriva,
Dov sotto cun gran spinta un fium i corr
Ch'ha piutost alta l'una e l'altra riva,
E ai era fabbricà da un là una torr.
Quell ch'al fi qui al sari, quand an v'aggriva
Per sta volta d'aspttarm un puctinin:
Perchè al bisò parlar prima d Zerbin.

15.

Ste prencip, quand Urland al fu andà vi
Al sti ferm qualch poch, e po s'n'andò.
E l' seguitò del cont l'istessa vi,
Dcurrend cun Isabella d'amor sò.
Forsi dou mii fatt i avevn d vi.
Quand un ch parec crell d bon s'i presentò
A cavall d'un sumar ben ben ligà,
Ch d'agn banda aveva un cavalir armà.

16.

Quel persunir fu cgnussù da Zerbin,
E l'Isabella l'acgnussì anca li.
Quest'era qu'Udurigh, quel biscaïn,
Ch'era ariusci un lov guardian di agni.
Quell ch Zerbin adlizi pr' un amigh fin,
Perchè ai guidass a cà la sposa d vi,
Fedel cherendl a lu, ch'è anch so patron;
Mo za a savì cmod l'ariusci un zaltron.

17.

Al so Zerbin cmod fuss la cosa andà
Era Isabella allora dri a cuntar:
Ch'arrisgh in t'al battell la fu salvà
Innanz ch la nav andass rotta pr'al mar;
La forza ch'Udurigh i aveva usà,
E cmod sigh i asassinn la finni' andar;
E guanch era arrivà alla fin d sti zanz,
Quand ligà al malfattor la s vist dinanz.

18.

I du ch'avevn in mezz ligà Udurigh
Isabella i cgnussinn al bel musin.
E finni cunt tra d lor ch quel ch'era sigh
D sicura an passiss essr altr che Zerbin.
E tant più quand i vistn il segn amigh
Dpint in t al scud, quand i i funn più vsin:
E del tutt is chiarinn dla verità,
In t'al mustazz cin'i i diinn una guardà.

19.

Tutt du i dsuntonn, e, cun el brazz avert,
Current ai pi d Zerbin, ognun s'inchina:
I i abbrazzonn el znocch tutt du d cunzert
Cun riverenza granda, a testa china.
Al princip guarda a tutt du, e ben cert
Cureb al cgnuss, secong ch'a lu al s'avcina,
E qu'altr al ved ch l'è Almonì, za mandà
Cun Udurigh tutt du in t la nav armà.

20.

Almonì cminzò a dir: Da za ch'a trov,
Grazi al cil, Isabella essr cun vù,
Dentr del cor un gran cuntent a prov,
E s'em n'alligr, ch'an poss dir de più.
Mi n'ev starò a cuntar cosa i è d nov,
Ne perchè ligà avamn st becch curvò,
Perchè sta sgnora, ch'è part principal,
V'arà cuntà l'istoria tal e qual.

21.

A sarì cmod a fu da lu ingannà,
E cun ch bella manira am mandò vi:
E cmod st'altr, per dfendr l'onestà
Dla sgnora, fu frì e arduitt squas all'agumì.
Mo d quell ch'è success dop an sri infurmà,
Perchè al n'è sta savù ne intes da lì,
E per quest la 'n v'al po aver fatt sintir,
E quest è quell ch'adess av vui quì dir.

22.

In frezza mi a turnava vers al mar
Cun caless e cavall tolt in città:
Cun l'occh attent, ch'a tigneva, pr'usservar
Qui ch'aveva in t la spiza za lassà.
A vad innanz, mo ai ho l'asi d guardar,
An ved ne lor, ne li più da nssuon là.
Sol in t la sabbia a ved i sign di pi,
E, pin d suspett, am mitt a tgniri dri.

23.

Cun sta guida, in t'un gran bosch am trovò,
E, dop puch pass, ch'aveva caminà,
Un lament agli ureech am arrivò:
A guard, e a ved st puvrin bell e svaltà.
Dov fuss la principessa mi ai dmandò,
Dov Udurigh, e a lu chi i aviss dà:
E, quand del fatt al m'av cuntà al tenor,
Pr'al bosch andò a cercar del traditor.

24.

A girò un pezz, e vndend d'en n'attruvar
Rebsa ne d li ne d lu, e ch tard as fava,
In dov'era Cureb a vols tornar,
E s fu ben fatt, perchè s'un po a tardava
An arrivava a temp d pesserli aiutar,
Pr'al sangu ch da tutt el fri fora l' mandava.
E ai sre stà più bisogn d farl supplir,
Ch farl curar dai medgh o dal barbir.

25.

Al fi dal bosch alla città portar,
E in cà d'un ost al miss, ch'era mi amigh:
Da un brav duttur al fi vedr e medgar,
Ch ben preest al le cavò fora d'intrigh.
E po, pruvist d tutt quell ch po bisugnar,
A cminzonn a cercar tutt d Udurigh;
Tant ch'in t la cort d'Alfons re dlla Biscaia
All'incuecchionn, e s fa cun lu a battaia.

26.

La giustizia del re 'm di un lugh sicur
Per pser cun Udurigh far la quistion:
E la fortuna vols ch' a battiss dur,
Accompagnà però dalla rason.
Al traditor, in t l'ultim, s tign ardur
A chiamars vint, e dars a mi person.
E quand i peccà d questù qui a quel re a diss,
Am permitti ch'al guidass dov am pariss.

27.

Mi un l'ammazzò, mo an vols lassarl andar,
Mo, cmod a vdi, a l'ho condutt ligà.
Vu a si quel signor ch' l'avi da giudicar
S'av par degn d forza, oppur d' essr scuvà.
L'aver intes ch' ai eri andà a aiutar
Carl, al re d Franza, m'ha determinà
D cundurv questù, e servir al re anea mi:
E Dio a ringrazi d'attruvar quì.

28.

E s'l'arringrazi anch per sovra più
D trovarv cun la sgnora accompagnà;
Perchè a pinsava cert ch, per causa d questù,
Persa o morta, an l'avissi più accatth.
Qued sti ascoltar Zerbin tutt quell ch diss sù
Almonì, guardand fiss què ch'è ligà,
Non tant per l'odi dlla so gran spurchizia,
Quant fu pr'aver tradi tanta amicizia.

29.

Quand Almoni av finì al so parlament,
U'n gran pezz sti Zerbin senza parlar:
Pinsand ch' ai era stà tutt st tradiment
Da chi manch d' i altri i l'aveva da far.
Mo, dop aver pinsà tant, finalment
Al tri un suspir, ch al fu squas per schiuppar;
Al dmandò a Udurigh s l'era verità
Quell ch finna a st punt Almoni avea cnutà.

30.

A sta interruzgazion, al malfattor
In znocch s ficcò dinanz al so patron,
Dijand a st mod: Tutt ponn far qualch error;
Tant al cattiv, quant po fullar al bon.
Al svari è quest, che quell ch' è stimà mior
Al cerca d star luntan dagli occasione.
Del rest, s' ai fuss in mezz la nott e al di,
Al srev un scellerat quant, e più d mi,

31.

S' am avissi dà in guardia una città,
Una furtezza, o qualche lugh d' impurtanza,
E cun i nmigh am fuss prest accurdà.
Senza adruvar la spada, ne la lanza:
D sicur a prev ribell esser chiamà,
Ne arèv tant annu d sperar perdunanza.
Mo s' a cedr per forza a fuss stà arduitt
A srev ludà, stimà e ben vliù da tutt.

32.

Quant più è la tentazion dura e violent,
Chi pecca in qualche manira s po scusar.
Mi aveva da esser più fidel e attent,
L'è vera: mo an 'n son savù gnardar.
Ai ho ben fatt al fort, e al resistant,
E a sta cosa a cercava d n' appinsar;
Mo in fin quai tecchia fu la mi passion,
Ch' a fu tirà a valer m d' occasione.

33.

Què diss sti cos, e dri degli altr quà,
Ch a srev tropp lung'h s' a vliess cuntar al tutt.
Dagand la colpa al gran fugh ch si era dedà,
Ch l'avea sfurzà a tintar un att quasi brutt.
S' al pregar e al dmandar scusa e pardon,
S l'arcmandars en pssì mai cavar custrutt.
Quest era al temp e 'l lugh, ch' al persunir
Per commovr Zerbin tintò el manir.

34.

Per far dl' affront arzù degna vendetta
Tra 'l sì e tra 'l no confus stava Zerbin:
Al brutt fatt considrand, alla fetta!
Què merita d murir cun un sfurzìn.
Quand po al s'arcorda dl' amicizia stretta,
Ch' insem i avev avù finna da pzinì,
La via dla vendetta al sent calar,
E la buntà i insegna d perdunar.

35.

Intant ch tra 'l trentadò al stà a pinsar
O d liberarl o d tgnirl persunir,
O pur (mod srev stà l' dver) d farl impiccar,
O ver d farl stintar cun di martir,
Gabrina all'impruvìs ecco arrivàr,
Causa d prigul quasi grand al cavalir.
Qui la porta al cavall, ch' in libertà
Al n'era dalla breia più gvernà.

36.

Sintù al cavall aveva da luntan
L'armor d sti altr, e tra quisti era vgnù,
Purtand la vecchia, ch s' arcmandava in van,
E ch durava fadiga a stari sù.
Quand Zerbin al la vist, curtes el man
Al cil l'alzò pr'al benefizi arzù
D'averi allora li mandà quì du,
Ch'ern el caus principal d tutt i guai su.

37.

L'ordinò ch s' affermass quela donna infama,
Infin ch' al stabiliss al so pinsar.
Tair gli urecch, e 'l nas a tutt du al brama,
Per dar esempi ai altr d'en tradir.
Al pensa dop ch' al farà mii s' al dsfama
Cun quel carnazzi i luv e i sparavir:
Mo, dop aver pinsà più cos tra d ai,
A sta manira in ultim al stabili:

38.

Al s volta ai du cumpagn, e s parla in st ton:
Lassà pur andar quistù, che mi son content;
S' in tutt in tutt an merita pardon,
An merita d murir gnaach cun turment.
Deligùl pur, ch' ai cunzed la vita in don;
Za ch' Amor causa fu del mancament,
Quasi facilment as ha da perdunar
Quand Amor è la causa del fallar.

39.

A sti cavi tirà l'Amor ha fatt
Arrivar di altr, ch' avev più inzegn;
Di sproposit più grand assà i han fatt,
Sicchè Udurigh l'è d perdunanza degn.
La colpa è più tost mi, ch' a fu un bel matt,
E am vre in t la coppa a mi ben fort un legn.
Ch'avea prima ben da cunsidar
Ch' l'era un mettr del fugh in t' un paia.

40.

E, vultand a Udurigh, ai diss: Vit qusti?
Cun questa t ha da far la penitenza:
Un ann t' andarà sigh in cumpagnì,
E t' en l' ha da lassar senza licenza.
Mo t' andarà d di e d nott dov la v' à li,
E t starà sempr sempr in so preenza.
Ch la sia dfesa da ti finna alla mort
Contra a chi in qualche manira i vliess far tort.

41.

A vui, s la t emandarà, t sipp ubbligà
A cuntintarla in qualunqu so pretesa;
E in tutt ste temp t srà da st patt sempr ligà,
Girand per tutta la terra franzosa.
D Zerbìn quest fu al decret, e pr'al so peccà
Al di a Udurigh sta penitenza pesa
Dla mort in scambi, e a dirla l'è tanta grossa,
Ch'an i è dubbi d sicur ch salvar al s possa.

42.

Qula vecchia dsgustà aveva tanta zent,
Dal mal l'aveva fatt a tant e tant,
Che nssun pseva andar sikh sicurament
Anch s'al fuss fior di cavalir errant:
Aqusi i sran castigà tutt du ugalment
Là del son barunat, lu cm'è nn furfant,
A tor, cmòd i è intimà, la dfesa a tort,
An passerà gran temp, ch l'arstarà mort.

43.

Pr'esser sicur Zerbìn ch'al stiss in scola
Udurigh, e d Gabrina an s'in passiss dsfar,
Al vols cun zurement ch'ai diss parola
D star al so emand, e l'cart d'en barattar;
Se no, l'arè fatt prest furnir la folà
Fagandl su pr'el seal un poch ballar.
Al zguò po ai du ch l'aveva in mezz ligà
Ch i al lassassan andar in libertà.

44.

Cureb, cun qu'altr ch'i di man, dsligò
Quel bon cap d'Udurigh, mo malvivuntira,
Ch per dirla d'en s sfugar ai aghirvò
Contra quelà la so stizza in qualch manira.
Dsligà ch fu l' biscuin, al s la dsfumò,
E ai tins dri ben prest qula madò Pira.
Mo più d sti du Turpin brisa n'in scriass,
Mo un altr autor cuntò quell ch'intravgnias.

45.

Quest conta donca che quel zaltrunazz
Al n'era ventquair or cun qu'altra andà,
Per tors d'intorn quel maldett impazz,
E contra al zurement ch l'aveva dà,
Al coll dla mala vecchia l' tirò un lazz,
E attacc a un olm al la lassò impiccà.
Da li a un altr ann, mo an conta propri in ch lugh,
A quell bricon fi Almoni l'istess zugh.

46.

Dà sta sentenza, al princip di scuzzis,
Ch andava dri pr'el pedgh al cont Urland.
Ai su suldà d ai stess al manda avvis,
Perchè in s se dspern, e in al vadin cercand.
Almoni ai manda, e vari cos ai dis,
Ch la srev una lungagna andar cuntand.
Cureb al manda vi dop anca là,
E l'Isablina sol al s tin cun là.

47.

L'aveva tant amor chiappà Zerbìn,
E manch al n'è quell ch'Isabella prova
Vers la persona del gran Paladin,
E quai gran vuia i han d savern nova,
O s l'aviss attruvà quel sarazin
Ch'al mandò in terra cun qu'usanza nova.
Ch'an vols turnar a vedr i su suldà
Fin ch al temp 'd tri di n'era passà.

48.

Qui du, ch'aveva ditt d'aspttar Urland
Per qui pais oltra li Mandricard,
E dov al cont andava vi currand,
Anch andava Zerbìn, mo un po più tard.
In ultim l'arrivò là da quel band,
Dov era i albr scritt: e alzand al guard
Al vist e la funtana e l'acqua e i sass
Agn cosa, nualzipà, essr in sconquass.

49.

Dalla luntana al ved cvell d luminos,
Ai guarda, e la curazza al ved del cont;
L'attrova anch l'elm, non za quel famos,
Ch'antigament in co purtava Almont;
E dov al bosch era più felt e umbros
L'od un cavall aberiar: li currand pront,
Al ved ch l'è Breisdor in libertà.
Ch'pasqua, e la sella l'ha mezza avversà.

50.

Al cerca Durlindana, e al ved ch l'è uscì
Dal fodr, ch'era armas in t'un razzar.
A pizz e bocun al trova al negr vesti,
E an i è remedi paserl insem turnar.
La signora e Zerbìn restn incuccali,
E per st garbui in san cosa s pinsar;
I pensu a più d cent cos tutt in t'un tratt,
Mo in credn za ch' al sippa dvintà matt.

51.

S'i aviasn vist del sangu in qualch manira,
I arèn passù dir: Qualch d un l'arà ammassà.
In st mentr i vedn vgnir dri alla rivira
Un pastor inspuri, mezz incantà;
Questù aveva vist, stand d co d'una custira,
Cmòd Urland tutt furios s'era despuia,
E i albr cavar piz ch'en farè un turbu.
E la zent ammazzar, e far mill dsurdn.

52.

Zerbìn i dmanda cmòd st negozi à andà.
E quell tutta la cosa i conta dteasa;
Al princip arstò d stacch a udìr sta quità.
Anzi an la cred, e s la ved li paleasa;
Ma, ch la sippa cmòd s vuia, scunturbà
Al demonta, e purassà sta cosa i pesa;
E, per la cumpassion, al va arcuiand
Tutt quel rob sparguià là da quel band.

53.

A dsmuntar Isabella en s mostra lenta,
E gli altri tattr armassì anca li cui;
In tant ch' i s' affaccendn, a s' i appresenta
Una zuvnetta ch' ha 'l mustazz tutt mui.
S' a vli saver chi l' è, l' è la dulenta
Fiordilis, pina d guai, d suspir e d nui.
Per cosa pianzla e girila in vari part?
Pr' attruvar al so car mros, Brandimart.

54.

Quest in Parigi al l' aveva lassà
Quand al so amigh Urland l' andò a cercar.
Li, dop averl ott o dis mis aspttà,
Ne dop tant temp indri vendl turnar,
La s' al miss a cercar da tutt i là;
Dagli Alp ai Pirini, dal mont al mar,
Frugà l' aveva agn bus, agn strà e canton,
Fora che in t' al palazz del vecch sterion.

55.

S la fuss stà in t' al palazz del magh Atlant
La l' arè vist tra i altr corr-r ansios,
Cun Gradass, con Ruggir e Bradamant,
Cun Ferrau, Prasilò e al Cont famos.
Mo, dop ch' Astolf decazzò vi al negrumant
Cun al sunar d quel corn maravios,
Brandimart s' in turnò dentr in Paris:
Sta cosa mo 'n saveva Fiordilis.

56.

Qui pr' accident allora l' arrivava,
Intant ch' i mros cuievn l' armadura:
Lì l' acgnussì ch' l' era del cont d Brava,
E anch Breiador, ch' era alla vintura.
A sti cos, maravià, d fiss la guardava,
Mo al pastor anch a li fi la pittura
D quell ch' era lì success i di passà,
E ch' al patron d quegli arm è matt dvintà.

57.

Quand l' armadura arcolta av al seuzzes',
Al l' accumdò pniat attacc a un pin,
E perchè nssun fustarist n' del paes
S' arrisgass a cavarla, in st tal latin
Su per la scorza al seriss sotto a l' arnes:
« Armadura d' Urland cont paladin »:
Intindend forsì d dir: D quì nssun la mova,
Quand enn Urland a possa star a prova.

58.

Quand av Zerbìn la pietosa ovra cumpì,
Turnò a cavall, pr' andar per la so strà:
Mo in quella Mandricard arriva lì,
E vendl su per quel pin gli arm attaccà,
Al dmanda chi è stà quell ch' inseme gli ha uni.
Zerbìn i conta quell ch' i è stà cuntà.
Allora an stà più al tattr altr a cercar
Sn ch' al va d posta la spada a cavar.

59.

Digand: Adess nssun em prà riprendr,
Sta spada, s sol anèu a l' ho fatta mi,
Giustament al pussess a in poss pretendr,
E torla da per tutt in dov la s si.
Urland ch' aveva pora d' en la dfendr,
Mustrand d' esser ammattì al l' ha ficcà vi.
Ma pur s' a fur aquis l' s mostra un pultron,
So dann: mi 'm vui servir del mi rason.

60.

Zerbìn cridava: Abbass, abbass quel man,
O, s' a la vli, fà prima migh question.
S' aquis a tulissi gli arm del truian,
Aglì avi più rubà, che avù d rason.
Per quest, senza dir altr, i vin-n al man.
Cun gran ann tutt du, cun un cor d lion.
I n' han gnanch al duell, s po dir, eminzà,
Ch' as sint l' armor di culp da tutt i là.

61.

Qui ai bisogna a Zerbìn star ben a l' erta,
E cun l' oech e la spada n' in perdì unza,
Ne lassar al so nmigh una strà averta
Tant ch' una buttarazz al t' n m' i appunza:
Che s Durlindana al cui, l' è cert ch' l' al dserta
Tant ch' ne l' medich ne l' barbir al cunza;
In somma, s mai quì ai chiappa, al va ai Elis
Purtand del nostr mond a quel avvis.

62.

Cmod fa un can svelt d' intorno a un porch zingial,
Ai vā fagand di salt da tutt i là,
E quel porch, ch' n' ha spavent ch' ai fazza mal,
Al lassa sbizzarrir, fin ch' l' è straccà,
Al fiol del re Agrican fa tal e qual,
E Zerbìn s va badand da tutt i là,
Al picchia, al scappa e s torna cun furor
Per vedr pur d salvar e vita e unor.

63.

La furia d' quì altr a' un gran vent a l' arvis,
Quand al sbuffa quì fort, ch' al s tira dri
I albr ben grand cavà d' in t' l' radis,
E anch di pizz d muntagna al porta vi.
Cun st spirtazz bisogna star cert in t' l' avvis.
Averi i uech al man, ben movr i pi.
Però, per quant Zerbìn ben s guarda e schiva,
An po scansar un gran colp ch' en i arriva.

64.

An po scansar ste colp grand malament.
Ch va tra la spalla e l' scud so vers al pett.
L' era grossa la piastra, ch ben cunsent,
E gross al panziron, tutt du perfett:
Pur a resist a st colp an fu valent,
Ch Durlindana s fi far lugh a so dapett,
Che, vgnend d' in alt, tutt quant quell ch' l' attruvò
E finna un pezz d sella la smuquò.

65.

E s' al n' era ch' al colp fu un po' scarsett,
Al stiappava Zerbin cmod s' fa una canna,
Mo tant la spada en trapassò al curpett,
Ch, fora dla pell, arrigh più in là l'appanna.
La piaga en s' po dir fonda, mo, in ristrett
D misura, l'è più lunga d' una spanna;
E 'l sangu eminzò in manira a spissinar,
Ch' as vdeva el gozz infinna in terra andar.

66.

Poch frutt i fi a Zerbin al tirar d spada,
E averl imparà fin da ragazz:
Poch i zuvò al saver star in parada,
E manch in t' al picchiar aver bon brazz:
Poch i zuvò ch la spada taia e rada,
Perch' qu' altr i aveva tropp al gran vantazz.
A dirla curta, Mandricard l' avanza
In t la buntà degli arm, e in t la pussanza.

67.

L'è vera ch fu ste colp in apparenza
Assà più grand ch' al n' era in verità:
Mo Isabella però, cun tutt ciò, cemenza
A sintirs in t' al cor la tantanà.
E pur Zerbin s sint tanta cunfidenza,
D' ira e d vergogna tant s sint infiammà,
Ch' al mena cun un colp tirà a dou man
Zo per la testa al fiol del re Agriean.

68.

Fin al coll del cavall squas al s pigò
Al sarazin, da quel colp inturni,
E s' affidà 'n l' aviss chi fabbricò
L' elm, quel colp i arè al cervell d'sparti.
An ste però gran fatt, ch' al s' addrizzò,
E an diess: A t l' arrindrò po un altr di:
Mo alzandi una gran botta vers la testa,
Al criss partendla in mezz d finir la festa.

69.

Zerbin, ch tgneva la ment e l' occh attent,
Al vultò da man dritta al cavall prest,
Per schivar al gran colp da diligent,
Ma per sfuzzel del tutt en fu assà lest.
Per mezz al scud d'sparti quel colp putent;
Al brazzal ai rumpi, e s' n' i fi del rest,
In t' un brazz al le fri, l' arnes ai spazzò,
E un poch in t' una cossa anch al taiò.

70.

Zerbin va pur tintand tutt quant el vi,
Mo l' ha l' asi d guardars, e l' asi d far.
Quegli arm, miss insem per steriari,
In t' n' nssuna manir s poln furar.
Per l' altra part, al re dla Tartari
Al s ved sovra a Zerbin molt avanzar.
Perchè in sett o in ott culp al l' ha furà,
Mezz l' elm rott, e al scud del tutt taià.

71.

A poch a poch al sangu cala a Zerbin,
Mo dal cumbattr brisa an stalinties:
Al s fa annu e cor, un cor da paladin,
E innanz la gran battia al proseguiss.
Mo Isabella, ch' ha porta d quel mal vein,
Và a pregar Duraliz, a vder s la peiss,
Pr' amor del cil, cun al saver ben dir,
In qualch manira la question partir.

72.

Curtesa Duraliz, quant l' era bella,
Ne gnanch sicura cmod suzzdiss al cas.
Fà ben vluntira quell ch dis Isabella,
E s dispon Mandricard a far la pas.
Zerbin, za ch' al s la ved anca lu bella,
La gran stizza l' ammortà, al s ferma e s tas,
La cosa d Durlindana al trà da un là
E s vò dov Isabella i fa la strà.

73.

Fiordilis, vden la spada quasi mal d'fesa
Del miserabil senator ruman,
Dentr d li l' ha nn gran disgust, e tant ai pesa,
Ch la sbatt insem per compassion el man.
Brandimart la s' agura li a quila impresa,
S la l' ved, la spera d' n i al dir in van:
Perchè s cun Mandricard lu vò a cunobattr,
Questù n' arà temp d far tant al coss da quattr.

74.

Sicchè donca per tutt la l' va cercand,
Senza saver in dov, mattina e sera.
E sempr più la s' andava slontanand
Da lu, ch dentr in Parigi per li suspira.
Ma tant da un là e da qu' altr l' andò asiand,
Ch' un di, fermà ch la s fu dri a una rivira,
La vist e s' accugnssi Urland paladin:
Mo a torn a quell ch success dop a Zerbin.

75.

Durlindana lassar a in sà d mal;
Più gran error an pensa lu d psser far;
Beuchè su in t' al cavall al stà quasi mal,
E al sangu al s ved da tutt l' band cular.
Mo an sta gran fatt, ch' al s sent più cresser al mal:
E, quant la stizza e l' cald cimenzn a calar,
Tant i cress al dular, e malament
A poch a poch mancar del tutt al s sent.

76.

Za an po più per la deblezza andar,
Sicchè i s fermann avsin a una funtana;
La 'n sà ne cosa s dir, ne cosa s far
La sgnora, e s bagna d piant bnst e settana.
D pur affann la sent cert ch la vò a mancar.
Tant è agn città là da quel sit lontana,
Dov un medgh o un barbir psser attruvar,
Ch, pagandl anch ben, al vigna a visitar.

77.

La dis del cos, ch la par squas dà in deprazion,
La s crazia, smania, crida, e la s lamenta:
Perchè (la dis) n'andoia in bocca a un ton,
Quand a scappar da cà a fu quasi insultal!
Zerbin, mezz mort, sent più duia e passion
A vederla quasi dispersa e quasi dolenta,
Ch'an sent d se stess, cun tutt ch'al sia a mal port,
E ch'al s cegnasse arrivà all'orell dla mort.

78.

Bell al mi ben, ni deeva, stam a udìr,
Cercà d'amarin anch quand an i srò più.
Mi av assieur ch più dsgust an posse suffrìr
Quant a cgnussr ch'arstà qui da per vù.
Che s'aviss passè in t'un lugh sicur murir,
A mureva vintura in brazz a vù,
E vintura a incuntrava al veech Caront,
E quel cagnazz ch ha trei boech e trei front.

79.

Mo za ch la stretta ultima in sta bulà 'm tocca,
E bisogna ch'av lassa, e s'en so a chi:
Per qui bi nechin av zur, quela bella bocca,
Pr'al bel nasin, e per qui bi cavi:
Mi quand a arrivàrò là, dov s trabocca
Tra i altr deprà, in quel sit la pena mi,
Più granda d quella ch sent qui altr dsgrazià,
La srà d'averv a st mond sola lassà.

80.

Isabella, al parol ch dis al zuvnett,
La s'aguffò piangulenta vsin a là:
E al mi ch la pasci la l'abbrazzò ben strett,
E ch'al s'alzass a sedr l'arè vù.
La deeva po: 'N cherdiesi zà, puvrett,
S l'è vgnù l'ultm'ora, ch'andadi a cà d què,
Ch'avadi da per vn da andarn vù,
Mi cert vosch a vui vgnir in cumpagni.

81.

Al mi cucchin, per quest n'ev mtti travai,
Av srà cumpagna in zil, e zo in t l'infèrn:
An sri quasi prest andà vu ai buricci,
Ch'av vgnarò dri, o s starò vosch in etern.
An s dirà cert ch'av abbondona mai;
E s'an'm finirà al dular intern,
Ch cert em farà schiuppar, per far l'effett
Cun sta spada av prumett d passarm al pett.

82.

Una speranza granda ai ho ch da murt,
Più che da viv, a sren affurtunà.
Quasi qui pol arrivàr un qualch d'un d cert
Ch sott terra mètr z prev per carità.
Intant la ved ch Zerbin fa i labr smurt,
E d più ch'al stenta anch a tirar al fià,
E li, multiplicand piant e suspir,
La l basa in bocca, e s cui i ultm respir.

83.

La vos debba Zerbin pur rinfurzend:
Pr'amor del cil (ai diss), o cara diva,
Per quel ben ch'am dsmustrassi, anch av pregh, quand
Per mi a lassassi la puterna riva,
In st'ultm punt, s'av posse cmandar, av emand,
Infìn ch'al pias al cil ch'a stadi viva;
Basta ch'an v dcurardi mai d sta cosa:
Ch'av ho vlu ben quant mai vler ben as possa!

84.

Misir Domendi dl'aint av pre mandar,
E far ch finissa un di i vustr strassin:
Cmod al fi alla spelonca capitar
Urland, che v liberò da quei assassìn.
E cmod, per so pietà, av succors in mar
Tulendv d'in t el man del Biscain.
Tirà innanz fin ch'a pessi: perèh as sol dir
Dalla zent ch l'ultima cosa l'è al murir.

85.

Ditt quest, an v più innanz, ch la vos s'i vela,
Mo li n'intes quel cos ch'al diss in fin.
Lu smanò, cmod al smanca una candela
Ch'ava l'ii za furni cun al stuppìn.
L'ha rason s dalla pora adess la s pela,
S la crida fort, s la l'ha con al destin
Sta povra signora, a veders li tra l' brazz
Al so mros, mort del tutt, ch'al par un strazz.

86.

La s'abbandona allora sovra al mort
E pr'al gran piant la l lava tutt e bagna,
E pr'al dular la s mett a urlar quasi fort,
Ch as sent l'armor del mia in t la campagna.
La s strazza l vest, la s dà di pugn a tort,
La s sgraffigna, ma ngotta la guadagna:
La s sgumbia i rizz, la s strappa al pircocchin,
Chiamand, mo l'è temp pers: Zerbin Zerbin'

87.

E, videnta armassa sola e dereliitta,
Finalment la di po in tanta deprazion,
Ch del mort la spada la s vultò alla vitta
Per fars in mezz al pett un gran sfundon.
Mo l'arrivò per cas li un Eremitta
Ch la trattign, perch l'an fiss quasi gran maron:
Quest aveva la cella poch luntana,
E l'era vgnù per bevr alla fontana.

88.

Al Rumitt, ch'era un om d'alta buntà.
Accompagnà da una rara prudenza,
Tutt pin d'urtai, d'amor e d carità,
Dal cil dutà d natural eloquenza,
Cun del rason e del parol assà,
E di esempi, che d quisti al n'era senza,
Al la cunforta a star ben in pazinzia,
E l'ammazzars ai mitt scrupl d cunsinzia.

89.

Cun al parlar a mod, ai fi capir
Ch la n' pœveva s n'in t'al Sgnor aver cuntent;
Che tutt el cos 'd st mound eru chimir,
E ch tutt i gust passavn in t'un mument.
Tant ch'al l'arduss, cun al saver ben dir,
Un poch in pas, e a far prupuniment,
Za ch la n'aveva psù Zerbin spusar,
D'andars in t'un cuvent 'd sor a srar.

90.

Sebben ch la cgnuss ch la n's prîd scurdar la delitta
D'aver avù in Amor quî gran svintura,
E ch la pianzrà tutt al rest d'la so vitta,
Par al corp mort, in st mentr, l'av in cura,
Aiutà dalla forza dl' Erenitta,
Per psersi dar onesta sepultura;
A soma i al cargonn in t'al cavall,
E paricch di i andonn per bosch e vall.

91.

La prudenza d st bon frà, ch en n'era monca,
Al persuas ch'una zovna quî bella
La n' n'era da cundur a quâ spelunca
Dov in t'al mœs l'aveva la so cella:
Un dar fugh al pair quest al sre donca
(Al dœva da per lu) cun sta stanella
Ardurm da per mi; st'inavertenza
Pre mettr in prigul la mi cuntinenza.

92.

D'andar sigh al pinsò, pr'averi al cor,
Poch luntan da Marsiglia in t'un castell,
E li po in t'n cuvent lassarla d sor,
Ch'al saveva ch'ai n'era un ricch e bell.
Per purtar mii al mort, a forza d'or,
Una cassa i finn far, non za bell bell,
Mo alla presta, cm'i arrivn in lugh abità,
Lunga e capaz, e ben tutta impegnà.

93.

Di di i asionn da lor du purassà
Per di lugh sulitari e dœrt dfatt:
Ch'agn cosa siand pin d'arm e pin d'suldà.
Al più ch'i psœv'n i vlevn andar d'arpiatt.
Un cavalir finalment per la strà
I incuntroonn, ch'i trattò mal cun i fatt:
Quand srà al temp, av dirò po al rest allora.
Ch'a torn a Mandricard e alla so sgnora.

94.

Dsparti ch fu la battaia urrenda e strana,
Cmod a diass za, Mandricard s'arirò
All'ombra fresca, avain a una fontana
E ai cavall sella e brein lu cavò,
Ch'is arsurassn un po dalla scalmana;
E appressa a Duraliz al s'azzacò.
Mo an stà gran fatt, ch l'usserva da luntan
Un cavalir calar dal mont al pian.

95.

Mo Duraliz, tant quant l'alzò la front,
La l'arvisò, e mustrandl a Mandricard,
La diass: Quell là d' sieur l'è Rudumont,
Ch'al cgnuss al purtament, agli arm, al guard.
Per taccar lit cun vu lu cala al mont,
E cert av znvarà d' esser gaiard,
Perchè ai era so sposa, e l'ha avù dsugst
D'averm persa, es vin a darvn un frust.

96.

Cmod fa un mi amigh, cm'al zuga a tarucchin,
E al ved, dop quattr man o si,
Ch la furtuna è per lù, l' calca l' bertin,
Al tira innanz la scernanna, e al s liva in pi,
Cun dl'aria al sminchia, e l' batt in t'al tavlin:
In t' l'istess mod al re d'la Tartari
Mett all'ordin al cavall allig e lest,
E d'un sbalaniz in sella al salta prest.

97.

Quand i funn tant avsin, da passer udir
La vos l'un dl'altr, e intendr el parol chiar,
Al re d' Sarza, ch'en la psœva padir,
Scussand la testa e l' man, s mise a bravar,
E diri ch l'era vgnù a farl pintir,
Cercandl apposta, per psers vindicar
Contra d lu, ch'era stà tant insultant
D'perdiri al rispett aqusi barunalmnt.

98.

Al Tartar arspos: Qui s fazza manch parol,
Perchè alla curta a mi l' ciaechr 'm fan vent;
A questi ai bad appunt cmod s fa a quel fol
Ch s contin ai ragazz per mettri un po 'd spavent.
Mi l' smariassat agli ho sotto del sol
Del scarp, e s d far question avì talent,
In altr lugh, o quì, senz'arm o armà,
A pi o a cavall, mi son bell'e ammanvà.

99.

Dal parol i passonn tutt in t'un tratt
A mettr man al spad, e a mnars addoss;
Tirands insem di culp tal e quî fatt
Da far schermir la mrolla dentr agli oss.
I parsn un turbin propri in quell prim att
Ch suppia, sbuffa e fracassa a più non poss,
L'ammazza l' bisti, e scava dal radis
I albr, arversa l' cà, zent e pais.

100.

Da sti mustazz, ch n'han i campagn in terra.
An i ussiss an di culp ch'en da mestron:
I fan ben cgnussr ch'is intendn d' guerra
E ch' i s' arvisn al sou generazion.
D'intorn per l'armor trema la terra,
E quand quel spad insem dan un urton
El battn fugh, e a s ved a mill a mill
Pr'aria vuland alzars fiamm e favill.

101.

Senza mai affermars ne tirar fìa
Al dura tra qui du re la battain,
Tintand sempr da quest o da quell là
D'avrir la piastra o d sfuracciar la maia.
Ne l'un ne l'altr guadagnà in quel prà.
E, emod s'i fussi ciut da una muraia,
O ch'un unza d quel sit valiss più zechin,
In ussissu da un cerch angust e panin.

102.

Da un gran colp d Mandricard la testa colta
Fu a man pina al gran re Rudumont,
Ch la luna e 'l strell fe vedri andar in volta.
Alzars al pian, e zo arbassars al mont.
Al pars ch tutta la forza a gli aviss tolta.
Ch'al fi in t la groppa del cavall un pont,
E squas al fu pr'andar a star a tren,
Present quella, ch'ai vleva un quasi gran ben.

103.

Quand al re d Sarza turnò in sentiment
Al pars ch'ai fuss chersù forza e vigor;
E ch' l'aviss acquista in qu' insturiment
Anm e curagg d mustar virtù mazor.
Vers l'anmigh al vè d spinta, e in pagament
Un culpazz al t m'i dà cun gran furor:
E subit dop a quell, cun gran perstezza,
A gli appunzò al campagn in frezza in frezza.

104.

Cun al prim a gli arres al colp dlla front,
Mo per quest an nusi al fiol d'Agrian,
Perchè qustù in so difesa aveva pront
L'armadura fatal d'Ettor Truian:
Mo l'armas sbalardi più d quell ch'av cont,
Ch'al n'acugnseva s l'era ancù ne dman,
E cun al segond colp alla front mira
Novament Rudumont pin d rabbia e d'ira.

105.

Mo al cavall d Mandricard, tutt inspuri
Dalla furia dlla spada che vin d'in alt,
Cun so dann propri al so patron servi
In t'al vlers artitar indri d'un salt,
Ch'a lu si tuccò, puvrin, d'armagnr fri,
Per schivar al patron ste dur assalt;
E lu, ch'en n'era d sorta affatta armà,
Al cascò in terra cun la testa spazzà.

106.

Quell casca, e Mandricard in pi s'adrizza,
Turnà in se stess, e Durlindana gira:
A vder mort al cavall, l'ha tanta stizza,
Ch'a vindicars cun un colp sol al mira.
Pr' artarl, Rudumont contra i attizza
Al cavall; mo per quest qu' altr en s'artira;
Pr'al contrari anzi lu n's moss gnanch d'un pass:
Del cavall Rudumont cascò a fracass.

107.

Qustù ch'è qui, ch sent mancars sotta al cavall,
Cava i pi d'in t'l staff, e salta fora,
E s mostra ch gnanch per quest al n'ha fatt fall,
E contra al nmigh al vè senza aver pora.
Qusi d bell nov i s attacch a ste brutt ball,
Cun ira e stizza, che sempr più i accora:
Al cil sa in comod sre fini sti armor,
S'al n'arrivava li un ambassador.

108.

Quest era un d qui mandà dal re Agramant,
Ch'ai n'era per la Franca sparguà,
Pr'ardur i cavalir sbranca, tutt quant,
Ch' i turnassn al bandir abbandunà,
Perchè l'imperator aveva tant
In ti su alluzzament i mor assrà,
Che, s'an turnava prest sti prim al camp,
Per qui ch'ern attraplà più an i era scamp.

109.

Quest' acgnassù ben prest i du pagan,
Oltra alla vèsta, agl' inoegn e ai grugn,
Ai ognussù dalla furia a mnar el man:
Ch' altr che lor pren dar culp què tamugn.
Però a tramzari al vè bell bell, pian pian,
Per pora ch n'i tuccass una d quel prugn;
L'è ver ch' ambassador la pena n porta,
Mo cun st pruverbi adess poch al s cunforta.

110.

Al va da Duraliz, e ai conta a li
Ch' al re Agramant, Marsili, e Sturdilan,
Cun sigh puch altr, en za alla mala vè,
Tutt d'intorn assedià dal zent di estian.
Cuntà al negozi, al la pregò mo li
Ch la vdis d' cavari la spada d'in man;
E, pr' aiutar al popol Sarazin,
D' accord ch' i s mttissn tutt e du in camin.

111.

Li vè tra i cavalir senza timor,
Digand: Av cmand d fermarv in t'al mument
Per quant a sò tutt da ch' am purtà amor,
E ch a fadi la pas qui incuntinent.
Beò ch a vgnadi tutt du migh in favor
Del re Agramant, e di altr d nostra zent,
Ch'en assrà tutt dentr in t'i padigliun,
E, senza aiut, i sran arduitt in beccun.

112.

Dalla sbolza una littira ha cavà intant
Quel Mess, dagandla a Rudumont, ch la despiga,
E al lez ch' i interess del re Agramant
En per chiappar una gran brutta piga.
Lor s cunsiun pr' adess d mettr da cant
El rason quant in han, nè taccar briga
Per fin che l' re Agramant e i su suldà
Dall' assedi di estian n'in liberà.

113.

Quand i aràn liberà po so sguarì,
Mandand i cistian e al re Carl in malora,
An i srà più tra d lor du cumpagni,
Mo alla so lit i turnaran po allora,
E i faran al pussibil d man e d pi.
Ugnun d lor, pr'acquistars quela bella signora;
E in t 'l man d Duraliz quasi fu zurà,
E per tutt du li fi la sigurtà.

114.

Mo la Discordia, ch s trova là d present,
Ola pas nùga, e che 'n vre nssun daccord,
Cun la Superbia, al sentu malament
Ch sti du tra d lor fazzn quasi prest l'accord.
Mo Amor, ch i era anca lu, d lor più putent,
An vols ch'allora 'gli rumpissn el cord:
Perchè in sta pas ai vols lu mettr el man,
E, a forza d dard, al li fi andar luntan.

115.

La pas fu stabili, cmod i esurtò
Quella, ch' a tutt e du psseva cmandar.
Un d lor era cavall e qul'altr nò,
E Mandricard a pi s'in tigneva andar.
Mo là in bon punt Breiador arrivò,
Ch senza patron abbadava a pasquar.....
Mo l'è un pezz ch'a dardell, e s'n ho gnanch bvù:
Lassè ch'a beva, e intant aspità anca vù.

VIN DEL CANT VINTQUATTE.

CANT VINCINQ

ARGUMENT

*Rizzardett è salvà del brav Ruggir,
Ch'in al brusen, cmod l'era cundannà.
Quell sven fà al so difensor sintir
Perchè e per com l'è stà prez e ligà.
I en alluzà la sira da Aldigir,
E la mattina i van vi tutt armà
Per far in mod ch Malagig e Vivian
D quel briccon d Bertulazz in caschn in man.*

1.

Bagnù un po la parola, a torn a vù.
E av digh ch la gloria e la passion d'amor
Travaiin a più non poss la zuventù,
E o quella o quest arresta vinzitor.
In qui du cavalir avi sintù
S'amor av forza, s l'av forza l'unor;
Ch'insem i s'accurdonn pr'infina a tant
Ch'i avissn dà succors al re Agramant.

2.

Amor allora 'l fu lu al più putent,
Cun dar a Duraliz l'autorità:
Lor arèn seguità al cumbattiment
Fin ch'in t'al camp un d lor arstasse svultà;
E indarn al re Agramant e la so zent
L'aiut d sti du massar arevn aspità.
Quel bardasson d'Amor fi pur allora
St'ovra ben fatta, a intercession d quela signora.

3.

Al tatr e l'affrican, in cumpagni
Allora, da un là messì el pretension,
Per salvar Agramant i volta vi,
E d Duraliz i stan tutt du a gallon.
Anch al nain traian d vols tgnir dri,
Sebben ch l'aviss finì la so funzion,
D'aver cundutt al tatr e Rodumont
A mnars quasi mattament zò per la front.

4.

I arrivonn tutt insem in t'un bel prà
Dov stava al fresch un'altra camarada.
Dov gli arm aven, e du altr ern dsarmà,
E in mezz a lor una zovna garbada.
Chi is fussen, un po più innanz av srà cuntà,
Perchè adess a Ruggir bisogna ch'abbada,
Che, com av diss poch fà, s'av l'arcordà,
In fond al pozz aveva 'l scud ficcà.

5.

Al n'era gnanch da st pozz un mii luntan,
Ch'al sent dedri da lu un corn sunar:
Quest era un d qui mandà dal fiol d Truian
In cerca d qui ch'al vign-n a liberar.
Questù pur cuntò a Ruggir ch'al re di cistian
Aveva aserà Agramant dentr ai arpar:
E, s'al n'aveva aiut, cert al pervdeva
Ch'unor o vita st povr spirt perdeva.

6.

Vari cos per la ment passonn allora,
E contrari tra d lor, del cavalir,
Senza saver a qual tgnire per la miora,
Ch'amor e unor al vren far arrabir.
Al lassò in ultim andar alla malora
Quelà dal curnett, e al so viazz proseguir
Al pinsò, dov la zovna al vol guidar,
Ch n'al lassava on mument d temp arpuassar.

7.

E, seguitand al so viazz, l'arrivò,
Ch l'era aquas sira, a un bel Castell o Terra,
Ch in mezz d Franzà Marsili za occupò,
Tolt al re Carl in occasion d quela guerra.
Ne alla porta ne al pont Ruggir s fermò,
Che nssun porta o rastell dinanz i assera.
Cun tutt ch'i fuss una gran quantità
D person continuament in guardia armà.

8.

Perchè l'era cgnüssù là da qula zent
La zovna ch'ì era innanz, e al cunduseva.
Per quest al pssì passar liberament,
Senza nssun: Chi v'è là? ch' l'usanza vleva.
Quand al fu in piazza, un gran preparament
D person e d fugh al vist: e an accadeva
Torsla comda, ch' al zovn cundannà
Pr' esser tratt in t' al fugh è za ligà.

9.

Ruggir di una guardà al zovn, ch' s' in steva
Mest, aggruppà zo cun la testa china,
Per veder pur, s per cas, al l'acgnusseva,
E, topa, ai pars ch la fuss la so sgnurina;
Am intend Bradamant, ch iust li al pareva
Al blezz, ai att, alla so figurina.
Mi' n son Ruggir, s' al n' è quest Bradamant,
Al dseva, o verament quest è un incant.

10.

In quell' mentr ch am son indri trattgnù
Forsi in t' al viazz l'arà temp avanzà:
E perchè al fatt i srà mal intravgnù,
Pavrina! anca li al fugh i han cundannà.
Manch mal però ch a temp a son qui vgnù,
E cert an v'ui da gutor ch la sia brusà.
Cil, at ringrazi, ch t m' ha iust qui fatt vgnir
A temp da pserla in st gran prigul servir!

11.

Senza dir altr, alla spada mett man.
Ch la lauzza era za arstà a qu' altr castlazz;
E s cminzò a mnar addos a qui paisan,
Zo per la testa, per la schina e al brazz.
Propri arrabi al pareva piz d' un can!
Taia panz, taia test, trinza mustazz:
La sbirrari, ch ved vgnir quasi gran timpesta,
S mett a scappar, e guai a chi s'arresta.

12.

Al nibbi propri al pars ch dies in t' l' passer;
Chi d zà chi d là s la cols zo pr' i stradi,
Chi fin ch' al n' ha passà l' rastell o l' cassar
N' av ann da vultar la testa indri.
In stevn a vedr la graimegna nasser,
Mo beat chi psoea più spessgar i pi:
Ugnun cercava prest e ben torsi d sotto,
Perchè Ruggir i mteva tutt in rotta.

13.

La testa a quattr o si d nett al taiò.
Ch mustavrà poca voluntà d scappar.
E più d tant altr in dou part al taiò,
Departi ugualment, cmod fa un videll al becar.
Senza nmr tant altr al n' ammazzò,
Ch' ai arè viu del temp a stari a rmar.
Qualch' un dirà ch' al fèva sta bravura,
L' aver trovà tutt qulor senza armadura.

14.

Mo s' anch i avissn avù l' elm e l' brucehir.
E gli altr arm ch s' usavn da qui di,
A cosa qulor s n' arevni pssù servir?
Ngotta gli arèn zuvà, cherdiml a mi;
Perch la gran forza ch' aveva Ruggir
Per l' ordinari, e più em l' era instizzi.
Era talment tremenda e strampalà,
Ch' appressa a lu Milon sre un insinà.

15.

Agu colp, ch' al muava, al n' accuppava manch
D' un om, e ben e spess i ern anch un par.
E quattr e cinqu l' in dstes in t' un colp anch,
Sicchè ben prest l' arrivò al cintunar.
La bona spada ch' al portava al fianch
Cmod l' arcotta l' azzarr pseva taiar.
In t' al zardin d' Urgagna, Fallerina
Fi, pr' ammazzar Urland, qula spada fina.

16.

D' averla fatta l' av ben po d' ulor
Perchè d quel bell zardin quella fu l' despiant.
E adess ch' al l' ha Ruggir, pin d' tant valor,
E ch pensa d dar succora a Bradamant,
A pssì pinsar al mestr s la fa unor,
Massament siand Ruggir instizzi tant:
E, s l' ha mai missa in ovra la so forza,
Più degli altr sta volta al la rinforza.

17.

Quell ch fa la livra, ch ha i can dri dsligà,
Da Ruggir qulor in t' l' istess mod scappavn.
La fu granda la massu di ammazzà,
Mo l' era assà più qui ch se sluntanavn.
Intant qula zovna aveva l' cord slazzà
Che l' man d quel povr cundannà ligavn;
In t' al mior mod la l' fi, al più prest ch la pssì,
E spada in man e scud al brazz la i mti.

18.

Quest, ch' uffes s' era tgnù fort purassà,
Vols far el son vendett in quel mument.
E qu' l' fa vedr ch' an i manca al fià,
E ch l' era om bon da cvell, svelt e valent.
Al sol s' era dal tutt da nu arpiattà
Pr' andar a far lum anch a qu' altra zent,
Quand Ruggir e quel zovn, in cumpagni,
Triufant e glurius s la battinn vi.

19.

Quand quel zovn, ch s' aveva da brusar.
Cgnüssù d' essr in sieur fora del port,
Quell ch l' avea liberà l' vols ringraziar
Cun del belli parol e mod accort;
Ch' un, ch' an cgnusseva, l' era andà a aiutar,
E per lu a prigul s' era miss d' la mort.
Dop, ai fi ietanza ch al so nom ai dssiss,
Per saver st' obbligh grand a chi al l' aviss.

20.

Quest è l' volt, quist en i att, quest è l' uechin,
Dentr d lu Ruggir devesa pinsiros,
Dia Bradamant: mo da cosa davin
Ch'an od qula cara e delicata vos?
Arringraziarm a st mod a li 'n cunvin,
La mrosa n' ha da far quasi cun al mros:
Mo pur, s l'è Bradamant, emod mai quasi prest
S'ela scurdà al mi nom, cun tutt al rest?

21.

Per vgnir in chiar del ver, al diss Ruggir:
D'averv vist degli altr volt am par;
Mo, per quant am cunsidra in t'al pinsir,
Ne quand ne in ch' lugh an m'al poss arcurdar.
S'vu v l'arcurdassi, av pregh 'd vlerml dir,
E al vostr nom, perchè av possa chiamar
Cun quell, e perchè a sava chi l'è stà
Quel ch' ai ho, in qualch manira, aneu aiuta.

22.

Qu'altr diss: As po dar al cas d sicura
Ch vist am avadi, an so po l' com ne l' quand.
Perchè a vad anca mi vi alla vintura,
Uccasion d farm unor pr'al mond cercand.
Quand l'au fusa mi surella, ch l'armadura
Porta anca li, per vari part asiand.
Nu z'arvisèn, siand nad gemi d'un sem,
In mod ch gnanch qui dla cà z distingu insem.

23.

Vu an si l' prim ne al segond ch si sia acchiappà,
Ch la mamma e l' pà cun tutt i mi fradi
Del cintunara d volt s'en aggabba,
Chiamandm mi, pinsand d chiamarla li.
L'è ben vera ch pr' in fin ai di passà
L'un dall'altr iz cgnussevn pr'i cavi,
Ch mi ai port curt all' usanza di sulda,
E li al zignon dedrì sempr ha purtà.

24.

Mo siand armasa frì in certa question,
Ch'an serv adess s'an vla stagh a cuntar,
E siccom l'av la botta in t'al zuccon,
Per guarir bisugnò al zignon taiar.
D'allora in za an i arstò altra destinzion
S' n'al sess e al nom quaud az udèn chiamar.
Li Bradamant, mi Rizzardett a son,
Fradi d Rinald, e fù tutt du d'Amon.

25.

E, quand al starm a udir n'ev vgniss a nuia,
Av farè sintr una vaga insturiella,
Dov ai av prima gust, e po gran duia,
Inst pr' arvisarm tant a mi surella.
Ruggir, ch'en po ascutar qual cosa s'vuia
Cun più cuntent, che quelli dov la bella
So mrosa i entra, e i ava un poch a ch far,
Al prega st zorn a vlerila cuntar.

26.

Al zuzzess, n'è gran fatt, ch'in sti cunfin,
Dis, ch mi surella andava pr'al fatt sò,
E l'incuntrò una squadra d Sarazin,
E li cun quor baruffa l'attaccò.
Pr' accident, li n'aveva elm o bertiu,
Sicchè dai nmigh in testa frì l'arstò:
E, chi la piaga vols passer ben medgar,
Bisugnò ch la s lassass el trezz taiar.

27.

A una bell' fontana l' arrivò
Un di, ch l'asiava fora, stracca e stuffa:
Zo da cavall in t'erba la dsmuntò,
La s mias a sedr, e po s cavò la buffa.
Tra tutt el fol, ch l'antighità cuntò,
Ch'en mo ranzi ora mai, e s'han la muffa,
Una d questa più bella mi 'n l'ho udi;
E a pens ch'a diri in fin anca vu acquai.

28.

L' arrivò a qula fontana pr' accident
La fiola del re d Spagna, Fiordispina.
Ch'andava a cazza, e sigh l'ha un branch d zent:
E, quand a mi surella la fu vsina,
L'armas innamurà subitament,
Ch'a vederla senz' elm e senza anima
La l'ols pr' un cavalir, e s l'invìdò
Andar sigh, e cun li la s' arpiattò.

29.

Quand sicura la s vist luntan da tutt,
Ch la zent n' i pssava dar più sudizion,
Cun att e cun parol la dscravi tutt
I su pinsir e la nova passion:
E po la diss ch la s sre destrutta del tutt
S di su guai an s muveva a cumpassion:
La dvintò rossa e smorta, e s si accustò
A brazz avert in ultim, e s la basò.

30.

Mi surella s n'addì ch l'era in error,
E ch la l'aveva un cavalir stimà.
Mo, 'n passendla secundar in t'al so umor,
La s'attruvò più d'un poch intrigha.
Pr'aqudarla donca, e n' s far per si dsunor.
Ben fatt la pinsò a dir la verità:
E d fari intendr cun manira bona
Ch l'avea fatt sbali, pr'esser auch li una donna.

31.

A tutta prima l' n' fi da ritrosa,
E s la lassò in quel prim impit sfugar:
Mo, per n' i tgnir la verità nascosa,
Perchè al so solit n'è quell d'ingannar,
Cun aria alligra, e cun vos amorosa,
La diss prima: As po dir ch'anden del par:
Mo d'averv per sposa an in son degn
Perchè a sen du suggett tutt dl'istess legu.

32.

Cioè ch l'era anch li donna, e, emod Camilla,
L'andava sempr armà d'elm e d curazza:
Ch l'era Affricana, uada propri a Arzilla,
Tra mezz agli arm avvià sin da ragazza.
Mo quest n'amorta d fugh una scintilla,
Ne al mal d'amor medicina l'è ch si affazza:
Ne Fiordispina lassa d vlieri ben,
Anzi la s sent più cressr al fugh in sen.

33.

Per quest n'i par manch bella Bradamant.
E l sou uccia i trapassn in fond al cor:
Dentr la fiamma cress più tant e tant
Al bel mustazz guardandi, e i cavi d'or.
E, vndella vsti da om, la pensa ch quant
Sre 'l so bisogn la i possa dar arstor:
Po, quand la pensa par ch l'è una zuvnetta,
La s sint dar in t'al cor una gran stretta.

34.

Chi aviss udi i su piant e i su lant,.
Sicura, quel di, piant arèv cun li.
Chi ha mai al mod pruà quei gran turmint,
La dseva, ch s possu dir ugual ai mi?
In qual s vuia altr' amor, ai mi cuntint
A pre sperar d'attruvar la vi;
Mo sol in quest a son quei sfortunà,
Da n passer gnanch lusingar la vultutà.

35.

Amor, Amor, st'em vlev pur turmintar,
Pr'averin invidia ch a viviss cuntenta,
Per cosa uu d qui travai migh n'adruvar
Ch per l'urdirari i altr mrus turmenta?
Un cas quei fatt mai an ho ndi cantar,
Ne per l'avgnir ai ho pora ch'al s senta
Ch d'un'altra s sia una donna innamurà,
Ne femma mai ch s sia a femma accompagnà.

36.

Sol per to rabbia a prov pena e strassin
Degli altr donn più grand e più violent.
Mo cosa t'oià fatt, ladr, assassin,
Da farm aver al cor un quei gran stent?
Semiramid amand av al so fin,
Sebben ch l'amava al fiol indegnament;
E chi ha via ben al fiast, e chi a so padr,
Chi s'è decurdà d'esser sorella o madr.

37.

In somma, mi an ho mai viest nè savù
Un amor emod è al mi quasi fora d'ordn:
Ch'altr han uttgü al so fin mi ai ho sintù,
E ch mi a n'al possa aver? quest è un gran daordn.
An s po mudar quell ch la natura ha tsù;
E an i è mustazz ch'i passiss trovar qualch ordn.
Qual'istess ch'attruvò al co in t'al labirint
An sre bon d farm uscir mi d'in sti tint.

38.

Sta porra bagaiola quei s duleva,
E dalla gran passion lugh la n trovava;
In t'al stomgh da per li di pugn la s deva.
E a man pini i cavi la se stiancava.
Per compassion mi sorella pianzeva,
Vdend e cugnussend al dulo ch la pruvava.
D cunsularla in parol studia e procura,
Mo l'è inutil, ch la i fa cressr l'arsura.

39.

Fiordispina, n'avend suddisfazion
Dal ciacchr, seguitò innanz a bruntlar.
Za dagnora dal sol al carratton
Cun i cavall calava in mezz al mar.
Chi n vleva star la nott in quel macchion
Vers la so cà pian pian s eminzò a artirar,
Bradamant invida da Fiordispina
Fu, d'andar sigh alla so terra viana.

40.

Mi sorella n'i sav in quest dir d nò,
Ch'a-un quei curtes invid la s tign arrendr;
E quei al castell l'una e l'altra s n'andò
Dov mi poeh fa i ern pr'ardorm in cend.
Fiordispina al son stanzi la guidò,
Cun del carezz d'avanz e anch da vendr:
Di abit la i di, e s la fi da donna vstir
Dop mustrandla al dunnzell, pagg e staffir.

41.

La la fi vstir da donna, ben capend
Ch lassandla in pagh da om la n n'ha costrutt;
E po anch la l'fi perchè la zent, vdend
Ch'el stev insem, in mormurassn tutt;
E s'al fi finalment anch po cherdend
Ch st so amor sre svani, srev andà destrutt:
E ch ai sre st sghiribizzi uscì d pinair,
Vdendla una donna, e non za un cavalir.

42.

Insem el stinn la nott anch a durmir,
Mo gli arpusson sti donn differentment;
Mi sorella, ch n'aveva in co el chimir
D qu'altra, durmi i su sonn con cor content,
Mo al durmir d questa fu piant e suspir.
La s prillava emod fa un mulin da vent;
Oppur, se pr'un puctin la s pisulava,
Ch Bradamant era un om la s'insunjava.

43.

Emod è qu'ars da una fivra da cavall,
Da qu'ora ch'un qualch poch al s'indurmenta,
L'acqua, ch l'ha viest in bosch, funtana o vall,
In t la so fantasi chiara s presenta,
E, quand al s desda, al vè l'insugni in fall,
Ch in t'al dsdars al sent pur ch la seid s'augmenta.
Acquis s'insunia Fiordispina in van,
Che del so ingann testimoni i fa la man.

44.

La fi cent vud qula nott a Macumett
E a tutta la canaia d quel deità,
Pregandl a tramudar in t'un zuvnett
Quella ch l'aveva a lett accompagnà.
Mo, o ch'in passissn, o chi avissn altr in garet,
La pregò in van, emod za av immazina.
Intant passò la nott, e al sol lussent
Cminzò a fars vedr, e uscir fora dl'urient.

45.

Tutt'e dou el s livonn, qnand al fu di:
La spagnola però cun la so duia:
E più perch Bradamant d'andar vi d li,
E dszampolars d'in qu'l'imbri, aveva vuia.
La principessa, acciò ch la 'n vada acqui
Senza un so arcord, in don la vol ch la tuia
Un bell cavall, d tutt punt guarni e addubbà,
E una vesta dal son man arcama.

46.

Un pezz anch l'andò sigh in compagnì,
E po pianzend a cà la s'in turnò.
Mi surella tant fort tuccava vi,
Ch'a Muntalban la sira l'arrivò.
Tutt qui dila cà, servint, madr e fradi,
Ugnun cuntent del so arriv s mustro.
Perchè an saveva s l'era viva o morta,
Ch da un pezz nova an s n'avi pr nssuna sorta.

47.

Az maravionn a vederla arrivar
Cun quasi bella e quasi ricca sopravesta;
E più quand l'elm la s'andò a cavar
An aver più 'l sou belli trezz in testa.
Li dal principi al fin eminzò a cuntar
Cmod l'era armassa fri la in t la foresta,
E ch l'era sta da un bon Rnmit medgà.
Ch tutt i su bi cavi avea taia.

48.

E emod, quand la dnrmeva dri a quel riol,
La bella cazzadora l'accattò,
La qual, cherdendia un zovn, al puntiroi
D'Amor in mezz al cor per li prnò.
Tutt 'l smani, la diss, smorfi e parol
D Fiordispina, e emod sigh la l'invidò.
La cuntò in somma quel ch'era passà
Finna ch' a Muntalban l'era turnà.

49.

Mi, ch Fiordispina aveva za cognussù,
Pr'averla vista e per la Spagna e in Franza,
E purassà el sou blezz m'ern piassù,
Perchè s'as dis ch l'è bella al n'è una zanza,
Mo allora sovra d li an pinsava più,
Perchè in st'amor an pssava aver speranza,
E, dop ch alla speranza an s'avi l'ugh,
D posta dentr am sinti arnvars al fugh.

50.

Da sta speranza uscì la tentazion
D prvar s'a pssava utgnir forsi al mi intent.
Amor m'insgnò ch questa era un'uccasion
Da 'n lassarsla scappar acqui vilment.
A eminzò tra mi a far al balanzon,
Che, s'a s'era ingannà tant'altra zent,
Pr'arvisarm mi tant a mi surella,
Arev anch pssù ingannar sta sgnora bella.

51.

Ai pinsò un pzzol, e po a stimò ben fatt
A tor del ben quand as in pol aver.
An vols parlar cun anma nada d st fatt,
Perchè nssun cntradsiss al mi parer.
La vesta e gli arm a tols la nott d'arpiatt,
E 'l cavall d Bradamant cercò d'aver.
Quand ai av tutt sti cos, am miss in strà
Ch'al n'era gnanch del di al sterlott livà.

52.

Am parti d nott; Amor lu 'm cunduseva
Perchè a truvas la bella Fiordispina;
E là in temp a arrivò ch'al sol n'aveva
Gnanch smurzà 'l so splendor in t la marina.
Quand im vistu arrivar, beat ch pssava
Correr più prest al stanzi da sgnurina,
Cun al pinsir d'aver da li sicura
Una gran manza per la nnnziadura.

53.

In t l'istessa manira im tolsn in fall,
Cmod giust avi fatt vu, per Bradamant.
Tant più ch avea la vesta e quel cavall
Za dunà a mi surella, e anch i guant.
La principessa cors senza intervall
Cun gran algrezza, e del carezz ben tant,
Mustrandem l'amor so quasi viv e tendr,
Ch'an al sò dir, e an poss darvi ad intendr.

54.

Ridenta incontra la 'm cors a abbrazzar
E s'em basò la front, i nech e la bocca.
A psei mo vu da vu in st fatt appinar
S'al spron d'Amor allora 'm frizza e 'm tocca.
Dop la 'm chiappò per man, e s'em fi andar
In t la so stanza, ne nssun la vol ch'em tocca.
La 'm vols dagniar li propri, an i fù ch dir,
E s'en vols che 'l dunzell 'n vguisen a servir.

55.

La s fi in st mentr portar una so vesta.
Li aiutandm ch'am la mtias attorn.
Fatta da li una red la 'm miss in testa
D'arzent, cun la curdella d'or d'intorn.
Mi steva li, emod sta una zovna nnesta.
Senza guardar ne girar i nech d'intorn;
E la vos, ch forsi ben m'arè tradi,
A la mudò quasi ben, ch nssun s n'addi.

56.

Andonn po in sala, dov a s'era arcolt,
All'us del cort, e dam e cavalir;
Qui cun del riverenci a funn accolt,
Cun inchin, basaman, dsnun e chimir;
In st mentr, mi a ridè pur el gran volt:
Av dsi za immaziuar cosa a vui dir,
Cioè, ch, tolt pr'una donna, ai u'era tant
Ch sberlucchiavn per far migh i galant.

57.

L'av a so temp fin la conversazion.
E s fu la tavl per znar apparecchià.
P'au, vin piatauz, al fu agn cosa bon.
Tutt ben fatt, ben cundi, ben preparà.
Fiordispina eu ste a far perquisizion
Del perchè ai era indri quasi prest turnà;
La m'invìdò a andar sigh cun gran curtsi,
Dsend ch la 'm vleva la nòtt in cumpagui.

58.

Quand finalment d'attorn az funn dscavà
La servitù, ch'andò anca li a rpusar,
E più an avevn s' n'una lum impià,
Sotta ai linzù a cminzoun a chiaccarar.
La mi sguora, mi i diss, n'ev maravià,
S'am vdi quasi prest indri da vu turnar,
Sebben ch dentr da vu andavi pinsand
Forsi d n'em vedr più, s n'al cil sa quand.

59.

La causa d'andar vi adees av dirò,
E po al perchè am risols d'turnar indri:
S'av ho da dir al vera, mi am n'andò
Pr'en pser saziar la vostra fantasi:
S'qualch cosa aviss pssè far in vostr prò,
Mai ai mi di arè ditt d vler andar vi.
Mu, v'end ch' al mi star qui v'era d'affaun,
Piutost am vols tor d qui, che darv dann.

60.

Pr' un mi bisogn ai era andà zo d strà,
Ficcandm zo pr' un bosch ben fiss e umbros;
In questa a sent zigar fort purassà,
E d'una donna am par ch la sia la vos.
A guard, e a ved un satir, ch ha chiappà
In t l'acqua, pscand cun un anzin curios,
Una ninfa bellissima, mo nuda,
E s la vleva maguar, al lov, quasi cruda.

61.

A salt innauz, e cun la spada in man,
Za ch' in altra manira an paseva far,
A tols la vita a quel pscador villan,
E li in t l'acqua turnò prest a saltar,
E po la 'm diss: An vui ch'avadi in van
Fatt st benefici; mi v'vui aiutar:
Basta sol ch' a dmandadi quel ch a vli,
E da mi, stà sicur, ch cert all'ari.

62.

Una ninfa mi a sou, ch viv dentr in st foss,
Ch a mi mod a fag far sin la natura:
Cmandà pur vu, ch dov mi servir av poss,
In tutt 'd cuntintarv al srà mi cura.
Mi a ferm al sol, di munt alt ai ho smoss,
A fazz del bell mezz di vgnir l'aria bura,
I element per mi perdn la virtù:
Donca guardà s' a pro far cvell per vù.

63.

A sta prufferta grassa, e quasi abundant,
An dmand d dvintar ne re ne imperator,
Ne scienza, o forza d' essr un brav giustrant
Per superar i nmigh, cun gran mi unor:
Mi sol ai dmand al mod d' essr bastant
A suddisfar in tutt al vostr amor;
Fora d questa, altra grazia mi an vols più,
Senza star a cercar dai eupp in sù.

64.

In t l'acqua la s' turnò d nov a ficcar
Quand al mi desideri ai av cuntà,
Senza dar un' areposta al mi parlar:
La torna, e s' em trà adoss d' qu' acqua incantà.
Qu' acqua appena ch la m vin a stiatuar
Am sint, e s' en so 'l mod, tutta mudà.
A sò ch' ai era femma, e pur a sent
Ch' a son dvintà in t' nn tratt om certament.

65.

E s' an fuss ch da vu stessa av psei chiarir.
Sta cosa prev parer una busi.
Mi an digh altr, e n' che, s' av poss servir,
Ai vustr cmand mi son pront e alla vi.
E perchè la 'n pinsass ch mi del chimir
Ai fuss andà a cuntar, a fi in mod ch li
Fisicament cgnussiss la verità,
E ch la n'era da mi brisa ingannà.

66.

Cmod al suzdrev a un tal ch' è un gran puvrin
E s va dvintand più sempr d quell ch l'è stà.
Ch' al darev tant vluntira l'onda ai zchin
S' al n'attravass nn'olla di arpiattà,
A vedr in t' una mucchia tant quattrin,
E d psseri s'endr aver la libertà,
Cun tutt ch' al pssiss chiarirs e dscapriziars,
Al pinsarè d durmir e d' insunniars:

67.

In t l'istess mod la fiola del re d Spagna.
A veders li tutt quell ch la vleva aver,
Ai pars ch la fuss una quasi gran cuccagna.
E da credr una cosa squas da n' psser.
Mo l' esperienza, ch' è quella ch guadagna
Al cos del mond ferma cherdenza al ver,
Anch' a li i di ad intendr ch' verament
Quell ch' ai cantava fuss chiar e evident.

68.

S'am insunni, la dseva, oìl pietos,
Fà ch'au insunnia sempr a sta manira;
O verament, ch per nù al srà più gustos,
Fà ch'au 'm dsedda mai, ne d di ne d sira.
Cil, at ringrazi cun tutta la vos,
T'en vu ch'a pianza più, ne ch'a suspira:
Al mi consulazion t m'ha l'uss avvert,
Da ti sta grazia an 'm l'asptava cert.

69.

Mi au v starò a cuntar precisament
Fatt e parol, ch'al pssì pinsar d'avanz.
Quia nott sicura a stinn alligrament,
La manca part fu quella d far del zauz.
Fiordispina s'arfi del gran lament
Ch'l'aveva fatt in tutt el nott innanz
El lagrin s tramudonn tutt in algrì,
E in godr e in ridr la malineuni.

70.

La cosa era segreta tra nu dū,
E al spass durava ch l'era za qualch mes:
Pur qualch d'un s n'accurz, d qui li di sù,
E tant i sbusinoun, ch'al re l'intes.
Vu ch m'avì dalla mort liberà anch,
E s'avì vist quel fugh, ch'era za impres,
A pssì mo figuràrev tutt al rest,
Mo an pri pinsar cun quant d'olor a rest.

71.

Aqusi a Ruggir cuntava Rizzardett,
E s'andavn la nott e al viazz passand,
Cavalcand pr'un sintir sassos e strett
Tra una muntagna e un precipizi grand.
Al viazz era un po scomod e scabrunett:
Mo quest, ch'aveva in pratica quel band,
Vleva andar al castell ditt Agriamont,
Ch'avea in custodia Aldigir d Chiaramont.

72.

Del duca Bov quest'era un fiol bastard,
E fradell d Malagig, magh, e d Vivian.
Quell ch'al mett per legitim fiol d Ghirard
L'è un testimoni ch'è fals, e s parla in van.
Pur, ch la fuss cmod la s vliss, lu era gaiard,
L'era un degn galanton, tgnu pr'un ver estian:
A lu i era stà dà dal re la cura
D custudir al castell, la zent, la mura.

73.

Segond l'usanza, cun di squas l'arzvi
Aldigir Rizzardett, ch'i era cusin;
Per causa so anch accuglienza al fi
A qu'altr cavalir, ch l'aveva avsin.
Con algrezza però contra an i uscì,
Perchè ai era sta scritt un pulizzin.
Propri quel di, cun un cattiv avvis,
Ch'al feva d mala vuia star e bis.

74.

Al diss a Rizzardett: Cusin mi car,
Una cattiva nova ai ho sarò,
E al mod an so da pseri rimediar;
Bertulazz da Baiona, becc curmù,
Dis ch'al vol cun Laufusa contrattar
Malagig e Vivian, e s'in convgnù
Ch la i daga in t'el man, e lu i dà a li
Vest, zoi, quattrin, e mill galantari.

75.

Da quell di ch Ferrah i av in t'el man
La i ha fatt star aserà in t'una person.
Adess l'ha contrattà cun i su mzan,
Cmod ai ho ditt, per dari a quel zaltron:
E s'han fatt al daccord d mandarii dman
Tra Baiona e un castell, ch'è d quel ladròn.
In persona ai va lu a pagar sta manza
D'aver a tradiment al sangu mior d Frauza.

76.

In st punt ai ho Rinald mandà a avvisar,
E s ho ditt al currir ch vada d galopp.
Mo a pens ch'a temp an prà cert arrivà,
Pr'esser tard purassà, al viazz lung de tropp.
Cun i suldà, ch ai ho, an poss contrastar:
L'anm sre pront, mo gli en el forz ch'en zopp.
S quell traditor i ha in man, ai fa murir:
Ne mi so cosa 'm far ne cosa 'm dir.

77.

A Rizzardett sta cosa fort i dapias,
E pr'amor so la dapias anch a Ruggir.
Quest, quand al ved che l'n e l'altr tas.
Dop aver consultà cun i pinsir;
Ai fa curagg digand: Su pur, dav pas,
Lassam l'intrigh a mi, ch'av vui servir.
Per mill valrà sta spada, ch'ai ho a là,
E questa v intrà i parint in libertà.

78.

An v dmand d'aver migh ne aiut ne zent:
A sper d'esser bastant mi sol a st fatt.
Sol un av dmand, ch'em guida drittament
Al lugh dov s'ha da far ste bel cuntratt.
Av farò fin d qui sintir al ziganent
D qui ch sran per testimoni in t'al baratt.
Aqusi 'l dseva, e s'en dseva cosa nova,
Ch l'aveva Rizzardett za vist la prova.

79.

Aldigir l'ascultava, e s n'i cherdeva,
Auzi al pinsò ch'al fuss un sbiaffon.
Mo quand l'udì po Rizzardett, ch dseva:
S'al n'era lu, mi adess a sre un carbon;
E po ai diss anch che ben de più al valeva
Del so ditt, e as sre vist in qu'uccasion:
Più attentament e alligr ai dava ndienza,
Più l'in fi stinna, e più i fi riverenza.

80.

A tavia ai di al prim lungh, cmod s fa ai mazur;
La cenna fu abbondant, cun pulizi;
Qui i stabilinn tra d lor senza pladur
Al mod d liberar qui du fradi.
Dop cenna a lett i andonn; em' i funn al bur,
Ugnun eminzò a runfar cmod fa i purzi,
Fora del bon Ruggir, ch' arstava anch dsdà,
Ch vari pinsir al tgnevn travaia.

81.

L' assedi d' Agramant, ch l' aveva udi
Qul' istess di da quel mess, i dà passion,
Ch' al capiss chiar e nett ch, s' al s ferma lì,
E' n l' aiutar, al s fa tor pr' un pultron.
Un ribell, un infam i diran ch l' è,
S' al vè cun i su nmigh contra 'l patron,
O ch' ai srà dà d vigliach al nom espress
S' al va tra i cistian a fars battzar adess.

82.

In altr temp, i arèn passà creder tutt
Ch' al s füss battzar pr' amor d la lezz divina,
Mo adess, ch' al re Agramant s' attrova al brutt,
E ch l' ha bisogn d' esser aiutà mo d schina,
S' al fa sta cosa, as dirà ch' ai l' ha arduitt
Una pultrunari, mo suprafina,
E non za scrupl d religion più unesta,
E quest' al tin su d sovra, e s' al maulesta.

83.

Ai dspias anch purassà aver da partir,
E en vedr Bradamant ne salutarla.
Tant quest al cruccia, quant qu' altr pinsir,
E sta gavetta an trova al co d dsgumbiarla.
Al s' era lusingà là in t' i sintir
Del castell d Fiordispina d' attruvarla,
D' aintar quel zuvnett siand accurdà;
Mo anch qui al egnussà d' essersi acchiappà.

84.

E d più al s' arccorda d' averi imprumiss
A Vallumbrosa andar sigh a battzars:
Ch li andarè là d secur in ment l' ha fias,
Ne truvand l' arè da maraviars.
S' nna littra, o un qualch d' un mandari al peiss,
Ch' almanch la n' aviss tant da lamintars:
Ch', oltra d' averla aqusà mal ubbidi,
Senza diri: Arri là! al füss anch parti.

85.

Quand l' av i su scandai fatt cun la ment,
Al pinsò d scrivir quell ch' era passà.
Mo, cun tutt ciò ch' an sa precisament
Al mod ch la littra en sippa strafantà,
Per quest an resta, stimand pr' accident
Qualch d' un secur al pre trovar per strà.
Quai 'l salta zo dal lett, e s fa purtar
Lum, carta, nevla, penna e calamar.

86.

In vetta al fui al scrisse: » Alla so sposa
Cun tutt al cor Ruggir manda un salut ».
E più zo: « Cara vu, 'n stissi suspioss
S' a n' m' vdissi arrivar al temp statut.
Cmod ai ern daccordi, a Vallumbrosa;
Ch' al bisogna ch a vada a dar aiut
Al re Agramant, ch' i su ha tutt cercià,
Dai vustr al strett arduitt fort purassà.

87.

» Bisogna ben ch' arpara un po a st' arvina,
Massmament ch' Agramant m' ha fatt dmandar;
Altriment, a vdi ben, la mi zuiina,
Ch' al sre per mi un daunor grand a n' i andar.
Cmod previa per l' avgnir, a vu quai blina.
Ch dffett an avi ch s' ev possa rinfazzar,
Da ver mari purtarv affett e amor,
E in front aver la macchia d traditor?

88.

» S tutt al pussibil pr' al passà ai ho fatt
Per guadagnarm un nom chiar e famos,
Dop acquistà, bsò ch al tigna adaccatt,
E a savi ch d cunservarl a son gelos.
Adess l' è al temp ch' avar a diventa d fatt,
S' ai ho da esser tra poch al vostr spos,
E degn d spartir cun vu l' unuratezza,
Dl' unor bisò ch' arriva all' ultima altezza.

89.

» Qul' istess, s' av arcurdà, ch za a bocca av diss.
Adess av torn a scrivir novament:
Quand al srà terminà quel temp prefiss
Ch' Agramant bsò che a serra e la so zent,
A srò tra i altr cistian d sicura miss,
Cmod ai ho fin adess avù in t la ment:
E po av farò dmandar a vostr padr,
E a Rinald, per muier, e a vostra mdr.

90.

» Mo adess a vui, però s' av cuntintà,
L' assedi tor d addoss al mi patron;
Perchè del srà terminà in fazza la brigà
Ch sarè ben mmar al bsù in st' occasion.
Fin ch vincer, a direv, quel re l' è stà,
Ruggir la nòtt e 'l di i era a gallon;
Adess mo ch la fortuna i volta 'l cart,
Anca lu volta, e al s trà da qu' altra part.

91.

» Av dmand al temp d quinds giorn, o pur anch d vint,
Tant ch' am possa far vedr anch una volta.
E ch' a possa Agramant cavar dai stint,
Ch pr' al mi mancar la vita n' i sia tolta.
In st mentr, al prev anch nassar di accidint
Pr' i qual a sia scusà s' a dagh la volta.
Per riguard del mi unor sol quest av dmand:
Al rest d la vita mi srà ai vustr cmand ».

28

92.

Degli altr cirimoni ai scriss de più,
Ch'a dirli qui al n'importa una patacca,
A in scriss in fin ch'al fui d'carta durò,
Ch la vuluntà e la man cert n'era stracca.
Al la pigò, al l'assò, d la sigillò,
Fì al sovrscritt, e po s la mtti in bisacca,
Cun speranza d cattar al di seguent
Qualch d'un ch'i la purtass segretament.

93.

Al turnò a lett, quand l'av fatt sti son cos:
A pssi pinsar s l'era po stracch madur;
Finalment l'av allora un po d'arpos,
E in t'al sonn al suppli tutt' el sou cur.
Al durmì finna ch l'Alba in t'un carr d ros
Turnò al patron del di in cil a cundur;
Al Sol s'era za miss la so piracca,
Ne in cil più stella nessuna s ved ch traluca.

94.

Subit ch fu di, Aldigir lassò i linzù
Per mettr in ordn tutt quell ch' i bisogna:
Perchè al vleva guidar lu qui altr dū,
In dov s'aveva, cun quasi gran vergogna.
In man a Bertulazz cunsagnar qui sù,
Sperand ch'a qustù i saran grattar la rogna.
I saltoun zo del lett qui altr anca lor
Quand per cà i al sintinn a far d'armor.

95.

I s'armonn quand i funn puli e lavà,
E po a cavall i s misen a galuppar.
Mo da Ruggir i funn prima pergà,
Sol sulett in quel fatt lassarl andar:
Mo lor, ch i du fradi molt purassà
l permeyn, i n'al volsu cuntintar.
Ustinà più di mull, più dur di sass,
An i fu cas, in volsu ch sol l'andass.

96.

Quand i arrivonn al termin del so viazz,
Ch'all'averta era un sit, senz'albr dfatt,
Dov arscaldava al Sol cun i su razz,
Ne lugh i era cun d'ora, o d star d'arpiatt,
Ch'aveva da arrivar tutt i carriazz,
Per far di persunir al gran baratt:
Qui lor s fermonn, attint stand a guardar,
Da tutt'el band, s'is vdisen a arrivar.

97.

Intant ch'i aspettn ch'arriva quel zent.
Un cavalir vers d lor i vedn vgnir,
Da co a pi tutt guerni d'or e d arzent;
Mo inst adess chi al s fuss an v'al poss dir,
Ch'al cald e'l mosch m'annuin e'm dan turment,
E per sta volta a vui al Cant furnir.
Al rest del di d'ancù mi av vui dar festa:
Turnà po dman, piuttosto in ora presta.

FIN DEL CANT VINTCINQ.

CANT VINTSI

ARGUMENT

*D'una fontana al spiega ai cavalir
Malagig el figur, ch'intorn i stan.
L'arriva Mandricard e al re d'Alzir,
E gustor cun qui una gran baruffa i fan.
La Dscordia semna riss, odi e dsparir:
Mo dov la fiola del re Sturdilan
E purtà dal cavall ve Mandricard:
Mo al re d'Alzir i dà dri da guiard.*

1.

Ch'el femn avn bon cor, oh! mi an al cred:
Pinsar anzi al contrari al par ch cunvigna,
Perchè dunarm un cvev mai an el ved,
Anzi a li trov più stretti d'una pigna;
E pr'esperienza a prov, a tocch e s ved
Che quel d cà, ognuna d lor, roba e sgranfigna:
E po un praverbi dis, ch'en sol fallar,
Donna dann, sess superb, maligu e avar.

2.

S'el fussen almanch curtesi in t'el parol.
E ch'el n'avissn tant fum al garet,
A si pre perdunar un qualch diftzzol
E suppartar s'el v secchn, e l'fan maghett;
Mo, s' a trattà cun lor, poch a in vol
A farl, cmod s sol dir, arghgnar musett:
Deptosi, ustinà, arguanti, linguazzudi,
Purtà pr'el mod, ch'adess squas el van nudi.

3.

Mo la cosa del donn mandenla a mont,
E tutt quanti ch'el s vaden a far bendir.
S'ai n'è del bon, questi an el mitt in cont.
Adess a vui turnar dal mi Ruggir,
Ch'in campagni d qui altr d Chiaramont
I Magazins aspetta, ch'han da vgnir,
E qui d Lanfusa; e s v'ho pur anch cuntà
Ch li un altr cavalir era arrivà.

4.

Quand quest ai nustr tri s fu presentà.
E ch'i ern li per batters l'av cgnussù,
Ai vign via d provar se in verità
All'apparenza ugnal fuss la virtù;
E, dop averi prima salutà,
Al diss a st mod: I srev qui nesun tra d vù
Ch vliss far a correr migh un po una lanza,
A vder chi cun la spada qu'altr avanza?

5.

Mi av servirè, Aldigir-i di pr' arsposta,
Con la lanza o la spada, o emod a vli:
Mo un'altra impresa, ch' ai sen alla posta,
Ch. s' a vli soffrir d' fermarv, auch a la vdri,
Che za fra puch mumin l' ora s' accosta,
È quella ch' z' impediss, e z' tin indri.
Sicent e più person a steu a aspttar,
E contra d' questi az vlen nu tri prubar

6.

Per tori du di nustr, ch' i' hau person.
Qui z' ha cnudutt amor e carità.
E 'l seguitò cuntandi da re a ron
La causa ch' in quel lugh ie trovà armà.
Vu a parlà mii d' un mutt, e avi rason,
Turnò a dir qu' altr, per quell ch' am cantà;
E dentr da mi a digh a sta manira,
Ch' a vu tri a in srà puch ch' tignin stadira.

7.

A vleva un colp o du, per spass, prubar
Al valor vostr, e cgnusser quant l' è grand:
Mo, quand am al pssì al spes d' altr mustrar,
Alla vnìa d' ginestar a dagh al band.
Anzi che d' più, quand a l' avadi a car,
D' azztarm per cumpagn e amigh av dmand.
E s' ho speranza d' mustrarv ch' au son
Un cumpagn da tassar in t' un canton.

8.

Mo za qualch d' un, moss da curiosità,
A ved ch' avr la bocca per dmandar
Chi sippa ste sguor tal, ch' s' è tant vantà,
Es s' è in quel fatt prufert d' vleri aintar.
Cm' av' ho da dir chi l' è, donca savà
Ch' l' è Marfisa, ch, se ben av u' arcurdà.
Dì l' assunt a Zerbin d' cundur Gabrina,
Qula brutta vecchia lova malendrina.

9.

Aldigir, Rizzardett, e al bou Ruggir
I dissu d' sì, e s' l' aztonu propri vluntira,
Tulenda tutt insem pr' u' cavalir
E non donna, ch' portass elm e visira.
Da lì a poch da luntan vist Aldigir,
E s' la mustrò ai cumpagn, una bandira
Dspigà, e sbattù dall' ora ch' la svinlava,
Cun dri una massa d' zent ch' la seguitava.

10.

Quand qui suldà e qula zent i funu più avsin,
I i arvisonn, es i agnussinn del tutt
All' abit e agl' insegn per sarazin,
E anch i du fradi ch' ern cundutt
Tutt incadnà a cavall d' du sumarin,
Per far cun Bertulazz al contratt brutt.
Marfisa diss: Mo cosa stenia a far?
Za ch' i en quì, al u' è più temp d' stari a guardar.

11.

Adasi, diss' Ruggir, andà pur pian,
Ch' arriva chi ha d' aver al tiut a ment:
Ai srà, cherdim, al mod de mmar el man,
Mo al bisogno anch pr' un poch starn pazient.
In stan gran fatt ch, dalla banda d' muntan,
I vedn iu aria un gran spulvrazzament,
E po una squadra armà cun spada e lanza,
E innanz a tutt al traditor d' Maganza.

12.

I maganzis arrivn da qula banda
Cun i asn e i mull cargh alla vera vi,
Vsti cun gran sfarz, e armà tutt alla granda,
Ch' i paru su pr' al cors tant barisi.
Bertulazz vin innanz ai altr, e s' dmanda
D' dscorr-r cun chi ha cundutt i du fradi.
Ch' as po credr ch' i fevn cert brutt mus,
Perchè i s vedu arrivà in t' u' gran mal bus.

13.

Aldigir en pssì star ue al fiol d' Amou
Più alla pazinzia a vedr Bertulazz,
Mo i i addrizzonn tutt du contra un lanzou,
Ch' arriagh i pseevn sustintar in brazz.
Un i avers in t' la panza un gran stiancon,
E qu' altr i la ficcò in mezz al mustazz,
Mandandl a st mod a far terra da pgnatt
Seuza al guadagn peser godr del baratt.

14.

Marfisa cun Ruggir van dri auea lor,
Saltand iu mezz, senz' altr segn aspttar.
Tri Marfisa insilzò, in t' la lanza, d' qulor.
Ch la pars un cngh ch' l' arroost vless ammanvar.
Mo cun la so, Ruggir, al cunduttor
Dì spagnù in terra mort al fi cascar,
Po dop a quell uo altr al n' ammazzò,
E cun la mort del terz la lanza al spzò.

15.

Per causa d' quest un gran sbali nasè,
Ch per quel dou squadr la fu l' ultima arvina.
I maganzis pinsonn d' essr tradi
In bona fed dalla zent sarazina:
Da qu' altr là i spagnù, vdends trattà acquisi.
La zent d' Maganza i toln pr' assassina.
E pr' una cosa ch' n' era vera ngotta
I principionn a tirara zo alla rotta.

16.

Ruggir in questa e in qu' altra v' saltand.
E a dis, a quinds, a vint ai fa arverar:
Marfisa da par so va lavorand.
E dov l' arriva as ved subit dal chiar.
Zo da cavall v' quest e quell cascand,
Ch' iu sella n' in stà vist mai più mntar:
E in dov arriva d' quel dou spad el bott
An i è balsm ch' i zora, ue cirott,

17.

S'avissi vist, e av al prissi arcuardar,
O pur lett in Viraili, ovver udi,
Quand insern trovn gli av da cuntrastar,
Innanz o dop, o in t l'ora del mezz di,
S tra d lor la rundanina s va a ficcar
In becca, ammazza e struppiu; i fevn aquai,
E cun più furia, Marfisa e Ruggir
Addoss all'una e all'altra d quell dou schir.

18.

Rizzardett fa l'istess e so cusin:
Spesgar l man a nessun d lor du l'aggriva:
In abbadn gran fatt ai sarazin,
Mo i maganzis i tocchn su da piva.
Rizzardett, arrabi cm' è un can mastin,
An vol di maganzis persona viva;
A gli ammazza, a gli astruppiu, asfritta, asquizza,
E contra d quisti al sfuga la so stizza.

19.

So cusin Aldigir feva l'istess,
Perch' anca lu i purtava un odi ardent.
Per quest la spada al gira intorn spess,
A quest e a quell taiaud la testa o l ment.
L'odi fa ch' a sti du la forza creess;
E po chi 'n sre in quel cas d'vintà valent,
Marfisa avend in cumpagni e Ruggir,
Ch' al fior is poun chiamar di cavalir?

20.

Marfisa, cun tutt ch la s'affadigava
A dar zò, la guardava ai su cumpagn,
E, vident che ben ugnun d lor lavorava,
Ch in fi cunzett d tant Alissandr magn.
Di altr però Ruggir più la ludava,
Perchè al n'aveva pora d fum d lasagn.
E squasi l'appinava ch' al fuse Mart
Allora vgnù dal cil zo da qua part.

21.

La guarda a quel buttarazzi tremend,
E una la 'n ved, ch n'ammazza, smoqua o squarta:
Qula spada gli arin in mod la va destruzend,
Ch d'azzarr en mostrn d'esser o d ferr, mo d carta.
An mena un colp ch'en sippa un colp urrend,
E ch'infia al cavall un om an desparta.
Anzi del volt cun tal forza al picchiava,
Ch',oltra al suldà, al cavall anch l'ammazzava.

22.

Al pareva un eh zugass al vulantin
Tant svel spessi pr'aria el test vular,
L'accupparn un o du l'era un zuglin
Agn colp; mo ai quattr e cinqu s vist arrivar.
Dugli altr av in dirè, mo a vui star qudin,
Sebben ch per verità a in pre cuntar,
Mo a vui taser: perchè, in cunsinsia mi,
Forsi a dirissi ch'av cont del busi.

23.

Al li scriv ben Turpin in t la so inistoria,
Ch'al cumpos da qui di, e e n'era un buffon,
E s mi av el cuntass, emod agli ho in memoria,
A cherdiessi ch' a fuss un bel straplou.
Basta: Marfisa anca li s'quista gloria
Appressa a qui altr, ch'in in unipion
Ch la sippa, emod la par, un cavalir
E sovra al tutt tal la stimò Ruggir.

24.

E s li per Mart l'aveva stimà lù,
Lu la cherdrè Bellona in quel mument
Quand al l'aviss pr'una donna acgnussù,
Emod una donna l'era verament.
E gara sre tra d lor forsi dà sù
Da farn l'esperienza tra qula zent,
Ch'in manira i han za quasi mal trattà
Da armagnr l'un per l'altr maravià.

25.

La forza fu abbastanza, e al valor d quattr.
Per mandar una squadra e l'altra in rotta.
Bisugnava scappar, e an i era ch sbattr,
A chi 'n vleva a qui culp armagnr dsotta.
Beat quell ch'intoru ha manach intrigh o tattr,
E chi ha un cavall ch'en tema al correr ngotta!
Guai, al cuntrari, a chi 'n sa mnar i pi,
Peua la vita a qui ch'armagn-n indri!

26.

An i arresta suldà ne mulattir
Ne sbirr, che pr'ordinari han tant argui;
Murt o scappà tutt, sol i persunir
Al resta, e ai vincitur al camp e al despu.
Alligr Rizzardett cun Aldigir
Ai du fradi delignon lazz e garbui.
I scudir, anch lor, funn prest a delazzar
Som e fagutt, e tutt i carr decargar.

27.

Oltra una quantità d bi pazz d'arzent,
Ai era anch del cassett cun di bun zochin:
Di damasch da guernir un parlament:
Del vest da doum, di bust, di suttanin:
Dla roba da magnar, ch tucceva 'l dent,
Furmai, persutt, salam, e pan e vin;
E d rusoli i truvonn più d'un fiaschett
Del Zambon, d Radisin, d Gnudi e d Panett.

28.

Quand i funn a cavare zo l'armadura,
In femna i vistu al cavalir muda.
Au s pssava vder più bella cheriatura,
Bianca e rossa, e i cavi parn or filà.
Ch'is maravianen a pssai credri d sicura,
E s'i i dmandonn cun ch nom l'era chiamà.
Li, ch n'era cun i amigh superba brisa,
La i diss liberament: Mi a son Marfisa.

29.

D cavari i ucch da doas in s san ardur,
Avendla vista quasi brava in battaia.
Li sol stina Ruggir pr'al mior di miur,
Qui alor du la cgnussi d n' essr d quila taia.
Tra poch, in tavla, chiamm i servitor,
Ch'agn cosa era ammanav, su in t' una truaia
Ch'i avevu avsin a una fontana dtesa,
Ch'un gran mont dal calor del sol tin dfesa.

30.

E sta fontana era dal magh Merlin
Una del quattr in Franza ch'l'avea fatt.
L'era cinta d'intorn d'arm fin,
Ben liss e bianch più ch n'è la nev o al latt.
Agl'avea intaià con al scarpin
Vari cos, e figur in divers att
Cun quasi nobil scultura, vaga e bella,
Ch'an mancava al figur s ne la favella.

31.

As vdeva fora uscir da una foresta
Una betiazza mal fatta, urrenda e brutta,
Ch'aveva gli urecch d'asnn e d lov la testa,
E i dint ben lungh e aguzz, mo magra destrutta,
Da lion l'ha gli ung' e l'peil, e quel ch'i arresta
S'arvisava alla volp, e s'parea tutta
Corr-r la Spagna, e Franza e l'Inghilterra,
L'Africa, l'Asia, e po tutta la terra.

32.

Dedri da li ai è morta una gran zent,
E d bassa sfera, e signori principal:
E nuar la pareva mazzorment
Ai duca, ai princip e più al test real.
Tra i altri, in Roma l'era un smarriment,
Ch l'avea ammazà più Papa e Cardinal:
E s mustrava d'aver una gran sed
D'aslungar una zampa anch alla Fed.

33.

A s ved ch dinanz a sta betiazza tremenda
Casca tutt el murai e tutt i arpar,
Rocca, città, furtezza an i è ch'es dfenda,
Ch'in dov l'arriva a vdi 'l port spalancar.
Un gran unor par ch la zintais i remda,
E s dà segn d'accusars anch vers i altar;
Anzi la vre dar d zampa anch a san Pir,
E l'chiavoni putenti i vre scarpir.

34.

Mo as vdeva, incurranà da imperator,
Un garbat om contra del mostr uscir,
Cun tri zuvna gallon, dign d molt unor,
Ch'avevn i bi zii d'or dpint in t'al vstir.
Cun qu'l insegna medesima, e uni cun lor,
Contra a quel diavol as vdeva un lion uscir.
Chi aveva al so nom scritt sovra la testa,
Chi sotto ai pi, chi segn in front o in t la vesta.

35.

Un ch'aveva piantà al betion in t la paenza
La spada tutta, fin ch la i passeva andar,
Francesch prim, sovra scritt aveva, d Franza:
D'Austria Massimilian i era all'impar:
E Carl quint imperator la lanza
Zo per la gola i avea fatt andar,
E qu'altr ch'i fa 'l sangu cular per terra
Enrigh uttav, avea scritt, d'Inghilterra.

36.

L'alion, ch'un ixa su in t la schina ha scritt,
E al mostr aveva pr gli urecch chiappà,
Al l'ha quasi savanà, ch'al s po dir fritt.
Frattant ch'un qualch d'un altr era arrivà,
Al pareva ch'al mond, za derelitt,
S'intiss arnaasr, dop i guai passà.
E'n so quant brav mustazz, ch's ern arduitt li
La betiazza avevn za del tutt fini.

37.

Marfisa e i cavalir stevn inuccà,
Cun la vuia d saver chi fuss sti zent
Ch l'animalazz avevn trucidà,
Ch'al mond aveva miss in tant spavent.
L'è vera ch'i su nom ern nutà,
Mo in savevn po al rest distintament,
E i pregavn, s tra d lor qualch d'un saviss
Cosa mustrass qu'l instoria, in grazia al dssiss.

38.

Vivian a Malagis s miss a guardar,
Ch's'in steva li lott lott ascoltand tutt;
S'instoria, al tocca a vu, ai diss, a cuntar:
Vu, ch'savi 'l cos nascosti, a in sri za instrutt:
Deiz vu chi i sippn qustor, ch han savù far
In maniera, ch'al mostr i han za destrutt.
Ai arpos Malagis: Questa en n'è instoria
Ch'ai n'ava nessun autor fatta memoria.

39.

Perchè avi da saver ch tutta sta zent
N'è gnanch stà al mond, e adeess la n'è pr'uscir,
Mo la naserà fra di ann ben più d settcent,
Cun gran unor d qui secol, ch han da vgnir.
Merlin, al savi magh, pr'incantament,
Lu ch li prevedeva, fi sti cos sculpir.
Al fi far sta fontana al temp d'Artur,
E stà nom ai fi mittè e stà figur.

40.

Ste betiazz del boia uscì d'in t'al perfond
D'l'infern, quand as principiò a piantar
I termi, e l'cunfin pr'al nostr mond,
E quand s'attruvò 'l pass, e al mod d'apear.
An mandò miga agn cosa zo a pianfond
Alla prima, e tant lugh al lassò star:
Gran pais ai di nustr quìl travaia,
Praticand i buttgar e la canaia.

41.

Dal so principi finna ai nuotr di
L'è chersù sempr, e s'andarà chersend:
Ch'al mond an s'in srà mai vist un aqusi.
Tant mai dvintaral grand, e tant urrend.
La borda, la fantasma, o ch soia mi,
S'ai è del cos più brutti o più tremend,
Cun tutt ch sol a pinsari el fan scagazza,
En fan nasser al scurizz ch fa in nu sta bestiazza.

42.

La farà d gran malann, e lugh an ved
Che da qusti 'n sippa sporch, guast, strafantà.
Perchè sculpi qui tutt al mal an s ved,
Tant srà malign e pin d'iniquità;
Ch'al mond se stuflarà del cert a cred
A pregar da sta pesta ess salvà.
Mo i nassran quisti in t'al biogu mazor
Per ben dl'umanità, cun propri unor.

43.

A sta bistia più d tutt picchiarà addoss
Quest ch ha scritt sovra: Francesch prim re d Franzas:
E s'a mnari al s'è innanz ai altr moss,
L'è pr'aver puch ugual, e nssun ch l'avanza.
Anzi senza campagn chiamar al poss,
Ch'a ved, sebben ch l'è in tanta luntauauza,
Tant omn d pezza, ch sràn stimà in virtù,
Armagnen purassà dedri da lù.

44.

St munarca, al bell e prim ann del so emand,
Cun la corona arrisgh sicura in front,
D'Italia gli Alp al passarà currand
Alla barba d chi prima ha chiappà 'l mont.
Dalla stizza cundutt, e furor grand,
Ch'an sippa gnanch stà vindica l'affront
Ch'era stà prima fatt in qui pais
Dalla canaia al squadr di Franzia.

45.

Dai munt al calarà pò in t'al bel pian
Cun sigh al fior d'la gullia milizia, *donau d'la*
E i svizzer al dumarà: ch'un pozz staran d' all.
A psser alzar la testa, e dir: milizia *armata*
Al castell mior l'espagnarà d Milan, *armata*
Ch' n'è mai stà pres, cun dann grand d'amicizia
Ch'han tra d lor Spagnà, Papa e Fiorentin,
Ch tant aran stomegh d'audari a far fruntin.

46.

Per vinzr quel castell più i zuvarà
Degli altr cos gula so gran spada tunù,
La qual a vdi in t la panza ch miss al l'ha
D quel brutt mostr ladr beech curnù.
E quela spada in t'i lugh dov l'andarà
Agn porta i avrirà, bench asrà tgnù.
Rocca, città, furtezza en srà sicura,
Cun tutt i arpar e d fossi, e d'arzn, e d mura.

47.

St re magnanm arà in lu tanta eccellenza
Che i viech imperatur i i sràn per ngotta:
Al spirit d Giul Cesar, e la prudenza
D quell ch'a Cann ai roman di quai gran rotta.
Cun la furtona d'Alissandr, senza
La qual ogni altra cosa arstarè dsotta.
Al srà quai unest, galant, e liberal
Da 'n trovar, per quant s pensa, a lu un ugual.

48.

Aqusi dsend Malagig, curiusità
Nassi ben granda in qui altr cavalir
Cvell'intend d qui ch han i num nutà,
E che gula bestiazza avevn fitt murir.
Un Cardinal, fra i altr, ai era sgna
Chiamà per num Bernard, e s n'ev poss dir
Quanta al mustrass, virtù, magnificenza,
Nad in Bibiena, tra Siena e Fiurenza.

49.

Tri arrivn, e più innanz an i è persona.
Un ditt Gismond, un Zvanu, qu'altr Udurigh.
Un Gunzaga, un Salviat, un d'Aragona
Del mostr ugnun zurà murtal nemigh.
Ai è un Francesch Gunzaga, es n'abbandona
El sou pedgh un so fiol chiamà Fedrigh,
Al cugnà l'ha campagn, e al zenr vain
Ch'in duca, d Frara 'l prim, qu'altr d'Urbìn.

50.

Al fiol d st'ultm, per nom ditt Guidubald,
Da nssun an vol ch la man i sippa tolta.
D casa Fiesca Uttubon, cun Sinibald
Dan dri tutt du al brutt mostr in t'una volta.
Al cont d Gazol i è anca lu, ch stà sald,
Ch ha forza e gran prudenza inssem arcolta:
Quella da Mart l'ha avù, questa da Apoll,
E un furot alla bistia ha dà in t'al coll.

51.

Dla casa d Est a in è quattr sculpi
Du brav Erquel, e du Impolit valurus.
Ai è un Erquel Gunzaga, e sigh un
Un Impolit di Mediz, tutt famus.
Al padr d quest, Zulian, è anca lu li,
D qu'altr al fradell, Ferrant, è tra i glurius.
Francesch Sforza, Andrè Doria ancora lor
Contra 'l mostr, un più d'altr, a far unor.

52.

Mo dov in lassia du lustrissm e chiar,
Degnissm d'esser tra i prim naminà,
Ch van per la strà d'unor tant all'impar
Ch l'un da qu'altr en vol esser superà?
Qustor dan più d tutt al bestiaz da travaier
Usci tutt du da un zepp, da una casa.
Francesch Pescara un ha in t la testa scritt,
E qu'altr Alfons del Vast in t'al pè dritt.

53.

Ne gnanch a vui lassar Cunsalv Ferrant,
Unor distint dla grandezza spagnola,
Al qual da Malagig fu ludà tant,
Ch'al fu squas per stufàri cun qula gnola.
Guieim ai è d Montfort, degn d tutt i vant,
Sebben ch la mort i tend prest la taiola.
Da sti mustazz al mostr è sagatta,
Ch'i l'han arduitt cm'è un vall tutt sbnsamà.

54.

In dscurs alligr, tant ch passass mezz di,
Dop aver brv al bon vin, magnà al bon pan,
Sti sgaur a sedr s divertevn li,
Quel figur cunsidrand d'in man in man:
Perchè i 'n fussen da nssun dsturba o impedi,
Malagig fi la gnardia armà, e Vivian.
E in st mentr arrivò l'una zovnetta
Senza nssun servitor, sola suletta.

55.

Questa era Ippalca, quella ch'i fu livà
Quell cavall ditt Fruntin da Rudumont.
Al di innanz la l'aveva seguità,
Strappazzandl da ladr per st' affront.
Mo, poch zuvandi, la s'era vultà
Per vder d cattar Ruggir in Agrismont.
In dov, ai era sta ditt dri la strà,
Ch' al s'era cun Rizzardett artirà.

56.

E, pratica d qui sit, dlungh la s'invio
Vers qula funtana, es cammiò là dritt.
E cun qula cumpagni la l'attruvò,
Aspttand ch'al cald diss so, cmod av ho ditt.
Mo li, furbazza, ch saveva al fatt sò,
E adempir l'obblig so senza del scritt,
Quand la vist al fradell dla so patrona
De n' accognuss Ruggir la fi la mona.

57.

La s vultò a Rizzardett tutta dolenta.
Cmod s la l' cercass lu sol propriament.
E lu, vrendla arrivà aqsi dscuntenta,
Al vols saver cosa i dava turment.
Suspirand la i arspas, mezza piangulenta.
Cuntandi da co a pi tutt l' accident,
Mo cun quasi alta vos, in mod ch Ruggir,
Ch'era li poch luntan la passas capir.

58.

Cunforma l' ordn arzvà da Bradamant,
Per la breia, la diss, a cunduseva
Un bell cavall, che bon era altritant,
Ch per num Fruntin vostra surella i dseva.
E vers Marilia mi m' andava intant,
Dov anca li l'aveva ditt ch la vgneva
Dop aver accudnà tutt i su fatt,
E za più d trenta miia aveva fatt.

59.

Mi andava per la strà sicura tropp,
Perchè an chierdeva nssun tant arguiant
Ch'in t'al mi viazz m'aviss da dar intopp
A dir ch'al cavall era d Bradamant.
Mo ch'am fullava aiir a vist pur tropp,
Ch'un sarazin maldett fu qsi arrugant
Ch'al m'al strappò dal man, ne l' m'al vols rendr.
Sebben ch'al n'era mi mi ai fiss intendr.

60.

Tutt'ancù e tutt' aiir al l'ho pregà;
E quand in ultim ai ho vist ch'i pregh in van.
Tutt i malann del mond ai ho agurà,
E a l'ho lassà, ch'al n'è gran fatt luntan;
Perchè l'ha un altr cavalir trovà,
Ch'i dà un gran bell da far cun gli arm in man
E ai ho speranza, s'al seguita aqsi,
Ch'ai fazza rendr i cunt per lu e per mi.

61.

Ruggir, sintend st' instoria, saltò sù
Tutt a un tratt, ch'al pars un saltamartin,
E s diss a Rizzardett: S mi ai ho per vò
Qualch cosa fatt, an v dmand gnanch un quattrin:
Sol av dmand ch'am lassadi contra questù
Andar, ch ha tolt a sta zovna Fruntin,
Basta ch'am sippa al ladr sol mostrà.
E la dmauda a Ruggir i fu accurdà.

62.

Sebben ch'a Rizzardett par cosa nova
Lassar un altr in t'al so lugh andar
Per vendicar l' affront, pur in sta prova
Ai pars ben fatt Ruggir d cuntintar.
Quest donca s tol licenzia, e l' vol anch s mova
Ippalca, e cun li al s mitt a camminar,
Lassand i altr cumpagn ben maravià
Del gran valor ch l'avea a tutt dsmustà.

63.

Quand i s funn sluntanà, ch' i ern sol lor,
Ch la l' cercava lu propri Ippalca diss,
Mandà da quella ch tant i porta amor,
E ch' in t'al cor l'aveva sculpi fiss.
Qui, senza nient tuer, tutt al tenor
Cun l'imbassà dla so patrona i diss:
E s poch prima l'avea ditt altriment
Causa in fu Rizzardett ch'era present.

64.

La i diss po ch quel diavl ch' i tols al cavall
Agli aveva ditt anch cun gran argui:
Just perchè d Ruggir t cont essr al cavall.
Pù vuntira per quest adess al tui,
E, s'al le vrà, cun mi ch'al s mita in ball.
Mi a son un ch arpiattar brisa a n' m vui,
E s l'aviss sed d saver chi i fa st' affront,
Dii pur liberament ch l'è Rudumont.

65.

St' antifona sintend, Ruggir s'infiamma,
E al sbuffa, ch' al s sent dentr una furnas,
Prima perchè Fruntiu purassà l'ama,
In segond lugh, chi i al regala i pias.
Al pensa in fin ch' ai va part dla so fama
A lassarsla passar in quiet e in pas.
Sicchè da tutt sti cos al s sint cüstrett,
Più prest ch' al po, d vler far el sou vendett.

66.

Ippalca in frezza Ruggir cunduseva
Perch' al s trovass del sarazin a front.
I arrivonn a un crusai, in dov s parteva
In dou la strà: vā una su pr' al mout,
Per la più piana qu' altra cunduseva,
Dov' era al Tartr armas cun Rudumont.
Più curta era la vi del mont, mo dura;
Qu' altra più lunga, mo lissa e sicura.

67.

La donna ch' s' a Ruggir fatta cumpagna
Per castigar al ladr e aver Frontin,
La strà più curta chiappa dla muntagna,
Sperand d trovar più prest al sarazin.
Mo quell intaut per la piana cumpagna
In cumpagni s' in vā del Nain pzinin,
Cun Duraliz e qu' altr cavalir,
Ne incuntrarl per quest pssai adess Ruggir.

68.

Da part i han miss magon e rabbia granda
In fin che 'l re Agramant sippa aiutā.
Amor, ch' i tin pr' al nas, quasi far i cmanda,
E per mezz d Duraliz a gli ha appasā.
Adess, per dirv al rest, iust da gula banda
Vers la funtana i s'ern incamminā
Dov' era Rizzardett, qui d Chiaramont,
Marfisa, e i du fradi ch' han gli arm in pront.

69.

Pregā dai su cumpagn, senza gran scusa,
Da donna allora s'era vsti Marfisa
Cun d qui vstiari, ch mandava alla Lanfusa
Al Maganzesch, ch la s miss sin la camisa.
Cun tutt ch' a vstirs aqul la 'n foss tant usa,
Sta volta mo la 'n s fi straffinuar brisa:
La mustro anzi a tutt d averi gust,
A lassars veder cun stanella e bust.

70.

Quand Mandricard la vist, al fi in t un tratt
I su cunt d vlers prubar a guadagnarla;
E po cun Rudumont far al contratt,
In scambi d Duraliz, questa a lu darla.
Al s cherdeva (pr' amor tant erl matt)
Ch' as pssais la mrosa vendr, o barattarla,
E ch' al mros en s' aviss da lamintar,
S la so brisa, mo un' altra al s vdeva dar.

71.

Pr tegnirs senza contrast la Granatina,
E ch' al re d Sarza ava chi i scalda al lett,
Vdend ch la Marfisa era graziosa e blina,
E ch l'era un becon da galantom perfett,
Dari questa in baratt a lu destina
Cmod a la fuss un pan unt, o un pugn d cunfett,
I cavalir, ch' al vist esser cun li,
Sfidò a battaia, es tols dal camp indri.

72.

Vivian e Malagig, ch' era za armā,
Pr' assicurar al rest dla cumpagni,
Saltonn su, perchè a zaxr era in t' al prā,
Prest al mssir mettend in sella, e al staff i pi.
Pinsand essr da tutt e du chiamā:
Ma Rudumont, ch' altr ha in t la fantasi,
Aver vuia d question brisa an mustro,
Quasi Mandricard fi dsida da per lō.

73.

Cun gran curagg a s moss prima Vivian
E una gran lanza contra 'l tartr arbassa;
Dall' altra part, al fiol del re Agrican
D n' aver timor al mostra, e s' en se squassa.
L' un e l' altr adridz al segn e la man
Dov facilment al ored ch la lanza passa;
Cun tutt ch Vivian chiappò al tartr in t la front.
Quest s moss iust quant l' aviss culpi in t' un mont.

74.

Mandricard, ch più la lanza aveva dura,
Al scud del bon Vivian al trapassò,
Cavandl d sella, e in mezz alla verdura
Trā l' erba e i fiur lungi dtes al l' arversò.
Malagig dop s fi innanz, tulend la cura
D vindicar so fradell, mo l' audò zò
Da cavall anca lu, più prest che d frezza,
Seaza la lanza aver rotta o scavezza.

75.

D Rizzardett a s' armò prima Aldigir,
E s sprund 'l cavall contra a Mandricard,
E, mustrand d' esser cert bon cavalir,
A gli andò incontra animos e gaiard.
In mezz all' elm ai fi un gran colp sintir
Un did più sotta dov usciss al guard,
La lanza in stegul pr' aria s n' andò rotta,
Mo Mandricard per quest an s moss ngotta.

76.

Al di ben lu a Aldigir un colp quasi franch.
Pruvandi ch l' ha più paia in t la bastina,
Ch poch zuvò 'l scud e la curazza manch,
Cun tutt ch' i fussn d bona tempra e fina:
In terra al fu sfurzā andar smort e bianch.
Fri malament in t la spalla manzina:
E dvintar al fi ross e gli erb e i fiur,
Cun tutt ch' i fussn prima d più culur.

77.

Dop cun gran ann Rizzardett arriva
E s porta un albr intir, brisa una lanza
Fagand veidr d vier far un colp da piva
Ch'al n'è un suai, mo un paladin dla Franza
E pr'una laza Mandricard al scriva
S'in equilibri on s fermò la balanza
Ch'al cavall d Rizzardett per cas ablegò
E in terra addoss al so patron l'andò.

78.

Quand altr cavalir più 'n vin innanz
A piantar lit cun qula testa balzana,
Del tutt al pensa ch sippa muzzà 'l zanz:
Da Marfisa al s'in vò vers la fontana,
Digandi: Bella puttea, a vdi d'avanz
Che in mi dumini a si, ne usanza strana
Questa v'ha da parer, ne stà a far scusa,
Ch'a sta manira in san d guerra s'usa.

79.

Marfisa alzò la testa, es diss ghignand:
Sgner cavalir, pr' al cert av ingauna:
Per rason d guerra mi a sre vostra, quand
A fnas soggetta a qui, ch'avì arbaltà.
Mo al bso, per regola, ch a vgnadi savand
Ch'a son sola d mi stessa e d libertà.
A mi nessun 'm cmanda brisa, a son sol mi,
E torn a mi avi da cercar s'a passi.

80.

Anca mi lanza e spada a so adruvar.
E dscavalcà ai ho più d'un cavalir.
Arm e cavall qui prest, ch'am vù armar.
E i servitur funn ben prunt a ubbidir.
Stanella e bust la s eminzipiò a cavar,
Tant ch l'armas in braghettà, e s'ev poss dir
Ch si ben piantà a mirarla in tutt el part,
For che al mustazz e 'l pett, la par un Mart.

81.

Armà ch la fu, la spada la s zinzi,
E svelta la muntò a cavall d'un salt.
Treì volt o quattr al cavall la spinzi
A correr, quand al bass, e quand in alt.
Una gran lanza in man dop la strinzi,
E contra al tartr l'intimò l'assalt.
Pantisilè contra Achill la pareva,
Quand a pro di Truijan la cumbatteva.

82.

El lanz se spozon fin alla impugnadura,
Ch'el parsn d veidr, es finn un gran pladur.
D lor du però on s muvi nessun d in figura.
Anzi in sella sti ugnun d lor sod e dur.
Marfisa, ch la vol veidr chiara e pura,
A un ciment auch più strett la l vole ardur.
Dop aver quel muzgon ficcà luntan,
La s vultò cun la spada nuda in man.

83.

Quand vist al tartr ch l'era anch a cavall,
Al tacò un moquel propri d qui del fior.
E li d sicura, ch sà d n'aver dà in fall,
Vdend al contrari in sella, l'av dutor.
Qui per la testa i cminzonn e pr'el spall
A mnars adoss da deprà, cun gran furor:
E s i han degli arm bon e fin tutt dū
L'è cert ch in n'avn più bisogn d'ancū.

84.

L'armadura val più bona che ricca,
E per furarla an i è cirott, ne ch sbattr,
Sicchè i arèn pssù seguitar sta picca,
Senza intaccarsla, anch di di più d quattr.
Ma Rudumont in mezz a lor vò e s ficca,
E s dis a Mandricard: S'a vli cumbattr,
E an vliadi star a quell ch'è stabili,
Vultav un poch, e cumbattì cun mi.

85.

La battaia a lassonn tra nn du cmenza
Pr' andar a dar aiut al nostr arzdor.
E an vò truvà più nessuna differenza,
Fin ch dai garitt an s sen cavà l'umor.
E po a Marfisa volt, cun riverenza,
Ai mustrò al mess, o sia l'imbassador;
E ai diss ch l'era spedi dal fiol d Truijan,
Malament assedià in t'el tend dai catian.

86.

E s la prega ch la vuia un po anca li
La battaia lassor o differir:
E dignars cun lor d'nnirs in cumpagni,
Pr' andar al re Agramant tutt a servir.
Dl'unor la s'in farà magari di,
Ch dla so virtù per tutt la farè dir,
Senz' essr, pr'una cosa d poch mument,
In t'nn bisogn quasi fatt, d'impediment.

87.

Marfisa, ch'era stà sempr vuioa
D pruvr i paladin a spada e a lanza,
E pr'una strà quasi longa e quasi dsastrosa
La n'era vgnù cun altr fin in Franza
S'n pruvr a la vos aqusi famosa
Dal valor d quisti è vera, o s l'è una zanza.
Quand al bisogn del re Agramant l'udi,
D'andar cun lor l'azztò prest al parti.

88.

Raggir in st mentr aveva seguità
Per ment l'ipalca per la vi del mont.
E s trovò, quand al sit al fu arrivà,
Ch'altra strà aveva fatta Rudumont.
Pinsand ch'an s fuss gran fatt d la sluntanà,
E ch'al prev essr alla fontana, pront
Al s volta, per turnar anca lu indri,
E s vò pr'el pdà, ch'en freschi per la vi.

29

89.

Al vols ch' Ippalca a Muntalban l'andass,
Ch' al viazz d'una giurnata era sol vsin;
Au vols ch' alla funtana la turnass,
Perchè tropp la s're tolta zo d' cammin.
Ai fi bon anm, e s' diss ch' la 'n dubitass,
Ch' l'arev da Rudumont arecoss Fruntin,
E ch' la 'n starè gran fatt a ulir sta nova
O a Muntalban, o in altr lugh ch' la s' trova.

90.

Ai di la littra, ch' l'aveva in bisacca,
Scritta la nott innanz in Agrismont:
A bocca po' degli altr seuss ai tacca
Da far da part so d' lu, e s' la basa in front.
Ippalca, ch' è d' pedgar za squasi stracca,
D' si in t' agn cosa la diss, e in là pr' al mont,
Dop licenzia, s' invia, e s' en v' a pian,
Tant ch' l'arrivò la sira a Muntalban.

91.

Ruggir in frezza v' a dri al sarazin,
Pr' el pedgh, cmod ai ho ditt, ch' en per la piana,
Mo al n' al pss arzunz prima ch' al fuss vsin,
Dov l'era cun al Tartr, alla funtana.
I s' era za prumiss sti da zaquin
D' en s' dar fastidi insem, fin ch' l' affricana
Zent, dal re Carl in t' el tend assedià,
Fuss succorsa da lor, e liberà.

92.

Quand Ruggir arrivò, al ognoss Fruntin,
E per lu Rudumont, ch' al cavaleva.
Ruggir sbassò la lauz andandi avsin
E cun la vos quel re a giostra sfidava.
Mo allora sti pazient al sarazin,
Sebben ch' per stizza al feva fin la bava;
Cun tutt ch' lu cercass sempr d' litigar,
Per sta volta al sti qued, e an vols giustrar.

93.

L' unica volta è questa ch' rieuò¹⁷
D' cumbattr, Rudumont, in vita so:
Mo al pinsir d' aiutar in dov al pò
Agramant, tant al s' era ficch in co,
Ch' s' anch al pinsass d' aver Ruggir in pò
Dunini, e ch' la lit allora fuss d' co,
Un mument sol an s' rev affermà gnanch,
Cun la spada per dar d' culp almanch.

94.

Azuntai, ch' lu saveva ben ch' Ruggir
Al cercava, e 'l sfidava per Fruntin,
Quel quai famos tra i altr cavalir
Ch' an i è ch' i possa star per gloria avsin:
Qu' istess, ch' lu vrev saver s' l' è quel guerri
Tant gainard, cmod ognun di prim al tin:
Mo pur l' ha tant al cor al prim patron
Ch' an s' vol battè ne a tort ne cun rason.

95.

Del cuntinara d' mia al srev andà,
S' an fuss stà in st cas, pr' attaccar sigh da dir:
E, s' al l' aviss Achill istess sfidà,
Adess an srev mudà da st so pinsir,
Tant ben avei la so stizza avlā
Cun la premura d' Agramant servir:
Anzi ai conta perchè d' cumbattr al nega,
E s'igh andar cun qu' cumpagn al prega.

96.

S' al fa sta cosa, al fa quel ch' ha da far
Un cavalir fedel al so patron.
Quand l' esercit i sran stà a liberar,
I pran tirar innanz el son question.
Ruggir arspos: Quest a son pront a far:
Mitten pur al litigar in t' nn canton,
L' esercit liberen dai paladin,
Basta ch' a i avia prima indri Fruntin.

97.

S' an vli ch' av prova ch' av si fatt dsunor
A tor al mi cavall a una zurnetta,
Subit rindiml, e al srà fiiu l' armor,
E d' quest parola an v' mavrò più, alla fetta!
S' an m' al rindi, pr' al cert a si in error,
Pinsand che 'l mi rason quai prest a desmetta.
Una d' sti dou, smuzzen tutt el parol:
O far battaia, o indri al cavall an vol.

98.

Mentr ch' a Rudumont Ruggir i dinanda
La battaia o Fruntin in quel mument,
E al re d' Sarza la cosa in lunga manda,
Ch' d' far quell o qu' altr d' sicur al n' ha in ment,
Mandricard salta su da qu' altra banda,
E s' mitt in pi anca lu un gran diavlament,
Vdend ch' Ruggir in t' al seud porta pr' insegna
Quel bell usell, ch' sovra i vulatil regna.

99.

L' aquila bianca in camp turchin aveva.
Dpinta da un professor, ch' ha bona man,
Ruggir in t' el so seud; perchè lu vgneva
Dalla razza d' Ettor, famos Truian.
St' istoria Mandricard però an saveva,
E per quest, tutt arghgnands cmod farè un can.
Al saltò ai uech d' Ruggir; e s' n' arè vlā
Ch' l' aquila nssun purtass, fora che lū.

100.

Perchè al purtava lu al re d' Tartari
Dpinta l' aquila bianca pariment;
Ch' al l' av a quel castell, cmod a savì,
In dov al fu in quel gran prigul vincent.
E quā Fada, pr' usari po' curtsi,
Qu' insegnava la i dunò, e medesament
Quegli arm tutti fatti da Vulcan
Ch' Vener dunò in regal al so Truian.

101.

Degli altr volt i s' ern anch attaccà,
Per sta cosa, Ruggir e quel pagau:
An ev dirò al perchè i s' ern distaccà
Perchè sta cosa fin i tus la san.
Mo dop in s' ern po mai più artaccà
S n' adess, e prest al fiol del re Agrican
Al tri un url indavià, ch al pars un trou,
E vers Ruggir al diss: At dsid; allon:

102.

St' insegna t vu portar, al mi insultent,
Quand a t' ho ditt ch' an vui tant e tant volt?
Critt forsi ch sepr a vuia star pazient
E ch' anch sta volta at lassa libr e sciolt?
Mo za ch' a ved ch t' i tant impertinent,
E zo d testa st pinsir t' en t' i gnanch tolt,
Adess, qui in st lugh, at farò vedr mi,
Ch' al sre stà mii per ti averm ubbili.

103.

Cmod la stoppia in t' nu atm tutta avvampa
Quand l' è ben secca, e ch' a si accosta al fugh,
Aqusi l' iru d Ruggir di in t' una vampa,
A sintirs dov i dol tucuar quel lugh.
An son za, al diss, del mistucchin la stampa,
E, s' ai ho principià cun st' altr al zugh,
At farò vder ch' a son bon da per mi
D tori Frantin a lu, l' Aquila a ti.

104.

A sen degli altr volt al man pur vgnù
Per quest, e ti t' l' arcurdarà ben anch:
S' allora an t' ammazò, la causa fù
Perchè a vist ch ti t' n' avev la spada al fianch.
Adess at giustarò, s' allora a zguò,
E brutt segn srà per ti quel to uslaz bianch.
Ti t' l' i usurpà, mi l' port ben giustament,
Perchè l' è l' arma antiga dla mi zent.

105.

Anzi ti la mi insegna t' ha rubà,
Diss Mandricard, e alla spada miss man,
Quella, ch za drintà matt, avea lassà
Là in mezz all' erba al Senator Ruman.
Ruggir, ch fu sepr al fior di ben creà,
Quand senza lanza al vist esser al pagau,
E ch la spada avea in man bell' è dsudrà
Al tri anca lu la so là in mezz al prà.

106.

In t' l' istess temp al dsodra Balisarda,
La bona spada, e in man la chiappa stricca,
Mo in mezz Marfisa i salta da gaiardà,
E tra d lor du anch al re d Sarza s ficca.
Li tin Ruggir, e st' altr al tartr guarda,
Pregandi tutt e du a lassar sta picca:
Rudumont fort s lamenta, ch l' ava al patt
Za rott dou volt, ch prima l' aveva fatt.

107.

Prima, cherdend Marfisa d conquistar,
Currend quel lanz, l' ha pers del temp assà;
Adess po cun Ruggir al s vol gramplar,
E al succors d' Agrament al trà da un là.
Quand t' av, al dis, tant vuia d taccagnar,
Finèn prima la lit tra nu cminzà,
Ch' era unurevia e meritevia più
D sti dou, ch t' han fatt cm' è un gall qui saltar su.

108.

Cun patt d' en trovar lit, fu stabili
La pas, e s sen daccord aqusi tra d nù.
Quand la battaia mi arò tigh finì,
Pr' al cavall dop a la dscur-rò cun qulù.
Ti po, st' en mor, per gran furtuna, qui,
La cosa d' arma t finirà cun lù.
Mo d dart tant la to part a i ho speranza,
Ch' an cherdò ch per Ruggir brisa in avanza.

109.

La gran baza, ch t' et pens, fors t n' arà,
Al tartr a Rudumont arspos ben chiar:
Mi a son per dartu, più d quel t cred, assà,
E dalla testa ai pi at farò sudar.
Po a sper ch' a m' arstarà ben anch tant fià,
Cmod as ved ch l' acqua en manca mai al mar,
Per Ruggir, e per mill, s' a gli avias sigh,
E pr' al Mond tutt, quand al la vuia migh.

110.

L' ira cherseva al crescer del parol,
Ne d' appasari an i era mod ne vi.
Cun Rudumont, e cun Ruggir la vol,
In t' l' istess temp, al re dla Tartari.
E Ruggir, che di insult suffrir en sol,
D picchiar el man al s sent in frenesi.
Marfisa, pr' accordari, quel ch la pò
La cerca d far: mo i ariussisa? oibò!

111.

Cmod farev un, ch' in t' una gabbia, rotta
In più lugh, avias miss ai o sett usi,
E ch' un scappass per d co, qu' altr per d sotto,
Un per l' ussòl, qu' altr pr' al per dedri.
Se l' man ai mitt dinanz, an zova ngotta,
S' l' astopa questa, avertà è qu' altra vi;
Sicchè al n' i po trattgnir, ch' in vadr tutt,
E ch' in s' affermn più s n' in Calicutt.

112.

Aqusi Marfisa, cun qui tri mustazz,
Ch parevn, a dirla, propri tri ispirtà:
Per mettri pur d' accord la s tols l' impazz,
Tant ch' i traghin pr' un poch el lit da un là.
Mo, in quell mentr ch' un strilla e fa minazz,
Tra d lor, qui altr du, s' in attaccà.
Rudumont più n vol pas ne Mandricard
Ne per cert perdr s vol Ruggir gaiard.

113.

Marfisa, a vedr pur s la i po accendar:
Sgnori, stam ascoltar. la dseva aquì,
Adess l'è miù a dsmett d sbiaffar.
Infin ch'al re Agramant sippa servi.
Mo s'i bi umur in ultim po a vli far,
Cun Mandricard a vui decorr-r anca mī:
E, emod l'ha ditt, a vui vedr s l'è bon
Per forza d'arm tgnurm in sudizion.

114.

Se d dar succors av prem' al re Agramant.
Fen al daccord, e tra d nu più n s cuntenda.
Vluntira, diss Ruggir, basta ch'intant
Al mi cavall al re d Sarza m'arrenda.
O al mi cavall a vui, senza far tant
Ciacchr, oppur che contra d mi al le dfenda.
O mort qui in st sit adess a vui arstar,
O su in t'al mi cavall al camp andar.

115.

E Rudumont, sgrugnand, diss: E di quaièr!
La n n'è miga quasi cotta e quasi saplenta.
E po seguitò dsend: Corp del gran Caier!
S'in st mentr al nostr re Carl tormenta
T'i causa ti, ch t va l bragh fragand all'aier,
E ai tol l'aiut la to albai insulenta.
Ruggir a qula protesta poch abbada,
Mo un'altra volta al mitt man alla spada.

116.

Pin d'asti addoss a Rudumont al s serra.
E cun la spalla ai di quasi gran spintou
Ch'al fu quel re per batter al cul per terra
S'a tgnirs ben sod l'avea manch attenzion.
Allora Mandricard zigò: O sta guerra,
Ruggir, dsmitt dlungh, o falla migh, matton!
E, dsend a sta manira, a us d fimpesta
Un gran colp ai tirò zo per la testa.

117.

In t'al coll del cavall finn' al s chinò
Ruggir, e quand al vols an s psù arlivar.
Perchè addoss al re d Sarza i arrivò,
E un'altra matia botta ai fi assazar.
S la tempra d'elm n'era fina, a sò
Ch'a qu'altr mond Ruggir andava a star.
Dalla stretta la breia i uscì d man,
E la spada anca li cascò in t'al pian.

118.

Per la campagna vi al cavall al porta,
E per terra i arresta Balisarda.
Marfisa, del gran donn a un atm accorta,
Ch s'era za sigh uni pronta e gaiarda,
Ch'a gli ava tutt du contra l'an empurtà;
Mo al re dia Tartari la s volta e s guarda,
E po cun quanta forza l'ha in t'el brazz
Zo per la testa la i dà un gran culpazz.

119.

Rudumont, ch'a Ruggir intant vā dri,
Al vinz Fruntin, s'un altr colp ai mett;
Mo Rizzardett, cun Vivian d cumpagni,
Tra Ruggir s mettn e l sarazin maldett.
Un fi tant, ch Rudumont l'arspinzi indri
Per quant al psseva, e quest fu Rizzardett.
In quel mentr la spada al bon Vivian
A Ruggir, turnà in lu, miss in t'el man.

120.

Subit ch Ruggir artarò in sintiment
E ch l'av la spada in pugn, ch'i di Vivian.
Subit, per vindicars del colp viulent.
Arrabi cors addoss all'african.
Al pars un magariass propriement
Quand in t la co l'è stà tocch da un villan:
Ira e vergogna l'uzzu, e l gran magon
I cress la forza, e i dà un anm da lion.

121.

E una mina de bott tal a gli assesta,
Ch s l'aviss avù la so gran spada in pugn,
(Ch emod av cuntò, quand i cminzonn sta festa,
I cascò per quel colp aquì tamugn),
A Rudumont l'arev spaccà la testa,
E nient arè zuvà a salvarì al grugn,
Gnanch gli arm d Nembrot, ch da seiocch pmsava
Al cil dspiantar, quand la gran torr l'alzava.

122.

La Discordia, sguazzand ch an i fuss cas
A far finì tutt sti cuntes, sti riss,
Ne ch i psissm tra d lor più far la pas.
Vultands alla Superbia: Andèn, la i diss.
Turneu tra i frà, e quasi la persuas
A vedr tra quel tough cova suzzdiss.
Bon viazz: badèn nu intant a Rudumont,
Ch Ruggir un bon tambuss i ha dà in t la front.

123.

Quest fu quasi grand, quasi fort e quasi putent.
Perchè tirà a dou man cun tutt al fià,
Ch l'urtò in t la groppa la scorza d serpent
Cun la qual era Rudumont armà,
La spada l'arev persa pariment,
S la n'era al brazz cun el cadèn ligà,
E al cavall, sdundlands trei volt o quattr,
La testa al fu pr'andar in terra a batter.

124.

Marfisa aveva za al re d Tartari
Al zuff in st mentr fatt ben ben sudar.
E lu l'istess aveva fatt cun li,
Mo in s'ern psù per quest la pell furar:
Perchè gli arm timprà per steriori
I avevn fatt riuscir tutt du del par.
Marfisa intant per cas s'arduss a un pass
Ch l'av propri d grazia ch Ruggir l'aiutass.

125.

Sta signora, vlenù al so cavall vultar
lu t'un lugh strett, dov era mui al prà,
In manira al sbliogò, ch'an s pesi affrancar,
E dal là dritt al di una gran cascà.
In t l'istess temp, ch'in pi al s vleva livar
Da Breiador al fu d travers urti;
Perchè al Tatr si vols striccar addoss,
E li turnò a cascar dentr in t'un foss.

126.

Ruggir curri, ch'al la vols aiutar
In quel bisogn, ch l'avea temp, perchè, instorni,
Al so contrari n'i dà più da far.
In t l'elm al Tatr al mnu, e s'i arè parti
La testa finn'al coll, ch s'ai paseva mmar
Un culpazz a so mod, l'era spedi,
Cun Balisarda, oppor s'al sarazin
Un'elm aviss avù manch dur e fin.

127.

Rudumont, turnà in st mentr in sintiment,
Al guarda intorn, e al ved al fiol d'Amon;
Ch'a gli avea dà fastidi ai vin in ment,
Quand pr' aiutar Ruggir ai di un spinton.
Al s volta per dari dl'ovra al pagament
D'aver fatt per l'amigh quila bona azion:
E sol al cil sà lu quell ch l'arè fatt
S Malagis n'i pruvedeva in t l'istess tratt.

128.

Quest, ch'era mestr in tutt el steriari,
E es s'era fatt in st studi eccellentissim,
Bench'al n'ha sigh al librett del mali,
Ch'era a scunvolzar al mond tutt putentissim,
Pur el parol, ch andar innanz e indri
Fevn i diavli, al s'arorda benissim,
A in fi andar un, intant ch'al barbutlava.
In t'al cavall, ch Duraliz adruvava.

129.

St cavall, ch'era za quiet, ch purtava addoss
La bella fiola del re Sturdilan,
Quand al s sinti al diavlett dentr in t gli oes,
Pr'al gran scunzur del bon fradell d Vivian,
Cun tutt ch' al temp indri brisa an s fuses moss,
E ch l'aviss ubbidi semp alla man,
Allora all'impruvvis al spicèò un salt
Ch'al fu lugh venticinqu brazza, e s fu dis alt.

130.

Al salt fu strampalà, ch'altr an s po dir,
Però an fu in mod ch la signora possiss cascar.
Mo dalla stretta la pinsò d murir,
E, emod s po credr, la s miss a cridar.
Al cavall, dop quel salt, nessun po dir
Cun quanta furia al s miss a galuppar.
L'andava ben più fort d'una saietta
Cun Duraliz, ch'è mezza morta, in vetta.

131.

Quand Rudumont al sinti i strill d sta signora
Al lassò prest al paladin indri,
E dov quel diavli andava alla malora,
Pr' aiutar Duraliz, agli andò dri.
L'istess fi Mandricard anca lu allora,
Lassand Ruggir da un là e la cumpagni;
Senza dir arri là ne at n'instò,
Rudumont e la dama al seguitò.

132.

Marfisa, in st mentr, s'era livà sù
E tutt insmaltanà l'ha i fianch e l man:
La vleva vindicare, mo aqsi la n'fù
Ch'al nmigh enreva a spron buttù luntan.
Ruggir, ch la guerra l' ved aver avù
Un fin quei fatt, biastnava cm' un maran:
Più po dall'ira dentr i s sentin punzr
Ch' i su cavall qui d qui altr in ponn arzauzr.

133.

Ruggir en s vol dar pas in fin ch decisa
Al n'ha cun qu'altr la lit del cavall.
Cun Mandricard an s vol quietar Marfisa,
Perchè in sti quità la i ha za fatt al call.
Ne l' un ne l' altr vol ch resta indecisa
Sta briga, se no i pensu d far gran fall.
I cuneludn tra d lor du d' correr dri
A qui ch' andavn in tanta furia vi.

134.

E, s' i n' i ponn in altr lugh trovar,
I aran d cert in t'al camp di sarazin,
Ch' Agramant i andaran e i su a aiutar,
Innanz ch' i accoppa tutt al fiol d Pipin.
E quasi d'accord i missa a seguitar
Breiador, ch galuppava cun Fruntin;
Mo, per n'usar Ruggir creanza brutta
Cun Rizzardett, al n'andò vi alla mutta.

135.

Al salutò tutt i altr, e po da un là
Al tirò Rizzardett e s si prufri
Amigh e servitor fin ch l'aviss fià,
E s'ai cmandava, ch'al l'arè servi.
Ai diss ch'al salutass la manuma e l pià.
I fradi, la surella, e a et mod ch'è qui,
Senza ch s n addaga brisa Rizzardett,
L'abitin da mezzan d'intorn ai mett.

136.

Al s licenziò da lu, da i du fradi,
E dal pover Aldigir, ch'era arstà fri.
I s prufriress anca lor cun gran curti
Che dov bun i ern i l'arèn servi.
Marfisa, ch'avea in cor d vler andar vi,
La n' s di temp a chi arstava d dir bon di.
Mo Malagis andò tant cun Vivian
Che pur i la salutonn, mo da luntan.

137.

Pr' i fatt su i andonn tutt, for d' Aldigir,
Ch dalla frida n' arzveva poca duia.
Vers Agramant s'invio i prim cavalir,
E funn pur i secund d'istessa vnua.
Mo qui, pr' adess, al Cant a vui finir,
Ch' an 'v vui vgnir, cun l' esser lung, a nuia,
E anca mi, a parlar bonament,
Av digh ch' a i n' ho 'l fus pin propriament.

FIN DEL CANT VINTSI.

CANT VINTSETT

ARGUMENT

*Qui tri pagan, in cumpagni d Ruggir,
Fan artirars al re Carl in città.
In t' el tend sarazin i cavalir
Cattu da dir, e s metn in pi del gutà
Un contra all' altr; ne d psseri impedir
Trova Agramant o Marsili la strà.
Rudumont cunfus part per la scartà
Ch', in poch parol, la Duralis i ha aptà.*

1.

I cunsii dà dal donn all'impruvise
I soln riuscir bun per l' urdinari;
Mo quand el ponn aver del temp un bris,
E sovra 'l cos el s' affermn a pinsari,
Al so cunsei gnanch val un bcon d radis,
Che dal prim al segond a i è un gran svaci.
Quest mostra a tutt ben chiar in poch parol
Che gli han poch sul in t' al so salarol.

2.

Ai omn mo al suzed tutt al contrari,
Ch' al diventa mior quant più i appensn sù.
A un cunsii, ch sia dà in frezza, an s po abbadari,
Perchè riuscir al sol cattiv pr' al più.
Malagis i pagan criss minchiunari,
Mo pr' al re Carl un mal cunsii al fù,
Quand al fièc, pr' aintar Rizzardett,
Sotta alla eo d quel cavall un diavlett.

3.

S' ai fuss qualch poch a pinsar sovra stà,
As po ben credr ch l' arè certament
In quell bisogn so cusin aintà
Senza dann del re Carl, e dia so zent.
Ch' al diavli quli purtass l' arev cmandà
Dalla part del Levant o del Punent:
Perchè qu mrus dri i srevn camminà
S da un co all' altr del mond la fuss andà.

4.

Malagis a sta cosa en riflettì;
S' a gli avise appinsà, a gli arè provist:
E la Malignità, dal cil sbandi,
Sempr cercand al mal d chi adora Crist,
E d farl dsotta arstar a di per di,
Prucurand ch' al vinzias i mor, e i trist,
Per quel viazzol al diavli la fi andar,
In dov pussiss Carl el paccagnizz buscar.

5.

E quel cavall ch' aveva al diavli ai fianch
Purtava Duralis inspavintà,
Ne fium ne mont l' arèn fermà, ne manch
O lagh, o bosch, ne ceda ne fussà;
Per mezz al camp ingles, e in mezz ai franch
Al traversò, es en psseva esser affermi;
E an s' affermò d passar tra mezz al squadr
In fin ch' an l' av cndnta da so padr.

6.

Misir Rudumont, e 'l misir re dia Tartari
Andonn tutt du pr' un pezz dri a sta sgnurazza
Vdendla dalla luntana per de dri,
Ma po i la persn in t' al crudar dla guazza.
Più adasi allora i s misan per la vi
Andand d' agn là, cmod fa i brav can da cazza;
E s' en s fermonn pr' infin ch n' i fu cuntà
Ch l' era sicura dal padr arrivà.

7.

Oh povr Carl a ved ch' at vin adoss
Qnsi gran armesd, ch' an so cmod t poss salvar.
Non sol da quisti, mo Gradaes s' è ruoss
Cun Sacripant, es vin-n a tutt andar.
E, per scurdgart, la dgrazia, in finn' agli oss.
L' ha tolt i du, ch t' arèn mii psu aiutar
Cnn la so forza e cun al so saver:
Ah che 'l baston arresta in cima al per!

8.

Urland to nvol, a vui dir, e Rinald:
Al prim in furia vi cammina matt,
Al sren, all' aqua, al fredd, al vent, al cald.
Cmod so madr nud nad l' aveva fatt.
Qu' altr mostra d' aver l' inzeugn più sald,
Mo in st gran bisogn al vè vi quasi d' arpiatt,
E per n' aver Angelica trovà
Dentr in Parigi al la pesca d' agn là.

9.

Cmod av diss alla prima, quel sterion
Di ad intendr a Rinald ch' Urland andava
In cumpagni dla fiola d Galavron
Vers Parigi, tutt alligr, e s camminava;
Ingelusi a sta nova, al fiol d' Amon
Dalla gran stizza lugh al n' attruvava:
L' andò a Parigi, e, subit ch l' arrivò,
In Inghilterra dlngh al re al mandò.

10.

Dop fatta la battaia, e ch l'av l'unor
D'aver miss lu l'assedi al re Agramant;
Dentr in Parigi al la cercò quel signor
Tra l sor, tra-l putti, in t'i ritir tutt quant.
Cun un gran affunn d cor, cun gran dolor,
La gelusi al feva essr vigilant:
E, vndend ch'an i era Angelica ne Urland,
Ai va tutt du fora d Parigi cercand.

11.

Al pinsò ch dentr Anglant o pur in Brava
Al s la gudiss Urland in quiet e in pas;
E da per tutt pr'attravari l'andava:
Mo cun tutt quest d cattari an i fu cas.
Del volt spessi in Parigi dentr al turnava,
In ment sempre d sta cosa persuas
Ch'an possa star gran fatt a dari dentr,
Mo, s'al lunaria, ai và d'l'unor in st mentr.

12.

Un di o pur du dentr in città al s fermava,
Ch l'un e l'alt' arrivass sempr sperand;
E po a Anglant o vers Brava al turnava,
S'a in sinteva dir cvell sempr sperand.
D cuntinv senza arpos al cavaleava
Pr'al mui, pr'al tutt, pr'al fredd, pr'al cald bengrand;
E pr'al di chiar, e per la nott al bur,
Dou milla volt al fi quila strà d sicur.

13.

Mo al diaschn malanazza e traditor,
Causa dla nostra arvina antigament,
Guardand un di d travers l'imperator.
E vndend senza l' mior sustintament,
Tutt rabbia vers i estiau, odi e furor,
Al cerca d fari aver un tintament:
L'ardus insem al più bel fior ch' i si
Tra i cavalir d tutta la pagani.

14.

Al Serican Gradass e Sacripant
Ch'insem s'era fatt bona cumpagni
In t'al vgnir fora dal palazz d Atlant,
D purtar aiut, ai miss in fantasi,
All'esercit mal miss del re Agramant,
E destruzz Carl e tutta la so zni.
E pr'una strà secreta e poch battù,
Più curta ai la fi far, e comda più.

15.

A un alt' so cumpagn al di incumbenza
D mettr in furia al re d Sarza e Mandricard.
Ch, seguitand Duraliz cun gran violenza,
Van sprunand i cavall, ch n'arrivn tard.
Anch a un alt' l'urduò d'aver prudenza
Guidand Marfisa cun Ruggir gaiard;
Cun patt ch'i avisen indri un po più da arstar,
E quasi più tard d qui alt' da arrivar.

16.

Al vols ch mezz'ora dop sti du arrivassn,
E sta cosa al la fi cun al pinsir
Che Rudumont per strà in incuntrassn,
Pr'aver da taccagnar d nov cun Ruggir.
Lu, al diavil, vleva ch'i cristian bussassn,
E, perchè ngotta i al psvis impidir,
Ne ch'in sta tela urdi suzzdiss qualch gropp
Al fi ch sti du arrivonu mezz'ora dopp.

17.

I quattr prim insem i s'attruvonn
In lugh, ch'i vdevn tutt l'accampament.
I assedià e i assediand ben i nseruvonn
Cun el bandir despigà, sbattù dal vent.
Tra d lor, dopp essers salutà, is cunsionn,
E la finadga ultma del parlament
Fu d'aiutar al re di Sarazin,
E livari d'attorn al fiol d Pipin.

18.

Tutt'un dri l'alt' s'uninn all'impar
Accustands vers el tend piantà dai estian:
Africa e Spagna i cminzonn a chiamar
E del tutt i mustronn d'esser pagan.
Arm, arm! infin al cil a s seut cridar,
Mo prima a s sent da boia muar el man.
El lanz prima el sintinn in t'el budell,
Che d'assalt a s n'addiss el sintinell.

19.

L'esercit estian, ciappà quai all'impruviss,
Va sudsovrà, en savand cos'è sta quita.
I svizzer i inculponn, o i limuncis,
Segond al solit, i cherdinn ribella.
Mo, intant ch arriva un po più d cert l'avvis,
Al son bandir s'arduss prest i suldà.
E da per tutt dinn su tambur e tromb,
Ch sparguin in qui cuntorn un gran arbomb.

20.

For che in t la testa, armà l'imperator
In mezz ai paladin s'in vgneva innanz,
Dmandand a quest e a quell rason d qu'armor,
E chi l' squadh di su sgumbia e gli urdnanz?
Mo nssun i sà cuntar d st cas al tenor.
Intant s ved taià test, sfundà del panz:
Al sangu s ved spissinar da tutt i là,
E chi scappar cun brazz o man smuzgà.

21.

Al và più innanz, e a in trova purassà
Destis là per terra, d sangu propri in t'un lagh.
Tutt fri in manira e quasi nall tartassà,
Ch'an i è medgh ch'i guarissa, o fada o magh.
Del mass a in ved cun la testa spaccià,
Chi senza brazz o gamb, d za e d là pin d piagh:
In somma da un co a qu'alt' l'è un mazzell,
Un'arvina. un fracass, un ver flazzell.

22.

Per dov' era passà qua cumpagni
(Ch d'arpiatt passà la n'era certament)
Una strissla l'aveva lassà indri
Ch feva schermizz a tutt pr'al gran spavent.
Al re Carl, ch sberlocchia sta bocari,
Armas incunali, cunfus, dulent.
Al pars un ch'in cà i ladr i sippn andà,
E ch va usservand dov i han rott o sfundà.

23.

I n'ern i quattr prim gnanch arrivà
Del tutt dentr ai arpar del fiol d Truian.
Quand Marfisa arrivò da un altr là,
E Ruggir, cun la lanza sbassà in man.
Dop aver ben d'intorn dà un'acchià,
E cuntimplà da vsin e da luntan,
Per la più curta i s moess incuninent
Per dar ai cistian un altr tint a ment.

24.

Cmod fa un turrent, s l'è un pezz ch'en n'è piovù,
E po ch vigna un aqueri strampela,
Per l'abbundanza d'acqua tropp chersù,
In dov i par, pr'i camp al s fa una strà,
E per l'impit ch'al mostra a vgnir d'in sù
I albr cava, e l cà avversa sbrindala,
E quand la furia d'acqua è po finì,
Dai sign ch'al lassa, as dis, l'è vgnù per d quì:

25.

In t l'istessa manira fi sta chioppa
D brav mustazz; i ceminzonn a taiar test,
Senza guardar s la zent sia poca o troppa,
Mo a gara i men-n el man ardit e lest.
Mai cun più gust Marfisa mnò la toppa,
Cmod la fi allora, ch la feva quasi prest,
Ch'al pareva ch la sgass un prà fiuri,
E Ruggir, anca lù, i dava zo aquei.

26.

Tant ch'ern per fortuna scappà vi
D sotto al man d Rudamont e di cumpagn,
Ringraziavn d bon cor msir Domendi
Ch'i aviss dà aiut a ben batti i calcagn;
Mo d Marfisa e d Ruggir a dar tra i pi
I vistin d'aver fatt un trist guadagn;
E s'acgnussinn anch tropp ch s ha l'asi d far.
Mo quell ch'è scritt in cil an s po scappar.

27.

Scappand un prigul, qu'altr s vè a incuntrar,
Dov as lassa la pell, oss, sangu e polp.
Aqusi d'in bocca ai can pinsand d scappar
Sol suzzedr del volt anch alla volp,
Quand al la vè dal tan fora a dscazzar
Al cuntadin, ch'i dà cent milla colp
D'aver gli och e i pullastr portà vi
Quand el ponn essr stà volp da du pi.

28.

I intronn dentr ai arpar di sarazin
Marfisa cun Ruggir a salvament,
Arrigraziaud al cil d'un quasi bon fin,
E i san d'esser arrivà tra la so zent,
Ch'adess n'ha più timor d'annigh avsin.
Al più pultron di mor in sfida cent,
E tra d lor i cuncludn ch'al bisogna
Turnar un po a grattar ai cistian la rognà.

29.

Corn, tromb, piff e tambur murisch
Da per tutt i cminzonn d'armor a alzar;
E l bandir tutt despigà, dpinti a rabisch,
S vistin da tutt i cu all'aria svintlar.
Da qu'altra banda, i inglis cun i tudisch
E i francis tutt in ordn s vdeva andar:
E in t'un mument a s'attacò la zuffa,
Ch'a sti ultm ch'en quis ven in stuffa.

30.

La forza del terribil Rudamont,
E quella d Mandricard quasi furibond,
Quella d Ruggir a mmar el man quasi pront,
E d Gradass quasi famos e chiar al mond,
Quella d Marfisa, ch mai vultò la front,
E quella d Sacripant a nessun second,
Finn arcmandars i cistian cun al re d Franza.
E cercar in Parigi d salvar la panza.

31.

D sti si campion, ch av ho ditt la virtù
E la gran forza, ch' i s trovn aver addoss,
Ch la cumpagna n'è stà, ne i srà mai più,
E quant la s fuss descriv gnanch an pose,
Av pssi mo immazinari vu da per vù
S quell di l'esercit cistian av del percoss.
Azuntand oltra d quisti, d sovra più,
Cun altr Mor famous, anch Ferrati.

32.

Tant per la frezza in Senna s'affugonn,
Ch'alla gran quantità en pss l pont servì.
E tant altr un par d'ali s'auguonn,
Ch'i s'attruvava in gran prigul d murir.
I paladin tutt quant person arstoon,
Fora d Ugir e del marches Ulvir:
Quest fri turnò in la spalla manca d sotto,
E al povr Ugir la testa aveva rotta.

33.

E s quel di Brandimart aviss disertà,
Cun l'esempi d Rinald, over d Urland,
An s salvava gnanch Carl in t la città,
S'al prigul d mort l'aviss schivà ben grand.
Brandimart fi al pussibil, ma, sfurzà
Dalla calca, al ceminzò andars airand:
E tant disse la fortuna ai sarazin,
Ch'i turnonn a assediare Parigi da vsin.

34.

Al piant di viech, di tus, del donn, di putt,
Di prit, di frà, del sor i gran suspir,
Ch' i puvritt arvinà s' vdevn del tutt,
All' Arcanzl Michel i s' finn sintir,
E i finn vedr in ch' miseria i s' era arduitt,
Ch' an s' pssava più in Parigi intrar ne uscir;
E tutta la campagna l' è sumnà
Cun i corp d' qui puvrin ch' ern a mas zlà.

35.

L' Arcanzl Sant dvintò ross abbrasà
A vedr ch' l' era stà quai mal servi
Al Padr etern, e s' viist ch' l' era ingannà,
E ch' la Discordia l' aveva tradi;
Perchè l' assuut a li a gli aveva dà
D' mittir i mori a litigg, e a mal parti:
Mo ch' l' ava fatt, ai par, tutt all' avversa,
Za ch' l' interess di cstan vè alla traversa.

36.

Al fi da quella d' un bon servitor
Quand l' ordn del patron al s' è decurdà,
Al qual sippa per se stess un bon signor.
E degn d' essr servi da chi è ubbigia:
In frezza al cerca d' emendar l' error,
Fagand quel tal servizzi o qu' imbassà;
E, prima d' vgnir dinanz al so patron,
Adimpì al vol aver l' obbligation.

37.

Michel turnò al convent, in dov l' aveva
La Discordia altra volta za trovà,
E al la travò affazzindà, ch' la sdeva
In capitù pr' addlizz un nov abbà.
Qui s' feva un gran armor, e li rideva
Vdend vular i breviani addoss ai frà:
L' Anzl s' i attri, e s' la chiappò pr' al zuff,
E calz e pugn ai di fin ch' al fu stuff.

38.

Al mangh d' una cros nova addoss ai stlò,
Ai nizzò i ucc, sgumbiandi la caviara:
Li dmanda perdunanza quant la pò,
E s' basa all' Anzl i pi, dtesa per terra.
Lu, strappandla pr' un braz, al la ficcò
Tra i sarazin, cun calz in cul a miara,
Dsendi: Ch' an t' vigna in ment d' uscir da qui,
S' t' en vu chiappar al rest: pensi mo ti!

39.

Sta diavla, sebben ch' l' era sfracassà,
E ch' la n' aveva d' san a s' po dir ngotta,
Per n' essr un' altra volta tambusà,
E tgnir purtar a spass la testa rotta,
La lesea e l' azzarrin, ch' l' ha seimpr a là,
La cava da un scatlott ch' la porta d' sotto,
La batti subit fugh, che grand s' impiò,
In et cor e in qu' altr alzand un gran falò.

40.

Ruggir l' attizza e al fiol del re Agrican,
E da Agramant i van cun Rudumont,
Adess ch' i han miss la musarola ai cstan,
Ch' n' han più curagg d' alzar un po la front;
Là i dissn el sou rason d' in man in man,
Di com, di quand, del lit i i fan raccont,
E i aspetta ch' al diga lu d' so bocca
A chi prima tra d' lor cambattr i tocca.

41.

Anch Marfisa arguanta salta sù,
Digand ch' la vol la so question finir
Cnuinzà cun Mandricard; perch l' è stà lù
Al prim ch' l' ava in svezura fatta vgnir.
Oli ne sal la n' i vol mettr sù,
E d' temp un' ora sol la n' vol soffrir.
La fa gran furia d' essr prima lì
A gramplars cun al tartr pr' i cavi.

42.

Al prim lugh anca lu Rudumont dmanda
Per finir cun al tartr la so impresa,
Che pr' amor d' Agramant l' ha miss da banda.
E s' l' ha finna a ste punt d' adess suspesa.
A brazz avert Ruggir s' fa innanz, s' arcmanda,
Sbraiand ch' al star a aspettar tropp fort i pesa.
E al n' intend ch' Rudumont ava Fruntin
Quand a batters cun lu alla prima an vin.

43.

Per più intrigarla, al fiol del re Agrican
Vin, e an vol cumpurtar bria a nssun patt
Ch' Ruggir porta l' insegna del Truiant:
Trasputà dal furor, l' è talment matt,
Ch' s' i al lassn far a lu, al vol mmar el man
Cun qui altr tutt, e l' lit finir a un tratt.
Qui altr anc lor l' istess arèn vlà far,
Pur ch' Agramant i l' avise vlù accurdar.

44.

Per quietari, ste re fi un bel sermon.
Esurtandi tra d' lor a far la pas;
Mo, vdend ch' an i riusciss la so intenzion.
E quor al sou parol d' an tutt del nas,
Al cerca cun del belli e fort rason
Ch' un ceda a qu' altr; e quest, quand anch i despias.
Pr' al mior parti tra tutt al stabiliss,
Ch' la vintura fuisse quella ch' decidiss.

45.

Al fi far tant bigliett: un Mandricard
Insem cun Rudumont scritt a s' i vdeva:
Qu' altr dseva Ruggir e Mandricard:
Ruggir e Rudumont un altr dseva:
E in t' l' ultim a s' lez Marfisa e Mandricard.
S' cavò po a sort, per veder chi aveva
D' aver al lugh innanz ai altr, e qui
Rudumont cun al tartr in prima uscì.

46.

Ruggir e Mandricard s cavò 'l second;
In t'al terz vin Ruggir e Rudumont;
Marfisa e Mandricard arstonn in fond,
Ch dal gran dsgust li aggrinzò finna la front.
Ruggir pistava i pi, cuspittand al mond
Pr'esser per lu tropp tard, fagand al cont.
Perch l'ha pora ch finissa prest la festa,
E ch per lu e per Marfisa an i n'arresta.

47.

Poch luntan da Parigi a i era un lugh
D'un mii, ch gira in tond poch manch o poch più,
Ch'al pareva nn d qui sit, dov i su zugh
Feva i autigh, ch'adess in s'usn più.
A i era za un castell, mo a ferr e a fugh
L'era andà, e gnanch al segn s'in vdeva più.
Da un arzn st camp tutt era circunlà.
Ch iust al pareva pr'i dai ammanvà.

48.

In st tren donca la lizza preparà
Fu, e intorn intorn cun di trav ben chiusa,
Cunparti cun i squadr e amruisurà,
Cun i su partun contra, cmod a s'nsa.
Quand vign al di a cumbattr destinà
Tra i cavalir, ch più n'voln nssuna scusa.
Avsin ai lign s'alzò du padiglion
Incontr' a qui nasti pr'i du campion.

49.

In t'al prim padiglion, ch'è vers punent,
Stà Rudumont, ch'al par propri un zigrant,
E l'armadura dila pell del serpent
Ferraù i mitt attorn e Sacripant.
Al re Gradass e Falsiron valent,
In qu'altr padiglion, ch'è vers levant,
A Mandricard, cun el so propri man,
I metta l'armadura del Truian.

50.

Sotta d'nn baldacchin ricch, e d gran stima,
A i era al re Agramant; e sotta d là
Marsili e Sturdilan, e què ch'in prima
Avevn d'aver lugh, e dai mor tuà.
La mnuda zent po, affurtunà chi in cima
Degli albr s po arrappar, e andar più in sù.
La calea è granda attorn attorn al stcà
E più la và chersend da tutt i là.

51.

A i era d donn la regina d Castiglia
Cun del duchessi e principessi tant,
Vgnù d Aragona, d Purtugall, d Siviglia.
E dila del mar, fin d vers al mont Atlant.
Tra questi Duraliz, cun la spumiglia,
E l'andrien, e di bellissm guant,
Cun un bel par d pianlin novi, arcamà,
E ptnà cuu i su rizz, e inciprià.

52.

Marfisa era tra 'l sgnori anca li in schira,
Mo veti alla lissa, e cmod s dis bonament;
Forsi As vdeva andar vsti in ugual manira
Quegli Amazzon quai bravi antigament.
E perchè an pssies succedr quales chimira,
Vign un trumbetta a sunar, ch fi chiarament
Saver da part del re, e di general,
Ch'an s fiss decumess, o gar, o altr cos tal.

53.

D'in mument in mument za s steva aspttand
Dalla zent tutta, perchè al vgneva tard,
Ch'al duell s principiass da qui du, quand
Dal padiglion dov'era Mandricard
S'od un armor, ch va sempr più chersand:
Saviv mo cosa l'è? mo l'è al gaiard
Re d Sericana e al tartr impertinent,
Ch fan quel burdell e quel malann ch'a s sent.

54.

Del tutt aveva armà al re d Sericana
Mandricard, e per zinzri l'era in pront
La spada ficcà vi là alla fntana,
Quand al giudizi pers d Anglant al cont.
Gradass in t'al pom al vist scritt: « Durlindana: »
E po vist al quattr ch portava Almont,
Ch i aveva tolt Urland medesment,
In Aspramont, cmod sa tutta la zent.

55.

Qula spada fu da st sgnor snbit ognussù
Per la famosa del patron d' Anglant,
E ch, pr'averla, in t la Franza al passò là
Cun un' armada granda d'in Levant,
E la più forta, ch mai d là sippa vgnù,
Cun là qual del vittori l'av anch tant
Za i ann indri; mo adess an sà capir
Al mod ch s' in possa Mandricard servir.

56.

Ai dmandò s'al l'aveva a forza o a patt
Avù dal Senator, e dov e quand?
E Mandricard i diss ch l'aveva fatt
Battaia per sta spada cun Urland,
Ch dalla pora s finzeva dvintà matt,
A sta manira al so timor cruvand,
Savand d sieur, finna ch l'aveva sigh
Sta spada, l'arè avù sempr da far migh.

57.

E enn degli altr cos, ditt in st'andar,
Al vleva far al re Gradass capir
Ch senza nssun scrupl al la psseva purtar,
Nè barba d'om l'avev psù contradir.
Ma Gradass sti rason an sti a ascultar:
Ne va ne nssun l'arà, al principio a dir,
L'am costa tant quattrin, e tanta zent,
Ch'a poss ben dir ch la sia mi giustament.

58.

Un' altra spada andav pur a comprar,
Ch' in quent a questa qui mi an 'v l' arrend.
Savi o matt ch sippa Urland mi an vui cercar :
Za ch' a l' ho in man, tgnirla per mi a m' intend.
Vu an avi nessun testimoni da provar
Cmod a l' avi, e 'l rason vostr av cuntend ;
Sta mi spada dirà la mi rason ,
E forsi v farà cgnusser pr un ladron.

59.

Innanz d servirren contra a Rudumont.
D guadagnarla tuliv prima la briga,
Perchè, innanz d mitters del nemigh a front,
Bao aver gli arm del so, l' è usanza antiga.
Al tartr saltò su, digand da pront:
An m' arriva agli urech cosa più amiga
Che quand qualch d' un 'd taccagnar em tenta ;
Fà pur va ch Rudumont prima acconsenta.

60.

Sià pur vu al prim, a mi an m' importa ngotta,
Che qu' l' altr tnga la question segunda,
E 'n v dubità, ch' an v daga d sovra e dsotta
Al vostr aver, e ch pr' el rim an v' arsponda.
Mo signor no, diss Ruggir, ch' an vui ch sia rotta
La convenzion, ne ch l' ordn qui s confonda.
O ch Rudumont ava la prima giostra,
O, s' an l' ha lu, ch la prima sia la nostra.

61.

S l' ha la rason d Gradass da pervaler,
Prima acquistarli, e po gli arm adruvar,
Contra d mi, o Mandricard, an par del dver
L' aquila bianca a cercadi aquistar.
Mo za ch d putenza an poss sta cosa vler,
E ch' an vui dsuubidir qui ch ponn emandar,
La segunda battaia sarà la mi,
Basta sol d Rudumont ch la prima si.

62.

S l' ordn vu deturbari da una quileh part,
A son bon del tutt d sgumbiarl anca mi.
La mi insegna an m' intend brisa d lassart
S t' en la cumbatt adess, inst aquesi qui.
S' a fussi tutt e da più brav d' un Mart,
Allora Mandricard diss instizzi,
Ne l' un ne l' altr sren bun d' impedirm
Ch' an vliss d sta spada e d st' insegna servirm.

63.

E, tutt infiammà d' ira in quell mument,
Cun al pugn srà culpi 'l re d Sericana,
E 'l brazz dritt a gli uffes quasi malament,
Ch' ai fi cascar per terra Durlindana.
Gradass tant n' al pinsò quasi impertinent,
Ne ch l' aviss una testa quasi balzana,
E per quest' an s' in steva tant a bada;
Mo dal man al s trovò tolt la spada.

64.

L' avvampò per vergogna in tal manira
Ch' al pars ch propri dai nech i uscias al fugh,
E anch d più al s sinti cresser al dagust e l' ira,
Pr' essri st cas intravgnù in t' un pubblic lugh.
Per vendicars, un pass indri al s' artira
Dsfudrand la scinitarra. Mo a st nov zugh
Invidà al tartr, in sè tant al s confida,
Ch non sol Gradass, mo anch Ruggir al dsida.

65.

Vgnin pur innanz, ai dseva, vgnin tutt dū,
E per terz vigna voesh anch Rudumont,
E estian e mor e quant porta arm ancū,
Ch' a son bon d battry tutt, e an volt la front.
A sta manira dsend, contra a qui dū
S mitt a frullar la spada za d' Almont,
Al seud l' imbrazza, e a s' i ved vgnir zo la bava
Dalla bocca, in quel punt ch' al s mesda, e s brava.

66.

Lassm pur far a mi, dseva Gradass,
Ch' a vui cavar i grill d' in testa a questū.
No alla fe, Ruggir dseva, no, an t la lass,
Ch' a vui mi un po' a mi mod tuccarl sū.
Stà indri ti, stà indri ti, tutt dservn, e un pass
In s muvern, e s cigavn agn volta piū.
Qui una baruffa in terz fu cminziplià,
E ai era poch vantazz da tutt i là.

67.

Ai fu qualch d' un ch provò d vleri dsugmbiar.
Mo brisa an i accatò, cmod s dis, al pan,
Che 'l nespl ch vgnevn zo i finn imparar
Che dov an s' è chiamà an s' i mett el man.
E gnanch mezz mond i arè psu separar,
S' al n' arrivava al gran re di african,
Cun sigh Marsili, e allora in so presenza
I s' affermonn, e s' i finn riverenza.

68.

La causa tutta Agramant s fi cuntar
D st' altra lit, ch' era nada noviment;
Sintū ch' al l' av, mulsin s miss a pregar
Al re Gradass d' en n' esser renitent,
E Durlindana per curtai lassar
A Mandricard per quel di sulament,
Tant ch st povr galantom cminza e finissa
Cun Rudumont, cmod i en daccord, lu rissa.

69.

In quell mentr ch' in st lugh al re Agramant,
Al mii ch' al po, cerca appasar sti tri.
In qu' l' altr padiglion, tra Sacripant
E Rudumont, salta altra lit in pi.
Za vesti d tutt punt al re d Sarza arrugant
Avern Ferrau e 'l re d Circassi;
Cun l' armadura d serpent, ch' al portava.
L' era all' ordn, e 'l cavall sol i mancava.

70.

Alla rastlira i van dov'è Fruntin,
Ch'aveva iust finì d' magnar la biava,
E s'era grass, luser, liss e mulsin,
E breia ricca al stallon i ammanava.
Mo Sacripant, ch'aveva da padrin
Da far cun Rudumont, e a lu al tuccava
Guidarl in camp guerni, e d'agn cosa in pront,
Ai guardò dalla co sinna alla front.

71.

Guardandi e esaminandi mudament
Ai sign, al plam, e cmod l'era ben fatt,
Al s'accors, anzi al cgnussi chiarament
Ch'al so cavall, quest'era, Frontalatt.
Pr'al qual tant l'era stà mest e dulent,
Ch'ai mancò un negr d'ungia a d'vintar matt;
E pr'al disgust, ch'l'avi quand ai fu mnà vi,
Pr'un gran temp al vols dop andar a pi.

72.

D'innanz a Albracca ai l'aveva Brunell
D tra 'l gamb cavà quel di medesm, quand
Al s'graufignò all' Angelica l'anell,
E al corn e Balisarda al tols a Urlaud.
Anch a Marisa al rubò st'ladronzell
La bona spada, e in Affrica turnand,
Balisarda e 'l cavall al di a Ruggir,
Ch'i aveva po Fruntin semp fatt dir.

73.

Quand s'n'addì Sacripant ch'quest era al ver
So Fruntalatt, al re d' Sarza arvultà:
Quest è un cavall ch'è mi, mi av fagh saver,
Ai diss, ch'em fu sotto Albracca rubà;
Di tstimoni di mondi arèv da passer
Dir ch'quest è vera, mo i en purassà
Luntan, e s' un qualch d'un m'al viass dengar,
Cun la spada alla man al poss prubar.

74.

Am content ben, pr'amor dila cumpagni
Ch'i di passà a s sen fatt tra nu du,
Ch'a l'adruvadi, e s'ev fagh la curtsi
D'imperstarli, ch'an pèsi far d' maneh, anch.
Mo ancù sol, ben intis ch'l'è roba mi,
Cmod a dirò cun un tstimoni o dà.
Altriment, ch'an pinsassi d'adruvarli,
Che contra d mi al bso prima guadagnarl.

75.

Rudumont, ch'era al più gran arguiant.
Ch'aviss la spada mai portà a gallon,
Sintend parlar in st mod re Sacripant,
E cgnussend ch'in t al sod al dseva d bon,
L'arspos: S' un qualch d'un altr fuas stà tant
Insulent da spaplarm d sti rason,
Cun so gran dann l'arè a st'ora cgnussù
Ch'al sre stà mii a nasser mutt per lù.

76.

Mo per la cumpagni, cmod avi ditt,
Ch'avèn, qui d curt, adess tra d nu passà.
A vui mo per sta volta starin zitt,
E s n'ev vui dir ch an ser serv decorr d sti quità.
A vni prima ch'vadi al fin d sti confitt
Tra Mandricard e mi za preparà;
A vn po a sper darv mostra, senza fall,
Ch'avadi d grazia d tri: Tgniv al cavall.

77.

Am pari nu mal creà, un cucchiud villan,
Replicò Sacripant tutt inestizzi.
E adess av digh mo chiar, fort e non pian.
Ch'an vui brisa lassav st cavall ch'è qui;
E s'al d'indrò cun la spada alla man,
M'intindiv? cun sta spada ch'a i ho qui,
E, a questa en basta, a adruvarò i sgransgnutt,
I calz, i pugn, e in ultim anch i murgst.

78.

Da sti mott i passonn a altr uffes,
E a strappazzars, e in ultim alla battaia.
Pr'al gran magon, più prest tra d lor s'imprea
Al fugh ch'al n'arè fatt dentr in t la psia.
Rudumont era armà cun tutt l'arnes,
Mo Sacripant, ch'è senza piastra o maia,
Cun la scherma al s'inzeigna in tal manira,
Ch'al s' arpara d quell diavol contra all'ira.

79.

Cun tutt ciò ch Rudumont per la furtezza.
A dir la verità, qu'altr avanzass,
In t l'essr ben accort, e in t la sveltezza
Superior a s cgnusseva essr al Circass.
Sacripant stava all'erta, e cun perstezza
Ora avanzava, ora artirava i pass;
Quand al s'alzava, e quand al steva chin,
Girand cmod fa una roda da mulin.

80.

Mo Serpentin s fi innanz e Ferrau,
E cun la spada in man s ficcon fra qulor,
Isulir, e Grandoni dri anca là,
Cun tant altr per far quietar st'armor.
In qu'altr padiglion al fu sintù
Al gran pladur, la lit e 'l mal umor,
Dov'era al re Marsili e 'l fiol d Trnian,
Pr'aqudar Ruggir, al Tarter, e al Serican.

81.

Ai fu chi andò a avisar al re Agramant
Cmod, pr'al cavall (ch l'era la verità),
Tra 'l re d' Alger, e tra 'l re Sacripant.
Una nova tantogna era attaccà.
Canfus quel povr re da sti lit tant,
Diss a Marsili: Caro vu, abbada
Ch'an salta fora cvell altr tra qustor,
Ch'andarò a vedr intant cosa i han qulor.

82.

Vdend Rudumont al munarca arrivar,
Al s' affermà, e po mitt la spada a buss,
Anzi al s'inchina, e l'istessa a s ved far
Cun riverenza granda al re Circass.
Lu i dmanda cosa i han da litigar,
E cun aria real al parla bass.
Quand l'ha sintò l'infurmazzion del cas,
Indarn al decorr per fari far la pas.

83.

Al so cavall indri vol Sacripant,
Che d sorta affatt a qu' altr an vol lassar,
Quand in t'al dscorr-an s'umilia tant
D pergarl in grazia d vleriel imperstar.
Rudumont, ross in fazza cm'è un baccant,
I arpos: Ne in cil ne in terra nssun prà far,
Quand per forza una cosa a possa utgnir,
Ch'a prega un altr a vlerm favurir.

84.

Al re dmandò al Circass emod l'ha rason
Sovra al cavall, e emod ai fu rubà:
Sacripant s fi un po roas in st'uccasion,
A rendri cont dl'ingann ch' i fu usà.
Al cuntò ch l'era stà da quel ladron
Colt in temp, ch' a un gran fatt al s'era impugnà,
Ch sotta alla sella ai miss quattr punti,
E quasi nud al cavall ai guidò vi.

85.

Marfisa, ch' all'armor anca li vign,
Subit ch l'instoria del cavall l'udì,
Ai vins su i chiù, perchè allora ai suvign
Ch' ai fu sgranfignà la spada in qu' istess di,
E 'l ladr, ch scappò forsi in altr rign,
L'an aveva mai psu incuntrar sin qui.
A sta manira l'acugnuss Sacripant,
Ch la n'avea prima usservà più che tant.

86.

Qui ch'ern intorn, e spess avevn udi
Vantars Brunell d'aver fatt st rubament,
I eminzonn a guardar, za ch l'era li,
Mustrandl cun i zign all'altra zent.
Per st gran bisbì Marfisa s'insusptti;
La vols ben informars, e chiarament
La vign savend ch'un quasi bray ladrunczell.
Ch'aveva fatt sti levate, era Brunell.

87.

La sav ch'in scambi, emod al sre stà degn,
Cun un cavestr, al forch d'esser impicà,
Al re Agramant i aveva dunà un regu:
E un cas quasi fatt an cred ch s sippa mai dà.
Per d'entr la s sinti arnuar al sdegn.
Dalla voia d vendetta stuzzigà,
E, segond ch' al caprizzi allora i monta,
La vol ch' al rubament dila spada ai sconta.

88.

Da un servitor la s fi l'elm affiubbar,
Ch l'era del rest dl'armadura guerni,
Perchè senz'arm an cred ch la dssiss andar,
In t'al temp d vita so, dis o dods di.
Da quel prim di ch la li eminzò a portar
La fu solita semp andar quasi vati:
E po la s ficcò innanz cun gran pladur,
Dov Brunell steva a sedr tra i mazur.

89.

La l'acchiappò d prim sbalz pr' al giustacor
Dinanz, e po da terra la 'l livò,
Cmod diss far quel falchett o ver astor
Ch' a Bertuldin al polsin bianch rubò.
A qula manira, dov cun gran decor
S'attruava Agramant d lungeh la s n'andò,
Brunell, vdends arrivà a quasi cattiv pass,
Al strilla, e s dmanda aiut cun gran fracass.

90.

E, fra tant altr armur, ch'ern ugualment
Per tutt al camp, a s po dir, sullivà,
La rinchersevla vos d Brunell a s sent
Dmandar perdon, aint, succors, pietà!
Da qula banda eminzò a corr-r la zent,
Perchè l'urlava cm un'anma daunà.
Quand Marfisa dinanz al re arrivò,
Cun Brunell in t' un pugn, quasi la parlò:

91.

St ladron, ch'è quì tra i vustr altr vassall,
Al vui cuu el mi man propri impiccar;
Perchè quel di istessissm, ch' al cavall
Al rubò al circass, am vign a rubar
La spada; e s'un qualeh d'un dssies ch' a fagh fall,
Ch' al s fazza innanz, s' al s'attenta a parlar,
Ch' alla vostra presenza ai farò vder
Lu esser un busadr, e ch mi fazz al mi dver.

92.

Mo perchè battè al nas prev un qualeh d'un,
E dir ch' ai ho aspttà tropp a st temp ch'è quì,
Quand tant famus in arm, e tant agnurun
Da degli altr querell en impedi,
Ai la dagh lunga a farl star sbindlun
E al temp ch' am tugh an srà più in là d tri di;
E s' d'entr a st temp n'arriva nessun ch al dfenda,
Ugnun sia cert ch' aiust mi la faccenda.

93.

Lontan trei miia, là in qula torr, ch' a vdi
In vetta al mont, ch' è d sovra a quel buschett.
Am in vagh iust adess in campagni
D' una dunzella sola e d'un paggett.
S qualeh on vliss mai tintar d cundorm vi
St ladron infam, d'aspttari av imprumett.
Aquis la dss, cun la so fazza tosta,
E po s n'andò senza ascutar l'arsposta.

94.

In t'al coll del cavall la tirò sù
Brunell, ch la tgneva pr' i cavi ben strett;
Con tutt al fià ch l'ha in gola erida qustà
Chiamand i amigh, ch'i fagh'n el sou vendett.
Agramant resta lì cm' è un turlurù,
Ch' an sà cmòd da st' intrigh uscìrn nett.
Ai despias d n s psser dsbruiar, e più i aggriva
Ch' a st mod Marfisa al so Brunell i liva.

95.

Non za ch l' in fazza cont, ch' ai porta amor,
Anzi l' è un pezz ch' al l'odia purassà;
E s fu tintà d farl impiccar a un mor
Quand a gli avi qu' anell famos rubà.
Mo ai par ch Marfisa i fizza nn po d dsunor,
A far lì sta faccenda, e l'è imbruià,
Ch' an sà s' al staga, o ai vada dri in persona,
Per batters, sebben ch' ai fi qu' azion barona.

96.

Mo al re Subrin, ch s trovava lì present,
A far sta cosa purassà al decunsiò;
Dsendi ch' al n' era un fatt quest convenient
Dov a s' i avise da mitter un par sò.
Anch quand l' avias pinsà sicuramente
D' armagnr vinziur, cosa arèl pò?
Più dann, che unor, quand po saviss la zent
Ch l' aviss vint una femina gun gran stent.

97.

L' era più grand al prigul, che l' unor,
A vler contra Marfisa lit taccar;
E ch lu pinsava pr' un cunsi ben mior
Starsu zitt, e Brunell al forch lassar.
S l' aviss anzi appinsà, per gran favor,
Con un alzada d' uech d psser salvar,
An i aveva da alzar, pr' en contradir
Ch' an s' aviss la giustizia da eseguir.

98.

A s po mandar qualch d' un ch prega Marfisa
A farev giudiz vn per st' occasion,
E prumettri, zurand per l' oca bisa,
Ch per dari gust al srà impicà al ladron.
E quand st parti la n' vuia aztar li brisa,
Ch la tuga li a so mod suddisfazion.
Dalla vostra amicizia ch la n' se despicca,
E po Brunell e i ladr tutt ch l' impicca.

99.

Agramant suddisfatt al s' attaccò
Al bon cunsi, ch' i fu da Subrin dà:
Ne Marfisa altriment al seguitò,
Ne da nssun gnanch an vols ch la fuss pregà.
Ne ambassador ne littra al n' i mandò;
Al sti pazient, perchè l' era sfurzà
A vedr d psser aquilar qui tant amnr
Ch' ern pr' al camp in volta tra qui sgnur.

100.

La Discordia per sti lit fa tant d buccazza
Perchè quasi prest an po finir al zugh:
La rid, e s va saltand là per la piazza,
E dall' algrezza la n' accattà lugh.
La Superbia anca li, da sfazzadazza,
L' è in ghirigaia, e azunta legna al fugh.
E tal strampalà vol al cil l' alzò,
Ch d l' Anz! Michel agli urech l' arrivò.

101.

A st vol quasi malanaza e desperpustà
A se scussò l' muntagn, e s termò l' pian;
D' intorn al fu sintù da tutt i là,
E nssun sav dir quant miia da luntan;
Al tramballò d Parigi la gran città,
Ch' al agn dila Senna vgnian d culor d paltan;
I animal tant da bosch, quant da rivira
Scapponn vi pr' al vol fatt da quia braghira.

102.

I en in cinqn cavalir, ch battn in t' un chiod;
Ognun vre prima d qu' altr esser sbrigà;
El son lit ingattià insem i han in mod
Ch' an gli arèv gnanch l' indvinell dstrigà.
Pur Agramant stì tant pazient e sod,
Ch' al cminziò a trovar al co a sti quà,
E s cgaussi ch per la fiola d Sturdian
Al Tatr e Rudumont ern vgnù al man.

103.

D' appasari lu stess al s tols la cura,
E d l' un dop l' altr l' ascolta al parer.
E po ai censiia da amigh, e s procura
Cum di deurs molt ben tessù d fari taser.
Mo quand ai ved tutt du star in t la dura
E ch d' accundars i n' in volen saver,
Ne vol la principessa d un star senza,
Ch' era la causa d sta gran differenza:

104.

Al trova che tutt du pr' al mior parti
Staghn dila bella sgnora al decision:
Ch la diga chi la vol li per mari,
E a quell ch la dis ch' an s daga appellazion.
A tutt du quel parer del re piast,
Mustrand d' sintiren gran suddisfazion;
Tutt du sperand, pr' averi mustrà amor.
Ch la daga la sentenza in so favor.

105.

Rudumont, ch' era prima innamorà
D sta sgnora, innanz al re dila Tartari,
E li tutt el finezz i aveva nsà
Ch' anosta zovna nsar sol per curtsi,
S pinsava d' esser lu qu' affurtuna,
E ch Mandricud avise da star indri,
E non sol Rudumont, mo tutt i sù
Ern d st parer, african e spagnù.

106.

Tutt za savev quell ch l'aveva fatt
Pr'amor so dli in t'gli altr, e anch in sta guerra,
E Mandricard, ch s'accorda d star a st patt,
Tinin pr'al più babban, ch mai fuss in terra.
Mo quest, ch'era sta sig più volt d'arpiatt
In quell mentr ch'el Sol era sott terra,
Al saveva d'aver bon pegn in man,
E ai lassava baiar, cmod s'lassa i cau.

107.

Dinanz al re tutt du s' dinn la parola,
Anzi i zuronn d n'avess da lamintar.
Insen i andonn tutt da gula bella fiola
Pr'udir dov la sentenza andava a dar.
Li arbassò i ucc, e po diss sta parola.
Che Mandricard più d qu'altr i era car.
Tutt armasn incantà, e più Rudumont,
Ch'n s'attintò gnanch più d alzar la front.

108.

Mo prest l'ira, ch' i vign, vi la mandò
La vergogna, ch l'aveva un poch mudà:
E ingiusta la sentenza al numinò
La saracca defudrand, ch l'aveva a là.
E innanz al re e ai altr al protestò
Ch'al vlev'esser da lor sol sentenzià,
E non za dal caprizzi d'una donna,
E l' doun en n'han mai fatt una ch sia bona.

109.

Al Tartr allora d nov al saltò sù,
Digand: Vlutira, fen pur cmod ev par.
Sicchè la lit al pars ch la 'n finiss più
E nessun cgnusseva cmod la s'pessias andar;
Mo al re Agramant allora s livò sù
Es diss a Rudumont ch'al lassass star,
Ch'an pesseva più andar contra cun unor
A Mandricard, e quai s' furnì st' armor.

110.

Rudumont, che s ved d'essr duppiament
Dinanz a tutt qui sgnori svergugnà
Dal re Agramant, ch' ai dev' esser ubbidient,
E dalla mrosa, ch l'ha quasi minchiunà,
An s vols più li fermar, e d tanta zent
Ch l'aveva per curtegg da cà guidà,
Sol numer du seudir sigh al vols tor,
E i padigliun l'abbandonà di mor.

111.

Cmod farev un, ch s vantass d'essr un bravass,
E ch l'andass in qualch sit, cun al pinsir,
D rompr la testa a quell, a quest el brazz,
E ch' ai tuceass di calz a lu in t al messir,
D lassars gnanch vedr al n'arè più mustazz:
In t l'istess mod allora al re d' Àlgr
Lott lott s'in v, pinsand a gula sgnurina
Ch'al calamar i ha dà d posta in t la schina.

112.

Ruggir, per vedr s'al po aver al sò
Cavall, al a moss, ch l'era za armà;
Mo in t l'istess temp del Tartr al s'arcurdò,
Ch'a far battaia sigh l'era ubbligà.
Rudumont al lassò andar, e s turnò
Pr'andar cun Mandricard dentr in t'al stecà:
Forsi anch perchè innanz a lu n'i intrass,
Per causa d Durlindana, al re Gradass.

113.

L'è ben vera ch' ai vins in cularin
A vedr cundur d nov vi al so cavall,
Mo, finì ch l'ava adess st'altr zattin,
Per riff o raff al le vol senza fall.
Mo Sacripant, ch'en n'ha cun qui s'vain
Altra lit o question da mettr in ball,
Al s mitt d gran corsa dri a Rudumont,
Per l'affar d-el cavall, cmod av ho cont.

114.

E al l'arev anch arzunt, s'al n'era un cas
Curios, ch'i andò a suzzedr dri la strà,
Ch'al fi tintinagar fin ch'all'uccas
Calò 'l Sol, e quasi d qu' al perdi 'l pià.
In t la Senna, ch'è un fium sempre pin ras,
Cascò una donna, e l'era squas angà:
Mo ste sgnor saltò in fond a dari aiut,
E salvandla ai dunò vita e salut.

115.

E quand al vols muntar d nov a cavall
Al trovò ch sta so bistia era scappà;
Mo lu, ch'è svel, e i pi l'ha senza call,
Al s'i miss dri d carrina, e an l'av chiappà
Ch l'era za d' n'ott, e in tutt st gran interval
Al pistò del berleid, di bosch, del strà,
Currend per dussent miia in pian e in mont
Prima d dar dentr in messir Rudumont.

116.

Mo cmod al le truvas, con so gran dann
(Perchè 'l re Sacripant buscò la paga),
Cmod al pers al cavall, e altr malann
Adess an ev dirò, ch bso ch' am appaga
D cuntarv del re d Sarza, che pr' i ingann
Dia Duraliz al sent l'ira ch'al sbraga:
Cmod dal camp d' Agramant vi al s'in partiss
Pin d vlen attorn più ch'en n'ha cent biss.

117.

Al trava di suspir ch buttavn fugh
Da per tutt dov passava st sarazin,
E al s'inteva dal grott ch'ern in qui lugh
Ripeter in vos dulenti al so latin.
Al deeva: Oh! doun, ch'avi un talent, ch'è un zugh
Ch prilla per tutt i vers, senza aver fin;
Funtan a si d'ingann e d mala fed,
Aqua ch pur tropp en cava mai la sed.

118.

Ne al mi amor ne la gran servitù,
Ch in cent manir a procurò d mustart,
Donna perversa, a tgnirt al cor zuvò,
Ch t' u'al vultass subit da tutt altra part.
Al t'è che mi sia più brutt o debl d qulù
Del re Tartar, st m'ha vlu mudar el cart,
Ma la vera rason ch m'ava dà dann
L'è ch t'i femna, ch vol dir madr di ingaun.

119.

Mi a cred che st sess bricon madr natura
Ava fatt nassr al mond sol per castigh,
Pr' una carga d gran pes, pr' una sciagura,
E ch sezza donn an arèn tant intrigh.
Cmod el vipr in t'i munt nassen e in pianura,
E urs e luv e tigr, ch dan gran brigh,
E per l'aria zinzal, vresp, e tavan,
Aqusi anch qustor per darz un po' d pan pan.

120.

Perchè mo 'n pseevlla far ch'el genr uman
Senza donn al se peiss multiplicar;
E cmod el piant indiss al brav villan,
Aqusi i omn s'avissn pssù furmar?
Mo as ved ch natura en po cun el sou man
Far cosa ch sia perfetta e regular:
E in st'ovra l'ha fatt cgnussr anca li
D'esser femna, furmand sta mala zni.

121.

Ne v la buffà per quest ne purtā in vant,
Dunnazzi, a dir che l'om è vostr fiol,
Perch nass i zii da del puzzlenti piant,
E anch tra i spìn la rosa nassr sol.
Superbi, traditritz, ch s'cruvn del mant
Dia fedeltà, per darz in t'al fasol,
Mo in sustanza iufam tutti, e, cm'a sen d cò,
Basta a dir ch'el nasciun senza la cò!

122.

Cun sti lamint, e altr ch vgnevra dri,
Rudumont s'in batteva lu so strā,
Ora a cavall, ora girand a pi,
Ora dseud piau, ora strilland da dsprā;
E sempr contra 'l femn tirand vi.
Mo in quest s po dir ch dal tort l'è purassā:
Che pr'una o dou trovandn poch d bon
An a pol cantar de tutti in t' l'istess ton.

123.

Ben mi però a poss dir ch quant ai n'ho amā
D'avern una trovā an poss dir fedel;
Mo per quest an vui far d tutti una madā,
Anzi a cred ch tutti n'avn brisa st pel.
Tutt san ch'a in sriā, ch'a i n'è, e ch'a i n'è stā
Pini d virtū, e al digh qui senza vel:
Mo mi a poss dir d'aver avū st arli
Ch s'a i n'era una cattiva, l'era mi.

124.

Eppur prima d morir a vui tant pescar,
Anzi innanz ch'ai cavi 'm vigna la brina,
Ch'a sper in t'una bona aver da dar,
E ch n'em fazza adannar sira e mattina.
Diga chi vol, mo mi a la vui trovar
Una ch sia tant garbada e d virtū pina,
Da farla al mond stimar quasi bella cosa
Degna d'esser ludā e in vers e in prosa.

125.

Rudumont en s sinteva mauch magon
Contra Agramant, che contra a qula braghira,
E quasi al va zo d carzā da bazzurlon
A dann d sti du suggett cuvand tant ira.
Al vre ch'al re armagniss di anmigh person,
E ch'al so regu s' truvass all'ultima sira,
Ch l'Affrica tutta andass a ferr e a fugh,
Ch gnanch una preda i fuss arstā a so lugh.

126.

E ch'ardutt in miseria st povr re
Girass pr'el strā dmandand un bagaron:
E la po cun la forza e l'valor ch l'ha
Ai vre far vedr allora cmod l'è bon
D ricquistari al Stat, e anch più in là;
E ch'un amigh d sta fatta, in conclusion,
Meritava un decret in so favor,
Ne mai contra d lu far quasi gran error.

127.

E a qula pteggula ch'ai vgniss i baffi d'gatt,
E al nas ch'al si pigass a bech d zvetta:
D'un mostr in souma ch la fuss al ritratt,
E in st mod s la tgniss quel so rival del bretta.
Aqusi l'va lunariand, e d strā un bon tratt
L'ha fatt fur a Fruntin, ch'en n'è una fetta,
Taut ch l'arrivò in Pruvenza, e l'ha fatt dsegu
In Affrica turnar in t'al so regu.

128.

Qui l' trovù 'l port più d nav e grossi e panini
Ch'avev d grau pruvvist cuudutt ai mor
Da vari part luntani, e anch da vsini,
Perch'omn e bisti avissu del ristor.
Qui ai è bott e battsin d'oli e d mel pini,
Castrun, pigur, vidù, purz grass, e tor,
Cun del vacconi ch dan di bigunz d latt,
E cass d farin passā in più d'un buratt.

129.

Cun tutt sti intrigh, ch'avev impi 'l paies.
Tra ch l'era nott e tutt, qui Rudumont
Fa i cunt d traitgnirs, tant più che un ost curtes.
Ch l'acognusseva da un pezz, l'invidù pront.
Allora al dsmonsta, e l' s cava nn qualch arnes,
E tutt cunsegna all'ost, ch'in fazza cont,
L'entra, al sed, e s'ordna da magnar,
E vin bon, sovra l' tutt, ch s'ha da purtar.

130.

All'ost, che fort ai prom d fars quì dl'unor,
Perchè l'sa ben quant st'avvintor valeva,
Ai fa un preparament quant al po mior,
Tant più che tutt i su gust za l'acognusseva.
Ai porta un salum cald, ch'fa un gran udor,
E un bel trael arrost, ch'l'apit muveva,
Del pan bianch, e del vin scelt, del buttain
Ch'per qui ch'i premn più in riserva al tin.

131.

Rudumont sti pr'un poch sovra pinsir
A testa bassa, bruntland, pistand i pi;
Mo l'ost i diss: Curagg, sgnor cavalir,
Ch'al metta pur da un là el malincuni.
Qui i è cvell d bon, ch'la panza i po arrimpir,
Roba, ch s po dir, ch'l'è vora grazia d Di:
Ai digh che quand l'ha ben magnà e ben brù
Al manda tutt el dui finna a cà d qulù.

132.

A st cunsii dl'ost al re n'arspundi nünt,
L'alzò la testa, e po cminzò a trinzar,
Mittends cun dla gran furia a sbattr i dint,
E a dar dentr emod vè a qui bon magnar.
Quand al savor d qula roba in bocca al sint,
Un gig' al pars ch'al s vgnies a sullivar;
Mo quand po d quell bon vin l'av tracannà,
Allora da quell ch'l'era al s sent mudà.

133.

Mo d quand in quand però l'ira l'assal,
En passend tutt in t'un colp mandarla a spass,
Ch'an po subit padir i gran per-mal;
Mo in t la ment 'd st'umazz, ch'è tant smariass,
I ern em'è l'nuvl dop a un timpural,
Ch'en dspicchi una dall'altra e s van d bon pass.
In fin, quand l'av fatt d nett in tutt i piatt,
L'alza l mustazz, e au s sint più tant astratt.

134.

Al guarda l'ost, e qui altr ch'ern li
Però cun una cira un poch più averta,
Dsend: Tutt vu altr, ch si quì intorn a mi,
E ch la muier a avi, dsim alla decverta
S la v'è fedel, o s la v ha mai tradi?
For che l'ost, tutt qui altr: Ch'al s'accerta,
I arspom, che l nostr donn en tant copp d'or,
Pazienti, bon, fedel, pini d bon cor.

135.

L'ost allora di su, dsend: I mi fiù,
Am cuntà una zirandla la più grossa:
El donn fan incantar, dvintar tant chiù
Qui puvrin che gli han sotta alla so possa.
Enssun prà credr mai ch'al di d'ancù
Tant donn sippn d natura quai commossa
D'esser fedel e bon, bso credr almanch
Ch'el fan credr ai bagian ch'al negr è bianch.

136.

Anca lu st sgnor srà ben del mi parer,
Che, siccom an i è al mond che una Feniz,
Quasi a cred ch', in sia sol una, a dir al ver,
Ch fazza in mod ch so mari s chiama feliz.
Tutt credn essr quell dess, mo in san ch l'per
I en purtà vè d'm t l'ort, puvr infeliz,
Mo tant e tant i credn d'esser qu' un
Ch'ava in cà so al mior tra tutt i beccun.

137.

Anca mi a fu in st'error, mo quest fu tolt
Da un nobil venezian, ch quì capidò,
Ch fu za da mi cun bona cira arcolt,
E dalla mi ignuranza am liberò,
Perchè dscurrènd d sta cosa vari volt
Di esempi e del rason tanti am purtò
St sgnor, ch s chiamava Zan Francesch Valir,
Ch'am provò che chi s fida ha un gran cimir.

138.

Quest era un om aduttrinà, e l saveva
Tutt i traqual del donn a menadid,
E am fi cgnussr quant mai mal a cherdeva
Cun al so bel parlar franch e pulid.
E sotta ai ucc in t'un mod chiar al mtteva
Quant el donn sippn furbi, a quant scaltrid:
E s'una par unesta più ch n'è qu'altra
Al davin perchè l'è più furba e scaltra.

139.

E fra gl'instori tanti, e i fatt ch'am diss,
Ch'an 'm n'arcord d'un terz gnanch la mità,
Al m'in stampò in t la ment una què d fiss.
Ch'an 'm la son mai più ai mi di dscurdà.
E a son sieur ch, s'ugnuv d vu la saviss,
Av trarissi tutt quant cert dal mi là.
E quand a st sgnor n'i aggriva d'ascultar,
Av la dirò, za ch'an ho un gran da far.

140.

Ai arspom Rudumont cun un dittazz
Un po dsunest, e s diss: Anzi ai ho a car:
Propri a sentr dir mal del donn a sguazz,
E l'è l favor più grand ch'em s possa far.
Sdi li, ch'av possa vedr in t'al mustazz,
E la fola cminzà netta a cuntar.
Tutt quell po ch l'ost in st'ocasion fi udir
Al dirò dman, ch l'adess a vui durmir.

FIN DEL CANT VINTSETT.



CANT VINTIOTT

ARGUMENT

*Contra del donn ascolta al re d' Algir
Una lezza sturiazza, e s' n' i dà d' nas.
Pr' andar vers i su Stat chiappa al sentir,
Mo al trova un altr lugh, ch' adess i pias.
Pr' Isabella d' amor cald al s sent vgnir,
Mo l' implizz ch' l' ha cun li ben fort i d' spias,
A vui dir del Rumitt, ch' è cun sta signora;
Mo al s' al d' scava d' tra i pi in tanta malora.*

1.

Chi vol saver del donn la furbari,
La gainità, i ingann e la duppiezza,
S' i mari s' ponn fidar, quand i van vi,
S' a s' possa credr a la so tenerezza.
S' al torna al cont averi gelusi,
O in libertà lassari la cavezza,
Ch' al leza st Cant ch' è qui tutt adaffatt,
Ch' al truvarà da armagnar suddisfatt.

2.

A cred ben ch' al sre mii mandarl a mont,
E quattr o cinqu fazzà lassarn indri,
E saltar dlungh dov trova Rudumont
Una zovna e un rumitt in campagn.
L' Ariost la scriss, e quei anca mi v la cont,
Ma a dir al ver, propri in cunsinzia mi,
L' è una fulazza ch' s' pre lassar andar,
Massm da qui ch' del donn amigh vonn star.

3.

Mi adess an digh ch' la sippa vera o no,
Mo ch' la sippa probabl a i ho upinion,
Perchè i zattin d' cert donn anca mi a so,
Mo a tas, perchè al so uor a i ho descherzion.
Ch' el sippn tutti a un mod an al digh po;
Mo d' svari an i è tra d' lor d' un bagaron.
Ma a lass andar sti chiacchr, e s' torn all' ost,
Ch' acquai eminzò 'l raccont ch' l' aveva propost:

4.

Astolf di Lungubard re, ch' fu fradell
D' qu' altr, ch' lassò per vestirs da frà al so regn,
In t' la so zuventà l' era quasi bell,
Ch' puch altr cert arrivavn a quel segn.
Ne quai l' arèn pssu far cun al brav pnell
Ne i Carrazza o l' Alban, ne d' Guid l' inzeugn.
Bell insomma all' eccess, e lu al saveva,
E più bell anch d' quell ch' l' era al s' persomeva.

5.

An s' astimava tant per la grandezza
Del regn, ch' era 'l più grand d' tutt i su vain,
Ne pr' i gran suddit, manch per la ricchezza,
Sebben ch' l' aveva d' sciaia i cassun pin,
Quant per l' esser dutà d' la so gran blezza;
Per quest la fama aveva i Apennin
E 'l mar passà, e s' intends d' questa ludar,
L' andava in sbroda, avendl molt a car.

6.

Tra i su curtsan al vleva un ben spasma
A un cavalir ditt Faust Latin, ruman,
E cun quost al s' ludava purassà
Del mustazz, di cavi, del belli man.
Anzi dal re fu quest interrogà,
S' l' aveva mai, da vsin o da lontan,
O vist in altr lugh o ver cgnussù
Ch' un altr i fuss in blezza ugal a lù.

7.

Al cavalir ruman i arspos: Segond
Quell ch' a i ho vist, e ai ho sintù parlar,
Di bi emod a si vu puch i n' è al mond,
E tant puch, ch' in t' un sol i s' poun cantar,
E quest' è un mi fradell, ch' s' chiama Giuecond,
E fora d' lu, tutt i altr av poss zurar
Ch' a la gran blezza vostra arrestn indri;
Mo st mi fradell più bell' è d' vusgnuri.

8.

Sta cosa udend al re sinti d' la duia:
Ch' un i fuss d' lu più bell an l' arè critt.
Intant d' vedr e d' agnussar ai vins la nuia
Quel bell om ch' al ruman i aveva ditt,
E tant al spunchiunò, ai vgn tant a nuia,
Ch' finalmeut, per d' scavarsel dai garitt,
Al diss ch' l' arè provà tutt el manir
Per veder a Pavi Giuecond d' far vgnir:

9.

Mo ch' al sre sta difficil purassà
Farl partir da Roma, e arivar li:
Perchè sempr l' avè 'l fugaral curà,
E fora d' Roma al n' era mai uscì,
Gudend quell ch' l' ha dal padr eredità,
Ch' an l' aveva fatt cresser o sminui.
E ai arè para, per vgnir sol a Pavi,
Un viazz più ch' n' è andar in Tartari.

10.

Più la difficultà sre stà mazor
D' attacch alla muier pesserl d' spiecar,
E al portava a sta donna tant amor,
Ch' sol quell ch' la vleva li al saveva far.
Mo pr' ubbidirl, lu, ch' era al so signor,
Ch' l' arè cercà tutt al pussibil d' far.
Oh sì sì, diss al re: andà donca vi:
E ai di d' roba e d' quattrin gran mucchia dri.

11.

Faust andò donca vi, e quand l' arrivò
A Roma, dal fradell l' andò a dsminutar,
E quì tant agl' in diss, tant al tudnò,
Ch' ai prumtti finalment Giucond d' andar;
E s' uttign anch, cun un gran stent però,
Ch' so cugnà s' cuntintass, mo a farla sqndar
Ai vols purassà chiacchir, e fari vder
L' ntil, ch' i psservn da qu' andada aver.

12.

Giucond fissò quell d' ch' al vols partir,
Di cavall l' ammanvò e dia servitù,
Di abit guerni da psser ben cumparir,
Perchè un ben vsti s' unora sempr d' più.
Mo la muier cun squas, smorfi e chimir
S' afflizz, suspira, pianz e tira sù,
E s' diss che d' cert, a vedrì vi andar,
Pr' al gran dolor l' aveva da cherpar.

13.

Ch' sol a pinsari, fin d' in t' el radis
La s' sent strappar pr' al gran dolor al cor.
La mi zoia, en pianzi, Giucond i dis,
Ch' am fa anca mi smergular, car al mi teor;
Mo pregà 'l cil per mi, ch' passà du mis
A turnarò pr' al cert, s' intant an mor,
Ch' al re n' em farà star d' più fora un di.
S' al vliss anch al so regn partir cun mi.

14.

Mo gnanch per quest la sposa s' arcunforta,
E s' dis ch' s' al starà tant ai sarà del taquil:
E, quand al torna, s' an l' attrovn morta,
Al prà scrivr d' sicura pr' un miraqul.
Dop la fi la spasmiò, la casca morta,
E tant la se smanio, ch' al fu un spettaquil;
In manira ch' Giucond squas es pinti
D' aver a so fradell prumiss al d' si.

15.

Li aveva una cros ricca purassà,
Carga dentr d' reliqui d' lugh sant,
Ch' era stà da so padr eredità
Da un cert pelgrin tudesch vgnù d' in Levant,
Ch' in cà di su, al puvrin, s' era ammalà,
E a qu' altr mond l' andò in concett d' sant.
Li, ch' l' avea purt al coll sempr ai su di,
La s' la cavò, e s' la cunsegnò al mari;

16.

E s' al pregò a purtarla pr' amor so,
Perchè al s' aviss d' li sempr da arcurdar.
Giucond l' av molt a car, e al don l' aztò,
Cmod cun qu' ch' dōnen cvell a s' ha da far.
An se srev miga d' li scurdà però,
E in qualunqu' cosa l' aviss passù incuntrar
Bona o cattiva, fussla anch stà la inort,
L' arè avù sempr in ment la so cunsort.

17.

La nott innanz al di, za stabili
Cun so fradell, ch' i avevn da andar vi,
Oh 'l gran dsprazion ch' quili fi cun so mari.
Per dspeicars dalla cara campagni!
Ne l' un ne l' altr gnanch un gozz durmi,
Ma prima d' l'alba lu s' miss a la vi,
Al s' tols licenzia, e po a cavall muntò:
Lu andò a bon viazz, e li a lett la turnò.

18.

Al n' era gnanch don miia in lontananza,
Ch' al s' arcndò dlla cros, ch' l' avea arpiattà
Sotta al cavall la sira, e per dsminanza
In t' l' istess lugh al l' avea lassà:
Al cminzò a dir tra d' là: Mo cun ch' creanza
Preia rinvangar scusa ch' sippa aztà?
Mi mner chi sà cosa la dirà!
E d' poch amor per li m' accensarà.

19.

Al pensa un pzol, e un bon ripiegh an trova.
Ne bona senza appressa a la patrona.
An vol ch' enassun di su servint es mova,
E al sarà ben fatt turnarsn lu in persona.
Al s' accosta al fradell, e ai dà sta nova,
E in t' un nrecchia ai dis ch' al l' abbandona,
Perchè an po far a manch d' indri 'n turnar:
E lu a Baccan dall' ost al staga aspttar.

20.

Biisò ch' a vaga mi propriament:
An poss mandari nssun d' qustor ch' in cun nù.
Aqusi diss, e s' vultò subitament
Al cavall per la strà dov l' era vgnù.
Za al di cminzava a vgnir chiar e lusenat,
E l' alba a mezz del cil era andà sù.
L' arriva, al dsmona, e po l' indirizza i pass
Vers la sposa, ch' durmeva cmod fa nn tass.

21.

La trabacca l' alzò senza dir ngotta.
E quell al vist, che d' dver an chedeva.
Ch' la so bona muier i aveva rotta
Qua fed, qu' amor ch' a in prntiar la dseva.
Perchè l' aveva sigh ai linzù sotta
Un cert znnvett, che ben lu l' agnusseva:
Pr' essr un so servitor, ch' finna da pzin
L' aveva tolt in cà dai bastardin.

22.

S l' arestò smarri, cunfins e malcnntent.
Senza ch' al diga, tutt al ponn pinsar.
L' è mii credrì, che far l' esperiment,
Ch' Giucond, puvrett! fu allora sfurzà a far.
Dalla stizza al pinsò in quell moment
Cun la spada tutt d' d' vleri ammazzar,
E a quia manira cavare al cimir,
Ch' tant altr portu, e s' en s' in dan a dir.

23.

Mo al pövr om era tant d'la muier cott,
Ch' amor n' i lassò far el sou vendett.
Pr' en dsgustarla an la dèdò, anzi an fi mott,
D' averla trovà a lett cun quel zuvnett.
Qued qued al torna vi, e cun un bon trott
Novament per la strà za fatta al s mett.
E tant cun al cavall al tuccò vi,
Ch l' arzunzi Faust, ch guanch era all' ustari.

24.

Tutt acgnussinn ch' al s' era tramudà
E ch' ai era suzess qualch cosa d mal.
Ma nssun sav mai pinsar cosa fuss stà,
Ch lu tasi sempr, cmod farè un stival.
Lor cherdevn per cert ch' al fuss turnà
A Roma pr' un affar ch fuss andà mal.
Mo dentr d lu al saveva, e s stava qued,
Che in scambi d Roma, l' era andà a Curned.

25.

Faust s' appinsava cert ch' al s' affizziss
Pr' aver la sposa a cà sola lassà.
E Giucoud, pr' al cuntari, s' arrabiss
D' averla lassà tropp accompagnà.
Sempr al stà cou al zuff, guardand 'd fiss
La terra, suspirand e dscunsulà.
Tutt el strà cerca Faust per confurtari,
Mo, eu saveud al so mal, an po medgarl.

26.

Appinsand d rimedià a st so malann,
Ch fa ch' al pövr Giucoud propri se destruzz,
Cun quell ch' al cred d zuvari ai dà più dann,
Sempr al s' affizz de più, e la blezza fuzz.
L' arcudari la sposa i dà più affann,
Ch' a quel nom al s' cuntrista d più, e s ruzz.
La vuia i scappà vi d bever e d magnar stlà,
Ne arpos al di o la nött an po trovar.

27.

As ved ch s' i arpiatta i uccch dentr in t la testa,
A s' i assuttiia al nas, casca el mussell:
Del solit bell culor più an n' ha una pesta,
Tant, ch' au po più far mostra d' essr bell.
Anzi una fivra s' i azzuntò mulesta,
Ch' al fi fermar parich di in t un castell
Per pesser guarir, e al vign tant magr stlà,
Da 'n l' acgnusar per quell di di passà.

28.

A s po pinsar s' a Faust ai sghervava
A vedr vgnu quai derelitt e destrutt.
E più pr' amor del re, perchè al s mustrava
In t' el lod del fradell basadr in tutt.
D' aver promiss d cunduri, al s' arcudava,
Al più bell om, e adess al vdrà al più brutt:
Mo pur al seguitò innanz la so vi,
Tant ch' al guidò Giucoud dentr in Pavi.

29.

Mo, per n' aver dal matt dal re a tutt past,
An vols tutt in t' un punt fariel present;
Mo cun del litt prima al toccò 'l taset,
Digand ch so fradell vgneva cun gran stent;
Ch' un gran dulo e al viazz i avren guast
El blezz, e po azzuntà s' i era ultimament
Una fivra maligna strampalà,
Ch l' aveva da quell ch l' era tramudà.

30.

Quand l' arrivò, molt ben al re al gradi,
E quant a un car amigh ai fi cursi;
Perchè al n' aveva mai bramà ai su di
Tant una cosa quant qu du fradi.
Però al n' av miga degust a vderl aqusi,
Ne ch' a gli arstass a lu in t la blezza indri;
Ma al cgnuss ben e s vist ch, s' an fuss stà al mal,
S' al n' era d più, in t la blezza ai sre stà ugual.

31.

In palazz a gli assegnò un appartamento,
Cun tutt mai quell ch' i psseva bisagnar,
Al vols ch' al fuss provist suntuosament,
E tutt i di al l' andava a visitar.
Mo, pinsà vu, Giucoud semper dulent,
Al fatt d'la muier en s po dscurdar.
Ne ball ne fest nè zugh o altr spass
Fan che la so salut avanza un pass.

32.

L' appartamento d'ovra era in t' i mzanin,
Cun una sala dpinta granda e antiga:
Qui sulett ben e spess steva al puvrin,
Ch' al star in cumpagni i era una briga.
Qui 'l deplurava sempr senza fin
La so gran dedita: ma una stella amiga
Per liberar da quel so gran edi,
Qui i fi trovar (e chi al cherdrè?) al remedi.

33.

Dla sala in t' un canton più armort e bur,
In dov la finestra ben rar volt s' avveva,
Al vist ch' un busamett era in t' al mur,
D' in dov un' aria chiara trasparava.
Al vò dlungn a guardar, mo a v' assicur
Ch' al vist quell ch veder mai cert an cherdeva:
E s' a i al fuss andà un nltro a cuntar,
L' arè ditt: L' è una cosa ch' en s po dar.

34.

Da quel bus usservand, a s vdeva tutta
Dla regina la stanza più segreta.
In dov persona nssuna era introdutta;
S la u' era ben fidà, prudent, discreta.
Quasi qui guardand, al vist, ch' a s' era arduata
Sta sgnora e un brutt traiott, e quieta quieta,
La leva al brazzà sigh, mo poch passò
Ch la regina era armasa sotto a quili.

35.

A vedr st cas, Giucond arstò incantà;
Al principiò tutt da i ucc'h a sfersgar,
Mo quell ch'al ved cgnussend ch l'è verità,
E al n'era temp allora d'insuniars;
Da uua schivezza, al diss, d sta qualità
Donca lassa sta gran sgnora abbrazzars,
Ch ha per mari del mond al più bell fast,
Ch'è al più bel zovn ch s trova? Oh ch ladr gust!

36.

Allora d so muier al s'arcurdò,
Per la qual sempr al stava decunsulà,
Perchè cun qual garzon al la cattò;
Mo almanch quest s'era un bell ragazz trovà.
Am chiariss verament adess, diss pò,
Ch tutt el donn un strazzol mett in bugà,
Tutt quell ch'el disu l'è busi e finzion,
E quel puvrett ch'i cred l'è un gran minchion.

37.

Al di ch vin dop, al torna all'ora istessa,
E curios a quel bus s mitt a guardar;
Mo bona, al ved la brava principessa
In cumpagni dla traia a lavurar:
Tutt i di ch lu guardava per quela fessa
Sempr era a un mod, e un di in lassin passar.
Mo quell ch' i sà più dar, la sgnora s dol
Sempr d quel so traiott, ch poch ben ai vol.

38.

Una volta tra gli altr, al stà a usservar
La rigina daturà trar di sospir:
Per dou volt al traiott l'ha fatt chiamar
Per la dunzella, e pur an s vdeva vgnir.
La terza volta, ch la i la fi turnar:
Al zuga, sgnora, questa i turnò a dir;
E, per pora d en perdr di quattrin,
Al stà d'en vgnir da li, quel bell captin.

39.

A vedr un fatt quasi stramb fu per Giucond
Quell ch' i zuvò a trancar dui e martir.
Cmod l'era prima al s fi san, rubicond,
An pianzi più, ne più tri di sospir.
Al turnò alligr e in ton da cap a fond,
E grass cm'è un bell cappon lu al s vist vgnir.
D mod ch so fradell, al re, cun i curtsan
I s maravionnu, mo al gran secret in san.

40.

S'al re, per la so part, era curios
D'intender cmod Giucond era guarì.
Anch dalla so Giucond era vuos
D cuntar al re cmod al so mal finì.
Mo an l'arè vlu po a vindicars furios,
Anzi al fuss stà cmod lu fu un bon mari.
Pr'infurmarl, e la sgnora n'infamar,
In parola da re al fi al re zurar.

41.

In st mod al vols ch'al re i diss zurament:
Qualunqu cosa al saviss, o pur ch'al vdisse,
Anch ch la fuss contra d lu direttament,
E poch o purassà anch la i dspiasiss,
De nssun temp n'in far mai risintiment,
E taser, in manira ch mai an pesiss
A quell ch fuss malfattor essr pales
Ch lu aviss in t'un quèlch mod sti cos intes.

42.

Al re, ch'agn altra cosa arè pinsà
Fora che questa, francament zurò;
Quand al s fu a sta manira assicurà,
L'instoria d so muier Giucond cuntò:
Cmod al la vist cun quel zovn abbrazzà,
Ch fu la causa che tant al s cunturbò,
Tant ch'in ultim al fu li li per murir,
S'al remedi anch un poch tardava a vgnir.

43.

E po 'l diss; Ai ho vist tant ch'am consol,
Iust adess, propri qui in t'al so palazz,
Za ch'a purtar el corn an son più sol,
Per sta cosa an 'm vui più mettr impazz.
Fatt tutt ste discors, el re al tols sigh 'd vol,
E ai fi vedr la sgnora, ch'era in brazz
Al nainett, pruvdend la so real persona
Ch'an i mancass una nova corona.

44.

S'al re arestass d stupin, cunfus per st fatt.
Al cherdri, senza ch'av sippa zuvà.
Al fu squas pr'arrabbir, per dvintar matt,
Pr'inzuccars, a sta brutta verità.
Al fu pr'avrir la bocca, e n star ai patt,
Mo al bisugnò per forza tgnirla aserà,
E quela pillula amara stragualzar,
Pr'al zurament, ch' Giucond i avea fatt far.

45.

Oh! car amigh, cos'oià mai da far?
Cunsiam in st cas, al re dseva a Giucond,
Za ch'an'm poss a un mod vendicar
Pr'essr a zurar stà tropp e prest e tond.
Giucond arpos: Avèn da abbandunar
Sti nostr donn, e andarn vi pr' al mond,
E qui vedr s'a pssen far anca nu
Ai altr quell ch z'ha fatt i altr a nu.

46.

A sen tutt du dla zuventù in t'al fior,
Ne per la blezza nssun z po star avsin:
Mo s'anch per quest mai an truvassn amor,
Az in farà trovar di bun quattrin.
Per dir la verità, mi a sou d'umor
Ch'an turnamn tutt du ai nustr couffin
Fin a tant ch'an avèn in mill manir
Anca nu a più d un miar fatt al cimir.

47.

Andand luntan per pais furastir,
E cun el donn d'altr a praticar,
L'orsi el nostr passion s'pran alzirir;
Anden: cosa srà mai? az pssen prubar.
Al re ai piassi, e s' ludd ste nov pinsir,
E s' diss ch'allora allora al vleva andar.
Subit e d'pagn e d' zechin fi far fagott
E cun du servitur s' n' andonn lott lott.

48.

Travsti pr' Italia e per la Franza i asionn,
E per Piandra, e s' passonn anch tra i luglis.
Tant quant i pasina trovar d' più belli donn,
I funn da tutti azztà cun att curtis.
Anzi ai in fu tanti ch' i pregonu
A tor indri i quattrin ch' i avevn spis.
Perchè s' i brutt dal donn i s' ponn salvar.
Lor, ch'era i du più bi, a s' po mo pinsar.

49.

Trenta o quaranta di per lugh i stevn,
E aquisi i s'assicuron cun l'esperienza
Che 'l donn d'altr pais l'us del sou tgnevn,
D'amor, d'cor, d' fedeltà siand tutti senza.
Dop un cert temp, i vistin po ch' i pasevn
In quela vita durar, ch' i aveva cmenza;
E ch' l'andar per sta cosa in cà dila zent
I arèv niss in qualch prigul finalment;

50.

Al re diss a Gincond: L'è miù trovar
Una, ch' daga a tutt da in t' la fantasi.
E tutt e du cun li pssers agugliar,
Senza ch' un ava d' qu'altr gelusi,
Ch' mi a son content, cmod av pssì immaginar,
D'aver più vu che un altr in compagni.
Tra tutt el femm, a ved ben anca mi
L'na en s' trovar ch' s' cuntenta d' so mari.

51.

Tutt' al di andar in questa e in qu'altra cà
Z po nuss, e semp robà nova vler.
Per tutt du trovarn una miù al srà
Senza che insem avann nssun dparar.
A cred che anch a qusti an i aghervarà;
Ch' s' el pssiss tutt el donn du mari aver,
Forse ben ch' el tgnerrèn l' unor più astricch,
Ne tant s' lamintarèu d' esser fatt biech.

52.

D' quell ch' diss al re, Giucond s' mostrò cuntent,
Digand: Ch' al fazzo pur lu quell ch' al vol.
Dop essers dà tutt du st' appuntament,
I cerconn, pr' attruvarla, anch un bon pzol.
Ch' fi al so cas, i den dentr finalment,
Dop aver pscà, in t' la fiola d' un spagnol
Ch' aveva un nstari in t' al port d' Valenza,
Bella d' manira, e bella in t' la presenza.

53.

Questa era bianca e rossa, e non tant grassa.
In t' al fior propri dia so zovna età.
Di fin so padr n' aveva una massa,
E s' era nmigh martial dal puvetà.
Siechè pregar da lor gran fatt an s' lassa,
E la fiola ai cunzdi, ch' i fu dmandà,
Ch' i la passiss cundar in dov i vlevn,
Perchè d' trattarla ben promiss i avevn.

54.

I mnnon la zovna vi, e s' tolevn spass
Ora l'nn, ora l'altr senza invidia,
Senza ch' tra d' lor la gelusi i intrass,
Ch' alla pas di mari tant volt fa insidia.
Per tutta Spagna i vlevn movr i pass,
E po in Affrica, e po veder la Numidia.
E quel di istess ch' da Valenza i s' n' andonn,
A Zattiva la sira i s' affermonn.

55.

I du amigun usservn cuntrà e piazz,
E l' belli cis i van a visitar.
Con tant altr bi lugh e bi palazz,
Cmod tutt i furastir en solit d' far.
La zovna e i servitur s' dan gran piezz,
E al bisugnev cercun d' preparar,
Perchè da quell' ora ch' i turnavn indri,
E stanzi, e cenna, e lett fussen alla vi.

56.

In t' la lucanda un camarir ai steva,
Ch' qualch temp indri servì l' padr dila tosa.
E za a gli aveva ditt ch' gran ben ai vleva,
E sta spippia en fu brisa sigh ritrosa.
Adess, cun tutt ch' l' un l' altr s' agnosseva,
Per bon riguard la cosa tinin ascosa:
E quand n' i fu più nssun ch' guastazz al mazz,
Allora tra lor du i tacconn buttazz.

57.

Ai dmandò al camarir in dov l' andava,
E d' qui du sgnori ch' era al so patron?
Agn cosa i dias Fiammetta, ch' l'as chiamava
Lì aquisi; e un nom grech aveva quel garzon.
Ai diss po al grech: Ah! quand am appinsava
D' psser vivr vosc in santa pas e union,
A andà vi, la mi zoia? Ah! al zil sa lù
S' in nostra vita az pren vedr mai più!

58.

A ved ch' tutt i mi daigu s' arduan in niint
Za ch' a si d' altr, e ch' andà vi luntan.
Mi, a dir la verità fora di dint,
Am trovava d' aver un canturan,
Con qualch bulgnin, ch' aveva cun gran stint
Dai mi salari arcolt, e dal bon man:
Can questi a vleva a Valenza turnar,
E a vostr padr po farv dmandar.

59.

Li s'astrenz in t'el spall quand l'od aqusi,
Digandi ch troppo l'è stà tard a arrivàr.
Al grech suspira, pianz e s'fa al abasi,
E ai diss: Donca am vli veder qm cherpar?
Una volta abbrazzam, fin ch'a si qui;
Lassam un poeh d'amor cun vu sfugar
Innanz ch'andadi vi; s' sol un mmment
A stagh cun vu pr'al cert a mor cuntent.

60.

Fiammetta av compassion, e s' diss: Cherdi
Ch'a vre in tutt el manir farv cuntent,
Mo an so trovar pr'al cert ne mod ne vi
Ne lugh, perchè ai è troppa la gran zent.
Al grech i arpos: S per mi sol a sinti
La terza part d'amor, ch' mi per vu a sent,
Sta nòtt a truvàr temp upurtuu
Da star insem senza ch'al sava nssun.

61.

Mo cmod oia da far, arpos Fiammetta,
S la nòtt in mezz a du a son sforzà d' star,
E o l'nn o l'altr em tin abbrazzà stretta.
Tant che pr'al lett an 'm poss gnanch prillar?
Guarda mo! diss al grech alla zuvnetta,
Oh la gran cosa! e an v' in sari dsbruiar
Forsi ben? basta ch'a n'avadi vuia,
E per mi ch' an sintadi brisa nuia.

62.

Li i arspndi, em la i av pinsà su un bris,
Ch'a gli andass, quand tutt'ern andà arpnssar.
Mo ch'al faga ben pian la i cmanda e dis,
E s' i insegna a puntin cmod l'ha da far.
Lu ch' steva (cmod s' po credr) in t' l'avvis,
A qu'ora ch' al sinti la zent runfar,
L'andò pianin all'uss, e quest di indri,
E adasi adasi dentr al mitt i pi.

63.

Vers al lett al s'avià, andand bell bell,
Ch'un pe dinanz a qu'altr arriagh al mov
Pr'al gran timor d'en scappuzzar in cvell.
E al pareva ch l'andass su per degli ov.
Innanz al mett el man, e s' stà in zervell:
Al trova al lett iu ultim dop tant prov
E dalla part di pi, senza far zanz,
Al s' ficca sotto cun la testa innanz.

64.

E quel qued l'andò su tra 'l gamb d Fiammetta,
Ch'era volta all'in su, e s'al steva a aspttar,
E quand ai fu all'impar, l'abbranzolò stretta,
E infina vsin a di an la lassò star.
Tant ai piaseva d' star cun quela tusetta,
Ch' mai più an l'arè vlu abbandunar.
Quand cantò i gall, ch'as accustava al di,
Bisugnò finalment, ch'al s' tuliss d li.

65.

Al grech, quand l'av al so cammin furni.
Per quela strà fatta prima indri al turnò.
Mo al re e Giucond, ch'avevu ben udi
L'armed ch' tutta la nòtt al lett scussò,
E l'un e l'altr, in t' l'istess mod schernì,
Cherdern ch'al compagn fiss al fatt sò.
Fiammetta, quand al Sol av scazzà al bnr.
S livò da lett, e s' chiamò i servitur.

66.

E al re, volt a Giucond, ai diss burland:
A cred d' cert ch' a sri stracch purassà,
E l' srà ben fatt ch'av stadi qui arpuessand,
Za ch'an ev si per tutta nòtt feimà.
Giucond arpos al re, ancu lu ridand:
Li di ben essr stuff in verità,
Da za ch' tutta sta nòtt, ch'al bon pro i fizza.
Sburdelzà l'ha d' so gust cun la ragazza.

67.

Av digh al ver, turnò al re a replicar,
Vluntira, s'aviss psù, am sre divertì;
Mo za ch'al lugh an m'avì vli lassar,
Ai ho tgnù far crnsetta, e starmn aqusi.
Giucond i turnò a arspndr: Am po emandar.
E s' po far a so mod patt e partì;
E la pssea dir, per n'aver da dsptar.
Sta nòtt a la vui mi; lassala mo star.

68.

Un diss, e qu'altr arpos, tant ch', alla fetta,
I emzinpiònn tra d' lor a tuntgnar:
E dal burl as passò a qualch paruletta,
Ne l'un d' sotto da qu'altr vleva star.
In t' l'ultim i s'arsulvinn d' chiamar Fiammetta.
Can pinsir d' fars l'nn l'altr svergngnar,
Quand l'aviss li cuntà la cosa certa,
Ch'aveva una gran pora d' n'esser dsverta.

69.

Al re i di un'occhiadazza da inspietà,
E s' i diss: Dimm al ver senza tgnur
D' emssn d' nu: chi sta nòtt t' ha tgnù abbrazzà,
E tigh è andà d' bon trott per tutt quegli or?
E quai l' pensa ch' li a dir la verità
Farà cgnussr d' lor du chi è l' mentitor.
Fiammetta, allora ch' l'è a un brutt pass cgnussend,
La s' miss in znocch, e quai la diss pianzend:

70.

I mi signori, ugualment ai dmand perdon
S'ugualment a tutt du a i ho fatt l' offesa.
L'è stà causa l'amor d'un bell garzon
Dal qual ai era, za alla prima, presa.
Per n' al lassar murir dalla dsprazion,
D' lassarl vgnir sta nòtt am son arressa.
Cnn intenzion, ch'ognun d' lor du pinsass,
Ch'al compagn, tutta nòtt, aviss al spass.

71.

S'al re e Giucond s guardonù, al pssì pinsar:
Al pareva ch' i füssn du incantà.
I cherdenn ch' an füss vera, e ch' an s pssiss dar
Che cun tant' art du arstassn subinlà;
Mo, da li a poch, i füssn squas per cherpar,
Ch' i schiuppon in t' un ris quasi smanganà,
Ch' in pssèvn propri avèr al fià dal pett,
Tant ch' i casconn indri tutt du in t' al lett.

72.

Quand i avn ridù tant quant i pars,
Ch' ai feva mal al pett, i uech, e la bocca,
L' un diss a qu' altr: Ch vè! chi prà pinsars
Ch' una bona muier i sippa tocca.
Anch averù una in du s' an s po fidars
In qualch trentun ch la 'n casca o ch la 'n trabocca,
Cert mai schivar au pre un povr mari
S quant pil l' ha adoss tant volt d n' essr tradi.

73.

Del miara, e del più belli, avèn tintà,
E s' en n' avèn trovà nssuna ch contrasta.
E fra tanti, ch fin' ora avèn trovà,
Per tutti da per li questa sol basta.
Se l nostr donn el z' han incurunà
D cosa z vlenia aghervar, quand d' una pasta
Tutti a gli avèn trovà? Sicchè al srà ben,
S' in pas a godr el nostr a turnaren.

74.

Per l istessa Fiammetta i finn chiamar
Al grech, ch cumpars da lor incuntinent.
Lì alla presenza so i i finn spusar,
Dri dunandi una dota competent.
Qu' altr di vers cà so s missn a trattar
Za stuff d girar, e d vedr del nov zent.
Dal son spousi i turnonn, e iu finn chimir,
Ne di tort s missn mai più nssun pinsir.

75.

A sta manira l' ost finì la fola,
Ch tutt siutinn quant s po dir attentament.
Massamant Rudumont, ch' en diss parola,
Contra l' so us, uendla tutt pazient.
Quand tasi l' ost, lu diss: Al sangu d mi lola!
Tant iniqui eu el donn, che certament
Sol d' un miar i ingannu vler tgnir al cont,
A s' in pre scriv d lib' un gran mont.

76.

In qu' ustari mo ai era un om d giudizi,
Ch' aveva sovra l' donn altra upinion.
Ne pasend siutinn decorrèr in pregiudizzi,
Mittendli tutti in t' un fass e in confusio:
Al s vultò all' ost, e s diss: Simproni e Tizzi
Pr' odi e malizia spiffren del rason,
E per cos veri i dian del busi,
Cmod è quella ch' adess cuntà az avì.

77.

A chi v cuntò sta fola an i dagh ment
Anch s' al füss vangelista pr' altr cont.
Contra del donn lu aveva mal talent,
E a dir mal d lor as ved quant l' era prout.
Questù forsi srà stà ardit e impertinent,
Per quest al srà da lor stà mandà a mont;
E per gran rabbia al v cuntò sta storia qui,
Mo an srà stà d qu' umor un altr di.

78.

Mo quant i n' è ch, si eu instizzi cun un,
I in disn tutt qui mal ch' i ponn pinsar?
Del volt a s' è infamà auch tutt un cumun
Da chi s cred affruntà in particular.
E, s' una donna ha fatt tort a qualch d' un,
Per quest gli en tutti a un mod? a vui pinsar.
Ch s' al fi quel s' nor Valir st bel parlament
Al parlò in rabbia sicurissimament.

79.

Mo, a dir al ver, quant omu s ponn cuntar
Ch alla so sposa n' avn mai fatt tort?
O ch, s' ai vin l' occasio, ch negh d' andar
Cun el donu d' altr, e fari da cunsort?
Mi a cred ch' al mond nn sol en s possa dar
Ch' en cerca tutt el strà pr' un fin quasi stort.
Travà mo una sol donna ch prega e ch chiama,
Quand la 'n füss una qualch donnazza infama.

80.

Cgnussiv vu nssun, al qual n' abbandunass
So muier, per quant bella mai la s füss,
Per seguitarn un' altra, s' al sperass
Ch vultira la l' tuless dentr dall' uss?
Cosa farevel po quand la l' pergass,
O ch l' aviss di regall, in scambi d buss?
Per cumpiaserla, e pr' arrivà a st fin,
An stimarè la vita un sol quattrin.

81.

S' una qualch donna han so mari incurrà
Tant volt, pr' al cert, l' gli han avà rason,
Perchè i arrivn a cà sazi e svuà,
Siand cun degli altr stà in conversazion.
I omn han da amar, s dal donn vonn esser amà,
Ne d cert cos al muier dar occasio:
E mi, s' a pssiss, una lezz a vre far,
E lezz ch' i omn en pssissn contrastar.

82.

La lezz sre questa: ch la donna, trovà
Cascà in fall, füss dlungn cundannà a mort,
Quand la 'n pssias li pruvà cun verità
Ch' al n' aviss fatt l' istess al so cunsort:
Mo quand la l' pssiss pruvà eliar e spianà
Ch la füss libera e assolta da quel tort.
Un precett i è d natura ch dis aqusi:
En far ai altr quell ch t' en vriss per ti.

83.

Ai n'è del poch onesti, a n'al contrast,
Mo per quest an s po dir gl'in tutti aquai.
Mo di omn un an i n'è, ch s cunserva cast,
E piz del donn i en tutt, cherdinl a mi.
Lor assassin-n e ròben a tutt past,
I biastemn, e s'ingann-n tutt al di,
Zurn al fals, e s'in fan un po d'agn fatta;
E sol la donna è quella ch'ha nom d matta?

84.

Fatta sta dfeisa al donn, al vleva dir
Forsi quel galantom anch qualch esempi
D savi donn, non sol d fatt, ma più d pinsir,
Ch'han al so nom scritt dla virtù in t'al tempi.
Mo Rudumont, ch'al ver n'i par d sintir,
Al s'i vultò cun mod quasi dur e scempi,
Ch'al fi pora, e quasi l'fu sfurzà a taser,
Mo per quest an s mudò brisa d parer.

85.

A sta manira la dspùta fini,
E Rudumont a lett diess d vler andar,
In dov al s miss a zazr bell e vsti,
E finna all'alba chiara al sti a arpusar.
Tutta la nott l'è vera ch'an durmi,
Ch'al re e a Duraliz al sti a pinsar;
Mo in t'al livars del Sol anca lu s liva,
E, pr'andarsn vi in barca, al va alla riva.

86.

Al vols andar in barca, pr'en dar tant
Disturb e far zampigar al so Fruntin,
Quell ch'a l'ippalca al rubò, ch bravò po tant,
Vudande al stomgh contra d lu dri a quel cammin;
E s l'ha a depett d Ruggier e d Sacripant,
Mussem po d quest, ch ai custò tant quattrin.
Quel bstiol s'era affaccià, per sol du di,
E s dava a egnesser d'avèr molt padi.

87.

L'ordna al paron in barca ch'al l'arponda,
Ne al vol ch'al tuga nssun an la so zent.
Al fa in t'un tererè lassar la sponda,
E zo per Senna va la nav cm' un vent.
Mo più al pinsir a Rudumont abbonda
Ch n'al lassa pas aver gnanch un mument.
S'al vā, s'al stā, s'al dorm, bev, o magna,
Al pinsir d Duraliz da lu n s dscumpagna.

88.

Sempr dentr da lu al cervell s lambicca
Per memoria dl'ingrata Duraliz,
Ch sol pr' un mument d'in testa la 'n si dspicca,
E s'al fa render inquiet e più infeliz.
Lu s la vre pur dscurdar, mo più s'i astricca
In t'al so cor st'idea turmintatrizz.
La nott, al di, l'è sempr combattù
Da quel bardass d'Amor, ch'al tocca sù.

89.

Andand per l'acqua, forai lu s pinsava
Ch'al turment ch l'ha in t'al cor i are calā:
Mo, dāi e dāi, l'affront an se dscurdava
Ch' Agramant e quia sgnora i han usā.
Qu'istess dutor, ch'a cavall al pruvava,
Al sent in barca ch'al l'ha seguitā,
Ne andand per l'acqua al po ammurtar al fugh,
Ne stat al po mudar per mudar lugh.

90.

Omod a fagh mi, dai debit travaia,
Ch'ai vre pagar, e s'en m'attrova al psser,
E più am aggriva, cm'a vad per la strā,
S'am inecuch in qualch d'un d qui ch'han d'aver;
Bench'am ardoppa, e ch'a staga arpiattā,
Al par ch'al diav! i al fazza saver;
Quai Rudumont, ch'al sia dov al s vuia,
Sempr in t'al cor al sent quell ch'i dà nuia.

91.

Pr' al gran travai an pesi più star pazient,
E in terra l'vols ch'i al mtissen, Rudumont.
Lion al passa, e dop Vienna prestament,
E po Valenza, e d'Avignon al pont.
Perchè tutt quel paes era ubbidient,
Ch'è tra la Senna e dla Certosa al mont,
Al re Agramant e al re Marsili d Spagna,
Dal di ch'i arstonn patrùn lor dla campagna.

92.

Vers Aquamorta da man dritta al s tin,
Perch l'ha in t la ment 'd passar prest in Algir.
La sira in t'un cert lugh al s'intrattin
Abbandant d quel bon sugh ch vā in t'al bicchir.
L'è vera ch st lugh, arrivadi i Sarazin,
Fu disturbā, e sfurzā un gran dann soffrir.
Mo, siand sit grass, al vivr n'era car,
E da un lā s ved i camp, da qu' altr al mar.

93.

Qui al trovò una cisina, fabbricā
Ch n'era tant, in t la cima d'un muntein.
Ch vari pritin avern abbandunā,
Quand quai arrivonn i mor quei malandriu.
A Rudumont piasì st sit purassā,
Ch'al n'era quasi ai accampamint avsin
Da psser pinsar ch'a di per di i fuss ditt
Dl'esercit d' Agramant tutt quant i pitt.

94.

Donca st lugh i piasì quant s possa dir:
D'andar vers cā la vuia i andò vī.
Al fi el sou rob dscargar, e i mulattir
Al vols ch'i arstassn sigh in campagni.
Quest'era un sit cumdissm per far vignir
Al necessari da per tutt el vī.
Poch miia Mumpellier as ved luntan,
E di altr bun casti ch d'intorn i stan.

32

95.

Qui stand al re d'Algir un di ingrugnà,
Cmod za squas sempr l'era solit d star,
Pr' un sintir, ch'era in zo per mezz a un prà,
Una zuvnetta d garb vist arrivar;
Questa era da un Rumitt accompagnà,
Ch'andava, cun gran barba, d li all'impar,
Ch' tgneva un cavall a man, cargà ben fort
Da una cassa, ch ha sovra un pann da mort.

96.

Chi fuss sta zovna, e chi fuss quel Rumitt,
Senza dir altr, av al pssì immazzinar:
Perchè a so ch'in t'un Cant più indri av ho ditt
Cmod fi Isabella al corp d Zerbini assarar
In t'ua cassa, e cmod al bon Rumitt
In t'el sor la cunsid d'andars a sgar,
Ch'è po vers la Pruvenza s'indrizzonn,
Sicchè, andand pr'al so viazz, là i arrivonn.

97.

Bench Isabella aviss sempr un dular
Ch la fissa afflitta star sempr e dulentà,
E ch l'aviss pers al solit bell culor,
E fatta d'vintar smorta e mazilenta,
Senza più fars i rizz, ne dars dl'odor,
Suspirand d'un continv, andand piangulenta,
Pur dla bellezza ai n'armas tanta, ch Cupid
E'l Grazi trovà al lugh da fari al nid.

98.

Subit ch sta campagnù veim arrivò
A qula stanza in dov steva al re d'Algir,
Dentr da lu proposit al mudò,
Ch d'udiar el donn l'aveva fatt pinsir;
Mo, quand al blezz d'Isabella al guardò,
Senza star a pinsar altr ne a dir,
Questa i piassi, e al s dscurdò quell'altra in quell mod
Ch'es cava d'in t'un'assa chiod cun chiod.

99.

Al s'i fi incontra cun un bell parlar,
E in qula manira ch'al sav più galanta,
Pergandla e scunzurandla a vler cuntar
L'istoria dla so vitta ttutta quanta.
In poch parol la i diss 'd vler lassar
El cos del mond, e vedr d'vintar santa.
Mo Rudumont, ch n'ha assuna fed in al,
I dà d testa, rideud, a sentr aquei.

100.

Po agli arspundi, e s'i diss ch sicurament
Questa la i par una gran frenesi;
Cmod è quella dl'avar, ch l'or e l'arzent
Suppliss, perchè al n'i sippa purtà vi:
E, com da quest ensun ha zuvament,
Li aquei, a scurs, fa gran minchiunari,
Ch'as ha da assrar el bstiazz, ch'in dannosi,
E non del blezz quei fatti tgnir nascosi.

101.

Mo quel Rumitt da ben, ch s'in steva all'erta,
Quand al sinti da qulò st chiaccarament,
Per dar succors a qula fiola inesperta,
Far un bel sermonzin ai vign in meut.
E s'aveva za za la bocca averta
Spudand prima un latin garbatament;
Mo Rudumont, ch d sti cos al n'ha nssun gust,
Subit ai fi capir ch'ai dava dsgust.

102.

E ai diss più d'una volta ch'al s'aguadaes,
Ch'an vleas sintro altr, e ch'al la fissa furni:
Mo lu tirava innanz, mnand el ganass,
Tant ch la pazinzia a Rudumont s fini.
Mo anca mi av prev stufar, s'a seguitass,
Sicchè al strà mui ch'a dsmitta anca mi qui,
Ch'an em tuccass la baza ch tuccò al frà,
Ch'al tins trancar al dscors, ch'era a mità.

FIN DEL CANT VINTIOTT.

CANT VINTNOV

ARGUMENT

*Isabella taiar la s fà la testa
Più tost che suddisar al re pagan.
Lu, cgnussend d'aver fatt brutta la festa,
Al so intern d'agudar al cerca in van.
Per quest fà far un pont, dov dspuà arresta
I viandant, e tutt qui ch'in quel lugh van.
Urland i arriva, e st re fa sigh al brass,
Mo i caschn tutt e du in t'al fond a guazz.*

1.

A st mond am par ch'ai sia trei sorta d zent,
Ch'an i è da credr, e s n'in da star aspttar;
In quell cos am intend segnatement
Ch'el son propri passion van a tuccar.
An s po credri s'i disen un zurament,
Ne gnazch s'i fissen un scritt per man d nudar.
Tra questi a segn pr'i prim i zugadur,
Dop vin i mrus, e in t' l'ultim i cazzadur.

2.

Anma e unor perd i prim, temp e quattrin:
I disen d lassar star, ma po i n'al fan,
E massm quand Michel s'i accosta avsin.
Se un cazzador a aspttà, l vin dmanan.
I mrus, s la gelusi i entra un tantin,
D'en vler più far l'amor d cert iv diran,
Mo i n'al mantinen, e a una nova uecasion
Vud e proposit van in t'un canton.

3.

S'a in vli un esempi circa al far l'amor,
Avèn quel d Rudumont adess pr'el man.
Za a avi sintù quant mai l'ha fatt d'armor
Per Duraliz, la fiola d Sturdilan,
E s'ha ditt tant, e tant l'è stà in furor,
Ch'an s're cherdù ch mai più 'l vliiss donn a man.
Mo a Isabella l'ha appena dà un'ucchià.
Ch da quell d'in prima adessa l'è tutt mudà.

4.

Al s'è d sta signora innamorà in t'uu tratt
E s'i cmenza a intunar vari canzon,
Digund ch l'è una mattiria al vol ch l'ha fatt,
Ne da per li ch'l'an s'ha da srar person.
Mo l'Eremitta, ch sent sti cutà da matt,
Perchè Isabella en s muda d'upinion,
Contra a quell che quèl dis vol arparar
Cun del rason e di argumint ch'en chiar.

5.

Ma Rudumont, ch'en soffr st predicar,
Ai dis più volt ch'al tasa, e d li ch'al s tuia,
Andands, ch l'è ora, in t la so cella a srar,
Mo an s'in sinteva al frà gran fatt la vuia.
Quant al re vist che st'om en s vleva aqudar,
Ai diss in poch parol ch'ai vgneva a nuia:
E una man alla barba a gli aslungò
E cun quanta a in pesi aver tanta a in strappò.

6.

Cun qu'altra man pr'al coll po al l'acchiappò
Striccandl, ch'al le fi squas affugar,
E clou o trei volt d'intorn al s'al prillò,
Sfrömblandl dop in aria vers al mar.
Cosa d cert n'utravgniss an v'al dirò,
Che st cas in più manir fu udi cuntar:
Chi dis ch' l'urtò in t'un sass quai malament.
Ch la testa i andò in briel immanent;

7.

Altr disn ch l'andò a cascar in mar,
Ch trei mia era d sicura da luntan,
Dov'al mors, pr'en saver brisa nudar,
Dop essers arcmandà a più sant in van:
Altr cuntonn ch l'Anz l'andò a aiutar,
E ch'al fu vist aslungari la man.
D sti trei cherdi mo quella ch'ev pias più,
Ch mi am in cav fora, e più an ev parl d lù.

8.

Rudumont, dop ch d'attorn al s fu dcavà
Quel povr fratazzol, emod avi udi,
Cun un aria ridentà, al s miss da un là
Dia principessa, tutta sgumintì,
E, cun del parulin da i mrus usà,
Ai fa del belli smorì, e s dis aqusi
Ch l'è al so cor, al so ben, la so speranza,
La so zoia, e degli altr cutà a st'usanza.

9.

Allora al fi quai al bon, e quai al mudest,
Ch'an mustrò d vleri far forza brisa al dsegn.
La blezza d Isabella, e i att unest,
L'argui i toln, e s'al finn star a segn.
Cun tutt ch per forza al psias esser dsunest,
Allora an diss parola, e s en di segn
Contra alla civiltà, ch'au i par bon
A tors qualch cosa, quand al l'ava in don.

10.

D'arduria a poch a poch al s lusingava,
E quai rendrs cuntent e suddisfatt.
Mo li, ch'in st lugh quai sola s'attruvava,
La s vdeva emod è un pondgh in bocca al gatt;
Più tost essr in t'al fugh la s'agurava,
E s'andava pinsand s'ai fuss vgnù fatt
Al mod e la manira d psier trovar
Da torai d sotto, e quai 'l so unor salvar.

11.

Dentr da li la fa prupuniment
D dars la mort, e finir tutt i strassein
Più tost, innanz ch'arriva a aver l'intent,
Ch va cercand, e li al cgnuss, al Sarazin.
A quia fed la 'n vol far un tradiment,
Ch anch dop mort la conserva al so Zerbiu;
E, za ch l'ha fatt al vod d verginità,
La l vol a tutt i cust mantgnù e usservà.

12.

La ved in Rudumont sempr la vuia
Più granda cressr, e la 'n sà in fin emod fars.
La cgnuss ch'al vrà, per forza, vgniri a nuia,
E ch li sola en srà bona d salvara.
Tant fra d li va strulgand, tant l'ingarbuia,
Ch finalment la pinsò al mod d arparar
Per mantgnir al so unor, e s'v'al dirò:
Mo avà pazinzia s'un po lugh a srò.

13.

Al pagan, ch'era intrà za in frenesi,
E ch si accustava cun el mal parol,
Senza usar più creanza ne curtsi,
E quell ch'al n'ha pr'amor per forza al vol.
La i diss: Al mi garbat signor, s'am prumti,
D far la guardia al nui unor, e ch'en sien fol.
In cuntraccambi av imprumett adess
Una cosa, ch'in mi v piasrà all'eccess.

14.

Pr'un gust, ch'en dura, as po dir un mument.
E ch da per tutt s'in trova in abbondanza,
An avi da lassar un gran cuntent,
Ch tutt i cuntint e tutt i gust sbalanza.
Del donn a in trovar più d mill e cent
Ai vustr emand, ne contra 'l v faran sanza:
Mo nssuna ch possa darv a trovarì
Quell ch mi v darò, s l'unor am salvari.

15.

Savà ch'a cgnuss una cert'erba mi,
E poch luntana al ho vista da st lugh,
Che cun dla ruda e dla ledra bui
(Mo d'antipress al bisogna ch sippa al fugh),
Quand l'è abbastanza cotta, e custudi,
S'una ragazza vergin i cava al sugh,
Cun quell bagnands trei volt in dov as vol,
Qula part ne fugh ne ferr uffendr pol.

16.

A digh chi s po cun quell trei volt bagnar,
Per tutt un mes an pol brisa essr fri,
Mo d co d'un mes al bisogna replicar
Al bagn, ch la virtù n passa i trenta di.
Mi gli erb a cgnuss, l'acqua a farò s'av par,
E av pri chiarir vu stess s la cosa è aquai.
Cun qu zuverà st secret aver in don,
Ch s'a dvintassi d mezz mond anch al patron.

17.

D sta cosa av dmand in premi sulament
Ch'am prumtadi, in parola d bon suldà,
Migh d'essr in ditt e in fatt cast e prudent,
E d n'em tirar in trapla l'unestà.
Quand av al re sintù tutt st parlament,
Dalla vuia d'aver qu' acqua affadà
Al diss d far a mod so, e, perch li fiss,
Più ch la n duandava ai zurò e s'i imprumiss,

18.

Digand ch'al starà bon fin ch l'arà fatt
D st'acqua pina d virtù l'esperienza;
E ch'an farà, dentr da st temp, un att,
Ch dugu segn d vleri far scherz o viulenza;
Mo al pensa dentr d lu d'en star a st patt,
Perchè lu en ha timor ne riverenza
Ne a Dio ne ai sant, che in t'al mancar d parola
Al n'ha bisogn d nessun ch' al mena a scola.

19.

Donca d prumetri, a anch d zurar an resta,
Che prumess e scunzur a in fi più d mill,
Purch la cercass d far st'acqua alla presta
Da far dura la pell cmod av Achill.
Mo li, ch sà cosa i passa per la testa,
S mitt a viazzar cun lu per bosch e vill,
Per muut e vall cuiend, segond ch l'accatta,
Degli erb e del radis d più vari fatta.

20.

In tant la nott za bura s'avanzava,
E li, finzend d'aver degli erb assà,
Ne che pr'allora più an in bisognava,
I turnonn alla stanza za lassà:
La caldara fi buier e s l'aducchiava,
Fagand vista ch la i prema purassà.
A tutt sti cos, e a tutt sti lavarir
Sempr present vols essr al re d'Algir.

21.

Mo part dla nott passar vols in algri
Cun qui pu d servitar, ch'ern cun lù,
Cuntand del zirr e del minchianari.
E, perchè al cald d quel fugh tuccava sù,
I s missn a bevr di fiasch d malvasi,
Fagand a chi biechir vudava più.
E s bvinan anch un barill d vin grech, tolt zà
A di mercant, ch passonn un di per d là.

22.

Rudumont n'arè passù bevr del vin,
Perchè da Macumett l'è proibì:
Mo, quand al l'av sintù: Liquor divin,
Al diss, a arèn da chianar quest ch'è quasi qui.
E, za ch l'ha rott tant volt di Sarazin
La lezz, adess più d'una mizeta a in bri.
Tant l'andò dri, e tant l'in tracaonn,
Ch'in t l'ultra, al purlazz, s'imbrigiò.

23.

In st mentr mo Isabella la caldara
Cavò dal fugh, dov gli erb l'aveva cott,
E s diss a Rudumont: Perchè mo an para
Ch'a sippa dri a piantary del carott,
A vui la verità ch'a vda li chiara
Del bell secret, ch'avi imparà sta nott.
Dla so vigir mi prova qui av darò,
E vu beat s'al tgnì sempr cun vò.

24.

Mi essr prima a farn al sazz a vdri,
E a sper d sicura ch l'av sgn vgnù ben.
E perchè an tma di ch' av diga busi,
O pur ch'in scambi d balem an sippa un vlen,
Am vui bagnar mi tutta da co a pi
La testa, el brazz, el gamb, al coll, e l' sen;
Vu cun al brazz intant e cun la spada,
A vdri s' l'ha forza quell, e s questa rada.

25.

La s bagnò tutta alligra, e s presentò
Al pagan imbrigh al bell coll nud.
E quel matton, che al vin imberigiò,
Contra del qual an val spada, elm o scud,
La scimitarra in man nuda al stricò
E cun gran forza ai picchiò un colp quai erud,
Ch la testa al fi ruzzar depicà dal bust,
E, insanguà tutt, cascò per terra al fust.

26.

La testa fi tri salt, e intant s sinti
Chiara la vos uscir, ch chiamò Zerbin,
Pr' amor del qual la pura anima s' n uci.
Cun st'intenzion, dal man del Sarazin.
Tanta virtù am agur d'aver quai mi
Da psser del mond per tutt quant i cunfin
Far nota a tutt sta rara castità,
Sempr poch cognossù, massin in st' età.

27.

Và, vattin in santa pas, anima benedetta!
Avisia mi tanta virtù, da passer
Eterna render, ch'al farè, alla fetta!
La memoria d'un fatt quei sant e ver.
A vrè ch la penna mi fies da trumbetta
A far la to unestà pr'al mond aver.
Và pur in paradìs, in dov t'i aspità,
Lassand al donn st' esempi d'unestà.

28.

Al Padr etern, a st' att nov e stupend,
Dai gran fenestrnn del cil guardò all' in zò:
Ben più arcurdevla, al diss, e chiara t rend
Dla rumana Lucrezia, ch s'ammazzò.
E una lezz stabilir per quest a intend,
Ch arà usservà, e tant durarà pò
Sin ch' in cil Luna e Sol splendor faran,
E in terra gli acqu di fium al mar curr-ran.

29.

Tutti quelli ch' aràn pr'al temp avgnir
Nom Isabella, el sran d' on gran insegn,
Belli, savi e curtesi quant s po dir,
E dl' unestà el s mantegneran al segn.
I pueta e i scittur aràn da dir,
Tant d'unor e d memoria srànel degn,
Ch' Isabella Isabella i vran ch' arsona
Per Parnas, e per Pind, e pr' Elicona.

30.

Quasi dsend al Sgnor, as fi d'intorn aren
Tutt'al cil, l'aria calma, al mar placà.
E qu' anima dlungn andò dov andaren
Anca nu, purch' an famn a st mond di peccà.
Tutt lerz e brutt armas al fiol d'Ulien,
E cm' è un fittun l'arstò ferm e incantà.
Mo, dop po ch'al gran vin l'av digerì,
La fatta so strampalari al capì.

31.

Per riparar in part a st gran sgarron,
E ch l'anma d'Isabella s'appassass,
Za ch'ammazzà al l'aveva da zucon,
E ch la memoria al mond d li s cunservass,
Al fi dentr da lu risoluzion
D far ch la cisina un mausoleo dvintass.
E cmod al mttiss in ovra al so pinair
Al dsegn e la manira av farò udir.

32.

Un squass'd muradur al fi chiamar,
E chi i andò per forza e chi pr'amor.
I funn si milla d numr, e s fi cavar
Sass e masegn in t'un gran mont da qustor,
E po una gran piramid al fi far,
Ovra da grand verament, e da sgnor.
Dall'alta cima al fond è st fabbricà
Alt cent cinquanta pi ben misurà.

33.

Dentr da li sta piramid abbrazza
La cisina, dov' è i du mrus suppli.
Vsin al sepolcr, dop, al vol ch'as fazza
Una torr, dov al vol passar i di.
Dop al fi far un pont largh sol don brazza
Sovra a quel fium, ch currevva zo per d li.
Lungn era al pont, mo quasi strett, ch'all'impar
Arriagh ai peseva du cavall passar.

34.

Ch' i s'incontrassn, o chi andassn uni,
Per du cavall ai era appenna strà.
Senza sponda era st pont e o là o qui
Ai era al mod d cascar da tutt i là.
Al vol ch'al pass d st pont costa a tutt car,
Cuntadin, ztadin, pelgrin, mor, o battizà.
E s vol ch' i despu, ch'al cavarà da qustor.
Fazzn al sepolcr d'Isabella unor.

35.

In manc d dis di, fu fatt perfettamente
E finì al pont sovra a quel fium li vsin.
Al lavurir dla torr va un po più lent,
Ne arrivar la piramid psei al so fin.
Mo pur alta è la torr in mod che, attent,
Ai po star d co a far guardia un Sarazin,
Che vgnir o andar qualch d'un vdeud vers al pont
Cun un corn avvisava Rudumont.

36.

Qustù, pront, s'armava subit, e s currevva
O da sta banda o da qu'altra del pont.
E, segond l'arrivà d'in dov al vgneva,
Da qu'altra part andava Rudumont.
Al pont era po al camp dov s cumbatteva,
E s'al cavall n'andava destr e pront
Al cascava in t'al fium alt e perfond,
Ch'un prigul l'era di più grand del mond.

37.

Rudumont, alla turca, aveva in ment
Ch qu'andar quasi spess a quel risch d cascar.
In qualch manira i purtass zvanent,
E ch'al gran bevr d qu'acqua al pssiss lavar,
Rindeall nett e mond dal mancant
D'aver vlu tropp bon vin za tracannar.
E al s cherdeva ste mod essr bastant
Fra quattr di d farl dvintar un sant.

38.

L'in capitò d co d puch di purassà,
Chi andava vers l'Italia, e chi vers Spagna,
Ch'en psevern far a manch d'en far quila strà.
Pr' essr la miora ch fuss per quila campagna.
Altr brav fant i andonn da unor guidà,
Fori cherdend d far mirabilia magna:
Mo però gli arm e i cavall chi li lassava.
O chi dal pont a qu'altr mond passava.

39.

Qui ch'al vinzeva, quand i ern pagan,
Al s cuntintava d tori gli armadur,
Scrivend in quelli d so propria man
Al nom d'qui tal, e agli attaccava al mur.
Mo anch persunir al feva tutt i cestian
E ai feva in qula so torr ligà cundur.
Intant al n'era cumpi l'ovra, quand
I arrivò pr' accident al matt Urland.

40.

A cas andava dri a quel fium al Cont,
Senza saver in dov, tutt fora d si:
E s'arrivò in quell sit dov' era al pont,
Mo non za qu'altra fabbrica fini.
Fora che dla visira, Rudumont
Per l'ordinari snleva esser vesti,
Sicchè in quel lugh allora al s'attravò
Cun gli arm addoss, quand al Cont arrivò.

41.

Al Cont, segond ch'al so furor al guida,
Arriva, e su pr'al pont da franch al corr;
Rudumont maravià cmod tant qu'ù s fida,
A pi, cmod l'era, là vain alla torr,
Dalla lontana ai brava, e fort al crida,
Mo, vrend ch l'è un matt, cun gli arm briaa an corr.
Sol ai dià instizzi: Stà instizi, insolent,
Temerari, arraggant, impertinent.

42.

Pr'i agnori e i cavalir sol è stà fatt
Al pont, e non per ti, bistia balorda.
Mo Urland, che iu più pinsir era distratt,
Seguita innanz, e s fa l'urecchia sorda.
Al beo per forza ch'a castiga st matt,
Diss Rudmont, e cun la vuia ingorda
Al vè per trabuccari zo in quel fond,
E al colp cred cert, sintend che qu'ù n' i arspond.

43.

In st mentr arriva una zuvnetta unesta,
Ch ha gran vuia d passar st pont anca li;
Savia quant mai s po dir, bella e mudesta,
Vesti nobilment, mo senza grillari.
E s la brama d saver chi l'è v mnesta,
Av digh quella esser, ch'è tant ch'andò vi
A cercar d Brandimari, ch'era turnà
A Parigi, e li, ch'n'al sà, s trova da st là.

44.

In t l'arrivar ch fi Fiordilis al pont,
Ch'agusi la s feva qula sgnoza chiamar,
Cun Urland s'attaccava Rudmont,
Ch per forza al vleva farli a mui andar.
Li, ch'aveva gran pratica del Cont.
Subit la l'acgnnssi senza sbagliar:
E s'armas curta fort e maravià
A vedrel nud andar vi per la strà.

45.

Per vedr' al fin, la s'affermò a guardar,
Ch'avea da aver la zuffa d sti mustazz.
Per far l'un l'alt' zo dal pont cascar
I addrovn tutta la forza del braz.
I dseva Rudmont: Cmod mai s po dar
Ch'ava un matt tanta forza? sangu, cuspttazz!
Da sta banda e da qu'altra al s volta e s gira,
Shuffand, perch mai an s sinti addoss tant'ira.

46.

Cun una man e qu'altra al va tintand
Dov mui al possa nova presa far.
Ben e spess l'ancarola ai vè fagand,
Pr'arbaltarl, e dal pont zo farli andar.
Al sarazin s'arvisa, attorn a Urland,
A un tos, ch'un alt' vuia far cascar;
O, per dar una miora parità,
Du can mastin i parn ch s sien azzuffa.

47.

Urland, ch n'avea l cervell ch sirass pr'al vers,
Solament la so forza l'addruvava.
Qula gran forza, ch per tutt quant l'univers
La cumpagna d sicura en s'attruvava;
Al s lassò zo del pont cascar avers
Cun Rudumont, ch striche striche za l'abbranqulava,
E del fium tutt e du i andonn al fond,
E un bus in t l'acqua i finn più lunghe che tom.

48.

Più prest che d frezza l'acqua i fi dsPICCAR:
Urland, ch'è nud, e ngotta l'impediess,
Per l'acqua cmod fa n pess cmenza a nudar,
E facilment a riva l'ariussiss.
Cm'al fu al sutt, al s n'andò, senza pinsar
Se in st fatt o lod o biasm al n'aviss.
Mo Rudumont, ch dagli arm era impedi,
Più tard e cun più stent dall'acqua uscì.

49.

In st mentr Fiordilis era passà
Senza un contrast al mond pr'al panteell d legn.
E s'aveva al sepoler ben guardà
S' ai era del so mros nssuna arma o segn.
Vdend po ch'an i era d lu n' gotta nutà,
In altr lugh trovarli la fi dregn.
Li intant lassella andar, turnen al Cont,
Ch'indri lassa la torr, al fium e al pont.

50.

Più matt mi a sre d sicura ch n'era Urland,
S'el sou mattiri tutti av vliiss cuntar:
Ch'el funn tanti, e quasi grossi, ch'an so quand,
A dirn sol un terz, am passiss squdar.
Eppur quelch d'una a in andarò dliand.
Segond ch par-rà che mui la possa star.
E s dirò prima d qula qu'asi maraviosa
Ch'al fi in t' i Pirini, sovra a Tolosa.

51.

Pr'un gran paes era camminà al Cont,
Uzzà dalla so matta frenesi;
Finalment l'arrivò sovra a quel mont
Dov cmenza Spagna e Franza resta indrì.
L'aveva sempr tgnù vultà la front,
Dov al Sol v'è a lavars in mar i pi.
In t'un sintir ben strett al s'attruvò
Sovra a una vall e a un balz ch v'è a piomb in zò.

52.

Con lu, per disgrazia, s'andonn a iucuntrar
Per quel viazzol du zuvn cuntadin,
Ch'avevn un gran bisogn per d là d passar.
E d legna i avevn innanz carch un asnin.
Quisti, vden un umazz quì nnd andar,
Disen subit: Quilù è matt: e, em'i i furm vsin.
I al pergonn ch'al s tirass un po da un là.
E ch'an stiss a impedir al mezz dila strà.

53.

Mo al matt Urland, senza far altra zanza.
Un cert calz al tirò cun gran furor,
Che d posta l'acchiappò l'asn in t la panza,
E cun quila forza, ch'au i è stà la mazza,
Al l'alza in aria, e da lontan al slauza,
Al par al par un ucell ch fuzza al cazzador.
Sta bestiola zo in t la vall andò a cascàr
Lontan un mii, nè in pi più al s psei arlivar.

54.

Dop st fatt, a qui du zuvn al s'avvintò,
E un d quisti, più che savi, affortunà,
Da quel balz, ch'ai ho ditt, al s ficcò zò.
Ch'er'alt più d trenta brazza ammisurà.
A mezz'aria per cas al s'intraplò
Tra di spin, ch'n'ern mai d là stà taià:
Quisti i sfrissonn un poch pett e mnstazz,
Mo l'arstò salv in st mod, senz'altr impazz.

55.

Qul'altr, ch'es sint addoss dila mort la pora,
Gnarda e cerca d salvars pur anca lù,
Alla punta d'un sass, ch spurzeva in fora
Attaccand pr'arrapars e andar in sù.
Mo l'ora so è sunà, e al bado ch'al mora,
E Urland en vol lassàr ch'al viva più;
Ch'al l'acchiappò pr'i pi, e aslargand el brazz,
Al le stiancò in du pizz, emod s farè un strazz.

56.

Quell ch s'era zo pr'el mont precipità,
A st mod salvà dai spruch, dai stirp, dai spin,
Lu propri vist, e po cuntò sta quità
Cun i parint, i amigh e cun i vsin.
Da tant la s diss, ch'in ultim, sparguià,
Al la sav anca lu l'vesc Turpin.
Quand al l'av ben intesa emod la fu,
In t'i su scritt al z la cunntò anch a nu.

57.

Questa, e cent altr cos strampalà l'fi,
Attraversand intorn quila muntagna.
Dop aver cors un pezz vers al mezzdi,
Al tols al trot dalla banda dila Spagna.
Alla riva del mar po l'arriusci
In dov la spiza d Taragona al bagna.
Qui, trasputà dalla matta npinion,
Una cà l pinsò d fars in t'al sabbion.

58.

Tra l' sabbion trid e mnud donca al s ficcò,
Pinsand forsi d'aver un qualch arstor;
E, stand a quila manira, ai arrivò
Sovra Angelica, e sigh al spos Medor.
Quisti, passand per d là, emod a tor,
Del gran Catai al scettr andavn a tor:
E la i era poch manch d'un brazz avsin,
Quand Angelica vist al Paladin.

59.

Ch quilù fuss Urland al n'i passò in t la ment,
Tant erl desgnù, tant erl desfigurà,
Da dop ch l'andava vi quì mattament
All'acqua, al sol, al vent sempr depuà.
S'in Affrica al fuss nad propriament
In qui pais più cald e più brusà,
Una pell al n'arev quì negra e dura,
Tant ch'arrisgh d'om l'aveva la figura.

60.

L'aveva i ucch in dentr infussà,
Al mastazz magr, e la massella sutta:
I cavì tutt pin d rusch, tutt ingattià:
La barba impastà d sui, tant ch la ribnta.
Mo tant quant a l'u ben za an i suvin,
La turnò indrì inspuri, e s termava tutta
A vedr un animal quì spavintos,
E s corr, dmandand aiut, vers al so spos.

61.

Subit ch'al s'in fu accort d li, al Paladin
Al saltò su, e per ganfarla al s'i attri:
Perchè in t'un attm quel bel mustazzin
I diss piasser, sebben ch l'era ammati.
D'averi tant vlu ben za an i suvin,
Ch la memoria d'agn cosa l'ha smarrì,
Mo l' s'i miss drier emod fa alla livra un bracc'h,
Senza badar s'al s sint o stuff o strac'h.

62.

Vdeudl Medor dri corr-r alla spuslina,
Pr'arversarl ai spinzi al cavall addoss,
E quand al ved ch'a gli ha vultà la schina,
In t la coppa ai tirò cun al paloss.
Mo, cun tutt ch'al fuss d temprà damaschina,
Al pars ch'al mnass in cvell più dur d un oss,
E più dl'azzarr; perchè l'era d'agn là,
Sin sotta al piunt di pi, al Cont affadà.

63.

Al Paladin, quand al sintì sta piva,
Stricand al puga, in t'un tratt al s'vultò,
E, cun quela forza, ch' n'ha forza ch' i arriva,
In co al cavall d' Medor fort al picchiò.
Sta bistia senza inzegn al pugn en schiva,
E cun quel colp la testa ai sfracassò.
Urland po en bada a altr, e a tutt sbalanz
Torna a dar dri a Angelica, ch' v'innanz.

64.

Li cun la frusta e i sprun la mulla tocca;
S la vulass anch, ai par ch la vada pian:
E dai, e picchia, e mena, e tocca, e artocca,
La s'agura del miia essr lontan.
Mo qu' ai suvign a un tratt d mettrs in bocca
L'anell, qu' anell fatal, ch la porta in man.
Quasi la fi, e l'anell, alla so nsanza,
Del Paladin ai uoch la dsfunò d Franza.

65.

In st mentr ch la s ficò in bocca l'anell,
O ch la fuss mo la pora, o ch la s sturzias,
O pur ch la mulla scappuzzass en cvell,
O anch ch la 'n badass ben a quel ch la s fiss,
O sia ch la fuss la frezza, ch'an so a pnell
Adess cuntary da cosa al s davniss,
Fatt' è ch'in t'al dsparir la s'arversò
Zo dalla mulla, e in terra la s trovò.

66.

S la cascava dou dida indri d misura
L'arstava cun Urland d posta ingattià.
E s'av, s po dir, allora gran vintura,
Perchè al l'arè in t'al movers asquizzà.
Ch la cerca pur d'aver un'altra vtura
S la 'n vol andar a pi alla so città,
Perchè alla mulla cert più la 'a s'avsina,
Ch dinanz al Paladin trotta e s cammina.

67.

Mo la s pruadrà, lassena far a li:
Nu a seguiten al viazz del cont Urland,
Ch, sempr cundutt dalla so gran pazzi,
Intant ch da lu s Angelica arpiattand,
Al corr da svelto alla so mulla dri,
E a poch a poch al s'i va più accustand,
Tant ch'al la tocca, e s la chiappa pr'al zuff,
Cun intenzion d servirn, ch'al s sint stuff.

68.

Al Paladin l'acchiappa, cun algrezza
La più granda, ch'es possa mai aver
A gli accomda la breia e la covezza,
E in sella cun destrezza al salta a sder.
Dop, vi currand al la fa andar in frezza,
Senza lassarla mai un poch riaver:
Ne d di ne d nott o sella o breia ai cava,
Ne al la lassa magnar fen, erba o biava.

69.

Una volta, in t'al vler un foss saltar,
Sudsova cun la mulla in fond l'andò.
Lu n s fi mai, ch'al s'aveva da accupar,
Mo la mulla, puvrazza, se spallò.
Per cavarla, an saveva al matt cmod s far,
Pur finalment in spalla al la livò.
Turnand in su, d portarla aqusi al s'addestra,
E s v' quant trei volt tira una balestra.

70.

Quand al sintì ch la i psava addoss de tropp,
Al la tri in terra per guidarla a man,
E li i andava dri a pass lent e zopp:
Lu tigneva ditt: Va là! mo al dseva in van.
Perchè, s'andà la i fuss anch dri d galopp,
An s're'gnanch stà content quel zucc balzan.
D' in testa allora el cavezz ai cavò,
E dedri pr'una zampa al la ligò.

71.

E l' dseva: Aqusi l'andarà più pusà:
E a quela manira al s la strassina dri;
Mo pr' i sass malandrin, ch'in per la strà,
E peil e pell armagnr cmenzn dri;
Sicchè a st mod mal cundutta e sagatà
Quela povra bistia in nltm apparzò i pi.
Urland n'i pensa, o s volta indri a guardar,
Mo al tira innanz e d corr-r an vol arstar.

72.

Sebben morta, d tirarsla dri an lassò,
Seguitand al so viazz volt a puent.
Da per tutt dov l'arriva al tira zò,
El cà sagzand, e maltrattand la zent.
Quand al sent d'aver faun, allora pò
Al tol quell ch'al po aver e ch'i v' al dent.
Cott e crud insaccand, e innanz al passa,
E chi s'i accosta mort o struppià l'lassa.

73.

Alla so bella Angelica, l'è franch
Ch l'istess ai feva, s l'an s fuss arpiattà,
Perchè an cugnusseva più al negr dal bianch.
E, nusend, al pinsava aver zuvà.
Possa brusar qu' anell! si maldett anch
Quel cavalir, ch'i l'aveva turnà!
S'al n'era quell, Urland cert arè fatt
Per lu vendetta, e per mill altr a un tratt.

74.

Magara, tutt' el donn, tutti a pianfond
Allora fussenli andà d' Urland pr' el man;
Perchè gli en propri la pesta del mond,
Nadi sol per turnment di puvr estian!
Mo a vui taser, e al calisson a arpond,
Perchè am salta la rabbia; turnà dman,
Ch s'la 'm erà en po passà, forsi a s po dar
Ch'avadi gust d'esser turnà a ascoltar.

FIN DEL CANT VINTMOV.

CANT TRENTA

ARGUMENT

*Urland fà d gran mattiri per la strà.
Mandricard, vgnend al man cun Ruggir, mor.
E quest, da Bradamant indarn aspttà,
Fa ch la sinta per lu un gran batticor.
Mo lu, truccand pr'el frì al lett ubbligà,
Dia prumessa, ch l'ha fatt, fora an s po tor.
Intant, cius i fradi, quell d Muntalban
In succors vò del re Carl e di estian.*

1.

Am arcord ch' in t'al Cont, ch'a furnì aiur,
A diss ch'am era la stizza saltà;
Mo, perchè mal del donn an vleva dir,
Pr'allora a fi finì la maitinà,
Cherdend ch'am srev anch mudà d pinsir:
Mo pinsà vu: più sempr a son curzà,
E sempr più am sent cresser contra d lor
L'ira, la stizza, la rabbia e 'l furor.

2.

Andai pur cun el bon quant a savi,
Ai su spropoist anch dà del scrullà
Ch'imperiosi e superbi più a li vdri,
E più diffizil da armagnar agustà.
Secundàli in t l'nmor per quant a pesi,
Ch'el dventa più arruganti e desperustà.
Incapaz d cgnussar al giust, l'unest e al dver,
Altra regola al n'asservn che 'l so vler.

3.

Quell l'indvinò, ch fi dpinzr un bel baston
(Ch'allo so sposa al bell prim di al cunsognò);
Ai pi as lizeva: *Questa è la rason*;
E ch l'al mtissi in t la cassa a gli arcmandò.
Quand po l'av d castigarla l'uccasion,
Cun un stanghett ben ben la bastunò.
Aqui l'imparò quli d star a patron,
Se no as are miss in ovra qula rason.

4.

Quell s savi regular molt mli d'Urland,
Ch'al puvrett, senza aver unza d'inegu,
Per munt e vall l'andava vi currand,
E in gran part al trascors d Marsili al regn,
La mulla morta sempr strascinand,
Senza saver perchè, senza nssun deegn.
Mo, arrivand dov un fium intrava in mar,
La mulla bisugnò a terra lassar.

5.

E perchè l'è un bravissim nudador,
Al s ficca in t l'acqua, e prest l'è a qu'altra riva.
Incontra a lu, quand l'è per d là, un pastor.
Per far bevr un cavall, al fium arriva,
E senza sudizion del Senator,
Perchè l'è nud e sol, brisa al n'al schiva.
Mo Urland, segond ch'al so cervell i frulla,
Diss: Al vui barattar cun la mi nulla.

6.

St la vu vedr, mi d quì at la mustarò:
Vitla ch la dorm dalla banda d là.
Li en n'ha nssun dfett, altr trovarì an sò
Che un po d mal, ch t pu medgar quand t'ì po a cà.
Mo qula zunta ch'em vin a vui però:
Dsmonta, fa prest, ch'an vui star quì incantà.
Al pastor rid, e, senza dari arsposta,
Al seguita al so viazz, e al fium s'accosta.

7.

A digh ch a vui al to cavall: t'en i od?
Urland i turnò a dir, e più s'ì avšina.
Al pastor, ch'ha in t'el man un baston sol,
Dà al Cont pr'arsposta un colp so per la schina.
Allora quest sint fant d la rabbia al chiod,
Ch l'abbranchò quell a us d sbirr, e ai di una mino
D pugn in testa aqusi furt e quasi putent
Ch'al cascò in terra mort, senza dir nient.

8.

Fatt sta bell'ovra, al Cont in ghirigaia
Salta a cavall, e dov al vè ai dà 'l sbruff.
A sta bestia, cmod l'è us, ne fen ne paia
Vol dar, ch'arstò in du di più mort, che stuff.
Mo gnanch per quest d'andar a pi al s travaia;
D cavall e vttur al vol campar a uff.
Tant quant i in di tra 'l man al n'adruvò,
E i su patrùn in prima l'ammazzò.

9.

A Malga al capitò, e più dann al fi
D quell ch l'aviss pr'al passà in altr lugh fatt.
Al sacchzò e brusò 'l cà, alla sent al fi.
In mod ch'arstò quel sit za dsert e d'sfatt.
Ch ne d co d'un ann ne d du gnanch al s'arfi.
Tant era-agn cosa mal missa adalfutt.
In poch parol: su d sovra 'l miss al tutt,
E un bon terz d quel paies fu guast e destrutt.

10.

L'arrivò dop a questa a un'altra terra,
Propri cmod la s chiamass an v'al so dir;
E s la n'era in t'al Strett iust d Zibilterra.
L'era almanch poch lontan da qui quartir.
Qui una nav al trovò dscustars da terra,
Pina d zent, ch s vleva andar a divertir,
Andand a spass per mar, ch'era in bunazza.
Innanz ch'al Sol dal tutt sugass la guazza.

11.

Aspetta, aspetta, al cminziò a zigar,
Ch'al s sinti vuia d quell spass anca lù.
Qui però n'i diun ment, ne al stinu a aspttar,
Perchè un matt l'è d quila roba da 'n tor sù.
La barca pr'acqua pareva vular,
E ch'al l'arzunza Urland an al cred più.
Al qual picchia al cavall cun una stropia,
E per l'acqua al pretend anch ch'al galoppa.

12.

Bisogna finalment ch'el cavall dentr
(Ch'al zampir niint i zova) in t l'acqua 'l s metta.
Sott'acqua è za 'l znuccell, la panza, al ventr,
E Urland vre pur ch l'andass cm'è una staffetta.
Turnar indri n'acced tinar, ch'in st mentr
Ai mena tra gli urecch cun la bacchetta.
Una del dou: o ch' al s'ha da affugar,
O verament in Affrica passar.

13.

Urland la nav più an vdeva d sorta affatta,
Ch'era stà causa ch' al s buttass per mar:
Tropp lontana l'è za, e ai su ucch l'arpiatta
L'altezza dl'acqua, ch'an po superar.
Mo pur tocca st cavall quila testa matta,
Incecci in tutt i mod d vler d là passar.
Mo st cavall, d forza vud, d'acqua pin tropp,
Al finiss al nudar, l'andar d galopp.

14.

Quest'andò a fond, e sigh anch al tirava
D Brava al Cont, s'in t'el brazz an s intartigneu;
Mo el gaub e 'l brazz cmod fa un ranocch al mnava
E cun al suppi l'acqua l'arspinzeva.
Al mar era tranquill, ne al vent tirava;
Ben d sta bunazza Urland bisogn aveva,
Perchè, agn poch ch'a disturbar sta quiet arriva,
Ai srà difficil tuocar qu' altra riva.

15.

Mo la fortuna, ch per di matt ha cura,
Al fi d'in mar vgnir fora avsein a Setta,
In t'una spiazza tant lontana al mura
Quant tira un arch don volt u na saietta.
Di di'n so quant l'andò v alla vintura
Currand, ch'al par un d qui dalla sbulzetta.
Insin ch'al trovò armà in accampament
Un esercit grussott 'd negra zent.

16.

Lassen ch'al Paladin vaga in bonora:
Per dir d lu arèn del temp un'altra volta.
Tutt quell po ch'intravigna a quila so signora,
Quand la s fu cun l'anell dal sou man tolta,
Cmod l'andass al paes, ch'è vers l'Aurora,
E cun ch'amor dal suddit la fu arcolta,
E cmod la fisse Medor del regn patron
Forsi al dirà chi ha d mī mior calisson.

17.

Mi a son a dir tant altr cos intent,
Che d seguitarla li mi an ho più ch far;
Mo am sint d turnar indri nasr al talent
E decorr d Mandricard, ch'en stà a suspttar
Pù d Rudumont, e al s sent propri cuntent
Dla Duraliz, che nssuna i stà all'impar,
Adess ch d'in Franza Angelica è partì,
E s'è Isabella da st bass mond uscì.

18.

Mandricard, gonfi e alligr dla sentenza
Ch'aveva Duraliz dà in so favor,
Però d'un qualch rusghin al n'era senza;
Ai è altr cos ch'al pzighu in t l'unor.
Ruggir, ch l'aquila porta in so presenza
E s'n'i vol zedr, i fa saltar l'unor.
Da altra part, ai è 'l re d Sericana
Ch'en vol ch'al porta zint la Durlindana.

19.

Agramant e Marali tentn in van
Vedr s'i ponn trovar sest a sti intrigh:
Mo un mezz termin bastant proved in san,
Ch'i possa far insem d'vntar amigh.
Ruggir en vol ch'al fiol del re Agrican
Porta al bell scud del so Truian antigh.
E Gradass pariment i dis ch'al renda
D'Urland la spada, oppar ch da lu al la dfenda.

20.

A nssun patt vol Ruggir ch'altra question
Che per quel scud al fazzo; e al Serican
Intend ch la spada ch fu del fiol d Milan
Ha da passar da quelli in t'al sou man.
In ultim fi Agramant risoluzion,
Dsend: Chiacchr e temp en quisti spis in van!
Za ch chi ha rason a cgnussr ai è dla luna,
Aqusi la cosa in man mitten dla fortuna:

21.

E, se in qualch mod am vlissi cumpiaser,
E qui far ch'av arstass sempr ubbligà,
Avi da far, segund al mi parer,
In mod ch'el pretension staghñ da un là.
Cavèn un d vu du a sort, e sten a vder
Quell ch surtirà; cun patt e sigurtà
Ch la so lit al cumbatta e del campagn,
E al starà bon s'al perd o al fa guadagn.

22.

Tra Gradass e Ruggir a la fazz slippa,
Che o l'un o l'altr contn in t'al valor,
Sicchè quand cavà a sort un d lor du sippa
Al s farà, a son sicur, del gran unor.
Chi po sia per vultar al cil la trippa,
Quest è un secret ch sà sol al Dio masor.
La carn i s tridaran, gli oss e la polpa,
E dla fortuna srà tutta la colpa.

23.

Tutt ludonn e appruvonn quell ch' al re diss.
Ruggir e 'l re Gradass dinn sigurtà
Che, tra d' lor du, quell ch da cumbattr aviss,
E l' una e l' altra briga av accumà.
Aquaì cunculos, i su du num a s scriss
Su in du bigliett ugual per tutt i là.
Quisti, em' i funn pigà, in t' un vas i missan,
Scussandi insem, perchè brisa in s egnussissen.

24.

Un tustett innusent i finn po vgnir,
Ch cavass un d qui bigliett, ch' i vgniss a cas:
S tira un bigliett, dov scritt è al nom d Ruggir
E quell del re Gradass là dentr armas.
Quant algrezza al s' aviss, an s pre mai dir
Ruggir, quand al so nom uscì dal vas.
Dall' altra part Gradass sintì da duia,
Mo quell ch destina al cil bisò ch' al tuis.

25.

E perchè la vittoria sia d Ruggir,
In t' l' art dila schermà a gli andò a dar lezion:
Che un gran mestr Gradass era in quel mstr,
E s'igh puch pssern stari al parangon.
Quand è temp d' arparars, e quand da frir,
Quand finz un colp, quand d' appunzarn un bon,
Quand dila spada servirs, e quand dal scud,
Sebben ch Ruggir d' sti cos an s trova a vud.

26.

Al rest del temp, in, st mentr, ch' a i avanza
Fin al di ch sta battaia s' ha da far,
Ugnun vol dir la so, ugnun giàngula e senza
Segond ch' al s sint dal geni trasputà.
A i è chi al sentinell dona la manza
Pr' aver bon post da psser star a guardar;
E a i in fa, ch dop aver lugh attruvà,
I sti la nott, perchè al n' i fuss livà.

27.

La zintaia, che spess ha poch giudizi,
Vre alla presta d' st contrast vèdern al fin,
Perchè la 'n ognuss ne intend al pregiudizi,
Ne al dann ch po aver al camp di sarazin.
Mo Marsili, non sol pr' al so servizi,
Quant pr' util publicch, cun al re Subrin
Sta cosa brisa brisa in san ludar,
E cun al re Agramant i discorn chiar.

28.

I i fan ognussar, anzi i fan vedr al dann
Ch darà st duell, ch' in t' agn mod n' arè bon fin.
Ch Ruggir o ch Mandricard avn 'l malann,
Segond ch fra d' lor risolv al so destin,
Don bon brazz mancaran, ne pran d' l' affann
Far pruvà in t' al camp del fiol d' Pipin:
E ch' i han bisogn d' più d' un d' qui certament,
Ch' in n' han d' dis o dods milla d' altra zent.

29.

Ch tutt quest' è vera agnuss al re pagan.
Mo la promessa an pol tirar indri:
Ruggir al prega e al fiol del re Agrican
Ch' i lassn indri sti lit sol per curtai:
E tant più ch' i in adess per vgnir al man
Pr' una zirra, pr' una minchiunari;
E, quand al so pregar in cunsintissn,
Ch' in altr temp almanch i differissn.

30.

Cinco o si mis ch' i aspettn a far question,
E o più o nanch ch' in la fazzn, in finna a tant
Ch' i avn dscazzà d' in Franza al re Carlon,
Dapuandl dila corona, scett e man.
Mo l' ha l' asi d' pregari: in qu' upinion
S' en intestà tutt du d' cumbattr intant:
Tutt du s mittn a la punta, ognun astima
Un att d' viltà per chi zed alla prima.

31.

Mo tra qui ch pregn Mandricard in van,
Senza cavarn sazz, senza custrutt,
A i è la bella fiola d' Sturdilan
Ch supplica, prega, pianz e s dà in t' i rutt.
La i dis ch' al fazzà a mod del re Affrican,
Ch l' è tutt quell ch brama e ch vrev l' esercit tutt.
E la s lamenta ch, pr' el son bizzarri,
La tin vivr sqas sempr in anguni.

32.

Ch' a faga pur, la dseva, quell ch' am vuia,
A n' i è cas, a ognuss d' esser desfortunà.
S' a cumbattr cun tutt av nass la vuia,
Agn di vu av trovar in mezz a sti quà.
Cosa em valrà ch' am sippe tolt a nuia
Rudumont, e ch per vu a l' ava arfidà,
Per schivar tutt' el riss, lit e chimir,
Se adess eun st' altr a vli cattar da dir?

33.

Mi a so cmod am algrava, e s tgneva d bona
D' aver per spos un quasi degn cavalir,
Ch per sustgnir i diritt dila cara donna
S mttias a prigul e azzard per li d murir.
Adess a ved ch' agn magra scusa è bona,
E ch sol agli arm avi tutt i pinsir.
Ben a mi cost a ognuss ch' al fu furor
Quell che 'v fi guadagnarm, e non amor.

34.

Mo, s l' è vera che l' vostr sia qu' amor
Ch da tutt gli o pur av sfurzà d' mustarm,
Av pregh per quest, e per quel gran dulo
Ch dentr em mulina, e ch tira a consumarm,
Ch' av lassadi da un là passer st' umor:
A so mod lassà ch' i altr portn gli arm.
Ch' util o dann i aviv? cosa v' importa
S Ruggir lassà qu' insegna, o s' al la porta?

35.

Poch a pœi ntgnir, e perdr purassà
Da quel duell, ch vler far avì in t la ment.
Quand l' aquila a Ruggir anch a livà,
Unds nus e du garui srà 'l pagament.
Mo s vu a si dalla sort abbandunà,
Ch' en v' ha prumiss d' assistrv certainent.
A sri causa d' un dann, ch sol a idear
Am sint al cor traffizzer, anzi spaccar.

36.

Quand la vita a stimà em' è una zavatta,
E ch' un' aquila dpinta av prema più,
Fàn cont almanch per mi, ch' av son dri matta
D' amor, emod a cred za ch' ari cgnussù.
E an tem la mort, s' anch al mi uss la batta,
Quand qualch vantaz l' av psiss purtar a vù;
Mo mal cautenta a murirè d sicur
S vu prima d mi, al mi cocch, a rstassi al bur.

37.

Quasi la prega, ch' amor i dist i impresta,
Unend a sti parol gniceh e suspir.
Tutta la nott d pregar mai la 'n s' arresta
Per tirar dalla so quel cavalir,
Ch, tgnend appunz in quel stomgh cand la testa,
El luzzl ai ucch s sinteva anca lu vgnir.
Quand l' av li finì d dir, e lu sott vos,
Dop averla basà cent volt, i arpos:

38.

Av pregh pr' amor del cil, o cara zoia,
Per sta cosa n' ev stà tant a affannar.
Ch s' al re Carl, Agramant, i sbirr e 'l boia,
Cun quant franzia e mor s polu attruvar,
Em vgniss contra, an son gnanch un' aneroia
Da 'n psser contra tutt quist contrastar:
Vu an arissi d' aver un tantin d pora,
E av spavintà perchè Ruggir vin fora?

39.

Arissi pur d' aver anch in t la ment.
E pur spada a n' aveva ne spadìn.
Quand cun un pzol d lanza a arbalotè cent
D qui vustr cavalir, ch' avevi avsin.
Gradass, Gradass istess vergogna anch sent,
E l' è cosa ch tutt san, e grand e pznia,
D' esser a un castell d Suri stà mi person,
E s' ha altr nom ch' en 'n ha quel ragaxon.

40.

In t l' istess mod sa anch al re Gradass.
Al sa 'l vostr Isulir, cun Sacripant,
Quell quasi brav e famos re di Cincass,
Griffon al negr e 'l fradell Aquillant,
E po anch di alter arduitt tutt a un mal pass.
Ch persunir ern stà di di ben tant;
Ch' ai liberò tutt mi, cun el mi man,
In quell di istess, battzà, turch e pagan.

41.

Per maraveia tutt armaan d strazz
Per la prova da mi fatta in quell di,
Più granda, ch s fuss stà uni tutt i mustazz
Più brav d' Affrica e d Franza contra d mi.
E Ruggir, ch n' è po in ultim s' n' un ragazz,
V' ha da mettr del pulz? oh questa si
Ch' è bella! adess che Durlindana ai hò,
Cun quegli arm ch' Ettor truian purtò?

42.

Perchè n' andoia in camp cun Rudumont,
Pruvand s' ai era bon d far d vu l' aquist?
Ch d' allora a adess a prissi fari al cont,
E 'l fin d Ruggir arissi za previst.
Mandà, al mi cor, mandà 'l smergular a mont,
E n' em fa l' agurazz d' un fin quist trist.
L' è 'l mi unor, stà sicura, ch vol aqusi.
Non l' uslazz ch' ha in t' al scud Ruggir sculpi.

43.

Aqusi dis Mandricard; mo li dolenta
Un' arsposta d' amor la i turnò a rendr,
Mustands afflitta tant e tant discontenta,
Ch' un marm, un sase l' arè pœu far vgnir tendr.
Per farla star, in ultim, un po contenta,
A sta manira 'l tartr s lassò intender,
Ch s' al re Agramant un' altra volta ai parla
D' un qualch accord, al vol pront soddisfarla.

44.

E al l' arè fatt d sicur, mo al brav Ruggir.
Ch vol mustar ch la rason è dal so là,
Ne patt ne accord ne aler an vol più udìr,
Anzi al vol ch tutt i decurs sippu troncà.
Appenna l' Alba s ved dal mar uscìr,
Fors dalla so tenda al s ved armà,
E cun dri altr signori al camp s indirizza,
Fort al corn sunand l' entra in t la lizza.

45.

Mandricard, quand al corn l' od sunar
Da Ruggir, ch pront alla battaia al sfida,
D' accord e d pas più an vol sentr parlar,
Mo al sbalza zo del lett, e Agli arm! al crida:
E al s fa da i su cun tanta furia armar,
Ch l' istessa Duraliz brisa più 'n s fida
A decorr-ri d pas, che quest propri è al mument
Ch' ha da succeder st gran combattiment.

46.

Subit al s' arma, e s n' ha tanta pazinzia
Ch fazzn i su servitrv quell ch' i han da far:
E po tol quel cavall, ch' al sa in cunsinza,
Ch' era d' Uriland, e ch' al n' al pre addruvar.
Su in quell al cor al camp cun impazinza.
Dov la gran lit ozz s' ha da terminar.
Al re Agramant, e la cort i andò in t' un tratt.
E temp da perdr a n' i in fo gran fatt.

47.

Quand i elm a tutt du funn miss in testa
E fatt quegli altr quità ch'ern in usanza,
E ch la tromba i tri sign av sunà presta,
In t'un atm tutt du missen la lanza
Cun gran destrezza e più furor in resta:
Ai cavall cun i sprun stomblo la panza:
Cun tant impit s'andonn a incuntrar,
Ch la terra pars avrirs, e 'l cil cascar.

48.

Andars incontra s ved da tutt du i là
L'aquila bianca espressa in t'i du scud,
Dai cavalir pr'insegna so purtà,
Per quella ch'a un ciment in vgnù quai crud.
Tutt du fan pompa d'animità
Fagand vedr ch d timor i in affatt nud.
Del lanz l'incontr fu quai fort e dur,
Ch'el pars du canvazz sbattù in t al mur.

49.

I pizz d sti lanz infin al cil vulonn,
E Turpin, ch seupr ha ditt vera in tutt i lugh,
Al conta d cert che, quand in zo i turnonn,
I parevn rustizz tolt d'in t'al fugh.
Dop, sti campiun el spad in man chiapponn,
E, za che quell e qu'altr en tmevn st zugh,
D prim sbalz i s regalonn tutt du in t'un tratt
Alla visira nn colp, ch fu tant e fatt.

50.

S picchionn in t la visira in quel prim punt
Cun al pinsir d mandar al nunigh a terra:
In mironn al cavall, che un brutt assunt
Al sre stà a tenor del regul d guerra.
S'ai è ch pensa ch'in st mod patt fissn appnnt.
L'antighità dl'usanza un sà, e fort l'erra,
Perchè, senz'ultr patt, l'era un gran fall
Tra i cavalir l'ammazzars al cavall.

51.

I s colm in t la visira, ch'era doppia,
Mo al fu un cas ch'a qui culp la risistias.
Un colp po dri a qu'altr ognun ardoppia,
Ch'in a mod dia timpesta furt e fiss;
Dia timpesta ch'ardus l'arcolt in stoppia
In mod ch d gran dann in ultim l'arinsciss.
As sà s'el tain a dver quel spad famosi
Smanzà po da del man quai valorosi.

52.

Un colp in han gnanch fatt, ch sia da par so,
L'un o l'altr, tant s sani ben guardar.
Del prim colp Mandricard l'nno purtò,
E Ruggir fu li li squas per sgablar.
Un colp da mestr al Tarrt i applicò,
Ch'al scud i fi in dou part ugnal andar.
E po a gli avers la euraazza per d sotto
Tant, ch la pell e la carni a armas rotta.

53.

Qula gran botta termar fi al cor in pett,
Pr'amor d Ruggir, a squas tutt i astant,
Ch per lu mustavn aver un gran affett.
E lu i bramavn d vedr triufant.
E s la sort avis vlu mandar a effett
Al desideri d quisti, oh! al sre pur tant
Ch'al Tarrt d sotto sre armas, o sveltà,
Sicchè d quel colp squas tutt arstonn dsgustà.

54.

Mi a cred ch'al vgniss un qualch Anzl dal cil
Per salvar da qula dsgrazia al cavalir.
Mo cun un colp, ch'en fu nient manch zintil,
Terribil più che mai i arspes Ruggir.
Alla testa ai drizzò dia spada al fil,
Cun un att quasi violent sovra 'l cimir,
Ch dalla furia la spada s' i prillò
In man, e 'l elm d piatt sol la tuecò.

55.

S cun el tai i arrivava Balisarda
L'era affadà l'elm d Ettor in van.
Mo la botta tanta forta fu e gaiarda
Ch'a Mandricard la breia uscì d'in man.
Anzi d cascar al bsogna ch'al s'arguarda,
Ch per dou o trei volt a gli andò poch luntan.
E in st mentr attorn al cavall al purtava,
Ch' d'aver mnda patron anch i aghervava.

56.

Ne un serpent ammaecà ne tигра fri
Mnstronn mai tanta stizza e tant furor
Quant al Tarrt in mustro, cm'al s'arrenti
Dal colp, ch'a credr so i feva dsunor.
Quant l'ira e quant l'argui dentr al sinti,
Altr tant ai chersi forza e valor:
A Breindor al fi far un gran salt
Vers Ruggir, e s girò la spada in alt.

57.

Al s livò su in t'el staff, e s'indrizzò
Una botta alla testa, e certamente
D spartirl infinna al bligal lu pineò;
Mo d Mandricard Ruggir più diligent,
Inuanz ch la Durlindana vgniss in zd,
A trarsi sotto an fu incantà ne lent,
La maia ai sbraga, e sotto alla lasina
I apttò un colp cun la spada d Falerina.

58.

E quand indrì Balisarda al tirò,
La grundava d sangu cald cm'è una fontana.
Con sta frida la gran furia s timprò
D Mandricard, e dia spada Durlindana.
Mo cou tutt ciò in t la groppa fri s pigò
Ruggir, ch'en la pesi far, emod s dis. ramana
E, s pr'incant al so elm en fuss timprà.
Di discurs ai era, dri a sta tantana.

59.

Mo però an s ferma, e 'l spinz al so cavall,
E al fianch dritt 'd Mandricard l'attrova:
Ch' l'armadura en val gnanch d bon metall,
Ne tempra fatta a luna vecchia o uova,
Contra a qula spada fina, ch mai v'ia in fall,
Cmod a in avèn za vist più d'una prova,
E ch'al n'ha contra d li ngotta zuvà
Elm o piastra, anch dal diav fabbricà.

60.

Quant l'in chiappa l'in taia tant, e pò
Fu Mandricard sbusa propri in quel fianch,
Ch dal gran furor la terra e 'l cil biastmò,
Ch'al mar quand l'è in burasca è urribil manch.
E, mttends in pront d far l'ultim sforz ch'al pò,
Quel scud, in dov è d'pint qu'ussell in bianch
Cun camp turchin, al sfombla da luntan,
E Durlindana fort stricca a dou man.

61.

Allora Ruggir diss: Quest è d'avanz
A far vder che quell scud t n'ha merità:
Pr'al lungt t taiaa al mi ch l'è poch innanz,
E adess al to per terra t'ha ficcà.
Mo, in quel mentr ch'al s perd a far sti zanz,
Mandricard i dà un colp quasi d'sperpustà
Cuu tanta forza in testa, vers la front,
Ch'al pars un fulmin quand al dà in t'un mout.

62.

Una part ai taiò vi d'la visira.
Guai s'a gli avise avù al nas appunzà!
La sella po i scumacca in tal manira
Ch'ai l'avere e taiò, ben ch'l'era frà.
Ai spzò i cussal tant quant i fussen d cira,
Vesta, bragh e camisa funn taià
E in t'una cossa fri arstò in mod Ruggir,
Ch'ai vols d'la luna innanz ch'al pesias guarir.

63.

Tant quest quant qu'altr han rossa l'armadura
Del so sangu, perchè ognun d lor era fri.
An s cgnusseva chi avias vantage sicura,
Tant per quel paccagnazz erni sfini.
Mo Ruggir d batr a dar in st punt procura,
E cun qula spada ch d'altr pintir fi
D punta l'indirizza un colp al Tatr crud,
Da qula part dov' al t'gneva prima 'l scud.

64.

Ai passa la curazza, e dal là stanch
S'avr larga la strà d'andar al cor.
Un smess la spada uscì da qu'altr fianch,
E cun qula fri la vita ai vign a tor.
Sicchè l' pretension tutti in t l'ussell bianch,
E in Durlindana eu zovn, e adess al mor,
Ch l'è quell ch' i vin in stufia, più ch'en feva
L'aquila bianca e la spada ch' l'aveva.

65.

Mo, in t l'istess punt, vendetta Mandricard
Contra Ruggir riuscì a far, cm' al fu fri.
Cun Durlindana al picchiò da gaiard,
Una botta, ch Ruggir arèv d'spartì,
S'al colp en n'avise fatt andar più tard
Qula puntà ch' un mumeut prima l'arzi,
Quand Balisarda al colz sotto al braz dritt,
Dov ai uscì tant sangu, cmod ai ho ditt.

66.

Ruggir da Mandricard armas percoso,
In qu' istess punt che quell quest ammazzo.
Al colp fu quasi tamugn, ch'un arch ben gross
D ferr e d'azzarr una scuffia al troncò,
Taiand cun quisti anch po la codga e l'oss,
E dou bon dida in t la testa l' intrò
Qula spada, e in terra al bon Ruggir stramazza
Allagand cun al sangu tutta la piazza.

67.

Al prim a andar in terra l' fu Ruggir.
E l' re di Tatr a avversars sti tant;
Ch la zent insem za principiava a dir
Ch st' ultm arputava d'la battaia al vant.
Anca li Duraliz feva st pinsir,
Dop aver fin' allora o ris o piant;
Al cil la ringraziava a man curtes
Ch'al so mros s fuss patron d'la giostra res.

68.

Mo quand po s vist in mod ben chiar ai sign
Ch'arfiada al viv, sbasi quell ch'era mort,
Chi i avi gust, e chi la tigna ai vign,
Chi sinti aver d'olor, e chi cunfort.
I re, i princip, e i signori più dign
Van da Ruggir, ch'era za in pi, ben smort.
Cun al dari al bon pro, digand Evviva,
Ch'ha fatt vedr al valor so dov l'arriva.

69.

Squas tutt van da Ruggir a algrars a mass
Pr'aver cavà l'argui a qu'insuleut.
Sol al re d Sericana, m'ir Gradass,
D sta cosa d'entr d lu an s trova cuntent.
L'arèv la propri vlu truvà a st pass,
E l'invidia al stuzziga internament.
La fortuna al maldiss, ch fi qu'altr'uscir,
Mo tutt altr però l' s mostra in t'al dir.

70.

Cosa diroia mo del lod quai tant,
Del finezz e favur, ch fi al so Ruggir
L'imperator di mor, barba Agramant,
Ch senza d lu en vols alzar el sou bandir,
Ne d'in Africa tor brisa l' purtant,
Quand an l'aveva sigh, an vols partir?
Adess, ch l'ha ammazza al fol del re Agrican,
Al stima lu più d tutt i altr pagan.

71.

Ne i omn sol ern d sta valuntà
Vers Ruggir, mo l'istess feva anch el donn,
Ch d'Africa e Spagna in Franza ern passà,
E ch'in t'al camp allora s'attruvonn.
S la stessa Duraliz a fuss attintà,
Quand cun Ruggir tutti gli altr s'algronn,
Sebben ch l'era piangulenta e decunsulà,
Cun quegli altr anca li la s'rev algrà.

72.

Al mett in forsi, an al digh cun certezza,
Mo, sta cosa impossibil la n'em par:
I merit ern tant, tanta la blezza
D Ruggir, che facilment as pèvea dar,
Per quant avèn nutà, tant l'era avvezza,
Cmod la feva del vstàn, mros a mudar,
Ch la n're gran cosa ch, per n'arstar in ass,
I su pinsir in lu adess la n'vultass.

73.

Da viv, al so cas era Mandricard;
Mo, quand l'è mort, cosa s'n'ala da far?
Beogna ch la trova un altr ch sia gaiard,
Da pserla nött e di ben suddisfar.
Intant a fars innanz n'era stà tard
Al medic d cort, ch'i ern za andà a chiamar:
E quest quand l'av el fri ben visità
Sicura al di la vita d'ammalà.

74.

Cun diligenza allora al re Agramant
Al fi purtar Ruggir propri al sou tend.
E a visital andava d tant in tant:
Ch'al sippa ben curà l'ha cura e attend.
D'intorn po al so lett scud, arm e mant,
Ch'ern za d Mandricard, ai mitt e s' detend,
Fora dla gran spadazza Durlindana,
Ch'al vol ch l'aviss al re dla Sericana.

75.

Gli arm non sol, ma, a son d tromb e d timball,
Tutt al despu d Mandricard i fu purtà,
E cundutt Brieiador, quell brav cavall,
Ch'aveva al matt Urand abbandonà.
E d quest'al re Agramant i in fi un regall,
Ch l'aggradi, e s l'av a car molt purassà.
Mo quest lassèn da un là, e turnèn a dir
D chi s lamenta e suspira per Ruggir.

76.

I guai e la passion intant ch provò
La povra Bradamant a vui qui dir.
A Muntalban da li Ippalca turnò,
Cun qula littra, ch'i aveva dà Ruggir.
Al cas d Fruntin pr'intir po la i cuntò,
Cmod ai l'aveva tolt al re d'Algir,
E ch l'attruvò al so mros in campagnì
D Rizzardett, e d qui quattr altr fradi.

77.

E ch'in so cumpagnì al s'era parti,
Cun speranza d trovar al Sarazin,
Avend in ann d vier dari al ben servi
Pr'aver tolt a una donna al so Fruntin.
Mo ch'ai era st so dsegn andà falli,
Perchè i n'avev fatt l'istess cammin.
E la causa ch'allora ginst an vgneva
Ruggir a Muntalban tutta la i deava.

78.

Tutt'agn cosa la i diss po, fin' a un'acca,
D quell ch per scusa i mandava a dir l'amant.
Dop la s cavò la littra d'in bisacca,
Ch'i aveva dà Ruggir arcmandand tant.
Ch sta scusa n'i piaseva una patacca,
Diss, in t'al tor la littra, Bradamant,
Dsmustrand ben chiar, cun en so quant suspir,
Ch molt più vltutira l'arè vist Ruggir.

79.

L'era tant ch la l'aspettava, e, in scambi d lù.
Sol un fui d carta vedr poch i pias.
Chi i aviss guardà d fies, l'arè ognussù
N'esser brisa el so cor allora in pas.
La littra la dsbulò, la i guardò sù,
Prima d lezzarla cert la i di mill bas:
E al mui del piant, ch'allora l'arversò,
La difessen dai suspir, tant ch la n'brusò.

80.

Quattr volt la lizi la littra, o sì,
E pr'atir tant la vols ch fuss replicà
Tutt quell ch'ai mandò a dir pr'ambassari,
Ch'in prima za la serva i ha cuntà,
Pianzand d cuntin; e cert ben a cherdri
Ch'algrezza nesuna la n'arèv pruvà,
S la n' s fuss dà un po d'aiut cun al pinsir
D'aver da arvedr preat al so Ruggir.

81.

L'aveva di di d temp tolt quinds o vint
Per mantgnir la parola, e a confirrà
Al l'aveva cun più d mill zuramint,
Da n' suspiar ch l'aviss mai dla fed mancà.
Chi mai m'accerta adess da tutt i event,
Dis Bradamant, ch s'attrovn in tutt i là,
E massen d guerra, ch n'impegna e ch'en trattigna
Al mi Ruggir, ch'a Muntalban an vigna.

82.

La deava anch: Oh! Ruggir, chi arè cherdù
D mi, ch t'ho più che mi stessa cert amà,
Non sol ch t'n'em vliss più ben, mo d sovra più
Ch t'am dla zent ch'è to nmiga dichiarà?
Cmod adess qui ch'in tu t n'i pens più sù.
E chi t'ariss da ndiar da ti è aiutà?
A son certa ch t'n'agnuss tort ne rason,
Perchè quasi mal t'et port in st'ocasion.

83.

Ch'al re Truian ammazò (forsi t n'al sà)
 To padr, e pur infinna el pred al san.
 E ti, zuccon, adess tutt i sforz t fa,
 Per dar aint al fiol del re Truian?
 To padr, quand da ti sral vindicà,
 Qnand contra d qui ch la to vendetta fan
 T rend ben per mal, e t cerch 'd destruzzi lor,
 E mi, fra tutt, murir t'em fa d dutor?

84.

Sta zovna dseva al so Ruggir, ch' n' udeva,
 Sti cos, e anch tant altr, suspirand
 Non una, mo cent volt, sebben ch l'aveva
 Qula dunzella, ch l'andava cunfurtand:
 Ch'al sre d parola stà Ruggir, la dseva,
 Ch la n' s dubitass, e ch la l sties pur aspttand
 Finna a quel di prumess, ch da li al sre vgnù,
 E ch preteri al n'arè d'un ora d più.

85.

El bon parol d'Ippalca, e la speranza
 Ch di omn, e più di mrus, è la cumpagna,
 Fau che l' dsturbe e l' dutor tant en s'avanza,
 E ch pas la s daga un ciech, e tant la n s lagna.
 La s fermò a Muntalban, con la fidanza
 Ch la littra i deva, e quela cara cumpagna,
 Ch Ruggir sre arrivà in quel temp preffiss;
 Mo lu quell en mantins ch l'avea promise.

86.

Ch la parola da lu n' fuss usservà,
 Au si po dar tutta la colpa dfatt:
 Ch'al fu dai cas success tolt tant zo d strà
 Da n' peser per forza esser fedel ai patt.
 Chè d Mandricard appena al s fu sbrigà,
 Per medgars, bagnò ch'al stiss un mes arpiatt
 Sotta ai linzh cuu gran riguard e cura,
 S' an vleva anca lu andar in sepultura.

87.

La povra Bradamant pazienta spes
 Quel temp a starl aspttar, mo in van l'aspttò.
 E nova la n in sav su quand l'intes
 Quell ch diss Ippalca, e ch Rizzardett cuntò:
 Ch'al l'aveva dal fugh e da mort dfes,
 Ch Malagis e Vivian al liberò.
 Ma cun tutt quest, sebben ch sti nov i piasen,
 Ai è tra mezz del cos ch ben fort i dspiasen.

88.

L'aveva udì Marfisa numinar
 In quì discurs, el sou blezz, e l' valor tant;
 E ch la s vols cun Ruggir accompagnar,
 Pr' andar a dar niut al re Agramant,
 Ch'era arduitt in t'un strett, da n' s psser guardar,
 Cun al mancare el spad miòr di Levant.
 E, ben ch la mostra ch sta nutizia i pias,
 Per d' dentr un pigh la sint ch purassà i dspias.

89.

E poch al n'è al perchè dia gelusi:
 Ch s Marfisa è bella, cmod la sint cuntar.
 E ch la s sippa vlu unir in cumpagni
 D Ruggir, s la i pias al n'è da maraviar.
 Pur la n'al cred, e s spera tuttavi,
 Stand ansiosa quel di prumiss a aspttar,
 Ch po dari algrezza, o pur malineuni,
 E fora d Muntalban la n mitt i pi.

90.

In qu'istess temp ch li steva in t'al castell,
 Da amor, da gelusi fort travaia,
 Ai arrivò Rinald, ch'è so fradell,
 Non za al più vecch, mo quell ch'è più unurà
 Tra i altr, perchè l'era un sol tra l' strell,
 E per valor, e per merit più stimà.
 L'arrivò cun un pagg, ch'era vers sira,
 Ora ch'al palpastrell s mitt per rivira.

91.

Al mutiv d qu'andà fu ch quel di, da Brava
 Turnand al solit vers Parig pian pian,
 Za cmod a diss ch sta gita spess al fava,
 Cercand la mrossa, e al Senator ruman,
 Ai fu purtà l'avvis ch'a s cuntrattava
 La vita d Malagis, quella d Vivian
 Tra Lanfusa e Bertulazz, e lu pront
 In frezza s n'andò d posta in Agrimont.

92.

Quì l'av la nova ch'i ern sta salvà,
 E ch'i su nmigh tutt quant ern sta destrutt
 Da Marfisa e Ruggir, ch lor ern stà
 Ch'avevn quì e quì altr mal arduitt;
 E ch'i fradi e i cusin s' n' ern turnà
 A Muntalban, e là i s truvavn tutt.
 A Rinald pars mill'ann d psser attruvari
 E cun amor e carità abbrazzari.

93.

Sol per sta cosa al vins a Muntalban.
 Dov l'abbrazzò muier, padr e fradi,
 I cnsin al basò, ai tuccò la man,
 A tutt al fi carezz e gran curtsai.
 Tutt finu algrezza d vedrl viv e san,
 Mo, d co d dn di, lu diss d vler turnar vi.
 Agl'invidò po dop, ch'i andassen stigh.
 In aiut del re Carl, e contra i nmigh.

94.

Alard, Rizzard, cun Rizzardett, e d lor
 Al fiol più vecch d'Amon, ch ha num Guizzard,
 Malagis e Vivian pur anca lor
 S'armonn, pr'unirs dri al paladin gaiard.
 Mo Bradamant, ch'aveva aitr in t l'amor,
 E aspetta ch passa l temp ch per li v' tard,
 Per n'andar sigh, la seusa l'attruvò,
 D' esser mal miosa, e in Muntalban l'arstò.

95.

E l' ver la diss, puvretta, ch' ammalà.
L' era, mo non d' fivra, o d' qualche tumor:
Mo la duia, ch' l' ha dentr in pett asirà
L' inquieta e s' i fa sentr un gran d'ulor.
Intant Rinald, lassand el zirr da un là,
Dla parintela al guida sigh al fior.
Cmod vers Parigi al s' accustass, e quant
Per Carl al fiss, al sari in st' altr Cant.

FIN DEL CANT TRENTA.

CANT TRENTUN

ARGUMENT

*Guidon Salvadgh fu cun Rinald battaia,
Mo po i s' accugnuss, e l' cos in accumulà.
Da quist, cmod s' i fussen d' locch o d' paia,
I suldà d' Agramant in tartassà.
Brandimart, ch' per l' amigh Urland s' travaia.
Cun Rudumont l' ha un gran disparer trovà,
Mo l' perd. E po Rinald pr' al so Baiard
Litiga cun al Serican gaiard.*

1.

S' aviss tant sal in zucca, mi, da psser
Dpinz a mi mod l' inquieta gelusi,
Cunform all' ho in t' la ment, e a son d' parer.
Una donna a vrè far senza cavi,
Mo, in scambi d' qui, del biss ai farè aver,
Ch' l' ingumbrass in t' al corp, fin sotto ai pi.
A vre po d' questi la più granda tor,
E mostrà ch' la i succhiass al sangu del cor.

2.

Da per tutt a vre far ch' d' ucch la fuss pina
E pr' agn' occh un' urechia ai vre azuntar;
Ch' l' aviss al mus culor d' canella fina,
La front grinza, cmod ha chi sta a appinsar;
Al nas squacchia, cmod è una mistuechina;
La bocca larga, e i labbr ai vre po far
Suttill suttill, d' un culor travertin,
E al ment, ch' pariss al grogn d' un rizz purzin;

3.

Al coll al doppi lung'h d' quell d' una tocca;
La gobba aguzza per dedri in t' el spall;
El dida attacc insem, cmod porta un' occa:
No mettria a la vre d' co d' un pedstall,
Mo ch' la stiss apponzà a una brutta zocca;
A vre ch' l' aviss i pi d' asin o d' cavall;
In scambi d' scarp, ai mtrè d' feltr una sola,
O d' pell del diavol vecchia anch una pzola;

4.

Una vestina ai farè d' vari culor
Ross, e turchin e zall, negr e murell;
Del verd an i in mtrè gnanch in t' el cusdur.
Ne gnanch a vre in t' al bianch bagnar al pnell:
A vrè po fari su degli arpadur,
E in t' al da pi ch' n' i fuss brisa l' urell;
In t' al dintorn, ch' la fuss smarellà,
Dscusi in qualche lugh, in qualche altr stiaucà.

5.

Per dar un cumpiment po alla pittura,
In testa el corn ai dpinzrè certament,
Ch' el fuss lung'h almanch du pi d' misura:
Segond mi, quest sre propri al cumpiment.
E chi pssiss fàrla po pzinna d' statura,
E granda ch' la dvintass in t' un mument,
La perfezion sre tutta ch' si pssiss dar,
Mo tant in là an cred ch' l' art possa arrivar.

6.

Quest' è l' ritratt, ch' a farè d' sta passion.
Anzi d' sta furia, ch' s' arè quasi da chiamar:
E s' l' è vera, mi a in poss rendr rason,
Ch' per causa d' questa a son stà per cherpar.
Mo adess, ch' a fazz l' amor cun al viu bon,
Ne cun el donn an em vui più impazzar,
La n' em dà più fastidi, e più 'n m' ammazza.
E s' ho al fiasch gelusi sol e alla tazza.

7.

Sta furia, st' basalich, st' mostr, o passion.
Ch' è un van suspett, un solennissim vizi,
Intrò in t' al cor d' la fiola d' Amon,
E l' auma i travaia a precipizi.
Dop l' ppaica, e al fradell, un chiaccaron
Del sfrappel ai cuntò senza giudizi;
Mo in altr lugh d' st' affar a parlaran
E intant Rinald, e l' sou zent a seguiten.

8.

I incuntronn vers la sira d' qu' altr di
Un cavalir, cun una donna al fianch,
E quest da cap a pi d' negr era vesti,
Sol armacoll l' aveva un nastr bianch.
Questù sfidò Rizzardett, ch' arrivò li
Innanz ai altr, e ai pars un suldà franch:
E Rizzardett, ch' en vols mai nessun schivar,
Vultò la breia, pr' andarl a incuntrar.

9.

Senz' altr dscurs, agli arm i s' preparonn,
E cun gran impit i s' vinsen a incuntrar.
Rinald, e i altr su cumpagn s' fermonn,
Per vedr chi di du tin zo cascar.
Rizzardett dentr d' lu: Al cuspett d' mi nonn!
S' al poss, al dseva, a mi mod acchiappar,
D' sicur a so ch' l' arà da andar in terra,
Mo l' ariusci al cuntrari al fin d' sta guerra;

34

10.

Perchè quel furastir, ch'chiar volt fi fall,
Cun un gran colp in t la visira al pres,
E d'in sella al le tri zo da cavall,
La panza e 'l gamb all'aria in terra dtes.
Alard, che vols per second intrar in st ball
Per vindicar quel so fradell uffes,
D'andar in terra scumacà ai tuecò,
Armas cun al scud rott 'd sovra più.

11.

Guizzard, a vedr in terra i dn fradi,
La lanza addrizza contra al cavalir
Ch'è negr, ben ch Rinald i dss: Stà indri.
Perchè mi a vui sta musica finir;
Mo an s'era gnanch del tutt miss alla vi,
Ch Guizzard vols dar effett al so pinsir.
Ma la baza d qui du l'avi anca lù,
Ch'al tins andar in terra volt in sù.

12.

Rizzard, Vivian cun Malagis arduitt,
L'un dl'altr a gara, vlevn andar innanz:
Mo Rinald i fi star indri li tutt,
Digand: Finenla un poch, ch'ci si n'ho d'avanz,
Se no am farì d'ieur dar in t'i rutt,
Ch'an avèn temp da perdr in bubl e in zanz.
Che s'd'andari un dop l'altr tutt asptten,
Al cil sà lù quand a la finirèn.

13.

Sta còsa al la dss pian, ch'ensun l'udiss
D qui za cascà, ch s'ren tgnù per dsunturà.
E in st mentr all'ovra pront al s'era miss
D lanza, d scud e d curagg ben preparà.
L'incontra po 'l so nmigh d'un colp què fiss,
Ch quest tins armagnr curt e maravià,
Perchè 'l lauz andonn rott a pizz e beccun,
Ne da cavall i s'mossn di du nssun.

14.

Mo l'urtars di cavall fu aqusi gaiard,
Ch tutt du in terra i andonn a battè el gropp:
In t'un atm però s'alzò Baiard,
Ne st'incontr i servì d'un gran intopp.
Mo qu'altr en s'passi più movr o prest o tard,
Ch spallà, sfilà l'armas, e d dou gamb zopp.
E al cavalir, ch'al vist aqusi dar zò,
Lassò 'l staff, e in t'un tratt in pi al sbalzò,

15.

E, vultands a Rinald, ch'avea dsfudrà
La so Fusberta, e in man la tgneva stretta,
Ai dss: Dal mi cavall ch'avi ammazà,
Ch'era bon, e m'cnstava qualch dubletta,
Vu am stimarissi nn om ben svigliacà,
S'adess an prucurass d'farn vendetta:
Siechè vgni innanz, e fà tutt quell ch'a psei,
Ch'al cavall viv ha da essr vostr o mi.

16.

S'al cavall arstà mort, Rinald arspos,
Fa nasser fra nu dn, nova question,
Av in darò un di mi più spiritos,
Ch'alla prova a cgnussri s'li fort e bon.
Mo qu'altr dss, alzand un po la vos:
Ch'am prema al cavall mort s'avi upinion,
Mtila zo, e s'an capissi quell ch'a vui
Av dspigarò per tutt i vers al fui.

17.

A vui pruvav s'a si tant valent
Cun la spada, cmod v'ha dimostrà la lanza.
S'a n'al fiss arè dsugt eternament,
E a vui vedr in s'arma chi m'avanza.
S'a vli star a cavall, m'a son content,
Ch'a darv anch del vantazz la m'è una zanza,
Insomma, pur ch'ez unnam in t'i cuccai,
Fà cmod a vli, per mi an i pens un ai.

18.

Rinald arspos: Mi a farò cmod a vli;
Stà pur sicur che d'battrm av promett.
Tutt quisti, ch'en qui migh andaran vi,
Ch ne all'un o all'altr in z runbran al garet.
Lor innanz andaran, fin ch'ai vad dri,
E cun mi l'arstarà sol un paggett.
Ch tigna dur al cavall, e dsend aqusi
Al fi zegn ai cumpagn ch s'tulissn d li.

19.

La gran curtsi del paladin gaiard
Al furastir lndò molt purassà.
Intant dsunntò Rinald, e s di Baiard
Da tgnir a quel ragazz, ch'era li arstà.
E quand an vist più al segn di su stindard,
Perchè i parint za s'ern sluntanà,
In brazz al tols al scud, e in man la spada,
Ammanvà a batts cun quel camarada.

20.

In quel lugh, fra d'lor du s'eminzò a cuntendr
Cun del buss e di culp gross e tamugn.
Ensunn d'lor al cuntrari s'vol arrendr,
Pinsand tutt dn d'psser star da grugn a grugn.
Mo, vndend ch del pan gran fatt an i dè da vendr,
Più riguard i s'nsonn, e a star ben frugn.
L'argui av so dir mi ch'a gli è calà,
E i cerchn al so vantazz da tutt du i là.

21.

D st dnell l'armor s'arvisa propri al tron,
E saiett parn i chinech del gran percoss,
Loen el faliestr, ch nassen dal murion,
Pizz d'mntagn i gran culp, ch'i s dan addoss.
Gli armadr van per terra a beccun a beccun.
L'un l'altr s fan duler la carn e gli oss.
Ugnun s'ha l'occh da man stanca a man dritta,
Che un sbali anch pzin al po custar la vitta.

22.

Un'ora e mezz st'assalt era durà,
E al Sol avend al solit viazz cumpi.
In mezz al mar al s'era za acculga
Pr'en s'lassar vedr più sn'è qu'altr di.
In tutt st temp, ensun d lor s'era affermà,
Mo i s'ern picchià addoss em'è du arrabbi.
E pur i n'han insem odi o rancor,
Mo i s' lavoru al curà sol per l'unor.

23.

Dentr da lu Rinald t'gneva appinsù:
Chi po mai essr st cavalir quasi fort,
Ch non sol ha contra d mi pr'nu pezz durà,
Mo ai ho anch eherdù ch'am manda all'uss dlamort?
E'l sint ch'al l'ha tant pist e maltrattà,
Ch'a dubitar del fin al cmenza fort.
E, s'al passas cun unor, ben e vlantira
Al demittrè allora allora quila chimira.

24.

Da qu'altr là, qu'incognit forastir,
Ch n'aveva d sorta affatta la nutizia
D'aver contra Rinald, quel cavalir
Tant nminà, e famos in t la milizia:
Ch'aveva per quasi poch cattà da dir,
E al feva dentr d lu al merit giustizia,
Stimandl in guerra un om d'alta eccellenza,
E quest a gli al mostrava l'esperienza,

25.

Al s'cminziop a pintir d quel po d pladur
Ch l'aveva fatt per causa dal cavall.
E, senza discreditars, s'al passiss sicur
Tras d'impegn, al le farè senza fall.
Mo al mond era vgnù intant quasi negr e bur
Ch ben rar ern qui culp ch n'andassn in fall.
E, per n'i vedr più gozza da nssun là,
I fevn cmod fa i urb al bastunà.

26.

Rinald fu l'prim la s' rason a dir,
Ch'un mstir al n'era quell da far al bur,
E ch'es pseva st' affar ben differir
Pr'infìn ch'al Sol turnassn i su splendor.
In cumpagnì mi d mi, l' diss, a pssì vgnir
Ch'av dagh la mi parola, stà sicur
Anzi ch'a s'ri ben vist, e s' s'ri unurà
Quant in qualch'altr lugh av siadi stà.

27.

Al n'av brisa occasiun d gran fatt pregar,
Perchè qu'altr abbrazzò prest al partì.
E i s' missn tutt du insem a camminar,
Fin ch' ai altr cumpagn i s' funn unì.
Rinald intant dal pagg s'era fatt dar
Un cavall, d quell ch' i vleva urnà e guerni,
Pront alla corsa, a spada e a lanza bon,
E a qu'altr cavalir l'in fi un bell don.

28.

Al forastir gran fatt en camminò,
Ch'al cgnussì cun chi al s'era accumpagnà:
Perchè da per lu a cas quest s' nminò
Prima ch' i fassn ai cumpagn arrivà.
E, perchè i ern insem fradii, al provò
Una gran cuntintezza strampalà.
L'amor e al sangu al finn cunmovr tant,
Ch dal gust ai nech al sintù vgnirs al piant.

29.

S'al vli saver, l'era al Salvadgh Guidon,
Ch'in cumpagnì d Marfisa era in za vgnù,
Cun Sansunett, Aquilant e Griffon,
Cmod av diss za, s'in ment all'avi più.
E perchè l'era stà da quel briccon
D Pinabell cun sti tri campion trattgnù
A dfendr del castell la brutta usanza,
An s'era gnanch pesù dar da cgnussr in Franza,

30.

Quand donca Guidon l'udi nminar
Rinald, sovra tutt i altr più famos,
Ch tant al bramava d cgnussr e d'abbrazzar,
Più ch n'ha la vedva d vedr el so nov spos,
Alla prima al s'provò, e s' n'pssì parlar,
Ch l'amor e'l gust i avevn tolt la vos:
Al diss po finalment: Chi m'ha cundutt
Contra a quell, ch' ai vai ven, e a bram più d tutt?

31.

Dla signora Costanza a son fiol e d'Amon.
Qua tal Costanza, ch'a savi mo vù,
Quella ch' fi far al pà al salt del munton,
Quand l'era in t'al paies d'ond a son vgnù.
In t'al battesm a fu chiamà Guidon,
Ne pr'altr dal paies ai ho tolt sù,
Che pr'attruvarv vu tant nminà,
E al rest accgnussr del mi parintà.

32.

Mo am scensari, s'in scambi d farv unor
Av ho uffes, contra la mi vultutà.
E s'a poss in qualch mod dscanzlar st'error.
A farè d tutt, quand a sia stà cmandà.
Rinald, sintend parlar cun tant amor
Guidon, ai diss, dop averl abbrazzà:
N'ev stà, fradell, a mitter di pinsir
D vlevr scensar pr'un fall, ch' l'è un di più alzir.

33.

Per far fed ch'a si un ram dla nostra cà
An importa ch'a fadi più parol.
La prova ch' ai ho vist adess poch fa
Basta, per farv accgnussr d chi a si fiol.
L'è za un proverbi antigh, ch'ugnum al sà,
Perchè i pruverbi n'en fantasi o fol:
Ch'an prà mai da una livra nasser un lion,
Ne da un ov d clomba uscir mai un falcon.

34.

Senza fermars, emod fa cert' un, dscurrand,
Mo andand d' lungin in t' al dscorr-r i du fradi,
I aranzinn i cumpagn, ch' i stevn asptand:
E qui Rinald ai parit diss: An cheriri
Che quest è quel Guidon, asptà in sti band
Za da gran temp, adess ch' è poch vgnù d' vi.
Allora tutt s' algronn sigh purassà,
Digand d' accord ch' al s' arvisava al pà.

35.

An starò tutti el cirimoni a dir
Ch' l' avi da Rizzardett e da Rizzard;
Cosa si dsiss Vivian, cunn Aldigir,
Malagis al bon magh, al vecch Guizzard,
Alard, e po tutt qui altr cavalir:
Tutt al ludonn per brav e per gaiard.
La anca la fi 'l sou part, e finalment
Al fu gradi e ben vist da tutt quell zent.

36.

D' sicur in altr temp i arèn mustrà
D' vedri vultura, emod al meritava;
Mo tant più in st' occasion, ch' pr' essr arrivà
lu temp d' necessità, quind al bisognava.
Qul' altra mattina, quind fu al Sol livà,
E da per tutt al mond l' illuminava,
Guidon cun i fradi, e cun qui altr in schira,
D' bon pass i seguitonn la so bandiera.

37.

Quel dì, cun qu' altr fort i camminonn
A bon ginrat, ch' i s' arpuassavn appenna,
Dscost da Parigi dis mià i arrivonn,
E i finn alto, fermands in riva a Senna.
Un par d' bun cavalir qui i attruvonn,
Un vsti d' negr, un vsti d' bianch, d' quisti la penna
Ugnun purtava d' co del so zimir:
Per quest i funn cgaussu i fiù d' Ulivir.

38.

Cun quisti ai era, e s' innava la dardella,
Una zovna civil e ben creia:
Questa era vsti d' scott bianch, e la stanella
Che cun strissla d' or bon l' aveva urla.
Graziosa l' era, unesta e altrant bella,
Mo la mustrava d' essr addulrà:
E in t' i att e in t' al vlt ben l' indicava
Ch' la dscurress d' una cosa ch' impurtava.

39.

Quand Guidon vist qu' du, a gli agnussì,
E in t' l' istess mod da lor al fu cgnussù.
Là, vultands a Rinald, ai diss aghi:
Quand sti du cavalir vgnaran cun nù,
Al re Carl av accert ch' srà ben servi.
Rinald dis d' essr d' st' parer anca lù,
Perchè l' man i san mnar da paladin,
E i s' n' addaran qui tanghr d' sarazin.

40.

A gli agnuss anch Rinald medesment
Per la moda del vstr da lor naà,
Perchè un andava vsti cuntinuvant
Tutt d' negr e qu' altr d' bianch era addubbà.
I s' salutonn insem alligrament,
E da Rinald i funn tutt du abbrazzà,
Da un là lassand andar el cos antighi,
E da person trattands ch' sien bon amighi.

41.

A sari za ch' per causa d' Truffaldin,
Non quell ch' in t' la cmedia fa al buffon.
Mo quel re d' Babilonia sarazin,
Quand i ern là d' Albracca in t' al giron,
Ai fu da dir tra d' lor e al paladin:
Mo adess, agn cosa i mettn in t' un canton.
Rinald a Sansunett dop al s' vultò,
Ch' anca lu dop a quisti li arrivò.

42.

Tanta cira ai fi d' più, quand al savi
Ch' l' era qsi brav e qsi valent sultà.
Qula zovna vist Rinald, e s' al cgnussì,
La s' i accenstò dulenta e dscunsulà,
E s' i diss: An savi d' Urland, ch' i è qui
La santa Cisa e al re Carl ubbligà?
Nud nad al va pr' al mond senza cervell,
Qul' Urland qsi savi, di pagan flazell.

43.

Sta disgrazia emod l' è nada, certament
Mi an v poss dir, ch' an in son infurmà:
Mo a vist la spada e tutt l' altr armament
Tra i stirp e i spin in terra sparguia.
A vist po un cavalir savi e prudent,
Ch' agn cosa miss insem, e arcols d' agn là,
E a fuzza d' va pr' al trofeo agli attaccò a un pin.
Scrivendi sotta: D' Urland paladin.

44.

Là pr' accident al fiol del re Agrican
Arrivò, e Durlindana al purtò vi.
I nustr a pssì pinsar emod i staran
A essr turnà qula spada in pagani.
Ne gnanch, per disgrazia più granda di cetian.
An fini cun la spada el rubari,
Ch' attruvand Breidor senza patron,
Anch quest al cnduss vi, quell brutt ladron.

45.

Al srà quattr o cinqu di ch' a vist Urland
Corr-r senza camisa, e senza inzegn.
Emod farè un can; la vgs l' andava alzand;
In somma del giudizzi an n' ha più un segn.
L' è cert ch' mi an dirè ne a vu ne a nssnn, quand
Cun i uech an aviss vist st' cas d' pietà degn:
E d' più la cosa i vols cuntar del pont,
Quand in t' l' acqua al cascò con Rudumont.

46.

E po diss: Qui ch'a trov, sta pertantegula
A fagh, massm ai amigh del Senator.
Ch'im dighn pur, s'i al voln dir, dla ptegula,
Mo a dir sta cosa an cred d farm dsuor.
S qualch d'un al mal d'Urland pssiss mettr regula,
Util dla Cisa al sre, gloria del Sgnor;
E s'al mi Brandimart a poss trovar,
A so cert ch'al farà quell ch'al po far.

47.

Chi sia sta zorna adess av al dirò:
L'era la fida e bella Fiordilis,
Amà da Brandimart quant mai a s pò,
E s' l'andava cercand per qui pais.
E dscurrend cun Rinald la i azuntò
La rissa missa in camp all'impruvvis
Tra Mandricard e l' re dla Sericana,
E, mort al prim, l' ultim av la Durlindana.

48.

Per la disgrazia successa al Paladin,
Un disgust ben grand provò quel d Muntalban.
E s cred ch'ai vgniss el luzz ai uech in fin,
Almanch al si sfegò cun tutt dou l' man.
E s fi pinsir d cercar quel so cusin
Per campagn e città, per munt e pian.
Cun la speranza, s'ai vin fatt d trovarl.
Da qula mistiria veir d'arsanarl.

49.

Mo za ch tutta sta zent ha fatta unir
La vultutà del cil e la vintura,
In priua al vol ch di sarazin el schir
Abbandonen d Parigi l' assedi e l' mura.
L'assalt però al s cusuia d differir,
Per so mazor vantazz, alla nott bura.
Aspttand là vers el quattr o l' cinqu sguzlà,
Quand i in la mazor part indurmintà.

50.

In t'un bosch al fermò tutta qula zent.
E tutt al di là dentr ai fi arpusar.
Dop, quand al Sol s fu arpos in Uccident.
E l' carr cun i cavall al fi fermar,
Lassand al lugh in cil al strell luseut,
Quand la Chiozza cminò in alt a girar.
Rinald di l' moss a qui campagn terribil
Cun al mazor silenzi ch fu pussibil.

51.

Cun Griffon, Aquilant, Guizzard, Vivian,
Alard cun Malagis, al fort Guidon,
E Rizzardett, inuanz l' andò pian pian,
Cun Sansunett ch fra tutt i bun l'è bon.
I dinn dentr in t'el guardi di pagan
Indurmintà, e guauch'un i in fin person.
I durmervn cm'i tass, tutt stufi e stracch.
E a so mod i i ammazzon tutt so a tersacchi.

52.

Di mor el sintinell indurmintà,
Surpresi all'impruvvis da i nustr estian.
El funn quai mal cundutti e mal trattà,
Ch'an i in pss armagn viv un d qui maran.
Dop ch'el prim guardi funn quai sagattà,
A mal parti s trovò quai altr pagan:
Tutt insunià, insupri, sovra pinsir,
P'nch s psevern d'efendr da sti cavalir.

53.

Rinald, per dar a qolor mazor spavent,
Quand a tir al s trovò per dar l'assalt,
Tutt el tromb fi sunar in t'un moment.
E del so nom l'arboub andar in alt.
Al di po d spron al so Baiard valent,
Ch subit dentr dal sprangh al spicò un salt
Cun di murgutt, di calz, e di spintun.
E i suldà l' arversava e i padigliun.

54.

Au i fu quai gran brav tra qui pagan
Ch'an s'i indirazzass per la pora i cavi
A sintir dir: Rinald da Muntalban!
E ch la bulma chersera tuttavì.
Cun i Spagnù scappava i African,
Senza dars temp, o dir: Cul, temm dri!
D mettrs in salv ognun cerca per ai
Per la gran caresti ch' i è d bun parti.

55.

Guidon vsin a Rinald i tocca sù:
L'istess fa pur i du fiù d'Ulivir;
Rizzardett e Alard fan a chi po più;
Sansunett cun la spada s fa al sintir,
Vivian cun Malagis, e d sovra più
Azuntaudi Guizzard cun Aldigir,
E tutt qui ch seguitavn qula bandira.
Ch'ern al fior d Chiaramont tutt miss in schira.

56.

Settecent Rinald n'aveva in Muntalban.
E li d'iutor per qui emun e vill,
Al fredd e al cald avia, rubost e san,
Ch'ngnun srev audà anch contra a mill.
Avvenz, squas sempr, aver gli arm alla man.
Curaggios e valent quant tant Achill.
Purassà s'in srev anzi pssù cavar
Ch'ai Paladin srèn forsi stà all'impar.

57.

E pur, sebben ch Rinald en fuss gran sguor
D città ricchi e d casti, manch po d quattrin.
Cun fari circa, e cun dsparir cun lor
S'i avisen guadagnà sol un bulgnin;
Sempr i i funn fù purtandi gran amor,
S'anch da di altr ai fuss prufet di zechiun.
Quisti da Muntalban al n'i muveva
Quand un bisogn estrem n'al custringeva.

58.

Mo adess ch Carlon l'ha d'aiutar premura
L'in lassa puch per guardia a Muntalban,
E, per anecora di estian, al s tol la cura
D far l'ultim sforz ch'al po contra ai pagan.
Quistor, quant l'arrivò addoss sta chieratura,
N'avinu gnanch temp da tor 'gli arm in man,
Ch'i s lassavn accuppar em'è tant castrun,
Ne per far testa s u'arvultò sol un.

59.

Carl aveva dal nvod avù la nova
Ch l'era sotta a Parig cun qui arrivà,
Cun piusir ch quand l'esercit mor s'attrova,
In t'al più quod dla nott, indurmintà,
D dari addoss: anca lu fi la so prova
Dai su brav Paladin accumpagnà;
A quisti s'era uni al fiol d Munudant,
Ch dla bella Fiordilis era l'amant.

60.

Quell, ch li aveva girand tant e tant di
Cercà per tutta Franza, e sempr in van,
Alla solita insegna la l'egnussì,
E l'amor i al fi accugnuss anch da luntan
Quand Brandimart la vist, al piantò li
Tutt i su, e l'furor contra ai pagan
Mandò da banda, e s cors da li, ben fort
Abbrazzandla e basandla cun trasport.

61.

Da qui di i omn del sou donn s fidavn,
Fussnel mo'putti o fussnel maridà:
Da per lor, senza nseun sigh, el s n'andavn
Per munt, per vall, per terr e per città.
E da qu'ora ch'a cà di su el turnavn,
Gli era per belli e on ben arrivà,
Senz'altr scrupl, e senza gelusi,
Ch tanta custodia è una minchianari.

62.

Del pover Urland la disgrazia in mod dolent
La i conta, dsendi d'averli li vist.
Brandimart un gran degust av certament
D'un cas quasi fatt, quant mai s possa dir trist.
E s'an fuss ch'altr cos d mazor mument
A gli ha cherdù, ch'a s'in farev del list,
Savend ch la n'era solita a sfrapplar,
Questa sicura an s lassarev piantar.

63.

D più là i diss Fiordilis del pont prigulos,
Dov stà l re d Sarza contra ai cavalir,
Dov l'addobba un sepoler, e l fa pumos
Cun gli arm e l sovrvest di pessenir.
E po là i diss ch la vist Urland furios
Far del cos impossibil sguas da dir;
E ch'in t'al fium l'andò cun quà abbrazzà,
In grau prigul tutt du d'armagnar angà.

64.

Brandimart, ch'è amigh d'Urland più d quant
S possa essr d'un fradell, d'un campagn car.
Tutt a cercarl dpost e a far quell tant
(Senza cosa pussibil tralassar)
Ch po la medesina insignar, valer l'incant.
Per vedr s qula mattiria s po arsanar,
Aqusi cmod l'era subit vols partir
Cun Fiordilis, ch'i insegnass i bon sentir.

65.

Da quell part dov li aveva vist al Cont.
Senza dir niint a nssun, i s'indirizzonn,
Cammianand d galopp pr'infin ch'al pont
Dov stava al re d'Algir i s'attruvonn.
La guardia al solit segn di a Rudumont.
E i servitur a un tratt prunt aminavonn
Arm e cavall, e all'ordin al s'attruvò
In quel mument ch Brandimart arrivò.

66.

Cun vos rauca e per stizza arragaii
A Brandimart quel re cminzò a cridar:
Sia mo chi av vladi, vu ch si arrivà qui
Apposta, o arradgà strà, s'a vli passar,
Dsmuntà, dspuiav, e gli arm lassà qui
In unor del sepoler, innanz ch'a far
Sta cosa av sforza, e andand al balatron
Per mezz d sta lanza an v'ava ubbligazion.

67.

A qu'armor Brandimart n'arres arsposta.
Mo, inttend in resta la so brava lanza,
Battold, ch l'è al so cavall, al sprona d posta.
E contra al sarazin ardit al slanza,
Pinsand d dari d so gust una battosta,
O almanch stari all'impar in t la balanza.
Cun un pinsir campagn anch Rudumont
Sprona al cavall a correr su pr'al pont.

68.

Al cavall d Rudumont, pin d ardiment.
Correr per quell puntell era za avvià,
E ben e spess a mandar zo la zent
A vedr s l'acqua è fonda purassà.
Mo al pareva ch Battold andass cun stent.
Ch l'avias l'arstin, e ch'an tmiss el sprunà.
Al pont, termand, par ch casca in t l'acqua chiara.
Oltra ch'an i è da i là sponda ch l'arpara.

69.

I cavalir, tutt du gran mistr d guerra.
Cun di lanzun, ch parevn alur da nav,
Un contra all'altr cun furor s'assera,
Intindend d tambussars cun qui du trav.
Battold e sigh Fruntin andonn per terra
Sebben ch'i fussa tra i cavall più brav:
Am intnd ch'i casconn sovra del pont
I patrun e i cavall tutt in t'un mont.

70.

Per la gran furia a vlers prest livar sù,
Dand d spron ai cavall, emod a s sol far,
L'assa del pont quasi poca e stretta fu,
Ch' in trovonna dov i pi psser affermar,
In mod ch' i funn sfurzà, senza aver pssù
Trattguir, a mui d' accord in t l'acqua andar,
Cun un amor quasi grand, ch' al pars in Pò
Fetot un' altra volta cascar zò.

71.

I cavalir però tutt du, segond
Ch' i andonn in t l'acqua, s' astriccon in sella,
Sicchè a cavall i s' attravonn in fond,
All'acqua a pescar s' ai füss qualch cosa bella.
Al n' è za quest al prim salt, e s n' è al segond
Ch' ha in t l'acqua fatt al boia d' Isabella
In cumpagnì d quel brav cavall Fruntin,
E al sà s' ai è del pess o gross o pzin.

72.

Al sà dov è al tren dur, e dov l' è tendr:
E dalla part dov' è poch' acqua al salta;
Fora la testa e 'l brazz al cuenza a dstendr,
E Brandimart cun gran vantazz l' assalta.
Quest vù cercand al mod da pssers mii d' fendr,
Mo al s' attruvò in t' un gorgh, dov l' acqua er' alta:
In t la lezza al cavall s' era piantà
Cuu prigul cert d' arstar in t l'acqua zlà.

73.

La spinta dl' acqua fà andar a co fitt;
Cavall e cavalir vi la trasporta.
Mo Brandimart è d sotto, e addoss cunfitt
L' ha 'l so Battold: è Fiordilis, ch' è smorta
D passion, salta in t' al pont ch' av ho descritt,
E s prega Rudumont per quli ch' anch morta
L' onora tant, a n vler lassar perir
Al so cumpagn, ch' è 'l fior di cavalir.

74.

La dseva: Av preghi, s' avi mai amà d bon,
Muviv a compassion d mi ch' am tant qustù,
Ah! cuntintav pr' adess d farl person,
E mitti al so scud cun qui alr ch' in là sù.
Perchè d quant alr scud ai fissi don
Al più unura e 'l più degn an avi avù.
La diss sti cos cun quasi bella maniera,
Ch' a qu' umazz aquai dur ai passò l' ira.

75.

E subit al so mros l' andò a aiutar,
Ch' era sotto al cavall in t l'acqua arstà,
Avein avsin l' ultim suspir a trar,
Ch' s l' intardava anch un bris l' era spicioc.
Mo però d là al n' al vols prima cavar,
Ch' an i av la spada, l' elm e 'l scud livà.
Mezz mort, fora dall' acqua po al tirò,
E cun tant alr in t la torr al l' assrò.

76.

La bella Fiordilis armas dulenta,
Quand cundur in t la torr la 'l vist dsarmà.
Mo pur, ch' al sippa li l' è più cuntenta
Ch' la n' sre se in mezz al fium al foss arstà.
Mo d se stessa la s dol po e la s lamenta,
Ch' per causa so a tant prigul l' era andà,
Pr' averi li cuntà d' aver al Cont
Vist, e egnussù, passar sovra a quel pont.

77.

Mucchia mucchia po volta, cun pinsir,
S la po guidari Rinald paladin,
Guidon o Sansunett, ch' en brav barbir,
O qualch alr dila cort del fiol d' Pipin,
Che in mar e in terra sia valent guerrir,
Da psser far testa contra al surazin;
E vedr, s per sort auch l' aviss manc fià,
S' l' ariussci del so mros più fortunà.

78.

La cammina di di, innanz ch' la s' abbatta
In t' un qualch cavalir ch' ava presenza
D' aver un fighet bon, perchè al cumbatta,
E Rudumont d' argui fazzo arstar senza.
Però, dop tanta pesca, un la n' accatta,
Ch' i par un bon suggett d forza e d putenza:
Quest' ha una sovravesta guerni e urnà
A trunch d' ancipress sicch totta arcamà.

79.

Chi al s füss, un' altra volta av al dirò;
Perchè adess a Parigi a vui turnar,
E dila rotta tamugna av cuntarò
Ch' fì Rinald e i cumpagn ai mor prubar.
L' è impossibil a dir quant in scappò,
E quant a qu' alr mond i in finn andar.
Turpin, ch' d furi al cont e s vols tor la cura,
An pssè, perchè la nett era tropp bura.

80.

Durmend dila grossa in t' al so padiglion
Agramant, un di su 'l camminò a dedar,
Digandi ch' al srà subit fatt person
S' al n' è prest e sulleic a scappar.
Al re s guarda d' attorn, e in confusion
I su al ved corr-r a gamb, senz' alr' aspttar,
Chi d zà, chi d là s la cui, mizz dscalz e nud,
Senza aver temp da tor la spada o 'l scud.

81.

Mezz' insunià e cunfus, senza cunsi,
E-gli arm indoss al s fava mettr intant:
Quand arrivonn in mezz a quel sguabii,
Cun Falsiron, Grandoni e Balugant,
E i i dissn ch' pigar bsguava i usvii,
E mettrs tutt in salv la pell' intant
E portars dri quel ch s po, s la n' i va busa.
E ch' la s' era scappà pr' un bus d gratuita.

S2.

Marsili i diss l'istess, e al re Subrin,
E quasi tant altr insem in quel mument.
E ch'a esser rotti e viuti in tant avsin,
Ch Rinald i è al cust, e ch l'è squasi present.
Mo s l'aspetta ch'arriva st paladin
Quasi valuros, e sigh l'ha tanta zent,
Ch'al s'assicura ch lu cun i su amigh.
Arstaran murt, o persunir di nmigh.

S3.

Mo in Arles o in Narbona al s po cuudar
Cun qui 'n so quant suldà ch'in aretà li:
Ch tant l'un quant l'altr i ern sit sieur
A far un poch d dfesa per qualch di.
S'in salv al po la so persona ardur
Al prà po vindicars d qu'lfessa li,
E l' so esercit arcuiri in t'un tratt,
Tant ch'in fin al re Carl sippa dsfatt.

S4.

Agramant al cunsei d qui signori azztò,
Cun tutt ch'ai pars d vergogna ch'al puzass.
Mo subit dal là d'Arles a la sbignò,
E tant prest, ch'al pareva ch'al vulass.
Oltra aver del bon guid, anch ai zavò
Ch'in t'al più bur dla nott negra al scappass.
Vint milla, mizz spagnù, mizz sarazin,
Funn qui ch scapponn dal man del Paladin.

S5.

Qeloz ch Rinald arbaltò, cun i fradi.
E qui ch Griffon e Aquilant ammazzon,
E qui settecent, ch Rinald ha in cumpagnì,
Av so dir mi ch a dver el man i mnonn:
Qui ch Sansunett d'in mezz tola, e po qui,
Ch'in t'al scappar in Senna s'affugonn.
Chi tutt i pssiss cuntar, al prev anch dir
Quant fiur la primavera fa fiurir.

S6.

As dis ch'ai mttiss Malagis un didin
Anea lu in qula vittoria avù qula nott:
Non za ch'al diss addoss lu ai sarazin,
Ch tanta man al n'aveva a dar del bott:
Mo i contn ch'al cmandass a Rabuin
I anzi nigr mandar fora dal gruvin.
Ch pareva tant suldà cun spad e lanz,
Da n'in psser mettr insem tant gnanc dou Franz.

S7.

E ch tant armor s'udiss d tromb e d timball,
Cun tambur e da guerra altr instrumint,
Tant fracass d man e d pi, d sberiar d cavall,
Tant zigh, tumult, e vos d più fatta d zent,
Ch munt e pian arbumbavn, camp e vall:
Per quest mor e spaguì dal gran spavent,
Pinsand d'aver al spall dla zent un mond,
S missen a scappar a gamb da co a fond.

S8.

Del so Ruggir Agramant s'accurrò,
Ch fri a lett steva mal anch purassà.
In t la miora manira al l'arcmandò;
Ch'al fuss su in t'un cavall ben accomdià;
E po, fora del camp, quand l'arrivò
Al fum, al vols ch'in barca al fuss purtà.
Quasi guidand vers Arles comandant,
Dov s'aveva da ardur tutta quela zent.

S9.

Qui ch'a Carl e a Rinald vultonn el spall.
A cred ch'i fussen cent milla, o poch manch:
Ai armitti chi avea 'l busanch o i call,
Ch'a salvars in pesinn essr tra i più franch.
Mo a bona part al correr andò in fall,
Ch'i tinzinn d ross dov' era 'l verd e 'l bianch.
A st mod però en vols far al Serican,
Ch la tenda aveva un poch più da luntan.

90.

Anzi, quand l'od cuntar per ver quel signor
Ch Rinald al Paladin è quell ch'i assalta,
Al s sent nassr in t'al cor quasi gran furor,
Ch'in t'un puet dà in gran smani e s urla e s salta.
E po ringrazia d cor al Creator
D'aver in qula nott dà una sort tant alta
D psser una volta aver al brav Baiard,
Ch'al mior cavall al cred per tutt i arguard.

91.

L'era gran temp ch Gradass avea ansieta
(Am pens ch'i in altr lugh all'ari lett),
D'aver la Durlindana al fianch taccà.
E po 'l cavall Baiard aqusi perfett.
Per quest, cun cent milla omn era passà
D'in Sericana in Franza, e viva in pett
Sempr ha sta via, e a una prima occasion
Al s'era pr' al cavall sfidà a tenzon:

92.

E in riva al mar al s'era za cundutt
Dov la rissa s'avea da difinir:
Mo Malagis i andò a sgumbar del tutt,
E s fi a so dpett al Paladin partir,
Avend prima in t'una nav arduitt.
Mo a sre tropp lugh s'a vlise agn cosa dir.
D'allora in za 'l pinsò sempr Gradass
Ch dalla pora Rinald l'impegn scappass.

93.

Adess, ch'i contu a st re dla Sericana
Che quell ch'i attacca è Rinald paladin,
L'ira s'i dsdesda, al s'arma, e s tol l'Alfana.
E s'en i è mai d'avvis d trovarsi avsin.
Tutt qui ch l'incontra, in t'al cercarl, al spiau.
In terra, cun la lanza: eni sarazin,
O spagnù, o african, o nad in Franza,
Ai manda tutt del par cun la lanza.

94.

E d za al vù tant e tant v d là cercand,
Chiamand, alzand la vos sempr più fort,
E 'l s mesda da quel band andars vultand
Dov al ved ch più faccend ha fatt la mort,
Ch finalment, cun l andar quì e lì girand,
Insem i s' incuntronn, quand viosa la sort,
Cun Durlindana e cun Fusberta in man,
Dop ch' el lanz ern andà in tant pizz luntan.

95.

Quand al re vist al paladin gaiard
Al n' av perfetta e bona cugnizion
Dai cnp tremend e dal cavall Baiard,
Ch pareva mettr al camp tutt in destruzion,
An fu a rimprverarl pigr o tard
D' averi fatt una quisi sporca azion,
Ch' al lugh e al temp, tra d lor du stabili
Per finir la so lit, a cumpari.

96.

E po dseva anch: Ti t dsev forsi pinsar
D scapparn cent, pr' aver scappà quel punt:
E ch' an z' aviesn mai più da incuntrar
Un' altra volta: vit mo s' a t' ho arzunt?
Stà pur sicur, ch st' andass dov an s po andar,
An digh sol d' là dai mar o d' là dai mont.
Mo o d' là luna in t' al cerch, o zo in t' l' infern.
Quand t' ha st cavall, at tgnard dri in etern.

97.

E quand t' av pora averla a far cun mì,
Ne gnanch tant ann da starm all' impar;
O, più dl' unor, la vita ti piassa a ti,
Senza nssun prigul t pu mettri un ripar:
Lassm alla bona st to cavall a mì,
Dop, s l' è pussibil, campa quant at par,
Mo va po sempr a pi, ch d' aver cavall
T n' i degn, dop aver fatt un quai gran fall.

98.

A sta piazzata s' atrovò present,
Cun Rizzardett, anch' al salvadgh Guidon,
Ch missn man alla spada incuntenant,
Per far vedr a Gradass ch l' era un buffon.
Mo a gl' impedi Rinald subitament,
E an vols ch' i andassn contra a quel sgnuron,
Digandi: An srò mì donca bon da ngotta,
Pr' arspendr a chi m' uffend aquei alla rotta?

99.

E po al s turnò a vultar al Serican,
E s' i diss: Stàm un poch, Gradass, a udìr:
Da franch at digh adess, e fort e pian,
Ch per bisogn a andò in mar a far nn gir,
E quest at sustgnirò cun gli arm in man,
Ch' a digh al ver, e an son capaz d mintir.
Anzi ti t' i un ver gain, s' adess t di
Ch' ai ho fatt tort alla cavallari.

100.

Mo d' una cosa prima at vni pregar,
E l' è, ch' innanz ch' a z' attaccamn d bon,
Perchè t' n m' av in niint po da sbiasmar,
Am vui quì dfendr cun del bon rason.
Andèn po dop Baiard a cuntrastar,
Perchè all' ordn, per dirla, sempr a son;
Mo in t' nn lugh topich, ch' an siamn usservà,
Cmod za alla prima a z' ern daccurdà.

101.

Gradass, ch' oltr essr ardit, l' era curtes.
Cmod per lo più sol essr i sgnori grand,
Al sti pazient a udìr chiar e pales
Tutt quell ch' al paladin i andass digand:
E, per n' essr da tutt al popl intes,
Vers la funtana i s' andonn accustand.
Là tutt quant i garbni Rinald spiegò,
E al cil testimoni del so dir chiamò.

102.

Per mii convinzr, dop al fi chiamar
Malagis, d sti zattin ben infurmà:
Tutt' el cos a una pr' una ai fi cntar,
E spiegari l' incant da lu adruvā.
Dzifrà sti cos, Rinald turnò a parlar,
Dsend a quel re: D sti cos la verità'
S la 'n t' suddisfess gnanch abbastanza
La mi spada farà po tstinunianza.

103.

Al Serican d sti cos an s mitt pinsir,
E al scus del paladin stà indifferant;
Al li tol per lugh da barattir,
E sol al pensa aver al prim intent;
E 'l s' accorda cun qu' altr cavalir,
Per dar a quell sou lit al cumpiment,
D' essr qu' altra mattina a una funtana.
Ch da quella dov i ern è poch luntana.

104.

Ch' al cavall Rinald sigh ava da aver,
Da stor, cmod srev a dir, deposità:
E s' al re più d Rinald s trovava psser,
Ch' al s' al guidass pur vi, siand so d tirā.
Mo, s' a Gradass as veda prevaler
Al paladin, ch' a lu sia d sovra arstā,
Allora sia ubbligā 'l re d Sericana,
Oltra 'l cavall, a cedr anch Durlindana.

105.

Ai ho za ditt ch Rinald, cun gran dutor,
Pr' intir da Fiurdilis aveva ndi
La gran dagrazia successa al Senator,
Cioc ch l' era dl' intellett uscì.
Degli arm l' aveva anch ndi al tenor,
Cun el baruff ch' i n' era dop segui,
Cmod aver Gradass quel bon spadon,
Ch mill volt e mill, glarios fi al fiol d Milon.

106.

Fatt ch' i avn sti patt. Gradass turnò
Alla so tenda in cumpagnì di su,
Sebben ch' l' invid Rinald i replicò,
Cun dir ch' l' andass a star cun lu pr' ancù.
Appena giorn, al re tutt quant s' armò,
E quasi fi anch Rinald, andand tutt dè
Dov a s' aveva, vsin a qula fuintana,
Da cumbattr Baiard e Durlindana.

107.

Dia gran battaia, ch' ha Rinald da aver
Contra del re Gradass a tu per tù,
Parint e amigh mustronn un gran dspiaser.
Anzi pianzr quach d' un, s' dis, ch' vist in fù.
Ann assà, molta forza, e gran saver
Al re Gradass aveva; adess mo d' più,
Ch' l' ha la spada del pover fiol d' Milon,
Ognun mostra timor pr' al fiol d' Amon.

108.

Mo più d' tutt al fradell savi d' Vivian,
Per sta cosa, al par ch' fort s' intimurissa.
E vluutira a gli arèv missa una man,
Perch la battaia innanz la 'n proseguissa.
Mo per la pora ch' al signor d' Muntalban,
St' altra volta del tutt en s' instizzissa,
Al tas, ch' an s' era guanch ben appasà
Quand l' altra volta al l' aveva dstarbà.

109.

Mo ch' i altr' àven pur pora, o sento duia,
Rinald s' in stà content però e sicur;
Agn vergogna da lu l' spera ch' si tuia,
E anch quel tantin ch' l' ha, ch' i par quasi dur.
Qui da Puntir al vol e d' Altafuia,
Per quest, n' avn occasion d' far del pladur;
E cun tanta fidanza in t la vittoria,
Al rà, ch' al canta innanz d' ntegnir la gloria.

110.

Quand al lugh stabili tutt du arrivonn.
Ch' fu in t l' istess temp, mo per diversa strà,
I s' finn del cirimoni, i s' abbrazzonn,
Tant quant i fussen du fradi zura.
Mo s' an 'v cont adess emod i s' picchienn,
Al fagh perchè l' è un gran pezz ch' ai ho aguzlà
La nizzetta, e am sent aver al becch a tutt:
Mo s' a turnari dman a sarì al tutt.

FIN DEL CANT TRENTUN.



CANT TRENTADU

ARGUMENT

*Da un ptegnon sciocch ascolta Itradamant
Ch la parola ch' ai di ha Ruggier rotta
Per Marfisa, e li invan l' è stà a aspttar tant,
Ch per quest la gelusi la ficca d' sotto.
D' ammazzar quasi la s' sint gran vuia, tant
Ch la part da Muntalban, mo l' è interrotta
Pr' aver truvà Ullania, e po tri rì,
Quisti in giostra, e in curtà quella cinzi.*

1.

A v' aveva, e s' è un pezz grand, da cuntar,
Ch' av imprumiss e po l' m' era andà vi d' ment.
Al gran scunzubbi, al degust, al aspirar
Dia surella del bon Rinald valent.
La gelusi la feva strangussar;
Per quell ch' l' aveva udi dir d' alla zent,
E quell ch' i aveva lizzardett cuntà.
Più che mai la s' sinteva turmintà.

2.

Av l' arè ditt, mo in altr am imbatti
E s' abbadò a cantar del Paladin,
E po dop 'd Guidon, ch' arrivò li
Anea lu a torn zo del mi cammin;
E, dscurrènd d' quest e d' quell, li m' era uscì
D' in t la memoria: adess mo am in survvin.
E, più pr' n' m la dscurdar, d' li a parlarò.
E Rinald e Gradass a lassarò.

3.

Innanz però ch' a cemenza per li a dir,
Al bso ch' a diga cvell del fiol d' Truian.
Ch' aveva arduitt in Arles i quartir,
Cun quel po d' rest ch' scappò dal spad d' estian.
In quel lugh al s' ardass, cun al pinsir
Ch' al fuss, pr' al so bisogn, quest più alla man.
L' ha l' Affrica dinanz, la Spagna vsuia,
E quasi strà averta o ai mont o alla murina.

4.

Per tutta Spagna fa scriv Marsili,
O bona o trista, ch' s' arma ogni persona:
E ch' i s' imbarcnu tutt ai port navili,
Prest in Franza passand per Barzellona.
Agramant tutt i di chiama a cunsili
E a quattrin o a fadigh brisa perdona.
Tant taiùn al mett su, dazi e gabell,
Ch' ai affrican dagnora ai va la pell.

5.

Al fi, oltra d quest, pruffir a Rudumont,
Perchè al turnass (mo al fu un pruffir in van),
Una cusina so, fiola d'Almont,
Dandi per dota tutt' al regn d'Uran.
Mo al superbion en s vols movr dal pont.
In dov tant cavalir e mor e estian,
Ch'en arrivà a quel pass, l'ha decavalcà.
Ch'al sepoler è za evert da tutt i là.

6.

Mo la Marfisa n'i vols far ste smacch,
Ne d Rudumont al brutt att imitar,
Mo quand ai fu ben chiar rifert st'attacch
D Rinald, ch'aveva fatt i mor scappar,
Innanz ch del tutt i fussen al brutt del saech,
In Arles Agramant l'andò a trovar,
Senz'aspttar altr invil, e la persona
Roba, quattrin e tutt la i abbandona.

7.

La i cunduss anch Brunell, e s'i al dunò,
Ch fin adess la 'n l'aveva mulestà.
Dis di e dis noia l'aveva ben pò
Tgnu in cuntinu spavent d'esser impiccà.
Mo quand la vist ch nessun d lu cura s piò,
Da nessun cumpiant, da tutt abbandunà,
D'un sangu quasi vil la 'n s vols brisa inspurcà,
E dai su servitur la 'f i deligar.

8.

Gl'insulenzii passà la i perdunò,
E, in Arles sigh condutt, la 'l di a Agramant.
A passi pinsar, per quest, s'al re s'algrò,
D'aver sta sguora sigh famosa tant:
E pr'al cont ch'al fa d li un ordn al mandò
Ch Brunell in fuss un bon testimoniant;
S la i aveva li zgnà d vierl impiecar,
Lu i fi d bon subit quel servizzi far.

9.

Al boia al strascinò in t'un lugh avert.
E a olm al l'impiccò per carità.
Ruggir, ch'è fri e sforzà d star anch a evert,
E al l'aveva altra volta liberà.
Per giudizzi del cil pales e cert
An passi dfendr la so causa spallà.
Quand al bisogn d Brunell Ruggir savi,
Felice notte! l'era stà spedi.

10.

Mo Bradamant in st mentr stava aspttand,
Ch'al passass una volta più quinde di,
Ch'ai pareva ch s'andass più aslungand.
Per la gran via d vedr al mros vgnir li.
Un ch sippa assà in person, un ch'ava al band,
Tant an i è mai d'avvis ch'arriva al di
D'esser za libr e paser turnar a cà,
Quasi a sta sgnora ste temp più lungi i sà.

11.

La s cherdi, aspttand smaniosa e cun passion,
Ch'i cavall ch tira al Sol s fussen azzuppi.
Ch'el rod s'i fuss guastà del caratton,
Za ch'aqui tard per li 'l feva vgnir di.
Agn di per li è più lungi d'una stason,
L'Ave Mari mai sona dop mezz di;
E po la nott i par più luuga assà
Ch n'è quella d qui puvritt vsin al mar zlà.

12.

Quant e quant volt la s'agurò d durmir
Cmod fa 'l lusert, i ghirr, i rizz e i tass,
Brisa del stman, mo auch di mie intir,
D'un sonn qnsi fort e dur, che niint la dedass
S n'allora quand l'odess la vos d Ruggir,
Che da st cruzi e dal sonn la liberass.
Mo sti pinsir s'in van tutt cun al vent,
E quasi la 'n po quietar gnanch nn mument.

13.

Prilla d za, prilla d là, la 'n po durmir,
Arpos la 'n trova in schina ne per fianch;
Da lett la sbalza, e s corr la sinistra a avrir
Per vedr s'in zil spunta l'alba gnanch,
Ch'al solit a insfiur vada al sintir
Del Sol cun di bi fiur russin e bianch;
E quand la ved al Sol lusent e bell,
La vrò ch' al s'arpundiss, dand lugh al strell.

14.

Quand s principiò d quattr o cinqu di a accustar
Al temp, ch l'aveva ditt d turnar Ruggir,
Impazienta agn moment la steva a aspttar
Ch d'averl vist qualch d'un i andass a dir.
Deò d'una torr tant volt l'andò a guardar
S la 'l vdeva da qualch banda comparir,
Perchè as vdeva d là su ben da luntan
Tutt el strà ch'ern intorn a Muntalban.

15.

S dalla luntana qualeh cosa la vdeva.
Ch s'arvisass a armadura o a cavalir,
Dentr d li la speranza i al dpinzeva
Per quell ch l'aveva tant in t'al pinsir.
S'un qualch pelgrin o viandant cumpareva,
La s cherdeva d dar fin ai su suspir,
Pinsand ch'al fuss manda da lu; e, sta volta
S la s'inganna, la l'aspera un'altra volta.

16.

Pinsand pur d'incontrarl, la s'armava
Del volt anch, e po vgneva zo in t'al pian:
E, 'n l'avend incuntrà, la s lusingava
Ch'al fuss pr'un'altra strà vgnu a Muntalban;
E cun sta via dentr la turnava
In t'al castell, mo la i turnava in van;
Ne mai passendl trovar fora ne dentr,
Tntt al temp daccurdà passò in quel mentr.

17.

Al passà al termn d'un, e po d du di,
E quattr, e sett, e dis, e quinds, e vint,
Ch Ruggir la 'n vist, e nova la 'n n'avi.
Allora la ceminò a far di lamint
Da movr a compassion la più arrabbi
Furia dl' infern, e i più attusgà serpint.
Di pugn la s di in t'al storngh, sbattend i pi,
Sparand di moqn, stiancand i cavi.

18.

Al srà pur ver ch'a i ava da cercar
Un, la dseva, ch da mi scappa e ch s'arpond?
Un ch'un acca n'em stima a i ho da amar?
Da arcinandarm, e chiamar un ch'en m'arpond?
E a chi m'ha in odi a i ho'l cor da lassar?
Un ch s'accguass ch'ha tant fum, ch'en cred ch'al mond
Femna i sia da lu degna d essr amà,
Ch fors pretend una qualch deità?

19.

St superb al sà ch'all'am e ch all'ador,
E lu n'em vol per sposa ne per serva.
Al sà, e s capiss per lu ch'a spasem e s mor,
Mo d currispondrm dop morta al s riserva.
E perchè mi an i conta al mi martor,
Ch prev far vgnir tendra qu'anna so pruterva,
Am sfuzz e s scappa, emod farè un serpent
Pr'en sintir el parol dl'incantament.

20.

Amor, afferma qustà pr'un poch, ch'at pregh,
E fa ch'an m'usa tanta crudeltà:
O pur, s'a farm sta grazia t'er negh,
Tornm a dunar l'autiga libertà.
Mo al fazz iu van, al cgnuss, cun ti s'am spieggh,
Perchè al pregar un nmigh l'è temp buttà,
St'en t dilett che d auspir, piant e travai,
E i mrus sol han da ti turmint e guai.

21.

Mo, a dir al ver, an m'ho da lamintar
Sn d mi e dila mi buriosa voluntà,
Pr'essrm viu tropp fora del varlar:
Mo, quand a peus d'aver al cil tuccà,
An em poss tant in aria sustintar,
Ch al bsò ch a casca, e, quand a son cascà,
Un altr cicch a prov d'alzarm, e quasi,
Cun st su e cun st zò, i mi guai n'in mai finì.

22.

Mi a fu matta quì prest a innamurarm,
Ch'a crudò emod farè una pera marza,
Senza pinsar ch'al pseva abbandonarm
Qustà, ch s fida in t la so blezza, e tant la sfarza.
Adess an poss, e pur d lu a vre dscurdarm,
E l'affannu m'avra al cor d dentr e s'al squarza.
Att galant, bona grazia e bell mustazz
A sint ch'i m'han ligà cun gran lazz.

23.

Mo per cosa cascoia a vleri ben,
Quand, per n'essar bambozza, quasi in t'un tratt
An m'avea da fidar, mo lguirm in fren,
E star a aspettar ch lu d mi fuss dività matt?
Ah! ch'an pesi, pr'esser donna, e l' dolz d quel vlen
A bvi, e la libertà an tins adaccatt:
E mutiv an'arè adess 'd far sta tiorba
Se pr'en vedr quel Sol aviss fatt l'orba.

24.

Oltra al destin, ch l'ha viu, a st' amor m'ha spinta
El chiacchr, ch'in gula grotta em diss Merlin.
Pr'un'algrezza ben granda la 'm fu dpinta,
Ch mostrava, cun mi gust, d st'amor al fin:
Mo l'algrezza ch'ai av fu curta e finta.
Se un ingann fu al eussii, ch'em di quel vechin,
Cun rason a poss d lu ben lamintarm;
Mo d Ruggir brisa brisa an poss dscurdarm.

25.

D Merlin am poss e d Melissa duler,
D lor dan rason d lagnarm arò in etern,
Ch'im finn sott nom dila mi razza parer
Dpinta una massa d tant diavli dl' infern,
Forsi per farm bon st' amor saver:
Mo, a quell ch'a ved, an poss se'n dir ch lor ern
Invidius parassà del mi ben star,
Ch'ensseu mutiv aveva da auspirar.

26.

Un ch la sintise, dirè: Questa è una dsprà,
Questa en s consola più, questa eu s dà pas:
Per cunfurtarla, za l'uliva è dà,
E al s cgnuss dai denuu, dai simitun, dai squas:
Però, in mezz a st duler, gnanch l'ha lassà,
Un cert pinsir, ch dentr da li n'i dsbias,
E a dspeit d ste stat quai dur e dularos
I fa aspettar la turnada del so mros.

27.

Sta speranza la fi star in gargam,
Dop ch fu finì i vint di, pr'un altr mes.
Tant ch la 'n fu destrutta da st duler infam,
Perchè l'ultim respir d cert l'arè res.
Mo un di la fu ben per lassari al stat:
Siant uscì fora a batter un po al paies,
Cunform al solit, pr'attruvar Ruggir,
Una gran stretta l'av da un cavalir.

28.

L'incuntrò donca un cavalir Guascon,
Ch vgneva dal camp muresch a dirittura,
Dov l'era stà fin da quel di person
Dla gran battaia, ch s fi d l'arig al mura.
La l fermò, e a poch a poch cun bel sermon
Più cos i andò dmandand cun gran premura,
Pr'arrivar, emod la fi, a dmandar d Ruggir:
Qni la fi paut, e s sti l'arposta a udìr.

29.

Quel cavalir i diss ch'al l'accegnesseva,
E lu non sol, mo tutt qui più gaiard.
Cmod era vera, ai diss ch Ruggir aveva
Da sol a sol fatt front a Mandricard;
Ch'in ultm po ammazà quel Tartr aveva.
Ch'anch Ruggir era stà pr'el fri in riguard
Un mes pr'al cert; e, s quai la chiaccherà
Furneva qulù, Ruggir era cusà.

30.

Mo al seguitò digand ch l'era arrivà
Un pezz 'd zovna al camp, chiamà Marfisa,
Galanta, bella, ricca, e ben creà,
Usa gli arm a purtar, quant la camisa,
E ch s'era d li Ruggir innamorà,
E ch li da lu 'n s'allontanava brisa,
E as dseva da per tutt pubblicament,
Ch'i s fuesen za prumiss sicuramente.

31.

Quand Ruggir arturnà fose, e vgnù san,
St matrimoni s're subit pubblicà.
Tutt i princip, i agnori, e i re pagan
D sta cosa fevn algrezza purassà.
Cgnussend al gran valor, ch'insem quisti han,
Sentu speranza, cm' i sran insem spusà,
Ch'una razza nasrà d onn da guerra
I più terribil ch sippn stà per terra.

32.

D cuntar al ver pinseva cert quel sgnor,
E d fatt per tutt l'accompament di mor
Era uscì, mo sott vos, fora st'armor,
E tutt cantavn aqul, cmod fa i frà in cor.
Forsi qualch segn era passà fra d lor
D'amicizia, e l'pladur s'fe più sonor.
Perchè una chiacchra, quand un l'ha cuntà,
L'è cm'è una zrisa, ch cent n'ha dri attaccà.

33.

Marfisa vgnu in aiut dla pagani,
Cun Ruggir vndela seppr accompagnà,
St chiaccerament fu subit miss in pì,
E in seguit chersù l'era purassà,
Quand quel ladron d Brunell li purtò vi
Dal camp, cmod a savi, e mi v'ho cuntà,
Senza ch'al re Agramant i al fiss gnanch dir,
La turnò in camp sol per truvà Ruggir.

34.

Sol per veder st campion fort aggravà
Pr'el fri, ch'i dan molt ben da suspirar,
La i andava non sol del volt asà,
Mo la s vleva anch la nott e al di affermar.
D sovra più, po, la zent deeva sta qutà,
Perchè siccom cun nessun la s vleva dgnar,
Cmod s'an i fuss al mound un par so d li,
Aqul a Ruggir sol feva cumpagni.

35.

Subit ch'av ditt sti cos quel chiaccaron,
Dal dutor Bradamant fu quai abbranquà,
Ch la fu per dar in terra un stramazou,
S'alla sella la 'n s fess ben tgnù attaccà.
Al cavall in t'un atm la di d spron,
Senza dir gnanch: Av son tant ubbligà!
Pina d rabbia e d passion, in t la so stanza
Allora la turnò, senza sperauza.

36.

Lunga dtesa in t'al lett la s'andò a trar
Senza dsarmars, ne salutar i sù.
E, per n'essr udi pianzr, o suspirar,
In bocca la chiappò cverta e linzù.
Tutta dulentia la cminzò a pinsar
Al brutti nov, ch'i avea cuntà quel chiù,
Ne pssend al gran dutor deutr trattguir,
La fu sfurzà a sfugarl, e in st mod a dir:

37.

A chi oia per l'avgnir mai più da credr?
Ch tutt in gain a in furò testimonianza;
Ruggir, s quell ch'an cherdeva t m'ha fatt vedr,
E s'at pinsava fid, e pin d creanza.
An cred ch'es sippa mai passà dar ne credr
Un tradiment più grand, ne più increanza,
Ch manch dila to falsità n possa parer,
St yà pinsar al mi merit e al to dver.

38.

Perchè, Ruggir, perchè, za ch'in t la blezza
An i d nessun che possa star tigh all'impar,
In t l'essr ardit, grazios, e in t la furtezza,
Un'altr ugual a ti an s prà mai truver,
Perchè, fra tutt sti dot, anch la fermezza
In amor n'i vut sigh accompagnar,
E far dir ch la to fed sippa inviolabil,
Ch'è tra gli altr virtù la più ludabil?

39.

T'en sà, quand an i è questa, ch', alla fetta!
Poch val la forza, e poch la nobiltà;
Cmod an s po cgnussar s'una cosa è netta
Quand la n'è dalla lus illuminà?
Facilment t'ingannass una zuvnetta,
Ch's'è seppr in t'el tou chiacchir confidà,
Ch t'i ariss passù cun parlar dols e mulsin
Fari anch credr ch la Luna fa i Lunin.

40.

D cosa t vut, cattivazz, mai più pintir,
St'en t pintiss d'amazzar chi t vol tant ben?
St fà 'n mantgnir la parola un peccà quasi alzir,
Ch delitt t farà mai battè al cor in seu?
S'a mi, ch t'am tant, sti cos t pu far suffir,
Contra ai tu nmigh chi sà cmod a la mtrèn!
Mo, s'al cil tarda a far la mi vendetta,
An cred ch d st povr mond gran curs al s metta.

41.

S' al peccà dl'ingrattitudin l'è quel peccà
Ch' l'unor d'un om nad ben più fort aggrava,
S gran castig a un gran fall è destinà,
Quand cun un gran pintira la colpa 'n s lava,
È s per quest fu dal cil i anzi discazzà,
È dl'infern mundà in t la brutta cava,
Guarda, ch un grau castig t ha da taccar
P'r averm ingannà mi, e 'n t vler emendar.

42.

A i ho un'altra quarella contra d ti:
Al bisogna ch'a t'accusa pr'un ladrone.
Non za pr'averm al cor d'in pett scarpi,
Ch quest a t'al di liberament in don:
Mo perchè t t'ir duà tutt quant a mi,
E adess t'em sfuzz e t scapp senza rason.
Rendm donca ti stess, perchè an po utgnir
La salut quell ch'en vol arstituir.

43.

Ti t m'ha lassà, mo mi an t vui za lassar,
Ch'an pre lassart auch quand ai n'avise vuia.
Mo za ch t n'em sint, e quasi mi an poss durar,
Cun dart la vita a vui fuir sta duia.
In t'al murir, am sint sol aghervar
D murir in t l'occasione ch t m'ha tolt a nuia.
Ah! s'a fuss morta quand a t'era in grazia,
A sre morta cuntenta, alligra e sazia.

44.

Digand aqul, la salta zo dal lett,
Per gran rabbia, d murir tutta disposta.
La spada sfodra per passars al pett,
Mo la s'accorz ch l'è armà, quand la i l' apposta.
In st mentr un spirit mior e più perfett,
Per dstorla dal murir, al cor s'i accosta,
Cun diri: O donna nada d ai gran schiatta,
A st mod t finiss i di' oh t'i pur matta!

45.

Al n'è mi in camp andar là tra i suldà,
Dov cun gloria, agn mument, a s po murir?
E, s per disgrazia o fortuna t'i accupà,
Chi sà ch'an t veda, e an pianza al to Ruggir:
Forsi, chi sà ch t'en sipp da lu ammazzà;
Più cuntenta d'aqui t'en pu murir!
E ch'al t'ammazza lu l'è ben del dver,
S'al t fa quasi gran dulo e affann aver.

46.

A s prev auch dar al cas ch prima d murir
T passis vindicart contra quela Marisazza,
Ch t'ha cun amor dsunest e fin rigir
Dscavalcà al to bell mors: brutta luvazza!
Pia propri i pars, e più nobil st pinsir.
È una divisa subit la vol ch s fazza,
Ch mostra dscunfort, dulo, rabbia, passion,
E ferma d vler murir dispuizion.

47.

La sovra vesta l'era del enlor
Ch'è la fuia in t l'autun quand la s vol socar,
O perchè l'albr più n' manda umor,
O ch'un qualch d'un di ram è andà a taiar.
A trunch po d'ancipress era al lavor,
Ch, taia, mai più s ponn vedr rinfrescar.
Dop al colp del pudett o dal falzon:
È del so stat quasi fa dimostrazion.

48.

La fi mittè la sella a Rabican,
E s tols la lanza, ch'era dl' Argali,
Lanza ch'in giostra en s'adruvava in van.
E cmod la l'av da Astolf duca al savì.
Cmod al s l'avias po anca lu in t'el man,
Senza dir altr, za av l'arcurdari.
S la la tols, la la tols sol pr' accident,
Senza ngotta saver d'incantament.

49.

Sigh dunzella la n vols, pagg o scudir:
Sola suletta zo dal mont la vin,
Vers Parigi indrizzauds pr'al mior sintir,
Dov'era aquartirà za i sarazin.
La n'aveva la nova udi gnanch dir
Ch'i altr fradi, con Rinald paladin,
E l'aiut del re Carl, e d Malagis,
I mor s'ern alontanà quel bris.

50.

Indri al Querez l'aveva za lassà,
Cun la città d Cahors, e tutt al mont
Dal qual nass la Durdona, e la cuntrà
Za la dscrul d Munferant e d Chiaramont,
Quand la vist vgnir anch per quell'istessa strà
Una signora d gran garb, e bella in front,
Ch'aveva un scud alla sella attaccà,
Cun sigh tri cavalir d tutt punt armà.

51.

L'aveva d donn e d servitur sigh anch,
Dinauz e d dri, una sfilza lunga assà.
Bradament dmundò a un d lor, ch'i passò d fianch,
Chi fuss quella quasi ben accompagna?
E quest'i arspos: Al re del popl franch
Questa vin a portar un imbassà,
Pr'un gran tratt dila dal mar alla traversa,
Passà al pol artich, dall'isola persa.

52.

Chi la dis persa, e chi la chiama Islanda
St'isola; e la rigin d quel paese,
Ch'in blezza s tin la più famosa e granda
A st mond, ne ch mai s sippa l'ugual intesa.
Quel bell scud d or al re Carl la manda,
Cun condizion e patt chiar e pales
Ch lu al daga po al mior cavalir, sepond
I par a lu, ch n'ava l'ugual al mond.

53.

Siccom tra 'l donn li s pensa, e s pensa al ver,
Più bella esser ch' i sippa, o ch sippa stà,
Aqusi la vol per cavalir aver
Al più valent e brav dla nostra età.
La s'è tant imbricchi in t'al so parer,
Ch l'ha fermisissimament determinà,
An digh d'innamurars, no d vler spusar
Sol al più brav, ch'ai nustr di s po dar.

54.

L'ha mo speranza, in t la cort d Carl Magn,
Tra i Paladin e tra tanta sgnuri,
D'un quasi brav cavalir far al guadagn,
A pel e segn emod la l desidra li.
Qui tri po ch van cun qua signora cumpagn
En un re d Gozzia, un d Svezia, un d Norvegi,
In arm tutt e tri famus e chiar,
Che puch o nessun i pola star al par.

55.

Sti tri, ch' alla persa isola in più vain,
O pur i s ponu chiamar i manch luntan,
(Persa la s dis, perchè là a qui confin
Puch marinar e manch mercant i van),
In tutt tri innamurà d quel mustazzin
Dla rigina, e i vren d spos dari la man:
E per so amor i han fatt cos quasi famosi,
Ch srau sempr, finna ch dura 'l mond, gloriosi.

56.

Mo li n' i vol per ngotta in fatt d'amor,
Ne nssun altr, s' n quell ch srà in arm al prin.
Ch' av siadi, la i sol dir, vu fatt unor,
L'è vera, qui in sti part, mo poch av stum.
E s' un d vu tri in bravura fuss mazor
A qui altr du in t l'unor, e più sublim,
A mi però, cun tutt quest, an em par
Ch' al mior di nustr di al s possa chiamar.

57.

Al re Carl, ch'è al più savi e prudent
Prencip del moud, segond quel ch' a pens mi.
A vù mandar un scud tutt d'or lulent,
Ch' apposta ai ho fatt far propri nù qui,
Perchè lu al daga al più brav e valent
Tra i altr cavalir di nustr di.
Ch' al sippa mo quest so suddit o nò,
Am vù arputtar tutta al parer sò.

58.

Quand al re Carl arà 'l bell scud avù,
E ch dà al l'arà al più brav, e più furzud.
Ch' in t la so cort o fora sia, segond là,
Tra i signori grand, o pur tra 'l popl munud,
S' allora av bastarà po l'ann a vù
D tori per forza, e a mi arputtar al scud,
Chi farà quest, srà al re, srà mi mari,
E l' instoria aqusi srà bell' e finì.

59.

Sti parol in sta quelli ch' han fatt vgnir
Qui tri re, quasi luntan, dal sou città,
Cuu ann d tor al scud, o ver d murir
Per man d quel cavalir, ch' ai srà cunsegnà.
La sorella d Rinald sti tutta a udìr
Sta pertantegula; e, quand quell l'av cuntà,
Al di d spron al cavall subitament
Pr' arzunzr, ch' era andà innanz, la so zent.

60.

Bradamant pr' al so viaz al lassa andar,
Perchè an i importa niint a tgniri drì.
Appinsand a quel cos, ch l'ha udì cuntar,
Più casti in aria la fa dentr d li:
E la cancelud ch' in Franza un po purtar
Quell scud che lit, question, e diavlarì
Tra i paladin, quand pur vuia 'l re Carl
Chiarir chi sippa al mior, e a quel cunsegnarì.

61.

Sta cosa i prem, mo la n' i prem po tant
Ch più n' i premd a pinsar al so Ruggir,
Ch l'ha za lassà, e d più al s'è fatt amant
D Marfisa, quand sia ver quell ch l'ha udì dir.
Appinsand a sti cos, l'è daturà tant,
Ch la n'abbada s la vè per vi o sentir:
E s' n' usserva ch del Sol la gran lumina
S'arbassa, e s' n' ha dov alluzar la sirn.

62.

Cmod fa du chiacccaran accumpagnà
E ch' avn miss in camp un parlament,
In badu dov i s vadn, es s' in deurdà
Tutt quant i altr interess ch' i avevn in ment,
Aqusi andava la sovna innamurà
Cun l'ann tutt' al so Ruggir intent,
E emod e dov la porta Rabican,
Ch l'era l' cor dalla breia molt luntau.

63.

Mo pur po l'alza i uech, e in Uccident
La ved da nu ch' al Sol s'è andà a arpiattar.
Purtand i su splendur a qu'altra zent.
Perchè i fatt su anea lor i possen far:
E s la pensa d star fora all'acqua e al vent
An so emod la si vuia psser durar,
Perchè quasi fredda tirava la bura
Ch dila nev o dl'acqua l'arèv dà d sicura.

64.

Allor la procurò d turnar in sì,
E cun al spron la fi al cavall truttar.
Poch andà innanz, in t'un pastor la di.
Ch feva alla stalla pigur e cavr andar.
La i dmandò cun premura s oltra li
Un qualch lugh i sre stà dov alluzar,
Perchè an s'alloza, dis, quasi malament,
Ch' an sia mi che star fora all'acqua e al vent.

65.

Quel bon om i arspandì senza cuncun:
An ev poss sit insegnar, s' n da luntan
Dis o dods müa d qui, fora sol d'un,
Ch da tutt l'è numinà: Rocca d Tristan.
Mo l'allozari n'è quasi fazl a ugnun,
Perchè al bisogna cun la lanza in man
Prima aquistars l'allozz, dop, chi i vol star,
Mantgnirs! mod ch dop po arrivar.

66.

S l'arriva un cavalir e veda al trova
La stanza, l'è ben vluutira azztà.
Mo al bisogna s l'arriva dla zent nova
Usciri contra fora in giostra armà.
Dop, s'an capita nasun, an serv ch'al s mova:
Mo arrivandu bso star ai patt zurà,
E saltar fora, e quell ch casca all'indri
Dà lugh a qu'altr, e lu tin andar vi.

67.

S l'arriva du o tri o quattr furastir
D campagni, i in inseem tutt albergù.
E s dop a questì un altr daga a vgnir,
Cumbattr al dev cun i prim arrivà.
In t l'istess mod, s l'arriva un cavalir,
E dop a quell ch n'arriva una brigà,
Al prim cun i ultm bisogna ch' al cumbatta,
E ai valrà cvell se d vinzri la i vin fatta.

68.

Aquai s donna o zuvnetta dà a arrivar,
Sippa mo sola, o pur accompagnà,
La più bella là dentr po alluzar,
E la brutta stà fora alla rusà.
Da quel pastor s fa Bradamant insegnar
Quel lugh, e lu cun bona civiltà
I al mostra cun la bocca e cun el man,
Ch'circa la l trova si müa luntan.

69.

Mo, sebben ch Rabican andass furtott,
Perchè ben spess da Bradamant sprunà.
An pssi arrivar cun al so corr-r e'l bott,
Tra l sui e l'acqua e la cattiva strà,
In quel tal lugh in prima ch fuss ben d nott.
E, quand la i arrivò, el port ern assrà.
Mo li, battend, fi intendr al putinar
Ch' in quel castell la nott vleva alluzar.

70.

Al putinar i arspos ch za prima al lugh
Da donn e cavalir l'era chiappà;
Ch'allora i ern tutt d'intorn al fugh,
Asptand la cenna za squas ammanvà.
Bradamant arspundi: Per lor al eugh
An cred ch'al l'ava fatta; e stragualzà,
Cert i n l'aràn; andai pur a chiamar,
Ch'a so l'us d sit, e mi l'vui usservar.

71.

Al putinar andò cun l'imbassà
Là dov'era quell signori e i cavalir,
Ch'ai vign ben ben in stufia a udìr stu quità.
Pr'aver all'acqua e al fredd fora da vgnir.
Perchè al piveeva zo a cil rott, da deprà:
Mo pur adasi gli arm i s van a vsir.
Quell donn arresta li, mo lor biastmand
Van fora dov la zovna i stava asptand.

72.

I ern tri cavalir, ch valeven tant,
Ch puch i pesevni ai su di star all'impar.
Qui istess ch'aveva al di vist Bradamant,
Cun qula signora dal scud d'or, calvalcar.
Qui ch'in l'elanda s'ern dà al gran vant
Indri d'in Franza al rich scud arputar.
I ern in quel lugh lor là prima arrivà.
Perchè i cavall i avevni mii sprunà.

73.

Puch in arin, più d qustor, in d valiment,
Mo d qui puch Bradamant in vols esser un.
La fa i su cunt d'en vler all'acqua e al vent
Starsn all'averta e, quell ch'importa, a dzun.
Qui ch'arstonn dentr s finn incautinent,
Per vedr st fatt, ai curdur e ai fenstrun;
Perchè cun tutt ch'acqua fort al pluviava,
Tant lum feva la Lana, ch'al bastava.

74.

Cmod cun rason s'algrarèv un puvrett,
Ch fuss stà pr'un di o du senza magnar,
E po l' fuss invidà a un ben grass banchett,
Dov ai fuss pr'abbundanza da sguaazzar,
Quand al sintiss avrir qu'uss benedett
D'in dov a tavia al post s'ha da chiappar.
Quai Bradamant s fa alligra, quand la sent
Avrir la porta, e vgnir fora qula zent.

75.

Quand la ved saltar fora, poch luntan
L'un dall'altr, tutt tri qui cavalir,
Allora la dà d spron a Rabican,
E po la corsa tol zo pr'al sintir.
La cerca stricca d tgnir la lanza in man,
Qula bona lanza, ch fa a tutt batter al mesir
In terra; perchè an s po star in t'al slon.
S l'avies anch Rinald contra, o al fiol d Milou.

76.

Al re d Svezia, ch'innanz a i altr s moss,
Innanz ai altr al stramazò in t'al pian.
Cun tanta furia in t'el elm full percoss
Da qula lanza, ch di culp dà ch n'in mai van.
Segond andò al re d Scozia, ch portò gli oss
Dis brassa cert dal so cavall luntan.
Al re d Nurvegi terz, andand su d sovra,
Al pars ch cascass in terra una gran rovra.

77.

Subit ch la i av cun qui tri culp mandà
 Per terra, a far ugnun d lor la so massa,
 In t la Rocca l'intrò, dov guadagnà
 La s'è l'albergh, mo, inuanz ch dentr la passa,
 La tin zurar se, per cas, la srà chiamà,
 D turnar fora cun la so lanza bassa.
 E al castlan, ch vist aveva al so valor,
 Procura in tutt i mod d fari d'unor.

78.

Quai fà quella dal scud, e qui ch'in sigh,
 Quella ch'in Franza d'in Islanda è vgnù
 In cumpagni d qui re, ch han el buttrigh,
 Causa dla lanza d'or, arvultà in sù.
 Cun mod curtes, e cun parlar da amigh,
 Ch'an s' truvava una d li galanta più,
 La la chiappò per man, e mnò dal fugh,
 Cun un bell compliment, dandi al prin lugh.

79.

L'aveva li da un là al so scud pusà
 D'Amon la fiola, vlends gli arm despuar,
 E quand per d sotto l'elm l'av dsfiubbà,
 Segond ch d'in testa la s' al vols cavar,
 Sigh una red usci, dov arpiattà
 La i tgneva i bi cavi, ch s vistin svintrar
 Zo pr'el spall, e s la fiun bella d mustazz
 Aegnussar, emod stà l'era forta d brazz.

80.

Cmod sol un bell teatr cumparir
 Quand el lum in impià, e ch va su 'l tlon,
 Ch'a s ved quel belli scen, placch, e lumir,
 Luntanaux, e cumpars, ch fan aqusi bon;
 O emod a s ved tant volt al Sol uscir
 Chiar e luesent fora da un gran nuvlon;
 Quand l'elm la s cavò, quasi ai fu d'avvis
 A qula sent ch'a s'avvisse al paradis.

81.

In manira chersù i era i cavi,
 Ch'i aveva per la fri al rumitt taia,
 Ch'un gropp la pseeva fari per dedri,
 Mo quant prima però in s'ern aslungà.
 Quel castlan l'accugnass subit per li,
 Ch vista al l'aveva del volt purassà;
 Mo an la vols brisa descruvr, e s seguitò
 A fari unor, per quant al sà e al pò.

82.

Dal fugh i stan a sedr in pappardina,
 D vari cos tutt insem a chiaccarar,
 Intant ch' a s'ammanava in t la cucina
 Al mod da sbattr i dint e da biassar.
 Quila zovna, in st mentr ch la cenna s'avcina,
 Dmanda ch'usanza è quella d'albergar;
 S l'è vecchia o nova, e chi prima i la miss?
 E a sta manira quel castlan i diass:

83.

In temp ch'era re d Franza Firamont,
 Cludion so fiol av una cuncubina
 Bella e graziosa, e d'un parlar quasi pront,
 Ch la l'isteva in t'al decorr-r a una rigina.
 Lu i steva tutt al di, dal pè alla front
 A guardari, emod za alla vaccarina
 Steva cun i cent uech Argh a guardar:
 La gelusi dl'amor era all'impar.

84.

Qui in st sit, ch'i aveva al re dunà, al s'in steva,
 E poch puchissem volt l'andava vi.
 Cun lu dis altr cavalir al tgneva
 Ch'i brav d Franza lassavn in arm indri.
 Donca stand qui, arrivò Tristan, ch'aveva
 Una garbata zovna in cumpagni,
 Da lu, poch prima, liberà dal brazz
 D'uu brutt insultissem zigantazz.

85.

Quand arrivò Tristan, al Sol vultà
 Aveva el spall ai nustr pais d nù.
 E qui dentr al dmandò d'esser alluzà,
 Perché doda miia d qui an s'alloza più.
 Mo, dall'amor e gelusi stumbà,
 Cludion aveva stabli tra d là
 Che nssun viandant o furastir, in st mentr
 Ch'i è la so diva, ava da intrar là dentr.

86.

Tristan, dop ch l'av pregà e turnà a pregar,
 E ch'an pesi cun el bon esser alluzà,
 Al diss: Quell ch'au ho pesù, pregand, dspuntar,
 A to marz dspett a so adess ch t'al farà.
 E Cludion al sfidò, e anch sigh del par
 Qui altr dis cavalir là dentr armà,
 Digand d vleri pruvà, cun gli arm in man,
 Ch'al trattava dscurtes e da villan;

87.

Cun patt ch, s'al fuss andà in terra Cludion,
 Cun i dis, e lu stiss in sella fort,
 Al vol dentr in t l'albergh far da patron,
 E i altr l'assarrà fora dal port.
 Al fiol del re, pr'en parer un puitron,
 La dsfida azzò, e s'andò a prigul dla mort.
 Ch Tristan al mandò a sbattr al cul in terra
 Cun i dis, e fora del castell' i asserra.

88.

Tristan và dentr, e s trova quila dunzella,
 Quella ch Cludion i eleva un ben spasma,
 Ch'av ho za ditt ch'era quasi fresca e bella.
 D quelli ch ben pochi i n'è quasi ben stampà.
 In st mentr mo la gelusi smartella
 Quil ch'era fora dalla porta arstà,
 Cioè Cludion, ch Tristan fi scunzurar,
 Per grazia ch'ai la vliss fora mandar.

89.

Tristan, sebben ch per questa an sint amor,
Tant el pr' laotta còtt e fora d' là,
Stravolt dalla mali, o da quel furor,
Ch' in t la tazza incantà l'aveva bvu,
Pur, accugnussend d' essr intacà in t l' unor,
E per far ben vendetta contra d' quì,
Am parr-rè d' far un gran error, al diss,
S' una tal blezza andar fora a permttiss.

90.

Mo pur, s' a star tutt sol ai aghervass,
E a car l' aviss chi i tigna cumpagni,
Una zovna ai ho migh, questa ai la lass
Per passar l' ozi e la malincuni.
E s' in t la blezza la n' arriva al pass
Dla so, la n' è dal tutt da trar indri.
Mo la più bella am par del dver e giust
Ch l'ava da star cun quell ch' è più rubust.

91.

Cludion d' st' arposta arstò molt mal content,
Ch' amor e gelosi dentr al sperfonda;
E, cmod s' ai fiss la guardia al casament,
D' intorn al so castell al fa la ronda,
Depiasendi più del fredd, dl' acqua e del vent
Ch la cara diva là dentr s' arponda.
La mattina Tristan i la rindi,
Mustrand depiaser, e qui al dulo furni.

92.

E tant più, quand ai diss, per cosa certa,
Cmod al l' aves trovà ch' ai la rindeva,
Cun tutt ch' al meritass d' aver la berta,
Per la so gran dscurtel, ch' nà a gli aveva.
Mo d averli fatt star all' aria averta
Tutt la nott sol cuntintar al s vleva;
E la scusa al n' azzò ch' al fuss l' amor
Stà la cansa d' aver cummiss ql' error;

93.

Ch d' un rusdgh amor sol far un om curtes,
E non d' nn om ch sia bon farn un villan.
Quand av Tristan abbandunà l' paies,
Anch lu Cludion vols andar luntan;
Mo, innanz d' andarsn vi, cunsei al pres
D cunsagnar a un so fidà la Rocca in man,
Cun patt e condizion ch tant lu e chi vgniss,
Sempr st' usanza in t l' alluzar mantgniss.

94.

Quel cavalir ch ha più forza e valor,
O donna ava più blezza, han da alluzar,
E purtar vi la puzza al perditor,
E sotta a un olm o a un pin s vada a culgar.
Aqusi s miss su l' usanza del tenor
Ch' in fin al di d' ancù s ved anch durar.
E intant ch' al castlan dsava sti chimir,
La tavla apparecchià aveva al cherdinzir.

95.

In mezz a un bell salon tutt s' era urdnà,
Ch' al più magnific mai s sre pussù trovar.
Cun di candilr d' arsent, e torz impià,
Quel signori fi al castlan accumpagnar.
Bradament andand dentr arstò incantà,
Quella d' Islanda s' av a maraviar.
Perchè d' intorn eren tutt el murai,
Cverti d' pittura ch feva nn gran sparpai.

96.

Ai era dpinti quasi belli figur,
Ch a guardari la cenna sre arstà lì.
Ben ch' in avevn un gran bisogn d' sicur
Pr' al cavalcar e pr' i travai del di.
Al scalch e al cherdinzir finn del pladur,
Ch' el piatanz s' arsuravn, e ch soia mi.
Anch ai fu ditt: In prima znà, s' a vli,
E dop po a vostr comd ai guardari.

97.

Za i ern a sedr, e s dspigavn al trvail,
Quand a s' accors dia so capucchiari
Quel signor, ch dou donn dentr allnzar an pol,
Ch' una ha da star, e qu' altra da andar vi.
Ch staga lì la più bella la lezz vol,
E alla brutta ai convin d' turnarsn indri;
Za ch' una en s' è cun qu' altra l' acudutta,
La bella arresta, e vaga vi la brutta.

98.

Du vicch al chiama, e cert altr sou donn
Al castlan, per psser far giudizi bon.
Da co a pi quel dou signori i esaminon,
Da tutt el part fagandi al parangon.
Dop averli usservà, lor s' accurdonn
Ch l' era più bella la fiola d' Amon,
E qu' altra tant in blezza suprava
Quant a battr qui tri l' era stà brava.

99.

A quella ch' era vgnù d' Islanda in Franza,
E ch s' accurzi dia so dsfurtuna prest,
Al castlau diss: Per cunservar l' usanza,
Am par ch' al srà ben fatt e molt unest
Ch' av trovadi altr lugh da impir la panza,
E da durmir: perchè l' è manifest
Ch, sebben st' altra n' è vgnù quasi qui in tirella,
Ben purassà più d' vu l' è vaga e bella.

100.

S' avì mai vist qui brutt nebbiun quasi seur,
Ch s' alen dal vall ai munt in t' nn mament,
Ch' al par ch' i smorzn al Sol, e s fan tant bur
Ch' al par ch' al sippa nott propriament:
Quasi l' Islandesa, a udìr st parlar si dur,
Ch la dscazza fora al fredd, all' acqua, al vent,
Là s ved mudar, e la n' par più, puvrina,
Quella d' prima, ch mustrava essr quasi blina.

101.

La vin smorta, anzi del calor dia zendr.
Ch sta sentenza n'i v'è niint al fasol.
Mo Bradamant, eun al so gran intendr,
Ch l'uscissa d li, per compassion, la 'n vol.
La dias: El son rason mi tugh a dfendr:
Perchè decidr giustament an pol
Al giudiz, quand an vol prima ascultar
Quel rason, ch poln el part tutt don purtar.

102.

Mi, ch'a dfendr sta canesa adess a tui,
A digh, ch più bella, o manch, ch'am sippa mi,
Da donna an son vgnù dentr qui, e s'en vui
Esser trattà da donna, o stimà aqusi.
Chi po dir ch'a son femna s'an 'm dapui?
Donca d sta cosa, adess an si chiari.
Quand nna cosa en s sà, la 'n s pol gnanch dir,
E tant manch quand an terz i ha da padir.

103.

Ai n'è pur tant e tant, ch han lnngh, e anch più
I cavi d mi, e s n'en femn in t'al rest.
S' ai ho da cavalir st allozz uttgnù,
O pur da donna, al s ved ben manifest.
Per cosa donca femna em vliv tgnir vù,
S l'è da masti al mi vstir, i fatt, i gest?
La lezz è questa, el donn eran d qui scazzà
Da blezza d donn, non da chi s batt armà.

104.

Mo den pur anch al cas, ma non cuncess,
Ch'a sippa doana, cmod avi upinion,
E ch'an pessiss in t la blezza star appress
A st'altra, a vrè saver cun qual rason
Am vrisi adess dl'allozz tor al pussess
Per sta sira, sebben ch tant bella an son?
An em par giust, ch'aviss, per la mancanza
D blezza, da perdr quell ch m'ha dà la lanza.

105.

In ultm po, quand fuss l'nsanza tal,
Ch la manch bella ava fora d qui da uscir,
Mi qui dentr a vrè star, o ben o mal
Ch'al mi star ustina pessiss ariuscir.
La canesa qui tra d nu n'em par ugual;
E finalment am spiegh a farv capir
Ch, s'a vguen per quest al man, ai erà di guai,
Chi s batrà migh, s'an perd, gnanch vinzrà mai.

106.

E quaud an v'è la perdita, o al guadagn
Del par, lecit al n'è brisa 'l cuntratt.
Sicchè li per ginstizia, o sia pr'un magn
Tratt d civiltà, l'ha migh da star a st piatt.
E s'nn i erà quasi ardid o barbazagn
Da dir ch'el mi giudizi sia da matt,
A son per sustintar el mi rason
E fari vedr ch lu è 'l matt, anzi al minchion.

107.

Bradamant, ch s'era mossa a compassion
Ch'ava da andar sta signora fora al devert,
All'acqua, al vent, al fredd, al giaz, al tron,
Dov an i è un tantin d lugh da star a cvert,
A quel castlan la conta sti rason;
E lu, quand al sinti un parlar quasi avert,
Ch l'arè mnà 'l man, bisngnò ch'al s'acquass,
E per bi e bun tutt i su discurs l'aztass.

108.

Cmod fa un ragazz, ch'i ava promiss al pà
D lassarl andar la sira ai bratrin,
E, quand vin qu'ora, ch'al s sippa demnda
S' l'arriva un qualch parent, amigh o vsin,
Ch sava tor vi tutt'el difficultà,
Al diventa tutt'alligr, e s fa un ghignin,
L'imbattezz d Islanda fi altr tant
A sintirs dfesa aqusi da Bradamant.

109.

La cenna, ch s cminziava za a arsurar,
I andonn a godr tutt in santa pas,
Senza più ch vgniss nasun scrupl a disturbar,
O cavalir per d fora a batt al nas.
Mo la fiola d'Amon d poch s psai cibar,
Per la so antiga usanza d far di squas,
(Causa qula malanaza gelmsi,
Ch n'i lassa godr nn po la cumpagnia.

110.

Fini la cenna, ch erev anch durà d più,
S l'an fass la vuia d vedr quel figur,
Bradamant prima di altr s livò su,
E, dri a li, quegli altr cheriatu.
A un zegn ch fezz al castlan, un pagg impiò
Da un cuntinnar e più d candel d secur,
Ch finn tanta lum, ch'al pars propri vgnir di....
Mo s questor han znà, an ho miga znà mi.

FIN DEL CANT TRENTADU.



CANT TRENTATRÌ

ARGUMENT

*Guerr, ch han da vgnir, ved la fiola d'Amon
Dpinti in t l'albergh cun la giostra agistà.
Tra Gradass e Rinald la gran question
Finiss pr' adess, siand ri Baiard scappà.
Pr' aria girand al mond, al fiol d' Utton
Arriva in Nubia, dov, quand è ammancà
Del re la tarla, gli Arpi corn in branch,
Mo Astolf li fa scappar vi d punt in bianch.*

1.

Francesch Franza, Funtana, e quell d'Urbìn,
I Carazza, l'Alban, Guid Ren, Caydon,
Passarott, al Guerin, Daminichin,
E po dri Zgnan, al Spagnol, e anch Sanson;
Ntèn pur Dunà Cretù e l' Franceschin,
E po dsurren d'Algard, d Mingant, d Rudlon,
E po d Serli, e tant altr brav d' sieur,
Ch'in prim tra i architett, pittur, scultur;

2.

E tutt qui ch furinn za ai secl passà,
I nom di qual al temp n'ha mai smarrì,
E qui ch'i han iu t'el belli ovr imitù,
Ch s' rendu famos e chiar ai nustr di;
Ch han cun i pni, scarpi e design esaltà
El trei belli art; mo an vui tra quisti qui
Mittir sigh, anzi a gli ha da star luntan,
Al decantà Zannin da Capugnan.

3.

I pittur nustr, e i altr, al temp indri,
Lassand da part architett, e scultur,
Perchè adess am intend sol d qui ch' i pni
Han frustà su pr' el tel, pr' gli ass, pr' i mur,
I han dpint el cos passà; mo an truvari
Za qui ch han savù dpinzr al futur.
Ne mai a s'è savù chi s' sia provà
A dpinzr degl' iustori, ch n' in mai stà.

4.

Questa però, cun tutt ch l'Ariost divin
Z la vuia qui per vera appataccar,
Ch' al la fiss in t' una nott Merlin
Da di diavlett pittur quasi lavorar
A forza d tant scunzur d' un cert librin,
Ch semp in bisacca al suleva portar,
Sia ditt cun pas, a credria an son gonz,
Pr' esser tonda e cappluda più d' un fouz;

5.

Perchè quell ch' ha da vgnir an po saver
Al diavlett, quest' è d fed cert e sieur.
Mo adess, turnand a qui ch senta piasser
D' usservar qui bi dpint e quel figur,
Perchè al comod tutt i avv da pesser
Quegl' instori usservar, e n' esser al bur,
Al castian cmandò a un om, ch' in t' un mument
L' impiò cent candel d cira, e torz da vent.

6.

A quel sgnori al castian i diss: Savà
Ch tutt sti guerr, sti altr fatt, e sti ritratt,
Infinna al di d' anch, nient i n' è stà,
E i iu stà dpint in prima d' esser fatt,
E chi i ha dpint in prima i ha indvinà,
Quand i franzis viuzran, quand i sran defatt,
Per tutt quel volt, ch' ai saltarà in pinsir
In Italia portar al comod a sol dir.

7.

Tutt' el guerr, ch tintarà al scettr frances
Dlà dagli Alp e in Italia per mill' ann,
Vdili dpinti aqusi qui, missi pr' al dtes
Dal magh Merlin, ch' a nessun fi mai ingann.
Quest fu za mandà in Franza dal re ingles,
Ch fu quell ch dop Marcomir av scettr e scann.
Mo, perchè agn cosa a passadi ben capir,
Stà ben attenti a quell ch' a son per dir.

8.

Firamont, ch fu quel re, ch prima passò
Cun la so zent, pr' andar d' in Franza al Ren,
Chiappà ch l' av qui pais, dop al pinsò
D vler alla bella Italia mettr al fren.
E al far sta cosa tant fazil stimò,
Perch l' imperi Ruman, za stà tant ben,
In sqaass l' andava; cun Artur s' unì,
Quel re di Inglis, ch viveva da qui di.

9.

Al re Artur, ch' en fi mai, s po dir, un pass.
Senza dmandar cussì prima a Merlin,
Ch tutt cuntavn ch' al fuss fiol d Satanaas,
Ver o fals an al so, a so ch l' era indvin,
Lu al mandò a Firamont, perchè ai spiegass
Al ben e al mal fissà da dal destin,
Da tutt i timp, ch l' aviss vlu movr guerra
A quel paes, ch' al mar e i munt assera.

10.

Merlin pr' incant i fi vedr ch squas tutt
I re, ch' in Franza dop lu gvernaran,
I esercit su dagli arm depers e destrutt,
O dalla pesta o carestì lor vdran:
Ch poch al guadagn, e purassà srà l destrutt.
Ne ch' el vittori el perdit i arfaran
In Italia, e bagnarà pigar i usvii,
Cgnussend ch radis in fau qui i su bi zii.

11.

Firantont a qu' iudvin tant fort al criss,
Ch da altra banda al so esercit guidò,
E po al vols ch' aqusi qui lu descriviss,
E un al so inzegn, quel cos ch sren stà da pò.
Cun lu Merlin, in t' al so studi fiss,
Tutta sta bella sala l' insturiò,
Dov i Franzis imparn nett e chiar
Cmod per l' avgnir el sou cos han da andar.

12.

Cmod s fa in t' un libr, lor quì pran nutar
Che, siccom i s faran un bell' anor
Quand i andaran l' Italia a liberar
Dal tiranni di Barbr e dal furor,
Altr tant, s' i la vliiss lor danzzar,
E cresser al so nazz cun st' altr fior,
Ch' i stagh pr' sicur, per cosa certa,
Ch, d za dagli Alp, pr' i Franzis l' arca stà averta.

13.

Quell donn al guida, quand l' ha ditt aqusi.
In dov cmenza gl' instori, e Sigisbert
Vedr ai fa, ch pr' avarizia sol s muvi
Dì quattrin, ch da Maurizi i funn profert.
Vdil là, ch' al passa gli Alp, e quand l' è usci
Del bel Tesin in tutt quì camp avert,
Entà guardà cmod al l' ha miss in rotta
Tant, ch' an sà dov scappar, o d sovra o d sotto.

14.

Guardà quì Cludivoo re, ch' a più d cent
Milla person ha fatt passar al mont.
Dall' altra part al duca d Benevent
Cun un numr d' equal i vin a front.
Guardà ch' al finz d lassar l' allozzament,
Mo intant ai tend la red, e al Franzes pront
S' in corr al beon, senza sospittar d' ingann,
E l' arresta incastrà tra cent malann.

15.

Childibert in Italia guardà quanta
Zent a cavall al manda e fanlari.
Mo niint più d Cludivoo lu n s gloria e vanta
D' aver vinta o despuà la Lombardi.
La giustizia dal cil vin zo, e s fa tanta
Nass murr-ri di su, ch l' impiess el vi.
Part mor pr' al cald, e part pr' al cagarott,
E, d cent, in Franza in tornen gnanch in ott.

16.

Pipin e Carl dop ai fa usservar
Cmod un dop l' altr passà d zà del mont.
D ben in mii el sou cos s vedn avansar.
Perchè i n' en brisù vgnù per fari affront.
Mo papa Stern al prim v a liberar,
Adrian al segond, e Lion; a front
Pipin d' Aistolf e Carl l' ered chiappa,
E al Papa salv in man dl' ultm n' incappa.

17.

Dop ai fa vedr al più zovn Pipin,
Cun el sou zent, ch' en paru gnanch dappoch:
Al cruv Padva, Verona e al Vicentin,
E cun gran spesa al fa 'l pont d Malamoeh.
Al pont d Rialt arriva st parigin:
Là l' s batt, mo in t l' ultm al tin dar a gli och:
Lu scappa vi: mo i su puvr disgrazià,
Cun al pont rott, ai lassa sfracassà.

18.

Un Luig' burgugnon vdiv là calar
In t' un lugh, dov al resta vint e pres.
E quì ch' ha vint al l' obbliga a zurar
Mai più da lu ch' an srà cun gli arm uffes.
Vdi là, ch' al zurament an vol dop star,
E, turnà dl' altr, ecco ch' in t' al lazz tes
D posta è attraplà, e quì topa,
L' è guidà dlà dagli Alp, orb em' è una topa.

19.

Ecco quì un Ugh d' Arles, ch fa di gran fatt,
E d' in Italia i Biringari al dscazza,
Don o trei volt da lu rott, vint e defatt,
Cun l' aint d qui d Bavira e altra zintazza.
Mo da un più fort l' è arduitt a far di patt,
E prest d Caront al passa alla barcazza.
A seguitar al stà poch anch l' ered;
E al regn d' Italia a Biringari al ced.

20.

Vdi un altr Carl, dal papa invidà,
Mett r d sovra al bel paies latin.
In dou battai a s ved ch l' ha superà
Du re, prima Manfred dop Curradin.
Mo l' sou zent quel bell lugh ch' i han aqistà
Maltrattn piz di Turch e i Sarazin:
E cun un far aqusi barbr e inuman
La causa sran del Vespri Sicilian.

21.

Dop ai mustrò (mo quì chiar a s ognusseva
Ch' ai passava tramezz di ann purassà)
Ch' un general frances passar pareva
In Italia, e i Viscont esser imbruià.
Cun l' esercit quai grand, ch sigh quell' aveva,
Alessandria d' intorn esser assedià,
In t la città al Viscont mteva presidi,
E poch lontan ai tindeva gl' insidi.

22.

I Franzis ben baggian, senza sospittar,
Da per lor entrn in t la ragna tess:
E al capitani, ch' i ha vlu là guidar,
Mal ariscir al s ved in t la s impresa.
Là per quì camp la mort s ved triumfar
Di Franzis; una part d lor resta pressa.
Gonfi al Tanar, in t' al corr- r all' in zò,
Pr' al sangu, ch fa dvintar ross in finna 'l Pò.

23.

Un dalla Marca, e, dop, tri d' qui d' Angiò,
Ai mostra un dop all' altr, dsend aqusi:
Per tintar s' el regn d' Napl i ponn far sò,
Guardà emod tutt alligr i corn li.
Mo, sebben ch' i Franzis in aiut so
Avn uni i Italian, in ponn star li:
Perchè tant volt i i van, anch' altr tant
I in da Alfons tartassà, e dal re Ferrant.

24.

Carl ut' av li usservà gli Alp trapassar,
E as po dir ch' l'ava sigh squas tutta Franza.
Al regn d' Napl auca lu vrev aggramplar
Senza spada defudrar, ne arbassar lanza.
Mo l'oss più dur ai resta da rugar
In t' l'isuletta d' Ischia; e s' lu s'avanza,
Al s'attrova d'aver un gran contrast
Cun un dia casa d' Aval, Inigh del Vast.

25.

Al guardian del castell, ch' feva sti zanz
A quel signori, sti guerr tutti mustrand,
Quand al fu a st'isuletta, al diss: Innauz
Ch' av vada più sti fatt desfrand,
E za ch' a ved essri del temp d' avanz.
S' am dà licenzia, mi 'v dirò currand
Quel ch' una volta em disse mi nonn a mi
Digandm averi da so padr udi,

26.

Ch' ai l'aveva so nonn a lu cuntà,
D' aver sintì da un altr amigh so dir,
E a quest' ai l'aveva dit un, ch' era stà
Quand qui fu dagnà sti guerr, sti zaravir,
Ch' in mod particular st' isula agnà
Fu dal magh a quel re, cun al pinsir
D decorr-ri da indivin, e qui ai diss franch
Quell ch' av dirò, s' am ascoltà qui in branch.

27.

Donca ai diss ch' aquai quì, iust propri in st lugh,
Da quel bon cavalir, ch' al gverna e dfend,
Cun tant aum, ch' an par ch' al stima al fugh
Ch' tutt quant d' intern v' al poies destruzend,
E ai par a lu ch' al sippa quest un zugh,
Al srev nad (e s' i diss anch' el calend)
Un cavalir quasi brav, grand e glurios,
Ch' un altr al mond n' i sà quant lu famos.

28.

Au fu aqusi bell Narcis, ne tant ardent
E quasi animos Achill, ne scaltir Uliss,
Ne svelit Liunbruu a correr, ne prudent
Nestor, ch' i contin ch' tersent ann viviss,
Ne gnanch quasi liberal, ne quel clement
L'antiga vos Giuli Cesar descrias,
Ch' is possan al parangon mettr a nessun mod,
Cun quell ch' nasrà quasi qui, ben degn d' mill lod.

29.

S l' isula d' Candia antigament a gluriò
Perchè dentr ai nasces d' Saturn al fiol:
E s' d' Bacch e d' Erquì la bella Teb s' vantò,
E Delf ch' n' uscies da li cun Diana Apol:
St' isuletta auca li d' vautars al sò
Arà mntiv, non pr' invenzion o fol,
Mo perchè in li nasrà quel gran marches
Ch' tutt el grazzi del cil i sran cortes.

30.

Merlin predies ch' in temp non gnanch espress
Al vgnarà al mond, e da qui di ai srev stà.
Quand più al Ruman imperi srev uppress,
Perchè quest al turnas in libertà.
Mo an ev parl più d' lu, ch' adess adess
Più d' una bella asion a v'ren nutà.
Al diss aqusi, turnand alla pittura
Dov del re Carl a s' rveda la figura.

31.

Guardà qui, al diss, dov par pintirs Aldvigh.
Ch' per causa so in Italia sia vgnu Carl.
Sol per travai del so contrari antigh
Chiamà al l'aveva, e non za per decazzarl.
Mo adess, ch' al torna, ecco al si mostra nmigh,
E, ai Venezian nni, cerca d' chiapparl.
Guardà l' re cun ch' curagg la libra arbassa.
E l' s' fa una strà per forza, e l' al passa.

32.

La so zent, ch' al nov regn a dfendr 'n s' arresta,
Usservà emod contraria l' ha la sort,
Perchè Ferrant cun i suldà, ch' i impresta
Al duca d' Mantva, torna indr' i quasi fort,
Ch' dentr a poch temp an s' in travò più peata,
Mo in terra e in mar i in bocun tutt per la mort.
Mo pr' un di su, ch' i è ammazà a tradiment,
An mostra d' la vittoria esser content.

33.

Digand a sta manira, Alfons Marches
D' Pescara ai mostra, dsend: Quand srà st' sgnurin
Glurios campars per mill e mill impres,
Più d' un smirald lussent, e d' un rubin,
Vdil quì cascar in t' la trapla, ch' i ha tes,
Finzends bell e aiustà, quel negr fin.
Da una frizza in t' la gola vdi l' fri
Al fior di cavalir, ch' sran da qui di.

34.

Ai mostra dov al duodezm Aldvigh
Trapassa i mont, cundutt da un italian,
E al duca Sforza mitt in gran intrigh
Cun piantar i su zii dentr in Milan.
E po manda quel zent, ch' l' ha guidà sigh.
Dri a Carl, a far i pont al Gariglian.
Dop al ved, ch' una part dentr s' avversa
Dal fium, e l' altra mal cundutta e depersa.

35.

Vdi là in t la Puglia un altr gran mazzell
Fatt di Franzis, ch s la cuin tutt a gamb.
E al general Spagnol Ferrant è quell,
Ch'i ha cundutt in t'al bgull cun un bell amb.
Mo la fortuna, in altr lugh, più bell
Al re mostra al mustazz, prima quai stramb:
Là vsin all'Adriatic, in t al pian
Di l'Appennin, gli Alp, e al Pò di Venezian.

36.

Dop sti cos, al s trattin, dsend: Sonia matt?
Quell ch prima era da dir a i ho lassà!
Donca, turnand indri, ai mostra in t'un tratt
Un vendr quel castell, ch'è stà consegnà;
Al Svizzer mostra (ch'ha za fatt contratt
D se stess) d'impatruir d chi l'ha ingangia,
El qual dou cos, senza arbasar la lanza,
Fan aver la vittoria a gli arm d Franza.

37.

Ai mostra Ceer Borgia, qula carogna,
Fars in Italia, a spes d quel re, ben grand.
E agn precinp italian grattars la roгна,
Cun i mazur rumau, tutt mandà in band.
Ai fa po vedr al re, ch fora d Bulogna
Manda la Sega, e s'i fa intrar el Giand.
E i genuvis, ch'a lu s'en ribellà,
Al fa scuppar e s pias la città.

38.

Usservà ten, e vdi quanta zent morta
In Giaradada cruv là qula campagna:
E s par ch'el città tuti avrn la porta
Al re, e Venezia sola par ch'armagna.
Da st'altr là usservà cmod an cumporta
Ch'al Papa passa i confin mitt in Rumagna,
Ne ch'alla casa Estensa Modna al tuia;
Anzi al Papa al so Stat tori ch'al vuia.

39.

E in fatti ai liva Bulogna dal man
Turnandi la fameia di Bentvni.
Ecco i franzie a sacch mittir al Bersan,
Perchè contra del re i han dà all'arlui.
In t l'istess temp, d Bulogna là in t'al pian,
Al camp del gran pastor mitt in garbui,
E l'un e l'altr s'artirn ai lugh bass
E in verità as po dir ch'i van in squass.

40.

Al camp frances, e qu'l'altr camp ingrossa
Al riech Spagnol; e al guazzabui è grand.
Dai gran murt a s ved fars la terra rossa,
Tant in arresta da tutt dou el band.
Dal gran sangu pina a s ved arstar agn fossa.
Mart a chi darla vinta sta pinsand.
Mo finalment, per virtù d'un Alfons,
Al Frances tasta al nmigh molt ben al pons.

41.

Perchè sacchzà Ravenna antiga resta,
Al Papa mostra aver una gran rabbia,
E zo dai munt fa vgnir cm'è una timpesta
Al tudesch, perchè al gratta un po la scabbia
Ai franzis, ch, senza mai vultar la testa,
Al torna in frezza alla nativa sabbia,
E un arfiad del bel Mor, ch'era dsipiànt,
Torna dov s'era l'zii franzes piantà.

42.

Vdi là al Frances turnar, e miss in rotta
Dal Svizzer, in aiut so dal Mor chiamà.
Dal padr, ch fu tradi, an s'arcorda ngotta
Da qustor, e lù alla bona s n'è fidà.
Guardà da qu'altra part l'esercit, ch sotto
Dla roda dila fortuna è mal andà,
Un altr re crear: ch subit s prepara
L'ingiuria vindicar arzvò a Nuvara.

43.

Cun speranza d far mi, vdi là turnar
Al re Francesch, ch cavala innanz a tutt.
E vdi ch'el corn ai svizzer al v a fiaccar,
Ch'as po squas dir ch'a gli ava vint e destrutt,
In mod, ch'in possu più al titl vantà
Quai bell, ch s'era usurpà qui villan brutt,
D'esser al fiazell di princip, e aver presa
Dla Santa Cisa sovra d lor la difesa.

44.

A depett dila lega, vdi ch Milan al prend
E s fa i daccord cun al zovn sfurzesch.
Usservà quì Burbon, ch la città dfend
Pr'al Francesi contra del furor tudesch.
Guardà po qui ch'in quel mentr ch'attend
A di altr fatt distint al re Francesch,
Senza saver di su gl'iniquità,
Ne la superbia, al perd quila gran città.

45.

Ecco un altr Francesch, ch'al nonn s'arvisa
Non sol d nom, ma cun anch gli operazion,
Ch'i franzis decazza, e, cun l'aiut dila Cisa,
Torna a far in Milan lu da patron.
I Franzis tornen pur, mo in corren brisa,
Agn cosa mtend a sacch, senza deherzion.
Perchè l' duca Mantvan su dri al Tesin
I serra al pass, e i traversa al cammin.

46.

Fedrig, ch n'ha d barba un pel, e ch'in sustanza
S po dir ragazz, vdi là fars d gloria degn.
Pr'aver st zovn, non sol cun la so lanza,
Mo più cun diligenza, e cun inzegn
Dfesa Pavi dal gran furor dila Franza,
E del lion Venezian guast tutt al dsegn.
Vdi du Marchis, certament al terror
D quant i è su nmigh, tutt du d'Italia unor.

47.

Tutt du d' un sangu, tutt du in t' un nid in nad,
E d' quel marches Alfons al prim è fiol,
Tradi da quel brutt negr scellerad
Ch' fi corr-r del so sangu per terra: un riol.
Per so quell, quant volt, spint vi dal spad
Di italian, i franzis vdiv tora el viol.
Qu' altr po, ch' è quasi bell e ben creà,
Domina al Vast, per nom Astolf chiama.

48.

Quest' è quel cavalir, ch' av in scurreva
Quand l' isuletta d' Ischia av ho mnstrà,
Ch' in prima d' nascer, d' quest Merliu za aveva
A Firamont del cos ditt purassà.
E da quel temp a nassar sol ch' l' aveva
In quell, che più in angust s' sre trovà
Cun la Cisa, l' Imperi, e Italia tutta,
Sacchzà dai barbr, affitta e mal cundutta.

49.

Dri quest a so cusin, marches d' Pescara,
E dirett dal bon Prospr Columes,
La Bicocca al farà cusar ben cara
In prima al Svizzr, e po dep al Franzes.
Quì la Franza usservà, ch' d' bell nov s' prepara
L' ingargamar el mal cundutti impres:
Cun al camp al re cala in Lumbardi;
L' andar a Napl un altr i mitt in vi.

50.

Mo la fortuna, ch' fa d' nu cmod fa al vent
Cun la polvr, ch' al liva, e s' gira in volta,
Alzandla finna al cil, e in t' un mument
In terra al la fa andar, d' ond al l' ha tolta.
La fa ch, sotto a Pavi, lu pensa d' cent
Milla person aver fatta l' arcolta
A rason d' quell ch' al spend a di per di,
Mo, a far l' arrista, al ved ch' la n' è po aquì.

51.

Per l' avarizia d' l' uffizialità,
E per colpa del re, ch' i cred e ch' s' fida,
Sotta al bandir s' attrova puch suldà,
E quand al camp la nòtt All' arma! erida,
Dentr ai arpar al s' ved esar assaltà
Dal spagnol frugiant, ch' avend per guida
Dla casa d' Aval du agnori, l' andarè
A cà d' quì, o pur in cil, mo la strà 'n i è.

52.

D tutta Franza vdi al fior dla nublità
In qua campagna grandà destrutt e mort.
Guardà quant lauz e spad han circondà
Tutt d' intorn quell re animos e fort.
Ecco al cavall ch' i è za sotto cascà,
Mo an fa alla so virtù per quest gran tort:
Ch' an s' rend, e an s' chiama vint, sol contra a tant,
Senza, in so d' fesa, aver cavall o fant.

53.

Da per lu al s' dfend cun un curagg ben rar,
E cun al sangu di mnigh la terra al bagna.
Mo la virtù e la forza en po zuvar;
Per quest, vdi là ch' i al chiappn, e mandn in Spagna.
E d' Pescara al marches, e a quel so car
Dal Vast, ch' al so cusin sempr accompagna,
Tutta la lod è dà, e l' unor, ch' n' è alzir,
Del camp rott, e del re fatt persunir.

54.

In camp rott a Pavi, l' è incammina
Pr' andar a aquistar Napl; dri al cammin
Al resta a poch a poch senza suldà,
Cmod fa la lum ch' finias oli e stuppin.
Ecco l' re, ch' i su più in ustagg lassà.
Torna a vedr al so bell nid parigin:
In quel temp che lu in Italia fa la guerra,
A lu di altr i la fan in t' la so terra.

55.

Pr' i sacchizz, pr' i unicidi, e pr' el rapin
Dsturba, Roma vdi pianzr amarament.
Pr' i incendi e pr' i stupr el cos divin
Cun el profan, trattà tutt malament.
Al camp di collegà, a vder sti arvin,
A sintr al cridar grand e al smergulament,
In scambi d' fara innanz, al torna indri,
Lassend al Papa cun i zipp al pi.

56.

Al re manda Lutrecch cun di suldà,
Non za per travaia la Lumbardi,
Mo sol per mettr al Papa in libertà,
E tutta quanta la rossa sgnuri.
Per viazz l' intarda, e s' trova po, arrivà.
Al Papa e i Cardinal turnar indri.
Lutrecch vdi a Napl, cmod la furia al mena,
E s' mitt su d' sovra el cendr dla Sirena.

57.

Carl l' esercit di su suddit d' spicca,
Per vedr Napl s' al pòl aiutar:
Mo al Doria in t' un mument addoss e' i astriecca.
E tutta al d' fà l' armada là in t' al mar.
Un' altra volta la fortuna s' ficca
Contra ai francis, ch' la 'n i vol più cunfittar;
D fivra maligna la i n' ammazza tant
Ch, d' cent, un d' turnar in Franza en s' po dar vant.

58.

Questi, e tant altr cos in quel salon
S' vdeven, ch' a dirli al srev un 'n vler finir,
D vari culur ben d' pinti, e gl' iscrizion,
Ben ch' fatti in ziffra, pur s' pssaven capir.
Più volt turnonn a vedr, e in cuncelusion
Al pareva ch' in pssissan d' là partir.
Tutt ludavn el figur, al d' seug, al pnell
Chi d' seava: Oh bon! chi d' seava: Oh bravo, oh bell!

59.

Quel signori, quel dunzell, qui camarir,
Dop aver vist, e stà li a chiaccarar,
I funn cundutt dal castlan a durmir,
Ch'al saveva el creanz e al ben trattar.
Ugnun sotta ai linzà bandi i pinsir;
Bradamant sola en s'paveva indurmir:
E per quant la s'pruvava, o in schina o in fianch,
La 'n trovò 'l sonn dal dritt ne dal là manch.

60.

Un poch l'appisulò quand fu vers di,
E la vist, insuniand, al so Ruggir,
Ch'i feva ann, parend ch'al deiss aquai:
La mi bell'anma, en dà ment a chimir.
Dal punent prima a vdrì turnar al di,
Ch'altr che vu mi a i ava in t'al pinsir:
S'an v'amass vu, mi'n pre mi stess amar,
E la mi vita istessa an arè a car.

61.

Ai pars anch ch'ai deiss dop: Da vu a son vgnù
Per battarm, e questa è la mi intenzion;
E, s'an l'ho fatt più prest, an ha trattgnù
Non l'amor, mo una piaga in t'al zuccon.
La s' desda in st' mentr, e Ruggir la 'n ved più,
Ch'al furni cun al sonn anch la vision.
Al solit pianz Bradamant turnò
Dend sti belli rason dentr in cor sò:

62.

Quell ch tant a i ho avù a car l'è stà un insuni;
Quell ch'em turmenta l'è un ver eser dedà.
S'al fu ben prest a sparir vi l'insuni,
Quai è stà prest al mi affann, quand an son dedà.
Oh! perchè 'n vedia chi a vist in t' l'insuni?
Perchè turnò al dlor dop essarm dedà?
Oh dura cundizion! avert a vdi,
Puvr ucc, al mal, e al ben quand a durmi!

63.

Quel bell insuni m'imprumtti la pas,
Mo l'esser vigilanta em torna in guerra.
Per qu' insuni an s' mustrò quell ch tant em pias,
E, a dsdarm, a torn a sentr quel ch m'atterra.
S' la verità em dà dsgust e al fals n'em dspias,
Al ver en possia mai più vedr in terra!
S'a i ho gust a durmir, per n'aver guai,
Possia semp durmir, ne dsdarm mai!

64.

Che bella sort ch'ha i taas, ch dormn tant fort,
Ch'i stan si mis senza mai i ucc avrì!
S'a s'avvisa al durmir aquai alla mort,
Al mi star dsdà d' sicur vita 'n s' po dir.
All'avversa di altr è la mi sort:
Mort a trov l'esser dedà, vita al durmir.
Mo s'a n durmir quai fatt s'ha da avvisar
La mort, ch la 'm vigna adess i ucc, a aserar!

65.

In st' mentr al Sol dall'orizzont s'alzò,
E dal cil tutt el nuv ern depari.
Al vent e l'acqua damissn, e al temp mustrò
Ch'an srev del di passà campagn quel di.
Bradamant lassò al lett, e prest s'armò,
Per seguitar al viazz, ch' iir la 'n finì.
Cun un gran garb la ringraziò quel signor,
Ch'i di l'allozz, e ch'i f' tant unor.

66.

A uscir dla Rocca, la trovò quai signora
Cun tutt el son dunzell, pagg, e stafir,
Ch saltà l'era fora anca li a bunora
Dov l'era aspttà da qui tri cavalir,
Ch la sira innanz, cun tanta so malora,
Fì Bradamant in terra battr al mssir.
I cun stà tutta quai nott là fora
A sguffars qu' acqua, quel fredd, e quai cara ora.

67.

E po, d zunta n tant dsast, anch senza cena.
Lor cun i su cavall tutt'ern stà,
Sbattend i dint, piastand al sui cun pena;
Mo quell ch'i fa più fort esser arrabbia
L'è al pinsar, che siand in Franza appena,
Al prim tra i cavalir, ch'i han incuntrà,
In terra i ha mandà, e quai messagira
Al dirà a tutt, perchè l'è una zanzira.

68.

E, risolut d murir o d vindicar
L'affront, ch'i ha tant attavanà e affitt,
E perchè Ullania (aquai s' feva chiamar
Quai signora, ch'an cred gnanch d'averl ditt)
D lor la mala upinion possa scazzar,
E mostrar quant i in brav in t'i cunfitt,
I sfidn d posta la fiola d'Amon,
Tant quant i vedn ch l'usciss dal purton.

69.

Senza credr ch la sia una donna bella,
Perchè d donna la n'ha ne mod ne gest.
Li f' l' son scus, digand, ch l'è muntà in sella.
Perchè l'ha frezza d'andar vi ben prest.
Mo pur, vndend ch s' la n'arspnd a quai favella
Al sre un dsunor, e lor i i sren mulest,
La lanza sbassa, e cun tri culp in terra
La i ficcò d nov, e quai finì sta guerra.

70.

Senza dir altr, dop la s' andò vù,
E da qui ch'ern li la s' la dsfudò.
Qui, ch'ern vgnù pr' una quai lunga vi
Pr'al bell scud d'or, cosa dirani mò?
Senza dir altr, s' livonn su tutt tri
Quacch quacch, perchè l'argui i era d' zò.
Senza saver ne cosa dir ne far,
Ins' attintonn gnanch più Ullania guardar.

71.

Perchè tant e tant volt sigh in cammin
S'ern cun gran argui tant volt vanta,
Ch'an i sre cavalir ne paladin,
Che contra d lor la purtass vi cima.
E li, perchè in t l'andar stiesin più chin,
E pr'en sentir da lor quasi gran taià,
La i fi saver ch'una zuvnetta bella,
Ch n'è un paladin, i avea fiocà zo d sella.

72.

Cosa adess pesiv pinsar, la i dæva, quand
Una donna, quasi prest, v'ha dævalcà,
Ch'al possa esser Rinald, o ver Urand,
Ch'han pr'al mond la so fama sparguià?
S'al scud darà a un d lor Carl, mi v dmand,
Più valorus e brav d quell ch'a si stà
Contra una donna, contra d lor mai sriv?
Mi n'al poss credè, e vu forsi al cherdriv?

73.

St cas ev torà d'ingann, e s n'ev bisogna
Far del vostr valor più altra prova.
E s'a un qualche altr a vli gratter la rognà
In Franza, e far altra esperienza nova,
Av furi cresser al dann, e la vergogna
Dentr in t la qual ugnun d vu tri s'attrova.
Quand an tulissi pr'un grandissem unor
Andar al gabriott per man d'un d qustor.

74.

Ullania, n st mod, quand la i av fatt capir
Ch l'era stà certamente una zuvnetta
Ch'i avea arversà tutt tri ia mezz al sentir,
E la fama ammaocchià quasi chiara e netta,
E l'istess cunfirmonn pagg e stàffir,
La rabbia i di in t'al cor quasi matta stretta,
Che squasi squasi i funn li per cherpar,
E i stinn pr'un negr d'ungia a n s'aminazzar.

75.

Per la gran stizza e per la smania spint,
L'armadura i s dsuionn, ch'i avevn addoss,
Ne d spada ne d pugnall più armaan cint,
Mo agn cosa i trinn su d sovra so in t'un foss,
Zurand, za ch'una donna è stà ch'i ha vint
E mandà a battir in quel gran faugh al doss,
Per purgars d sta vergogna e d st gran error,
Pr'un ann intir in s'armaran nssun d lor;

76.

E per tutt qnl'ann i andaran a pi,
Per pian, per mont, a ascendr o a calar,
E po, quand al srà l'ann anch passà vi,
Mai s'armaran, ne gnanch vran cavalcar,
Quand in s guadagn-n in guerr, giostr, o dui
Arm e cavall, e cos altr in st'andar.
Quasi dsarmà, in penitenza del so fall,
Lor s n'andonn in là a pi, i altr a cavall.

77.

La sira Bradamant in t'un castell
Ch'in t la strà ch vā a Parig propri s'attrova,
Del re so barba e d Rinald so fradell,
Ch rott avevn Agramant, la sav la nova.
E sebben ch bona cenna e un allozz bell
L'aviss, gnanch qui d sienr piasser la prova;
Poch la magna, poch dorm, e n trova lugh,
Ch'ai è d'avvis d'aver addoss del fugh.

78.

Qui mo a la lass, ch la s dspera quant la vol,
E a vui tornar a qui ch'avèen ligà
Dri a qula funtana a un albr o a un palazzol
I su cavall, cmod i ern za accurdà.
Qui una città eu s cumbatt, un regn o un paol
D'imperi, mo la lit ch'i han attaccà
L'è, perchè a un d lor du tocca, e al più gaiard,
La spada Durlindana e l brav Baiard.

79.

Senza son d tromba, ch daga l segu in prima,
Senza ch'al Sol i andass nssun a dpartir,
Senza tor camp, o andar dila lizza in cima,
Senza ch s'accorda a nssun d parar o d frir,
In t'un punt dsfordn la spada sublima;
E siccom i in ten pratic del mstir,
A dou man i s eminzonn tutt da a picchiar,
E la stizza ben prest i fi ascaldar.

80.

Dou spad an s pre trovar più d quasi perfett,
Ne alla prova quasi fort e sodi e dur,
Ch'a tri d qui cnp ch'is dan avissn rett,
Ch'era fora di sign e del misur.
Mo questi ern timprà in mod quasi elett,
E per tanti esperienzi quasi sicur,
D psseran servir e quant e much al par,
Senza timor in pizz d vederli andar.

81.

D za e d là saltand Rinald, mudand i pass,
Svelt al fatt so cun l'ooch al steva attent,
D Durlindana schivand al gran fracass,
Savend ch la taia al ferr quasi facilment.
Cun gran forza l picchiava al re Gradass,
Mo squas tutt i su cnp andavn al vent,
E s pr'accedent qualche volta anch al cuieva
L'era in tal lugh, in dov poch al nuseva.

82.

Rinald cun più destrezza en mena indarn,
E spess al fa el sou bott sentr al pagan.
Però al n'arriva a psser furar la carn,
Sebben ch'al cerca d tgnir a seest el man.
O dl'elm o dila curazza an po taiarn
Ne poch ne assà, ch al mena sempr in van:
E al n'è da maraviar s'i en dur quasi tant,
Perchè i ern timprà a forza d'incant.

83.

Un gran pezz in st scunfitt i ern stà,
Ai culp l'un dl' quest' attint, senza arpassars,
Senza voltars da quell' o qu'altr là,
Ch' i avevn un bell da far psser arparars,
Quand da un'altra baruffa i fuon d'sturbà,
E per questa ai convign tra d' lor despicars;
E al fu ch' i vdiinn Baiard, i acch vultand,
Ch' s' dfindeva da un uslazz, sempr calzand.

84.

St cavall era da un mostr sagatà
Più grand d' lu, ma in forma d' un usell,
Ch' aveva on becch d' trei brazza misurà,
E in t' al rest l' era fatt a palpastrell.
L' aveva tutt el penn negri amurà,
Piz furava el sou grinf d' un bon quadrell,
I ucchiazz infughint cni' è dou candel,
Cun degli aliazzi ch' parevn dou vel.

85.

Forsi l' era un usell, mo an al poss credr,
Ne ch' in sippa stà gnanch un altr ugnal.
Mi au ho lett, ne udi dir, ne mai passù vedr,
For che in Turpin, un quei fatt animal.
Forsi anca lu del tutt n' al d' eava credr;
Più tost quest era un spirit infernal
Da Malagis allora la mandà,
Perchè al d'sturbass la gran zuffa attaccà.

86.

Rinald, susptiand, fu pur dl' istess amor:
E a in fi cun Malagis risintiment,
Mo lu confessarsn mai s' in vols autor,
Ne a in vols la colpa assoltissimament,
Digand a so cnsin ch' l' era in error,
E ch' sovra a quest l' arev tolt zurement.
Basta: ch' la fuss emod s' vlias, quest en va in fall,
Ch' maltrattà da quela bestiaza era l' cavall.

87.

Baiard, ch' era un cavall fort e valent,
La cavezza al rumpi cun un strappoon,
E l' s' miss a lavurar cun l' ungia e l' dent,
Mo l' uslazz s' artirava sempr a ton,
E po turnava a beccar novament
In t' la testa, in t' la schina o in t' al gruppon.
Baiard, per tors d' attorn quela chimira,
Per quela campagna a corr-r s' miss d' carria;

88.

E po s' fiècò in t' un bosch, in dov più spiss
Al vist ch' ai era el quèr, i abid e i pin;
Mo al mostr al seguitava, e cun l' occh fiss
Tra l' brocc al n' al perdeva, l' frasch e i spin.
All' ultm, in t' una grotta al cavall s' miss,
Ch' per so fortuna l' vist d' averla avsin.
Vend l' animal ch' al so d' egn era guast,
Vi pr' aria andò a cercar d' un altr past.

89.

Rinald e al re Gradass, ch' vistn scappar
Quel cavall, ch' è un perchè d' eess azzuffà,
D' accord l' d' muars addoss i lassonn star,
Fin che quela bestia in han ricuperà,
Tulend l' grinf ch' l' han fatt vi galoppar:
Cun patt, ch' al prim fra d' lor l' ava attruvà
Al le conduga prest in t' l' istess lugh,
E li po armittr in pi d' nov al brutt zugh.

90.

I van vi dop ognun dalla funtana,
Pinsand cert a Baiard psser corr-r dri;
Mo lu s' era tratt tant alla luntana,
Ch' in l' arzunzran s' i voln andar a pi.
Gradass, ch' avsin aveva la so Alfaua.
Saltò prest a cavall, e s' n' andò vi
Lassand al Paladin quasi bruscament,
E per quest e per quell mest e dulent.

91.

Rinald el pedgh perdì dop quattr pass
Del so cavall, ch' fi un viazz stramb e curios,
Cercand pr' al bosch, tra qui albr e tra qui sass.
Al lugh più alpestr, più desert e brigos,
E a st mod dagli ung del mostr al s' arparass,
Tant allora erl mai d' vintà spuros.
Rinald in ultim, v' end d' cercal in van,
Turnò alla funtana a asptiar al pagan,

92.

S' a cas mai al cavall l' aviss cundutt,
Cmod i ern convgnù insem cuncordament.
In fin, v' end po ch' a asptiar an n' ha construtt.
D' mala vuia al turnò all' accampament.
Mo turnen a Gradass, ch' fi allora in tutt
Un viazz contrari a qu' altr, e pr' accident.
Cundutt dalla fortuna e dal destin,
L' udi sberiar Baiard oltra li vsin.

93.

Al l' attruvò dentr in quela grotta cava
Tant inumbri, al puvrin, tant insupri,
Che vgnir fora a cìl d' evert an s' attintava.
E quel re d' Sceriana a st mod l' avi:
E, sebben ch' al d' accord al s' arcurdava,
Alla funtana brisa al cundusi,
Dent da lu digand ch' la sre una fola
In qu' occasione a mantgnir la parola.

94.

Chi al vol, cerca d' averl cun la guerra,
Mi in pas, al d' eava, am al vui cunservar:
Ai ho girà da un co a qu' altr la terra,
E in Franza, fin da cà, al son vgnù a cercar.
In tant mo, s' la fortuna in man m' l' asserra,
A sre ben matt mi a vlerl litigar.
S' Rinald al vol, ch' al vigna un po anca lù
In India, cmod in Franza mi a son vgnù.

95.

Ne manch sicura a lu arà Sericana
D quell ch sia la Franza dou volt a nù stà.
Aquis digand, al vù per la più piana
Vers Arles, dov i mor s'ern artirà;
E, za in pussess d Baiard e d Durlindana,
Per l' India l'attravò un legn ammanvà.
Mo, ben ch'al sia del tort, pr' adess Gradass,
Rinald e tutta Franza da un là a lass.

96.

A vui turnar a dir d quel Paladin
Ch'a cavall d'Ippugriff va quant al vent,
E cun al mors in tal manira al tin
A stecch, cmod s fa un cavall propriament.
Dla Franza dop ch l'av vist tutt i cunfin,
Tra Ren, i munt, al mar, vers al Puent
Al s volta e s vola sovra a qula montagna
Ch'è a fuzza d termin tra la Franza e Spagna.

97.

La Navarra al passò, e dop l'Aragona,
E ai pareva d'andar in visibilia;
Dalla man stanca al lassò Tarragona,
Bisciaia a dritta, e po sovra a Castiglia;
Gallizia al vist, Purtugall e Lisbona,
E po vultò vers Cordova, e Siviglia,
Senza lassar, dri al mar ne alla campagna,
Terra o città, ch'an vdisse, in tutta Spagna.

98.

Dop al vist Zibilterra, e s'usservò,
Quel culonn ch'Erqul miss ai navigant.
Vuia d'passar in Africa ai saltò,
Per vedr'Egitt dila dai cunfin d'Atlant.
Maiorica e Minorica al passò,
E Vizza, dov ai nass del furment tant.
Tirand al mors all'Ippugriff al s prilla,
E, lassand Spagna, al s volta vers Arzilla.

99.

Al ved Fezza, Marocch, Uran, Ippona
Algir, e Bugia, za città superba,
Ugnuna d'questi purtò za corona
Sovra degli altr, e adess in suppli in t l'erba.
Vers Tunis e Biserta dop al sprona,
Al ved Capiss, e l'isola d'Alzerba,
Cun Tripoli, Tulumitta, e po Bernicch,
E qui gran munt, ch tra d lor al Nil è ficch.

100.

Tra la marina, e dov alza la front
Al mont Atlant, al vist tutt quel cauntrà.
Dop al spall al lassò d Carena al mont
E sovra ai Civinis l'andò d tirà.
E qui d'sert, dov i è sol dila sabbia in pront,
Traversand, ai cunfin d Nubia arrivà,
I armas indri la sepultura d Batt,
E d'Amon al bel tempi destrutt e nafatt.

101.

A un'altra Termisenna l'arrivò,
Dov la razza di turch è tant feconda.
E po vers qu'altra Etiopia al s'indirizzò
Dai là d'qui ch'in del Nil in qu'altra sponda.
Dop al pais del Prit lan al s'avviò
Tra Dnbada e Coall sempur a seconda.
I in estian in st'ultima, in qu'altra sarazin,
E d'cuntinv ragagen pr'i cunfin.

102.

Al Senap, ch'è d'Etiopia imperator,
In scambi d' scettr al tin la cros in man.
L'è un princip pntentissim, e s'è un gran signor
Ricch d'pruvizin, città, sign e curtean.
Al cred, cmod a fen nu, in Crist Salvator,
E Macamett al tin pr'un ver fulsan.
Ariost al pensa quest' esser quel lugh
Ch', al battesun, in vez d'acqua i drovn al fugh.

103.

In Nubia al duca Astolf andò a dsmentar,
E d'prim sbalz al Senap al visitò.
Al bell castell, in dov quel signor sol star,
Esser più ricch che fort av cuntarò.
Perchè quell ch nu sulen d'ferr adruvar
Al cass, ai cantaraan, nss, port, burò,
Per la ricchezza granda, l'è tutt d'or,
E mi, puvrett, n'in poss andar a tor.

104.

L'aver però abbondanza d st bell metall
Eu fa ch'au sia in gran presi e fort stimà.
Trasparenti el culonn d'un liss cristall
Del palazz el gran lozz rendin adurnà.
D ross, bianch, turchin e verd, azzurr e zall
I arch, i volt, el murai s vedn sfrisa,
Tant i è miss da per tutt, cun gust ben fin,
Tupazz, zaffir, smirald, diamant, rubin.

105.

Pr'el salgà, pr'i tassi, da tutt el part,
As ved del pred preziosi arcolti insom,
Al ver balsm anca lu nass in sti part,
Ch l'è una miseria quel d'Ierusalem.
Al musti è qui, ch'è bon per divers art,
E l'ambra s cerca qu pr'el sou marem.
Da qui pais in somma agn cosa z vin,
Che qui da nu costa sì gran quattrin.

106.

Anzi i contr ch d'Egitt al gran suldan
Un bon tribut ai paga, e ai stà suggestt:
E la rason è qui, ch cun el sou man
Pre far andar al Nil pr'un altr lett,
A st mod livand a tutt l'Egitt al pan,
Ch'al srev altr che dir: pappà e manfett!
Senap l'è chiamà là da qui Etiupis,
Prit lan po l s chiama in sti nustr pais.

107.

D tutt i altr re, ch'iu qui pais funn mai,
D roba quest fu al più rìoch, d zent e d quattrin.
Mo, cun tutt sti rìochezz e st gran sparpai,
Gnanch una gozza al u' i vdeva al puvrin.
Quest'era anch poch, appressa a un altr guai
Ch'al turmintava e rindeva meschin
Tra tanta roba, e l'esser aqusi putent:
Ciòè ch l'aveva fam cuntinuvament.

108.

Da sta terribil fam s l'era, al puvrett,
O denar o cenna a fars purtar sfurzà,
Gli Arpi snbit vulavn in magulett,
Dall'ndor del piattanz forsi tirà,
E quì, cun bech e grinf, mneestr e guazzett,
Alless e arroset, agn cosa era spazzà:
O pur s'un qualch avanz anch el lassavn,
Cun bon rispett parland, i l'immerdav.

109.

Quest fu un castigh, perchè in so zaventù,
Truvands essr a quasi rìech, e tgnù in nnor,
E d più ch'enssun pseea far al brazz cun lù.
Tanta era la so forza e l' so vigor,
L'entrò in superbia quant Lucifr e più,
E, pinsand d far la guerra a nostr Sgnor,
Cun la so zent in pront, per la vi al s miss
Ch guida a quel mout d'in d'ond al Sol usciss.

110.

L'aveva udì ch la d co d quel mout alpestr,
Ch'alzava d sovra del nuvl la front,
A s'attruvava al paradìs terrestre,
Dov la madr Eva a Dio fi al gran affront.
Cun elefant, camì, cun zent pedestr
E rettuvaia immensa missa in pront
Là al s'invìò, cun pinsir s'a i era zent
D farla per forza al so emand nbbidient.

111.

Tanta superbia en vols al Sgnor soffrir,
E tra quila zent un Anzl so l' mandò,
Ch'in t'una nòtt cent milla in fi murir,
E lù a n'i vedr lum al cundannò.
Alla so tavla, d sovra più, al fi vgnir
Gli Arpi, ch'ern in t l'inferu assrà la zò,
Ch'i magnen, dsturbn, insporchn cenna e denar,
Ne nu becon in pas al lassavn magnar.

112.

Oltra d qnest, in desprazion l'era stà miss
Da un zarlatan, ch'al s'era fatt strulgar,
Che cun franchezza e averta cira ai diess
Ch mai dagli Arpi al srev psù liberar
Pr'infina a tant ch ben da luntan an s vdiess
Pr'aria un cavall e un cavalir vnlar.
E, com cosa impussibil al cred sta zanza,
Aqusi torsi da sti guai al n'ha speranza.

113.

Adess mo ch, maraviands, vdeva la zent
Sovra dal mura, campanil e torr
Intrar quel cavalir, subitament
A cuntarl al Senap a i è chi corr.
Quell ch diss al strolgh allora ai torna in ment,
E quand sta bona nova l'od al corr
Pr'andari incontra, mo l'è da un stramazzon,
Perch dalla frezza al s'è decurdà al baston.

114.

Astolf in t la gran piazza del castell
In terra zo dall'ippogriff al sces.
Senap allora i vius dinanz bell bell,
Al s miss iu znocch, e, cun el man curtes.
Nov salvator, al diss, o Gabriell,
Ch'av siadi, perdnnam dov av ho uffes;
L'è da om debl e fragil al peccar,
Mo, s'al s pent, l'è da Dio al perdnar.

115.

Mi, ch so al mal ch'ai ho fatt, an vui dmandar.
Perchè an al merit, i nech ch'am arrindadi:
Sta cosa a pens ch'a la priasi ben far,
Ch'un sant del paradìs a cred ch'a siadi.
Al vivr senza i nech an pre bastar?
Mo el brutt Arpi av pregh vi ch'a decazzadi,
Ch'em fan patir una fam aqusi granda:
Ne altra grazia, cherdi, za più ch'av dmanda.

116.

Av promett nn bel tempi d fabbricar
In t la mi reggia a vostr etern unor.
D'or massizz l'arà el port da avrir e srar,
Incastrà d pred preziosi d gran valor,
E d'intorn al murai ai farò dagnar
Al gran miraqul da un valent pittor.
Quasi pregava inznucchià quel povr urbin,
Cercand d basar el scarp del Paladiu.

117.

Ne d'Anzl ne d'un sant a vui l'unor,
Arspos Astolf, cmod am avi chiamà;
Perchè a son auca mi un gran peccator.
Dal Sgnor per grazia granda suppurtà.
Mi a farò quell ch'a poss cun al vigor
Per liberarv da quel bstiazz indiyavà:
S la 'm va ben, Domendì avi da ludar,
Ch per darv aiut m'ha fatt sin qui vular.

118.

Fà pur sti vad al Sgnor, i altar a lù,
La bella Cisa a lu vò fabbricà.
Quasi digand, cun al re i andonn la sù
In t la sala, dai sgnori accompagnà.
E, tant quant al Senap a sedr fu,
Subit urdnò ch fuss la tavla apparchià:
Sperand sicuramente ch'n'è sia sta volta
La vivanda d'in man strappà e tolta.

119.

Dentr in gula ricca sala in t'un mument
Uu bell past e la tavla fu ammanvã.
Cun al Senap Astolf sed sulament,
E 'l squisiti vivand in prest purtã.
Mo 'l n'in quasi prest pusã, che subit as sent
Un svulattar per l'aria, e, cosa el stã?
Gli en gli Arpi gulosi, ch'anca lor
Vin-n a maguar, tirã dal bon udor.

120.

Questi era in sett, ben missi in fila, e tutti
Gli avev un brutt mustazz da donna e smort,
Secchi brusã dalla gran fam eutti,
E ch fevn pora quant s'fazza la mort.
Ugnuna aveva dou ali sporchi e brutti,
E invez d zump del mauazz cun degli ung stort,
Un curpazz grand, e la cudadza lunga,
Ch si attornaia, e a piassiment s'ascurta e slunga.

121.

Per l'aria el s' siunt vgnir, e 'l s' vedn squas
In t' l'istess temp in tavla a cumparir,
Rubar la carn, trar su d' sovra i vas
E del gran sgnoff sparguiar dal messir.
Per forza bisognò stuppar al nas
Dalla gran puzza, ch'en s'paseva suffrir.
Astolf, tutt instizzi, a vder st'arvina
Cava la spada fora dila guaina.

122.

Al mena a una in t'al pett, a una in t la coppa,
A questa 'l cust, a una tasta un gallon.
Mo ai par d cuir in t'uu sacch insulzi d stoppa,
Ch'al colp va a rud, e vana è la question.
Qulor arbaltu deser, piatt e sottocoppa,
Ne prima volen andar vi pr'al fenstron
Ch'el u'avinn del real e nobil past
In dsordn agn cosa miss, agn cosa guast.

123.

Al Senap appinsava ch certament
Astolf arè quel diavli par dscazzã:
Mo, ognussend la speranza andar al vent,
Al suspira, al s' lamenta e s' è mezz dsprã.
D bona fortuna, torna al duca in ment
Quel curnett, ch l'ha tant volt ben aintã.
Al pensa ch questa sarà la strã sicura
Per dar ai mustr la mala vintura.

124.

Al fa a qui sguori e al re gli urecch stuppar
Cun del bmbas, e cun dila calda cira,
E quest perchè, s'al corn al vol sunar,
Ch'in avn da scappar tutt vi a carria.
L'Ippugriff in quel mentr al fa ammanvar,
Salta a cavall, e po da un lã al s'artira,
Zegnand cun la mau al scalch, ch stava a guardar,
Ch la tavla al fazza d bell nov apparchiar.

125.

In t'una loza donca a s'apparecchia
Un'altra tavla, cun vivanda nova.
Gli Arpi tornen, segond l'usanza tecchia,
Mo Astolf, ch'è preparã, al corn adrova.
E gli Arpi, che brisa n'han stuppã l'urecchia,
Ne 'l ponn del son terribil star a prova,
Sfurzã 'l funn dalla pora a scappar vi,
Lassand la tavla, e qui bun piatt indri.

126.

E prest i valò dri Astolf in persona
Fora dalla gran loza camminaud:
Al re, al castell, la città l'abbandona
Su per l'aria gli Arpi sempr dscazzand;
E quasi al più fort ch'al po 'l curnett al sona.
E 'l bestiazz vers mezzdi van vi voland
Fin ch'al pè gli arrivonn d'un ben alt mont
Dov del Nil, s' l'ha un principi, ai è la font.

127.

Ai è chi al pe d sta gran muntagna dis
Ch'ai sia una brutta grotta fatta in volta
Per dov s'cala d'l'infern ai trist pais
S'nn da viv vliiss audari una qualch volta.
Cun furia, perchè an i era mai d'avvis,
La turba d qui brutt mustr là s'è arcolta,
Cun intenzion mai più d'en saltar fora,
Tant avnl d quel sunar scagazza e pora.

128.

Alla grotta incavã in quel mont scusses.
Ch'è un sit sicur per chi en po vedr al Sol,
Fiui d sunar al corn al duca ingles,
E all'Ippugriff al fi fermar al vol.
S'al vliiss andar in t' l'infernai pais,
Per la mi part, ai digh ch'ai vada sol,
O almanco, innanz d'andari, ai vui pinsar.
Ch l'apit m'invida dlã a andar a magnar.

FIN DEL CANT TRENTATRI.



CANT TRENTAQUATTR

ARGUMENT

*I contin a Astolf la zo in grola grotta scura
L'istoria d Lidia, mo, dal fum sfurzà,
Al vin fora, e vuland per l'aria pura
Al paradis terrestre l'è purtà.
Andar po cun san Zevann al s'assicura,
E d tutt el eos del zil da lu è infurmà:
Al so giudizzi al tol, e quell d' Urland:
La vita nostra al ved chi vù filand.*

1.

Arpi del boia, iv veden anch pr'al mond,
Arpi maldetti, Arpi scomunicà,
Arpi insaziabil, ch dissipà a pianfond
Stat 'd vedvi e d pupill miss alla strà,
Mustr ch'en s sazien mai, sacch senza fond,
Dia povra zent arvina, d Stat, d città,
Ch'an sre abbastanza per saziar vù
D'Ormus el perl e tutt l'or del Perù,

2.

Al mond a si turnà, brutta canais,
Ch cercà per dritt o d stort evell da agramplar,
Ch si più stricch d'una pigna o una tanaia,
E anch quell del campagn cercà rubar.
Ai n'è d quelli ch, parend bassa la taia,
Per crescer al gran, asrà tin-n al granar.
Fai pur contra, rason an avè più,
Ch la rason di quattrin sol è cgnussù.

3.

Parassit, che mai s sintu pin la panza,
Chiaccarun, ch portu in volta zanz e riss;
Curtisan, ch'ev parn i mestr dila creanza,
Adulatur, e d quisti ai n'è un subiss.
D cattiv consiir po ai n'è troppa abbondanza,
E qustor in massa cun gli Arpi van miss.
Vua al cil ch'in s'acceston anch ai altar
E cun madò Simona i n'avn ch far.

4.

Lassèn sti Arpi, ch vaden al diav; e al fiol d'Utton
Turnèn, ch'a n'al vui miga abbandonar:
Questù, quell bstiazz, cun al so pentent son
Dal corn, zo in t l'infern fi scappar.
Allora l'entra, e s dismonta dal so bston,
E, andand innanz cun gli Arpi van miss,
E cun l'urecchia al sti tant zitt e attent,
Ch l'udi dl'armor là dent e del lament.

5.

Ai vign vuia anca lu d'andar là dent
Qui sit a vedr, dov'è sempr d nott,
E la terra cercar in finna al centr,
E tutt i bus dl'infern e tutt el grott.
D cosa oia pora mi, al dseva, s'a i entr?
Fin ch'ai ho et corn, an arstarò un merlott:
A vdrò scappar i diav e Satanass
Al can Cerbr, e tutt qui ch fan guardia ai pass.

6.

Al liga l'Ippogriff a un palazzol,
E dentr al s ficca per la grotta bura.
Mo prima al s attaccò al brav corn al coll,
Ch'in t la virtù sol d quest al s'assicura.
Quand al fu per qula cava andà zo un pzol,
Una fumana ai ucc s siuti e dl'arsura,
Ch'al fià i asstrava, mnand una gran posta,
Mo gnanch per quest d'aidar innanz l'arresta.

7.

Mo, quant al vè più innanz, tant più s'ingrossa
Al fun e la calizn, e propri ai par
Tirar innanz al viazz ch più brisa an possa,
E indri per forza al srà ubblig a turnar.
Al ved po, e s'en sà 'l mod, che l'aria è moesa.
E a lu per d sovra nn cert'n so che svintlar,
Ch'al pareva un spuracch, o un impicà,
Miss ai fusù, o attacch al forch lassà.

8.

Al bur zo in quel perfond era quasi grand,
Ch'an psevera brisa al Paladin capir
Cosa fuss quell, ch'andava aquai scussand,
Ne cosa al s vliss significar o dir.
Dop essr stà tra d lu un poch appinsand,
Cun la spada al dà un colp, per vlör frir;
Mo un spirit al l'è stina, perchè al sent
Ch'ai par d cuir in t la nebbia, o frir al vent.

9.

L'od allora una vos suttila e mesta,
Ch'i dis: St vu andar in zo, seguita pur
Mo en tuocar chi 'n t'uffend; tropp em mulesta
Al fum d'infern, dov tutt s'han da ardur.
Maravia a pssì pinsar s'al duca resta,
Mo al diss al ombra: Al cil vuia pur
Ch'en v'ava et fum cattiv mai più da uffendr.
Ma, caro vu, chi siv? disil, faul intendr.

10.

Ch'a purtaas nova d vu s'avissi a car
Su in t'al mond, al farò più che vintura.
L'ombra arspes allora: Ah! ch'al tornar
Al mond per fama la n'è una chimira.
Pr'aver sta graxia, am sfurzarò d parlar
Più ch srà pussibil, in t la miora manira;
Però cun gran fadiga, e da re a ron
Al nom non sol, mo anch at dirò chi a won.

11.

Lidia, fiola del re d Lidia, a son mi,
In gran altezza nada e anch arivà:
Per giustizia del cil in st lugh ch'è qui,
Tramezz a st fum, per semp cundannà.
E quest per causa che, quand a vivi,
Cun al mros a fu ingrata parassà.
E, pr' un error quei fatt, in degn castigh
Sta grotta è pina d quelli ch'in qui migh.

12.

Anassaret, più cruda, è zo più al bass
Dov è più fiss al fum, grand al martir.
Al so corp arstò al mond trasfurmà in sassa,
E 'l spirit qui fu stinzià a patir.
E quest perchè 'l so mros all'ultm pass
A un cavestr impicà la pesi suffir.
Quasi qui vain paga 'l fio Dafn anca li
D'avèrs indarn Apoll fatt correr dri.

13.

La sre una fola lunga s'at vliss dir
Quant femn ingrati stan qui cundannà:
La sre una cosa da 'n passer mai finir.
Tant è la massa granda parassà.
Ai è anch di omn, ch stan qui zo a suffir
Per st brutt viziass, e 'l numr è d'sperpustà;
Mo quisti in castigà in t'un altr lugh
Dov non sol ai è al fum, mo ai brusa al fugh.

14.

S'i omn in più castigà, l'è cun rason,
Ch'al donn cherdervi han fatt più granda ingiuria
Siand ingrat, e s'al sà Teseo e Iason
E Enea, ch'al re Latin miss in penuria,
Annon al sà anca lu, quel brutt zaqulon
Ch fu causa ch'Assalonn diass tant in furia.
Tant omn al san, tant donn ch la cosa è aquisi,
D qui ch han lassà el muier, qneeti al mari.

15.

Mo a lass tutt i altr, per turnar a mi,
E cuntar al perchè ch'a fu mnà a st pass:
Bella sì, mo superba in vita a fu,
In mod ch'an so s'un'altra m'arrivass.
E an t sarei ben dir, quest d cert al sò.
S più l'argui o la blezza m'avanzass.
Mo sta superbia vins, quest al confess,
Dalla mi blezza granda all'ultm eccess.

16.

Al mi temp era in Tracia un cavalir,
Ch'era degli arm al fior da tutt stimà:
Quest da vari testimoni al sinti dir
Dla mi blezza, ch da tutt era Indà;
Allora in t la so ment nassi al pinsir
D farm un regall d se stess, e per sta strà
Cun la virtù e al valor psser meritar,
Ch'al so amor a azzittass mi, e l'aviss a car.

17.

In Lidia al vign, e s'arstò pres al lazz,
E forsi nn lazz più fort d quell ch'al pinsava.
In cort l'intrò tra qui altr gran sgnurazz,
E da per tutt del sou virtù s parlava.
Del sou prudezza a s'in scrivè un librazz:
Tutt el giostr al vinceva dov l'intrava;
Infinit al so merit s pssava dir,
S'un om più grat al fuss andà a servir.

18.

Panfilia, Caria, e dlla Cilicia al regn
Cun al so aiut mi padr conquistò,
Dla so virtù servenda, e del so inregn.
Ch'a so mod ai suldà semp emandò.
Quand al puvrazz pinsò forsi esser degn
D'averm in sposa, a mi padr al parlò
Dmandandi, in premi del so bon pceder.
Per sposa al s cuntintass mi a lu cunceder.

19.

Al pà i diass nn bell d no, perchè al pinsava
D maridar cun un re ben grand la fiola.
E non a un cavalir, che sol sigh portava
Al valor, ch senza roba l'è una fola.
Mi padr sol all'interess mirava,
Perchè cun un fienant l'era stà a scola:
Astimand la virtù senza quattrin
Tant quant fa l'asn al sunar del violin.

20.

Alcest (quel cavalir ch'adess av parl,
Aquis s chiamava), quand l'udl sta piva.
E ch'in scambi mi padr d ringraziari
Aquis tutt tutt ai di la negativa,
Bona licenzia al s tols, digand d farl
In manirs pintir, ch fort ai aggriva:
L'andò in Armenia da quel re, antigh
A mi padr cuntrari, e marital nmigh.

21.

Tant al diass a quel re, tant al stuzzgò
Ch per causa so al mi pa guerra al muvi.
Degli arm general Alcest chiamò,
E quant se stess ch'al fuss propri ubbidi.
Cun patt e cundizion in premi sò
An pretendeva avor altr che mi.
Mo tutt quell, fora d mi, ch l'arè aquisià,
D quel re nmigh d mi padr ch'al sre stà.

22.

Al mi car sgnor, an t prè mai far al cont
Del gran dann ch'al z purtò cun sta so guerra:
Quattr esercit al delfi, ch nu avevi in pront.
E s'en z lassò in t'un ann un palm d terra,
For che un castell ben dfoe in vetta a nn mont.
In dov in t l'ultm mi padr s'asserza
Cun mi, i cortisan più car, e cun al tsor,
Ch'in frezza in quel sgnubbi sigh al pesi tor.

23.

Anch là fra quattr di al piantò l'assedi,
E mi padr in deprazion tanta l'arduss,
Ch'al sre stà a patt, per liberars da st tedi,
Mezz dari al regn, e ch' mi so sposa a fuss.
Al vdeva ben ch' au i era altr remedi:
O murir dalla fam, o aver del buse,
O pur cedri al castell, e dari al rest,
Mttende in t' el man e in schiavitù d' Alcest.

24.

Mo, innanz d'ardurs a quest, s'al paes far bon
Un altr scappafora al vols tintar.
E mi, ch' era d tant dsgrazi l' occasion,
Fora dla porta am fi da Alcest andar.
Mi a l' andò là a trovar, cun intenzion
Dla mi persona d vlerl suddissar.
Ch'al fiss cun mi tutt quell pur ch' i pariss,
E anch cedri al regn, purchè la pas al fiss.

25.

Quand Alcest sav ch' andava mi a trovarl
Am vign incontra bis, smort e trinant
E propri at digh ch' al pareva, a usservarl.
Ch lu fuss al vint, e mi la triumfant.
Cgnussend ch' am vol anch ben, più allora an parl,
Cmod aveva pinsà, da supplicant,
Mo, cgnussù l' occasion, a fi un cont nov
D trattarl in quela manira ch' all' attrov.

26.

A cminziopò quel so amor a maldir,
E del sou brutt' azion a lamintarm,
E di dsurb ch' a mi padr al fi suffrir,
Cercand per forza dal sou man dsavarm
Quand cun altr manir am psseva uttgir,
E tra poch forsi ul sre arrivà a spusarm
Seguitand in t' al mod prima cminzà.
Ch' a mi padr ai piaseva parassà.

27.

S la prima volta lu i avea dngà
D suddissarl in t' un fin quei bon e unest.
Al fu pr' esser d natura interessà,
Ne mai diss d si alla prima: mo pr' al rest
Da lassar al n' aveva i mod cminzà,
Ne'l sou speranz abbandonar qual prest.
Anzi, s' a ben servirl al stava fermi,
Al psseva star sicur, in fin, d' averin.

28.

E s' a dir d no mi padr fuss stà dur,
Per la mi part all' arè tant pergù
Ch' a furni la so sposa al s sre tgnu ardur:
Ma, s dop tutt quest, al fuss anch stà ustina.
D' arpiatt am sre cun lu purt d sicur
In manira ch' a s srev sempr luda.
Mo, za ch l' aveva fatt in altr mod,
Mai più d amarl aveva piantà 'l chiod.

29.

E, s' allora purtà am era da là,
L' era d mi padr stà la compassion;
Mo ch' al stiss pur sicur ch' al n' arè psù
Godr gran fatt del sou suddissazion,
Perchè, in t' al cas d' averli appena uttgù.
Mi aveva fatta forma risoluzion
Subit cun el mi man d vlerm ammazzar,
E a sta manira i su sforz vendicar.

30.

Sti cos a dias, e sigh degli altr assè,
Quand a vist ch sovra d lu mi a psseva tant,
Ch' al fi vgnir più mulsin e più umilià
D' un ch sia person, o ch n' è in t' al dsert un sant:
E am pergava, cm' ai pi am s fu inznuccià.
Cun gran auspir, e cun ai uoch al piant,
Ch' am vindicass del so cattiv trattar,
E un pgnal finna in man am vols lassar.

31.

Quand a l' av aquei arduitt, a tirò al dsegn
La vittoria cminzà d vlerla finir,
Dandi bona lusinga d farl degn
La mi persona, cun al temp, d uttgir,
Par ch' al volta bandira, e l' antigh regn
A mi padr ch' al faza arstituir,
E ch' al cerca d' averm cun d' amor,
Non cun dla guerra, dl' ira e del furor.

32.

Aquei d far am promiss, e in t' al castell,
Senza tuccarm, am lassò indri tornar.
An s' attintò a basarm, o pur far cvell
Altr, ch l' arè pur psù, s l' aviss viu far.
Guarda, s' amor per mi i deva d martell,
E s' a segn al saveva farl star.
Al passò po in Armenia, e quel re aspttav
Per patt, tutt quell, ch' in guerra l' acquistava.

33.

Mo al le pregò in t' al mod mior ch' al savi
Ch' a mi padr l' antigh regn al lassass:
Ch' era za stà sacchzà, destrutt arrabbi,
E ch la so Armenia d godr al s cuntintass.
Quel re, ch' era fugos, al s' instizzì,
E, a littr d scattla, ai diss ch' al n' i pinsass,
Ch' an vleva pr' essun mod lassar quela guerra
Fin ch' al re d Lidia aviss un palm d terra.

34.

E, s d' una donnizzola pr' el parol
Ha Alcest mudà pinsir, ch' al srà s so dann:
In quant a lu, per quel sou chiacch, an vol
Perdr in t' un punt quell ch' l' ha acquistà in t' un ann.
Alcest torna a pregarl, e in t' l' ultim al s dol
A vedrl più ustina ch' en sre al malann.
In t' l' ultim arrabbi l' passen al mal parol,
Digandi Alcest ch' al vol tutt quell ch' al vol.

35.

L'ira dall'una e l'altra part chersi,
Es s'attaccon, tant i era saltà i chiù.
La spada Alceost contra del re strinzì,
E, cun tutt ch l'era circunda dai sù,
Al l'ammazzò al prim colp, e in qu'istess di
Al dsfì i Armen, cmod s'fu un camp 'd fasù,
Cun l'aiut d qui dala Tracia e dila Cilizia,
Pagà da Alceost, e d'altra so milizia.

36.

Al tirò innanz a vinzr, e a tutt sou spes,
Senza ch'al pa spindiss gnanch un quattrin,
Al regn al z turnò a dar in manch d'un mes,
E, perchè a fassan arfatt d dann e d cunfin,
Oltra al dspei, ch'al z di tutt, al z di anch el pres,
E s'aggravò con bona somma d zechin
Armenia e Cappadocia, a nu in cunfina,
Scurrènd l'Ircania finna alla marina.

37.

Per so trionf, quand al turnava indri,
Avevn fatt pinsir d dari la mort.
Mo per n'arzevr dann e villani
A n'al fin, e perchè l'era tropp fort.
D vleri ben mi a fi vista tuttavi,
Dandi parola d'esar so cunsort;
Mo prima al miss cun vari imbroi e intrigh,
Per prova del so ben, contra altr nmigh.

38.

Tant sol da per lu, quant cun poca zent,
Al mandò a degl'impres strani e prigulos,
Da arstar murt in di miara certament,
Mo lu turnava viciutor glorios.
E, sebben cun fadiga e cun gran stent,
Al cumbatti cun del zent mnstruos,
Cun zigant, cun steriun, incant e fugh,
Ch'un gran fastidi z devn in vari lugh.

39.

An fu cert Euristeo, ne cert fu tant
Erqul da so madregra esercit,
Contra i liun, contra l'idra in Erimant,
In Tracia, o pur in t l'Africa pruvà,
In Spagna, Italia, e in altr lugh usai, quant
In mill manir da mi fu Alceost pruvà,
Sempr cun intinzion d fari murir
E ch'an m'aviss mai più dinanz da vgnir.

40.

Vdend per sta strà ch'an pœveva aver l'intent,
A cerch in altr mod d psseri arriavar:
Donca al fi strapazzar da qui ch'a sent
Ch'in più su amigh, e fari a tutt udia;
E lu, ch tutt al so gust e al so content
Era d servirm, senz'altr cercar,
A tutt quell ch'ai cmandò sempr fu pront,
Senza guardar ne a quest ne a quell in front.

41.

A sta manira, quand am fu d'avvis
D'aver livà a mi padr tutt i nmigh,
E ch'Alceost da per lu fuss arstà sbris,
Perchè an s'era salvà gnanch un amigh,
Quell ch'aveva tgnu cvert sotto un fint ris
Finna allora, mi ai doever, senz'altr intrigh,
Mostrandi chiar e nett l'odi ch'ai port,
Ch'al mi gust e content are d vedri mort.

42.

Mo dop, considerand ben sovra a st fatt,
Ch pubblicament a sre stà svergugnà,
Perch tutt avevn, e s'era vera d fatt,
In quant manir ai era a lu ubbligà,
A pinsò d farn assà, e d fari anch bon patt.
A diri ch l'andass vî dalla città,
Ne turnar più, o mandar a salutar;
Ch'an vleva gnanch più ndiri numinar.

43.

St mi trattari cun tanta ingratitudn
I di nu affann quasi grand, tant al destruzi.
Ch, chiamand succors in tanta amaritudn,
Ne avend siut, finalment al muri.
Di mi peccà adess per la gran multitudn
Ai ho 'l lagrim ai uech, mizz arrusti
Da st fum, e s starò qui a penar in etern,
Perchè an s, dà redeuzion a chi è in t l'infern.

44.

Quand av finì i su cas Lidia d'entrar,
Astolf tirò innanz, per vder s'al trovava
Altr penant, mo 'l fum fa tant spasmar,
Ch sempr più dens e turmintos pruvava,
Sicchè, s'intend d'en passer più innanz andar,
Al vist ch'turnar indri za ai bisognava,
(S'an vleva ch quel gran fum i srass al passe).
D mudar spess i zampitt al s'astudiasse.

45.

Turnand indri, a passen dir ch'al currevea,
Sebben ch l'è gran fadiga andar all'erta,
E tant al camminò pr'infìn ch'al vleva
La gran bocca ch la grotta tgneva averta.
Qui più chiara era l'aria, e qui luseva
Una spira del Sol più chiara e certa.
Uscend cun steut fora dila negra conca
Al lassò al negr fum in quela spelunca.

46.

E perchè 'n possn mai più indri turnar
Quel brutti Arpi, quei ingordi e quei affamà.
Al fi pinsir quela grotta d vler aserar;
L'arcols di lign e di sass puramà,
E s cminzò d bon inchiostri a lavurar
Una zeda, quei ben urdi e tirà,
Ch l'ariuci st'ovra in manira a cumpir
Ch mai più s vist gli Arpi dal bus uscir.

47.

Tutt sporch dal fum cmod l'era l'usservò,
Quand al s trattins dentr in quela grotta secura,
E l'vist che gli arm e l'vest anch l'ammacchiò,
Non sol, ma anch sott pugn la schieratura.
Per pesser lavar, un pezz al sgambettlò,
Di l'acqua cercand, e iu fin sotto a un'altura
Al trovò una fantana in quela foresta
Dov ben al se sgurò dai pi alla testa.

48.

Dop l'Ippugriff al monta, e in aria al s'alza
D quel gran mont pr'arivar su deò alla cima
Ch'è quasi tanta alta, e tant ben la s'innalza,
Ch'alla Luna arrivà ognuun la stima.
La gran vuia d'Astolf tant alt al sbalza,
Ch'al tira andar in cil, la tema an stima.
Andand in su, più sempr e più al guadagna,
Tant ch l'arriva alla vetta dala montagna.

49.

All'or, robin, tupazz, e perl rar,
Ai zaffir, ai diamant, carbunchi, iacint
In qualche manira i fiur s'psevn arvisar
Ch'al trovò per qui prà ben miss e dpint.
Gli erb quasi verdi, ch s'ass pesies da nu trovar
Un verd quasi fatt al srev i emirald vint.
I albr e gli erb mandavn mill udur,
E i prim sempr ern cargh e d frutt e d fiur.

50.

Cantand, pr'el brocc van svolazzand i neltitt
Azzurr e bianch e virò e russ e zall:
Un grat armor tra i sass fa i bi riulitt
Più chiar e trasparint d'un bel cristall:
D'una ursina al suppiar e di vintsitt.
Alternativament senza far fall
Spirand intorn, fan l'aria timprar,
Ne fastidi al calor del Sol po dar.

51.

E quì l'ora ai frutt, ai fiur, alla verdura
I vari udur cun gran piasser rapiss,
Perch d tutt insem l'in fa una cert mistura
Che d'una cuntintezza l'anma impisse.
Un graa palazz in mezz a gran pianura
Era piantà, ch'a ben guardarl d fiss,
Propriament ch'al brusass al pareva
Quasi grand era l' splendor, ch d dentr i usceva.

52.

Astolf a quel palazz, ch d'intorn gira
Trenta bon mia, fa l'usell calar
A poch a poch, e attentament al mira
Da tutt'el part st paies quasi bell e car.
Appressa a quell, s po tgnir per tiridira,
Pr disert, o quell ch d più brutt s po immaginar
Quest a nu tant gradi, mo puzzlent mond,
Tant'el grat e suav, car e iucوند.

53.

Quand al fu vain al murai trasparent
Per maraveia l'armas incantà.
D'un finissm rubin chiar e lusedt
L'usservò ch l'era tutt stà lavorà.
Oh ch'architett, oh ch mestr diligent!
Dov tolsi la materia, o chi i ha inagnà?
S prani el sett maravei forsi arvisar
A questa? no: che gli en quà da n cuntar.

54.

D quela bella cà in t la porta al Paladin
Un venerabil vecch l'andò a incuntrar
Cun fraiol ross, e bianch al gabbanin,
Ch'al vin e al latt 's psevn paragnar:
Bianch i cavi l'avea, bianch al barbin,
Ch'infina al bligul s'edeva zo arrivar.
L'era tant bell, ch'a vderi al fu d'avvis
D vedr un di più bi sant del paradis.

55.

Tutt alligr al s fi innanz al Paladin,
Ch'era per riverenza za demuntà:
Amigh, ai dias, per gran favor divin
Al paradis terrestre a si arrivà.
Mo vu an savi la causa del cammin,
Ne per cosa qui su a siadi volà.
Stà pur sicur ch senza un perchè ben grand
Dai pais vustr an si vgnù da stè band.

56.

Qui, pr'imparar cmod s'ha da dar succors
A Carl, e la Fed santa liberar,
Pr'una quasi lunga e nova strà trascors
A si, pr'averv in st lugh migh da cunsiar.
Mo s'a si, fiol mi car, fin qui su cors,
Dla virtù vostra an v'avi da vantare:
Ch ne l'Ippugriff ne al corn niint valeva,
S la volutà del Sgnor n'ev cunduseva.

57.

Insem a parlaren adaei più,
Ch'av dirò mi tutt quell ch'avi da far.
Mo vgni a rpusarv in st mentr qui da nù,
Ch'al dzun e la stracchezza v di annuar.
Intant ch quel vecchin andava digand sù,
Al duca Astolf al feva maraviar;
Mo più quand, numinand se stess, ai dias
D'esser l'autor dl'oscura Apocalisse;

58.

Quell quasi car a Gesù, tant amà Zvann,
Pr'al qual question tra i altr apostol uscì
Ch'al n'aviss cun la mort da finir i ann.
Mo in ultim a Pir diess nostr Sgnor agusi:
Per cosa adess t vut mettr, o Pir, dl'affann
S'a vni ch l'aspetta quest, ch'a torna mi?
E s'in mod chiar an diess: An dev murir,
In qualche manira al pars sta cosa dir.

59.

Qui trasportà, al trovò dla campagni,
Ch' ai era prima Enoch al patriarca
E anch poch dop al bon profeta Eli,
Ch per lor an i av la briga d'avrir l'arca.
Quì, fora d tutt i gnai e 'l traversi,
N' i srà trunca la vita dalla parca.
E qui i staran pr' infin ch daran indizi
El tromb celest ch s' avvinna al gran Giudizi.

60.

Qui sant finn bona cira al cavalir,
E snbit una stanza i fu ammanvā.
Lor istiss dl' Ippogriff s' pionn al pinsir
D gvernarli cun dla biava e dla mescolā.
I frutt d quel sit a lu po finn sntir
D' un tal gust, ch, quand Astolf i av assazzā,
Essr, al pinsō, dign d' scusa i prim parint
S' i funn, per causa d qui, poch ubbidint.

61.

Dop ch' av al duca al bisogn dla natura
Suddisfatt, per la cosa del magnar,
I al condusan in t' un lett fatt cun gran cura,
E quasi comod, ch' an s' pseva al mior bramar.
Quand av sbaudi l' Aurora la nott bura,
Sebben ch' a i è là su sepr al di chiar,
Zo dal lett sbalzō prest al Paladin
E al sant Evangelista al s' vist avvin.

62.

La man i basō Astolf, e molt parol
Dissn insem, ch' in silenzi van suppli.
Zvann po diss: Vu an savi forsi, al mi fiol,
Quell ch' è success in Franza in sti ultim di.
Adess mi av al dirō: d' Milton al fiol
Ch' ha del giust e dl' unest la strā smarri,
Dal Sgnor è castigā, quel Sgnor ch s' accend
Contra a quell ch' ai vol ben, quanl al l' offend.

63.

Al vostr Urland, ch furni Iddio d' tant valor,
Ch' i di addoss tanta forza, e tant ardir,
E fora dl' us uman ai fi favor
Ch n' al pesies nssun cun qualunqu' arma frir,
Perchè dla Fed al fuss al difensor
In quila manira al l' è vols favurir,
In quel mod ch Sanson contra ai Filistē
Al miss in d' fesa del so popol ebrē.

64.

Al vostr Urland è stā cun nostr Sgnor
Ingrat ai benefizi parassā:
E, quand l' aveva più da essr in favor
Ai cistian, in t' al bisogn a gli ha piantā
Pr' essers lassā cnnvinzr dall' amor
D' una pagana: e tant s' era ispirtā
Ch per don volt al s' ammiss, cun l' ann cald
Per qusti, d' vler ammazzar al bon Rinald.

65.

E per quest Domendi i ha tolt l' inzegn,
E nud al mostra al pett, la schina, i fianch.
E del giudizi tant l' è fora d' segn,
Ch' an ognuss se stess, e i altr po tant manch.
Cmod as lez in Daniell, che Dio vols l' indegn
Re Nabucc, pr' i su peccā, castigar anch,
Ch' andō sett' ann pri bosch al nubl al sren.
Cmod fa 'l bisti, pasqulands e d' erba e d' fen.

66.

Mo perchè è stā più pzin al peccā d' Urland
Ch' en fu d quel re pervers al gran error,
Sol tri mis dal giudizi al starā in band:
Quest' è 'l temp ch' i ha prescritt al nostr Sgnor.
Ne pr' altra cosa vu a si vgnū in sti band,
Cundutt dalla bntā del Redentor,
Sn' è perchè a psadi quì da m' imparar
Cmod al so inzegn a Urland s' ha da turnar.

67.

L' è ver ch' un altr viazz a avi da far,
E migh del tutt abbandunar la terra.
In t' al gran cerch dla Luna av ho da mnar,
Ch' è d tutt i altr pianid più vzin a terra.
La medcina ch' Urland ha da rsamar
Là sn, dentr in quel cerch, s' attrova e serra:
E sta nott, quand la Luna srā livā,
In campagni a principiaren la strā.

68.

D sti cos, e d' altr, ch' en d' silenzi degn,
Dscorsn quel di l' Apostl e al Paladin.
Mo, quand al Sol cumpi del viazz al segn,
E eminzipiō la Luna al so cammin,
Al fu un carr ammanvā, che dl' aria al regn
Era avviā andar asiand lontan e avvin:
Qnl' istessissm, ch' in riva del Giordan
Purtō vi al padr di Carmelitan.

69.

Quattr cavall superb russ abbrassā
L' Evangelista al bell carr attaccō.
Quand i si funn tutt du dentr accomdā
Zvann tols el brel, e vers al cil s' alzō.
Al carr, andand più fort d' una stiupitā,
Subit del fugh alla sfera arrivō,
E ch' an sentass o an fias qualch altr dann
Fì cun prudig l' evangelista Zvann.

70.

Tutta la sfera i trapassonn del fugh,
E poch dop i arrivonn dla Luna al regn.
I vistin la più part essr d quel lugh
Sumigliant all' azzarr, ch n' ava nssun segn.
Mior odor ha lassū i fiur, e mior sugh
I frutt di nustr, e fatt cun più bel daegn,
Al rest po s' pseva dir d' grandezza ugual
Alla terra, cun l' acqua tal e qual.

71.

Stand al duca innucà, quì al s maraviò
A vedr quell paes, ch'era quasi grand,
E un tond quasi pzin al z par a nu quì zò
Quand alla nott ai anden pur guardand.
Mo pur, sebben ch la vista l'aguzzò,
Appena 'l psai distinguer el nostr band,
E cun del stent, ch'avend poca lum na
Al so riverbr en po arrivà la su.

72.

Altr fium, altr lagh, altr campagn
Ern lassù, ch'an avèn nu tra i pì,
Altr piant, altr vall, altr muntagn,
Altr città e pruvinz, altr casti,
Altr palazz e cà, di rìb, di stagn,
Ch'al paladin en vist, ne 'l vdrà i più bi,
Altr camp, altr bosch, in dov a cuzza
Và 'l belli e biondi ninf, ch'al bon pro i fazza.

73.

Astolf d sti cos en sti a dmandar al tutt,
Ne là al guidò per quest al Sant bendett;
Mo dentr a una gran vall al fu cundntt,
Ch'era tra don muntagn alti ristrett.
In mol mirabil là dentr era ardttt
Quell ch nu a perdèn pr'al nostr peccà maldett,
O a poch a poch z va al temp ruband a nu,
Quell ch in somma a perdèn vatt tutt là su.

74.

Non sol d'imperi, d rign, d ricchezza a parl,
Ch la fortuna a so mod va distribuend,
Mo d quell ch sta spirta en pol tori ne darl
De scorrer quì alla schietta sol m'intend.
Ai è purassà nnor, ch tant vonn branquiarl,
E per bona mneda intorn al spend;
E quel preghier, ch'a fen nu peccatur
A Dio bendett, là su s van tutti a rdur.

75.

Ai è i piant e i suspir di sciucch amant,
Ai è 'l temp, ch tant vizius perdù in t'al zugh,
Cun la pigritia e l'ozzi di ignurant,
E qui disgn, ch s van fagand senza nesun sugh,
I desiderì in aria d tant e tant
La part ingombrn più granda d quel lugh;
Tutt quell in ultim ch'a st mond a smarri
Andà la su, ch d sicur al trovarl.

76.

Al Paladin, passand per tutt qui intrigh,
Al dmandava d'agn cosa al cundnttir:
Al vist una gran massa d gonfi vsigh,
Ch per d dentr del sgumbii fevn e dl'armor;
Zvann i spiegò ch'i ern qui imperi antigh
D'Assiria e d Media, tant avù in unor,
Di Persian e di Grech, tant numinà,
Ch'aqsi poca memoria tra nu è arstà.

77.

Al vist una muccia d'am d'or e d'arzent,
Ch l'Apostl i diss esser quì li d quì dun
Ch cun speranza d cumpens s fan dalla zent
A re, a princip, e a altr en patrùn.
Al vel di lazz tra i fiur, e quisti al sent
Esser gli adulazion d puvr mangiun.
Tant vers in lod d signori e d ricch, stampà
Al ved, ch'el parn iust zigal cherpà.

78.

Di grupp i è d'or, di zipp d zoi incastrà,
Quisti vonn dir el vist d cert mrusamint;
E degli aqnil el grinf, l'autorità
Ch'i signori dan del volt ai su parint;
I mants po, ch'in za e in là in sparguià.
Esser quel protezion, ch'i prepnint
Soln aver pr'i sicari e pr'i ruffian,
Che cun un poch d temp anca lor van.

79.

Arvin d rign e d città, d burgh e d casti,
Cun gran ricchezza insà, stervn a vaiun:
E quest al frutt d congiur e altr bacci
D zent iniqua e ribella, e altr brieun.
Del biss cun vult da donna liss e bi
Industri in d monetari, e altr guidun;
E po del bozzi rotti d vari fitta
En premi d chi a servir in cort s'accatta.

80.

Là in terra, in t'un canton, dla mnestra grassa
Al ved: Cosa vol dir? al dmanda fort;
L'arsposta fu: L'è la limosna ch lassa,
Qualch d'no, da far per lu dop la so mort.
Dop d vari fiur a un mont altissim al passa,
Ch za mnavn ndor, e adess puzan tant fort,
Ch'era al regall (s'a dirli al n'è peccà)
Da Costantin al bon Silvestr dà.

81.

D pani e d palmun ai n'era un gran subiss:
Questi ern, o donn, el vostr blezz sfurà.
Mo si a sre lugh s cuntar agn cosa a vliss,
D'in man in man, ch'i funn là su mustrà;
Dop dirn mill e mill gnanch an s finiss.
I fatt nostr là su tutt in nntà:
Dla matirria sol poca o nint ai n'è,
Perchè a reif doppi l'è cun nu cusi.

82.

A qualch negozi, ch s'appartgneva a lu,
E qualch di pers Astolf in riflession;
Mo, s'al n'avea quel Sant bendett cun lu,
Al n'accagnusseva quell ch'i arè fatt bon.
L'arrivò a quell, ch z par tant d'avern a nu
E pr'al qual an fen mai a Dio urazion:
Del giudizii an intend, ch'ai n'era un mont
Più grand assà d qnegh altr cos a front.

83.

L'era cmod sre un liquor o spirit d vin,
Ch svapurava a n'al tgnir fort astuppà,
Arcolt in tant vasitt o grand o pzinin,
Segond ch'i era d bisogn, ben sigillà.
Al più tra i altr grand è quell ch cuntin
Quell del pover Urland, ch l'ha abbandunà:
Tra i altr al fu accugnassù dal duca quand
Al vist per d fora scritt: *Insegn d'Urland.*

84.

In t'i altr, in t'l'istess mod, scritt a i era anch
Al nom d chi l'arè avù in testa a purtar.
Una gran part del so al paladin franch
Al vist, mo al s'av anch più da maraviar
A vedrn d qui ch'al püssava un unza d manch
I n'avesen d'aver, mo a s vdeva chiar
O ch'a in mancava un terz o la mità,
Perchè in quel lugh ai n'era purassà.

85.

Chi dri all'amor al pers, chi dri ai unur,
Chi cercand dià del mar or e ricchezza,
Chi a dvintar cvell, servend princip e sgnur,
E chi a badar del stierari al schivezz;
Chi in t'el zoi, chi in t'el mdai, chi in t'el pittur,
Chi in far l'alchimia, o in altr debulezz.
D sufist e strulgh ai n'è gran part arduitt;
Quell di poeta po ai passava tutt.

86.

Al duca tols al so, ch'a gli al permess
L'Evangelista sant benignament.
Al vas, dov l'era, ai bus del nas al s miss,
E quell andò a so lugh incuntinent.
E per quant l'arcivesc Turpin scriass,
Astolf vivi gran temp cun sana ment:
Mo, dand un'altra volta in zanfanel,
Quella del tutt i purtò vi al cervell.

87.

L'ampolla, o vas più grand, dov dentr ai era
L'insegn ch da savi Urland aver suleva,
Al duca tols, e al s'accurz ch'al n'era
Alzir, cmod pur a vedri al pareva.
Innanz ch'al paladin zo da gula sfera
Turnass in terra, a far quell ch da far l'aveva,
Al fu cundutt dall'Apostol divin
A un bell palazz, dov i era un fium avsin.

88.

D fagutt pini ern el stanzi e l'galari,
D seda ai n'era, d bumbas, d lin, d lana fina,
Tint cun vari culur, e brutt e bi.
Dentr arrisgh dalla porta era una vechina
Ch del fil tirava su pr'i mulini,
Cmod a vden far l'estad la cuntadina
Al temp del pavaion, ch'in t la caldura
Quell filadin suttil dai falsi tira.

89.

Quand un fus è finì, un'altra n'armett
Un'altr, e ai è chi in porta, e chi n'arpond.
Un'altra vā addizand tra quel gavett
Dal belli el brutti, ch la prima cunfond.
Mo ch lavurir è quest, mestr bendett?
Diss all'Apostl Astolf: e quell i arpond:
Quel vecchi s chiam al l'arch, ch'ai mulini
Dvanen la vita a vu, ch'al mond vivi.

90.

Quant dura qui fagutt, altrtant dura
La vita di omni, e d più gnanch un mument.
La mort sempr qui abbada, e la natura,
Per saver l'ora d farr uscir d'in stent.
D zernir el belli fila qu'altra ha in cura.
Perchè l' s'addrovn a tessr l'urnament
Del paradisi: e cun qui fil sgarbà
As liga chi all'infern è cundannà.

91.

Agn fass, ch'al mulinell avea filà.
Era po elett segond o bell'o brutt.
In lastra d ferr, d'arzent, o d'or nutà
Al nom del so patron a i era in tutt.
Quisti ern in vari lugh sparti e ammassà.
In st mentr as vdeva un vecch randlent e brutt,
Ch cuntinuvant in furia vi in purtava.
E a torn di altr in t'un atm al turnava.

92.

L'era quasi svelt e pront e lest quel vechiazz,
Ch'a posta fatt per correr al pareva.
D quell lastr l'in chiappava su di mazz
E i quart del gabbanell al s'arimpeva,
Dov l'andass, cosa l' fias a tors st'impazz.
E in ste smanezz far cosa l'intindeva
S'al vli saver, turnà qui lunedì.
Ch'adess am sint za strach e mezz sfini.

FIN DEL CANT TRENTAQUATTRE.



CANT TRENTACINQU

ARGUMENT

*Dall'Apostol i scrittur bun in ludà.
Per causa d'Fiurdilis, la Bradamant
Al re d'Alzir ha vint e superà,
E tolt quel brav Fruntin estimà tant.
Quest cun sfida è da li a Ruggier mandà,
Ch'in Arles è artivà cun Agramant.
Intant ch'lu pensa chi al chiama alla guerra,
Li Sirpintin, Grandoni e Ferrau atterra.*

1.

Al dis pur vera al nostr mssir Aldvigh
Ariost, in l'un ottava d'quell'altr Cant:
Ch'pr'aver giudizi an s'fu brazion ne prigh
A Domeudi, ne vud gnanch a nssun sant.
Tutt pensn avern piu testa e buttrigh,
Tutt la fan da Catun, Cleobl e Biant,
Da prutumestr, da savi alla Grezia,
Cherdend ch'inzegn i avanza. Oh gran inezia!

2.

Sta cosa am la fa cgnussr l'esperienza,
E l'mattazzat ch'a ved far tutt al di.
Mo tassen pur, perchè la n'è prudenza
A dsoerr d'altr, e po eu badar a si.
Mi a son quell ch'forsi di altr più in son senza,
Siechè sti tacquel am el pre tgnir per mi;
Mo, s'a fuss stà cumpagn del duca ingles,
Forsi del mi em sre stà san Zvaun curtes.

3.

Per qui bi lugh andava al Paladin
Qui lavorir guardand attentament:
E, quand l'av vist in qui fatal mulin
Del vari fila tutt al prillament,
Al vist un fass bellissm, più d'or fin,
D mod straluzgar, ch'an sre stà d bastament
S'al fuss stà d perli tridi o d pred prezios,
Tant erl rich e bell e maravios.

4.

Quant s po dir quell bel fass fort i piassi,
Ch'al n'aveva tra i altr paragon:
E una grau vuia dentr d'lu al sinti
D saver d'chi l'era, o chi in sre stà al patron.
L'Evangelista ngotta n'i tasi:
Ai diss ch'al sre nad quand d'incarnazion
(Vint ann prima però) l'ann sre nntà
Cuo un M, e un D sigh accompagnà.

5.

E siccom in splendor e in rarità
An i era altr ch s passia a lu parangunar,
Acquisi anch in quel temp affortunà
Ch quel sgnor a st mond aveva da campar,
Perchè l'grazi, ch natura ha mal dspinà,
E quelli ch s ponn cun gran studi acqistiar,
O po dar la fortuna, certament
Lu gli arè tutti in t'un mod eminent.

6.

Al deeva: A i è in Italia, voin al Pò,
Un sitarell, adess poch numinà;
Dinanz l'ha l'fium, dall'altra part più in zò
Un gran puies sott acqua tutt augh.
Mo cun l'andar del temp st burghett srà pò
Chersù all'impar d magnifica città:
D mura e d palazz non sol, mo d sovra più,
D nobiltà, d studi grav, e d gran virtù.

7.

Al crescer d st lugh, e la so esaltazion,
La n srà miga per cas ne per fortuna;
Mo del cil l'è una vera urdinazion,
Perchè la sippa d quel gran om la cuna.
E anch tant volti perchè l'favor sia bon
L'agricultor l'insdiss a bona luna,
Quai qu'or l'urevs sol sempre più arfinar
Quand una bella zoia al vol ligar.

8.

Sià sicur ch la più bella tra tant vest
Ch'i en stà, ch'i en, ch sran in t'al terrestr regu
Nssuna cert è calà da st lugh celest
Pr'adurnament d'un spirit al più degn,
Cmod la bell'anima sia d'Impolit d'Est;
Basta dir ch l'è dila ment divina un dsegn.
A digh ch'Impolit d'Est al srà chiamà,
Quell ch'ai è st bel regall da Dio ammanvà.

9.

Quel grazzi e quel virtù ch sren stà bastant
A mill e mill per eterna fama aver,
Insem arcolti, furmaran al mant
A quell, d'chi al num avi avà a car d saver;
Da lu gli art liberal e i studi sant
Sran protett e innalzà, e, s'an vliss taser
I merit an, tant audarè luntan,
Ch'l'aspietarev al so inzeign Urland in van.

10.

Aquisi l'Apostol sant, dal Sgnor amà,
Parlava al duca; e quand po i avn tutt
D quel bell sit stanzi e sal ben nsservà,
E cmod i fil dila vita crn cundutt,
I uscinn fora, e s truvonn al fium gunfià
Cun dl'acqua torbida, tutt fangos e brutt:
E s'attruvonn quel vecch, ch'just arrivava,
Ch'una carga d qui nom sigh al purtava.

11.

Av dsi ben arcuardar d quel vecch stuffell,
D quell ch'in t'al fin del Cant passà a dscurreva,
Ch pr'andar n'ha bisogn d ferl o altr baccell.
Anzi più fort d'una livra al curreva.
P'in d nom l'avea i bindai del gabbanell
Da quell mass tolt, eppur al n'i fineva,
E in quel fium, ch'iamà Let, quand l'arrivava,
La gran carga di nom tutta arversava.

12.

A vui dir, cm l'arrivava su in t la sponda
Del fium, quel vecch strussion, tutt arbaltava
Qui nom ch l'avea addoss in t la brutta onda,
E quell ch s vol dir sol un an l'asparmiava.
Un numr senza fin d qui nom sperfonda
In t l'acqua, e la current prest i arpiattava;
E d cent milla, ch'in t l'acqua ern buttà,
A mala penna un sol vgneva salvà.

13.

Sovra del fium andavn svulazzand
Corv e curnacch, falchitt e sparavir,
E altr animal d sta fatta, tutt sgrisland,
Cun un armor da far propri insturnir.
E tutt a tor d qui nom vulavn, quand
Al vecch cun la so carga i vdevn vgnir.
Chi cun al becch e chi cun l'ungia storta
In chiappa, mo lutan poch però i porta.

14.

Perchè, in t l'alzare in aria e vular vi,
In han poca forza d sustinar al pes,
E quai bisogna ch'al fium porta vi
Un bell nom, forsi degn d'esser pales.
A du zign sulament, fra tant usi,
Più bianch dlla nev o d un bugadin d'ates,
E permess d purtar vi sicur in bocca
Al nom ch'è scritt in t la mdaia ch'i tocca.

15.

Aqusi, contra i pinsir d quel vecch malign,
Ch'in t l'acqua vre qui nom tutt affugà,
Qualch d'un in và salvand qui da bi zign,
Mo in t la dsmintanza al rest tutt in avlà.
Un pezz i van nudaud qui bi usi dign,
Un altr pezz i voln pr'aria alsà:
I voln e s voln e arrivn in fin del cont
A un bell tempi, ch'arresta in cima a un mont.

16.

Quel tempi è fabbricà all'Eternità,
Dov i è una bella ninfa, e so eustum
È d star tra li a spassar, e, cm'è arrivà
Qui du bi zign da quela banda del fium,
La i tol d'in bocca el lastr ch'i han salvà;
L'entra in t'al tempi, dov l'attacca i num
A una figura, cun tal mod e gvern,
Che vedr e lezr i s ponn semp in etern.

17.

Chi sia quel vecch, per cosa al porta vi
Qui nom, e po i arversa in t la fiumana,
Cosa vol dir qui zign, e qui altr usi,
Cosa quel tempi cun quela ninfa cara,
Al duca ingles d saver ha fantasià.
Al prega al sant Apostol ch'i al dichiara,
Ch lu n'intend d qui misteri niint al mond:
E al sant Evangelista quasi i arspond:

18.

A pasi saver ch'an s fa là zo in t'al mond
Cosa nssuna, ch'anch qui segn an s'in fazzà.
A quegli opr là zo qui currispond
Al so riscontr, mo cun altra fazzà.
Quel vecch barbon, ch'a vdi corr-r e in quegli ond
Ficcar i nom, senza ch'ensuss l'impazzà,
L'ovra istessa, e i effett istiss fa lu,
In st lugh quasi qui, ch fa al Temp la zo da vu.

19.

Quand quel fila in tirà in t'i mulini,
Là zo la vita dl'om al fin arriva.
E la fama è quel nom, ch magari di
Durarev a memoria semp viva,
S qui quel vecch, ch'a vdi andar innanz e indri.
Tutt i nom en buttass zo da quela riva,
E là zo al mond al Temp cun lugh andar
La più gran part del cos al fa dscurdar.

20.

E emod quasi qui i falchitt e i curnacchiun,
I corv e tutt qui altr brutt usi,
In t l'acqua van chiappand d qui nom qualch d'un.
E qui in particular ch parn più bi;
Quai fa i curtsan là zo e i ruffian mangiun,
Spil, buffon, arcifanfàn, e dri tutt qui
Ch vivn in t'el cort a uff, e ch'in stimà,
Più ch'n'è i bun, virtuos e ben creà.

21.

I in ditt cun altr nom curtsan zintil,
Cun tutt ch'i sien gran part tant asu stracch.
Quand è arrivà di su patrùn al fil
All'altm, o per dir miù d Vener o Bacc
I han fini d far numr in t'al purzil,
Zu ch'in in bun sn d'arripir al sacch,
Pur pr'un qualch di d quetor ch'ai ho ditt s'arcond.
Mo fra poch temp s la passn, e i s'i dscordn.

22.

Mo emod fa i zign, ch van vi alligr e cantand.
E i nom ch'i han tolt i portn salv al tempi,
Aqusi i omn più dign e memurand
Dai pnet in salvia, ch' n'in sia fatt seempi.
Oh fortuna pr'i princip dign e grand,
D Cesar e d'August ch'han seguita l'esempi
Cun tgnirs amigh pnet e altr scrittur;
I in cert ch mai al so nom n'arstarà al bur!

23.

Cmod è i zign, e i pueta, anca lor rar,
Ciò ch del nom d pueta sippn dign,
Quasi anch en vol al cil ch d'omn preclar
Sippa abbondanza, cmod ai n' è di indigin;
Cmod anch per colpa di triump avar
Ch lassn languir d miseria i bun inzign,
E, upprimend la virtù, esaltand al vini,
Ai studios e al bon'art fan pregiudizi:

24.

Cherdì pur ch nostr Sgnor ha a sti ignorant
Livà l'intendr e anch affuscà la ment,
Ch ne d litt'r o d'art s n'intenda tant ne quant,
Perchè la mort s' i goda eternament.
Ch' i usciren dai seculer triumpfant,
Sebben ch' i fusan stà tutt mal vivent,
S' i avissen savà la virtù del mus amigh
Sren numinà, livands da tutt i intrigh.

25.

Enea en fu quei bon ne fort Achill,
Gnanch Ettor, quant la fama ha sparguà.
Di miur d lor ai n' è stà più d mill e mill,
Cherdil, ch' av digh la pura verità.
Mo i quattrin ch dunò qui, e palazz e vill,
En stà causa ch' i ered han prucurà
D' esaltari cun tant e lod e unor
Pr' el man unuratissemi di scrittur.

26.

An fu quasi bon ne quasi benign August
Cmod z dà ad intèndr la musa d Maron;
Mo in puei l'aver avù bon gust
Fa ch si perdona i fall, e l' pruscizion.
Mai arè nssun savù s Neron fu ingiust,
E d tant altr al starer al parangon;
La terra e l' cil al n' arè avù su nmigh
S l' avise savù di savi star amigh.

27.

Omèr dscriv Agamenon vittorios
E dappoch i Truian, vil e ignorant.
D Penelop z conta fedel al so spos
Sebben perseguità da cent amant.
Mo, s' a vli ch' an ev sippa al ver arpos,
Agn cosa mtti all' arveras: e triumpfant
Ecco i Truian, e i Grech mandà in arvina.
E la casta Penelop birichina.

28.

Sinti da un'altra banda quant' armor
As fa d Didon, ch fu pur casta e da ben.
E pur l' è chiamà donna senza unor,
Perchè Virgili d li n' in vols dir ben.
N' ev maravià s' a mostr aver brusor
E per sta cosa an tign più stricch al fren.
A am i scrittur, e s ho da far aquai,
Ch' al mi temp un scrittor a fu anca mi.

29.

Sovra a tutt i altr a i ho fatt un aquisit,
Ch' an m' al po tor al temp ne gnanch la mort:
E sia ludà in etern Gesù Crist
Ch' una fortuna m' ha dunà d sta sort.
Am despias d quich vivn adess, ch' è un temp quasi trist,
Ch' han ben l' asi, i puvritt, d' andar al port
Di sgnori, pr' esser arcolt, esser ascoltà,
Ch' ignuranza e decurtai gli han tutti aserà.

30.

Sicchè, turnand a quell ch za prima a dseva,
I omn dott e i pueta adess in chiar.
Quai auch fa l' bist, ch lassn dov suleva
L' erba esser bella cm' a n' i è niint da magnar.
Digand sti cos, quel sant vecch, al pareva
Tutt infiammà e ch' al s vlliss mettr a bravar;
Mo più vivent n' essend, ma tutt divin,
Al s quietò d lung, fagand un risulin.

31.

Mo Astolf pur staga cun l' Evangelista
Quant al vol, mi per mi a vui far un salt
Quant' è d' in cil in terra, ch l' alia trista
Ai ho tant, da n' em pesser sustgnir in alt.
Da quella a vui turnar, ch ha quasi gran pista
Da amor e gelusi, ch' i dan l' assalt.
A la lassò ch' l' aveva, ditt e fatt,
Tri re in terra mandà tutt in t' un tratt.

32.

L' arrivò là vers sira in t' un castell,
Ch' in t' la strà ch va a Parigi distell s' attrova.
E qui ch' Agramant, rott da so fradell,
In Arles s' era arduitt la sav la nova.
E certa ch fuss cun lu al so Ruggir bell,
Subit ch s fi veidr in cil l' aurora nova
Vers la Pruvenza la s miss per la vi,
Siaud infurmà ch' i andava Carl dri.

33.

Vers la Pruvenza, per la strà più dritta,
L' incontrò, cavalcand, una dunzella,
E, ben ch l' era piangulenta, smorta e affitta.
L' era però garbà, curesa e bella.
Questa era Fiordilis, da amor trafitta
Pr' al so car Brandimari, ch tant l' arrandella:
S' i azzunta d più l' averl lassà al pont
Battù, e po fatt person da Rudumont.

34.

L' andava a rai, cercand un cavalir
Ch' aviss avù bon stomgh, d bon braz un par
In somma ch' al s pssiss dir un brav guerrièr.
Da passer d Rudumuntazz star all' impar.
L' afflitta e decunsulà mrosa d Ruggir,
A veidr qu' altra pianz e suspirar.
La la salutò prima umanament,
Po la i dmandò al perchè del so lament.

35.

Fiurdilis guarda Bradamant, e ai par
D vedr pr'al so bisogn on cavalir:
E, cun at pinsir, del pont la i vols cuntar,
In dov d cuntinv armà stà al re d'Alzir,
Dov al so mros l'è stà aquas pr'affugar.
Non perchè qulà fuss fort e fuss mior mssir,
Ma 'l fu l perchè siand qulà più furb e astut,
Sà al mod d truvàr, su o zo dal pont, aiut.

36.

La i disse: S'a si ardit, emod a si curtes,
E tal a sri d sicur emod dà la vista,
Pr'amor del cil! fa 'l mi vendett, e illes,
Ai ava al mros, ch'em fa dulentia e trista.
E quand an pesiassi, almanch disim in ch paies
A possea truvàr un, ch qulà tigna d pista,
E ch sippa tant valent in arm e bon,
Ch'an zova al pont e al fium a quel zaltron.

37.

Oltra d quest, s vu al fari, a fari l'uffizzi
D chi porta 'l nom d degn cavalir errant,
Usand al valor vostr in benefizzi
Del più fedel tra tutt i fid amant.
Cuntarv el son virtù mi a n'ho 'l caprizzi,
E po an pre, perchè i su merit in tant
Ch s'a i è ch n' i sava, o n' i ava udi cuntar,
Fora del mond quel tal al s po chiamar.

38.

Bradamant, d'anm grand, ch'av seimpr a car
D far quell ch'a gloria so i pssiss riuscir,
E far ch seimpr la fazza numinar,
Subit d'andar al pont la fa pinsir.
E tant più adess, ch la 'n sà da ch là s vultar
Dalla deprazion: s l'andass anch a murir
A li an i importa un figh, anzi ai aggriva,
Quand l'è senza Ruggir, d'arstar anch viva.

39.

Per quell ch'a posa, la mi bella zuvnetta,
L'arrepos a Fiurdilis, a vu a m'uffriss
Per st'impresa, s'a pose cavarla netta,
Per più rason, ch'adess a preteriss.
Mo più perchè del mros an dèi, alla fetta!
Cosa, ch'an la cherdè s'un altr al deiss.
Ch'al sia fid in amor; del cert av zur,
Ch tutt aveva in cuncett d'ingannatur.

40.

Cun un suspir, ch dal fond del cor i uscì,
La diss sta cosa, e qu'altra en pssì sintir.
E po la diss: Andèn. E qu'altr di
Vistn quel pont, ch custava tant suspir.
La guardia attenta, appena la descruvì,
Dla tromba al son la fi al patron udìr,
Ch'in riva al fium stagand, alla so usanza,
Corr a cavall armà cun spada e lanza.

41.

Quand al ved cumparir qula signora bella,
Diss d'ammazzarla subit, s la n sottascriv
D lassar arm e cavall, cun breia e sella,
Da farn al bel sepoler un donativ.
Bradamant, ch sa l'instoria d'Isabella,
E emod, puvrina, al la cavò d tra i viv.
Perch Fiurdilis i la cuntò a puntin,
A sta manira arpos al saraziu:

42.

Bistia matta! perchè vut ch di innuzint
Fazzn la penitenza di tu peccà?
T'i ti ch t l'ha da pagar, del so sangu tint.
Ti ch t l'ha cun el tou man propri ammazzà.
Sicchè d tant arm, e tant altr urnamint
Di cavalir, ch'in at lugh t'ha dscavalcà.
Al mior an erel ch la possa più gradir
Quant s'at farò cun el mi man murir.

43.

E tant più a sper ch l'ha da gradir al don
Siant mi una donna, emod l'era anca li:
D sicur an son vgnù quì pr'altra rason
Sn, contra d ti, per vindicarla li.
Mo i nustr patt far prima 'n srà on bon,
D pruvàr s'al to valor è mior del mi.
S mi arstarò vinta, cosa proia dir?
Sn, ch'andarò tra i altr persunir.

44.

Mo, emod a sper, s'at mand mi zo dal allon.
A vui al to cavall, arm e bagai,
E quelli al cimiteri mittir in don
Tutt quegli altr dstaccand zo dal murai;
E s vui anch ch t lass andar qui ch t'ha person.
Rudnmont diss: Ai vol essr di guai,
Pr gli arm no, mo in quant ai persunir,
Ch'an t'i poss dar, per n'essr in sti quartir.

45.

In Affrica al mi regn a i ho mandà;
Mo a t'imprumett ben po, in cunsanzia mi,
S'a a diss, per cas, ch'a fuss acqui disgrazià
Ch t'arstass ti in sella, e mi an truvass a pi.
D far in manira ch tutt sran liberà,
Pur ch'ai ava tant temp da mandar vi
Qualch d'un di mi scudir, cun commission
D far tutt quell ch t vu, fagand ti da patron.

46.

Mo, emod a sper, s'a star ti d sotto at tocca.
(Ch'acquì d giustizia l'arè pur da andar)
Arm o cavall an vui, ne fus ne rocca,
Ne da mi persunira at vui trattar.
A quel bel mustazzin, qui uech, qula bocca
Ch'amor fan nasr, agn cosa a vui dunar.
Altr'an t dmand, an qu'l'odi t cov in sen
Contra d mi t l'arvolt in altr tant ben.

47.

Mi a son dutà d tal forza e d tal valor
Ch t n'ha brisa d'arstar d sotto aver a sdegn.
Li trì un zrisin, mo quasi senza savor,
Anzi più d'aspett, che d'altra cosa segn.
La 'u vols arspendri più, mo cun furor
Da una banda l'andò del punteill d legn;
Sprova al cavall, e mett la lanza in resta,
S la po, cun anm d chiapparl in t la testa.

48.

Ammanvò dal so là, anch Rudumont
Và a tutt; corsa animos e valent.
Sotta ai pi di cavall trainalla al pont,
A gran prigul d cascar, ch l'è un ver spavent.
La lanza d'or, ch'aveva qu'altra in pront,
Alla so usanza fi, e in t l'istess mument
Ch la l tuccò, Rudumont cm'è un tamarazz
Cascò, in t'al pont battend pett e mustazz.

49.

L'attruvò da passar lugh magrament
Con al cavall la brava Bradamant.
L'andò a prigul d cascar sicurament,
Dal pont in t l'acqua, e d perdr quel bell vant.
Mo Rabican, del fugh fiol e del vent,
Era quasi svelt a corr-r e quasi lampant,
Ch propri in t la randa al sav trovar la strà,
Cmod pr'un tai d spada, in cas, al srev andà.

50.

Dep la s vultò po vers al sarazin,
E, in att d minchiunarli, aqusi la i dis:
A chi tocca d star d sotto, al mi sgnurin,
Ch t'av propri vist adess a m'è d'avvis.
Rudumont resta li cm'è burattin,
Vergugno da una donna aver ste sfris,
Ch lu per lu en s'appinsava un cas quasi fatt,
Tant ch'al resta incantà e dventa mezz matt.

51.

Tasend, al s livò su dulent e mest,
E, quand l'av camminà cinqu o sì pass,
L'elm, al scud, e degli arm tutt al rest
Cun gran furia al buttò su per qui sassa.
E sol sulett a farsla a pi al fu prest,
Mo non in mod, ch'in prima ordn an lassasse,
A più d'un so scudir, d far eseguir
Al patt za stabili di persunir.

52.

Al s n'andò vi, e d lu ngotta più s'intes,
Sn ch l'abitava in t'una grotta scura.
Bradamant in quel mentr, d quì, sospes
A quel sepoler tutta l'armadura.
In t l'istess temp la fi cavar l'arnes
D qui cavalir, ch la vist alla scrittura
Esr dila cort, o suddit del re Carl:
Quegli altr arm la n vols, ne gnanch detaccarl.

53.

Oltra quell d Brandimart, era attaccà
Ai mur, quell d Sansunett, e d'Ulvir,
Ch'avev al Senator Ruman cercà.
E la matta fortuna i fi qui vgnir.
Quisti ern armas person i di passà,
E Rudumont tutt i mandò in Alzir.
D quisti fi Bradamant gli arm depiccar
Da quel murai, e in t la gran torr aserar.

54.

Gli altr arm la lassò attaccà a qui sass
Ch'ern stà tolti ai cavalir pagan.
Ai è anch quelli d quel re, ch fi indarn i pass
Per Fruntalatt, e tanta spesa in van.
Za an intindi ch' a digh al re Circass,
Ch'avend girà pr'un pezz per mont e pian.
In ultim pr'accident l'arrivò li,
E a pi e senz'arm al turnò indri arrabbi.

55.

A pi e senz'arm, anca lu s tols de d li
Quel re pagan, allontanand dal pont;
Perchè libr tutt qui del so parti
Lassava andar al superb Rudumont.
D turnar al camp però l'anm an s'anti,
Ch'an s'attintava a lassars vedr in front:
Perchè alla prima al s'era trop vanà,
E dop al tmeva d'esser minchiunà.

56.

La vuia po i saltò e in cor la s'impres
D cercar quela donna ch l'ha in t la ment sculpi.
E al l'av pr una fortuna, quand l'intes,
Ch'au so mo dir chi s' i cantass, ch quli li
D'Angelica turnà era al so paes.
E lu, siccom l'era tocch e fri
Sempr per li, i va dri vers al Levant:
Bon viazz: ch'al vada! e a torn a Bradamant.

57.

Dop ch l'av in t'un bell marm fatt nutar
Cmod era stà da li liberà al pass;
A Fiurdilis, ch badava a suspirar,
E s steva cun la testa e cun i uech bass,
La diss ch'alla deprazion la n s stess a dar,
E da ch banda la vlea vultar i pass.
Li i arspes, d vler vultar al so cammin
Dal là dl'acampament di sarazin,

58.

Cun intenzion d trovar bona occasione
E nav da psser in Affrica passar,
Ne mai fermarm, diss, finna ch'an son
Arrivà in lugh ch'attrova al mi sgnor car:
E tutt i mo perchè an staga in person,
Per quant a poss, a vui del cert tintar,
Ch s'al fallasse la promessa d Rudumont,
Un mond d ripiegh a arò a mi emand in pront.

59.

E Bradamant i diss: Vosch a vui vgnir,
E pr' un bell pezz av farò cumpagni,
In finna ch' Arles a vren cumparir,
In dov a vui ch' andadi, pr' amor mi,
Dal re Agramant, cercand d' un tal Ruggir,
Ch' arì udi numinar per strà e per vi,
Ch' ai cugnadi st cavall, ch s chiama Fruntin,
Addruvà finn' adess dal Sarazin;

60.

E ai dirì anch tutt quest ch' av dirò mi:
Ciòè ch' un cavalir pensa d provar,
Dinanz a tutt, ch l' è stà da lu tradi,
E ch' al son chiacch fed an s po purtar.
St cavall ai manda, ch' ai avi mnà li,
E ch' al s vaga ben subit a ammanvar,
Cun la lanza, la spada, e piastra e maia.
E là fora al le sfida alla battaia.

61.

Quest e niunt altr dsi; ma, s lu po vol
Saver chi a son, dsi ben ch' an al savi.
La Fiurdilis, curtesa cmod la sol
Esser, l' arpos: D servir an' in tir indri,
Ch' av darè al sangro, s' an fuss assà el parol,
Tant ev sonia ubbligà da cap a pi.
Bradamant la ringrazia, e po d Fruntin
I dà la breia, e s van pr' al suo cammiu.

62.

Dri la riva del fium, cun vari zanz,
Abbadn sti dou zovni a camminar
Infinna ch' Arles el s vedn dinanz
E s sintn al gran fracass ch fa allora al mar.
Bradamant, pinsand d' esser andà d' avanz,
Fora del camp, in borch la s vol fermar,
Per dar a Fiurdilis al temp ch' i vol
Per far l'imbassà intira a quel bell fol.

63.

Questa s' in vè, e s trapassa pr' al rastell,
Pr' al pont e per la porta, e sigh la tol
Un ch la cunduga propri in quel stradell
Dov stà Ruggir, ch sol là demuntar la vol.
Cmod i ha diit Bradamant, cun un mod bell
La i dà Fruntin, e s dis tutt el parol.
Po, senza aspettar arposta da quel signor.
La torna in frezza dov la guida Amor.

64.

Ruggir arèt quasi li em' è un incantè,
Senza arsponder o saver cosa s pinsar,
En savend chi al tassasse pr' un mal creà,
E po al mandass dila dsfida a regalar.
Lu 'n sav per cosa al dsfidador chiamà
Om d poca fed s l' aviss, perchè an s pœ dar
Ch' enssein qual al pesies chiamar, stimand intant
Ch' al fues tutt altr fora d Bradamant.

65.

Ch forsi forsi al pesies esser Rudumont,
Più che nessun altr, al saltò in upinion.
Mo dirì d poca fed, a fari al cont,
Al perchè an sà accattar ne la rason.
Sicurament, cavà ch sippa st' impront,
Cun altr an sà d' aver lit o question:
Mo in st mentr Bradamant fora del port
Dmanda battaia, e l' carnett sona fort.

66.

La nova andò a Maraili e al re Agramant
D quell, ch là fora s spiegava in son d battaia:
Serpintin, ch s' attruvò li in quel frattant,
Dmandò, e la grazia utgnì, d vestir piastra e maia.
E s dis ch l' arè dà el pœch lu a qu' arrogant.
Qui la zent subit cors alla mursaia,
Zovn, viche, ragazzà, cun gran armor,
Per vedr quell ch' arstava vincitor.

67.

Cun un ricch abitou, e in bell' arnes,
Usci fora per battra Serpintin;
Mo al prim incontr l' andò in terra dates,
E al cavall scappò vi cmod fa un uslin.
Mo la fiola d' Amon cors e s' al pres,
Dcend cun gran civiltà a quel sarazin:
Muntà in sella, e tornà al vostr patron,
E dsi ch' al manda un altr d vn più bon.

68.

Agramant, in s la mura za muntà,
Poch luntan steva al fatt tutt a guardar.
Dla gran curtsi l' arèt molt maravià
Ch' al vist a Serpintin dal nunnigh near.
Cun i su al diss: Oh ch civiltà! guardà:
Al pre fermar, e libr al lassa andar.
Serpintin torna, e, cmod quai signora i cmanda.
Diss al re ch' un più brav là fora s dmanda.

69.

Grandoni da Vulturna, furibond,
Al più superb ch' aviss tutta la Spagna,
Pregò tant, ch' ai tuccò d' esser al segond,
E, bravand, l' uscì fora alla campagna.
Po l' diss: La to curtsi a mandar a fond,
Perchè sta volta l' arstarà in t la ragna.
At vui cundur ligà dal mui patron,
O qui t' ha da murir, s Grandoni a son.

70.

La donna arpos: T' i grand in t la dscurtsi.
Mo l' è più granda la mi civiltà;
Per la 'n m tin d cnsiart a star indri
S t' en vu ch' at manda in terra dscavalcà.
Torna dal re, e dii quai, da part mi,
Ch pr' un par to a 'n m son brisa dsenmdà:
Mo ch' a cercch d' attruvu un cavalir
Che brav da vera in arm s possa dir.

71.

A Grandoni st parlar pars arrugant,
E dentr d lu la rabbia s'i attizzò
In mod, ch lu, senza arspendr tant ne quant,
Cun rabbia e furia al so cavall vultò.
Quai fu pur svelta a far la Bradamant,
Ch la lanza e Rabican contra i drizzò.
E sta lanza fatal appenna al tocca,
Ch cun i pi all'aria quel bravazz trabocca.

72.

La surella d Rinald chiappò al cavall,
E s'i al res, dsendi: Mo en t'al dissia mi,
Ch'a far la mi imbassà t'en furias fall?
Quai t'en perde al temp e l'unor qui.
Torna dal re, e dii ch fora del vall,
A aspett un cavalir mior d ti s'a gli è.
Cun vu altr an 'm vui affadigir
Ch'an vali un steech, e pur a vli ginstrar.

73.

Qui ch'in al mnra in san cosa s pinsar
A vedr un cavalir esser aqusi sald.
I al tolsn pr'un d qui più famos e chiar,
Ch termar i feva anch in quel temp ch fa cald.
L'è Brandimart, qualch d'un vols sustintar;
La mazor part però al tols per Rinald.
Qualeh'altr al Senator l'arèn susptà,
Mo i s'arcordavn ch l'era matt spaccà.

74.

Dop, dmandò al terz duell al'fiol d Lanfusa.
Non perchè al sperass d'esser vincitor,
Mo perchè i altr avissn una qualch scusa.
S'al cascass lu, d'esser cascà anca lor.
E po, ammanvà tutt quell ch'in arm s'usa,
Tra un cintunar d cavall al tols al mior
Ch'al truvass, e s'andò, tuccandl d spron
Fort, dov asptava la fiola d'Amon.

75.

Innanz però al cumbattiment d cminzar,
Prima al vols salutarla, e anca li là.
E po questa la i diss: S'av s po dmandar,
A sarè ben vluntira chi a si vù.
Qulù ch n'era solit mai d vlers arpiattar,
Diss alla bona d'esser Ferraù.
Li i arspes: Vu an v'arfid; mo, a dirv al ver,
L'è un'altr quell che contra a vrev aver.

76.

Chi el? dmandò Ferraù, e la donna arspes:
L'è Ruggir; mo al nom la pesai arrigh pruffrir,
Ch tutta la s cvers d'un russor vergugnos,
E fredd e cald insem la s sinti vgnir.
E dop la diss: Al qual è quai famos,
Perchè d lu quasi gran cos ai ho udi dir,
Ch'altr an bram ne a desidr, presentment,
Sn d pruvà cmod in arm l'è valent.

77.

Li diss sta cosa cun simplicità,
Ch'an la tuliss qualch d'nn in mala part.
Ferraù arspes: Intant, d grazia, provà
Tra nu du chi sà più d milizia l'art.
S'andarò a terra mi, da vu arbaltà,
Al vgnarà dop a mi a far la so part
Quel garbat cavalir, ch tanta premura
A mostrà per pruvà la so bravura.

78.

A far sti chiacchir aveva qula sgnurina
Tutta galanta la visira alzà.
E al bon spagnol, ch la vleva esser quasi blina,
Al s sintì da quel blezz al cor tuccà.
Al diss dentr da lu: Alla fe d dina!
Un anz quest'em par dal cil calà.
E, sebben ch la n'm tocca cun la lanza,
Dai sn bi uech culpi a son abbastanza.

79.

Dal camp i tolsn e s s'andonn a incuntrar,
Mo bona, anch Ferraù fu in terra miss.
Bradamant al cavall andò a chiappar,
E, dandiel: Mantgni vostra parola, i diss.
Qnsi Ferraù ubbligà fu indri turnar
E alla presenza d Bradamant al diss,
Tutt vergugnos però, ch l'era Ruggir
Quell ch dmandava l'ineognit cavalir.

80.

Ruggir, senza saver chi s fuss al sò
Nmigh, ch'a battaia al mandava a sfidar,
Cun la speranza d vinzri al s'armò.
E tutt alligr s fi al cavall guidar.
Ne l'aver qui altr vist tutt andar zò
Pora nsenna o apprension i fi pruvà.
Mo al bisogna ch'adess a fazzo festa,
Stiand arrivà n so chi a romprim la testa.

FIN DEL CANT TRENTACINQU.



CANT TRENTASI

ARGUMENT

*Bradamant fà a Marfisa battr gli oss
In terra, cun pinsir anch d'ammazzarla.
Infant i esercit s'in incontra moss.
Ruggir vers Bradamant va per placarla;
Marfisa i disturba, ch'la i arriva addoss.
La lit s torna a arnuar; in t l'aria parla
Atlant dsend; I en fradi Ruggir, Marfisa.
Sta noea fà ch' in taccagnen più brisa.*

1.

Mala cosa è trattar cun cuntadin.
E pis po se per cas i in muntanar
Ch' i in tant furni d'ingann, d malizia pin,
Che quest e quell i stroighn d'aggabbar.
I portu el dida e l' man fatt a rampin
Cercand al so patron sempr d rubar.
Ch'al bada quant al vol, ch l'usserva e gira.
Quell ch'in fan la mattina i fan la sira.

2.

I en doppi, gain e tutt malignità,
Pigr a pagar, e leet in t l'aggramplar,
A finzr sempr prunt e preparà,
E degli arspost precisi in vonn mai dar:
Mai a po saver da lor la verità;
I s farevn più tost dou volt scubar,
O pr'un ann i turèn anch la galè
Che dir la verità chiara cmod l'è.

3.

Quell ch cumpos l'Abcedari del villan
Al dseva eser un om pratic e prudent:
E, cmod dis al pruverbi, in pasta el man
L'aveva da aver sigh sicuramente.
Cun un bell dir, al mostra nett e pian
La gran malignità ch'ha addoss sta zent:
E cun tutt ciò ch'al par ch'al diga tant.
Ai n'arresta da dir più d'altr tant.

4.

L'aveva ben rason mestr Stuppin,
S'an vleva cun sta fatta d zent trattar:
E s la so Togna andava zo d cammin,
Ch la gran stizza la feva zavarar.
I han tanta civiltà quant n'ha un asinin,
E dia creanza in san cosa s' in far.
Goff, ustina, infingard, avar, suaptus,
Del vin e del patron sempr' invidius.

5.

Quel po ch tocca al patron, ch n'i tocca a lor.
Ch'al n'è d quell ch l'ha da aver gnanch la mità.
Dai uech ai schizza, e s' i al brontlin tra d lor
Tant quant i l'ava al so patron rubà.
A far i cunt, an i è mai dann per lor,
Ch'in voln i rott, gnanch i baiuech cuntà.
Mo, quand a s tratta ch' i avn da tirar.
I voln essr pagà d'un sol denar.

6.

Altr tant, quant puvritt, i in arragant:
Al par ch'a dari agn cosa as sia ubbligà.
E por d n'essr puvritt i vren al vant,
E i v n'incagn s' ai fa una carità.
S' una volta i v'urria a magnar tant.
Ch la panza i tira, agn cosa è za accunda.
I pensu ch' n'ava più a turnar la fam,
E s dventu delicat, sti mesda aldarn.

7.

Chi n'ha nessuna occasione d trattar cun lor
Chiamar al s po feliz e affortunà,
E ringraziar ben d cor al nostr Sgnor
Ch l'ava da zent quasi stramba libera.
E cgnussel ben pr'un singular favor
A lu concess dalla somma buntà,
Siand libe da tant dstrub e tant impazz
E dalla ingratitudn d sti mustazz.

8.

A s finirev al bon Job la pazinzia
Tant en rustigh, indocil e cacciud.
Sotta dal sol del scarp i han la cunsinzia.
E, più che dl'auma, cont i fan d'un scud.
Per poca cosa i dan in t l'impazinzia,
Ch'in ultim i fa d'vntar quei matt e crud,
Ch'ai ho vist far del volt del tiranni
Ch forsi an s'usa gli ugual gnanch in Turehi.

9.

La sre zent questa da dunar al boia,
Ch dis al di n'impicass per carità.
Qualch d'un è bon, mo l'è cmod sre una zoia
Bona, che tra più matti è stà armesà.
Al fale adombra in mod al ver e imbroia
Cun del prupusizion storti e spallà;
E, cun la testa pina d pregiudizi,
I vren far per virtù passar i vizi.

10.

Aiir a fu sfurzà al mi Cant lassar
Pr'abbadar ai negozi d'un d sti tal:
E s'av un bell da dir, un bell da pecar,
Ch'al n'm fiss cunparir un bell stival.
Mo i cuntadin pr'adess lassèn andar,
E, dop aver basà un poch al buccal,
A turnàren là dov a avèn lassà
La nostra Bradamant innamorà.

11.

Za a diass ch sta sgnora, valurosa e bella,
A terra aveva un dop l'altr battà
In prima Serpentin quell dalla stella,
Graudoni da Valterna, e Ferrau,
E po i aveva tutt armiss in sella,
E st' ultim aveva l' incumbenza avù
Da sta sgnora, a so nom, d sfidar Ruggir,
Ch vigna dov tutt la stinn un cavalir.

12.

Ruggir azzò l' invid alligrement,
E la bona armadura al s fi purtar.
Mo, intant ch' al s' arma, siand al re present,
I tornen novament a chiaccar:
Chi mai pssava esser st cavalir valent
Ch feva cun la so lanza tutt svutar?
A Ferrau i dmandonn s' a l' accognesseva
Za ch da tu a tu sigh tant zanzà l' aveva.

13.

Ai arspes Ferrau: D sicur e cert
Per sta volta an chiappà brisa in t' al nett:
Mi, ch' ho sigh ben giangulà a mustazz avert,
A la prima a l' ho tolt per Rizzardett;
Mo dop, pin d tanta forza avendì dcevert,
E savend ch' an po far tant quel zuvnett,
All' appens so surella Bradamant,
Ch' a i ho udi dir ch' a lù s' arvisa tant.

14.

L' ha ben nom d' esser brava, anch a l' impar
E d so fradell e d' altr paladin,
Mo, per quell ch' ai ho vist ancù, a mi m par
Ch la vala più d Rinald e d so cusin.
Ruggir, sintend la mrosa numinar,
Al dviatò in t' al mustazz d quel purpurin,
Ch' a vden l' aurora quand la z guida al di,
Termand, senza saver chiappar parti.

15.

E a sta nova mezz pers e tribulà,
Dai stral d' amor al s sent tutt infiammar,
E dentr in t gli oss corr-r un umor zlà,
Ch' al grand timor st' effett i fa prubar,
Timor ch' es fuss quila so zoia dsgustà,
E ch' al so amor la vliss lassar andar.
Per sta cosa cunfus, an s' arsuiveva
S' andari contra, o pur da arstar l' aveva.

16.

Marfisa, ch s' attruvò li in quel mument,
D' andar fora cun gli arm ai saltò vuia,
Essend za tutta in ordn, ch' altrament
O d nott o d di la 'n vol che nesun la cuia.
Sintend ch s' arma Ruggir, pensa in t la mient,
Ch, s la s ferma a aspettar ch lu la vittoria arcuia,
Li arstarà senza, e srà a l' unor so macchia,
E quai la s' in vò fora quacchia quacchia.

17.

A cavall la saltò, e, in frezza sprunand,
Cors dov aspettava la fiola d' Amon
Cun al ticch tocch, s la ved Ruggir, guardand,
Vuiosa in ultim d furel so person.
Da ch banda dari al colp la vò pinsand.
Per n' i far in t la vita un qualch fenstron.
Marfisa donca vò fora dila porta,
E in cima all' elm una feniz la porta:

18.

O ch la 'l fiss per superbia, per mostràr
Ch l' era unica, n' i essend donna egual a si,
O pur ch la so pnestà la vliss mostràr,
E l' intenzion ch l' ha d star senza mari.
Mo la fiola d' Amon, ch stava a guardar,
Quand dal fattez la vist ch Ruggir al n' è,
La i dmandò ch nom l' aveva, e, quand l' udi
Ch l' era Marfisa, un chiod al cor s sintì.

19.

La pinsò dentr d li ch sicuramente
Marfisa a li i aviss scarpi l' amant:
E dal gran odi cert murir la s sent,
S la 'n fa el vendett con li di su gran piant.
La dà d volta al cavall subitament,
Non tant per vuia d superarla, quant
Cun l' annu d trapassari al cor in pett,
E quasi libera fars dai su sospett.

20.

Pr' al colp dila lanza d' or, Marfisa andò
Lunga dtesa in t' al tren a battir al msair,
E d st cas quasi nov e insolit la pruò
Tanta vergogna, ch la fu pr ammatir.
Appenna ch la fu in terra, s livò sù,
Dsfudrand la spada, el vendett per cumpir.
Mo qu' altra cun altura diss: Sta sira
Cuntintav d' esser la mi persunira.

21.

Se pr' i altr a i ho avù arguard e curtsi,
Cun vu, Marfisa, cert usar n' in vui.
Ch' ai ho udi dir ch vu civiltà a n' avi.
Anzi superba a si e pina d' argui.
Udend Marfisa dire quel villani,
La pars un vent ch' in mar daga in t' un scni:
L' urla in scambi d parlar, e tant s cunfond
Per l' ira, ch' an s' intend cosa l' arspond.

22.

Cun la spada a picchiar cmenza, e la 'n mira
D cavall o d cavalir frir testa o panza.
Bradamant del cavall la breia tira,
Ch subit da part in quel mument se slanza.
E, pina anca li d tropp e d' odi e d' ira,
Contra a Marfisa la spinzi la lanza,
E arriegg d bell nov cun quella fu tuccà
Ch Marfisa un altra volta fu arbaltà.

23.

La salta su d' in terra prestament,
Cun la spada cercand d far quell ch la pò.
Qul' altra d nov con la lanza i dà 'l turment,
E li al solit per terra s' arversò.
Sebben però ch qula signora era valent,
Ch la superass Marfisa an al cherdrò:
Mo più tost per virtù d l' asta incantà
Ia qui tri culp Marfisa fu azzaccà.

24.

Qualch cavalir di più curius, in st mezz
(Di cavalir a digh dalla part nostra),
Innanz s' ern ficcà, là dov in mezz
Tra un camp e qul' altr s feva la gran giostra,
Per n' essr d più lontan d' un mii e mezz;
I usservn la virtù del so, ch ben prostra
Quasi facilment i cavalir pagan:
Ma in san chi al s sia; i al cgnussn sol per cstan.

25.

Al fiol del re Truian, ch vist accustars
A poch a poch i nmigh sotta alla mura,
Per tutt i cas e i prigul, ch pascern dars,
E la città dov l' era fuas sicura,
Ordin al di ch prest i su duvians armars,
E fora uscir per far la so figura,
Tra quisti ai è Ruggir, ch gnanch era uscì,
Dalla gran furia d Marfisa impedi.

26.

Al zovn innamurà v' à sberlucchiand
Quell ch' intravgneva, travaià da amor,
Dla cara mrosa sempr dubitand,
Perchè al cgnusseva d Marfisa al valor.
E un po d pippon s' sintì in principi, quand
Al li vist correns contra cun furor;
Mo v' dend la cosa po cmod l' era andà,
Al s' algrò, mo ennfus e maravià.

27.

V' dend po ch la lit fra d lor n' era riusci
Cmod quelli innanz ern sta vist finir,
Purassà d' endr d lu a i arinchersi
Per pona ch qualch malipp pias intravgnir.
E d' una e d' l' altra al ben l' arè vlu li.
Ch' a gli amava tutt dou; mo ai è da dir
Da sti du amur, ch' un è passion e ardor,
Benevolenza qul' altr, e non amor.

28.

Lu vluntira sta lit arèv departì,
Quand cun tutt al so unor l' aviss pèssu farl.
Mo qui ch' in compagni sigh ern uscì
Perchè d sovra n' arastass al parti d Carl,
Za ch' ai par essr quest al mior parti.
I saltu in camp, e voln d cert dsturbarl.
Da qul' altra banda, i cavalir d cstan
Saltu innanz anca lor, e vin-n al man.

29.

All' arma! d za, dià All' arma! as sent zigar:
Za squas agn di i era sta tiridira.
Vada a cavall chi è a pi, tutt s' vadn a armar,
Ugnun s' ardua sotta a la bandira.
Da per tutt a s' sinteva el tromb sunar,
Fagand ann ai suldà schira per schira.
E cmod el tromb saltar fan a cavall.
Aqui fa armar i fant timpn e timball.

30.

Dri s' attacca una zuffa sanguinosa,
E l' ariusciss più d quell ch s' sre pèssu pinsar.
Mo d Rinald la surella valurosa,
Sta cosa i di molt ben da suspirar,
Perchè, cundutta da passion gelosa,
Marfisa l' arè vlu quel di annientar.
La s volta, guarda intorn, corr e gira
Sol per trovar Ruggir, che sol lu l' ha in mira.

31.

All' aquila la 'l cgnuss inarzinà
Ch' in camp azzurr al seud mostra sculpi.
E i su ucc, e 'l pinsir, dop attruvà,
Tin attint a usservarl aquai cumpi.
In t' i mot, aria, blezza e nubità
Ai par ch' al sia sempr più furni.
Tant ch, pinsand che Marfisa s' al gudias.
Affannà d' endr d li a st mod la diss:

32.

S donca qui bi labrin mi an poss basar,
Da un altra sran liberament basà?
Ah! vuia al cil, ch s' an s' ha da maridar
Cun mi, ch' au sia cun altra maridà.
Più tost che d rabbia e sola qui schiuppar.
A vgnarò tigh, pr essr da ti amazzà,
S' at perd a st mound, almanch la zo in t' l' infern
Chi sa ch' an staga tigh sempr in etern.

33.

St' i ti ch t m' ammaz, l' è pur dver e rason.
Per mi cunfort, ch' a sippa vindicà.
E i urdn tutt, tutti el cunstituzion
Voln ch l' ammazador sippa ammazà;
Mo s' an sen gnanch del par a sta rason.
Ch mi mora a tort, e ti t l' ha merità.
A farò murir mi chi vol ch' a mora,
Mo ti t vu far murir chi t' ama e adora.

34.

Perchè n' aviv da aver tant ardiment,
El mi man, del mi nmigh sparar al cor?
E questù, ch m' ha dà tant volt nuia e turment,
In pas i lassav goder al so teor?
Adess d torm la vita l' accunsent
Nè d mi 'l s' in dapias, sebben ch per lu mi mor.
Contra a st zaltron senz' anima anden da fort,
Cun la so vindicand el mi mill mort.

35.

La i sprona contra desendi aquesi: Mo prima
Guardt ben, briennazz, perfid Ruggir.
T'en purtarà del cert dl'unor in cima
Al cor d'una ragazza, al mi stanlir.
Ruggir, ndend sta vos, d sicur al stima
Ch la sippa Bradamant, sol a sintir
Qula vos, ch l'arè ognunss d sicur tra cent,
Tant l'al fissa in t l'urecchia, e più in la ment.

36.

Al s'immazina ben quell ch la vol dir
Cun qui discurs, e per cosa la l'accusa:
Ch la parola, ch'ai di, an la sav mantgnir,
Cmod fu al daccord; e, per far la so scusa,
Ai fi zegn ch'a gli aveva cvecl da dir.
Mo li, ch vin za cuu la visira chiusa,
Dal dutor spinta e vinta dalla rabbia,
Bruma d ficcarl là a mursgar la sabbia.

37.

Quand Ruggir la ved tant infughinti,
In t'gli arm al s'astrica e accomda in sella
La lanza dritta da una part sturzi
Per n'f far in t la panza una fenestrella:
E li, ch'i andava contra quei instizzi,
Dvintò manevla cm'è una taiadella:
E l'ann n'i bastò, quand la i fu avsin,
D dari fastidi guanch nn tantunin.

38.

A vod a sta manira i corm al lauz
In st'incontr, ch pareva quasi murtal;
E quel baron d'Amor in fa d'avanz
S'in t'al cor ai tambussa d colp ngnal.
Da za ch la 'n pesi qula fiola andar quasi innanz
D far a Ruggir, cmod pur la vlea, del mal,
La vultò contra ai nuigh al so furor,
Fagand del cos, ch'i eran d'etern unor.

39.

Squas in t'un punt la in mandò cent per terra
A battè al mesir cun la so lanza d'or;
E li sola quel di vinzi la guerra,
Li sola fi scappar l'esercit mor.
Ruggir, dop gran zirlar, addoss s'i assera,
E quant al po sott vos ai dis: A mor
S'an decorr qui vosch, mi cosa v'oa fatt
Ch'avadi da scappar? ascoltà: catt!

40.

Cmod, quand la primavera suppia al vent
Dalla part d mezzdi furios e cald,
A s defa la nev, e s cress sium e turrent,
Destruzzend al iazz, ch'in prima era quasi sald.
Aqui al pergar d Ruggir, e a quel lament
Al cor in pett dila sorella d Rinald,
Dov quasi dur al pareva, ustina e deptos,
Cm'è una manella d lana al s fi pastos.

41.

O ch la 'n vola, o ch la 'n pesi dari altra arsposta,
Mo per travers la sprona Rabican,
E dalla zent, quant più la po, la s dcoasta,
Zgnand a Ruggir in st mentr cun la man.
A seguitarla, in t'una vall arposta,
In dov l'andava li, d là poch luntan,
Ch'aveva in mezz nn bel buschetti piantà
D'ancipress, ch tutt a nn mod paren stampà.

42.

A i era propri in mezz a quel buschetti
D'alabastr una bella sepultura;
D chi la s fuss nnta in fond i era in ristrett
Al nom, per chi saverl aviss premura.
Mo la 'n sti Bradamant a cercar st pett,
Ne la s fermò per lezz la scrittura:
Ruggir pr'andari dri al cavall sprunò,
E in quel sit anca lu prest arrivò.

43.

Mo turnè da Marfisa, ch pina d'ira
A cavall in st fratttemp era muntà
Cun intenzion d'affrantar qula braghira
Ch dou o trei volt in terra l'ha ficcà.
La la tins d'oech, cm l'usci for dalla schira.
E ch Ruggir dlungh l'aveva seguità:
La 'n pinsò za ch'al fuss un tir d'Amor,
Mo per sfugar la stizza, e 'l gran furor.

44.

La stomba la so bistia, e s va alla dtesa.
E aquas in t l'istess temp sigh arrivò.
Quant la so campagni i arriuscias pesa
A lor, chi è innamorà sol dir al pò.
Più Bradamant per quest s'astimò nfessa
Quli a vedr, ch'è causa del mal so,
E quei s cunferma più in t'al so pinsir
Ch l'aviss fatta andar là l'amor d Ruggir.

45.

Sicchè traditor d nov Ruggir la chiama:
A ti an bastava, al mi bricon, la diss,
Ch'el ton bugà m'aviss cuntà la fama,
S't'en fev in mod ch'adess chiari a li vdies?
D scurdart d mi al to cor a cgnuss ch'al brama
Al to cor, attugà più d quell del biss.
A murirò st'em vu morta; mo uscir
D vita a farò chi brama 'l mi murir.

46.

Più inari d'una vipera, la s despica
Aquesi digand, e andò addoss a Marfisa:
La lanza d'or in t'al scud la i appicca,
E s l'arbalta, ch la n po resistr brisa.
La punta d'elm tutta in terra s ficcà,
E al n'è ch la sippa stà colta impruvisa,
Ch'anzi la fi tutt quell ch la pesi mai far;
Mo, a so dspett, bisugnò per terra andar.

47.

La surella d Rinald, ch vleva o murir
O accuppar la Marfisa, era quasi in furia,
Ch, senza star a pinsar altr ne a dir,
Cercand vendetta dla pretesa ingiuria,
Dal bust la testa pinsandi dpartir,
Truvands Marfisa d'bon parti in penuria,
La fiocò prest la lanza d'or da un là,
E s damuntò, cun la spada in man dsfudrà.

48.

Mo quai prest la 'n psai far, ch la 'n s'atruvass
Marfisa contra, tutta avvelenà,
Perchè la s vist un'altra volta abbass
Andar in terra quasi prest abbligà.
Niint zuvava ch Ruggir deiss o pergass,
Purassà per sta cosa siand dagnat:
L'odi in maniera tal la trasportò,
Ch da deprà cun Bradamant la s'attacò.

49.

A mezza spada el funn subitament,
Perchè l'ira un gran fugh aveva impres.
Za tant el s'ern avsin ch'in t'un mument
E l'nna e l'altra s'atruvonn al pres.
La spada, ch'era a lor d'impediment,
Lassonn andar, badand a gli altr uffes.
Ruggir diss e fi d tutt, mo sempr indarn,
Ch'an psai nessun frutt da tant su sforz cavar.

50.

Quand al vist ch'i su sforz niint i zuvava,
Al s provò per dpartirli immanent:
All'una e all'altra d man al pugnol cava,
E d'un cipress al pè ai mitt prestament.
E lor, ch fevn per gran rabbia la bava,
Prega, minazzia, e dis, mo vanament;
Ch lor tirn innanz la so contesa, e s fan
Ai calz e ai pugn, per n'aver altr in man.

51.

Or questa, or quella d'insem al dparties,
Quella pr'un brazz, questa pr'el man al tira:
E l'va dri tant, ch Marfisa s'instizziss,
E tutta contra d lu volta la spira.
Ne pora avend s'al mond contra l'aviss,
All'amicizia d prima più la 'n mira,
E, da qu'altra distaccands, la s tol la briga,
Tulend la spada, aver cun lu la triga.

52.

L'è da incivil, la i diss, e da villan,
Ruggir, la nostra lit a vler daturbar.
Sàt ch'at farò pintir mi cun sti man,
Anzi contra a tutt du a sro bona d star.
Ruggir, cun un parlar modest e uman,
Marfisa l'arev vlu paciscar:
Mo al l'atruvò quasi mal missa e inespirtà,
Ch' i più bi discurs, ch s'i fies, i ern struscià.

53.

Ruggir dsfudrò la spada finalment,
Ch'anca lu la pazinzia s' i forai.
Bradamant, a sti cos cun l'oech attent,
Oh quant la i av a car, quaut la gudi!
Ne i zugh, ch'in Roma s' fevn antigament,
Ne i pali o la porzina pinsan aqai,
Cmod fevn a Bradamant sti cos allora,
Ch' i fan la gelusi andar in malora.

54.

La tols donca la spada, ch'era in terra,
E a vedr st fatt la s'artirò da part.
Ruggir i pars allora al Dio dla guerra
Al valor, alla forza, ai culp, all'art.
A una furia infernal vgn su d sot terra
L'arvisava Marfisa, e qu'altr a Mart.
La verità fu ch'al zovn gaiard
Un gran pezz per Marfisa usò riguard.

55.

La virtù dla so spada ben cgnusseva,
Ch tant volt la prova za ai n'aveva fatt:
Perchè dov da per tutt quella cuieva
Per forza agn'incantesm andava dsfatt.
Un pezz, per n'i far mal, badà l'aveva;
Ne mai d punta tirà, mo sempr d piatt;
Mo in ultim, ch la cortai an ved niint zuvar,
Da una banda i riguard al lassò andar.

56.

Perchè Marfisa una percossa urrenda,
Per spaccari la testa in mezz, tirò:
Lu alzò l' scud pr'arparars da quela tremenda
Botta, e la furia sovra a quell s fermò;
L'armas iusturni al brazz in quela faccenda,
La testa l'incantà scud i salvò,
S fora degli arm del truian l'aveva,
Senza un brazz a quel colp cert l'armagneva.

57.

E la gnocca forsi anch la i arèv spzà,
Ch Marfisa a quella iust appunt mirava.
Ruggir quel brazz aveva quasi intrunà,
Ch l'aquila a mala pena al sustintava.
Per quest, i cumpliment al miss da un là;
Dalla bocca e dal nas fum al spirava;
Al tirò d punta cun quant fia l'aveva,
E guai s cun st colp a Marfisa al cuieva.

58.

An so ben dir emod la cosa suzzdiss:
La spada in t'un cipress s'andò a piantar,
Tant erni per quel bosch stà piantà fiss,
E un bon palm pr'al tronch lugh la s fi far.
Tutt al bosch per quel colp pars ch'al s muvies,
E per ben poch i stinn tutt d'en cascar:
Dop, dal deposit vins fora un vuson,
Gross e terribil, ch tutt udinn, cm'è un tron.

59.

Qula vos tremenda d'affermars i urdnò.
Dsendi: An stà ben ch' a stadi a litigar,
E manch insem; ch'an ev picchiadi d più.
Ch' i bun fradi sta cosa in han da far.
Ruggir, Marfisa, quell ch'av cuntarò
Cherdil pur, ch del busi an son per sfrappiar.
Tutt du a si stà da un padr angrar,
E gemi a si nad tutt du in t'un fìa.

60.

Al vostr padr fu Ruggir segond,
Gallaziella fu li ch'ev parturi.
I fradi d questa, dop aver dal mond
Livà cun preputenza so mari,
Senza abbadar ch l'aviss l'utr fecond
D vu du fradi, ch si dila so stirpa uscì,
La missa da per li, per farla angrar,
In t'una barca rotta in mezz al mar.

61.

Cun tutt ch la mamma dentr ev tgniss a cvert,
La sort, ch'a di fatt grand ev destinò,
Fì ch qula barca d'Africa in t'i dsert,
A cas, senza altra guida, s'accustò.
E, dop averv là parturi, 'd cert
A so ch, puvrina, in paradìs l'andò.
La providenza vols ch'am attruvass
Allora mi in quel lugh, e ch'av salvass.

62.

A di alla vostra mamma sepultura
Al miù ch'a sav e a pessì in qula spiza istessa.
E in t la so vesta vu arvultà cun cura
D' un mont in cima av mttì deut a una fessa
Ch'em servava da cà, e cun gran premura
A fì da un bosch uscir uua linessa
Ch'aveva parturi poch temp indrì,
E per vint mis av fì allattar da li.

63.

Un di, custrett da gran necessità,
A fu luntan dal mont sforzà d'andar.
E una banda arrivò d ladr disgrazià
(Forsi ben anch av in prissi arcudar)
Ch ti, Marfisa, i t rubbonn pr'essr in t la strà,
Mo Ruggir, ch fu più svelti, in psinn chiappar.
Al gran despiaser ch'a i àv an v'al poss dir,
E miora cura a cercò aver d Ruggir.

64.

Ruggir, s' Atlant, infina ch'al campò,
Av cura di fatt tu, t'al sà ben ti.
E perchè a vist ch'al to destin urduò
Al to murir, tra 'l zent battzà, tradi:
A farti star luntan, a procurò,
Tutt al pussibil pr'impedir a fì;
Mo n' pssend più contrastar alla to vuia,
Am tri in t'un lett, e po a mors dalla duia.

65.

Innanz però d murir, za ch'a prevdeva
Ch t'avev qui da cumbattr cun Marfisa,
Cun l'aiut d qui diavliitt, ai qual a pssava
Cmandar, a fì far qui st'arca grisa,
E s diss al barcarol Caront ch'an vleva,
Ch'al guidass l'anima mi all'infern brisa
Pr'innfin a taut ch'an fussi qui arrivà
Vu du fradi, per mnarv addoss da dsprà.

66.

Sicchè al mi spirit sotta a sta bell'ombra
È stà del temp parecch a aspttar ch'a vgnadi.
Vu, Bradauant, l'è 'l temp adess ch'es dsgombrà
La gelusi e d bon cor Ruggir a amadi.
Più duia nssuna donca al cor v'ingombra,
E in bona pas av pregh tutt ch'a vivadi.
Addì! an poss più star qui. E qui al s'acquò,
E ugnun d qui tri pin d maraveia arstò.

67.

Allora per surella l'arcgnussì
Ruggir Marfisa, e li per fradell là.
I s abbrazzonn insem, ne s n'uffidi
Bradamant, ne gelosa la fu più.
Qualch cosa i s'arcurdonn di passà di,
Cun del qntà da ragazz: què s diss, què fa...
Sempr più vgnand a somm la verità
Del cos, ch' i aveva al mugh Atlant cuntà.

68.

A Marfisa Ruggir dop anch cuntò
L' amor ben grand ch l'avea per Bradamant:
E, dop a quest, cun bell parlar mostrò
Averi degli ubbligazion ben tant.
Dal dir e chiaccarar al n'arfinò,
Per far ch'el s'appassun, infin a tant
Ch'an vist tra d' lor, in segn d'aver fatt pas,
Ch'el s'abbrazzassn e' l' dicsu più d'un bas.

69.

Da Marfisa a Ruggir fu anch dmandà
Chi era so padr, e d ch razza la so zent,
E cmod, e chi l'aviss anch ammazza,
Se armà in battaia oppur a tradiment?
Chi era stà qulor, ch'aveu l'ordn dà
D far so madr murir miserament?
Da tusetta sti cos s'udi l'aveva;
Adess d'ognuna ben a in surgneva.

70.

Ruggir emiuzò a cuntar che dai truias,
Da padr in fiol, da Ettor i ern zedù,
Quand so fiol Astiauatt scampò dal man
D'Uliss, ch'al vleva mort, quel becch curnù,
In t'al so lugh lassandì un so paisan,
Anzi un parent. Da Troia l'era vgnù,
Dop aver zirandlà per la marina,
In Sicilia, e patron al s' fì d' Messina.

71.

I su erod d là dal mar ern passà,
E una part dla Calabria i sgnurzonn.
D là, dop più successiun essr passà,
Alla bella città d Roma i andonn:
E ch'in Roma non sol, mo in altr là
Imperatur e re d qula cà emandonn,
Principiand da Custant e Constantin
Finn'al re Carl, ch'era fiol d Pipin.

72.

Da quisti uscì Ruggir e Zambaron,
Bov e Rambald, e po Ruggir segond:
E d quest a avi sintù quell ch'al sterion
Ha ditt, ch fi d nostra madr al sen fecond.
Al ben vivr di nustr, e l bon'azion
In t'i Real d Franza s lezzu not al mond.
Dop al cuntò al passagg del re Agulant,
Cun al re Almont, e al padr d'Agramant.

73.

Al re Almont una so fiola guidò
Sigh in t l'armada, bella e valurosa,
Ch'infinna i Paladin la dscavalcò:
Questa d Ruggir segond dvinò la mrosa,
E, pr'amor d quest, al padr abbandunò,
La s fi battzar, e s vols essr so sposa.
Bso po saver ch'al traditor Beltram
Per la cugnà d'amor al sinti l fiamm.

74.

Ch'al padr, i du fradi e la so città
Al tradi, lusingands d'averla li;
Ch Risa l'avers ai nmigh; e l crudeltà
Ch'al fi là dentr, e l gran bricennari.
Cmod Agulant e i fiù, priv d carità,
Giallaziella missan, ch'era d si
Mis gravda, in mezz al mar, senza nessun gvern,
Dentr a una barca, e s'era d mezz inveru.

75.

Marfisa steva cun alligra front
Queda queda a ascultar quell ch Ruggir dseva,
E d essr uscì da una quisi bella font,
Da parint aqusi nobil la gudeva.
La cà d Mongrana e quella d Chiaramout
Da sta razza procedr la cgnosseva,
Dou famei più d ricchezza e d nobiltà,
Fecondi d'omn ch eran semp Ludà.

76.

Mo quand po so fradell i arrivò a dir
Ch'al padr, al nonn e al barba d'Agramant
Ruggir a tradiment i finn murir,
E la muier suffers qui strascin tant,
La n'av pazinzia più d star a sintir,
E s diss, rumpendi al decors: Un gran furlant,
Cun vostra pas, a si, e s'avi un gran tort
A n far vendetta d vostr padr mort.

77.

S Truian e Almont an avi pesù ammazzar,
Za ch'i ern murt, pazinzia, an i pens tant!
Mo an v'avevi in t'i fiù da vendicar?
Per cosa, vivend vu, viv Agramant?
Sta maschra brutta an ev la pesi cavar:
A s tratta d dir ch, dop tant ultragg e tant,
Non sol an avi viu Agramant struzzar,
Mo in t la so cort a stà, tgnendv ben car.

78.

Mi a fagh ben vod al Sgnor, perchè adurar
A vui Gesù, cmod adurò mi padr,
St'armadura ch'a port d'en m vler depuiar
Fin ch'an ho vindicà al padr e la madr;
E adess e semp am vui d va lamarin
In fin ch'a sri d quel poch 'd bon tra l squadra,
O tra la zent d qualch altr re pagan,
Quand a so dann gli arm an avissi in man.

79.

Ch'a s'algrò Bradamant av so dir mi,
Quand l'av d Marfisa al rasunar sinti.
E s confurò Ruggir a far aqusi:
Oli ne sal ch'an stiss a mettri sù.
Ch l'andass pur dal re Carl, ch favuri
Al sre per cosa certa, e ben arzvi;
Ch'al nom d so padr in ment semp l'aveva,
E ch brav e valuros semp stà l'era.

80.

Allora cun prudenza arspoes Ruggir
Ch sta cosa qui tant prima avev da far:
Mo al n'aveva l'intrezz tutt sintù dir,
Cmod dop, tropp tard, al sinti po cuntar,
E d lassar Agramant s'al fa pinsir,
Ch la spada i avea cinta, questa i par
Cosa mal fatta, e al psevea traditor
Essr chiamà, s'al fiss murir quel sgnor.

81.

E, cmod l'aveva a Bradamant promiss,
Ai promiss anca li d tintar la strà
D far in manira ch l'uccasion nasciss
D tors da Agramant, cun al so unor, cumià.
Che, s'an l'aveva fatt innanz, la n diss
A lu la colpa, mo a quel desperpustà
D Mandricard, ch fi po nasser la question;
E li sà cmod l'andass in qu' l'uccasion.

82.

Li, ch l'aveva a lett fri agn di visità,
L'aveva sti cos visti ocularment.
Sovra a quest al fu ditt e arspoes asà
Da quel donn, cun del savi intendiment.
E, pr'ultima cunclusion, al fu accurdà
Ch'al turnass al bandir subitament.
Dal re Agramant, pr'infinna ch n'i suzzuliss
Bona scusa, ch'andar da Carl al pssies.

83.

Marfisa dseva: Lassal pr andar,
Nè avà pora de ngotta, o Bradamant.
Fra quattr di a sarò ben mi trovar
Al mod da torl 'd sotto al re Agramant.
La dseva aqusi, senza però mustrar
Quell ch la và mulinand; Ruggir intant,
Dop essers tolt bona licenzia, d spron
Di al cavall per turnar dal so patron.

84.

In t l istess temp un cert armor s'ndi
Ch fi tutt tri stari cun l'urecchia attenta.
I sentn ch l'è un esclam, ch viù d'oltra lì,
E s'i par una vos d donna ch s lamenta.
Mo adess al mi cantar a finiss qui,
Ch'andar innanz la Musa più en s'attenta,
Ch'al lament la tratтин; s'a turnari
Forsi del belli cos a sintiri.

FIN DEL CANT TRENTASI.

CANT TRENTASETT

ARGUMENT

*Un piangular, un zigar, un gran lament
Ruggir fa corr- a gamb, mrosa e surella.
E Ullania e'l donn trovn, ch'indecentment
Margarorr ascurtà i ha la stanella.
Allora is in van dlungn da qu'insulent.
Marfisa, tocca e dai, picchia e martella,
Margarorr grampla, e'l lezz la i fà mudar.
E un salt murtal Ullania a quest fà far.*

1.

Al nostr gran Ariost, a cap d ste Cant,
Al fà una sfilza d donn del temp passà,
Dandi d virtù, d prudenza, d forza al vant,
E ch da altr scrittor in stà esaltà.
Mo cun tutt quest, però, ch l'in cita tant,
Ch'un Duttur in farè una gran tira,
Mi ai ho 'l piusir d'en vier parlar d'enssuna,
Ch', in quant a mi, an in poss ludar gnanch una.

2.

Al mett dop questi in t'una lunga lista
Una massa d scrittor d più vari sort,
Ch cun i su scritt han miss a tutt in vista
O 'l belli azion, o l'unurata mort.
D'una qualch d'una forsi ch e srà provista
Dla penna d'qualch autor, o a dritt o a tort:
Che qustor han l'art d saver quist comparir,
Da ingamurdir chi scriv, ch'al ver cred dir.

3.

Ch'i scrittur fussen pin d scienza e d virtù,
Quest'an al negh ne mai al dengarò.
Perch' ai libb ch' i han scritt e lassà a nù
As ved dov arrivava al saver sò.
Am par anch un gran che ch' i avn savà
Scrivr pr' unor del donn, e mettr zò;
Ch la n'è miga una pera da mundar,
Dov an i n'è, trovar cvell da ludar.

4.

Forsi qualch d'una ai n'era dai su di:
Da allora in za, chi sà s'a in è più stà?
S'a i ho da dir al ver, in quant a mi
Nessuna da pesser ludar an n'ho trovà.
Tant d'nech el fan quand a s'i dis: Tuli:
Sordi pattochgi gli in s'ai daisi: Da.
E se gli ho da ludar? alla fè d nò:
Questa è una cosa d cert ch'an la farò!

5.

Gli in senza carità, senza decherzion:
A servirli al par ch l'om sipp ubbligà:
E, s'al n' i dà tutt el soddisfazion,
Ingrat i al disn, un suvr, un mal creà:
An i è dubbi ch'el s movn a cumpassion
S per causa so un qualch'un arstass dapiantà,
Perchè, quand più al n'ha ch dari, el serrn l'uss
S' anch Aristotl o pur Caton al fuss.

6.

Amighi el v stan finna ch'avi di zechin:
Fin ch'al vedn la sporta tutt va ben,
Ch'ai pagà 'l scuffi, el vest, i bi scarpin,
Per vu 'l mostrn bon cor aver in sen;
Mo, quand el vedn ch'an i è più quattrin,
L'amor se dsfuma, e s va tra nuvl e sreu:
E poch manch ch'el n'han scritt sovra alla porta:
Qui i entra sol chi porta sigh la sporta.

7.

Senza regall, e regall d conseguenza,
Esser curtesi en san, ne 'l san far cira:
E chi i andass una volta senza,
Dinanz all'uss el tirn la putira;
E-gli han un gran da far, e a st mod as cmenza
Per quel di an dar udienza, e qu'altra sira.
Dla roba so, non dla persona ingordi,
Ai lamint d qui puvritt gli in mutti e sordi.

8.

Salomon, quel gran re quai pin d sapienza,
Ch'i duuò al Sgnor in mod particular,
D'or e d zoi aqusi riech, d tanta putenza,
E ch saveva da giust tant ben gvernar,
El donn superbi cun la so insulenza
In t l'nlm al finn d'idulatri peccar,
E, in causa d qustor, an s sà per verità
Dop la mort s'al fuss salv o pur dannà.

9.

La virtù en val cun lor ne la sapienza
Ne al saver discorr-r in mod particular:
Per convinzrli, la lengua n'ha putenza,
Cun tutt ch'ai piassa tant d sintirs ludar;
Perchè in se stessi gli han tanta insulenza
D credr impossibil ch'el possen fallar:
E l'obblig d'aver da dir la verità
El l'han, per lor, pr'una pruposizion dannà.

10.

Sanson, ch'era un purtent iu t la furtezza,
Ch, per divertirs, i liun e i urs sbranò,
E, cun una mascella d'asn, in frezza
Un miar d nmigh nna volta l'accuppò,
Dallila al vist, c li i miss la cavezza;
Cun st dannu la so forza poch zuvò.
In t l'ultm, di sn nmigh la l di in t'el man,
Ch'al tins far di strascin cm'è nu'asn o un can.

11.

Douca cun lor an val gnanch la furtezza.
D più d'una a s sà ch'i su parint sbranò.
A savèn pur ch Medea, scappand in frezza,
Squartò al fradell, e po i fiù asfracasò.
Impossibil è d cert tgnirli in cavezza,
Poch al trattarli ben semp zuvò.
In ultm a s cgnuss ch'un legn arev al più bon
Rimedi, a tgnirli a segn e star in ton.

12.

Mi 'u cred ch'un vizi sol s possa cuntar
Ch'eu n'avu almanch addoss un stiatinott,
Per quant, del volt, am ava psu strulgar,
Cnnsidrand e pinsand al di e la nott.
Pigri, superbi as cgnuss, e as s'in po addar,
D'invidia pini, e d stizza an v'in fazz mott.
Cert altr cos ch'a so: a li vù taser,
Che gli in taut grossi, ch'en s cherdren da ver.

13.

Qualch d'un pre dir: An sevv andar zanzand
Contra del donn, e far qui st parlament.
Cosa importa sti chiaschr andar euntand?
Quest s po chiamar un ver insturiment.
Ti t'affadigh andar sti doi dscruvand,
Mo a pens ch n' i sia chi t vuia qui dar ment.
S'i n'en dan ment, au digh gnanch la busi;
Pur tropp l'è ver quell ch'è ho ditt indri.

14.

Gli in cos più chiari ch n'è del Sol la lus,
El s vedn cun i uech, s tocchn cun mau.
Del qntalat insunià qui mi an v tralus,
E d quelli ch s possa dir: Quà brisa eu stan.
E tutt qulor ch'han nu cicc diu rason l'us
Pr'un impustor in em cndannaran:
Anzi i diran che gli in tutt verità,
E ch d quell ch s pre dir an digh gnanch la mità.

15.

Dop tutt quest, chi i dà lod s'ha da trovar,
E chi cerca d cneccar la so amicitia?
Ch li dfend a spada tratta, e vol provar
Che gli in del mond l'amor e la delizia?
E chi s mitt iu t l'utrigli d vler sustintar
El son rason, anch contra la giustizia?
E chi tant inuenci ch loda i su vizi,
Ne l sou magagn vol cgnusser ne l malizi?

16.

A s'è dà chi pr'el donn pers al cervell,
E d qui ch s'in tgnu per savi e per prudint.
A s'è dà d qui ch per lor s furonn la pell,
O ch'ammazzar un altr in stimonn niint.
Chi la roba e l'unor mandò iu burdell:
Chi n'fi cont ne d travai ue d patimint.
Ai è anch adess ch li stima, s fida e ai cred,
E d'esser al so zuglin, da gonz, an ved.

17.

Per cuntintar el donn, e dari gust,
Ai n'è anch d qui ch d'agn'erba han fatt un fass.
Ai n'è ch pr'en stari a dar nuia ne disgust
S privn di su cuntint, d tutti i su spass.
Quant, ch per fari la cort el scarp han frust,
E po in ultm, puvrin, arrestn in ass,
E, dop ch'i han cusuunà temp e quattrin,
I s trovn aver iu mau un pugn d mussin.

18.

E chi trionfa? el donn. Lor in ben viù.
Lor han tutt el rason ch'es poun mai dir.
Chi n'el seguita e loda è u turliurù,
Un om d stucch, ch'en sà l'bell ne al bou capir.
Av digh anch questa, e po an v'in digh de più,
Ch l'è la mazor del plenti e ch fa sturdir:
Cmod s'el donn fassen iust tant deità,
Gli in d cumpliment e d supplich unurà.

19.

Oh! puvr omn, puvr omn, arduet a st segn,
Quell ch'è vergogna tor pr'un gran uor!
Chi v'ha l'intendr tolt, chi tolt l'inzeign,
Chi d tanta nubiità smurazà l splendor?
A ariess sovra l donn d'aver al regn;
Quest'è pur l'ordn del somm Creator.
L'om dev cmandar, e la douua ubbidir,
E pur tutt all'avversa al beo soffrir.

20.

Sta cosa i omn tutt la sau pur anch,
Mo tant e tant i covn l'ambizion
D servir el donn, e s lassen zo da franch
Pergjudicars in tutti el sou rason.
Del donn prudenti ai u'è quant i è mosch bianch.
Quant pur s'in daga mi n' so in qual canton.
S'a in fuss d questi, questi s pren ludar,
Mo mi an u'ho visti, e nssun m n'ha savù insgnar.

21.

Al pol esser ch'i in sippa ai nustr di,
E a dian ch'ai n'è stà pr'al temp passà:
S'al sippa vera o no, lassena li,
Ch'an vù far tort mai alla verità:
Quest'al so, d'en saver agn cosa mi,
E a god, s'ai n'è del degn d'esser ludà.
A dirò ben ch'l'è mi ferma npinion,
Ch sotto alla lod ai sia qualeh intenzion.

22.

E intant adess, ch'al stomgh an son vudà,
Ch'era tant pin che d'più an i in pœeva star,
A digh ch del so garzol faazz al filà
Tutt qui ch disn che d bubbl ai vù gunfiar.
Al mi parer è quest: s'nn dal so là
Vol far vedr ch'el donn s'han da lndar,
Bon pro i fazza, ch'al loda pur chi al vol,
Basta che in t'al ludar an diga fol.

23.

Per mi, a son un ranocch in riva a un foss,
E a pens cun al mi dir d'esser vgnu a nuia.
Al donn poch dann, poch util dar a poss,
Ne maltrattar tutti am sent la vnua.
Sebben ch'al par ch'ai ava tirà addoss,
Al ha sal in zuoca in bona part al toia.
E ch'al pensa, s'l'è un on ch'ava giudizi,
Ch'al po del donn damar anch tutti i vizi.

24.

Ma sti ptegelizz a lassaren da un là:
E chi vol ben al donn, s'al goda in pas.
Forsi, basta, chi sà ch'an sippa stà
La cansa d sta tirà, d tutt sti mi squas
L'avern ai mi di più d'una e d don provà:
E, trovandli imbutti d'istess bnnibas,
A gli ho missi in t'uu Fass. Turnèn intant
Dov m'aspetta Ruggir e Bradamant.

25.

Cmod a dseva, Ruggir za stava in att
D'andarsen vi, ch'al s'era licenzià,
E dall'albr al pugnai l'aveva tratt,
Ch'allora al n'i fu brisa contrastà;
Mo in quella, un piant, oh n'era luntan gran fatt,
Al fi inurechir, e arstar fort maravià;
E per cgnusser st lament per cossa al fms
L'andò in quel vers, e sigh quel donn cundusa.

26.

Andand innanz, più chiar s sint quel burdell,
E più accustands anch del zanzar s'intes.
Una valletta i trov, e trei duzell,
Far quel lament, e missi in mal arnes,
Ch'infina al bligul a i era stà 'l stanell
Taia da un briocunazz, furfant decurtes,
E lor, pr'en saver mi star arpiattà,
Dal gran russor el stavn zo agguffà.

27.

Cmod fi in t'i timp antigh al fiol d Vulcan,
Ch senz'altra madr in t la polvr nasci,
E Pallad fi arlivar dandl in t'el man
D'Aglaura, ch'al guardar tropp i nusi,
D serpent avend i pi: lu'n fu un baggian
Ch l'invintò la carrozza, e lu l'urdi
Per stari arpos, agnisi quell donn el stevn
Arnicchià, pr'en mustrar quel ch lor en vlevn.

28.

Un spettaquel quasi brutt, e quasi dnnest,
Fi vergugnar Marisa e Bra'amant,
Ch'a vedr un fatt quasi indegn e poch onest,
El dvintonn rossi, perchè ai dspiassi tant.
E quand questa i gnardò, la cgnussi prest
Una essr Ullania, quia signora vgnu tant
Miia d luntan, e in fin dià dal mar zlà,
Per portar al re Carl un imbasà.

29.

Quegli altr dou po l'accegnessi anea lor
Pr'averli insem tutt trei sempr attravà.
Mo li a quella s vultò ch'era mazor
Pr'intendr cmod fuss'at brutt negozi andà.
La i dimando, chi era stà quel traditor
D'un cor quasi dur, ver assassin da strà,
Ch'in t'un mod agnisi infam, contra natura,
I fa mustrar quell ch tutti d cruv han cura?

30.

Ullania, ch Bradamant prest accegnessi
All'insegna non sol, mo anch al parlar,
Per qu'istessa ch'aveva indri puch di
Cm'è stramazza qui tri re fatt arbaltar,
La diss ch'in cert castell poch luntan d li
Dia zent cattiva quant s possa mai dar
I avèn quasi i pagn, senza un perchè, ascurtià,
Dà del bott, cun di scherz brutt purassà.

31.

Al scud d'or l'au sà dov al s fms anlà,
Ne rebsa sà d qni re ch'ern cun li,
Ch l'avern per tant viazz accompagnà,
S'i in murt, andà person, o marcia vi.
In ultim diss ch la s'era missa in strà
Cun tutt ch'ai agrivass l'andar a pi
Cun anm d'appellars d sti tort a Carl,
Sperand st'affront ch'an vuia supportarli.

32.

Marisa, Bradamant e anch Ruggir,
Tutt tri pietus quant i in in forza valint.
Avn occasione quel donn da cumpatir
E dsappruvar tutt qui assassinamint.
Lassand da part tutt i altr su pinsir,
Senz'esser struffinà ne pergà nint,
Per vindicar i ultragg fatt a quia signora
Vers quel castell s'invionn allora allora.

33.

I s cavonn tutt e tri l' sovrvest
Spuntaniament, e senz' esser pergà,
Ch fenn propri bon per cruvr el part dsunest
D quel pòvr donn, ch chiamar s pсевн dsformà.
Ne gnanch vol Bradamant ch' Ullania al rest
A pi, turnand indri, fazzà dla strà;
Mo in groppa a Rabiegan la tols su:
l'na Marfisa, e Ruggir qu'altra lu.

34.

Ullania mostra, in groppa a Bradamant,
Pr' andar a quel castell la miora vi;
Questa i fa anm, e i prumitt altr tant
D vindicarla cun chi i fi villani.
I lassen al pian, e su pr'al mont intant
Van andagaud pr' una mal para vi,
E in fin ch' arspes al Sol en s fu in t'al mar
Semp'r andonn d lugh, en vlends brisa affermar.

35.

I truovonn un burghett a mezz dla schina
Del mont, e qui daccord i s' affermonn.
Truvand qui un bon allogg d stanzi e d cusina;
E mi, d quell ch' i s pinsavn i l' attruovonn.
Guardand intern, i vistu ch' era pina
Quant era lugh quela terra tutta d donn,
E zovni e vecchi e putti e maridà,
Mo di omn an s' in vdeva da nasun là.

36.

Quasi fort en s maraviò l' antigh Jason,
E i su campagn, ch' ern cun lu imbarcà,
A vedr dal son donn senza dscherzion
I fiù, i padr, i fradi tutt ammazzà,
D maniera tal, che pr' immaginazion
In qu' isola un sol om an i era arstà,
Cmod s maraviò quel zovni e al bon Ruggir
En vedr omn in quel lugh a cumparir.

37.

Quasi qui alla signora Ullania e al son dunzell
Marfisa, Bradamant e fi Ruggir
Qula sirà istessa pruvèd d stanell.
Ch, s' el n' ern ricchi, almanch cruveva al messir.
Ruggir, una d quel donn, ch' ai n' è un flazzell,
Chiamò da un là, ch la causa al vols, ndir
Perch sol del donn, e di omn en s vlads gnanch on,
E li i arspes a st mod: I mi patrùn,

38.

Sta cosa, ch maraviary fà tant vù,
Perchè tant donn, senza un strazz d om, a sen;
Bench' anch la z vigna un po in garet a nù,
Ch' in esili, puvrett, qui a vives,
E perchè al nostr sfratt z' annua d più
I padr, i fiù, i fradi, e i mari ch' aven
En sfurz a star da nù in separazion,
Quel becch e vi quasi cmanda del patròn.

39.

Dal sou terr, cinqu o si miia d luntan
A st lugh, dov a sen nù nadà e battà,
Quel dsgrazià z' ha mandà quei d straman.
Dop averz prima ben ben ingurià.
E nu, e i nustr mari, quel razza d can,
E d scova, e d corda, e d forcea al z' ha mnazzà;
S lor mai da nù i vgnaran, o pur s' al sà
Ch' anch pr' un minut i avann tolt in cà.

40.

An z vol per ngotta pià, più an z vol avsin.
Ne gnanch ch' al nostr nom sia prununzià.
Ne ch s' accosta a nù i nustr maridin,
Cmod sre propri s' a fussen tutti appetà.
Don volt è furi l' viol, ros e zeezin,
E i albr s' in del furi dou volt dsputà
Da dop ch l' è intrà in sta matta frenesi:
E chi l' armitta an i è in t la bona vi.

41.

I nustr han tanta pora d qula figura
Quant as po mai aver pora dla mort.
Ch' oltra all' esser cattiv, i ha la natura
Dà una forza tremenda, mo d che sort!
Zigantesca s po dir la so statura,
E da per in quant cent insem l' è fort.
Ne sulament cun nù al fa sti mattiri,
Mo purassà al fa piz al furastiri.

42.

S brisa brisa a fa cont del vostr unor,
E d sti trei ch' n' vi vosh in campagn,
Per vn al srà più sicur, util e mior,
Lassar questa, e trovar nn'altra vi.
Questa y guida al castell d quel traditor,
Dov a rzevri quel brutti villani,
Ch' a scora e daan d cavalir e d dunzell
Ha qu' infam stabili in t'al so castell.

43.

Marganuraza, ch l' è Marganorr chiamà
Qulà, ch' è pur tropp per nù al nostr patròn,
Ch supera d oert in far del cagnità
Massenzi, Diuclezian, Silla e Nerón;
Del sangu uman, e più del donn, l' è asdà
Ch n' è al lov al sangu d' agnell e del castron,
E a dir poch svergognà al fa decazzar
Tntt' el donn, ch' in quel lugh van a arrivar.

44.

Cmod Marganorr in quel furor intrass
Volen intèndr quel donn e al bon Ruggir.
E qula donna i pergonn ch la seguitass,
Anzi l' instoria intira d vleri dir.
Am par d intèndr ch' acqui la cminass:
Qulà, semp rusdgh, e poch bon cavalir,
Pr' un pezz al cor malign tins arpiattà
Ne al lassò aegnussr la so iniquità.

45.

In fin a tant ch' vivi du fù ch' l' aveva
Cun la zent al trattò diversament.
Lor vlevn ben ai farastir, e an s feva
Nessuna spurchizia, e nssun att insultent.
Qui la curtsi, qui al bon trattar fureva.
I bun custum, e 'l vivr unestament,
Ch' al padr, cou tutt ciò ch' al fuss avar,
Tutt quell ch' i vlevn sempr ai lassò far.

46.

I cavalir e 'l donn, ch' fevn sta vi,
Era quasi ben arcolt, e ben trattà,
Ch' i arstavn tutt ubbligà in t l' andar vi,
Di du fradè quant mai innamorà.
Za i arzvin l' ordn dla cavallari,
E ben d' sicur in lor l' era impiegà:
Cilindr un nom, Tamagr qu' altr' aveva:
Ugnan d' lor liberal un re pareva.

47.

I ern copp d' or davvero, es sren anch stà
In t' agn cosa dign d' lod e dign d' unor,
S' in s' fussen dentr in t la red inzampà
D quia furia o d quia passion ch' i i disn amor.
Questa fu causa ch' lor andonn zo d' strà,
E pr' al più brutt sintir s' invionn d' l' error,
E, quant i avevn d' bon in prima fatt,
Armasn l' erz e ammacchià in t' un tratt.

48.

Un di a cà so capitò un cavalir
Dla cort d' Constantinopl, e sigh l' aveva
Una sgnurina d' quei boni manir,
E bella tant, ch' un' altra ngual en s' vdeva.
Questa piassi a Cilindr tant, ch' murir
Ai arè pars d' sicura s' an l' aveva.
E da qu' ora ch' la fuss andà vi li
D' apparzar al pinsava cert i pi.

49.

E, perchè al supplicar n' arè zuvà,
Per forza l' appinsò d' vlerla rubar.
L' andò fora d' castell, d' tutt punt armà,
Standi alla posta, dov i han da passar.
Al gran amor e la temerità
Al fin d' st' impresa n' i lassò pinsar.
Quand al vist ch' al grech era poch luntan
A gli andò incontra ch' la lanza in man.

50.

Al s' pinsava al prim colp d' mandarl in terra,
E cun la donna in pas turnarsen indri.
Mo al cavalir, ch' era bon mestr d' guerra,
La lanza i di in t' al pett, ch' i uscì de dri.
L' andò la nova al padr là in t la terra,
Ch' al fi cun un candlett d' là portar vi:
Cun gran deprezion e piangulamint e sigh
Al fi supplir avsin ai aldr antigh.

51.

Per sta cosa però gnanch an cuntes
L' alloz ai cavalir, dam e dunzell,
Perchè Tamagr era altrtant curtes,
D' garb e civil, quant fuss stà so fradell.
Capitò in qu' ann istess d' luntan paies
Un sgnurazz cun la sposa a quel castell.
Lu in arm era valent, pront e gaiard.
Li bella fort per tutt quant i riguard.

52.

Quant bella, l' era unesta anch e graziosa.
E d' essr lodà degna verament.
Al cavalir d' una casà gloriosa
Era surti, ben fort, savi e prudent.
Al meritava cert quasi bella sposa
E d' pussedr una donna quasi eccellent.
Al cavalir Ulindr d' Lnnagavilla
L' aveva noin, e li sgnora Drusilla.

53.

A Tamagr altrtant questa piassi
Cmod so fradell fu d' qu' altra innamorà.
Mo la so degnazia vola ch' an i riuoi
Al dsegn, ch' in ment al s' era figurà.
Anch lu pinsò, e anca lu addizi
D' lassar da banda al giust e l' unestà,
Piuttoest che suppartur al gran brusor
Ch' i dava al cor quel briceunazz d' Amor.

54.

Mo perchè sotta ai uoch l' aveva al fatt
Success a so fradell, ch' era arstà mort,
Al pinsò d' torla in mod, e cun tal att.
Ch' en s' possiss Ulindr vindicar dal tort.
Fatt st' brutt pinsir, l' abbandonò in t' un tratt
Dla creanza, del giust, dla virtù al port,
Ch' al n' era miga mai stà lu un saltron
Cmod era 'l pa, ch' da burla gnanch fu bon.

55.

E, cun tutta la quiet, al fi la nott
Arcuiri da vint omni, o po i armò,
E fora del castell, sotta a cert grott
Dalla strà poch luntan, a gli arpiattò.
E a Ulindr, ch' cavalcava d' un bon trott,
L' aserò 'l pass, e la strà i intraverò.
Mo, ben ch' al s' difindiss per quant al pssì,
Pur la cunsort e la vita al perdi.

56.

Quand Ulindr fu mort, sigh al guidò
Drusilla, ch' era tant addularà,
Ch' a consularla nssun confort zuvò,
Ch' la dmandava la mort in carità:
E, per murir, da un gran balz la s' tri zò.
In t' al passari avsin ch' la fi per strà.
La 'n muri miga, mo la testa s' stìò,
E in vari sit del corp la s' anizò.

41

57.

In altr mod an psai farla portar
S n' in t' un scalett, tant eria pista e rotta.
Cun gran cura al cercò d farla medgar,
Ch' an vleva perdur una cosa quasi iotta.
In tutt quell temp ch la sti a psser arturnar,
Per far del belli nozz an lassò ngotta;
Ch' a una donna quasi rara e quasi graziosa
Altr nom dar an vleva che d so sposa.

58.

Altr Tanagr an cerca, altr più an brama,
D' altr an s' in cura, e d' altr mai an parla
Sn del tort ch' a gli ha fatt; in colpa al s chiama,
E s fa tutt quell ch' al po per suddisfarla.
Mo indarno è agn cosa, perchè, quant più al l' ama,
E quant più al s' affadiga per placarla,
Li l' odia altr tant più, e s fa i su pinsir
In tutt i mod, s la po, d farli murir.

59.

Mo furba, l' accognusseva e s vdeva ben
Ch la 'n pseva i su pinsir a fin mandar,
S n' a cuvar al segret ch la tin in sen,
Quand la vlesse a un sicur fin arrivar.
La mostra un anm tutt tranquill e sren,
Del mari la fa cont d' en s' arcurdar,
Anzi la mostra in tutt d' essr dultà,
E mattament d Tanagr innamurà.

60.

Fora la mostra d' essr tutta in pas,
Mo al cor cerca la strà da vendicars.
La pensa a più d' un mod: mo quest n' i pias,
A qu' altr la 'n sa s l' ava da attaccars.
Anch ch li avies da murir, al n' i fa cas:
Basta ch la possa al so magon s' fugar,
Appinsand d' en psser far più bella mort,
Che in t' al far la vendetta del cunsort.

61.

Tutta alligra la par, e in frezza mitt
In ordn quell ch' el nozz en fazzo asptar.
Tutt quell ch li pre impedir la 'n stima un pett,
Anzi agn cosa la cerca d superar.
La s fa po i rizz, la s dà dl' unt e biacca e blett,
E d fatt d' Ulindr essrs decurdà la par.
Mo sol li vre ch' es fies sti nozz, la dis,
A l' usanza ch' al s fevn ai su pais.

62.

Vera al n' era però ch' ai fuss qu' l' usanza
Al so paes, ch la vleva usservar li,
Mo la s l' era invintà e s' era una zanza,
Per mii psser al so deagn arrir la vi.
E d far murir Tanagr l' ha speranza,
Cmod lu Ulindr ammazzò. Cun sta busi,
Ciòè d spusars all' ns di su pais,
La cred d livars da dess mii tutt i pis.

63.

La diss: La vedva ch s torna a maridar,
Innanz ch la vada cun qu' altr mari,
L' anima del prim l' è in obbligh d suffragar
Cun del mess in quila cisa ch l' è suppli,
In remission d tutt quell ch l' ha da pagar
S l' aviss qualch tort, o s l' ha l' amor tradi,
E, quand l' uffizi e l' mess in terminà,
La vedva dal second mari è spusà.

64.

In quel mentr ch' i spus fan sta funzion,
Sovra a del vin, apposta preparà,
Al capplan ha da dir degli uraxion,
E dari una bendixon per st fin urdnà,
E al vuda in t' un biechir, d' in t' al piston,
Per dar da bev ai spus, st vin ammanvà,
Mo al biechir alla sposa purtar tocca
Dinanz al spos per metteri su la bocca.

65.

Tanagr en bada quant s possa impurtar
A far el nozz a l' usanza so d li,
Purchè st negozi s veda prest spiechiar.
Ai diss allora: Fà tutt quell ch' a vli.
Mo an cgnuss, puvrèt, ch li al vol propri cunzar,
E ch sol Ulindr a vindicar l' è dri.
E s' è tant in svezura per spusarla,
Che, fora d questa, d' altra cosa an parla.

66.

Drusilla sigh ha una vecchia propri tecchia,
Forsi la balia ch l' aveva arlivà:
La la chiamò, e s' i diss in t' un' urecchia,
In mod ch la 'n fu da nasun vista o ascoltà:
Quel vlen, ch' a savi far, prest s' apparecchia:
Po mttil in t' un piston d vin, mo s' furzà,
Ch' a dirla ai ho trovà la strà da torr
Dal mond al fiol quasi perfid d Margannorr.

67.

A so al mod ch tutt e dou az salvaren;
Più adasi un'altra volta av al dirò.
La vecchiazza in prima andò a ammanvar al vlen,
E cun quest preparà al palazz turnò.
D vin d Cipri, mii del Montpulcian ch' a bven,
Cun quel sugh una bozza l' attnegò,
Pr' al di d quel belli nozz mettend da un là,
Za ch tutt 'gli altr cos ern accumdà.

68.

Cverta d zoi, con i rizz e un bell mantò,
L' andò a la cisa al di ch' è stabili.
A quila cisa dov' era Ulindr sò,
In t' un' arca d bell marm, stà suppli.
Uffizi e Messa in musica s cautò,
Cun un cncors più grand ch mai ai mi di.
Margannorr tutt alligr là andò, e sigh
Al fiol, in cumpagni d parint e amigh.

69.

Tant quant fu fini d dar l'assoluzion,
E ch'av al prit bendi al vin attgnà,
In t'un biechir al vudd quel piston,
Cmod i aveva la sposa nova insgnà.
E li, perchè nperass sta branda d bon,
Pubblicament la in fi una gran trincà,
E po di al rest al spos gai e rident,
Ch'al tracannò s po dir in t'un mument.

70.

L'arres la tazza al prit, quand l'avi bvu,
E, vultands pr'abbrazzar la so Drusilla,
Questa en mostrò d'esser contenta più,
Più la n rideva, più n'era tranquilla.
Daptoea, la n'al lassò accustarsi lù,
Anzi, mandand dai uech fiamma e favilla,
Cun una vos, ch spargiù un gran terror:
Descostet da mi, la dias, brutt traditor!

71.

Pènsèt ch a sippa mi la Lena d Troia?
T'en m'ha gnanch abbastanza strascinà?
Tra poch t'ha da murir qui, la mi aneroial
L'è stà un tosch quell ch'adess t'ha tracannà.
Am despia sol d vedert murir per man d'un boia
Tropp unurat, e mort tropp dolza t fa:
Perchè an i è boia, o altr piz, ch sia bon,
Com t merit d fart murir, al mi guidon.

72.

Am despia anch ch'an pose vedr in sta mort qui
Un sagrifai fatà cmod era al dver,
Ch, s'a mi mod all'avies psèù far cumpì,
Nessun mancament al n'aveva da aver.
Mo a pregh ben a scusarm al mi mari,
E ch l'accetta al bon ann, perchè al n'esser
È stà quell ch m'ha impedi, cmod arev vlù,
D fart murir, zaltrunazz, da becch curnù.

73.

Mo quel castigh, ch a st mond an t'ho pesu dar,
Del mi pinsir in t la confurmità,
A sper ch t l'av in t l'infern da decantar.
Ch'al erà un gudiol a vedrt turmintà.
Ditt sti cos, l'alzò in su i uech a guardar
Cun fizza alligra, e cun el mau alzà,
Digand: Ulindr, azztà quell ch'av uffries
Per vendetta, e a n'arèv d più fatt s'a possies!

74.

Dmandà per mi la grazia al nostr Sgnor
Ch'a vigna a star in cil e vosch e sigh.
S'al deiss ch senza di merit ne valor
Lassù an s po andar, e vu deil ch'ai n'ho migh.
Perchè d st'infam, e vostr ammazador,
Al mond è libr, e al donn an srà d'intrigh:
Ch'an so qual più gran merit s possa dar
D quell ch'è sti zni da tutt al mond despianar.

75.

Digand aqusi, la fi Noia, santilina!
E da morta anch alligra la pareva
D'aver livà dal mond la gran arvina
Del so mari, ch'ammazzà quèi i aveva.
An so s prima Tanagr o qua agnurina
Figass i usvii, perchè ben an s'cognasseva.
Mo pur a pens ch'al muriss prima lu,
Perchè l'aveva più d Drusilla bvu.

76.

Marganorr, ch vist al fiol perdr al vigor,
E in t'el brazz al s'al tols smort e sbasi,
Fu anca lu per schiuppar dal gran dutor
Ch'all'impruvia la ment i imbazzurli.
Du fiù, ch l'aveva, morsn in t'al ver fior
Dla zuventà, e dou femn alluzzà li
Funn causa, una ch'al prim sgablò dal mond,
D propria man qu'altra ammazò al segond.

77.

Dulor, magon, amor, e rabbia e stizza,
Vua d murir e d vindicars a un tratt,
Quel padr adess, ch'è senza fiù, quasi attizza,
Ch'al fan propriament parer un matt.
Per vindicars d Drusilla, a li l'indrizza.
Ch'allora aveva dà iust l'ultim tratt.
Dall'odi spint, al dà in quasi mala rotta
D sfugars cun li, ch za più an s'inteva ngotta.

78.

In quel mod ch fa una bissa, quand la vin
Cun un baston in terra ben calcà:
O cmod tutt iustizzi fa un can mastin,
Quand una botta plenta i è tuocà:
Quella morsga al baston, ch stretta la tin,
Quest la zannetta, ch'ha l'viandant drutà:
Quasi Marganorr, d'un can più e d'un serpent
Arrabbà, fa contra quel corp ch'en sent.

79.

E, dop averl ben ben strafantà,
Per quest an s travò sazi o suddisfatt.
Contra a nu altr donn, ch z'ern artirà,
Alla spada miss man tutt in t'un tratt,
All'orba mnaend addoss senza pietà,
Senza guardar a chi, l'andò adaffatt,
E quasi prest al z bubblò, che za più d cent
Più o manch armagninn fri in t'un mument.

80.

Dal sou zent, dalla cort l'era tant tmù,
Ch'en s'arriaggò nessun d lor d'alzar la testa;
Cun l'altra zent a scapponna vi anca nù.
E chi psei scappar fora in cisa en resta.
Mo al gran furor fu finalment trattgnù,
Dai amigh e parint, cun forza uestà.
Tutti lassand su d sovra l'cos d'abbass,
I al guidonn in t la torr, ch'è deo del saas.

81.

Mo la gran tigna n' i siand za passà,
Al stabili tutti de dscazzars vi,
Dep averl i amigh più ch strapagà
D' aquadars, e ch' al n' usass la tirannì.
E quel di ietess al band fu publicà
Ch' az la battissn d là prest in s du pi.
E quest' è al lugh ch' al s di pr' ultin cunfin:
Mal guai s' andassn a quel castell avsin!

82.

Aqusi fu i spus dal sou muier deuni,
Quel funn i fù dal madr separà.
S' as arrisga qualch d' un d' arrivarr qui,
Ch' al guarda ch Marganorr n' sippa avvisà:
Perchè tutt qui, ch' s' in viu pruvà sti di
O a gli ha dà al forch, o pur ch' i han pagà
D' un quattrin, e una lezz l' ha fatta far
Al so castell, ch la più trista n' s po dar.

83.

Tutt el donn, ch' in t la vall in attruvà,
Ch la so defurtuna i in fa capitar,
Ch' el sippa, dis la lezz, subit scuvà,
E dop che gli avn subit vi da andar.
Mo prima al vol ch' i sia i pagu ascurtà,
E quei ch' el mosten quell ch s dev arpiattar.
E s quales d' una aviss s'igh di cavalir
Armà, senza dscherzion, ch' i avn a murir.

84.

Quelli ch' han s'igh di cavalir armà,
Al nostr nmigh, al nostr ver tiran,
Cmunda ch' i sippn al sepolor guidà
Di fù, e ai scanna cun el propri man.
Arm e cavall al tol; cna crudeltà
Altr volt fa murir qui ch s'igh 'gli han.
E al le po far, perchè l' è circondà
E d nott e d di da più d mill omn armà.

85.

Av vni anch questa per l' ultima cuntar:
S per grasia dal sou man qualch d' un in scampa,
Al vol ch' al zura, innanz d lassarl andar,
D' aver in urta el donn pr' infin ch' al campa.
S vu donca cun sti donn av vli arvinar,
Andà pur là dov quel galiott s' accampa:
Ch l' esperienza ev farà vedr la prova
S' in lu più crudeltà o forza s' attrova.

86.

Per sti chiacchr Marfisa e Bradamant
S muvian a compassion, e pr' al gran sdegn.
E s quant ai era d nott, fuss altr tant
Stà del di, el sren andà al castell d qu' indegn.
La bella cumpaguri s pusò fin tant
Ch' uscì d' orient, l' aurora al solit segn
Ft, ch' avsinands al Sol, scappass el strell,
Lor s' armonn, e s saltonn prest in t' el sell.

87.

Mo, quand i funn in t l' att propri d partir,
I ndinn un gran armor dedri dal spall,
Cun un gran pedgament, e l' nostr Ruggir
S volta e quel donn, e s guardn zo in t la vall.
E, da lor luntanott quant è du tir
D sass, i vedn dila sent a pi e a cavall,
Ch' ern, a cuntari, in circa una vintioa,
Ben armà, e ngnun s' astudia e cammina.

88.

A cavall s'igh i cunduseva qulor
Una donna, ch' innanz era in t l' età.
La pareva un bandi, o un quales malfattor
Al forch, alla manara o al fugh guidà.
In quel po d luntanza, e tra qu' armor,
All' aria, ai pagu, fu subit arvisà
Da quel donn cundannà a star li in quila villa
Esser la balia dila morta Drusilla.

89.

A digh quila vecchia, ch fu chiappà cun li,
Cmod za av diss, dal traditor Tanagr:
Ch' av l' incumbenza po d mettr alla vi
Quel vien, ch' a far l' effett n' andò tant agr.
In cisa li n' i vols far cumpagni,
Acognussend ch l' era quell un lugh tropp magr:
Anzi fora d paies la s l' era fatta,
Cercand d salvars, e in quest la n' era matta.

90.

Da li a poch temp Marganorr fu avvisà.
Ch' in Utrecht sana e salva s' era arduata.
E questà, ch l' aveva da per tutt cercà
Pr' averla, e far la so vendetta tutta,
Al tintò tutt el vù, ch la i fuss cugnà,
E finalment, dall' avarizia brutta
Tirà, quel signor, ch l' aveva appressa d lù,
A Marganorr l' aveva po vindù.

91.

Ligà finn' a Costanza in t' un sumer
Al la mandò, cmod s farè un sacch d mundi;
In mod ligà, ch la n' passava gnanch parlar
Cun qui ch la cunduseva: oh ch tirannù!
E sta puvretta in st mod fì po cunsagnar
Ai ministr d quel razza d becch e vi,
Ch' i la guidavn a lu cun l' intenzion
Ch s'igh la stizza sfuggass al so patron.

92.

Cmod fa l' fium Po, ch zo da un altèssim mont,
Dov l' ha principi, abbas in furia vin,
E quant più al corr, tant più l' alza la front
Per l' Ambra ch' i entra dentr, e po al Tesin,
E l' Adda, e altr tant fium: fa un vostr cont,
Ch' a udìr gl' iniquità d quel bon zaquin,
In Ruggir, in Marfisa, e in Bradamant
La vuia cress d castigarl altr tant.

93.

Tant'odi, tanta stizza, e mala vuia
I saltò in ment a udì sti brutti azion,
Che d'castigarli, a despett anch d'quant s'vuia
Zent ch' l'ava s'gh, i finn la conclusion.
Mo prima ch' dal so là la mort l'arcuia,
D'farli stinter nn pezz i han intenzion:
Perchè, a farli murir tutt in un tratt,
La n'è mort da far far a un om quasi fatt.

94.

Prima ai par mii qula vecchia liberar,
Innanz ch' dai sbirr la sippa a mort scurtà.
Cun al spron ai cavall i dinn l'andar,
Ch'in t'un mument indri lassonn la strà.
Tutt tri d'accord tra l'guardi andonn a urtar,
Ch'un tal inzamp mai s'eren pinsà.
I avn d'grazia d'lassar arm e bagai,
Cun la vecchia, scappand, ne vultand mai.

95.

Cmod fa al lev, ch'ha rubà pigura o castron,
E alla tana s'in va allig e content,
S l'attrova al cazzador in t'un macchion
Stari alla posta, cun i can, attent,
Al lassa andar a un tratt quel quasi bon boccon
E s'cerca d'arpiattars subitament,
Qui sbirr en funn manch pigr a scappar
Quant prest qui altr andari ad assaltar.

96.

Nun sol gli arm e la vecchia là i lassonn,
Mo di cavall i abbandonn parico.
Zo dal riv e dai balz prest i saltonn
Senza badar a spruch, spin o cavico.
D sta cosa av gust Ruggir, e quel sou donn,
Ch' i tolen tri cavall d'qui ch'ern spico,
Perch' s'in serriss quel donn, ch'al di passà
I su cavall avevn affadigà.

97.

Dop po, qula terra ugnun d'lor abbandona,
Vers Marganorr andand senz'altr intrigh.
Perch' vindicà la veda la patrona,
I voln ch'anch la vecchia vaga s'gh.
Lì, s'purosa a andar là, la 'n fu minchiona,
Es diss: Mi no, ch'an vui vgnir: e s' tri di zigh.
Mo per forza Ruggir s'la livò in groppa
Dal so Fruntin, e vi cun lu galoppa.

98.

I arrivonn finalment dov s'vdeva a bass
Al borgh ben fabbricà, pupulà e groes:
Da nessuna part aserà al n'aveva i pass,
Senza murai d'attorn e senza fossa.
Al era propri in mezz, tant fatt, un saas,
Ch'aveva una gran rocca forta addoss;
Lì i steva Marganorr cun lo so zent;
E là andonn, senz'aver ombra d'spavent.

99.

Intrà dentr in quel sit, el sintioell,
Ch'a far la guardia al lugh en appustà,
In t'un mument i aseronn dedri al rastell,
Ne gnanch an s'peseva uscir da quel'altr là.
L'arrivò Marganorr cun un drappell
D'zent a cavall e a pi, tutt quant armà,
Ch'in poch parol, mo cun molta arragganza,
Del so paes i fi saver l'nsanza.

100.

Marfisa aveva za cun Bradamant
E Ruggir, prima, al so d'accord tirà.
Senz'arspondr, la corr da qu'arrugant,
E, cun qula forza ch' l'ha quasi desperustà,
Senza arbassar la lanza, e senza tant
Desfrudar la spada, za in tant cas provà,
Ch' in testa la i di un pugn quasi pattafir
Ch' d'in sella in terra la l' fi instramentir.

101.

In t' l'istess temp, la nvoda del Re d'Franza
Sprunò al cavall, ne armas Ruggir indri,
Mo al cors cun tanta forza la so lanza
Ch'al n'insfilò un dri altr infinna sì.
Al prim al l'è furò in mezz alla panza,
Du in t'al pett, un in t'al coll, un pr' i cavi:
In quell di sì, ch' scappava, la s' rumpì,
Per la schina l' intrò, pr' al bligul uscì.

102.

Tutt qui ch' tucceva la fiola d'Amor
Cun la so lanza d'or andavn in terra.
La par al fulmin, ch' s' ved innanz al tron,
Ch' tutt quell' ch' al trova spezza e manda in terra.
La zent degombra: chi va zo pr'al vallon,
Chi vers la rocca, e chi dentr s' assera
O in t'el cis, o in t'el cà, confus e smort,
Ne in piazza i arstò nessun, fora d'chi è mort.

103.

Marfisa aveva Marganorr ligà,
In st' mument, cun el man d' dri dalla schina,
E alla balia d' Drasilla po cunegnà;
Ch' mostrava aver sta cosa propri a strina.
D' dar al fugh a quel borgh l'ha cunsidrà,
E mandarl a pian fond tutt in arvina,
E quei gli usanz, cattivi cavar vi,
E ch' la zent tgniss quelli ch' la i dava lì.

104.

A uttgir sta cosa an i vols gran fadiga,
Perchè quel popl anch gran timor aveva
Avend cgnassù ch' per niint qu' n' s' metteva in briga.
Ch' ammazzar tutt, e al borgh brusar la deeva.
La ment d' ugnun a Marganorr è n'miga,
E la lezz contra el donn fort i dispisava,
Sebben ch' tutt fevn cmod i più za fan,
D' ubbidir sfurzament chi in odi i han.

105.

Mo, perchè in s'pessern l'un d'altr fidar,
Nessun mostrava averi in odi o a noia,
A veder anch quell bandir, qu'altr ammazzar,
O tor la roba, o quell ch'i vgneva vuia.
Mo al per d'entir s'udeva in zil cridar
Dinanz al Signor, ch'pri nustr peccà s'annua,
E quant più al stà i cattiv a castigar,
Tant più pes al castigh al sol mandar.

106.

Quand un dis: Dà a quel cau, tutt i in addoss,
An i è più lugh per lu da psser scappar:
Perdr bisò la pell, la carn e gli oss
Quand la dsfurtuna v'ha tolt a sbacchar.
Quai Marganorr, ch'adess è andà in t'un foss,
Fà veder ch fin adess al s pol aspttar.
Un ch fazza mal, tutt godn ch'al castigh
I daga addoss, grand e pzin, amigh e nmigh.

107.

Quaut' i n'era che quì i avea aminazzà
La madr, la muier, fioli o surell,
Mostrn l'odi secret ch'i i han purtà,
E pr'accuparl i i van tutt alla pell.
Cun gran fadiga al fu dfes e salvà
Dal bon Ruggir e da quel dou dunzell,
Ch'avevn fatt pinsir d'ardurl al fin
A forza d patimint, d bott, e d strascin.

108.

A quia vecchia, ch più d tutt l'udiava, quant
Possa una femna udiar mai al so nmigh,
In t'el man i al cunsognon, mo ligà tant
Ch'an s'pseva pr'enssun mod torr d'in qu'intrigh.
E li, per vindicars del so gran piant,
La dava in t la pell d quì furutt e pzigh
Cuu un stombl, mo aguzz, ch'un cert villan
A caa, passandi avsin, ai miss in man.

109.

Ullania e l sou dunzell, ch s'arcurdaran.
Per fin ch'el campn, al gran affront aravù,
Adess anca lor brisa s tin-n el man,
Ne manch dia balia lor t m'al paru sù;
A turmintarl tant d'attorn el s dan,
Ch'ai manca el forz, e'n san cosa s far d più.
Una l morsga, una l punz, una i cavi
I strappa, e chi di calz i dà dedri.

110.

Cuod fa uu turrent, quand è piovè e piovè,
O quand al mes d Avril la nev se defa,
Cuu gran armor al vin al bass d'in sù
E gonfi dspianta i bosch, i camp e l cà:
Al vin po al temp d'estad, ch d l'acqua an n'ha più,
Ch'ai cala al gran argui e quiet al rà
In mod, ch'anch una donna, un vecch, un putt,
Senza bagnars, al passn da per tutt:

111.

Quai Marganorr, ch poch fà feva termar
Cun al so nom intorn quel vsià,
Adess è vgnù chi a stecch al fa ben star.
E, cuu l'argui, la forza i ha dumà.
Adess finna i tussit al ponn tunfar,
Plari la barba e trari del sassa.
Ruggir e l sou cumpagni intant dal base
Vau vers la rocca, ch'era deo del sase.

112.

Senza contrast ai la cunsegn in t'al man
Quell ch'in cura l'aveva e i ricch arnis,
Di qual part andò a sacch, part in t'el man
D'Ullania, e part di altr cumpagn uffis.
Indri vins al seud d'or, ch'al brutt tiran
I aveva tolt, e i re ch d luntan pais
Ern vgnù cun Ullania accompagnà,
Ch'i capitonn tra l man a pi e dsarmà.

113.

Da quel di ch'i suzess quia disgrazia strania
D'esser avversà da Bradamant, andà
A pi sempr ern in cumpagni d'Ullania,
Ch'in Franza quì d luntan era arrivà.
O mi, o piz per lor, an so sta tania
S fusa: a so ben ch s'allora i eru armà,
Quand i arrivonu, forsi i l'avevn dfesa:
Mo guai per li s l'andava mal l'impresa!

114.

An i era per li nessuna redenzion,
Perchè, avend sigh armà quì cavalir,
E po ch'i arstasen d sotto, quel baron
La feva all'area di su fù murir:
Sicchè l'è pur manch mal, in t l'occasion.
Dia mort in scambi, uu po d russor soffrir.
Che l vergogn tutti, e tutt el ciacch smorza
Un ch possa dir: Quest m'è stà fatt per forza.

115.

Prima d'andar, Marfisa e Bradamant
Tutt i paisan chiamonn a zurement
Ch'in cmandass mai più, ne poch ue tant,
Mo d'agn cosa arè l douu l'ardurament.
S'a contrastar qualch d'un fues arrogant.
Un castigh l'arè avù tamugn e plent.
In somma, quell ch fa i omn fora d li,
Ch'al l'ava l donn da far fu stabili.

116.

Anch prometter e zurar el finn tutt qui.
Da li inanz, ch'in quel lugh sren capità,
Fussun sent a cavall o ver sia a pi,
In i avn pr nessun cont brisa alluzzà,
Quand in zuravn, senza altr bacci.
O per la dondla, o pr'al capuzz di frà,
Ch sempr e po sempr sren del donn amigh.
E d qui ch'udiavn el donn su murtal nmigh.

117.

E tutt qui ch'han muier, o ch la turan,
Stagh luntan dal far di guazzabui,
E ubbidient e suggestt ch lor sempr i eran,
E ch ben i i cavaràn anch tutt el vui.
Marfisa i assicura ch s'i n'al fan
(Siccom la torna innanz al mes 'd Lui),
Ch la i arè dà 'l pan pan, e una stergia,
Se mudà sti sou lezz l'aviss trovà.

118.

E po da qu'arca, in dov l'era supplì,
Gli oss dla povra Drusilla 'l finn cavar,
E metterli cun quelli d so mari,
Cun qui urnamint, ch'in frezza s'i pès far.
La balia en fi mai altr, tutt quel di,
Ch Marganorr cun al stombi sfuracchiar,
E d'aver poca forza la s' duleva
Per n'al psser sagattar quasi cmod la vleva.

119.

Bradamant e Marfisa avsin a un tempi
Una culona vistn in t la gran piazza
In dov i aveva tutta qu'umazz empì
Fatta scriv la lezz brutta e purlazz.
Lor, accundandla d'un trionf a esempi,
Al scud finn attaccar e la curazza
Usà da Marganorr, e po nutar
La nova lezz, che quila zent ha da usservar.

120.

Tutt tri in quel sit tant temp i s'affermonn
Quant i in vols per la lezz tutta nutar,
Tant cuntraria alla prima, ch feva el donn
Quasi bruttament murir o svergognar.
Ullania, i re e i cumpagn tutt là i lassonn,
Ch la 'n pscava in cumpagn cun lor andar,
Perchè la s vleva d nov in prima vstir,
E fars i rizz, in cort per cumparir.

121.

In quel lugh donca la s vols affermar,
Cun Marganorr in t'el sou man person.
E in fin, perchè an s'aviss mai da deligar,
Ne al donn più dar fistidi o sudizion,
Un di dall'alta torr la 'l fi salter,
A testa bassa, zo da un gran fenestron.
Lu furni aquisi, e più an v cantarò d li,
Mo d qui ch s'in miss vers Arles d cumpagnì.

122.

Ruggir donca, Marfisa e Bradamant
Tutt quel di, e d qu'altr un pezz in cumpagnì
Insem andonn chiaquoland, in finna a tant
Ch'i arrivonn dov s'parteva in dou la strà.
Una al camp, qu'altra in Arles vè, e i amant,
Dop essers ott o dis volt abbrazza,
Finn el dsparrenzi: lu andò da Agramant,
Quelli da Carl, e mi am arpos intant.

FIN DEL CANT TRENTASETT.

CANT TRENTOTT

ARGUMENT

*Torna in Arles Ruggir. Cun Bradamant
A Carl vè Marfisa, e quì s fa cstiana.
L' Evangelista e Astolf lassn i lugh sant:
Quest al Senap torna, e la vista arsana.
L'esercit guida in t'al regn d'Agramant
Mo quest, ch'ha la so terra tant luntana,
S'accorda cun al re Carl d'finir
La guerra, cun al mess d du cavalir.*

1.

O cari donn, quì pr'ascularm ardutti
Per vostra grazia, e per vostra buntà,
Donn zovn e belli, donn antighi e brutti,
Sposi curtesi e vedvi innamorà,
Donn povri e ricchi, e vu graziosi putti,
A so tutti cun mi ch'a sri dsgustà,
Perchè ai ho bacciaia tant e po tant
Contra d vu, in t'al principi d qu'altr cant.

2.

Quant a poss a son pront quì a dmandary scusa
E perdunanza d quell ch'ai ho ditt mal:
Ch'al fu causa una lispa ch'em fi 'l fusa,
E la m lassò pr'un pezz l'arcord e 'l signal.
Squas pr'al dulo a son andà in t la busa,
Tant m'ala trattà mal sta signora tal.
Mo mi dann! s'abbadà aviss ai fatt mi,
Quasi fort an sre stà minchiunà da li.

3.

A dir al ver, allora am son sfugà,
E a sent ch'al m'ha zurà propriament.
Vudandm al stombh, am s'è al cor aslargà
E al par ch'em s sippa anch aschiari la ment.
A so ben pr'altr ch mal am son purtà
Dscurrend in general quai malament:
Quand una sola è quella, ch m'ha tradi,
Tutti an v'aveva da trattar aquisi. —

4.

Per la fiola d'Amon a pens d sicura
Ch'a siadi d mala vuia cun Ruggir,
Ch la lassò, per turnar d'Arles tra 'l mura.
Squas ch la parola dà 'n vuia mantgnir.
Sebben ch d spusarla al n'ava fatt scrittura,
Quand al sippa om d'unor, an s'ha da dsdir:
Quell ch l'ha promiss a sper ch 'l usservarà,
E una pronta uccasion al cercarà.

5.

Perdunai pur, perchè in ubbligazion
L'è d star cun Agramant un poch pr'adess,
Ne cun so unor ai po al ball del pianton
Far, senza tirars d'ri un dsunor espress.
S' Almont i mandò al padr in pavaion,
Agramant en n'ha colpa, e l'è indefess
A far tutt quell ch'al po per fari unor,
E decanzlar dal so là, s'ai fuss, l'error.

6.

Sicchè Ruggir allora al fi al so dver
Turnand dal re Agramant, e li anca li
F'i ben lassandl andar, anch pr'en parer
La causa ch'al mancass alla curtail.
In altr temp Ruggir trovarà passer,
S' adess an po, d suddisfarla anca li,
Che chi manca al so unor sol pr'un mument
Mai più an s'arfa, campand di ann più d cent.

7.

Lu in Arles vè, dov Agramant aspetta
La so zent, avanzà cun gran mestizia.
Marfisa e Bradamant, ch'insem han stretta,
Pr'amor d Ruggir, una vera amicizia,
Van dal re Carl, ch'ordna subit ch s metta
In ordn tutt i corp d'la so milizia,
Per vedr s cun battaia o lungi assedi
Al po cavar d'in franza un quai gran tedi.

8.

Bradamant in t'un atm fu agnussù,
E tutt i andonn incontra a fari festa.
Chi la saluta, e chi i dà la ben vgnù,
Li quell ringrazia e a quest china la testa.
Quand av Rinald al so arrivar savù,
Agli andò incontra, e Rizzardett n'arresta,
Rizzard, Guizzard, e tutta la so zent
I fan cira, e s l'arcuin alligrament.

9.

E quand li i fi capir ch la so compagna
Era Marfisa, in arm quai famosa,
Che dal regn del Cattai finna alla Spagna
Per tant vittori pseva andar pumposa,
Dal tend tutt vgneva fora alla campagna.
Per vuia d veder donna quai gloriosa
Accompagnà cun Bradamant, ch la strà
Dalla gran calca era tutta ingumbrà.

10.

Gli andonn tutt dou a Carl a presentars:
Questa è la prima volta, scriv Turpin,
Ch madam Marfisa fu vista innucchiars.
Ch'a li degn ai pars sol al fiol d Pipin
S'aviss a quela manira da unurars
Tra tutt qui sgnori, che tra i sarazin
L'ha vist, o pur tra i estian, imperatur,
Munarca, e re pin d ricchezza e d'unur.

11.

Tutt affabil, al re l'andò a incurtrar,
Per fari unor, fora del padighion.
A sedr al vols ch la i andass all'impar
Sovra a tutt i altr princip e barun.
Tutta la zent i finn al tend turnar,
Ne là i armas s n'i principal sgnuran,
Re, marchia, duca, cunt e paladin,
I altr sbrancà, tambur e suldadin.

12.

Marfisa cun bell garb eminzò a parlar,
Digand: Famos, glurios, magnanm sgnor,
Ch da un co all'altr del mond a fa indar
Al vostr nom eccels, e degn d'unor,
E s fa la santa Cros anch adurar,
Ne in savienza e in giustizia avi un mazor.
La vostra fama, sparsa da per tutt,
Fin qui m'ha fatta vgnir d'in Calicutt.

13.

Per dirv al ver, l'invidia sulament
M'aveva mossa in guerra contra d vù,
Perchè an i fuss un re al mond quai putent
Ch'en tgniss quela lezz, ch da pzina m'è stà imbvù.
Per quest ai ho fatt tant ammazzament
Di puvr catian, e s n'arè anch fatt d più,
E in sempitern a ere sta vostra nmiga
S'un cas curios n'arm seva vostra amiga.

14.

Quand a pinsava d nuer al vostr squadr,
A trov, cmod av dirò s'am stà a ascultar,
A trov, digh, ch Ruggir d Risa fu mi padr,
Ch'a tort dai su fradi fu fatt sgabiar.
E cun gran stent quela puvrina d mi madr
A parturim andò fin dià dal mar.
Finna ai sett ann da un magh a fu arlivà,
E dop da di Arab ladr a fu rubà.

15.

Al re d Persia i ladrun m'andonn a vendr,
E quest, quand a fu granda, a l'ammazzò,
Perchè d vliem sfurzar al s lassò intendr,
E i su curtsan cun lu sigh a mandò.
Tutt'al so parintà po a arduss in cendr,
A tols al regn per mi, e s'em secundò
La furtua in manira, che, in t'i dedott
Ann, aveva di rign da sett o ott.

16.

Cmod ai ho ditt, aveva stabili,
Sintendm pin al goas del vostr unor,
D'essrv contraria, e forsi ai ere riusci
D mettrv al bass, o forsi a feva error.
Ma da qui innanz la n'andarà più aquei:
Da una banda ai ho tratt tutt al furor,
Perchè ai ho intes, quand a son quì arrivà,
Ch'a sen insem uni cun parintà.

17.

E emod mi padr fu vostr parent
E servitor, d mi pur fà l'istess cont.
Qu' l' invidia ch' av aveva, e quel putent
Odi contra, a m' al discord e al mand a mont.
Anzi contra Agramant infughi an sent,
E contra tutt' al parintà d' Almont,
E contra anch tutt quant qui, ch s' dinn mala cura
D mandarm al pa e la mamma in sepultura.

18.

La seguitò po dsend viera estiana far,
E, dop aver Agramant ammazzà,
S Carl i deva licenzia, d vler tuuar
A convertir i suddit su aquistà.
La s zleva anch contra qui rign armar
Dov Macumett busadr era unurà,
Cun promessa zurà ch tutt i su aquist
Fussn dl' imperi e dla fed d Gesù Crist.

19.

Mo Carl, ch n'era manch brav parlador
D quell ch' al s fuss valuros, savi e prudent,
A Marfisa l' arpos cun bell tenor,
Ludandla li, so padr e la so zent.
A tutt i punt l' arpos quì ben quel signor,
Ch' al mustrò al so saver chiar e patent.
In ultm di ultm ai diess sta gran parola,
Ch per parenta al l' azzava e d più per fiola.

20.

Novament al s livò in pi, e s l' abbrazzò.
Basandla in front cun amor e curtsi.
Mungrana tutta e Chiaramont s' algrò,
Chi diess: Servitor su, e bondisgnuri.
Rinald particulament po la ludò,
Perchè ai suvign d' esser za stà cun li
All' assedi d' Albracca, e lu saveva
Per prova quant in arm la valeva.

21.

A sre lung'h s' a vliass dir quant al zuvnett.
Guidou s la god a vederla arrivà:
Quant Aquilant, Griffon e Sansunett,
Ch' ern stà sigh del donn a la città:
Malagis e Vivian, cun Rizzardett,
Ch douna valenta l' avevu pruvà
Quel di fatal, ch s' aveva alla campagna
Da barattari tra Maganza e Spagna.

22.

Per qu' altr di al re Carl s tols la cura,
Lu stess, ch' agn cosa fuss ben preparà:
Ch' a s' addubbas la cisa, l' àv premura
Pr' al battezz, ch' a Marfisa è destinà.
Da prit e vescv pratici dla Scrittura
Per tutt quel di la fu catechizzà,
Ch' i spiegogn i misteri e i sacramint,
Al Pater e l' Credo, cun i cmandamint.

23.

Quand fu temp, l' arrivò monsignor Turpin,
Tutt vsti d' puntifical, e s la battzò.
Al re Carl vols essr lu al padrin,
E per so fuzza semp al la chiamò.
Lasseni mo in sti algrezz, e al paladin
Astolf turnèn, ch vin cun l' ampolla in zo
Dov' à l' inzegn d' Urland, in cumpagnu
Di l' Evangelista, in t' al bell carr d' Eli.

24.

Al paladin era vgnu zo d là sù,
Del cil a bass, in t' al più alt mont dla terra.
E qula caraffa l' aveva cun lù,
Unich remedi del gran mestr d' guerra.
Qui po san Zvann un erba d' gran virtù
Cuil, e fi cgnussr al duos d' Inghilterra:
E cun questa al Prit Jan i ucc'h al tucass,
E in qula matira la vista ai turnass.

25.

Ch lu, per st servizi, e pr' altr tant sign cert.
Dla zent ai daga pr' assedià Biserta:
E emod quila zent, poch in t' gli arm espert,
Capaz al fiss, e in t' la battaglia averta,
E emod passar a la sicura i dsert,
Senza ch la sabbia l' esercit i dserta,
In ordn, a punt per punt, quell ch' l' ha da far
Al sant Evangelista i vols ingnar.

26.

E li l' fi d' nov po in t' l' Ippugriff muntar.
Ch' era za stà d' Atlant e po d' Ruggir.
Qui l' duca s lizinziò, cun suspirar,
Dai Sant, ch là su n' al pasev'n più trattignir
Po vers al Nil al principiò a valar,
Fin ch' al trovò i pais, munt e rivir
Dov cmandava al Senap, e andò a demuntar
Al so palazz, e s l' andò a salutar.

27.

Quel signor l' arcole cun un' algrezza immensa.
E cun piasser ch san e salv al fuss turnà,
Arcurdand al servizi d quand la mensa
I fu dal brutti Arpi netta e dsugumbria.
Mo quand po ai tol qula nebbia scura e densa,
Ch' in fin a st punt la vista i ha uffuscà,
An s po dir quant ai fazzu unor e festa,
E semp essri ubbligà ai diess e pretesta.

28.

Sicchè, non sol la zent ch' al duca i dmanda.
Per l' Affrica assaltar, mittir in subiss,
Mo sovra d' più cent mill' anch' a gl' in manda.
E d' andari in persona anch' al s prufriass.
La massa d' sti soldà era tant granda,
Ch' i sardon in t' la bott parn manch fiss.
Al paes n' ha cavall, tutt van a pi,
Sol ai è di elefant e di cami.

29.

La nòtt innanz al di ch'è destinaà
Perchè s'ava sta zent da incammar,
Su in t l' Ippogriff al paladin saltà,
Vers al mezz di, quela grotta al vè a trovar
Dov, sotto a nu mont, Siroch s' in stà arpiattà,
Quel vent quasi cald, ch' agni cosa fa avvaipar
Quand al suppia ben fort. Là al trovù al bus
Ch' nn vent qnsi disperstà manda e prudus.

30.

E, emod i aveva insgnà l' apostl Zvann,
Un ludri rud l' aveva sigh purtà,
E quest, mentr ch' al vent senz' altr affann
Dorm e s' arpossa del fadigh passà,
Cun tant' art al l' accomda, e tant ingann
Dinanz al bus, ch' l' arresta ben aserà.
Quand la mattina al pensa d' tornar vi,
Al trova, e s' n' sa 'l mod, stuppà la vi.

31.

Alligr d' sta bell' ovra, al paladin
Arvola in Nubia, e qu' istessiss di
Cun tutt l' esercit al s' mitt in cammin,
Del bisugnevèl pruvist e cumpi.
San l' arrivò di Atlant munt ai cunfin,
Senza pora ch' al vent tutt infughi
A nseun mod i nusiss, o i annebbiass
Al sol, nè ch la gran polvr l' affugass.

32.

Dop aver là qu' altissim mont passà,
Dov a s' descruv la pianura e la marina,
Astolf addiz al fior dia nobiltà,
Ch' intend dlla guerra mii la disciplina,
E s la dspartiss ugualment da dn là,
Dov cun al mont la pianura confina:
Qui ai lassa, e deo dal mont in t' un mument
Vola, mustrand d' aver gran cos in ment.

33.

Al s miss in znobèh, e al Mestr fi urazion,
Sieur d' essr esaudi in t' al so pregar.
E, avend speranza in t la so protezion,
Zo per quel mont di sass cminzò a ruzzlar.
Quant la fed zova al s ved agli occasion:
Qui sass s fevn più grand in t' al cascar:
E quant più a pè del mont i s' accestavn,
Panza, coll, schina, zamp, testa i furmavn.

34.

Cun un fracass ben grand e strampalà
Zo i ruzzlavn, e, quand i ern arrivà al pian,
Oh miraqu! cavall i ern dvintà:
Di bai, s' in ved, sturni, muri e ruan.
E qui signori, ch' in li tutt bi e ammanvè,
Chiappavn ognun quell ch' i vgneva a la man,
E saltavn a cavall incuntinent,
Avend tutt sigh ngun al furniment.

35.

Uttanta milla cent e dn cuntà
Fi quel di Astolf dvintar, d fant, cavalir.
Battend cun quisti d' Affrica el contrà,
Al brusa, al destruzz e s fa di persunir.
Fin ch' al turnass indri, l' aveva lassà
Agramant per guardar qui su quartir,
Cun Branzard, du altr re, ch' al dneca ingles
S finn contra, vdend ch' al guastava al paies.

36.

Prima spedi i avevn una barchetta
Ch' andass in frezza, quant andar la psseva,
Pr' avvisar Agramant ch la zni maldetta
Di Etiop al paies tutt quant destruzzeva.
Questa, vuland per mar em' è una saietta,
Arrivò al lid d Pruvenza, dov aveva
I su ardui Agramant in gran sgumbii,
Pr' aver lntau sol al re Carl un mii.

37.

Quand Agramant intes a ch prigul grand,
Per guadagnarl al regn del fiol d Pipin,
L' aveva lassà al so, da tutt el band
Chiamò a consii i prim di Sarazin.
Dop esser stà un puchett aqusi guardand
Marsili in fazza, e dop al re Subrin,
Ch' ern i più antigh e savi ch fussen li,
Cun un suspir ben grand al diss aqusi:

38.

Sebben ch' a so anca m' quant mal cunvin
A nn capitani dir: An m' al pinsava,
Am par però d psser dir, quand al mal vin,
Là dal mi part st gran mal manch am l'aspttava,
E in qualeh manira l' è una senza ch tin:
E mi a son in t' al cas, ch' an 'm stimava
Ch dai Nubian al mi regn fuss assaltà,
E s l' ho lassà per quest defurni d suldà.

39.

Chi arè mai critt, se non Dio snlament,
Ch sa tutt el cos ch pr'al mond han da passar,
Ch' aviss da vgnir tanta malnaza d zent,
Da Astolf cundutta, l' Affrica a desertar?
E po tant manch, ch' a savèn certaint
Ch' a i è 'l gran desert d sabbion ch' è da passar,
Ch' è sempr moss dal vent, e pur l' è vgnù,
E al dann ch' am dà avi intes anca vù.

40.

Adess mo, sovra st cas, consii av dmand,
S' ai ho da andar vi d qui senza far ngotta,
O pur stari fin tant ch re Carl in band
S' in vada, e ch tutt i cistian sient miss in rotta.
O emod, tutt al mi regn d salvar cercand,
E l' imperi frances far arstar d sotto,
S' ai è qualeh d' un ch' em sava dar consii,
Al pregh a darml, pr' attaccem al mii.

41.

Aqusi diass Agramant, e s vultò l'occh
Al re Marsili, ch'i era a sedr avain,
Fagandi acgnassar, s'al n'era capocch,
Ch'arepondr innanz ai altr a lu curvin.
Quest, prima livands su, al s'i mise in znocch
Dinanz, e po s'cavò al so brav bertiu,
E po, turnand a sedr in t'al so bunch,
A sta manira arspes, ardit e franch:

42.

O l'ben o l'mal, ch la fama z porta a nù,
Più grandi far el cos l'è la so usanza;
E per quest au s dirà ch'am dspera d più,
Ne gnanch a muntarò d più in arrnganza.
O ben o mal, che l'cos sippn suzzdù,
Arò sempr timor, mo anch la speranza;
Ch'el cos sempr più grandi en arputrà,
E cun al temp po as sà la verità.

43.

E manch am par d psser credr a sti sou zanz,
Perchè l' n'em parn aver testa ne pi.
Chi cherdrà mai ch sippa arrivà sti lanz,
Cun tant suldà e tanta cavallari,
Fin d' in t l' Etiopia, a Biserta dinanz,
Sotta alla guida d' uu, ch' i n' san chi a s' si?
E ava passà qui dcert in dov Cambie
Lassò al fior di suldà, cun tutt i armis?

44.

A cherdrò ben ch' i sien Arab calà
Più tost dai muot, ch' avn fatt del guast;
Ch' i avn sacchzà del terr, ch' i avn arvinà
Un po cert lugh, senza truvà cuntrast.
E Branzard, ch vicerè ai avi lassà,
Attruvands d' esser dà in t' un cattiv tast,
O perchè mii la scusa cumparissa,
Una vintina per dou milla ha missa.

45.

Mo, qui ch'al scriv, fen pur ch sippn arrivà,
Forsi piuvù dal cil cun gran spetiaqu,
S' in fasso stà dentr in t' el nuvl aserà;
Mo ch' enassun i ava vist? quest è un miraqul!
E po vu a tmi sta zent, per qustor av dsprà,
E s' ev pinsà ch' ai possa esser del taqu?
I vustr sren ben dign ch s' i fias la baia
S' i s lassassan iuspurir da sta canaia.

46.

Quattr nav ch'a mandadi, ai vdrì spedi:
I termaran a veir el vostr insegn.
Quand questi arrivaràn, la srà finì,
E i mtràn in ovra per scappar l'insegn.
Ch' i sien Arab o Etiop o ch soia mi,
Ch' avendv vist fora del vostr regn,
I pinsaran ch' an passadi più turnar,
E d movrv guerra i s' in lassà tinar.

47.

Mo tuli al temp adess, che Carl è senza
Urlaud, e tuccal su cun st'uccasion.
Quand an i è questù a farv resistenza,
An i è tra i paladin un ch diga d bon.
S' a vli po starvn li cun d' indulezza,
E, quand vin la pizà, n' chiappar al beon,
La furtuna, ch' adess are dalla vostra,
Vultarà l' spall, cun gran vergogna nostra.

48.

Cun st' dscors e altr parol ditt destrament
Quel re vleva esurtar, in t'al cunsili,
Ch d' in Franza n' andass vi la mora zent
Fin ch' al re Carl n' era andà in esili.
Al vecch Subrin mo, ch vleva chiarament
Al segn in dov mirava l' re Marsili,
Ch dcurrevva sol per so intercess aqusi,
Un'altra arsposta per ben cmun al di,

49.

E l' diss: Quand a v cunsliava a star in pas,
Fussia stà piuttost orb, e non za indivin.
Mo del mi dir vu an fussi persuas
E an vlissi credr al vostr amigh Subrin;
Mo al zovn Rudumont, quel fioca nas,
A Marbatnst, Alzird e Martasin,
Ch' ai vre tutt quant adess aver quì a front,
Mo, più di altr, a vre aver Rudumont,

50.

Per rinfazzarl, ch lu ch vleva la Franza
Sfaslar, emod s' fa un buccal all'ustari,
E da per tutt tgnir dri alla vostra lanza.
Anzi ch' al deava d vler lassarla indri:
Mo in t'al bisogn al s stà a grattar la panza.
O andand da scioech dri a del capucchiari.
E mi, ch' ev deava al ver e stimà a fu
Pultron, adess a son pur anch cun vu;

51.

E ai starò sempr mai, per fin ch finissa
Sta mi vita, ch' è za tant avanzà,
Ch per vu agn di, cm' a pavi, contra s' è missa.
A tutt qulor, ch' in t la Franza in più lodà:
E nessun quai temerari i srà ch' ardissa
Dir ch' a nessun nod am sippa mal purtà.
E più d mi en n' ha fatt più tant e tant,
Ch' a chiaccearar più d mi i ern arrugant.

52.

A digh aqusi per farv vedr chiar
Che quell ch' av diass allora, e a son per dir,
Da dapuchisia en vin ne da sfrapplar,
Ma da un cor ch felement cerca d servir.
Prest a cà vostra mi v consii d turnar
Ne star a perdr al temp qui in sti chimir.
Perchè un matt certament chiamar as po
Chi, pr' aqistat quell d' i altr, perd al so.

53.

Al guadagn fatt al savi: d trentadn rì
Vnstr suddit, ch'funn a uscir dal port,
A fari al cont, da dop ch'a son vgnu qui,
Arrisgh arrisgh i è nn terz; al rest è mort.
Mo voia al cil pur ch la finissa qui,
Ch, s'a s' mod anden innunz, a dubit fort
Ch ne si, ne cinqu, ne quatr i arstaran,
E l rest terra da pgnatt i armagnaran.

54.

Oh! a a dis: Urland an i è! Quest zova quant
Ch'a n'i sren più, s'adess ai sen qualch un;
Ne fora a sen dal prigul tant e tant,
E seguitand aqusi an i in resta ussun.
An i è forsi Rinald, ch del signor d' Anglant
Al po andar all'impar? an i è i sn bun
Cusiù, fradi, e tant altr paladin,
Ch mettn scagazza ai nustr sarazin?

55.

Ai è po d zunta sigh quel second Mart,
Che, sebben nmigh, pur a mi despett al lod,
A digh quel valuros brav Brandimart
Ch'in battaia d'Urland manch en stà sod.
Mi av al poss dir, perchè a l'ho pruvà in part,
E a spes di altr anch al ved, e in part a l'od.
E po? l'è 'n so quant di ch'Urland n'i è stà,
E, per quest, cosa avenia guadagnà?

56.

Ai ho pora ch, s'aven pers pr'al passà,
Più a perdren per l'avgnir, quand la vò d st pass.
Senza al brav Mandricard a sen za arstà,
E in t'al più bell z l'ha fatta què d Gradass.
Marfisa cun bell garb s n'è vi marcià,
Rudumont bell'umor z'ha lassà in ass.
S'al fuss stà lu quai fid, cmod l'è gaiard,
Gradass poch impurtava e Mandricard.

57.

Dov'è mancà sti bun aiut a nù
E tant miara di nustr han tgnu sgablar,
Qui ch'avevn da vgnir tutt in za vgnù,
An importa ch'a in stamm di altr aspttar.
A favor d Carl ai n'è quatr chersù
Ch manch d'Urland e d Rinald en z fan sudar,
E d quisti, dop Rinald e dop Urland,
An truvari i cumpagn pr'al mond girand.

58.

Forsi au savi chi s sia al Salvadgh Guidon,
Ne Sansunett, ne i dn fid d'Ulivir?
Quisti em dan più timor e sudizion
Di altr duca, marchis o cavalir,
Più di Scuzzis e d qui del regn d' Utton,
O ch d'Italia o d Germania i han fatt vgnir,
I qual n'in zent da mettr tant a mont,
Mo al bso stimari tutt, e farn cont.

59.

Per quant volt a vgnari fora a cumbattr
Stà sicur altrtant volt ch'a perdiri,
S'avèn pers quand ai ern ott contra a quatr,
Spagnh, Affrican, cun al re d Tartari,
Molt più a perdren adess, e an i srà ch sbattr,
Perchè lor in in dods, nu a sen in si,
Ch'i Tudisch, cun i Inglis e i Italian
Del mal, del bott, del paccagnizz a daran.

60.

Qui la zent a perdi, là al vostr regn,
S'ustinà per st'impresa a durari,
Mo s turnar a cà vostra a fari dsegu,
Al vostr regn e nu av avanzari.
Del tutt lassar Marsili mi an v'insegn,
Perchè la srev, a dirla, una scurtai.
Mo ai è remedi, e s'è quell d far la pas,
Ch'a Carl anch la piasrà, s'a vu la v pias.

61.

O pur, s'av par ch n'i sippa al vostr unor,
Quand vu, ch'av tgnù pr'uffes, a la dmandadi,
E al far battaia più v daga in t l'unor
(Cmod l'è andà finn'adess am par ch'al vdadi),
Almanch cercà d'arstar vn vincitor;
E sta cosa suzdrà quand pur a mettadi
El rason vostr in man d'un cavalir:
Ne a truvari per quest al mior d Ruggir.

62.

Al so mi, al savi vu, ch Ruggir è tal,
Ch'a tu per tu, cun spada, mazza e lanza,
Manch d'Urland o d Rinald d sieur an val,
Ne d'altr cavalir, ch sia adess in Franza.
Mo s'a vliissi far guerra general,
Sebben ch'al so valor quell d'i altr avanza,
In ultm al conta per sol un tra d nu,
E quant i in sia di nmigh al savi vu.

63.

Anzi am piasrè, quand pur av piasa a vù,
D far dir a Carl ch, per finir sta quà,
E anch ch'an s'aggroppa tanta zent d più,
Cmod pur tropp finn'adess a s n'è ammarzà,
Ch'al s contenta d mandar chi i par a lù
Contra un di vustr, ch'avi za destinà.
Tutta la guerra arduita srà tra d lor,
Qua part vincend ch'arà l' so vincitor.

64.

Cun patt e cundizion ch'al perditor
A qu'altr re un tribut l'ha da pagar:
Sta pruposta en farà a Carl dsunor,
Sebben ch'adess aver vantazz al par.
Dal rest po, tant am fid in t'al valor
D Ruggiron nostr, ch deva d sovra arstar.
E tanta avèn rason per nostra part,
Ch'al vinzrà s l'aviss anch incontra un Mart.

65.

Cun questì e altr rason al re Subrin
Muò la masola tant, ch' in fin l'uttign
Ch'al so parer vinziass, e al fiol d' Pipin
Dia dsfida fi Agramant mandar i sign.
Curl, ch'aveva sikh tant paladin,
Per la so part al s'attacò a st mantign,
Daud al so nvod Rinald st'incumbenza,
Ch dop Urland sovra a tutt è in preminenza.

66.

E l'un e l'altr esercit ugnalment
D st d'accord av molt a car, ognun gudeva;
Ch l'affadigar del corp, e al patiment
I aveva stuff, e a tutt al rincherseva;
E tutt finn cont 'd goders quietament,
Per l'avgoir, quel strazz d vita ch'i armagneva.
Ch tutt mandavn a berliche i odi e i furar
Ch'avevn miss in volta tant pladur.

67.

Vdends Rinald dal sgher zio quei favuri,
E al sou spall appunzà un fatt quasi important
A differenza d'altr tant ch' in li,
L'è tutt alligr a aver da cuir st guant.
E l'è d parer ch'an prà mai contra d si,
A nssun patt, arputtar Ruggir al vant,
Ne ch'al sippa un par so, cun tutt ch, gaiard,
L'arias in camp avert mort Mandricard.

68.

Ruggir, cun tutt ch'al egnuss al gran unor
Ch'in st'ocasion al re Agramant i ha fatt,
Avendl tra tant altr'adlit pr'al mior,
In lu fidand un negozi quasi fatt,
Pur al mostra d'aver un qualch d'olor,
Mo non per pora za d'ardurs a st patt;
Perchè non sulament Rinald un tem,
Mo gnanch Urland, s'i fussen tutt d insem;

69.

Mo perchè la so mrosa era surella
D Rinald al par ch'al sippa mal content.
Tant più ch sempr la 'l todna e s' al martella,
Ch tant lungagni l'uffendu malament.
S' a gli azzontass po st'altra bagatella
D'ammazzari al fradell, sicuramente
La saltarà cun lu tant in valisa,
Ch'a n'i arà mai più mod d placarla brisa.

70.

Sicchè dentr da lu l' s travaia, e ai despias
Sta battaia, e l' si accomda mal vluntira.
La mrosa anca li pianz e s fa di squas
Sintend sta nova, e fora d mod suspira.
La sbatt i pi, s sgranfigua, e storz al nas,
E in t'i cavi la s mitt el mau per l'ira.
Ruggir la dis ch l'è ingrat e mal creà,
E sovra al tutt busadr, e li dagrazia.

71.

O ben o mal ch la battaia finissa,
Per quell ch s'aspetta a li, l'arà sol dann.
Perchè, s'al porta 'l cas ch Ruggir perissa,
Per li an i arrosta che un etern affann;
E, quand pur la fortuna stabilissa
Ch la Franza ava da aver mal e malann,
Oltra al mancarì a li un fradell quasi car,
Un altr dann i in vin ch la n po arparar;

72.

Perchè la n prà mai più, senza gran biam,
E inimicizia d tutt al parintà,
Suddisfar del so amor l'entusiasam,
Senza d poca vergogna esser nutà.
Tra d lor l'era tant grand del ben al spasim,
Ch, dop aver nott e di ben ben pinsà,
I s'ern fatta insem tal prumission,
Ch, a vleria dsfar, an i era redenzion.

73.

Mo la maga Melissa, ch'ha d li cura,
N'av tant cor da soffrirla aghi degustà.
E s'altr volt l'ha d li mostrà premura,
S'in t'i bisogn più grand la l'ha aiutà,
La la v' a consular, e s l'assicura
Che in st'ocasion la n l'arà abbandunà.
Ch la stiss alligra, perchè in quel tal di
L'arev la giostra in tutt i mod dspariti.

74.

Rinald intant e al valuros Ruggir
S preparn al gran duell, ch è destinà.
E perchè di Francis al cavalir
D'adliar arm e armadura fu unurà,
Za ch'an s paseva del so Baiard servir.
E ch dop averl pers a pi l'è andà,
Al fi al daccord a pi, veti d piastra e maia,
Cun la spada e 'l pugnol far la battaia.

75.

Ch'al fuss a cas, o ch'al fuss so cuain
Malagis, om accort, savi e prudent,
Ch'i arcurdass ch Baisarda ha un tai quasi fin.
Ne contra d li valer incantament:
Senza spada esser vols al paladin,
E d sta cosa Ruggir s mostrò content.
Al lugh i daccurdonn avvin al mura
D' Arles, in t'una larga e gran pianura.

76.

Al n'era gnanch turnà la sretta al mid
Ne i tamburin avèn suonà la diana,
L'era auch in mar al prencip di pianid,
E l'alba eu s'era miss gnanch la suttana,
Anzi pr'impiai al di la s sbuzzò un did
A battir fugh, tant'era seur la tana,
Quand etiau e sarazin vgninn a piantar.
I padiglion, la lizza, cun du altar.

77.

Poch dop, as vist vgnir fora in bella arduanza,
A una a una, el schir del corp pagan,
E in mezz ai principal, alla so usanza
Armà sfarzusement, al re African.
Sovra d'un gran cavall, ch' tutt i altr avanza,
Ch' ha la front bianca e s' ha du pi balzan,
Al so all'impar Ruggir sol cavalcava:
Quel post allora Marsili i lassava.

78.

St Marsili poch luntan però se vdeva
Tgnir l'elm in man, ch'al re dla Tartari,
Poch mis innanz, Ruggir za tolt aveva,
E ch' adruvava Ettor mill' ann indri.
Una silza d qui re dop quisti usceva
A du a du marciand cun albasì,
Ch'al rest degli arm aveva cumparti
Tra d lor, e riccament d gran zoi guerni.

79.

Da qu'altra banda, fora dai arpar
Usciss l'imperator cun la so zent,
In tal mania urdnà propri ch'al par
Ch'i avn da mnar el mau in quel mument.
Tra i paladin, Rinald i stà all'impar
Del son arm guerni belli e lousent:
Tolta sol l'elm ch fu del Mambri,
E a gli al portava dri Uggir paladin.

80.

Del dou mazz, una n' ha l duca d Bavira
E qu'altra Salamon, al re d Berthogea.
Da una part guida Carl la so schira,
Da qu'altra s detend qui d Affrica e dla Spagna.
Dal mezz dla piazza ognun scappa e s' artira,
E vud arresta un gran spazi d campagna;
Ch'i re d'accord avevn inibà a ognun
D star in quel mezz, fora di du campiun.

81.

Dop ch del dou mazz, ch' ern posà là in mezz,
Av fatt la scelta al gran campion pagan.
Un prit di estian, e un altr d qu'altra razza
Fora sbucchionn cun i su lib in man.
Al nostr ha l'Evangelì, ch'i estian rezz,
Qu'altr ha sugh al librazz dett l'Aleuran;
Cun al prim a s fi innanz l'imperator
Carl, e enn al so ulem d Affrica al signor.

82.

Quand al re Carl arrivò al sant altar
Cun al so prit, al cil al livò T man,
Digand: O Sgnor, ch z'avi vlu liberar
Per buntà vostra dall'inferral can:
Va, Madonna, dla qual s vols incarnar
Al Redentor d tutt quant al genr uman,
Ch'al purtassi nov mis, e al parturissi,
E in t la virginità nient a perdiassi:

83.

Av chiam in testimoni ch'a imprumett,
Per la mi part e d qui ch dop mi vgnaran.
Ch'al re Agramant e chi dop lu srà elett
Per successor del so regn african,
Ogn' ann a pagarò vint som d'or schiett,
S'al perd ancù Rinald da Montalban,
E s'imprumett la pas anch subit far,
Ch'ava tra d nu per sempr da durar.

84.

S'a manch alla promessa, incumentent
L'ira e l' furor divin sia contra d mi,
E sovra di mi sù, mo sulament
D quisti au intend, e non di altr ch'in qui;
Sicchè in poch temp a s veda chiarament
Castigà chi n' ha l' obbligh so cumpi.
Carl in t'al dir aquì sempr tucò
Cun el man l' Evangelì, e al cil guardò.

85.

I s tolsu d lì, e po andonn a qu'altr' altar,
Dai sarazin riccament ammanvà,
Dov Agramant zurò d passar al mar
Subitament in e sigh i su suldà,
E al re Carl un egual tribut pagar,
S l'era Ruggir da Rinald supera:
E fatt l'arè l'istessa pas tra d lor
Cmod aveva zurà l'imperator.

86.

E in t l'istess mod, pr'en parer un bardass,
Al chiamò in testimoni Macumett:
Su in t'al lib, ch'aveva al so papass.
Al zurement d' usservar al promett.
Dulla so part ognun artira al poss,
E in t'al so carigon a sedr s mett.
Dsgumbrà al lugh, a s fi innanz i cumbattint.
Anca lor faccend vud e zuramint.

87.

Ruggir promett ch s da quel cumbattiment
Vrà al re Agramant, o mandarà a dsturbari.
Più an starà in t la so cort sicuramente.
Mo al s darà da ti innanz per sempr a Carl.
Al fiol d' Amon zura dop pariment
Ch s' ai mandarà, o anlarà al zio a inquietari
Innanz ch' i avn finì la so question
Srà Agramant e non Carl al so patron.

88.

Dop sti tal cirimoni aver cumpi,
Dal là d mattina un andò, qu'altr da sira.
E s stinn a aspettar infin a taut ch s' udi
Sonar la tromba ch' i chiama alla fira.
Allora i s finn innanz, uunt inspurì,
Cun un bell garb e cun bella manira.
E s cminzon a tucars senza contrast
Cun del stangà da orb dà zo a tutt past.

89.

Pr'un poch i van innanz, po dan indri,
Ora i s chinèn, ora i s'alzn, o i van da un là,
Quand i s mirn alla testa, e quand ai pi,
Schivand un colp, e stand d'qu'altr in parà.
Mo Ruggir, ch cumbatteva contra d chi
Era fradell dà cara innamurà,
Al mnava .si. mo cun tal mod e arguard,
Da farl giudicar per manch gaiard.

90.

L'era a rparar, più che a büssar, intent,
Ch'an saveva qual s fuss al so pinsir.
Ch muriss Rinald al n'era d sentiment,
Mo an s n'in curava brusa lu d murir.
Mo adess lasseni far, da za ch'am sent
Una gran vuia d'andar a durmir.
Al fin ch'áv sta battaia po al sari
S'in t'el ventquatr dman a turnari.

FIN DEL CANT TRENTOTT.

CANT TRENTANOV

ARGUMENT

*Agramant romp al patt, e lu sbandà
In Affrica d'passar l'ha furnà al dsegn.
Intant Astolf a Biserta arrivà
Assedia e strenz la capital del regn.
Là a cas arriva Uriand, e qulà, infurmà
D quell ch l'ha da far, i fa turnar l'inzeegn.
Agramant, ch rà al paes, s'incontra in mar
Cun la flotta d Dudon, ch i dà da pscur.*

1.

Adess ch'am son da i uccel la soun cavà,
E ch, sebben pina, ai ho sguzlà la mzetta,
A turnarò a Ruggir, quel povr quà,
Ch'ha ben rason s'un gran pinsir al s metta.
Lu da Rinald en vrev esser svultà,
E an vre ammazzari lu, perch la tusetta
Al cgnuss d sienr ch sigh la s'instizzirè,
Ne, cun rason, la pas mai più farè.

2.

Rinald, ch'altr pinsir ha per la testa,
In tutt i mod a vinz al tend e aspira:
Cun la mazza di culp massizz l'asseta;
Quand al cimir e quand al brazz al mira.
Ruggir cun l'occh attent e vizza lesta
Arbatt i culp, schivandi, s volta e gira,
E, quand al mena, in lugh al cerca d mnar
Dov manch al possa a Rinald aghervar.

3.

Alla più part d qui re e signori pagan
Gran differenza ai par d cgnuss in quela zuffa.
Ruggir i par tropp pigr a mnar el man;
Pr'al contrari Rinald sbatt ben la muffa.
Smort, ch'al par d zendr, al gran re di affrican
Sgrinziss i dint, e a dirla sta quita i tuffa.
Al dà a Subrin la colpa d tutti al dsuotr,
Ch fu lu ch trovò ai su mal st cattiv impiastr.

4.

Melissa in st mentr, ch'era la fontana
D quell ch pol saver i magh, strei e sterion.
La s'era finta un om, e la suttana
L'aveva barattà in t'un par d bragun.
Vdendla vgnir a cavall, dalla lontana
Per Rudumont la fa tolta da ugnun.
Armà d pell d dragh, cun scud e spada al fianch,
Rudumont la pareva ne più ne manch.

5.

Su in st cavall, ch'è un follett, la s fiedò innanz
Dov'era i signori cun al re Agramant:
E cun vos da arrabbia li fi sti zanz,
Digand: Quest è un error, ch'è grand purtant!
Un zuvnètt, ch'en n'è avvià, mettel dinanz
A un frances aghi fort? Lu n'è bastant
D risistr a quell, sienrament: s'al mor,
D'Affrica, al vostr, e d tutt ai vè al decor.

6.

N'i lassà far, ch'al sangu d'un becch curnù!
Nostra srà la vergogna eternament.
Fav anm s Rudumont è adess cun vò,
Scrupl n'ev mtti per romp al zuranent.
All'arma donca tutt, preest, saltà sù:
Quand ai son mi, un om val ben per cent.
D sti parol Agramant av tant a car,
Ch'armà innanz al s fiedò, senza tardar.

7.

Cert cherdend d'aver sigh al re d'Alzir,
Al mandò i scrupl e al zuranent da un là.
E più d quell, al n'arè cent cavalir,
Ch faesen arrivà in so aiut, tant astimà.
Sprunar cavall, lanz arbassar per frir
In t'un mument a s vist da tutt i là:
Quand Melissa av sta cosa inestrada aghi,
Senza che nssun s' n'adiss, em'è un fum la s dsfi.

8.

I du campion, ch'el cos vistin intrigars
Contra i patt fatt, e contra el convenzion,
Tutt du d'accord lassonn star d tambussars.
Mttend la so lit pr'allora in t'un caution.
Da nssun là s dan parola d n'impazzars
Pr'infim ch'in san da ch part vin la dsunion:
S l'è stà l frances al prim o l'affrican
Contra del nuigh a mettr in ovra l man.

9.

I s dinu tra d lor insem un zurament
D'esser nemigh a chi prim romp al patt.
Su d sovra in st mentr vè tutta la zent;
Chi corr innaux, e chi cerca un arpiatt.
Chi sippa ua infingard e chi un valent,
Chi brav e chi dappoch s ved in t'un tratt,
Dov' è 'l prigul s'al s va chi è brav ficcand,
E 'l trist dal là sicur s'al s va artirand.

10.

S' un aviss dentr in t'una gabbia asarà
Du d qui falcitt, ch rubar soln el gallin,
E da star lì ch'v' d'viss sparguà
Pr' al camp gallitt, cappun, e anch pisin:
Quant i sbattren al bech, e degli uccia
Loschi i daren, braumand d'avern pin
Gross e budell, mo ngotta arèn in st mentr
Ch per forza ubbligà aren a star là dentr:

11.

Marfisa aquei tarocca e sgrana l'ai
In cumpagni dla bella Bradamant.
Ch lor s'al tuleva pr'un stampalà guai
A n s psser sfugar tra i suldà d'Agramant.
Mo quand el vista nasser st tananai,
S' alla prima per spett gli avevn piant,
Adess spron-n al cavall ognuna lesta
Contra qui mor, cun la so lanza in resta.

12.

La lanza miss Marfisa in mezz al pett
Del prim, ch' i uci dou brazza per dedri.
Dop la cavò la spada d tai perfett,
Quattr' elm la taiò em'è tant turti,
Bradamant, cun la so lanza d'or schiett,
A so cugnà la'n vols arstar indri:
In terra la in mandò un dri all' altr dstia,
Sol dscavalcà, non murt, infinna dis.

13.

A far sti cos, tra d lor, tant s'ern avsin,
Ch l'una dl'altra pssaa far testimoniianza.
Dop quest el s slontanonn, e a qui puvrin
Che gl'incucchiavn el finn duler la panza.
Chi prè rlivar al cont di sarazin
Ch Bradamant mandò in terra cun la lanza?
O del test o del braz dai bust spicchè
Dalla spada d Marfisa aquei inspirtà?

14.

Chi ha vist la primavera, quand i vint
Dal là d mezzdi fan dscravr l' Appennin.
Cun dsfar la nev quasi grossa, du turrin
Corr-r alla bassa per divers cammin,
E cun quila forza dalla qual' i en spit
I rompu el spond, daradisin abid e pin,
I camp malzippn, arversn cà e capanu,
Ch' al par ch' i fazzn a gara a ch fa più dann:

15.

Aquei quel dou mostazzi d suldadessi
Tra mezz ai nmigh, mo per diversa strà,
S ficcavn dov el scbir ern più spessi
A culp dla spada, e dla lanza incantà.
Ne Agramant po far tant da tgnir gl' istessi
Squadr ch'en scappn, e, vdenli vi sbandà,
Al dmda e s cerca in van del re d' Alzir,
Ch più an s trova, e dov al s sippa nessun si dir.

16.

Per causa so l'aveva rott al patt,
Almanch aquei al pinsava, al patt zurà;
E in t'al più bell defumà al s l'era in t'un tratt,
Ne in t'al camp al s trovava ne in città.
Subrin an s vdeva, anca lu s'era defatt:
Dsenda innucent, in Arles l'era intrà,
Ch'un gran castigh al s'asptava d sicur
Sovra Agramant, pr'esser d'vintà sperzur.

17.

Vers Arles anch Marali astudiò i pase,
Tant l'astimava la so religion.
E per quest Agramant sotto è al fracass
Di brav suldà condutt dal re Carlon,
Zent tutta avià a n'arstar per poch in ass
D francesea, inglesea o d tudesea nazion.
Tra quisti sparguà i è i paladin
Cmod è in t'un bell arcam perl e rubin.

18.

Tra i paladin d più ai è di altr mustazz
Da star a front d qual s sippa cavalir.
Guidon Salvadgh, ch fa vedr d n'esser d strazz,
Aquilant e Griffon, fidi d'Ulivir.
An vui turnar a dir al gran impazz
Ch fa 'l dou cumpagni al sarazin suffrir;
E quisti e qui cun altr paladin
Ammazzavn e struppiavn senza fin.

19.

Mo sta battaia a vui lassar pr'adess,
E senza barca a vui passar al mar.
Cun i francis an ho tant interess
Ch del duca Astolf an m'ava da arcourdar.
Al favor ch dall'Apostl i fu oncess
Ai ho za ditt, e d'aver ditt am par
Ch'al re Branzard e qui altr, ch'ern arsta
D guardia in Biserta, s'ern tutt armà.

20.

I dinn alla stermida, e a son d trumbetta
Al rest i arcolen dl'africanea zent,
Tutt qui ch' i pesiun aver in quila gran stretta,
E i funn pr'arcuir el donn in quel frangent;
Perchè ustia Agramant alla vendetta,
Dou volt rudò al paies, e al cas present
An i era armas altr che di sgduzz,
Puvr viche, donn spurosì e di bambuzz.

21.

Quisti s'finn cgnossr trist, che, v'ndend al nmigh
Arrisgh dalla luntana, i dinn indrì.
Astolf, cun tutt quel zent ch' l'aveva sigh,
I trattava cmod s' fa 'l pigur e i agni;
I tant fuun qui ch' armaan là in qu' intrigh,
Ch' i fann puchissm qui ch la purtonn vi.
Person arstò al re Bucifar gaiard.
E in Biserta s salvò a gran stent Branzard.

22.

Purassà fort d Bucifar ai depiaseva,
E più d quell ch s l'aviss pers anch tutt al rest.
Biserta granda, d gran arpar ai vleva,
E in n' i po abbadar, ch' al n' ha dou test;
E, s l'aviss psu, d' arscodri ai permeva.
E infant ch' ai pensa dri dulent e mest,
Al s vin pur arcordaund d' aver person
Da paricch mis al paladin Dudon.

23.

In riva al mar, alla prima sbarcà
Di mor in Franza, Rudomont al pres:
D' allora in za in gattara l' era arstà
St' povr Dudon, ch' è d' un bon zepp danes.
D far la permuda in quest fu destinà,
E apposta nn mess spedi d lugh all' ingles,
Ch' l' aveva za savù ch sicuramente
General era Astolf d tutta quila zent.

24.

Al diss fra d lu: S' Astolf è un paladin,
Ai premrà st' altr paladin d salvar.
L' prest Astolf fu d' accord, e un pulizzin
Fi, e s barattonn insem da par e par.
Libr, Dudon dal duca ingles al vin
Ringraziaudl, e po s misen a chiacchar
Intorn al cos ch permev per sta guerra,
E quell ch s' avea da far pr' acqua e per terra.

25.

Astolf aveva sigh d gran suldadesca
Da 'n pesser sett Africh gran contra d'fesa:
E d più l' aveva la memoria fresca
D quell ch diss l' Apostl, quand ai di st' impresa.
Aquamorta e Pruvenza, ch la muresca
Zent alla prima in Franza aveva presa,
Arprendr, e 'l fi d quila zent adlita nova,
D quella ch' al mar più pronta e al cas al trova.

26.

L' andò in persona lu a cuier del fui
D' olm, d ravron, d faza, d oliva e d fioppa,
E quand l' av pin el man, per trarli a mui
Dentr in t' al mar al corr, anzi al galoppa:
E in al li ficcò tutti in fass e a bgui
Cun quila speranza, ch stà dila Fed in groppa,
E, oh gran miraqul! ch s' vist in quel moment
Ch quel fui l' acqua tucconn un gran purtent!

27.

A un battir d' oche el s' vistin d'vintar svers,
E grossi e larghi e curvi e lunghi e cav,
E 'l ven, ch' in prima gli avev d travers,
Stangh el d'vintonn ben forti e lunghi trav.
La forma aguzza dila punta en se d'pers:
Per farla curta, el s' trasfurmonn in nav
D più vari fatta e d vari qualità,
Cunform el fuun da albr divers cavà.

28.

Un prudigg fu a veder quel fui d'vintar
Bastiment e galè, fust e vasci
Cun albr e cord e vel e navii da rmar,
E tutti avev sigh i su burci.
An mancò chi l' saviss rezz e gvernar,
E guidarli del mar pr' el dubbì vi,
Ch' al fu pruvvist d parun e d zent bastant,
Da Corsica e Sardegna poch distant.

29.

In sti miraculus lign imbarcà
Funn da vint milla d varia sorta d zent:
Capitani Dudon fu destinà,
In terra e in mar brav cavalir valent.
St' armada en s' era gnanch dal lid d'pustà,
Prupizi aspittand per li ch tirass al vent,
Quand arrivò in quel lugh un gran barcon
Cargh d cavalir, ch' ern stà ignu person.

30.

Quisti ern qui ch' aveva Rudomont
Mandà a bagnar in t' l' aqua d quel finmett
Sovra del qual l' aveva fatt quel pont,
Ch' un' altra volta av diss, quasi pzin in strett.
Tra quisti ai è Ulivir, cugnà del cont.
Al fedel Brandimart e Sansunett,
Cun altr cavalir d vari pais,
Italian e francis, tudisch e ingles.

31.

Qui al capitani, ch briesa an s' era accort
Di nmigh, andò pr' i persunir sbarcar.
Avend indrì d più miia lassà al port
D' Alzir, dov prima al s' arev vlu fermar.
E d quest fu causa nn vent ch tirava fort,
E s l' aveva sin là fatt camminar,
Pinsand 'd dar tra mezz a di su amigh.
Cmod torna 'l rundanin ai nid antigh.

32.

Mo quand al vist l' aquilon imperial,
Cun l' arma d' Inghilterra e i zii durà,
Al d'vintò cunlor d' zendr tal e qual,
Pù smarrì d' un, ch se d'adass in mezz a un prà.
V'ndend vain al saas, ch' i ha servi da cavzal,
Un gran bisson, mo d qui ch' in più attusgà,
In att d' vieri muragar, e lo inepuri
Al par ch' an possa, e pur al s' v're tor d li.

33.

An pœi brisa scappar d là quel nucchir,
Ne i persennir pœi far star arpiattà.
Cun Brandimart al fu e con Ulivir,
Cun Sansunett e quattr sigh guida,
Dov dall'ingles e dal bon fiol d' Uggir
Fu i car parint e amigh tutt abbrazzà,
E a quel pilot un rem i missen in man
Per regalarl e dar la bona man.

34.

I nustr cavalir dal fiol d' Utton
Carament abbrazzà funn e ben vist,
Ai di da denar sotto al so padiglion,
E d tutt al bisugnevi l' funn provist.
Pr amor d sti signori, diffieri Dudon
La partenza, pinsand d far bon acquist.
Psends infumar da lor del cos dila gnerra,
Più ch s' un di innanz al s fuss dscendà da terra.

35.

Del stat del cos l' àv bona infurmazion,
D' Agramant, del re Carl e di frauzis,
E dov al pœiss sieur drizer al timon,
E dov' al pœsa zuvar d più l' àv avvis.
Intant ch gianguland vudonn più d' un piston,
D sentir un gran armor al fu d' avvis,
E po da vera All' arma! i odn dar,
Ch' in savn cosa a la prima s' pinsar.

36.

Al dnca Astolf, cun la so cniupagni,
Ch' in pas magnavn, in frezza in pi s' livonn,
E, armands in t' un mument da cap a pi,
Dalla part 'd qu' armor i caminonn,
Dmandand a qui ch' i incucchiavn per vi:
Cosa è qu' armor? In lugh i capitonn,
Dov' i vistn nn nmazz rubust e brutt,
Ch dannava da per lu l' esercit tutt.

37.

Al mnava un cert so bastunazz in volta,
Ma un baston d legn quasi pes, quasi dur, quasi fort,
Ch', in t' al prillar ch' al fa volta per volta,
Più d' nn, più d' du, più d' tri l' fa cascar mort.
Zà a più d' un cintunar la vita ha tolta;
Nsunn s' arrisga a accustarsi o a fari tort,
Mo tirandi del frizz sol da luntan
I han al vèder d n' i dar sotto al man.

38.

Brandimart, Sansunett, Astolf, Dudon,
Ch' in frezza corsn in là cun Ulivir,
A vedr i s maravionn quel gran baston
Smanzà da quèl, ch s' è miss a far st brutt mstir.
Dop i vistn a cavall d' un cavallon
Una vsti d negr a tutta corsa vgnir,
Ch' andand da Brandimart la l' salutò,
E in t' l' istess temp pr' al coll la l' abbazzò.

39.

Questa era Fiordilis accennruttà,
Ch' a Brandimart portava tant amor,
E sin quand zo dal pont lu andò arbalta
L' era squas dvinà matra pr' al dutor.
Allora dià dal mar l' era passà,
Quand la sintì cuntar ch d' Alzir al signor
I aveva al mros cun altr cavalir
In so paes mandà tutt persunir.

40.

In t' l' att ch la s' viè imbarcar, l' aveva trovà
In Marsilia un vascell vgnù d' in levant,
Ch' aveva in Franza nn cavalir purtā
D cort antighissm del re Munudant.
Qnest aveva per tant pais cercā,
E per mar e per terra girā tant
Pr' attruvir Brandimart, e per la strā
Ai fu ditt ch' al l' arè in Franza attruvā.

41.

Fiordilis al cgnnsei ch l' era Bardin
(L' aveva nom quel cavalir aqsi).
Quest rubà aveva Brandimart da panin,
E in lugh Rocca Silvana ditt nutri.
La sav anch' al perchè del so cammin,
E per quell la l' aveva cndutt li,
Cuntandi, perchè al fuss ben infurmā,
Ch Brandimart era dià dal mar passā.

42.

Sbarcā, subit i savn ch' assediava
Al dnca Astolf, cun la so zent, Bierter,
E ch Brandimart tra i altr a s' i attruvava
I avevn sintì dir per cosa certa;
E per quell la puvrina galuppava:
Quand po la l' vist, la mustrò chiara e dscverta
L' algrezza la più granda ch l' avies mai,
Ch' i fi dscnrdr i stint passā e i guai.

43.

Brandimart, anca lu, quant mai s' algrò
Vdends abbrazzà da chi i vleva tant ben:
Al si tri prest al coll, e s la basò,
Striccandia carament, fort, senza fren.
Nè d' nna volta sol al s cuntintò,
E a cred ch' innanz l' arè tirā molt ben,
S' al n' avies vist, in t' alzar i uoch, Bardin
Vgnu cun la mrosa, e ch' i era tant avsin.

44.

Al dates el man, e s' al vleva abbrazzar,
E dmanduri cmod mai li al s' attruvava:
Mo st cniupliment i fu impedì d passer far
Dal camp, ch' a rotta d coll dabanà scappava
Dinanz a quel baston, ch feva girar
Qu' umazz, ch da tutt i là la vi aslarga,va,
Quand Fiordilis vist quèl, quasi nud, in front,
A Brandimart la diss: Vdi là l' signor cont.

45.

Al fiol d' Utton' ch' era lì poch distant,
Ch' Urland era quel' nmaaz l' ndi anca là,
E pr' altr sign al l' agnussù, dal Sant
In t' al terrostr Paradis avù;
Ch' altrament ingannà i sren stà tutt quant,
Nè per quel deess in l' area mai cgnussù,
Ch' dal lugh andar, puvrett, quasi a la mulazzia,
Più che d' un om, l' aveva figura d' betiazza.

46.

Gran dutor àv al real paladin,
Ai vign el luzzl ai uech, e s' suspirava;
E po' l' dias a Dudon, ch' i era più vsin,
E al bon marches: Gnardà, quell' è l' cont d' Brava!
Lor i guardonn tant d' fies, ch' al fin di fin
I vistn ch' in qualche mod s' i arrivava.
E, vnded a gula manira andar quel sgnor,
I al cumpatinn, e s' n' avn un gran dutor.

47.

Tutt sti person pianzern la più part,
Tant i in dspiasava, e i in saveva d' mal.
Bisogna, diss Astolf, qui truvà l' art
D' gnantari, perchè al pianzr poch i val.
A pi dsmuntò Ulivir e Brandimart;
Sansunett e Dudon finn tal e qual.
I s' attrinn tutt insem al pover Urland,
A gula manira d' fermarl pinsand.

48.

Quand al cont vist ch' i si vlevn accenstar,
Alla balorda in volta nnò al baston,
E s' fu cun un gran colp squas pr' accuppar
Quel ch' era innanz ai altr, al bon Dudon,
E l' è cert ch' an l' arè mai pssu cuntar;
E s' Ulivir, pr' un arvers tirà a rason,
N' aviss la botta in qualche mod arparà,
Al scud, l' elm, la testa a gli arèv spzà.

49.

Pr' altr al scud ai rumpl, e un poch l' elmett,
In mod ch' in terra Dudon stramazò:
La spada in t' i istess temp nnò Sansunett
E d' quel baston più d' don brazza al taù.
Cun gran destrezza in lugh quei folt e strett
Brandimart s' i tri sotto es l' abbrazzò,
Senza aver pora d' un furor quei stramb,
E in t' l' istess temp Astolf i chiappò el gamb.

50.

Urland, scussands, luntan al fi cascar
Di pass più d' dis al paladin ingles;
Mo per quest Brandimart n' al lassò andar,
Ch' l' aveva cun più forza a travers pres.
A Ulivir, ch' s' era tropp innanz vlu far,
Al lassò andar un pugn quasi fort e pes,
Ch' al fi per terra andar instramurti,
E dai uech e dal nas al sangu i uscì.

51.

E s' l' elm n' era fort e bon anch d' più,
Al bon marches d' sicur arstava mort.
Al casò in terra cun la panza in sù,
Ch' a vedrì a s' sre ditt: St' om è za mort.
Dudon e Astolf intant s' in livà sù,
Sebben ch' Dudon aveva infia al nas fort
Per la svintlà d' quel mangauell quasi grand:
D' accord s' attrinn un' altra volta a Urland.

52.

Al danes per dedrì fort l' abbrazzò,
Cercand pur cun i pi d' farl cascar.
Astolf, tgnandl pr' el brazz fort, al pruvò,
Cun i cumpagn, mo i n' al pssinn arbaltar.
Chi ha vist del tor la cazza, quand al bò
Corr, salta, mutla e s' cerca dov' scappà,
Mo al sbatters e l' smuanir rusciss in van,
Ch' in t' gli urecch l' ha semp i dint di can.

53.

S' figura Urland tra tutt qui cavalir
Sbaluttari e purtari cun tant fià.
D' in terra in st' mentr e livò su Ulivir,
Ch' in testa gula gran neopla i è cascà:
Mo, vnded ch' i pssern in t' al so intent riuscir,
E far d' Urland quell ch' ha Astolf destinà,
Ch' l' è quell d' mettrli in terra, ai vign in ment
Un altr mod più curt e più expedient.

54.

D' cord ben forti un mazzol i s' finn purtar,
E con grupp e cun lazz gli accumdonn prest,
Al gamb, al brazz del matt finn adattar,
E alla vita a travers i i missen al rest.
Cm' i l' avn a sta manira fatt ligar,
Qui co d' spinsà funn tra i cumpagn; e lest,
Cmòd al marscalch mett a terra nn cavall,
Aqusi andò l' cont a battir in terra l' spall.

55.

Quand al fin in terra, tutt i corsn addoss,
E più stricch i al lignon pr' i pi e pr' el man.
Da nn là e da quel' altr Urland dal gran scoss,
Mo al so scussars e sbatters ruscì van.
Da quel lugh urdnò Astolf ch' al fuss armoss,
Dsend d' vler privar s' al pssava rendrì san.
Dudon grand e furzud s' al livò in schina,
Purtandl d' pes in riva alla marina.

56.

In qu' aqua Astolf sett volt al fi lavar,
E sott' aqua altr tant volt al l' attuffa,
A sta manira ai fi d' addoss cavar
Tutta la cricca, la toffa e la muffa.
Dop con degli erb la bocca ai fi stappà,
Ben ch' quel puvrazz se storz, se sbatt e sbuffa,
Perchè au vleva ch' al pssiss tirar al fià,
Fora di bus del nas, per d' unussn là.

57.

In st mentr Astolf aveva ammanvâ al vas,
Dov i era dentr al giudizzi d'Urland:
Ai l'accumdò ben d' sotto ai bus del nas,
E, in t'al tirar, ch'al fi, su al fîa currand,
L'impullina al vadò, oh mirabil cas!
L'inzegu turnò a so lugh, e camminand
Ai su bi discurs la ment e l'intellet,
Cmod za l'era, turnò chiar e perfett.

58.

S di al cas, un di, ch'un zovn indurmintâ
S'era avsin alla mrosa, un po chiappin,
E qui dila câ al purtoun fora in t'un prâ,
Sotta a un bell'albr, a una funtana avsin.
Lu 'n s' u'addi: figurav, quand al s' fu dsdâ,
S' l'arstò un stoocfiss, e d maraveia pin!
In t' l'istessa manira arstò commoss
Al cont Urland, quand l'inzegn l'arscoss.

59.

Al gnarda a so cugnâ, senza parlar,
A Brandimart, e a quell ch'in sè l'ha rmis:
Cosa s' dir an saveva, ne pinsar,
Ne quand, ne chi in quel lugh al condusies.
Intorn intorn l'ha l'asi d' guardar,
Mo in che paies ch'al s' sippa lu 'n capiss.
D' eser nud s' maraveia in mezz a qui,
E ligâ dalla testa infinna ai pi.

60.

Poch dop, quand al fu uscì d'insturniment,
Cun vos ch'è chiara e dolza, e cun manira:
Dsligam, ai diss, per grazia, la mi zent,
E po spiegam cos'è sta tiridira.
E qui sgnori al dsligonn in t'un mument,
Dandi da vstirs, fagaudi bona cira;
Tutt'insem cunsulandl dl' apprension
Ch l'aveva d n'aver fatt un qualch sgarron.

61.

Quand al fu in bon cervell, Urland turnâ
S sinti savi e prudent cmod l'era in prima;
Anch dall'amor al s' trovò liberâ,
Tant ch'Angelica più an loda e sublima.
Più degna la n' i par tant d' esser amâ,
E una femmazza lerza anzi al la stima,
E' l pensa tutt' al studi e l so saver
Mettr in ovra pr'al so unor riaver.

62.

Bardin in st mentr cuntò a Brandimart
Cmod era mort so padr Munudant,
E ch l'era vgnû a invidiarl al regn per part
In prima d so fradell chiamâ Zilant,
E po per part d quel zent ch stan là in dispart
In quegl' isul lontan ch' in vers levant,
Ch' a mettrl tutt insem, an i era al mond
Un regn più ricch ne d popl più fecond.

63.

Tra gli altr cos ai diss ch l'avea da farl
Pr'amor del so paies nativ, e quand
An s sintiss moss dalla via d pruvarl,
Ai sre vgnû a unia l'andar malizipand.
Mo Brandimart i arspov vler prima Carl
Servir, sin al fin d stî battai, e po anch Urland;
Ch, dop aver vist al fin d mor e spagnû,
Allora po l'arèv pinsâ ai cas sù.

64.

Uscir dal port la squadra qu' altr di,
Pruviata d tutt, vers Franza fi al danes.
Cun Astolf e qui cap Urland s' uni.
Dla guerra d tutt el cos quand l' av intes,
Biseria intorn d' assedi al strinzi,
Mo tutt a unor e nom del duca ingles.
Quasi vleva al cont, mo l' duca 'n feva ngotta
Senza passar d' Urland ai cunsi sotta.

65.

I urdn ch' i dinn, e cmod s' avies da far
Per dar a quila città l' assalt e quand:
Cmod la fu al prim attacch sfurzâ a cascar:
Chi avies l' unor d' esser compagn d' Urland,
S' an digh adess, av pregh an v' aghervar,
Ch' a lugh e temp av l' andarò cuntand.
Adess av ho da dir, ch' al dver al vol,
Di mior scappâ dai estian a rotta d coll.

66.

Abbandunâ s' trovò l' fiol del re Truian
In t' al prigul e bisogn più grand dla guerra:
Perchè Subriu, cun qui altr re pagan,
E Marsili, s' assronn dentr in t' la terra.
In t' el nav a in scappò anch d qui african
Per pora d n' esser tropp sicur in terra;
Ch' i capitani e i prim di sarazin
Marsili seguitonn e al re Subriu.

67.

Pur Agramant la guerra sustintava;
Quand finalment al vist ch' an psseva più,
Al vultò l' spall e dritt al camminava
Vers la città, qualch poch lontan da là.
Ansiosa Bradamant al seguitava,
E Rabican d sprunâ tuccava sù,
Pr' amuzazzarl, in compens d' averi tolt
Al so bell mros Ruggir, tant e tant volt.

68.

L'istess vleva Marfisa anca li far
In vendetta, sebben tarda, del pà.
Stumblaud d' spron la s miss a galuppar,
Mustraud d' aver dla frezza purassâ.
Mo ne l' una ne l' altra psi arriar
Quasi prest, ch' el n' attruvassn el port asar:
Perchè anch st re s' astudiò d' andar a cvert.
Che l' aria s' feva brutta a camp avert.

69.

In quel mod ch'arstarè du imberiağun
Ch'avisen sintò dir ch'in t' l'ustari
Un vin fuss arrivà bon tra i più bun,
Fussì terbian, sanzoes o malvasi,
Quand i arrivassu ch' fuss aserà i purtun,
Tolt zo l'insegu e agn cosa purtà vi,
In t' l'istessa manira arstò disgustà
Marfisa cun la so brava cugna.

70.

En s'affermonu per quest, anzi, instizzi,
S'ficon, tra qui ch'scappavn, a mmar el man,
E qui ch'andonn in terra, l'ultim di
Del mond, e non più prest, su s'livaran.
Questi funn purassu, ch'a mal parti
I mor s'truvavn, e dov scapparr in san:
Perchè Agramant, per salvar lu, l'aveva
La porta fatta aserar ch'al camp riuscava.

71.

Sovra del fium l'aveva fatt tsiar
Tutt i pont. Oh zent bassa desfortunà!
Sol al scamp del patron s'ha cercar,
E di suddit la vita abbandunà?
Chi in t'al Rodn s'affuga, e chi in t'al mar,
Chi casca mort pr'i camp e pr'i fussà.
La più part andò a mal, e puch funn qui
Ch'arstonn person, e manch ch'la purtonn vi.

72.

Da qula part d'Arles dov'al Rodn bagna,
A s' ved finna ai di nustr el sepultur
Molt spessi, fabbricà per la campagna,
Dov s' miss i mor e i estian ch'arstonn al bur;
Perchè Marfisa cun la so cumpagna
Tant in serviun, ch'an s' po' l' gran numr ardur.
Ai n'armas anch di estian, mo i sarazin
Squasi a dirè ch'i fussen senza fin.

73.

In tant aveva Agramant fatt andar
I vasci grand in mar, e i bastimint,
Lassand i pzin, perchè s'pseis imbarcar
Qui puch, ch'a psser scapparr fussen valint.
Du di in t'gli àncor al sti per stari aspttar,
E anch perchè cuntrari ai era i vint:
Al fi po' l' vel alzar in t'al terz di
Per turnar al paes d' dov l'era uscì.

74.

Al re Marsili, ch' sint un po d' scagazza
Ch' la Spagna e d' n'avn a purtar su i copp,
E' la timpesta malament s'affazza
D' scargar sovra al so regn del dann i grupp,
A Valenza s' fa mettr, e più en s'impazza
Che in t'al fortificars, mo in ultim i vlupp
S'ardessu addoss a lu, ch' s' tirò anch sigh
Cun la so arvina quella di su amigh.

75.

Vers Africa alzò el vel al re Agramant
Cun di lign d'calastrà, e vud anch squas
D'omn, mo di lamint s' in sint pur tant,
Ch'in Franza tri d' quattr suldà i è armas!
Chi dis ch'al re l'è un matt, chi un arrugant:
E cmod, squas sempr, unced in sti cas,
Tutt i agurn del mal dentr da lor,
Mo per forza taser i fà al timor.

76.

Pur qualch volta tra d' lor a s'attruvava
Più d'un, ch' inseni avev confidenza,
Ch' sott vos spess al so magon spapplava.
Pur Agramant, ch'en ved s' n'in t' la preenza,
D'esser viu ben e cumpati al pinsava:
E quest, perchè al n'aveva l'esperienza
D'agnussr al ver dal fals, ne od altr son
Che d' strappi, busi, dsenn, e adulazion.

77.

L'aveva fatt pinsir al re African
D'en n'andar a sbarcar brisa a Biserta,
Perchè ch' l'era assedià da un corp d' Nubian
L'aveva avù per strà la nova certa,
Mo d' chiappar terra dsotra, in mod lontan
Da psser più facilment la spiza averta
Occupar, e po andaran in zo pr'al dritt
A succorr-r al so popl derelitt.

78.

Mo la so trista disgrazia e malanaza,
Ch' seguita a dari addoss cmod l'ha cminà,
Da qui lign, non za d' pin, d' abed o d' faza,
Ma dal fui fatt da Astolf in mar ficcà,
E ch' dritt andavn alla francesca spiza,
In t'al più bur dla nott, funn incuntrà
In temp nvulos, e per quest seur e trist,
E, in zunta di su dsastr, anch po dspruvvist.

79.

Al re African n'aveva gnanch savù
Ch' Astolf mandass un armada quasi grossa.
Ne a chi i l'aviss cuntà al n'arè cherdù
Ch' una rama cent nav furmar la possa.
Senza timor l'andava ch' contra d' lù
Un' armada quasi fatta fuss sta mossa.
Ne guardi avea in t' el gabbi o sintonell
Pr' avvisarl, d' lontan, s' as vdeva cvell.

80.

Sicchè l' nav del Danes d' tutt punt pruvisti
Del bisugnevl e d' bona zent armà,
Ch' la sira innanz el nav nemighi han visti,
E a qula volta d' accord s'ern indrizzà,
L'assalt el dinn a questi, ch' in dspruvisti:
E tant più quand i anzin i avn attaccà,
Sintend ch' là dentr i dscurrevn african,
Chiar i ognussinn d' aver i nmigh in man.

81.

In t l'arrivar quel nav mirabil vsin
Al nmighi, cun al vent ch' i era second,
In mod tal 'gli urtonn tra i sarazin,
Ch' una partida gl' in mandonu a fond.
Dop quest, d picchiar di l' ordn al paladin,
Tirand fugh, dard e sass, ch' despiantavn al mond:
Cun furia fi dscadnar sta gran timpesta,
Ch' mai più s' è vista in mar la più mulesta.

82.

Al cil istess, ch' i estian vleva aiutar,
A qui d Dudon fi cress l'ardiment:
Ch' l'era in fin arriva al temp d castigar
I sarazin per più d'un mancament.
Da luntan e da vsin quasi i savn far,
Ch' Agramant n' av dov star sicuramente:
D sovra l' ha un nuvl d frizz, dai là l' è ficch
Tra 'l spad, anzin, manar, fugh, sass e picch.

83.

D'agn banda vin di sass, ch' pesen ch'addrinin,
Soalza da di balstrun d nov invintà,
Ch' i albr, el vel, el popp fracassn e arvinia,
E mandn in fond all'acqua agn cosa stlà.
I fugh artifizia anc lor sfusiun,
Ch' en s'ammortn quand ben i in attaccà:
Qula povra zent pinsand d'scappar un prigul
S' i attrova implizzà dentr infinna al bligul.

84.

Chi per scappar dal fugh, o pur dal nmigh
In aqua 'l s butta, e' l s vè in mar a affugar:
Un altr, ch s nuda, s cava d'intrigh,
E in questa o in qu' altra nav al s vè a attaccar.
Mo qui d dentr, ch n' in ponn tant livar sigh
Per pora dal gran pes d' en s' affundar,
I taun el man, ch restn attaccà alla sponda,
E sotta all' acqua al rest del corp perfonda.

85.

Altr' in t l'acqua pinsand pur d' passers salvar,
E d' en murir almanch cun tant dulor.
Dop aver nudà un pezz, al s' sent mancar
Senza ripar la forza e anch al vigor.
Al fugh, ch' in prima al cercava d schivar,
Torna a guidarl dila mort al timor;
A un legn impià attaccand pr' en vler murir,
Mo d fugh e d' acqua el mort al tin soffrir.

86.

Chi per n' esser ammazà da una soietta,
Per so salut, al s mitt in t l' acqua in van,
Perchè ai arriva adoss d' un sass la stretta,
Ch' per carità n' al lussa andar luntan.
Mo al mi zanzar al srà ben fatt ch' a dsmetta
E quell ch' an dighi ancù al dirò po dman,
Perchè am sint alla testa andar dal fum:
Av digh intant: Bona nott! e a amòrt la lum.

FIN DEL CANT TRENTANOV.

CANT QUARANTA

ARGUMENT

*Agramant è sfurzà in t l' ultim a scappar,
E da luntan al ved brusar Biserta.
Mo tuccand terra al s sent assicurà
D' aiut dal Serican cun gran pruferta.
I mandn Urland cun altr du a sfidar:
D superari Gradass fin cosa certa.
Per liberar sett re ch' in in person,
Ruggir fà una gran guerra con Dudon.*

1.

Tutt i proverbi in somma in cos provà
Dalla cuntinva e giurnal esperienza,
Cun gran saver e gran cura applicà,
Segond ch s po regular a un accurrenza;
E fra tant, ch' in stà vir esprimintà,
Sicura a s' i po mettr qula sentenza
Ch' in tutt i insunni ch s fan la dis aqusi:
L' insir carrott e guast del cos del di.

2.

A digh sta cosa, perchè avend air
D Marisa e d Bradamant discors, e d doi,
D' arm, d suldà, d' assalt, e d persunir,
D cavall e d fant, d battai, d nav e d vasci,
Dila rotta ch fu Agramant sfurzà a soffrir,
Ardutti avend sti cos la fantasi,
Cun la so forza, m' ha fatt insuniar
Un dop l' altr di imbroi, ch' av vuu cuntar.

3.

Am pareva ch' un fora d cà m' aviss chiamà,
E, quand ai ho avert l'uss pr' andar da lù,
Una squadra d cavall è li arrivà,
Ch' ern da trenta, e forsi ben anch più.
Quisti vsti da currott ern guidà
Da du vsti d lugh d scarlatt, e d sovra più
D tela incirà i avevn la mantina
Ch' el spall cruveva all' usanza pelgrina.

4.

Am deed: am prill: am torn a indurmintar:
Ch fuss nvà al pareva, e ch' a fuss a cavall
Su pr' un arzn, e da un là un fium gonfi e par,
Da qu' altr co un sfundon, emod sre una vall.
E un albr m' impedeleva innanz andar:
A chiam al servitor, ch senza far fall
Passa d' un salt al fium: mo un bon villan
M tin la staffa a demantar, e 'm guida al pian.

5.

A vedr questù, l'era al più brutt umazz
Tint e sgramià em'è nn carbanar d Grizzana,
Plosi el gamb, plos al pett e plosi el brazz,
Ch'al pareva un cavour cun la so lana.
E po l'aveva in front un par d'occhiaz
Da far pora alla borda, e una gabbana
In dose, ch cascava in tutt i là a randi:
Insomma al fava pora da co a pi.

6.

Mo turneu da Agramant, ch aqusi a tastun
Ha la battaia d nòtt in mar eminzà:
Mo dop ch la pesa-griga e d solfa i btun
Pr'i vasci da per tutt funn sparguià,
E ch'al fugh fu attaccà ben ai assun,
Ai albr, a poppa, a prora, e in tutt i là,
A s vdeva in quel cuntorn lum talment,
Quant s'a s fuss livà al Sol chiar e luserit.

7.

Sicchè Agramant, ch'avea cun furor
Sta baruffa attaccà cun i su nmigh
Cun speranza d cavarun cun uor
E d saltar in poch temp fora d intrigh,
Quand dop al vist d ste fugh al gran splendor
E al doppi i cistian essr di su ch l'ha sigh,
L'armas ben curt, e s fi subit cunsi
Per vedr d saltar fora d quel sgumbii.

8.

Cun puch al passa in t'una barca alzira,
Dov' i era Breiador, e l'cos più rar,
Tra nav e nav cun questa l'vè s'artira,
Allontananda a poch a poch in mar;
Lassand i su sotta d Dudon all'ira,
Ch'in t la barca d Caront ai fà passar.
Chi mor pr'al fugh, chi in t l'acqua, o pr'altra strà,
E quih causa d'agn ~~essa~~ s l'è s'bignà.

9.

Al scappa donca, e s'è cun lu Subrin.
E al s dol d n'aver ai su cunsi badà,
Cgnussend adess ch l'era pur tropp indvin
E l' s magna el man pr'en i aver fed prestà.
So dann. Turneu a Urland, e al paladin,
Ch pensu, ch prima ch Biserta sia aiutà,
Battr al cunsi d mandarla d fatt per terra,
Ch'aqusi la 'n farà più alla Franza guerra.

10.

Aqusi pubblicament a s mandò al band
Ch fuss al terz di la suldadesca armà.
Tutt i vasci a Dudon in cennognu, quand
As fi passari in Franza; mo arservà
I n'avev quelh d'un, e d quisti al emand
I dinn a Sansunett, ch'è brav suldà,
Tant volt pruva, agli ueccasion accort,
Ch s fermò cun quì un miil luntau dal port.

11.

Astolf e Urland, emod dev far i bun estian,
Ch'en s mittn a nssun arrisgh senza urazion,
A tutt l'esercit cmandament i fan
Ch'i dzunen tutt, ch'i dmaudn a Dio perdon.
Al terz di ch'i avn tutt gli arm alla man;
E, quand s darà l'segnal d far la question
Contra Biserta, tutt fazzn al so dver,
S'i voln contra al nmigh vittoria aver.

12.

Quand i avn i dzun e gli urazion cumpi,
Cun gli altr divuzion, ch'ern da far,
Parint e amigh, l'nn l'altr insem s'unì,
Cun grau curtsi invidanda a cenna e a dsnar:
E tutt qui cumpliment i s fevn lì,
E quel carezz, ch fà qui ch voln vizar
Senza speranza più d'arverd i sù;
Per l'ultma volta i s basn e abbrazzn aucù.

13.

Dentr in Biserta i Dervis e i Santun
Finn far ai su degli urazion assà,
Battends al pett, ch'i parevun mantun
Ch fissn pr'el pigur e l'cavr al cuzzunà.
I finn a Macumett uffert e dun
Ch'en funn brisa gravli ne gnanch azztà.
In publicch e in privà finn di gran vud
Pr'aver vittoria, ch'andonn tutt a vud.

14.

Quand al Cadi i àv dà la so bendzion,
Alligr al popl armà cors alla mura.
La bella Aurora cun al so Titon
Era anch a lett, e l'aria negra e bura,
Quand da un là Sansunett, e al fiol d'Utton
Da qu'l'altra, saltonn su cun gran bravura,
Armà: subit ch di l' segn al Senator,
La città i assaltonn cun gran furor.

15.

Biserta aveva da don part al mar
E dagli altr don band la terra soda.
D'una fabbrica bona e singular
Era la mura, mo non za alla moda.
A quila manira poch pssava arparar,
Ne Branzard gvernator po far ch la 'n croda,
Pr'en n'i esser zent, ne gnanch quila provision
Ch'i sre stà d gran bisogn in qu'l ueccasion.

16.

Astolf di al cap di nigr l'incumbenza
Luntan dai merl d far star i assedià,
S'i avisen viu accustars cun d'insulenza,
Cun balestr, cun sfrombl, e bon sassà;
Perchè i suldà a cavall, e qui ch n'in senza,
S possn accustar sienr d n'essr accuppà,
E tutt'ern ben cargh da vir facchin
D'ass, d'assun, pred e scal, cord e rampin.

17.

Chi ha dla terra pr'apparzar la fossa,
Ch'al di innanz han dall'acqua za vedà:
Chi porta fass, chi lign, chi roba grossa;
Ogni om s'addanna, ognun e affazzindà:
E tanta zent a st lavorir s'è mossa,
Che in t'nn'ora la fu pina e apparza.
Allora Astolf, Urland e so cugnà
Alla so zent i fan dar la scala.

18.

I suldà d Nubia d'aspttar impaziint,
Tirà anch dalla via del sachzar,
Senza piisar a prigul o impedimint,
Dai scud sullivà in alt s fan arparar.
Cin di batt-biech po, e cert altr'istrumint
Da psser rompr el murai e l port furar
Andonn a dar l'assalt ai sarazin,
Ch mustronn in qu'uccasion d n'esser manzin.

19.

Adoss i t mi arversavn e fugh e sass
E lign, ch' nna timpesta la pareva,
Ch'el macchin scunquassava, el scal e gli ass.
E agn cosa malzippava dov la deva.
In fin ch fu bur, innanz ch'al Sol s livasse,
L'esercit di cristian fort i armitteva;
Mo dop ch'al Sol uscì dal lett d cristall
Vultò fortuna ai sarazin el spall.

20.

Da tutt'el band fi rinfurzar al Cont
Urland l'assalt e per mar e per terra.
Sansunett, ch cun el nav era za in pront,
Va in port, e sotto alla città s'asserra.
Cun balestr e cun arch, in pi in t'al pont
Del nav, anca lu cmenza a far la guerr:
E dai suldà fa tirar fora a un tratt
Perdgun e scal e altr'istrumint quasi fatt.

21.

Urland, cun Ulivir e Brandimart,
E quell ch vulava pr'aria i di passà,
Una gran guerra fevn da gula part
Del mura, ch' n'era dall'acqua bagnà.
Tutt quattr cundnevn la so part
Di esercit cumparti, ch' i era tuccà:
Chi vā al port, chi vā al torr, e chi alla mura,
E d fars valer ognun cerca e procura.

22.

Aqusi departi, d'ognun s cognuss al valor
Mii che s' i andassn tutt'insem confus.
Chi è degn d'nn premi, e chi s'fizza dennoir
S fa cognussr da mill' uoch, ch'en sien berlus.
Del torr d legn fan cundur cun gran armor
E-i quelli ch' i elefant d purtar han l'ns,
Ch'in aqusi grand, ch. cun quell torr adoss,
I fan parer el mura zo in t'nn foss.

23.

Brandimart vin e mitt la scala al mura
E, andand su, al chiama i altr a tgniri dri.
Parassà fan l'istess cun gran bravura,
Ch' ai fa tropp ann la so cumpagni.
Mo nssnn abbada s la scala è sicura,
Ne s la po cumpurtar su tanta zni.
Brandimart, ch'en stà dri a infelzar del perl,
Subit ch l'è dcò dla scala s'attrà a un merl.

24.

Al mena tant i pi, ch fort al s'attacca,
Qnand l'è tra i merl, al tol la spada in man.
L'urta, l'arversa, fora, stianca e ammacea,
Mustrand ai mor ch'al n'è nn goff o nn baggian;
Mo dop sol un mument la scala s'facca
Cun un armor, ch s' sinti ben da lontan,
E, toltu Brandimart, i altr in t'al foss
Andonn a bgui un sovra all'altr adoss.

25.

Brisa per quest s amarriss al cavalir,
Ne l' fa i sn cunt indri vler za turnar,
Bench' un squass d nmigh incontra l' s veda uscir.
Ne aiut dalla so zent possa sperar.
Chi al prega indri d turnar, ha l'asi d dir,
Ch'al n' i dà ment, e a so mod al vol far,
Mo, d'in quel mur, dentr in città al fa nn salt
Ch trenta brazza d misura era iust alt.

26.

Cmod sre s'al fuss cascà in t'un masson d paia.
L'arresta in pi senza avern altr daan,
E lu qui ch' i in d'intorn al spezza e s taia
Cun la spada, e s' i dà l' mal e l' malann;
Quest e qu'altr sunand ben al s travaia:
D dari aiut an i è nssun ch s taia l'affann.
I sn, ch saltar dentr in città l'han viest,
S'al pens quant è la suozza pist.

27.

Pr' al camp s'andò la nova sparguand
D'in vos in vos, fagand semp più granda:
Del prigul d Brandimart tant s vā digand,
Ch ben prest sta cosa la s savi d'agn banda:
Subit l'andò agli nreoch del cont Urland,
E da quel part in dov al duca cmanda:
Ne sol qustor infurmà funn, mo Ulivir,
Ch'era da un altr co cun el sou schir.

28.

Sti brav campian, e sovra a tutt Urland.
Ch'amavn Brandimart fort purassà,
Sintend sta quita, pinsson che, più intardand,
Per perdr i ern nn cumpagn da tutt stimà.
El scal chiappon in furia, e su montand,
Cun gran curagg ai altr finn la strà,
Mustrandz quasi risult ai su centrari,
Ch' ai vins la termari sol a guardari.

29.

Cmod srev in mezz a un bosch un furastir
Ch fusse assaltà da un branch d'alandrin,
Ch si buttn tutt addoss per vlerl frir,
E lu fa quel ch'al po pr'en n'i aver vsin;
In ultm un d'qulor, ch'è un di più vicch del mastir,
S'i astricca sotta e abbrazza quel puvrin,
E cun la gambarola al fa cascar,
Ne cun tutt i sn sforz più an s po arlivar:

30.

Aqusi Biserta, za tant numinà,
Fu dalla forza d'anm e valor
D qui tri mustazz e vinta e superà.
Più d mill scal funn alza dop cun furor:
Oltra ch'el mura era po stà furà
In mod da psser da tutt in tutt 'gli or,
Per quel rottur, intrar da tutt 'el part
A succorr-r in t' al prigl Brandimart.

31.

Cun quel furor, ch la part d'un mont arvina
Quand al s distacca dal rest dla gran muntagna,
E zo pr'el balz altissim fa ch spissina
Albr e sass, zuch d'abed, d pin e d castagna;
Prà, camp e vign e ca sigh la strascina,
Figur, pastur e vacch resta in t la ragna,
Del belli vid, di frutt an s ved più ngotta,
Mo sol la balza dla muntagna rotta:

32.

In st'istess mod, la zent d tutt punt armà,
Dal scal, e dov la mura era più averta,
Salta innanz cun al fugh in man impia
A dstruzz al popl e la città d Biserta.
Rapin, incendi e mill iniquità
D furt, d'omicidi s fevn là alla dseverta:
In mod ch'as po ben dir ch'i finn tinnina
Dla gran città za d' Africa rìgina.

33.

Dla zent morta s'in vdeva da per tutt,
E d sangu nman, ch dal fri quasi largh sgurgava,
Squasi s formava un lagh quasi negr e brutt,
Da atterrir chi d n'aver pora s gluriava:
Da una ca a qu'altra al fugh era cundutt,
Ch buttegh, palazz, muschè agn cosa brusava,
In mezz a quel spavent e urribl intrigh,
Url as udeva sol, lamint e zigh.

34.

A s vdeva i vincitur d'in t'el cà uscir
Cargh em'è i facchin d ricchezza e cos rubà,
D belli vest e vas d'or pin del panir
D zoi e d'arzin in t'el muschè strappà.
Chi madr e fù tiravn a fars servir,
E fussen stà sol li gl' iniquità,
Del qual una gran part Ürland intes,
Mo lu n' al psi impedir, ne al duca ingles.

35.

Bacifar in st garbui pur anch sgablò,
Ch'Ulivir i spaccò per mezz la zucca,
E Branzard, vüend d'en psser risistr più,
Arstò senza cervell dentr in t la gnucca;
Al s'ammazzò cun trei fri da per là:
E Fulvi pereunir arstò del duca.
Questi ern i tri ch'al re Agramant lassò,
Quand l'andò in Franza, a guardia del regn sò.

36.

In st mentr mo Agramant, ch'in part aveva
Lassà el sou zent, e cun Subrin scappava,
Cun gran dador suspirava e pianzeza
Vüend da luntan la so città ch brusava.
Quand più chiara la cosa l'intindeva,
E alla dstruzion del so regn al pinsava,
Dalla deprazion ai saltò in t'al pinsir
D'ammazzars, mo Subrin al fì trattnir.

37.

Quà più gran gust e miora cuntintezza,
Dseva Subrin, aver prev al Frances,
Ch sintir la vostra mort, e in pacatezza
Far da putron in t'al vostr paies?
Mo al vostr vivr n'i darà st'algrezza,
Perchè ai bisognarà star in s'el dfe.
In Africa an i srà del lugh per lù
Sicurament in fin ch'a vivrì vù.

38.

Cun al vostr murir, tutt zo d speranza
A tuli i vstr suddit, ch pur anch 'v resta:
Dov, s'a campà, del cert ai ho fidanza
Ch'a z fadi tutt tornar in gaudi e in festa.
S'a muri vu, in t'i guai fin alla panza
Nu sren, e sempr srà l'Africa mesta.
S'an vli vivr, car signor, a riguard vostr,
Caro vu, cercà d vivr pr'aiut nostr.

39.

Dal gran sultan d'Egitt, ch'è nostr avsin,
A sri aiutà d roba, d quatrin, e d zent.
Lu malissm vüentira al fiol d Pipin
Al vdrà in Africa tant esser putent.
Cun tutt'al sforz vgnarà 'l re Nurandin
In vostr aiut, ch'è pur vostr parent.
I Med, Arab, e Turch, cun i Persian
In vostr aiut, s'av i arcmandà, i vgneran.

40.

A st mod al vecch Subrin, ch'era un furbazz,
Cercava d far cüagg al so patron,
E in Africa d tornar a cantar Mazz,
Sebben ch'al vdeva rott al calisson.
Ben al saveva n'i esser gran vantazz
Credr a tutt qulor, ne aver suddisfazion
Da chi 'n sà in pas al so regn cunservar:
Da zent quai fatta aiut an s pol aspttar.

41.

I han i re da cercar d'arar pr'al dritt,
E al so Stat e la roba 'n strascinar,
Perchè quand an s' n' ha più a s' arresta fritt,
E andà vi i bu l'è inutil l'uss assarar;
Chè i vsin accort, cun i parint più stritt
S mittran la plizza per vleri aiutar,
Mo tutt st'aiut, tutta sta protezion
In fan turnari indri un bagaron.

42.

E s' un pur anch s' muviss a so favor
Al n' al fà sol per generosità,
Ch' in t' l' ultim al pretendrà del bon e mior
A titl d' dann e d' tutt el spes passà.
D sti tal esempi a in vlen da tutt 'gli or,
Non sol tra la zent ricca e d' nublità,
Mo tra i imperatur, princip e rè,
Ch' i cerchn d' aquistar, mo sol per sè.

43.

Al re Agramant aveva vers orient
Vultà la nav, e s' era là in alt mar,
Quand contrari al so viazz s' livò un gran vent,
E ch' minazzava anch d' far far timpstar.
Al pilot al so uffizi steva attent,
E al diss: Una timpesta è pr' arrivàr,
I mi sgnori, ch' an so, tant s' rala grossa,
S' un rimedi a schivarla trovar s' possa.

44.

Quand i vlissen abbadar a un mi cunsù,
Za ch' un' isola è qui alla man nanzina,
Ch' andamn a chiappar terra li al srà mii
E aspttar al fin d' sta sfuriazzà marina.
Al re Agramant, per sfuzzar al gran sgumbii
Ch' s' ammanvava, sbarcò in t' l' isola vsina,
Ch' è fra Lipar e l' Africa piantà
Per bona sort d' chi passa da quel là.

45.

In st' isuletta an i è ne ca nè tecch,
Mo sol di spin, di stirp, e di razar
In dor sicur i stan, cun tant d' urecch,
Livr e cunil, che nssun i va a distanar.
Ai vè del volt, e s' n' in p' gnanch parecch,
Un qualche pscador el son red a suyar
Ch' in quel mentr ch' i stan a zexr in terra
Ai puvr piss del mar i n fan la guerra.

46.

Qui i attruvonn ch' a s' era un altr legn,
Per pora d' la burrasca, anca lu arduitt,
E aveva al sgnor ch' ha d' Sericana al regn
D' in Franza in st' sit per riparars condutt.
Cun quila creanza e al mod tra re e re degn
I s' abbrazzonn cm' i s' vistin in mezz al tutt
Agramant e Gradass, za stà cumpagn
Sotta a Parigi e contra Carl al Magn.

47.

Cun un dspiaser da amigh, al re Gradass
La dagrazia d' Agramant tutta capi:
Mo ai fi bon anm, dsend ch' an dubitass,
Ch' al l' arè lu cun el son forz servì.
Al le dcunsio in Egipt po dop ch' l' andass,
E ai diss chiar a sta manira qui:
Che un aiut dall' Egipt an psea sperar,
E al fin d' Pompeo al psea far ognussar chiar.

48.

E po l' diss: Za ch' am sint cuntar da vù,
Ch' in prima an al savea, ch' i Etiopia,
Del Senap sudditt, cun Astolf in vgnù
A sacchzzarv città, rign e pais,
E ch' a i è quel ladron d' Urland cun là,
Ch' ai di passà d' cervell andava sbris,
A cred d' aver pinsà un ottm rimedi
Per livàrev d' addoss i guai e l' tedi.

49.

Mi per servizi vostr a son qui pront
Far cun Urland partitican question.
Contra d' mi an durarà, s' al fuss on mont
D' marm, o s' al fuss d' bronz, d' ferr, o d' utton,
Mort ch' al sia lu, d' la Cisa a fugh tant cont
Quant al lor fà d' agnell, d' pigura o d' munton.
Aqui mi a pens, e an durarò fadiga
D' far a sta zent chiappar vers ca la piga.

50.

Qui altr Nubiis, ch' stan in confin a lor,
Sparti dal Nil, e dalla lezz d' Maomett,
Arab, Macrobi, ch' in una part d' lor
Ricch d' bestiam, e ch' han d' or pini el cassett,
Cun i Persian e tant altr, ch' a qulor
Ai emand mi, perchè an son miga un puvrett,
Contra al Senap ai farò movr guerra,
E quisti en pran star più in t' la vostra terra.

51.

Al re Agramant ai pars molt pnrassà
Quell ch' prupunea Gradass un bon parti,
E alla burrasca d' mar s' chiamò obbligà
D' essr per causa so lu arrivà li.
Ma da altra part ai par ch' ben ammacchià
I arstass l' anor, s' l' aviss accunsinti
Ch' i cunflitt sovra d' lu Gradass tolliss,
S' al so regn d' aquistar auch al cherdiss.

52.

E l' dsì: S' Urland s' ha da sfidar, mi a son
Quell ch' a dsfidarl a i è più convenient;
E a son pront: fizza po Dio, ch' è al patron,
Riuscir la cosa ben o malament.
Gradass arspos: Sinti nn' altra rason:
Un' altra cosa adess m' è intrà in t' la ment:
Sta battaia tulen insem tutt du,
E Urland un' altr sigh tuga di su.

53.

Pur ch'an arresta indri, mi a son content,
Diss Agramant, ch'a sia po prim o segond.
A so ben ch'attruvar al più valent
Cumpagn in guerra d'vu an s'po in tutt al mond.
Dov restia fà? Subrin diss pruntament:
S'am diri ch'a son vecch, e mi av arspond
Ch'a srò più expert, e ch'in sti cos l'è mii,
Tant volt, più d'un bon brazz un bon cunsii.

54.

L'era ben vecch Subrin, mo l'era arbust,
Tant e tant volt in guerra esprimintà;
Cun spada e lanza al lavorava d'gust
Anch all'impar dla zoventù passà.
Sicchè l'azztarl i pars ben fatt e giust,
E una stufetta fu subit trovà,
In t'un battell da mandar, camminand,
In Africa a dsfidar al cont Urland;

55.

Al qual, cun altr du cumpagn armà,
Al tal di in Lipadura ava da andar,
Ch'è un'isuletta questa circondà,
Da lì non tant luntan, tutta dal mar.
A vel e rem andò quel mess mandà,
Ch'in t'i bisogn al s'aveva spichjar:
Cm'al fu in Biserta, al trovò al paladin,
Ch'ai su suldà compartiva al buttin.

56.

D sta bella dsfida Urland av tant a car
Da Agramant fatta, e dal re d Sericana,
Ch'al mess dou milla zechin al fi dunar
E po d vlud pompador una gabbana.
Dai su cumpagn l'aveva ndi cuntar
Ch'al fianch Gradass purtava Durlindana:
Infin in India ai vleva corr-r dri
Dalla gran via pur d'averla indri.

57.

In altr lugh d'arzunzi an pinsava
Da po ch'al sav ch l'era d'in Franza uscì.
Adess, ch'al l'ha più avsin d quell ch'al stimava,
Al cred ch' ai srà la spada arstitui.
Al bell corn d'Almont anch al sprunava
Ben e vluntira azztar quila dsfida lì;
E po per Breiador anch altr tant,
Ch'al saveva esser in man del re Agramant.

58.

Al fi adlita d cumpagn a sta battaia
Al so amigh Brandimart e so cugnà.
Tutt du al sà ben ch' i in d'una bona taia,
E ch'au pol esser d mii accumpagnà.
Bon cavall, bona spada e bona maia
E lanza miora al pesca in tutt i là
L'r'i cumpagn e per sè, ch, s'av si tgnu a ment,
Nssun sigh aveva al so propri armament.

59.

Urland za, cmod av ho più indri cuntà,
Quand l'ammattì, l spargnù el sou per terra:
A qui altr el funn da Rudumont livà,
E quelli adess la torr dri al fum assera:
In Africa an i n'è gran quantità,
Perchè sigh Agramant li tols in guerra,
E in Franza al mior aveva, e po perclè,
Fora d quest, in qui sit degli an an i è.

60.

Quell ch'i para bon, ruzznent o pur bruni,
Fi in t'una massa tutt arcuir Urland;
E dla battaia ch s ha da far quel di
Và cun i su cumpagn dri al mar dscurrand.
Fora del tend a cas trovands un di,
Più d trei miia luntan, al mar guardand,
I vedn ch s volta all'africana spiazza
Una nav, cun gran vel, ch per l'acqua viaza.

61.

In st legn an i è pilot ne marinar,
Essend guidà dal cas e anch dal vent.
A terra da per lu s'andò a fermar,
Cmod cundutt là al fuss stà propriament.
Sta nav intant ai ho pinsir d lasaar;
L'amor ch'a port al brav Ruggir a sent
Ch'em chiama in Franza a dscoor-r un poch d là.
E d Rinald paladin dir cmod la fù.

62.

D sti du, mi av ho za diitt ch tutt in t'un tratt
La lit cmenza i avevn tralassà,
Vdend esser rotti el cundizion e i patt,
E andar su d sovra schir, cavall, suldà,
Senza saver chi prima s'ava dsfatti
El convenzion e l' prumission zurà;
El stà l'imperator o l sarazin?
I van dmmandand a qui ch'i passa avsin.

63.

Un servitor, ch'aveva mo Ruggir,
Fedel e accort, che d quisti an i n'è più,
In quel gran mesdament d'arm e d bandir
Al patron sempr d pista aveva tgnù:
D spada e lanza al l'andò prest a servir,
Dsendi in aiut di su ch'al muntass sù:
E lu muntò a cavall, la spada al tols,
Mo per quest in t la zuffa intrar an vols.

64.

Innanz però d'andar vi d li, l'arnova
Cun Rinald el prumess prima zurà.
E, s' Agramant dal là del tort al trova,
D fari al ball del pianton l'ha destinà.
Per tutt quel di lù n s miss a nssuna prova,
Mo, fora dla battaia stand da un là,
A tutt qui ch passn innanz e indri, che banda
Ha rotti i accord, mor o franziis? al dmanda.

65.

Alla so dmanda i arsepondn tutt quant
Ch'a far maron funn prim i sarazin.
Lu, ch'amava d bon cor al re Agramant,
Lassarli in suitt, un tort n'i par tant pzin.
Cmod av ho za cuntà in t'un altr Cant,
La vittoria ha vultà pr'al fiol d Pipin.
Aqusi vol la fortuna, ch prilla in tond
La roda, e quell ch'è d co la l manda in fond.

66.

Ruggir, dentr d se stess, pensa e cunsidra
S' Agramant si o no 'l dev seguitar.
L'amor, ch'al porta a Bradamant desidra
Ch'in Africa più al n'ava da turnar.
Quest tant al punz, e s'al tol zo d sgalmidra,
Ch'al sint ch'un gran rimors al pre prubar,
S'an s tin al zurament ben fort e sald
Ch l'aveva fatt al paladin Rinald.

67.

Da un'altra part al sent ch molt al l'accora
La cura ch l'ha da aver del propri unor;
S'adess al lassa 'l re Agramant, l'ha pora
D fars appressa alla zent un gran dannor.
E, s la so bona scusa anch al mett fora,
Al pensa ch la n darà a tutt in t l'umor:
E tant diran ch'an s'è ubbligà a usservar
Quell ch'è ingiust, e ch n'è lecit a zurar.

68.

Al rest d quel di, tutta la nott seguent,
E al di vgnand, al sti sepr da per si,
Lambiccand al cervell cnn st piasament
D'andar o d star quà fuss al mior parti.
Pr' Agramant al cunclus po finalment,
D turnar sigh al paes, siand sigh vgnu li:
Purassà ben in lu psevera l'amor,
Mo molt più purassà psevera l'unor.

69.

Al torna vers l'armada, cun al dsegn
D'imbarcars sigh e in Africa turnar.
Quand al fu là, an trovò vascell ne legn,
E po tant murt, ch'an psevera gnanch passar.
Tutt i vasci ch'al psi, turnand al regn,
Tols Agramant, e i altr al fi brusar.
Quand al vist ch'andà bus i era 'l pinsir,
Vers Marsilia, dri al mar, vultò Ruggir.

70.

O pr'amor o per forza un qualche paron,
Diss lu, m'ha da cundur da qu'altr là.
Mo inst allora era arrivà Dudon
Cun tutt i schiav, ch l'aveva in mar chiappà.
In mar an si srev tratta nu anima d mlon
Tant'era el nav ch l'aveva sigh guidà,
A mazz battù tutt cargh d zaravir,
D vittuaglia, d soldà, e d persunir.

71.

Quel nav di mor, ch quela nott fatal arstonn,
Ch'en funn dall'acqua o dalla fiamma destrutti,
Fora d qualch d'una, ch'in prima scappoun,
Dudon aveva a Marsilia condutti
Cun sett d qui re, ch'in Africa emondonn,
Che, vndent tutt el sou squadr mal arduiti,
Per la pora dia mort, i s'ern aris,
Mo dop steva tutt là dulin e bis.

72.

Pr'andar a trovar Carl imperator
Quel di propri Dudon era uscì d nav.
E, in aria triumfant, per fars unor,
Al feva mettr all'ordn soldà e schiav,
Ch'ern a terra dsmentà tutt'anca lor.
L'ha i su Nubiis d'intorn, ch fan da brav,
E cun tant vers alzavn al cil Dudon,
Ch propri al pareva ch'al tirass al tron.

73.

Ruggir s'insperanzà, vndent da luntan
Sti nav e zeut, ch'i fussen d'Agramant.
Al di d spron al cavall, mo al vist ch'in van
Rinaceva 'l sou speranz, e al correr tant.
Tra i persunir al vist al re Pulian,
Bambiragh, Agricalt, e Favurant,
Manilard, cun Balast, e Rimedont
Tntt star piangulint, e t'gair bassa la front.

74.

Mo lu, ch'i amava d cor, an psi suffrir
Che quela miseria avissen a suppartar.
Cgnussend ch'an zuvarè dmand o preghir,
Mo ch sol la forza li bagnava adruvar,
Sbassò la lanza e andò in t'el guardi a frir.
Dop, eminzand cun la spada a lavurar
Quand la lanza fu rotta, in t'un mument
In terra l'in mandò di mart più d cent.

75.

Dudon, ch st'armor ndà, e po vist l'arvina,
Ne savend chi s'fuss quell'arrivà li,
Al vdeva i su scappar vers la marina
Chi smort, chi zigaland, tutt insupri,
Al cavall, elm e scud chiamand, s'avvina,
Ch del rest degli arm l'era za guarni,
Salta a cavall, e po s fa dar la lanza,
Ben arcurdands ch l'è un paladin dla Franza.

76.

Al ziga fort ch'agnun s tira da nn là,
E in t'i fianch del cavall mena del spron.
Ruggir iutant cent altr n'ha ammazzà,
Cun gran cuntent d qui ch'ern person:
Quand l'usservò Dudon vgnir, arsaldà,
E ch'i altr ern a pi tutt, sol lu in arzon,
Stimand al capitani d'altra zent,
Al s moss pr'andari incontra incuntinent.

77.

Za prima s' era moss Dudon; mo quand
Al vist qu' incognit senza lanza vgnir,
La so anca lu al ficcò vi, stimand
Supraffazion con quella andarl a frir.
Ruggir, ch st bell' att al vins cunsiderand,
Al diss dentr da lu: Bisogna dir,
Ch' al sippa quest un cavilr d qui fin,
D qui che in st paes i chiam paladin.

78.

Ai vui dmandar s' am vol far la finezza,
Innanz d cumbattr, al nom farm pales,
E a-gli al dmandò, e Dudon con amurvelizza,
A sou Dudon, diss, fiol d' Uggir daues.
A Ruggir po anca lu mies sta gravezza,
E pariment al l' attruvò curtes.
Dop quest, i missen al chiaccarar da un là
E s principionn a dars del bon stergià.

79.

Dudon aveva sigh qula bona mazza,
Ch' in tanti impres i aveva fatt unor,
E s mostra ben con quella essr da razza
Del danez, tant stimà pr' al so valor.
Qula spada ch fora scud, elm e curazza,
Tra tutt el spad del mond ch' al tai ha mior,
Subit desudrò Ruggir, mtends in parà
D far ognussar al paladin la so buntà.

80.

Mo perchè semp l' aveva in t la ment
La mrosa d' en disgustar, per quant al paeava,
E s paeava essr ben cert che, s malament
Al trattava Dudon, al l' uffendeva;
Dla casa d Franza instrui chiarament,
Armelina, d Dudon madr, al saveva
D madonna Beatriz esser sorella,
La madr d Bradamant, so mrosa bella;

81.

Per sta cosa mai d punta al n' i tirò
Che qualch puctin, e poch 'd tai al mnava.
Quand al vdeva la mazza calar zò
Al l' arbatteva, o da banda al s' artirava.
E l' inistorich Turpin per quest cuntò,
Che, s l' aviss vlu, Ruggir al l' ammazzaa,
E quand al pseava, semp al mnava d spiattl,
Perchè a st mond an vultass el sgarabattl.

82.

Cun tutt ch' ai picchia sol a sta manira
Cun qula spadona, ch' ha quasi bona schina,
Però a Dudon al sedr fort i tira,
E agn volta ch la i dà addoss bisò ch' al s china;
Per quest d scansarla al più ch' al po l' ha in mira,
Per pora ch l' ai possa esser l' ultima arvina.
Ch' al cerca d abbadar pur lu al fatt sò,
Ch' in t' el pist mi pr' adess al lassarò.

FIN DEL CANT QUARANTA.

CANT QUARANTUN

ARGUMENT

*A Ruggir Dudon dona i persunir :
Lu e lor s' imbarcàn, e per tempesta d mar
Tutt s' annighn, e as salva sol Ruggir,
E instrutt da un bon Rumitt al s fa battzar.
In st mentr al Cont, Brandimart e Ulievir
Han cun i nmigh un gran da lavurar.
Subrin arresta fri, mo al re Gradass
Cun Agramant manda 'l Cont a patrass.*

1.

Quell ch' è ben nad bisogna ch tratta ben
Per bou iustint del sangu eredità.
Sana bisogna ch sippa l' acqua d Ren,
Perchè l' acqua di Bagn va sigh mesdà.
Nassr da bona siment bon gran a vden:
Mo qu' lù, ch ha sol iutn e lui sunnà,
A tort s lamenta dla mundi s' al cui,
Ch' al iutoun dà iutoun, e al lui dà lui.

2.

Chi da gallina nass bisò ch' al razza,
Perchè d razzar l' impura dalla chiozza;
Tutt i mercant s ognussen alla fira e in piazza;
Dov arvina el murai al perdizz sbrozza;
Gual al cavall ch' è nad d cattiva razza,
Perchè an po essr altr che una rozza;
Una carogna po sol dar dla puzza,
E i can più moraghn quand ai è chi i uzza.

3.

S' un' inseda vol far l' urtlan astut,
I spulitt cerca d bona qualità,
E po in t l' istessa spezia indiss al frut,
Sicur ch la so fodiga en n' è buttà.
Da un cattiv albr an s po cavar bon frut,
Mo qui del bon i gran d tutta buntà:
Ne mi ne nessun s fa al dida sta sentenza,
Perchè al l' ha detta l' eterna Sapienza.

4.

S' un tratta cun bell garb, segn manifest
Quest' è d' essr ben nad, ch' es fa capir.
E, per garb, al trattar civil e unest,
Generos e non prodigh a vui dir.
Ruggir arè Dudon pessù anintiar prest
Se dla forza e non d garb s fuses vlu servir:
Mo, cmòd av diss air in qu' altr Cant,
Al s tgneva el man per causa d Bradamant.

5.

Dudon, per la so part, ch Ruggir del cert
N'i vleva far gran mal avea cgnussù,
Più volt siandei abbattù per d sotto dscvert:
E stracch s sinteva tant, ch'an psseva più.
Essee dal là del perd'r vident avert,
Ch'in t'al culpiri v' Ruggir trattgnù:
Vdent donca d'n'al pssee vinzr cun la forza,
In t la curtsi d n'esser da manch al s sforza.

6.

Sangu e tacca, al mi signor! diss, fen la pas,
Ch'a ved d cert ch la vittoria n'è più mi.
Am chiam za vint, e d cedrv au em depias
S'arrest person dla vostra gran curtsi.
Ruggir arpos: Vlutira; questa 'm pias,
Za ch voluntariament an la prufrì:
Mo cun al patt ch sia miss in libertà
Sti re d cnrona, ch'avì quì ligà.

7.

A sta manira dsend, qui re ai mustrò
Ligà ben stricché, e con la testa bassa.
Un'altra grazia dop questa ai dmandò,
D lassar cun lor ch'in Africa al trapassa.
Dudon vlutira agn cosa a gli accurdò;
A so servizi anzi nna nav ai lassa,
Quella ch parrà a Ruggir, e s fa deligar
Fulian, e qui altr, dandi a tutt l'andar.

8.

I livonn gli àncor, e po dspigonn la vela,
Lassandla andar alla dscerzion del vent,
Ch'alla prima gunfò quai ben la tela,
Ch'al aguazzava al paron propriament,
Senza pinsir cantand la falilela.
Mo fiu a sira sol durò st cuntent,
Ch',in t'al vgnir bur, al vent voltò mantell
Perfidament contra al povr vascell.

9.

L'abbandunò da poppa, andand al spond,
E po da prora, e po da tutt i là;
La nav prilland in tond, tutt al confond,
Ch rimedi in trov'n, tant'èl strampalà.
Cun gran spavent s'alzò d'intorn gli ond.
Sovra aqua i piss fan nn armor smaccà.
Tutt'in confus, in san ch partì s chiappar,
Pinsand ch'agn'onda i vada a subissar.

10.

Ora al vent han da front, ora dal spall,
Ch'i fa andar quand innanz e quand indri,
Quand a travers ai fa far un brutt ball;
In somma d bun parti i han caresti.
Al gvernator dla nav s fe smort e zall,
Al suspira, al cuspetta, e s batt i pi.
Al crida, e s zegna cun la man per far
Tutt quell ch'in st'uccasion sà l'art inagnar

11.

Al zgnar poch val, la vos poch pariment,
E questa e quell l'acqua e al bur impediss.
I zign en s vedn, el vos porta vi al vent,
L'acqua casca a palà, ch l'è un gran subiss.
I url di navigant, tutt pin d spavent,
L'armor ch fa gli ond, insem agn cosa miss,
Ne d sovra o d sotto ne da nessuna banda
Lassen vedr o capir s'al pilot emanda.

12.

Al vent, ch suppia in t'el cord e n'el po stiar.
Fistia cm'è un magarass o un gran bisson.
El losn spessi fan inespavantar,
E dop questi gran falmin e gran tron.
Tutt per salvars cerchn al pussibil d far;
Chi bada al vel, chi al cord e chi al timon;
Quest aggroppa, quell deliga, e chi a vudar
Bada l'acqua, e fa 'l mar turnar in mar.

13.

Sempr più l'acqua cress e la timpesta:
E all'impruvvis la sfuriazza del vent
Fà ch'all'albr attornia la vela resta,
E l'acqua s'alza in su cun gran spavent.
Un rem più intir en i è, gnanch per la pesta:
Tant'i sbatt la fortuna malament,
Ch la nav di nn gran prillott, monstrand dsarmia
Contra d quel vent la sponda abbandunà.

14.

Tutta sott'acqua va la dritta banda,
E poch manch ch la 'n s'arversa dsotta in sù.
Ugnun per tema a Domendi s'arcmanda
D n'andar in fond, e 'n pssee turnar più sù.
Da nn mal in qu'altr la burrasca i manda:
Dop al prim, al second e al terz vin d più.
Se scunquassa la nav in fin al centr,
E pr'al schervai ai entra l'acqua dentr.

15.

Sovra e sotto a i è l'acqua, e intorn al vent:
D'agn'ora 'l prigul è cert d'avars da angar:
Del volt i van tant alt, ch propriament
Al par d sovra del strell aver da andar;
I caschn po quai in zo, dop un mument,
Ch'in t'i abiss i s'aspettu d arrivar.
I n'han sperenza più, più in han cunfort,
Mo i s vedn sol dinanz la brutta mort.

16.

Qula nott, quant la fu lunga, al vent per mar
A mattun d zà e d là sempr i spinzi.
E quel gran vent, ch s'aveva da affermar,
Cmod al sol far, in t l'alba, più chersi.
Dinanz a un scui o s'ass s vistin arrivar;
Schivarl i vlevn, mo a n'i fu parti,
Ch la timpesta del mar, la furia granda
Del vent, pr'altm so dann, là propri i manda.

17.

Trei volt o quattr al bon pilot pruò
D'indirzzar al timon a miora strà,
Mo indarn, perchè al vent anch quell i spzò,
E pr'al mar andò i pzzù tutt spargià.
La vela ch svalattava arcuir an pò,
Tant l'avevi al mal vent pina e gunfià.
Temp an i è d far cunsi ne metri arpar,
Ne dal prigul i è scamp d'avers da angar.

18.

Dop aver acgnussù in quel gran flazzel
Ch'a s sre senz'altr la nav affundà,
Ugnun s'attri al partù d salvar la pell,
P'emend a tutt al so interess privà.
Qui ch funn più svelt saltoun in t'un battell,
E qustor funn tant, ch'al fu ben tropp cargà,
Ch dalla gran folla d zent ch là dentr cala,
D'agn'ora an i è più 'l mod ch'al staga a gala.

19.

Vdend Ruggir marinar, garzun, paron,
Calar in quel battell, ch'es po dir pregn,
Anca lù quasi dsarmià, sol vesti in zibbon,
Senz'altr più pinsar, saltò in t'al legn.
Mo tant i n'andò dri senza dscherzion,
Ch la carga chersi tant, passand al segn,
Ch'an pssì 'l gran pes in ultim supportar
E 'l fu custrett in fond all'acqua andar.

20.

In fin al s'arversò, cun sig tutt quant
Avern, intrand in quell, sperà d salvars.
Allora sà ch'a s'udi i url e i piant,
E al cil e ai anz e ai sant tutt armandars.
Mo poch durò l'armor, ch dop un istant
Al vent e l'acqua andonn insem a urtars,
E un gran cavallon d'acqua 'l bus stuppò,
Sicchè i url e i lamint arstonn la zò.

21.

Part in quel fond andò, ne s vist mai più;
Un'altra part sovra dall'acqua sbalza;
Qui ch san nudar mettn la testa in sù,
Chi mostra un brazz, e chi una gamba dscalza.
Ruggir, ch gnanch in st trambust ha pora avù,
Tutt'animos fora dall'acqua s'alza,
E al scui sberlocchia, ch'era poch luntan,
Ch'i su cumpagn cerconn d schivar in van.

22.

Cun la forza del man, del brazz, di pì,
Al cerca tutt'i mod d chiappar al sott.
Al va suppiand e s para l'acqua indri,
E del saver nudar cava un custrutt.
Intant al vent e la timpesta vi
Portn la nav, abbandunà del tutt
Da qui disgrazià, ch per so cattiva sort,
Cherdend d salvars, casconn tra 'l grinf dia mort.

23.

Oh quant a z'ingannan mai facilment!
La nav s salvò, ch s'aveva da affundar,
Quand al pilot, e tutta qu'altra zent
Senza nssun gvern la lassonn andar.
Al pars ch'aviss un qualch intendr al vent:
Quand a gara tutt qulor s missn a scappar,
E abbandunonn la nav senz'altra cura,
Allora al la fi andar alia sicura.

24.

L'è cert ch'an pssì guidarla i marinar,
Quand più i n'i funn, e li andò vi pr'al dritt:
Vsin a Biserta l'andò a capitar
Dou o trei miia, vers la part d'Egitt.
Là in t la sabbia la s'andò a inzampiar
Quand s fu stuffa 'l diavleri e in arpos s mitt:
Allora, cmod a dseva, al punt fu quand
A s'affermò sta nav, e arrivò Urland.

25.

Curiosità d saver in meut saltò
D'Urland cos'è in qua nav, s' l'è vuda o pina,
E Brandimart cun lu da quel là andò
E so cugnà dentr a una barca pzinia;
Mo, quand al fu intrà dentr, al n'attruvò
Anma nada, nè in poppa ne in stinina.
Frantin al vist, la spada e l'armadura
Ch'ern d Ruggir in t'una stanza bura.

26.

Per la frezza d scappar, Ruggir dscurdà
S'era la spada, o ch per torla an s di temp:
Ben Urland l'acgnussì, ch l'era chiamà
Balisarda, e adruvò al l'aveva un temp.
Za l'instoria a savi, s'av l'arcurdà,
Ch'a Falerina al la tols da quel temp
Ch'ai dzippò al so zardin, ch'era quasi bell,
E a lu rubà ai l'aveva po Brunell:

27.

E da st Brunell in Africa portà,
La fu dunà a Ruggir garbatament.
Ch tai fin l'aviss e cmod l'era timprà,
Fatt più volt al n'aveva esperiment.
D trovar sta spada Urland àv molt a car,
E in fi a Dio un dvot ringraziament,
Dsend a qu'altr, ch'in d'istess umor,
Ch pr'i su alt fin ai la mandava al Sgnor.

28.

In qu'uccasion, cioè, ch l'era in prucint
D cumbattr cun al gran re d Sericana,
Ch'era pruva star d sovra ai più valint,
E d più aveva Baiard e Durlindana.
L'altra armadura an la cuntò per niint,
Sebben ch'an la furava forza umana,
Cmod quel ch s la miss attorn al l'attruvò.
E per quell ch la valeva al l'astimò.

29.

Poch a Urland d'armadura i impurtava,
Perchè, cmod a savèn, l'era affadà,
E la curazza pr'us sol al purtava.
La spada al tols, e gli arm di al cugnà,
E l'amigh Brandimart Frontin vol ch l'ava.
Aqusi sta roba fu ngualment despina,
Cmod as dev far tra i vir e un cumpagn,
Quand spartir giustament voln al guadagn.

30.

Pr'al di dla gran battaia agn cavalir
Vols un bell'abit rich, ben atilà.
D Babilonia la torr, in t'al quartir
Fi dpinzr Urland, da un fulmin sbrindala.
Pr'insegna un can d'arzent vols Ulvir
A zezr con la corda al coll ligà,
Cun ste mott: l'in ch'a vign; e un abiton,
E d'or, quattr did largh, un gran gallon.

31.

Brandimart, siccom l'era da currott,
Al puvrin, per la mort del so papà,
A fars un abit nov an fu quasi iott,
Mo d frandina l'ha un abit preparà:
E, perchè in vari sit l'è les e rott,
Da Fiurdilis al fu in mod accumdà
E d perl e d guarnizion cun tanta cura,
Ch'al feva la so maldetta figura.

32.

Cun 'l propri man tutt quell ch'i bisngnava
Pr'al cavall l'accumdò e pr'al cavalir.
Un'armadura miora sol mancava
Da psser risistr ai culp più patafir.
Mo la puvretta, quand la lavorava,
Quand la cminzò e ch la fu vsin a finir,
Ne innanz ne dop trovò di ridr la vi
Sintends un gran rughin d malincuni.

33.

La s sent un batticor cuntinuament
D'en perdr al so car Brandimart amà,
Selben che in altr lugh, del volt più d cent,
E in gran stricutt la l'ha vist avluppà.
Mo cmod l'ha adess la n'ha avù tant spavent.
Ch'al sangu s'i aggiazza, ch la par upilà:
E in se sintend la nuvità d st timor,
Al so spavent s'ardoppia, al s fa mazor.

34.

Quand d cavall, arm e arnis i funn in punt,
Depignon el vel al vent i cavalir.
Astolf e Sansunett po cun l'assunt
Arstonn del rest, e per guidar el schir,
Cunsuland Fiurdilis, ch'aveva punt
Al cor, e al cil mandava d gran suspir.
Quant cun la vista la i pssì seguitar,
Del mar in riva sempr i sti a guardar.

35.

E Sansunett e Astolf, cun gran fadiga,
Dal guardar tant in là d fissa la livoun:
Dentr purtar i la fin in lettiga,
E totta deconsulà a lett la lassonn.
I tri cumpagn po, cun fortuna amiga,
E cun bon vent, in quel mentr arrivonn
A qu'isuletta, in dov i era stà ditt,
Da part del re Agramant, ch s farè al cuoffitt.

36.

Qui sbarcò subit al princip d'Anglant,
Cun al cugnà Ulvir, e Brandimart,
E, siand arrivà i prim, dal là d levant
I alzonn el teud, e forsi beu cun art.
L'istessa sira l'arrivò Agramant,
Ch'i padigliun piantò da qu'altra part.
E, perchè l'era tard quand i arrivonn,
A qu'altr di al cuombatir trasportonn.

37.

Pr'al temp ch sti al Sol a armetters in cammin
La sintinella fi i scudir armà.
La sira, cun permess del paladin,
Brandimart andò dov s'era alluzà
Al re Agramant, e qui altr sarazin.
Amigh del re african era za stà
Brandimart; anzi d più sotta gl'insegn
D quel re l'era passà d Franza in t'al regn.

38.

Dop i salut e i toccamint d man,
Brandimart da amigh s miss a pergar,
Dop vari dscurs e rason, al re pagan
La lit ch'era intavà a vler lassar.
E, cun cunsens del senator Ruman,
L'arè tutt i su Stat turnà a arquistar:
E s n'arè anch aquistà di altr d più
S l'aviss vln seguitar la fed d Gesù.

39.

E po l' diass: A savi ch sempr av ho stimà
E anch adess, ch'av vui ben, st cunsii av dò,
E, signor car, quand per mi a l'ho seguità,
A pssì pinsar ch per bell e bon all'ho.
Crist è Dio ver, e Macumett dannà,
Ch'en prà mai dar aiut ne a sè, ne a vù.
Andand per la strà vera az salvaren,
Per questa migh av vrè, perchè av vui ben.

40.

Qui tutt' al ben cunsist, e an ev cont fol;
Un che v' cunsilia mià an vir trovar:
E al più cattiv parti srà s cun al fiol
D Milon a v'ustinà d vler pur cozzar.
L'util del vinzr (intindi sti parol)
Al dann del perdr en prà mai cumparar:
Vinzend, puchissin va aquistar a pssì,
Mo an srà poch al dann, s mai a perdi.

41.

S' anch a accenpassi Urland, e nn ch sen qui
Vgnu per murir, o per vinz cun là,
An so vedr per quest ch', a nssun parti,
Quell ch' avi pers a passadi arquistar più.
E an i è lugh da sperar ch' es muda un di
Al stat del cos, quand a muramùn nù,
Ch' a Carl mai n' i mancarà suldà
Da presidiar furtezz, torr e città.

42.

Brandimart dæva aqasi per carità
E s' vleva di altr cvi anch suggerir;
Mo Agramant s' i vultò tutt arruffà,
Cun i uech ch batteven fugh, e ai rumpi al dir,
Digand: La to è nna gran temerità
Cun sti loff vler farm da cunsuir:
Chi vol intrar in dov al n' è chiamà,
Al srà stimà da tutt un matt spaccà.

43.

T vris far credr sti decurs vgnir dall'amor
Ch t' m' ha purtà, e dal ben ch t' m' ha sempr vlù:
A dir al ver, an t' poss za far st' unor
S' in campagni d' Urland adess t' i vgnù.
Più tost a cherdrò ben ch' al gran rusor
D vedert in man del diav beoch enrnù,
E l' invidia, tintar t' fazzn la strà
D tirar dri a tutt i estian altr dannà.

44.

Ch' a ava' da vinz o perdr, o ch' al mi regn
Antigh, mai più ai mi di a ava da aver,
S' l' eterna provvidenza ha fatt al dægn,
Ne Urland, ne mi, ne ti al pssen saver.
Ch la vaga emod la s' vuia, un att indegn
D' ubbligarn a far mai enssun ha 'l peser;
Perchè, s' a fuss anch cert d' armagur mort,
Al mi grad e al mi sang: an vui far tort.

45.

T pu per la strà, ch t' hà fatt a vgnir, turnar,
E st' n' i dmatina unior in camp arma
D quell ch sta sira t' i stà a chiaccarar,
L' è cert ch' Urland è mal accenpagnà.
Ditt aqasi, al s' livò en e 'l s' andò a arpiattar
Per pesser smaltir la billa, ch' i è saltà.
E qu' altr indri cun st' compliment turnò
E infin a di eun qui altr al s' arpuossò.

46.

Al punzr dl'alba, ch viu del Sol innanz,
Subit armà saltonn tutt a cavall,
Senza far altr cirimoni e zanz,
Perchè alla giestra an i era più intervall.
Da un là e da qu' altr i arbusson el lanz.....
Mo, al sangu d' mi lola! al sre pur un gran fall
Ch, per dir d' st fatt d' ayn, adess tant a lassass
Ruggir in mar, ch' in t' l' ultim al s' affundass.

47.

Cun i pi e cun el man al s' affadiga:
E manch mal ch st' umarell sà ben nudar.
Al vent e 'l temp cattiv i dan gran briga,
Ma i rimors, ch l' ha, gran dua i fan prubar.
Adess l' ha pora ch' al Signor n' al castiga
S' an s' è cun al Battemm vlù mundar
Quand l' arè pasù, 'n stimand sacrament
L' arstar battàz li in qu' acqua vanament.

48.

Adess in ment ai torna el prumission
Ch tant volt a Bradamant l' aveva fatt;
E quell ch zurà l' aveva al fiol d' Amon,
Quand in camp is truvonn, e ch' an sti ai pait.
Cun nostr Signor adess al vol dir d bon,
Risolut per l' avgnir d' en far più al matt:
E s' da quel prigul allora al po scappar
Al s' avudiss d vlers far subit battzar;

49.

Ch' an portarè mai più spada ne lanza
Pr' i mor, contra a qui ch creda in nostr Signor:
Ch' al sre turnà, subit ch' al pssiss in Franza,
Segond l' obbligh, a far a Carl unor;
Ne gnanch più Bradamant l' arev tgnù in zanz.
Mo a cumpiment l' arè condutt l' amor.
Cosa successe? tant quant l' av fatt al vod,
Più facil i arriossì l' andar a nod.

50.

L' ann i chersi, e la forza pariment,
E l' acqua arbatt e arspinz pur tuttavì.
Dri a un' onda qu' altra vin subitament,
La prima al manda innanz, e qu' altra indri.
Quand al va sn, quand zo, tant ch finalment
Cun gran fadiga al mett in terra i pi,
E dalla part dov' è più bass al scui
Salta fora spussà, mezz mort, e mui.

51.

Tutt qui ch' in t' al buchiell ern saltà
Armasn in t' l' acqua tutt murt e suppli.
Ruggir per gran miraqu al la scappò,
Ch la man di Dio, s' po dir, al cendusi.
Mo, quand al fu in t' al tutt, guardand d' ayn là
Al vist un dært; e timor ai nassì
D' en pesser mai più vgnir vi, e finalment
Esser sfurzà d murir d' inedia e d stent.

52.

Mo siccom l' era anch animos, e pront
A suffrir quant in cil era d lu scritt,
Pianin pianin al s' avvì su pr' un mont,
Cun al pinsir là in alt d trovar qualch dritt.
L' aveva fatt cent pass, a fari al cont.
Quand al s' vist vgnir incoentra un bon Rumitt
Vstì cun la tonga, e al ment un gran barbon.
Ch' al pareva un san Paul o un Ilarion.

45

53.

Ste vecchin, quand ai fu vein, al diss: Savl Savl!
Per cosa t'pias d'perseguitar la fed?
Cmol za qula volta al Sgnor diss a san Pavl,
Quand al s'al vols tirar in t la so rod.
T vlev pur, passand al mar, esar del diavl,
Quand ha dla to salut Gesù gran sed.
Guarda s l'ha lungghi al brasz, s'al t sà attravar,
Quand più luntan da la t pinsav d'andar?

54.

E'l seguitò aqul a dir et rumitt santissm,
Ch la nòtt innanz l'aveva za savù
Dal Sgnor che, cun al so aiut potentissm,
Al di d'ozz in quel scui Ruggir sre vgnù.
Tott quell ch'era passà ai sav dir benissm,
E la vita, e gl'impres, e d sovra più
La so mort dura, e i fiù ch'era per vgnir
I aveva Domendi tutt fatt capir.

55.

Prima al Rumitt tirò innanz a bravar
Contra a Ruggir, mo in t l'ultim anm ai fi po.
Al bravava pr'aver lassà passar
Tant temp, ch l'aveva, ne mai al s battzò.
E tutt quest, ch temp indri lu psseva far,
Quand Crist cun quei bi lun a se al chiamò,
An vols mai far, ciò d d'vntar cristian,
Aepttand ch' al Sgnor ava l' castigh in man.

56.

Dop, anm ai fi, daendi ch'an s'inspurise,
Ch l'aveva sempr s'accetta al pintiment:
E di uperari dl' Evangelii ai diss,
Che i prim e i ultim funn pagà ugualment.
E po cun tutta carità ai descrise
I misteri dla Fed ben chiarament,
In quel mentr ch'i andava a pass a pass
Alla cella incavà dentr in t'un sass.

57.

In vetta al mont, un po più su dla cella,
Fatta dl'antiga ai era una cisina,
Cun la fazzà a levant, pulida e bella,
E d sotto un bosch, ch in fin al mar cunfina.
D nospl, d zanevr, d mlor, ed sangunella:
In mezz a quest ai è una fantanina
D'acqua ben chiara, ch va zo pr' un riulett,
E del palm in za e in là pr quel buschett.

58.

L'era aqul ai ann pressa a quaranta
Ch abitava in quel scui quasi disert quel frà,
Ch per vivr vita solitaria e santa
St lugh propri nostr Sgnor i aveva insegnà.
Cun i frutt colt da questa e qu'altra pianta,
E d'acqua finn'allora era campà,
Gudend bona salut, e senza affann,
E s'andava d'età pr'i uttant'ann.

59.

Intrà in cella, al Rumitt al fugh impres,
Di frutt ai miss in tavla sicch e tutt.
Ruggir appressa al fugh un pezz sti dstes
Fin ch dal calor del fugh al mui fuss destrutt.
E più a bell'asi là dentr l'appres
Dla Fed santa i misteri e articol tutt:
Cun l'acqua dla funtana amministrà
I fu al battem, qu'altr di, dal frà.

60.

Per quant purtava al lugh, assà content
In campagni d'et fratin Ruggir s'in steva;
Tant più ch'assicnà al fu certament
Ch'al srev andà tra poch dov i pareva.
E perchè al a la passass, continuament
D vari cos e tutt bon sigh al d'scurreva:
O d paradìs, o d quant al Sgnor è bon,
O pur di su interess, fiù e succession.

61.

Al Sgnor, ch'agn cosa sà, ch'agn cosa agnussu,
Aveva al bon Rumitt za rivellà,
Che, principiand dal di, ch fatt estian al e fues,
An sre Ruggir più in là d sett'ann campà.
Perchè quand Bradamant a mort cunduss
Pinnabell, ai sre a lu la colpa dà,
E, per la mort anch d Bertulazz, tradi
Al sre dai maganzis, mort e suppli.

62.

Ch l'andarà tant segret quel tradiment
Ch'an s' in sarev mai rama ne radis:
Perchè in quel lugh istess, e da qula zent.
Mort e suppli stà al srev all'imprevis.
La vendetta farev tard finalment
Marfisa e Bradamant, ch pr'avern avvis
Al cercarevn in t' i pais più d dà,
Sebben ch questa fuss grossa da far fiù.

63.

Fra l'Ads e fra la Brenta, a pe di munt
Ch tant piassinn a Antinor, quel signor Truian.
Ch'ai su bisogn quel lugh era un pan nnt,
Vdend i camp aqul grass, fruttifr al pian,
Barattari al fi subit i su cunt
Cun qui del so paes, ch'era luntan:
Bradamant farè un fiol in quel furest,
Poch luntan dal castell numinà Atest.

64.

Ruggir anch quel fandsin sre numinà,
Ch srà la mamma in t la blezza, e l'pà in valor:
Discendent dai Truian agnussù e nutà,
Qui altr Truian l'acclamaren per sgnor.
E po da Carl, ch sre da lu aiutà
Di Lungubard contra del gran furor,
Al sre invsti del duminì d quel paes
Cun titl d'ecceellenza e d sgnor marches.

65.

E perchè dirà Carl in latin Est,
T'i qui patron, quand al l'arà infeudà,
Per quest, pr'al temp avgnir al arà sempr Est
Cun bon agur tutt quel castell chiamà:
Al mudarà al son nom prima d'Atest,
Ch'el prim don littr s'lassaran da là.
Sti cos fi a qu' Eremitta al Sgnor capir,
Cun la vendetta un po tarda d'Ruggir;

66.

Ch'in insunni una nòtt alla cunsort.
Là vers al far del di, al cumparirà;
Ai eutarà da chi l'ha avù la mort,
E 'l lugh dov i al supplian ai mustrarà.
E li cun la cognà, pr'arfars del tort,
Puntir a fugh e fiamma mandarà;
E d'la dechersion al fiol arrivà in t'i aun
Farà vendetta ai magnanzia in dann.

67.

D'Azz, d'Albert e d'Ubizz anch ai parlò,
Ch'eru pr'uscir dalla so razza bella;
D Bors e d Liunell, e prima d Niculò,
D' Erquel, d' Alfons, d' Impolit, d' Isabella.
Quand al fu a quisti al don Rumitt s' aquodò,
Perchè d'agn cosa an mnava la dardella,
Quell ch'è da dir al dis sol a Ruggir;
Quel ch'n'importa al tin dentr in t'al pinsir.

68.

In st mentr Brandimart, e al paladin,
E al marches Ulvir, cun el lanz bass
Andonn incontra al Mart di sarazin,
Ch'un nom quasi fatt s' po ben dar a Gradass,
E contra d'Agramant, e al re Subrin,
Ch'ai su cavall fevn astudiar i pass;
E cun tutt ch'an sunass tambur ne tromba,
Al mar e al mont a qula gran corsa arbomba.

69.

Quand in t la corsa i s vinsu a incuntrar,
In breguel pr'aria vulò d tutt la lanza,
Pr'al gran cozz al fu vist gnufars al mar.
L'armor terribil s sinti finna in Franza.
Contra del cont s'andò Gradass a urtar.
E tra sti du era para la balanza,
Anzi forsi Gradass para più gaiard,
Ch'al so vantazz davgnera da Baiard.

70.

Donca, cun st po d vantazz, Gradass uffes
Al cavallazz del senator Ruman.
Quest al s prillò trei volt e po se dtes,
Imbazzurli, quant l'era lugh, al pian.
Grazia, ch'al cont n'arnas sotto a quel pes,
E al druvò pr'arlivar i sprun e l man;
Mo, quand al vist ch'an peveva, lest e frugn,
D'in sella uscì, cun Balisarda in pugn.

71.

Agramant s'incontrò cun Ulvir,
E tra tutt du qu' incontr andò del par.
Brandimart fi al cavall d Subrin alzir
Dal pes ch l'aveva, mo an s pssì cgnusser ch'iar
S'al n'áv colpa al cavall o al cavalir,
Ch'al n'era Subrin solit a cascar:
Fussl al cavall o pur Subrin ch fi fall,
Cun i pi all'aria, al batti in terra el spall.

72.

Brandimart, quand l'avi mandà per terra
Subrin, n'i vols andar sovra altriment:
Mo contra al re d Serican s'asserra,
Ch'aveva dscavalcà al brav cont valent.
Tra Agramant e al marches andò la guerra
In mod, ch'el cos passavn ugualment.
Rotta ch'i avinn la lanza in t'i bun scud.
Contra s'armonu cun in man el spad nud.

73.

Urland, ch ved Gradass essr in pusitura
D n'aver al comd per turnar da là,
Ne Brandimart cedri la vi sicura
Tant al travàil, e tant al tocchl sù,
Al s volta, e s ved Subrin ch s dà poca cura,
Starsn in pi, là incantà, guardand in sù;
A quest s'avventa cun ira e furor
Da far all'istess Mart pora e timor.

74.

Subrin, a veders contra qu'umaron,
Strett in t'gli arm s'ammauva alla guerra;
Cmod fa un pilot attent ben al timon
Quand la timpesta d mar addoss s'i serra.
E, vldend al mar alzar un cavallon
Sovra alla nav, s'agura d'essr in terra.
E s fa 'l pussibil per salvars, Subrin
Anca lu al scud mett contra al paladin;

75.

Mo contra al tai e tempra d Balisarda
Al scud, o gli arm ponn poch arparar:
D più adravà da una man quèi gaiarda
Cmod è quella del cont unich o rar.
Al scud cerchià d'azzarr brisa 'n l'intarda.
E, cmod srev una carta da impaunar,
L'al taia da un co a qu'al'alt, e zo la cala.
E s' l chiappa, puvrett, in t'una spalla.

76.

Sebben ch'armà è la spalla duppiament
Cun lama fina e doppia maia everta,
Tutt quegli arm alla spada iust fan vent.
E una piaga tant larga i lassa averta.
Subrin arspond, mo senza zuvament;
Ch'en s possa Urland furar l'è cosa certa;
Dunà i aveva al Sgnor st favòr quasi bell
Ch'en si passies da nessun gnanch punir la pell.

77.

Al colp subit ardoppia al Senator,
E la testa smuzgari l'ha in pinsir.
Mo Subrin, ch sà quant pesa al so valor,
E ch'al scud mettri contra gl'in chinuir,
D'un salt s'artira indri, mo al povr signor
Tutt' al sangu ch l'ha in t'el ven al s sent schermir;
S chiappandl d spiatl al n'i fora la pell,
L'elm i asquizza, e s'i introna al cervell.

78.

Indri Subrin per la botta cascò,
E un pezz sti in terra, lamintands ben fort.
Al paladin d'aver furni pinsò
Cun quell la guerra, e ch'al fuss cascò mort;
Per quest al Serican dop al s vultò,
Perchè l'amigh an mandass a mal port,
Savand d bon arm e d spada ch'al l'avanza,
D cavall, e forsi forsi anch ben d pussanza.

79.

Brandimart a cavall però d Fruntin',
Ch'era del bon Ruggir l'altr diazzazz,
Quasi ben al s porta contra al sarazin,
Ch'an par ch'agl'ava sovra gran vantazz:
S'al scud l'aviss, enrazza e elm quasi fin
Cmod ha Gradass, fin s're cert el bazz.
Mo al povr galautom, siand mal arinà,
Punzr, più d quell ch'al vrev, al s sent d'agn là.

80.

An i è cavall ch'intenda mii al zegn
D quell ch'al cavala, cmod Frutint intend.
Per schivar Durlindana, propri inzegn
D'aver al mostra, quand Gradass la distend.
Agramant e Ulivir d bravura segu
I dan tutt du cun al cumbatir urrend,
E s mostru cun i culp ch'i san dspinzar
Che l'un e l'altr s ponu mettr del par.

81.

Av ho za ditt ch'aveva Urland lassà
Subrin per terra, e contra al re Gradass
Pr'aiutar Brandimart alla sfila
S n'andava, e arriagh luntan i era d'un pass:
Quand, per furtuna, al vist in mezz al prà
Senza patron andar per qu'erba a spass
Al cavall adruv dal re Subrin,
E i su cant fi d servizn al paladin.

82.

Senza cuntrast chiappa al cavall, e dapicca
Un salt Urland, e in sella al s'è accumda.
In t'nna man la bona spada al stricca
E cun qu'altra la breja, ch'è arcana.
Gradass, sebben ch'al cont contra s'i ficca,
N'ha scador, più volt anzi al l'ha chiama.
Ch'Ulivir, Brandimart e lu ha sperauza
Tutt'ammazzari, e po anch ch del di i avanza.

83.

Al s volta al cont, e Brandimart al lassa,
E ai tira nn colp cun un furor, ch mal guai!
La spada gli arm facilmente la passa,
Mo per rompr la pell an val travai.
Urland, pr'arsposta, Balisarda arzabassa,
Ch'an val forza d'incant contra al so tai:
L'elm, al scud, la visira, e tutt l'arnes
Al taiò zo adaffatt tutt quel ch'al pres.

84.

In t'al mustazz, in t la cossa, in t'al pett
Trei fri ben grandi al fi al re d Sericana,
Ch'a di dnum aqusi fatt n'era suggett,
E una cosa la i sav ben dura e strana.
Per dirla, d'esser fri l'äv un gran depett,
Ch'an tmeva spada, fora d Durlindana.
Mo s cun quel colp al cont più andava in dentr
Dalla testa al l'avreva in finna al ventr.

85.

Ch'an passava più in t'el sou arm sperar
Allora fi Gradass la brutta prova:
Cun più attention al s principiò a guardar,
E andò più caut a sta battaia nova.
Brandimart, vden ch'a s'era vln ficcar
Urland contra quel re, e ch libèr s'attrova;
In mezz al s mitt, per trovars lest e pront
Pr'aiutar al marches o pur al cont.

86.

Stand la barucca a st mod, ch'av ho cuntà,
Subrin, ch'era stà in terra insturni tant,
S livò in pi dop ch'un poch al fu arturnà.
Mo el spall i doln, e s'ha l mustazz infrant.
Al guardò intorn, e s'usservò d'agn là:
E po per dar aiut al re Agramant,
Qued qued, senza parer ch'al fatt fuss sò
D sghibizz al spall d'Ulivir l'arrivò.

87.

Al marches Ulivir aveva l'occh
Al re Agramant, e sol da lu al s guardava:
Subrin i arrivò al spall, e cm'a un ranocch
Taiò el gamb al cavall, che quest druvava.
Al pars taiar inst el sgarbazz d'un fnoch,
E Ulivir, ch'in t'el staff alzà s trovava,
Ne mai s srev insunià ch'es dess st brutt cas.
Sotta al cavall cun al pe stanc l'arnes.

88.

Subrin un altr colp i mnò d travers:
Fari la test d nett cert al pinsava,
Mo l'arnadura al dfe, ch Vulcan immers
In t l'acqua d Stig quand al la fabbricava.
Brandimart, ch'al bisogn ved grand, corr vers
Al re Subrin, ch l'è cert ch brisa an l'asptava,
Dandi in t la testa, e po i di un gran spinton,
Ch'mandò in terra, mo snbit slivò al vechion.

89.

Ch'un om al n'era ne d pasta ne d strazz,
E s'turnò dal marches per vleri offendr,
O'gnirli in temp, ch'an passiss cavars d'impazz,
Pinsand ch'an s'pseiss, al cavall sotto, d'fendr.
Però Ulivir, ch'ha liber al dritt brazz,
La spada al gira quant al s'pseava d'stendr,
E al l'adruvava tant da paladin,
Ch'alla luntana al feva star Subrin.

90.

Luntan al feva starl, cun speranza
D'psser da qu' intrigh, dov al s'trovava, uscir.
A s'vdeva sparz al sangu in abbundanza,
E fora dal sou fri sempre più vgnir.
Sicchè, pinsand ch'più poch dentr ai n'avanza,
E ch'in pi per debolezza a n's possa t'nir,
Tutt'el manir per livars su al pruò,
Mo al cavall d'torè da doss la vi an trovò.

91.

Brandimart avend Agramant bravà,
Ben subit l'attacò cun lu baruffa:
Frunfin, ch' d'sti cos è ben ammaestrà,
A temp v'innanz e indri, tra d'calz e s'buffa.
Mo s'Brandimart è ben incavallà,
Anch quel del re Agramant è avvià alla zuffa.
L'è Breiador, ch'i di Rugxir gaiard
Quand al l'av guadagnà da Mandricard.

92.

St re, oltra d'quest, vantazz ha in t' l'armadura
Perfetta e bona, pruva a tutt'i patt.
Brandimart ha la so tolta a vintura,
Cmod in frezza al pssè averla aqusi in t' un tratt.
Mo in t'el sou forz, e in t' l'ann al s'assicura,
Cun speranza ben prest d'far un baratt
In quella d'Agramant, sebben ch' l'ha arxvù
In t' una spalla una gran fri da là,

93.

E ch' l'ava da Gradass avù in t' un fianch
Un colp, ch' n'è certament poch da stimar:
Pur tant bada al fatt so Brandimart franch
Ch' al trovò dov la spada psser sicar.
Ai rumpli al fatt, e s' i furò al brazz manch,
E sangu alla man dritta andò a eavar.
Mo quest a po dir esser un trastull e un spass
A parangon d' quell ch' fa 'l cont e Gradass.

94.

Gradass aveva mezz Urland dsarmà,
In cima e da du là rott al cimir:
Al scud era andà a star in mezz al prà,
Taià i pagn, e squas devert era 'l braghir;
Mo fri an l'aveva pr'esser lu affadà:
Mo gnanch al cont en n'era stà a durmir,
Anzi Gradass l'ha fri in gola e in t' la front,
Oltra a quegli altr bott, ch'av ho za cont.

95.

Gradass era per dars alla dsprazion,
A vedrs del so sangu tutt mui e brutt,
E dalla testa ai pi al gran fiol d' Milon
Tant culp aver buscà, e pur essr tutt.
La spada alzò a dou man quel sgnor baron,
In dou part cun pinsir d'avrirli tutt,
E, cmod pinsà l'aveva, al chiappò al cont
A mezza lana alla cima dila front.

96.

S' l'era fora che Ulrand, av digh d' sicur
Ch' al l'arèv in dou part ugual dsparit:
Mo, quant s' l'aviss battù un diamant ben dur.
La spada turnò indri, e brisa n' al fri.
A quel strampalà colp, pr' Ulrand vign bar.
E s' vist el strell in cil, bench fuss mezz di.
La breia al lassò andar, e ai ere cascà
Anch la spada, s' la n'era al brazz ligà.

97.

Da quel colp spavintos, tremend e grand,
Al cavall s'inspurò del paladin:
Per qua pianura s' n'andò v' currand,
E 'l mostra quant l'è lest, svelto e ladin.
Trattgnirl an pssava cert al povr Ulrand
Instramurti, ch'a pena in sella al s' tin.
Gradass i t'gnava dri, e s' l'arè arrivà
S' un po più Breiador l'aviss sprunà.

98.

Vultands, vers Agramant al di un'ucchià,
E per l'amigh al vist ch' l'andava mal:
Perchè al l'aveva Brandimart chiappà
Per l'elm, e s' i dsalzava al barbuzzell,
E za dinanz al l'aveva deligà,
E in t' la man dritta l'aveva al pugnàl,
Ne d'fenders Agramant a nssun mod pssava,
Perch' anch la spada tolta za agli aveva.

99.

Gradass lassò per quest andar Ulrand,
E in dov'era quel re l'andò d' un slanz.
Al povr Brandimart, niint appinsand
Ch' Gradass lassass al cont torsì dinanz,
Abbadava al fatt so in adess, pinsand
D' scannar al re Agramant senz' altr sanz.
Gradass i arriva al spall, e cun timpesta
Cun la spada a dou man mena in t' la testa.

100.

Oh Padr Etern! El port del cil avrì,
E azztà tra i vustr sant st martir fedel.
Ch' adess arriva al fin, e d' cò dila vi,
Pr' arcuiri lassà in Paradis el vel.
Ah Durlindana! tant ingrata t' i
A et zovn da smurzar del di el candel;
E al to patron l'amigh più car che mai
Adess t' sbandiss dal mond cun al to tai?

101.

Un cerchion d ferr, don dida gross e più,
Intoru all'elm fu taià e despartì;
Da qula botta quasi granda, ch'ì di qulà.
Gnanche la scuffia d'azzarr brisa al dfindi:
Al pover Brandimart, ch'en passava più,
A stramazun fora dla sella uscì.
L'n spillon d sangu quasi largh la fri buttava,
Ch d'intorn pr'un bon tratt al prà allagava.

102.

Al cont s'arsent, e sebben ch l'è lontan,
Al ved in terra Brandimart cascà;
E sovra stari in att al Serican
Da egnussr ch l'è stà lu quell ch l'ha attraplà.
Rabbia e dsgust s'al pruov al sari po dman,
Perchè pr'ancù mi a vui finir sta qutà.
S Brandimart, al puvrin, ha avù a mancar
Mi an n'ho colpa, e pr'adess a vad a dsnar.

FIN DEL CANT QUARANTUN.

CANT QUARANTADÙ

ARGUMENT

*In t l'ultim al cont arresta vittorios.
Bradamant e Rinald innamorà,
Li d Ruggir, lu d Angelica bramos,
Dalla passion s'attroen maltrattà.
Rinald, cercand la mrosa in t'un umbras
Bosch, al trova chi al mitt in libertà.
Sicchè, dscurdand d'Angelica, al sentir
Tol d'Italia, e s'ha alloz da un cavalir.*

1.

S'un v'ingiuria, o v fa tort senza rason,
A s supporta l'affront pur malament!
Perchè l'è tropp amar e aserb quel beon.
Ch'avì da stragualzar siand innocent.
E d'un qualch d'on ch s'attrova in t l'uccasion
Brisa an m maravei s'an stà pazient,
Ch naturalment ognun s'ha da salvar,
E cun la forza la forza ha da arparar.

2.

Mal guai chi lassass corr-r, e'n s'arsintiss
Cun un'ira ben giusta e conveniente
Contra d'un arrogant, ch s'insuperbiss
Dl'offesa ch'al v'ha fatta ingiusta e plenta!
Dir a s sol, ch'al so vien han tutt el biss,
E un lion del volt s'è vist ch'un cunii dventa.
L'è una cosa ch'insegna la natura
A ciaschedun d'aver se stess in cura.

3.

Mal guai, a torn a dir, s'an s mostra i dint.
Del volt, contra a chi vol far da to to!
I divintaren quasi ardit e impertinent
Da vler che la rason fuss sempre so.
Avenia mo quasi gnagn da essr e paziint
Da lassarz ammaccar el nus in co?
Questa è una lezz ch'an so d'in dov l'uscissaa.
Ne ch'am difenda an so chi m pruibissa.

4.

An vui miga ch'a famn da sicari,
Da smargiass, farabutt, taicanton,
All'usanza che fa qui, ch sol, a guardari,
Senza dir altr, arrivn un smatallon:
S'a fissen aquis a usciren dal calendari,
Ne approvar a prev mai quasi gran sgarron;
Al tropp è sempr tropp: mo caspitina,
La sre una strà tropp larga e tropp ladina!

5.

An s dev'esser ostinà vindicator
Contra a ogni pzinna e involuntaria offesa;
Ch la 'n srev an'ira giusta, mo un furor,
Tiranui, crudeltà, rabbia palea.
La stizza sia cunzà da un poc d'unor,
Dalla prudenza ben cundutta e dfessa:
In dou parol: 'n s lassen mettr al curghin,
Ne gnanche far i bravazz e i assassin.

6.

S l'amor dl'amigh al fa un altr mi stess,
S'a i ho a car del so ben, s'am dspias del mal,
S'a god dl'unor, s del tort am arincress
Quant a mi s'al fuss fatt iust tal e qual,
Ch maraveia, s'Urand, vdeud donca fess
Brandimart, tant so amigh, ch'al n'ha l'ugual.
Al s tin uffes, s'al s tin fatt a lu al tort,
E d vindicar al cerca la so mort?

7.

Cmod fa un villan, cm'el vid han i gherspin.
E, più innanz anch, quand l'u s trova madura,
S'al catta un montanar o un birichin
Purtariin vi quant è una purtadura,
Cun amm, addoss ai corr da paladin,
Arinà in t'el man d stanghett d rovra ben dura,
Quasi cun la spada cors al signor d'Anglant
Tutt instizzi, e s trovò al prim Agramant.

8.

Al qual grundava sangu da tutt i là,
Fri in t'el braz, in t'el cust, da tutt el part.
Cun mezz scud, senza spada, elm defubba
Ch'aquis l'lassò la furia d Brandimart.
Cmod fi'l pondgh, ch fu dal gall in testa beccà,
E ch'andava a cercar el pezz dal sart,
In t l'arrivarli, Urand tirò un colp giust
Dov l'aveva attaccà la testa al bust.

9.

Za definbà l' elm, al coll era dsarmà,
Sicchè d' un colp al cont nett al taiò.
Senza testa, in t la sabbia andò arversa
Al corp d quel sgnor ch' in Africa emandò.
Al spirit vulò là dov l'era aspttà
Da Caront, ch' in t la barca s' al tirò:
Urland al lassa, e s corr dal Serican,
Ch' aveva strotta Durlindana in man.

10.

Quand Gradass vist cascar al re Agramant,
E ch la testa dal bust i era dspari,
Al s sinti zlar addoss al sangu tutt quant,
Ai termò al cor, e za per mort al s tgni;
In t l'arrivari al cavalir d' Anglant,
E prima ch' ai tirass al colp finì,
An scappò, an s dfees, an moss ne un did ne un brazz,
Al s lassò mmar addoss, quant un om d strazz.

11.

Urland i tirò un colp in t' al dritt fianch,
Sotta all' ultima del cust, alla sicura.
La spada saltò fora dal là manch,
Ch' ai la fi andar fin alla impugnadura.
Ai mostrò ben ch' al vgneva dal più franch
Di cavalir, ch purtass mai armadura,
Quel colp, ch mandò a lavar là d là i biechir
l' in sgnor, ch tra i mor purtava alt al cimir.

12.

D sta vittoria però an pess far grau festa,
Mo prest d' in sella dsmentò al paladin;
Cun i suspir in bocca e fizza mesta,
Al so car Brandimart al cors avain;
Cverta d sangu ai trovò tutta la testa,
E l' elm ch par spaccà da un manarin.
D pasta ben fina, o d carta s' al fuss stà.
Cun manca forza an l' arèv arparà.

13.

L' elm fess i cavò d' in testa Urland,
E al vist ch l' era dspartì iust fin al nas,
Tra un oech e qu' altr, ugualment da don band:
Tant' ann però ai era d cgnussar armas,
Ch' a nostr Sgnor al s' andava arcmandand;
D' averl uffes al s pent, e fort i dspias.
E, quand al vist al paladin piangulent,
Al l' esurtò a suffrir e star pazient.

14.

Ai diss: N' ev dscurdà, Urland, d pregar al Sgnor
Per mi, ch seuz' altr a sper ch' a sri esaudì:
In t l' istess temp av arcmand la mi Fior...
Mo al nom an pess finir, ch mort l' impedi.
D cant angelich e d sun s' udi al tenor,
Quand la bell' anima da quel corp surti,
Ch' abbandunand qui zo sta terra bassa,
Feliz l' eterna gloria a godr passa.

15.

Sebben ch' Urland s' arèv avù da algrar
D' un fin quasi sant, per quasi beata mort,
E ch Brandimart l' aveva vist andar
In paradisi, ch' aveva avert el port:
L' umanità però n' al lassò far,
Ch' arstar senza l' amigh i aggravia fort,
E s' en po far a manch d n' ess disgustà,
D' en pianzar, star afflitt e dscunsulà.

16.

Subrin pnrassà sangu l' aveva pers,
Perchè ai grundava da per tutt i là,
E s' era un pezz ch' in terra l' andò arvers.
Ch d' agn' ora l' arè l' ven d' aver vudà.
Ulivir anea lu s trova mezz pers
Pr' al pe sotta al cavall in staffa arstà:
Al s sinteva duler la pes e gli oss,
E al pe sotta a quel vita d più s' i era smoss:

17.

E s' an fuss stà l' cugnà li pr' aiutarl,
Bench l' era tutt dsgustà, mest e dulent,
An pseva da per lu brisa cavalr.
Dop averl cavà, tant mal al s sent
Ch' in terra d fatta nssuna an po pusarl.
In pi al n' i stà, i pass mov nialament,
Tant pisti s sintì el gamb, la vita tutta,
Che, s' al n' ha chi l' aiuta, al s la ved brutta.

18.

Cun tutta sta vittoria, al paladin
P' och al trova da star alligrement.
Al ved da un là l' amigh arrivà al fin,
E da qu' altr al cugnà tutt impudent.
Al vist po ch' era anch viv al re Subrin,
Mo senza forz, e zo d strà malament
Per tutt' al sangu ch' i era dal corp uscì,
Ch, s' al stava quasi gran fatt, l' era sbasi.

19.

D là fi livarl Urland, e ben lavar
Dal sangu, e po medgar discretament.
Dop ai fi ann cun curtes parlar
Cmod propri stà s' al fuss un so parent.
Dop al fatt, lu s saveva el cos dscurdar,
E s' era anch cun i nmigh bon e clement.
Per lu i cavall di murt e gli armadur
Al tols, lassand al rest ai servitor.

20.

Ai è mo chi a st' instoria dà del nas,
E s la tin pr' una sfrapla e una basi,
E ai mov di dubbi contra, e s fa di sqnas,
Digand d' aver viazà per Barbari,
Ch' a st' isuletta al capitò per cas,
Ne ai trovò sit dov apparzar i pi,
Mo sol di sassa, di briql e di rival,
Tant i è scensees al mout, tant l' è dsgual.

21.

Per quel prezi ch mi l'ho cumprà a la vend,
E s'ai è chi n'em creda mi an n'ho ch far.
A so ch l'Ariost per la so part la dfend,
E a lu la verità i tocca d prvar.
S'a v l'ho da dir, d sti qntà mi an 'm n'intend;
Quel tant ch l'ha scritt mi sol av poss cuntar,
Ch'an ho miga per quest fatt signità
Ch'al sia tutt quell ch'al dis la verità.

22.

Sicchè chi i dà del nas, s la dstriga pur
Cun quel gran om, e l'fizza i cunt cun lù,
Ch'in quant a mi an m'importa niint d sicur
S'allora ai era al sit, ch'adess n'i è più.
S là cumbattiss Urland cun quel figur,
O s'al scui è vultà adess d sotto in sù,
Ch la sippa cmod la s vuia, an vui travai.
E an 'm perd a andar dri a tutt el parpai.

23.

Al cont in st mentr, i uech alzand al mar,
Dalla luntana al vist una barchetta.
Ch'al vent la feva a tutta vela andar,
Indrizzà cun la prora a qu'isuletta.
Cosa la s fuss, adess an v poss cuntar,
Ch s'a l'ho da dir, am par ora, alla fetta!
D turnar in Fraunza, a vedr cmod i stan
Adess ch'i n'in più cun i mor al man.

24.

Turnèn in Franza, e a vdrèn cosa fa intant
D'Amon la fiola, ch ha l' pacchion luntan.
L'ha rasou s la pianz, povra Bradamant,
A vedr i zramiut riuscir in van,
Ch'aveva puch di innanz fatt al so amant
In presenza d tant signori e mor e estian.
A sti promess d bell nov vedr mancars,
La n'attrova più anxin da psser taccars.

25.

Sicchè la s'abbandona al so dlor:
Ch la i ava fatt al call a s po ben dir.
Al so solit, la chiama traditor,
Senza creanza, e an gran gnidon Ruggir.
E, lassands trasportar dal gran furor,
La s maraveia cmod po al cil suffrir
Un ingann aquai fatt, e s dis ch'an vol
O castigarli, o pur ch'an sà, o ch'an pol.

26.

La s miss a ragagnar anch cun Melissa,
E la grotta a maldir, e anch Merlin,
Che pr'el sou fanfalgli la s'era missa
In st mar d'amor, dov la 'n ved fond ne fin.
E cun Marfisa po al mond la subissa
Digandi, ch so fradell è un birichin,
Ch d la fed ch'agli ha mancà la vol giustizia,
E intant qui su bi necin fan sugh d melizia.

27.

Marfisa en trova arspost, e stricca el spall,
Mo dop la cerca mod da cunfurtarla,
Cun dir ch'an i è mai dubbi ch quasi gran fall
Fazza Ruggir, e ch'al vgnarà a trovarla.
E del pianton s'ai vless mai far al ball,
Li in tutt i mod arè cercà aiutarla;
E o quia parola dà agli arè mantgnù,
O gli arm l'arè tolt li contra d lù.

28.

A sta promessa al par ch la duia allenta;
Ch'a pssers sfugar l'è pur consulazion.
Lassenla star, sebben ch la n'è contenta:
Tnttavi la n'ha più quasi gran magon.
Andèn un poch a vedr s d li nui s senta
Al so fradell Rinald, ch tanta passion,
Tanta amania e dlor, tant fugh l'ha addoss.
Ch'el visser al s sent brusar, la carn e gli oss.

29.

Am pens d sicura ch'av arcurdari
Quant d'Angelica l'era innamorà.
Dentr in t la red d'Amor, la steriari,
E d sta signurina el blezz l'han avviluppà.
Adess ch'i mor d'in Franza in andà vi
E a s'è l'armor dla guerra un po fermà,
I paladin vivevn quiet, so lù
Era d st'amor armas in schiavitù.

30.

Più d cent l'aveva a cercar d li mandà,
E s la cercò lu istess per la Burgogna.
A Malagis infinna al s'è arcemandà,
Ch sol aiutarl quand l'è alla bisogna.
Tutt'al so amor a gli ha addaffatt cuntà.
Cun tutt ch'a dir sti cos un po al s vergogna;
E s'al straprega a vleri dir o insegnar
Dov la s sia ficca, e s'al la prà attruvar.

31.

D sta cosa Malagis arstò incantà
Ben fort, e s'appinsava dentr d lù
Ch tant e tant volt Rinald pr'al temp passà
Paseva averla a so mod, s'al l'aviss viù;
Ch lu istess i aveva l'occasion ebrisà,
Cun diri al ben ch li allora i vleva a lù.
E per quant al s saviss o dir o far,
Dandi d nas, al n'i vols mai abbadar.

32.

Rinald allora l'arèv pssù aiutar
Malagis, al puvrin, ch'era person.
E adess ch n'importa al s va da lu a remandar,
Tutt'el scus rinvagand, tutt'el rason.
Malagis diss: Av prissi un po arcurdar
Al tort ch'am fissi; adess più quell an son.
Pr'en m'abbadar allora, ai mancò poch
Ch'an andass alla Luna a far un gnocch.

33.

Mo, quant a Malagis, d Rinald el dmand
l'arevn strambi e anch fora d giudizi,
Ch l'amor, ch l'aveva dentr, fuss più grand
l devn tropp un manifest indizi;
Sicchè, da part i dsgust e i tort lassand,
Al s moss a cump ssion d fari servizi
Mandand a mont tutta la rognia antiga,
E d dari un qualch aiut al s tols la briga.

34.

Al tols prima un po d temp per dari arsposta,
E ch la srà in so favor ai dà speranza.
Ai sarà dir s'Angelica sia dscosta,
O pur avsin, o almanch s la s trova in Franza.
Dop, per servirl, ai volta al sedr d posta,
Dov d scunzurar i diavl l'ha pr'usanza,
Ch l'è tra i munt un gran bus, cava tra i sass:
L'avra l librazz, e i diavl corn a squass.

35.

Un al n'adliz, ch'era in t'el cos d'amor
l'ratich e furb, e al tols saver da lù
Cmod mo s sippa Rinald mudà d'umor,
Ch l'era quasi crud, e adess quasi cott l'è vgnu.
Quel diavl, del funtan cuntò l tenor,
Ch'una fa innamorar chi d quella ha bvu,
Qnl'altra, all'arversa, fa l'amor dscurdar,
E al mal d'una sol qual'altra po medgar.

36.

Prima l'od dir ch'aveva bvu Rinald
A quella ch manda vi l'amor d'in sen:
E per quest l'era stà quasi dur e sald
Dla signora del Cattai contra al gran ben.
E dop ch'un'altra volta, mort dal cald,
Al bvi a quella dov'è d'amor al vlen:
Per quest, al t mi chiappò quel gran affett,
Dov'al l'aveva prima tant'in dspett.

37.

Fussla dsfortunata so, o un pur accident,
Alla funtana ch dà l'amor al bvi:
E Angelica, s po dir in quel mument,
A qu'altra bvend, dl'amor d Rinald guari.
D tal maniera ai scappò fora dla ment,
Ch la l schivò sempr dop, e s' l'abburri.
E, pr'al contrari, lu tant ben i vleva,
Quant pr'al passà al l'udìo e a nuia l'aveva.

38.

D'un cas quasi stravagant ben infurmà
Fu Malagis da quel berlich ardid.
Ai cuntò anch ch la s'era maridà
In Medor l'african bell e pulid.
Dop quest ai diss ch l'aveva abbandunà
Non sol dla Franza, mo dl'Europa i lid:
Siands in Spagna imbarcà vers al Cattai
In cumpagni d quel so mari stuppai.

39.

Quand per l'arsposta turuò al fiol d'Amon,
Al fu cunsia e pregà dal so cusin
Pù pr'Angelica an s vler mettr passion,
Ch s'era uni a un splacchir e pover fantazzin,
E vi d Franza l'aveva battù l taceon
In cumpagni d'un quasi car maridin.
A tgniri dri la sre una cosa deprà,
Ch l'aveva fatta più d mezza la strà.

40.

Ch'Angelica turnass al so paies
Poch a Rinald innamurà impurtava,
Ch'a seguitarla al s sre l'incomod pres
Fin d co del mond audar, s'al l'attruvava;
Mo quell ch'i tuffa più è l'aver intes
Ch la s'è spussà, e ch'un'altr triumfava
Del sou blezz, del so amor innanz a lù:
Duia più granda mai n'aveva sintù.

41.

L'arstò alla prima li incantà, in s du pi,
E la vos s'i affermò in mezz alla gola:
Dop ai di su po una gran termari,
Senza psser dir una parola sola.
Da so cusin poch dop al scappò vi,
E la rabbia al fa andar, ch'al par ch' al vola.
Dop aver suspirà un gran pezz e piant,
Al pinsò d posta andar finna in levant.

42.

L'andò a dmandar licenza al fiol d Pipin,
E al so Baiard d cercar al s tols la scusa,
Ch'i aveva tolt Gradass al sarazin
Contra l trattar di cavalir, cmod s'usa,
Dsend ch sol l'unor al fa mittr in cammin
Perchè a Gradass sta volta l'andass busa
D vantars d'aver livà in mezz alla Franza
St cavall a un paladin, cun spada e lanza.

43.

Cun so licenzia Carl al lassò andar,
Sebben ch lu e tutta Franza avissn dsgust;
Mo finalment sta cosa a 'n sav negar,
Tropp i pars al perchè nnurat e giust.
Dudon, Guidon al vlevn accumpagnar;
Mo Rinald, ch'andar sol l'aveva gust,
Ai ringraziò, e s n'i vols in cumpagni,
E pin d stizza e d'amor al vultò vi.

44.

In t la memoria l'ha continuament
D'aver pssù godr Angelica mill volt,
E mill volt, ustina lu pariment,
Al frutt gustos d'amor n'aveva colt.
Al temp, ch l'aveva pers quasi malament,
Senza saverli adruvar, i è tolt;
E adess ch'al sre content d'un sol d qui di
Al n'al po aver, ch la baza è za finì.

45.

L'ha in t'al pinsir, e s'en s'al po livar.
Cmod è pussibil mai ch'un povr fant
Angelica ava fatt innamorar,
D lu dscurdands e d Urland e d Sacripant.
Travaià da sti cos, senza tardar
S'incaminò bruntland vers al levant.
Dritt a Ren grand e a Basile l'andò,
Fin ch'alla Selva Ardenna l'arrivò.

46.

Dop aver 'n so quant miia camminà
Al paladin dentr pr'al bosch umbros,
Luntan da vill, casti, terr e città,
Dov più dsert al sentir era e scabros.
Tutt in t'un tratt al vist l'aria sgumbià.
E dop al nuvi s'era al Sol arpos.
Al vist po uscir da una gruttazza scura
Un mostr, ch'avea d donna la figura.

47.

Mill' uoch l'aveva (sinti a questa è tecchia);
Mi an cred ch' ai psiss assrar gnanch in' al durmaiss.
Avsiu a tutt sti uoch i era un' urecchia,
E per cavi l'aveva in co del biss.
Fora dall' infernal orrida secchia
A pens d sicur che st brutt demoni usciss,
Che, per galautari, in man un serpent,
L'aveva, e s' al sfrumblava dri alla zent

48.

Quell ch'a Rinald, in tanti sou impres,
N'era mai intravgnà, adess success.
E pur l'era animos; mo vndent st' arnes,
Ch'a tutta furia i camminava appress,
Da tant scunzubbi e tema 'l fa surpres,
Ch'an saveva ne ch s far ne ch dir adess:
Per far vista però d n'aver ciech d pora,
Temandi el man, la spada 'l tirò fora.

49.

In parà s miss al mostr per l' assalt,
Mustrand d' essr in t la zuffa un gran mestron:
L'alzò al serpent, ch' l'aveva in man, in alt.
E po contra s buttò da fiol d'Amon.
Agli andava da un là e da qual'altr a salt,
Fugand vedr ch sustgnir al sà el questiu.
Rinald tirava zo d dritt e d' arvers,
Mo d cuir o frir al mostr an trovò al vers.

50.

Quand quel mostr al bisson al pett i appicca,
Infina al cor s sinti passar un iazz:
E dentr in t la visira po i al fica,
Pr' al coll s'intendel asiar e pr' al muazz.
Rinald in ultim da st mostr se dspeica,
E al cavall sprona in là per quel buscazz.
Mo gula diavessa, o furia, ch'en n'è zoppa,
Cun un sbalanzi i salta prest in groppa.

51.

Ch'al vaga dritt o stort, o cmod al s vuia,
L'ha sempr attacc qula maledetta pesta,
E an sà cmod s far, perchè da là al si tuia
Sebben ch d sprunar al so cavall an resta.
A Rinald trema al cor cmod fa una fuia,
Non za perchè quel brutt mostr al mulesta
Mo pr' al schermiliza, ch'al s siut addoss quasi fort.
Ch' avsin più tost al vrev aver la mort.

52.

Pr' al sentir più cattiv e la pzzor strà
Al và currend dov la selva è più bura,
Dov più priglus i balz, e più intrigà,
E la vall è più fonda e l'aria scura,
Cherdend a sta maniera d far assà
Per tors d' attorn qula mala vintura.
E chi sà dov' al fuss andà a finir,
S' in so aiut n' arrivava un cavalir.

53.

D musica a temp ste tal iust arrivò,
Armà tutt da co a pi d' un bel metall;
Per zimir al purtava rotti nn zò,
E d fianm rossi era pin al so scud zall.
La sovra vesta, ch' al craveva in zò,
Istess l'è fatta, e anch quella del cavall:
L'ha in pugn la lanza, la spada a so lugh,
E uua mazza alla sella ch butta fugh.

54.

D' un fugh perpetv pina era la mazza,
E, senza consumars, sempr l'avvampa.
An i è scud ben timprà, o bona curazza,
Ne guanch elm incantà ch da quella scampa.
Da per tutt st cavalir s fa donca piazza,
Bastava intorn ch' al girass qula vampa.
E d manch n' i leva al paladin affitt
Per dscavars quel castigh vi dai garitt.

55.

E siccom l'era un om ben dur e sald,
Dov l'od essr d' armor corr e galoppa,
In fin ch' al ved quel mostr, ch zinz Rinald
Cun quel bisson, cmod s' al fuss una stropia,
E a un temp al fa provar e al fredd e al cald.
Perchè Rinald l'ha li includà in t la groppa.
Quel cavalir i dà un colp in t' un fianch,
E s' al manda su d sovra dal là stanch.

56.

Mo appennu al tocca terra, ecco al s'addrizza
E s cmenza intorn al serpent a svintrar.
P' ià cun la lanza al cavalir n l'attizza,
Mo cun al fugh al s' in vol liberar.
Chiappa la mazza in man, e po l'indirizza
Dov' al ved al bisson più spess strisslar.
E tanti ruidand i dà cun qula mazza,
Ch'an vol ch quel mostr o ben o mal al fazza.

57.

In quel mentr ch' ai mena e al spinz indri,
E vendica i affrunt ch' tutt han arzvù,
Al dis al paladiu ch' s' in vaga vi
Per quel sintir del mont, ch' v' à più all' in sù.
Rinald en stà li a dir: Bondi sgnieri!
Mo prest s' attrà a st cunsi, ch' è bon per lù;
E tant al seguitò del mont la pista,
Ch' al pers al cavalir e al most d' vista.

58.

Al cavalir incognit po, tant quant
L' àv fatt quela Furia alla grotta turnar.
Dov' la rosga se stessa, e seupr in piant
Al par ch' la 'n possa mai pas attruar.
Anca lu su pr' al mont tole al prntant,
Perchè an vleva Rinald abbandonar,
Anzi, per farsi guida, pront e destr
In vetta al l' arzunzi del mont alpestr.

59.

Quand Rinald vist ch' da lù l' era tornà:
Av aringrazi, ai diss, distintament,
E d' st servizzi per seupr av arò ubbligà,
E per vu a farò d' tutt sicurament!
A vre ch' am daissi cmod a si chiamà,
Per passerl' dir a tutta la mi zent,
E al vostr nom a Carl far saver,
Appress' a tutt ludandv, cmod è de dver.

60.

Al cavalir i arspoz: Miga 'n v' aggriva
S iust adess al mi nom an ev vui dir:
A v' al dirò a so temp, e innanz ch' arriva
L' ombra del Sol più su, ch' stà poch a vgnir.
Aqusi andand, i truvonn un' acqua viva
D' una funtana avain a quel sintir.
Ch' feva vuia al viandant, e anch al pastor,
Ignurant ch' al remedi 'l fues d' amor.

61.

L' acqua incantà e fatal è questa qui
Ch' feva dal cor uscir d' amor al cald,
Dov Angelica bevnd, per cas, un di,
Fu causa ch' per l' avgnir l' udì Rinald;
E s' un temp a lu prima li depiaì,
E averla in abbumini al sti tant sald,
Da altra cosa an davign, sen perchè lù
D' st' acqua una gran spanzà l' aveva brù.

62.

Qulù, ch' aveva al brutt mostr santanà,
Quand l' arrivò a quegli acqu lnsent e chiar,
Al fermò al so cavall tutt arecaldà,
E s' diss: An srà sen ben quei qui arpusar.
Rinald arspoz: Ai i ho a car purassà,
Perchè 'l Sol del mezzdi em fa tutt sudar,
E quela diavla n' ha tant scunquassà gli oss
Ch' agnussu d' aver bisogn d' un po d' arpos.

63.

L' un e l' altr demuntonn zo da cavall
E s' i lassonn andar per la furesta.
Lor, mittends a sedr in t' al prà verd e zall,
L' elm i s' cavonn d' accord prima d' in testa.
Rinald a chinò sovra al current cristall,
Per la sed e pr' al cald grand ch' al mulesta:
Senza pinsari, bevnd, cun quel liquor
Al mandò a spass la sed e anch l' amor.

64.

Quand qu' altr cāvalir viest sullivar
Dall' acqua i labr al prencip d' Muntalban,
E ch' i ha l' amor quela bvuda fatt dcurdar
E ch' più al n' era quasi cott, ne quasi fulsan.
Al s' livò dritt in pi, e, con bel purlar,
L' arspoz a quell ch' Rinald i dmandò in van:
Dsendi: Savà che mi al Dadegn a son,
Per liberarv, vgnù, da sta passion.

65.

Aqusi digand, al depari vi in t' un tratt,
E anch al cavall i depari dri anca lù.
Rinald, guardands d' attorn, incantà dfatt,
Al diss tutt maravia: Dov' è andà qulù?
Po d' Malagis al pensa ch' quest sia un tratt
Ch' un di su spirit i ava mandà a lù,
Per rompr finalment e dsfar quel lazz,
Ch' i aveva per di mis dā tant impazz.

66.

E dop al pensa ch' msir Domendi,
Per la granda e ineffabil so buntà,
Un anzi, cmod al fi al zovn Tubi,
I ava per so succors in st cas mandà.
In t' l' ultim, spirit trist o bon ch' al s' i
Quell ch' i ha arres la so cara libertà
A l' arringrazia e loda, e s' è cuntent
D' eers cavà dal cor quel gran turment.

67.

In t' l' odi antigh i è Angelica tornà:
Più bella la n' i par cm' è rosa o zii;
L' ha in depett d' averla tant temp seguità
E an farè adess per li gnanch un mezz nii.
Mo per Baiard, vi da Gradass guidà,
In Sericana andar al s' trà al cunai
Si perchè l' onor so al cuntrenz a farl.
Si pr' aver tolta sta scusa cun Carl.

68.

L' arrivò a Basilea la sira vgnand,
E là a i era la nova allora vgnù
Dla sfida ch' fu mandà al cont Urland
Dal re Agramant, e d' qui ch' ern cun lù.
Mo st' avvis arrivà l' n' era in quel band
Perchè Urland al mandass, mo i' han savù
Per cosa certa da un ch' s' era depicà
A posta d' in Sicilia, e là sbarcà.

69.

Cun Urlaud vre truvàrs al paladin
In t'al fatt, ch'al sint ch s ved in luntanza.
Mo, senza perdr temp, s mitt in cammiu:
Andaud pr'el post, al Ren passa e l'ustanza;
Al passa gli Alp, e s lassa indri al Trintin,
E in Italia, più prest ch'al po, al s'avanza.
Indri Verona e Mautova anch dop al lassa,
Dri al Po l'arriva, e cun gran frezza al passa.

70.

Za al Sol in mezz al mar s'era arpistà
E in cil s cminzava a vedr una qualch strella,
Quand, dop aver Rinald al finm passà,
Appinsand pur s l'ha da mudar più sella,
O s'a qualch ustari l s ha da affermar
Fin ch l'Anroà spuntass gaioza e bella,
S vist in fazza arrivar un cavalir
D bella presenza, d bon garb e bon masir.

71.

Quest salutò Rinald cumpitament,
E s l'aveva mner dop ai dmandò:
Ai arpos d si Rinald subitament,
Mo d sta dmanda curiosa al s maraviò.
Quell i arpos: Ai ho a car propriament;
E per schiarir per cosa al l'arcercò
S muier l'aveva, ch'al s tulias la pena
D'andar qua sira istessa sigh a cena,

72.

Perchè una bella cosa ai farè vder
E chi ha muier l'aggradirà viontura.
Rinald, non sol pr' al gran bisogn d'aver
Qualch arpos, stracch del corr-r a qua mauira,
Mo perchè d più la gran vuia d saver
Sempr qualch cosa d nov al chiama e s tira.
Azzò l'invid fatt cun tanta curtsi,
E per la strà ch quell feva a gli andò dri.

73.

Fora dila strà riasci quant'è un tir d sass.
Al vist un bell palazz, e dai purtun
Vgnir fora di lacchè e stoffir a mass
Cun el sou torz appresi e di lampiun.
Rinald av fatt appena dentr un pass,
Ch'al di un'ucchià a quel scal, e a qui luzzun,
E una fabbrica al vist molt ben intesa,
Quai ricca, ch'un pre un re far tanta spesa.

74.

Al volt dila porta era tutt intarsià
D'porfid, d marm prezios e di serpintin;
La gran eraia era d bronz tutta intaià
D figur, ch pareva ch'el s muvisen infin;
Dop, passand sotto a un arch ben adurnà
D'un bel musaich zintil, pulid e fin,
Quattr gran lozz in quadr s'attruvava
E ugnuna d questi al cent brazza arrivava.

75.

La so porta ugnun ha d qui bi luzzal;
Tra la lozza e la porta ai era po
Un arch, e s'ern tutt d grandezza ugnal,
Mo la struttura l'architett variò.
Tutt sti quattr arch avevu po l sou scal,
E ugnuna enaduseva in t'al quart sò.
Ai era pur un arch anch d co d'agu scala,
E da quisti a s passaen in t'una sala.

76.

I arch per d sovra all'in fora ern tirà
Per far cverta alla porta e adurnament,
Da dou culoun ugnun d lor sustintà
D'un diaspr o d bronz o d bel grani d'orient.
S'a vllis dir tutt, am truvare imbruià,
Tant'erli ricch e bell st'alazzament.
Oltra i su sutterran, e l sou cantin,
Cun del gran bott d vin preziosissin pin.

77.

Ricchi el culonu, e d'or i capitì
Ch'i arch sustintavn, fatt cun bell cumpart.
Gli agat, i marm fin, ch'ern vgnu d vi,
E la scultura, ch'era un sforz d'art.
Cantaran, lett e quadr e tapzari,
Sebben ch la nòtt in cruv una gran part,
Mustravu, ch'an sre assà tutt quell ch'è vgnù,
A far quì lavorir, l'or dal Perù.

78.

Tra tutt i altri urnamint d ricchezza immensa.
Ch'a diri tutt al are un n vler mai fuir,
Una fantana s ved, ch'intorn dispensa
Dl'acqua ben fresca per vari sentir:
In mezz a questa preparà una mensa
Aveva pruntament al cherdinzir:
La tavla e la fantana in mezz iust steva
Del quattr port, d là a s'era vist, e a s vdeva.

79.

St'arch e funtana in fatt a padiglion,
Non tond o balugh o quadr, mo a ott fazz,
In mezz propri al curtil d qu'abitazion,
Ch'a faria i mistr funn per perdr el brazz.
Al cil per d sotto cvert l'era d'or bon
E l d sovra d smalt, cmod è tutt'al palazz.
Agn canton ha una statua d marm bianch
Ch sustenta quel bell arch cun al brazz manch.

80.

Un cornucopi in qu'altra man l'aveva
Intaià cun di rizz e di nastr,
E l'acqua frecca fora d quell uceva,
Cascand dentr a una vasca d'alabastr.
D quel statv ognuna una donna pareva,
Accundà a far figura d'nu pilastr.
D'abit, d mustazz tutt ern different,
Belli e graziosi gl'in però ugualment.

81.

Agn' una d sti figur i pi fermava
Sovra dou belli statv marmurin,
E ciascheduna d lor ben chiar mostrava
D'en s'aggrarv pr'al pes d quel figurin,
Anzi ludarli, e cantar d lor s vantava,
E ch tutti el son fadigh per quel sgnurin
Fussn fatti al pareva, e ch'i su cant
A quel donn in piasser fussen alitnant.

82.

Quel più bassi figur avevn in man
Un librazz ciascheduna largh e gross,
Dov dal là d dentr scritt in vers i han
I nom e 'l lod d quel sgnori ch'i in addoss.
In t'un altr po, in lugh sovra del pian,
A i era al so nom d lor, e tutt sti coss
Funn da Rinald ben pulid nsservà,
A lum d quel torz, ch'i pagg avevn impià.

83.

In t la prima inscrizion al vist nutà
Lucrezia Borgia, quasi d' unor amiga,
Ch per la blezza, al decor e l'nnestà
Roma lassar po indri Lucrezia antiga.
E qui du, ch' el sou lod s'en addussà
D la voluntaria soma e cara briga
Un è nutà Antoni Tibaldeo,
Qul' altr Erqul Strozza: quell Lin, e st'altr Urfeo.

84.

A qul'altra statva in littra stampatella
Sotta a i è una scrivenda ch parla chiara:
La fiola d'Erqul d'Est questa è, Isabella.
Per la qual sempr srà gloriosa Frara,
Più perchè in li nassrà sta sgnora bella,
Che pr'altra qualità prelibà e rara.
Al mior regall ch'i ava pesù dar furtna
Srà quest, ch'in li sta sgnora ava la cuna.

85.

Qui du ch mostravn ch'al' eternità
Fuss dedicà al so nom, cun gran passion,
Zan Jacm, pr' accident, ern chiamà
Tutt du: Calandra l'un, qul'altr Bardlon.
In t'al terz lugh e quart, in dov la strà
Trova l'acqua pr'uscir dal padiglion,
A i è dou donn dl'istessa cà e paes,
Ugual in blezza, unor, e tratt curtes.

86.

Lisabetta per nom s chiama la prima:
Qul'altra Liunora, e, per quant dis al scritt,
Per questi Maniva vè dl'unor in cima,
Anzi del cil l'arrivarà al suffitt,
Più che pr'al calisson e bella rima
D Virgili, quasi ludà d'aver ben ditt.
Alla prima a si vdeva scritt in gremb,
Un Jacm Sadulet, un Monsignor Bemb.

87.

Un scrittor elegant d casa Castiun,
E un Mnzzi Areli ha qul'altra per sustign.
Sti nom ern là scritt: mo allora nssun
I agnusseva, e adess i in famus e dign.
A quella ch'i era assin, zo dai fenestrin
Arversò tutt'el grazzi al cil benign:
Tanta prudenza arà, unor, virtù,
Quant ensuna altra donna ha mai avù.

88.

D'or la scrittura questa essr la dichiara
La Lucrezia Bentvuia, e fra 'l sou lod
Questa in prima la mitt, ch'al duca d Frara
D'essr so padr ha un gran cunet e god.
D questa cun vos zintil, suav e chiara
Un so Camill Bulogna cantar od
In riva a Ren, cun tant gust e content
Quant l'Anfris sinti Apoll antigament.

89.

Un'altr s'od cantar là in quel paes
Dov l'acqua so porta la Fuia al mar;
Am intend d dir che quest'è un Pesares:
E per lu certament Pesr ludar
S farà per tutt'al mond, più che pr'al pes
Dl'or ruman, dov'al nom l'andò a dsfurnar.
Guid Postm è quest, ch'arà doppia curona,
Ch Pallad da un là, da qul'altr'Apoll i dona.

90.

Quella ch seguita, andand pr' ordn, è Diana:
Al scritt ch'i è d sotto dis: En stà a guardar
S la mostra un'aria brusca, perchè umana
La srà in t'i tratt, in blezza singular.
Un Celi Calcagnin farà luntana
La gloria so cun al bell nom audar:
Dal levant, al pument, e dal mezzdi
Finna al settentrion, per tutt srà udi.

91.

Per questa un Marc Cavall uscir un font
Puetich fa dalla città d'Ancona,
Cmod al cavall cun gli ali d Bellrofont
Nassr un in fi in Parnas o in Elicona.
Beatriz vein a quella alza la front,
E a sta manira al scritt d sotto rasona:
Fin ch la srà viva, al sposu gadrà un cil aren.
Morta ch la sippa, al n'arà un'ora d ben:

92.

Anzi tutta l'Italia, ch, viva li,
Srà triunfanta, e senza d li implizzà.
Un sgnor d Curezz, cantar el sou curti
S sintirà, cun stil nov e ben purgà.
E Timoteo, l'unor di Benedi,
Arà 'l so chitarrin anch lu accurdà
In cumpagni d quel sgnor, ch faran fermar
L'acqua del Po pr'al so squisit cantar.

93.

Tra mezz a questa, e alla prima culona.
In dov Lucrezia Borgia era sculpi,
Intaià in alabastr, è una dunnona
La più garbata e bella di su di.
Sebben ch'la 'n fuss vsti brisa da sgnurona,
Non però l'è dal tutt in disabillii.
Tra gli altr statv an n'era d manch sta sgnora
D quell ch'è tra 'l strell quella ch va dri all'Aurora.

94.

An s psseva cgnusser a dver, a cuntimplarla.
S la grazia fuss dalla blezza avanzà,
O s la mostrass più inzegn, a ben squadrarla,
O pudicizia intatta e maestà.
Al scritt per d sotto dacta: Chi d ludarla
Quant la meritarrà d'esser ludà
Turà l'impegn, cosa degna al farà,
Mo in st'impresa del tutt an riuscirà.

95.

Cun tutt quel blezz e grazii, ch'al scarplin
Aveva procurà d fari mustrar,
La pareva però cruzià un tantuu
Del scars saver d quell ch l'ha tolta a ludar.
Quest era da per lu, e l' n'ha nessun avsin,
E an so 'l perchè al n'avea nn altr all'impar.
Al nom d tutt i altr a so, ch'in marm scriss
Al mestr, e quell d sti du sol al n'i al miss.

96.

Al lugh tra sti figur dentr era tond,
E la salgà d curai tutta l'aveva,
Cun un fresch al più grat, ch s passiss godr al mond
Per l'acqua, ch dla fontana fora usceva:
Questa curreeva zo pr'al pian, second
I canalin e i riù ch la s'abbatteva.
E questa po adaquava el piant e i fiur,
Ch fevn un bell vedr e mnavn mill'ndur.

97.

Rinald a tavla andava chiacccarund
Vers al padron cun garb, grazia e sgnuri.
E ben e spessa a gli andava arcundand
Quell ch l'ha promiss 'd diri dri la vi.
Però al cgnuss, em' al l'andava usservand,
Ch l'era chiappà da gran malincuni,
Perchè un mument an steva, s'quas s po dir,
Ch'in cima ai labbr al n'aviss nn suspir.

98.

An so quant volt, spint da curiosità,
Al paladin fu in punt d'avrir la bocca
Per saver cosa l'ha da esser degustà,
Mo la creanza in quest vol ch'an trabocca.
E finalment, quand i avn bell e znà,
Arriva un pagg, che sol s'nfizzi i tocca,
Ch'in tavla mitt una tazza d'or fin,
Per d fora pina d zoi, dentr d bon vin.

99.

Allora al padron d cà, fagand zrisina,
D Rinald iu fazza i uech alzò a guardar:
Mo la vuia del ridr an n'era pina,
E al mostrava anzi squasi d suspirar.
Po al diss: Za ch'avi tant battù marina
Pr'esser infurmà d quell ch'an v'ho vlu cuntar.
Adess mo av vui far vedr qui una quità
Ch vdrèn pur vluintera tutt i maridà.

100.

Un maridà, per quant ai ho in pinsir,
Ha a car d saver, d cercar s la sposa l'ama.
S'al so unor la i mantin, o i fa al cimir,
Se un becch per causa so o un om al s chiama.
Perchè del corn al pes è tant alzir
Ch'enasun s n'adlà, sebben ch tant l'om l'infama.
E a s'è zgnà a did da tutta l'altra sent;
Mo quell ch'al porta in co n'al sà o n'al sent.

101.

S vostra muier v sia fida vu l savi.
E avern stima e amarla ari rason
Più d qui ch la so è za àndà fora d vi,
O ch'in perless, e i stan sempr in passion.
Ai n'è d altr ch sentn gelusi
D so muier, senza avern l'uccasion.
E tant altr ch s'in vivn alla sicura
E in san d purtar nna gran curnadna.

102.

S' a vli saver s la vostra sia da ben,
Cmod a vui credr, es cred ch'anch vu al cherdadi.
Ch'ariess pr'altr' una gran bisca in sen
Quand per cosa sicura an la savadi,
Senza ch i altr v'al dignn, vu pssai ben
Dacruvr al ver, s dentr qui in sta tazza a bvadi.
Pr'altr qui in tavla an v l'ho fatta purtar
Sen per quell ch'av ho ditt d vlierv mustrar.

103.

A bevr in questa, vu a fari cgnussenza
S la vostra donna ev fa l'corn purtar,
Perchè mi av assiecur ch, s l'è d'unor senza,
Gnanch una gozza d vin an pr' gustar;
Mo, s'al pssai bevr tutt, la cuntinenza
Matrimonial ch l'usserva a pssai prubar.
Ditt tutt sti quità, ben l'och attent al tin,
Per vedr s Rinald bev, o avversa al vin.

104.

Rinald, ndend sti dscurs, al s'arduss squas
A cercar s quell ch'an vleva l'attruvava,
E la man aslungand al chiappò al vas
Per bevr, e za alla bocca al s l'accustava;
Mo l'appinò quant fuss prigulos al cas,
Ch forsi al perdeva più ch'an guadagnava...
Mo lu farà a so mod: in quant a mi
A bvrò senza pinsari, e s'al piant li.

FIN DEL CANT QUARANTADU.

CANT QUARANTATRI

ARGUMENT

*La causa di su guai al fiol d' Amon
Conta quel cavalir finì la cenna.
Un'altra fola i conta anch un paron,
Intant ch'al vò so pr' acqua vers Ravenna.
L' arriva, in ultim, doe' al fiol d' Milon
Per la vittoria, in scambi d gust, sint penna.
Quel bon Rumitt, ch battem di a Ruggir,
Subrim battezza, e guariss Ulivir.*

1.

Trista avarizia, malandrina, ingorda
Lova, ch t'ha senza fond la to panzazza,
Ch t'i un incant per cert nn, mali balorda,
Ch'in pas t n'i lass magnar un beon ch pro i fazzza;
Ai tratt da galantom maligna e sorda,
Senza ruseor d vergogna in t la fazzazza,
An em maravei più s la zent vigliacca
T vin dri, s' anch d la zent savia t s'attacca.

2.

Un srà gran mestr in t la filosuffi
Per cgnussr el cans e i effett natural:
Un altr ha pin la testa d strnugi
E s distingu i pianid anch senza nechial:
Ai n'è d qui ben fundà in Teolugi,
Scnlastica am intend, e anch mural;
E pur l'amor dla roba i va quasi al cor,
Ch'el caus, el strell e i cas in tnt in t l'or.

3.

Quel brav suldà, ch porta la spada, avvezza
In t'el battai a vinzr e a triunfar,
Miss dal so re per difesa a una fortezza,
S'a i entra dentr, d'or carch, un snmar,
Dà festa al dver, a gloria, a unuratezza,
Ch l'amor del zechin al fa prevaricar,
E vendr al nmigh quell ch'i ha affidà al patron
Per mettr l'asn e l'cest in t'al burson.

4.

S' oltra al guadagn nnest, gnat d'arduppiar
All'ann d'nn mercant ingord s'attacca,
Al falsifica pass, stadira e star,
Ne alla cunsinzia al pensa una patacca.
Mo l'è po nn guai, s la s'accosta ai altar:
Pali, candlir, e tvai, e vud la dstacca,
E s n'è sienr Crist, la Madonna o i Sant,
Ch'in fin la grazia d Di mett all'incant.

5.

Chi sà m'intend, e chi n'in sà an importa:
Cosa faràla po s la dà in t'el donn?
An parl d quelli sol ch, pr'aver la sporta,
N'appensn se gli en tgnù pr'anquan o nonn.
In cert cas, la s ficca anch, sta razza storta,
Tra l' sgnori, ch'han al bell titl d madonn,
E l'inzezn la i fa perdr: mo lussen
Da nn là sti cos, e da Rinald turnen.

6.

Ch'al tols in man la tazza mi av cuntò
Per vedr s l'era, o pur s'al n'era becch.
Mo, prima d bevr, un poch a gli appinsò,
E poch al vist ch'a gli attruvava d lecch.
Cm'è gli altr donn, l'è mi muier, diss pò.
E pochi in quelli ch savn star a stocch:
Cosa m'importa a mi donca d saver
Una cosa, ch'a in pre vergogna aver?

7.

Am po nusr dimundi, e poch zuvar,
E spess volt a s fa peca a tintar al Sgnor.
Più d quell eh bisogna an vui star a cercar;
In quest an so s'a son asn o dottor.
Purtà pur vi sta tazza, ch mi an n'ho ch far,
Mi an ho sta sed, e d bevr an son d'nmor.
Cercar sti cos z'ha Domendi pruibi
Più che d magnar al pom a Adam an fi.

8.

E cmod Adam, dop ch l'av magnà l raviol,
Ch'i aveva nostr Sgnor prima iuibì,
Dal ridr al pianzr al fi un trist scamazzol
E in gran miseria al rest del temp vivi,
Aquis s'un om, dla so muier al vol
Cercar i pitt, tutt quell ch la diss, ch la fi,
Dall'esser alligr, al passa a essr in t'i guai
Senza speranza d liberaran mai.

9.

Aquis Rinald diss a quel sgnor, e intant
Cun garb qula tazza l'arspinzeva in là.
Mo in abbondanza uscir l'nservò al piant
Dai uech dal dcunsulà patron dla cà,
Ch'essend sfugà un cicchett o tant o quant:
Sia pur maldett chi a st pass, diss, m'arduss zà.
E chi m'fi far sta prova quai nuiosa,
Ch'em tols la cumpagni dla cara sposa.

10.

Perchè n v'oià più prest dis ann cgnussù,
Da passer i vustr bnn cunsil sintir,
Ch'an arè tant d'ulor e noia avù,
Ch pr'al gran pianzr a son sta squasi pr'urbr?
Mo a vui al tlou dla scena tirar sù,
Ch, savand al mal, am pesadi cunpatir,
E da re av vui cuntar infinna a ron
Tutt quell ch fi nasser in me sta gran passion.

11.

A pessi donca saver ch'avì lassà
Una città, per viazz, quì poch luntan,
Che da un gran lagh d'intorn è circondà,
E sti agn a poch a poch in t'al Po van.
I contu ch la fuss questa fabbricà
Dop la dstruzion e arvina di Teban.
In sta città, ch'av digh, mi i av la cuna
Da una cà nobil, mo d' poca furtuna.

12.

S dalla furtuna an àv, quand a nassì.
Cnòd ha tant altr, purassà ricchezza:
A st mancament la natura supplì
Cun darin sovra ai mi cumpagn la blezza.
Tutt'el donn e ragazzi, da quì di,
Per mi da amor funn missi alla cavezza,
Ch'a saveva anca mi far al galant,
Sebben ch brisa an arè da darin st vant.

13.

In t la nostra città a i era un duttur
Non del branch di duttur, mo un ver sapient,
Ch'in ultim, quand l'andò al Creator,
Ventiott ann al cuntava sovra i cent.
An sav da zovn cosa s fuss l'amor,
Mo in temp d so vecchiaia a in fi l'esperiment,
E, per forza d regal e d bun quattrin,
L'av una putta da una signora in fin.

14.

Perchè la fiola en fiss emod fi la mamma,
Dalla vuia tirà d perì e d rubin,
Valend più d bon unor una sol dramma
Ch'en fa più sacch 'd dobl d'or e d zechin.
Luntan dalla città allivarla al brama,
Fora dagli occasion d sti cicucchin.
Pr'incant ai diavli al fi quai quì in sti baud
Fabbriar st bell palazz, quai ricch, quai grand.

15.

Da savi donn e vecchi al fi arlivar
Sta so zovna, ch'in blezza era un purtent:
Cun di omni mai an la lassò parlar
Ne gnanch ch la in vdisse an lassò pariment.
Per dari po di esempi da imitar,
Qui al fi sculpir e dpinzr vagament
Tutt'el figur del donn, ch'in t l'onestà
En stà famosi al mond pr'al temp passà.

16.

E an s cuntintò sol d mettri la memoria
Del donn famosi antighi, tant lndià,
Che d questi za a savèn tutta l'instoria,
Ch srà per fin ch dura al moud sempr cuntà;
Mo d quelli ch vgnaran dop, ch faran la gloria
Dia bella Italia in virtù e in castità,
Al vols ch la so figura fuss sculpi
Da bona man, emod è sti ott ch'in qui.

17.

Quand al bon vecch la fiola para madura.
E'l temp fuss arrivà d dari mari,
Fussla mi dsgrazia, o pur bona vintura,
Fra tant altr, per spos am dzerin mi,
E tutt i camp d'intorn e la pianura,
Cun tutt'el vall da stram e pesca uni,
Vint miia intorn, eun i testimoni,
Am di per dota al di del matrimoni.

18.

Oltra la blezza, li saveva far
Agn cosa a perfezion cun el sou man:
Tessr, cuer, filar, scrivr, arcamar,
E far i scfan, merlitt, e passaman:
L'era brava a sunar, cantar, ballar:
Divinament la feva al Barraban:
In somma, l'era tant adduttrina
Ch l'era squas per savern quant al pà.

19.

A st'inzeagn altrtant uni la blezza,
Fin i sass l'arè fatt innamurar.
L'aveva un quai bel mod, un amurvelza,
Ch quand am l'arcond am sent al cor schiuppar.
Tutt'al so gust e la so cuntintezza
L'era d accumpagnarm a star o andar:
In santa pas insem un pezz a stina,
Mo per mi colpa in t l'ultim a la rumpinn.

20.

L'era cinqu'ann in punt, quand mors mi msir,
Ch'am'era fatt al spos, e dop eminzò
Tra mi e sta donna a nassr di disparir,
E i guai ch'a prov: e al mod av al dirò.
In st mentr che l' premur e i mi pinsir
Ern in questa ch'al cil sposa 'm dunò,
Al cor d'una d sti signori del paies
Amor per mi dla so fasella acces.

21.

Questa era in t'i incantesm e in t'el mali
Pratica e esperta quant'è una gran striia:
La feva al carr del Sol turnar indri,
La Luna d bianca fea dviutar vermiia:
Lugh la mudava ai munt, ai fium la vi:
I sass e i albr camminar del miia:
Mo cun tutt quest, la n'av mai al cunfort
Ch'a vliss alla mi sposa mai far tort.

22.

Cun tutt ciò ch la fuss bella, e ch mi saviss
La so ricchezza, e d cor quant la m'amava,
Ne per regal ne per prumess ch la 'm fiss,
Ne pr'imbassà cuntinv, ch la 'm mandava,
Pasin esser causa ch mai da mi l'utgniss
Un po d qu'amor ch'alla sposa a portava.
Ch'am trattgneva non sol la fel, la blezza
Dia mi cunsort, mo d più l'unurtezza.

23.

L'esser cert e sicur senza dubbianza
Del so amor, e d più quant la m'era fida,
Più a nuia em feva aver del mal dla panza
Donu belli e ricchi più ch n'è Veur o Mida;
Ne gnanch m'arè pesù smovr la speranza
D'aver quell ch fu promiss al pastor d'Ida.
Mo tutt'el mi rason funn tratì al vent,
Ch'an pssì torm da doss st'impediment.

24.

Attrapplà fora d cà a fu un dì da qusti,
Ch'era per propri nom chiamà Melissa.
La m'invulzò tant chiacch e furbari,
Ch l'attravò al mod d mudar la pas in rissa,
E, cun al fredd acut dla gelusi,
Dal cor decazzarla dov la s'era missa.
La principiò a ludar la mi intenzion,
Ch'esser fid a chi è fid a s'ha rason.

25.

Ch la sposa v sippa fida vu an pssì dir
Fin ch'an fà prova dla so fedeltà.
Ch la 'n falla ne ch la possa gnanch fallir,
Ch la sippa bona e casta vu a pinsà.
Mo s da gallon vu an vi savi partir!
D vedr altr'om an i dà la libertà!
In dov cavav argui quèi grand, ch'av basto
Pr'assicurav ch la sia fida e casta?

26.

Decavav un po d'in cà cun bella rasa;
Fà vista d lassar degombr un poch al bus,
Mtti fora vos ch la sippa soia armasa;
Dà comd agl'imbassà, ai ruffian, ai mrus.
S la n'è dai don e dai pregh persuasa,
In testa a si sicur ch la 'n v pianta el fus,
O s la vel pianta, e ch mai vu 'al savadi.
E casta e fida in st cas bso ch'a la tgnadi.

27.

Cun del sfrappi in st'andar, ch mai la 'n fuiss,
Qua stria tant pulid m'impì al zuccoon
D vedr ch'in prova la mi sposa a mttiss,
E mitti la so fed al paragon.
Mitten al cas ch la mi sposa, allora a diass,
Quella fuss ch'an l'ho brisa in upinion,
Cmod proia la so fed giustificcar,
S l'è da punir, o pur da ringraziar?

28.

Quila femna arspos: Av darò, car patron.
Un vas da bevr, ch ha virtù suvrana.
Cun quest accort fu fatt fradell Marcon
D la so donna dalla fada Morgana.
Cun quest po bevr quell ch'en n'è un cavron;
Mo quell ch'ha per muier una puttana
Una gozza 'n po bevr, anzi al l'arversa,
E la bvanda pr'aldoss va tutta dispersa.

29.

Innanz ch'andadi vi a pssì far la prova;
E ch'a pssì bevr a cred sicuramente.
Netta mi a pens ch la vostra sposa s trova,
E a in sri più 'cert s'a fà l'esperiment.
Quand a turnà, fà un'esperienza nova;
Mo an v'assicur al pett, la barba e al ment.
Pur, s'a pri bevr senza insbrudaiarv,
Di mari al più felix a pri chiamarv.

30.

Al parti accett, e s tugh la tazza in man.
E a traccannar al vin ngotta contrasta.
Aquis a sperava, ne al sperar fu van,
La sposa d'attruvar fedel e casta.
Diss po Melissa: Audai un poch luntan;
D'un mes o du la luntananza v basta!
Turnà po dop, e la tazza tuli:
Pruvà s'al vin s'arversa, o pur s'al bvi.

31.

Am vgneva iu stoffa purassà al partir.
Non za ch'a dubitass dla so onestà;
Mo star luntan da li an pssava soffrir.
Ch'essri sempr a gallon a m'era avvià.
Lassam far, diss Melissa: av farò vgnir
Ben mi in t'al ver andand pr'un'altra strà:
Av farò l'vostir mustazz, l'abit mudar,
E traveti iu st mod ai andari a parlar.

32.

Bisogna ch'a savadi, al mi signor car.
Ch'in mezz ai ran del Po i è novament
Stà fatta una città, ch vè finna al mar,
An digh cun el murai, mo quèi spazzament
E nova, cun tutt ciò la po all'impar
Star d tant altr per blezza e pr'ornament.
Questa è stà fabbricà da di Padvan
Scappà dal furi d'Attila tirau.

33.

A sta nova città fà da patron
Un zovn bell, e a vdiri quant l'è un sgnurazz.
Quest'un di, seguitand un so falcon,
A cas vulà quèi deutr in st mi palazz,
Al vist la mi cunsort; cun st'ocasion
Amor intern al cor i miss un lazz:
D'allora in za l'ha fatt tutt quell ch l'ha pssù
Perchè li s mova a vleri ben a là.

34.

Tant e tant volt la i fi dir e ridir d nò.
Ch'in ultm al lassò star d perseguitarla;
Mo la so blezza in ment tant si ficò
Ch'au pssì, cun tutt'i sforz, mai più dscanzarla.
Donca Melissa em diass tant e mesdò
A tor la forma d quest, e d cuntintarla,
Ch la m'arduss pur, e, senza al mod saver,
Lu istess propriament la 'm fi parer.

35.

Za cun la sposa vista aveva fatt
D'andar al Cair, o a vder l'imperator.
Quasi tramudà, ch'in t'al parlar, in t'i att
Propri a pareva d'la città quel sghor,
Mi dalla sposa am in 'turnò in t'un tratt.
Cun quli, ch'era travesti da servitor,
Ch'aveva un sacchettin d'zoi d'valor quasi grand
Ch'Ormuoss o l'India mandass da sti band.

36.

Mi za ch saveva d'la mi cà l'usanza
A vagh da franch e s v'n Melissa migh,
E la mi sposa a trov in t la so stanza
Da per li, senz'aver dunnella sigh.
Dop i salut, d'amor ai fazz l'istanza,
E al sacchett sovra d'un tavlin a d'aligh,
Tupazz, diamant, rubin, perl e smerald
A vud, da far al cor più fredd vgnir cald:

37.

Ai diss che gli ern son, e ch'al sre poch
Rispett a quant la passava aver da mi.
Al comd ai mostr da psser far al stoeh,
Cun l'uccasion ch luntan era 'l mari.
Ai arcord ch l'è un gran pezz ch'a dagh a gli och
Per causa so, e quant volt a l'ho insturni;
E finalment ch l'amor grand, ch'ai portava
Da tant temp, ricumpensa meritava.

38.

La s fi indri alla prima, e s fi di dnmn,
La dvintò rossa, e s u'em vleva ascoltar;
Mo i diamant, ch fevn bella e chiara lum,
Mulsina a poch a poch la finn dvintar.
La saviezza e l'unor mandand in fum,
La m diss in t'un nrecchia, ch'appagar
La s'ardusò al mi amor quand la fuss certa
Cun persona del mond d n'esser mai dscverta.

39.

Per mi st'arsposta fu cm'è una saietta
Avvelenà, ch'em vna l'anima a trapunzr:
Am sinti propri in t'al cor dar una stretta,
E dalla vos, affermà in gola, a punzr.
La mi forma m'arres quia maledetta
Stria: fusella più tost andà a fars unar!
Pinsà vu s l'aristò brisa svergognà,
Veders colta in t'al fatt, far sta scappà.

40.

Rossa e po bianca la dvintò, e m' smort:
I uoch la tgneva a terra tutt dn bass.
Dal dagust mi a i era attavanà quasi fort
Da aver arrisgh tant fià, ch'aquasi ai bravass:
Donca la m tradirò la mi consort
Quand un mercant del mi unor la trovass?
Altra arposta la n pssì, o la m say dar
Sen quella da daprà mettrea a suergular.

41.

La vergogna fu granda, e più la chizza
Ch'una burla quasi plenta a i aviss fatta,
Quasi fort la i dà in t'al nas, e tant l'inetizza,
Ch l'amor d'in prima in odi la baratta;
Quest scappar vi, da mi luntan, l'attizza:
E in qu'ora inst, ch'al Sol da nn s'arpiatta,
La cors al fum, e dentr a un so barchiell
L'andò tutta la nòtt e non bell bell.

42.

La mattina ch vins dop, l'andò dinanz
A quel tal sgnor, ch l'aveva tant amà,
In figura del qual mi a fi quel zanz,
Quand a tintò la so fed e unestà.
Lò, ch'i aveva vlu ben tant temp innanz,
A pssì creder s'a car l'av purassà.
Dop la m mandò sta bella ambassari,
Ch ne amor ne ngotta più a sperass da li.

43.

Oh m' degnaz! d'allora in za cun là
L'è semp stà, e d m' is fan gabb e zugh.
Al mal, ch'a cercò allora, semp più
Cress, e s n'attrov dalla gran duia lugh.
A sro sfurzà tra poch a tirar sù:
Dla rabbia e gelusi m'avvampa al fugh.
A cred ch'a sre al prim ann d sicura mort
S sol una cosa en m'aviss dà cunfort.

44.

Questa è l'unica canna ch'an m'ammazza:
Za ch tutt qui, ch'in diss ann m'in capità,
E da bevr ai ho dà dentr in sta tazza,
Un sol ch'ava passù bevr an l'ho trovà.
Al veidr ch'a sen tutt d'istessa razza
In qualch manira un poch m'ha consulà.
Tra tant e tant vu sol avì avù inzeugn,
Ne d far la prova avì vlu tor l'impegn.

45.

A vler vedr e cercar più d quell ch bisogna
Tutt'i traquai del donn, tutt'i zattin,
L'è causa ch l'om s'attrova po in vergogna.
E s perd la santa pas e quiet in fin.
A s'algrò in t'al principi quia carogna
D Melissa, mo la fi in t' l'nltn i stuppin,
Perchè, stà li la cansa di mi mal,
La m vign in odi più del peccà mortal.

46.

E vdends ndià, quia razza sfundradona.
Da chi pr'amor, la dseva, ess sbasi,
Dov la s cherdeva d'arstar li patrona
Apenna ch qu' altra m'aviss piantà mi,
Per n'aver sotto ai uoch la nui persona
La n sti gran fatt a far partenza d qui.
E tant luntan l'andò da sti pais
Ch'an s n'è savà mai più ram ne radis.

47.

Aqui fini quel garbat cavalir
Tutt'al so decore, piangulent e daluro.
Un puchett sti Rinald sovra pinsir
Perch' a in saveva d' mal; mo dop l'arpos:
Melissa, a dir al ver, fu un mal cunsiar.
Quand d' stuzzigar el vresp za l'av propos;
E vu mustrassi aver poca prudezza
(Scusam) a cercar quell ch s' psaveva far senza.

48.

S la vostra sposa da avarizia vinta
Far macchia al vostr' uor la fu cundutta,
N' ev maravià, la n' è prima ne quinta
Ch' a far sta gran spurchizia a sippa ardutta.
Un guadagn anch più pzinu ha dà la spinta
A di omni savi d' far cosa più brutta.
Quant, ari sintù dir, ch per sta passion
Tradinn l' amigh, al fradell, al patron.

49.

Vu da piantar n' avevi quel mal chiod,
S' a vlevi ch la fiss forza e ch l'arsistiss.
An savi contra dl' or ch' an po star sod
Ne l' azzarr ne al diamant quasi dur e fiss?
Vostra imprudenza fu tintarla a st mod,
Che so mal d' li, cun tutt ch l' accunsintiss;
S l' av aviss altrant li vu tintà,
Più continent an so s' a fussi stà.

50.

Qui Rinald finì i decurs e al magnament,
E al s' livò su, dmandand d' pssers arpassar.
Bisogn d' durmir l' aveva, e aveva in ment
Innanz di d' vlers un bon par d' or livar.
Ch' al temp è curt, e a decumpensarl intent
Un sol mument in van an lassa andar.
Ch l' era padron, al cavalir i diss,
D durmir, e alzars da tutt 'gli or ch' al vliss;

51.

Ch l' era lu stanza e al lett per lu ammanvà,
Mo, quand l' aviss viu star ai su cunsi,
Tutta la nott l' arè durmi e srpussà,
E in t l' istess temp anch avanzà qualch mii;
Ch' una barchetta a gli arè preparà
Dov, senza perdr temp, al sre stà mii.
Tutta la nott l' arè a so mod durmi
E del viazz. avanzà al s' arev anch un di.

52.

Sta pruferta Rinald azstò viontura
Ringraziand ben tant, cmod è l' custom.
E, senza più aspttar altr, alla rivira
L' andò, dov i l' aspttav cun la lum.
Qui a so mod l' arpusò senza l'altira,
Propri in quel temp istess ch pr' al cors del fium
Andava da si rem gvernà al battell,
Per l' acqua, cmod per l' aria v' an usell.

53.

Tant quant la testa miss al paladin
In t' al cavzsal, al sonn subit trovù.
Prima l' aveva ditt, quand i ern avsin
Senz' altr a Frara, ch i al chiamassan pò.
Mlarsa feconda arstò dal là manzin,
E Sermida a man dritta al trapassò.
Figazol e la Stia passa la barca,
In dov partì in du ram al Pò s' adarca.

54.

Dal canal dritt s' attin al barcarol,
E vers Venezia al lassa andar al stanch,
Passà al Bundin s' cmenza a schiarirs al pol,
E del strell al splendor a dvintar manch,
L' Aurora, sparguiand zii, ros e viol,
Feva al culor turchin mudar in bianch.
E quand as dscers al torr d' castell Tibaldi
Alzò la testa dal cussin Rinald.

55.

Quand al vist Frara, al fi st' esclamazion.
Dsend: Oh bella città e avventurosa!
Malagis mi ensin, ch' en n' è un buffon,
M' ha ben ditt ch per l' avgnir t' arà tant gluriosa,
E cun tutt ciò ch' adess t' i in t' un macchion,
E tra gli arell, ranocch e l' acqua arposà,
Al vgnarà po quel temp, ch tra tant e tant
Altr città d' Italia t' arà al vant.

56.

Aqui al dseva in quel mentr ch la barchetta
Dov l' era dentr, ch pareva vular
Per la current del fium, a un isuletta
Poch luntana da Frara andò a arrivar.
Mo sebben ch l' era allora una puvretta
La fi però barba Rinald algrar
E far gran festa, perchè lu saveva
Cosa in t l' andar del temp da esser l' aveva.

57.

Un'altra volta, ch' al passò per d li
Dal cussin Malagis accompagnà,
Cantar del belli cos l' aveva udi
Per li, dopp ch settecent ann fussen passà.
S' allora l' era dserta, al sre vgnù un di
Ch la sre stà quasi pulida e cultivà
Da far vergogna a tutt i bi zardin
Tant ludà dai autur grech e latin;

58.

Ch i su palazz sren stà d più bi lavor
D qui ch fabbricar a Capri fi Tiberi;
Degli erb a s' vdrav, del piant, di frutt, di fiur
Mii d qui ch nascevn in t' i zardin Esperi;
Tant fatta d' animal i sren d' sicur
Quant quella d' dov Uliss scappò i misteri;
In somma, ch la sre stà del Grazi al mid,
Dov alligr sren stà Venr e Cupid.

59.

Quasi rùtta la sre stà pr' el cugnizion
D'chi, oltra al saver e 'l passer, aveva uni
Voluntà ferma; e d'arzu e d' muraion
Arèv in mod la so città muni,
Ch' anch contra tutt' al mond, a un uccasion,
Senz' altr' aiut s' sre difesa e custudi.
E tutt sti cos sren studi e cura stà
D'un fiol d' Erquì, e d'un altr Erquì al pà.

60.

Tutti sti quità a Rinald turnavn in ment,
Ch' a gli aveva udi dir da so cusin,
Ch' era in t' el cos futuri un om sapient,
Per mezz an v dignà diabolicch o divin.
Sicchè, guardand Rinald attentament
Alla città, quand più al s' i trovò avsin:
In sti acquastrin, al devesa, emod s' po dar
Ch' el virtù 'gli avn, e 'l belli art da abitar?

61.

E st lugh, ch' adess s' arvisia al nid d'un sorgh,
Possa dviutar quai bella e gran città?
E quell ch d' intorn s' ved stagn, vall e gorgh
Mudare in camp tra i più ben cultivà?
Bella città, ch' an t' vùì chiamar un borgh,
A sint ch' a god diu to felicità:
Di tu patron el glori e 'l lod a ammir,
L' or di ztadin, l' unor di cavalir!

62.

L' infinita buntà del Redentor,
Di princip la sapienza e la giustizia
T' mantignin semp in pas, in quiet e amor,
E in finna al pett nudar in t' la duvizia!
Di nmigh stagu luntan l' ira, e 'l furor,
Pust mai l' odi prubar, ne la malizia!
Pr' al to ben, possa i vsin più tost cherpar
D' invidia, ch' t' av t' gli altr da invidiar!

63.

In quel mentr ch Rinald quai pensa e decorr,
Per l' acqua al legn suttìl sguilla e cammina
In tanta furia, ch' aquei prest en corr
Al falchett pr' aggramplar clomb o gallina,
Da quia part, ch' av ho ditt ch' al legn traseorr,
Ch vers la Rumagna bassa s' incammina,
Al lassa indri San Zor, es s' allentana
Dal torr prima dila Fossa e po d Gaibana.

64.

Rinald, emod suzzed spess, ch d' in t' un pinsir
A s' vā in t' un altr, e quest' a un altr tira,
Ai tornò in ment tra quisti al cavalir
Ch' i aveva cena e allozz danà la sira.
E s' i tornò cun quest' anch a suvgnir
Ch' ai era in sta città quia so seurzira.
Dia tazza al s' arcurdò tal e quai fatta,
Ch' fà vedr s' la muier è savia o matta.

65.

Medesmanent dila prova al s' arcurdò,
Ch' al diss d' aver cun tant esprimintà;
E tra tutt quisti gnanch' un l' attruvò
Ch n' aviss al vin per d fora sparguà;
E squasi al s' in pinti, dop al diss pò:
An mi ess' ammissa, cosa oia guadagnà?
S l' andava ben, mi ai era tal e qual;
Mo ch partì sre stà al mi s' l' andava mal?

66.

La mi fed in Clariz, ch la sia da ben,
L' è tanta, ch' a poss dir d' essr sicur.
Truvanda tal, s' alla prova a la mten,
Ne l' amor ne la fed dventu mazur.
Mo, s' al contrari mai all' attruven,
Nasser an po ch d' sgumbi e di pladur.
L' è un cattiv zugh, dov purassà a perdi.
E poch, anzi a s po dir ch niint a vinzi.

67.

Pin la ment d sti pinsir, al fiol d' Amon
A terra i uech l' aveva e bass al ment.
A i era a sedr incontra a lu al paron,
Ch' i sti a guardar un pezz attintament.
Questù d' vedri al cor l' aveva in upinion,
Siaud om pratic, accort e pin d talent:
Al vols descruvr paes pr' en s' ingannar,
Quai da più là al s' al mittì a tastar.

68.

A poch a poch al decors andò a finir
Sovra a quell dov Rinald era alluzà.
Ch l' era stà un matt i funn d' accord a dir
In quel mod la so sposa aver tintà.
Una, ch' a vista d' or s' possa trattignir
D' en dar in scui, ne offeudr l' onestà,
La po andar dov la vol, in tutt i là
Tutt la tgnaran pr' una gran rarità.

69.

Al barcarol po diss; Ai deissi al ver,
Al mi sgnor, ch' a prufirri un don quai bell
La donna en n' ha un pett quai fort, da passer
Al culp risià d' un quai richm martell.
D' una instoria in st' andar za a dsi saver,
O an s po dar ch' an n' avadi uia d' ir evell,
D' una ch fi al spos in t' l' istess fall cascar,
E per quest l' era deposd d vleria ammazzar.

70.

Al mi patron aveva da pinsar
Ch l' or e i regall in farèn far d' agn fatta.
Mo in t' ul più bell st pinsir al s' diss deurdar
E in t' la busa al cascò ch l' aveva fatta.
Lu l' instoria s' aveva da arcurdar:
Quant mi al la sà, e s n' importa ch' al se sbatta.
Di nustr vich suzessa in Mantiva ai di,
Ch' è tant' al so paes, quant l' è al mi d mi.

71.

D'un Adoni a vui dir, ch'un cagnulin
D'un avvucat alla sposa al dund.
Questa è un'istoria, diss al paladin,
Ch'an l'ho mai udi dir, e s'en la sò.
Ch nè in Franza, o dov a son stà per cammin,
È pur a i ho viaza, nœun m'in parlò.
Sicchè cantamla pur tutta, s'av par,
Ch'av starò cun gli urech tesi a ascoltar.

72.

Quasi cminzò l' barcarol: In Mantva ai fu
Un nobil zovn e ricch per nom Anselm,
Ch'addutturars in lezz ai piasei più
Che fars suldà cun la curazza e l'elm.
In t'al fior so più bell dia zuventù
Una fiola al spusò d'un masir Guielm,
Ricch sfundà, e poch luntan dai su quartir,
Mo d'una blezza, ch'a n'ev prev mai dir.

73.

Da tutt i cu grazia spirava e amor,
Tutta vezz, tutta garb, galanturi,
E senza forsi più d'quell ch'al sgnor dutor
S truvass cuntent d'aver attruvà in li.
A mala penna al l'av spusà ste sgnor
Ch'a s'i fiocò in t'al stomgh la gelusi,
Sebben ch'altra occasion n'i diss la sposa
Sen quella d'esser aqusi bella e graziosa.

74.

Per cas, ai era in t' l'istessa città
Un zovn cavalir, nad nobilment;
Anzi ch'i dsevn ch la so antighità
Avisse avu l'urigin da quela zent
Stravecchia, ch'aveva Mantva edificà,
E nada da i sumnà dint d'un serpent.
Donca ste sgnor, ch'Adoni s nūminò.
Dia sposa del dutor s'innamurò.

75.

Per vedr d'arrivar d st'amor al fin,
A spendr e spandr al s miss senza dscherzion,
A fars di bi abitun, di dsnar, di fstin,
Accademi, rinfrisch, cunversazion:
An sre stà assà, s l'avies avù i quattrin
O l'intrada di Pepl, o del Bellon;
Mo in manch d cent stman al fi d'agn cosa d nett
E st turlurà l'armas un bell puvrett.

76.

E quela cà ch'era stà un fluss e rifluss
Mattina e sira d zent ch ygneva e ch'andava,
Mutta l'armas, quand la s trovà fruttusa,
Ne ch la dentr più n s bveva e più n s pappava.
Al cap d cà s n'arstò un bell batt-ai-ues,
Più n l'acgnusseva nœun, nœun più al guardàva:
In ultim, fatt quei sbris, pinsò d tor sù
Qualch tattr, e andaren in lugh d n'esser cgnussù.

77.

Donca cun st'intenzion una mattina
L'uscì d città, senza dir niint a nœun.
Suspirand, s miss a andar a testa china
Dri al lugh ch circonda la mura e i bastiun.
Mo quella, ch'era del so oor rìgina
L'aveva sempr in t l'anima e in t'i pulmùn.
Intant ch'aquì dulent al camminava,
L'incurtò una furtuna ch'au s l'aspttava.

78.

Un villan ch tgneva in man un pezz d baston
Al ved ch'intorn a un sterp al s'affidiga:
Qni s ferma Adoni, e s dmanda la rason
D'essers miss a frugar con tanta briga.
Al villan diss che dentr in quel macchion
S'era arposa una gran biesazza antiga,
Ch'al n'ha mai vist la più lunga e più grossa,
E ch la cumpagna al cred ch trovar n s possa.

79.

Ch'an i era dubbi ch'al s vless tor de d li,
Fin ch'an l'avies trovù, e ch'an l'avies morta.
Quand quest'Adoni àv da qu'umazz udi,
Sint ch maltrattar quela bissa lu en cumporta:
Sempr sti bistì aveva favori
Perch l'arma dia so cà nna bissa porta,
E pr'aver avù urigin la so zent,
Cmod av ho ditt, dai dint d'un gran serpent.

80.

Al diss tant, tant bisbiò cun quel villan,
Ch'al lassò andar la bissa finalment
E s turnò a cà cun quel baston in man,
La gran stizza sfugand cun dia pulent.
Mo Adoni tirò d lugh a andar luntan
Dor' al n'era cgnussù, vivend con stent,
In puvetà, in miseria, in duia e affann
Dal so paies luntan al sti sett ann.

81.

Mo per l'esser luntan e in puvetà
Ch solu esser du rimedi al mal d'amor,
Quela bagaiola ch s'i era in ment ficcà
An se dseurdò, e ai pinsava in tutt 'gli or.
Dop sett'ann finalment al fu sfurzà
D qui uccin turnar a vedr al bell splendor.
Cun barba lunga, in mal arnes, mal vsti,
Al turnò indri per d dov l'era parti.

82.

In st mentr avn i Mantvan necessità
D mandar ambassador al Padr Sant,
Ch'in Roma sties press a so Santità
Pr'un qualch temp, ch'an sarev mo dir per quant:
Anselm fu per pulizzin cavà,
Che pr'en n'i andar del scus fi tant e tant.
Al pregò, al s'arcmandò, mill coe promiss.
Mo a n'i fu cas, al bisugnò ch'al zdiss.

83.

Qul'aver da star dalla sposa lontan
L'è un stombi, ch' più al turmenta e più l'accora
D' quell ch' s'un i aviss avert cun nna man
Al pett, e al cor i aviss d' là tirà fora.
Al dvintò del culor dal zaffaran,
Per gelusi d'la sposa pin raw d' pora:
Al l'esorta e s' la prega d' star a stecch
In quel temp ch' al stà fora, e n' al far bocch.

84.

Ai dseva ch' a una donna ne la blezza
Ne nobiltà ne essr ricca ai basta
Del ver unor pr'arrivar all'altezza,
Quand la n'è non sol d' nom, mo d' fatt auch casta.
Più degna d' stima siand qul'unratezza
Ch' agli occasion stà forte e ben cuntrasta:
E quì in quel temp ch' a Roma in sre stà
L'arè avù camp d' mustrar la so unestà.

85.

Cun sti parol, e cun d'altr zanzum
Dis e rdis perch la viva unestament.
Lì po del so andar vi s' l'an fi di denum
Al cùl al sa, s' la 'n fi del piangulament,
Znrand più tost ch' al Sol più n' farè lum
Che trattar la l'aviss quasi malament;
Prima pergand al cùl d' dari la mort
Ch' la i fazza in cò portar el fusa stori.

86.

Sti gran promess udend, e quant la zura,
Cun tutt ch' ai cred qualch pòch, e ch' al s' cunforta,
Gnanch per quest però an resta ch' an procura
E ch' an cerca d' saver più d' quell ch' importa.
Guardà ben cosa fa una cheriatura
Ch' ava per gelusi la rason storta:
Al s' arcmanda a un so amigh (povr minchion!)
Ch' per dirvla in cunfidenza era un sterion.

87.

Lu battava però pr' astrulugi
Sta virtù: pregà donca dal duttor
A diri s' so muier, quand' al fuss vi,
Sre vivà ben, s' l'arè salvà l'unor:
Al strolgh, per cuntintarl o per curtsi
O per dscavars dal cul nn seccator,
Tols l'impegn: ch' al turnass, dsend, qul'altr di:
E l'ordn lu puntualment esegui.

88.

Al strolgh taseva, e s' feva di brutt mus
Pr' en dir cosa ch' l'amigh s' l'avias a mal,
E per taser l'attrovava del scus:
Quand po al vist ch' quì cercava del so mul,
In t' l'ultim ch' la i farè 'l corn al cunclue
A mala penna ch' al fuss zo dal scal.
Non za dai prigh o dalla blezza vinta,
Mo ai arè l'interess matt dà la spinta.

89.

Al sospett e al timor ch' l'aveva in prima
Quest azontandi, ch' i predseva el strell,
A pasi pinsar s' la gelusi i dà d' lima,
S' avi provà d'amor mai al flazzell,
S' l'affann è grand e s' la passion l'upprima:
Mo, sovra al tutt, ch' i è al cor comod sre un travell
L'è quel sintirs cuntar ch', dall'avarizia
Vinta, ardutta la s' srev a sta spurchizia.

90.

Dalla so part, per mettri tutt i arpar
Ch' al po, e ch' la 'n croda in sta minchiunari.
Ch' anch al bisogn del volt ha fatt cascar
In t' al bgull d' quelli ch' in per bona vi:
Tutt' i quattrin ch' l'aveva, el zoi più rar
Ai dà in man, dsendi ch' l'è patrona lì.
Ai consegna gl'intrad d' lugh e pussion,
Tutt quell'in somma al mond ch' l'aveva d' bon;

91.

Dagandi nna ben ampla facultà
Ch' a so mod la s' in serva, adrova e spenda,
Ch' l'ai trsga vi, s' ai par, da tutt i là,
Ch' la zuga, goda, dona, compra e venda:
Mai i arèv in nssun temp i cunt dmandà,
Bastava ch' la n' i fias qual tal facenda.
Am spiegh, al diss: s' roba e quattrin n' i arresta
A sro content, s' alzira am sent la testa.

92.

Anzi al la prega, in finn' a tant ch' la 'n sent
Ch' al sia per turnar, ch' la vaga dfora,
Dov la prà vivr più liberament
Dagli occasion e tutt i prigul fora.
Al la cunsiava in st mod, perchè d' qula zent
Ch' stà alla campagna lu n' aveva pora.
Siandi d' avvis ch' la zent ch' stà a lavarar
En fuss da tant da farla innamurar.

93.

La sposa in st mentr strica l'abbrazzava
Tutta piangulenta, mesta e dacsunulà,
E cun al pianz al mustazz la i lavava
Cridand emod fa una tosa sculazzà:
E tant ch' al s' i aromandass ai aghervava
A mantgniri l'unor, la fed zurà:
Lamintande ch' l'ava sovra a li st sospett,
Perchè an cgnuss al so amor, e tutt l'affett.

94.

Chi vliss cuntar tutt quell ch' diss al duttor,
E 'l smorfi ch' la fi li, ai vre più d'un' ora.
In fin, anch una volta quel so unor
Arcmandandi, al s' avvìo in tanta malora.
Mo, quand al fu parti, al sinti un dulo
Ch' i trasurava al cor. Intant la signora,
Seguitandl cun i uech per quant la passi,
Snsiroea e smerguloa l'arstò li.

95.

In st mentr al pover Adoni, tutt stiancà,
Cun la barbazza lunga, magr e dsegnò,
Vers al puies al s'era incamminà;
Finsand ben, ch' an sre stà da nesun cgnussù.
L' arrivò al lagh avain alla città,
In quel lagh propri dov quel turlurù
Contra la bissa feva quel fracass,
Che lu al trattins, e an vols ch' al l' ammazass.

96.

Arrivand donca là in t' al far del di,
Ch' al luseva anch in cil più d' una stella,
Ecco, in abit pumpos e nobil vati,
Vgnirs incontra una signora al vist molt bella,
Dri a la riva pianin, e da per si,
Senza pagg o brazzir, ne gnanch dunnzella;
La l' salutò cun franca e alligra cira,
E cun bell garb la i diiss a sta manira:

97.

Sebben, sgner cavalir, ch vu an m' agnussì
Av son parenta, e s' ev son ubbligà:
Parenta, perchè i vustr cun i mi
Antigh uscinn tutt quant da un parintà.
Mi a son quia fada, av cont, s' a n' al savi,
Ch miss i prim fundamint a sta città,
E dal mi nom, cmod arì udi cuntar,
Anch la città a vols Mantva numinar.

98.

Una del fad mi a son, ch per mi fatal
Dsgrazia, e per farv ben al tutt capir,
A nascinn in t' un punt, ch tutt quant i mal,
Fora dla mort, custretti a sen d soffrir.
Mo cun st nostr vantazz d' esser immurtal
A avèn una dsgrazia ch l' è piz del murir,
E l' è, ch senza remedi passer truvàr,
Agn sett di in biss a s' avèn da mudar.

99.

A veders cruver da quasi brutta scorza
E per terra ruzlar, l' è cosa schiva.
An cred ch' al mond i sia cosa ch più sforza
Ognuna d n' a biastnar d' esser qui viva.
Donca l' obbligh ch' av ho in me fa forza
D tor l' impegd d darv un premi, e d dov deriva
St' obbligh cuntar; donca un di fatal
Spuntò d dvintar serpent, cun dri altr mal.

100.

An s' dà nseun animal ch sia tant odià
Quant' è l' biss dalla zent, e nu, puvrin,
Quand in quia brutta forma a sen mudà,
Z tocca soffrir del bott più malandrin,
E guai a nu s' an sten sepr arpiattà
Tra di spin, tra l' perdizz o in t' el cantin.
Al psser murir sre cosa manch mulesta,
Che aver al coll pistà, l' spall e la testa.

101.

L' obbligh ch' av ho al più grand l' è ch' una volta,
Per fortuna, ch' a andavi per sta stra,
Dal man d' un cuntadin da vu a fu toltà,
Ch m' aveva dà fastidi purassà.
S' a n' eri vu, per cert arèv accolta
Una minna d putenti bastunà.
E s' pr' esser fada an pssera armagnar morta.
A arè psù arstar gobba, stralancà o storta.

102.

Quel di, ch' a sen sfurzà per terra andar
D bissa arvnià dentr in tla brutta gussa,
S' a pssen in t' i altr di d' agn cosa far,
Allora, nix intender, chi vol bussa.
In altr temp az basta sol parlar,
Al Sol s' afferma e l' o gran lum s' affiussa.
La terra gira, el montagn mudà lugh,
Al fredd fa zlar, e l' acqua ammortà al fugh.

103.

Adeess, ch' an ho più d bissa l' apparenza.
A vui contraccambiàrv al benefizi;
Quest vol al dver, e s vol la convenienza.
E ngotta m' impediss d farv servizi,
Mi a so ch d roba e d muneda vu a si senza.
Pr' aver consumà al tutt senza gindizi.
Più ricch, ch' an eri, mi av vui far turnar,
E quant a spindiri più, d più guadagnàr.

104.

A son anch informà ch la gola v tira
D vedr quia signura ch' avì tant amà.
Al mod a vui insignarv e la manira
D' arrivà a quel fin ch tant a bramà.
Adeess ch la n' ha al duttor alla panira,
E in t' un casin d campagna la s' n' è andà,
A avi da far tutt quell ch' av dirò mi;
Mi av insegnarò, e a srò voseh la nott e al di.

105.

La segnitò, cuntandi al so pinsir,
E i mod da usar per presentarsi innanz:
Cmod al s' aveva da vsir e da cuntgnir,
Che cirimoni fari e belli zanz:
Ch li in altra cosa s' vleva convertir,
Pr' accumpagnarl alla mrosa dinanz,
Perchè, in qui di ch la n' è bissa, la pol
Chiappar la forma d tutt mai quell ch la vol.

106.

La i miss attorn un abit da pelgrin
D qui ch cerchn la limosna e van ai use,
E li la s tramudò in t' un cagnulin
Ch' al più bell a Bulogna an cred ch mai fuss.
L' era tutt cand, cun pel da putmarin,
Fatevl, galant e svelto più di putruss.
I s missen in viazz, dop sta trasfurmazion,
Dla bella Argi vers la so abitazion.

107.

I s fermonn prima al cà di cuntadin.
Ch'in volen subit al palazz andar,
Qui lu s miss a sunar un subiulin,
E al can dritt in s du pi eminzò a ballar.
La nova andò alla signora d quel pelgrin,
E del can, ch quasi bi zugh saveva far.
La i mandò a dir ch l'anlusa un po da li
(l' per dgrazia del dattor, ch'era za vi).

108.

Qui Adoni principiò a emandar al can.
Ch' es musturò subit pront in t l' ubbidir.
Quell dava fià al subiul ch l' aveva in man.
E quest feva i minuit e 'l barattir:
St cagnin mostrava aver intendr uman,
E tutt quell ch' al pelgrin dseva d capir,
E tant pnid, ch la signora e i altr sterv
A bocca averta, e pe ne pons battevn.

109.

L' av un gust matt la signora a sti mattiri,
E prest s' innamorò d quel cagnulin,
E, per mezz dia so balia, fi prufirri
Una gran bursa pina rasa d zechin.
Mo per l' istessa balia lu fi diri
Ch' an i era valor d zoi, d' or ne d quattrin
Non sol bastant pr al cagnulin comprar,
Mo una zampina cosa bun d pagar.

110.

Per mustrari ch' un dseva una bnei.
Al s tirò cun la balia in t' un canton.
Pregand al can a fari la curti
D far nasser per la balia un bell dublon.
Al cagnulin, scussands, fi saltar vi
La muneida, ch' al dè a gula donna in don.
Digandi: Ev par a vu ch' ai sia quattrin,
Ne tsor da pesser pagar st mi bell bstiulin?

111.

Mi av assicur ch tutt quant el cos ch' ai dmand
Più d' una volta an ho briga d dmandar.
Quand del zoi, quand di ani, del perl, quand
Di zechin, del dobl, del vest da purtar.
Tant e tant, dsi alla signora ch l' è al so emand,
Non per quattrin, che ngotta al po pagar.
Mo s la m vol pr una sott sola far content.
Ai darò al cagnulin liberament.

112.

Al diss aqusi, e una zoia nada allora
Ai di, ch' alla patrona la presenta.
St' occasion alla balia la pars miora
Più che quella d pagar vint zechin o trenta.
L' imbassà subit vìa a far alla signora
E s la cunsia e prega a esser contenta
A tor al can pr' un prezz, ch' a pagarl
An s perd niint, es s' ha sempr al mod da darl.

113.

Argi alla prima sturzò un poch la boeca,
Perchè la 'n vleva al so mari manear,
E perchè anch un secret suspett l' tocca
In qualeh mod ch' in la eerchn d' attraplar.
La balia piechia, mena, dai e tocca,
Ch la 'n s lass un tsor quel fatt dal man scappar:
E s fi ch turnass un'altra volta Adoni
In ora ch' an i fass enassun testimoni.

114.

La turnada del can e del pelgrin
Funn l' ultima arvina del povr dattor.
Lì stessa vist nasser a miara i zechin
E in sfilz lunghi del zoi d' nn gran valor.
Dalla vuia tirò d quel cagnulin.
La diss a Adoni: A son propri in umor
D torv un po migh. Mo ben vintura più
Quand la l' cgnussè per quell ch tant ben i ha vliù.

115.

Tra la vecchia cattiva, ch la cunsiaeva,
E del mros i scunzur, ch' è in so presenza.
Al gran valor del can, ch za l' incantava.
D quel dtturett dgrazià la lunga assenza,
La speranza ch sta cosa mai la n s sava
Al cor dl' Argi finn tanta e tal violenza,
Ch la 'n pss far d manch d n' azztar ste bel parti.
Dsend subit: In t la stanza vgni cun mi.

116.

Gran bon temp al pelgrin s tols purassà
Cun la signurina, e s' era molt content,
E s' i pres anch la fada un ben spasma,
Cun li ubbligands a star continvament.
Più d' un ann in st sgugiull era passà
Innanz ch' aviss Anselm la patent
D turnar a cà, mo in ultim al turnò, affitt
Pr al suspett d quell ch' al strolgh i aveva ditt.

117.

Al so prim viazz, subit ch' al fu al paes
Fu quell d' andar dal magh, e s' i dmandò
S' ai era nssun ch' aviss gudà a sou spes?
In brev, s la sposa era stà fida o nò?
Què chhiappò un libr, e dri qualeh altr arnes.
E a tutt el stanzi di piavud guardò,
E a averta cira ai diss: Car mi patron,
Al mi suspett è andà in esecuzion.

118.

La vostra sposa, dai regall cnsiretta,
Per far di pettn v' ha fatt provision.
Questa al cor dl' avvucat fu quel gran stretta.
Che lanza o speid en pren far più gran stiancon.
Pr' essr più cert, al corr cm' è una saietta,
Sebben ch' al cred pur tropp a quel sterion,
Dalla balia, e s mitt sigh e chiacccarar,
Esaminanda mii ch' en fà un nudar.

119.

Cun cavitortl e con rigir al prova
S' al po descruvr el magnan da una qualch banda.
Niint e po niint in t' i prin di l' atrova,
Per quant al s' pesca, rumga, cerca e dmanda.
La vecchia gaina fa la donna nova
E s' nega tutt cun fazzia fragna e blanda:
Ch la 'n sa niint, ch' al n' è vera; e più d' un mes
La fi star quel povr om dubbj e suspes.

120.

Quant più al pinsava aver rason d' suspttar,
Ai cherseva al dutor, a descruver al ver.
Dop, vden ch' an po la vecchia far cantar
E ch' an i è cas da li ngotta saver,
Dop aver tutt i tast cercà d' tuccar
E ch' al n' in trova nesun ch' arsponda a dver.
Da furb l' aspetta ch' nassa qualch discuncordia,
Perchè tra 'l donn la 'n dura la cuncordia.

121.

E, emod propri al s' l' aspttava, d' manch en fu.
Al prim dparer, ch' tra l' una e l' altra arriva,
La balia, senza vgnir dmandà, cuntò
Al patron el belli ovur dila so alliva,
An s' pre mai dir al dutor ch' al provò.
E a pssi pinsar s' ai aghevò sta striva:
Quand l' arrivò a saver del cos quasi fatt.
Al fu per cascar mort, o dvintrar matt.

122.

Vint dalla billa, l' arsoel finalment
D' murir, mo la muier prima accuppar.
A sta manira al cred d' murir cuntent.
E la macchia, al co unor fatta, lavar.
Alla città al s' in vò subitament.
Avend za destinà quell ch' al vol far;
Un so servent fedel là in villa al manda,
E tutt quell ch' l' ha da far a gli ordina e s' cmanda.

123.

Ai dis ch' al fazzia prest, ch' al vaga vi
Dalla sposa, per furi st' imbassà:
Ch' lu è stà chiappà da quei gran malattà,
E chi s' la fa a temp, ch' an sia passà.
Sicchè, senza aspttar altra compagni,
S' la i vol pur ben, ch' la s' mita per la strà.
Lì za vgnarà, senz' altr, a rotta d' coll,
E in qualch sit ch' al l' ammazza emod al vol.

124.

Puntual, pr' ubbidir al so patron,
Al casin arrivò quell brutt mustazz.
Al diss la cosa, e li 'n mitt dilazion:
Cun questù la vin cun al so can in braz.
Mo st' can i avea za dà l' infurmazion
Del prigul, dsendi ch' la 'n s' in mttiss impazz:
Perchè in manira tal l' arèv pruvist,
Lì la fada, ch' Argi n' aviss el pist.

125.

Al servitor apposta a miss zo d' strà;
Per di sit disert e brutt al la guidò,
In fin ch' al s' vist a un fumett arrivà,
Ch' dall' Appennin passa a descargars in Pò.
Luntan da burgh e da lugh abità,
In t' un bosch folt e umbros dentr al s' ficcò,
Tulendi pr' un local ch' par fatt apposta
Per dar effett all' ubbidienza impostas.

126.

Defudrò la spada, e alla sgnurina al diss
L' ordn precis avù da so mari,
Ch' la s' arcmandass n' Dio innanz ch' al la friss.
Dmandand perdon di pecà quasi ben cumpi.
Mi an poss ben dirv comod li s' arspundiss.
Perchè, em' al pinsò d' dari, la spari
Ne più al la vist, per quant al s' la cercass.
E an i fu cas e mod ch' al l' attruass.

127.

Cunfus e svergugnà, al stì un pezz a bada,
E finalment al turnò dal dutor,
Cuntandi emod in t' al defudrar la spada
L' era andà in fum, scappand dal so furor.
Mo l' avvucat, ch' n' era infurmà dila fada,
Ch' la bella sposa avea in so favor
(Perchè la balia, al rest avend cuntà,
Avea quest, e s' en so al mod, lassà),

128.

Al so dutor più cress e più al travaia,
Al dventa d' più culur, ross, zall e smort;
Un gran trav dventa quell ch' era una paia,
Pàs al n' atrova più, an trova cunfort.
L' ha pora ch' tutt n' i fazzn dri la baia
Quand i sran infurmà del so gran tort,
Ch' en s' sre savù alla prima, e 'l sre stà incert,
Mo st' altr fatt al rindrà chiar e cert.

129.

Dop al tir ch' a gli ha fatt, l' ha ben egunssu
Ch' li arè convertì in odi l' amor,
Ch' l' arè cercà d' nì dar tra i pi mai più,
Anzi la s' ficcàrè dri a un altr sgnor,
Ch' in tutta bona pàs la srè gudù.
E a un altr dop a quest, senza ruseor,
O forsi la srev anch andà tra 'l man
D' un ch' la serviss da mros e da ruffian.

130.

Per rimediari donca, in frezza al manda
E litt e zent d' attorn per truvarla.
Ch' in laasn in tutta Lumbardi a gli arcmanda
Città, casti, villagg per pur detanarla.
Anca lu i vò in persona, e an lassa banda,
Dov an s' informa, dmanda, cerca e parla;
Mo, dop tant fidigar e tant travai,
An trova un can ch' i in sava dar raguai.

131.

In t l' ultim al chiama quì d quel so servent,
Ch' aveva l' ordn, e po 'n la pesi ammazzar:
E guidar s fà in quel lugh propriament
Dov la i depari, ne più la pesi attruvar,
Pinsand ch la viva in mezz al bosch cun stent,
E d nott ch la s vaga in qualch bus a arpiattar.
Al servitor cun lu vā dov al cred
Al bosch d truvà, e un gran palazz al ved.

132.

La signora Argi s'era fatt far in st mentr
Dalla so fada, ch l'amava d bon cor,
Ste palazz, bell per d fora e più per d dentr,
Cun intai e urnamint d'argent e d'or,
D'alabastr el murai, d'agata al ceutr;
Agn stanza in somma valeva un gran tesor.
E quell ch' a vdisi aiir dal mi patron
Appressa a quest an val un bagaron.

133.

Pann d'arazz in t' i mur, d vlud el purtir
Tsu cun ricchezza, e d'or fin insturià.
Ern a tutt i uss, finn' a quel del cucchir:
Quelli ch'ern in t'el camr e sal, pinsà!
L'era d'argent el agett, tavl e tulir,
I piatt e 'l tazz d prezios pred incavà.
I usvii tutt da cucina d'or massizz,
I burazz e i grimbàl d vlud sovra rizz.

134.

Al duttur donca, cmod prima a cuntava,
Andò a dar d cozz in quel palazz quai bell,
Dov cà ne cattapeccch d truvà pinsava,
Mo sol un bosch pin d'albr e d farfarell.
Fin d maraveia d'intorn al guardava,
Cun pora d n'esser uscì fora d cervell,
O d'insaniars, oppur d'esser imberbiagh,
O ch fiss stravedr qualch sterion o magh.

135.

Al ved un mor dinaus a st bell palazz,
Vstì all'usanza d'un ver spazzacamin,
Ch'aveva stort el gamb e stort el brazz,
Al nas e i labbr gruss e i ucchi purzin:
L'avea i dint zall, asquizz era 'l mustazz,
Struppi, gobb e sainà, magalott pxnin,
Tutt unt e bsunt, pin d'bsiti ch' i dan tedi,
Insomma una figura ch fà vgnir l'edi.

136.

L'avvucat, ch'en vist altr da chi psser
Intendr d chi fuss al palazz, dsmuntò,
Pregand d grazia st bell cap ch' i al fims saver:
Al murett arspes subit ch l'era sò.
Al duttur en cherdi ch' al dssiss al ver,
Anzi ch' al vliss burlari al s figurò.
Mo al neghr a zurar s miss e sperzurar
Ch l'era so propri, e nessun i aveva ch far.

137.

S'al vleva vedrli, dsendi, al s pssca servir,
Ch l'andass dentr e guardass a so talent,
E s qualch cap al trovass ch' i pssies gradir,
Ch' al le tulliss pur su liberament.
Al di al cavall al servitor da tgnir
Anselm, e s'entrò dentr incuntenent.
Al visitò tutt el sal, stvelli, cusina,
Lozz, stall, bugadari, depensa e cantina.

138.

El bleax del dsagn, i lavurir tutt d'or,
Tutt qui urnàt da munareva al vā guardand.
Mo quest'è un sit, ch'an i è quattrin te tesor
Ch possen pagari! spess al va digand.
Eppur l'ha al so valor, diiss al brutt mor,
E s n'è, cmod al fà vu, ne immens ne grand.
L'è vera ch' al val cvell, mo mi av dign franch,
Ch pagar al prissi cun quell ch v costa manch.

139.

Es fà al duttur quila dmdanda poch unesta,
Ch' a so muier Adoui aveva fatt.
A una arcerca quei lerza e quasi dsunesta,
Ai diiss ch l'era una trua o pur mezz matt.
Mo d spunchinarli al mor per quest n'arresta,
Uffrendi sempr al palazz in cuntratt,
Tant ch'el duttur, cun tutta la duttrina,
Casca in t la ragna, e dars al mor l'inclina.

140.

So muier, ch'arpiattà steva a ascultar,
Quand la 'l vist arrivà dov iust la 'l vleva,
La saltò fora dsend: Ancè mo a impar
Ch'un duttur altrament arspindr en pssava!
Cmod allora l'arstass a pesi pinsar:
Per vergogna ficcars dov an saveva.
S la terra s fuss averta in finna al centr,
Allora allora tratt al s'i are dentr.

141.

Vdenda vgnir la balla al sbalz, l'Argi s'inzegna
D svergugnari lu, dfenders li, e a dir:
Pinsà se l'ammazzarv è cosa degna,
Dop quell ch' a vlevi cun al mor cumpir:
S, pr'aver mi fatt quell ch la natura insegna
Cun un bell zovn, an vlevi far murir,
Ch tant em pregò, e po'm vols far un present
Ch'appressa a quell st palazz a po dir un stent,

142.

Degna dla mort an giudicassi mi,
Mo va più degn srissi da giudicar.
Mo ben ch qui dentr a son patrona mi
E an prissi brisa dal mi man scappar.
Agn cosa a lass andar, e av fagh st parti,
Senz'altr decurs ne altra vendetta far:
Mitten al dar cun l'aver, al mi duttur:
Vu perdunam, cmod mi av perdon l'error.

143.

Quell ch'è passà, an s po far ch'en sia passà;
Per far la pas, manden agn oosa a mont;
Una burla fen cont ch la sippa stà,
E nasun d'nu du s'arcorda più d st'affront.
All'avvocat la i pars a bon mercà,
E a perdunari al fu content e pront.
Aqusi turnà in concordia e in bon amor
Ngotta in avn mai più da dir tra d lor.

144.

Qui fini al barcarol, e al fiol d'Amon
Ridi un puchett, piassendi st'instoriella.
Poch dop al dvintò ross quant'è un brason
Per l'affront ch fi al dntor la sposa bella.
Mo al la lndò po li, ch tindi al palmon
Quasi ben a so mari, e da furbastrella
In quel visti la 'l pres, dov l'era stà,
Più degna d scusa, prima li attraplà.

145.

Quand al Sol da per tutt i razz av dtes,
La qulazion ammanvar fi al paladin,
Perchè quel ch l'allusò avea curtes
Al cumpanadgh provist, al pan e al vin.
La nav, lassand indri in st mentr al frates,
Tra la terra d'Arzenta e 'l vall s'in vin,
Lassand Cumaceh per d sotto, e s v a arrivar
Dov' al so cors Santern v a descargar.

146.

La Basti allora n'era per rivira,
Dov dop mal s pesinn dar vant i Spagnù
D'averi fatt svintlar la so bandira,
E manch av da sterpar i Ramagnù.
Per l'acqua dritta a Fil sempr d carrira
Fan la barchetta andar i barcarù.
E po la voltò, e s van tant fort, ch'appenna
Era mezzdi quand i funn a Ravenna.

147.

Rinald s trovava spess senza quattrin,
Mo pr in bursa tant ai n'av allora
Ch'al regalò i parun d quattr o si zecchin
E po i lassò ch'i andassn alla bunora.
D qui, mudand i cavall, post e vtturin,
A Rimin l'arrivò la sira a un'ora.
Dop aver znà, la nott tutta al girò
E a un ora d Sol in Urbin al s trovò.

148.

Allora al n'era al temp del bon Fedrigh,
O d'Isuletta, ne d Francesch Mari,
D Guidnbald o Liunora ai estr amigh,
Ch'avissn cun bi mod e gran curtsi
Fatt forza a star più d'una sira sigh
Al paladin, innanz ch'al turnass vi,
Cmod i in solit a far al nustr di
Ai cavalir e al dam, ch passen per d li.

149.

Za ch'an i è chi al trattigna, al paladin
Tira innanz finna a Cagli, e qui al s pussò
Sebben poch; e po su per l'Appennin
Can gran fadiga gli Alp al trapassò.
Per l'Umbria al traversa e a Roma al vin:
Senza qui niint fermars, a Ostia l'andò;
Là al s imbarcò per Trapn, dov as dis
Ch'a si conserva gli oss del padr Anchis.

150.

Al muda barca a Trapn e s fa indrizzar
Vers Lipadusa el vel incuntinent,
Ch'è qu'isuletta dov a s'ha da far.
Anzi a s'è fatt al gran cumbattiment.
Rinald fa mna gran furia ai marinar,
Ch fan tutt mai al pussibil, mo cun stent.
Ch'allora inst al vent era contrari,
E più tard d quell ch'i vlevn fi arrivari.

151.

Quand là arrivò Rinald, al signor d'Anglant
Arpundeve la spada vitturiosa
Contra d Gradass druva e d re Agramant,
Mo cun vittoria dnra e sanguinosa,
Pr'esser mort al garbat fiol d Munudant,
E pr'Ulivir, ch per qula cascà prigulosa
Sempr' in terra era stà, ne bries al pascava
Livars in pi, tant fort quel pè i duleva.

152.

Quand Urland vist Rinald arrivar li,
Cors pianzava a abbrazzari, e s'i cuntò
Cmod al so Brandimart era finì,
Quel Brandimart, ch'amor tant i portò.
Ne manch Rinald quela testa a vder departi
Pesi star d'en pianz, e gran dular provò.
Pr'abbrazzar al marches dop quest al s moss.
Ch'è a sedr in terra cun al so pè amoss.

153.

Rinald i cunfurdò, se ben ch per là
Nasuna consulezion an po attruvar,
Perchè a temp per cumbattr al n'era vgnù.
Anzi sol quand an i e più niint da far.
I servitur d qui re tolm intant sù
I patrun murt, e s'i andonn a purtar
Al mi ch'i savn tra gli arvin d Biserta,
Da per tutt sparguiand la cosa certa.

154.

Dia vittoria arpurtà dal signor d'Anglant
A s'algrò al duca ingles e Sansennett:
In psinn algrarsn però più che tant
Pr'al dular ch'i avn d Brandimart, puvrett!
L'esser arstà senza d lu, i despiasi pur tant,
Perch tutt'i vlevn ben a quel zuvnett;
E pr'amor d Fiurdilis anch'a i agriva,
E dari in vren sta nova aquei cattiva.

155.

La nött innanz a un di quasi dulusos,
Fiurdilis s'insuniò ch la sovravesta,
Ch da mettr in doss s'aveva al so bell mros,
E ch li aveva guerni cun la man lesta,
Tutta era sparguià d gozz sanguinos
A fuzza d fravl, oppur d tant ball d timpesta.
D averli fatti li propri ai pareva,
E dop averli fatti a in dapiaseva.

156.

La dseva: Brandimart pur m'ha arcmandà
Ch dintorn sol dla franza negra si tira:
Per cosa donca l' oia quei arcamà,
Contra a quell ch'al m'ha ditt, a sta manira?
Per st'insuni l'armas tutta desturbà;
La mala nova po arrivà alla sira.
Mo Astolf e Sausnnett i fonn d parer
Altr che a poch a poch d fariel saver.

157.

Za subit la capi, quand la i guardò,
Ch i s'ern poch per quela vittoria algrà,
E qu'aria mesta la certifiò
Ch'era al so Brandimart; in camp arstà.
La vista pr'al dutor s' i imbarbaiò,
E s' i mancò tutt'in t' un tratt al fià;
E, senza pesser parlar, termentia e suorta,
In terra la cascò emod a la fuss morta.

158.

Quand un po di dà là al gran eveniment,
La s miss el man ai ucc e in t' i cavi,
Dend: Dov it, Brandimart, at chiam, t' en sent?
La puadura sgumbiand, sbattend i pi.
L' urla, suspira, pianz, crida dsprament,
Fagand un pass innanz e du all' indri,
La testa e i gumd la sbatt in tutt i là,
Ch la par una baccant o un ispirità.

159.

Adess la prega ch' ai sia dà un cortell
Da ficcar in t la gola o avrirs al pett:
Dop po la dmdada esser guidà al vascell,
Dov arà i corp d qui du re, murt a so depett.
Per tridari emod s fa 'l corp d' un purzell,
E la vendetta far d quel so dilet:
E anch la dis ch la vol subit partir
Per vedr Brandimart, e sigh murir.

160.

Oh! perchè, Brandimart, t' oia lassà
Andar sta volta senza mi? la dseva:
Finn' adess a t' ho sempr seguità,
E in dov t' andav e mi a gallon a t steva.
Chi sà sta volta ch' an t' aviss zuvà
A tgnirt pur sempr d pista, e quand a vdeva
Gradass tgnirt dri cun mala vuia decverta,
Almanch a arè pussà dir: Guardet, stà all' erta!

161.

O forsi, intrand in mezz, a sre stà presta
Per servir a quel colp d' impediment:
Pazinzia s' ai andava la mi testa;
Perdita d poch la sre stà finalment!
In l' agn mod da campar più poch m' arresta,
E s murirò ben preest, mo inutilment,
Ch dov, s' aviss pussà murir per la to dfeva,
D mii an arèv pussà aver la vita aspa!

162.

O s la contraria vuia del destit
A dart un qualch aiut m' aviss desturbà,
Almanch a t' arèv dà i ultim basin,
E a t' arev cun al pianz al sango lavà;
E prima ch fuss lassà tra i cherubin,
Dinanz al Sgnor, la bella anima vulà,
Arè ditt: Vatten in pas, e aspetta là,
Ch' anch la mi tra poch temp i arriverà!

163.

Al regn, ch t' em vlev dunar, arà donca un' arca.
E quela corona, ch tant avevn avvin,
Anden donca aqusi a tor in Danimarca?
Quest donca è al sceotr d' or e al baldachin?
Oh gran mi dsditta! la mi povra barca
Arà in t' al mi trist viazzi aqusi brutt fin?
S tutt quell ch s po perdr è pers e s' en i è arpar.
Adess mo cosa staghia quai a fnuochiar?

164.

Dsènd sti cos, e tant' altr sgarbari,
La turnò d nov a far un gran schiamazz;
La s turnò a mittr el man in t' i cavi,
Strappandai vi emod s' i i dissn impazz;
E, trasportà da matta frenesi,
Cun gli ung la s sfrisò pett e mustazz.
Mo, in st bell mentr ch la fa tutt sti deprazion,
Dai cumpagn turnèn na e dal fiol d Milon.

165.

Al cont cun al ognà, ch quasi malament,
Per causa del pè asquizz, s lamenta e dol,
Per supplir cun unor grand verament
Al so car Brandimart, per quant al pol,
Aveva fatt alzar la vela al vent
Vers quel mont, dov al di fum vedr s sol
E la nött fiamma, ch' era: poch luntan;
A vui mo dir al spiazzi d Sicilian.

166.

Cun un vintain galant in so favor
La sira i s' imbarcon in t l' avmari.
La Luna chiara cun al so splendor
Mustrava d nött per mar la dritta vi.
E la mattina, cun l' aiut del Sgnor,
In t' i lid d' Agrigent i missn i pi.
Qui Urand di i urdn ch' en necessari
Per far cun tutta pompa al funerari.

167.

Quand agn cosa fu all' ordn, e preparà,
E al Sol s' andò a arpiattar in uccident,
Da cavalir e signori accumpagnà,
Invidà fora e dentr d' Agrigent,
Cun torz in abbondanza intorn impià,
Cun un silenzi grand, e bass lament,
Urland turnò alla spiazza, per livar
Al corp dl' amigh a lu quasi fid e car.

168.

Ai era là Bardin, quel vecch bacuech,
A pianzr sovra al so patron spaccà
Cun di vers, ch' al pareva propri al cuoch,
E squas pr'al pianzr a s' i era i noch sculà:
Al chiamava mulligni el strell, e d stucch
Al cil, e se stess al più degrazià,
E al s deva da per lu di quesi matt pugn
Ch' al s' era rott al nas e nizzà 'l grugn.

169.

Quand fu a vista del mort al paladin
Al pianzr s' arduppiò e 'l zigalament.
Siands al corp accustà 'l cont più da vsm,
Un pezz al sti a guardari fissament,
Ch' al bon amor, la fedeltà i survin,
E quant in guerra l' era stà valent,
Mandand dal fond dal cor un gran suspir,
A sta manira dop al cminzò a dir:

170.

O mort, ch t m' hà tolt ste car malgaritin,
Al più galant, uduros e bell del prà,
Da far invidia al ros, viol e zesmin,
Splendor e gloria dla nostra contrà;
Sebben ch di pass e marz l' aviss avsin,
Ch meritament sren stà piest e tridà,
T' ha lassà quieti, sol ch menen dla puzza,
E quell taià cun la to falza aguzza.

171.

Oh! al mi fedel e fort e strett cumpagn,
Ch t' i in terra mort, e su in t' al cil t' i viv,
E d' una vita t' ha fatt al guadagn,
Ch' in etern t' i cert d' en n' esser priv,
Perdonem s' am lament, s' a pianz e am lagn
D' esser arstà qui a girar su per sti riv,
Non za pr' en t' aver qu cumpagn e amigh,
Mo per n' aver la sort d' esser là tigh.

172.

Senza d ti a son arstà qui sol in terra,
Ch' an so più quell ch' am diga o quell ch' am fazza:
S' a t' era uni in ste mar quasi travaia,
Per cosa en sonia a part dla to bunazza?
Bisogna pur ch' i sien grand i mi pecà,
Ch' n' en lassen fora uscir d' in sta puzza.
Se in t' el degrazi a sen stà sempr cumpagn,
An arèv da esser a part anch del guadagn?

173.

Mi ai ho pers tutt, e ti t' i al vincitor;
L' util intir è to, sol nostr al mal.
Del dann partecip srà e del mi dutor
Tutt' al popl di estian in general.
Quant a mi barba, Carl imperator,
I lu despiasà, ai paladin e a i uffizial!
Quant ha pers santa Chisa e 'l nostr regn,
Ch t' er la so miura difesa e 'l mior sustegn!

174.

Quant argui chiapparà mai i pagan!
Oh ch ghirigai faran, cun gran content!
Auch' i turcazz malditt s' alligraran,
Za ch t' er al so terror e al so spavent!
Cosa dirà mai Fiordilìe? d lontan
Am par d' udir al piant e al gran lament!
La colpa cert del tutt all' arò mi,
Ch l' ha 'l sou speranz per causa mi fini.

175.

Cun sti esclam e lamint s duleva Urland;
E intant i frà veti d negr, d bianch e d bis
S' incamminaven, innanz a tutt' andand.
Dop i canonich vgnevn e i prit del Cis,
Ch' a chiopp a chiopp andavn tutt pregand
Al Sgnor a dari pas in Paradis:
Cun tanti torz dedri e dinanz impià,
Ch la nott in di pareva stà mudà.

176.

Dates in t' un gran tavlaz, d' un purpurin
Damasch tutt evert, trapunt d' un bel lavor,
Cun i fuech d seida e d' or, e i su cussin
Arcamà cun l' istess desegn anca lor,
Ai era al corp d' alliv del vecch Bardin,
Anca lu veti d damasch dl' istess culor.
In spalla s' al mittinn marchis e cunt
E di altr signori a far la muda prunt.

177.

Tersent dinanz a tutt en passà
Di più puvritt dla terra Agrigentina,
Dentr in t' i su capuzz imbacuccà,
E per terra arrivavn el vest d frandina.
Dop ai era cent pagg, ognun muntà
In t' un cavall da guerra, e d razza fina.
Ch' i marchiavn anca lor in aria mesta,
Per terra strascinand e everta e vesta.

178.

Intorn ai era purasà bandir
Dpinti in vari manir, e d più culur,
Guadagnà in più battai dal cavalir,
Fin ch' al batteva sod e ch' al sti dur,
Qual a pro d Carl, qual a pro d san Pir.
Cun la so forza e cun el sou bravor.
Ai era anch purasà seud, cun i sign
Di cavalir da lu vint, distint e dign.

179.

Altr duser suggest in preparà
Per far acumpagnament anca lor,
Ciaschedun cun la torza in man impià,
Vsti da carrott, per far a st mort unor.
Dop vgneva al cont, ch'ea tgnava i nech sugà
Cun un bianch fazzulett, pr'al gran dolor.
Ne d lu manch decunsulà vgneva Rinald,
Mo Ulivir brisa, ch'in t'i pi en stà sald.

180.

Arè da far assà, a tutt'a vliss dir
I salm, el cirimoni, e gli urazion,
Quant candel ern impres su in t'i candlir,
Quant limosn d quattrin, d abit, d pan bon.
L'andò alla cattedral st'ordin a furnir,
E an s'udeva pr'el strà sen del dsprazion.
Un quai bell zovn, ch feva a tutt pietà
A viech, ragazz, a putt e a maridà!

181.

I al missn in cisa, e quand fini i piangulon,
E l donn i smergul, inutil quant'am pens,
E cantà ch'av i prit i lazzarun,
I chiriè, l'acqua santa dà e l'inzens,
In t'una cassa assà, su in du fittun
I al missn, e cun un drapp d valor immens
Al la fi cruvr Urand, e là ai sti pò
Fin ch fu ammanvà un sepolchr da par mò.

182.

D là prima en vols partir al cont Urand
Ch'al n'av trovà di porfid, di alabaster,
E di mistr cundutt cun premi grand
A far al daegn, e mettr in ovra el lastr:
A Fiordilis la cura po lassand
D'alzar e mettr a lugh i gran pilastr.
Sta signora al cont mandà aveva a chiamar,
Perchè in Sicilia an s vleva più fermar.

183.

Travià dal dutor, e dai suspir,
Fiordilis, ch manda al cor continuament,
Ne per quant Messa e uffizi la füss dir
La n trova d far calar al so turment:
Da quel sepoler mai d'en vler partir,
Vita durand, la fi prupuniment.
Per stanza la s fi far un rumitori,
Per cantar a so mod el requi e l'glori.

184.

Ne per quant s'i scrivias al fiol d Milan,
E in persona l'andass d là per livarla,
S la steva in Franza prumttend pension,
E per compagna a Galarana darla:
O, a turnar dai su l'aviss l'intenzion,
Finna alla Lizza al vleva acumpagnarla.
Ai diass anch ch'a gli arè fatt un cuvent
S'd fars sora la füss stà d sintiment.

185.

Mo oibò, li n vols azztar nasun d sti parti,
E s vols star lì a pianzar al di e la nott;
Mo tra i affann e i dzun prest la finì,
Andand a qu'altre mond più prest che d trott.
Za da qu'isola tutt'ern parti,
Dov qui dou nott s trattgnev in t'el grott
I paladin francis, cun gran dspiacer
Al car cumpagn più sigh cundutt n'aver.

186.

Però senza d'un medgh in vlevn andar
Ch'a dver tuliss la cura d'Ulivir,
Ch'in t'al principi mal siand pesù medgar
Più scabros era vgnù l'pserl guarir;
E s l'udevn in manira lamantar,
Ch'ai feva dla salù molt inesarir.
D quest, chiaccerand, un barcarol pinsò
Una cosa, ch'al diss, e ognun l'asstò.

187.

Da lor al diss ch'a i era poch lontan,
D co d'un scui sulitari, un'Eremita,
Ch'a pregarl ensson s'era miss in van
Pr'aiut o per cunsii in qualunqu dsditta,
E s'aveva i miraql anch alla man:
La vista al deva ai urb, ai murt la vita;
Al feva cun un segn d cros affermar
Al vent, e quand l'era in burrasca al mar.

188.

Bona speranza s'sinta nasser, andand
A trovar d co del scui quel quai sant frà,
Ch'ai guarissia del tutt Ulivir, quand
S'è vist di sign più grand d la so buntà.
A st cunsii s'attacò ben prest Urand,
E subit fu una barca là indirizzà,
Ch'andò quai ben, ch mai dal cammin l'uscì,
E vsin al scui ern in t'al far del di.

189.

Dai marinar in acqua, ben instrutt,
Guidà la nav, senza cuntraddittori
L'arrivò al scui, e in t'al buchiell i putt
Missn al marches, cantand al responsori.
E quand in terra i funn arrivà a tutt,
I andonn d quel fratazell al rumitori,
Ch'era la stanza d quel medesm frà
Ch'aveva puch di innanz Ruggir battzà.

190.

Al Rumitt, ch'era cert om sant e bon,
Alligrament i arzi cun carità,
Cun al dari la so santa bendizion,
E po i dmandò: chi i ern e d qual città?
Sebben ch'in prima d lor l'era in vision.
E del so andari stas da Dio avvisà.
D'essri andà, arspes Urand subitament,
Per pregarl d succors pr'al so parent;

191.

Al qual, giustrand per la fed d Gesù Crist,
L'era stà arduet a quel termin ch' al vdeva.
Al bon rumitt diess ch' a gli è pruvist,
E ch' l'arè fatt tutt quant mai quell ch' al peseva.
Mo d' balsam siand e d' altr inguent depruvist,
Za ch' a la man medesina altra al n' aveva,
L' intrò a far urazion in t la so stanza,
E po 'l vins fora dop pin d gran speranza:

192.

E, numinand el trei Person santissm
Del Fiol, del Padr e del Spirito Sant,
Fi al segn dla cros sovra al marches lustrissm,
Ch s' attruvò san e svelit in t un istant.
Quisti i in d qui miraqul, ch fa l' Altissm
A qui ch s' arcmandn agli urazion di sant,
Cun fed, speranza, amor e dvotament:
E a st miraqul Subrin era present.

193.

Mal al stava anca lu pr' el piagh, puvrett!
E cun rason l' era dulent e trist:
Mo quand, pr' intercession d st fratin bendett,
Al gran miraqul d' Olivir al vist,
Al risols d dar un calz a Maomett
E la santa abbrazzar fed d Gesù Crist:
Cun sta bona intenzion, e fed ben granda,
Cerca 'l battemm d cor e umil al dmdana.

194.

Ben e vluntira al rumitt al battaò,
E in t l' istess temp ai res la sanità.
D sta bella conversion molt a s' algrò
Al cont Urland, e tutta gula brigà:
E una consulazion ugual pruvò
A quella del marches ch' era arsanà.
Ruggir più di altr cuntintezza avì,
E più che mai la fed in lu chersì.

195.

Da quel di ch l' arrivò in quel scui, Ruggir
In cumpagni al sti sempre d quel bon vecchin:
Quest po cun bella grazia ai cavalir,
In poch mo bon parol, fi un sernuncin;
Esurtandi a desprezzar fol e chimir
Del mond, d' ingann sol e d malizia pin,
Ch l' abbadar a quel cos l' è un far da matt,
Mo ch l' anima e 'l Sgoor avèn da tgnir dacatt.

196.

Urland mundò alla barca un servitor
A tor pan, vin, furmai e un bon persutt,
E l' eremitta, ch' aveva al savor
Lassà del brod, buttir, carn e del destrutt,
I al finm magnar in cumpagni so d lor
E bev d quel bon vin, ch i beven tutt,
E, dop aver un po arsturà la panza,
A tavlà d' altr i stinn anch alla zanza.

197.

E, emod succed del volt, ch tant facilment
D' in t' un deors in t' un altr a s' v' passand,
Aquei Ruggir ognussù fu facilment
Da Rinald, dal marches, dal cont Urland
Per qu' om in arm famos e valent
Tant numinà da tutt, per tutt el band.
E pur Rinald, ch' aveva schermatà
Sigh puch di prima, 'n l' aveva arvisà.

198.

Al re Subrin l' aveva ben ognussù
Subit a vedrì cun al frà arrivà:
Mo per prudenza l' aveva tasà
Più tost che mettre a prigul d fallar.
Quand àv tutt qu' altr signori po savù
Quest' esser quel Ruggir famos e rar,
Quasi magnanm, curtes e valuros,
Per tal ludà da tutt a pina vos,

199.

E d più ch' i savn ch' al s' era fatt cetian.
Tutt d' attorn s' i missn pin d' algrezza,
Chi l' abbrazza, chi l' basa, e chi la man
I astricca, agli arm e alla vittoria avvezza.
Mo sovra a tutt al prencip d Muntalban
Mostra d' averi gust, e s l' accarezza.
Per cosa mo più lu, che i altr tutt?
Av al dirè, mo tropp ai ho al becch tutt.

FIN DEL CANT QUARANTATRI.

CANT QUARANTAQUATTR

ARGUMENT

*La sorella a Ruggir Rinald prumett:
A Marsiglia i s' in van tutt d cumpagni:
Astolf arriva dop cumpi al guazzett
D Biserta e d tutt al regn dla Barbari.
I s portn d là a Parigi, in dov as mett
Per lor su d sovra agn cosa, in festa e allgrì.
Ruggir s' in v' per tambussar Lion,
Ch prumessa Bradamant i è stà da Amon.*

1.

S' i princip, i munarca, i imperatr
Passiss in persona i su interess trattar,
Senza tant secretari e imbassadur,
Ch' al vantazz propri sol soln guardar,
Oh! quant più stabil sre 'l pas e sicur,
Ch durn ben poch, e spess a vedn mancar
Per n' esser i princip dal ver infurnà
Da i su invia, anzi da lor tradi e ingannà.

2.

L'amicizia, la fed, la lealtà
S'en s'attrovn in t'el cort di princip grand.
L'è ch' l'interess, l'invidia e l'gaintà
E tant'altr nequizi i han dà al band.
In t'el casupli sti virtù a trovà
Tra i tamplun, la pulent, o ugal vivand.
Dov a s'viv alla bona, avert al cor,
Senza ingaun o ambizion, o vuia d'or.

3.

Mo s'as dà al cas, emod al s'è dà del volt
Pr'un gran strabalz o per qualch accident,
Ch'in qualch lugh bass insem a s' sippa arcolt
Munarca, re, e qualch'altr signor putent:
Vera pas e amicizia i han arsolt
Tra d'lor, da'n s'rompr più quai facilment,
Perchè i han agnessù dà fals al ver,
Ch'i n'han pssù dai ministr su saver.

4.

Là dentr in t'la so cella quel vecchin sant
Cun amor, cun schiettezza e mod accort,
Senza curtan (ch'in la più part furfant),
Un cun un ligam ben stret e fort
D bona amicizia qui sgnori tutt quant,
Ch'en fu mai più interrott finna alla mort;
E, avend bon cor, creanza, e gran buntà,
In finn mai us d'ingann, d'urdin tirà.

5.

Là a n' i era chi dall'interess fuss pres,
Là a n' i era chi l'invidia al fies parlar,
Là a n' i era chi i tirass a far mal spes,
Ne chi tra l' man el cart i passies mudar.
Là tutt el gar, i tort, el lit, gli uffes
Funn suppli, ch'en s'udinn più numinar.
E fra tutt lor nassi tanta armuni,
Ch'i s' trattaven insem tutt em'è tant fradi.

6.

Mo sovra ai altr al prencip d Muntalban
Feva carezz e unor grand a Ruggir.
Non sol perchè al l'aviss cun gli arm in man
Animos agnessù e brav cavalir,
O pr'averl trovà tant alla man,
Contra l'us d qui ch più alt portn al cimir,
Mo perchè verament da più d'un là
Esser i stess al s'cognesseva ubbligà.

7.

Al saveva da ch gran prigul salvà
L'aveva Rizzardett, qualch mes indri,
Quand pr'ordin del re d Spagna catturà
Cun Fiordispina al fu, emod a savi.
Anch arcurdands ch l'aveva liberà
Malagis e Vivian, i du fradi,
Dal man del Maganzes, ch'ha l'anma nizza
Pinsand d'fari far la mort acquizza.

8.

St'ubbligazion quasi granda la i pareva.
Ch'al studiava agn manira d'fari unor
E d n' i l'aver pssù far i arincherseva
I di passà, ben fort, a quel bon signor,
Perchè cun Agramant Ruggir viveva,
E lu serviva al zio imperator:
Adess ch'al s'è fatt cetian, e al l'ha trovà,
Al procura d'arfars del temp passà.

9.

Sicchè prufert, unor, curtsi, e gran festa
Fà d'cuntiv a Ruggir al fiol d'Amon;
Mo l'Eremitta, ch'ha del sal in testa,
Tanta amicizia vdeud, tanta affezion,
A gl'intrò desendi: Sgnori, altr'an i arresta,
E s'em pens ch'an i srà contradizion:
Za ch'insem tant'amigh a si d'vintà
Ch'agruppadi tra d'vu un bell parità.

10.

Perchè dal dou famei famosi e chiar,
D'un sangu sgnuril, e più nobil del mond,
Nassa fameia degna e singular,
Senza l'ugual, quant gira al Sol in tond:
E più in t' l'audar del temp s'farà ludar
Per prudenza, buntà e curtsi; segond
Quell ch'am sint ispirar, gloriosa srà
Per finna a tant ch'in pi al mond starà.

11.

E seguitand a decorr-r, al Rumitt sant
Al diss ch, za ch tant amigh i ern d'vintà,
Rinald prumittiss a Ruggir Bradamant,
E al s'arduss subit, ch'an fu tant pregà.
Al marches Ulivir e al cont d'Auglant
Lodn che st nod sippa ben prest stricà,
E s'pensn cert ch'al srà appruvà da Carl
E an prà tutta la Franza sen ludarl.

12.

I deevn aquei, senza saver ch'Amon,
Cun al cunsintiment del fiol d'Pipin,
L'aveva in qui di dà bona intenzion
Al grech imperator, ditt Custantin,
Ch'i l'aveva dmandà per so fiol Lion,
Ered d'tutt i su Stat, e di quattrin;
E quest, pr'al valor d'li, ch'i è stà cuntà,
Senza vedria, al s'nera innamurà.

13.

Amon i aveva arspos ch'an psaveva dar,
Senza Rinald, arsposta concludent.
Ch'al vleva cun so fiol prima parlar,
Ch'pr'allora in cort n'era brisa present;
Mo ch'an psaveva gran fatt star a turnar,
E d'grazia l'arò avu d'un tal pareut.
Mo pr'al cuncett d'un fiol quai fatt ch'l'aveva
Risolvr senza d'lu st negozi an vleva.

14.

Rinald luntan, ch'en sà sta bagatella,
Senz'altra condizion, ne d'com ne d'quand,
Al nov amigh promiss la so surella,
Cun al consentiment del cont Urland
E d'i altr, ch'ern là dentr in qula cella,
E del frà, ch'più di altr andò battand;
Cherdend sicurament Rinald ch'al pà
Ava d'aver a car quel parità.

15.

Quel di, tutta la nott, e al di seguent
I stinn in cumpagni d'quel fratazzell;
La so barchetta più i n'avevn in ment,
Ne al vent ch'è in so favor, ne al temp ch'è bell.
Mo al pilot, annuà po finalment,
Mandò più d'una volta a diri cwell:
E tant bacciaion qulor, ch'era mandà,
Ch dal Rumitt finalment s tolen cumià.

16.

Ruggir, ch'era tant temp in quel scui stà,
Ne dop ch'a gli arrivò più n'era usci,
Al s tols bona llicenzia da quel frà
Cun ringraziarl d'esar stà instrui.
Urland la spada i turnò a mettr a là,
Gli arm d'Ettor, e anch Fruntin ai di,
Quasi per mustarari un segn d'amor e d stima,
Quasi per saver ch so roba l'era in prima.

17.

E sebben ch'in sta spada più rason
D sicur i aveva Urland al paladin,
Pr'averla cun tant stent e sudizion
Fora cavà dal territil zardin,
E Ruggir sol avù l'aveva in don
Da quel ladrass, ch'anch i donò Fruntin,
Mo pur vultira Urland i in fi al regall
Per pruvari ch la so stima en va in fall.

18.

La bendizion i di al frà lassandi andar,
E tutt'insenn in barca i s ritironn,
E l vel funn dtesi, e al largh s'inviønn del mar
Ch'era tranquill, e pr'al so viazz i andonn
Senza timor in salv ed n'arrivar,
In t'al port d Marsiglia in fin i intronn;
Ch'i staghnn mo là adess ch' i in in sicur,
Tant ch Astolf anca lu a possa cundur.

19.

Quand av Astolf al gran success intes
Dia vittoria, ch tant sangu fi spargiarn,
E vden in libertà da tant uffes
Dl' Africa, e ch Franza la s po assicurar:
L'appinsò al re Senap al so paies
Cun l'esercit tutt quant pesser armandar,
Cunsigliand a far, in t'al tornar ludri,
Quella, ch' i finn a vgnir, istessa vi.

20.

Za anch Dodon aveva indri mandà
L'armada vitturiosa di pagan;
Mo quand fu el nav alla sponda arrivà,
E sbarcà i pigr in t'al lid african.
Cun nov miraqul tutt'ern turnà
A cunvertirs in fui, e vi luntan
In aria sullivà el purtò un gran vent
E dai ucc fi sparirli in t'un mument.

21.

Tutt i suldà a cavall, e tutt i fant
Per turnar al paies tolen la strà;
Mo prima Astolf al ringraziò ben tant
Al Senap, dsend ch' ai srà sempr ubbligà,
Non per l'esercit sol, ma anch d tutt quant
In persona al Senap ha lu uperà.
Ai di anch sigh i ludri, al fiol d'Utton,
Dov'era al vent Sirocech aserà person.

22.

Magara sempr avissel tgnù al Senap
Quel vent aserà, senza lassarl uscir,
Ch'an suppiarev al temp di plun e cap
Cun quel dann, ch'ubbligà a sen nu a soffrir.
S'a digh ch'al z daga dann, pr'al cert an frapp,
Mo l'esperienza è quella ch m'al fa dir:
Al l'amullò al Senap a mezza strà,
Ch'al paladin aqusi i aveva cmandà.

23.

A s conta anch che quand i funn ai pass
Dl'altissm mont Atlant, tutt i cavall
Umod i ern prima i s tramudonn in sass,
Dop andò a pi la zent per mont e vall.
Anca mi qui vultira andar ai lass,
E s torn a Astolf, ch'inusenz d vultar el spall
All'Africa, e pruvist dov'impurtò,
Dop a cavall del so lppngriff muntò.

24.

In Sardegna al s'andò prima a arpussar,
E d là in t la spiazza al svulattò di Cors;
E in segnit al vulò sovra del mar;
A man stanca tirand un poch al mors,
Vers la Franza el gran ali ai fi addirzar,
Senza al fin del so viazz mandar in fors.
Dsmuntà in t l'ultim in Pruvenza, là al fi quant
I aveva ordnà a puntin l'Apostl sant.

25.

L'Evangelista diess al fiol d'Utton
Quand in Pruvenza ch'al fuss arrivà
Ch'an fiss più all'Ippogriff ne mors ne aprou
Sintir, mo lib ch lu al lassass andar.
Anch al so corn aveva pers al son,
Quand la sfera del fugh l'andò a passar.
An s dev servir di dun del cil in van
Za ch la guerra è finì tra i mor e i castian.

26.

Al duca ingles dentr in Marsiglia andò
In quel di istess che cun al so cusin
Da Muntalban al cont d Brava arrivò
Cun Ruggir, al marches e al veech Subrin.
Al mancar d Brandimart un po i guastò,
Ch' in passin far a so mod ai paladin
Quegli accuglienzi e fest e qula baldoria,
Ch meritava l'aquist d la gran vittoria.

27.

Sin da Sicilia Carl fu avvisà
Di du re ch'ern murt e Subrin pres,
E Brandimart in camp cmod l'era arstà;
L'aveva pariment d Ruggir intes;
Propri ai pareva d'esser sullivà
E d'aver zo dal spall miss un gran pes.
Ch l'aveva tant upress tant abbattù,
Da credr ch ni fuss cas d livars più sù.

28.

Carl, per fari unor (ch'i ern al sustegn
Del vast imperi, e so coloua miora),
La nublità ai mandò incontra del regn,
D Senna alla riva dri, prest, a bunora:
E lu po, accumpagnà dai prin del regn,
Duca, princip, marchis, cont, e la signora
So cunsort, uzi fora d la città
Cun belli putti e dam in quantità.

29.

Carl, l'algrezza so mustrand in front,
I paladin, i amigh, tutt'i parint,
La nublità e la bassa zent al cont
Gran cirimoni fan e cumpliment,
Zigand: Viva Mungrana e Chiaramont!
E, quand al re fini i abbrazzamint,
Al cont Urland, Rinald, cun Olivir
I i presentonn dinanz al brav Ruggir.

30.

Quest'esser, dsendi, fiol d quel Ruggir d Risa
Quasi famos, ch'in virtù s'arvisa al pà.
S'al saviss po druvar la spada brisa
I franzi al ponn dir, ch l'han tant pruva.
Lu tant cun Bradamant vin anch Marisa.
L'una surella, e qu'altra innamurà.
Una abbrazza Ruggir, qu'altra stà indri
Per dsnum, mo la vre far aquai anca li.

31.

Carl a cavall fi Ruggir armuntar,
Ch'era dsuntat per fari riverenza:
E ch'al cavalca al vol sigh all'impar.
Per fari unor anch più d la convenienza.
Un pass luntan an s'al lassa dsustar,
Mo sempr al vol averi in so presenza:
Pr'esser quell ch l'è al l'unora, mo tant più
Ch'al s'è fatt cetian da qui altr l'ha savù.

32.

Cun pompa triunfal, cun viva e crid
In cumpagni i intronn dentr in città,
Ch'era d damasch, d'arazz, d tlun e tapid
Port, uss, finestre e coloun tutti addubbà:
E sovra a lor piveva al perfinid
Erba da odor, e fur, e acqua rusà,
Da finestre e ringhirol buttà a man pini
Da belli sposi, vedvi, e ragazzini.

33.

All'arrivar in t'i crusal del strà
Di arch triunfal alzà i attruvavn,
Ch Biserta distrutta, e l'Africa dumà,
Battai, vittori, e fatt glurine mostrava.
I cumediand su in tutt i banch muntà,
E infinna i burattin i lavoravn.
In t'i arch i era i nom in gran scrittur
D qui ch dl'imperi ern stà liberatur.

34.

A son d spiff, d tambur, d tromb e timball,
Ch fevn una bella e grata sinfuni,
Fra l'algrezza, i eviva, i cant e i ball
Dla zent, ch'era affullà pr'el piazz e vi,
Al palazz dsuntat Carl da cavall,
E cun lu la so nobil cumpagni,
Dov al fi tutt star d svaglia per qualch di
Tra i fatin, cumedi, zugh, e cort bandi.

35.

Intant Rinald un di a so padr Amon
Diss ch'al vlea Bradamant dar a Ruggir:
Ch'ai l'aveva promissa, e al fiol d Milon
I era tstimoni, e al marches Olivir;
E s' dsevn tutt ch l'era un partì quasi bòn
Da 'n s'al lassar fora del man uscir:
Per nublità dla casa e per valor
Non sol l'ugual, mo an s' pessa trovar al mior.

36.

Amon av dsugust ch'aviss al paladin,
Senza parlari, a quell promess la tosa,
Pr'esser za mezz impugnà cun Costantin,
E s' ha intenzion ch sol Lion sia quell ch la sposa,
E non Ruggir, ch n'è altr che un puvrin
Ch n' ha niint al mond, s' n'un po d'aria gluriosa
D nublità, ch zova poch, e un po d virtù:
Mo si ind senza quattrin l'è un turlurà.

37.

Auch più d' Amon, la madr Beatriz
Al biasma fort, digand ch l'è un arrugant:
E s' dis ch so fiola en n'è una cantatriz
O ch n'ava nom, da spusar un mindicant,
Mo in tutt'i mod la vol ch'imperatriz,
O prest o tard, ch la sippa un di d Levant.
Però Rinald en s' muda, e s' dis ch'an vol
Gnanch un tantin mancar del sou parol.

38.

Beatriz, cherdend in t la so unpinion
Aver ch la fiola, vâ da li, e s l'esorta
A dir ch la 'n vol spuar brisa un strazon,
Quand in al fiesm tor dop ch la fues morta.
S l'an vol tirars addoss la so maldizion,
Contra al chiacchir d Rinald ch la staga forta.
Ch la diga l'ann so mudesta e dura,
Perchè an la sfurzarà Rinald d sicura.

39.

A Bradamant sti deurs fan un gran dappett,
Mo gnanch s prova alla mamma d cuntradir,
Perchè la i porta tant al gran rispett
Ch la 'n sa gnauch appinsar d'en l'ubbidir.
Da un'altra part, ai par ch'al sre un gran dffett
Prumettir cosa da la passer mantgnir.
La 'n po disponr d se ne poch ne assà
Perchè Amor tola i ha la libertà.

40.

Un no tant fatt o un sî dir la 'u s'attenta,
Mo la tas e s suspira sulament.
E, quand la s trova in lugh dov ussun la senta,
La s mitt a pianzr, mo dirottament;
E per sfugar la duia ch la turmenta
La s batt al pett, e s nizza malament
Con una man, cun qu'altra i bi cavi
La strappa, mentr ch la dis da per li:

41.

Vroia mo quell, ch'en vol quella ch'ha psser
Far dla mi vultutà più ch'au poss mi?
Al vler dla mamma n'ha da pervalor
Tant ch'la diga a mi dappett a questa un d ai?
Mo ch vergogna più granda previa aver,
E cosa mai la zent direvâ d mi,
S, contra la vultutà d chi m po cmandar,
Per forza am vliss a mi mod maridar?

42.

Donca al rispett da fiola arà più forza
Dl' amor, e s farà tant ch'la t'abbandona,
Ruggir mi car? bisugnarà ch'am sforza
D lassart, e a un altr ch'am cunceda e dona?
O pur quel gran rispett, al qual m'è forza
D aver a chi del mi vler è patrona
Bisugnarà ch'la lassa, e sol ch'abbada
A quell ch m'agusta, a quell ch m'agarba e aggrada?

43.

A so ben quant gli in gli ubbligaziou
Ch dev una fiola vers i su nsservar.
Cosa 'm val mo l' saveri? s la rason
S lassa vinzr dal sens e duminar?
L'amor mitt la rason in t'uu canton
E s n'em lassa a mi mod dir ne pinsar:
D mi stessa a cgnoss ch'an poss disponr più,
E am sint ubbligâ a far a mod so d lù.

44.

Fiola d'Amon e d Beatriz a son,
Mo a son, puvrina! più serva d'Amor.
A pre sperar da i mi d trovar perdon
E grazia, s'a cascass in qualch error:
Mo, s'a fazz contra Amor, chi mai srà bon
D mettrm in salv e a cvert dal so furor?
An i pro far el mi bon scus capir,
E pr'al dador a sro sfurzâ a murir.

45.

Quant temp passò ch'a i ho pergà e pergà
Ch'al s'arduga Ruggir a fars battzà:
Cosa 'm zova mo adess ch'al s'è battzà?
Sulament a pro d'i altr al ved turnar.
Degli av cumpagna a son, ch'al mel san fur
Agn'ann, mo sempr agn'ann al i è livâ.
Mo, ch la vaga emod s vuia, a vui murir
Piuttost che tor mari fora d Ruggir.

46.

S'an fazz del pa e d la mamma al emandament.
Almauch a farò a mod d'un bon fradell,
Ch'assà più d lor è savi e più prudent,
Perchè la vecchiaia en i ha guast al cervell:
A quest al cont Urland anch accusent,
Ch'ha l' so giudizi adess perfett e bell.
Dalla mi ai ho sti du, ch'in pur al fior,
E sovra ai altr dign d stima e d'unor.

47.

S del valor e d l'unor quisti en in cima,
Sustegn e gloria d la cà d Chiaramont;
S'ugun i apprezza più, s'ugun i stima
Sovra d'agn altr paladin e cont:
Per cosa Amor al da disponr in prima
D lor del mi nozz e fari un tant affront?
Mi an l'ho da cumpurtar, tant più ch prumissa
A fu a Ruggir, e a qu'altr in dubbi missa.

48.

Mo s Bradamant a st mod s'in stâ duleuta.
Ruggir per la so part n'è d manch affitt:
E se ben ch per città cantar au seuta
Sta cosa, tuttavi tant in stan zitt
Ch'an l'ava penetrâ, e però al s lameuta
Cun la fortuna d'esser in st gran cunfitt:
Ch la 'u l'ha fatt nassr ricch, o ered d'un regn.
Cos ch d'altr han avù ch'han manch inzeign.

49.

Del qualità cuncess dalla natura,
E d quelli ch s ponn cun al studi aqistar.
D'avern la so part al ved sicura,
In manira da n pssern d più bramar.
In t la blezza più d'altr al fa figura,
Per forza an i è chi a lu staga all'impar.
In t l'esser maniros, discret, galaut,
Sovra a tutt, a s po dir, ch'al porta al vant.

50.

La pleb più bassa, ch sol despinar i unur,
E cunform al caprizzi i tol e i dona:
Au intend sotta al nom d la pleb ardur,
Da i omn savi in poi, qual s sia persona;
Perchè ne princip, re, ne imperatur
F'an dvintar savi al scettir o la eurona:
Mo l'om fan la prudenza e la duttrina,
Grazi ch'a puch al cil curtes destina.

51.

Sta pleb (a quel ch'a dseva per turnar)
La n stima e s n' i fa gola che i quattrin:
Ne cosa nasuna al mond la sà lndar
Che l'aver 'd belli dobl al bursell pin.
Del fittir e dlla duttrina li en ha ch far,
Virtà e valor la stima cm'è un luvìn,
Insegn, buntà, talent gl'in tutt fandoni,
Sol ai quattrin la fa del cirimoni.

52.

S' Amon, dseva Ruggir, è d vultutà
Ch so fiola imperatriz ava a dviutar,
Ch'an cucluda quei prest al parintà,
E sol d'un ann al temp ai vui dnuandar.
In st mentr ai ho speranza ch srà depuà
E padr e fiol dl'autorità d cmandar.
E, quand ai arò tolt l'imperi e al regn,
D'esser zoner d'Amon forsi an srò indegu.

53.

Mo s'al vrà dar in frezza, cmod l'ha ditt,
La putta in sposa a Lion fiol d Costantin,
E ch mi an possa cavar nssun profitt
Dall'ufferta d Rinald e d so cusin,
Present per testimoni al sanz ramitt,
Al marches Ulivir, e al re Subrin,
Cosa faroia po? cuccarm al tort?
O innanz d soffrir st'affront armagnr mort?

54.

Contra 'm turoia d quel vecch baraban
Una vendetta, ch sia tal e quasi fatta,
E'n guardar s l'è da savi o da baggian,
O adess o dop, basta ch la 'm vigna fatta?
Mo den pur anch al cas ch'ancò dman
A dsianta al vecch e tutta la so schiatta:
Quand quest succeda, possa esser content,
O più tost srà l'cuntrari del mi intent?

55.

La mi intenzion è quella d'esser amà
Dalla fiola, e ch la 'n fanza la preziosa:
S'accopp Amon, s'a dagust la so casa,
O s'a fise a Rinald cosa dannosa,
N'ala rason s la s mostra migh dagustà,
E s la 'n vol più saver d'esser mi sposa?
Mo cosa oia da far? soffrir al tort?
No cert: a voi più tost armagnr mort.

56.

No: anzi al srà mii per torm da st'impazz
Dar la paga a Lion, causa d st'arvina.
D so padr e d lu, ch m'han miss in st malanazz,
Cun più rason a farò d lor tonnina.
Cert an cusò quel car ai Lambertazz
Rubar a Tibaldell la so purzlina:
Ne fu causa la Secchia d tant'armor
Quant la mi duia ha da custar a qustor.

57.

Mo, cara Bradamant, srà mai pussibil,
Per st prencip, ch t lass al to Ruggir indri?
Pràl far Amon ch'al sippa st cas fattibil,
Quand anch tutt sigh l'aviss i tu fradi?
Mo mi ai ho pora, e quest è al mi patibil,
Ch't'en sipp d'accord cun lor d n'esser più mi,
E ch'a t sava assà più mior al parti,
Non Ruggir, mo un Cèar aver per mari.

58.

Donca pussibil srà, pr'una eurona,
Titol d'imperatriz, grandezza e pompa,
O Bradamant, ch l'amor to m'abbandona,
E l'belli tou virtà gnasta e currompa?
E ch l'ann to quasi fort l'interess sprona
Ch la fed a mi prima imprumissa rompa?
O pur piuttosto vnt essr al padr amiga,
Che a Ruggir cunservar la fed antiga?

59.

Questi e mill'altr cos dseva Ruggir,
Chiaccarand da per lu; ma non quasi pian
Ch'anch i n'al pssissn più d una volta udir
Qui ch s'abbattev a lu poch da luntan.
Qustor camminavn alla so mrosa a dir
Sti chiacch, ditti aqusi d'in man in man,
E quasi ai dsapiaeva a li al dulor d lù,
Di mal istiss su d li purassà più.

60.

Mo, sovra al tutt, custretta è a suspirar
Per quella ch Ruggir prova amara dñia,
Pr'al suspett ch la n'al sippa per lassar
Indri, e d l'imperator al fiol ch la vuia:
E perchè al possa l'ann cunfutar
E d'in t la testa st'pergiudizi al s tuia.
Per la so camarira più fidà
Secretament la i manda st'imbassà:

61.

Quella d sempr a vui essr, o car Ruggir,
Fin alla mort, e, s'anch a s po, più in là.
Amor tutt quell ch'al po m faga soffrir,
Fortuna trista o bona v'n em muvrà
Dal mi proposit an 'm vui cert partir.
Un scui in mezz al mar l'ann mi srà.
S'a son d st'umor stà sempr pr'al passà,
D n'em mudar mai at fagh la sigurtà.

62.

Un scarpell d piomb o vera si una lima
Un dsegn impruntarà in t'al dur diamant
Innanz ch furtna, o cosa altra m'upprima
E'm fizza tramudar st mi amor custant;
I fium i s vdran turnar indri alla cima,
I saas viv e'l masegn dagli ov infrant,
Che ch'a s daga accident cattiv o bon
Capaz d farm mudar mai d'upinion.

63.

Tutt'al dumini sovra d mi a t'ho dà
In manira ch da nessun forsi al s cherdrà,
Ne ch'a nessun princip fu o a nessun re zurà
Più certa fed d la mi da tutt s dirà,
Ne a nov munarca o vecch più fedeltà
Fu dai suddit mantgnù ne s mantgnerà:
Furtezz o torr t n'ha briga d fabbricar
Per dubbi d'en la pesser dai umigh salvar.

64.

Del trupp t n'arà mai briga d'assuldar,
Ch'a tutt i assalt a risistrò mi sola;
Cun di quattrin i n'em pran guadagnarg:
A quisti sovra un aum uobil vola.
Ne principat ne l'ambizion d emandar,
Ch'un aum bass al god e tutt s consola,
Ne blezza manch mudarm prà, ch'a sò
Blezza ch d la to più m piassa an trovarò.

65.

Al mi cor, dov ti t'i quasi ben sculpi,
Mai prà impruntar d'una figura nova,
Ne t'ha da mettrt pora nseuna d mi,
E s vera è quell ch'at digh t'al vdrà alla prova;
Prima ch'amor m'intrass al sti e se sti,
Mo mai più l'uscirà d'in dov al s trova.
Al n'è miga al mi cor d cira ne d pasta,
Ch sol a tucçarl un poch al ceda o s guasta.

66.

Preda preziosa, avori o pur diamant,
O s'altra cosa s trova ch sia più dura,
E l' s vedn andar in briel rotti e infrant
Piutost ch roevr in se un'altra figura.
Una campana d bronz, ch'è battà tant,
Contra i culp del battocch stà forta e dura:
Sempr'al mi cor quist dur al s mantgnerà
Ne la to imagin, ch'i è, mai s mudarà.

67.

Cun sti speranz, e cun altr expression
Dolzi, da far un mort aruscitar,
Non sol capaz d livar qual s sia passion,
Mo al s bell mros la cerca d consular.
Mo quand d'esser sicur i han più intenzion
Nova timpesta i torna a travaia.
E, dop ch'i penan in port d'essr arrivà,
Un vent contrari i ha dal port discustà.

68.

Quest fu al cas: Bradamant, ch vleva mantgnir
Al mros in t la speranza ch la i ha dà,
Arnvand al valor, la forza e ardir,
E tutt'altr rispett lassand da un là
Dinauz a Carl andò, e s principiò a dir:
S mi ai ho servi la Vostra Maestà
In mod da meritarg qualch guiderdon,
In quel scambi a la pregh sol d farm un don.

69.

Innanz però ch'a parla, espressament,
D re in parola, promessa a vui ch la m fizza
Ch'arò la grazia, e a s vdrà po chiarameut
Ch'au son per dimandar quì una mattiriazza,
Carl arspos: Mo si ben, mo tgnivi a ment,
Dmandà pur quell ch'a vli, la mi ragazza;
S'anch una part a vlissi del mi regn,
D farv armagnr agustà srà mi l'impegn

70.

Al don ch'a bram e ch'a desidri mi,
Diss Bradamant, e a dimand a Vostra Altezza,
L'è ch la n'em lassa dar altr mari
S n'un ch sippa più brav d mi in t la furtezza.
S'a i è qualch'un ch'em vaia, vigna quì
Cun spada e lanza, e s'am mitt la cavezza
Al spusarò, perchè al m'ha guadagnà:
S'al perd, ch'al s trova un'altra in qual s sia là.

71.

L'imperator i arspos garbatament
Ch la dmanda so era una dmanda unesta,
E circa d quest ch la stüss alligrement,
E al s pinsir farà ch'agustà ai resta.
E, n'essend in secret fatt, st parlament
Per la città in t'un atun al s manifesta.
Quel di istess ch la s dmandà i fu accurdà
Amon cun Beatrix funn avisa.

72.

Savù sta cosa, i avn una gran stizza,
E i dissn a li ch l'era una impertineuta:
Perchè i capissen ben in dov la drizza
La mira, e d'en spusar al grech la tenta.
E perchè la n spusass Ruggir, sta squizza,
D'arpiatt, s'a dir d vlerl la n s'attenta,
Con un sott man d'in cà i la livoun,
E sigh a Roccaforta i la guidoun.

73.

Questa era una furtezza avà da Amon
Dal re in regall, in vit ch'è ben distant,
Piantà tra Perpignan e Carcasson,
In riva al mar, ch'è un lugh molt impurant.
Là i la tgnevn, s po dir, squas in person,
Piusand un di d mandarla po in Levant,
E far in mod ch',a vler o'n vler, sta tosa
L'abbandona Ruggir, e Lion ch la sposa.

74.

Mo la zuvnetta, ch n'è mudesta manch
D quell ch la fuss animosa, brava e forta,
Sebben ch la guardia la n'aviss ai fianch,
Ch la pseva intrar e uscir fora dlla port,
La steva all'ubbidienza d pnt in bianch,
E piuttoest star person o armagnr morta,
O suppartar qualunqu s fuss martir
D sicur la vleva, che lassar Ruggir.

75.

Rinald, ch'all'impruviss ved la surella,
Per l'astuzia di su, tolta dal man,
Per pora d n'aver fatt una frittella
E d'averla a Ruggir promissa in van,
Fora di dint al mena la dardella,
E s dis a Amon ch l'è un far da vecch babban.
Mo so padr, ch dà poch ment a sti zauz,
S'ineucchia al parintà d tirar innanz.

76.

Ruggir a sintr la sonà d sta piva
Al tem d'arstar d la cara sposa senza,
E o per forza o pr'amor, gran fatt ch'al viva,
In so favor arà Lion la sentenza:
Innanz a st pass quasi dur perchè al n'arriva,
Senza parlar, al pensa in diligenza
D cavar a Lion d la sposa al desideri
E tor a lu e a so padr e vita e imperi.

77.

Gli arm ch'Ettor e l'Tatr malandrin
Prima purtonn, al s mitt intern e s vest;
La breia e sella al fa mittir a Fruntin
E s muda al scud, cimir e sovra vest;
Sigh an vol tor pr'al medità cammin
L'aquila bianca dpinta in camp celest,
Mo un Lioncorn in t'al scud bianch quant è zii
Dpinzr al fa, e s vol al rest ch sippa vermii.

78.

Tra tutt'i servitur al più fidà
Al tol, senza vler altr in compagni;
Mo cun patt ch'an vol'esser palea
In burgh, città, villagg, terr e casti.
La Mosa al passa, e Ren, e s tin la strà
Più curta, pr'arrivar in Ungari.
E dri al Danubi per la dritta riva
Tant'al cavalca, ch'a Belgrad l'arriva.

79.

Cun al Danubi dov la Sava nni
L'acqua in t'un lett al mar mazor dà volta
Gran suldalesca al trova accampà li,
Sotta a gl'insegn dl'imperi grech arcolta.
Perchè aveva Costantin stabili
D'arquistar quela città dai Bulghr tolta.
Costantin propri i era cun so fiol
E quant l'imperi grech mettr insem pol.

80.

Dentr e fora d Belgrad, per tutt'al mont
E fin zo a bass, dri all'acqua, s'attruvava
L'esercit bulghr, ch'i steva alla front,
E a bevr quisti e qui andavn in t la Sava;
Sovra al fium vleva l'grech tirar un pont,
E vigilant al nmigh i al contrastava.
Quand arrivò Ruggir, da tutt i là
Gran baruffa al trovò ch'era attacca.

81.

Quaranta contra dis è i grech, e s'han
Al bisugnev l pr'al pont ammauvà,
E in aria brusca demustrazion i fan
Per forza d vler passar da qu'altr là.
Lion, in st mentr, d'arpiatt al fium luntan,
Dop aver del paes un pezz girà,
Turnà in t'un atm, in frezza al butta al pont
Lu qu'altra riva, e al fium passa da pront.

82.

E cun i su suldà da pi e a cavall,
Ch'an n'aveva gnanch un d vint milla manch.
Dri la Sava al cavalen, e non al spall,
Mo a tutta forza al tacca i nmigh per fianch.
Custantiu, quand al vist in ordn al ball,
A qu'altra riva al compariis da franch:
Azzuntand barch a barch, al fa in manira
Ch'l passa lu, cun tutta la so schira.

83.

Al re di Bulghr, ch s chiamava Vatran,
Animos e prudent, valent suldà,
Cun la so zent s'affadigava in van
D far contra all'impit ch'i era addoss calà.
Mo Lion i arrivò al cust cun una man
D zent arbusta, e al zinzì da tutt i là.
Ammazzandi al cavall, e, perchè an vole
Rendrs person, la vita auch a lu ai tols.

84.

I Bulghr avevn fatt sempr fruntin;
Mo, quand i vistn al so patron cascar,
E ch la tempesta addoss d'agn bauda i vin,
Vultonn el spall e a gamb s missen a scappar.
Ruggir, ch passò cun la zent d Custantin,
Vdend i Bulghr in aques gran rotta andar,
Dari una man al fi rivoluzion
Per l'odi a Custantin ch'al porta e a Lion.

85.

Fruntin al sprona a correr lest e pront:
Innanz a tutt i altr cavall al passa,
E tra quela zent al s ficca, ch vers al mont
Inspuri scappa, e la pianura lascia.
Qualch d'un l'in ferma e ai fa vultar la front
Contra di nmigh; e po la lanza arbussa
Cun aria brusca, e quasi terribilment
Da mettr pora a chi n'av mai spavent.

86.

Tra i altr cavalir, un parigin
L'adocchia, vsti d'un bel culor vermii,
E ch'aveva in t'al scud, ztà tutt d'or fin,
D'pint la mazzoeca d'una gambà d'mii:
L'era nvod per surella a Costantin,
Ch'an so s'al fiol o al nvod al vleva mii,
Mo Ruggir fora scud, corazza e panza,
E un smess vgnir fora i fa pr'el spall la lanza.

87.

Quest mort al lassa, e s' sfodra Balisarda,
Vdend ch' a si accosta una massa d' bravazz;
Addoss a quisti al s' stricca alla gaiarda,
A chi al fora la gola e a chi al mustazz,
Al pett avrir a quest e a quell an tarda,
Al tronca gamb e pi, man, test e brazz
Cun tanta arvina, ch' d' sangu pin e d' caldum
A s' ved andar a bass e corr-r al fium.

88.

Qui culp quasi spiss a vedr zo fuccar,
Più nssun s' i accosta, tant eni innocè.
Sicchè per forza el cart s' vedn mudar,
E la vittoria a un pnt la s' è avversa.
I grech, ch' in prima i nmigh fevn sgambttlar,
Ai Bulghr voltò el spall, ch' ern scappà.
I urdn in tutt scunvolt in t' un mument,
E trapassà tra 'l trupp grechi al spavent.

89.

Mo Lion decò d' un muntsett s' era salvà
Dai culp da deprà che mnava zo Ruggir.
D la su decò al vleva i su puvr suldà,
Massm qui ch' n' ern sveld t' gamba, murir.
Cun tutt però ch' al s' vdiess quasi maltrattà
Contra d' quel nmigh an s' saveva instizzir:
Non perchè al fuss pultron, mo dentr d' lù
Al ludava quia forza e quia virtù.

90.

All' insegna, e più al vstir, ch' era d' or tessù,
Agli arm lustrì, ch' feva un gran splendor,
Sebben ch' l' aiuta i Bulghr, l' ha ognussù
Ch' al n' era brisa un tal, ch' fuss di su d' lor.
A vedri far quel cos al s' stupiss più,
E un anz al cred ch' al sia, ch' ava al Sgnor
Mandà per castigar i grech briccon,
Per n' aver mai mantgnù la fed a nssun.

91.

E perch d' so fatta l' era generos,
Dov' arè nn altr udià Ruggir ben fort,
Ai chiappò amor, vdendl quei valoros,
E al n' arè vlà ch' da nssun i fuss fatt tort:
E per salvar un om tant animos,
In scambi d' un di su, ch' arstava mort,
Anch dis e vint e cent ai n' arè dà,
E del so imperi anch una part passà.

92.

Cmod fa un tusett, cun tutt ch' del volt so madr
Instizzì i brava, e anch la t' m' al sculazza,
An e' arozza dri a nssun, gnanch a so padr.
Mo dalla mamma al torna e quella abbrazza,
Aqsi fa Lion: sebben ch' el so prim squadr
Manda a tersacch Rnggir, sgumbia e stramazza.
Al n' al po udiar, perchè quel gran valor
Contra l' uffesa i fa chiappar amor.

93.

L' amor però ch' ha Lion in vers d' Ruggir.
Allora l' era mal arcumpinè,
Perchè quest ha in t' la testa al sol pinsir
D' ammazzar Lion, dall' odi so gnidà,
E s' al cerca cun i ucc, chiama, e ai fa dir
Ch' al s' fazza innanz, mo an i è da nssun mustrà.
E lu tant gonz al n' è d' mettrs a rugul
Ch' i sia furà senza dscherzion al bigul.

94.

Lion, perch la so zent tutta adaffatt,
Massacrà en fuss, al fi sunar l' arcolta,
E a so padr al mandò chi i dsias al fatt,
Anch pregandl ch' al diss indri la volta;
Ch' l' arpassass pur al fium, perchè un bon patt
L' arèv avù s' la vita a n' i era tolta.
Lu, arcuind qu' ch' al pssì in quel gran fracass,
Al pont passà alla prima al vultò i pass.

95.

Per man di Bulghr ai n' arstò purassà
Di murt, pr'al pian, pr'al mont, pr' i camp, pr' el vi.
E senz' altr tutt quant i sren arstà
S' n' i fuss stà l' aqua del fium tra i pi.
Bona part zo del pont arstò affugà,
E tant e tant, senza vultars indri,
Andand luntan, cerconn un pass più sott,
E una massa in Belgrad person cundutt.

96.

La gran battaia quasi finì in quel di,
In dov mors al re bulghr; e l' sou achir
Sren sta dal man di grech destrutti e furni,
S' al cil n' i aviss mandà in aiut Ruggir
In quel so gran bisogn: allora lì
I s' missen tutt d' attorn a st cavalir
Cun algrezza, ognussend in verità
Ch' lu sol i grech aveva sbaraià.

97.

Un al saluta, un altr i fa un inchin,
Chi 'l znocch i basa e i pi e chi la man,
Un altr, quant più al po, s' i accosta avsin,
E in t' i pi s' alza chi i è da luntan.
Beat chi al po tuocar, o pur Frontin!
Ch' al sippa un anzl tutt in pinsir i ban:
E tutt, cun url e gest e cun gran smani,
Al preghn a azztar al post d' re e d' capitani.

95.

Ruggir, curtes, arpos a sti tal dmand
Ch' al farè d tutt, e ch' a gli era ubbligà;
Mo au vleva al scotr ne l' baston dal cmand,
Ne allora gnauch intrar vleva in città,
Mo, innanz ch' andass luntan Lion da quel band,
Passand al füm, e ai füss dal man scappà,
Al vleva andari dri, e tant seguitarl
Da paserl arzunur, e in t la spada insfilzarl.

99.

Del miara d miia per sta causa sola
L' era vgnù, senz' avera altra uccasion.
Sti parol al li diess quasi mezz in gola,
E po s vultò cun gran risoluzion
(Ch' a vedrl correr vi, a s srè ditt ch' al vola)
Dov ai era stà ditt ch' andava Lion,
Per pora d' en l' arzunur, in tant furor,
Ch' an s di gnanch temp d chiamar al servitor.

100.

Mo Lion in t' al scappar av tant vantazz
(Ch' sta so artirà una fuga s po chiamar),
Ch' l' arriva, e s passa al pont senza imbarazz;
Al romp al pont, e al nav fugh al fà dar.
Quand arrivò Ruggir, del Sol i razz
S' ern arduppà, e n savand dov s' aluzzar,
Al tirò innanz al viazz a lum d la luna.
Mo alozz ai fi trovar la so desfortunata.

101.

Tutta quanta la nott al seguitò,
Senza brisa dsuntar, al so cammin;
E, in t la livà del Sol, al s' attruvò
A una città, ch' i era a man stanca avsin.
Là tutt quel di d fermars al destinò,
Pr' arpuessars lu e gvernar al so Frantin,
Ch' sempr, cun tutt i finimint adoss,
Galuppand fi del miia a più non poss.

102.

Ungiard al patron era d quà città,
Suddit a Custantin fedel e car,
E, per causa d la guerra, i su suldà
A gli aveva mandà, ch' in più d' un miar.
Za ch' l' andar dentr a nessun era vietà,
Qui intrò Ruggir, e dov l' andò a aluzzar
Al fu tant ben trattà, quasi ben servì,
Ch' cercar altra lucanda an i accadì.

103.

In t l' istessa lucanda là vers sira
Un cavalir capitò d Rumani,
Ch' s' era trovà alla guerra cun gran schira,
Quand Ruggir aiutò qui d Bulgari.
E, s' an füss scappà vi a tutta carrira,
A gli arstava anca lu, e la termari
Dalla pora l' aveva anch in t gli oss,
Ch' an i arrivass quel del Liuncorn adoss.

104.

Subit ch' al vist al scud, anch al capi
Ch' al cavalir quasi brav, ch' quel segn purtava.
Era qu' istess, ch' la gran seunfitta di
Ai greci, quand cun la spada al lavurava.
Subit l' andò a palazz, e s diess aghi
Ch' al vleva udienza, pr' un fatt ch' importava.
S l' aviss allora prontament udonza
Adess an v digh; mo am tui bona licenza.

FIN DEL CANT QUARANTAQUATT.

CANT QUARANTACINQU

ARGUMENT

*Ruggir è dalla mort salvà da Lion:
E la mrosa, per lu, cumbatt Ruggir.
Li cu po mettr per dsotta ste campion,
Ch' la sopravesta ha d Lion cun al simir.
Dop d' ammazzars a lu i vin al magon,
Pr' al gran torment ch' al prova, e pr' al martir.
Marfisa, perchè an s' fazzo al matrimoni.
Mett in camp del gran lit, e s' fà al demoni.*

1.

S' un d la fortuna è a sedr dcò d la roda,
Al pensa d tgnirla astricca pr' i cavi,
E ferma in mod, ch' la staga sempr soda;
Mo in st cas tant volt al prigul i è li dri.
Ah! questù ch' an s vanta, o del so stat ch' an s loda,
Perchè un altr i arriva per dedri,
E, dagandi un spinton, a rumpicoll
D' in cima in fond fà fari un scramazzoll.

2.

Gl' instori antighi an serv scartablar,
In dov d sti cas s' in trovarè del miara;
Perchè, s' a vlen cun attention guardar
Ai nustr di, sta cosa a la vdran chiara.
E mù cred ch' a in direv un cintunar
S' a un a un ai vless tutt destendr in t l' ara.
Quant ai n' ho vist in gran felicità,
E tra poch andar zo, sbris e dsapiantà!

3.

A st mond, d fui secchi a sen iust una massa
Senz' ordn arcolti in lugh espost al vent,
Ch' s' al suppia, una part in terra a in lassa,
E un'altra pr' aria va confusament.
Sovra d quegli altr una vā in alt e s passa,
Mo, mancandi la forza incuntinent,
La casca, s perd e s' en s' attrova più,
E nessun po dir: l' andò, la srà, la fū.

4.

An bisogna fidars del cos del mond.
Perchè gli in tutti ingann, vanità e fum.
Quell ch'era in zima cascà prest in fond,
Ne d speranza i arresta un po d barlam;
E chi sperava d vivr in stat incoed
All'impruvist a s ved smurzar la lum.
I Mudnis disn: l'è la buca d Vguola,
E i Bulgnis: quest'è al zagh d la Carzola.

5.

Ruggir, per la vittoria ch l'ha arputà
Contra Lion, e so padr imperator,
In t'n po d'albas l'era muntà
Per la fortuna avù, pr'al so valor,
Per n'essr stà da nœun accompagnà:
Al s deva l'aria anch d'essr vincitor
Per l'avgnir, e ammazzar al fiol e al padr
Tra i fant e i cavalir, in mezz al squadr.

6.

Mo qu'urbazza, ch'a n'è dè da psers fidar,
Dop al cors sol d'un di ben la i mustrò
Cmod la sà in alt e in t'al perfond mandar;
S'adess l'è amiga, anmiga mostrars pò.
Qui al le prnvò da chi l'andò a accusar,
E la so arvina e l' dunn i procurò;
Quell'am intend ch'in t'al combattiment
I scappò vi dal man, mo cun gran stent.

7.

A Ungiard fi st cavalir donca saver
Che quèl ch'aveva dà la paga al zent
D l'imperator, da n' psers pr'un pezz riaver,
S'attruvava in gula so città present:
S'al s sà d sta circostanza povera
Cun far mitt person quel cumbattent,
Fatt al guadagn l'arà all'imperator
Del rega bulghr, n'avend più quest cun lor.

8.

Ungiard, ch'aveva zu sintà cuntar
Da qui scappà, ch s ern là dent ardu, d
Ch'una gran part n'andò là a capitar
Per n'essr d là del pont psù scappar tutt,
A pel e segn saveva agn cosa chiar,
E per mità ch'i grech ern stà destrutt,
E ch'un sol cavalir quell'era stà
Ch sfracassà aveva un camp, qu' altr salvà.

9.

Quand l'od dir ch l'è arrivà d sicur st'usell,
Da per lu, a mitt i pi dent in t la red,
Al s maraveia, e po fa un gran burdell
Per l'algrezza, e al ringrazia al so pianed;
E, in t l'ora del durmir, al barisell
Al manda cun i sbirr, al qual qued qued
Entra, e Ruggir al fi ligar a lett,
Ch durmeva in santa pas, senza sospett.

10.

Donca accusà Ruggir dal propri scud
D Novgrad l'arresta dent in t la città
Person d'Ungiard, om scellerat e crud,
Ch fà d sta presa una festa strampalà.
Dfesa en po far Ruggir, perchè l'è nud,
E, quand al s desda, al s ved cint e ligà.
Ungiard spedì un currir, e cun premura
Fà a Custantin saver sta gran cattura.

11.

L'aveva Custantin i sn suldà
Livà la nott innanz dal spond dla Sava.
E s'i aveva emndutt a nna città,
In dov Androff so cugnà emandava.
Qustà era al padr d quell, ch'ai fu sfundà
Gli arm e la panza, quand a s lavorava
D spada e lanza in t'al camp, dal cavalir
Ch'aveva Ungiard allora persunir.

12.

Qui el mura Costantin feva arparar,
Mettr i cadnazz ai uss, stangar el port,
Ch'al s'asptava tra poch d vedr arivar
Cundutt i Bulghr da qu'umazz quei fort.
E farl da co a pi tutt quant termar
Cun dar ai puch arstà di su la mort.
Quand l'od dir ch l'è person, al s'arincora,
E, s l'aviss contra al mond, al n'ha più pora.

13.

Al sint ch'al nonda dent a un mar d'algrezza,
Al canta, al salta, al rid, tripudia e sguazza,
Al pensa la furtuna per la trezza
Aver chiappà, e i nmigh più n'i guardn in fuzza:
Cmod s'ai Bulghr l'aviss miss la cavezza,
E per sempr sperass aver bunazza,
Aquis l'imperator fà del baccan,
Quand al sà ch quel campion ha ligà l man.

14.

E d star alligr a n'ha manca occasione
Dal padr al fiol, ch va alla speranza dri,
Fra quattr di, d dvintar d Belgrad patron
E in cunseguenza d tutta Bulgari.
Al pensa po quel tal, ch'i han in person,
Cun d regall psers vinz e del curisi:
Che s'ai rinsicss d'aver quest per cunpagn.
An stima Urland, Rinald, ne Carl magn.

15.

Da i su pinsir però cntravr assà
Ern qui d Teodora, madr d chi
Fn da Ruggir in camp prima insfilà,
Quand al s tri dalla part d la Bulgari:
Snrella tant da Custantin amà,
Questa i andò dinanz, basandi i pi.
Cun un fium d lagrm, e cun gran lauent,
E cun del smorf, la i fi st parlament:

16.

Sià pur sieur ch mi d' quì an 'un liv più sù,
Car mi fradell, la dseva, e car patron,
S' a n' em cunzdi d far la vendetta d quò
Ch' al mi fiol ammazò, e ch' avi person.
S' al vostr anvod v' amò al savi ben vù,
E s' al s' è ben purtù in t' gli occasion.
Ora pertant al are un grandissim tort
A n' far vendetta sovra d chi l' ha mort.

17.

Per sfugh del nostr mal vdiv ch' al cil vol
La vendetta: e s' ha fatt ch sta razza cagna
Fazza cmod con la bissa fa al lusgnol,
E da per lu ch' al sia incappà in t' la ragna,
Acciò ch' in qu' altr mond al mi car fiol
D la barcazza d Caront fora n' armagna.
Daml in t' el man a mi, e sià pur content
Ch' a sfuga al mi cun dari a lu turment.

18.

Tant la suspira, sgnoia, e tant va dri
Cun di scunzur e cun del bell parlar,
Digandi ch cert la n' si torà d tra i pi,
Cun tutt ch lu se sfurzass d farla livar,
Dsendi: Stà quieta, stà mo su, e tasi,
Ch' in ultim quell ch la vols tutt' al tins far.
E urdnò ch' al pensur li vgnir al s' fias
E in t' el man d la sorella ch' al fuss miss.

19.

D' in t' el person d Novgrad donca tolt fora
Quell dal liuncorn fu in t' al di seguent:
E dà in t' el man cald cald alla Teodora,
Tant ch la possa sfugars a so talent.
Squartà viv an i è dubbi cert ch' al mora,
Cmod s' usa ai assassin pubblicament
Per man del boia, e po un castigh ai par
Anch tropp dolz, e un più lungn la in vol dar.

20.

Sta mala femna al fi mittr person,
Fagandi da co a pi tutt' incadnar.
D' una torr dentr zo in t' al sfundrion.
Dov' a n' i pseva i razz del co intrar,
Cun ordu ch' un zallett pzin d furminton
S' i diss al di; e s' in feva anch du passer
Senza ngotta; e al chiavir ch n' aveva cura
D farl sgangar aveva più premura.

21.

Oh s la saviss la valurosa e bella
Bradamant ch' a Ruggier a i è fatt st tort!
S' al le savias la cara so sorella
Marfisa, oh quant a in dspiasrè mai fort!
Per liberarl el areu vi andà d rundella,
E a risgh s' ren missi anch d' incuntrar la mort;
E Bradamant n' arè rispett purtù,
Pr' al so Ruggier, ne alla mamma ne al pà.

22.

Carl mo ch s' arcurdava a sta zuvnetta
Parola, e d re parola, averi dà
Ch' a spusar la n' are stà da nseun custretta
Om, ch' a cumbattr, d li fort più n' foss stà,
Mandò la crida per più d' un trumbetta
Del so imperi per tutt quant el città.
Sicchè la fama can cunt bocch voland
Sta nova spargiù per tutt' el band.

23.

Al conteut d l' edit d' stà manira:
Chi vol per sposa la fiola d' Amon,
Dall' alba l' ha da star fin alla sira
A front d' li, degli arm al parangon,
E a chi per tutt un di i tgnarà stadira.
Senza star a cercar altra rason,
Per vinta Bradamant s' ha da chiamar,
E tirar la n' s prà indri quell d' en spusar.

24.

Adliex gli arm è in pett al cavalir,
Sippl chi s' vaia, ch cerca la battaia.
Li pseva ben la cundizion sustgnir
E andar cun gli arm o senza alla ebarain.
Amon, ch' eu po al re Carl contradir,
O pr' amor o per forza bso ch' al caia
E, fatt del ehincex tanti e del pladur,
Fu sfurzà Bradamant a cort cundur.

25.

Sebben ch la Beatrix fuss instizzi
Cun la fiola, per so reputazion,
Più d' una vosta all' usanza la i fi
D vlud e d bruccà, e anch un mantiglion;
Quand la putta fu in cort, e ch la s' n' addi
Ch' an i era più al so bell e car campion,
Quella più la n' i pars ch tant la i pareva,
E s' n' i pias più cmod prima la i piaseva.

26.

Cmod are un, ch' un zardin ava usservà
La primavera, pin d belli erb e d fur,
E po al andass a vedr, cm' è passà
Qua tal stason ch dà l' u e i figh madur,
Ai par- re un dert, un camp tutt arvinà.
Una spelonca o d volp un cuvadur,
La cort aqusi pareva a Bradamant
Quand la vist ch' ai mancava al car amant.

27.

La n' s' attenta a dmandar cosa s' in si,
Ch' all' unor so la n' vol pergiudicar.
Cun gli urecch la stà attenta tuttavi
Se o quest o qu' altr l' od d Ruggier parlar.
L' od ben cuntar da tutt ch' al s' n' è andà v.
Mo da qual banda nseun al sà indvinar.
Che nseun aveva al so pinsir savù
Fora del servitor ch' andò cun lù.

28.

Quant la suspira, oh quant mai la s'accora
Sintend ch'al sia cmod sre a dir scappà!
Oh quant i batt al cor, quant mai l'ha pora
Per dscurdarsela ch'an sia andà vi d tirà,
Perchè, vndes contra Amon, d speranza fora
Mai più d spusarla, al sia parti da dsprà;
Ch'al remedi di mrus al vuia tor,
Ch'es dis: luntan dai ucch, luntan dal cor!

29.

E auch la pensa ch l'ava fatt al dsegn.
Per psersla più alla svelta ben dscurdar,
Cercar per più città, per più d'un regn
Qualch d'un'altra, ch'al fazza innamurar,
Cmod fa'l mestr da lgnam, ch dentr da un legn
Cun un cavicch un altr in sol cavar.
A quest però succed più bell pinsir,
Che tutta i dpinz la fedeltà d Ruggir.

30.

Dentr da li la dis d'esr una matta
Pinsand ch Ruggir la vuia abbandunar.
Mo ai dà su un gran suspett, ch'a quell ch fa patta:
Tra l' sì e tra l' no la'n sà cosa s pinsar.
S l'amor en perd, la gelusà l'impatta,
E quell e questa la fan travaiair.
In st'intern battbui però a li ai par
Ch la s pigarè dalà ch'i po zuvar.

31.

E po poch dop, arturnandi in t la ment
Tutt quell ch tant volt ha protestà Ruggir,
Quant s l'avies un gran pecc cummiss, la s pent
Di suspett e di dubbi ch l'ha in pinsir;
E, quant sre s la fuss stà a Ruggir present,
La s batt al pett, mo cun poch bon manir:
At dmand perdon, la dis, a i ho fatt mal,
An darò mai più ment a un pinsir tal!

32.

D'agn cosa è cansa Amor, ch in'ha in cor stampà
D la to bella figura l'artratt ver,
Da un inzegn singular accompagnà,
Ch tutt restn maravià del to saver:
E per quest impossibil in verità
Am par che nssuna donna t possa vder
Ne innamurare, e n' far ne d man ne d pi
Pr intrart in grazia, e mi dscelandan vi!

33.

Se i tu pinsir in t la mi fantasi
Cmod al mustazz i avias amor sculpi,
A pens d sicur ch'i isless i srevn qui
Ch'a cred mi tal e qual am figur mi;
E an sre trabattà tant da gelusi,
Ch'en vol propriament farla finì:
Dov adess la stà indri cun gran fadiga,
Vinta e dumà la n'em darè più briga!

34.

A son cmod è l'avar, ch l'ha al cor attent
Sempr a quel lugh dov l'ha suppli al so tsor.
Luntan da quell an po vivr content
Per la pora d qualch d'un ch'i al vaga a tor.
Aqusi, al mi car Ruggir, adess ch'an t sent
Cress al timor e la speranza mor.
Cun tutt però ch'am sforza a n'i dar ment,
St maldett timor en dsmitt d darm turment!

35.

Mo subit ch'ai mi ucch cumparirà
Al to bell mustazzin liss e sbarbà,
Ch'adess forsi pr'al mond gira d zà e d là,
O pur dentr in qualch bus al s'è intanà,
A sper ch'al mi timor svapurarà
Da una viva speranza vi dscazzà!
Torna, ah torna, Ruggir, torna, e cunforta
La mi speranza s t n'em vu vedr morta!

36.

S la pora d'un s fa sempr più mazor
Quant più s fa innanz la nott, e più s fa bura:
E quand torna del Sol al bell splendor
Al spuros per la strà andar s'assicura:
Aqusi senza Ruggir mi ai ho timor;
S'a vdiss Ruggir al timor più n'em dura!
Torna, ah torna, Ruggir: st'en torn prest.
Dla speranza al timor farà del rest!

37.

Cmod la nott agn po d fiamma lusr a vden,
Mo vgnend al sol an la vden lusr più,
Aqusi senza Ruggir, ch'è al mi sol ben,
Contra m s liva di dubbi ch cressn più.
Mo quand arriverà d qui ucch al aren,
Signora erà la speranza e s starà sù!
Torna, ah torna, Ruggir, portm la lum,
Ch senza ti al bur am dsfaze, e s'em cunsun!

38.

Dscustands al sol da nu, vin secur al di,
La terra perd el blezz, l'invern vin
Cun iazz e nev e degli or arrabbì:
Più fiur an vden, più n s sint i animalin.
Aqusi mi, dsfortunà, za ch'è parti
Da mi quel sol luent, ch'aveva avsin,
Tra mill pinsir e tutt nuius, a son
Tra un brutt timperi d nebbia, d loj, e d tron!

39.

Torna, ah torna, Ruggir: cun ti arcundes
La primavera e al sren da mi bramà!
Dsgombra la nev e al iazz, ch'in mi produs
Qui brutt pinsir ch m'han tutta dscusulà!
Cmod s lamenta gul'uslin, ch'arriva al bus
Del uid, e s ved ch'i fiù i in stà rubà,
O cmod la turtra vedra fa un lament,
Anea mi a fazz aqusi cuntinuant!

40.

Press a poch Bradamant quasi s'lamintava,
E d'aver pers Ruggir fora l'aveva.
La vesta e l' suttania d' lagrm bagnava,
Al più segretament però ch la pssava.
E, puvrinn! del cert più la s' smaniava
S l' arrivava a saver quell ch la n' saveva,
Ciò ch Raggir person fuss mal trattà,
E a una mort turmintosa cundannà.

41.

L' iniqua tiranni ch' usa Teodora,
Quia vecchia grima, ch' ha person Ruggir,
E la vuia ch' adasi e d' stent al mora,
Al padr d' l'innuocenza en vol soffrir.
Mo sti sou cagnità al fà saltar fora
E a Lion, ch' è fiol d' l' imperator, udir:
Ch, pin d' bon anm, al pinsò d' far in manira,
Ch' al n' arrivass pr' allora all' ultima sira.

42.

St zovn magnanm, ch Ruggir donca amava,
Senza saver ch' al fuss Ruggir però,
Mo dal valor moss, ch' unich al chiamava,
Anzi per più ch' stragrand al le battzò,
Tra se cercand, vari manir tramava,
E iu ultim la miora in fatti al trovò,
Senza uffesa d' so zè, d' salvar Ruggir,
E ch la vecchia uinnt contra i possa dir.

43.

Cun al chiavir decurrent segretament,
Ai diss ch l'aveva una gran voluntà
D vedr quel cavalir aqusi valent
Prima ch' al sia alla mort d' stent arrivà.
Quand al fu d' nott, al tols sigh sulament
Tra tutt i su servint al più fidà;
Da quest' accumpagnà, al vò dal chiavir,
Ch senza ngotta pinsar l'ass audò a avrir.

44.

Al chiavir, senza aver sigh 'ussun di sù,
Al guida prestament alla person
In dov Ruggir pinsand stava ai cas su.
E una mort al s' asptava da zaltron:
Quand i funn vain all' ass, i trinn, tutt dū
Daccord, a quell, ch' i aveva za al gruppon
Vultà pr' avrir l' ass, al coll un lazz
E d' lu, stràngulandl, i s' liberonn da impazz.

45.

I avrò l' arbalta, e a quella era suspes
Un cavestr da psar dentr calar.
Lion s' blinga zo cun un lumia impres
Dov Ruggir là em' è un can al tgneva star:
Sovr'acqua un smess, su in t' una grada destes,
Al l'attravò ligà, ch' an s' pssava smanzar,
In stat què miserabil, ch' in puch di
S' al n' aveva st' iut l' arrestava li.

46.

Lion abbrazzò Ruggir, ch feva pietà:
Cavalir, dsendi, la vostra virtù
In tal manira l' ha al mi cor ligà,
Ch' eternament all' arò in pett per vù;
E, per darv un ver segn d' sta verità,
A salvàro la vita a son qui vgnù.
E, pr' aver l' amicizia vostra, niint
Quella del pa m' importa, o di parint.

47.

Perchè a savadi agn cosa, mi a son Lion,
Fiol d' Costantin, e vgnù av son a aiutar,
E cun mi prigul av vù civar d' person,
Ch mal guai s' al pa s' al pssiss immazinar!
O ch' am mittè fora d' cà cun un baston
O d' bon oech forsi al n' em vre più guardar,
Dal baron am dèi, cun quell ch' vgniss d'ri,
Tant v' odier per la rotta d' Bulgari.

48.

Al seguitò degli altr cos digand
Da farl arsucitar, s' mort al fuss stà,
In quel mentr el cadent tutti deligand:
E Ruggir dseva: Av son ben ubbligà
Cert infinitament d' l'amor, e, quand
Arò occasione, sta vita adess ch' am dà,
Agn volta ch' a la vri, mi av l' arrindrò
O pur in vostr' aiut a la spindrò.

49.

A st mod Ruggir fora d' person uci
Dov mort arstò al chiavir miserament.
Uscend fora d' la torr, ussun al cgnussì.
Lion al cunduss in t' al so appartament,
E s' al cunsìo a star sigh tri o quattr di.
Dsend ch' al pssava star sigh sicurament
Pr' infinna ch' arrivass gli arm e Fruntin,
Ch' ern in t' el man d' la cugnà d' Costantin.

50.

Al cavalir scappà, al chiavir struzzà
Qu' altr di s' trova, e la person averta:
Chi quell chi qu' altr disen ch' sippa stà,
Mo ussun s' po immazinar la cosa certa.
Tutt' altr forsi ben i arèn pinsà,
Fora che Lion, fatta l' avvis què everta,
Perchè al pareva a tutt ch' avvis rason
Più d' cundannarl, che d' salvarl Lion.

51.

Per ste favor quasi grand arstò Ruggir
Quasi surpres, quasi confus, quasi inarvia,
Ch' al s' mudò tutt da quel so prim pinsir
Ch l' aveva fatt vgnir, dop aver tant asià.
Ch' an sa più cosa s' far ne cosa s' dir
Contra d' in li, ch l' aveva za tant odià.
In lu più n' s' sent e ne rancor ne vien:
In amicizia al tutt s' è mudà e in ben.

52.

Tutt quant al di, tutta la nott l'appensa
E s'ha cuntinuant in fantasi
L'ubbligazion ch'a gli ha, ch s po dir immensa
E al mod d'arcumpinsar tanta curtsi,
S la vita per l'avguir i resta, al dispensa
Tutta per lu, lunga o curta ch la s si,
E al n'i par gnanch un contracambi bon
In riguard alla tanta ubbligazion.

53.

In st mentr l'era capità la nova
Del band, ch'aveva pubblicà al re d Franza:
Per chi vol Bradamant, cun li alla prova
Ava da star armù cun spada e lanza.
Lion i su cunt in quest poch a gli attrova,
E d'esser spos ai dà zo l'arruganza,
Perchè al s'egnuss da per lu d n'essr bastant
D batir a dur in duell cun Bradamant.

54.

Tra lu al dispon e s pensa d rimedià
D'utgnirla, anch ch'en i arriva al so valor:
E quest, che brisa an sà che nom s'i dar,
Mandari contra per cumpetitor.
D sicur al pensa, ch s'a gli al po mandar
L'è capacissm d fari un grau unor
Contra qual s sippa di Francis più sald,
E la surella vinta srà d Rinald.

55.

Mo dou cos l'ha da far per batir sod:
Prima, ch'al cavalir l'impresa accetta;
E la seconda, in camp mandari in mod
Sicur, ch'enessun la furbari suspetta.
Donca al chiama Ruggir, e, dop mill lod
Averi dà, cmod al bisogn i detta,
Ai conta al so pnsir, la so intenzion
Per lu ch'al vinza la fiola d'Amon.

56.

Lion era per se stess brav parlador,
Ch l'arè cavà una sora d'in convent:
Mo d l'eloquenza più a fari favor
È appress a Ruggir fort e putent
L'obblig ch'a gli ha, e cun tutt ch'un gran dulo
Al s sintiss al puvrin internament,
E ch'ai pariss a lu st fatt impossibil,
Ai diss per lu ch l'arè fatt al pussibil.

57.

Sebben, tant quant l'av fatta st'imprumessa
Al s sint al cor una gran fitta dar,
E al di e la nott semp la duia istessa
N'al lassa arpossa e quiet mai attruvar:
E ben ch'al s'egnuss d murir in cumprumessa,
La parola ch l'ha dà lu en vol mudar,
Ch'al turè a patt più tost d cent volt murir
Che la promessa fatta a Lion n mantgnir.

58.

L'è ben sicur d murir, perchè, a l'arresta
Senza la mossa, ai vin la vita manch.
O ch la duia l'accoppa aspra e mulesta
O, s'al dulo a quest n'arrivass gnanch,
Cun al pugnà la man arida e lesta
In t la panza farà la strà o in t'un fianch
All'anima, e s truvàrà in quest manca briga
Che a vedr d'altr in brazz la cara amiga.

59.

Lu ha arsolè d murir, mo ch razza d mort
Al s vuia far al n'al sà gnanca lù.
Al pensa a Bradamant mustrarss manch fort,
E lassars accenpar da turlurà
Questa, al deava, per mi sre bona sort,
E la più bella mort an fazz mai più.
Mo al pensa dop che, s'an la sposa Lion,
Brisa lu in suddisfà all'ubbligazion.

60.

S l'ha dà parola contra a Bradamant
Cun gli arm uscir, e far vess question,
E non far vista, al n'è quest mod bastant
Per far tutt quell ch l'ha za promess a Lion.
Alla parola dà fid e custant,
Donca, senza abbadar alla passion
Ch'altrament l'inclinava, al stabiliss
D'en mancar a quel tant ch l'avea promiss.

61.

Intant l'aveva Lion fatt ammanvar,
Cun licenza d so padr Costantin,
Tutta la zent ch'i pssava bisognar,
Arm e cavall, e miss s'era in cammin.
Gli arm d'Ettor l'aveva fatt anch dar
All'incognit Ruggir, e al so Fruntin,
E tant slungonn i pass, e tant andonn
Ch sotto a Parig in Franza i arrivonn.

62.

Lion però n'intrò dentr in t la città,
Mo i padiglion alla campagna al dtes.
E quel di istess, per mezz d'nn'imbassà,
D'essr arrivà a Parig fi Carl intes.
Carl av stà nova cara purassà,
E d visit e d regall ai fu curtes.
Lion la causa del viazz so cuntò a Carl,
Pergaudi, quant al po, al più prest spicchiari:

63.

Ch'al fiss in camp uscir quela bella fiola
Ch sol un gaiard più d li vol per mari;
Za ch l'era impgnà furnir vicia la fola:
O averla in sposa, o mort arstarn li.
L'assunt tols Carl, e s'i di la parola
Ch Bradamant sre cumparsa qu'altr di
Dri alla lizza in t'al srai, ch prest quest fu fatt
La nott ch vins dop sotto alla mura a un tratt.

64.

La nott innanz al di determinà
Per la battaia, al la passò Ruggir
Cmod al la passa un pòvr cundannà
Qu' altra mattina in t' el forch a murir.
Al s' addizi d' cumbattr tutt' armà
Perchè chi al fuss en s' passiss da nssun capir.
Ne cavall ne pugnàl ne lanza al vols,
Pr' arma da d'fesa sol la spada al tols.

65.

La lanza an tols, non perchè l' avias pora
D qula lanza d' or, ch' portava l' Argali,
Po Astolf e Bradamant, ch' mandava fora
D la sella a battir in terra al perdedri.
Nssun ch' l' avias sta virtù saveva, fora
D chi la fi far con art d' negrumanzà,
Forsi d' Vulcan in t' el fusin timprià,
E s' l' aveva quel re a so fiol dunà.

66.

Anzi Astolf e qula signora, ch' l' han purtā,
In savev ch' la fuss fatta pr' incant:
Es pinsavn ch' al so valor fuss stā
Ch' i avias in guerra fatt aver al vant.
E in albas quasi granda ern muntā,
Ch' in stimavn più nssun qual s' sia giustrant.
La causa perch' Ruggir en vols giustrar
Fu anch' ch' an vols al so Frantin mustrar.

67.

Ch' anch' da luntan a vedri, facilment
La bella donna cgnussèr arè psù,
Pr' averli li adruvā liberament
E in t' el stall d' Muntalban un temp mantguū.
A nssuna cosa è più Ruggir intent
Quant far in mod ch' da nssun an sia cgnussū;
Per quest an vol cavall cun sella e briia
Ch' i possa in qualch manira far la spiia.

68.

Per sta question al vols un' altra spada,
Perchè al saveva ben quant Balisarda
Ava la tempra fina, e taia, e rada,
Ne un' armadura forta al tai i intarda;
Anch' a quella al tai tor attend e abbada
Cun un martell, ch' la n' fizza la gaiarda.
A sta manira armā donca, al prim lamp
Di razz del sol, andò Ruggir al camp.

69.

E per mudars anch' più, e parer Lion,
Al s' insaccò gl' istessi sovervest,
Ch' l' aveva lu al di innanz, e l' aquilon
Invez, d' or d' pint in ross, cun el dou test.
Facilment al pssì far sta mudazion
Pr' esser a un mod lu e Lion, tutt du d' un sest
D vita e d' grassezza. In camp s' n' andò Ruggir,
Ne Lion, in tutt quel di, s' vist cumparir.

70.

La vuia d' Bradamant diversa assì
Era da quella del so car Ruggir,
Ch' aveva al tai alla spada livā
Pr' assicurars al mod da n' pesserla frir.
L' aveva Bradamant la so aguzzā
Ben pulid, avend sempr in t' al pinsir,
S la po, d' trovarli al cor prest e alla prima,
E in quattr culp finir qu' udiosa scrina.

71.

Cmod fa l' balbr ch' è bell e preparā
Per la mossa, e ch' aspetta udir sunar
La tromba, al sbuffa es guarda in tutt' i là
E in t' i pi ferm al par ch' an possa star:]
Quasi Bradamant, ch' la n' arè mai pinsā
Ch' al fuss Ruggir quell ch' li vleva ammazzar.
La steva a aspettar al segn in t' al so lugh,
E al pareva ch' l' avias in corp del fugh.

72.

S' avi mai vist del volt, dop tirā al tron,
Pr' aria vgnir un timperi strampalā,
Ch' agn cosa mitt su d' sovra, e in confusio,
Alzand di nuvl d' polvr per la strā,
Tutt in t' un tratt a s' sgozzia al gran nuvlon.
E l' acqua allaga tutta la cuntrā:
Aqusi quand l' od al segn sta bella putta
Addoss al nmigh cun la spada la s' butta.

73.

Mo quasi n' stā sol contra del vent un mont,
Ne torr ch' ava ben sald al fundament,
Ne in mezz al mar sicur alza la front
Un seni incontra all' acqua e incontra al vent,
Cmod stā Ruggir sotta al sou arm pront
Ch' l' ha indoss, ch' portava Ettor antigament,
Contra al furor d' qula donna, ch' al timpesta
D bott in t' i fianch, pr' el brazz e per la testa.

74.

Quand la i dà d' punta, e quand la i mena d' tai:
E po un gran colp alla visira i drizza:
Dop la cerca d' ficcar tra mai e mai
La spada, e quasi sfugar la so gran stizza.
Gli arm furar la n' po da nssun là mai:
E per quest la so rabbia più l' attizza.
Per quant pur ch' la s' abbada, e ch' la s' inzezna.
An i riusciss d' frirl mai, second ch' la disegna.

75.

S' avi attora a una trappia vist al mnin,
Dov a udor del furmai è al pondgh intrā,
Un po quacch' quacch' al stā dri a terra chin,
Po al s' alza, salta e gira in tutt' i là,
Del volt ai vā aslungand i su zaupin
Pinsand d' tirarli fora d' la ramā:
Quasi smania Bradamant, aqusi s' travaia,
Mo la n' fora curazza, piastra o maia.

76.

La tira quand al scud, quand alla testa,
Fora dall'elm uscir la fà el favill.
Al brazz, al pett di culp mena da lesta,
Del cintunara an digh, mo ben più d mill.
La par, quand la vin fort, una timpesta,
Quand la deserta i arcolt di enun, del vill.
Ruggir la tin ben d'occh, e s' stà in t la dfesa,
Guardand d'en far a li giunch un' offesa.

77.

Ora al s ferma, ora al s volta, ora s' artira,
E cun la man al pè spess accunpagna.
Adess al scud, adess la spada al gira
Da quel là, dov al ved ch' al colp la i bagna:
O ch' an la friss, o s' al la friss al mira
D punzrla sol in lugh da n far magagna.
Mo li però, prima ch finiss al di,
Sta baroffa vre pur vedr fini.

78.

Al band i vin in ment, vdend altrtant,
S la n' è ben lesta, quell ch' i po incuntrar.
D la battaia s li en resta triumfant,
L' è ubbligà a tor chi l' ha fatta dmandar.
E za dop all' altissim mont Atlant
Al sol in furia s' accustava al mar
Quand la cininzò d se stessa aver timor
D' en pser cavarss fora cun unor.

79.

Quant mancò la speranza, più chersi
Al gran magon, e s' arduppiava el bott
Pr' avrir quegli arm, che in tutt quant al di
Pr' enssun mod la n' i ha pssè dar un furott.
Cmod fa al pultron, ch n' i ha al lavur fornì,
Pr' esser stà in ozi, es ved ch vin su la nott,
Ch' al s' astudia, imbacella, al s di al subias,
Tant ch' al fà i manca, e a un temp al di finiss.

80.

Povra ragazza! st l' aviss mai cgnussù
Quel cavalir, ch t vlev tant e tant danzzar,
Ch l' era al to car Ruggir, s' aviss savù
Ch l' era quell, ch senza d lu t' en pseev campar,
A so che, in scambi d' ammazzarl lù
T' ariss tolt a patt morta ti d' arstar,
E quand ch' al sippa lu Ruggir t sarà
A son sieur ch d quel bott t in pintirà!

81.

Carl, e sigh una part di su curtean,
Ch n' al cherdevn Ruggir, mo bensi Lion
Vdend e usservand cmod cun gli arm alla man
Al steva d Bradamant al parangon;
Cmod, senza frirla li, quasi bon guardian
L' era d se stess, i funn tutt d' upinion
L' un e l' altr ch' i fassn bon campion,
Ch sol lor du s' han da tor, o en tor enssun.

82.

In mar po quand al sol fu andà a artirars
l cumbattint fi al re Carl dpartir,
Cun sentenza ch la donna en po arfiutars
Ne ricusar el nozz d quel cavalir.
Qui Ruggir, senza star brisa a fermars,
Ne despuar gli arm, ne alzars al cimir,
Su in t' un mulet al trotta al padiglion
Dov cun gran ansieta l' aspittava Lion.

83.

Quand al vist arrivarl, prestament
Cun piaser ch' en s po dir al l' abbrazzò.
E avendi cavà l' elm, in quel mument,
Non una volta, mo cent al basò.
Fà pur d mi quell ch' ev par, ch' a son cument,
Ai dseva, ' ne mai sazi am trovarò
Far pr' amor vostr' tutt quell ch' am diri:
E quell ch' ai ho spendr in quel mod ch' a vli.

84.

L' ubbligazion ch' a v' ho è quasi granda e immens:
Ch' al mod an ved da psserla mai pagar.
An cred ch la fusa gnauch bona ricumpensa
Al mi Stat, la corona a vu arnanziar.
Mo Ruggir, ch' a degli altr cos appensa,
E s' è pr' al gran duloz aquas per schiappar,
Senz' abbadar a sti espression un corn,
L' Aquila ai rend, e s tol al so Liuncorn.

85.

Cun scusa d' essr stracch, stuff e svuià,
Subit ch' al pssì quel lugh l' abbandunò,
E in t' al propri quartir siands artirà,
Quand fe la mezza nott tutt' al s' armò;
E, dop aver al cavall ammanvā,
Senza dir altr a nssun, al s la s' bignò.
E vi a cavall alla mattazza andava
Per dov Fruntin cun libertà al purtava:

86.

Fruntin ora alla dritta, ora alla storta,
Quand per bosch, quand per camp, per pradair,
Per tutt' al rest d la nort intern porta
Ruggir piangulont, e pin d malincuni.
Puvrett! chiamand la mort sol al s cunforta,
In malora, ch l' al vigna a purtar vi.
Perchè al ved sol la mort pser aintarl
E dal duloz ch' al soffr liberarl.

87.

D chi m' oia, al dseva, mi da lamintar,
Ch m' ava al mi ben tutt in t' un colp livà?
O contra d chi m' andaroia n arvultar
Per vindicarm d chi m' i ha assassinà?
Enssun altr ch mi stess an so attruvar
Ch m' ava arduitt in miseria e maltrattā.
Mi sol donca, mi sol son stà quel matt
Che st labirent dov' an trov ai ho batt.

88.

Pur st gran tort e st gran mal s'è fatt a l'aviss
 Contra d mi sol, forsi ben anch a prè
 Da per mi perdunarm, e s'a n'al fiss
 Vlutura, forsi gnanch farl a n'al vrè.
 Mo s'al tort Bradamant ugnalment friss,
 Pr'èssuna cosa cert a u'al farè.
 S'am perdunasse per mi, li, la puvretta!
 Lassarla al n'è del dver senza vendetta.

89.

Per vindicarla donca l'è un mi dver
 D murir, e quèi finirla, e s'en m'aggriva
 Al mi d'ultr altr remedi en pesser
 Truvar, sen d'far in mod ch Ruggir più n'viva.
 Mo al mi grau dsgust e al mi travai l'è a vder
 Ch'an muriss prima d'far tort alla diva;
 Mi beat sicur s'andava alla strapi
 Cui a i era in man d'gula vecchia becca e vi.

90.

S l'am aviss taià a pazzò o tanaià,
 Cmod i aviss la so rabbia suggerì,
 Da Bradamant almanch arè sperà
 In qualche maniera d'esser cumpati.
 Mo quand po la sarà ch'ai ho più amà
 D li st princip. e quel dess a son stà mi
 Ch'i l'ha, s po dir, d' involuntariament,
 L'arà rason d'ndiarm eternament.

91.

Cun sti pinsir, sti dscure, e sti parol,
 Da lamint e da piant accompagna,
 Al s trova, in t'al livars del biond Apoll,
 Dentr in t'un bosch, in lugh dsert e intriga.
 E perchè, d' in dsprazion, murir al vol,
 Bramand che la so mort staga arpiattà,
 Per far iust quell ch'in ment al s'è propost.
 Al u'arè psù truvà un più bell post.

92.

Al s ficcò innauz pr'al bosch, in dov più spiss
 Era i spinar e i stirp, fin ch'al pssì andar.
 Mo prima in libertà Fruntiu al miss,
 E i furnimint del tutt ai vols cavar.
 Lassandl andar: Oh al mi Fruntin, ai diss.
 S'aviss al mod da pssert armeritar,
 T n'arress invidia a quel cavall dagli ali
 Ch s tols d'in Parnas pr'andar in cil al puli;

93.

Ne a qui du ch guidn al carratton del sol,
 Ne al gran Bucefal d'Alissandr magn,
 Ne Runzinant, ch'ha tant alzi al so vol,
 In lod e gloria aren tu bon cumpagna,
 Perché, cun tant unnc, at znr mi ch sol
 Pr'una cosa i arrestu barbazzu:
 Ch'in s pran vantat d'aver avu ai su di
 Quel grazi e qui favur, ch t'in toccà a ti;

94.

Perchè cun el sou man temp fa t gvernava
 La più graziosa, valurosa e bella
 Donna dal mond: l'at deva li la biava.
 Li te mteva la breia e li la sella;
 Quant volt la t'fova festa, e s'è lissava!
 T n'al diriss forsi st'avisa la favella?
 Ma cosa staghia più qui a cinquantar?
 La spada contra d mi è temp d'adruvar.

95.

Mo s qui s'afflizz Ruggir, pianz e s lamenta
 In mod da movr i albr a cumpassion,
 Za ch, fora di albr, an i, è chi al veda o senta.
 Tant erl mai dentr in t'un gran macchion,
 An avèn da pinsar, ch fuss manch dulenta
 Dentr in Parigi la fiola d'Amor,
 Perché la n'ha più scusa da attruvar
 Per dir d'en vler al princip grech sposar.

96.

Prima però d'aver altr mari
 Fora d Ruggir, la vol far quell ch la pò.
 Al re i al dengarà, e a so padr al d si
 S'l al diss in prima, adess la dirà d uò.
 E, quand tutt i su anzin fussen finì,
 D togh una presa e un stil la s trova d sò;
 Ch'a sta manura ai par mior al murir.
 Che vivr, e star senza del so Ruggir.

97.

La deeva: Al mi Ruggir, dov it andà?
 El mo pussibil t sipp tant da luntan
 Da n'udir uint del band, ch s'è sparguià,
 O pur ch ti sol t u'al sav, quand tutt'al san?
 Mo, st'al saviss, mi a pens ch t'arress arrivà
 In prima ch'arriavass qui st' greci baggian.
 Oh povra mi! cosa oia da pinsar,
 Sen ch mal per mi, malissim l'ha da andar?

98.

Cmod è pussibil mai, ch t n'av savù ti
 Quell ch'as po dir, ha tutt'al mond savù?
 Mo st'al saviss sicura t'arress vgnù qui:
 Sol mort o persuni t'arè trattgnù.
 Mo i ere mai dubbi ch'a t'aviss tradi
 Per st'fiol, ch'a stagh per dir d'un becch curnù?
 Forsi al t'ha tes incontra un qualche intrigh
 Per vgnir la prima qui a cumbattr migh.

99.

D la grazia, ch'al re Carl m'è dmandò,
 Per n'esar d'quò ch'i mi m'avev da,
 La causa fu, perchè d cert a pinsò,
 Sol contra d fi d'en pesser risist armà.
 Fora d ti sol nessun a stimava; mò
 Adess a son dal gran mi argui paga,
 Perché st'cuclazz, ch mai ai su di fi impresa,
 Si signore, ch'al m'ha za vinta e presa.

100.

S' a son vinta, a son vinta pr' en l' aver
Pasù vinzr lu, ne averl pasù furar.
Questa n' em par giustizia, ne de dver
Ch' al giudiz del re ai ava da star.
Una vulnibil forsi a pro parer
S la parola za dà an vui nerservar.
Mo an son la prima, ch' ai n' è tanti e tanti
Che, s' a n' i torna al cont, in incustanti.

101.

Però in t' l' esser d parola cun l' amant
A son d' un scui, a son d' nn mont più salda.
D sienr in quest a vui aver al vant
Sovra agn donna, ch la sia d' amor par calda.
S' am sintirò tassar d' esser incustant,
Per quest cert an i è dubbi ch' a m'arscalda:
Purch' an daga a Lion d sposa la parola,
Ch' im dighn pur dà frasca o bandirola!

102.

La s lamintò quant l'nga fu la nott,
Ch' al cumbattr vins dri immediatament,
E s' andò dri, d quel gnet, fin ch' al sou grott
La nott e 'l sonn s' artironn finalment.
Mo dop ch spari d' in cil anch al sterlott
Pr al cumparir del sol chiar e lulent,
Al cil, ch vol pur ch' in fin Ruggir la sposa,
Pravist d' nn po d' aint sta povra tosa.

103.

La mattina, vsti sol d bust e d stanella,
Marfisa s' andò a Carl a presentar,
Dsendi ch la 'n po, siand a Ruggir surella,
Al gran tort ch' i è stà fatt più suppartar.
Cioè ch' ai sia stà tolt la sposa bella
Senza parola niint cun in passur,
E s' era, contra a tutt, pronta a mantgnir
Vera essr Bradamant sposa d Ruggir.

104.

Dinanz a tutt la i l' arè li provà,
S qualch d' un avies d dengar avù ardiment:
Cnn el prumess ch' i s' ern insem spusà,
Fagand al toccaman siand li present,
E tutt quel cirimoni ern passà.
Ch s' nan tra spos e sposa verament:
Ch l' un e l' altr più n' era in libertà
D lassars, e far un altr parità.

105.

Al ver o la busi ch Marfisa dsise
An al so d cert, mo l' al fi cun pinsir
Ch l' union del greeh agnisi s' interrumpies
Allora, più che al ver la fues per dir.
Anech a pens ch Bradamant i accunsinties
A dir sti cos, perchè, pr' aver Ruggir,
E n' essr più s'furzà Lion a spnsar,
Più curta strà la 'n sà d questa trovar.

106.

Sintend sta guixa, al re fi del fracass,
E Bradamant fi vgnir in quel mument,
Quell ch' i ha Marfisa ditt a pass per pass
Cuntandi, e s' i è so padr Amon present.
Bradamant, furbacchiotta, tin i uech bass,
Quell ch' i è dumandà la 'n nega ne accunsent:
Però in manira la s cuntin da psser
Far agnussr ch Marfisa ha ditt al ver.

107.

Rinald e Urand gradinn sta novità,
Ch' i deva in man una bona occasione
Da rompr e mettr in terra al parità,
Ch' era za squas dal tutt cuncins cun Lion:
E in ultim Bradamant arè spnsà
Al car Ruggir, a dispett del vecch Amon:
Cmod za i avenn fatt al gazzabui,
Senza ch lu i vgniss più a rompr al filatui.

108.

Perchè, s' i mrus tra d lor in tant innanz,
An srà 'l negozi più pr' andar a terra.
Per far plnid la cosa i n' an d' avanz.
Senza ch' un altr intopp contra s' i assera.
Questi in bnsi, diess Amon, gli in tnti zanz
Fatt pr' arversar addoss a mi la guerra.
S' el fussen anch ver sti cos, ch' a stim busi,
Contra d mi gnuech per quest an la vinzri.

109.

Mo mtten al cas, perchè an al cred d sicur,
E an son per credrel, ch' ava Bradamant
Dà parola a Ruggir aqusi là al bur,
Cmod am vrisi piantar cun armor tant.
In dov e quand el stà, 'l mi cheriatr?
Fà un po' ch' al sava più chiar e palpant.
Dop al n' è stà, ch' al so: quand an fnss stà
Temp indri, quand Ruggir n' era battzà.

110.

S l' è stà sta cosa, quand lu n' era estian.
An m' in vui mittr brisa addizion:
Siand estiana la ragazza e la pagan,
Am pens ch' al matrimoni en sippa bon:
E s' n' è ben fatt, ch' al sia tant da lontan
Vgnu a cumbattr, e possa averla, Lion.
E an ered ch so padr al foss saltà a pi par,
Mandand la so parola zo pr al stiar.

111.

Quell ch' a dsì adess, dir bisognava quand
Al n' era in pi st garbui, innanz al patt.
Ch' al re, a so istanza d li, miss in t' al band,
E pr' al qual è vgnu Lion, a far qui st fatt.
Aqusi contra Rinald e contra Urand
Al vecch pistava, per rompr al contratt
Ch' era tra i mrus, e Carl steva a udìr,
E s' en saveva da che banda a tgnìr.

51

112.

Subit la fama, ch'è una gran zanzira,
Spargiùd 'l cos per tutta Franza lesta,
Cun un sussur ben grand, alla maniera
D'un vent ch suppia ben fort pr'una furesta,
Ch'al sbatt insem el fui, quand ben al tira,
E tutt ingombra al bosch: aqusi fu presta
Sta cosa a sparguiars in general,
E s di da dcorrer a qui ch'ai pias d dir cvell.

113.

Chi è purtà per Ruggir e chi per Lion:
Mo la più part stà per Ruggir in piga.
I in dis incontra d'un ch staghin pr' Amon.
L'imperator in mezz da nssun là s piga,
Mo la causa al vol mettr alla rason,
E s vol ch'al Parlament sia lu ch la destiga.
E, vident st interess essr differi,
Marfisa torna cun un nov parti.

114.

La vins e s diss: Siccom l'è cosa chiara
Ch'essr en pol Bradamant sen d mi fradell:
Lion, s'al la vol, ch'al la compra più cara,
Fagand contra a Ruggir un nov duell;
E la sgnurina in quel mentr s prepara
D'essr la sposa d quell ch salva la pell.
Per quest a Lion spedi un al re ben prest,
Avendi anch fatt prima saver al rest.

115.

Lion mo, ch pinsava ch, quand l'aveva sigh
Quel dal Liuncorn, fuss agn cosa par:
La persona d Ruggir an stima un figh,
Quant s'al fuss una pera da mundar.
Senza pinsar più in là, l'azzò st' intrigh;
Mo an s n'era addà ch lu s fuss andà a arpiattar
In gula buscaia, dal dutor guidà,
Mo al pinsava ch'al fuss a spass andà.

116.

Dia so arruganza al s trovò mal pinti
Quand an vist quell che tant al s'imprumtteva
Più cumparir ne al prim ne al second di
Ne al terz, e nssun dov al s fuss al saveva.
E andar contra a Ruggir un mal parti
Sienrament senza d quell al cgnusseva.
Donca, per tutt al mal e al dann schivar,
Quel dal Liuncorn al mandò a ricercar.

117.

Al mandò per casti, terr e città,
Da vsein e da lontan zent pr'attruvarli.
Ne d quest cuntent, anzi, a cavall muntà,
Propri in persona l'andò lu per pescari.
Dov al s fuss ficch au l'arè mai pinsà;
Ne a nssun sre bastà l'anm d'acccattarl,
S'an s'i amitteva Melissa, ch fi po li
Tutt quell, ch' in t l' ultim Cant a sintiri.

FIN DEL CANT QUARANTACINQU.

CANT QUARANTASI

ARGUMENT

*Lion l'attrova dop aver tant cercà
Ruggir, e, vident la gran passion ch t'ha in sen.
Al princip ced la sposa, e maridà
S ved Bradamant cun quell ch la i vol tant ben.
Mo, in t'al più bell del nozz, ch' i in attavla,
Salta fora a sgumbiari al fiol d' Ulien,
Sfidand a mort al nov zendr d' Amon,
Ch' al manda a qu' altr mond in conclusion.*

1.

Grupp sovra grupp a so ben s'a n' ho fatt
In t'al dvanar una quasi gran gavetta.
A i ho critt el gran volt d'amattir d' fatt,
E d'en la psser in ultim cavar netta.
Mai più ai mi di am ammitt in sti contratt:
Mill volt ai ho avù a dir roba maldetta:
E un diavlett en tintava anch ed biastmar,
Quand al cò pers an saveva accattar.

2.

Oh quant volti attruvà am son in garbui,
Da vint contrari spint e sagattà!
Oh quant volt ai ho critt d'andar a mui
Tra gli ond, una cun l'altra incavallà!
Oh quant volt a son stà per dar in scui
Cun la barchetta trista e mal andà!
Senza la carta aver del navigar,
In t'un mar aqusi fond l'è un brutt girar.

3.

Oh mala cosa camminar la nott,
Quand è quel si gran bnr, senza lampion!
Mala cosa imbarcars senz'aver bscotti,
Anzi d'ensenna fatta d'provision!
Mala cosa è addussars un gran fagott,
Mo d'purtarl per volta en n'essr bon!
Chi vol più d'quell ch'importa andar in alt.
Ch'an s lamenta s'a so dann al fa 'l salt.

4.

Aqusi mi pur am trov al termn avsin
D'un ovra fatta per curiosità,
Cun aver in t la lnm un trist stoppin.
Senz'essr d'oli o d sii unt o bagnà.
Ai ho avù d'anm quant n'ha un paladin,
Mo sigh la forza en n'era accumpagnà:
Am intend gula virtù cun quell saver
Necessari a un biogno quasi grand aver.

5.

Cert an n'aspett d'aver d'evviva un tron
Correr per l'aria, ne cummuvr gli ond,
Ne d timball o d tambur ndir al son:
Mo sol la piva ch strilla, e più s cunfond
Per vergogna d n'aver fatt niint 'd bon.
Oibò! l'eco intorn, Oibò! m'arsond;
Ne dl'ovra fatta ensuon in farà algrì
Cnn tutta la fadiga dnrà dri.

6.

Però ne belli dann ne signur prudint
Diran mai ben d sta mi temerità.
Anzi a s dirà da tutt, fora di dint,
Ch l'è indegna d compassion la mi anità.
Perdr d'ann per quest an 'm vui niint;
Ch la vada cmud la s vuia: ai ho eminzà;
S' a poss, a vui anch far in qualch manira
D'arivar a cumpir sta tiridira.

7.

Mo cosa è quell? d lontan a ved un mazz
D person, ch m'aspettn, e s par ch'ì dighn d bon.
Pr'essr arrivà d'agn ora al fin del viazz.
E vultà vers al port poppa e timon!
I prim in la Bernarda cun Galiazz,
Barba Valent, Ghergur e barba Smon,
La Menga, la ze Lzadra e barba Plin,
Salvador, la Dratia, e sigh Bullin.

8.

Ai è anch qui ch s'en litigà la Flippa.
E Gasparr pr'al nas lungn affurtunà
D'aver la sposa e aver salvà la trippa,
Ch'a temp barba Sandron a i è arrivà.
Mingon, puvrett! ch'en sa più in ch mond al s sippa
A vders da quella ch'ai vol ben scartà.
Barba Pasqual, la Berta e la ze Rizza,
Ch fa fed ch l'è nada al temp dalla sussizza.

9.

A ved pur anch Bertold astut e fin,
Più sentenzios e savi d'un Caton.
Dichiarà prim cunsir del re Albnin.
E ch fà i altr cnsiran star a patron.
L'ha sigh al prima sempliz Bertuldin.
Ch s'è po fatt cun al temp prudent e bon,
E la Marcolfa, brava paradora,
Ch'a bocca averta fà star la so signora.

10.

S' a Rimin da qui di li s fusa truvà,
Quand, arrugant pr'aver dumà i franzie,
Cesar pinsò s'al Rubicon passà
S' i srè uppost i Ruman, o pur arris:
A pens ch l'arè el bandiro pigà,
E da una banda miss d gloria i arnis.
Ne senza al so cunsii l'arè fatt ngotta,
Ne forsi sre la libertà andà d sotto.

11.

Dov resta un'altra Flippa da Calcara,
Quasi eccellent in t'al far belli bugà?
La zè Tadi da Tgnan, ch'al trenta para
I dà, perchè al fiol in guerra i han mandà?
E quell ch fi al so tetament, pr'aver a Frara
Di figh, mo poeh madur, de tropp magnà?
Accumpagnà dov lassia mo qui dn
Ch s'alligrn d'aver cara vindù l'u!

12.

Oh! guarda barba Pol dalla Livradga.
A batt in t'l'ara la tibia sbrazzà.
Iacmin, Battstin, la Sandrina salvadga,
Ch fa dl'armor, perchè a cas l'ha quest tuccà.
E po quand enn la vista, ch'en m'arradga.
A ved anch la Michlina dal Vergà,
Cnn al so spos Sandrell: Barba Savon,
Sabatta cun Galvan, Ghida, Sandron.

13.

A ved pur anch un'altr barba Plin.
Famos per la so bella scavazzari.
Nuzent, barba Andriol, Bdet e Tunin.
La Rosa e Sabbadina un po più indri.
E quell d'ughi ch magnò un gran bon cadin,
Barba Bigh, ch'ì sn fù star fi in algrì
C'n al fstin; Rossa, Togna, e un Salvador,
Ch livò contra Bastian quasi gran armor.

14.

Zan Muzaina è anca lu tra sta brigà.
Ch'al cargador ha qnsi facil la vena.
Bartulin a ved sigh accumpagnà,
Quel quasi car Bartulin ditt dalla Zena,
Ch s'è un cugnorn tant galant quasi merità.
Pr'essr nad tr'al mulin e la cadena.
Dop lor dalla Sambnga a i è Vergon
Cun la erida per l'asn dal patron.

15.

Oh vehi! oh vehi! Zandlumi mi cumpar
Dalla lontana a i ho vist e arvisà,
Cun al zigrant sgramù sigh all'imper,
Nad un dop l'altr, fù tutt du d'un pà.
A ved chi 'l sou arzett ha fatt stampar
Per la tigna e altr mal più strampalà.
Qu' altra Bernarda a ved, ch'ha po dà fin
Ai laminturi del so car Langin.

16.

Quattr altr donn famosi purassà,
Tntti in t'un gropp uni, a ved arrivar.
La prima l'è la Rossa del Vergà,
Ch'una massara mi ora an s po attruvà.
Simona la seconda è numinà
Dalla Sambnga, brava da filar;
La terza l'è madonna Tenerina.
Degnosa la quarta, fioli dila Caqlina.

17.

Mair Poch-arcolet, madonna Caresti,
Travai, Fastidi al lugh, mestr Magrin,
Cun i altr recitant dila cumpagn,
Han del teatr impià tutt i lunin,
All' ordn e preparà d star in algr
Tal la cumedia e dop a quella un festin.
Tal cuntintezza è dentr d lor intrà
Finalment vsin al port vèndem intrà.

18.

Mignan al mazzir s fà innanz cun la so leana
Aguzzà in t' una roda fiurintina.
Questa dis che tant volt an s cena o deena,
E insegna andar al pozz più che in cantina.
Quest an l' impara cert i ztadin d Gnesna,
Ch' ai pias al viu e l' acqua d vitta fina.
Di nuvizz a i è al mestr insir Quantunqu,
Manaron e Splurzon Comodocumqu.

19.

Mi arè a cuntari tutt un gran da far:
Per quest a in lass indri più d cent e cent
E d' omn e d' donn, ch' a ved al mi turnar
Tutt alligr, e mustar nn gran cuntent.
Donca am fazz ann per finir d destrigar
Sta po' d gavetta, fin ch' a i ho bon vent,
E, turnand a Melissa, a cuntarò
Cmod a Ruggir la vita la salvò.

20.

Mi cred degli altr volt d' aver cuntà
La gran vuia ch' aveva sta Melissa
Ch' al fusc Ruggir cun Bradamant spusà.
E dl' un e dl' altr aqusi al travai finissa.
Pr' esser po di fatt su sempr infurmà,
In t la cossa la lanza s' era missa,
E da una man d diavlett, ch' andavn e vgnevn,
I zattin d lor saveva cmod i stevn.

21.

Da quisti donca ai fu fatt manifest
Eser aspiattà Ruggir in t' un spinar,
Cun un proposit ferm e poch nneat
D' en bevr gozza, e ngotta più n' magnar.
A qua maniera per murir più prest.
Mo Melissa, ch' al vola sempr aiutar,
La saltò fora dlung, cun intinision
Ch' a tutt sti dsurin i mittise rimedi Lion.

22.

Quest aveva mandà part dila so zent,
Ch' era del seguit so, per tutt i vers,
E s' era andà pur lu anch finalment
Per cercar tutt quell dal Liuncorn pers.
Melissa svelta fi un incantament
D' un diavlett a cavall, ch fi di travers
Tant ch' al fiol d Constantin l' andò a trovar.
E a sta maniera ai cminziò a parlar:

23.

S l' ann, al mi signor, quasi generos avi,
Cmod a mustrà per d fora in t l' apparenza:
S dentr la buntà vostra e la curai
Ben currispondn alla real presenza:
A pregh cun tutt al cor vostra agnuri
Cun un povrin mustrar vostra clemenza,
Brav cavalir; mo quand al n' è aiutà,
Mi a v' assicur ch tra poch al s vdrà sbriga.

24.

Forsi l' è al mior ch porta la spada a là.
Al scud in brazz, e ch corra ben la lanza;
L' è al più bell e zintil, al più agarbà
Ch fusc mai al mond, an digh sol in t la Franza.
Pr' un att magnanim e generos usà,
Adess adess al n' ha più fà in t la panza
S' al n' è succora. In grazia, signor, vgni vi,
A vedr s qualche aiut prestari ai pssi!

25.

Lion, em' al s sinti far tanta premura
Cun qui seunzur, ai saltò in fantasì
Ch' al fusc qu' istess ch' adess cun tanta cura
Al cerca e s fa cercar per strà e stradi.
Cun Melissa d' andar al s' assionra,
Dsendi ch l' undass innanz, ch' ai tigneva dri.
E li dlung la l' cunduss, tra spruch e spin,
Dov' era arpos Ruggir alla mort vsin.

26.

Al n' aveva per tri di guast al daun
Cun cib o bvanda, e s' era tant dsfida,
Ch' an pesava star in pi, mo in tramballun
Al sre andà là, s' al s fusc in pi livà.
Cavà an s' era ne scarp ne bragh ne scun;
Anzi dai pi alla testa l' era armà
Cmod l' era in t la question, iust tal e qual:
E al scud cun al Liuncorn era al cavzal.

27.

L' era tant d mala vuia e tant dolent
Per l' affront fatt alla so Bradamant,
E d' averla tradi quasi malament
Non sol ai depias, mo al so dular è tant,
Ch' al s morsga i labr e l' man arrabiament,
E cuntin d' a uech grundava al piant:
E tant l' aveva in ment sta cosa fissa,
Ch brisa an s addi dl' arriv d Lion e d Melissa.

28.

Per quest' al n' interromp al so lament.
An dsmit d pianz, an dsmit d suspirar.
Lion s' afferma e stà ascoltar attent,
Po al dsmona, e pian pian s' i vā a accenstar.
Ch l' è causa amor d quel gran dular al sent:
Mo chi s sippa la donna an sà appinsar,
Perchè Ruggir, quasi afflitt e addulurà,
An l' aveva per nom gnanch mingunà.

29.

Mo sempr a poch a poch s'avanza Lion
Tant ch'al po vedri devert in t'al mustazz,
E s'al saluta cun gran affezion,
In terra al s' mitt, e s' i trà al coll el brazz.
S Ruggir aviss a car, o ver passion,
A n'al so dir, mo a pens ch' ai diss impazz:
Perchè l'aveva stabili d murir,
E s' ha timor ch' a gli al vior impedir.

30.

Cun el parol più dolai e più suav
Ch saviss adruvar Lion, e cun bell dir,
Da bon fradell ai diss: Mo cosa fav?
Cuntam la causa d sti vustr martir:
Ch'an iè un intrigh quasi grand ne un mal quasi grav,
Tolta la mort, dal qual an s possa uscir.
D speranza n'ha persona da esser priva,
Perchè a s sol dir: In fin ch la rà l'è viva.

31.

Ai ho disgust ch'a n'ev siadi cunfida
Cum mi, ch'a savi pur s'av son amigh,
Non sol da dop ch'av son tant ubligà,
E ligà cun un lazz ch mai più an in deligh;
Mo fin da allora ch'a sre stà scusa
Per l'uccasion ch'aveva d'essr amigh.
N'ev dubità: emandam dov a son bon
Cun la persona, roba, e protezion.

32.

N'avà difficoltà a cuntarm a mi
l vustr mal, e po lassam provar
S la forza, s'el parol v ponn livar d qui,
S'av po i quattrin, l'industria suvar.
Quand a vdiri, in ultim, ch'a n'i son riasci,
S'a vli murir, mi an so cosa mi far.
Mo innanz d'ardur a sti cavi tirà,
Tutt'i remedi e tutt'el prov tintà.

33.

Cun sta manira quei civil e amiga
Tant' al scunura, e d pregarl s' inzegna,
Ch'an po za far a manch Ruggir ch'an s piga,
Quand al n'avies per cor una massogna:
E al cognuss ben chiar che se d'arspondri al niga
Al fa una brutta azion, mo propri indegna;
Sicchè in t l'ultim a gli arspand; prima però
Dou o trei volt el parol l'incunquò.

34.

Al mi sgnor, diss Ruggir: quand a sari
Chi a son mi, ch' iust adess av' al dirò,
Sicur a pens gran fatt ch'an v'algrari,
E ch'al srà mii per mi s'a murirò.
Savà ch'a son mi quell ch'in odi a avi,
Quel Ruggir, ch'altr tant, e anch più v'udiò,
E tant, che propri a posta am tols d'in Franza
Per trapassarv al cor cun la mi lanza,

35.

Perchè n'em fuss per causa vostra tolta
Bradamant, udend dir ch'al vech Amon
Cun vu la so intenzion aveva arsolta.
Mo perchè Domendi, ch'è lu patron,
Ha vlu ch'i mi pinsir dagh la volta,
E la vostra virtù zo d'upinion
D'annazzarv m'ha tolt, ch'anzi al mi intent
L'è d'essr vostr schiav perpetuament.

36.

Ch mi av fiss per sposa Bradamant aver
Vu em pregassi, en savend ch'a fuss Ruggir.
E, a far sta quità, l'era l'istess che vler
Strapparm al cor, furm dal disgust murir.
D quell ch'a son mi capaz, av l'ho fatt vder:
Contra d mi stess a v'ho savù servir.
Vostra è adess Bradamant; guidvli in pas,
Ch'al vostr ben quant al mi propri em pias.

37.

Sià mo content s'arrest mi senza d li.
E in t l'istess temp ch d la vita a sippa priv:
Piuttost a vui star senza l'anima mi,
Che senza Bradamant armargr viv.
Ne vu legitnament averla an psi
Per vostra sposa in fin a tant ch'a viv:
Ch'a s fi za l' spusalizi tra li e mi,
Ne li la n po tor brisa du mari.

38.

A s po pinsar a l'arstò Lion maravià,
Quand' essr queest Ruggir l'ndi cuntar:
L'armas a bocca averta li innocà
Ch'al pareva una statva o un bacular.
I nech an sbatteva, e s'en tirava al fià,
Al steva li cu'è un vod d qui da attaccar.
La i par ben questa una virtù tant granda
Da n'attruvar l'ugual da nssuna banda.

39.

Cognussend per Ruggir, non sulament
Al n'i tol quel gran ben che in prima ai vleva:
Anzi al diventa più grand, e pariment
So propri al fa al dular ch Ruggir s'inteva.
Per quest, e per mustrar medesimament
Ch'un anima generosa in corp l'aveva,
An vol, se in altr cos ai resta indri,
Arstari d sotto in gula so gran curtsi.

40.

Sicchè al diss a Ruggir: S mi aviss savà..
Cmod a so adess, ch'a fussi vu Ruggir,
Quel di ch'am mettissi al camp in rotta vò,
Ben che sol numinarv an passiss sintir,
Ligà a sre stà dalla vostra virtù
Cmod a fu allora: e s'arè fatt furnir
Dentr d mi l'odi, e s' i arè fatt intrar
L'amor ch'av port, e ch n'ha mai da mancar.

41.

Ch'al nom d Ruggir in prima mi a n' udiass,
Senza saver ch' a fussi vu quel dess,
An poss dengar; mo adess la n' v' d' quel pass,
Anzi ch' av am persuadi a vu stess.
E s, quand av fi dai cipp far al trapass
All' esser libr, aviss savù, l' istess
Anch allora arè fatt, senza interess,
Quell ch' al ho stabili d far per vu adess.

42.

E s' a l' arèv allora fatt vintura,
Ch' an era cmod adess a vu ubbligà,
A n' al farò al present? s l' obbligh em tira,
E a sre, cun vu a n' al far, un mal creà?
Vu superà vu stess av in manira,
Ch' am avi al mior del vostr ben dunà:
Mo a v' al vui rendr: e s son sicuramente,
Più ch d arcevrli, dunarli a vu, cuntent.

43.

A vu più Bradamant che a mi stà ben:
E questa, sebben ch' a l' am meritament,
An vui miga per li trarm po in Ren
S' an poss averla, o murir malament.
Inanch an vui ch' andand vu tra nuvi e sren,
Se dsfazza quel ei bell gropp e putent
Ch v' uniss in matrimoni, e in quel mod li
Senza scrupl d'vintar po so mari.

44.

Pazinzia s' a la perd: am darè pas
S tutt quell ch' am trov aver a perdis anch.
Vada pur tutt, basta ch' an s daga al cas
Per mi ch' al mora un cavalir quasi franchi.
D la vostra diffidenza ben aun desias,
Za ch' a savi ch' an pesi disapon d manch
Vu stess del mi, d quell ch' a poss mi: e cherpar
Più av piasevu, ch vlev a mi arcmandar.

45.

A sti parol degli altr sozzuzzend,
Ch' a dirli tutti an s prev mai più finir,
E d l' amigh el rason tutti arbattend,
Ch' al s' insagn contra d lu purtar e dir,
Tant ch finalment Ruggir disse: Am arrend:
Pr' amor vostr da un l' a lass al murir:
Dou volt la vita s' am avi duà,
Da me a n' i è cas ch' an siadi armerità.

46.

La cicculata, cun i su grustin
La fi in s du pi Melissa li purtar
Per cunfutar Ruggir, ch s po dir avsin,
S' al n' aveva st' aiat, l' era a sgablar.
In st mentr aveva mo sintù Fruntin
I altr cavall sberiar, e là arriar
Subit al vset, e fi chiapparl Lion,
Ch mettendi i su finiment al di al patron.

47.

Cun tutt ch' al prencip grech i disse la man,
Ruggir muntò a cavall con gran fadiga,
Tant' era al so vigor andà lontan,
Ch l' aveva in prima, e lu so forza antiga.
Da mittr a squass un camp grech o pagan,
E d far quell ch puch di fa l' fi: cun l' amiga
I partinn d là, e, fatt dou mia d vi,
Truvonn una magnifica ustari.

48.

Là i s' affermonn, e stann al rest d quel di,
Cun qu' altr sigh, e tutt' al terz intir.
Dall' inedia e deblezza s' arriavi,
Dalla doia incantà, barba Ruggir.
Al quart di cun Melissa i s toln d li,
E al so viass a Parigi andò a finir,
In dov, la sira innanz, d' in Bulgari
Era arrivà una bella ambassari.

49.

Quia zent, tutta daccord, Ruggir aveva
Adlett per farl re, e quasi qui a chiamarl
I ambassadur mandò, ch cert la cherdeva
Ch' al fuss in Franza, in t la cort del re Carl.
D fedeltà al zurement dari la vleva,
Del regn dandi al dumin, e incurrunari.
Ch' al servitor d Ruggir, ch' era za arstà
Tra i bulghr, chi al s fuss lu avea cuntà:

50.

E d la battaia ditt anch, ch' in favor
Di bulghr a Belgrad l' aveva fatta,
Dov Lion l' aveva cun l' imperator
Vint, e l' armada greca tutta dsfatta;
E per quest i l' avev scielt per signor,
Senza arguard a nessun princip d la so schiatta.
Ai disse cmod in Novgrad al fu ligà
Pr' ordn d' Ungiard, e alla Teodora dà.

51.

E ch' a s' era savè per cosa certa
Ch l' era stà trovà mort al so chiavir.
Ruggir scappà, cun la person averta,
E nessun po dov al s fuss saveva dir.
Ruggir intrò in Parigi pr' una vi cverta;
Nessun al vset, e nessun i al pesi impedir.
Mo la mattina vgnand, lu e al so cumpagn
S' appresentonn dinanz a Carl magn.

52.

Ruggir aveva l' aquila indurà
In camp vermì, da Carl quand l' andò:
Perchè tra d lor agusi s' era accordà.
Ch l' avies quel vstari e insegu ch' al purtò
In t la battaia, e quegli arm ammaccà,
Ch' indarn Bradamant d furar tintò.
Sicchè subitament al fu arvisà
Per quel dess ch cun li s' era ciminà.

53.

Cuu gran sfarz veti da re, in so cumpagni
Lion, senz'arm, cun lu vgneva all'impar,
E s'avevu dinanz e per dedri
E dal band lugh e largh chi i feva far.
I s'inchinonn al re Carl, ch'in pi
S'era livà, e incontra a vleva andar.
Lion, tgnend Ruggir per man, attentament
Guardà da tutt, fi a Carl st parlament:

54.

Quest'è quell, ch'a mi nom, da brav, s'è dfez
Dal principi del di alla sira bura.
E da za ch Bradamant n l'ha mort o pres,
Mo, pr'essri uscì dal man, i ha fatt cattura,
Al mi signor car, s l'ha al vostr band intes,
La vittoria d'aver al s'assicura;
Sperand d'aver la sposa guadagnà,
Adess l'è vgnù perchè la i sia cunsagnà.

55.

S'a s'ha da star al band a tutt rigor,
Altr mari d spuar li n po far dsegn.
S la s'ha da dar per premi del valor,
Un altr cavalir più d lu n'è degn.
S'iu t l'ultim al l'ha da aver chi i porta amor,
An i è chi arriva a lu d'amor al segn:
E contra chi i vliss far upposizion
L'è pront a dfendr qui la so rason.

56.

Carl e tutta la cort armas stupi
A sintir Lion sti tal rason dir sù,
E ch'an fues stà lu istess quell ch cmbattì,
Mo qol' altr cavalir, ch n'era cgnussù.
Marfisa, ch'era tra qui altr li,
Sti cos ndend, arriagh l'aveva psù
Star queda tant, ch sti deurs al grech forniss;
La saltò in mezz, e a sta maniera diss:

57.

Da za ch'a n'è Ruggir, in sta cuntesa
Ch s'intrametta cun chi d la sposa al dsuina,
Ne chi fazza ju favor so nessuna dfeza
Che st'ignor arrivà adess quel qued n la tuia,
Mi mo, ch son so surella, a vui st'impresa
E st'incumbenza tor contra chi s'vuia,
O in Bradamant pretenda, o d mi fradell
Passar al merit, a digh ch l'è un stuffell.

58.

La diss sti cos cun tanta rabbia e stizza,
Ch'a in fu tant e tant ch'avn upinion
Ch, senza licenzia d Carl, o andar in lizza,
Allora l'inselzass qu' altr cun Lion.
Mo quest, udend sti cos, in pi s'addrizza,
E d'in testa a Ruggir cava al murion;
E, vultà vers Marfisa: Vdìl qui pront
Per rendr, ai dis, d se stess a vu bou cont.

59.

Cmod arstò quel bon vecch re di Atenis
Quand, d la muier maligna a instigasion,
Aveva ammanv al vien, da far vgnir bis
Al fiol incognit, e s'è per dari al becon,
Ch'al mandava là d là in qui altr pais,
S'al n'al cgnusseva alla spada e al pindon,
Quasi arstò Marfisa vndend che al cavalir,
Allora ndia da li, l'era Ruggir.

60.

Senza dars temp, la cors dlugh a abbrazzarl.
Ne dal coll la s'i psseva più spieccar.
Rinald e Urland, e d lor in prima Carl,
Chi d za chi d là, l'andonn tutt a basar:
Dudon andò e Olivir a salutarl,
Ne d fari fest Subrin s psseva saziar.
Di paladin in somma e di cortan
Nssun i fu ch n'i tuccass almanch la man.

61.

Lion, eloquent e savi parlador,
Quand i avn el cirimoni tutt finì,
Aquis dinanz al diss d l'imperator,
E alla presenza d tutt qui ch era lì:
Ch la gaiardisia, forza e gran valor,
Ch Ruggir mostrò sotto a Belgrad quel di,
Cun tutt ch'al fues in dann grand d la so zent.
L'avevn ubbligà lu infinitament;

62.

In mod che quand al fu chiappà e cundnt
Da qui, ch'arè vlu psseir far spasmar,
Fora d person l'aveva miss al tutt
A dspeit d la zia, ch'al vleva far marzar.
Al diss po cmod s'era Ruggir arduitt,
Per psseir Lion un puctin ricumpinsar,
A far la gran curtai, ch sempre stimà
Srà sovra del futur e del passà.

63.

E d punt in bianch al seguitò digand
Quell ch fatt per lu Ruggir magnanm aveva:
E cmod, dop'quest, pres da un dspiaser beu grand
D perdr la sposa, ch tant cara i permeva,
Al vleva pur murir d'inedia, e, quand
Prest an fues stà snecora, cert al mureva.
Al diss sti cos aquis pietosament
Ch'an'i fu nssun ch l'ndiss e n fss piangulent.

64.

Al s vultò po cun quasi bella manira,
E quasi cara, a pergar al vecch Amon,
Ch non sulament dal cor al decazò l'ira,
E tramudarl al fi dia so upinion,
Ch l'andò lu istess, senza ch'enssenn i al tira,
Da Ruggir a dmandari al so perdon:
E s'al prega per padr a vleri azztar.
E cuntintissm l'è d so masir dvintar.

65.

A Bradamant, puvrina! ch s'era assà
In t la so stanza a pianzr i su gran gnai,
Sta nova da più d'un i fu portà
Perchè la s consulass da i su travai.
Lì, ch'a una algrezza tal n'era ammuavà,
Ne pinsava d Ruggir d'essr più mai,
Ai andò al sangu al cor incuninent,
E l'algrezza fi vgniri an sveniment.

66.

La pers el forz e al so bel enlurin,
A traversa dal lett lassand cascar.
Sebben ch l'ha forza quant n'ha un paladin,
E per l'ann cun tutt la stà all'impar.
Ai durò però poch quel brutt smalvin,
Ch'al gran content i aveva fatt pravar.
La pars un cundannà alla forza o mazza,
Ch sent Grazia! grazia! dir tutta la piazza.

67.

A s'alligra Mungrana e Chiaramont,
Perchè insem foran un mazz sti dou casà:
Altr tant a s'attrista Gan, al Cont
Anselm, Falcon, Zin e qua brigà.
Cun tutt ch'i funz aver l'algrezza in front,
Dentr l'invidia e l'odi stà arpiattà,
Asptand al temp da far la so vendetta,
Cmol fa la volp ch la livra al pass aspetta.

68.

Perchè prima Rinald aveva e Urand
Cavà dal mond più d'un d quel parità:
Sebben ch'i affrunt al re d'in quand in quand
Aveva cun la so virtù accudìa.
A s'i era in sti ultim mis po andà azuntand,
Dri a Pinabell, Bertulazz ammazza.
Mo la mala intenzion i tgneva cverta,
Cun finz d'en saver la cosa certa.

69.

I ambassadur di bulghr, ch'ern uscì
Dal so paes, e andà in cort del re Carl,
Cmol a diss, cun speranza forsi lì
Ch quell del Lioncorn i arèn pssù trovarli,
Quand i savn sti cos, bendinn quel di
Ch'in Franza i era in ment saltà d cercarl.
E quand i al vistu i s'i triun ai pi
Pregandl andar cun lor in Bulgari:

70.

Daendi ch'in Andrinopl era ammanvà
La corona per lu e al scett real:
Mo ch lu i andass l'era necessità,
Ch'a s parlava ch'i vllas essr del mal.
Più d prima aveva arcolt arm e suldà
Constantin, ch feva lu da general.
Mo s Ruggir vò lu in difesa del so popl,
I spern d tor al grech Custantinopl.

71.

A azztar al regu Ruggir prest fu e curtes.
Senza fars tant pregar; e s'i'imprimiss
Ch'in Bulgari al sre andà dop al terz mes.
Quand altr per dsfortunà n'i intravgniss.
Quand al negozi Lion amigh lutes.
A Ruggir ch'al stass pur sicur, al diss,
S di bulghr l'era da li innanz lu al smor,
Ch la pas s sre fatta cun l'imperator.

72.

Ch'an serv, s'an vol adess d'in Franza uscir,
Pr'andar a cundur lu l sou zent e la squadr;
Ch'in tutt el sou rason, Stat, e quartir,
Ai farè far l'arunzia da so padr.
Per quant garbat e bell sippa Ruggir,
D più ngotta alletta d Bradamant la madr
A vleri ben e azztarl per so zendr,
Quant ch'adess l'è patron d'un regn intendr.

73.

Donca as fi l nozz cun gran magnificenaa
Conform al stat d chi s'in tol in la cura,
Ch l'è Carl propri, ch'i ha tanta assistenaa,
Quant la sposa so fiola fuss d sicura.
Ai merit d Bradamant s fa riverenza;
Qui d Rinald, e d cà so ern d natura,
Ch'an pinsarè d'andar dal cor del segn
S'al spindiss anch per lor mezz al so regn.

74.

Al fi publicar subit cort bandì,
Ch'agn sorta d zent i passiss sicura andar.
E camp franch al cuncess fin ai nov di
S'a i fuss qualch d'un ch'aviss da litigar.
Alla campagna fu l'amman urdi,
D verdura i padigliun al fi addubbar:
Ai era i pannarun d vltud e d bruccà,
Ch'un lugh più delizios mai s'è truvà.

75.

Lugh in Parigi an i ere miga stà
Pr'alluzar tutt qui ch vveniss furastir,
E zuvn e viche, birban, riech e despianà,
Greech e tudisch, inglis, e sù d san Pir:
Chi i andava d so grazia e chi invidia;
Ne funn i ambassadur mai per finir.
Ch'aveva albergh in tend e in padigliun
Quai comandament, ch'an mancò ngotta a nessun.

76.

La nott innanz Melissa preparò
Cun di urnat singular, eccellentissim,
Pr'i spus al lett, e quell ch'i bisugnò,
Ch'as saveva za indr da un temp lunghissim:
Perchè cun la virtù innanz tant l'andò
Sta maga, ch la cegnuss e capi benissim
Quant princip grand, valint e generus
Sren dalla sment uscì d qui dn bi spus.

77.

L'aveva uiss al bell lett marital
lu mezz a un padiglion bellissim e grand,
Ricch in manira da 'n s truvà l'ugual,
S' anch tutt'al mond a fossi andà zirand.
Mustafa sotta a Vienna en n'av un tal,
Ne Tamerlan, quasi ricch e memorand.
A Costantin la l'aveva livà,
Ch'era drit al mar, a piar d l'aria, attindà.

78.

O ch' a Melissa Lion i al cunsintiss,
O ch la fiss li perchè lu s maraviass,
O verament per mustarir la fiss
Ch la s feva anch ubbidir da Satanass,
O quant cmandar a bacchetta la peiss
A tutt qui spirit, ch stan la zo da bass,
La fi purtar la tenda dai pais
D Costantin a Parigi dai anzl bis.

79.

La 'l tols a Costantin imperator
Sotta propri ai su uech, e d bell mezzdi,
Cun tutt sigh i su urdigin d'un gran valor
D cord e d curdell d'arzent e d'or guerni.
Pr'aria purtar la 'l fi ben prest da quor:
E, perchè i l'addruvassen, ai spus la 'l di.
In t l'istessa manira, quand fu po
Quel nozz finì, dov l'era la 'l turnò.

80.

L'era ben squas avain a d'i ann dou milla
Ch'arcamà al padiglion fu da co a pi
Da una sgnurazza, quant una sibilla
Savia, ch'aveva al spirit d prufezi,
Ditta per nom Cassandra, e parturilla
Ecuba in Troia. E donca da per li
L'arcamò cun gran studi et padiglion,
E a so fradell Ettor la in fi po un don.

81.

Al cavalir più d garb, ch'aviss da uscir
Dal stipit d la fameia d so fradell,
Ricament arcamà in t'al lavurir
D seda e d'or, cun un dsegn galant e bell,
L'aveva, cun tutt ciò ch'an fuss pr'uscir
Sen dop esser passà di ann un flazell.
Ettor, fin ch'al fu viv, s'al tins ben car
Pr'al lavor, e per chi i al vols dunar.

82.

Mo, dop ch per tradiment al fu ammazà,
E da qui d Grecia fu i Truian scunfitt,
Quand da Sinon ai fu el port spalancà,
E s'i trattonn più mal anch d quell ch'è scritt,
Fu al padiglion a Menelao dunà,
E cun quest pr'accident l'andò in Egitto,
Lassand in pegn al re Proteo, s'al vols
La sposa arcundur vi, ch l'Egizi i tols.

83.

Pr'aver la bella Lena, credr a pessi
S'al padiglion vluntira al re l'impugnò:
Dop al vins in t'el man di Tulumì,
E Cleopatra in fin l'ereditò:
Dal zent d'Agrippa tolt ai fu po a li
Dagl'isol Curzular quand la scappò:
In Roma al l'av August e po Tiberi.
E d Costantin ai sti finna all'imperi.

84.

Quel Costantin, del qual s'ha da duler
Sempr la bella Italia, e cun rason;
Ch l'aqua del Tever n'i dseva piaser,
E a Bisanzi al purtò al ricch padiglion.
Da un d l'istess nom l'al vols Melissa aver.
D'avori i pal, e 'l cord ern d'or bon,
Cun del figur quasi belli, ch gnanch al pnell
Del quasi fatti s'in fi dal brav Apell.

85.

Qui tutt'el grazi in bust e suttanin
A una sgnurona servev da cmar,
In t l'att ch la partureva un bell fandsin,
Ch'a n'i è mai stà al più bell, ne 'l s prà trovar.
Mercuri, Giov, e Mart, quel bon fanlin
D Venr, ch'i era dri, s vdeven culmar
A man pini al fandsin di su favor,
E dari del so vin, unzrl d'udur.

86.

Impolit era scritt dentr in t la cuna,
Impolit in t'el fass era scritt su.
Più grandett, al l'aveva la Furtana
Per man, e innanz a i era la Virtù.
A s vdeva del zent po cun vesta bruna.
D zazzara bionda, ch'ern da lu vgnù
Dall' Ungari, per part del re Curvin,
A dmandar al so pa quel bell fandsin.

87.

A s ved anch ch da tusselt al re patron
D Strigonia al gvern e la reggenza i dona.
Però sempr al ragazz i stà a gallon,
Ne mai in guerra o in pas au l'abbandona.
Contra i Tadisich, o contra al barbison
Del Turch, s'al vò quel re propri in persona,
Impolit i vò dri, imparand da lu
Al far da grand, e d'amar la virtù.

88.

Riverent dal Erqu al padr al s ved partir
E licenziars da Ljunora la mamma,
E del Danubi arrivà al rivir
Gradi da tutt, ch'agn'un car sgnor al chiama
A s ved quel re prudent del tos capir
La gran virtù, e per quest l'ammira e l'ama.
E, cun tutt ch'as po dir ch l'è anch cinett,
Sovra ai altr curtsan l'innalza e mett.

89.

Quì a s ved passar di su prim ann al fior,
L'art d la guerra imparand, e al mod d gvernar.
Ai fianch l'ha sempr Fosch al precettor,
Ch gl' iustori autighi i fa lezz e imparar:
S'al s vol rendi immurtal e fars unor,
Da quest guardars, sta cosa seguitar
Al pareva ch' ai dais propriament,
Tant l'arcam èrel fatt eccellentment.

90.

Da zuvnett al s ved vestì da cardinal
Seur anca lu tra i altr in cuncistori,
E cun nn decorr-r ell'intellett ugual
Far Roma maraviar, Pasquin, Marfori,
D manira ch' i altr disu: Cosa sral
Da vecch, s'adess al conta altr che glori!
Ohi d san Pir s' ai sra mai el chiv consgnà,
Ohi secul sant! oh zent avvirturà!

91.

Da un'altra port, i su studi e i su spass
Ern gli art liberal, non el spurchizzi;
L'andar a cazza d l'Appennin tra i sass
Per qui balz, per qui briquel, e pricipizzi.
Quand a cavall pr' i pais pian e bass
Corr-r cm'è uu vent l'è nn so bell esercizzi
Dri a un cerv, a nn cavriol, o a ch soia mi,
E mettri in terra cun un colp sbasi.

92.

D filosof, e d pueta, e d zent d sta fatta,
Più innanz al s ved in mezz a nn gran squadron:
Chi i insegna i pianid, e chi l'opatta,
Chi di pais i mostra el division,
Chi i lezz un' elegi, ch' adess l'ha fatta,
Chi nu sunett, degli uttav, o una canzon,
Ora al stà a udìr da un musich un' arietta,
Ne senza grazia an par ch' un pass al metta.

93.

D sta prima part in t la circonferenza
Cassandra fi in arcam la puerizia,
E del zovn garbat, cun d la gran scienza,
Al valor, la modestia, la giustizia,
Al far da generos, e la prudenza,
Virtù, ch' han uni insem stretta amicizia,
Ch' insegn-n al castigar, dunar e spendr,
E d questi unuà po al s ved cun gloria arsplendr.

94.

Da un'altra part, cun al duca d Milan
Aldvigh Sforza, dedità, l'è ie campagni.
Da bun campagn d la pas in temp i stan,
E d guerra in temp a i vù pur sempr dri.
Sempr l'è istess, ne mai mudar al fan
O la prosperità o la traversi.
Al vù sigh quand al scappa e s' al cunforta,
E qu' aiut ch' el sou forz permettn al porta.

95.

Al s ved da un'altra banda star attent
Alla salut d' Alfons e del Frases;
Tant al cnsidra e s pensa suttilment
Ch' al fa vedr in bell mod chiar e pales
Al car e bon fradell al tradiment,
Ch' i han qui d la so fameia e parint tes;
E s' aquista al bell nom in st' occasione
Ch buscò per Catilina Ciceron.

96.

In altr lugh, vestì d belli arm e insent,
Pr' aiutar santa Cisa in frezza al corr,
E, cun poca, ma risoluta zent,
Ai sforz d' un gran esercit s vin a upporr
E cun truvarsi sol pront e present
L' esercit ecclesiastich al succorr
In mod, ch' a trars al bon al nmigh cunvins,
Sicchè a s po dir ch' al vin, al ved e s vins.

97.

Al s ved armà dri al Po, ch' al vin al man
Cun un corp più tost grand e ben gvernà:
E fors an n' ha al campagn i Venezian
In Cìpr e in Candia contra al Turch mandà.
Mo pur al vins e gnida, emod s fa i cun
A so fradell i vint tutt quant ligà;
Al dsui ai dona tutt, e al gran battin:
L' nnor per lu, ch dar an po ai altr, al tin.

98.

I cavalir e l' dam sterv a guardar,
Senza ngotta capir, a quel figur:
Perchè nssun i' era ch' l' saviss spiegar
Ne dir, che gli ern quelli cos futier.
D guardar a quì mustazz in s san saziar,
E s van lizend quì nom e quel scizzur.
Sol da Melissa Bradamant instrutta
Ghigna, perchè la sà la cosa tntta.

99.

Ruggir, sebben ch' an fuss quant Bradamant
Ben informà, pur ai torna in t la ment
Che, in t' al numr di anud, i aveva Atlant
St' Impolit mininà del volt più d cent.
I gran riguard, an v prev mai dir ch' intant
Usa al re a quì sgnori e a qua sent.
Da per tutt i era sugh, fest, ball, e sanz,
E sempr tavi pini d bon piazanz.

100.

Oltra l' cumedì, i sun, i cant e i ball.
Cuntinament alla giostra s curreva;
A pi chi combatteva e chi a cavall.
Spass iusomma a so mod ugnun s tuleva;
Tra i altr, mai Ruggir andava in fall:
In giostra al di e la nott sempr vinzeva.
Agn cosa sempr a lu i era in favor:
Dor l' intrava l' aveva lu l' unor.

101.

Mo propri l'ultin di, in t'ora del denar,
Cun abbondanza e pompa principià,
E ch'al re a tavia avea tolt all'impar
Al spus, lu a manca e li da quel'altr là,
Per la campagna in frezza camminar,
Contra alla tavia, a s'vist un signor armà,
Tutt vsti d'negr, e 'l cavall vsti tal e qual,
Ch' mustrava esser nn om d'garb al personal.

102.

L'era quest al re d Sarza, Rudumont,
Ch, da dop ch la Bradamont zo dal puntsell
L'arbaltò, del so full per far al seont,
Al s vols assrar all'us d'nn rumitell
Un aunn, un mes, un di in cella; al tign cont,
Senz'arm, e iust quel di fineva a puell
Al temp, ch'antigament i s' sentenziavn
Da per lor, quand i cavalir fallavn.

103.

E cun tutt ch'in quel temp l'avias intes
Cmod andava la guerra a di per di,
Pr'en rompr al vod, al mur gli arm suspes
Stinn, cmod se ngotta s'i appartgnies a si.
Mo quand subitament fu l'ann e al mes
E al di determinà del tutt cumpi,
Cun nov arm, cavall, e scud e lanza
L'andò la cort a visitàr la Franza.

104.

Senza damuntar, senza chinare la testa,
O pur far un qualch att 'd riverenza,
Al mostra d'n'i stimar nessun per la pesta,
Ne del re Carl gnanch la real presenza.
Maravià ugnun d'un att quasi dspttos arresta,
Ch'al mostra què d'aver tanta insulenza.
D magnar i demittn, e, in mezz trunca el parol,
I ascoltn quel ch'al dis e quell ch'al vol.

105.

Contra Carl e Ruggir s'andò a fermar
S'umazz egarbà, digand arrugantment:
Mi, Rudumont, a son vgnù qui a sfidar
Ti, Ruggir, a battaia incuntinent.
E innanz ch vada so al sol ai vui provar
Ch'al to patron t'hà usà gran tradiment,
E t'en merit, perchè t'i un traditor,
Tra sti signori aver lugh ne nessun unor.

106.

Sebben ch la to perfidia è chiara e desverta,
Perchè fatt cstan adess t'en pu negarla,
Mi, per farla del tutt patenta e certa,
In camp adess a vui cun ti pruvarla.
E s'ai fuss qualch persona ch fiss l'offerta
D combattr in to lugh, a son pr'azzarla:
Ch'a in vigna, s'an basta un, si, dis, o cent,
A tutt'ai pruvard st mi sentiment.

107.

A sti parol Ruggir s livò su in pi.
E cun licenza, l'arspos, del re Carl:
Ch lu s'in minteva per la goia, e chi
D'esser stà traditor vlliss intaccarl.
Ch'a servir Agramant mai s tirò iudri,
Ne nssun, cun verità, psaveva sbiasmarl.
E ch l'era anch in quel punt pront e ammanvā
A sustintar ch'al s'era ben purtā.

108.

Ch'ai deva l'anm a dfenders da per lù
Senza dmandar o aver aiut da nssun.
Ch'al sperava quai ben d' tucclar su,
Ch'abbastanza, anzi d' tropp al n'arè d'un.
Qui Rinald al cugnà, qui Urand dinn sù,
Ulivir, cun i fiù, quest bianch, quell brun.
Dudon, Marfisa contra al cavalir.
Tutt per cumbattr la rason d' Ruggir.

109.

Za ch'è tant poch, i dsevn, ch Bradamant
S'è fatt la sposa, an s' dev sti nozz dsturbar.
Mo Ruggir diss al curt: Tasi tutt quant,
Ch l'è vergogna sti cos sol appinsar!
Gli arm, ch'al tols al fartr arrugant
Al s' fi ben prest dai su scudir purtar.
La spada i miss al re Carl a gallon
E i sprun i affiubbò al scarp al fiol d Milou;

110.

La sposa e la surella la curazza
I missu attorn, cun tutt l'altr arnes;
Astolf guidand Pruntin s' ralligra e sguazza:
La staffa i tign al fiol d'Uggir dancs.
D'intorn da per tutt finn larga piazza
Rinald e Nam, cun Ulivir marches,
Fagand andar ugnun fora dal stecà,
Ch'era pr'el gioistr semp preparà.

111.

Donn e ragazzi smorti el stavn tutt,
Ch'el s' attiatavn arrisgh d' tirar al fià:
Di mendicant propri el parevn el putt.
Quand al Rettor i fa una qualch bravà
Per qualch malestr, o per qualch cosa d' brutt
Dalla Guardiana in publicch accens.
Tutt tmevn ch'a Ruggir la n'andass mal,
Perchè ai pareva a Rudumont dsngual.

112.

Aqnsi pareva al popl e alla mazor
Part d' quei signori, baruu e paladin:
Pr'aver anch in memoria al gran furor
Ch mostrò dentr in Parigi quel sarazin
Quel di ch'al tacè fugh cun tant armor.
Destruzzend palazz e cà, cis e zardin,
Ch'a s' in ved anch al segn e s' vdri per di ann,
Ch la Franza n'ha avù d' quell al più gran dann.

113.

Mo sovra a tutt al cor in pett termava
A Bradamant, non perchè la pinsasse
Al re d Sarza più fort; quasi la n' sospettava,
Perchè quant so mari in valor passasse
E in curagg Rudumont la n' ignurava,
Ne ch'al n' avise tanta rason ch bastasse.
Tutt sti cos la saveva: sol l'amor
Grand, ch la i purtava, i feva aver timor.

114.

Oh quant vluantira l'arè tolt qu'impresa
Sovra d li, sebben anch prigulosa e incerta,
Cun tutt ch d'armagnr li là lunga dtesa
E morta la fuss stà sicura e certa!
Murir più volt a li una cosa pesa
La n' i pareva, pur ch l'avise averta
Una sicura strà al so car consort
Da n' s mettr a un prigul squas patent d la mort.

115.

Mo una rason bastant la n' pesi trovar,
Perchè Ruggir la lassasse far a li;
Bisogna donca ch la i staga a guardar,
Aveud d cuntiniv al cor la termari.
Intant tutt du i campinn s van a incuntrar
A lanza bassa cun gran vigniri:
Du canvazz paran el lanz, quand el se spozonn
E nsci i pize, che per l'aria vi saltonn.

116.

Indarn cors la so lanza al pagan,
Sebben ch' in mezz al bell scud al chiappò,
Tant'era fort l'azzarr, ch timpòr Vulcan
Quand pr' Ettor quel bon arm al fabbricò;
Mo la lanza ch Ruggir purtava in man
A Rudumont al scud nett la passò,
Cun tutt ch' un palm i dicesen ch' al fuas gross,
Dentr e fora d'azzarr, in t'al mezz d'oss.

117.

S la lanza n' fuss in pizz rotta andà a spass,
Cuod la s n' andò in t'al principiar d l'aessalt,
Ch'el steguel parsn un branch d parpai ch vulasse,
Tant saltonn luntan e andonn in alt,
Gli ariu a gli arrevea e' el fuesen anch d' un sass
Stà più duri, e d l'azzarr, del bronz, del smalt:
La giostra sre fini; mo in pazu la lanza
Andò, e i cavall in terra cun la panza.

118.

Mo prest Ruggir e prest anch al pagan
I i finn saltar in pi cun del sprunà:
I fustigun del lanz i trinn vi, e l' man
I missen al spad bruni e ben affilà.
Ora accustand, ora girand luntan
I brav cavall, da man mestra guidà,
Cun quelli i cunzipionn a lavurar,
Cercand la panza l'un d l'altr d furar.

119.

Al n'aveva la scorza del serpent,
Ch'era quai dura, attorn Rudumont,
Ne la spada d Nembrott aqusi putent,
Ne al solit elm, ch'al purtava in front.
Quegli arm al li lassò alla torr pendent
Quand Bradamant al fi andar zo dal pont
S'av' arcuirdà, quand la fu là cundetta
Da Fiurdiiti, qu' altra quai bella putta.

120.

Una bona armadura addoss l'aveva,
Mo cun la prima da n' star all'impar,
E ne qnesta e ne quella arsiset psseva
D Balisarda alla tempra e al so taiar.
Chè ne incant, eteriari, ne niint la tigneva
Ch'anch un diamant l'arè pesu traforar.
Per d zà, per d là Ruggir tant ben lavora,
Ch la pell del Sarazin in più lugh fora.

121.

Quand al vist Rudumont aver addoss
Quasi spessi el piagh: ne psers tant arparar,
Ch la mazor part di culp e del percosse,
Gli arm furand, n' i andasse sangu a cavar,
Tutt'instizzi, ch cun più gran rabbia en s moss
Contr un can furastir un can da becar,
Al trà vi al scud, e cun la so pussanza
Sovra l'elm d Ruggir un colp l'avanza.

122.

Cun qula forza ch'al beech d'un' antanella
Resistent e ben frà, secch, dur e pes,
Quand i l'han tirà attes alla zirella
E po d posta i al lassen andar zo d pes,
E po battin in t l'agoochia, aqusi smartella
Al pagan a Ruggir un colp, che, d fies
S'al n'era dal cimir, lu e l' so cavall
Cun quel colp al taiava senza fall.

123.

Ruggir andò dou volt a testa china,
A brazz avert, ch'al fu aquas per cascar.
Al re d'Alzir d mnari addoss n' arfina
E s n' i lassà tant temp da respirar,
Tant ch'in pizz al mandò la spada fina,
Ch'a qnla timpesta secca en pesi durar.
D zà e d là saltò i pizz, e quai al pagan
Armas cun sol l'impugnadura in man.

124.

Mo Rudumont per quest en s abigutti,
E addoss al s tri a Ruggir arrabbissment:
E quest dal gran picchiari era instornì
E s'en paseva a st so prigul aver la ment.
Mo Rudumont al dedò, ch'a v'al digh mi,
Cun metteri el man al coll quasi putentment.
Ch'al fu aquas per struzzari, e zo del slon
Al fi cascarl, cun un gran strapponn.

125.

Mo in terra an fu quasi prest, ch'in pi al s'alzò
Più da vergogna che da stizza d'adà:
Perchè alla cara sposa l'occh vultò,
E s'viat ch la s'era tutta d'scunturbà.
Una gran stretta li àv quand al cascò,
Per pora ch'an l'avies quel re ammazza.
Ruggir, per far vendetta d'qu'arzvù affront,
Cun la spada l'assalta Rudumont.

126.

Quest'i spinz al cavall contra, mo prest
Cun gran sveltezza indri Ruggir s'artira,
E, in t'al passar ch' al fà, alla breia lest
Del cavall al s'atrà, e d'intorn al gira.
E po cun qu'altra man un colp a sest
In t'al pett o in t'un fianch aptari al mira,
E cun dou fri a gl'indebliss la vitta,
Una a un gallon, qu'altra in t la cossa dritta.

127.

Rudumont, ch ben astricca in man aveva
D la spada, ch s'i rumpi, l'impugnadura,
Al mnò in t'elma a Ruggir, che quas al peseva,
Buscand un'altra, instramurtir d sicura.
Mo lu, ch da vinzr per rason l'aveva,
I chiappò al brazz cun tal destrezza e cura,
Dagandi un gran strappon cun tutt dou 'l man,
Ch zo dal cavall andar al fi al pagan.

128.

Fussla forza o fortuna, in t'al dar zò
Rudumont a Ruggir arstò al'impar;
Am'intend ch l'arstò in pi: quant' al rest pò,
Ruggir s ved cun la spada avantazar.
Al s'al fà star lontan per quant al po,
Ne d'accenstarsi l'ha gran fatt a car,
E s n'i trova i su cunt ch'i vigna addoss
Rudumont cun un corp quai grand e gross.

129.

Mo in st mentr ai ved al sangu uscir dal fianch,
Dalla cossa, e da tutt quegli altr fri,
E al spera a poch a poch ch'ai vigna manch
La vita, e aver vittoria in fin campi.
L'impugnadura in man qu'altr fin auch,
E i ultim sforz al fà, cun l'anm uni:
Cun tanta forza al la tirò a Ruggir,
Ch pr'al colp termend al s' sinti al fià finir.

130.

In fazza al l'acchiappò e in t'una spalla,
E ai fi sintir pena, d'olor, e briga,
E tant, ch, s'an cascò, tuttavi al tramballa,
E s cerca d' star in pi cun gran fadiga.
Al saraziu s fa innanz, mo al fià i accalla,
Perchè la piaga d la cossa l'intriga:
E, in t'al vlers più ch n'i dà 'l sou forz sfurzar,
In terra cun un znocch al tins andar.

131.

In t l'istess temp Ruggir i di an urton,
E s'al nizzò in t'al pett e in t'al mustazz,
E, per la forza d'un quasi gran spinton,
Al pagan andò in terra là a stramaz.
Mo prest al saltò in pi quel brav baron,
A travers piand Ruggir cun el sou braz;
Aqusi insem aggramplià, l'an l'altr prem,
La forza unend all'art in punt quasi estrem.

132.

Una gran part d la forza al re d'Alzir
Tolta avea la cossa e al fianch piugà;
Più svelt e destr s muveva Ruggir,
Ch'era a far al brazza ben spess avvià.
Del so vantazz allora al s vols servir,
E dov più averta al ved al sangu la strà
Al prucura d nutar, e s'i tin d'occh,
E s calca cun i gumd, pi, man e znocch.

133.

Rudumont, ch'è sfurzà dal mal ch l'incalza,
Ruggir astricca in t'el spall e in t'al coll,
E s'al sgavagna e tira, e in aria l'alza,
E in terra fari dar al vre un tracoll.
Ruggir aspetta la balla ch'i sbalza,
Perchè, se in terra l'ha da andar, al vol
Per se al vantazz, pr'al nmigh al pergiudizi,
E l'addrova per quest forza e giudizi.

134.

Tant s'abbadò Ruggir, e andò mudand
La presa, ch'al nmigh in bent al zinzì
Cun el brazz a travers, ben fort calcand
Al pett sovra a quel fianch dov l'era fri,
E po la gamba dritta intraversand
Tra 'l znocch al sarazin, tant ch'i arriusci
D livar l pes a st mod in aria, e pò
Maudari in terra cun la testa in zò.

135.

La sc'hina, el spall, la testa al re d'Alzir
Batti quasi fort, cascand in terra piana,
Ch'a s'viat al sangu in abbondanza uscir
Dal piugh, e agn'una par una funtana:
Quand la furtana s'viat aver Ruggir,
Cun una man a Rudumont al spiana
Al pugnal al mustazz, e qu'altra ai slanza
Al coll, e cun un znocch a gli è in t la panza.

136.

S'a i è qualch d'un, al qual ava pruvià.
Dop al prim sonn gustos d la seura nott,
Una cert cosa ch vin quand a s'è dalà
Ch'i disn al mazzapedr o al calcarott,
Ch'upprim tant, ch'arriugh tirar s po al fià.
Ne aver la vos ne gnanch far nssun mott,
Aqusi fu Rudumont dal brav Ruggir
Tgnù a steech, quand l' àv in terra battù al mssir

137.

Alla visira d l'elm prest ai mett
Al pugnàl, ch l'ha cavà fora in t'un tratt,
Dsendi ch'al s rendà adess, ch l'è arduàl al strett,
E dari vita e libertà ai fà 'l patt.
Mo qulù, ch manca passion d murir al s mett,
Che d viltà far un menumissen att,
Pr'arversar al so nmigh mena i garitt,
Mena 'l brazz, mena el gamb, mo quel e zitt.

138.

Cu' è un can da becar sotta a un bon can da cazza,
Ch'i ava in t la gola i dint aguzz pianta,
Al s smanìa, al s sbatt, e cun el zamp l'abbrazza,
Cun la schiuma alla bocca, i uech attusgà,
Per quant al s scossa, e per quant sforz al s fazza,
D cavarai d sotta al n'ha la libertà,
Aquis suzzed adess al re d'Alsir,
Ch n'attrova mod d scappar dal man d Ruggir.

139.

Mo pur al s sturzi tant, e tant al s mnò,
Ch finalment cun fadiga ai arriuci
D liberars al brazz dritt, e anch al cavò
Al pugnàl, ch d'or aveva al mangh guerni.
D frir Ruggir sotta al cust anch al tintò,
Mo, in t'al punt del gran prigul, quest s n'addi,
Cgnussend al guai, ch'intravguir psseva a là,
Poch ch l'intardass a dar la mort a qulù:

140.

Don o trei volt, dentr in t l'urribil front.
Alzand più quant al psseva alzar al brazz,
La lama del pugnàl a Rudumont
Tutta arpundi, livand aquai d'impazz.
Là in dov cun la so barca stà Caront.
Deligà dal corp, più dur e fredd d'un iazz,
Blastmand vulò qu'annazza negra e indegna,
Ch'a st mond d'argui fu sempr e d stizza pregna.

962836







A 547th 13th

1.5000

Died, Belgium.

C - 2

